





13-20, 9, 35



C. 14. f

7.11.5



PRIVILEGIORUM
IN PERSONA
SANCTI PETRI
ROMANO PONTIFICI
A CHRISTO
DOMINO
COLLATORUM
VINDICIÆ

In duas Partes, & quinque Tomos distribute

A F. HIEREMIA A BENNETTIS
CAPPUCCINO
PARS I. TOMUS II.



ROMÆ MDCCLVI.
TYPIS HÆREDUM JO: LAURENTII BARBIELLINI

SUPERIORUM FACULTATE.

APPROBATIONES.

OPUS, Cui Titulus: *Privilegiorum in Persona S. Petri Romano Pontifici a Christo Domino collatorum Vindicia in duas Partes, ac Tomos quinque distributa a R. P. F. Hieremia a Bennettis nostri Ordinis Cappuccinorum, Praelectore, ac Guardiano, summa vi, acri ingenio, ordinata methodo, ac luculentissimo stylo elaboratum, attente, nec non jucunde perlegi, jubente Reverendissimo P. Seraphino a Capricolle meritissimo Generali. Et quia nil Catholicæ fidei dissonum, nil Christianis moribus adversum in eo offendi, ideo publicis Typis dandum nedum existimo, imo peropto: in hac etehim sum sententia: Polemicum Armentarium istud esse, quo sive gladios ad feriendum, sive scuta ad hostilia tela retundenda Studiosi cuncti desumere possunt, ac præcipue debent S. Francisci Filii, pro illius nimirum Cathedræ defensione, ac munimine, cujus infallibili veritati, ac concessæ divinitus potestati Seraphicus S. Pater illos subditos esse speciali lege devovit.*

Romæ hac die 21. Januarii 1756.

*F. Hilariion à Feroletto Ordinis Fratrum Minorum S. Francisci
Cappuccinorum Ex-Provincialis, ac Defuitor Generalis.*

QUOD de Privilegiis Romani Pontificis a primis usque sæculis sensit, tenuitque ipsa universalis Ecclesia a Reverendo P. Hieremia a Bennettis Concionatore, ac Philosophiæ, & Theologiæ Exlectore, nec non Guardiano Cappuccino in opere, cui Titulus: *Privilegiorum in Persona S. Petri Romano Pontifici a Christo Domino collatorum Vindicie in duas Partes, ac Tomos quinque distributa*: de mandato Reverendissimi Patris Seraphini a Capricolle totius nostri Ordinis Ministri Generalis, summa animi mei voluptate, perfectæ, mira eruditione in lucem prolatum, plurimisque undique petitis argumentis confirmatum, constabilitumque sum admiratus. Ea propter quum nihil, quod vel mores, vel fidem lædat, offenderim, quo Romani Pontificatus, vel Heterodoxis Osoribus, vel Orthodoxis Censoribus omne præcludatur effugium, atque ad eorum omnium utilitatem, qui ad capeffendam veritatem optime sunt instituti, ac comparati, publica luce dignum censeo.

Romæ apud Immaculatam Conceptionem die 15. Januarii 1756.

*F. Josephus Maria u' Savorniano Ordinis Minorum S. Francisci
Cappuccinorum Ex-Provincialis, & Defuitor Generalis.*

NOS

IV

NOS F. SERAPHINUS CAPRICOLLENSIS
Totius Ord. Fratr. Min. S. FRANCISCI Cappuccinor.
Minister Generalis (licet immeritus).

*Reverendo in Christo P. F. Hieremia a Bennettis Concionatori,
& Praefectori nostrae Provinciae Cappuccinorum Pedemontanae
salutem, & omne bonum.*

Cum juxta Apostolicas, nostrique Ordinis Constitutiones per
duos idoneos, ac Definidores Generales, veluti Theologos
Censores revivum fuerit quoddam a te Opus compositum, cui Ti-
tulus: *Privilegiorum in Persona Sancti Petri Romano Pontifici
& Christo Domino collatorum Vindicia in duas Partes, ac Tomos
quinque distributa* &c. Tenore praesentium ad salutaris obedi-
entiae meritum, facultatem tibi impertimur, quatenus, servatis ser-
vandis, pro utilitate publica Typis mandare possis.

Datum in nostro Conventu Urbis die 24. Mensis Januarii
anno 1756.

F. SERAPHINUS, qui supra.

A. M. D. G.

Opus hoc Rev. admodum Patris Hieremiae de Bennettis ex Ordine Mino-
rum Cappuccinorum jussu Reverendissimi Patris Josephi Augustini
Ordi S. P. A. Magistri accurate, cogitateque a me lectum *Omnia Privilegia
S. Petro Apostolorum Principi, in ejusque Persona Romano Pontifici & Christo
collata* ita copiose, & orthodoxe explicat, ita erudite, solideque confirmat, ut
non immerito pulcherrimum, absolutissimumque Opus appellari possit; ac di-
gnum mihi propterea visum sit, quod ad majorem Christianae Reipublicae
utilitatem Typis edatur; quum in eo nihil offenderim, quod a Fide Catho-
lica, aut bonis moribus abhorreat.

Ex Araceli 16. Kalend. Junii anno 1756.

F. Johannes de Luca Venetus Episcoporum Examiner:

IMPRIMATUR

Si videbitur Revmo Patri Magistro Sacri Pal. Apostol.
F. M. de Rubis Patriarcha Constantinopolis. Vicefg.

IMPRIMATUR

Fr. Vincentius Elena Ordinis Praed. Reverendiss. Patris
Mag. Sacri Pal. Apost. Soc. E X



EX TRADITIONE
S S. P A T R U M
ECCLESIAE ORIENTALIS



ARTICULUS VII.
DE AUCTORITATE SS. PATRUM
PROLEGOMENON.



NIMO natura recte comparato, qui præjudiciis nullis, nulloque studio partium abstractus sit, & abreptus, statim, satisque perspicuum, persuasumque sit in rebus ad Religionem, moresque spectantibus, Majorum illorum, maximi ponderis fore, magnique facienda dicta, qui cum sapientiæ, tum sanctitatis laude exornati, locoque Patrum proinde habiti, a Christo Servatore nostro, cui coævi vixerunt, vel ab iis, qui coævi, continua successione, quæ nobis tradiderunt, dogmata accepta referunt, aut se accepisse testantur; quique quum Traditionis testes sint liquidi, & locupletissimi, quominus decipi, aut decipere potuerint, aut voluerint, prohibet quæ sapientia, quæ sanctitas, quibus excelluerunt. Dixi dum in rebus ad fidem, moresque pertinentibus traditioni testimonium perhibent: nam alia

Pars I.

A

de

de iis nobis insidet menti sententia, dum audiunt illi ut Doctores, qui suum de rebus dubiis iudicium proferunt, aut alienum exquirunt: dum ut Oratores, qui nihil certo definiunt, sed de rebus ornate, eleganterque disserunt: dum ut Historici, qui rerum gestarum narrationes subtexunt, aut temporum ætates narrationibus adsignant: dum ut Philosophi, qui in rebus ad supradicta non attentibus proprias opiniones proponunt, aut alienas insectantur. Quibus in rebus quanti Patrum dicta fieri debeant apprime docent S. Augustinus lib. 1. contra Julian. cap. 2., lib. 2. de peccato origin. cap. 23., & epist. 19. ad S. Hieronymum; S. Hieronymus epist. ad Ctesiphont.; & Vincentius Lirin. Commonit. cap. 39: nempe non tanti, atque de rebus fidei. Et quidem magis eorum dicta, & dogmata pendenda fore, si ipsa dogmata ab illis ad nos demandata undequaque dispiciantur, hincque, & illinc nil nisi sacrum, orthodoxum, sanctum, institutæ Religionis apprime consentaneum, instituendisque moribus apposite conducentissimum, reique christianæ pro loco, & tempore consonum redoleant, & referant. Quid enim in iis latere periculi, aut imminere ex iis piaculi, inferrique incommodi potest, ut ad Traditionis nomen, trepidetur, & paveatur? Et quidem maxime, si inter se illorum cohors cohæreat, æqualisque sit; si in eo scribendi, docendi, & credendi genere illorum multam partem non peccasse perspicuum sit; si summa diligentia, studioque curatum, cautumque ab illis sit, ne sibi ullo modo subreperetur, aut obreperetur; unde falli ipsos fraude, aut falsis alios fallere possent: si uno verbo istæ tres regulæ servantur, non est cur Traditiones in dubium revocentur, vel concedentibus Critices intemperantioris viris Launojo dissert. de Sulpitio Severo §. 16., & Richardo Simonio hist. crit. lib. 1., scilicet 1. Si de re tradita diversis & temporibus, & locis scriptum sit a pluribus exploratæ fidei viris, qui producantur in testes. 2. Si scriptores illi, si non verbis, certe sensu convenient in testimonio de re accepta per Traditionem. 3. Si iidem scriptores ad rei gestæ originem, quæ veritatis caput est, continua serie rem traditam referant; vel ipsimet continua successione reducantur. Si iterum, ut morosiori cuique Critico occurram, ac satisfaciam, si, inquam, aliæ nonnullæ in summam veniant regulæ, quæ emun-

dioris

VINDICATA . ARTICULUS VII. PROLEG. 3

storis naris viris arident, Dupinio de doctrina Christi cap. 11., & Thjerio dissert. 1. de Lacryma Vindocinensi, & in exercit. adversus Launojum, videlicet 1. Si illud, quod traditum Patres testantur a prisco ævo obtinuit, deinde ab uno ad alium in Ecclesia manavit, deque illo omnium, aut penes omnium sæculorum, iique graves scriptores testari sunt. 2. Si Ecclesiæ universæ illud a prioribus sæculis in more positum concorditer habuerint; pro illoque Patres plurimi testimonium perhibuerint; neque contra ab aliis Patribus pugnatum sit. 3. Si moris istiusmodi iniurium, & institutio ab Apostolis deinceps non adpareat, in eoque more tradito appareat nihil vanum, nihil superstitiosum, nihil vitiosum, nihil inutile, nihil incredibile, nihil veritati, temporibus, usibus, moribus, ritibus adversum. 4. Si qui tradiderunt, non inconsulta rarione, non incaute, ac sine causa tradidisse constet: nec e contra sint, qui ab iis tradita oppugnarint, difficulatesque opposuerint difficillime eludendas; iique fuerint vel ejusdem, aut proximi ævi, paris ferme auctoritatis, diligentiaque haud absimili in eo studio versati. Tandem Traditionis, ac certæ, indubixque quidem auctoritatis loco habenda sunt juxta Vincentium Lirinensem Commonit. cap. 3., quæ semper, quæ ab omnibus, vel fere omnibus Patribus retenta, prædicata, ac propugnata, sunt: ex quo tres regulas esse observandas circa Traditiones, *Universalitatem*, videlicet, *Consuetudinem*, & *Consensum* colligit Gravina de præscripr. lib. 4. art. 6: vel juxta S. Augustinum lib. 4. contra Donatist. cap. 24. *Quod universalis tenet Ecclesia, neque a Conciliis institutum, sed semper retentum est, nonnisi auctoritate Apostolica traditum rectissime creditur*: ideoque ejusmodi Traditionis indubii sunt testes SS. Patres. Ex quo tres regulas depromit doctiss. Melchior Canus de loc. Theolog. lib. 3. cap. 4: scilicet si Patres juxta temporum suorum successionem illam doctrinam tenuerint, oppositamque ut hæreticam impugnaverint. Si ejusmodi doctrina Patrum communi consensione fidelium probata fuerit, neque fluere potuerit ab humana potestate. Si Patres uno ferme ore restentur talia dogmata ab Apostolis dimanasse. Vel juxta S. Irenæum lib. 3. adversus hæres. cap. 3., ex quo eam laudat Bellarminus lib. 4. de verbo Dei cap. 9., pro dogma-

te ab Apostolis tradito procul dubio habendum, si illud semper custodierit, servarit, & tenuerit Ecclesia aliqua, in qua integra, continuata, & illustris sit successio Episcoporum ab aliquo Apostolo: (cujusmodi præ ceteris est Romana a S. Petro Apostolorum Principe, cujus proinde præ ceteris summo loco habendæ sunt Traditiones:) hoc est, in qua ascendendo per Episcopos sibi succedentes pervenitur demum ad Apostolum aliquem, a quo ejusmodi Ecclesia immediate est instituta; nec adparet ab aliquo ex Episcopis illis novum dogma introductum. Si ista scilicet interveniant, [ampliora enim desiderare nescio si Criticus vel fastidiosior possit,] SS. Patrum dicta; & dogmata ceu Dei verbum traditum indubie habenda esse, atque a verbo Dei scripto secundum locum obtinere asseverantissime ajo.

Atque ut ita ajam, efficit 1., Quod id sacra Scriptura jubeat: 2. Quod id ipsa divina Traditio doceat: 3. Quod id Catholica Ecclesia teneat: 4. Quod id ratio Theologica suadeat. Equidem principio in Lege naturæ, qua nondum Scriptura sacra exstabat, Traditiones extitisse divinas Adamo adspiratas, ab eoque in posteros diffusas oportet, quibus homines ad Deo cultum impendendum, & ad æternam salutem assequendam dirigerentur. Quum enim id sine fide divina fieri nequeat; neque sine revelationibus fides divina esse possit; palam fit revelationes divinas viva voce dumtaxat traditas, & conservatas; neque ullo ab auctore ex Dei inspiratione conscriptas fuisse, quum omnium primus sit Moyses, qui a Deo inspiratus sacra volumina litteris consignavit. Traditione igitur divina in Lege naturæ docebantur homines existentiam unius Dei, qui justorum, & impiorum esset remunerator, & vindex: immortalitatem animæ, quæ pro meritis in cælis præmium æternum, pro demeritis in infernis pœnam æternam consecutura esset: originale peccatum, ejusque expiationem: pro expiatione peccatorum, hominumque redemptione adventurum Messiam: actus fidei, spei, charitatis, & contritionis perfectæ ad expianda peccata: actus religionis, sacrificia, & ritus colendi Deum, aliaque ejusmodi. In lege Mosaica præter Scripturam sacram extitisse divinas Traditiones perspicuum fit ex Scriptura ipsa sacra Deuter. 32, 7; Psal. 43, 1; Psal. 77, 5, 6; Ecclesiastici 8,

11; Isaïæ 38, 19; Jeremiæ 6, 17; Malachiæ 11, 7, &c: atque ex eo, quod pleraque fide divina credebant Judæi, quæ nonnisi Traditione divina tenere poterant: quemadmodum S. Scripturæ libros in canonem relatos auctoritatis esse divinæ, atque a Deo revelatos; peccatum originale expiari, ac deleri per remedium aliquod a Deo institutum cum pro foemellis, tum pro masculis ante diem octavum obeuntibus. Origenes equidem hom. 6. in Johann., & S. Hilarius enarrat. in psal. 2. auctores sunt Moysen quamvis Pentateucho legem digessisset, quædam tamen separatim ex occultis Legis secretiora mysteria 70. Senioribus, a quibus reliquum Judæorum vulgus oretenus edoceret, tradidisse, traditione deinceps tantummodo conservanda: hujusque traditæ doctrinæ meminisse Christum D. Matth. 23, 21, *Super cathedram Moysis &c.* Non is sum ego sane, qui fabellis delecter Judæorum; non ero tamen, arbitror, ingratus, nec præter rem, eamque adeo gravem agere putarim, si arrepta opportunitate, quod alibi operofius agam (Deo dante, & vita comite) nonnihil de Judæorum traditionibus promam.

Judæi itaque traditiones suas legem oralem appellant, sicuti Pentateuchum Moysis legem scriptam: quam perdurasse ajunt usque ad obitum Simonis Justi, quo tempus scripturæ desit; ab obitu Simonis vero, videlicet ab anno 292. ante Christianam Æram incepisse tempus legis oralis, seu traditionis, seu Misnæ; adeo; ut qui traditionibus hujusmodi minus deferrent, uti Caraitæ, continuo veluti hæreticos haberent. Videlicet ad tempus usque, quo magna Synagoga permansit, (permansit vero usque ad Simonem Justum Synagogæ magnæ postremum,) nulla ferme præter Scripturam Judæis erat fidei, morum, rituum, religionisque norma, & regula: ab eo autem tempore cœpit id esse lex oralis, seu Traditio, seu Misna, seu secunda lex, quique eam tradebant Doctores Misnici audire cœperunt. Verum ab ovo, ut ajunt, sive ab exordio res est repetenda. Moyse igitur in monte Sinai una cum lege digito scripta, a Deo traditam oretenus legem alteram, exinde oralem dictam, eandemque deinde a Moyse velut depositum Senioribus populi traditam ad posteros transmittendam jactant Judæi. Utramque esse divinam, parique jure servandam ajunt,

ajunt: scriptam, subdunt, obscuram esse, implexam, & ambiguum, ac proinde nec intelligi sine orali posse; nec observari absque modo ab orali præscripto oportere. Quo fit, ut traditionem facile Legi scriptæ præferant; factumque ut scripta posthabita orali dumtaxat adhæserint adeo, ut ad scrupulum non modo, sed ad superstitionem traditiones suas colant, & consecretur. Quæ de re a Christo Domino Marci 7, 13. gravissimis verbis objurgati sunt. Post Moysen a laxata captivitate, sicut Esdræ restauratam legem scriptam referunt, ita eidem referunt acceptam legem oralem. Subinde sola Seniorum traditione servatam ajunt; quæ ita facile quoque augeri potuit usque ad tempus Rabbi Judah filii Simonis Justi (qui Judah ob vitæ sanctimoniam dictus a suis est Haccadosh, idest Sanctus, atque scholam Tyberitensem regebat, ac Synedrio præerat) a quo primum lex oralis in libros digesta est. Hic igitur Haccadosh hacce in se suscepta provincia legem oralem, seu traditiones in volumina colligendi, eas omnes 6. libris complexus est, quibus 63. tractatus comprehenduntur: hoc est celebre Misna circa annum 150. a Natali Domini adornatum, Judæisque adeo carum, ut cum Hierosolymis, tum Babylone commorantes in illud studium omne suum contulerint, illudque commentariis illustrarint. Ejusmodi commentaria in Misna una cum textu, seu Misna constant illa duo Judæorum *Thalmuda*, idest Hierosolymitanum, & Babylonicum; quæ commentaria vocant *Gemmara*, hoc est supplementum, quod nimirum Misna illustret: unde *Misna* est lex oralis, *Gemmara* ejusdem legis explanatio. Ex utroque vero, ut innui, constat Thalmud, vel Hierosolymitanum an. 300. *Æræ* christianæ eo loci elucubratum, constatque vol. 1. in fol.; vel Babylonicum an. 500. Babylone adornatum, cujus postremæ editio Amstelodamensis est vol. 12. in fol.; quibus duobus Thalmudis universa Judæorum lex comprehenditur: sed quanto nunc a Judæis Hierosolymitanum ob sui obscuritatem posthabetur, tanto majori in pretio habetur Babylonicum, cui Judæorum superstitio omni modo coaptare se studet. Qui vero in traditiones studia sua Hebræorum doctiores contulerunt, vocati sunt quando *Tannaim*, hoc est traditionem dantes; quando *Anno-
raim*, hoc est traditiones Misnæ dictantes; quando *Seburaim*, vide-

videlicet opinantes circa Thalmud ; quando *Geonim*, scilicet Doctores sublimes: nunc jam usitato nomine Rabbi donantur. Si plura aveas, poteris adire (scilicet) Majmonidem in præfat. ad *Seder Zeraim*, qui Thalmud in epitomen redegit, inscripsitque *Yad Hachazakah*, idest digestum legis, opus Judæis apprime acceptum ; David Gantz in *Zemach David* ; Calmetium in diction. Bibl. V. *Maffra* ; *Cabala &c.*, Buxtorfium de opere Thalmudico, & Synagoga Judæorum ; Schichardum in *Bechinath Happerushim* ; Hottingerum in Thesauro ; Lightfoot in harmonia 4. Evangelist. ; Pridæum hist. Judæor., & popul. vicin. lib. 16. ; Basnagium in contin. Josephi tom. 6. lib. 9. cap. 7. ; Vorkium in observ. ad *Zemach David*, aliosque . Jam enim pudet, pigetque in his diutius, quam par est, immoratos esse, pretiosumque adeo tempus in hæc trivisse. Nisi ea ratione trivi, ut tandem intelligant Hethærodoxi quanto in pretio apud Hebræos Traditiones habitæ sint.

In lege Evangelica Traditiones a Christo Domino accepisse Apostolos, Ecclesiæ universæ concedendas, ideoque ab eadem religiose custodiendas liquet ex Johan. 16, 12, & 13: *Adhuc multa habeo vobis dicere, sed non potestis portare modo; quum venerit ille Spiritus veritatis docebit vos omnem veritatem: ex Johan. 20, 30. Multa quidem & alia signa fecit Jesus, quæ non sunt scripta in libro hoc*; quem locum ipse Johannes Clericus dissert. 2. canon. 3. intelligendum ait, non de solis Christi miraculis, sed etiam de Christi doctrina verbis tantummodo tradita; quamvis more suo subdat eadem dicta verbo tradita, nec scripto concedita ad salutem necessario non spectare: ex Act. 1, 3, *In multis argumentis per dies 40. apparens eis, & loquens de regno Dei: quibus illud exprimitur, quod ait Tridentinum sess. 4. decreto de Canon. script. Apostolos, quas nobis traditiones reliquerunt, quarumque Patres testes sunt locupletissimi, partim ex Christi ore, partim ex Spiritus S. afflatu accepisse. Liqueat ex Act. 15, 40; Paulus electo Sila . . . Perambulabat Syriam, & Ciliciam confirmans Ecclesias, præcipiens custodire præcepta Apostolorum: ex Act. 16, 4. Quum pertransirent (Paulus, & Timotheus) Civitates, tradebant eis custodire dogmata, quæ erant decreta ab Apostolis. Quibus illud significatur traditiones, quas uno consensu Patres profec-*

ferunt, ab Apostolis profluxisse. Liquet ex Johann. epist. 3, 12; & epist. 3, 13. *Plura habens vobis scribere, nolui per chartam, & atramentum, spero enim me futurum apud vos, & os ad os loqui*; ex Corinth. 11, 2. *Laudo vos fratres, quod per omnia mei memores estis, & sicut tradidi vobis, præcepta mea tenetis... cetera quum venero disponam... Accepi a Domino, quod & tradidi vobis*; quæ Apostoli loca de traditionibus interpretantur SS. Patres Basilii lib. de Spiritu S. cap. 29; Epiphanius hæc. 61; Chrysostomus hom. 26. in 1. ad Corinth.; atque Augustinus epist. 118. ad Januarium. Liquet ex epist. 2. ad Thessalon. 2, 14. *Itaque fratres state, & tenete traditiones, quas didicistis sive per sermonem, sive per epistolam nostram*; & cap. 3, 6. *Denuntiamus vobis fratres... ut subtrahatis vos ab omni fratre ambulante inordinate, & non secundum traditionem, quam acceperunt a nobis*. Quibus locis traditiones ab Apostolis relictas Ecclesiæ, quibus edoceret, affirmant S. Cyprianus in epist. ad Pompejum; S. Basilii lib. 3. contra Eunomium; Ambrosiaster in 2. Thessalon. 2; S. Chrysostomus hom. 4. in epist. ad Thessalon.; S. Johannes Damascenus lib. 4. de fide orthodox. cap. 17.; Oecumenius, & Theophylactus in cit. epist. 2. ad Thessalon. cap. 2. Liquet tandem ex 1. Timoth. 6, 20. *Depositum custodi, devitans profanas vocum novitates*; ex 2. ad Timoth. 1, 13. *Formam habes sanorum verborum, quæ a me audisti in fide, & dilectione in Christo Jesu... bonum depositum custodi*; cap. 2, 1, 2. *Quæ audisti a me per multos testes, hæc commendanda fidelibus hominibus, qui idonei erunt & alios docere*; & cap. 3, 14. *Permane in iis, quæ didicisti, & credita sunt tibi, sciens a quo didiceris*. Quo loco depositi nomine significatas traditiones interpretatur Vincentius Lirinensis in Commonit. cap. 27.

Apposite auctor Eusebius est lib. 3. hist. Eccles. cap. 18. a S. Matthæo non antea Judæis conscriptum Evangelium, quam prædicatum; lib. 2. cap. 15. a S. Marco Romanorum rogatu Evangelium exaratum; lib. 6. cap. 14. a S. Luca exemplo aliorum permoto Evangelium litteris demandatum; & lib. 3. cap. 24. a S. Johanne multo post tempore a prædicato Evangelio istud publici juris factum; ob idque, ut de Christi Divinitate, de qua ceteri parce, ipse liquido, & luculentius sermonem texeret.

Sat

Sat erat ergo sola Traditio Ecclesiæ instituendæ : nec ullo Christi præcepto compulsi sunt publicis litterarum monumentis Evangelium commendare . Audiatur Hugo Grotius in vot. pro pace Ecclesiast. , ubi plurimum Rivetum perstringit , efficaciterque exagitat : *Cur ergo eadem , inquit , quæ tradiderunt Apostoli non & scripsere ? Dicam , quia scripsere ex occasione nata , & quæ tempus ferebat , non aliquod corpus doctrinæ , ac regiminis : illa autem quæ ad regimen , & pacem Ecclesiarum pertinebant , magnis sane scripta erant litteris , usu conspicuo earum Ecclesiarum , quas Apostoli fundaverant . Et infra . Jam vero non omnia , quæ sic dixere Apostoli fuisse perscripta , testatur ipse Paulus , quum obediri vult iis , quæ docuerat sive per sermonem , sive per epistolam Par ergo doctrinæ utriusque jus est . Ibidem Riveto objicienti respondens Grotius , At vult , subdit , de scriptis nobis constare , de dictis non item : id vero ego pernego : in scriptis varietates sunt innumerae . . . particula non pauca in aliis codicibus apparent , in aliis non apparent : in vocibus , tum singulis , tum conjunctis magna diversitas . Quid in his verum sit discernere ingens labor , nec semper felix . Traditionem autem esse Apostolicam quomodo probetur , querit D. Rivetus : dicam : primum juxta præsumptio est ab Apostolis tradita , quæ ubique in Ecclesiis reperiuntur , & quorum alia origo non apparet . Deinde si accedant testes aliquot pii , prudentes , atque magnæ in Ecclesia auctoritatis , qui affirmant hoc velut ab Apostolis traditum , jam probationem habemus tantam , quanta in hac materia sufficit ; nec minorem ea , per quam scripta Apostolica a non Apostolicis dignoscimus . Quod invenerunt in Ecclesia , tenuerunt ; quod didicerunt , docuerunt ; quod a Patribus acceperunt , hoc filiis tradiderunt , ait Augustinus . . . Si quis sit tam pertinax , tam facile effugia contra libros reperiet , quam contra Traditionem . Sed conveniebat Divinæ providentiæ curare , ne aut libri in rebus maximis , aut etiam Traditio adulteraretur ; & id præstitit . Ita Grotius ille , quem æque atque Hammondum SS. Irenæo , & Justino facile præfert impudentissimus Clericus . A Grotio vero , dic , sodes , non ab homine communionis nostræ dicam , quid his expressius , disertius , efficaciusque desiderare est ? Ex dictis autem hæcenus liquet tam impudenter , quam*

Part I. B per-

perpetam affirmasse Remnitiū de 7. gener. Tradit., Brentium in prolog. de Tradit.; Hamelmandum lib. de Tradit.; aliosque plures e grege Protestantium Apostolos omnia prorsus, quæ ore-
tenus a Christo acceperunt, aut de quibus interius a Spiritu S. instructi fuerunt, in suis epistolis ad epitomen regessisse.

Post hæc idem docet auctoritas Patrum, quorum si quæ, ac sicubi, in hac Traditionum doctrina, major desiderari consensio nequit, una voce divinis Traditionibus testimonium dantium. Per singulas Ecclesiæ ætates cursim excurram, atque ex eis, qui præcipuo in honore habiti sunt, nonnullos attingam, ex quibus quæ ceteris sententia infederit similiter intelligatur; siquidem persequi ad unum omnes velle, nec vacet, nec præstet. Itaque ex I, & II. sæculo Ecclesiæ S. Ignatius Martyr in suis genuinis epistolis de Quadragesimæ jejuniis, de die Dominico, de minoribus Ordinibus, deque aliis in Ecclesia receptis disciplinis, & ritibus, non ex Scriptura, apud quam ne vola quidem, sed ex sola Traditione perspectis, atque in Ecclesia receptis agit: atque ut de illo narrat Eusebius lib. 3. hist. Eccles. cap. 36, per Asiam captivus pertractus Christifideles hortabatur, inter alia, ut Apostolorum traditionibus tenaciter inhærerent. Legendæ S. Ignatii epistolæ ad Magnesianos, ad Smyrneneses, ad Philadelphios, &c. quas quidem Dalæus, Salmasius, Blondellus &c. pseudo-epigraphas contendunt, vindicarunt tamen, genuinosque S. Ignatii fœtus demonstrarunt Pearsonius, Hammondus, Vedelius, Isaacus Vossius, Usserius; Petavius de Eccles. Hierarch. lib. 5. cap. 8, Du Mesnil discipl. Eccl. lib. 3. n. 30, Natalis hist. Eccl. ad sæcul. I. differt. 23; & recens P. Mamachius orig., & antiq. Christ. lib. 4. cap. 4, quem præ aliis ut adeas tibi auctor sum. S. Polycarpus, ut est apud Eusebium lib. 5. cap. 20., & apud S. Irenæum in epist. ad Florinum apud cit. Eusebium, & lib. 3. adv. hæc. cap. 3, multa referebat, quæ a Christo Domino dicta de Apostolorum ore ipsemet audierat, subditque S. Irenæus: *Studiose audiebam, non in charta, sed in corde meo ea consignans, & semper per Dei gratiam exacte ea mente revolve.* S. Papias lib. 4. exposit. serm. Domini, & apud Eusebium lib. 3. cap. 39. Apostolorum dicta ab his, qui cum illis versati fuissent, se excepisse refert. Papiam autem

Johannes Ernestus Grabbius vir e Protestantium grege in suo Spicilegio Patrum sæculi II, quamvis quoad opinionem de millenario Christi regno laudibus se temperet, quoad reliqua præconiis cumulat; contenditque contra Valesium Eusebii lectioni lib. 3. cap. 36. intrusa minime esse verba illa de Papiæ, quibus appellatur, *Vir imprimis disertus, ac scripturarum peritus*. S. Clemens Romanus, ut est apud S. Irenæum lib. 3. cap. 3, ad Corinthios, quos diro schismate divexatos intellexerat, epistolam inscripsit, *Annuntians, quam in recenti ab Apostolis acceperat Traditionem*. S. Justinus in apologia 2. prope fin. pleraque a Christo Domino Apostolis dicta, & tradita refert, quæ religiose in Ecclesia custodiuntur, nullibi autem in Scriptura sacra leguntur: inter quæ de aqua vino miscenda in calice; de Eucharistiæ non communicando ante Baptismum; quam quidem traditionem de calice offerendo aqua temperato Dominicam quoque appellat S. Cyprianus lib. 2. epist. 63. Hegefippus, ut est apud Eusebium lib. 2. cap. 22; lib. 3. capp. 20, & 32; & lib. 7. capp. 8, & 12, Apostolorum traditiones, ut audire poterat ab eorum discipulis, quibus coævus fuerat, quinque libris comprehendit: cujus tamen cave, ne existimes esse, quæ circumfertur, historiam excidii Hierosolymitani libris quinque digestam. A laudibus hic abstineo S. Dionysii Areopagitæ in lib. de Eccles. Hierarchia cap. 1, ubi asserit ab Apostolis Ecclesiasticas institutiones partim scriptis, partim non scriptis traditas, quia quamvis ipsius opera genuina reputent inter alios Baronius, Bellarminus, Sixtus Senen. bibl. lib. 2, Possevinus in appar.; Abraham Echellensis in epist. ad Johan. Morinum; Natalis hist. Eccles. ad sæcul. I. dissert. 22; Laurentius a S. Laurentio Ord. Minor.; Nourius, Corderius &c. Contra tamen pugnant post Laurentium Vallam, Rivetum, Scultetum, Pearsonium, Dalæum, Blondellum, Erasum, Cavæum, Dupinium, Launojum, Morinum, Lequienium, Tillemontium, Labbeum, Bollandum, Sirmondum, Pagiū, &c. eruditi Critici; quam in rem vide Cabassutium, notit. Eccles. ad sæcul. VII. in Concil. Constantinopol. II; & Scriptorem *Problematis sapientibus propositi* anno 1708. de Auctore oper., quæ S. Dionysii Areopag. nomine circumferuntur;

12 PRIVILEGIA ROM. PONTIFICI

tur; unde incerto auctori nolim tantam concedere causam :

Ex III, & IV. sæculo S. Irenæus lib. 3. adv. hæret. cap. 2, 3, 4, & 5. multis celebrat Traditiones, maxime Romanæ Ecclesiæ, quibus hæreticos illas pernegantes, ac præsertim Marcionitas perstringit, ajens inter alia : *Maxime, & antiquissima, & omnibus cognita, & a gloriosissimis duobus Apostolis Petro, & Paulo Romæ fundata, & constituta Ecclesiæ Traditionem, & annuntiatam hominibus fidem per successionem Episcoporum pervenientem usque ad nos indicantes, confundimus omnes eos.* Clemens Alexandrinus in lib. hypotypof. apud Eusebium lib. 6. cap. 13. Pantænum magistrum suum laudat, quod traditiones a Majoribus acceptas posteris commendans exponeret; & Stromat. lib. 1, 6, & 7. scribit a Christo D. Apostolis non omnia scribenda contradita; nec ab Apostolis omnia omnibus, sed pleraque, ac paucis in occulto tradita. Origenes in præfat. lib. 1. Periarchon Traditionem Apostolicam certissimam veritatis regulam affirmat: tract. 29 in Matth. Traditionem esse regulam ad discernendas scripturas apocryphas, quas obtrudunt hæretici, ab authenticis, quas usurpat Ecclesia, monet: lib. 1. exposit. in Evang. S. Matth. ait traditione se accepisse quatuor tantummodo Evangelia admitti in Ecclesia; & in cap. 6. epist. ad Roman. asserit ab Apostolis traditione accepisse Ecclesiam etiam parvulis baptismum esse conferendum. S. Serapion Antiochenus Episcopus in lib. de Evangelio Petri, cujus fragmentum exhibet Eusebius lib. 6. cap. 12, illud Evangelium a Marciano quodam hæretico obtrusum ideo rejicit, quod Traditio illud S. Petro falso adscriptum doceat. Tertullianus lib. de Coron. milit. capp. 3, & 4. traditiones non scriptas pluribus vindicat, earumque observantia Christifideles adstringi affirmat, in quarum censum refert ceremonias, ritusque multos de baptismo; de anniversariis diebus Defunctorum; de jejuniis solvendo die Dominica; de geniculatione in orationibus; de crucis signo &c., post quæ, *Harum, inquit, & aliarum hujusmodi disciplinarum, si legem expostules scripturarum, nullam invenies: Traditio tibi prætenditur auctrix, consuetudo confirmatrix, & fides observatrix.* Idem lib. de carne Christi cap. 2, & lib. de præscript. capp. 17, 18. &c. hæreticos scripturis non solum

lum revincendos, sed imo Traditione admonet. S. Cyprianus, quem Patris loco se habere, ac magni pendere affirmat Johannes Fellus Anglus Episcopalis præfat. in oper. S. Cypriani, lib. 2. epist. 63, vinum aqua temperatum in Altari offerendum ex Traditione probat; epist. 70. ex Traditione docet ungendos esse, qui baptizati sunt; & lib. de spectac., si tamen genuinus ejus fœtus est, multis non scriptis, sed traditis nos utiliter, recteque uti scribit.

Eusebius lib. 1. demonstr. Evang. cap. 8. auctor est locuples Apostolos, & discipulos a Christo D. multa Traditione accepisse, multa ex Christi Domini jussione oretenus servanda tradidisse. S. Athanasius in epist. ad Afros, & lib. de decretis Nicæne Synodi affirmat Nicænos Patres non tam Scripturæ testimonio, quam sacra Traditione edoctos vocem *Omoúsion* Symbolo apposuisse, & Traditione Arianos in eam vocem insurgentes perstringit, & arguit. Idem in libro de Synodis Nicænos Patres non quidem ad Scripturam, sed ad Apostolicam traditionem, cujus jam certus assertor extiterat S. Victor, seu ad certissimam regulam decretum de Paschatis celebratione exegisse perhibet. S. Basiliius hom. 24. adversus Sabellianos, Arianos, & Anomæos, & lib. de Spiritu sancto capp. 9, & 27, Spiritus sancti Divinitatem, & consubstantialitatem adversus hæreticos illos traditione adstruit: eademque traditione nos edoceri ait, ut Confirmandi signo Crucis signentur; ut ad Orientem versi oremus; ut in Missa sacratoria, voce submissa recitemus, &c. Legendæ quoque ejusdem epistolæ 243. ad Episcopos Italiæ, & Galliæ, & 261. ad Sozopolit. S. Gregorius Nisænus S. Basilii germanus lib. 3. contra Eunomium, istius errores traditione ab Apostolis continua successione accepta exagitat. S. Epiphanius hæresi 75. Aerium Purgatorium, & orationes pro defunctis impugnantem ex sola Traditione refellendum sumit; & hæc. 61. affirmat oportere traditione uti: *Nam non omnia*, inquit, *accipi possunt a Divina Scriptura*. Legenda præterea, quæ scribit hæc. 35, vel 55; hæc. 49, vel 69; hæc. 56, vel 75. S. Cyrillus Hierosolym. Cathéch. 5. multa ex Traditione docet. S. Gregorius Nazianz. orat. 3, seu 1. contra Julianum dogmata S. Scripturæ mirabilia visa Juliano inquit,

quit; sed majorem, subdit, & insigniorem esse Ecclesiæ doctrinam traditione acceptam, ac religiose servatam: cujus traditionis inter exempla recenset Ecclesiæ politiam, disciplinam, ordinem; item rationem psallendi; modum poenitentiae; Sacra in templis; Cœnobîa Monachorum, & Virginum, aliaque plura ex sola traditione profecta. S. Ambrosius lib. de myst. cap. 2, lib. de Sacram., & lib. de Elia, & Jejunio cap. 10. ex traditione multa, ac præclara profert.

Ex V, & VI. Ecclesiæ sæculo S. Johannes Chrysostomus hom. 4. in 2. ad Thessalon. perspicuum ait pleraque ab Apostolis etiam sine scriptis tradita: *Quamobrem, inquit, Ecclesiæ quoque traditionem censeamus esse fide dignam.* Idem multa de Traditione habet hom. 2. in psal. 118; hom. 3. in epist. ad Rom. 3 hom. 26. in 1. ad Corinth. cap. 11; hom. 3. in epist. ad Philip. 3 hom. 5. in 2. ad Thessal. cap. 3; & lib. de Virgin. in illud 1. Corinth. 7, 12. S. Proclus Constantinopolitanus in epist. ad Armenos adhortatur, ut traditiones a Patribus auditas diligenter custodiant. S. Hieronymus in dialogo adversus Lucifer. cap. 4. ex Traditione, etiamsi ex Scriptura non constaret, Confirmationis sacramentum constare tamen ait: idem in epist. 28. ad Lucinium, & 54. ad Marcellam traditiones Ecclesiasticas, inter quas Quadragesimam, quæ præsertim fidei non officiant, ita observandas, ut a Majoribus traditum est, admonet. S. Augustinus epist. 54. ad Januarium scripta non modo, sed tradita custodienda esse scribit, quemadmodum quod Domini Passio, & Resurrectio, & Ascensio in cælum, & adventus de cælo Spiritus sancti anniversaria solemnitate celebrantur. Idem lib. 2. contra Donatist. cap. 7. affirmat Ecclesiam Apostolica traditione edoctam ab Anabaptismo abhorre: cap. 14. eadem traditione Ecclesiam ad altare non baptizarum non admittere: lib. 4. cap. 6, & cap. 24. superius a nobis recensitam profert de Traditione regulam: *Quod universa tenet Ecclesia; nec a Conciliis institutum, sed semper retentum est, non nisi auctoritate Apostolica traditum rectissime creditur:* lib. 5. capp. 23, & 24. ex eadem traditione Ecclesiam credere asserit etiam parvulis baptismum prodesse. Nec modo Donatistas, sed & Pelagianos Traditionis pondere S. Doctor premit lib. 2. contra Julian., testimo-

monio

monio SS. Irenæi, Cypriani, Rheticii, Hilarii, Olympii, Gregorii, Ambrosii, Innocentii, Johannis, Basilii, & Hieronymi obnoxios peccato originali homines universos probans. Sed & eundem legere est lib. 1. contra Cresconium cap. 33; lib. 1. de peccat. merit., ac remis. cap. 24; & lib. 10. Genes. ad litt. cap. 23; instituti enim nostri fines excedimus, si omnia proferimus. Capreolus Carthaginensis in epist. ad Patres Concilii Ephesini act. 1. inserta ex jugi SS. Patrum doctrina fidei controversias finendas, ac decernendas probat. S. Cyrillus Alexand. in Apologetico pro 12. Capitulis adversus Orientales in defensionem anathematismi 8, Patrum traditione depellenda prava dogmata, decernendamque rectam fidem docet. Legendi Vincentius Lirinensis com. monit. cap. 3; S. Petrus Chrysologus serm. 85; Vigilius Tapsensis lib. 1, & 4. contra Eutychem; & Cassiodorus lib. 1. divin. instit. in præfat., & cap. 11.

Sequiorum sæculorum prætermitto Patres, ne ultra meam excrescat oratio; quandoquidem una est, ac priscorum, posteriorum omnium sententia, quorumque sententias revisere, apud infra citandos Scriptores facile poteris. Neque vero ab eorum testimoniis iccirco supersedeo, quod sciam a Novatoribus SS. Patrum catalogum ita coarctari, ut vix, ac ne vix quidem post sextum Ecclesiæ sæculum Patres ullos admittant, eorumque seriem non ultra eos fines producant: non enim nescio inficiari eos nullo modo posse sequioribus etiam sæculis Patres floruisse præstantissimos; sed eorum interest, ut postquam parum æqui in priscos, in posteriores iniquius insolescant, utrosque suæ causæ contrarios experti. Quamvis alioquin, ubi vestigium appareat quidquam ex ipsismet exculpendi, quod erroribus suis patrociniū adferre possit, avide confestim arripiant, ad ravim usque agentes se id ex penæ non depromere, sed Patribus acceptum debere. Pessimam hancce, parumque sibi cohærentem Protestantium agendi rationem paucis accipere non te pigeat. Principio universim Patres usque ad sæculum VI. recta dogmata tenuisse, ac docuisse non dissentur: at a sæculo VI. deinceps a vera doctrina turpiter deviasse obgannunt Calvinus lib. 1. instit. cap. 2. §. 13; Bullingerus adv. Brentium par. 1. cap. 1. §. 40; Keckhermandus lib. 3. cap. 14.

cap. 14. system. logical. 3 Jacobus Rex Angliæ in Basilicodoro ; Auctor oper. de concord. Bernensis Eccles. cum doct. Apostol. ; Auctor apolog. Anglic. &c. Ubi vero eorumdem errores attinguntur, qua confestim indignatione, invidiaque commoti hæretici homines vel in priscos Patres non insanijunt, non insolescunt? ac inter istos Calvinus in quæst. de orat. pro Defunct., & in epist. ad Regem Angliæ; Lutherus lib. adv. Regem Angliæ, lib. de Missa privata &c.; Melancthon comment. ad cap. 3. epist. 1. ad Corinth. agens de cæremon., & cælib.; Beza epist. 1. Theolog.; Hospinianus in hist. Sacrament.; Witgistus in defens. pag. 472; Auctor confess. Helvetico-confœderat. &c. Insultant schomatibus speciatim S. Ignatio M., & S. Augustino Calvinus lib. 1. cap. 14, & lib. 3. cap. 20. §. 20; SS. Irenæo, Chrysostomo, Gregorio Nazianz.; Ambrosio; Gregorio M.; & Bernardo Melancthon. in cap. 14. ad Roman.; & Magdeburgenses Cent. 2. cap. 10, Cent. 4. cap. 4, & Cent. 12. cap. 10. Clementi Alexandrino Heshusius lib. de servo arbitrio. S. Hieronymo Lutherus lib. de servo arbit. ; & Genevenses in Scuto fidei dialogo 6; aliisque passim alii. Quum vero è re sua esse summopere comperiunt, Patribus se plurimum deferre deprædicant. Ita Lutherus in cap. 5. epist. ad Galat. perhibens a Patribus, ac præsertim a SS. Hilario, Cyrillo, Ambrosio, Augustino, aliisque Evangelium, & fidem Christi pure traditam fuisse. Illyricus in præfat. suar. demonstr. ; Melancthon in epist. ad Oratorem Uratislav., *Existimo*, inquiens, *ad confirmandas mentes consensum Vetusstis plurimum valere. Optimi magistri, atque Duces nobis esse possunt Irenæus, Tertullianus, qui plurima hujus generis posteritati reliquerunt.* Calvinus lib. 3. instit. cap. 3. §. 10. maximi præ aliis faciens S. Augustinum, & in epistola ad Regem Galliæ, se Patres haud despiciatui habere confirmans, quinimo ipsorum suffragiis dicta sua comprobari tam falso, quam præfidenter affirmans, ad insuper impudentiæ progressus, ut quidquid in scientijs profecisset, illud Patribus acceptum referret, suamque novam doctrinam ex Augustino hausisse penitus prædicaret: cujus morem imitatum postea Janseanium scimus. Eam autem pravam Calvinii calumniam depulit dudum doctissimus P. Fronto Ducæus in libro *Anthitheseon Augustini*,
5 Cal.

& *Calvini* : Jansenii vero posteriorem criminationem explorare P. P. Johannes Martinonus in suo *Anti-Jansenismo*; Franciscus Annatus in suo *Jansenio a Thomistis condemnato*; Ferrier; Daniel; Descamps; Nicolai; Baronius; Casalas; Serrius in Augustino vindicato; & Paulus a Lugduno Ord. Cappucin. in suis gallicis *Anti-exaplis*. Confer eos pariter ex Protestantibus quam plures, qui ex S. Scriptura non modo, sed etiam ex SS. Patribus errores suos confirmare enixi sunt, quos tom. 1 ad calcem art. 6. §. 2. indicavimus.

Cæterum si plura sequioris ætatis Patrum de Traditione testimonia desideres, præsto tibi sunt, & quidem ex sæculo VII, & VIII. Anastasius Antiochenus lib. 1. de rectis dogmatibus fidei; ubi fidei dogmata a SS. Patribus exacta traditione ad nos pervenisse testatur. S. Maximus Martyr. commentar. in Dionysium, Areopag. cap. 1, ubi, *Uno ordine*, ait, *ponenda sunt & sacra Scriptura, & Episcoporum Traditiones*. Ven. Beda in cap. 6. S. Marci, ubi ex traditione docet oleo ab Episcopo benedicto inungi energumenos, & ægrotos. S. Johannes Damascenus lib. 4. orthod. fidei cap. 13; cap. 17. de SS. Imaginibus; epist. de Trifagio; & orat. de defunctis, docens ex Traditione orare nos ad Orientem versos; adorari Imagines, & Crucem; in Ecclesia cani Trisagion *Gloria Patri* &c., precesque fundi pro defunctis ad Deum. S. Bonifacius Moguntinus in epist. ad Cudbertum. S. Paulinus Aquilejensis in epist. adversus Felicem Urgelitanum, traditionis pondere illum premens. Ex sæculo IX, & X. Carolus Magnus in epist. ad Episcopos Hispaniæ. S. Nicephorus Constantinopolitanus in dialogo de Imaginibus. Amalarius Fortunatus de rebus Eccles. lib. 1. cap. 12. Photius in Nomocanone tit. 1. de fide cap. 3. Jonas Aurelian. lib. de cultu Imagin. Theophylactus ad cap. 11. epist. 1. ad Corinth., & ad 2. Thessalon. cap. 2. Simeon Metaphrastes in vita Theodosii Cænobiarchæ. Radulphus Flaviacensis lib. 5. in Levit. cap. 4. Fulbertus Carnotensis epist. 2. Beruo Augustensis de spectantibus ad Missam cap. 7. Guilmundus Averfanus lib. 3. de Sacram. Corp., & Sang. Christi. S. Anselmus in cap. 11. epist. 1. ad Corinth. Oecumenius in 2. Thessalon. cap. 2. Theodorus Balsamon in epistolam S. Gregorii Thaumaturgi. S. Ber-

nardus epist. 174, & 190, ubi Petrum Abaelardum diris, asperisque objurgat, quod posthabita SS. Patrum traditione proprias opiniones consecraretur. Catalogum hic claudo, quandoquidem sicut SS. Patrum Græcæ Ecclesiæ S. Johannes Damascenus; ita SS. Patrum Ecclesiæ Latinæ postremus circumfertur S. Bernardus: non eam quidem ob causam, quod post Damascenum apud Græcos, & post Mellissium apud Latinos defecerint in utraque Ecclesia, Doctores, iique omnigena, ac gemina sapientiæ, & sanctitatis gloria præstantissimi, uti de Alexandro Alensi, Alberto Magno, SS. Thoma, Bonaventura, Antonio Patavino, Antonino Florentino, aliisque latini eloquii hominibus; & de SS. Germano, & Nicephoro Constantinopolitanis; SS. Theodoro Studita, & Eulogio; Simeone Metaphraste, Marco Eremita, S. Nicone Armeno, Mose Barcephæ, S. Methodio, S. Ignatio, Johanne Becco, seu Vecco, aliisque liquet; sed quod una cum scholastica disputandi methodo, quæ in Orientali Ecclesia usurpari sæculo VIII, quo florebat S. Johannes Damascenus, incepit; in Occidentali autem sæculo dumtaxat XII, quo in vivis agere desuit S. Bernardus, obtinuit, tunc recens inuenta in scholas, alia etiam nominum ratio in Ecclesiam inlata sit, novique tituli a Doctoribus fuerint usurpati. Interea si posteriorum adhuc temporum a mox recensitis Doctorum testimonia pro Traditione expetas, adire poteris Jodocum Coccium, ut innumeros alios præteream, in Thesauo Catholico lib. 6. de sacris Scripturis art. 32, in cuius tamen lectione admoneo, ut tibi consulas a scriptoribus, & scriptis pseudo-epygraphis, a quibus vir ille alioqui doctissimus, sed Criticæ artis non satis peritus, præcavere sibi satis nescivit. Manum non retraham, nisi SS. Thomæ, & Bonaventuræ hæc in re gravissima testimonia proferam. Ille igitur 3. p. q. 25. art. 3. *Apostoli, inquit, familiari instinctu Spiritus Sancti quadam Ecclesiis tradiderunt servanda, quæ non reliquerunt in scriptis, sed in observatione Ecclesiæ per successionem fidelium.* Ille vero Censiloquii par. 3. sect. 38. de tribus fidei Symbolis Apostolico, Nicæno, & Athanasiano differens, quæ indubie traditione dumtaxat in Ecclesia obtinent: *Causa, inquit, conditionis 1. fuit certa traditio fidei: Causa 2. fuit certa fidei propalatio: Causa 3. fuit*

errorum pullulantium exterminatio . En tria, quæ juxta S. Doctorem præstat traditio Apostolorum, & Patrum . Legeſis illum eo loci præclare docentem .

Præterea ex perpetua in Ecclesia custodita consuetudine, & iteratis, cum in Conciliis, tum extra Concilia ab Ecclesia sanctionibus evincitur ea, qua par est, SS. Patrum recipiendas integra animi submissione Traditiones . Enim vero traditione consuevisse Ecclesiam hæreses proſtigare, & proſternere, omnis ævi exemplis constat . Contra Arium vocem *Omouſion* in Concilio Alexandrino, & Nicæno ex traditione adſertam teſtantur S. Athanaſius lib. de Synodis; de ſent. S. Dionyſii; & epiſt. ad Afroſ; Theodoretus lib. 1. cap. 8. ; & Socrates lib. 1. cap. 8. , & lib. 6. cap. 20. Contra Macedonium in I. Conſtantinopolitano traditione deſenſam Spiritus S. Divinitatem eruitur ex SS. Baſilio, & Niſſeno locis cit. Neſtorium ab Ephefino traditione proſtratam patet ex epiſt. Capreoli Carthagin. ad Ephefinos Patres aët. 1. inſerta, Patrumque ſuffragiis probata; ex Commonit. 2. cap. penult. Vincentii Lirin. affirmantis ab Ephefinis Patribus Neſtorium poſt expenſa SS. Patrum teſtimonia proſcriptum; & epiſt. Synodica ad S. Cæleſtinum, qua ſe nec a Scriptura, nec a Traditione diſcrepaſſe Synodus ſcribit . Eutychem a Chalcedonenſi traditione conſoſſum liquet ex S. Leone in epiſt. ad Flavianum, qua Patrum teſtimonia congerit; ex S. Flaviano in epiſt. ad S. Leonem SS. Patrum teſtimonia integra, & inſviolata eſſe ſervanda ſcribente; & ex Patribus Concilii aët. 2. , 4, & 6, S. Leoni concinentibus, atque Patrum teſtimonia concelebrantibus . In eodem Chalcedonenſi Concilio aët. 1. reſertur a Mamante, & Theophilo preſbyteris a Concilio miſſis ad Eutychem, qui ſe in Monafterio ægritudine detentum ſimulabat, eundem fuiſſe traditione reſutatum . In Conſtantinopolitano II. tria Capitula traditione confixa conſtat ex collat. 8. Traditione etiam duas in Chriſto eſſe naturas, & unam perſonam unica adoratione colendam in eodem Concilio decretum conſtat ex can. 8, & 9. In Conſtantinopolitano III. Monotheiſtis anathema irrogatum ab Epiſcopis traditione edoëtis liquet ex aët. 10, & 18., quibus SS. Patrum teſtimonia laudantur; & ex epiſt. S. Agathonis ad Imperatores lecta aët. 4., qua contra Mono-

thelitas traditione decertat. Præluferat universis S. Martinus I. in Concilio Later. secret. 5. traditione Monothelitas damnans. In Iconomachos anathematis telum intorsit Nicæna II. Synodus traditioni innixa; nam traditione Imagines colendas ibidem asseruit Euthymius Sardicensis Episcopus; imo Synodus ipsa in definitione fidei inquires: *Fatemur nos unanimiter Ecclesiasticas traditiones sive scripto, sive consuetudine valentes, & duratas retinere velle, quarum de numero est Imaginum affiguratio.* Tandem Concilium IV. Constantinopolitanum, seu Synodus VIII, & Synodus Tridentina traditiones retinendas, ac necessario observandas diserte definiunt: illa quidem act. 20. cap. 1. his verbis: *SS. Patrum decreta, veluti inextincta quadam, semperque lucentes facies, sequenda sunt... Traditiones enim sive per sermonem, sive per epistolam Majorum nostrorum, qui vitæ sanctitate nobis præluxerunt, acceptas diserte magnus Apostolus Paulus tenendas monet:* ista vero sess. 4. Decret. de canon Script., cujus verba volenti præsto sunt, quam ut heic proferam. Operosum profecto esset, quæ ex Conciliis Provincialibus ad vindicandas traditiones suppetere, omnia velle sermone complecti: igitur quæ ex iis præcipua habentur, paucis accipe. Traditione actum est in Concilio Romano sub S. Cornelio contra Novatianos. Traditione actum in Concilio Antiocheno sub S. Dionysio contra Paulum Samosatenum. Traditione actum, contra Pelagium in Concilio Millevitano sub S. Innocentio I. Traditione actum contra Priscillianistas in Concilio Bracarensi sub Johanne III. Traditione actum sub S. Martino I. in Concilio Lateranenſi contra Monothelithas, quos traditione Stephanus Dorensis, & Sophronius Hierosolymitanus, ut legitur secr. 2., confutarunt; atque traditione suffultus anathemate Martinus I. confixit. Traditiones retinendas, religioſeque observandas edixerunt Concilia Laodicenum c. 24.; Trullanum can. 8, & 9.; Arelatenſe II. cap. 27, & 28; Arelatenſe IV. cap. 3; Carthaginenſe III. cap. 47.; Gangrenſe can. 20.; Toletanum XII. cap. 4; Senonenſe can. 5, & Trevirenſe can. 4.

Post hæc Traditione controversias in Ecclesia dirimere Pontificibus Maximis ſolemne ſemper fuit. Ita Paſcha die Dominico, non etiam

etiam Luna 14. celebrandum decrevit S. Victor I. contra Asianos. Ita ab hæreticis baptizatos non iterum baptizandos definivit S. Stephanus I. contra Afros, ea de re laudatus a Vincentio Lirin. in Commonit. cap. 9. Ita S. Damafus epist. ad Episcop. Illyrici apud Nicephorum lib. 2. cap. 31. SS. Patrum retinendas esse sententias, ne variis doctrinis, ac variantibus consiliis seducantur, illos instruit. Ita S. Siricius epist. ad Himerium Anabaptismum inter alia sola traditione rejicit. Ita S. Innocentius I. in epist. ad Decentium Eugub., si instituta ab Apostolis tradita servarentur, inter sacerdotes nulla suborienda dissidia asserit. Ita S. Cælestinus in epist. ad Galliar. Episcop. vocum novitatis obijciendam vetustatem docet. Ita S. Sixtus III. in epist. ad Johannem Antiochenum, *Nihil ultra liceat, inquit, novitati, quia nihil adjici convenit vetustati.* Ita S. Leo Magnus serm. de Quadrages. ; serm. 2. de Jejunio Pentecostes; serm. 9. de Jejunio 7. mensis; & epist. 8. ad Flavianum, docet perpetuo traditiones Apostolicas a Spiritu S. dictatas omni devoto modo observandas esse. Ita S. Hormisdas in epist. ad Possessorem Africanum errare hæreticos edicit, ac in devia abripi Semipelagianos præsertim, eo quod a recta, quam docuere SS. Patres, via deflecterent: *Errat, inquit, is, qui a via, quam Patrum electio monstravit, exorbitat.* Ita S. Gregorius Magnus, lib. 2. epist. 37.; lib. 7. epist. 61.; lib. 9. epist. 6. totus in id incumbit, ut Traditiones in Ecclesia receptas retinendas esse doceat, jubeatque: e quibus rite baptizatos ab hæreticis ad Ecclesiam confugientes recipi vult, aut sola unctione chrismatis, aut impositione manus, aut sola professione fidei. Ita S. Agatho in epist. ad Constantinum Imp., & ipsius filios dogmata traditione accepta religiose custodienda, ac retinenda docet. Ita S. Leo II. in epist. ad Constantinum Imper. Synodum VI. confirmans de fide in ea definita a S. Agathone, ac a Synodo VI. accepta ex traditione, & testimoniis Patrum, nulli dubium esse fide divinæ eadem esse credenda scribit. Ita Hadrianus I. in epist. ad Constantinum, & Irenem B. Petri Principis Apostolorum traditione Christi Domini, ejusque Sanctissimæ Genitricis effigies venerandas asserit. Ita S. Nicolaus I. in epist. ad Carolum Regem admonet, ne Apostolicæ Sedis privilegia, & statuta SS. Patrum vilescere, aut vio-



violari patiatur. Ita Innocentius III. dist. 4. Ecclesiam Romanam multa ab Apostolis accepisse affirmat: subditque: *Multa sunt in Evangelio omissa, quæ per Apostolos sunt suppleta scripto, & verbo.* Mulco plura infra proferemus.

Postremò ratio Theologica evincit traditiones esse admittendas, tenendas, & observandas, quandoquidem plurima sunt; quæ a priscis ævis integra, & inviolata observat Ecclesia, quæ tamen ex verbo Dei scripto vix, ac ne vix quidem constant, aut in eo obscure admodum, implexe, ambigue, impervie continentur. Enim vero nonne Traditione a Majoribus derivata, sub arcani disciplina tribus sæculis religiose ab Ecclesia referata, jugi tamen serie ad nos transmissa accepta referenda Apostolis sunt, quæ usu venerunt de Religionis cultu; de morum regulis; de Sacramentorum ritibus; de Ecclesiasticis dignitatibus, & Officiis; de Ministrorum electionibus, & ordinationibus; de peccatorum poenitentijs, & remissionibus; de poenitentium gradibus, & stationibus; de Cathecumenorum speciebus, & institutionibus, horumque similibus multis, de quibus adeundi Schelestratius differt. de disciplina Arcani; Martenius de antiq. Eccles. ritib.; Morinus exercit. Eccles. lib. 2. cap. 1; & Cardinalis Bona rerum Liturgic. lib. 1. cap. 16. Nonne quæ in Ecclesia præcipuo habentur loco dogmata, a quibus neque Protestantium multi plerumque abhorrent, Traditione obtinent? Quid quod sacræ Scripturæ authenticæ ex Traditione evaserunt? De ea Clemens Alexandrinus lib. 6. hypotip. apud Eusebium; S. Irenæus lib. 3. adversus hæreses cap. 1; S. Serapion apud Eusebium lib. 5. cap. 19; Origenes tract. 29. in Matth.; Tertullianus lib. 4. adver. Marcion. cap. 5; pseudo-Athanasius in Synopsi; S. Cyrillus Hierosolymit. in Cathec.; S. Hieronymus in prolog. galeat.; S. Augustinus serm. 191. de tempore; lib. 11. contra Faustum cap. 2, & sæpe in libris de Doctr. Christian.: Concilia Laodicenum can. 60. relato in Capitulari Aquisgranensi Caroli Magni cap. 20; Carthaginense III, cap. 47; Romanum sub S. Innocentio I. epist. 3; Romanum alterum sub S. Gelasio relatum cap. *Sancta Romana Ecclesia* dist. 15., & Tridentinum sess. 4. decreto de canonic. Scripturis. Protestantes ipsi S. Scripturæ divinam auctoritatem nonnisi Traditione tenere, divinam-

vinamque hanc Traditionem loco se habere profitentur. *Hanc Traditionem*, inquit apud Lindanum lib. 1. Panopl. cap. 3. suorum nomine Johannes Brentius, *affirmamus esse certam, firmam, indubitam, imo necessariam, & omnibus modis amplectendam.* Cur vero non etiam ceteras? Quid quod sacræ Scripturæ sensus non nisi ex Traditione liquido hauritur? Ita S. Irenæus lib. 4. cap. 63; Clemens Alexand. lib. 7. Strom.; S. Basilius lib. de Spiritu S. cap. 27; S. Augustinus lib. contra epist. fund. cap. 5. Quid plura? Confer, si libet, subjunctas notas, (quas cur subjunxerim in proleg. jam prænotavi, sed & paulo infra subtexam): ex quibus liquido adparet SS. Trinitatis (1); & Incarnationis Dominicæ (2) mysteria: B. Vir-

(1) SS. Trinitatis Mysterium potius quam ex Scriptura, ex Traditione probat Synodus Sardicensis. Nomen *Ingeniti* de Patre dictum ex traditione haberi affirmat S. Gregorius Nazian. orat. 5. Nomen *Consubstantialis* de Filio ex traditione defendi ait S. Augustinus epist. 174. Concilium Nicænum decrevit, ex Socrate lib. 1. cap. 8.; S. Athanasius testatur in epist. ad Africanos, & epist. de Synodis Arimin., & Seleuciensi. Divinitatem Spiritus S. post Synodum Rom. ex traditione vindicavit Concilium I. Constantinopolit. adversus Macedonium. Spiritus S. processionem a Filio ex traditione patere falsus est Joseph Patriarcha Constantinopolitanus in Concil. Florent. sess. 25. Spiritus S. coæqualitatem, & consubstantialitatem ex traditione agnovit Synodus Illyricana a S. Damaso edocta; & probat S. Basilius lib. de Spiritu S. cap. 27.

(2) Divini Incarnatio Verbi, seu assumptio carnis, non ita inhabitatio in carne, ut volebat Nestorius, nec item conversio in carnem, ut contendebat Eutyches, ex Traditione definita est a Concilio Ephesino, & Chalcedonensi; a SS. Cælestino, & Leone Pontificibus maximis; demonstrata vero adversus Nestorium a S. Cyrillo Alexandrino. Apage autem Rodonem Davidem Calvinistarum deterrimum, qui lib. de supposito, quo ab errore Nestorium expurgare, S. Cyrillum affare non erubuit. In Christo duas naturas, duas voluntates, & duas operationes ex Traditione ostenderunt S. Martinus I. in Concilio Later., & S. Agatho in Concilio III. Constantinopolitano. Christum Dominum descendisse ad inferos, & Patres inde eduxisse, ex traditione haberi testantur S. Ignatius in epist. ad Trallianos; Tertullianus lib. 4. contra Marc.; S. Irenæus lib. 5. cap. 31.; Origenes hom. 15. in Gen.; S. Athanasius de Incarn. Christi; S. Chrysostomus hom. 4. in S. Marcum; S. Ambrosius ad Ephef. cap. 4.; S. Hieronymus epist. 23.; S. Augustinus lib. 20. de Civitate Dei cap. 15., & epist. 99. ad Evodium. Dominicæ Crucis signum demonibus esse terrori, hominibus saluti; & omnia Sacramenta eo signo perfici traditionem esse Apostolicam affirmant pseudo-Clemens lib. 8. constit. apo-

B. Virginis Mariæ Divinam Maternitatem (3), & a culpa omni immunitatem : Sacramentorum (4), numerum, materiem, formam

fol. cap. 12. ; pseudo-Dionysius lib. de Ecclesiast. hierarch. cap. 5. ; S. Ignatius in epist. ad Philippenses ; S. Irenæus lib. 2. cap. 41. ; S. Cyprianus epist. 56 ; S. Cyrillus Hierosol. cath. 4. & 13 ; S. Gregorius Nazianz. orat. 3. & 19 ; S. Augustinus tract. 118. in Johan.

(3) B. Virginis Mariæ Divina Maternitas ex Traditione definita est a S. Cælestino, & Concilio Ephesino. Perpetuam ejusdem B. V. Virginitatem constare ex traditione auctores sunt Origenes hom. 7. in Lucam ; S. Athanasius ferm. de S. Maria, & Joseph ; S. Cyrillus Alex. lib. 2. de recta fide ; S. Hieronymus lib. 1. contra Jovin. cap. 18. & contra Elvidium ; S. Ambrosius epist. ad S. Siricium ; S. Epiphanius hæresi 78 ; S. Augustinus lib. de hæresibus cap. 84 ; S. Leo M. epist. 4. ad Episcop. Siciliæ ; S. Sophronius in Synod. ad Sergium lecta in VI. Synodo ; Theodorus Hierosolym. in Synod. lecta in VII. Synodo act. 3. Ejusdem B. Virginis Mariæ immunitatem ab omni peccato actuali, seu personali, haberi ex traditione testantur, S. Justinus in q. 136, si tamen verus est auctor ; Origenes hom. 1. in divers. ; S. Epiphanius ferm. de laudib. S. Mariæ ; S. Cyrillus Hierosolym. homil. in dormit. Deip. laudatus in Synodo Hierosolym. anno 1672 ; S. Augustinus lib. de nat. & grat. cap. 36 ; S. Gregorius in 1. Reg. cap. 1 ; S. Paulinus Aquilej. in symbolo fidei ; S. Bernardus ferm. 2. de Assumpt. . Ejusdem in Cælum assumptionem anima, & corpore ex traditione docuere Eusebius in Chron. ad annum 48 ; S. Epiphanius hæresi 48 ; S. Ambrosius de assumpt. ; S. Damasus de Dorm. B. V. M. ; Eutychius Alex. lib. 3. hist. univer. cap. 40 ; V. Beda hom. 7. in var. ser. B. V. M. ; Concilia Lugdunense, & Moguntinum.

(4) Sacramentorum (Lutherus anno 1520. unum ; 1527. duo ; 1530. tria ; Calvinus duo, Baptismum, & Cœnam agnovere) septenarium, materiam, formam, effectus, & cæremonias ex traditione constare universim docent Concilia Londinense II. c. 2 ; Coloniense II. c. 7 ; Moguntinum II. c. 11 ; Moguntinum IV. cap. 11 ; Senonense cap. 10 ; Constantiense ; Florentinum, & Tridentinum sess. 7. Dist. 11. cap. *Ecclesiasticarum*, cap. *Ad abolendam* de hæreticis ; & sequentia evincunt. Baptismum ex opere operato, ut inquirunt, conferre gratiam docent ex traditione pseudo-Dionysius lib. de Ecclesiast. hier. capp. 4. & 7 ; S. Justinus apolog. 2. ad Antoninum Pium ; S. Irenæus lib. 3. cap. 19 ; Clemens Alex. lib. 1. pædagog. cap. 6 ; S. Cyrillus Hierosol. præfat. in cath. ; S. Gregorius Nazianz. orat. 4 ; S. Cyrillus Alex. lib. 2. in Johann. cap. 72 ; Tertullianus de Baptismo ; S. Cyprianus epist. 2. & 76 ; S. Ambrosius de Sacramentis lib. 1. cap. 7 ; S. Augustinus lib. 2. contra duas epist. Petil. cap. 13 ; S. Gregorius M. lib. 9. epist. 39 ; Leo X. constit. 40. *Exurge*. Concilia Illiberitanum c. 77 ; Lateranense IV. c. 1 ; Viennense. Clem. *De fide* ; Londinense I ; Moguntinum IV. c. 13 ; Coloniense II. cap. 3 ; Florentinum in decreto unionis ; Tridentinum sess. 7. Confer dist. 4. de Consecr.,

mam, effectus, characterem, Ministrum, aliaque nonnulla ad-

Pars I.

D

jun-

secc., ibi plures Canones. A baptismo characterem imprimi habent ex Traditione pseudo-Dionysius loc. cit. ; S. Basilius in hortat. ad bapt. ; S. Cyrillus cath. 3, 4, & 18 ; S. Epiphanius hær. 8 ; S. Augustinus lib. 2. contra Petil. cap. ult. ; S. Petrus Damiani lib. 4. cap. 10. Baptismo ablucendos parvulos, ut habetur cap. *Maiores* de baptismo, & de consecr., dist. 4. cap. *Non illud* ; & cap. *Baptismus*, docent ex traditione pseudo-Clemens lib. 6. const. cap. 15 ; pseudo-Dionysius de Eccles. Hier. cap. 7 ; pseudo-Justinus q. 16 ; S. Irenæus lib. 2. cap. 39 ; S. Basilius ubi supra ; S. Chrysostomus in psal. 14 ; S. Cyprianus epist. 59 ; S. Hieronymus in dialog. 3. adver. Lucifer. ; S. Augustinus lib. 4. contra Donat. cap. 23. Concilia Carthaginense V. cap. 6 ; Millervitanum can. 2 ; Senonense c. 17 ; Moguntinum IV. can. 13. Baptismus in necessitatis articulo a quolibet conferri posse constat ex traditione apud Tertulianum lib. de baptismo cap. 17 ; S. Hieronymum in dialog. adver. Luciferianos ; S. August. lib. 2. contra Parmen. cap. 13 ; S. Gelasium epist. ad Episc. Lucaniæ ; S. Isidorum lib. de offic. Eccles. lib. 2. cap. 29. Baptismus ab hæreticis collatum non esse reiterandum liquet ex traditione, cujus locupletes testes sunt S. Stephanus in epist. ad S. Cyprianum apud ipsum ; S. Augustinus lib. 2. contra Donatist. cap. 7 ; Concilium Nicænum ; S. Siricius in epist. ad Himerium laudans Liberium decessorem suum ; Concilia Arelatense I. c. 8 ; Lateranense IV. c. 1 ; Moguntinum IV. c. 13 ; Tridentinum sess. 4 ; S. Zacharias epist. 10 ; S. Innocentius I. epist. 22 ; S. Gregorius M. lib. 2. epist. 32, & 33, & lib. 9. epist. 61 ; S. Nicolaus I. ad consulta Bulgar. c. 104 ; S. Gregorius III. epist. 1 ; Concilia Cabillonense III. c. 27 ; Toletanum I ; Senonense c. 10 ; De consecr. dist. 40. C. *Quamvis* ; C. *Solet* ; cap. *Aliud est*, C. *Quomodo* ; cap. *Nullus autem* ; C. *Cum tantum* ; C. *Satis* ; C. *Ab antiqua* ; C. *De Arianis* ; 1. q. 1, cap. *Quod quidam* ; De Trinit. C. 1.

Sacramentum Confirmationis a Christo Domino institutum docet sacra Traditio testibus pseudo-Dionysio de Eccles. hier. par. 2. cap. 2 ; S. Irenæo lib. 1. cap. 20, & lib. 4. cap. 75 ; Clemente Alex. lib. 6. Strom. ; Origene hom. 8. in Levit. ; Conciliis Nicæno can. 55. Arabico ; Laodiceno can. 48 ; Trullano can. 96 ; S. Cyrillo Hierosol. in Cath. 4. mystag. ; S. Gregorio Nazianzeno orat. in S. Lavacrum ; S. Epiphanius hær. 21 ; S. Chrysostomo in cap. 8. Act. Apost. ; S. Isidoro Pelus. lib. 1. epist. 450 ; SS. Innocentio I. epist. 11 ; Gregorio I. lib. 3. epist. 9, & 27, & lib. 8. epist. 46 ; Gregorio II. epist. 14 ; Concilio Illiberitano can. 38 ; S. Ambrosio de initiandis S. Myst. ; S. Augustino lib. 2. contra litteras Petiliani cap. 104 ; Theodoro in 1. Cantic. ; Conciliis Londinensi I. c. 3 ; Senonensi c. 10 ; Constantiensis sess. ult. ; Colonienfi II. cap. 10 ; Moguntino IV. c. 17, & 18 ; Florentino, & Tridentino. Confirmatione gratiam conferri, & imprimi characterem traditione constat apud Pares Conciliorum Cabillonensis III. cap. 27 ; Florentini, & Tridentini ; apud S. Cyprianum serm., si ejus tamen est, de abluc. ped., & epist. 72, & 73 ; S. Cyrillum cath. 3 ; S. Hieronymum in 2. ad Corinth. ; S. Augustinum loc. cit.

cit. ; S. Gregorium II. epist. 14 ; de consecr. dist. 5. *C. Sollicitus*, *C. Manus* ; *C. De his vere* ; & in 6. *C. Quoniam* ; S. Pacianum serm. de baptis., & epist. 1, & 3, ad Sympron. ; S. Optatum lib. 7. contra Donatist. ; Concilium Illiberitanum can. 38 ; Arelatense I. cap. 8 ; Arelatense II. cap. 17 ; Arausicanum an. 440. cap. 1 ; & 2. Ex S. Leone epist. 37, & 88 ; S. Gelasio epist. ad Episc. per Lucaniam, & Siciliam constit. cap. 7 ; Johanne III. epist. ad Episcopos Germ., & Gallix ; S. Gregorio Magno supra laudato ; Concilio Aurelianensi apud Gratianum de consecr. dist. 5 ; Toletano IV. cap. 15 ; S. Isidoro lib. 2. de officiis cap. 26 ; V. Beda in psal. 26, in 22. Luc., & 8. Act. Apost. ; S. Gregorio III. epist. 2, & 4. ad S. Bonif. ; Alcuino de divin. Offic. cap. 19 ; Concilio Cabillonensi II. cap. 27 ; Parisiensi an. 829. cap. 33, Meldensi cap. 6 ; S. Nicolao I. epist. ad Rodolphum Bituricensem ; Innocentio III. epist. ad Vicarium Constantinopolitan. Confirmationis ministrum, (ordinarium intellige) esse Episcopum ex Traditione docetur a Concilio Illiberitano can. 38 ; S. Johanne Damasceno epist. 4 ; Concilio Wormatiensi I. can. 8 ; Londinensi I. can. 3 ; Senonensi can. 10 ; Constantiensi contra art. 28. Wicleff ; Florentino in decreto unionis ; Trident. sess. 7 ; Johanne V. epist. unica ; S. Innocentio I. epist. ad Decentium ; S. Gregorio I. epist. 9, & 26 ; Concilio Parisiensi VI. cap. 27 ; Hispanensi II. can. 7 ; Toletano VIII. can. 7 ; De consecr. dist. 5. *C. De his vero* ; *C. Novissime* ; *C. Ut Episcopi*. De consuetudine c. 4. Innocentio IV constit. 4. *Sub Catholica*.

Sacramentum Eucharistiæ gratiam conferre digne suscipienti ex Traditione testantur, ante Eugenium IV. in decr. union. ; Leonem X. const. 40, Concilia Colonienſe II. can. 3 ; Moguntinum IV. c. 20 ; Tridentinum sess. 17, pseudo-Clemens lib. 8. const. cap. 14 ; S. Ignatius in epist. ad Ephesos ; S. Irenæus lib. 4. c. 37 ; Clemens Alex. lib. 2. prælag. cap. 2 ; Origenes lib. 8. contra Celsum ; S. Basilius lib. 1. de baptis. cap. 3 ; S. Gregorius Nissenus orat. cathech. cap. 37 ; S. Chrysostomus hom. 11. in Matth. ; S. Cyrillus Alex. lib. 4. in Johan. cap. 17 ; Tertullianus lib. de resurrect. Carn. cap. 8 ; S. Cyprianus epist. 14 ; S. Hilarius lib. 8. de Trinit. ; S. Ambrosius lib. 5. de Sacrament. cap. 7 ; S. Augustinus in psal. 33 ; V. Beda in psalm. 21. In Missa vino miscendam aquam liquet ex Traditione Dominica, cujus meminere S. Justinus apolog. 2 ; S. Irenæus lib. 4. cap. 17 ; S. Cyprianus epist. 63 ; Concilium Carthaginense III. can. 2 ; Liturgiæ nomine SS. Clementis, Petri, Jacobi, Marci, Basili, Chrysostomi &c. inscriptæ. Sacramentum Pœnitentiæ conferre gratiam ex opere operato, tribusque partibus constare, contritione scilicet, confessione, & satisfactione, jugi Traditioni innixi nobis reliquere S. Clemens in epist. ad Corinth. apud Cotelierum ; S. Irenæus lib. 1. cap. 9 ; Origenes hom. 2, 3, & 11. in Levit. ; Concilium Nicænum can. 11 ; S. Cyrillus Hierosol. cath. 2 ; S. Basilius serm. de pœnit. ; S. Gregorius Nazianz. orat. 39 ; S. Chrysostomus de compunctione cordis ; Tertullianus lib. de pœnit. ; S. Cyprianus lib. de lapsis, & epist. 12 ; S. Ambrosius lib. 1. de pœnit.

extrema Unctio, Ordo sacer, & Matrimonium, rite, digne,
D 2 que,

cap. 4; isti scilicet de contritione docent. De confessione pseudo-Dionysius epist. 8; S. Irenæus loc. cit.; Origenes ibidem; S. Basilus in regul. 288; S. Gregorius Nissenus orat. in eos, qui alios acerbe judicant; S. Chrysostomus hom. 33. in Iohann.; Laurentius lib. 4. instit. cap. 17; S. Hilarius in 18. Matth.; S. Pacianus in Parænesi ad pœnit.; S. Ambrosius in exhort. ad pœnit.; S. Hieronymus ad cap. 10. Ecclesiast.; S. Augustinus hom. 49. ex 50. pseudo-Augustinus lib. 2. de visit. infirm.; S. Innocentius I. epist. ad Decentium; S. Leo epist. 8; S. Gregorius hom. 26. in Evang. De Satisfactione Tertullianus lib. de pœnit. cap. 9; S. Cyrillus cath. 2; S. Chrysostomus serm. de confess. S. Leo epist. 91; Theodoretus lib. 4. hæret. fabul. cap. 10; Julianus Pomerius lib. 2. de vita contempl. cap. 7; Sidonius epist. 14; S. Audoenus in vita S. Eligii cap. 7; Concilia Arelatense cap. 24; Valentinianus can. 2, & 3; Toletanum I. can. 5, & 6; Nicænum I. can. 11; Cabillonense 813. can. 17; Turonense III. can. 22; Rhemense II. can. 12; Parisiense VI. can. 32, & 46; Moguntinum an. 847. can. 26; & Wormatiense an. 868. cap. 25. De Sacramento Pœnitentiæ, non secus, ac Confirmationis, & sacræ Ordinationis auctor tibi sum, ut consulas de ceteris Morum; l' Herminier; Berti auctorem libb. de re Sacram.; Juveninum, Tournellium, Concina, & Chardonum.

Extremam unctionem esse Sacramentum ex Traditione nos edocent S. Irenæus lib. 1. cap. 18; Origenes hom. 2. in Levit.; Canon 69. Nicæno-Arabicus; S. Ephrem de vita spirit. cap. 7; S. Chrysostomus lib. 3. de Sacerdotio; S. Cyrillus Alexandr. de adoratione lib. 6; Victor Antiochenus; Theophylactus; Euthymius ad cap. 6. S. Marci pseudo-Ambrosius in Missa; pseudo-Augustinus lib. 2. de visit. infirm. cap. 4; S. Augustinus serm. 215. de temp.; S. Hieronymus in cap. 14. Olee, & in vita S. Hilariionis, S. Innocentius I. in epist. ad Decentium; S. Gregorius Turonensis lib. 6. hist. Francor. cap. 7; Alcuinus de divin. offic. cap. 40. de infirm.; Ven. Beda ad cap. 6. S. Marci; S. Petrus Damiani serm. 3. in dedicat. Ecclesiæ; Rupertus lib. 1. de divin. offic. cap. 18; S. Anselmus in elucidario. Idem Sacramentum salutare esse, idemque a solo sacerdote ministrandum, atque quidem oleo ab Episcopo consecrato traditum est, cujus testes sunt S. Innocentius I. in epist. ad Decentium; Ven. Beda in cap. 6. Marci; Concilia Florentinum in decreto unionis; Constantiense in constit. Martini V; Lateranense III. cap. 22; Regiaticinense cap. 8; Moguntinum IV. can. 24; Londinense II. can. 3; Senonense cap. 10; Tridentinum sess. 7, & 19. De verbor. signif. cap. *Quasi-uit*, & cap. *Licuit*. Ordinem Sacramentum esse a Servatore nostro institutum ex traditione credimus, cujus testes sunt pseudo-Dionysius de Eccles. hier. cap. 1; S. Ignatius in epist. ad Smyrn., ad Ephes., ad Polycarp., ad Magues., ad Trall., Theophilus Alex. allegoriar. cap. 6; Concilia Ancyranum cap. 13; & Chalcedonense cap. 2; Tertull. exhort. ad castit.; S. Basilus lib. 2. de baptis. cap. 8; S. Gregorius Nazian. orat. 21. de S. Athanasio,

que, ut decet, oportetque, sive administrentur, sive suscipian-

sio: S. Gregorius Nissenus orat. de S. Baptis. & S. Chrysostomus lib. 3. de Sacerdotio & S. Ambrosius lib. 4. de dignit. Sacerd. cap. 4. & in 1. ad Timoth. 4; S. Hieronymus in cap. 58. Isaie, & dialog. 3. adver. Lucif.; S. Augustinus lib. 1. contra Donatist. cap. 1. & lib. 2. contra Parmen. cap. 13; Theodoretus in cap. 5. epist. 1. ad Timoth.; S. Innocentius I. epist. 11. cap. 3; S. Leo epist. 81. & 87; S. Gelasius epist. 16; S. Anastasius II. epist. ad Anastasium Imp.; S. Gregorius in 1. Reg. 10; S. Isidorus lib. 2. divin. offic. cap. 1; Ven. Beda lib. quest. in Josue cap. 15; Alcuinus lib. de divin. offic. cap. 35; Victor Antiochenus in cap. 3. S. Marci; Theophylactus in cap. 19. Luc., & in 2. ad Timoth. 1; Œcumenius in 2. ad Timoth. 1; Amalarius de divin. offic. cap. 6. lib. 2; S. Petrus Damiani epist. 11., & 15; Ivo Carnotensis epist. 180; alique apud Coccium lib. 8. de Ord. art. 1; Concilia Hispalense II. cap. 5; Carthaginense I. can. 3; Bracarense II; Londinense II. can. 2; Senonense can. 10; Toletanum XXII. can. 25; Constantiense contra 28. art. Wiclefii; Florentinum, & Tridentinum locis cit. Varii Ordinum gradus habentur ex constanti traditione apud pseudo-Clementem lib. 3. constit. cap. 15; S. Ignatium in epist. ad Smyrn.; pseudo-Dionysium de Eccles. hier.; Concilium Laodicense can. 24; S. Hieronymum epist. 2., & in cap. 2. epist. ad Tit.; Concilium Carthaginense IV. a can. 1. ad 10; S. Gregorium epist. 54. Episcopos jure divino superiores esse Sacerdotibus Traditio constantissime retenta nos admonet, ut constat ex S. Clemente in epist. ad Corinth. & pseudo-Dionysio loc. cit.; S. Ignatio cit. epist. ad Smyrn., Ephes., Magnes., Trallian., & Polycarpum; Origene serm. 3. in Cantic., & hom. 17. in Luc.; Canone 60. Nicæno-Arabico; S. Innocentio epist. ad Decentium; Conciliis Bracaren. si I. can. 37. & Bracaren. III. can. 3; S. Epiphanio hæc. 29. 75. & 78; Tertulliano lib. de præscript. cap. 32., & lib. de baptis. cap. 17; S. Cypriano epist. 37. & 68; S. Augustino lib. de hæres. cap. 53; S. Irenæo lib. 3. cap. 3; Concilio Illiberitano can. 36., & 37; S. Paciano epist. 1. adversus Sympronianum. Quam in rem legito post Petavium de Eccles. hier., Cotellerium in epist. S. Ignatii, & Witassium, disert. 44. doctissimi Natalis in hist. Eccl. sæculi IV; eruditissimi P. Berti Theolog. discipl. lib. 36. cap. 11., diligentissimi Chardon in hist. Sacram. tom. 3. de Ord. lib. 2. cap. 1. & seqq.; & clarissimi Mamachii orig. & antiq. Christ. lib. 4. cap. 4; a quibus argumentum hoc ad umbilicum usque præ aliis perductum est; quique Protestantium, & Presbyterianorum Anglorum, seu Puritanorum maxime argumenta in oppositum non oppugnarunt modo, sed expunxerunt, & penitus exploserunt. In sacra Ordinatione characterem imprimi nunquam delendum ex traditione item docent S. Gregorius Nissenus lib. de baptis.; S. Cyprianus ser. de ablut. pedum, si tamen ejus est; S. Augustinus de bono conjugii cap. 24.

Matrimonium esse novæ legis sacramentum ex Traditione luculenter demonstrarunt S. Irenæus lib. 1. cap. 1; Tertullianus lib. 2. ad uxor. cap. 9; S. Innocentius I. epist. 9; S. Ambrosius de Patriarcha Abraham; S. Augu-

stinus

piantur : Christi Domini (5) in Eucharistia Corpore, Anima,
& Di-

nus de bono conjugii lib. 1. cap. 7 ; S. Chrysostomus in Genes. ; S. Cyrillus lib. 2. in Johann. cap. 22 ; S. Petrus Damiani serm. 7. in dedicat. Eccles. ; Hugo Victorin. lib. 8. de Sacram. cap. 19 ; Concilia Lateranense III. tit. de sponsal. c. 31 ; Senonense tit. de Matrim. c. 10 ; Londinense II. c. 9 ; Moguntinum IV. cap. 39 ; Colonienſe II. cap. 40. Matrimonium ratum non consummatum dissolvi per solemnem professionem religiosam ex traditione docetur cap. *Vernm* de convers. conjug. ; cap. *Ex Puber.* ; & cap. *Desponsatam* 27. q. 2. Matrimonii impedimenta ab Ecclesia jam pridem indulta liquet ex S. Ambrosio lib. 8. epist. 66. ad Paternum ; S. Augustino lib. 15. de Civit. cap. 16 ; Concilio Agathensi an. 506. cap. 61 ; Illerdenſi cap. 4 ; Toletano II. cap. 5 ; Lugdunensi II. an. 585. can. 4 ; S. Gregorio M. lib. 12. epist. 32 ; S. Isidoro lib. 9. Etymolog. cap. 3 ; S. Gregorio III. epist. ad S. Bonifacium ; Concilio Romano sub S. Zacharia ; Moguntino an. 813. can. 54. ; S. Nicolao I. ad consulta Bulgaror. cap. 39 ; Concilio Wormatiensi an. 868. cap. 32 ; Johanne VIII. epist. 198 ; Alexandro II. 35. q. 5 ; Ivone Carnot. epist. 114. 156. & 263. Mitto sequiorum temporum decreta. Matrimonia clandestina improbat sunt ex traditione apud S. Ignatium epist. ad Smyrn. ajentem : *Ducētes uxores, & nubentes cum arbitrio Episcopi jungantur* ; & apud Tertullianum lib. de pudicitia. In Matrimonio benedictionem Sacerdotis adhibendam liquet ex Tertulliano lib. 2. ad uxor. ; & lib. de veland. Virgin. ; S. Gregorio Nazianz. epist. 57 ; S. Siricio epist. ad Himer. ; S. Ambrosio epist. 105. S. Hormisda apud Ivonem, & Gratianum. Vide Petrum de Marca opus. de Matrim. Post quæ quis patienti aure excipiat vel Christianum Tomasium, vel Johannem Lyserum utrumque e Protestantium grege, quam impure, tam impudenter pugnantem legi naturæ, aut juribus concubii non adversari Concubinatum, aut Polygamiam ! Hanc de Sacramentis spartam admodum egregie adornarunt, quos ut adeas consulo, uti qui traditionis momentis, quæ nos vix prægustavimus, undequaque ita communiant, vindicent, & facta testæ servant, ut contra mustitare Novatoribus non sit, præ aliis de hæc re dogmatica optime quoque meriti, Arcudius, Goarius, Petavius, Hallier, Habert, Morinus, Tournellius, Renaudotius, Laurea, Martenius, Natalis, Juveninus, Witsarius, Gotti, Renatus Hiacyntus Honoratus Drovius auctor. duor. volum. de re sacram. Berti, Affemanus, Chardonus, Antoine, alique suis laudati locis.

(5) In Eucharistia præsentem adesse adesse Corpore, Anima, & Divinitate Christum Dominum, eumque in ea adorandum Traditio docet a SS. Patribus ad nos integre, intemerateque transmissa, e quibus, & quidem primo e Græcis laudantur, S. Ignatius in epist. ad Romanos, ad Ephes., & ad Smyrnenſes, quam laudavit Theodoretus dialog. 3 ; S. Justinus in Apolog. 2. ad Antonin. Pium, quæ tamen prima reapse est scripta an. 150 ; S. Irenæus lib. 4. adv. hæc. cap. 34, & lib. 5. cap. 2 ; Ammonius Alex. in harmonia 4. Evang. cap. 15 ; Origenes hom. 13. in Exod. 7. in Numer. 5. in divers. & lib. 8.

con-

& Divinitate, sub Speciebus panis, & vini præsentiam: eidemque
prop-

contra Celsum; S. Dionysius Alexand. epist. ad Sixtum Papam; S. Petrus Alex. serm. de penit. can. 8; Concilium Nicænum I. can. 18; S. Athanasius orat. de fide apud Theodoretum dialog. 2; Eusebius lib. 1. demonstr. cap. 12. S. Cyrillus Hierosol. cath. 3, 4, & 5; S. Basilii exhort. de baptis. serm. 2. de baptismo cap. 31, & epist. ad Cæsaream Patritiam; S. Gregorius Nazian. orat. 2, 3, & 11; S. Gregorius Nissenus orat. catechet. cap. 37, & lib. de vita perfecta; S. Ephrem adhort. 3. de extremo judicio, de natura Dei, & epist. ad Johannem Monachum; S. Macarius hom. 37; S. Epiphanius in Anchorato; Theophilus Alex. epist. 1, & 2. paschali; S. Chrysostomus hom. 1. in Isai., hom. 3. de Dei natura, hom. 7, 60, & 83 in Matth., hom. 2, & 61. ad populum, hom. 3. in 1. ad Ephes., hom. 24, & 27. in cap. 10, & 11. epist. 1. ad Corinth., hom. de prodit. Judæ, serm. de Eucharistia in Eusebii, & orat. de S. Philogonio. Ejus nomine inscriptam epistolam ad Cæsarium, ex qua Petrus Martir, Plestæus Mornæus, Picceninus, & Jacobus Basnagius fidem de transubstantiatione elevare conati sunt, perperam S. Patri suppositam ostendunt viri clarissimi Marchio Scipio Maffei, & Roncalia animadv. hist. Eccles. ad sæcul. IV. Natalis cap. 6. art. 30, Lequienius differt. 4. prælimin. ad opera S. Johannis Damasceni, & Cardinalis Gotti de vera Christi Ecclesia tom. 2. par. 2. art. 12. §. 13. Quamquam qui genuinam putant, nihil patrocinii pessimæ suæ causæ a Protestantibus posse ex ea extundi pugnant. Quo de argumento paullo post. S. Nilus apud Turrianum lib. 4. de epist. Pontif. cap. 19; Philo Carpathius in Cant. cantic. cap. 7; Palladius in vita S. Johan. Chrysostomi; Theodotus Ancyranus orat. de Nativ. Christi habita in synodo Ephesina; Cassianus Collat. 22. cap. 7; S. Proclus in tradit. divin. liturg., si tamen ejus est fetus; S. Cyrillus Alex. lib. 13. de adorat. in spiritu, & veritate, epist. ad Callosyrium, & epist. ad Nestorium; S. Isidorus Pelusiota lib. 1. epist. 123, & 169; Theodoretus in dialogo 2, & 5; Victor Antiochenus ad cap. 14. Marci; Titus Bostrensis in cap. 15. Lucæ; Procopius in Exod. fol. 253; Olympiodorus ad cap. 9. Ecclesiasticis; Johannes Maxentius dialogo 2. contra Nestorium; Cyrillus Eremita in vita Sancti Euthymii; Eutychius Constantinopolitanus Patriarcha apud Nicetam lib. 3. Annal.; Anastasius Antiochenus adversus Gainitast Hefychius Hierosol. lib. 2. in Levit. cap. 8; Evagrius lib. 4. cap. 35; Johannes Climacus grad. 15, & 23; Johannes Moscov. in prato spirit. capp. 48, 78, & 86; Eustachius presbyter in vita Eutychii Patriarchæ; Leontius in vita S. Johan. Eleemosinarii; Georgius presbyter in vita S. Theodori Archimandritæ; S. Sphronius Hierosol. in vita S. Mariæ Ægypt.; S. Maximus in exposit. Liturgiæ, Concilium VI. gener. act. 8, & Trullanum can. 26, & 102; S. Germanus Constantinopolitanus in Theoria; S. Johannes Damascenus lib. 4. de fide orthodoxa capp. 13, & 14, & in hist. Barlaam, & Josaphat cap. 19; Cosmas Hierosol. hymno 6. de magna Feria 5; Elias Cretensis in orat. 1, & 4. Nazianz.; Concilium Nicænum II. act. 6; Iguatius Nicænus in vita S. Tharasilii; Con-

propterea supremum, quem Latriæ vocant, cultum impendendum

Constantinus Tyrus orat. de S. Euphemia; Photius in cap. 1. epist. 1. ad Corinth.; Theophylactus in cap. 26. Matth., 14. Marci, & 6. Johan.; Simeon Metaphrasi. in vita S. Stephani junioris, & S. Theoditiis; Oecumenius in cap. 11. epist. 1. ad Corinth.; Euthymius in cap. 26. Matth.; Glicas par. 3. annal.; Nicolaus Methonensis orat. de Eucharistia; Nicetas Choniates de gestis Alexii Angeli; Simonas Gazzus disput. de Eucharist. Nicolaus Cabasilas de Liturgia capp. 1, 16, 27, & 39; Georgius Pachymerius in cap. 3. Eccles. hier. S. Dionysii; Nicephorus Callistus lib. 1. hist. Eccles. cap. 28; Genadius Scholarius de sacrificio in azymo sect. 4., & 6; Marcus Ephesinus de Eucharistia; Bessarion Nicænus de Eucharistia; Hieremias Constantinopolitanus resp. 1. cap. 13. de Sacram. usu, & resp. 2. cap. 4; Zagazabo Patriarcha Æthyopum in professione fidei; Sulaka Patriarcha Nestorianorum in professione fidei; Hypathius Ruthenorum Legatus in professione fidei, de quibus paullo post.

Ex Latinis (omissis pseudo-epigraphis decretalibus veterum Pontificum SS. Anacleti, Alexandri, Pii, Pontiani, Hilarii &c. apud Burchardum, & Gratianum) Tertullianus lib. de orat. cap. 6., & 14., lib. de resurrect. carn. cap. 8., lib. de pudicit. cap. 9., lib. 1. cont. Marc. cap. 14.; S. Cyprianus epist. 54. suo, & Concilii nomine ad S. Cornelium Papam, epist. 56., & 63 ad Cæcilium, lib. de lapsis, & serm. de Cœna Domini, si ejus tamen est; Concilium Arelat. II. can. 15; Juvenius lib. 4. Carmin.; Marius Victorinus lib. 3. adversus Arium; Julius Firmicus Maternus lib. de erroribus prophanar. Relig.; S. Hilarius lib. 8. de Trinit.; S. Ambrosius lib. de initiandis cap. 9., & lib. 4. de Sacram. capp. 4., & 5., & lib. 3. de Spiritu Sancto cap. 12.; S. Optatus lib. 4. contra Parmen.; S. Hieronymus comm. in psalm. 145., in cap. 1. Malachiæ, in cap. 26. Matth., in cap. 5. ad Galatas, in cap. 1. ad Titum, epist. 1. ad Heliodorum cap. 7., 85. ad Evagrium, seu verius ad Evangelum, & 150. ad Hedibiam, & in apolog. ad Pamach.; S. Gaudentius Brixienensis tract. 2. in Exodum; Rufinus in psalm. 22. S. Augustinus, cujus præ ceteris pessime auctoritate abusi sunt Sacramentarii apud Albertinum, S. Augustinus, inquam, lib. 9. confess. cap. 13., lib. 3. de Trin. capp. 4., & 10., lib. 2. contra advers. leg., & Prophet. cap. 9., lib. 2. contra litt. Petil. cap. 37., lib. 17. de Civit. cap. 10., lib. 12. contra Faustum cap. 10., lib. 1. retract. cap. 17., & lib. 2. cap. 3. enarrat. in psalm. 33., 39., & 98., lib. 1. de peccat. merit. cap. 20., Enchirid. cap. 91., quæst. 57. in Levit., serm. ad Neophitos, & 113. de diversis, & epist. ad Casulanum; S. Maximus Taurin. serm. in Domin. Palm.; Arnobius senior in psalm. 4.; S. Leo Magnus epist. 33., nunc 46. ad Cler., & popul. Constantinopolit., serm. 6. de Jejunio 7. mensis, serm. 4. de Quadrag., & serm. 7. de Passione Dom.; S. Petrus Chrysologus serm. 31., 34. & 95.; S. Eucherius Lugdun., seu auctor sub nomine Eusebii Emisensis hom. 5. de Pasch., & hom. in ramis palmarum; Sedulius lib. 4. Paschalis; Claudius Marius Victor lib. 3. comment. in Genes.; Salvianus lib. 2. de Eccles.; Victor Vitenfis lib. 1., & 3. de persecut. Vandal.; Vigilius Tapfenfis lib. 3.

32 PRIVILEGIA ROM. PONTIFICI
 dum a quotquot, qui Christiano nomine censerī velint : in
 Eucha-

lib. 3. contra Eutychem; S. Gelasius Papa relatus de consecr. dist. 2. cap. *Comperimus*; S. Avitus Viennensis lib. 5. de transitu maris rubri capp. 10., & 20., S. Remigius Remensis apud Hincmarum in ejus vita; Arator lib. 1., & 2. Carminum; Cassiodorus in psal. 109; Concilium Turonense II. cap. 3.; S. Gregorius Turonensis lib. 1. de glor. Martyr. cap. 86; S. Gregorius Magnus lib. 4. dialog. cap. 58, & hom. 14., & 22. in Evang.; S. Isidorus Hispal. lib. 1. offic. cap. 15., & 18.; & lib. 6. orig. cap. 19; Concilium Hispalense II. cap. 7; S. Eligius hom. 8.; S. Germanus Parisiensis Episcopus in exposit. Missæ apud Martenium tom. 5. anecdot. 3 Theodorus Cantuariensis in penitentiali rubrica 41. 3 Concilium Toletanum XII. cap. 5., V. Beda in lib. Boetii de Trinit., hom. in Epiphania, & in cap. 22. Lucæ; Alcuinus lib. de divin. offic. cap. 39; Egbertus Eboracensis in excerpt. cap. 38.; Usuarius in Martyrologio 15. Augusti de S. Tarfitio; Haimo in Christi Passione secundum Marcum, & in cap. 11. epist. 1. ad Corinth.; Amalarius lib. 3. de offic. Ecclesiasticis capp. 24., & 25.; Walafri-
 dus de rebus Eccles. capp. 16., & 17.; Strabus in cap. 11. epist. 1. ad Corinth.; Christianus Druthmarus in cap. 26. Matth.; Hincmarus Rem. in vita, & in encomio S. Remigii; Florus in Can. Missæ; Remigius Antistodori, in psal. 21., & de celebrat. Missæ; Paschasius Ratbertus de Corp. & Sang. Domini capp. 19, & 20., Auctor operis inscripti; Altercatio Synagogæ, & Ecclesiæ cap. 8., Radulphus Flaviacensis lib. 14. in Levit. cap. 4.; Smaragdus in diademate Monachorum cap. 49.; Fulbertus Carnot. in epist. ad Adeodatum; Beruo Augien-
 sis serm. de Nativ. B. Mariæ V.; Osbertus Cantuariensis in vita S. Dunstani cap. 44.; Glaber Rodulphus lib. 5. hist.; S. Petrus Damiani serm. de Nativ. B. Virg., & serm. 2. de S. Johan. Evang.; Theoduinus Leodiensis Episcopus in epist. ad Henricum Gallie Regem; Radulphus Ardens hom. in epist. de Cæna Domini; Lantfrancus Cantuar. lib. de Corp., & Sanguine Domini; Adelmannus Brixien-
 sis epist. ad Berengarium; Hugo Lingonensis in epist. ad Berengarium; Aldrevaldus Floriacensis opusc. adv. Bereng. apud Dacherium tom. 12. Spicilegii; Micrologus de Eccles. observ. cap. 10.; Algerus lib. 1. de Sacram. Altaris cap. 7., & 8., & lib. 2. cap. 3; Guimundus Aversanus lib. 1. de veritate Eucharistiæ; S. Brunus Segniensis in cap. 11. epist. 1. ad Corinth.; S. Anselmus Cantuar. in cap. 7., & 10. epist. ad Hebr.; Anselmus Laudunensis in cap. 11. epist. 1. ad Corinth.; Ivo Carnot. serm. de conven. veteris, & novi Testamenti serm. de excell. sac. Ord., epist. 233, & 234.; Hildebertus Cenomanensis de Myst. Missæ Odo Cameracensis in Can. Missæ; Rupertus Abbas lib. 3. de oper. Spiritus Sancti, & in cap. 6. Johan.; Hugo Victor. lib. 2. de sacram. p. 8. capp. 7, & 9.; S. Bernardus serm. in Cæna Domini, & in vita S. Malachie; Magister sent. in 4. dist. 12.; Petrus Cluniacensis epist. contra Petrobrusianos; S. Hildegardis de Corp. & Sang. Christi fol. 108., & epist. ad Moguntinenses in bibl. PP.; Sugerius in vita Ludovici Crassi; Petrus Cellensis lib. de Panibus cap. 13; Guntherus lib. 3. de gestis Friderici; Guericus serm. 5. de purif. B. Virg., Innocentius III. lib. 4. Myst. Missæ cap. 17; Concilium Later. IV. cap. 1; Jaco-
 bus

bus de Vitriaco serm. in cœna Domini; Cæsarius Halberstadensis lib. 9. cap. 51. ; Honorius III. lib. 3. decretal. tit. 41. de celebr. Missar. ; S. P. Franciscus in admonit. ad Fratres ; Gregorius IX. lib. 1. decretal. cap. 1. ; Guillelmus Arvernus de sacr. Euchar. cap. 1. ; Johannes Parisiensis tract. ad Walramum Episc. ; Innocentius IV. in appar. super decretal. ; Alexander Alenfis p. 4. q. 10. mem. 5. art. 3. ; Albertus Magnus lib. de myst. Missæ. ; S. Thomas in Sequentia , & 3. p. q. 75. art. 1. ; S. Bonaventura p. 6. brevilogii cap. 9. Urbanus IV. in Clem. de reliq. & venerat. Sanct. ; Concilia Constantiense sess. 13. ; Florentinum in decr. union. ; Tridentinum sess. 13. ; Mitto ceteros videndos apud Jodocum Cocceum in Thesaur. tom. 2. lib. 6. art. 1. & 7. , Cudbertum Tonstall Episcop. Du-nelmen. in tract. de præsent. Christi in Euch. , Claudium Sanctissimum Episcop. Ebroicens. de Euch. ; Perronium tract. de Euchar. ; Arnaldum , & Renaudotium de perpet. fid. circa Eucharist. ; Crespetium in summ. Ecclæs. pag. 356. ; Bel-larminum , & Bouchatium de Eucharist. ; Witaßium tract. Theolog. tom. 4. Natalem hist. Ecclæs. ad sæcul. xi. , & xii. dissert. 12. ; Tournellium de Eucha-rist. q. 2. art. 4. ; Berti de Theolog. discipl. lib. 33. cap. 8. Sed hocce de dog-mate plura infra .

(6) In Eucharistia veram fieri substantiæ panis , vinique in Corpus , & Sanguinem Christi Domini conversionem , quam Ecclesia aut Transfementationem , uti Græca , aut Transubstantiationem , uti Latina nuncupat , ex Traditione divina docent ii ferme omnes Patres , qui pro Christi præsentia in Eucharistia pugnant : videlicet ex Græcis S. Ignatius in epist. ad Smyrneneses ; Pres-byteri Achajæ in actis S. Andreæ , si tamen germana sunt ; S. Iulianus in apo-log. 2. , resp. 77. ad Gentes , & in dialogo cum Triphone ; S. Irenæus lib. 4. cap. 34. , & lib. 5. cap. 2. ; Origenes hom. 7. in Num. , & lib. 8. contra Celsum ; S. Athanasius lib. de passione Imaginis Christi , qui citatus est sub nomine S. Athanasii a Nicæna 11. Synodo act. 4. , quamvis S. Athanasio illum abjudi-candum censeant viri eruditi ; S. Cyrillus Hierosol. cath. 1. , & 4. ; S. Gregorius Nazianzenus orat. 2. in Pascha ; S. Gregorius Nissenus tract. de transmut. Corp. ; & Sang. Domini , seu orat. Cathæchetica cap. 37. ; S. Epiphanius in Anchorato ; S. Chrysostomus hom. 83. in Matth. ; hom. 21. in Acta ; hom. 6. ad popul. ; hom. de Eucharist. , & hom. de resurrect. ; S. Cyrillus Alexand. lib. 13. in Levit. ; & in epist. ad Nestorium ; Theodoretus dialogo 2. ; S. Proclus in tradit. divinæ Liturgiæ , si tamen ejus est opus ; S. Isidorus Pelusiota epist. 100. , & 123. ; Evagrius lib. 4. hist. Ecclæs. cap. 35. ; S. Germanus Constantinopolit. in myst. contempl. rerum Ecclesiast. ; S. Johannes Damascenus lib. 4. de fide orthod. capp. 13. , & 14. ; Oecumenius in cap. 10. ad Hebr. ; Theophylactus in cap. 27. Matth. , 17. Marci , & 6. Johan. ; Euthymius , aliique in c. l. Malach. ; Hieremias Constantinop. in censura Lutheraniæ confess. resp. 1. cap. 13. Ex Latinis Tertullianus lib. 4. contra Marc. cap. 4. , & lib. 5. cap. 20. ; ubi verbis illis *In similitudinem hominum factus* ostendit veram Christo humanitatem non exclu-di ; itaque cap. 40. , ubi Eucharistiam figuram corporis Christi nuncupat , non

34 PRIVILEGIA ROM. PONTIFICI
Christi Domini nostri Corpus, & Sanguinem veram, reque ipsa
fici

ideo veram transubstantiationem inficiatur, unde ab Hethodoxis injuriam subit, dum in erroris confortium ab eisdem vocatur. S. Cyprianus serm. de orat. Domin., serm. de lapsis, & epist. 54., & 63.; Juvencus lib. 4. poemat.; S. Hilarius lib. 8. de Trinit.; S. Ambrosius lib. 4. de Sacram. cap. 4., & lib. de iniciandis cap. 9.; S. Hieronymus epist. 1. ad Heliodorum; epist. 150. ad Hedibiam; & in cap. 1. Malachiz; S. Augustinus serm. 28. de verbis Domini, lib. 3. de Trinit. cap. 4., tract. 27. in cap. 10. Johan.; in psalm. 98.; & epist. 112., & 118.; S. Eucherius, seu Eusebius Emis. hom. 5. de Paschate; S. Petrus Chrysologus serm. 33.; Cassiodorus in psalm. 109.; S. Gregorius Turonensis de glor. Martyr. cap. 88.; S. Gregorius Papa hom. 22. in Evang.; & lib. 4. dialog. cap. 58.; S. Isidorus Hispal. lib. 1. de offic. Eccles. cap. 18.; S. Eligius hom. 8; Concilia Bracarense III. can. 1; Toletanum XII. can. 5.; V. Beda in Boetium de Trinit., in 22. Lucæ; hom. de Epiphania; & lib. 4. de gestis Anglorum cap. 22.; Alcuinus lib. de offic. cap. de celebr. missar.; Carolus Magnus lib. 6. Capitul. cap. 163.; Aponius lib. 3., & 6. in Cantica; Autpertus lib. 2. in Apocalyp.; Haimo in passione Dom. secundum Marcum; Rabbanus lib. 1. inst. Cleric.; si tamen ejus est auctor; Strabus in cap. 11. epist. 1. ad Corinth.; Remigius Antisiodor. in psalm. 21; Paschasius; Lantfrancus; Algerus; Guimundus loci supra cit.; Chrysolanus Archiepiscop. Mediolanensis de concord. Evang. lib. 4; S. Petrus Damianus serm. de Nativ. B. Virg.; S. Anselmus in cap. 7., & 10. epist. ad Ephes., & cap. 1. epist. 2. ad Timoth.; Rupertus lib. 3. de oper. Spir. S. cap. 21., in 6. Johan.; & lib. 8. de offic. cap. 4.; Goteфридus in opusc. de Corp., & Sang. Domini, opusc. 8.; Hugo Victor. lib. de Sacram. p. 8. capp. 7., & 9; S. Bernardus serm. in cæna Domini; V. Petrus Clunian. epist. advers. Petrobrusianos; & lib. 1. de miraculis cap. 1. art. 2.; Magister sent. in 4. dist. 11.; S. Thomas 3. p. q. 75. art. 1., 2., & 3.; S. Bonaventura par. 6. Breviloquii cap. 9.

In dissertatione, quam de utroque dogmate de Eucharistia adornavi, pleraque alia profero in hanc rem testimonia, inter quæ 1. testimonium Conciliorum Nicæni I. can. 18., & in diatyposi ejusdem Concilii apud Gelasium Cyzicenum lib. de actis Nicæni Concilii apud Photium cod. 88.; Ephesini in anathem. S. Cyrilli Alex.; Nicæni II. act. 6.; Trullani can. 22, 26., & 101; Constantinopolitani anno 1642; Hierosolymitani anno 1668; Bethlemitici an. 1672, & Jassensis in Moldavia contra Cyrillum Lucarem, & confessionem Calvinisticam. Celebratorum vero in Ecclesia Latina Lugdunensis II. in formula fidei; Viennensis Clem. unica de Reliquiis; Lateranensis IV. C. 1. Constan. sess. 8.; Florentini in decreto union. Tridentini sess. 13. Particularium quoque Parisiensis anno 846, Romani sub S. Leone IX. an. 1050; Vercellensis, & Parisiensis eodem an. Florentini sub Viatore II. an. 1055; Romani anno 1059. sub Nicolao II; Rothomagensis an. 1063; Turonensis an. 1055; Pictaviensis an. 1065; Romani an. 1078., & 1079. sub S. Gregorio VII. 2. Testimonium ex Liturgiis cum Latinis auctoris Const. Apost. sub nomine S. Clementis, & altera S. Petri, Romana, Mediolanensi, Gal-

fieri conversionem , quam Ecclesia aut transelementationem , ut

E 2

Orien-

Gallicana , Mozarabica , Latina Mathiæ Flacci Illyricis item inscriptis S. Julio & S. Sixto I. , & Sacramentariis Leoniano , Gelasiano , & Gregoriano apud Morinum . V. Cardinalem Thomassium , Pamelium , Angelum Roccam , Mabilonium , Hugonem Menardum , & Assemanum ; ex quibus coaluere Sacramentaria Sandionysianum , Metense , Colonierse , apud Cointium , Brajetum , & Brunium ; Missale etiam Romanum , & Ordines Romani , seu libri Ecclesiastici Romanæ Ecclesiæ apud Cassandrum , Itorgium , Panvinium , Mabillonium ; Sacramentaria etiam Gotico - Gallicanum , & Mozarabicum apud Cardinalem Bonam , Thomassium , Mabillon . Tum ex Liturgiis Græcis inscriptis S. Jacobo , S. Mattheo , S. Marco , S. Johanni Evangelistæ . SS. 12. Apostolis , S. Dionysio Atheniensi , S. Ignatio Martyri , S. Euthatio Antiocheno , Nicænis Patribus , S. Marutz Catholico , S. Epiphanio , S. Basilio , S. Chrysostomo , S. Gregorio Nazianzeno , S. Cyrillo Alexandrino , Cyriaco , S. Gregorio Illuminatori , Dioscoro Alexandrino , Theodoro Mopsuesteno , Nestorio ; Æthiopice , Malabarice , Coptice , Maronitice , Armenice ; Moyssi Barcephæ , Johanni Barfæ , S. Proclo Constantinopolitano , Filixino , aliisque aliis inscriptis apud Assemanum , Gabrielem Sinoitam , Abrahamum Echellensem , Sollerium , Morinum , Renaudotium , Brunium , alicque .

Profero 3. testimonium ex fidei professionibus frequens editis ab Orientalibus qua catholicis , qua hæreticis ; inter quas 1. est professio fidei , quam a Saceracenis recens conversis exposcebant Græci apud Silburgum ; 2. Professio fidei , quam Græcis e schismate , aut hæresi revertentibus præscribere Romani Pontifices , præsertim Græcis Hadrianus IV. , & Alexander III. ; Nestorianis Æthiopicis Tarariam incolentibus idem Alexander III. ; Armenis , & Bulgaris Innocentius III. ; Epirotis , & Armenis Honorius III. ; Constantinopolitanis , & Jacobitis Gregorius IX. , Græcis , & Ruthenis Innocentius IV. , & Alex. IV. ; iisdem , & Imperatori Palæologo Urbanus IV. , Clemens I V. , & Gregorius XI. Orientalibus omnibus Nicolaus IV. , & Bonifacius VIII. ; Cypriis , & Armenis Joannes XXII. , Benedictus XII. , & Clemens VI. ; Græcis iterum Innocentius VI. , & Urbanus V. ; Æthiopicis , & Jacobitis Eugenius IV. , & Nicolaus V. ; Georgio Regi Bohemice Callistus III. ; Duci Moscovice Sixtus IV. ; Georgianis Alexander V. ; Congi Regi , & populo Julius II. ; Maronitis , & Abyssinis Leo X. ; Maronitis , & Americanis Clemens VII. ; Syris Nestorianis , eorumque Patriarchæ Sulahe Julius III. ; Malabaribus Pius IV. ; Militibus Gregorius XIII. ; Ruthenis , & Græcis Clemens VIII. ; Maronitis , Chaldeis , Armenis , aliisque Paulus V. ; Asiaticis , Africanis , aliisque Innocentius XI. de quibus fufe par. 2. Vindicat. art. ultimo agendum erit . 3. Professiones fidei , quas ab Orientalibus Patriarchis , & Episcopis magna copia impetravit anno 1672. D. de Nointel Orator Galliarum Regis apud Turcarum Imperatorem , quæ exstant Parisiis in bibl. S. Germani a Pratis , quarumque excerpta exhibent clariss. viri Renaudotius tom 4. perpet. fidei ; Ricardus Simonius lib. de fide Eccles. Orient. circa transubstantiationem , ad cujus calcem exhibet dissertationem Græco-Latinam

Orientalis, aut Transubstantiationem, ut Occidentalis, juxta uni-

tinam Meletii Sirigi Protosyncelli de Transubstantiationis dogmate a Ruthenis, Græcis, Orientalibusque universim admissis; Juveninus dissert. 4. de Euch. q. 4; Natalis ad secul. XI. dissert. 12. art. 3; P. Parisius Canon. regul. S. Genovefæ tract. de fide Eccles. Orient.; & Brunius dissert. in Liturg.; quarum

Præcipuæ sunt 1. Nicolai Spadarii Moldaviæ, & Vvalachiæ Principis; 2. Basilii Ducis Moscoviæ apud Possevinum; 3. Ruthenorum, ut patet ex magno ipsorum Cathéchismo part. 1. art. 6; 4. Cypriorum, ut patet ex Synodo ab ipsis Leucosæ an. 1668. habita; 5. Melchitarum, qui tum Hierosolymitano, tum Alexandrino, tum Antiochæ Patriarchæ subsunt, apud Dominum de Monconis in suo itinere ad montem Syon; D. Thevenot in suo itinere Orient. cap. 77, & D. Tavernierum tom. 1. suorum itiner. lib. 2. cap. 2; 6. Coptheorum apud Renaudotium, P. Bonjuor Augustinianum, P. du Bernat Soc. Jes. tom. 2. monum. mission. Orient., Vanslebium in hist. Copht.; 7. Aethiopum seu Abyssinorum apud Franciscum Alvarez in hist. Aethiopiz; Damianum Goëz de morib. Aethiop.; Patrem Nicolaum Godignum Soc. Jes. in relat. de Abyssin. rebus; P. Balthassarem Tellez Soc. Jes. in hist. Aethiopiz; & Jacobum Poncet in relat. itineris Aethiopiz; 8. Jacobitarum apud Assemanum in bibliot. Orientali; Renaudotium; Echellensem in notis ad catalogum lib. Chaldaicorum Ebed Jesu; Raynaldum ad annum 1444, & Pagium in Eugenio IV; 9. Nestorianorum, qui tum Syriam, Mesopotamiam, & Persidem incolunt, ut est apud Simonium, Renaudotium, & Monfauconum, tum Malabariam, Tartariam, & Sinas pervaserunt, ac impræsentiarum ibidem moram trahunt, ut est apud Mullerum, Renaudotium, & P. Coupletum agentes de celeberrima inscriptione anno 1625. inventa in Urbe Siganfæ provincie Xins charact. Sinicis, & Syriacis exarata, in qua Nestorianorum omnia dogmata tradi ostendunt, atque apud P. Antonium Goveanum in hist. Mission. Malabariz Alexii de Menezes, Pagium in crit. Baronii ad an. 1177; P. Heliotum in histor. Ord. Religios. tom. 1, & Raynaldum ad annum 1244. Armenorum apud P. Clementem Gallanum in conciliatione Ecclesiæ Armenæ cum Romana; Jacobum de Vitriaco in hist. Armen., Raynaldum ad annum 1206, & Pagium in Johanne XXII. 11. Maronitarum apud Abrahamum Echellensem in notis ad catalogum libror. Chaldaicor. Ebedjesu; Gabrielem Sinoitam in epist. ad Nisium, quam refert Allatius opusc. pag. 279; Faustum Naironum dissert. de orig. & Relig. Maronit., Stephanum Eudoxium Assemanum in bibl. Orient.; Renaudotium tom. 3. perpet. fidei; D. de la Rocca tom. 2. suor. itin. in Syriam. 12. Orientalium omnium inter Turcas in Thracia commorantium, ut patet ex professionibus fidei exhibitis Domino de Nointel a Monachis Moromolanis, & incolentibus Insulas Principum; a septem Metropolit. Peræ degentibus; a quatuor Patriarchis Constantinopolit., Alex., Antiochene, & Hierosol. iterum a 33. Metropolitanis anno 1672. ab Episcopis Colchidis, & Iberiæ datis P. Iosepho Mariz Zampio Cler. regul. Theatino; ab aliis pluribus Orientalibus Constantinopoli degentibus exhibitis D. Andrea Ridolpho Epi-

uniuscujusque Idiotismum, nuncupari consuevit: quamque in fidem
ita

Episcopo Calaminæ, Vicario Apostolico, aliisque apud citat. auctores. Adeo constans est, explorataque Orientalium omnium circa dogma Eucharistiæ, & Transubstantiationis fides, ut Synodus Hierosolymitana an. 1678. sub Dositheo Patriarcha coacta, ut os Galliarum Calvinistis obstrueret, obtestata sit Orientales omnes orthodoxos non modo, sed etiam ab Ecclesia segrege Nestorianos, Armenos, Syros, Cophtos, Æthiopes, cum qui sub linea æquinoctiali degunt, tum qui sub tropico Capricorni, qui vulgo Campefiani nuncupantur, cum Ecclesia Catholica convenire, tam circa Sacramentorum numerum, quam ac maxime circa Eucharistiæ doctrinam, ac propterea hæreticis manum ori imponere jusserit, neque amplius Orientalibus adversus fidem quidquam subleſti affingere. Confer Confessionem orthodox. Eccles. Cathol., & Apostol. Orient. advers. Cyrillum Lucarem editam a clariss. Panagiotio viro Græcorum doctissimo; nec non Synodum a Maronitis anno 1736. in monte Libano habitam, quam Benedictus XIV. Pontifex maximus anno 1741. Conſtit. 31. comprobavit.

Quid imo quod ex hæreticis ipsis non pauci veritate compulsi Orientales in dogmate de Eucharistia cum Occidentalibus consentire ultro, citroque facti sunt; e quibus præcipue Crusius; Sandius lib. de varior. Relig. cap. 42; Grotius in discussione Apologetici Riveti; Forbesius in consider. de Sacram. Eucharistiæ cap. 4; Danavertius in tract. advers. Allatium; Allixius in oper. Dositheï, & Nestarii; de Vigne ea de re ad Ecclesiam reversus in tract. de Euch.; & Arnoldus Bootius in epist. ad Usserium inter Usserianas 198. ? Quocirca mirari subit efronti, effrenique inverecundia ausos fuisse apertissimæ veritati tenebras offundere, ita ut Græcorum circa fidem Eucharistiæ elevare conati sint Fridericus Spanhemius in stricturis contra fidei exposit. Bossuetii, & Thomas Smith in lib. de Ecclesiæ Græcæ hodierno statu, quos pro meritis castigant Renaudotius in lib. perpet. fidei, & Simonius in lib. de fide Eccles. Orient.; Cophtorum Claudius Salmasius in Liturgia Cophtorum, quem profligant cit. Renaudotius, & Brunius disert. in Liturg. Jacobit.; Æthiopum Ludolphus in hist. Ætiop.; Nestorianorum Malabaræ Crouseus in hist. Christ. Indiæ; Armenorum cit. Claudius, & Thomas Smith, quos refutant, ac refellunt non modo ex nostris Assemanus, Echellensis, Arnaldus, Renaudotius, Simonius, Brunius, alique, qui provincia hæcæ feliciter perfuncti sunt; sed imo ex ipso Protestantium grege Schroderus in Thesauro linguæ Armenæ; Olearius Lutheranus in epist. adversus Calvinitæ tom. 1. perpet. fidei; Ricautius in relat. Ecclesiæ Armenæ, alique superius citati. Ex quibus perspicuum fit quam impudenter effutiant Novatores dogma, nomenque Transubstantiationis recens inventum esse ab Innocentio III. Pontifice in Concilio Lateranensi IV. an. 1215. primum invecum: quandoquidem dogma istud quoad rem Ecclesiæ eorum esse ex dictis constat; quoad nomen quoque esse antiquissimum, & quidem apud Græcos; quorum antiquiores estis verbo *μετεμύβασις* Transubstantiationis usi non sint, sed verbo *μετεσχηματισμός*, aut *μετασχηματισμός*, mutatio-

38 PRIVILEGIA ROM. PONTIFICI
ita constanti, unanimique consensione utraq; jugiter Ecclesia con-
venit;

tationis, idem tamen significatum volvere ex subiecta materia, quæ mutatur, quæ est substantia: quamquam eorum aliqui, ut S. Cyrillus Cath. 4., & S. Gregorius Niss. orat. Cathedet. verba *Transmutari*, & *Transselementari* usurpant; Græcorum vero posteriores, atque quidem ex præcorum sententia verbum *μετεμύησεν* transubstantiationis adhibuere, ut Grabriel Philadelphien- sis in apolog. pag. 15., & Hieremias Patriarcha Constantinopolitanus in cen- sura adversus Calvinistas resp. 1. cap. 13., & resp. 2. cap. 4., quam Latinitate donantes Theologi Virtembergenſes Lutherani e regione Græci vocabuli *μετεμύησεν*, & *μετεσβόλω* latinam vocem *Transubstantiatio* apposuerunt. Apud Latinos vero Transubstantiationis vocabulum legitur expressum in confessione Albi- genſium, cujus meminit in litteris datis anno 1160. Petrus tituli S. Chryso- goni Cardin. apud Baronium tom. 12. annal. ad cit. annum; in epist. 140. Pe- tri Blesensis, qui sub Alexandro III. floruit; in epist. Gaufridi ad Episcopum Cardinalem Albanensem apud Baronium ad an. 1188.; in tract. de sacram. Al- taris cap. 13. circa an. 1160. exarato ab Stephano Eduensi Episcopo. Plane a Ratramno Corbejenſisquem Berengarianæ hæreseos labe inquinatum conten- dunt Baſnagius, Albertinus, & Salmasius, doctrinam potius de Transubstantia- tione traditam affirmant Magdeburgenses Centur. 9. a Berengario ipso primum in catholicis reprehensum, ac postea quum ad meliorem frugem sese recepisset, ab ipso met assertum vocabulum Transubstantiationis auctor est Mabillonius præfat. 2. in sæcul. VI. Benedict.

Quid plura? Johannes Hus apud Pezibramum, & Hoherium Tran- substantiationis dogma confessus est. Hieronymus Pragensis teste Pog- gio Florentino in epist. ad Leonardum Aretinum apud VvonderHart ita. 161. Concil. Constant., transubstantiari panem in Eucharistia professus est. Philippus Melancthon in lib. edito adversus Oecolampadium accumulatis ve- terum Patrum testimoniis propugnavit panem in Eucharistia transubstantiari. Philippus Mornæus in mysterio iniquitatis pag. 141. scribit transubstantiatio- nem jam auditam tempore Caroli Magni, & Hadriani Papæ. Postremo admissa præsentia Christi in Eucharistia, negari amplius transubstantiationem non posse scribunt e Protestantibus Zuvinglius in epist. ad Johannem Bugen- hagem; Theodorus Beza lib. de Cæna adversus Vvestphalum; Zacharias Ursinus Hidelbergensis in Cathedra. q. 78. de consubstantial.; Scharpius in cursu Theolog. art. de Cæna cap. de consubstantial. . Plura vide in libro inscripto *Consensus Orthodoxorum Sacram.*; & in altero inscripto *Conversio Johannis Georgii Rhaeti* pag. 418, & 420. Lutherus ipse aliquando, in lib. scilicet de abroganda missa pag. 253, & in confess. magna de Cæna Domini professus est dogma transubstantiationis, laudibusque celebrat Nicolaum II, quod Beren- garium adegerit ad errorem ejurandum; ea de re Lutherum increparunt, quod nobis eo in dogmate consenserit, Musculus in epist. ad Bucerum; Bullin- gerus, Scultetus, aliique apud eundem Scultetum in decade 2. annal. Post quæ quem mirari summo opere non subeat, jam non dicam de impudentia Jo- han-

venit; ut miserere hæreticorum sit, qui adhuc dubitant: Missæ (7) sacro-

hannis Placet; Johannis Melchioris, Johannis Tillotson, horumque similium e Protestantium fursure hominum, sed Ludovicum Dausour de Longueur virum alioqui catholicum, ac doctum de hocce Tranfubstantiationis dogmate adeo in confesso, inque aprico posito talia dixisse, ut ejus dissertatio Petro Al-lixio, cui erat amicitia conjunctus, potius tribuenda aliquando visa fuerit? Confer interea Lindanum Episcop. Gandav. in apolog. Relig. Cathol.; Bossuetium in hist. variat; Cardinalem Gotti de vera Christi Ecclesia tom. 2. pag. 2. art. 12. §. 14; Natalem hist. Eccles. ad Sæcul. XV., & XVI. art. 12; Thomam Vvaldensen; Cardinales Bellarminum, & Perronium; Coeffetellum, Petavium, Tournellium, Bouchatium, Vvitassium, Vallemburgios, Berti, sexcentosque de Schola Theologos doctissimos in hoc disputandi genere magna cum laude diligentissime versatos, nam aliud nostram properare orationem oportet.

(7) Missam esse verum, ac proprium Sacrificium, neque tantummodo Eucharisticum, & Latreuticum, sed etiam propitiatorium, atque impetratorium, ideoque jure, meritoque Deo offerri tam pro vivis, quam pro defunctis, Traditio divina est, cujus testes sunt celeberrimi præter Liturgias omnes utriusque Ecclesiæ usu consecratas, quas supra commemoravimus, ex Græcis Patribus S. Ignatius in epist. ad Smyrnenfes; S. Justinus in apolog. 2, & in dialogo cum Triphone; S. Irenæus lib. 4. adversus hæz. cap. 13, & lib. 5. cap. 23; Origenes hom. 12. in Levit., & lib. 8. contra Celsum; Conſtantine Imper. in epist. ad Episcopos Tyri congregatos; Eusebius lib. 1. demonstr. capp. 10., & ult.; & orat. de laudib. Constantinis; Concilium Nicænum I. can. 14, & interdiatypoſes apud Gelasium Cizicenum; Alexandrinum in epist. ad Episcopos omnium Ecclesiar. apud S. Athanasium in apolog. 2; Laodicenum can. 58; S. Athanasius apud S. Johannem Damascenum serm. de defunctis; S. Cyrillus Hierosol. cath. 5; S. Basilii hom. 19., & lib. de baptif. in responſ. ad quæſt. 23; S. Gregorius Nazianzenus orat. 13, 4, 19, & 30; S. Amphilochius in vita S. Basilii; S. Epiphanius hæz. 55; & in epist. ad Johan. Hierosolym.; S. Gregorius Nissenus orat. 1. de Christi resurreſt.; S. Chryſoſtomus in pſal. 95; hom. in xnceniis; hom. 12., & 62. ad populum; hom. 26, & 27. in Actis; hom. 3. in epist. ad Ephes.; hom. 2. in epist. 2. ad Timoth.; hom. 17. in epist. ad Hebræos; hom. 3, & 4. de incomprehenſibili Dei naturæ orat. 4. contra Judæos; orat. in S. Euthathium Antiochenum, & lib. 3, & 6. de Sacerdotio; Sineſius epist. 57. & 58; Philo Carpathius in Cantica; S. Proclus de traditione divinæ liturgiæ; S. Nilus in epist. ad Anaſtaſium Episcopum; S. Cyrillus Alexandrinus lib. 13. de adorat. in ſpirit., & verit., epist. ad Neutorum, lib. in Iſaj. cap. 25, & in declaratione anathemat. 12; S. Iſidorus Peluſiota lib. 1. epist. 401. ad Benjamin Hebræum, & lib. 3. epist. 75; Iſchyrius Diaconus Alex. in libello ad S. Leonem Papam; Theodoretus in Philotto cap. 20, in cap. 2. Malach., & cap. 8. ad Hebr.; Juſtinianus Imp. Cod. de Episcop. & Cleric. L. 41., Novel. conſtit. 7. apud Julianum Patritium; & conſtit. 115. apud eundem; Synodus Conſtantinopolitana ſub Menna æt. 1; Timotheus Alex. de miraculis S. Mennæ Marty-

crofanctum Sacrificium in illius memoriam a Christo Domino institutu-

ris; Cyrillus Eremita de S. Johanne Silentario, & de S. Euthymio; Andreas Hierosol. hom. in Dominic. Palm.; Anastasius Synaites serm. de S. Communionem; Eustachius presbyter in vita S. Eutychii Constantinopolit.; Johannes Moscus in prato spirit. cap. 199; Leontius in vita S. Johannis Eleemosinari; Georgius presbyter in vita S. Theodori Archimand.; Synodus Trullana, can. 28, & 32; S. Germanus Constantinopolit. de contempl. rer. Ecclesiast.; S. Johannes Damascenus lib. 4. de fide orthodoxa cap. 14, & hist. Barlaam, & Josaphat cap. 39; Synodus VII. act. 6; Timotheus presbyter Hierosol. orat. de accus. Christi; Elias Cretensis in orat. 19. Nazianz.; Ignatius Nicænus in vita S. Tharastii; S. Methodius Constantinopolit. orat. de iis, qui abnegarunt; Theophanes presbyter orat. in exilium S. Nicephori Constantinopolitani; Photius ad cap. 11. epist. ad Corinth.; Leo Imperator Philosophus lib. de apparatu bellico cap. 19, & in encomio S. Johan. Chrysostomi; Theophylactus in capp. 5, 7, & 10. epist. ad Hebr.; Simeon Metaphr. in vitis S. Clementis Ancyran, S. Abrahami, & S. Gregorii Armeni; Eucumenius in capp. 5, & 10. epist. ad Hebr.; Zonaras in can. 3. Apostol.; Samonas Gazæus de Eucharist. & Cabasilas de liturg. cap. 32; Cedrenus in Monomacho; Nicolaus Methonensis orat. de Eucharist.; Balsamon in can. 3. Apostol.; Nicephorus Callistus hist. lib. 1. cap. 28, lib. 8. cap. 31, & lib. 4. cap. 51; Gennadius Scholarius de Sacrificio in azymo fest. 7; Hieremias Constantinopolit. in cens. resp. 1. cap. 13. Confer. liturgias, aliaque monumenta Eccles. Orient. paulo superius laudata.

Ex Latinis (ut missa faciam testimonia a nonnullis excerpta ex pseudo-epigraphis lib. 6. constit. Apost. cap. 12. S. Clementis; actis S. Andreæ; epist. S. Martialis ad Burdigalenses cap. 3; lib. de Eccles. hier. cap. 3. S. Dionisii; Decretalibus SS. Anacleti, Alexandri, Sixti, Telesphori, Higinii, Pii, Aniceti apud Burchardum lib. 5. cap. 29, & Ivonem par. 2. cap. 38; Soteris apud Gratianum de consecr. dist. 1; Fabiani, Cornelii, Felicis, Eutychiani apud Gratianum 11. q. 3. cap. *Si quis*; Marcellini, Eusebii apud Gratianum de consecr. dist. 1; Silvestri, Julii in epist. ad Episcop. Ægypti apud Burchardum lib. 5. cap. 1, Ivonem p. 2. cap. 2, & Gratianum de consecr. dist. 2, & Felicis IV. epist. 1.) Tertullianus de cultu feminar. cap. 11, lib. de orat. cap. 14, lib. ad scapulam cap. 2, & lib. de veland. Virg. cap. 9; S. Cyprianus in epist. 16, 60, 63, 66, 68, 73, & 77, & ser. de orat. Dominica; Concilium Arelatense I. capp. 15, & 20; S. Optatus Millevit. lib. 3. contra Parmen. & S. Hilarius Pictav. lib. 3. adv. Constantium Imper. & in psal. 67; Marius Victorinus lib. 1, & 2. adv. Arium; S. Julius I. in epist. ad Orient. apud S. Athanasium apolog. 2; S. Ambrosius lib. 1. offic. capp. 41, & 48; lib. 4. de Sacr. cap. 6; in psal. 38; in 1. Lucæ; in 4. epist. 1. ad Timotheum; in exhort. ad virg. lib. 10. epist. 85, & epist. 33. ad Marcellinam sororem, & lib. 5. epist. 53; Auctor libri Pontificalis, ubi de SS. Alexandro, Sixto, Telesphoro, & Felice; S. Hieronymus in 26. Matth. in 1. ad Titum; lib. advers. Vigilant. cap. 3, lib. 1, advcrf. Jovin. cap. 19, lib. 1, adv. Pelagian.

cap. 9.

stitutum , quod olim in Calvaria vertice Sacerdos ipsemet , & sa-

Part I.

F

cri-

cap. 9., & lib. 3. cap. 5 , in dialogo adv. Lucif. cap. 2 , epist. 57. ad Damasum , & epist. 150. ad Hedibiam q. 2 ; Rufinus lib. 1. hist. Eccles. cap. 22 ; S. Gaudentius tract. 2 ; S. Siricius epist. 1. cap. 5 ; Concilium Carthaginense II. capp. 3 , & 8 ; Carthaginense III. capp. 41 , & 88 ; S. Augustinus lib. 10. de Civit. cap. 20 , lib. 17. cap. 20 , & lib. 22. cap. 8 ; lib. 83. q. cap. 61 , lib. de spir. , & litt. cap. 11 , lib. 1. de orig. animæ cap. 9 ; lib. 21. contra Faustum cap. 21 , lib. 9. confess. cap. 21 , in psal. 33 , serm. de tempore 91 , & 251 ; serm. 113. de diversis , & epist. 23. ad Bonifacium ; Paulinus Presbyter Mediolan. in vita S. Ambrosii ; Concilium Millevitanum cap. 12 ; Idacius lib. adv. Varemadium Arianum ; Severus Sulpitius in dialog. 2. de vita S. Martini cap. 1 ; Possidius in vita S. Augustini ; Veranius Presbyter in vita S. Paulini Nolani ; Concilium Vafense II. cap. 4 ; Carpentroraftense in epist. ad Agretium ; S. Leo I. serm. 8. de Pasch. ; epist. 75. ad Leonem Imp. , & 81. ad Dioscorum ; S. Eucherius Lugdun. seu Eusebius Emiffi. hom. 5. de Paschate ; S. Prosper, si tamen ejus est factus, de promissionibus, & prædictionibus par. 4. cap. 6 ; Concilium Arelatense cap. 3 ; S. Cæfarius Arelat. hom. 5 ; Victor Vitenfis lib. 1. & 2. de persecut. Vandal. ; S. Fulgentius lib. 2. ad Monimum capp. 2 , & 5 , & lib. de fide ad Petrum cap. 19 ; Synodus Romana sub S. Symmacho ; Ennodius Ticinensis lib. de Synodis sub Symmacho ; Concilium Agathense cap. 21 , & 47 ; Gerundense cap. 1 ; Aurelianense III. cap. 14 ; Primateus in cap. 2. epist. 2. ad Timoth. , & cap. 10. epist. ad Hebr. ; Justus Urgelitanus in Cantica ; Cassiodorus in psal. 109 ; Vigilius Papa in epist. ad Profuturum cap. 5 ; Concilium Turonense II. cap. 4 ; Fortunatus lib. 4. de S. Martino ; S. Gregorius Turonensis lib. 5. hist. Francor. cap. 14 , de glor. Confess. cap. 95 ; Concilium Toletanum III ; S. Gregorius Magnus hom. 37. in Evang. ; lib. 4. dialog. capp. 55 , & 56 , & lib. 4. epist. 12 ; S. Isidorus lib. 1. offic. capp. 15 , & 18 ; S. Eucherius lib. 9. in Genes. cap. 18 ; S. Eligius hom. 8 ; Concilium Bracarense III. capp. 1 , & 3 ; Toletanum XII. cap. 5 ; V. Beda lib. 4. hist. Anglor. cap. 22 , lib. 2. de tabernaculo cap. 2 , in psal. 109 , & in Boetium de Trinit. ; Jonas Abbas in vita S. Wolfrani ; Alcuinus de divin. offic. cap. 39. de celebr. Missar. ; Carolus Magnus lib. 5. Capitul. cap. 111 , & 219 ; lib. 6. cap. 173 , & lib. 7. cap. 201 ; Haimo in cap. 11. epist. 1. ad Corinth. ; Wandelbertus in vita S. Goaris ; Amalarius lib. 7. de offic. Eccles. cap. 25 ; Walafridus de reb. Eccles. cap. 16 ; Concilium Arelat. IV. cap. 2 ; Angelomus in 1. Reg. 21 ; Hilduinus Abbas in vita S. Dionysii Areopag. ; Rabbanus , seu auctor lib. 1. de instit. Cleric. cap. 32 ; Eginhardus in hist. SS. Petri , & Marcellini Martyr ; Florus in exposit. Canonis ; Paschasius Radbertus de corp. , & sang. Lomini cap. 9 ; (hujus librum publici juris anno 1528. fecerat Hiobus Gastus Lutheranus dispersis locis illis , in quibus Missæ sacrificium ; & panis transubstantiatio asserbatur ; falsarias hæc depravationes detexit Mamertus Lucemburgensis , qui an. 1550. Paschasii integrum opus typis Colonienfibus vulgavit) ; Concilium Nanterense cap. 1 ; Vvichin-

42 PRIVILEGIA ROM. PONTIFICI
crificium confecit; quodque Eucharisticum, & Latreuticum non
mo-

tichindus Corbejenfis lib. 2, & 3. gestor. Saxonico; Stephanus Leodienfis in vita S. Lamberti; Fulbertus Carnot. in epist. ad Adeodatum; Berno Augiensis in vita S. Uldarici cap. 21, epist. ad Hitehradum Abbatem, & epist. ad S. Stephanum Ungariæ Regem; S. Petrus Damianus serm. in natal. Dom., & epist. 11. cap. 4; Adelmannus in epist. ad Berengarium; Algerus lib. 1. de Sacram. Altaris cap. 16; Stephanus Eduenſis de Sacram. Alt. capp. 9, & 13; Humbertus contra Nicetam Peſſoratum; Alexander III. apud Gratianum de consecr. dist. 1; S. Anselmus Cantuar. in cap. 2 epist. 1. ad Timoth., & 10. epist. ad Hebræos; Hildebertus Cænoman. de myst. Missæ, & epist. 11, & 16; Ivo Carnot. epist. 284; Edinerus Anglus in vita S. Anselmi lib. 2; Honorius Augustodun. in gemma animæ lib. 1. cap. 86; Rupertus lib. 2. divin. Officior. capp. 2, & 10; Odo Cameracensis in canon. Missæ dist. 3; Smaragdus in diademate Monachorum cap. 48; Regino lib. 1. de disciplina Ecclesiæ cap. 8; Concilium Remense; Gostfridus Abbas opusc. 1. de Corp., & Sang. Domini; V. Petrus Cluniacensis epist. contra Petrobrusianos; S. Bernardus serm. 3. de omnibus Sanctis; epist. 2. ad Fulconem, & in vita S. Malachie cap. 43; Ricardus Victor. in Cantica cap. 30; Magister sent. in 4. dist. 12; Hugo Etherianus de regressu animar. cap. 27; Porho Prumiensis lib. 2. de statu domus Dei; Ortho Frisingen. lib. 7. hist. cap. 32; Guibertus Gemblacensis lib. 1. de miraculis S. Martini cap. 6; Innocentius III. lib. 5. myst. Missæ cap. 2; Concilium Lateranense IV. sub eodem Innocentio capp. 3, & 9. de celebr. Missar.; Honorius III. Extra. de celebr. Missar. capp. 10, & 12; S. P. Franciscus Assisias in epist. ad Sacerdotes Ordinis; Guillelmus Arvernus lib. de Sacram. cap. 2. de Euchar.; Hugo Cardinal. in 22. Lucæ; S. Thomas 3. p. q. 82. art. 1, q. 83. art. 1, 3, & 4, opusc. 65, & 66; S. Bonaventura de sex alis Seraph.; Durandus in rationali divin. officior. lib. 4. capp. 1, & 41; Scotus in 3. dist. 9. q. 1; Erasmus etiam tract. de amabili Ecclesiæ concordia; Concilium Trident. sess. 22. capp. 1, & 2, & can. 1, 2, 3, & 4. Mitto ceteros Scholasticos legendos apud Scriptores paullo superius laudatos.

Faciunt ad hæc Liturgiæ omnes superius a nobis commemoratæ, non solum ac exhibita monumenta de iugis consensu Ecclesiæ Orientalis: exploratissimum enim sit ex illis dogma hocce de sacrificio Missæ. Quamobrem sese a priscis Patribus, atque a tota retro antiquitate, & traditione recessisse falsi sunt primo hæretici ipsi, Lutherus lib. de captivitat. Babylon., lib. de abroganda missa privata, & lib. adversus Regem Angliæ; Zuvinglius in Epicheresi de Canone missæ, & in respons. Senat. Tigurini ad Episcopum Constantiensem; Calvinus lib. 4. instit. cap. 18: quamquam postea, ut hæreticorum, moris est nunquam in sententia manendi, nonnullis responsionibus Patrum testimonia eludere conati sint Lutherus cit. lib. de captivitat. Babyl., Zuvinglius in explanat. articuli 18; Calvinus cit. loco; Petrus Martyr classe 4. locor. commun. loc. 12; Kemnitius in exam. Concilii Trid., quos tamen lato cala-

modo, sed etiam impetratorium sit, & propitiatorium: Missas (8)

F 2

pri-

calamo post Bellarminum, præ aliis perstringit Natalis hist. Eccles. ad sæcul. XIII, & XIV. dissert. 13: qua de re pessimæ causæ patrocinium suscipit P. le Courajer, dum opusculis editis sub eo titulo: *Dissertation sur la validité des Ordinations des Anglois: Et deffense de la dissertation sur la validité des Ordinations des Anglois*, Anglicanæ Ecclesiæ fidem cum Romana ut conciliaret, ab Anglis in missa agnosci adversus Romanæ Ecclesiæ Theologos veram sacrificii rationem consilire adhuc, etsi in ea verum Christi Corpus, verusque ejus Sanguis non offeratur, scribere non est veritus, eaque de re cum ab Anglis ob eorum dissimulatam doctrinam, tum a Catholicis ob deformatum dogma pessime audivit, eumque vellicant, ac plurimis invicte profligant doctiss. Tournellius tract. de Sacram. Euchar. q. 8. art. 1. ; Michael Lequienius in tract. de Ordin. Anglor.; Franciscus Vivantius Doctor Sorbon. in tract. contra validit. Ordin. Anglor., & Jo: Laurentius Berti.

(8) Missas privatas quod attinet, contra quas adeo obgannunt Protestantes, antiquitus frequentatas hic obiter est observandum. Provinciam hancce naviter exornarunt Cardinales Bona de rer. Liturg. ; Bellarminus lib. 2. de missa ; Johannes Tillet Episcop. Briconiensis in tract. de antiq., & solem. Missæ ; Teraizius, P. Le Brun, Werthius, Boquilottius, alique rerum liturgicarum tractatores, atque controversias contra hæreticos agentes, a quibus prolata ea de re momenta satius hic erit indicasse. Ergo missas privatas olim celebratas fuisse, quin in illis cum Sacerdote communicaret populus patefcit 1. ex Canone 9. Apostolorum, quo præcipitur Clericis, ut facta oblatione communicarent, nisi rationabilis intercesserit causa; ex Tertulliano lib. de Jejunio ; S. Cypriano epist. 104; S. Optato lib. 6. contra Parmen. ; Ambrosio in cap. 3. epist. 1. ad Timoth., lib. 2. epist. 14. ad Marcellinam Sororem; S. Hieronymo epist. 28. ad Lucinium ; & apolog. contra Jovin. ; S. Augustino lib. 9. confess. capp. 1. & 2, epist. 54. ad Januar., & lib. 10. de Civit. cap. 4 ; Concilio Toletano I. an. 400. can. 5 ; S. Basilio epist. 289. ad Cæsaream patriciam ; S. Chrysostomo hom. 31, & 51. ad popul. Antioch., & hom. 5. in epist. 1. ad Timoth. ; S. Epiphano in exposit. fidei Cathol. ; Socrate lib. 5. hist. Eccles. cap. 21 ; & S. Innocentio I. epist. ad Decentium; ex quibus, inquam, patefcit in Ecclesiis Africæ, Hispaniæ, Italiæ, Cæsarensi, Alexandrina, Cypria, Antiochena, Constantinopolitana (si tempus excipias Quadragesimæ, quo in Ecclesia Constantinop. diebus tantum Sabbathi, & Dominicis missæ agebantur) quotidie missas fuisse celebratas, in quibus tamen non semper, aut omnes fideles communicabant. 2. Patefcit ex actis S. Marcelli, ubi refertur in domo Lucinæ missam celebrasse ; ex actis S. Saturnini apud Ruinartium, ubi privatim sacrum factum perhibetur ; ex actis S. Stephani apud Surium ad 2: Aug.; ex S. Dionysio Alex. apud Eusebium lib. 7. cap. 22 ; S. Cypriano epist. 5, & Auctore confit. Apostol. lib. 6. cap. 30. olim in cryptis, cæmeteriis, ac carceribus missas celebrari consuevisse enarrantibus ; ex S. Gregorio Nazian. orat. 19, qua affirmat a Patre suo Episcopo rem divinam privatim in cubiculo

privatas, in quibus nec omnes, nec semper Christifideles, qui ad-
sta-

culo peractam; ex Philostorgio lib. 2. hist. Eccles., ubi narrat S. Lucianum Martyrem supra pectus suum rem sacram egisse; ex S. Paulino in vita S. Ambrosii, quem refert Romæ in quadam domo sacrificium obtulisse; ex Urano in vita ejusdem S. Paulini, quem paucis ante obitum horis in altari ante lectulum suum præparato rem divinam fecisse commemorat; ex Theodoret, qui in hist. relig. cap. 20. testatur ab se oblatum sacrificium in cellula Maris Monachi; ex Leontio Cyprio in vita S. Iohan. Eleemos. cap. 41, quem perhibet in Episcopio privatim potuisse missas celebrare, celebrasse vero in Ecclesia ob utilitatem fidelium; ex S. Gregorio hom. 37. in Evang., in qua auctor est S. Cassianum Narniensem quotidie missas celebrasse; ex Mabillonio præfat. in sæcul. II. Benedict., qua refert S. Goarium Anachoretam, S. Germanum Abbatem Flaviacensem, & Licinium Andegavensem Episcopum, aliosque quotidie rem divinam confecisse, sive adessent, sive non, qui communicarent. 3. Patescit ex S. Cornelio Papa in epist. ad Fabium Antiochenum apud Eusebium lib. 6. hist. Eccles. cap. 43, qui scribit sub id temporis Romæ adfuisse 44. Presbyteros; quos quidem verisimile est saltem aliquando eodem die sacra fecisse; ex S. Gregorio Magno, qui hom. de Natali Dom. vetustissimæ consuetudinis meminit, ut in die Natalis Domini singuli Sacerdotes missæ sacrificium ter celebrarent, quibus singuli sane fideles non communicabant; ex eodem S. Gregorio, qui lib. 5. epist. 43. ad Johannem Episcopum Syracusanum ipsum admonet; ut omni studio redire in gratiam conaretur cum Venantio præfecto, & si opus foret, etiam missas in ejus domo celebrari permetteret, imo & ipsemet celebraret: (cum usum postea prohibitum refert Martenſus lib. 1. de antiq. Eccles. ritibus cap. 3. art. 5; reveraque interdictus legitur a Concilio Laodiceno an. 365; Epaoſenſi an. 517; Cabillonens. II; Aquisgranens. an. 816; Parisiens. VI. an. 829.) ex S. Gregorio item, qui Sacerdoti cuiſiam, ut pro anima Juſti Monachi continuis 30. diebus sacrificium offerret præcepit; ex Auctore Conſtit. Apol.; S. Ambrosio in funere Theodosii, & Palladio referentibus pro defunctis missas celebrari conſueviſſe ab aliis tertio die, ab aliis ſeptimo, ab his 30, ab illis 40; ex V. Beda in vita S. Leofredi, quem quotidie uſque ad diem obitus miſſam egiffe refert; ex Eddio in vita S. Walafridi apud Mabillonium p. 1. ſæcul. IV. Benedict. exhibente omni die pro Walafridi anima miſſam ſingularem celebrandam conſtitutum fuiſſe ab ejusdem ſucceſſore Epilcopo Eboracenſi; ex S. Gregorio Turoſenſi narrante a muliere quadam, ut ſingulis quibusque integri anni diebus pro defuncto viro miſſa ageretur, curatum fuiſſe; ex S. Gregorio iterum lib. 5. epist. 5. ad Palladium Epilcopum Senonenſem, qua ab ipſo Palladio Eccleſiam conſtructam, in eaque tredecim altaria erecta commemorat. Idem in Eccleſia SS. Apoſolorum ſeptem altaria exiſtiſſe, ad quæ quotidie miſſæ conſiſterent, narrat. 4. Pateſcit ex diſciplina circa laicam communionem.

Miſſam equidem abſque plurium communionem celebratam primum, non fuiſſe conſtat ex SS. Canonibus id præcipientibus, ſcilicet cap. 10. Apoſtol.

sol.; 28. Illiberitano; 2. Antiocheno sub S. Julio I; 13. Toletani I; eamque disciplinam viguisse in Ecclesiis Italix præsertim patet ex S. Hieronymo epist. 28. ad Lucinum, & 50. ad Pammachium. Quinimo ejusdem disciplinæ quosdam, ac IX. quidem sæculo in Germania adeo retinentes fuisse, ut si pluribus Missis eadem die interessent, in singulis communicarent, tellis est Walafridus de Eccles. offic. cap. 22. Nihilominus eam disciplinam non ubique, aut pro omnibus integram viguisse, atque jampridem rariorem, aut non saltem quotidianum fuisse communionis usum constat ex legibus penitentix publicæ, cui qui erant addicti missarum celebrationi interesse quidem poterant, Eucharistix non etiam participes fieri. Vide Brunium tom. 4. dissert. 15. in usum secrete. Missæ art. 8. Ex Laudatis SS. Patribus S. Chrysostomo hom. 5. in epist. 1. ad Timoth., & 31. ad populum; S. Ambrosio lib. 5. de Sacr. cap. 4; Ambrosiastro serm. 34; S. Augustino epist. 118. ad Januarium; & Gennadio lib. de Eccles. dogmat. cap. 54. Quare Concilium Antiochenum anno 341; & Toletanum I. anno 400. frequentem communionem præcepere; Agathense vero anno 506. can. 18, & Turonense II. anno 570. can. 50. jussere, ut Sæculares in die Dominico missam audirent, & ter in anno, idest in die Natalis Domini, Paschatis, & Pentecostes Eucharistiam sumerent; Colonienſe I. an. 1536. cap. 21. idem jussit. Confer de Consecr. dist. 2. cap. *Et si non frequentius*; cap. *Omnis homo*; & cap. *Sæculares*. Quinimo etiam post Concilium Lateranense IV. a quibusdam Ecclesiis priorem usum de communione ter in anno a Fidelibus percipiendi retentum fuisse patet ex Concilio Tolosano an. 1229. cap. 13, & Albiensi an. 1254. cap. 29. Illud observandum hic denique cum Edmundo Martenio lib. 1. de antiq. Eccles. ritib. cap. 8, quod per sex priora sæcula, idest usque ad tempora S. Gregorii Magni, ut consueverat est ex ejus epist. 30. ad Mauritium Imper., & 31. lib. 6. ad Eulogium Alexandr., & Anastasium Antioch., in Ecclesia Occidentali eum morem viguisse, ut in Ecclesia eadem unicum extaret Altare, & Presbyteris eo in altari, in quo Episcopus sacrum egisset, eadem die celebrare non liceret: ne Presbyteri vero a sacrificio abstinere, eisdem una cum Episcopo concelebrare fas, ac frequens erat. Ut observat vero Cardinalis Bona lib. 1. rer. liturgicar. cap. 14, Græci antiquum morem retinuerunt, & hæcenus retinent, isque etiam num Moscovitis est communis, ut in Ecclesia non nisi unum altare habeant, nefas esse putantes intra eandem Ecclesiam Sacrum eadem die iterare: plura tamen ipsi Ecclesiæ proxima, muroque disjuncta habent sacella, sive oratoria, quæ *Paræclesia* ab illis appellantur, in quibus Missas ii faciunt, quibus eas in Ecclesia faciendi non est facta potestas, sed hæcenus de his.

(9) Licitam Laicorum sub una tantum specie communionem, & in Ecclesia usitatum esse ex traditione accepta, atque ad nos transfusa docuerunt SS. Patres, ex quibus perspectum sit 1. assertam antiquitus fuisse Eucharistiam ad communionem domesticam, qua cuique domi Eucharistiam sumere, ob metum præsertim Incumbentis persecutionis, ac maxime in eremis solitariam vitam

cani sub unica dumtaxat, videlicet panis specie, licitam, ac laudabi-

vitam agentibus fas fuerat: ita enim testantur Origenes hom. 13. in Exod.; Tertullianus in lib. de orat., & lib. 2. ad uxorem. cap. 5; Clemens Alex. lib. 2. Strom.; S. Cyprianus in tract. de lapsis; S. Basilius epist. 289. ad Cæsaream Patriciam; S. Hieronymus in epist. ad Pamachium; S. Gregorius Nazianz. orat. 11. de laudibus sororis suæ S. Gorgoniæ, cui tamen peculiari privilegio ob ejus sanctimoniam concessum, ut domi altare erectum haberet, atque in eo utramque Eucharistiæ speciem servaret, observavit Lupus tom. 3. in disert. de S. Leonis IX. actis; S. Ambrosius orat. funebri de obitu fratris sui Satyri; Iohannes Moschus in prat. spirit. cap. 79; Simeon Metaphrastes in vita SS. Indæ, & Domnæ; S. Gregorius lib. 3. dialog. cap. 36. Occurrunt etiam ejusmodi frequentissima in historia Ecclesiastica exempla. A Dorotheo Episcopo Thessal. Eutychiano homine ingenti copia plebi Eucharistiam distributam domos aspertandam ad S. Hormisdam scripsere Johannes, & Epiphanius tom. 4. Concil. pag. 1523. Monachis S. Apollonii discipulis, nec non sub S. Oresio degentibus frequentissimum fuisse privatæ Eucharistiæ usum, perhibet Palladius hist. Lausiacæ cap. 52. Eiusdem privatæ communionis solitariis usitatæ plurima exempla existant apud Janum Nicium; Abrah. Echellensem; Arcudium lib. 3. cap. 59; Combessium tom. 2. auct. bibl. P. P.; Fleurius hist. Eccles. tom. 8. Baronius ad an. 57. morem huncce domi Eucharistiam servandi privatim suscipiendam perseverasse affirmat in Ecclesia Occidentali usque ad tempora S. Hormisdæ Papæ; atque in Hispania primum abrogatum fuisse a Concilio Cæsaraugustano an. 381. can. 3, quod confirmavit Concilium Tolet. I. an. 400. cap. 14. Repugnat vero Tournellius tract. de Eucharist. q. 4. art. 2, eo quod Concilium illud Cæsaraugustanum non sub Hormisdæ, sed sub Damaso habitum sit: prohibitio vero illa facta a Concilio Cæsaraugustano, & Toletano I, ne privatim aservaretur Eucharistia, non fideles, sed solos spectabat Priscillianistas, qui fidelium synaxibus se se immiscerentes, Eucharistiam acceptam, indeque asportatam secreto dein abjiciebant: atque ita exponit Concilii Toletani I. prohibitionem Concilium Toletanum XI. an. 675. can. 11. Præterea priscam illam consuetudinem aservandi domi Eucharistiam viguisse VI. sæculo ostendit vir eruditus ex S. Gregorio mox laudato; viguisse VII, & VIII. sæculo ostendit ex V. Bedæ lib. 4. hist. Anglor. cap. 24, de quo infra; viguisse IX. sæculo ostendit ex Michaelis Studita apud ipsum Baronium ad an. 816; viguisse sæculo X. ostendit ex responsio Archiepiscopi Corinth. in actis S. Lucæ junioris apud Combessium tom. 2. auct. bibl. SS. P. P., & apud Bollandum die 7. Februarii; viguisse imo sæculo XII. ostendit ex actis S. Laurentii Dublinensis apud ipsum Baronium ad an. 57. Certe etiam post sæculum XII. morem viguisse, ut sanctimoniales, qua die Deo devovebantur, Eucharistiæ integram hostiam acciperent, ex cujus frustulis per dies octo semet communicarent, auctor est Martenius de antiq. Eccles. ritib. lib. 2. cap. 5, art. 2. De mun. domesticæ communionis consuetudinem ut abolerent, ob invector abusus nihil non egere Episcopi. Videt

dabilem esse; idest Laicis licite, ac laudabiliter ab Ecclesia
Cali-

deffis apud Reginonem lib. 2. de discipl. Eccles. cap. 120. decretum Concilii Remensis: apud Hincmarum in capit. de visit. Eccles. & apud RATHERIUM, Veron. in epist. ad Cler. tom. 2. Spicilegii. 2. Eucharistiam olim ad absentes delatam testantur S. Irenæus in epist. ad Vistorum Papam, qua significat morem fuisse, ut Romani Pontifices recens saluati Episcopis in communionis signum Eucharistiam mitterent, quo de argumeto luculenter, Deo dante, agemus in dissert. de Azymo, ubi de decretis Melchiadis, Julii, & Siricii; sed & Valesius in notis ad Eusebii lib. 5. hist. Eccles. cap. 24, quo S. Irenæi laudatam epist. recitat, observat morem fuisse promiscuum Episcoporum in signum mutæ fidei, & pacis ad se invicem Eucharistiam transmittere; quem morem postea abrogavit Concilium Laodicenum can. 14; S. Iustinus apolog. 2; Fulbertus Carnot. epist. 2. ad Finand.; Simeon Metaphrastes in vita S. Luciani Martyris apud Surium ad diem 7. Januarii, & Baronium ad an. 311, quem perhibet postquam supra pectus suum vice altaris sacrum perfecisset in carcere, peracto sacrificio, cujus ipse primus particeps fuisset, Eucharistiam quoque ad absentes transmisisse. Quamquam aliquando Eucharistiam vini speciebus prius aspersam ad absentes vitam præsertim solitariam agentes missam apud Allatum de Missa præsanctis. cap. 4. legere est.

Asservatam etiam olim Eucharistiam in Ecclesia testantur Auctor constit. Apostol. lib. 8. cap. 13. asens eam a Diaconis in pastophorio reverenter esse recondendam; Concilium Nicænum can. 63. Arabico, & Economo Ecclesie præcipiens, ut curam loci habeat, in quo Eucharistia servatur; S. Amphilochius in vita S. Basilii, sive alter ejus vitæ auctor tom. 7. spicileg., referens S. Basilium confectam Eucharistiam in tres partes divisisse, quarum quidem unius particeps fuit, alteram reservavit secum consepeliendam, tertiam vero imposuit columbæ aureæ, quæ pendebat super altare; Concilium Turonense II. an. 570. cap. 3. præcipiens, ut Corpus Domini non in armario, sed sub Crucis titulo componatur; Auctor lib. Pontificalis in SS. Silvestro, Innocentio I, & Hilario referens ab illis turrem, & columbam super altare collocatas, recondendæ fane Eucharistiæ; Flodoardus lib. 1. hist. cap. 18, & lib. 2. cap. 6. commemorans turrem auream super altare Ecclesie Remensis collocatam a Landone, & S. Remigio Remensibus Archiepiscopis. Dacherius tom. 5. Spicilegii testamentum recitat Perpetui Episcopi Turonensis an. 474. vita functi, in quo Amalario Presbytero reliquit capsulam unam de ferico, peristerium, & columbam argenteam ad recondendam Eucharistiam. Felix Bituricensis apud Fortunatum lib. 3. cap. 23, cujus moris etiam meminit S. Gregorius Turon. lib. 1. de glor. Mart. cap. 86., anno 570. argenteam turrim ad reponendam Eucharistiam construxisse legitur, quæ ad id usque temporis in aureis, vel argenteis columbis recondi consueverat. Mabillonius in Analectis refert S. Aredium Lemovicensem testamento reliquisse tures quatuor, cum coopertoriis holosericis, conservandæ plane Eucharistiæ. S. Chrysostomus hom. 31. ad popul. ait Eucharistiam repositam
super

Calicis usum interdictum: eam ob rem Eucharistiam (10) olim
sub

super altare Spiritu Sancto conveſſitam, id eſt columba recluſam. Synodus Conſtantinopolitana an. 536. ſub Menna adl. 5., & Turonenſis II. an. 567. can. 3. ſimiliter columbæ meminere. In his ergo columbis repositam, ſervatamque Eucharistiā docent Æneas Pariſien. apud Dacherium tom. 7. ſpicilegii; Durandus libro 1. de ritib. Eccleſ. cap. 16; Roſſveidus in notis ad epiſt. 12. S. Paulini; Novarinus in agno Eucharistico lib. 5. cap. 55; & Gonzalez in 3. decretal. tit. 44. In turribus vero præſatis repositam, ſervatamque Eucharistiā negat Harduinus embolo 2. de Sac. altar. cap. 1, quas potius cenſet capulas fuiſſe hoſtiarum conſecrandarum; quam ſuam conſecturam eruit ex Pontificali, & Sacramentario Gallicano apud Mabillonium tom. 2. Muſei Italici, a quibus turris adnumeratur inter vaſa ſacra; & ex S. Gregorio Turon. lib. 2. de gloria Martyr. cap. 86. referente Diaconum ad altare retuliſſe turrim, in qua *Ministerium* Domini Corporis habebatur. Verum exinde contrarium magis colligere debuerat Harduinus, ſcilicet turrim vaſe eſſe hoſtiarum conſecratarum, non vero conſecrandarum. In eadem conſecturam conceſſit Thierrius diſſert. de Altar., & Mabillonius in dubitationem adductus eſt diſſert. de Azym., & Ferm. Verum loco 10 *Ministerium* legendum *Myſterium* ex fide Miſ. Codicum S. Gregorii, quotquot ab ipſo collatorum, admonet Ruinariuſ in not. ad eum locum, ſubdens ita eum locum acceptum olim a S. Odone Clun., ſcilicet *Capſam cum Corpore Domini*. De iis turribus, colombis, ſimilibuſque reponendæ Eucharistiæ vaſis vide Mabillonium itin. Italic. p. 186; Thierrium cit. diſſert.; & tract. de expoſit. Euch.; & Martenium lib. 1. de antiquis Eccleſ. ritib. cap. 5. art. 3. Ad hæc pœnitentiale Romanum lib. 15. cap. 1. apud Burchardum lib. 1. decretor. capp. 50, & 51 dies 40. pœnitere præbyterum jubet, cujuſ incuria mures comediſſent Species reconditas; Concilium vero Lateran. IV. can. 20. relato in 3. Decret. tit. 44. cap. *Statuimus* decernit, *ut ſi is cui incumbit Eucharistiā ſervare, incaute diligentiæ deſuerit, tribus menſibus ab officio ſuſpendatur; & ſi per ejus incuriam aliquid nefarium in re conſigerit*, puta ſacrilegum furtum, aut ejuſmodi profanatio, graviore ſubjiciatur ultioni. Poſtremo Innocentiuſ XIII., & nuperrime BENEDICTUſ XIV. decretis editis, & in ſegnes, negligentēſque cuſtodes atrocibuſ pro meritis ejaculatiſ pœniſ, ſacraſtiſimæ Eucharistiæ cuſtodix cautum, conſuevitque juſſerunt.

(10) Eucharistiā olim ea ratione in turribus, columbis, aliique hujus generis Sacraſiſ aſſervatam, ut inde ad infirmoſ deferretur, teſtantur S. Dionyſiuſ Alexandr. apud Eusebium lib. 6. hiſt. Eccleſ. cap. 44. referens S. Serapionem prope moriturum miſiſſe puerum ad Præbyterum, ut ab eo Eucharistiā perciperet, a quo miſſam Eucharistiæ particulam manu pueri ſuſcepit, paulloque poſt vitam cum morte commutavit; Concilium Nicænum can. 13. præcipiens legem antiquam ſervari, ut egreſſuſ de corpore Eucharistiæ non privetur; Concilium Aurelianenſe anno 1017. apud Dacherium tom. 2. Spicilegii aſſerens Eucharistiā ſervari agriſ de hoc ſæculo exituriſ ad viaticum miniſtrandam; Goſſius in notis ad Euchelegium Græcorum, & Arcudiuſ lib. 3.

lib. 3. cap. 55. observant a Græcis Feria 5. majoris hebdomadæ pro toto anni decursu consecrari Eucharistiam pro infirmis. Egbertus in excerptis cap. 22. Sacerdoti injungit, ut Eucharistiam servet infirmis communicandis, antequam morte occumbant. S. Leo IV. anno 847. decrevit, ut Eucharistia in pixide pro infirmorum viatico custodiatur tom. 8. Concil. Labb. pag. 34. Similes sanctiones legere est lib. 1. Decret. tit. 24. cap. *Officium*, & apud Burchardum lib. 5. capp. 9, & 10. Prope diem vero morituros non nisi una panis specie pro viatico refectos constat ex S. Ambrosio, qui teste Paulino in ejus vita mortis proximus Eucharistiam, ministrante S. Honorato Vercellensi cælitus ad id officii præstandum admonito, accepit: ex Adelino Sagiensi, qui in vita S. Opportunæ, eidem prope morituræ, ac petenti allatam Eucharistiam, eaque accepta vitam sinisse refert: ex S. Uldarico afferente lib. 3. antiquar. consue- tud. Ord. Cluniacen. cap. 28. apud Dacherium tom. 4. Spicilegii Monachis infirmis confuevisse Eucharistiam sub unica panis specie prius vino non consecrato madefactam præberi: ex Mabillonio secul. II. Benedic. recitante vitam S. Columbani, in qua habetur ejusdem Monachos mortis proximos unica panis specie communicasse: ex V. Beda lib. 4. hist. Anglor. capp. 14, & 24. referente binos infirmos prope morituros sola panis Eucharistici specie refectos: ex Carolo Magno lib. 1. Capitul. cap. 160. præcipiente, ut Eucharistia semper parata sit infirmis communicandis: ex Aimoino lib. 5. de gestis Francor. cap. 19. narrante Ludovici Imperatoris ægrotantis cibum per dies 40. fuisse dumtaxat Dominicum corpus: ex S. Elizabetha Schonaugiensi anno 1170. testante in lib. 1. viarum Dei sorori infirmæ communicandæ allatam in pixide Eucharistiam.

Ab anno circiter 1110. unica tantum panis specie communicasse senes, & infirmos constat ex Rodulpho Abbate apud Cardinalem Bonam lib. 2. rer. liturgicar. cap. 18. præscribente, ne Laicis Eucharistia præberetur sub vini specie, idque ad præcavendum cum effusionis periculum, tum simplicium errorem, ne putarent, quod sub utraque specie integer non adsit Dominus Jesus. Id adeo verum, ut ingenue tellatus sit etiam Thomas Smith de Eccles. hod. statu p. 107, & seq. Quamquam aliquando infirmis datam Eucharistiam tum sub specie vini in Hispania non negarim, constat id enim ex Concilio Toletano II. anno 675. can. 113. quin imo aliquando infirmis etiam datam sub utraque specie concedo, id enim liquet ex veteri Rituali ms. S. Remigii Rem. apud Menardum, quo formula præbendi speciem vini infirmis præscribitur; liquet ex epist. S. Chrysostomi ad Innocentium I., ex qua in Ecclesia Constantinopolit. pro infirmis reservata species vini apparet. Id etiam innuit S. Sophronius in vita S. Mariz Ægyptiæ, quam prope morituram utramque Eucharistiæ speciem à S. Zosimo accepisse perhibet. Id innuit S. Hieronymus in epist. 4. ad Rusticum referens a S. Exuperio Tolosano Christi Corpus gestatum in canistro vimineo, & Sanguinem in vasculo vitreo: innuit & Sugerius Abbas in vita Ludovici Crassi apud Duchesnum tom. 4. script. gall. hist. ejus in cubiculo celebratam missam, ac eidem sub utraque

50 PRIVILEGIA ROM. PONTIFICI
vel vita periclitantium; vel (11) Martyrio propinquantium; vel
pere-

que specie administratam Eucharistiam enarrans. Gemina occurrunt Giraldis Comitis apud S. Odonem: S. Benedicti apud S. Gregorium lib. 4. dialog.; & S. Isidori Hispal. in ipsius vita. Urbanus II. in Concilio Claromontano anno 1095. iussit communicantes separatim communicare sub utraque specie, nisi tamen infirmi necessitas, vel effusionis periculum aliud postularet; & Paschalis II. anno 1118. in epist. ad Pontium Cluniacensem Abbatem apud Baronium ad eum annum iussit, ut utraque species separatim sumeretur, exceptis parvulis, ac omnino infirmis, qui panem deglutire non possent.

(11) Eucharistiam etiam sub una panis specie olim consuevisse tradi propinquantibus Martyrio, vel peregrinantibus in longinqua, vel proficiscentibus ad bellum tradunt Anastasius in vita S. Stephani I. Papæ; V. Beda in Martyrolog. ad 15. Augusti, & Ussardus in Martyrologio de S. Tarfitio Martyre Eucharistiam gestante, qui Paganis sciscitantibus, ac disquirentibus quid rei gereret, mortem potius subire, quam ante porcos margaritas projicere ratus est; apud quem post mortem nihil de Eucharistia a Paganis repertum fuisse narrat. Methaphrastes apud Surium die 10. Novembris testatur ad Virginem S. Theodisilem in insula Pharo vitam solitariam agentem a viro seculari venatore inventam anno sequenti allatam Eucharistiam, qua accepta ad Cælum confendit. Græcos Monachos non antea se itineri committere consuevisse; nec Maronitas ad bellum properare, quam ad collum appensa Eucharistia auctores sunt Arcudius lib. 3. de Sacram. cap. 59; & Gabriel Sionita epist. ad Berthold. Nibul. apud Allatium in Symmict. S. Ambrosius lib. 1. de obit. Sartyri ab eo in navi linteo involutam, ligatamque collo Eucharistiam gestatam refert. A S. Birino prædicatum Evangelium in Britanniam proficiscente appensam ad collum Eucharistiam delatam testatur S. Gregorius lib. 3. dialog. Idem in more positum S. Adalberto Pragensi liquet apud Bollandum ad diem 9. Maij. Idem Monachis in Germania, Anglia, & Gallia, antequam itineri se committerent ex SS. Bonifacii Mogunt., & Colombani institutione usu venisse legitur apud Dacherium tom. 9. Spicileg., & Mabillonium sæcul. I. Benedict. p. 37. Veterem esse morem, ut Romani Pontifices, dum iter adgrederentur, Eucharistiam ad collum appenderent, exemplis Stephani III, Stephani V, Gregorii VII, Urbani II, Paschalis II, Gelasii II, & Alexandri III, ostendit Angelus Rocca: cui subrogatus dein is est Eucharistiam ante ipsos deferendis; cujus quidem testes accedunt de Gregorio XI. Petrus Amelius; de Benedicto XIII. pseudo- Pontifice Paulus Emilius; de Pio II. Gobelinus; de Alexandro VI. Brocardus; de Julio II., & Leone X. Paris de Crassus de Clemente VII. Blasius Cæsenas de Paulo III, & Gregorio XIII. Philippus Bonanni de Hierarch. Eccles. cap. 93. Indultum id etiam Regibus Galliarum Roberto, & S. Ludovico legitur. Johannes Sacranus auctor sæculi XV. in elucidario errorum ritus Ruthenici cap. 18. auctor est consuevisse Ruthenos euntibus ad bellum in antecessum panem consecratum præbere, ut incumbente mortis periculo eo rescisi suapte possent, antequam morte præfocarentur. Gilbertus Genebrardus auctor

Sæculi XVI. in libro de Græcorum ritibus refert in Paschate post auricularem confessionem Græcos communicare sub utraque specie; ad ægrotos tamen panis dumtaxat species deferri. Arcudius lib. 3. concord. cap. 59. asserit Græcorum Monachorum moris esse, ut secum in itineribus Eucharistiam deferant. Johannes Lanciscius scriptor ejusdem ævi ad cap. 11. Theologiæ Moscovitiæ testatur apud Moschos ejusmodi morem vigere, ut peracto Sacro panes, ex quibus sunt particule excisæ, adstantibus distribuuntur; quæ autem supersunt consecratæ, ex in usum & peregre euntium, & morientium servantur.

Eucharistiam sub una tantum specie infantibus duodecim sæculorum decurrente spatio in utraque Ecclesia concessam, & traditam, & quidem aliquando sub sola vini specie perhibent S. Cyprianus lib. de lapsis; S. Augustinus epist. 23. ad Bonifacium; S. Gregorius in Sacramentario, quo prohibet infantibus lac præberi ante communionem; Urbanus II, & Paschalis II. supra laudati, qui infantibus communionem sub una tantum specie præberi permittunt; Guillelmus a Campis Episcopus Senonensis S. Bernardo amicicia copulatus apud Mabilonium præfat. in sæcul. III. Benedict. sola vini specie communicandos parvulos præcipiens; Hugo Victor. lib. 3. de Sacram. cap. 20. ajens Eucharistiam infantibus in specie vini ministrandam fore digito Sacerdotis facile ab illis sugendo. Hæc quoad Latinam Ecclesiam. Quoad Græcam testantur Jobius Monachus auctor V. sæculi lib. 3. de Incarn. Verbi cap. 18. apud Photium cod. 222. pueros post baptismum specie Sanguinis communicari; Leo Allatius in annotation. de commun. Orient. additis ad lib. de consens. utriusq. Eccles. Goaricus in notis ad Eucholog. Græcor.; & Arcudius in concord. lib. 3. cap. 40. eundem usum præbendi pueris post baptismum Eucharistiam sub specie vini apud Græcos viguisse, & etiam num vigere affirmantes. Solam speciem panis iisdem pueris paullo grandioribus aliquando ministratam, ac præsertim reliquias communionis Christi fidelium auctores sunt Evagrius lib. 4. hist. capp. 35, & 36; Nicephorus lib. 17. cap. 25; Arcudius loco paullo superius laudato; Concilium Marisconense II. anno 585. cap. 6; V. Beda lib. 4. hist. Anglor. cap. 14; Zagazabus Patriarcha Æthiops in confessione fidei Æthiopice apud Damianum Goetz ea ipsa die, qua pueri baptizantur sub exigua panis specie eosdem communicari asserens; & Armeni in Liturgia apud Brunium tom. 3.

(12) Eucharistiam sæpe sæpius sub una tantummodo specie in Ecclesia distributam, & acceptam res est extra dubitationis omnis aleam posita, quam probant testes locupletissimi S. Leo serm. 4. de Quadragesima, & S. Gelasius relatus de consecr. dist. 2. cap. 12. de Manichæis referentes, quod ii se fidelibus sacris in synaxibus immiscens Eucharistiam sub panis specie sumebant, a specie vero vini, a quo summo opere abhorrebant, abstinentes; unde jubent ad eosdem detegendos, ut communicaturi omnes uirumque speciem perciperent. Paronius, alique animadvertentes sub S. Melchiade, idem sub an. 311. morem viguisse, ut Eulogiz iis, qui Missæ intererant, nec communicarant, distribuereentur. S. Hieronymus epist. 22. ad Eutychium, ubi Vir-

in Ecclesiis etiam certo tempore, certasque personas sub una panis

Virgines Deo dicatas a vino abstinentes calici non communicasse commemorat S. Augustinus serm. 253. de temp. perhibens mulieres consuevisse nitidum linteorum adferre, in quo Eucharistiam acceptam deponerent. Concilium Nicænum I. can. 14. alias 18, alias 20. apud Rufinum concedens Diaconis, ut absente Presbytero Eucharistiam dispenserent. Concilium Carthaginense III. cap. 38. indulgens, ut Diaconus a Presbytero iussus, si necessitas cogat, Eucharistiam erogat: solam igitur speciem panis erogabat servatam. S. Gregorius Turon. lib. 3. de vita Patrum cap. 3. referens de S. Gallo, quod sciens se prope diem moriturum, convocato populo, omnibus confracto pane Communionem præbuisse. S. Gregorius lib. 3. dialog. cap. 3. enarrans, quod quum Agapitus sacro peracto cuidam muto, & claudo in os corpus Domini cum misisset, illa diu muta ad loquendum lingua statim soluta est. V. Beda lib. 2. hist. Anglor. cap. 5. tradens, quod circa annum 613. fatis functo Sabareto Orientalium Saxonum Rege christiana Religione imbuto, ejus tres filii, qui Pagani remanserant, ab Episcopo, quem videbant Eucharistiam populo præbentem, petierunt quoque eam sibi dari dicentes: *Quare non & nobis porrigis Panem nitidum, quem & Patri nostro dabas, & populo in Ecclesia dare non desistis?* Respondisse vero illum, iccirco illos panis sancti participes esse non posse, quod salutari Lavacro abluti non essent. Auctor lib. altercat. Synag., & Ecclesi. cap. 8. affirmans sufficere, si una tantum Sacramenti speciem exhibeatur multitudini, & ad vitandum calicis periculum solam panis speciem esse porrigendam. Fulbertus Carnot. in epist. ad Piccardum referens sua ætate, hoc est X. sæculo, ab Episcopis comprovincialibus approbatum ritum, qui obtinuerat, ut Episcopus presbytero recens ordinato per dies 40. in memoriam 40. dierum, quibus Christus cum Apostolis commemoratus fuerat, Eucharistiam sub una panis specie porrigeret. Guillelmus Abbas S. Theodorici lib. 1. vitæ S. Bernardi cap. 11. commemorans Monachum, quemdam, qui indigne communicans Eucharistiam trahere ad interiora non poterat, ad S. Bernardi pedes advolutum aperto ore ipsam Eucharistiam ostendisse, eumque postea poenitentem, confitentem, & absolutum Eucharistiam deglutivisse.

Ad hæc Latinam Ecclesiam sub sæculum XIII. jam recepto more consuevisse, cujus moris inveni rationes optimas reddit Rodolphus Abbas Divion. apud Card. Bonam lib. 2. cap. 18. Laicis Eucharistiam sub una specie panis præbere constat ex Alexandro Alensi in 4. q. 11. mem. 2. art. 45. S. Thoma lib. 4. de Sacram. altaris cap. 29; S. Bonaventura in 4. dist. 11. & scholasticis ejusdem, & sequentibus xvi. Quantum spectat ad Ecclesiam Græcam in eadem a præcis avis frequens fuisse, ut sub una tantum specie Eucharistia sumeretur, constat ex veteri consuetudine apud Græcos sacra, cujusmodi apud Latinos viget in die Parasceves ex Ordin. Rom.; Aleuino; Amalarico &c., qua toto Quadragesimæ tempore, exceptis solis Sabbatis, Dominicis, & Annuntiationis Deiparæ V. diebus, sacra non conficiunt; sed die Dominica consecratum

tum

tum panem reservant, quem reliquis, singulisque hebdomada diebus in Missa, quae ideo appellatur Praefanctificatorum, offerunt, & accipiunt : cujus quidem consuetudinis vim inducere Concilium Laodicenum can. 39, & Trullanum can. 52, ubi confer Allatium dissert. de Missa praefanctif. in fine operis de consen. Eccles. Occid. ; Goarium in notis ad Eucholog. Graecor. pag. 205. & seqq. ; & Arcudium lib. 3. de Euch. cap. 56, & seqq. Quo circa nuperis usibus magno numero in vestis connumerandum usum, quo nunc Graeci quibusdam Sanguinis guttis Eucharistiam aspergunt ; sive pro Missa Praefanctificatorum, sive pro infirmorum communione reservandam, observat Clar. Bossuetius tract. de Comm. ; tum ex Caerulario apud Beveregium, a quo ne vola quidem hujusce ritus habetur ; tum ex Harmenopulo ep. can. sect. 2. tit. 6, tradente eum ritum sive traditioni S. Chrysostomi, sive Ecclesiae Constantinop. veteri consuetudini esse contrarium. Ex Sozomeno lib. 8. cap. 5, & Nicephoro lib. 13. cap. 7. referentibus de muliere quadam Macedonii haeresi maculata, quae quum, ut se catholicam simularet, a S. Chrysostomo Eucharistiam acceptam clam Ancillae dedisset, ab ea vero communem panem loco Eucharistici comedendum sumisset, panis ille continuo in lapidem mutatus est. Ex epistolis Abrahami Echellenis, & Gabrielis Sionitae apud Allatium loc. cit. affirmantium Syros, & Maronitas rusticos, & pastores, agrosque Ecclesiam adire non valentes sub una panis specie communicare. Ex P. Johanne Baptista Solerio Soc. Jes. in append. ad Patriarchas Alexandr. a Papebrochio in tabulis adscriptis sect. 3. Coptos infirmos non communicare sacro calici ostendente. Ex Genebrardo in lib. de Graecor. ritib. affirmante aegrotis Graecis Eucharistiam sub sola panis specie praebere. Ex Hypatio Ruthenorum Legato an. 1595. ad Clementem VIII. in sua fidei professione fatente sub altera tantum specie totum, atque integrum Christum, verumque sumi Sacramentum.

Apposite itaque consuetudinem dandi Laicis Eucharistiam sub sola panis specie ad evitanda pericula, & scandala pro lege sacra, quam infringere non liceat, habendam decrevere Concilium Constantiense sess. 13 ; Basileense sess. 30 ; Tridentinum sess. 21 ; Colonienae II. can. 15 ; Coloniense III. tit. Censurae ; Moguntinum IV. can. 32 : quamque facultatem gravibus permotus rationibus Germanis fecerat Pius IV, gravioribus impulsus revocavit S. Pius V : ut propterea magis confidenter, quam vere Georgius Cassander, homo alicui nostrae Communionis in consultatione de Commun. sub utraque specie scripserit eam semper antiquitus usurpatam, exceptis quibusdam casibus necessitatis, qui legi, & consuetudini praescribere non possint ; perperam vero, ac falso ex Protestantibus scripserit Callixtus Helmsensis libro ad id adornato, Orientales numquam communicasse sub una specie, quem pro meritis calligavit Nihusius in annot. ad dissert. Allatii de Missa praefanctific. ; frustra denique, ac pessime in Ecclesiam ea de re, quod Laicis calicem subtraxerit, debacchantur Protestantes ; ex iisque Johannes Melchior

54 PRIVILEGIA ROM. PONTIFICI
nias (13) five in consecutione, five in administratione Sacramen-
torum

chior invidiam Boffuetio propterea conflare præfumpferit. Quamquam ab Ecclesiæ primordiis ad sæculum usque XII. laicis passim sub utraque specie communicare fas fuisse nemo ex nostris inficias it, ut legere est apud Bellarminum lib. 4. de Eucharistia; Alphonsum a Castro tit. Eucharistia; Lindanum lib. 4. Panopliæ cap. 56; Estium dist. 12; Boffuetium in lib. de commun. sub utraq. specie; Mabillonium præfat. 1. in sæcul. III. Benedic. & Ludovicum Thomassinum in tract. de comm. sub utraque specie; Martenium de antiq. Eccles. ritib.; Cardinal. Bonam lib. rer. liturgicar., aliosque de re Sacramentaria optime meritos, ex iisque Juveninum de Euch. q. 8, cap. 4; Tournellium; Drovium; Berti &c.

(13) Cæremonias Ecclesiæ usu sacras in consecutione, & administratione Sacramentorum in Traditione locum habere, eaque in Ecclesiam inlatas sequentia te docent. In Baptismo adhibendam aquam prius sacrari solitam, adjecto etiam S. Oleo, testantur pseudo-Dionysius de Eccles. hier. par. 2. cap. 2; S. Basilius lib. de Spirit. S. cap. 27; S. Ambrosius de iis, qui Sacram. initiantur cap. 3, & lib. 2. de Sacram. cap. 5; S. August. serm. 180. de temp., & lib. 6. de baptis. contra Donatist. cap. 8; Concilium Moguntinum IV. can. 14. Baptizandis susceptores dari consuevisse intelliges ex pseudo-Dionysio de excels. hier. capp. 2, & 7, ubi eos appellat *Anadoxos*; pseudo-Iustino q. 56. ad Orthod.; Tertulliano lib. de Corona Milit., & lib. de baptismo cap. 18, ubi hos vocat *Sponsores*; S. Augustino serm. 116, ubi eos nuncupat *Fidei iussores*, & epist. 23. *Fidei Doctores*; Auctore veteri apud Baluzium in not. ad Capitul. tom. 2. pag. 1178; Synodo Moguntina IV. cap. 47, ubi *Compadres* nominat; *Patrini* vero a pseudo-Higino apud Gratianum de consecr. 4. can. *In cathechismo* appellantur. Confer Concilia Eboracense an. 1295. cap. 4; Salisburgense an. 1217. cap. 14; & Colonienſe an. 1280. cap. 4. Baptizandis nomen dari ex traditione scribunt Patres Concilii Carthaginensis IV. can. 85; S. Cyrillus cath. 33; S. Chrysostomus hom. 21. in Genes.; S. Siricius epist. ad Himerium; S. Augustinus lib. de cura pro mortuis; lib. de fide, & oper.; & epist. 155. In baptismo exorcismos, & insufflationes adhibendas ex Traditione admonent S. Gregorius Nazianz. orat. in S. Lavacrum, & orat. 4. in Julian.; S. Cyprianus epist. 7; S. Cyrillus Cath. 1; S. Augustinus lib. 2. de nupt. & concup. capp. 17, & 18; S. Optatus Milev. lib. 7. contra Parmenian.; Severus Patriarcha Alexandr. lib. de ritib. baptis. & Concilium Moguntinum IV. cap. 14; De consecr. dist. 4. C. *Postquam*; C. *Sicut Notis*; C. *Sive parvuli* In Baptismo abrenuntiationis Satanz enisæ meminere pseudo-Dionysius cit.; Origenes hom. 5. in Num.; Tertullianus lib. de Corona Militis cap. 3; S. Basilius lib. 7. de Spiritu Sancto; S. Gregorius Nazianzenus orat. 40; S. Chrysostomus hom. 21. ad Popul.; S. Cyrillus cathec. 13; S. Ambrosius de Sacram. lib. 1. cap. 2. Immissio salis in os baptizandi ex traditione commemoratur ab Origene hom. 6. in Ezechiel.; S. Augustino lib. 1. Confets. cap. 11; Concilio Carthaginensi III. can. 5; S. Ildoro lib. 2. de offic. cap. 20. Impositionis ma-

num

torum rite, ac religiose ab Ecclesia nunc, atque olim adhibitas :

ex

num super verticem baptizandi, & impressionis signi Crucis in baptizandi fronte mento occurrit apud pseudo-Dionysium; Concilium Carthaginense sub S. Cypriano; S. Cyprianum epist. 56, & serm. de lapsis; S. Basilium lib. de Spiritu s. cap. 25; S. Cyrillum cath. 4; S. Augustinum de Symbolo ad Cathec. cap. 1. Baptizandi verticem, & aures spuito linitendas, seu vetus Traditio agnoscitur a S. Ambrosio lib. 1. de sacram. cap. 1; S. Augustino tract. 44. in Evang.; & Concilio Constantinopolitano can. 7. Fidei professionem vel ab ipso baptizando, si adultus fuerit, vel a Patrinis in susceptione baptizandi emittendam ex traditione docent pseudo-Dionysius, & pseudo-Clemens lib. 7. Constit. capp. 41, & 73; S. Cyprianus epist. 70; S. Dionysius Alexand. epistol. ad Sixtum apud Eusebium lib. 7. cap. 9; S. Cyrillus Cathec. 2; S. Hilarius in cap. 26. S. Matth.; S. Hieronymus in dialog. contra Lucifer., & in cap. 2. Proverb.; S. Ambrosius lib. de myster. cap. 5; S. Augustinus epist. 23. ad Bonifacium; S. Optatus lib. 2. advers. Parmen.; S. Nicetius Episcop. Trevirensis in epist. ad Justinianum Imp. apud Duchesnium tom. 1. hist. Francor.; S. Bonifacius Mogunt. in Statut. apud Dacherium tom. 9. Spicilegii. Baptismo adultorum præmitti debere catechismus docent S. Hieronymus comm. in Matth. cap. 28; S. Ambrosius de iniciandis sacris myster. Trina Immersio in baptismo usurpata ad significandam fidem unius Dei, & trini ex traditione profuxit testibus Apostolis can. 50; Tertulliano lib. contra Praxeam cap. 26; pseudo-Athanasio q. 125; S. Ambrosio lib. 2. de Sacram. cap. 7; S. Hieronymo in dialog. adver. Lucifer.; S. Chrysostomo hom. 24. in Johan.; S. Gregorio Magno lib. 1. epist. 41. In capitis vertice baptizandum chrismate innungi ex traditione referunt pseudo-Dionysius; pseudo-Justinus q. 137; Tertullianus lib. cit. cap. 7; S. Basilus loc. cit.; S. Gregorius Nazianzenus orat. in S. Baptis.; S. Cyrillus catech. 2; S. Chrysostomo hom. 6. in epist. ad Coloss.; S. Siricius epist. 10. ad Episcop. Galliar.; S. Ambrosius de Sacram. cap. 5; S. Augustinus lib. 15. de Trinit. cap. 26, & lib. 4. de Symb. cap. 1; Leidradus Archiep. Lugdunensis lib. de baptismo cap. 2. Baptizatos albis vestibus indui consuevisse constat ex S. Ambrosio de init. myst. 3; S. Paulino Nolano in epistol.; Eusebio lib. 4. vitæ Constant.; S. Gregorio Turonensi lib. 5. hist. cap. 11; Rabbano lib. 1. de instit. Cleric. cap. 39, si tamen ejus est fortis; S. Augustino serm. ad competentes. Recurrente anniversaria die baptismi celebrari a baptizatis olim consueverat festum sub nomine Paschatis Annotini: de quo videssis Bailletum & cujusque mentio occurrit in Sacramentario Gelassano, & Calendario Romano apud Frontonium, & Allatum.

In Confirmatione Chrismatis benedicti delinitio habetur ex traditione, cuius assertores sunt S. Cyprianus epist. 13; Tertullianus lib. de baptis. capp. 7, & 8; S. Hieronymus adv. Lucifer. S. Augustinus lib. 15. de Trin. cap. 26, & lib. 3. de baptismo cap. 16; S. Hilarius hom. de Pen-tec.; S. Eligius hom. 8. in die Cœnæ; S. Isidorus lib. 2. cap. 26; S. Gregorius

56 PRIVILEGIA ROM. PONTIFICI
ex his autem Cæremoniis (14) speciatim erga augustissimum Eu-
cha-

gorius in cap. 1. Cantic. ; Concilia Eliberitanum can. 38 ; Laodicenum can. 7 ; & Bracarense II. cap. 4. Consignandam confirmandi frontem ex traditione præceptum testantur Tertullianus loc. cit. ; S. Cyrillus catech. 21 ; Concilium Constantinopolitan. I. can. 7 ; S. Innocentius I. epist. ad Decentium ; S. Augustinus epist. 141. Confer Sacramentaria Gelas., & Gregor. ; Eucologia Græcor. ; Æthiop. &c. Pontificale Erberti Eborac., & Ruggierii Bellovac. De alapa tum ab Episcopo infligenda videndum Concilium Colonien- se. Confirmandos jejunos esse oportere ex traditione admonent Concilia Au- relianense, & Parisiense can. 33. In confirmatione susceptores adhiberi liquet ex causa 30. q. 1. can. *Si quis*, & C. *De His* ; & q. 4. C. *Si quis* ; de consecr. dist. 4. can. *In Cathedris*, & S. Cælestino V. opusc. 8. par. 2. cap. unico. Confer Jodocum Coccium in Thesouro tom. 2. lib. 5. art. 12, & seqq. ; Maldonatum lib. 1. cap. 27 ; Echium hom. 23. de chrism. ; Martenium, Chardonum &c.

(14) Erga sacratissimum Eucharistix Sacramentum, quæ servantur Cære- moniæ, ex Traditione manasse ostendunt. De figura rotunda panis conse- crandi S. Chrysostomus hom. 83. in Matth. ; S. Gregorius lib. 4. dialog. cap. 15. De forma verborum canonis Liturgiæ in utraque Ecclesia Orient., & Oc- cid. usurpatæ. De elevatione in missa S. Basilus lib. de Spiritu S. cap. 27 ; S. Chrysostomus hom. 27. in 1. Corinth. De verbis *Dominus vobiscum*, & *Pax vobis* Concilium Bracarense I. can. 2. De Collectis S. Iulianus apolog. 23 Tertullianus lib. de spectaculis cap. 25 ; S. Augustinus epist. 106 ; S. Hierony- mus in epist. ad Galat. ; S. Ambrosius de initiand. myst. cap. 2. De scripturis sacris recitandis, uti Evangelio, Auctor constit. Apostol. lib. 2. cap. 57 ; S. Ju- lianus apolog. 2 ; Tertullianus apologet. cap. 39 ; S. Augustinus lib. 22. de Ci- vit. cap. 8. & serm. 10. de verb. Apostol. De offertorio populi sacerdoti facto Tertullianus ibidem ; S. Cyprianus de oper., & elem. cap. 16. De secretis Auctor constit. Apostol. lib. 8. cap. 12 ; Concilium Laodicenum can. 19. De præsæt. Auctor constit. ibidem cap. 16 ; S. Cyprianus de orat. Domin. ; S. Chry- sostomus hom. 3. in cap. 3. ad Coloss. ; S. Ambrosius lib. 3. de Spiritu Sancto. De Trisagio Nicephorus lib. 18. cap. 51 ; Alcuinus de officiis. De prima par- te Canonis Auctor constit. cap. 12 ; S. Augustinus lib. 10. de Civit. cap. 9. epist. 59, & 100 ; Concilium Africanum cap. 43 ; S. Gregorius in 4. Reg. 37. De 2. parte, scilicet de *Memento* &c. S. Innocentius I. epist. ad Decentium ; S. Augustinus epist. 59. De 3. parte, scilicet *Communicantes* pseudo-Diony- sius lib. de Eccles. hier. cap. 3 ; pseudo-Clemens loc. cit. ; S. Cyrillus cath. 5 ; S. Augustinus tract. 84. in Johan., & serm. 17. de verb. Apost. De 4. parte, nempe *Hanc igitur* &c. Johannes Diaconus in vita S. Gregorii lib. 2. cap. 17 ; V. Beda lib. 2. hist. cap. 1. De 5. parte, nimirum *Quam oblationem* ; & de 6. parte, nempe *Qui pridie* S. Ambrosius lib. 4. de Sacram. capp. 5, & 6. De 7. parte idest *Mysterium fidei* ; & de 8. scilicet *Unde & memores* liturgiæ SS. Clementis, Jacobi, Marci &c. De 9. parte, idest defunctorum commemo-
mora-

morationis S. Chrysostomus hom. 3. ad Philipp., & hom. 69 ; S. Johannes Damascenus hom. *De his, qui in fide dormiunt.* De 10. parte, scilicet commemorationis Apostolorum , & Martyrum , S. Augustinus lib. de 5. virg. cap. 45, & lib. 20. contra Faustum cap. 21. De Crucis signis in missa S. Chrysostomus hom. 55. in Matth. ; S. Augustinus serm. 18. de temp. , & serm. 19. de Sanctis . De oratione Dominica S. Cyrillus cath. 5 ; S. Ambrosius lib. 5. de Sacram. cap. 4 ; S. Hieronymus lib. 3. contra Pelag. ; S. Augustinus epist. 59. ad Paulinum ; S. Gregorius epist. 63 ; Concilium Toletanum cap. 17. De vasis sacris S. Athanasius apolog. 2 ; S. Ambrosius lib. 2. de offic. cap. 28 ; S. Gregorius Turonensis de gloria Martyr. cap. 85 ; S. Augustinus in psal. 113 ; S. Chrysostomus hom. 3. in epist. ad Ephes. , & hom. 61. ad popul. Præter tures , & columbas , de quibus dictum superius , Eucharistix conservandæ adhibita olim tabernacula liquet ex veteribus monumentis apud Mabilonium , & Thyerrium locis indicatis : Pixides etiam liquet ex Hugone Flaviniac. in chron. Virdunensi : vasa item vitrea ex S. Hieronymo de S. Exuperio Tolosano testante , & S. Gregorio Turon. lib. 1. de glor. Martyr. cap. 47. Confer Goarium not. in Eucholog. p. 16 , & 18 ; Noentellum in relat. apud Renaudotium de perp. fid. lib. 8. cap. 4 ; Rupertum Tuit. hist. Monast. Tuit. ; Brunium explic. Miss. tom. 2. p. 271 ; Mabilonium , Thyerrium loc. indic. ; Chardonum hist. Sacram. tom. 1. lib. 3. cap. 13. De templis , & aris consecratis S. Ignatius epist. ad Magnes. ; & ad Philadelph. ; S. Athanasius epist. ad Constant. Imp. ; S. Basilus in psalm. 114 ; S. Gregorius Niss. lib. de baptis. ; S. Ambrosius epist. 1. ad Felicem ; Concilium Carthaginense II. can. 6. De lampadibus S. Chrysostomus hom. 60. ad popul. De cereis S. Hieronymus epist. 20. ad Marcellam ; S. Augustinus serm. 115. De thurificatione S. Ambrosius in Luc. cap. 2. De confessione Sacramentali Eucharistix sumptioni præmittenda S. Cyprianus serm. de lapsis ; & Auctor serm. de Cæna Dom. apud ipsum ; S. Augustinus de salutar. docum. cap. 33 , & lib. 5. hom. 50. cap. 9 ; S. Chrysostomus hom. 8. in Matth. ; Concilia Senonense can. 17 ; Colonienſe II ; Moguntinum IV. can. 35 ; Leo X. constit. 40 ; Trid. sess. 13. can. 7. De Eucharistia sumenda a jejunis, exceptis infirmis , S. Augustinus epist. ad Januar. 54. novæ edit. ; Concilium Carthaginense III. can. 48 ; & in Cod. can. Afric. can. 41 , & 47 ; quibus tamen Feria 5. in Cæna Domini etiam excipitur ; Bracarenſe II. can. 10 ; Matisconenſe II. can. 6 ; Antisiodorenſe can. 19 ; Moguntinum IV. can. 35 ; S. Nicolaus I. ad consulta Bulgar. ; de Consecr. dist. 1. can. *Sacramenta* ; dist. 2. can. *Liquido*. De vino aqua mixto consecrando in Eucharistia Concilia Triburienſe I. can. 19 ; Vormatiensē I. can. 4 ; Lucenſe II. can. 55 ; Aurelianenſe IV. can. 4 ; Florentinum in decreto union. ; Tridentinum sess. 22. can. 7 ; de Consecr. dist. 2. can. *In Sacramentorum* ; can. *Sic in sanctificanda* ; & can. *Oportet*. De Eucharistia servanda in pixide S. Leo IV. hom. de cura pastoralī ; Concilia Rothomagenſe an. 1188. , Eboracenſe I. , Londonenſe I. cap. 2 ; Odo Parisienſis Episcopus in con-

constitut. Synod. anno 1198. editis n. 35; Colonienſe II. par. 7. can. 16; Ravennatenſe II. ſub Clemente V. can. 7; Lateranenſe IV. can. 20; Oxoniienſe an. 1287. cap. 12. De Euchariftia ſæpius renovanda, ſcilicet omni die Dominica, Concilia Bituricenſe an. 1031. can. 2; Rothomagenſe an. 1072. can. 6; Ravennatenſe loc. cit.; Londin. I. can. 2; Clemens VIII. conſtit. 33. *Sanctiſſimus* 5. 2. De Euchariftia deferenda cum decenti veſte, lumine &c. Concilium Londinenſe I. can. 2; Colonienſe II; Honorius III. ex Cirone de celebr. Miſſar., de Celebr. Miſſar. cap. *Sane olim*; Glemens VIII. conſtitut. 40. *Ex omnibus*. De rebus liturgiis auctor tibi ſum, ut legas doctiſſ. Cardinales Bonam, & Thomaffium; Renaudotium, Aſſemanum, Boqnillotium, Vertium, Martenium, Pougetium, Brunium &c., a quibus præclare provincia hæc occupata fuit. Confer & Nicolaum de Thou Episcop. Carnot. de cærem. miſſæ; Coccium tom. 2. lib. 6. de Euchariftia art. 9, & ſeqq.; Michaelem Teraſſum de miſſæ cærem., & ſolem.; Petrum Vallemontium tract. de ſecret. miſſæ, contra quem Beaudovinus fruſtra pugnavit; Chardonum hiſtor. Sacram. tom. 1. lib. 3. &c.

(15) Confessionem peccatorum in Sacramento Pœnitentiæ debere eſſe integram ex Traditione docent Concilia Cabillonenſe I. cap. 8; Remenſe an. 813. cap. 12; Turonenſe III. an. 813. cap. 22; Cabillonenſe II. capp. 32, & 38; Moguntinum an. 840. cap. 26; Vvormatienſe cap. 25; Nannettenſe cap. 4; Claromontanum can. 22; Cabillonenſe III. can. 32; Senonenſe cap. 10; Lateranenſe IV. can. *Omniſ utriuſque*; Florentinum in decret.; Tridentinum ſeſſ. 14., de Pœnit. diſt. 3. cap. 42. *Sunt plures*; Sixtus IV. conſtit. 17. *Licet* contra Petrum Oxoniienſem. Plurimis quoque exemplis, ut ſequioris ætatis vix indicem exempla confessionis S. Audardi Narbon. apud Bolland. 1. Maji; S. Annonis apud Surium 4. Decemb.; S. Geralli Anachor. apud Ordericum lib. 3. cap. 8; Michaelis Palæologi apud Nicephor. Gregoram lib. 4. in fine; Caroli Martelli apud Labbeum in bibl. tom. 2; Pippini apud Baillet 7. Maji; Conſtantiz Anguſtæ apud Bolland. 2. Maji in vita Joachimi Abbatis Floriac. & S. Segolenæ apud Mabillon, ſæcul. III. Bened.; Ludovici Pii apud Duchefnium tom. 2; S. Philippi Bituric. apud Martenium tom. 3. anecdot.; B. Petri Luxemb. apud Bolland. 2. Julii; Agnetis Imperatr. apud Surium, 27. Julii in vita S. Petri Damiani, aliorumque plurium, quos recensere non vacat, exemplis, inquam eorum, qui antiquitus peccata ſua confeſſos fuiſſe leguntur apud Eccleſiaſticos Scriptores, veritatem hujus dogmatis docemur. Itaque S. Irenæus lib. 1. cap. 9. edit. Maſſuetii cap. 13. & poſt ipſum S. Epiphanius hæz. 34; reſert mulieres quaſdam a Marco hæzreſarca, & præſtigiatore corpore, animoque vitiatas, facti tandem pœnitentes, & ad Eccleſiam redeuntis crimen ſuum fuiſſe confeſſas; S. Cypranus lib. de lapſis nonnullos commemorat, qui peccata quoque cogitationum ſacerdotibus aperiebant. S. Ambroſius, ut in ejus vita reſert Paulinus, pœnitentium confeſſiones excipiebat. Eusebius lib. 6. hiſt. Eccleſ. cap. 9. narrat unum e calumniato-

niato-

niatoribus S. Narcissi Episcopi Hierosol. ad meliorem frugem se recipiens peccatum confessum fuisse, deque eo duram egisse pœnitentiam; cap. 34. Philippi Imperatoris pietatem laudat in suis peccatis declarandis: quamquam fateor hanc Eusebii narrationem minus vero consonam, atque viris eruditissimam visam de Philippi Imperatoris christiani nominis professione; & cap. 43. refert nonnullos Confessores a Novato seductos ad Ecclesiam demum reverbos crimina sua confessos. Socrates lib. 5. cap. 19. & Sozomenus lib. 7. cap. 16. celebre illud exemplum retexunt Matronæ cujusdam nobilis, quæ prius presbytero crimen privatim confessa, postea graviore dolore, sed imprudenti impulsu publicam de eo confessionem in Ecclesia edidit, ex qua gravissimum in Ecclesia subortum scandalum occasionem præbuit, ut a Nestario Patriarcha Constantinopolitano publica pœnitentia sustolleretur. S. Eleutherius Episcopus Tornacensis, ut narrat in ejus vita Guibertus apud Cointium tom. 1. annal. Franc. ad an. 449, Deo revelante cognovit occultum Clodovei Regis peccatum, quod ex verecundia confiteri ille non audebat, propterea ei auctor fuit, ut absque timore illud confiteretur. Johannes Moschus in præto spirit. cap. 135. refert de quibusdam Monialibus, quæ a Dæmonis infestationibus confessionis adhibito remedio liberæ abiierunt. S. Theodorus Archimandrita teste Georgio presbytero in ejus vita, eis, qui sincere, ac integre apud se constabantur, opportuna adhibebat remedia, qui occultabant præ verecundia admonebat, ut rite confiterentur. S. Johannes Eleemosinarius, referente Leontio in ejus vita, mulieris diu ob verecundiam reluctantis crimen in confessione excepit. Nicephorus Carthophilax scriptor sæculi IX. in tract. de poenit. ligandi, & solvendi scribit olim ad Episcopos confessionem fieri debuisse; Episcopos vero multitudine defatigatos id muneris in Monachos transfuisse. Simeon Metaphrastes in vita S. Jacobi Eremitæ narrat mulierem quamdam eidem S. Jacobo peccata sua valde pœnitentem confessam fuisse. S. Eustachius, narrante Jona Scoto in ejus vita, quoties pœnitentis peccata in confessione excipiebat, ita lacrymis perfundebatur, ut ad lacrymas pœnitentem facile inflesteret. S. Corbinianus, ut refert Aribio Frisingensis in ejus vita, Grimoaldum, qui incertis nuptiis se copularat, una cum adulterina conjuge facti pœnitentem, atque apud eum confessum absolutionis beneficio donavit. S. Isidorus Hispalensis morte impendente palam omnibus peccata sua confessus est; quæ scripto excepit Redemptus ejus Clericus, cujus quidem exemplar confessionis exstat initio oper. S. Isidori. Robertus Episcopus Cenomanensis prope moriturus propriarum culparum confessionem scripto direxit ad Episcopos Andegavi commorantes apud Carolum Calvum, cujus exemplar exhibet Sirmondus tom. 3. Concil. Gallix. S. Fulgentius formulam confessionis pœnitentibus præscripsit, quam exhibet Menardus in notis ad Sacramentarium S. Gregorii pag. 225. S. Eligius Novomiensis Episcopus, referente S. Audeno Episcopo Rothomagensi in ejus vita, quam exhibent Surius mense Decembri, & Dacherius tom. 5. Spicilegii, peccata sua omnia

60 PRIVILEGIA ROM. PONTIFICI
species, ac circumstantias Sacerdoti pro tribunali sedenti ad aures
fa-

omnia ab adolescentia patrata coram sacerdote confessus est. S. Theodorus Studites in vita S. Platonis apud Suriun die 16. Decemb. commemorat eum ab adolescentia sacerdoti confiteri consuevisse usque ad intimas cordis cogitationes. S. Tillo Abbas, ut legitur in ejus vita apud Bollandum die 7. Januarii, omnia ab adolescentia patrata peccata coram sacerdote confessus est. S. Richerius, referente Alcuino in ejus vita apud Mabillonium sæcul. II. Benedict., & S. Bavo peccata sua sacerdoti confessi leguntur. V. Beda lib. 4. hist. Anglor. cap. 25. de Adamano testatur sacerdoti crimen suum confessum esse.

Quid quod olim catechumeni antequam baptismo abluerentur, ut confiterentur peccata admoniti, aut confessi leguntur? Ita Tertullianus lib. de bapt. cap. 20. ad peccata omnia confitendum ante baptismum adhortatur. Rigaltius hunc locum de penitentiae actibus intelligi vult: at de iis eodem loci paulo ante Tertullianus dixerat: unde verius Pamelius de secreta peccatorum confessione interpretatur. Ita Eusebius lib. 4. de vita Const. cap. 61. Constantinum ante baptismum peccata confessum perhibet. Ita S. Gregorius Nazianz. orat. 40. catechumenos ad peccata confitenda pudore omni postposito adhortatur. Ita Socrates lib. 5. cap. 17. Ethnicos nonnullos ad Christum conversos peccata ante baptismum confessos refert. Ita apud Suriun 8. Octob. Thais post conversionem de peccatorum confessione præmittenda baptismo admonita legitur. Ita apud Martenium de antiq. Eccles. ritib. cap. 10. legitur S. Brietta ethnicos adhortata, ut ad fidem conversi peccata confiterentur, ac baptismum abluerentur. Absit equidem, ut confessiones ejusmodi sacramentales autem: indicium erant tamen sacramentalis confessionis antiquitas usitata. Quamobrem mirari subit non quidem Dallæum esset utique potuisse nulla ab antiquitate veneranda confessionis exempla posse exculpi, sed virum doctissimum Mabillonium dixisse in præfat. ad sæcul. III. Benedict. partes se ante sæculum XIV. Ecclesie non legisse exempla presbyterorum, qui sua confiterentur peccata: horum quoque exempla profert P. Edmundus Martenius lib. 1. de antiq. Ecclesie ritib. cap. 6. art. 2. Ad hæc Occidentali Ecclesie in re confessionis jugiter consensisse Orientalem ostendunt Morinus, Martenius, Allatus, Echellensis, alique; & quidem etsi minus frequentem presbyterorum præsertim, quam apud Latinos, viguisse tamen confessionis usum apud Græcos constat ex citatis not. 4. Patribus, & paulo supra scriptoribus Græcis, quibus subnecto Michaellem Glicam part. 1. annal.; Nicetam Choniatem lib. 4. orthodoxæ fidei cap. 275 Theodorum Balsamonem in canon. 52. Apostol., & in epist. 1. S. Dionysii Alex.; Nicolaum Cabasilam in exposit. liturg. cap. 295 Nicephorum Gregoram lib. 3. vitæ S. Germani Patriarchæ; Græcos in professione fidei Cardinali Guisiano an. 1570. exhibitis; Hieremiam Patriarch. Constantinopolit. in censura Calvinist. resp. 1. capp. 18. & 21. Viguisse apud Coptos, Ætiopes, & Egyptios constat ex confessione fidei Zagazabi Patriarchæ Æthiopum apud Renaudotium, & Coccium; ex Amba Severo altero

ro

61

VINDICATA . ARTICULUS VII. PROLEG.

faciendam : Publicas Ecclesiæ preces (16) ad Dei beneficia sive devo-

ro Patriarcha in tract. de Confessione , qui exstat in bibliot. Regis Galliarum ; ex Vanslebio in hist. Ecclesiæ Alexandrinæ ; & Sollerio in appendice ad Patriarchas Alexandrinos . Denique id demonstrant antiquissima pœnitentialia Johannis Jejunatoris Patriarchæ an. 586; Johannis Monachi ; Simeonis Thessalonicensis , Gabrielis Philadelphiensis , aliorumque apud Naironum , Morinum , Allatium epist. ad Morinum ; Bollandianos act. SS. August. tom. 1. ; Renaudotium perpet. fid. tom. 5. cap. 9; Echellensem epist. ad Morin. ; Assemanum bibl. orient. tom. 2. p. 171 : est si non inficier aliquando confessionis usum abolitum a Coptis , Nestorianis , & Jacobitis , sapientioribus tamen aliis contradicentibus , qua de re adeundi mox laudati scriptores ; ut propterea impudentissime dixerit Dallæus nullam unquam fuisse apud alias gentes , præter Latinam , sacramentalis confessionis consuetudinem , quem tamen pro meritis castigant præ aliis Natalis ad sæcul. XIII. & XIV differt. 14. & Tournellius in tract. de sacram. pœnit. q. 6. Doctrinam de Casuum reservatione a traditione descendere docent Tertullianus lib. de pudicitia ; S. Cyprianus epist. 16; Origenes hom. 8. in Levit. , & epist. 118. , & Concilium Carthag. III. can. 32. De reservatis generatim adeundi Richardus Salisbur. Const. cap. 28; & Fleurius tom. 2. hist. Eccles. pag. 259. Reservatorum Pontifici exempla extant apud Mabilonium sæcul. IV. Bened. Plura , qui de veteri confessionis privatæ usu scire aveat , adeat S. Johannem Climac. scal. grad. 4; S. Udalricum in constit. Cluniac. lib. 3. cap. 26; Artonem Basileens. Capitul. artic. 18. tom. 6. Spicilegii ; S. Honoratum in vita S. Hilarii Arelat. ; Alcuinum de divin. offic. cap. de jejuniis ; Ratherium Veron. in Synod. ad Presbyt. dioces. ; Theodulphum Aurelian. capit. 36; S. Adelardum Corbejen. lib. 1. constit. tom. 4. spicileg. ; Crodægundum regul. 32; Burchardum lib. 191 ; Theodorum Cantuarien. ; Egbertum Eboracensem apud Morinum in append. de pœnit. . Mitto ceteros ne sim longior . De confessione auriculari egregie agunt Dionysius SanMarthanus ; Jacobus Boileau doctor Sorbonicus &c.

[16] Publicas Ecclesiæ preces, Litaniae, processionesque traditione a Majoribus acceptas frequentari produnt pseudo-Dionysius Eccles. Hier. cap. 4; Tertullianus lib. 2. ad Uxor. cap. 4, & lib. de præscript. cap. 43; S. Ambrosius ferm. 83, & epist. 29 ; Synodus Laodicens. cap. 17; Marcus Gazæus in vita S. Porphirii; S. Hieronymus epist. 22. ad Eustochium; Rufinus lib. 2. hist. Eccles. cap. 33; S. Augustinus lib. 22. de Civitate cap. 8; Severus Episcopus Minoricensis epist. ad Ecclesias de Reliquiis S. Stephanis Sozomenus lib. 7. cap. 10; Socrates lib. 3. cap. 16 ; S. Leo I. ferm. 3. de jejuniis 7. mensis; & epist. 82. ad Diofeor. ; S. Cæsarius Arelatensis hom. 33. de Litaniis; Ennodius in vita S. Epiphani; Sidonius lib. 5. epist. 14; Theodorus Lector lib. 1; Justinianus Imperat. authent. 123. de Episcopis , & Cler. capp. 31 , & 32 ; Agathias lib. 5. cap. 3 ; Evagrius lib. 4. cap. 26; S. Avitus Vienn. hom. de Rogationibus ; Concilium Aurelianense II. anno 506 , cap. 29 ; S. Gregorius Turon. lib. 3. hist. Franc. cap. 29. , & lib. 4. cap. 5; Fortunatus in vita S. Germani cap. 34; S. Gregorius M. lib. 11.

devote promerenda, sive grate recolenda frequentatas: Divinæ
Pfal-

lib. 11. epist. 2; Concilium Toletanum IV. cap. 25; Toletanum V. cap. 1; Toletanum VI. cap. 2; Eustathius presbyter in vita S. Eutychii; Georgius presbyter in vita S. Theodori Archimandritæ; Synodus Nicæna II. a. 451. 4; V. Beda lib. 1. hist. Anglor. cap. 26; S. Zacharias in epist. ad Bonif.; Alcuinus de Divin. offic. cap. 15. de festo Palmarum; & cap. 23. de Rogationibus; Paulus Diaconus lib. 14. variar. historiar., & lib. 3. de gestis Longobardor. cap. 25; Carolus Magnus lib. 6. Capitul. cap. 74; Haimo serm. de Litanis; Concilium Moguntinum cap. 33; Hincmarus in vita S. Remigii; & in epist. ad Clerum, & plebem Cameracensem; Rabbanus, sive auctor lib. 1. de instit. Cler. cap. 40; Nothgerus lib. 2. vitæ S. Remaci cap. 15; Simeon Metaphr. de gestis Cornelii Centurionis cap. 11; Fulbertus Carnot. epist. 46; Glicas par. 4. annal.; Hugo Floriacensis in Chron. lib. 6; Micrologus de Ecclesiast. observat. cap. 57; Cedrenus in Justiniano, & Mauritio; Nicephorus Callistus lib. 14. cap. 3; Rupertus lib. 7. offic. Eccles. capp. 20, & 21; S. Bernardus serm. de Process. in die Purific. Litanis, quæ nunc a duobus dumtaxat Choris recitantur, olim ternariæ, quinariæ, & septenariæ dictæ sunt, quod ter, quinquies, & septies a Choris divisim repeterentur. Videtur Walafridum de rebus Eccles. cap. 28.

Adhæc appositæ Campanarum, aliorumque similium instrumentorum usum, quibus Clerus, populusque ad preces huiusmodi congregatur, earumque benedictionem, usum imo adversus tonitrua, & tempestates in Ecclesia sacrum esse docemur a S. Ephraïmo in parænesi 23; S. Gregorio Turonensi lib. de vita Patrum cap. 4; S. Audoen Episc. Rothomag. lib. 2. vitæ S. Eligii cap. 21; V. Beda lib. 4. hist. Anglor. cap. 23; veteri Ordine Romano; S. Zacharia Papa in privilegio concessio Monasterio Cassinensi; Alcuino de divin. offic. capp. 17, 19, & 38; Ludgero Monasteriensi Episc. de S. vitæ rto cap. 93; Concilio Aquisgranensi sub Ludovico Pio cap. 131; Amalario lib. 3. divin. offic. cap. 1, & lib. 4. cap. 21; Walafrido de rebus Eccles. cap. 5; S. Eulogio Toletano in memoriali Sanctorum; Luitprando lib. 3. cap. 8; Nothgero in vita S. Remaci lib. 2. cap. 6; S. Anselmo in elucidario; Ivone Carnot. epist. 167; Ruperto lib. 1. de divin. offic. cap. 16; Honorio Augustodun. serm. in Cœna Dom.; Hugone Victor. Eruditionis Theologicæ lib. 5. tit. 18, & 42; S. Bernardo serm. 3. *Quomodo malum cooperatur in bonum*; Johanne XXII. extra. de Officio Cælosodis; Concilio Coloniensi II. anno 1536. par. 9. cap. 14. Consule, si plura aveas, rerum Ecclesiasticarum tractatores Menardum, Martenium, Thyerrium, Thomassinum &c. Porro Campanarum inventionem Sabiniano Papæ anno 604. Ecclesiam administranti attribuit Polydorus Virgilius lib. 6. de inventoriis rerum cap. 22; Panvinus in epist. Rom. Pontif., & Giaccinus; sed de Sabiniano nihil tale refert Anastasius. A S. Paulino Nolano, qui V. sæculi initio florebat, adinventas tradunt alii; sed nulla fatis firma conjectura id affirmant. Cardinalis Bona lib. 1. rer. liturgic. cap. 22. multa præclare disputat de Campanis, quarum usum in finem VII. sæculi conjicit. Verum ex dictis liquet longe antiquiorem cum usum esse. Sed & ex vita S. Columbæ, quæ

quæ anno 599. obiit, Campanarum usum tunc jam viguisse observant Mabillonius sæculo I. Benedict. ; & Pagius in critic. Baronii ad cit. annum : Edmundus vero Martenius in tract. de antiqua Ecclesiæ discipl. in divin. offic. celebr. cap. 2. ostendit ante sæculum VI. Christiani fideles ad divina officia campanis convocari consuevisse. In Burgundia jam anno 615. Campanarum usus invaluerat; exinde in ceteras Occidentis Ecclesias propagatum nonnulli putant. Baronius ad ann. 865. refert. ab Urso Patricio Venetiarum Duce dono missas Michaeli Imper. Græcor. 12. campanas mirificæ artis, ac mire sonoras. Iterum anno 872. a Veneris dono missæ ad Basilium Imperatorem campanæ sunt. Itaque a Latinis earum usum mutuati sunt Græci. Idem rursus ad ann. 968. a Johanne XIII. consecratam refert pro Ecclesia Lateranensi miræ magnitudinis campanam. Edmundus tamen Martenius lib. 2. de antiq. Eccles. ritib. cap. 21. observat Campanarum benedictionem antiquiorem sæculo X. longe esse; quandoquidem earumdem benedictionis mentio occurrit in Capitulari Caroli Magni Aquisgr. capit. 18; in pontificali libro Egberti, & in aliis antiquissimis Ritualibus. Earumdem mentio occurrit in Concilio Triburiensi anno 795. præfat.; & benedictio indicitur a Concilio Ravenn. II. anno 1311. rubrica 3. Adifis, si plura aves, præfatum Martenium; Cardinalem Bonam lib. 1. rer. liturgic. cap. 22; Boquilottum in tract. historico de liturg. lib. 2. cap. 6. & Thierrium in tract. de campan. fufe de campanis agentes de quibus par. 2. redibit sermo.

(17) Psalmodiæ ritum, & horarum Canonicarum recitationem descendere ex Traditione testantur pseudo-Clemens lib. 8. Constit cap. 34; S. Ignatius epist. ad Magnes., & Philip.; pseudo-Dionysius in epist. ad Demophilum; S. Justinus in apolog., & dialog. cum Triphone; Tertullianus in apologet., lib. de corona Militis; lib. 2. ad uxor., & lib. de jejuniis; Origenes lib. 1. contra Celsum; Clemens Alex. lib. 7. Strom.; S. Cyprianus lib. de orat. Dominica; S. Zeno serm. 1. ad Neophitos; Minutius Felix in Octavio; S. Cyrillus Hierosolym. cath. 5. & 13; Concilium Laodicenum can. 18; Arnobius lib. 1. contra gentes; S. Athanasius lib. de virginit., & in apolog. ad Constant. Imper.; S. Basilus in regul. q. 37; & serm. 1. de Instit. Monachorum; epist. 69. ad Neocæsareenses; & epist. ad S. Gregorium Nazianz; S. Gregorius Nazianzenus orat. habita coram 150. Episcopis; orat. 1. contra Julian.; orat. 2. in Pascha; & orat. 11. de laud. S. Gorgoniz; S. Ephræm Syrus serm. de Beatitudine.; & parænesi 19., & 21; S. Gregorius Nissenus epist. ad Olympium; S. Casarius dialog. 4. interrog. 191; Sinesius hymno 1; Theodoretus in Philotheo; S. Gaudentius Brixiensis serm. 1. 4. 8. & 9; Theophilus Alex. epist. 1. paschali; S. Epiphanius in epit. hæres.; Palladius in hist. Lausica cap. 7; S. Hilarius in psal. 118; S. Ambrosius in eundem psal.; serm. ad virg. laps., & serm. 25. in die ciner.; S. Chrysostomus in psal. 118; hom. 59 ad Popul.; & hom. 14. in I. Timoth.; S. Hieronymus epist. 22. ad Eustochium, & 27. seu Epitaphio S. Paulæ; S. Augustinus serm. 2. 26., & 140. de temp.; hom. 26. inter 50; lib. 9. Confess.; & epist. 119. ad Januar.; S. Paulinus natali 7; Concilium Valense an-

64 PRIVILEGIA ROM. PONTIFICI
 Canoniarum recitationem : Monachorum [18] Evangelicam in-
 situ-

no 440. cap. 3; Agathense cap. 30; Gerundense cap. 10; Aurelianense III. cap. 14; Turouense II. cap. 245 S. Gregorius in Sacrament. Consule, si plura exoptes de Psalmodiæ antiquitate, Palladium in vitis SS. Pachonii, & Antonii; Metaphrasem in vita SS. Severini, & Theodosii Cœnobiarchæ; Rosveidum lib. 1. de vitis Patrum in vita S. Heleni; Surium die 6. Junii in vita S. Guduvalli Eremitæ; die 28. Septemb. in vita S. Charitonis; in vita S. Basslei; in vita S. Febroniz Virg.; die 28. Octobr. in vita S. Abercii Hieropolitani; die 27. Decembr. in vita SS. Indes, & Domnæ Martyrum; die 29. Decembris in vita S. Alexandri Abbatis, qui auctor fuit Aczmetarum. Consule & Coccium lib. 8. de Ordine art. 9. Psalmodia perennis erat apud Aczmetas testibus Surio loc. cit.; & Nicephoro lib. 5. hist. Eccles. cap. 23. Perennis quoque instituta a S. Columbano in Monasterio Luxoviensi teste S. Bernardo in vita S. Malachiz. Perennis item in monasterio Agaunensi Thebizi Martyribus sacro instituta a S. Sigismundo Rege, & Martyre teste S. Gregorio Turon. hist. Francor. lib. 4. cap. 6, & lib. de glor. Martyr. cap. 7. Perennis iterum inventa in Monasterio S. Martini Turonensis a Gumtramno Rege teste Aimoino de gestis Francor. lib. 3. cap. 80. Perennis inlata a S. Germano in Monasterium S. Vincentii; Dagoberto Rege in Monasterium S. Dionysii; & a S. Amato Abbate in Monasterium Virginum teste Surio 13. Septemb. Perennis induita a S. Aicardo Abbate in suum Monasterium teste Fulberto apud Surium 15. Septembris. Perennem instituit in Ecclesia Misnensi S. Berno Episcopus. Simili modo exercuisse se in divinis laudibus Monachos S. Publii, & Zosimæ; & Thebaidis referunt Theodoretus in Philotheo cap. 5; Sophronius in vita S. Mariæ Agyptiacæ lib. 2. de vitis Patrum cap. 4. Adis doctiss. Cardinalem Bonam de divina psalmodia cap. 184. Denique de Cœmeteriis, & mortuorum curatione legendi Eusebius lib. 6. cap. 13; S. Dionysius Alex. apud eundem lib. 7. cap. 11; Tertullianus apologet. cap. 13; S. Hieronymus in cap. 10. S. Matth. & S. Athanasius in apologia pro fuga sua; Auctor. Constit. Apostol. lib. 6. cap. 29, aliique.

(18) Institutum Monachorum ab Apostolica Traditione profectum probant pseudo-Dionysius lib. de Eccles. Hier. cap. 6; pseudo-Clemens lib. 3. Constit. cap. 1; S. Igratius epist. ad Philadelphios; S. Justinus in apolog. ad Antoninum; Theophilus Antiochenus lib. 2. allegor. in Marc.; Athenagoras in apolog. pro Christ.; S. Dionysius Alexandr. apud Eusebium lib. 7. cap. 34; Tertullianus lib. de veland. Virgin.; lib. 1. ad Uxor., & lib. 1. contra Marcion.; Clemens Alexandrinus lib. 3, & 4. Strom.; Ammonius Alex. in harmon. 4. Evang. cap. 9; Origenes lib. 7. contra Celsum; hom. 4. in Levit.; & hom. 23. in Num.; S. Cyprrianus lib. de discipl. & habitu virg.; S. Athanasius in apolog. ad Constant.; lib. 1. de Virgin.; & lib. de passion. Dom.; S. Bassilius in cap. 3. Isaïæ; epist. 1. ad Amphilocho; lib. de virg.; serm. 1, & 2. de instit. Monach., & Regulis; S. Cyrillus Hierosol. Cath. 4, 6, 12, & 16; S. Epiphanius hæres. 80; S. Ambrosius lib. 1. de offic. cap. 50; in 1. ad Timoth. 3; & epist. 81. ad S. Si-

stitutionem, idest ad ejusdem vitæ, qua discipulos, Apostolosque
Part I. I suos

S. Siricius; S. Gregorius Nazianz. orat. 20, & 31; S. Hieronymus lib. contra Vigilant. cap. 13; lib. contra Jovinian. cap. 17; epist. ad Philem. epist. 22. ad Eustochium; epist. ad Heliodor. cap. 9; epist. ad Marcellam cap. 6; & in psal. 115; S. Chrysostomus hom. 2. in Job; hom. 33 in Gen.; hom. 52, & 77 de SS. Martyr. Bernice, & Prosdice; hom. 56. de pœnit.; hom. 57. de elemos.; hom. 8. in Matth., & contra vituperatores vitæ Monasticæ; Cassianus Collat. 18. cap. 5; S. Ephræm in parænesi 49; S. Augustinus lib. 4. de adulter. conjug. cap. 205 lib. de morib. Eccles. cap. 31; lib. de Virginit. cap. 13; in psal. 99; lib. 2. contra Faust. cap. 12; epist. 137, & 235; S. Innocentius I. epist. 2. 12 & 13; S. Siricius epist. ad Himerium; S. Paulinus in natali S. Felicis; Paulus Orosius lib. 7. hist. cap. 33; Severus Sulpit. dialogo 2. de virtut. S. Martini cap. 11; & in vita ejusdem cap. 7; S. Isidorus Pelusiota lib. 3. epist. 35, & 75, lib. 2. epist. 2, & 82; S. Maximus hom. de S. Agnete; Socrates lib. 1. hist. Eccles. cap. 8, & lib. 4. cap. 18; Sozomenus lib. 3. cap. 13, lib. 6. cap. 3; & lib. 9. cap. 3; Theodoretus q. 19. in Deuter. 5 lib. 9. de curand. Græcor. affect.; & in hist. SS. PP. cap. 17; S. Eucherius Lugdunensis hom. 3. ad Monach.; hom. 4, & 5; S. Leo epist. 82. cap. 4, & 90. cap. 3; S. Gelasius epist. ad Episc. Lucanix; S. Fulgentius præfat. lib. ad Monim.; Concilia Chalcedonense can. 4; Trullanum can. 405; Carthaginense IV. can. 11; Agathense can. 9, 19, 20, & 28; Aurelianense I. can. 25; Toletanum II. can. 17; Claromontanum can. 12; Aurelianense IV. can. 19; Turonense II. can. 10, 11, 15, 16, & 17; Matisconense I. can. 11, 12, & 19; Lugdunense II. can. 1; Toletanum III. can. 5, & 10; Hispalense I. can. 3; S. Benedictus in regula capp. 33, & 58; S. Gregorius Turon. lib. 10. hist. Francor. cap. 29, & lib. 6. capp. 8, & 37; Evagrius lib. 1. histor. Eccles. cap. 215; S. Gregorius Magnus lib. 1. epist. 42; lib. 15. moral. cap. 11; in dialogo 2. cap. 13; & hom. 17. in Evang.; Moschus in prato spirit. capp. 108, & 118; S. Isidorus hispal. lib. 2. de offic. cap. 20; & lib. 2. de summo bono cap. 40; Concilia Toletanum IV. can. 20; Toletanum VI. can. 6; Toletanum VIII. can. 5, & 6; Toletanum IX. can. 10; Antiochenum apud V. Bedam lib. 4. cap. 5; S. Bonifacius Moguntinus epist. ad S. Zachariam; Stephanus II. in epist. ad Pippinum; S. Maximus Martyr in Centuriis de charitate cent. 2. capp. 32, & 87; Cent. 3. cap. 84; & Cent. 4. cap. 68; V. Beda in cap. 1. Lucæ; S. Germanus in Theoria rer. Ecclesiast.; S. Johannes Damascenus lib. 4. de fide orthodox. cap. 25; Alcuinus lib. de virtutibus, & vitiis cap. 18; Carolus Magnus lib. 5. Capitul. cap. 226, & lib. 6. cap. 139; Concilia Foro-Julienſe cap. 12; Turonense III. cap. 24; Nicænum II. can. 18; Moguntinum can. 11, 12, & 13; Aquigranense can. 6; Aimô homil. de Martyr.; & in epist. ad Timoth. 3; Simeon Metaphrastes in vita SS. Eusebii, & Euphrosinæ Virg.; Rabbanus lib. 4. de univ. cap. 105 & lib. 7. in Exod. cap. 8; Concilia Parisiense can. 46; Meldense can. 9; Triburienſe can. 26; S. Nicolaus I. epist. ad Albinum; Johannes XIII. epist. ad Theodoricum Metensem Episcopum; Œcumenius in 1. ad Timoth. 3; Theophylactus in 1. ad Corinth. 7; S. Petrus Damianus serm. 5, & epist. 3; S. An-

feci.

suos Christus D. recte instituit, exemplar, rationemque exactam ;
nul-

selmus in 2. ad Roman.; in 1. ad Corinth.; ad Hebr. 7; S. Bernardus serm. 65. in Cantic.; & epist. 203; Hugo Victorin. lib. 2. de Sacram. p. 4. cap. 4; V. Petrus Cluniac. lib. 1. de miracul. capp. 9, & 22; & lib. 2. capp. 27. & 28; Concilia Later. III. p. 1. cap. 104 Later. IV. cap. 12; Innocentius III. in fest. omn. Sanct.; Pius II. epist. ad Morbiscum Turcarum Principem; S. Laurentius Justinian. de vita solitaria cap. 12; Confer Coecium lib. 4. art. 2, ubi multo plura congerit. Magister Sent. in 4. dist. 37; D. Thomas opusc. 19. cap. 1. & 2. q. 186; & S. Bonaventura in apologia eodem de argumento agunt; de quo ego pluribus 2. parte in Parergo.

Cæterum etsi id credam Traditione Apostolica institutos Monachos, in eam tamen non invitus concedo sententiam primo, alterove Ecclesiæ sæculo Monachos privatim vitam, votis in Domino nuncupatis, cælibem æstimates nondum in cætum convenisse. Primi enim, qui Religiosorum agmina coegerint, laudantur in Ægypto S. Antonius, in Palaestina S. Hilarion, testibus S. Athanasio in vita S. Antonii, & S. Hieronymo in vitis S. Pauli, & S. Hilarionis. Monachis omnium primi regulas conscripserunt IV. sæculo in Oriente SS. Pachomius, Ammon, Oresius, uterque Macarius, & Basilus. Quod tamen, ut mox innui, nihil officit, quo minus jam pridem Monachi extiterint, qui privatim vitam transigerent, e quorum numero ii fuerant, a quibus institutum S. Antonium perhibet S. Athanasius; fueruntque, qui postea summum Pontificatum adepti sunt circa annum 127. S. Telsphorus, & circa annum 254. S. Dionysius: fuitque aliquando Marcion, quem cælibatus legibus se devovisse, ac Monachum egisse testatur hæres 42. S. Epiphanius. Eorum vero maxime in Ægypto Monasteria crebra erant teste S. Athanasio in vita S. Antonii. Triplici vero genere distinguebantur Monachi: aliis in Cænobiis, unde Cænobitæ, sub unius Præpositi disciplina degentibus; aliis in Lauris, seu cellulis ad invicem distatis in solitudine, unde Anachoretæ, vitam instituentibus; aliis absque præposito proprio jure permissis, qui bini, aut terni, aut paullo plures simul demorabantur. Ista constant ex S. Hieronymo in epist. ad Eustochium, & Cassiano collat. 18. capp. 7, & 8. De Monachis Orientalibus sanctitate celebribus IV. sæculo leges Socratem lib. 4. hist. Eccles. cap. 23; Sozomenum lib. 6. hist. Eccles. a cap. 28. ad 35; & Theodoretum in hist. religiosa. Non tardius in Occidente coacti sunt Monachorum cætus, etsi incertum a quo, & quando inceperint. A S. Ambrosio in suburbii Mediolanensis extructum, institutumque Monasterium auctor est S. Augustinus lib. 8. Confess. cap. 6. Vercellis Monasterium viguisse sub S. Eusebii disciplina scribit S. Ambrosius in epist. 82. S. Martinum Pictavis, & Turonibus monasteria extruxisse, optimaque ratione Monachos instituisse testatur Severus Sulpitius lib. de vita S. Martini; primaque Monachorum in Gallia propago ista videtur. A S. Benedicto deum longe, lateque per Occidentem monasticum Ordinem propagatum nemo ignorat. Sed & IV. Ecclesiæ sæculo Clericalis, & Monasticæ vitæ conjunctio

cœpit, seu Inter Clericos invecum Monasticum institutum . Primus omnium S. Athanasius Clero Alexandrino Sacerdotes ex Monachis dedit: multosque ex Monasteriis ad Episcopatum assumptos testatur in epist. ad Dracontium, & asserit Cassianus loc. cit. S. Eusebius Monasticum institutum Clero Vercellensi adjunxit teste S. Ambrosio cit. epist. 82. S. Augustinum egisse, ut Clerici in Monasterio collecti vitam monasticam agerent, ex quo plurimi Episcopi Ecclesiis dati fuerint, refert Possidius in vita S. Augustini cap. 11. A S. Martino Monasticam vitam cum Clericatu conjunctam constat ex cit. Severo Sulpitio. Sequiori ætate in Ecclesia Cantuariensi a S. Augustino Anglorum Apostolo eosdem Monachos iustos, qui Clerici, ex V. Beda liquet. S. Siricio tandem Summo Pontifice id præcipiente in epist. ad Himerium Tarracon. Monasticum institutum Clericatu adauctum est. Eadem tempestate, qua Monachorum cohortes sub uno præceptore congregari cœperunt, incepisse pariter Sanctimonialium Parthenones compertum est. Nam S. Antonii sororem Virginum Monasterio Magistram datam testatur S. Athanasius in vita S. Antonii; & simile enarrat de S. Syncletica in ejusdem vita. S. Pachomium forori suæ non longe a virorum Cœnobio monasterium extruxisse constat ex ejusdem vita. Idipsum cum S. Scholastica sorore actum scimus ex dialogis S. Gregorii a S. Benedicto. Puellarum Collegium institutis monasticis imbutum a S. Basilio discimus ex S. Gregorio Nazianz. orat. 20. De tribus Virginum Monasteriis in Bethlehem a S. Paula constructis legendus S. Hieronymus epist. ad Eustochium de epitaphio Paulæ Matris. Mediolani institutas virgines in Monasteriis, ac vota sua Deo nuncupasse legimus apud S. Ambrosium in epist. ad Virg. lapsam, in exhort. ad Virgines, lib. 3. de Virginib., & epist. 12. ad Symmachum Urbis præfectum. Hoc tandem loci observanda quadruplex olim Virginum fuisse velum, professionis, consecrationis, prælationis, & ordinationis. Velum professionis erat, quod suscipiebant virgines eo tempore, quo vota sua Domino nuncupabant; quod tempus erat ab anno decimo, & deinceps, ut constat ex S. Hieronymo epist. ad Marcellam; quo velo sumpto resilire a proposito absque sacrilegio non poterant, ut liquet ex S. Innocentio I. in epist. ad Victricium Rothomagensem, & S. Leone in epist. ad Rusticum Narbonensem. Velum consecrationis erat, quo virgines ritu solemniori in Ecclesia benedicebantur in die Nativitatis, aut Resurrectionis Dominicæ, vel alia hujusmodi solemniori festivitate recurrente; quod illis non conferebatur ante 25. ætatis annum, ut constat ex Concilio Carthagin. III. can. 26. Velum prælationis erat, quo Virgines Monasterii regimini præficebantur; quam provinciam ipsæ imponi prohibuerant ante 40. ætatis annum Concilia Agathense an. 506. can. 193 & Cæsaraugustanum can. 8; vel ante 60. S. Gregorius Magnus lib. 3. epist. 2. ad Maximianum Episcopum Syracusanum. Velum ordinationis tandem erat, quo Virgines, imo Viduæ univiræ Ecclesiasticis ministeriis deputabantur, & Diaconissæ fiebant impositione manuum Episcoporum; quod ante 60. annum juxta S. Basilium epist. 2. canonica ad Amphiloichium; aut ante 40. juxta Concilia Chal-

atque Clericis Majoribus ab Ecclesia indictam Cælibatus (19) legem :

Chalcedonense can. 15, & Trullanum cap. 14. non conferebatur . Cave tamen ne credas Ordinem eum fuisse, quippe erat cæremonia, nihilque præterea . Abolitz denique sunt Diaconissarum ordinationes sub S. Leone I. a Concilio Arausicano I. can. 26; & sub S. Hormisdæ a Concilio Epaonenſi can. 21. Adis Cabaſſutum notit. Eccles. sæcul. II. dissert. 2, & 3. de Diaconissis, & sacris Virginibus : nam de his satis pro nostra instituti ratione . Confer P. Semerium ; Doctiss. Cardinalem Gotti de vera Christi Eccles. tom. 2. p. 1. artic. 5, & Ludovicum Bulteau hist. Monach. Orient.

(19) Quum vero id, quod præsertim salacissimis Heterodoxis in monastico instituto displicet, Cælibatus sit inviolata, jugisque lex, non abs re erit obiter animadvertisse hancce legem Monachis ex æquo, atque Episcopis, Presbyteris, Diaconis, & Hypodiaconis fuisse communem ab Ecclesia editam . Cujus quidem legis testes locupletes sunt S. Cyrillus Hierosolym. cath. 12 ; Origenes hom. 33. in Num. ; S. Epiphanius hæc. 79 ; & in exposit. fidei cathol. cap. 21 ; S. Ildorus Pelusiota lib. 5. epist. 74 ; S. Gregorius Nissenſis lib. de Virginit. cap. ult. ; Eusebius lib. 1. demonstr. Evang. cap. 9 ; S. Gregorius Turon. lib. 1. hist. Francor. cap. 44 ; S. Hieronymus lib. 1. advers. Jovinian. ; lib. adv. Vigilant. ; in apologia ad Pammachium ; in cap. 1. epist. ad Tit. , & epist. 50. ; S. Ambrosius de offic. lib. 1. cap. ult. ; S. Augustinus lib. 2. de adulter. conjug. cap. ult. ; S. Siricius epist. ad Himerium cap. 75 & epist. ad Afric. Episc. cap. 9 ; S. Innocentius I. epist. 2. ad Victricium cap. 95 & epist. 3. ad Exuperium cap. 1 ; S. Leo I. epist. 84. ad Anastasium cap. 4 ; & epist. 92. ad Rusticum cap. 3 ; S. Gregorius Magnus lib. 1. epist. 42, & 50 ; lib. 7. epist. 39, & lib. 11. epist. 43, & 43 ; S. Zacharias epist. 1. ad S. Bonifacium Moguntinum ; S. Nicolaus I. epist. ad Adonem Viennen. ; S. Leo IX. epist. ad Cunibertum Taurinen. ; & S. Gregorius VII. epist. 62. lib. 2. ad Sychardum Aquilejensem ; Concilia etiam Illiberitanum can. 33 ; Taurinenſe an. 397. can. 8 ; Carthaginense II. an. 390. can. 3 ; Turonense I. an. 461. can. 1, & 2 ; Carthaginense V. an. 398. can. 3 ; Toletanum I. an. 400. can. 1 ; Arausicanum I. an. 441. can. 22 ; Agathense an. 506. can. 9 ; Arvernense, an. 535. can. 13 ; Aurelianense III. an. 538. can. 2 ; Aurelianense IV. an. 541. can. 17 ; Aurelianense V. an. 549. can. 4 ; Turonense II. an. 567. can. 12 ; Matisconense I. an. 581. can. 11 ; Lugdunense III. an. 583. can. 1 ; Toletanum III. can. 1 ; Toletanum VIII. an. 653. can. 5, 6, & 7 ; Troslejanum an. 909. cap. 9 ; Romana sub Nicolao II ; Alexandro II ; & Gregorio VII ; a quibus iis, de quibus dixi, continentiz lex omnino præcepta, ac præscripta est, ut propterea mirari subeat effroni, effrenique inavercundia potuisse effutire Piceninum ante Gregorium VII. Sacerdotibus indiscriminatim licitum fuisse conjugii usum ; Cælibatus sacratissimas leges potuisse impetere. Justum Jonam ; atque Stanislaum Orecovium operam suam omnem impendere voluisse, pro impetranda Presbyteris matrimonii venia . Leges Natalium hist. Eccles. ad sæcul. IV. dissert. 19. prop. 2 ; & Thomassinum vet., & novæ disci-

disciplinæ p. 1. lib. 2. cap. 60 , ubi contra Natalem historiam Paphnutii ex-
plodit , & censet exilatum a Christo , vel Apostolis institutum .

Tantum etiam abest , ut Therapeutas , quorum meminit , institutæque
vitz rationem texit Philo lib. de vita contempl. , quosque Eusebius , S. Hieronymus , S. Epiphanius , Sozomenus , Dionysius , Cassianus , eosque
confectati Baronius , Bellarminus , Godeau , Petavius , Serarius , Tillemontius , Papebrochius , Montfauconus , Lequienius , Bachinius , Heliotus ,
& Natalis ; & ex acatholicis Beveregius , Brunus , Vossius , Parche-
rus , Vvistonius , Makentius , alique viri de re litteraria optime meriti , aut
christianos , aut imo Monachos existimant , Monasticam vitam confectatos
esse credam , ut magis in oppositam opinionem , quam pro aris , focusque pro-
pugnata perspicio a Cotelierio , Pagio , Dupinio , Bougero , Vallesio , Cel-
lierio , Orsio , Mamachio , & ex Protestantibus ab utroque Basnagio , Blon-
dello , Caveo , Clerico , Hunchio , Junio , Kippingio , Moynio , Placetio ,
Pridæo , Richardsono , Seldeno , Salmasio , Scaligero , Turnero , Grotio ,
Adamio , Budeo , Moshemio , Fabricio , aliisque , manibus , pedibusque
concedens , Therapeutas Judæos potius , atque quidem de secta Essenorum
putem ; meque ita putare id cogit , ut paucis , quæ illi pluribus prosequun-
tur , uti videre est apud Pridæum hist. Judæor. lib. 13 , & Mamachium orig.
& antiq. Christi. lib. 1. cap. 1. §. 5 , comprehendam , quod Therapeutæ car-
mina canebant , quæ sacra non erant ex scripturis delecta : quod unum Sab-
batum sanctissimum , & maxime solemnem diem habebant : quod in conside-
randis numerorum viribus , superstitione turpissima peccabant , quique præ
ceteris quinquagesimum numerum sacratissimum rebantur : quod mensam ,
in qua vino non utebantur , quamdam ob memoriam illius , quæ erat in ve-
stibulo Hierosolymitani templi , venerabantur : quod in Conventibus bac-
chantium more choreas ducebant . Quæ omnia liquet ex Philone loc. cit. ;
quem item librum de vita contemplativa si Philo adornavit , antequam lega-
tionem ad Cajum obisset , atque de ejusmodi legatione alterum librum con-
scripsisset , ut multis suadet doctiss. Mamachius , consequetur librum de vita
contempl. fuisse a Philone ante an. 40. æræ vulgaris perscriptum , quo sane
tempore quum nulli adhuc essent a S. Marco in Ægypto sacris nostris initiati ,
nulli item in Ægypto , ubi tamen eisdem ingenti numero , ac maxime The-
rapeutas viguisse cit. libro affirmat Philo , ut Therapeutæ haud christiani , multo-
minus Monachi fuerint necesse est . Nihilominus momenta isthæc elidere , at-
que evertere adnixus nuper est adversus Petrum Jannonem pugnans , atque
quidem Therapeutas christianos non modo fuisse , sed etiam Monachos propu-
gnans Doctiss. P. Jo: Antonius Blanchus adeundus tibi , si aveas , de polit. ,
& potest. Eccles. tom. 4. lib. 2. cap. 2. §. 1 : nam aliò properat oratio nostra .

(20) Jejunium Quadragesimæ , aliorumque temporum originem suam ab
Apostolis ductum esse tradidere S. Irenæus in epist. ad S. Victor. Pontif. apud
Eusebium lib. 5. cap. 24 ; Tertullianus lib. de jejun. capp. 2 , & 14 ; S. Dio-
nysius

70 PRIVILEGIA ROM. PONTIFICI
aliis temporibus inductam observantiam : identidem ciborum de-
le-

nysius Alex. in epist. canon. ad Basilidem ; Concilium Nicænum can. 5 ; Iacodicensium can. 50 ; S. Athanasius in apolog. ad Constantin. ; & in epist. ad Orthodoxos ; S. Cyrillus Hierosol. cath. 1 ; S. Basilius lib. 1. de Jejun. ; S. Gregorius Nazianz. orat. 40. in S. Lavacrum ; Concilium Gangrense can. 19 ; S. Epiphanius hæz. 75. ; & in exposit. fidei ; S. Chrysostomus hom. 1. in Genes. ; & hom. 6. 12. & 16. ad popul. ; S. Ambrosius serm. 26. & 31. si ejus sunt ; & lib. de Noe. & arca cap. 13 ; S. Hieronymus in cap. 58. Isaiæ ; epist. 15. ad Marcellam ; & in cap. 10. Daniel. ; S. Augustinus serm. 64. de tempore ; lib. de morib. Eccles. cap. 33 ; & epist. 119. ad Januarium ; S. Maximus hom. 3. de Jejun. ; S. Leo serm. de Quadragesima ; S. Petrus Chrysologus serm. 66. de Quadragesima ; Cassianus collat. 21. cap. 24 ; Dorotheus Abbas doct. 25 ; Concilia Toletanum VIII. can. 9 ; Trullanum can. 56 ; Senonense can. 7 ; S. Isidorus lib. 6. Orig. cap. 19 ; & lib. 1. de offic. cap. 36 ; S. Thomas 2. 2. q. 147. art. 5. Jejunia pro publica necessitate imponi, ac imperari populo posse, non quidem a potestate seculari, sed Ecclesiastica, puta Episcopo, patet ex S. Nicolao I. ad consulta Bulgar. cap. 58 ; Concilio Erfordiensis I. can. 5 ; Ravennatensis I ; Turonensis III. can. 47 ; Moguntino can. 135. Non jejunandum esse diebus Dominicis constat ex Conciliis Agathensis can. 12 ; Bracarenfis I. can. 4 ; Lucensis II. can. 57 ; Aquisgranensis sub Ludovico Pio can. 68 ; Carlsruagustano can. 2 ; Gangrensis can. 18 ; Carthaginensis IV. can. 64 ; de Consecr. dist. 3. cap. *Placuit* ; cap. *Jejunium* ; cap. *Nequis* ; dist. 5. cap. *Quadragesima* ; dist. 30. cap. *Si quis tanquam* ; & cap. *Si quis Presbyter* ; & dist. 76. cap. *Utinam*. Jejunandum quatuor anni temporibus liquet ex lib. 6. Capitular. Caroli Magni cap. 186 ; S. Leone serm. 6. de Jejun. decimi mensis ; serm. 2. de jejunio Pentecostes ; & serm. 9. de jejunio 7. mensis ; Conciliis Arvernensi cap. 27 ; Constantiensi an. 1094 ; Salegustadiensis an. 1022 ; Moguntino 813 ; Rothomagensis an. 1072 ; Oxoniensis an. 1222 ; Aënhamensi an. 1009 ; quamquam certæ anni tempestatis certos dies ei jejunio non fuisse consecratos ex iisdem Conciliis constat. Jejunatum olim ex pietate fidelium, non ex Ecclesiæ præcepto 4. & 6. feria liquet ex Tertulliano lib. de Jejunis capp. 13. & 14 ; & lib. de orat. cap. 14 ; Clemente Alexandr. lib. 7. Strom. ; Auctore constit. Apostol. lib. 7. cap. 24 ; S. Epiphanio in exposit. fidei ; S. Augustino epist. 86. ad Casulanum ; S. Innocentio I. epist. ad Decentium ; S. Isidoro lib. de offic. cap. 41 ; S. Fulgentio in ejus vita ; S. Nicolao I. ad consulta Bulgar. capp. 4. & 5 ; Conciliis Matificensis I. can. 9 ; Aënhamensi can. 17 ; Cojacensi an. 1050. can. 2. Jejunium Sabbato olim ab Ecclesia Latina religiose servatum ; non vero ab Ecclesia Græca, constat ex S. Ambrosio apud S. Augustinum in epist. 86. ad Casulanum ; S. Hieronymo epist. 28. ad Lucinium ; S. Augustino epist. cit. ; & epist. 119. ad Januarium ; S. Innocentio I. epist. ad Decentium ; S. Leone epist. 81. ad Diodorum ; in quam legendus (si licet) Quesnellus ; Cassiano lib. de instit. Cenobiorum cap. 10 ; Socrate lib. 5. cap. 22 ; Conciliis libe-

ritano

leſum tenendum; (21) ſolvendique deſum Jejunii decretam, ob-

ritano can. 26; Agathenſi can. 8; Aurelianenſi IV. can. 2. Confer cap. *Placuit*, & cap. *Sabbato* de Conſecr. diſt. 3.

(21) Jejunii tempore a carnibus abſtinendum liquet ex S. Nicolao I. ad conſulta Bulgar. cap. 4; S. Baſilio hom. 1. de Jejun. ; Theophilo hom. 3. Paſchali; S. Cyrillo cath. 4; S. Chryſoſtomo hom. 1, & 2. in Genef. ; & 6. ad popul. ; S. Hieronymo in cap. 10. Daniel. ; S. Auguſtino ſerm. 64. de temp. ; S. Leone ſerm. 4. de jejun. quadrag. ; S. Maximo hom. 3. de Jejun. ; Concilio Trullano can. 56 ; Toletano VIII. can. 9 ; Moguntino IV. can. 47. Imo abſtentum olim etiam a vino conſtat ex SS. Baſilio, Cyrillo, & Theophilo locis cit. ; item a caſeo, & ovis abſtinendum eſſe conſtat ex Concilio Trullano cit. ; S. Gregorio Magno diſt. 4. cap. *Denique* ; Concilio Mediolanenſi I. par. 2. tit. de Jejunio. Imo etiam ab oleo abſtentum olim conſtat ex Concilio Laodiceno can. 50 ; Tertulliano lib. adv. *Psychichos*. Præterea abſtinuiſſe a piſcibus Græcos reſert Baſamon ad can. 69. Apoſtol. Jejunium quadageſimale XII. priſcis ſæculis, non niſi ad vesperam ſolvi licuiſſe, patet ex S. Baſilio hom. 1. de jejun. ; S. Paulino epiſt. 6. ad Amandum, quæ eſt in ordine 24 ; S. Chryſoſtomo hom. 4, & 6. in Genef. ; S. Ambroſio ſerm. 8. in pſal. 118 ; S. Hieronymo epiſt. 22. ad Euloſium ; S. Benedicte in Regula cap. 41 ; Theodulpho Aurelian. in epiſt. ad Clerum ſuum ; & reſertur a Gratiano de Conſecr. diſt. 1. cap. *Solent* ; a S. Burchardo Wormat. lib. 13. cap. 11 ; Ivone Carnot. p. 4. cap. 45 ; S. Thoma 2. 2. q. 147. art. 7. tribuentibus Concilio Cabillonienſi, in quo tamen non legitur ; Monacho S. Galli auctore vitæ Caroli Magni lib. 1. cap. 13 ; Magiſtro in regula cap. 43 ; Micrologo lib. de reb. Eccleſiaſt. cap. 49 ; S. Bernardo ſerm. 5. de Quadageſima. Extra Quadageſimam hora nona ſolvi jejunium conſueviſſe, quod tunc uſurpata phraſi dicebatur ſationem expungere, vel dirimere apud Tertullianum lib. de Jejunio capp. 10, & 14, ut explicat Ludovicus de la Cerda in ſuis adverſariis capp. 138, & 140, conſtat ex S. Athanaſio lib. de virginis, S. Epiphania in expoſit. fidei ; S. Hieronymo epiſt. 22 ; S. Ambroſio ſerm. 33, & 39 ; S. Auguſtino epiſt. 119. ad Januar. in fine ; Palladio in hiſt. Lauſiaca cap. 139 ; Johanne Climaco gradu 13 ; Johanne Caſſiano collat. 31, capp. 23, & 26 ; Prudentio hymn. 8 ; Micrologo loc. cit. Verum ſæculo XII. ad exitum vergente, ineunteque XIII. ævo vetus, & canonicus jejunandi uſus immutari cœpit, ac hora quidem nona in quadageſima ; horæ vero 6. extra quadageſimam. Quin imo ſæculo XIV. tandem cadente ipſum quoquo quadageſimale jejunium hora 6. ſolvi cœpiſſe conſtat ex S. Thoma 2. 2. q. 147. art. 7 ; atque ex eo tempore nullo ſuffragante canone ſuperaddi cœpit ſub collationis nomine reſectio vespertina, quam utinam ſaltem ad aliquam moderationem repagulum aliquod coercere quiret !

Certe olim in diebus jejunio nec dicatis conſueviſſe Chriſtiſideles prandere ad horam 6. patet ex Caſſiano collat. 21. cap. 23 ; & lib. 10. de ſpiritu acediz cap. 1 ; S. Nilo lib. de ſpiritu acediz ; S. Baſilio ſerm., cui titulus :

De

72 PRIVILEGIA ROM. PONTIFICI
 observatamque horam : Indulgentiarum (22) pias elargitiones ;
 qui-

De homine quod sit Imago Dei ; S. Pachomio initio Regulæ Theophylacto in cap. 27. S. Matth. ; S. Gregorio dialog. lib. 3. cap. 15 ; Auctore libri *De modo bene vivendi* inter opera S. Bernardi serm. 52 ; Hugone Victorino in exposit. regulæ S. Augustini cap. 3 ; S. Thoma 2. 2. q. 147. art. 7. Unde Cardinalis Bona divinæ Psalmodiæ cap. 9. §. 3. observat erratum esse a nonnullis canonum interpretibus , Archidiacono , & Turrecremata ad cap. *Quod dixit* dist. 41 , quod horam prandii tertiam esse dixerint ; nisi forte suorum temporum consuetudinem respexerint . Quin imo , ut ibidem observavit , idem olim Majores nostros magis temperantiæ , & sobrietati studentes semel tantum in die , vel ad Vesperam , vel ad Nonam , vel ad Sextam cibo refici consuevisse narrant Clemens Alex. lib. 2. pædag. cap. 1 ; S. Cæsarius hom. 9 ; S. Chrysostomus hom. 59. in Matth. ; S. Isidorus lib. 20. Orig. cap. 21 ; Salvianus lib. 1. de Provid. ; Cassiodorus in psal. 14 ; Boetius de consolat. Philosoph. lib. 2. metro 5. Consule doctissimos Cardinalem Bonam de divin. psalmod. cap. 9 ; Cabassutium notit. Eccles. sæculi II. dissert. 15 ; Thomassinum tract. de jejunio ; Natalem hist. Eccles. ad sæcul. II. dissert. 4 , ubi illud quoque observat cœnulam , seu refectiunculam , quæ hodie collatio dicitur , atque in die jejunii ad vespem adhibetur , originem duxisse ex eo , quod religiosi viris olim labore defatigatis ante collationem spiritualem , quæ vespere fieri solebat , potus sumptio permissa fuerat a Conciliis Aquisgranensi an. 817. cap. 12 ; atque a Trecenti an. 1128. cap. 16. Sed de his jam nimis .

(22) Indulgentias non a Leone X. cœpisse , ut blaterant Novatores , sed Apostolica traditione edoctam Ecclesiam eas elargiendi sibi fas esse semper agnovisse constat . ex veteri Ecclesiæ disciplina , qua remissiones peccatorum , quæ post absolutionem sacramentalem residuæ erant , ab Episcopis impertiebantur ; vel pœnitentiarum canonicarum relaxationes ad Martyrum preces ab Episcopis indulgebantur . Ergo pœnitentium reconciliationes quotannis in die Cœnæ Domini fieri solitas fuisse , quæque nonnisi pœnæ post Sacramentalem confessionem residuæ remissiones erant , patet ex epist. 2. ad Corinth. cap. 2 , qua incestuoso cuidam in Corinthiorum gratiam in persona Christi aliquid donasse S. Paulus affirmat : quem quidem locum de satisfactioe ei remissa intelligunt S. Chrysostomus hom. 4 ; Theodoretus ; Theophylactus ; & Œcumenius ibidem ; S. Pacianus lib. 3. contra Novatianos ; & S. Ambrosius lib. 6. de pœnit. cap. ultimo . Videsis S. Thomam in addit. ad 3. p. q. 25 , & 26 ; & Porreclam ibi . Et ut prætermittam pseudo-Clementem lib. 2. constit. Apost. cap. 16 , & pseudo-Eutychianum apud Burchardum , & Ivonem ; ex S. Cypriano epist. 11. ad Martyres , & Confess. ; Tertulliano lib. ad Martyr. ; Conciliis Ancyrano II ; Nicæno I. can. 11 ; Africano in canon. pœnit. ; S. Basilio epist. canon. can. 77 ; S. Eligio hom. 11. ad popul. , & 13. in quadrag. ; Concilio Carthaginensi IV. can. 76 , 78 , & 80 , in quos legendæ notæ Binii , & Albaspinæ ; Agathensi an. 504. cap. 11 ; S. Augustino epist. 80. ad Honoratum ; & serm. 57. de temp. ; S. Ambrosio lib. de pœnit. cap. 15 ; S. Hil-

quibus , quoad fieri poterit , peccatorum reliquiæ expiuntur , at-

Pars I.

K

que

S. Hilario can. 18. in S. Matth.; S. Paciano in parænesi; S. Bonifacio Moguntino in decret. pœnit.; S. Leone M. epist. 91. ad Theodorum; S. Gregorio hom. 29. in Evang.; lib. 7. epist. ad Recaredum Regem Visigot.; & epist. ad Alphonsum Regem Hisp.; S. Nicolao I. epist. ad Carolum Episcopum Moguntinum; Ordine Romano apud Mabillonium; alio Ordine Romano edito a Georgio Ferrario Romæ an. 1591; Pœnitentiali Romano edito Ingolstadtii a Stevartio; alio Pœnitentiali Romano apud Gratianum; & Pœnitentiali Ecclesiæ Augustinæ. Confer Pœnitentia alia apud Francolinum lib. 1. de pœnit., & Morinum. Pœnitentiæ quoque canonicæ relaxationem ad intercessionem, & merita SS. Martyrum ab Ecclesia concedi olim consuevisse liquet ex Tertulliano lib. de pudicitia cap. ultimo; lib. ad Martyres cap. 15 & lib. de pœnit. cap. 9; vide Lupum to m. 6. ubi de Indulg.; ex S. Cypriano epist. 10, & 11. ad Confess.; ferm. de lapsis; epist. 17, & 23; S. Ambrosio lib. 1. de pœnit. cap. 15; & lib. 2. capp. 7, & 10; Sozomeno lib. 7. hist. Eccles. cap. 16; Ordine Romano; Clero Romano epist. 30. ad S. Cyprianum, inter Cyprianicas; videsis Pamelium in scholiis ad cit. epist. S. Cypriani, ubi ejusmodi pœnitentiæ Canonicæ ad Martyrum preces concedi olim solitas mitigationes hodiernis indulgentiis præfuisse adnotat; ex S. Leone ferm. 1, & 10. de jejun. 4. temp., & quadrag., quibus pœnitentiæ, & pietatis operibus, ac sanctorum suffragiis, & intercessionibus, peccatorum veniam a Deo deprecandam fore, foreque, ut impetretur, sperandum docet.

Constat 2. ex jugi Ecclesiæ consuetudine, qua erga peccatores ipsa non nihil de injecta a sacris canonibus pœnitentia relaxandum judicabat iusta interveniente causa, vel mortis instante articulo. Id autem constat ex peregrinationibus, quæ olim ex toto catholico Orbe ad sepulchra SS. Apostolorum Petri, & Pauli fiebant, de quibus fuse agit Gretzerus lib. 2. de peregrin. a cap. 9. ad 16, quò confluebant præcipue, ut pœnæ canonicæ relaxationem a Romano Pontifice Christianifideles impetrarent intercessionem SS. Apostolorum, ut testantur Concilia Cabilonense an. 813; & Salguntladense anno 1022; epistola Cleri Lugdunensis apud Eusebium lib. 5. hist. Eccles. cap. 11, qua a SS. Martiribus Lugdunensibus pro lapsis apud Ecclesiam interpositas preces, atque impetratam veniam refert; ex Tertulliano lib. de pudicit. cap. 1, quo jam Montanista factus S. Zephirino exprobrat, quod Mæchis indulgentiam concesserit; S. Dionysio Alex. in epist. apud Eusebium lib. 5. capp. 41, & 42, qua Martyres Alexandrines cum lapsis benigne egisse refert; Celerino confessore epist. 21. inter Cyprian. ad Lucian. pariter confesorem; & Luciano epist. 22. ibidem ad Celerinum; S. Cypriano epist. 23. ad Cler. Rom.; & Clero Rom. epist. 30, & 31. ad S. Cyprianum; ex quibus colligitur, quod prius lapsi pœnitentiam agere debabant, sub qua sacerdotum orationes fiebant pro ipsis, tum Martyrum pro ipsis preces interponebant suas, atque ita ab Episcopis ad pacem, & indulgentiam admittabantur; ex actis passionis SS. Davidi, Saturnini, Felicis, Anselii, & aliorum Martyrum

74 PRIVILEGIA ROM. PONTIFICI
que pœnitentiæ canonicæ redimantur : Indulgentiis (23) adnexas
le-

tyrum Africanorum sub Proconsule Anulino apud Albaspinzum ; S. Gregorio Thaumaturgo in epist. canon. ; S. Petro Alexandrino in pœnitent. ; S. Basilio in epist. canon. ad Amphilochoium ; S. Gregorio Nisseno in epist. canon. ad Letojum ; Johanne Jejunatore in suo pœnitent. ; ex Conciliis Carthag. II, & III. pro lapsis sub S. Cypriano ; Romano sub S. Cornelio pro lapsis ; Cirtensi an. 305. pro sacrorum codicum Traditoribus ; Alexandrino sub S. Petro pro sacrificatis ; Illiberitano an. circiter 305. can. 32, 57, 61, & seqq. ; Ancyrano an. 314. can. 2, 5, 7ⁱ, 15, 16, & seqq. ; Neocæsarensi eodem anno can. 2, 3, &c. ; Nicæno (Ecumenico) can. 11, 12, & 13 ; Laodicensi an. 363. can. 2 ; Carthaginensi IV. sub Aurelio an. 398. can. 75, & 76 ; Arelatensi II. can. 10 ; Valentino can. 3 ; Trullano can. 2, & 12 ; Agathensi can. 60 ; Aurelianensi can. 16 ; Aurelianensi IV. can. 8, & 27 ; Toletano III. can. 11 ; Triburiensi can. 51 ; ex Summis Pontificibus Zephirino apud Tertullianum lib. de pudicit. cap. 1 ; Cornelio apud S. Cyprianum epist. 30, 31, & 54 ; Siricio epist. 1 ; Innocentio I. epist. 1 ; S. Leone I. epist. 79 ; & Zacharia epist. ad Pippinum, & Episcopos Galliarum.

(23) Post sæculum VIII, quo pœnitentiæ publicæ usus imminui cœpit, invaluit priori subrogatus usus canonicas, seu publicas pœnitentias redimendi Missis, aliisque suffragiis ; vel elemosinis ; vel sacris peregrinationibus ; vel precibus, aliisque piis operibus ; vel flagellationibus, aliisque corporis afflictationibus ; quibus quum multa pars de earumdem pœnitentiarum rigore detrahi cœptum sit, non nisi secunda veluti specie Indulgentiæ Ecclesiam uti cum peccatoribus incepisse putandum est, ut egregie adnotavit doctissimus Mabillonius in præfat. ad sæcul. V. Benedict. Atque ita rem se habuisse constat 1. ex Conciliis Cloveshoviensi an. 747. cap. 26 ; Triburiensi an. 895. can. 36, Wormatiensi can. 25 ; Meldensi apud Burchardum lib. 9. cap. 68 ; Moguntino apud eundem lib. 17. cap. 21 ; S. Gregorio III. in excerpto apud Labbeum tom. 6. Concil. ; S. Nicolao I. in epist. ad Ratholdum Argentoratensem Episcopum apud Rischævium Justum lib. de anno sæculari Jubilæo ; Johanne VIII, a quo, ut refert Mabillonius in præfat. ad sæcul. V. Benedict., his ; qui in bello contra Paganos an. 878. occubuerant, vel in futurum occumberent, indulgentia concessa est ; eademque concessa a Johanne IX. pœnitentibus Bajoariæ Episcopis pro Arnulpho Imper., cujus animam ipsius auctoritatis potestate absolvi postulaverant. Unde putat mortuis primum indulgentias concessas laudatus Mabillonius. Ex Pœnitentiali V. Bedæ lib. de remediis peccatorum can. 14 ; Pœnitentiali Theodori apud Burchardum lib. 19. cap. 21. & seqq. ; Pœnitentiali Romano apud Gratianum cap. 11 ; Jona Aurelianensi lib. 1. de Institut. laicali cap. 10 ; Reginone in antiqua collectione lib. 2. cap. 440. apud Morinum ; Balsamone in canones S. Basilii 59, & 74 ; Petro Pisaviensi in suo pœnitentiali fol. 7 ; S. Petro Damiano epist. ad Alexandrum II. cap. 3. de de S. Rodulpho ; & cap. 7. de S. Dominico verba faciente ; Alexandro Aleni par. 4. q. 23. art. 1., & 2, & q. 24. art. 4 ; S. Raymundo

leges; aut illarum indicias loco pias ad Deum preces, asperas

K 2

cor-

mundo in summa lib. 3. de pœnit. Ad exitum vergente sæculo XI. pœnitentis illis, tum peregrinationes ad limina Apostolorum, aut ad loca sancta Hierosolymorum, aut ad S. Jacobum in Compostella, tum expeditiones facere adversus Turcas, vel hæreticos, aut schismaticos, suffectæ sunt, ideoque indulgentiæ plenariæ, seu adæquatæ satisfactionis canonicæ relaxationes demum iis indultæ, qui vel iis itineribus se committerent, vel iis Cruciatibus nomen darent. De peregrinationibus constat ex Gerardo in vita S. Uldarici Augustani, quem Romam profectum, inde indulgentiarum donis acceptis reversum refert; ex S. Bernardo in serm. exhortatorio ad Milites templi cap. 5. & epist. 246, qua scelestos homines indulgentiæ spe allectos pro redemptione peccatorum huiusmodi peregrinationes suscepisse testatur; ex S. Romualdo in ejus vita, qui Othoni Imperatori pro peccatorum satisfactione peregrinationem ad Ecclesiam S. Michaelis in vertice Gargani Montis inunxit. Extat quidem epistola S. Patritio Hibernorum Apostolo adscripta, qua narrat ab Eleutherio Papa SS. Thaganum, & Peruvianum indulgentias impetrasse; seque a S. Cælestino 12. annorum indulgentiam pariter acquisivisse; sed Henschenius ad 27. Martii hanc explodit epistolam, atque S. Patritio abjudicat, apud quem videas argumenta, quibus id agit.

A S. Gregorio Magno stationibus Romæ indulgentias affixas ajunt S. Thomas in 4. dist. 20. q. 1. art. 5; & Guillelmus Antisiodorensis lib. 4. tract. 6. cap. 9; sed Papebrochius in conatu Chronico-Historico dissertat. 17, & Pagius in brev. hist. crit. in S. regio II, etsi stationum auctorem S. Gregorium agnoscant, Indulgentias tamen stationum non nisi sæculo XI. institutas ostendunt. Quamquam Mabillonius præfat. ad sæcul. V. Benedict. & Pagius ibidem sæculo X. a Romanis Pontificibus indulgentias petentibus, ac Romam proficiscentibus indefinite concessas fatentur; cujus rei exemplum proferunt S. Uldarici Augustani paullo superius recensitum; & Salomonis Constantiensis Episcopi, qui Romam profectus veniam procuratæ necis trium suorum adversariorum impetravit, indulgentiamque adeptus est, ut inquit Echerardus par. 1. pag. 45; quibus addenda, quæ supra ex Gretzero de peregrinationibus Romanis indicavimus. Fertur imo S. Lutgeri epistola 100, qua narrat a S. Leone III. anno 803. in Germaniam profecto plerisque Ecclesiis indulgentias collatas; sicuti & Werdæ S. Suitbertum catalogo Sanctorum adscriptum. Hanc tamen & Canonizationem, & Indulgentiam, & epistolam ut supposititias rejiciunt scriptores Bollandiani in vita S. Lutgeri, Henschenius, & Morinus lib. 10. de sac. pœnit., quorum argumenta relege apud ipsos, eorumque exscriptorem Eusebium Amert hist. Indulg. part. 1. sect. 2. indulg. 43. Fertur quoque præsertim apud Baronium ad ann. 847. Sergius II. indulgentiam elargitum esse trium annorum, & trium quadragenarum Ecclesiam SS. Silvestri, & Martini visitantibus; sed & hanc indulgentiam Mabillonius, Papebrochius, & Pagius locis cit. exagitant, multisque explodunt. In actis S. Silvestri indulgentiæ leguntur concessæ tam Basilicæ Lateranensi, quam Ba-

glicæ

corporis afflictationes, perdifficiles in longinqua peregrinatione

nes

silicæ S. Sebastiani, quas pari modo pseudo-epigraphas conficiunt locis cit. Papebrochius, & Pagius in S. Silvestro, vel ex eo quod in lapide Basilicæ S. Sebastiani legatur: *Eandemque indulgentiam* (a S. Silvestro largitam) *successores ejus in festis duplicibus, & in quadragesima duplicarunt*: quum tamen duplicium festorum appellatio sæculo XIII. primum cœpisse videatur; nam de iis alte silent Ordo Romanus, S. Isidorus, Albinus, seu Alcuinus, Amalarius, Rabbanus, Walafridus, Berno, Ivo, Micrologus, qui de reb. Ecclesiasticis scripsere; primusque legitur Bonifacius VIII. in 6. decret. lib. 3. tit. 22, qui festorum duplicium meminerit, quum antea, non nisi Solemnitates, Dominicalia, & Ferialia festa apud Scriptores occurrant. Verum etsi ante sæculum XI facile non sit inveniri speciatim concessas indulgentias, unum tamen, vel alterum nobis exemplum suppetit indulgentiarum ante sæculum XI specialiter concessarum. Scilicet Mabillonius tom. 1. Musæi Italici laudat Romanum vetus Sacramentarium in Bibliotheca Vallicelana asservatum 700, & amplius annis antiquius, adeoque sæculo IX, in quo die 22. Junii Sanctorum Martyrum 1480. (reliquiarum scilicet) memoriam recolentibus, vigiliam jejunio celebrantibus, atque Ecclesiam invisentibus indulgentiæ annus concedebatur. Similiter P. Johannes Dominicus Musanti Soc. Jef. testatur se reperisse in Chronico Monasterii Farfensis, quod an. 1060. die 6. Julii Nicolaus II ejus Ecclesiæ trium annorum indulgentiam largitus sit. Qua de re Papebrochius dissert. 29. sententiam suam, qua dissert. 17. dixerat ante sæcul. XI. non inveniri specificatam aliquam indulgentiam, corrigi jubet: quamquam subdit a Baronio ipso ad an. 1177. adnotatum ante sæculum XI Romanis Pontificibus usum non fuisse concedendi indulgentias, quæ unius anni terminum excederent, præter quam in expeditione terræ Sanctæ. Sæculo vero sequenti idem XI. indulgentias ad certum tempus, vel in perpetuum, & quidem passim occasione dedicationis Ecclesiarum concessas observant Papebrochius, & Pagius. Celebres præ aliis sunt indulgentiæ impertitæ ab Alexandro II. in dedicatione Ecclesiæ Cassinensis, ut habetur lib. 3. Chron. Cassin. cap. 31; Ab Urbano II. Ecclesiæ S. Nicolai Andegavensis, ut legitur apud Dacherium tom. 10. spicileg. pag. 369; a Callisto II. Ecclesiæ Maurianensi prope Stampas, ut refert Duchesnius tom. 4. pag. 369. Confer Mabillonium, & Papebrochium locis laudatis, ubi alia indulgentiarum exempla a sequioris ævi Pontificibus Eugenio III, Bonifacio VIII &c. proferunt. Episcopos olim indulgentias concedere consuevisse observat Pagius in Silvestro II, inter alia exemplum promens Pontii Arelatenfis Episcopi, qui anno 1000. visitantibus Ecclesiam Montis Majoris; & Raimbaldi item Episcopi Arelatenfis, qui anno 1065. visitantibus Ecclesiam S. Mariz de Correno tertiam partem penitentiz remisisse, & Indulgentiam ad unum annum impertiti leguntur tom 4. spicilegii Dacheriani. Poltea tamen, & quidem ante ann. 1274, hanc Episcoporum potestatem coarctatam fuisse ex eo probat, quod eodem anno Simon Bituricensis Archiepiscopus Cruce signatis visitantibus Ecclesiam Abbatiz Angliæ Diocesis Ruten-

VICIN.

nes : ad hæc sacras adversus Christianæ Religionis hostes (24)
expe-

viensis auctoritate quidem Apostolica, cujus Legatus erat, dies 100, sed propria dies dimittatur 40. indulgentiæ contulisse legitur apud Baluzium tom. 4. Miscellaneorum. Tandem a Concilio Later. IV. sub Innocentio III. can. 62. Episcopis jus asseritur Indulgentias elargiendi, sed coercetur, ita ut in die dedicationis Ecclesiæ non ultra annum, in die anniversario vero, aliisque diebus non ultra 40. dies indulgentia extendatur. Legitur in 6. decretal. cap. *Quum ex eo*, de pœnit.

(24) Jam de expeditionibus sacris adversus Turcas, Hæreticos, aut Schismaticos decretis dicendum. Ergo ejusmodi expeditionibus nomen dantes a Romanis Pontificibus indulgentiis frequens, iisque specialibus cumulatossuisse constat ex Bullis Cruciatiss innumeris, quæ sæculo XII. cœperunt, quarum catalogum ab anno 1084. a Pontificatu S. Gregorii VII. cruciatorum 91. serie contexta usque ad Innocentii X. Pontificatum, idest ann. 1644. exhibet cit. loco sect. 2. P. Eusebius Amort. Idipsum constat ex Jubilæis, quorum institutio non antevertit annum 1300; debeturque accepta Bonifacio VIII, atque legitur cap. *Antiquorum*, extravag. de pœnit., & remissione. Jubilæorum omnium idest 88. accuratam historiam a Bonifacio VIII. an. 1300. citato, usque ad Benedictum XIII, hoc est an. 1725. habes apud laudatum doctissimum Eusebium Amort hist. indulg. part. 1. sect. 3; qui tibi sect. 4. historiam indulgentiarum, quas in dedicatione Ecclesiarum, & Canonizatione Sanctorum a sæculo XII, & deinceps Romani Pontifices concessisse leguntur; sect. 5. Indulgentias Religiosis Ordinibus impertitas; sect. 6. concessas Hospitalibus, & Confraternitatibus; sect. 7. Indulgentias aliis de causis personis variis, locisque diversis tributas; & sect. 8. Romanæ Urbis septem Ecclesiarum, Terræ Sanctæ, & Compostellanæ indulgentias improbo labore ab se collectas, ac in seriem intextas exhibet. Eum inter alios, utpote qui præ aliis hac in re diligenter versatus est, atque spartam hancce apprimè ad cumulum usque exornavit, complevitque, ut adeas, si plura desideres, auctor sum tibi. Nam satius est si Pontificum, & Conciliorum, a quibus a sæculo XII, & deinceps pro variis, quæ ab illis exprimuntur, pietatis operibus, indulgentiæ impertitæ sunt, epocham, nomenque indicemus. Sunt vero Pontifices summi S. Gregorius VII; Urbanus II; Gelasius II; Honorius II; Callixtus II; Eugenius II; Alexander III; Gregorius VIII; Celestinus III; Innocentius III; Honorius III; Gregorius IX; Innocentius IV; Alexander IV; Clemens IV; Nicolaus IV; Bonifacius VIII; Clemens V; Johannes XXII; Benedictus XII; Clemens VI; Innocentius VI; Urbanus V; Gregorius XI; Urbanus VI; Johannes XXIII; Martinus V; Eugenius IV; Nicolaus V; Callixtus III; Paulus II; Sixtus IV; Innocentius VIII &c. Mitto ceteros ne longior sim. Sunt autem Concilia Lateranense IV. sub Innocentio III. an. 1216. can. 62; Ravennatense an. 1314. can. 20; Ravennatense alterum an. 1317. cap. 20, & 22, quo indulgentias ad 40. dies elargienti facultas Episcopis restringitur juxta can. 62. Later. IV; Avenionense an. 1326; Eucherienle an. 1335; Laurense an. 1368; Narbonense an. 1374; Conilanti-

expeditiones, notiori altero nomine Cruciatas: adeo ut, (25) qui
ad

se an. 1414; Colonienſe an. 1452; Piſanum an. 1409; Friſingenſe an. 1440; Petricoviſenſe an. 1551; Tridentinum ſeſſ. 25; Narbonenſe an. 1609; Mediolanenſe 4, 5, & 6. ſub S. Carolo. Confer Alexandrum Alenſ. p. 4. q. 23. art. 1, & 2; q. 24. art. 4; et q. 26. art. 4; S. Raymundum in ſumma lib. 3. de pœnit. et remiſſ. 5. 63, & 64; Guillelmum Antioſodor. lib. 4. de relaxationibus Hoſtienſem in ſumma tit. de Remiſſionibus cap. 4, et ſeqq.; S. Bonaventuram in 4. diſt. 20. q. 1, & ſeqq.; Albertum Magnum in 4. diſt. 20. art. 16, et ſeqq.; Innocentium V. in 4. diſt. 20. q. 3. art. 1, et 3; S. Thomam in 4. diſt. 14. q. 2. art. 1; & diſt. 15. q. 1. art. 2; Henricum Gandav. quodl. 15. q. 14; Richardum de Mediavilla in 4. diſt. 13. q. 3; Auguſtinum de Ancona lib. de poteſt. Ecclēſ. q. 22. art. 3, et 4; Scotum in 4. diſt. 15. q. 1. art. 1, 2, et 3; q. 2. et ſeqq.; diſt. 15. q. 1; diſt. 19. q. 1, et 2; et diſt. 20. q. 1. Mitto ceteros legendos apud laudatum P. Amort par. 2. ſect. 3.

(25) Pro coronide obſerves velim obiter 1. cum Clariff. Lupo diſſert. de Indulg. cap. 6. in Eccleſia Orientali perrarum olim exiſtiſſe indulgentiarum uſum, cujuſmodi a ſæculo XIII. in Eccleſia Occidentali invaluit. Poſt Turcicam tamen captivitatem apud Græcos obtinuiſſe frequentes quæſtuarias Indulgentias, quas Epifcopi illi, dum mendicandum circumeunt, contribuentibus concedunt, teſtemque vocat Martinum Cruſium in Turcogræcia. Cæterum apud Græcos viguiſſe fidem de Indulgentiis, ex Patribus Græcis ſupra laudatis patet, non ſecus ac de hodierna fide Græcorum, ex libro inſcripto: *Legationes Alexandrina, & Ruthenica ad Clementem VIII. pro uniōne an. 1595.* In eo enim leguntur Legati Alexandrini, & Ruthenici profeſſi: Indulgentiarum etiam poteſtatem a Chriſto Domino in Eccleſia relictam fuiſſe; illarumque uſum Chriſtiano populo maxime eſſe ſalutarem. Obſerves 2. cum Cardinali Pallavicino hiſt. Concil. Trid. lib. 1, & 2. per plura capita a Luthero primum, a Germanis poſtea, ac poſtremo a Suavi accuſatos Clementem V; Clementem VI; Callixtum III; Sixtum IV; Julium II; Leonem X; Hadrianum VI. turpiſſimæ, ac ſacrilegæ nundinationis, qua venales fecerint Indulgentias; exceſſuque improbo, abuſuque rei adeo ſacræ quæſtum ex indulgentiis quæſierint, & compararint. Improbis, impudentiſſimisque hujusmodi hominibus obſtruit ibidem ora doctiſſimus Pallavicinus oſtendens Indulgentiarum theſauros, ſi quando munificentiori manu referarint Romani Pontifices, non aliam ob cauſam, eamque plane maximam id feciſſe, quam ad inferendum Turcis bellum, vel illatum ab illis, aut Hæreticis, aut Schismaticis ſuſtinendum, ut conſtat ex Bullis Cruciatas; vel ad reparandas Romanæ Urbis Baſilicas præſertim S. Petri; ut de Julio II. ejusque ſucceſſoribus in conſeſſo eſt. Alia cit. loco Suavis diſſerta retundit clariff. hiſtoricus. Obſerves 3. ex laudato Eufebio Amort ſect. 4. par. 2. plurimum vivis non prodeſſe indulgentias, niſi ſtræue, ac ſerio pro ſuis peccatis ſatiſfacere pariter adlaborent. Id vero probat Eruditus vir plurimis; inter quæ 1. quod in Eccleſia Græca uſque ad ſæculum XV. nulla legitur conceſſa indulgentia, qua
pcc-

ad Indulgentias lucrandas se comparant, ipsi propositum esse de-

peccator ab omnimoda obligatione congrue satisfaciendi Deo solutus fuerit. 2. Quod in Ecclesia Latina usque ad sæculum X. nulla fuerit collata Indulgentia, nisi ea lege, ut prius per se congruam pro suis peccatis præstissent satisfactionem, ut ex superius dictis constat. 3. Quod etiam ante sæculum XI, quo cœperunt Bullæ Cruciatæ, nulla indulgentia plenaria certæ hominum conditioni; nec ante sæculum XIII, quo Jubilæa celebrari inceperunt, ulla plenaria indulgentia universæ Christianissimæ multitudini collata legitur: & alioquin indulgentiæ concessæ præcipuis Orbis Christiani Ecclesiis, Romanis, Hierosolymitanæ, & Compostellanæ, non erant plenariæ testibus Baronio ad an. 1116; Panvinio lib. de septem Ecclesiis; Paulo de Angelis in descript. Basilicæ S. Mariæ Majoris; P. Quaresmio Ord. Min. in elucidario Terræ Sanctæ lib. 2. cap. 3; Mabillonio; Papebrochio; & Pagio loc. citatis. 4. Quod Romani Pontifices, & Concilia in concessione indulgentiarum eam semper legem apposerunt, ut iis lucrandis Christiani fideles dignis satisfactionis operibus se aptare adniterentur. Ita Alexander II. homicidæ cuidam 28. annorum imposita pœnitentia, demum post tres annos reliquum indulgæ pœnitentiæ spatium. Ita expressis verbis eam conditionem exegisse ab Episcopis Lincolnensi, & Senensi S. Gregorius VII.; a S. Eduardo Rege Angliæ S. Leo IX; a Crucisignatis Urbanus II; a Romipetis Innocentius III; ab iisdem Bonifacius VIII; ab omnibus Bonifacius IX. in epist. ad Episcopum Ferrariensem; Paulus II; Alexander VI; S. Pius V; Gregorius XIII; Sixtus V; Clemens VIII; V. Innocentius XI; Innocentius XII; Clemens XI &c. in suis Jubilæis, aut aliis Bullis indulgentiarum leguntur. Ita eandem conditionem, ut scilicet dignis pœnitentiæ operibus Deo pro peccatis suis satisfacere sedulo curent, exquirunt Concilia Salegundadiense, Lateranense, Ravennatense, Constantiense, Basileense, & Tridentinum loc. supra laudatis. 5. Quod SS. Patres constantissime docuerint a Christo non applicari suæ passionis fructum, ac proinde omnium peccatorum veniam impertiri, nisi congrua satisfactione Christiani fideles cooperentur. Ita S. Iustinus in dialogo cum Tryphone; Tertullianus lib. de pœnit. cap. 6; Origenes hom. 15. in Levit.; S. Cyprianus serm. ad Laps. Laetantius lib. 4. instit. cap. 17; S. Hilarius in psal. 113; Lucifer Calarit. de Regibus Apostat. 3. Ambrosius epist. 82. ad Ecclesiam Vercellen. 3. & lib. 1. de pœnit. cap. 16; S. Pacianus de pœnit.; S. Basilius hom. 35; S. Augustinus hom. ult. inter 50. cap. 5; in psal. 44, & 50; in Enchirid. cap. 70; S. Chrysostomus hom. 2. de lapsu prim. hom.; & serm. de confess.; S. Innocentius I. epist. 1. cap. 7; Cassianus collat. 23. cap. 15; S. Isidorus Pelusiota lib. 3. epist. 295; S. Leo epist. 91. cap. 2; S. Petrus Chrysologus serm. 167; S. Eucherius hom. 5; S. Cæsarius Arelat. hom. 1. in quadrag.; S. Gregorius Magnus lib. 9. moral. cap. 17; S. Isidorus Hisp. lib. 2. de summo bono cap. 13; S. Eligius hom. 4. in cœna, & hom. 11. de pœnit.; V. Beda in Eisdram lib. 2. cap. 8; Alcuinus de divin. offic. cap. 13; Ananias Nicænus q. 76; S. Petrus Damiani serm. de S. Andrea; Michael Plessus in disput.; S. Anselmus ad cap. 3. S. Matth.; & in 1. ad Corinth. 13; alii

80 PRIVILEGIA ROM. PONTIFICI
debeat offenso Deo pro virili parte facere satis, neque minus per
se

alique apud Coccium, & cit. Eusebium. Ad hæc Indulgentiæ fructum cu-
jusque dispositioni, fervori, ac satisfaciendi studio commensurant Theologi
celeberrimi Alexander Aletius; Guillelmus Antistodorus; S. Raymundus; Ho-
stiensis; S. Bonaventura; Innocentius V; Albertus Magnus; S. Thomas; Richar-
dus, Augustinus Ancon. locis supra laudatis, alique 66. celeberrimi Theo-
logi, quos eo loci recenset Amort, e quibus præcipui sunt S. Antoninus p. 1.
tit. 10. art. 3; B. Angelus de Clavasio in summa V. Indulgentiæ; Hadrianus VI.
in 4. de Clavibus conclus. 2; S. Carolus Borromæus in pastor. serm. ad Rom-
petas an. 1575; Baronius ad an. 1073; Pallavicinus hist. Trid. lib. 2. cap. 4;
Hieremias Patriarcha Constantinopolitanus in professione fidei apud Stanis-
laum Socolovium in censura Orient. Ecclesiæ cap. 133 & Cardinalis Denost in
pastor. apud Genetum tract. 6. cap. 7. q. 4.

Observes 4. velim ex cit. Amort loco laudato sect. 5. Defunctis indulgentias
prodesse quidem per modum deprecationis, non vero per modum absolutio-
nis, aut solutionis; idque probat 1. Quod ante Johannem VIII, hoc est an-
te sæculum IX, vix ulla legitur concessa pro defunctis indulgentia; atque an-
te sæculum XV. perrarus, quoque usus fuit concedendi pro defunctis indul-
gentias; igitur agnoscebat Ecclesia nullum alium suppetere modum juvandi
animas defunctorum, nisi deprecatorium. Ita constat ex Nicolao IV, qui
orantibus pro Carolo Rege Siciliæ dies 10 indulgentiæ concessit: ex Cle-
mente V, qui orantibus pro anima defuncti ejusdem Caroli nonnisi 20. dies
de injunctis pœnitentiis relaxavit: ex Innocentio IV, a quo impensuris ora-
tionum suffragia pro anima Berengiar matris Ferdinandi Regis Hispan. dies
40. indulgentiæ concessi sunt: ex Johanne XXII, qui dies 20. indulgentiarum
impartitus est iis, qui ad Deum pro anima Ludovici Galliarum Regis preces
fudissent; similem indulgentiam largitus est pro defuncto Philippo Rege. Ad-
dis Raynaldum ad an. 1322: ex Paulo II, qui septem annos Indulgentiarum
concessit orantibus pro animabus Isabellæ, & Ferdinandi, & progenitorum
Regum Portugalliæ. Videbis Papebrochium ad 5. Junii in vita Ferdinandi:
ex Pio IV. constit. *Divina*, qui mille annos orantibus pro defunctis Archi-
confraternitatis Orationis, & Mortis indulgit: ex Clemente VIII. constit.
Ex debito, qui plenariam quidem indulgentiam concessit Confraternitati suf-
fragii, sed vivis pro defunctis preces effundentibus. Exinde enim constat ad
id ulque temporis viguisse usum concedendi indulgentias non quidem pro
defunctis, sed vivis, qui orant pro defunctis. 2. Quod Sixtus IV. an. 1477.
constit., quæ incipit *Romani Pontificis provida diligentia*, declaravit indul-
gentias defunctis tantum prodesse per modum deprecationis; cujus quoque
sententiæ esse constat Johannem VIII. apud Baronium ad an. 878; Johan-
nem IX. apud Mabillonium cit.; Gelasium II. apud Oldoinum in ejus vita;
Alexandrum VI. in Bulla Jubilæi Julium II. in Bulla *Liquet omnibus*; Leo-
nem X. in Bulla indulg. Ord. S. F. Minor. defunctis; Gregorium XIII. in Bul-
la *Salvatoris nostri vices gerentes*; Pium IV. in Bullis *Regimini*; & *Inter as-
siduas*;

se viribus, parique voluntate præstare : cultum, & invocationem

Pars I.

L

San-

fidus ; Sixtum V. in Bulla *Laudemus* ; Urbanum VIII. in Bulla *Quum sicut accepimus* ; Clementem X. in Bulla *Celestium munus* ; Benedictum XIII. in Bulla *Exponi nobis*. Prætermitto alias, ne legentibus fastidium creem.

3. Quod impræsentiarum intra duos, vel tres annos plures indulgentias plenarias applicari defunctis mathematicè demonstrari possit, quam Purgatorii pœnis deputari ab origine mundi ad hæc usque tempora animæ potuerint, adeoque indulgentias frustraneas evadere, aut nullam in Purgatorio animam reliquam esse oporteat. Si enim calculo inito a P. Kolb in sua *Geographia*, part. 4, quo computat constare Europam hominum millionibus 150 ; totidem Africam ; 200. Americam ; 300. Asiam, addas ex abundanti 200. miliones, summam habebis mille millionum, quot nempe componi universum orbem censuit quoque P. Ricciolius. Si vero quoquo anno ex 25. hominibus mortem vix unus obit, uti ex calculo inito Londini, ubi ex 700000, quibus constat Urbs, exurgit numerum mortuorum vix, ac ne vix quidem in annis singulis ascendere ad 28000 ; Parisiis pariter, ubi 600000. computantur, numerum mortuorum neque ascendere ad 24000. compertum est ; consequens est ex mille millionibus intra annum in toto Orbe non mori 40000000, idest quadraginta miliones, ideoque intra unum diem in toto Orbe non mori ultra 110000, centum videlicet, & decem millia hominum. Si rursus ex eo numero detrahas tres Ethnicorum, Turcarum, & Hæreticorum partes ad minus, reliqua Christianorum erit 18333. Si denuo ex hoc Christianorum numero demas partem unam Infantium, & partem alteram Adultorum ad pœnas inferni descendendum, reliqua Purgatorii pœnis deputata erit 7000. Jam vero christianorum numerus tertiam partem hominum conficere dicitur : christianorum vero dimidiam partem conficit numerus catholicorum, idest 250. miliones : fac igitur singulis trienniis hos lucrari 6. indulgentias plenarias pro defunctis, jam lucrabuntur intra annos tres 17. miliones, adeoque longe plures, quam in Purgatorio degant animæ.

4. Quod Theologi magni nominis, multoque numero aut dubitarint, an indulgentiæ valerent pro defunctis, atque degentibus in Purgatorio indulgentiæ a Pontifice applicari possent, uti Johannes Major in 4. dist. 20. q. 2 ; Hostiensis in summa tit. de remissionibus cap. 6 ; Gersonius sess. 2. pro defunctis q. 93 & in tract. de Indulg. §. 1 ; Bertholdus Chiemensis in Bavaria Episcopus tract. de Indulg. cap. 89. aut docuerint, etiamque nunc doceant Indulgentias pro defunctis pendere ab acceptance Dei arbitraria, adeoque eas dumtaxat applicari defunctis per modum deprecationis, ita Alexander Alenf. p. 4. q. 23. art. 1 ; S. Raymundus lib. 3. de pœnit. §. 63, & 64 ; S. Bonaventura in 4. dist. 20. q. 5 ; Alesanus lib. 5. tit. 40 ; Cajetanus tract. 16. q. 5 ; Latomus lib. advers. hæreses art. 7. de Indulgen. ; Estius in 4. dist. §. 11 ; Feltnus lib. 2. de purgat. cap. 16 ; Henriquez lib. 7. de Indulg. cap. 7 ; Layman, Vivaldus, Toletus, Navarrus, Corduba apud Bonacinam ; Durandus, Canus, Petrus Sotus, Bellarminus apud Prognolum tract. 14. de Indulg. cap. 26 ; ad quos accedunt

Nata-

Sanctorum cum Christo regnantium in Cælis (26) qua licitum, atque

Natalis in Theolog. dogmat., & morali lib. 2. [de Indulg. regula 16; Passerinus tract. de Indulgentiis q. 115. laudans Lezanam, Bonacinam, Layman, Amicum, & alios. Sed de his jam ultra modum, & institutum nostrum.]

(26) Cultum, & Invocationem Sanctorum a Traditione descendere auctores sunt ex SS. Ecclesiæ Græcæ Patribus, Ecclesiæ Smyrnenfis Presbyteri in epist. encyclica de martyrio S. Polycarpi apud Eusebium lib. 4. hist. Eccles. cap. 15; S. Justinus in apolog. 2. ad Anton. Imp.; S. Irenæus lib. 5. adv. hæres. cap. 19; Origenes lib. 8. contra Celsum; lib. 2. in Job.; hom. 16. in Josue; & hom. 26. in Num.; Eusebius Alex. de venerat. sanct.; S. Antonius Abbas epist. in biblioth. Patrum; S. Athanasius serm. de Deipara; Eusebius Casare. lib. 13. præpar. cap. 11; lib. 6. hist. Eccles. cap. 5; & lib. 4. de vita Const. cap. 58; S. Basilius orat. in 40. Martyr; epist. 291. ad Ponticæ Dioceseos Episcopos; & in psal. 114, S. Ephræm in lament. B. Virg.; in orat. de laudibus ejusdem; serm. de virg.; & lib. 1. de contempt. corp. cap. ultimo; S. Gregorius Nissenus orat. de S. Theodoro Martyre; orat. de 40 Martyr.; & orat. de obitu Meletii; S. Gregorius Nazianz. orat. 3, 6, 18, 19, 20, & 21; S. Cyrillus Hierosol. cath. 5; S. Epiphanius serm. de laudibus Deiparæ; & hæres. 79; S. Chrysostomus hom. 31, & 41. ad popul.; hom. de SS. Pernice, Prosdice, & Domnina; hom. de SS. Martyr. Juventino, & Maximino; hom. de S. Pelagia; hom. de S. Meletio, item de S. Ignatio; de S. Romano; de S. Juliano; de S. Babyla; de S. Barlaam, & de S. Luciano; S. Cyrillus Alex. lib. 6. in Julian.; hom. 6. contra Nestorium; & hom. 2. de S. Johan.; S. Asterius Amasenus in encomio SS. Martyr.; Theodoretus lib. de curandis Græcor. affect., serm. 8; & in hist. relig. cap. 21; S. Maximus Abbas, & Martyr in exposit. Missæ cap. 5; & centur. 5. Theolog. cap. 99; S. Germanus serm. de Assumpt. B. Virg.; Olympiodorus in cap. 15. Job.; S. Johannes Damascenus lib. 4. de fide orthod. cap. 16; Eucementius in cap. 1. epist. 2. S. Petri; Cabasilas in exposit. liturg. capp. 33, & 34. Mitto Liturgias SS. Jacobi, Matthæi, Marci &c., nec non pseudo-Dionysium lib. de Eccles. hier. p. 3. cap. 7; & pseudo-Clementem lib. 5. Constit. cap. 8. Ex Patribus Latine Ecclesiæ S. Cyprianus epist. 37, & 57, & lib. de discipuli, et habitu Virgin.; Tertullianus lib. de carne Christi cap. 17; S. Hilarius in psal. 124, et 129, nec non in cap. 18. Matth.; S. Ambrosius lib. 1, et 3. de virgin.; lib. de vid. cap. 9; lib. 10. in Luc. cap. 21; et epist. 22. ad Marcellinam soror.; S. Maximus, seu auctor serm. S. Ambrosio adscriptorum serm. de SS. Apost. Petro, et Paulo; ac de SS. Nazario, et Celso; S. Hieronymus lib. contra Vigilant.; epist. ad Riparium; epist. ad Paulinum; atque in capp. 10, 12, et 20. Danielis; S. Augustinus lib. de cura pro mort. cap. 16; lib. 7. de baptis. contra Donatist.; lib. 10. contra Faust. cap. 21; epist. 187; nec non serm. 25, et 26; Paulus Orosius lib. 7. hist. cap. 39; S. Paulinus Nolanus epist. 12, et 31; serm. de S. Felice; ac serm. de S. Celso; S. Maximus hom. 1. de Natali SS. Martyr.; Prudentius hymn. 1, 2, 5, aliisque; S. Gau-

dentius tract. 17. de dedicat. Eccles. SS. 40. Martyr. ; S. Petrus Chrysologus ferm. 14. ; 129, et 143 ; S. Eucherius Lugdun. herm. de S. Stephano ; et hom. de SS. Martyr. ; S. Prosper lib. de vita contemplat. , si tan en ejus est ; Victor Viterbis lib. 3. de persecut. Wandalicis ; S. Florentius ferm. de B. Virg. ac ferm. de S. Steph. ; S. Benediclus in regula cap. 14 ; Cassiodori ; in psal. 120 ; & lib. de divin. institut. lect. 23 ; S. Gregorius Turon. 1. lib. de cler. Confess. ; & lib. de glor. Martyr. ; S. Eligius herm. 2. de purificat. B. Virg. ; S. Idelphonfus de virginis. B. Virg. capp. 11, & 12 ; V. Peda in cap. 1. Lucæ ; lib. 4. in Cantic. cap. 24 ; & hom. in Domin. 2. quadrag. ; Alevinus lib. divin. offic. cap. de celebr. Miss. ; Carolus Magnus Capitul. Aquisgran. cap. 42 ; Aimo hom. de Divite, & Lazaro ; Rabbanus epist. ad Nothgerum ; S. Odo in tract. traslat. corpor. SS. Martyr. cap. 5 ; Radulphus Flaviacensis lib. 1. in Levit. cap. 4 ; Auctor altercat. Eccles. , & Sinagoge capp. 16, & 20. inter opera S. Augustini ; S. Petrus Damianus ferm. de nativ. B. Virg. ; & ferm. omn. Sanct. ; S. Anselmus lib. de excell. B. Virg. ; Rupertus in Cant. cap. 17 ; & lib. 4. in Zachar. cap. 10 ; Richardus in Cant. ; S. Bernardus ferm. 62. in Cant. ; & ferm. in Vigilia SS. Petri, & Pauli ; V. Petrus Cluniac. lib. 1. epist. 1. contra Petrobrusianos ; S. Thomas 2. 2. q. 82. art. 4, & 11. Ex Conciliis Gangrense can. ultimo ; Chalcedonense ad. 3, & 11 ; Nicænum VII ; Carthaginense III. can. 47 ; Senonense can. 13 ; & Tridentinum sess. 25. Ex Pontificibus summis S. Leo ferm. de SS. Petro, & Paulo ; de S. Vincentio ; & 5. in Epiph. ; S. Gregorius Magnus hom. 32. de SS. Process. , & Martiniano . Mitto S. Cornelii epistolam de traslat. corpor. SS. Apostolor. Petri, & Pauli, quæ nec Paronio probatur ; & S. Felicis II. epistolam de contemp. Sanct. , quæ ab eruditis pseudo-epigrapha profecto æstimatur . Heu miseram Novatorum obæcationem, dicam magis oblationem, quibus potius in Sanctos inolescere, & insanire arridet, quam illos prosequi cultu, atque in patronos adsciscere ; tanæque Patrum, tamque in Sanctos propensæ phalangi potius quam aures præbere, seque erudiendos permittere, cæcæ superstitioni devinctam, eandem laceff. re didicisti, scommatibus proscindere, violatque Numinis inverecundo ausu traducere !

(27) Imagines, Reliquiasque Sanctorum in honore, ac pretio habendas docet Patrum ex Apostolica traditione descendens auctoritas . Atque quidem ex Græcis id docent Ecclesia Smyrnenfis in encyclica epistola de Martyrio S. Polycarpi apud Eusebium lib. 4. cap. 15 ; Ecclesia Hierosolymitana eximio cultu profecuta Cathedram S. Jacobi Apostoli, ut est apud eundem Eusebium lib. 7. cap. 19. versionis Valesianæ ; S. Justinus, sive Auctor quæst. 28. ad gentes ; S. Athanasius orat. 4. contra Arianos ; S. Pasilius orat. in 40. Martyr. ; in psalm. 115 ; epist. 241 ; & epist. 408 ; S. Cyrillus Hierosol. cath. 12, & 18 ; & lib. 6. adv. Julian. ; S. Gregorius Nisæus orat. de S. Meletio ; orat. de S. Theodoro ; orat. in 40. Martyr. ; & orat. de Filii, & Spiritus sancti Divinitate ; S. Gregorius Nazianz. orat. 3. in Julian. ; orat. 4, & 18. in S. Cypranium ; S. Chry-

atque Reliquias Sanctorum, in honore, uti par est, ac pretio habent-

S. Chrysostomus hom. 32. in epist. ad Rom.; hom. 8. in epist. ad Ephes. hom. 40, & 45. ad popul.; & locis supra laudatis; S. Ephræm in encom. omni. Sanct.; S. Asterius Amasenus in encomiis Martyr.; orat. de S. Euphemia; & orat. de S. Phoca; Heraclides Niffenus in epistolis contra Messalianos apud Photium cod. 51; S. Maximus in disput. contra Pyrrhum; S. Isidorus Pelusiota lib. 1. epist. 55. ad Hieracem; Theodoretus orat. 8. adver. Gent.; & in hist. relig. cap. 26, ubi de Imaginibus ubique Romæ erectis S. Simoni Stylitæ agit; S. Nilus epist. ad Olympiodorum præfectum; Eusebius lib. 5. hist. Eccles. cap. 1; & lib. 8. cap. 6; Moseus in prato spirit. capp. 40, 45, 151, 172, & 180; Nicephorus epist. ad Leonem III; Theophylactus Simocarta lib. 2. histor. apud Photium cod. 65; Suidas in Constant. Iconom.; Euthymius in psalm. 134; Zonaras adv. Leonem Isaur.; S. Sophronius Hierosolym. orat. de miraculis SS. Cyri, & Johannis; & in vita S. Mariæ Ægyptiacæ; Leontius Neapolitanus in Cypro Episcopus in apologet. pro christianis term. 5; Simeon Thessalonicensis act. 5. Synodi VII; S. Simeon. Stylita Junior epist. ad Justinum Junior. Imperator., quem ad ultionem de Samaritanis capiendam adhortatur, a quibus Crux, & SS. Imagines contumelia fuerant affectæ; Auctor Græcus disput. Judæi, et Christiani laudatus a VII. Synodo act. 5; S. Germanus Constantinopolit. Patriarcha epist. ad Johannem Synnadensem, & Thomam Claudiopolitanum Episcopos; S. Johannes Damascenus orat. de SS. Imaginibus, aliique.

Ex Latinis Tertullianus in apologet.; et lib. de pudicitia cap. 10; S. Cyprianus epist. 12. Pamel. 37; S. Ambrosius epist. 22 ad Marcellinam sororem; in exhortat. Virgin. cap. 2; ferm. 91. de invent. SS. Gervasii, et Prothasii; ac 93. de SS. Nazario, et Celso; S. Hieronymus in cap. 4. Jonæ; epist. 53 et lib. contra Vigilant. capp. 2, 3, & 4; S. Augustinus lib. 1. de conf. Evang. cap. 10; lib. 2. contra Faustum cap. 73; ferm. 323, & 324. nov. edit.; lib. 9. confess. cap. 7; epist. 103; & lib. 22. de Civit. Dei cap. 8; S. Paulinus epist. 11, et 12; Prudentius hymn. 3, 5, 9, & 11; S. Gaudentius loc. supra laudato; S. Gregorius Turonensis lib. de glor. Confess. et de glor. Martyr. cap. 44; V. Beda lib. 3. hist. cap. 11; lib. de templ. Salom. cap. 19; atque in cap. 4. Lucæ; S. Maximus Taurinensis ferm. in Natali SS. Martyr. Taurin.; & Rabbanus (si tamen ejus est) lib. 2. de instit. Cleric. cap. 13; et lib. 4. cap. 10; Jonas Aurelian. lib. 3. de Imaginibus; Sigebertus in chron. ad an. 650; S. Thomas 3. p. q. 25. art. 2; in 3. sent. dist. 9. q. 1. art. 2; q. 2. ad 1; & 2. q. 94. art. 2. Ex Summis Pontificibus, prætermisso pseudo-Clemente lib. 6. Constit. cap. 29, S. Leo I. term. 11. de Natali SS. Apost. Petri, et Pauli; S. Gregorius Magnus hom. 22. in Evang.; lib. 3. epist. 30; lib. 5. epist. 50; lib. 7. epist. 5, 11, 54, 88, 159; et lib. 9. epist. 93. S. Vitalianus epist. ad Oswvium Northumbriæ Regem apud V. Bedam lib. 3. hist. Anglor. cap. 29, qua ipsi Reliquias Roma mittere significat; S. Gregorius II. epist. 1. ad Leonem Isaur.; S. Nicolaus I. epist. 2; Hadrianus I. epist. ad Constantin., et Irenem; Innocentius III. in Concil. Later. Ex Conciliis, ac

bendas esse: fuisse vero, quemadmodum non unius genus (28) contume-

ac generalibus quidem, Concilia Trullanum can. 82; Nicænum II. act. 3, et 7; nec non in definit. fidei; Constantinopolitanum I. can. 2; Lateranense IV. sub Innocentio III. can. 62; Constantientense sub Martino V; ac Tridentinum sess. 25. Ex particularibus vero Concilia Gangrense can. 20; Carthaginense V. can. 14; Gentiliacense sub Pipino an. 767; Bracarense III. can. 6; Epao-nense can. 25; Senonense can. 14; Cabilonense can. 45; Moguntinum IV. can. 36; Pistaviense II. sub Paschali II. can. 12; Romanum sub S. Gregorio II; & Romanum sub Stephano III. Mitto reliqua, ne moram faciam ultra modum. Confer de Consecr. dist. 3. cap. *Perlatum*, cap. *Sextiam*, et cap. *Venerabiles*; de Offic. ordin. in 6. cap. *Si Canonici*; atque Urbani VIII. constit. 37. *Sanctissimi*; et 51. *Sacrofancta*.

(28) Ex eo item docemur 1. quod antiquitus solemne erat Ethnicis, & Hæreticis, maxime Manichæis, hancce erga SS. Imagines, & Reliquias religionem Christianis exprobrare, quod de Juliano Apostata patet apud S. Cyrillum Alex. lib. 6. contra eundem Julian., de Eunapio Sophista patet in vita *Ædesii*; de Fausto Manichæo liquet apud S. Augustinum lib. 20. contra Faustum. 2. Quod Ethnicis, atque Hæreticis olim frequens fuit, ac ut poterant, familiare Sanctorum corpora disperdere, reliquiasque suppressere, ne a christianis colerentur; ita de Martyrum Lugdunensium Reliquiis sub M. Aurelio restatur Eusebius lib. 5. hist. Eccles. cap. 13 de SS. Martyr. Vitalis, et Agricolæ corporibus testatur S. Ambrosius in exhort. ad virg., ad epist. 55; de SS. Martyrum Reliquiis e sepulchris erutis, igneque concrematis a Juliano Apostata testatur S. Gregorius Nazianz. orat. 3. in Julian.; de Reliquiis SS. Martyrum admixtis aliis profanis corporibus, aut etiam animalium ossibus testantur Theodoretus in hist. Relig. de SS. Martyr. Palæstinis; Sozomenus lib. 5. hist. Eccles. cap. 8; ac Surius ad diem 2. Octob. tom. 5; de SS. Martyribus in mare, aquasque projectis, ne eorum Reliquiæ a christianis colligerentur, Eusebius lib. 8. hist. Eccles. cap. 6; nec non Martyrologium Roman. 4. Idus April., & 5. Kalend. Maji. Quorum omnium impium morem imitati Iconomachi, Wicleffistæ, ac Calvinistæ Sanctorum Urnas violarunt, Reliquiasque qua aquis deleverunt, qua ignibus cremarunt. 3. Quod Hæreticis mos fuit alias quoque Reliquias priorum, legitimarumque loco ponere, ut fidelium pietatem fallerent, illuderentque cultui illi, qui pretiosis Sanctorum exuviis præstebatur. Ita æditatum a Circumcellionibus narrat S. Augustinus lib. de oper. Monachor. cap. 28; de nonnullis Græcis Romæ commorantibus S. Gregorius Magnus lib. 3. epist. 30; de quodam Eremita S. Gregorius Turon. lib. 2. hist. Franc. cap. 6. 4. Quod Christi fidelibus olim tanta pietas inerat, ut nec impensis, nec periculis parcerent, modo sibi fas foret reliquias acquirendi, aut saltem ea, quæ contactu earum sacra essent. De cura adhibita a Christi fidelibus in commitendis cum honore humo SS. Martyribus leges S. Chrysostomum hom. de SS. Juvenco, et Maximo; S. Gaudentium orat. de 40. Martyr.; Rufinum lib. 2. hist. Eccles. cap. 26; Surium ad 8. Septemb., nec non 2. No-

86 PRIVILEGIA ROM. PONTIFICI
tumelias, quibus ab Ethnicis, Hæreticisque in eas insanissime
de-

2. Novembris; Martyrologium Roman. 3. Januarii, & 15. Martii. De opera impensa imo ab aliquibus, ut sacra pignora e locis, quibus recondita fuerant, suffurarentur, lege S. Gregorium Turon. lib. 1. de glor. Martyr. capp. 44, et 90; Adrevaldum lib. 1. de mirac. S. Benedicti cap. 11; Paulum Diacon. lib. 6. histor. Lorgebard.; Walafridum lib. 2. vitæ S. Galli; Surium ad diem 12. Januar., ac 16. Octobr.; Anfosium lib. de reliq. cultu. dist. 22; Glabrum lib. 4. hist. cap. 2. Non detuisse tamen exempla, quibus Deus non semel in eos, qui falsas Reliquias confinxerunt, severe animadvertit constat ex Mabillorio sæculo IV. Fenedict. p. 1; et Bollandi tom. 2. Jan. pag. 290, atque alibi. Quod Christifidelium pietati erga Sanctos ut satisfaceret, olim mos fuit Sanctorum reliquias in partes dividere, ut liquet ex Theodoro de curandis Græcor. affect. serm. 8; S. Gregorio Nazianz. orat. 2. in Julian.; S. Gaudenzio hom. in dedicat. Basilicæ SS. 40. Martyr.; ac S. Paulino in natali S. Felicis, 6. Quod consuetudo vetus erat, ut non dedicaretur Ecclesia absque SS. Martyrum reliquiis, ut constat ex S. Athanasio in apologia ad Constant.; S. Ambrosio epist. 22. ad Marcellinam; S. Gaudenzio loc. cit.; S. Gregorio Turonensi lib. de glori. Mart. capp. 20, et 23; ac lib. de mirac. S. Martini cap. 84; Johanne Diacono in vita S. Gregorii cap. 31; Concilio Nicæno II. can. 7; aliisque Conciliis supra citatis. De earumdem quoque in Processionibus delatione, adeundi sunt S. Augustinus lib. 22. de Civit. cap. 8; S. Paulinus; & Evangelius. 7. Quod saltem non erigerentur Altaria, nisi supra corpora, aut reliquias Martyrum, Ecclesiæ disciplina olitana erat: ejus testes sunt locupletes S. Hieronymus lib. contra Vigilant.; S. Augustinus serm. 32. de diversis; serm. 315. de S. Cypriano; nec non 318. de S. Stephano; S. Gregorius lib. 3. epist. 30; lib. 5. epist. 50, et lib. 9. epist. 71; Concilia Agathense an. 506, Epোনense an. 517; Carthaginense III. can. 14; atque Africanum can. 50. Vide Nicolaum de Plove tract. de Missa Gallic.

Ad hæc facit 8, quod nihil antiquius haberent olim Reges, Magnates, ac Christifideles, quam ut Sanctorum Reliquias impetrarent, qui ipsis suffragio, & patrocinio præsto essent. Id de Regibus Francorum Childberto; Pippino; Carolo Magno; Ludovico Pio; Hugone Capeto; Henrico I; Ludovico Crasso; Ludovico VII; & S. Ludovico ferunt S. Gregorius Turon. lib. 2. hist. cap. 37; Aimoinus lib. de gestis Francor. capp. 20, 21, & 29; & lib. 4. capp. 86. & 89; Sigebertus in Chron. ad an. 508; Parenius ad an. 562; Nicolaus Gillas in Pippino ad an. 761, & 802; Sugerius Albas in Ludovico Crasso; Rogerius in annal.; Azorius institut. moral. lib. 9. cap. 8. q. 11; Duplexius, & alii. Idem de S. Helena; Fulcheria Augusta; S. Radegunde Regina Galliar.; Sylvia, & Basila (jus sorore S. Paulinus epist. 11. ad Severum. Vide etiam Baronium ad an. 270. Adco exerevit hoc fidelium reliquias Sanctorum obtinendi desiderium, ut legibus opus fuerit, quibus fraxum hisce desideriis imponeretur, præcaverenturque fraudes, & furta exinde facile consecutura. Ita cautum jussere Imperatores Valentinianus, Theodosius, & Arcadius L. *Nemo* Cod.

Cod. de Reliquiis, ubi dicitur: *Nemo humatum corpus ad altum locum sine iugusti affatibus transferat.* Ita cautum voluere Concilia Mediolanense, Bononienſe, Burenſe, & Moguntinum anno 813; Pontifices quoque Maximi Clemens VIII. an.1603, & 1604; Paulus V. an.1613, & 1614; & Urbanus VIII. an.1624. Confer dist.1. de Conſecr. cap. *Corpora Sanctorum*.9. Quod si non fas fuisset SS.Reliquias adipiscendi, saltem id curabant summo studio Christiſideles, ut lineæ, vestes, vela, sudaria, cinctoria, & id genus alia, quæ *Brandeæ* nuncupabant, quæ Sanctorum corpora attigissent, vel supra eorum Capſas, aut Lypſana poſita fuiſſent, impetrarent summa devotione custodienda, atque horum ope a Deo auxilia se impetraturos sperantes. Ita testantur Johannes Diaconus lib. 2. de vita S. Gregorii cap. 42; S. Ambrosius epist. 87; Evodius lib. 2. de mirac. S. Stephani cap. 12; S. Augustinus lib. 22. de Civit. cap. 8; S. Gregorius M. lib. 3. epist. 30, & lib.5. epist. 6; S. Gregorius Turon. lib. 2. de glor. Conſefs. cap. 7; lib.2. de glor. Martyr. capp.28, 30, 46, & aliis; lib. de vita S. Nicetii; de mirac. S. Martini, & lib. de vitis SS. Patrum; Sozomenus lib. 9. cap. 2; V. Bedæ lib. 1. histor. Anglor.; Baronius ad an. 416, 460, 519, 726, 740, & 766; Sigebertus ad an. 441. 10. Quod olim sedulam Ecclesia operam in id navaret, ut per epistolas encyclicas ab una ad aliam Ecclesiam SS. Martyrum noticiam una cum actis transſmitteret; ut ubique illis cultus impenderetur. Id constat ex cit. epistola encyclica Smyrnenſis Ecclesiæ de S. Polycarpi, & encyclica Ecclesiæ Gothicæ de S. Sabæ Martyrio apud Ruinartium pag. 527; ex epist. S. Cypriani ad Moysen, aliosque Romanos Confessores; ex epist. S. Ignatii ad Romanos apud Ruinartium pag.15; ex actis S. Dionysii Areopagitæ apud Surium ad diem 9. Octobr.; ex epist. Martyrum Lugdun. apud Eusebium lib.5. capp.3, & 4; ex actis S. Vigiliæ Tridentini Episcopi apud Bolland. ad 26. Junii; ex S. Gregorio Magno lib. 8. epist. 29. ad Eulogium Alex. acta Martyrum ab ipso petentem. Plura de his proferemus part.2. Vindicar., quum de jure Pontificis Rom. in SS. Canonizatione sermo erit. 11. Quod seubi ſicuti Christi Domini, Sanctorum sic reliquias nostris hominibus habendi facultas non affuiſſet, Imagines ſufficiebant; quibus cultum impenderent: qui quidem Imaginumulus etſi frequens non fuerit, fuiſſe tamen constat ex ſtatua ahena, quam Christo Liberatori erexit Paneade mulier illa a proſluxu ſanguinis liberata; uti teſtatur Eusebius lib.7. hist. Eccles. cap.18; ex Tertulliano lib. de pudicit. cap. 7. referente Christum Dominum ſub ſpecie paſtoris ovem perditam ad ovile humeris ſuis reportantis in calicibus dīpingi conſueviſſe; ex Concilio Iliberitano can. 36. prohibente picturas in Ecclesia fieri: quo ſatis ſignificat jam tunc imagines in Ecclesia extiſſe, quas certis de cauſis, de quibus controverſiſe, impoſterum prohibuit. 12. Quod ad memoriam rerum geſtarum recolendam, ac ſidei dogmata ſub oculis veluti ſubjicienda Ecclesiæ Romanæ, nec non Græcæ ulu antiquitus venerat ſive muſivis, ſive picturis Concilia generalia in templis exprimere. Ita imaginem ſex generalium Conciliorum in Ecclesia Conſtantinopolitana depictam perhibet

88 PRIVILEGIA ROM. PONTIFICI
 fe Majores nostri se se devovebant: atque ex iis quidem (28) Imagi-
 nes

bet Anastasius . Imo earum Synodorum memoriam imaginibus ita dedicatam Græci, & Moschi in suis Mæneis apud Bolland. tom. 1. Mali sæpius recolunt . Forundem Conciliorum Imagines Romæ a summis Pontificibus expressas, idest Nicæni in Basilica Lateranensi a S. Silvestro ; Constantinopolitani in Basilica S. Laurentii a S. Damaso; Ephesini in Liberiana a S. Sixto III; Chalcedonensis in Paulina a S. Leone M. auctor est Hadrianus I in epist. ad Carolum Magn. de SS. Imag. Mitto niorem Romanæ Ecclesiæ sacrum in Ecclesiis pariter Imagines Pontificum depingendi ; de quo liber Pontif. in SS. Leone I ; Symmacho ; Agathone ; Johanne VII ; & Leone III.

(29) Quamvis priscis Ecclesiæ sæculis Sanctorum, sed Dei præsertim, atque SSmæ Trinitatis Imagines maxime in usu non fuerint, ne scilicet Gentiles, & Cathecumeni putarent Chriistifideles Deum corporeum colere, aut Imaginibus illis Latræ cultum impendere ; qua de re hujusmodi depictas Dei, & Trinitatis imagines improbarunt Tertullianus lib. de spectacul. cap. 23 ; Clemens Alex. lib. 6. Strom.; Origenes lib. 8. contra Cels.; Minutius Felix in Octavio; Lactantius lib. 2; inlit. cap. 2; S. Augustinus lib. de fide, & symbolo cap. 7; & Concilium Illiberitanum can. 36, quem editum ad amovendum scandali periculum, quod exinde Gentilibus, & Cathecumenis forte imminerebat, interpretati sunt Albaspinæus, & Cardinalis Lucinus; quandoquidem simili de re Arcani disciplina, de qua Lupus dissert. de quibusdam PP. lucis; Bullengerus exerc. 16. in Casaubonum; præsertim vero Emanuel Schelestratus, lecretiora Chriistianæ Religionis Mytheria tunc temporis occultabant, ne a Gentilibus profanarentur ; neque Cathecumenis scandali periculum ingenerarent. Confer Petavium Theolog. dogmat. lib. 15. de Incarn. cap. 13. Nihilominus ab ipsis Ecclesiæ incunabulis, præsertim ubi hujusmodi periculum aberat procul, usurpatis fuisse Imagines, cum Dei, tum trium Divinarum Personarum patet liquido ex mox laudatis Patribus, qui quum illas improbarint, oportet sane quod illas frequentari conspicerent : patet ex S. Basilio, a quo Columbas Spiritum Sancti. repræsentantes in templis suspensas refert Amphilochius; ex S. Paulino, qui in Basilica S. Felicis Trinitatis imaginem depingi permiserat ; ex act. 5. Synodi VII, in qua refertur libellus supplex Clericorum, & Monachorum Antiochenæ Ecclesiæ contra Severum Acephalorum Ducem, quo inter alia crimina illi obiecta illud quoque referunt, quod aureas, & argenteas Columbas in typum Spiritus S. super Altaria, & divina Sacramenta (sacros scilicet fontes) suspensas abtulisset . Deinde a sæculo V, & deinceps imagines Dei, & SSmæ Trinitatis in Ecclesiis magis frequentatas fuisse res est adeo omnibus confessa, ut ei demonstrandæ non sit necesse operam impendere . Etsi vero Dei, & SSmæ Trinitatis imagines tribus primis sæculis non adeo frequentes fuerunt, Chriisti Domini tamen sub diversis speciebus, ac symbolis depicti, nec non Sanctorum imagines in Templis, Cæmeteriis, & Sarcophagis usu frequentatas fuisse probant veterum SS. Patrum testimonia S. Gregorii Nisæni orat. de S. Theodoro; S. Ascrii term. de S. Euphemia; S. Paulini epist. 12. ad Severum,

gines coloribus exprimendi, Reliquiisque suffiendi religiosum,

Part I.

M

usum,

rum ; S. Nili lib. 4. epist. 61. ad Olympiodorum ; S. Augustini lib. 21. contra Faustum cap. 73 ; S. Ambrosii epist. 53 ; S. Chrysostomi hom. 45. ad populum ; S. Gregorii Magni lib. 9. epist. 9. ad Serenum ; Eusebii lib. 3. de vita Const. cap. 49. Confer ceteros paullo supra commemoratos .

Probant idem vetera monumenta præsertim apud Arringhium lib. 6. Romæ subterraneæ ; Bottarium in opere inscripto : *Sculture , e pitture de Cimiterj di Roma* ; Boldetum in opere, cui titulus : *Offervazioni sopra i Cimiterj* ; Fabretum in Inscrip. ; Bonarrotium in observat. in fragm. vavor. veter. vitreor., a quibus multo numero proferuntur vetera monumenta a veteribus Romæ ruderibus, Cryptis, Sepuchris, Cæmeteriis eruta, in quibus frequentissime occurrunt tum Christi Domini imagines, tum Apostolorum, aliorumque Sanctorum effigies qua sculptæ, qua pictæ sub diversis speciebus Piscis, Agni, Columbæ, inter. quas præcipue sunt illæ, quæ extant in summo Basilicæ S. Clementis abside, quasque exhibent Bosius lib. 6. de Cruce cap. 21 ; Ciampinus tom. 1. veter monument. cap. 21 ; Gretzerus tom. 3. de Cruce lib. 1. cap. 33, & Mamachius orig., & antiq. Christi lib. 1. §. 9 : nempe est Imago Crucifixi, seu Christi Domini Cruci adfixi, Crucis brachiis duodecim Columbæ insistent, quibus Apostoli denotantur, quasque corona ex liliis intertexta circumdat : & illa, quæ in quodam Sarcophago reperto in Cæmeterio Vaticano exhibetur ab Arringhio lib. 1. cap. 10, scilicet in ea conspicitur impressus introitus triumphalis Christi in urbem Hierosolymam : item Zachæus in Sycomoro : iterum Christus Dominus medius inter Petrum, & Paulum monticulo insistent, a quo flumina quatuor Paradisi egrediuntur : rursus idem Dominus inter lictores : inspicitur item Pilatus manus lavans : in arcæ operculo representantur Nabuchodonosor Rex coram aurea statua, tresque pueri in fornace ignis laudes Deo cantantes ; sed & in eodem exhibentur Christi Nativitas, & Magorum adventus. Idem Arringhio lib. 3. cap. 13. exhibet veterem alterum Sarcophagum, in quo imagines inspiciuntur Lazari mortuis revocati ; Marthæ coram Servatore desilentis ; Petri Apostoli a Christo admoniti de perjurio futuro ; Moyfis e manu Dei tabulas accipientis, & e rupe aquas educentis ; Abrahami Isaacum immolantis ; Pilati manus abluentis ; Christi a Judæis vincti ; Danielis in lacu leonum ; Zachari in Sycomoro ; Cæci a Christo lumen recipientis ; ac prodigii de quinque panibus, & duobus piscibus . Probant denique vetustissima monumenta de erecto Christo Domino simulacro in urbe Paneade apud cit. Eusebium ; & Christi expressa specie sub imagine Pastoris apud Tertullianum laudatum, de quibus paullo supra . Item insignis inscriptio sæculo IV. adornata, quæ Laodiceæ reperta fertur, eamque sibi ostensam a Johanne Jebbio Anglo viro refert Lequienius tom. 1. Orient. Christiani pag. 794 ; quaque affirmatur Eugenium Episcopum Laodicenum, qui Maximiano Imperatore miles fuerat, templum in urbe Laodiceæ excitasse, quod sculptis, pictisque imaginibus exornavit, ut populum, qui eodem concurreret, ad pietatem excolendam, magis, magisque excitaret .

usum, ritumque: Dei gratiam (30) necessariam esse ad salutem

æter-

Id vero effecit Eugenius eo primum, quo Imperio potito Constantino respirare paullulum Christiani cœperunt. Quæ quum ita sint, mirari satis non est tanta fronte, tam falso, & tam fraudulentè dictitare Dallæum aggressum esse, quod dogma hocce Latinorum traditio sit singularis: quod ipse hancce nedum adversus Latinæ, sed etiam Græcæ Ecclesiæ traditionem Sanctorum impugnandas reliquias, & imagines suscipiens id effecerit propugnando: tum nulla extare hujusce traditionis ex tribus primis Ecclesiæ sæculis argumenta: tum vetustissimos Christianos non coluisse, ne ipsos quidem Divos, quorum esse dicuntur reliquæ, vel imagines: tum a Paganis post annum quidem tercentissimum, non autem prius, Christianis earum cultum exprobratum fuisse: tum a priscis Christianis ante quartum sæculum ad Martyrum sepulchra orare insuetum fuisse, atque inusitatum: nam ex dictis hætenus satis liquet navum huncce Novatorem magno esse in errore versatum. Ejus autem, ejusque symmistarum objecta retundunt inter alios Tournellius tract. de Incarn. q.ultima; Natalis hist. Eccles. ad sæcul.V. dissert.25; & ad sæcul. VIII. dissert.6. Confer. Doctiss. P. Honoratum a S. Maria animadv. in regulas, & usum Crit. lib. 5. dissert. 6; eruditissimumque Lambertinum, seu Benedictum XIV. de Servor. Dei Beatif., & Beat. Canoniz. lib. 1. capp. 3, & 4; & lib. 4. capp. 21, & 26: dicta etiam a nobis art. 2. de Conciliis 5. 4, & Cabassutium not. Eccles. sæculi VIII. de Concilio Nicæno II, seu VII Synodo.

(30) Dei gratiam necessariam esse, sufficientemque saltem a Deo conferri ad malum fugiendum, & bonum faciendum tradunt etiam Patres, Pontifices, & Concilia. Ex Græcis pseudo-Dionysius de cœlest. Hier. cap. 1; & de divin. Nom. cap. 4; S. Irenæus lib. 3. adv. hæc. cap. 19; S. Iulianus apologia 2; Clemens Alexandr. lib. 2, 4, & 5. Strom.; Origenes hom. 9. in Josue; hom. 11. in psal. 36; & de princip. lib. 3. capp. 1, & 2; S. Athanasius de comuni essentia Patris, & Filii, & Spiritus S.; in vita S. Antonii; & de virginit. servanda; S. Basilii hom. 22. de humilitate; hom. *Quod sine divina gratia resistere satana non possit quisquam*; orat. *Quomodo baptizetur quis in mortem Christi*; in psal. 33, & 115; hom. in illud Moyses *Attende tibi ipsi*; & in regulis brevior. resp. 176; S. Cyrillus Hierosol. Cath. 1; S. Ephræm de timore amici de divina gratia, & ferm. exhortat. ad pietatem; S. Gregorius Nazianz. orat. 42. in illud Evang. *Quum consummasset Jesus sermones*; & in carm. de virtute humana; S. Chrysostomus hom. de Adam, & Evæ hom. 18, 23, & 39. in S. Matth.; in psalm. 33; hom. 2, & 9. in 1. ad Corinth. 1; hom. 2. in epist. ad Philip.; & hom. 8. de poenit.; Palladius in hist. Lausiac cap. 95. de Stephano lapso; Philo Carpathius in Cantica: ad illa *Terror, vel stupor*; & *Pulchra ut Luna*; Cassianus Collat. 3. capp. 12, & 13; S. Cyrillus Alex. lib. 1. de adorat. in spirit., & verit.; lib. 5. in Isai. 60; lib. 10. in Johan. cap. 8; & lib. 3. contra Julian.; Theodoretus q. 6. in Deuteron. 3; & in 1. ad Corinth. cap. 4; Johannes Maxentius Monachus in epist. ad S. Hormisdam, & in libello fidei; Isaias Abbas orat. 8. de mundi renunt.; Procopius Gazæus in 30. Deuteron.;

VINDICATA . ARTICULUS VII. PROLEG. 91
eternam assequendam ; sufficientemque saltem a Deo conferri
M 2
omni-

teron.; Hefychius Hierosolym. lib. 2. in Levit. cap. 7. & lib. 7. cap. 26; S. Sophronius Hierosol. orat. in Nat. Christi; S. Maximus Martyr de Charit. Centur. 2. cap. 28; Thalassius Hecatontade 4. esp. 46; S. Johannes Damascenus lib. 2. fid. orthod. cap. 305 & de duabus in Christo volut., & action.; Elias Cretenfis in orat. 19. Nazianz.; Tharasius Constantinopolitanus epist. ad Episc. Antioch., Alexand. &c; Anastasius Nicænus q. 5; Theophylactus ad capp. 11, & 15. Matth.; ad 12. Luc.; ad cap. 4. Corinth. 2; ad 2. cap. ad Galat. 3; Œcumenius ad cap. 2. ad Philipp.; Cabbillas in exposit. liturg. cap. 36. Scilicet adeo explicate a Græcis traditum est dogma istud, ut Jansenius ipse fateri ingenue sibi illos adversari coactus sit.

Ex Latinis S. Cyprianus lib. 3. ad Quirin. cap. 4; epist. 2, & 77; & de baptismo Christi; Arnobius lib. 2. contra Gentes; Lactanius lib. 1. instit. cap. 11; S. Hilarius in psal. 118., & 123; S. Ambrosius de fuga sæculi cap. 1; & in cap. 3. Lucæ; S. Hieronymus lib. 1. adver. Pelagian. capp. 3, & 4; & lib. 3. cap. 1; in psal. 140; in cap. 5. Isaïæ; in cap. 5. Matth.; & epist. 139; S. Augustinus in locis innumeris, præsertim epist. 89. q. 2. ad Hilarium; epist. 105. ad Sixtum presbyt.; epist. 107. ad Vitalem; epist. 200; lib. 1. ad Simplician. q. 2; lib. de spiritu, & litt. capp. 33, & 34; lib. 8. Confess. cap. 8; lib. de nat., & gratia capp. 43, 67, & 69; lib. de correct., & grat. capp. 2, & 7; lib. 3. de lib. arbitr. cap. 9; serm. 17. de verb. Apostoli; & serm. 61, & 191. de tempore; Arnobius Junior de Deo trino, & uno; S. Prosper carm. de ingrat. capp. 14, & 45; Gennadius de Ecclesiast. dogm. capp. 22. & 27; Salomus in proverb.; & in Ecclesiastem; S. Fulgentius lib. 1. ad Monimum capp. 9, & 11; lib. de Incarn., & grat. capp. 17, & 20; lib. de fide ad Petrum cap. 32; epist. 4. cap. 3; & epist. 6. cap. 6; Primasius in cap. 7, & 9. ad Romanos; Junilius Africanus lib. 2. de partibus divinæ legis cap. 52; Cassiodorus in psal. 3, 67, & 117; Fortunatus in exposit. orat. Dominicæ; S. Isidorus Hispal. lib. 2. de Eccles. offic. cap. 23; & lib. de summo bono cap. 5; S. Eligius hom. 3. in Quadrag.; S. Eucherius Lugdun. in lib. 4. Reg. 3. Iudeus serm. de Purif. B. Virg.; Apponius lib. 1. in Cantic.; V. Beda lib. 2. in Esdr. cap. 8; lib. 2. in Proverb. Salom. cap. 20; in capp. 8, & 15. Lucæ; in capp. 1, & 6. Johan.; & in cap. 5. epist. 1. Johan.; Alcuinus in psal. 118; 7. pœnit.; in cap. 9. Ecclesiastis; & lib. 2. de Trin. cap. 8; Ambrosius Anpertus lib. 4. in Apocalyp.; Idiota de amore divino cap. 9; Haimo ad capp. 2, & 15. epist. 1. ad Corinth.; & ad cap. 3. epist. 2. ad Corinth.; Haligerius lib. 1. de pœnit. cap. 5; Rabbanus lib. 4. de Universo cap. 105 & lib. 5. in Jerem. cap. 9; Adelinus in vita S. Opportunæ; Auctor altercat. Synagogæ, & Eccles. capp. 4, & 11; Radulphus Flaviac. lib. 5. in Levit. capp. 1, & 3; & lib. 19. cap. 8; Smaragdus in prologo exposit. Regulæ S. Benedicti; Beruo Augiensis serm. de concord. offic. cap. 5; S. Anselmus in cap. 3. epist. 2. ad Corinth.; & in cap. 2. ad Philipp.; Hildebertus epist. 15; Honorius Augustodun. lib. de prædestin. & libero arbitr.; Rupertus in cap. 15. Johan.; S. Bernardus serm. 2. in Pentecost.;

omnibus tam ad malum fugiendum, quam ad bonum faciendum :

qua

cost.; de grat., & libero arbitr.; et epist. 341; Hugo Victor. lib. 4. instit. Monast. cap. 3, et lib. 4. eruditionis Theolog. cap. 33; Petrus Lombard. in 2. dist. 39, et in 4. dist. 28; Richardus Victor. lib. 7. in Apocalypsi. cap. 8; de statu hom. inter. cap. 16; de erudit. hom. inter. lib. 1. capp. 3, et 30; Petrus Blesensis epist. 9, et 73; Petrus Cellensis lib. de panibus cap. 3; Arnulphus Lexoviensis serm. habito in Concil. Turonensi; Jacobus de Vitriaco ser. 3. post Pentecost.; S. Antonius Patavin. serm. in Evang. Dom. 2. Advent.; Alexander Aletius par. 4. q. 13. mem. 2; S. Thomas quodlib. 1. art. 7; S. Bonaventura par. 5. breviloq. cap. 3; Thomas a Kempis lib. 3. de Imit. capp. 43, et 60; S. Laurent. Justinian. serm. in Epiphan.; S. Johannes 2. Capistrano in speculo conscientie par. 1. n. 56; Vide alios apud Coccium in Thesaur. lib. 1. art. 4.

Ex Summis Pontificibus gemina de gratie necessitate, ac sufficientia tradidere S. Innocentius I. epist. 24, & 25. quæ sunt ad PP. Concilii Carthag. & Milev.; S. Zosimus epist. ad African.; S. Cælestinus epist. 8, quæ est ad Episc. Galliar.; S. Leo ser. 5. in die Epiphan.; & serm. 5. in Quadrag.; S. Gelasius epist. 5, et 6; S. Hormisdas epist. 11 ad Possess.; S. Gregorius Magnus hom. 9, et 17. in Ezechiel; lib. 3. cap. 16. in Job; in psal. 7, lib. 7. epist. 55; et lib. 5. in cap. 10. lib. 1. Reg.; Innocentius III. serm. de uno Martyre; Innocentius X. et Alexander VII. adversus Janseñium. Item ex Conciliis, quæ non minus, quam 24. enumerantur a Garnerio, et Norisio, Carthaginense I. an. 412; Hierosolymitanum an. 415; Diospolitanum an. eodem; Carthaginense alterum an. 416; Milevitanum, eodem anno; Romanum sub S. Innocentio I; Constantinopolitanum an. 417; Carthaginense aliud an. 418; Antiochenum; Carthaginense ex 224. Episcopis; Africanum, quod apud Garnerium dicitur secundum an. 418; Carthaginense alterum ex tota Africa; Romanum sub S. Zosimo; Carthaginense iterum an. 419; Anazarbense an. 421; Constantinopolitanum sub Attico an. 424; Romanum sub S. Cælestino an. 425; Africanum ex tota Africa an. 425; Arelatense sub S. Honorato an. 427; Anglicanum an. 429; Romanum aliud sub S. Cælestino an. 430; Ephesinum oecumenicum an. 431; Araucicanum II. an. 529; Valentinianum an. 855; Senonense an. 1528. part. 1. cap. 15; Colonienſe an. 1536. part. 7. cap. 32; et Tridentinum sess. 6. cap. 11. Confer doctissimos viros Coccium in Thesaur. lib. 1. art. 4, et lib. 3. art. 2; Garnerium in Marium Mercat. 1. Norisium in hist. Pelag.; Bellarminum lib. 6. de grat., et liber. arbit.; L' Hermier tom. 4. pag. 130; Isaacium Habertum lib. 1. Theolog. Græcor. Patrum; Tournellium de gratia Christi q. 4. art. 2, et q. 7. art. 2; & Berti de Theolog. discipl. lib. 14. capp. 4, et 5, et lib. 15. capp. 3, et 4. Sane Arnaldus ipse, et Abbas de la Lane purus, putusque Janseñista in libro gallico, cui titulum fecit *Défense de la Constitution d' Innocent X*, quo totus ihudet gratiam sufficientem ex S. Augustini sententia explodere, et expungere, non diffidentur Theologos omnes huic articulo firmissime adherere; atque ex iis scholæ Thomisticæ Theologos, quos Alvaristas appellant, eo quod putent ab Alvaro primum in D. Thomæ scholam hanc sententiam invec̃tam, Equidem laudat Arnaldus

93

VINDICATA. ARTICULUS VII. PROLEG.

qua ad bonum, qua ad malum (31) liberum etiam post lapsum
in

naldus ex veteribus Theologis stare pro se, et contra gratiam sufficientem Thomam Brandvardinum, et Gregorium Ariminensem. Verum ex Brandvardino Wicleffum multa mutasse observarunt viri eruditi: de Ariminenſi Lutherum dicere consueviſſe: *Da Magiſtrum*, quum ejus libros poſtulabat, compertum eſt: cur igitur illos Theologos jaſtat Arnaldus, niſi vindicando Janſenio, Vvicleſſo, et Luthero ſuppeticas quzrere non erubeſcat? Quamquam quæ aliquando orthodoxis diſputationis æſtu (quod præſertim Brandvardino adverſus Pelagianos acriter diſputanti accidit) abreptis minus cauta excidunt, ab Heterodoxis avidè arripi, in pejoſam partem accipi, et amplificari perſequeſtum eſt.

(31) In homine, etiam poſt lapſum, arbitrium cum ad bonum, tum ad malum reliquum eſſe, et liberum abire tam a coactione, quam a neceſſitate; atque per ipſum ſtare, ut Deo ad bonum vocanti, et moventi obediat, aut Diabolo ad malum ſuadenti, et ſeducenti obſequatur, affirmant jugi Traditione ad nos perveniente Patres qua Græci, qua Latini. Atque ex Græcis quidem pseudo-Clemens lib. 6. conſtit. cap. 20; et lib. 3, et 5, Recognit.; pseudo-Dionysius de Eccleſ. Hier. cap. 9; et de Divin. nom. cap. 4; S. Ignatius in epiſt. ad Magneſ., et ad Smyrn.; S. Juſtinus in Apolog. 1. ad Gentiles; et 2. ad Anton. Imper.; et in dialogo cum Tryphone; Tatianus orat. contra Græcos; Athenagoras in apolog. pro Chriſt.; S. Irenæus lib. 4. adv. hæſ. capp. 9, 71, et 72; Clemens Alex. lib. 1, 5, et 7. ſtom.; Origenes hom. 12, et 20. in Numer.; in præfat. lib. 1. de princip.; et lib. 2. contra Celſum; S. Proclus apud S. Epiphanium hæſ. 64; S. Methodius ſerm. de reſurreçt.; Eusebius lib. 6. præpar. cap. 5; S. Athanaſius orat. contra Idola; in vita S. Antonii, et in exhort. ad Gentes; S. Baſilius hom. *Quod Deus non eſt auſtor malorum*; ad cap. 1. Iſai; et lib. 3. contra Eunom.; S. Ephræm de ſpirituſuali vita cap. 93; et de extremo judicio lib. 5; S. Cyrillus Hieroſolymit. cath. 4; S. Macarius hom. 15, et 27; S. Gregorius Nazianz. orat. 1, 31, et 40; S. Epiphanius hæſ. 16, et 67; S. Gregorius Niſſenus hom. 4. in Cant.; orat. cathechet. capp. 30, et 31; Theophilus Alex. epiſt. 3. Paſchali; S. Chryſoſtomus hom. 2, 19, et 22. in Genef.; in pſalm. 9; in cap. 1. 19. Iſai; ſerm. de proditione Judæ; et ſerm. 8. in epiſt. ad Philipp.; Philo Carpathius in Cant. ad illud: *Terror, vel ſupor*; Caſſianus collat. 13. cap. 12; Theodorus Ancyranus orat. de nativ. Salvat.; et hom. in nat. Salvat.; S. Iſidorus Peluſiota lib. 2. epiſt. 129; et lib. 3. epiſt. 363; S. Nilus apud S. Damascenum in parallelis lib. 1. cap. 9; S. Cyrillus Alex. in cap. 1. Iſai; lib. 6. contra Julian.; et lib. 3, 8, et 9. in Johan.; Theodoretus in cap. 3. ad Rom.; et de curandis Græcor. affection. ſerm. 5; Titus Boſtrenſis in 15. Lucæ; Viçtor Antiochenus ad 3. Marci; Nemeſius de natura homin. cap. 39; Petrus Conſtantinopolitanus Diaconus lib. de Incarn., et gratia cap. 8; Olympiodorus in capp. 1, 3, et 12. Eccleſiaſti; Andreas Cæſar. ad capp. 9, et 22. Apocalyp.; Procopius Gaſſus in capp. 1, et 4. Genef.; Anaſtaſius Sinaita lib. 1, et 8. Hexameron; Johannes Climacus gradu 1; Heſychius in cap. 1. Levit.; Antiochus hom.

94 PRIVILEGIA ROM. PONTIFICI
in homine arbitrium, ut per se ipsum stet, aut cadat: se solam
sive

hom. 107; Leontius in vita S. Simeonis cap. 1; S. Maximus Martyr de Incarn.; et de charit. Centur. 3. capp. 27, 91, et 92; Synodus VI. in ferm. acclam. ad Constant. Imp.; S. Johannes Damascenus lib. 2. ortod. fid. cap. 25; et in hist. Barl. et Josaph. cap. 15; Photius in cap. 9. ad Rom.; Theophylactus ad 22. Matth.; ad 6; et 13. Johan.; Simeon. Metaphr. in vitis S. Pachomii, et S. Auxentii Abbatis; Moses Barcephas de paradiso psr. 1; Œcumenius in 7, & 9. epist. ad Rom.; Euthymius in 6, & 12. Johan.; Nicephorus lib. 1. hist. cap. 35; Hieremias Constantinopolitanus resp. 1. cap. 18, & resp. 2. cap. 2.

Ex Latinis Tertullianus lib. de anima capp. 20, & 21; lib. 2. adv. Marc. capp. 5, 6, & 8; in exhort. ad castit. cap. 2; Minutius Felix in Octav. S. Cyprianus lib. 1. epist. 3; lib. de unit. Eccles., & lib. 3. ad Quirin. cap. 52; S. Zeno Veron. lib. de spir., & corp.; Arnobius Senior lib. 2. adv. Gentes; Julius Firmicus Maternus lib. de errorib. profanar. relig. cap. 29; S. Hilarius in psal. 2, & 18; & lib. 2. de Trinit.; S. Ambrosius lib. 1. de Jacob cap. 13 in psal. 40, & 118; lib. 2. in Luc. 21 & epist. 84; S. Optatus lib. 7. contra Parmen.; S. Philastrius hæret. 80; S. Hieronymus lib. 3. adv. Pelagian. cap. 1; in capp. 49, & 55. Isaia; in 5, & 7. Ecclesiasticus; lib. 2. contra Jovinian. cap. 2; in 5. ad Galat., & in 5. Matth.; S. Gaudentius tract. 3. de Pasch., & tract. 13. de Natali Dom.; S. Augustinus lib. de quant. animæ cap. 36; lib. 5. de Civit. cap. 10; lib. de Spiritu, & litt. capp. 30, & 34; lib. de grat., & lib. arbitr. cap. 2; lib. contra duas epist. Pelag. cap. 5; lib. contra Faust. cap. 2; lib. 4. contra Julian. cap. 8; lib. de prædest. sanct. cap. 3; lib. 1. ad Simplic. cap. 2; epist. 47, 89, & 106; tract. 72. in Johan.; ferm. 15. de verb. Apost., & sexcentis aliis in locis; S. Paulinus epist. 2; Arnobius Junior de Deo trino, & uno; & in psal. 90, & 117; S. Eucherius Lugdun. hom. 9. post Pascha; S. Prosper lib. de grat., & lib. arbitr.; & in resp. ad 6. object. Gallor.; S. Innocentius epist. ad Afr.; S. Cælestinus epist. ad Gallos; Concilium Carthaginense epist. ad S. Innocentium 1; S. Cæsarius Arelat. hom. 21, & 25; Boetius lib. 5. de Consolat. prosa 2, et 6; S. Fulgentius de Incarnat., et grat. cap. 20; Ennodius Ticin. de lib. arbitr.; S. Laurentius Novarien. hom. 1. de pœnit.; Cassiodorus lib. de anima cap. 15; S. Gregorius Magnus lib. 13. cap. 6, in Job; lib. 16. cap. 10; lib. 33. cap. 20; et lib. 1. in Ezech. hom. 5; S. Isidorus Hisp. de summo bono lib. 2. cap. 2; de doctr., et fide cap. 20; Concilium Toletanum IV. cap. 56; V. Beda in 2. Genes. et ad 20. Lucæ; Alcuinus in Genes. q. 84; et de Trinit lib. 2. cap. 8; Haimo in cap. 1, et 49 Isaia; et ad 1. Malachia; Rabbanus in cap. 18. Jerem.; et lib. 4. de Univerfo cap. 10; Concilium Valentinum cap. 6; Auctor altercat. capp. 4, et 5; Radulphus Flaviac. lib. 12. in Levit. cap. 1; S. Leo IX. epist. ad Petrum Antioch.; S. Petrus Damiani ferm. de exalt. S. Crucis; S. Anselmus lib. de lib. arbitr. capp. 5, et 10; et de concordia gratiæ, et lib. arbitrii; Honorius Augustod. in psal. 17; Rupertus in cap. 2, et 12 Johan.; Hugo Victorin. in 4. Genes.; et instit. Monast. lib. 4. cap. 3; S. Bernardus ferm. 5. in Quadragesi.; et tract. de gratia, et lib. arbitr.; Magister sent. 2. dist. 25; Pocho Prumi-

95

VINDICATA . ARTICULUS [VII. PROLEG.

sive ad justificationem , sive ad salutem (32) fidem non sufficere;
sed

mienfis lib. 1. de statu domus Dei ; Hugo Etherianus de regressu anim. cap. 2; Innocentius III. ferm. de uno Martyre; et lib. 3. Myst. cap. 8; Alexander Alenf. p. 1. q. 26. mem. 4. art. 3; Albertus Magnus in cap. 4. Johann.; S. Thomas 1. p. q. 19. art. 8; q. 83. art. 1; et 12. q. 119. art. 3; S. Bonaventura par. 5. Bre- vilioq. cap. 3; S. Laurentius Justinian. de contemptu mundi cap. 8; S. Bernardus Senens. tom. 3. ferm. de conversi. peccat.; S. Johannes a Capistrano in speculo conscientie par. 1. n. 38, 56, et 57; Concilium Senonense cap. 15. de libero arbitr.; Concilium Trident. sess. 6. cap. 1, et sess. 10. capp. 3., et 7; Martinus V. contra Vvicleffum; Leo X. contra Lutherum; Gregorius XIII. et S. Pius V. contra Bajnm; Innocentius X. et Alexander VII. contra Janse- nium . Plura tibi suppeditabunt Jodocus Coccius in Thes. lib. 1. art. 5; Nico- laus L' Herminier tom. 5. a pag. 298; Boucat tom. 8. dissert. 5. art. 3. Alla- ta sat nobis sunt , et super . Consentiunt Gerardus Vossius ; Salamon Glassius ; Hugo Grotius tom. 4. oper. Theolog. pag. 158 , aliiq. Protestantium animo melius comparati . Confer Bellarminum , Beccanum , Vegam , Valentiam , Valemurgenfes , Veronium , Gravinam , Gonzalez , Gotti , Turrianum , Tournellium , Bossuetum , Berti , sexcentosque alios de Schola tractantes de Controversiis .

(32) Sola fide non justificari hominem; neque fidem solam sufficere ad salu- tem consequendam , sed ulterius necessaria esse opera meritoria , perpetuo docuere SS. Patres : Auctor constit. Apostol. lib. 3. cap. 12 ; Auctor lib. de Hier. Eccles. par. 3. cap. 7; S. Ignatius epist. ad Ephesos; vetus Auctor lib. 3. similis. 5; S. Justinus in apolog. 2 ; S. Irenæus lib. 1. adv. hæz. capp. 1, et 20; Theophilus Antioch. lib. 3. ad Autolychum; Clemens Alex. lib. 2. 3, 4, 5, 6, et 7. Strom.; et in parænetico; Origenes hom. 1. in Ezechiël.; hom. 3. in Cant.; tract. 32. in Matth.; et in cap. 2, et 3. ad Roman.; Eusebius lib. 1. hist. Eccles. cap. 4; S. Antonius epist. 15; Didymus Alex. ad cap. 2. epist. Jacobæ; S. Basilius ferm. de ascesi, seu de exercit. Monast.; et hom. 12. in Proverb.; S. Cyrillus Hierosolym. cath. 1, et 15; S. Ephrazm de vita spirit. cap. 91; et de Vir- ginis.; S. Gregorius Nazianz. orat. 28, et 40; S. Gregorius Nissenus hom. 8. in Ecclesiastem; orat. 1, et 2. de pauperibus amandis; Theophilus Alex. epist. 1, et 3. Paschali; S. Chrysostomus hom. 5, et 42. in Genesi; hom. in Job. et Abraham; in psal. 142; hom. 16, et 70. in Matth.; hom. 11. in Marc.; hom. 9, et 30 in Johan.; hom. 5. ad Roman.; hom. 2. in epist. ad Philem.; hom. 7. ad Hebræos; hom. de Anna , et Samuele; orat. 5. adv. Anomæos; et ferm. admonitorio de Eucharistia in encænii; Auctor Græcus resp. ad eos , *Qui de baptismo dubitant* ; et de his *Qui putant operibus se justificari* cap. 17. quam- quam hunc auctorem sæculi X. cause legendum monet Bellarminus de script. Eccles., uti cujus opera erroribus scatentia ab hæreticis depravata existimet , Philo Carpathius in Cant. *Pulchra es , & in hortum descendî* ; S. Nilus in litir. ad Monachos , et in capitibus paræneticis ; S. Cyrillus Alex. lib. 10. in Jo- han. capp. 14, et 18; et in exposit. symboli Nicæni ; S. Proclus Constantino- poli-

sed insuper ad cumulum accedere opera bona oportere : Peccatum Ori-

politianus in epist. ad Armenos ; S. Isidorus Pelusiota lib. 3. epist. 73 , 118 , et 158 ; Theodoretus q. 63. in Exodum ; in psal. 96 ; et in cap. 5. epist. 2. ad Corinth. ; Bassilius Seleuc. orat. de resurrect. Lazari ; Titus Bostrensis in 11. Lucæ ; Procopius Gazæus in Levit. pag. 343 ; Olympiodorus in cap. 7. Ecclesiastis ; Andreas Cæsareensis ad cap. 7. Apocalyp. ; S. Johannes Climacus gradu ; Antiochus hom. 1. de fide , et hom. 79. de agone ; S. Sophronius Hierosolym. orat. in nat. Christi ; S. Maximus dialogo de Incarn. ; et centur. 1. capp. 26. et 45 ; S. Johannes Damascenus lib. 4. de fide orthod. cap. 10 ; et in hist. Barl. , et Josaph. cap. 11 ; Michael Syncellus de laud. Dionysii Areopag. ; Anastasius Nicænus resp. 1 ; Photius in cap. 12. epist. ad Rom. ; Theophylactus in 7. Matth. ; in 5. et 15. Johan. ; ad 15. ad Rom. ; et in 4. ad Hebræos ; Eucumenius in 1. ad Rom. ; in 3. epist. 2. ad Corinth. ; & in 2. S. Jacobi ; Euthymius in 28. Matth. , et 16. Marci ; Græci in Concilio Florentino in apologia exhibita Synodo ; Hieremias Constantinopolitanus resp. 1. cap. 4. , et resp. 2. cap. 3. Et hi quidem ex Græcis .

Ex latinis vero Tertullianus lib. de resurrect. carn. cap. 48 ; lib. 2. contra Marc. cap. 6 ; & in Scorp. cap. 6 ; S. Cyprianus de unit. Eccles. ; de oper. , & elem. ; & epist. 14 , & 77 ; S. Zeno Veron. orat. 5. ad fontem ; S. Victorinus in apocalyp. ; Lactantius lib. 3. Instit. cap. 9 , & in epitome cap. 12 ; S. Hilarius in Matthæum can. 5. 6. 7. , & 28 ; nec non in prologo ad psalmos ; S. Ambrosius in cap. 11. Lucæ ; lib. 1. de offic. cap. 15 ; lib. 2. cap. 2 ; & lib. 10. epist. 82 ; Ambrosiaster in cap. 6. epist. ad Roman. ; ad Tit. 2 ; & ad Hebr. 4 ; S. Hieronymus lib. 1. contra Jovinian. cap. 6 ; lib. 2. capp. 1 , & 15 ; in 5. ad Galat. ; & in 7. , & 25. Matth. ; in 3. Sophoniæ ; in 3. Michæ ; & epist. 22. ad Euslochium ; S. Gaudentius Brixien. in præfat. tract. 3 , & 4 ; & ad Geminium de villico iniquitatis ; S. Augustinus mille in locis , maxime autem lib. 15. de Trinit. cap. 18 ; lib. de spiritu , & littera capp. 9 , & 26 ; lib. de fide , & oper. cap. 14 ; lib. de grat. , & lib. arbitr. cap. 7 ; lib. de prædestin. Sanctor. cap. 7 , ferm. 39. de verb. Dom. ; ferm. 16 , & 22. de verb. Apost. ; tract. 15 , & 77. in Johan. ; & in cap. 6. Johannis ; S. Paulinus epist. 26 ; S. Caesestinus I. in capit. ad Gallos ; Arnobius Junior in psal. 106 ; Concilium Arauscanum cap. 18 ; S. Prosper in r. sp. ad cap. 6. object. Gallor. ; & in psal. 3 , & 125 ; S. Petrus Chrysologus ferm. 43 ; S. Leo ferm. 4 , & 5. de Collectis ; & ferm. 2. de Epiphan. ; S. Eucherius in 4. Reg. , & ferm. in Dom. 4. Advent. ; Sedulius in capp. 3 , & 4. ad Rom. , & 5. ad Ephes. ; Salvianus Massilien. de provid. lib. 4 ; Ferrandus Diaconus in pædagog. regula 5 ; S. Casarius Arelaten. hom. 2 , 11 , & 25 ; S. Fulgentius lib. 2. de remiss. peccat. cap. 1 , & ferm. de Confessor. ; S. Hormisdas Pontifex epist. 6. ad Anastasium Antioch. ; Primasius in capp. 3 , & 5. epist. ad Galat. ; 5. ad Ephes. ; & 4. ad Hebræos ; Cassiodorus in Cant. cantic. cap. 7 ; S. Gregorius lib. 4. moral. cap. 31 ; lib. 7. cap. 13 ; hom. 9. in Ezech. ; 29. in Evang. , & epist. ad Francor. Reges Theodoricum , & Theo-

bertum ; S. Isidorus Hispal. de summo bono lib. 2. cap. 2 ; de differentiâ cap. 30 ; Apponius lib. 6. in Cant. ; V. Beda in cap. 16. Marci , & 1. Johan. ; S. Gregorius III. epist. 2. ad Germanos ; S. Zacharias epist. ad Pippinum ; Alcuinus lib. 1. in Johan., cap. 1 ; & lib. 1. de Trinite. cap. 1 ; Haimo in cap. 4. epist. ad Hebr. ; Angelomus lib. 3. reg. 7 ; lib. 4. reg. 13 ; Halitgerius lib. 2. de pœnit. cap. 3 ; Christianus Druthmarus in cap. 7. Matth. ; Rabbanus lib. 4. in Ecclesiasticum cap. 6 ; & in cap. 4. Esther ; Ratherius Veron. in Synod. ad Presbyt. suæ Diœcesis ; Remigius Antifiodor. in psal. 77 ; Radulphus Flaviac. lib. 15. in Levit. cap. 4 ; S. Anselmus enarrat. in Evang. Luc. 17 ; in cap. 3. ad Rom. ; & 5. epist. 1. ad Thessalon. ; Ivo Carnot. tract. de Sacram. Neophit. ; Rupertus in cap. 4. Micheæ , & 1. Apocal. ; S. Bernardus serm. 2. de resurrect. , serm. 11. de modo bene vivendi ; & serm. 24. & 68. in Cantica . Mitto ceteros legendos apud Coccium lib. 3. art. 2. Confer D. Thomam 1. 2. q. 83. 109. 114. 122. & 123 ; & 2. 2. q. 137. art. 4 ; Concilia item Troslejanum anno 909. cap. 15 ; Lateranense IV. cap. 1 ; & Tridentinum sess. 6. a cap. 5. usque ad 12 ; Cardinal. Pallavicinum hist. Concil. Trid. lib. 8 ; Concilia Bituricensis an. 1528. cap. 1. et seqq. ; Senonense an. eodem cap. 16 ; & Narbonense an. 1551. can. 1. in quibus hoc idem dogma contra Lutherum verbo scripto , & tradito stabilitum est . Mitto reliqua post Tridentinum celebrata , de quibus adeas superiorem artic. ubi de Conciliis particularibus actum est . Quid vero quod ex Protestantium grege Johannes Arndtius lib. *De vero Christianismo* bonorum operum necessitatem egregie defendit ! Contra quidem pugnavit in *Judicio Theologico* Lucas Osiander , sed enerviter adeo , ut succubuerit .

(33) Peccatum originale genus omne hominum infecisse , non imitatione ; sed prorogatione , ac in omnes propagatione transfusum , Traditio etiam est , cujus testes locupletissimi sunt hinc , & illinc Græci , & Latini Patres , ac Scriptores . E primis S. Iguatius epist. ad Trallian. ; S. Justinus in dialogo cum Tryphone ; S. Irenæus lib. 3. cap. 20 ; lib. 4. cap. 5. & lib. 5. capp. 17. & 19 ; Origenes hom. 3. in Cantic. ; hom. 8. & 12. in Levit. ; & hom. 14. in Lucam ; S. Athanasius orat. de Incarn. ; Didymus Alex. in cap. 7. Job. ; S. Cyrillus Hierosol. cath. 2 ; S. Basilius hom. in psal. 32. & in scholiis ad psal. 505 S. Gregorius Nazianz. orat. 14. 15. 38. , et 42 ; S. Gregorius Nissenus orat. 6. de Beatitud. ; S. Johannes Chrysostomus hom. ad Neophitos ; hom. de Adam , et Eva ; hom. 6. de prodit. ; hom. de orat. Dom. ; hom. 9. in Genes. ; hom. 10. ad Rom. ; et epist. ad Olympiam ; Severianus Gabalensis in cap. 2. Job ; S. Cyrillus Alex. lib. 1. in Genes. ; et lib. advers. Antropomorphitas cap. 8 ; Cassianus collat. 23. cap. 10 ; Theodoretus in psal. 50. et dialogo 3 ; Olympiodorus in cap. 9. Job ; Maxentius contra Nestorium ; Procopius Gazzus in Numer. fol. 387. et 390 ; Hefychius lib. 2. in Levit. cap. 6 ; et lib. 3. cap. 12 ; S. Johannes Damasc. lib. 2. orthod. fid. cap. 28 ; Theophylactus in cap. 5. ad Rom. ; Moyse Barcephas de Paradiso par. 1. cap. 19 ; Euthymius

Christo D., atque ut decebat, Virgine Deipara] infecisse, non equi-

thymius in psal. 50. Ex his surripere nobis conantur S. Chrysostomus Julianus olim, et deinceps Erasmus, Stapulensis; et Dallæus, quem quidem pelagianus ille Pelagii erroris instigulavit; Novatores autem illi contendunt a S. Chrysostomo assertam quidem corporis mortem ex Adæ peccato, non etiam animæ inquinamentum. Quinimo ex nostratibus non defuere, qui hominiam de Adamo, et Eva, ubi peccatum Originale liquido adstruitur, S. Doctori abjudicarent. Verum omnibus satis esse debuerat S. Augustinus, qui lib. 1. contra Julian. cap. 6. loca plurima a nobis supra prolata ex ipso Chrysostomo laudat contra Pelagianos. Origenem quoque nobis surripere enituntur Cocceus, et Hottingerus, contententes ejusdem homilias in Leviticum esse S. Cyrilli; imo ex nostratibus sunt, qui ejusdem commentaria in epistol. ad Rom. Ruffino potius ejusdem paraphrastæ adscribenda censent. Eito ergo Origenes Pelagianis præluserit, esto commentaria in epistol. ad Romanos Ruffini sint factus, at quis ignoret hominem, postquam in devia abripi se permisit, non sibi satis consentire? Contendimus tamen homilias in Leviticum Origenis germanum esse factum, nam, ut ait Bellarminus de Script. Eccles., ubi de Origenis libris judicium suum profert, et phrasim Origenis servant, et erroribus ejus scatent. Consentit Usserius in bibliot. Theolog. MS. Certe hom. 3. in Cantica; et hom. 14. in Lucam Origenis sunt. Deinde Origenem præformasse quidem Pelagii errorem circa gratiam concedimus, non etiam errorem circa originale peccatum. Confer Clariss. Huetum lib. 1. Origenianor., et Halloixium in apologia pro Origene apud Sixtum Senensem.

Age ad Latinos Patres accedamus, quorum ducit agmen Tertullianus lib. de pœnit. cap. 5; lib. de habitu muliebri cap. 1; lib. de anima cap. 40; lib. 1. adv. Marc. 3; et lib. 5. cap. 17; lib. de carne Christi capp. 16, et 17; et lib. de resurrect. carn. capp. 33, et 34; S. Cyprianus epistol. 55. ad Fidum, quam adferunt S. Augustinus lib. 1. contra Julian., et lib. 4. ad Bonifac. cap. 8, ac S. Hieronymus lib. 3. adv. Pelagianos; item de bono patientiæ; de jejuniis; et de passione Christi; Arnobius lib. 1. contra gentes; Rheticius Augustodun. de baptismo apud S. Augustinum lib. 1. contra Julian. cap. 3; Lactantius lib. de ira Dei cap. 20; et lib. 6. inst. cap. 13; Olympius Hispanus Episcopus in serm. quodam Ecclesiastico apud eundem S. Augustinum loc. cit.; S. Hilarius Pictaviensis in psal. 118. apud S. Augustinum; S. Ambrosius de Tobia cap. 9; in psal. 48, et 50. apud S. Augustinum loco laudato; in comment. Isaïæ; lib. 1. de pœnit. cap. 2; de mysterio Paschæ cap. 31; et in capp. 1, 2, et 15. Lucæ; Ambrosiaster in cap. 5. ad Rom.; et in cap. 4. ad Hebr., cujus commentarii auctor circumfertur Hilarius Sardus; S. Optatus lib. 4. contra Parmen.; S. Pacianus in parænesi ad pœnitentiam; Prudentius in Apotheosi; S. Hieronymus in 2. Michæ, in 3. Jonæ; in 47. Ezech.; et in psal. 39; Ruffinus in psal. 50, ex quo conjicere est ipsum cum Origene Pelagii errori quidem circa gratiam adhæsisse, non item errori circa peccatum originale; S. Augustinus, quem acerrimum Pelagianorum malleatorem, pec-

equidem imitatione transductum , sed prorogatione, ac in omnes

N 2

pro-

peccatique originalis adfertorem nemo nescit , lib. 14. de Civit. cap. 1 ; lib. 1. de peccat. merit. , et remiss. capp. 11. & 18 ; lib. de peccato orig. ; lib. de nuptiis , et concup. ; lib. adversus Pelagian. ; epist. 89 ; et 200. , alibi- que sæpe ; Philippus Presbyter lib. 1. in Job cap. 14 ; S. Prosper resp. ad cap. 1. object. Vincentinarum ; S. Hilarius Arelat. in Geues. ad Leonem ; S. Petrus Chrysologus serm. 3 ; Sedulius in cap. 5. ad Romæn. ; S. Cæsarius Arelat. hom. 2 , 3 , et 38. de Pasch. ; Gennadius Massil. de Eccles. dogm. cap. 39 ; Faustus Rhegiensis lib. 1. de lib. arbitr. cap. 2 , quos postremos duos Semipelagianos iccirco hic prolatos volui , ut exploratum sit nihil Semipe- lagianis commune de peccato originali cum Pelagianis fuisse ; S. Fulgentius de gratia Christi cap. 31 ; & de fide ad Petrum cap. 26 ; S. Avitus Alcimius lib. 1. de init. mundi cap. 1 ; Justus Urgelitanus in Cantica ; Primasius in capp. 5. & 7. epist. ad Romanos ; Cassiodorus lib. de anima cap. 15 ; & in psal. 50 ; Fortunatus lib. 9. ad Chilpericum Regem , & Fredegundam Regi- nam ; S. Isidorus Hispal. lib. 1. de summo bono cap. 1 ; S. Eucherius Lug- dun. lib. 1. in Genes. cap. 24. & lib. 3. Reg. cap. 5 ; Apponius lib. 3. in Can- tica ; V. Beda in 21. Levit. ; in 9. Marci ; & 1. Lucæ ; Alcuinus in psal. 4. & 7. penit. ; & lib. 5. in Johan. cap. 9 ; Autpertus lib. 7. in Apocalyp. cap. 15 ; Haimo in psal. 17. & 37 ; & in cap. 8. epist. ad Rom. ; Auditor altercat. cap. 5 ; Rabbanus in cap. 20. Exod. ; lib. 9. in Ecclesiasticum cap. 2 ; & lib. 4. de universo cap. 10 ; Remigius Antistodor. in psal. 18 , & 50 ; Ra- dulphus Flaviac. lib. 15. in Levit. cap. 1 ; & lib. 17. cap. 2 ; Fulbertus Car- not. epist. 1 ; Berno Augien. serm. de Ascens. Dom. ; Algerus lib. 1. de Corp. , & Sarg. Dom. cap. 1 ; S. Anselmus Cantuar. lib. de conceptu Virginali cap. 27 ; & in cap. 5. ad Roman. ; Rupertus lib. 2. in Genes. cap. 21 ; Hugo Victorin. tract. 3. de creat. capp. 11 , & 12 ; & in cap. 4. epist. ad Rom. ; S. Bernardus serm. in feria 4. hebdom. de Passion. Dom. Mitto ceteros , ne moroso lectori fastidium creem , quos legere est apud Coccium lib. 2. art. 2 , Gerardum Vossium , Nicolaum P'Herminier , Bouchatium , & alios . Unum , vel alte- rum dumtaxat heic indicabo , scilicet SS. Thomam , & Bonaventuram , illum quidem 1. 2. q. 81. art. 1 ; q. 82. art. 3 , & 4 ; & 3. part. q. 69. art. 1 ; illum vero par. 6. breviloquii cap. 7.

Accedunt cum Pontifices , tum Concilia . S. Siricius in epist. ad Hime- rium cap. 2 ; S. Innocentius I. in epist. ad Episcopos Synodi Carthag. , & Milevit. ; S. Zosimus in epist. tractoria ad totius Orbis Episcopos apud S. Aug- ustinum epist. 157. ad Optatum ; S. Cælestinus in epist. ad Nestorium ; ad Clerum Constantinopolitanum ; & ad Gallos apud Vincentium Lirin. commo- nit. cap. ultimo ; S. Prosperum adver. Collatorem ; & Phorium cod. 43 ; S. Sixtus III. in inscriptione ad fixa Baptistæ Basilicæ Constantinianæ apud Baronium , Binium , Labbeum , & Blanchinum ; S. Leo M. in epist. 86. ad Nicetam ; epist. 23. ad Clerum , & Plebem Constantinopolit. ; serm. 2. & 6. in Nativ. ; & serm. 7. de Jejunio 10. Mensis ; S. Gelasius in epist. ad Episco- pos

propagatione transfusum]: Purgatorium, ubi ii, quibus post obitum

pos Picens provincie; S. Gregorius M. lib. 4. moral. cap. 2; lib. 6. in 1. Reg. cap. 15; in psal. 4. poenit.; in cap. 25. Job lib. 2. cap. 10; lib. 5. epist. 14. ad Narsem, & lib. 7. epist. 53. ad Secundinum; S. Leo IX. in epist. 5. ad Petrum Antiochenum; Innocentius III. in psal. 4. poenitent.; & lib. 1. de contemptu mundi capp. 3. & 4; Urbanus IV. in Methaphrasi ad psal. 50; Concilia Diospolitanum, seu Palæstinum an. 415, quod tamen *miserabile* appellat S. Hieronymus epist. 79, eo quod errore facti deceptum Pelagium absolvit, quamvis ejus doctrinæ profecto non adhæserit; Carthaginense an. 416; Milevitanum eodem anno; Africanum plenarium dictum a S. Augustino, de quo consule Card. Norisium lib. 1. hist. pelag. cap. 12; Ephesium Œcumenicum can. 4; Arausicanum II. can. 2; Toletanum VI. an. 638. cap. 1; Florentinum in decret. union.; & Tridentinum sess. 5. can. 2, & 4.

Non me latet multis S. Scripturæ testimoniis probari Originale peccatum, non inficior, quin potius adsero, probantibus ad stipulor. Sed animadverto 1. a Pelagianis, ut a Juliano apud S. Augustinum, et Socinianis, ut a Fratribus Polonis, pleraque in sui erroris patrocinium e Scripturis sacris testimonia prolata fuisse, præsertim Ezech. 18, 3, 4, et 5; ad Rom. 4, 15; et 5, 15, 18, et 19; 1. Corinth. 15, 22; et 2. Corinth. 5, 10. Quibus omnibus respondit olim S. Augustinus lib. 6. contra Julian. capp. 10, 24, et 25; lib. 1. oper. imperf. n. 85; lib. 2. de nupt., et concup. cap. 27; et in epist. 157. ad Hilarium. Animadverto 2. ipsum S. Augustinum reprehensum aliquando fuisse, quamquam perperam, atque impudentissime, iecirco quod S. Scripturæ testimoniis abusus sit, ac ea adduxerit, quæ nullo modo pro peccato originali faciant. Ita Erasmus, et Clericus animadv. ad epist. 149. nunc 157. S. Augustini carpunt in ea locum ex epist. ad Rom. cap. 5. vers. 12, quem non satis efficacem ad revincendos Pelagianos effutunt; ita Hugo Grotius, et Gerardus Vossius lib. 1. hist. pelag. p. 1. thesi 2. carpunt locum ex cap. 17. Genesis 14; quasi illud male alleget S. Augustinus; illudque non ad pueros, sed ad adultos circumcisionem negligentes pertineat. Quin imo eò proceffit Nicolai I. Herminier tom. 6. pag. 29. audacia, ut argumentum S. Augustini ex cit. Genesis loco excerptum universæ Patrum traditioni illum locum ad circumcisionis præceptum referenti adversari affirmavit. Ita testimonium ex cap. 14 Job 4, a S. Augustino laudatum lib. cit. de Civit. cap. 26, alio modo interpretati sunt Fratres Poloni Socinianorum primipili, non secus ac psal. 10. vers. 7. Quin etiam post Erasmus adeo impudenter insurrexit in S. Augustinum Johannes Pheropponus, cui si larvam detrahas, ecce tibi audacissimum Clericum, animadv. ad epist. 157, et 176. S. Augustini, ut locum D. Pauli ad Rom. 5, 12. effutiverit perperam explicatum a S. Augustino; sanctumque Doctorem se se demonstrasse Apostoli proletarium (ideè plebejum, et pauperrimum) interpretem; locumque alterum ex 1. ad Corinth. 15, 22. ab eodem S. Augustino laudatum ad rem nihil facere subjunxit. Verum omnes jure optimo vapulant a doctissimo Berti lib. 13. de Theol. discipuli.

VINDICATA . ARTICULUS VII. PROLEG. 101

tum quippiam expiandum superest, (34) ad definitum tempus di-
re

discipl. cap. 1, ubi egregie S. Augstinum ab obtestatoribus istis vindicat testimonii catholicorum non modo doctorum, sed virorum imo inter Aca-
tholicos magni habitum Bezz. Grotii, Waltoni, Clarii, Zegeri, et Capelli,
de quibus in Polyglotis Londin.; & sacror. Criticor. tom. 7.

(34) Purgatorium extare, ubi ii, quibus post mortem aliquid luendum
superest, ad definitum tempus torqueantur, qui tamen fidelium precibus,
ac suffragiis juventur, & sublevantur, Traditio est, cui testimonium perhi-
bent 1. SS. Patres Græci, inter quos pseudo-Clemens lib.8. const. capp.41,
& 42; pseudo-Dionysius de Eccles. Hier. cap. 7. par. 2, & 3; Hermas apud
Eusebium lib. 5. hist. Eccles. cap. 8; S. Irenæus lib.1. cap.3; Origenes hom.6.
in Exod. 14. in Levit. 25. in Numer. 38; in psal. 38; hom. 12.
in Jerem.; & lib. 5, & 6. contra Celsum; Concilium Nicænum can. 65. Ara-
bico; Eusebius Cæsar. lib. 4. de vita Constant. capp.60, & 71; S. Athana-
sius orat. de Dormient.; & quæst. 34; S. Basilus in capp. 4, 6, & 9.
Isaie; S. Ephræm orat. contra superbiam; in parænesi 49, & in testamen-
to suo; S. Cyrillus Hierosol. cath. 5; S. Gregorius Nazianz. orat. 10; S. Gre-
gorius Niss. orat. de dormient.; & lib. de anima, & resurrect.; Timotheus
Alex. in resp. ad interrog. 14; S. Epiphanius hæz. 75; S. Chrysostomus hom. 32.
in Matth.; 61. in Johan.; 21. in Acta; 41. in 1. ad Corinth.; 3. in epist. ad
Philipp.; & 69. ad popul.; Palladius in hist. Lausica cap. 40; Sinefius
epist. 44; Atticus Constantinopolit. epist. ad S. Cyrillum Alex.; Cassianus
Collat. 2. cap. 5; Socrates lib. 5. cap. 25; Theodoretus in hist. SS. Patrum
capp. 1, & 5; in hist. Eccles. lib. 5. cap. 36; in cap. 3. epist. 1. ad Corinth.;
Basilus Seleuc. serm. de resurrect. Lazari; Diadochus de perfect. spirit.
cap. 100; Procopius in 6. Isaie; S. Johannes Climacus gradu 4; Leontius
in vita S. Johannis Eleemos.; Moschus in prato spirit. capp. 24, et 44; S. So-
phronius Hierosolim. in vita S. Mariæ Egyptiacæ; S. Maximus M. in respons.
ad Thalassium; et in cap. 7. Hier. Eccles. S. Dionysii Areopag.; S. Germa-
nus Constantinopolit. in Theoria; S. Johannes Damascenus orat. de defunctis;
Nicephorus Confessor can. 6; Anastasius Nicænus q. 20; Theophylactus in
12. Lucæ; Simeon Metaphras. in vitis S. Pachomii; S. Theodosii Cænob.;
et S. Eusebii; Œcumenius in cap. 3. epist. 1. ad Corinth.; Euthymius in pa-
noplia; et Evang.; Theodorus Balsamon in can. 4. Apost.; Pselus ad An-
dronicum Imp. cap. de exitu animi; Cabasilas in exposit. Liturg. capp. 42,
et seqq.; Græci in Conciliis Lugdunensi, et Florentino; in Synodis Constani-
tinop. an. 1642. cap. 18, et Hierosolym. anno 1672. cap. 18; Græci in quæst.
ad Cardinalem Guisianum q. 105; atque in professione fidei præscripta a Clemen-
te IV. apud Raynaldum ad an. 1267; Gennadius Scholarius de purgat. sect. 1,
et 7; Æthiopes Orthodoxi in confess. fidei apud Renaudorium.

Ad hos 2. Patres Latini, ex quibus Tersullianus lib. de corona Milit.
capp. 3, et 4; de anima cap. 35; de testimonio animæ cap. 4; de resurrect.
carnis cap. 43; et exhort. ad castit. cap. 11; S. Cyprianus epist. 58. ad An-
tonian.;

re torqucantur; qui interea piorum suffragiis possint adiuvari: cetera

tonian.; et epist. 66. ad plebem; S. Zeno Veron. serm. de resurrect.; Ar-
robis Senior lib. 4. contra gentes; Laſantius Firmian. lib. 7. instit. cap. 215;
S. Hilarius in psal. 59; S. Ambrosius orat. de obitu Theodosii Imp.; orat.
in obitu Satiri fratris, & epist. 8. ad Faustinum; Ambrosiaster in cap. 3.
epist. 1. ad Corinth.; Prudentius in Hamartigenia; S. Hieronymus in cap. 66.
Isaïæ; 1. Nahum; & 7. Micheæ; Rufinus in psal. 37; S. Augustinus lib. 2.
de Gen. contra Manich. cap. 20; lib. 10. de Civit. capp. 9, 13, 16;
& 24; et lib. 21. capp. 13, et 20; in psal. 37; serm. 32. de verb. Apost.; lib. 9.
Confess. cap. 12; & lib. de cura pro mort. capp. 3, & 4; Concilia Carthag. III.
cap. 24, & Carthaginense IV. cap. 79; Bachiarius de recipiendis lapsis;
S. Paulinus epist. 18, & 19; Philippus Presbyter in cap. 12. Job; Conci-
lium Vafense I. cap. 2; S. Eucherius hom. 3. de Epiph.; Sedulius in cap. 3.
epist. 1. ad Corinth.; S. Cæsarius Arelat. hom. in cap. 3. cit. epist.; Victor
Vitenfis lib. 2. de persecut. vandal; Boetius lib. 4. de consol. profa 4; Con-
cilium Valentinum cap. 4; Aurelianense II. cap. 15; Primasius lib. 5. in
Apocalyp. cap. 19; Martinus Bracarenfis de Græcorum Synodis cap. 69;
S. Gregorius M. lib. 3. dialog. capp. 39, 50, & 55; & in psal. penit. 1,
& 3; S. Isidorus Hisp. lib. 1. offic. cap. 18; S. Eligius hom. 8. ad Clerum,
& popul.; Theodorus Cantuar. in penitentiali; Concilium Toletanum XI.
cap. 12; S. Julianus Toletanus lib. 2. prognostic. capp. 10, 19, & 22; V. Be-
da in psal. 37; & in cap. 17. proverb.; S. Gregorius II. epist. 8. ad S. Boni-
facium; Alcuinus de offic. Eccles. cap. 39; Carolus Magnus lib. 6. Capitul.
cap. 195; Autpertus lib. 9. in Apocalyp. cap. 20; Haimo in psal. 6; in 1.
ad Corinth. capp. 3, & 6; & 28. Isaïæ; Walafridus de rebus Ecclesiæ. cap. 215;
Erismarus in cap. 34. Matth.; Amalarius lib. 3. de offic. Eccles. cap. 44;
Concilium Cabilonense cap. 39; Rabbanus in cap. 14. Ecclesiasticis; & 12. lib.
2. Machab.; S. Nicolaus I. ad consulta Bulgar. capp. 88, & 100; Johan-
nes VIII. epist. 204; Auctor altercat. cap. 11; Concilium Triburiense an. 895.
cap. 15; Regino Prumiensis in annalib. ad an. 888; & lib. 1. de disciplina
Eccles. cap. 190; Luitprandus lib. 4. cap. 7; Beruo Augiens. de offic. Missæ
cap. 16; & in epist. ad Burchardum; S. Petrus Damianus serm. de S. An-
drea; & de S. Nicolao; S. Gregorius VII. lib. 1. epist. 6; & lib. 5. epist. 103
S. Anselmus Cantuar. in elucidario; Ivo Carnot. epist. 198; Siegbertus in
Chron. ad an. 998; Hildebertus lib. de myst. Missæ; Odo Cameracensis in
exposit. canonis Missæ dist. 4; Rupertus lib. 3. in Genes. cap. 32; Honorius
Augustodun. in psal. 6; V. Petrus Cluniac. epist. 1, & 2. contra Petrobru-
sianos; & lib. 1. de miraculis cap. 23; S. Bernardus serm. 66. in Cant.; &
serm. de obitu S. Humberti; Hugo Victor. lib. 2. de Sacram. fidei part. 16.
capp. 4, & 6; Richardus Victor. tract. de iudicaria potestate; Magister
sent. in 4. dist. 21; Hugo Etherianus de regressu animar. capp. 1, 13, &
seqq.; Stephanus Eduensis de Sacram. altaris cap. 18; Innocentius III. serm. 1.
in festo omn. Sanct.; & in psal. 3. penit.; Honorius III. apud Gratianum de
celebr.

tera denique christiana dogmata, quae eorumdem in summam veniunt, a quorum ego retexendo catalogo abstineo, ne fastidium lectori vel liberali præter modum inferam; siquidem modo recensita

celebr. Missar. cap. *Quam Creatura*; Jacobus de Vitriaco lib. 2. vitæ B. Mariæ Ogniacensis cap. 3; Alexander Alensis ipar. 4. q. 8. mem. 3. art. 5; & q. 15. mem. 4. art. 4; Albertus Magnus in cap. 1. Lucæ; Hugo Cardinalis in cap. 3. epist. 1. ad Corinth. ; S. Thomas in 4. dist. 21. q. 1. art. 1; lib. 4. contra gent. cap. 91; & in addit. 3. part. q. 71. art. 3; S. Bonaventura par. 7. Brevisloquii cap. 2; Concilia Florentinum in decreto union. ; Senonense an. 1528. cap. 12; Moguntinum an. 1549. cap. 46; & Tridentinum sess. 6. can. 30; et sess. 25. in decr. de Purgatorio.

Accedunt Liturgiæ omnium Ecclesiarum, S. Jacobi Hierosolymitanæ; S. Marci Alexandrinæ; S. Petri Romanæ; S. Matthæi Æthiopæ; S. Basilii Cappadociæ; S. Ambrosii Mediolanensis; S. Basilii Syræ; S. Chrysostomi Constantinopolitanæ; SS. Leandri, et Isidori Mozarabicæ; Vulphilæ Gothicæ; S. Gregorii Illuminatoris Armenæ, aliarumque apud Assemanum, Renaudorium, Solerium, et Brunium, quas quidem præclaris illis nominibus subdititias esse censemus, venerandæ tamen antiquitatis notas præferre, ac præcæ traditionis testes esse locupletissimas affirmamus. De quibus in disertationibus de re Sacramentaria. Confer acta SS. Perpetuæ, et sociar. apud Ruinartium. Ad hæc usus perennis, Ecclesiæque praxis pro defunctis preces fundendi ad Deum, suffragia, ac Missas offerendi, cujus testes locupletissimi succurrunt Tertullianus lib. de coron. milit. capp. 7, et 4; et lib. de Monogamia; S. Cyprianus epist. 66; S. Ambrosius loc. supra laudatis; et S. Augustinus superius commemoratus; ut propterea Calvinus lib. 3. instit. cap. 6. eum usum non ausus negare, abusum maluit appellare. Accedit usus etiam oltanus celebrandi exequias, et mortuos sepeliendi, quorum mentio occurrit apud S. Paulinum in Epiphætio ad Pammachium; S. Hieronymum in epist. ad Paulam de obitu Blesillæ, et in vita S. Pauli Eremitæ; S. Augustinum lib. 9. Confess. cap. 12; et de cura pro mortuis cap. 4; S. Chrysostomum hom. 33. in Matthæ et colligitur ex Conciliis Bracaren. I. cap. 36; Triburiensi cap. 17; Moguntino cap. 52; et Melden. cap. 71; a quibus pro mortuorum sepulturis cautum est. Adhæc doctrinæ huic de Purgatorio Hebræos cum veteres, tum recentiores ostendit Iodocus Coccius lib. 7. Theauri de pœnit. art. 5. Muhamedanos, ac Muhametum ipsum in Alcorano azoara 5, 17, 39, et 46. Ex Novatoribus imo nonnullos, Lutherum in disput. habita Lypsiæ cum Echio; Melancthonem in apolog. confess. August. art. 221 aliosque, quibus adnumerat Vvicleffum dialog. lib. 2. cap. 22; et Johannem Hus in tract. de Corp., et Sang. Dom. cap. 4; et in ferm. de exequiis, Tournellius tract. de divin. attrib. q. 12. art. 2. Etiam Æthiopes olim, et nunc eadem doctrinæ de Purgatorio, imo de Indulgentiis adstipulari referunt Damianus Gnez in collect. historico. Hispaniæ tom. 2, ubi eorum fidei professionem exhibet; et Jobus Ludolphus in hist. Æthiopica lib. 3. cap. 11.

sua frugi cuilibet sufficere debeant, Traditione vel innotuisse, vel invaluisse adparet, inquam, adparet.

Quæ quum ita sint quanti ponderis, quantique pendenda sit SS. PP. traditio exploratum sit, ut propterea qua Catholici, qua Hæretici quoque magno in pretio illam habendam putarint. Hære hic tandem orationem meam oporteret, postquam diu, plurimumque extra præstitutos fines progressa, ac plusquam opus esset, vel prolegomeni ratio pateretur, fuit pervagata. Nisi quod lectorem liberalem rogare etiam, atque etiam liceat, ut pro ea, qua præstat humanitate, siquidem hætenus disputantem sustinuit, quatenus non ægre admodum ferat, si nondum ab hacce disputatione me resiliens accipiat. De Traditione disputans, fateor, nonnihil ab instituto meo digressus sum; fas mihi tamen sit factum id affirmare, non paginas implendi cupidine. At quam ob causam, quoque consilio id tandem, inquires, factum? Feci ex necessitate, ut firmiter traditionis articulo loco suo stabilito, fidentissime, quod verso argumentum, ex traditione susceptum superstruerem: feci ex rationabili causa, ut ducto per 24. dogmata catalogo commonstrarem eidem doctrinæ Ecclesiam Romanam jugiter adhæsisse; in eademque doctrina Ecclesiæ universæ tradenda sibi semper cohæsisse Patres: feci ex industria, ut collatis invicem testimoniis, tum quæ ad confirmanda præcipua fidei dogmata ex Patribus descripta sunt, tum quæ ad comprobandas peculiariter Romani Pontificis divinas prærogativas ex Patribus pariter decerpi possunt, dispiciat, dignoscat, dijudicet quisquis num ex æquo, non secus atque illi fidei articuli, sic istæ de Pontifice assertiones inconcussæ veritatis nomine in traditionis censum venire queant. Permittas ergo præconceptum sermonem penitus effundi: quod si ægre seras adhuc me affluere, hinc oculos, hinc manus averte, ad ea traiciens, quæ magis ad saporem faciant, magisque ad argumentum conformentur.

Observe itaque 1. sacram Scripturam tot tantisque interpretationibus subjacere, ac pati imo invicem pugnantes, ut non nisi traditione duce germanum, genuinumque ipsius detur assequi sensum. Ita namque circa ipsius intelligentiam cum a veteribus, tum a recentibus Heterodoxis in diversas sæpissime itum est sententias;

ac verius, ab utrisque erratum, ut ex hoc uno intelligere deberent, ac revera nonnulli intellexerint, Traditionis ad S. Scripturarum studium, & ad earum sensum obtinendum opus esse subsidio. Ita vero jure ac merito Ecclesia in Concilio Tridentino Scripturæ sacræ religioni cautum, consultumque jussit, ut in ipsius interpretatione præcipue, ac præ omnibus præ oculis Patrum traditio haberetur: quandoquidem ipsi Patres scripturas ipsas ex traditione potius, quam ex sententia interpretati; fidei dogmata item traditione magis, quam scriptura tutati sunt; hæreses, magis quam ex scripturæ, ex traditionis penu decerptis armis confoderunt, debellaruntque. Ita factitatum a S. Irenæo contra Gnosticos, Valentinianos &c; a Tertulliano contra Marcionem; a S. Hieronymo contra Jovinianum, Elvidium, Vigilantium &c; a S. Augustino contra Pelagium, Cælestium, Julianum &c., ut ex lib. 1. contra ipsum Julianum perspicuum sit, quo loci testimonia promit SS. Cypriani, Hilarii, Ambrosii, Chrysostomi, Rheticii, Olympii, & Hieronymi. Ita, ne longior sim, traditione adversus hæreticos dimicandum Epiphanius, Philastrius, Theodoretus, Vincentius Lirinensis &c. nos docent, qui traditione præsertim hæreses cunctas oppugnarunt, profligarunt, prostraverunt. Qui propterea in sacrarum Scripturarum studio parvi, aut minoris, quam par sit, Patrum sententias pendit, semper pessime audivit; eaque de re jure optimo, quod officio erga Patres eo in studiorum genere peccarint, vapulant Cajetanus a Cano; Simonius a Bossuetio, imo a Spanhemio; Erasmus ab Auctore lectionis Patrum; Launojus a Thierry; Thierry ipse, Launojus, Dupinus, Baillettus a Mabillonio, Petitdidierio, Bollandio, Honorato a S. Maria &c.

Observe 2. Novatores Patrum traditione oppressos consentire nobiscum de plerisque fidei dogmatibus; profiteri se imo, ac religioni ducere traditis a sex priorum sæculorum Patribus se probe acquiescere: nolle se vero Junioribus morem gerere, ut qui Scripturam sacram, traditionemque germanam adulterarint. Ea de re veteres imitati, quibus insolens non erat Sanctorum, ac Majorum auctoritate se, & errores suos obtegere, defendere, & excusare, conquisitis undique ex SS. Patribus testimoniis,

Part I.

O

iisque

iisque coacervatis in arenam descendere, iisque armis decertare. Ita enim, ut nonnulla exempla exhibeam, Crellius, & Volchel-
 Jius Sociniani nedum ex S. Scriptura, sed ex Traditione Patrum, scilicet Clementis Alex., Origenis, Tertulliani, S. Basilii, S. Hilarii, S. Gregorii Nazianz., aliorumque Filii, & Spiritus S. Divinitatem impetiverunt, & impugnarunt: qui tamen dignis vapulant a Tournellio, & Berti, aliisque in tract. de Trinitate. Ita de Ecclesiæ dogmatibus pugnantes traditione inter se se hærentes affirmant hi, negant illi. Purgatorii doctrinam scripturæ, & traditioni innixi ultro citroque amplexi sunt Wicleffus, & Huns; at contra eam debacchantur Calvinus, & Lutheri Symmiste non modo scriptura decertantes more Andabatarum, sed traditione; scilicet testimoniis S. Cypriani epist. ad Demetrian.; S. Cyrilli captech. 18; S. Chrysostomi in psal. 50; S. Ambrosii in 22. Lucæ; S. Augustini Enchirid. cap. 68, & de Civit. lib. 21. cap. 26; & S. Gregorii Nazianz. orat. 15: quos tamen refutant, & refellunt post Bellarminum Tournellius tract. de divin. attrib. q. 12. art. 2, ubi de Purgatorio; Cardinalis Gotti tom. 2. p. 1. art. 10, & alii. Ita peccatum Originale negabant Pelagiani testimonio quoque Patrum innixi, uti S. Chrysostomi Julianus apud S. Augustinum lib. 1. advers. ipsum; & pernegant Sociniani, Cocceus, & Hottingerus auctoritate suffulti Clementis Alex. lib. 3. Strom.; Tertulliani lib. de baptismo cap. 18; & de anima cap. 39; Origenis lib. 5. in epist. ad Rom., qua abuti apertissime ostendunt ex nostris Natalis Alex. hist. Eccles. ad sæcul. V. dissert. 21; Tournellius tract. de peccatis cap. 1; & Berti de Theolog. discipl. lib. 13. cap. 1. Ex Heterodoxis vero, qui contra pro peccato Originali pugnaut, Gerardus Vossius plura ex Patribus testimonia congerens, præsertim ex S. Irenæo lib. 3. cap. 20; lib. 4. cap. 5; & lib. 5. capp. 14, 17, 19, & 21; nec non ex Patribus laudatis a S. Augustino lib. 1. contra Julianum. Ita liberum hominis arbitrium post lapsum fatiscivisse effusierunt olim Manichæi, dein Novatores; ac nunc Jansenistæ effutire pergunt, ducti, ut inquit, præsertim non modo S. Scripturæ Jer. 10, 23; Johannis 6, 44; Johan. 8, 34; Johann. 15, 5; & 2. ad Timoth. 2, 26. testimoniis, quibus abutuntur; sed imo in sui erroris patrocinium advocantes S. Augustinum Enchiridii

cap.

cap. 30.; lib. 14. de Civit. cap. 11; epist. 154; lib. 1. Retract. cap. 15; lib. 1. oper. imperfecti cap. 15; & lib. 3. de lib. arbitr. cap. 18. quem tamen ab impaſto temere errore egregie vindicant doctiſſ. Natalis hiſt. Eccleſ. ad ſæcul. III. diſſert. 26; Tournellius tract. de Deo q. unica; Cardinalis Gotti de vera Chriſti Eccleſia tom. 2. p. 1. art. 7. §. 5, 6, & 8; ac Berti de Theol. diſcipl. lib. 16. cap. 3. Ita adverſus Gratia diviſæ neceſſitatem poſt Pelagianos, Semipelagianosque refricant Janſeniſtæ non ſolum ſacræ Scripturæ loca Lucæ 11; & Rom. 2, 7, & 8, ſed etiam S. Auguſtinum erroris participem agere lib. de ſpiritu, & litt. cap. 27, & epist. 130 non verentur; eidem ſuperaddentes Clementem Alex.; nec non SS. Juſtinum, Irenæum, Hilarium, Chryſoſtomum, & Optatum. Verum digna pro inverecunda temeritate recipiunt a Natali hiſt. Eccleſ. ad ſæcul. V. diſſert. 22. art. 2, Tournellio de Gratia; Berti lib. 15. cap. 4; Card. Gotti tom. 2. p. 1. art. 7; Thomaffino de Gratia, aliisſque de ſchola Theologiſ.

Quid quod Iconomachos imitati Novatores, præſertim Dallæus in SS. Imagines bacchantium more, & infania inſurrexerunt ex ſacra Scriptura non modo, ſed ex SS. Patribus quinque priorum ſæculorum conflatis textibus, atque ex poſterioribus ex S. Gregorio Magno, Patribus Conciliorum Francofordienſis, & Pariſienſis, Hincmaro, Agobardo, Jona Aurelianenſi, Dungallo, & Walafrido? Quos tamen omnes toto oſtio ab eo errore fuiſſe extorres oſtendunt Natalis ad ſæcul. IV. diſſert. 6; Tournellius de Incarn. q. ultima; Cardinalis Gotti p. 2. art. 15, & 16. §. 10, & ſeqq.; Bellarminus, Beccanus, aliiſque veteres, recentefque controverſiarum tractatores. Ita Sanctorum cultum, & invocationem non ſecus, ac olim Vigilantius, ſic dein Dallæus inter Calviniſtas præcipue pugnaciter ivit inficias accerſitis ex SS. Irenæo, & Cypriano; Clemente Alex, Origene, & Tertulliano; S. Gregorio Nazianz., & Ambroſiaſtro, ſive Hilario Sardo teſtimoniis: quibus tamen illum impudentiſſime abuti demonſtrant apertiſſime Natalis ad ſæcul. V. diſſert. 25.; Tournellius de Incarn. q. ultima; P. Hieronymus a S. Auguſtino de Eccleſia Militante controverſia 5. diſſert. 5; & Card. Gotti tom. 2. de vera Chriſti Eccleſia par. 2. art. 14. Ita ſola fide juſtificari hominem, & ſalvari

sine operibus bonis contendunt Calvinistæ, & Lutherani; præsertim Jenenses pseudo-Theologi, Flaccus, Hinchelmannus, Forbescius, & Vossius in pugnam pro suis partibus accersentes Patres SS. Hilarius, Basilium, Augustinum, & Bernardum: sed eorum temeritatem retundit doctiss. Berti de Theolog. discipl. lib. 19. cap. 7. Vide & Bellarminum, Beccanum, Valentiam, Valem-burgios, Gravinam, & Card. Gotti tom. 2. p. 1. art. 8, & 9. Ita Indulgentias irridendas propinant, & post Tertullianum negantem dandam veniam Mœchis, & Novatianum negantem dandam eandem homicidis, & Idololatri; postque Wicleffum, & Hus affirmantes inutiles, vanasque indulgentias, easdem affirmavit pro vivis, & defunctis inutiles Johannes Wesselus apud Lupum; inutiles pro defunctis Johannes Episcopus Chiemensis in libro inscripto *Onus Ecclesiæ* apud Eusebium Amort. hist. indulg. p. 2. sect. 1; & probare errorem suum enituntur, prior quidem auctoritate SS. Ambrosii, Hieronymi, Augustini, aliorumque Patrum, apud quos ne vola quidem de Indulgentiis; posterior vero auctoritate SS. Gregorii, Augustini, Hieronymi, & Chrysostomi perpetuo docentium peccatores debere præterita delicta, quibus Deum offenderunt, pœnitentia diluere, & delere, atque pro gravitate criminum pœnitentiam agendam prædicantium. Vapulant ii vero, meritoque a PP. Christiano Lupo p. 5. dissert. de Indulg.; & Eusebio Amort loco citato. Ita Monachorum institutum ex traditione improbare non puduit Chamierum, Spanhemium, Pice-ninum, aliosque e grege Protestantium impudentissimos homines, qui ausi sunt in sui erroris turpissimam defensionem advocare S. Athanasium in epist. ad Dracontium; S. Ambrosium in exhort. ad Virg.; S. Hieronymum in epist. ad Demetriadem; S. Isidorum Hispal. in Synonymis lib. 2. cap. de mendacio; S. Bernardum serm. 66. in Cant.; Patres præterea Concilii Nicæni I. can. 3; Nicæni II. can. 18; Gangrensis can. 4, & 17; & Illiberitani apud Gratianum 22. q. 4. can. *Definitio*. Sed pro meritis castigantur a Card. Gotti de vera Christi Ecclesia tom. 2. p. 1. art. 5; Bellarmino, Helloto, Semerio, aliisque Monachorum Vindicibus. Ita jejuna Ecclesiastica, ne dum cum Montanistis confundere Calvinistæ apud Dallæum contendunt, sed ex Scriptura 1. Corinth. 10; 2. Col.

Colloſs.; 1. Timoth. 4., & Matth. 15; ſed etiam ex traditione Majorum S. Auguſtini, Juliani Pomerii, S. Iſidori Hiſpal., Theodoreti, Euſebii Cæſare., Sozomeni, S. Epiphanii, Socratis, S. Leonis, S. Chryſoſtomi, S. Gregorii Turon., Viſtoris Antioch., Caſſiani &c. damnanda conclamant. Eorum cavillationes, calumniasque exceperunt, ac penitus proſtigarunt Thomaffinus in tract. de jejun.; Natalis ad ſæcul. II. diſſert. 4; Gotti tom. 2. pag. 1. art. 6. §. 5, aliique de ſchola Theologi.

Quid plura Sacramentum poenitentiae impugnare Patrum teſtimoniis aduſus eſt Dallæus, nihil non auſus pro ſua audacia, præſertim SS. Gregorii Niſſeni, Chryſoſtomi, Hilarii, Baſilii, Ambroſii, Auguſtini, Maximi Taurinen., Caſſiani, Juliani Pomerii, Bedæ, & Marci Eremitæ: poenas tamen temeritatis dedit Morino, Juvenino, Natali ad ſæculum XIII, & XIV, Boilleau tract. hiſt. de poenit.; & Tournellio de poenitentia q. 6. Ita contra Chriſti Domini præſentiam in Euchariſtia repugnantibus, eademque propugnantibus Rochyſana de Sacram. cap. 12; Wicleſo 4. dialogor. cap. 7; Luthero ad cap. 47. Genef., ſerm. de præparat. ad mortem; ſerm. de triplici juſtitia; & contra Articulos Lovanijenſium; Brentio in apolog. confeſſ. Wirtemberg.; Kirchnero in theſauro fol. 586; Eraſmo lib. adverſus Leopoldi librum inſcriptum: *Eraſmi, & Lutheri opiniones de Cæna Domini*; & lib. 19. epiſtolar. epiſt. ad Pellicanum; Salomone Glaſſio lib. 2. tract. 2. ſeſtione 1. articulo 2; Hornejo in compend. Theolog. pag. 408; Grabbio in adnot. ad cap. 2. lib. 5. S. Irenæi adverſus hæreſes; Scultingo in confeſſione Hieronymiana, aliisque Lutheranis; blaterant, pugnant, bacchantur, Albertinus, Blondellus, Larroquius, Salmaſtus, Allixius, Clericus, aliique Calviniſtæ, aut nullius religionis homines invicem contendentes de ſcripturæ ſenſu, atque in ſui erroris patrociniū audaciſſime producentes SS. Gelafium, Juſtinum, Irenæum, Cyprianum, Origenem, Tertullianum, Euſebium, Hilarium, Epiphanium, Chryſoſtomum præcipue; Auguſtinum præſertim, Ambroſium, Hieronymum, Cyrillum Alex., Heſychium Hieroſol., Facundum Hermianenſem &c., ut vix ſit reliquus, cui erroris ſui perſonam non impoſuerint: quos tamen pro meritis plurimis caſtigant Bel-
Jar.

larminius, Perronius, Coeffetellus, Arnaldus, Renaudotius, Jacobus Boileau in disquisit. de Sang. Christi post resurrect. ; Natalis ad sæcul. XI, & XII. dissert. 12; Bossuetius in hist. variat. , & lib. de Communione ; Tournellius de Euchar. q. 2. arr. 4; & Got- ti de vera Christi Ecclesia tom. 2. p. 2. art. 12. Ita dogmata transubstantiationis, Sacrificii missæ, & Communionis sub una tantum specie non alio ferme argumento impetunt, & impugnant Lutherani, & Calvinistæ, nisi quod novitia sint dogmata; quod nullibi tradita ante Innocentium III. a Patribus antiquis legantur: atque quidem dogma transubstantiationis Cyrilli, Augustini, Eusebii Cæsareensis, Theodoreri, Theophylacti auctoritati adversari Simplicius Verinus (is est Salmasius) obgarrit. Quid similiter adversus idem dogma pro sua impudentia Johannes Tillotson non obtrudit? Quibus tamen os obstruunt Theologi nostrates, quos ad calcem dogm. 7. cum laude commemoravimus. Ita Blondellus in apologia pro sententia, ut falso putat, Hieronymi de primitiva Episcopi, & Presbyteri æqualitate, in qua sectatorem habuit Grogium de imper. summ. potest. cap. 11., Episcopo Presbyterum æqualem contendit traditione veterum Clementis, Hermæ, Justinî, Papæ, Irenæi &c. Vapulat vero a clariss. Mamachio orig., & antiq. christ. lib. 4. cap. 4. §. 2; a doctiss. Blanco de potest., & polit. Eccles. tom. 3. lib. 1. cap. 2; & Chardono hist. Sacram. tom. 3. lib. 2. capp. 1, & seqq. Confer Petavium, & Hallerium de Eccles. hierarchia.

Observo 3. Acatholicorum multos sanioris mentis Religio- nis christianæ dogmata nonnulla defendisse ex Traditione non modo, sed sacræ imo Traditionis doctrinam a suorum calumniis diserte vindicasse, ac defendisse. Ea de re Johannem Clericum iniquissimum, si quis alius, erga Patres, ac præsertim S. Augusti- num, plurimis acerbe excepit Caveus in dissert. de Eusebii Ariani- smo. Er sane quis æquanimiter ferar hominis profligatissimi impu- dentiam, qui eò processit, ut commiseratione dignos diceret SS. Ju- stinum, & Irenæum, si Grotio, & Hammondo comparentur; aliosque ita conerneret, ut quisque recti, verique æstimator Clericum insaniisse potius, quam cogitasse facile dixerit? Petrus Molinæus Patribus insensissimus, qui eò impudentiæ devenit, ut
S. Cy-

VINDICATA. ARTICULUS VII. PROLEG. 111

S. Cyprianum Anabaptistis adnumeraret, acerrimæ calumniæ reprehensionem meruit a Salmasio, Casaubono, & Johanne Fello, qui præfatione in opera S. Cypriani ab se adornata erga Patres, ac præsertim S. Cyprianum maxima se ferri reverentia profiteretur. Dallæus, qui furentium more, aut phreneticorum Patres insectatus est, ab Anglicanis Episcopalibus præsertim, Presbyterianis paullo æquioribus, pro meritis castigatus est; ac præ aliis a Scrivenero in apologia Patrum adversus ipsum adornata plurimis vapulat. Rivetum, alterum plane nebulonem Patribus infestum, gravissime increpat ea de re Grotius in animadversionibus adversus eundem Rivetum, & in discussione Apologetici; qui perinde in annotatis ad consultationem Cassandri pro communione sub utraque specie S. Scripturas facile in contrarium sensum detorqueri Patrum traditione neglecta affirmat; Protestantessque arguit, quod in scripturis enucleandis traditionem rejiciant. Unde, inquit, *tot & tam gravia inter ipsos dissidia, & quotidiana divortia*: Catholicos laudat, quod scripturas sacras ad amusementum traditionis interpretentur, atque ita subdit, *Stat omne verbum in duobus testibus; in scriptura, & in traditione, quæ mutuo facem sibi allucent*. Isaacus Pereyrus suum Præadamitarum systema, una cum secta Calvinii ejuravit traditione SS. Patrum impulsus, ac permotus, ut ipsemet testatur in epistola anno 1657. ad Philotimum inscripta, ac in libello supplici, quem Alexandro VII. Pontifici Maximo porrexit, ad calcem præfatæ epistolæ adnexo, quo inter alia sic fatur: *Fateor coram sanctitate vestra, tanquam coram Deo, cujus imaginem sanctitas vestra gerit in Ecclesia Dei, me non latuisse hypothesim, quæ mihi venit in mentem de primis hominibus ante Adamum conditis, diversam penitus abuisse ab opinione SS. Patrum, nec non aberravisse a toto Orthodoxorum canone Conciliorum, tamquam doctrinæ Christianæ fabricam de homine lapsa, & redempto fundatam fuisse a Patribus Concilii super hypothesim de Adamo primo omnium hominum formato, a quo deinceps totum genus humanum derivatum, ac propagatum esset*. Jacobus Usserius, imo ipsemet Andreas Rivetus apud Natalem, seu Bonaventuram Argonensem de vera methodo legendi Patres cap. 2, in eos jure invehuntur, qui priscis Patribus succensent, ac injuriis illos afficiunt.

Ex

Ex traditione, cui ipse subscribit, S. Petro innotuisse Angelorum lapsum scribit in ipsius D. Petri epist. 2. Thomas Smith. Ex traditione, cui ea in re consentit, Judæis Trinitatis mysterium innotuisse asserit in hist. Judæor. Jacobus Basnagius. Ex traditione S. Paulum edoctum de Johannis, & Mambris Magorum Pharaonis nomine affirmant Drusius, & Grotius. Ex traditione, cui ea in re assentitur, sacræ Scripturæ libros in Ecclesia recipi fatetur Jacobus Piceninus. Universim SS. Patribus deferendum fore, & Traditiones Majorum non parvi pendendas veritate aliquando edocti falsi sunt Heterodoxi. Lutherus in epist. ad Marchionem Brandeburgensem diu, multumque hæsit antequam Patrum auctoritatem exploderet, atque horrendum quidem, ac periculosum principio affirmabat aliquid æquis auribus accipere, quod universæ majorum doctrinæ adversaretur. Calvinus apud Frontonem Ducem in *Antitheseon Augustini, & Calvini*, quidquid sciret, doceretque, illud Ecclesiæ Patribus, præsertim Augustino, (sicut postea præstitit Jansenius), acceptum retulit: sicuti vero a Græcis Patribus recessit, aut eos etiam repulit, iccirco se facere dixit, ut iis Latinis sufficeret. Ita jam olim Ariani, (quorum calumniam recoquunt nunc Sociniani, quodque mirari adhuc magis subit, Socinianis obloquendi occasionem præbuit doctis. Petavius lib. de Trinit. plurimam operam conferens, ut planum faceret ante-Nicænos Patres ab Arianis, aut re, aut loquendi modo multum non abluisse), Ariani, inquam, ante-Nicænos Patres sui erroris participes agebant, quos tamen vindicat vel Bullus Anglus Presbyter. Idem Calvinus contra Albertum Pighium de libero arbitrio non difficulter se cum Pighio in ea de traditionibus contentione consentire profitetur, si modo Ecclesiæ traditionem ex certo, & perpetuo Sanctorum, & Orthodoxorum consensu demonstraret. Philippus Melancthon in epist. ad Fridericum Myconium *Neque vero*, inquit, *tutum est a communi sententia veteris Ecclesiæ discedere*: & in epist. ad Johannem Cratonem gemina habet obsequii erga Ecclesiæ Patres, speciatim vero erga Irenæum, Tertullianum, & Augustinum, quos Magistrorum, Ducumque loco haberi vult, resertissima. Brentius apud Lindanum lib. 1. panopl. capp. 3, & 4. de traditione identitatis

Scri-

S. Scripturæ differens, *Hanc Traditionem*, inquit, *affirmamus certam, firmam, & indubitatam, imo necessariam, & omnibus modis amplectendam*. Idem concedunt Chamierus lib. 3. cap. 3; Zanchius thes. 1; & Kemnitius apud eundem Lindanum lib. 1. cap. 13. laudans illud Apostoli: *Tenere Traditiones*. Marloratus in 2. ad Thessalon. cap. 2. *Agnosceimus nos, ait, Traditiones Apostolicas, non minus recipiendas esse, quam scriptas epistolas*.

Observo 40. Hæreticos, qui suo in luto hæerere maluerunt, erroribusque pertinaciter adhærere, quibus semel imbuti fuerant, traditionibus fuisse insensissimos. Fuerunt ii vero ex antiquis Basilidiani, Gnostici, Cerinthiani, Valentiniani, & Marcionitæ apud S. Irenæum lib. 3. cap. 2, & Tertullianum lib. de præscript., a quibus refutati sunt. Deinde Donatistæ apud S. Augustinum de unitate Ecclesiæ cap. 9, & S. Optatum Milevit. lib. advers. Parmen., a quibus sunt repulsi. Ariani testimonio S. Hilarii lib. contra Constant.; S. Epiphaniæ hæ. 69, & 73, & S. Augustini lib. advers. Maximinum, a quibus prostrati sunt. Macedoniani, & Eunomiani, ut liquet ex S. Basilio lib. de Spiritu S. cap. 27, qui illos exagitavit. Acriani, ut liquet ex S. Epiphaniæ hæ. 75, qui ipsos exulsiavit. Eutychiani, ut constat ex act. 1. Concilii Chalcedonensis. Nestoriani, ut adparet ex Concilio Ephesino, atque ex Basilio Ancyrano in confess. cathol., quæ extat act. 1. Synodi VII. Pelagiani apud S. Augustinum lib. de nat., & grat. cap. 39, qui illos penitus profligavit. Apostolici sæculo XII. teste S. Bernardo serm. 66. in Cant.; Wiclefistæ sæculo XIV. teste Thoma Waldensi lib. de doctrina fidei cap. 19. Lutherani, & Calvinistæ sæculo XVI; atque ex hisce pestibus præcipui Traditionibus bellum indixere, atque in Patres debacchati sunt Kemnitius, Dallæus, Georgius Callistus, Claudius Salmasius, Andreas Rivetus, Samuel Basnagius, Johannes Clericus, Johannes Barbeyracius &c., contra quos acie instructa processerunt, pugnarunt, ac prostraverunt Kemnitium quidem Guilhelmus Lindanus in libr. strom.; Dallæum Nicolaus I^r Herminier tom. 8; Rivetum Natalis ad sæcul. II. dissert. 16; Barbeyracium Ceillierius; Basnagium Bachinius in epistolis polemicis; aliosque alii, de quibus paullo post. Isaacius Beausobrius in sua defens.

Part I.

P

doctr.

doctr. Reformat. quó audaciæ non processit, homo ad audendum projectus? Parum habuit Patrum textus detruncare, qui nihil conferrent suo systemati quam imprudenter excogitato, tam impudenter ibidem exagitato de perenni in Ecclesia Protestanti successione, quod invictò Catholicorum argumento ex perpetua in Ecclesia Romana Pontificum successione deducto opponere volebat, parum id, inquam, habuit homo pro quodlibet audendi libidine, nisi frequens putidissimi mendacii Patres vir effrenis, ingenique efferati coargueret. Non id vero mirum de viro, qui post Thomam Hydde, & Petrum Bayle specioso sub symboli nomine Manichæismum instaurare non erubuit. Eum tamen dignis excepit doctis. Cacciarì in sua accuratissima Manichæismi historia præfixa tom. 1. novæ edit. oper. S. Leonis Magni. Aliud consilium inivit Thomas Jamesius, ut luadere potius eniteretur Patrum textus passim in editionibus inique fuisse interpolatos. Verum expeditius Protestantium alii profligatissimi existimarunt Patrum textus interpolare potius, quam interpolatos causari: atque ita ab illis frequens factum, a Calvinistis quidem adversus Mornæum Dupleßium ostendit David Perronius, a Lutheranis autem in libro inscripto *Papatus A catholicus* adversus Jacobum Hailbronerum demonstravit Jacobus Cellarius. Adversa denique fronte Protestantes alii, qui tam impie, quam impudenter contra Patres pugnant, cedo, quibus nam pugnant argumentis? Pugnant præcipue Scripturæ sacræ, nec non ejusdem traditionis testimoniis, de quibus impræsentiarum nihil dicam, quum abunde hisce satisfecerint Scholastici nostrates mox laudandi.

Pugnant 1. igitur Traditioni contraria ab Ecclesia Romana doceri, & credi. Ita enim B. Virginem omni vel levissima culpa, quæ propria actione, & voluntate committitur, omnino caruisse Ecclesia docet, & definivit in Concilio Tridentino sess. 6. can. 23. Oppositum tamen tradiderunt, aliquodque in veniale peccatum incurrisse Deiparam adseruerunt S. Irenæus lib. 3. cap. 18, nunc 16; Tertullianus lib. de carne Christi cap. 7; & lib. 4. contra Marc. cap. 19; Origenes hom. 1. in Genes.; & 17. in Luc.; Ammonius in Evang. Johan.; S. Cyprianus serm. de passion. Dom.; S. Achanasius orat. 4. contra Arianos; S. Gregorius Nissenus
 orat.

orat. in illud 1. Corinth. 15, 28. *Quando sibi subjecerit omnia*; S. Chrysostomus hom. 4. in Matth.; 20. in Johann.; & in psal. 63. V. Beda hom. super *Misus est*; Theophylactus, & Euthymius in 1. Lucæ. Eandem B. Virginem absque peccato originali conceptam fuisse sententia est in Ecclesia jam obtinens, quam piam vocant Pontifices, juxta quam Ecclesia festum diem in ejusdem honorem celebrat, cuique favet Tridentina Synodus sess. 5. Contra tamen, ajunt Erasmus, & Rivetus lib. de Patrum auctoritate post Kemnitium in exam. Concil. Trid. sess. 5, B. Virginem peccato Originali fuisse obnoxiam, eoque inquinatam affirmant S. Irenæus apud S. Augustinum lib. 1. contra Julian.; S. Cyprianus in epist. de baptizandis parvulis; S. Olympius Episcopus Hispanus; S. Gregorius Nissenus lib. contra Novatianos; S. Basilii lib. contra Manichæos; S. Chrysostomus hom. ad Olympiam; S. Hilarius lib. de Trinit.; S. Ambrosius in Isaiam; lib. de Noe, & arca, & in psalm. 118, quorum loca profert S. Augustinus lib. 1, & 2. contra Julian.; S. Hieronymus lib. 2. contra Pelagium, & in epistolis ad Laurentium, & ad Dulcitium; S. Augustinus lib. 1. de nupt., & concup. cap. 12; lib. 2. contra Julianam cap. 9, epist. 57, & alibi; S. Fulgentius lib. de Incarn. cap. 6; S. Remigius in psal. 21; S. Maximus serm. de assumpt.; S. Isidorus Hispal. lib. 1. sententiar. capp. 12, & 14; V. Beda in 1. Lucæ, & super *Misus est*; S. Anselmus lib. 2. *Cur Deus homo* capp. 15, & 16; S. Bernardus epist. ad Canon. Lugdunens., & alii.

Quid quod Angelos incorporeos esse Ecclesia docet, definitque in Concilio Lateranensi IV. cap. *Firmiter de summa Trinitate*? Angelos nihilominus non esse corpore omnino expertes perhibuere Græci Patres, & Latini apud Suarez lib. 1. de Angelis cap. 6; Vasquez, aliosque, e quibus S. Justinus in dialogo cum Tryphone; Athenagoras in apolog.; Origenes lib. 1. de princip. cap. 6, lib. 2. cap. 8, aliisque in locis; Clemens Alex. lib. 8. Strom.; Tertullianus lib. de cultu scæmin. cap. 10; Lactantius lib. 2. Instit. cap. 14, qui Angelos mulieribus commixtos affirmarunt: S. Basilii lib. de Spiritu S. cap. 16; S. Cyrillus Alex. lib. 9. in Johann.; S. Macarius hom. 4; S. Augustinus lib. 21. de Civit. cap. 10; Johannes Thessalon. 2. 5. Concilii Nicæni II; S. Bernardus lib. 5.

de confid. cap. 4; qui Angelos corporibus aereis præditos putarunt: S. Hilarius in cap. 5. Matth.; Cassianus collat. 7. cap. 13; S. Gregorius Nazianz. lib. 2. de Theolog.; S. Fulgentius lib. de Trinitate; & S. Gregorius lib. 2. moral. cap. 12, qui omne creatum esse corporeum docuerunt. Ita ante Mundi exitum nullum futurum millenarium Christi, & Sanctorum in terris regnum credit, & docet Ecclesia, quod tamen futurum ex adverso olim docuere S. Papias apud Eusebium lib. 3. hist. Eccles. cap. 32; S. Justinus in dialogo cum Tryph.; S. Irenæus lib. 5. cap. 32; Tertullianus lib. de spe fidelium apud S. Hieronymum in cap. 36. Ezech.; & lib. 3. advers. Marcion. cap. 24; S. Victorinus Pitabionensis apud S. Hieronymum de scriptor. Eccles.; Lactantius lib. 7. instit. capp. 24; & 26; & Severus Sulpitius in dialogo, cui titulus *Gallio*, apud eundem S. Hieronymum.

Pugnant 2. Traditionem ex SS. Patribus difficillime, quin imo nullo modo hauriri posse; quandoquidem ipsorum libri perierunt; vel ipsis alii suppositi sunt; vel ex conscriptis ab ipsis, vix certi aliquid dogmatis exculpi potest; vel in eodem dogmate adstruendo vix inter se, ac sibimet Patres in libris constant, & coherent. Porro tribus primis Ecclesiæ sæculis, (ita enim oblatrat Dallæus lib. 1. de vero Patrum usu,) pauci fuerunt, qui libris conscribendis operam dederint, eorum vero, qui dederunt, pauca admodum ad nos pervenere; sive temporis nulli parcentis injuria; sive hæreticorum omnia pervadentium malitia pars major intercedit, quorum vix nomina supersunt, opera vero periere: ita S. Papiæ quinque libri; Quadrati, & Aristidis apologiæ; Castoris Agrippæ opus contra 24. libros Basilidis hæreticis Hegesippi 5. libri; Melitonis Sardenis; Dionysii Corinthii; Apollinaris Hierapolitani opera; Pinyti Cretensis epistola; Philippi, Musani, Modesti, Panthæni, Rodonis, Miltiadis, Apollonii, Serapionis, Bachylli, Polycratis, Hippolyti, Julii Africani, Dionysii Alexandrini, aliorumque. Item Patribus pleraque supposita fuisse exemplo sunt Liturgiæ nominibus sacris SS. Petri, Jacobi, Matthæi, Johannis, Marci, Clementis &c. inscriptæ. Decretales etiam Romanis Pontificibus ante S. Siricium adfertæ, atque ab Isidoro Mercatore confarcinatæ.

Quid

VINDICATA . ARTICULUS VII. PROLEG. 117

Quid plura ? Patrum , & Pontificum libros , Conciliorum canones , Scripturæ imo sacræ textus innumeris interpolationibus fuisse fœdatis exploratum est , ut singula recensere supervacaneum sit . Præterea non facile patere , intelligentiaque assequi posse scripta Patrum , cujus rei multiplex ratio est , & causa : tum quod linguis , idiotisimis , dialectisque diversis usi sint ; unde difficiles , spinosæ , ac diversæ admodum occurrunt locutiones : tum quod quoties Ethnicis , & Cathecumenis coram de mysteriis , ac Religionis dogmatibus agerent , disciplinæ arcani studentes , obscure loqui , ac locutiones obtegere metaphoris , allegoriis , figurisque affectarent : tum quod nondum ea tempestate motis de verborum significatione in rebus religionis controversiis , quæ post ab Sabellio , Ario , Macedonio , Nestorio , Eutychete , Pelagio , &c. excitatæ sunt , vel de illis obscure admodum loquerentur , vel admodum libere . Etsi vero daretur Patrum sensum , & locutiones facile assequi nos posse , parum id operi præstare : nam de innumeris , qui nunc in Ecclesia adstruuntur , articulis , de uno , aut altero vix disseruerunt prisci Patres : de quibus vero disseruere , satis nec significant an eadem articulis deputanda ; an precise inter privatorum opiniones adnumeranda sint .

Pugnant 3. Traditioni Patrum fidere periculi rem plenam esse : nam ut fidere possimus , duo saltem explorata esse deberent ; eos cum sui temporis Ecclesia sensisse ; eosdemque semper in vera , rectaque sententia mansisse : utrumque vero horum admodum ambiguum , imo a veritate abhorrens . Principio enim sicuti Patrum , sic et Ecclesiarum variæ opiniones . Ita enim libros Sapientiæ , Ecclesiastici , Machabæorum , Judith , & Tobix in sacræ Scripturæ canone Laodicensis Synodus suppressit ; e contra in canonem retulit Concilium Carthaginense III ; unde de iis libris aliud Syri , aliud Africani sentiebant . Est & aliud , de quo a Latinis Syri dissentiebant , nempe de Apocalypsi , Epistolis 1 , & 2 . S. Johannis ; nec non epistola S. Judæ Apostoli , quæ propterea desiderantur in editione novi Testamenti Syriaca adornata a Widmanstadio . Ita Asiæ minoris Ecclesiæ Pascha Luna 14 . celebrandum pugnant : Romana e contra . Ecclesiæ Cappadociæ , Ciliciæ , Galatiæ , & Africæ baptismum probabant , quem Romana Ecclesia im-

improbavit. Sabbato jejunare fas esse docebat Ecclesia Occidentalis; nefas autem Orientalis: ista iterum in fermentato conficit, illa in azimo: ita de innumeris, quæ coacervat sine delectu Dalaus lib. de vero Patrum usu. Quæ vero adversus Patres conglomerat non alio, nisi obloquendi, & obtrectandi animo post Placetæum tract. de consc. lib. 2. cap. 16, post Bernardum in suis ephemerid. litter. mens. Septemb. an. 1704, post Buddæum in hist. juris natur., & post Clericum in biblioth. univers. tom. 16, Barbeyracius Groningæ professor, atque Protestantium homo profligatissimus in præfat. juris natur., & gent. Puffendorffii, & in tract. moral. Patrum, sunt fere hujusmodi, scilicet: Patres in iisdem fidei capitibus non semper perstitisse, sed & alios aliis adversatos plerumque in pluribus: errasse eos sæpe in humanis scientiis: perraro admodum ab illis actum de rebus morum; neque perraro tantum, sed & pessime, nam in re morum eos sacra Scriptura abusos: regulas juris naturæ commiscuisse cum jure positivo: regulas etiam servatu impossibiles præscripsisse: ac tandem ab regulis morum turpissime aberrasse. Hoc postremum demonstrandum suscipiens, plurimorum illos accusavit: præcipua hic referemus. Igitur.

Accusat 1. allegans Dupinum tom. 1. biblioth. Auct. Eccles. pag. 65. edit. Batav., Athenagoram, quod apolog. cap. 28. secundas nuptias damnarit, & honestum adulterium appellarit. Accusat 2., Dupinum pag. 86, & Clericum tom. 10. bibliot. laudans, Clementem Alex., quod lib. 6. Strom. cap. 9, docuerit Christianum perfectum immunem fore ab omni passione, etsi innoxia; Christum Dominum motui ullo doloris, aut voluptatis non fuisse obnoxium: & lib. 6. cap. 14. idololatriam excusaverit, ajens Deum idololatriæ dedisse Solem, Lunam, & Astra, ut eadem adorarent, medioque eo cultu ad Deum adurgerent. Accusat 3., Clericum sectatus tom. 12. bibl. pag. 215, & seq., S. Cyprianum, quod post baptismum dimissa uxore cælibatum servare maluerit: quod juri naturæ vim fecerit, docens tract. de bono patient. fratrem non resistere fratricidæ: quod in epist. 69. Puppiæ in insolentia damnarit, eo quod ipsum Cyprianum pro legitimo Episcopo non agnosceret; ex quo conqueritur se a sex an-

nis non potuisse sacramenta conferre, nec lapsos ad pœnitentiam recipere. Ex quibus S. Cypriani verbis cum Clerico hoc concludit: salutem populi pendere a valore electionis Episcopi. Accusat 4. Lactantium, quod lib. 5. divin. instit. cap. 17. scripserit viro justo non licere bellum, aut negotium: quod lib. 6. cap. 18. docuerit non licitam esse usuram; & cap. 20. nec licitum accusare alium crimine capitali.

Accusat 5. post Clericum biblioth. tom. 15, & Fleurium hist. Eccles. tom. 3. S. Basilium, quod epist. 2. ad Amphilocho. can. 43. asseruerit homicidam esse cum quoque, qui se defendens alium occidisset; & can. 26. melius esse, magisque expedire, ut separentur, qui mœchati sunt, quam eos matrimonio copulare: quod in epist. ad S. Gregorium contra Evangelium docuerit Monachum debere tristem se exhibere, caput habere neglectum, & vestem incomptam: quod hom. de legend. Græcis dixerit christianos arceri debere a litigiis, & juramentis. Accusat 6. cum Clerico tom. 18. S. Gregorium Nazianz., quod orat. 46. prædicarit non permittendos hæreticis conventus: quasi id esset, inquit, eorum doctrinam approbare. Accusat 7, post Dallæum, & Bayle dict. V. *Sara*, S. Ambrosium, quod lib. 1. de Abraham scripserit adulterium ante Evangelium non fuisse prohibitum: quod lib. de Tobia capp. 3, & 15. scœnus omne, usuramque condemnarit: quod lib. 3. offic. cap. 4. affirmarit non licere christiano cum inimici morte vitam suam tueri; & quod lib. 1. cap. 23. secundas nuptias devoverit. Accusat 8. cum Noodt lib. 1. de usuris, & scœnore capp. 4, & 6. S. Chrysostomum, quod usuras, scœnusque improbaverit: quod in cap. 12. Genes. dixerit Abrahamum Saræ adulterium procurasse; quam S. Chrysostomo calumniam jam pridem inusserat Bayle in dict. verbo *Abimelech*; qui verbo *Acyn-dinus* S. Augustinum de serm. Domini in monte lib. 1. cap. 16. edit. Benedic. parilis erroris insinulat. Accusat 9. S. Hieronymum, quod in cap. 8. Zachariæ, & 5. Math. omne juramentum damnarit: quod in cap. 1. Jonæ sui ipsius necem pro tuenda castitate probaverit: quod lib. adver. Vigilant. Reliquiarum, & Martyrum cultum docuerit, laudans in eam rem Clerici dissertationem de argumento Theologico ab invidia ducto.

Ac-

Accusat 10. S. Augustinum, quod lib. 16. de Civit. Dei cap. 25. scribens de Agarre cognita ab Abrahamo docuerit posse uxorem juri suo, quo potitur in Maritum, cedere, illudque in alienam transferre mulierem; ex quo conficere se putat Barbeyracius posse quoque maritum jus suum in uxorem transferre in alium virum: quod docuerit hæreticos fore exturbandos, atque exterminandos; quam doctrinam post Dallæum', & Clericum lib. 3. artis crit. detestabilem vocat, & adversam lumini, & æquitati naturali, charitati, politicæ, & Evangelio. Accusat 11. cum Clerico bibl. selectæ tom. 8. Abdam Episcopum Susæ in Perside, quod templum igni sacrum incenderit; quodque jubente Rege Isdegerde reædificare detrectarit, malueritque mortem subire, ac christianos ceteros persecutionis incommodis objicere. Refert Theodoretum lib. 5. hist. Eccles. cap. 39. adnotasse: zelum intempestivum Abdæ; sed optime egisse Abdam, dum templum reædificare igni recusavit: carpit ea de re Theodoretum, & cum Bayle dict. V. *Abdas*, asserit lege naturali ad id obstrictum fuisse Abdam, nempe teneri quemcumque damnum illatum refarcire, & quod alioquin ipsi imputata non fuisset idololatria, quia ipse templum idololatricis usibus non dedicasset. Accusat 12. multis Origenem, & Tertullianum, sed eorum nostra non interest. Ex quibus insolentissimus Sychophanta concludit Patres quatuor priorum sæculorum malos esse magistros, ac in rebus morum addiscendis ineptos duces.

At non unam accusationem intentavit vir iniquus in doctrinam morum a SS. Patribus traditam, sed imo in mores ipsos, ac vitæ rationem ab ipsis Patribus excultam. Unde redarguit 1. S. Victorem Pontificem Maximum, quod pacem Ecclesiarum turbarit levi de causa, nimirum ob celebrationem Paschæ die Dominico post 14. Lunam. 2. SS. Cyprianum, & Stephanum, quod similitates scandalo plenas invicem gesserint, ac leges patientiæ enormiter violaverint, & infregerint. Eadem scripturierat in vita S. Cypriani Clericus tom. 12. bibl. univ. Redarguit 3. cum Fleurio tom. 2. hist. Eccles. Synodum Cyrtensem in Africa sæculo IV. celebratam, in qua 11, vel 12. Episcopi sibi invicem gravia crimina obiectarunt, inter quæ de traditis libris sacris Gentilibus:

cum

cum Ufserio lib. de Ecclef. christian. in Occidente fucceffione, mores depravatos Ecclefiasticorum, quod nempe a pace reddita Ecclefia a christianis Imperatoribus schismata, inimicitias, scandala, & maxime fimoniam in Ecclefiam invexerint; a qua criminatione immunem nec facit S. Damafum Papam juxta testimonium Ammiani Marcellini lib. 27. cap. 3. Violentia arguit Theophilum Alex. adverfus hæreticos: fuperbia Ecclefiasticos Gallia: ira intemperantis adverfus Origenem, & Ruffinum S. Hieronymum; id criminationis mutuatus a Clerico in quaest. Hieronym. q. 8. Violentia iterum, & ambitionis adverfus Novatianos, & Judæos S. Cyrillum Alex.; ea in accusatione Dupino, & Clerico tom. 21. bibl. afcentitus. Redarguit 4. Epifcopos, & Ecclefiasticos V, & VI. fæculi fuperftitionis, odii, invidia, malitia, tyrannidis, machinationis, ac crudelifsimæ intolerantia: erga Neftorianos, & Eutychianos: quia nempe Religionis cauffa nemini faciendum effe negotium vult.

At nedum circa mores, aut doctrinam morum Patres objurgat, homo poft natos homines petulantiffimus, fed etiam circa rerum intelligentiam, & cognitiones, ingenii perfpicaciam, & cogitationum rectitudinem redarguit. Ita cum Clerico tom. 2. bibl. felectæ inſimulat S. Juſtinum, quod apologia 2. cap. 8. Dæmones mulieribus commixtos, atque adoleſcentulos ab ipſis corruptos dixerit. S. Irenæum cum Photio cod. 120, quod ratiunculis minus ſolidis, nimiumque extraneis ſimplicem, puramque fidei veritatem adulterarit; quod lib. 3. cap. 11. docuerit quatuor eſſe Evangelia, quia quatuor ſunt mundi partes: vel quod Eccleſia in Evangelio fundata ſit; ad ædificium vero ſuſtentandum quatuor exigi columnas. Quam quidem querelam decerpiſit ex Bernardo in ephemerid. litter. Decemb. 1703. Theophylaſtum carpit quoque, quod inepte pariter affirmarit quatuor ideo eſſe Evangelia, quia quatuor ſunt virtutes Cardinales; vel quia in Evangelio continentur dogmata, præcepta, promiſſiones, & comminationes. Carpit etiam cum Fabritio in cod. apocryphor. novi Teſt. S. Maximam, & Theophanem ob eandem rem, quod ideo quatuor eſſe Evangelia dixerint, quia quatuor ſunt elementa. Inſimulat S. Cyprianum cum Clerico bibl. univ. tom. 12,

tum quod epist. 23. edit. Baluzii ad Lucianum Martyrem, qui lapsos reconciliandos contendebat, scripserit, quod quum Dominus dixerit baptizari gentes in nomine Patris &c., ac in baptismo remitti peccata, *Hic nesciens præcepta, nec leges jubet dari pacem, ac remitti peccata in nomine Pauli*: inter quæ magnum ponit ipse discrimen: tum quod in tract. de unit. Eccles. eam unitatem præfiguratam velit in tunica Christi inconsutili: tum quod lib. de opere, & eleem. scripserit, sicut baptismo peccata delentur ante baptismum commissa, ita eleemosina redimi, quæ post baptismum patrata sunt. S. Hieronymum, siue quod lib. 2. adv. Jovinian. inepte dixerit: cælibus, quod cælo digni sint, inditum nomen. Ob hoc ipsum S. Doctorem criminatus fuerat Bernardus Professor Leidenſis in Ephemer. litt. Mai anno 1702: siue quod toto libro adv. Jovinian., & lib. advers. Elvid. nihil, nisi sophismata, ac inepta ratiocinia attexerit. Insimulat S. Augustinum cum Pheroppono, idest Clerico in append. contra S. Augustinum; ex cujus erratis, & sycophantiis integrum librum confici posse calumniator hic audacissimus asserit. 1. Quod lib. 2. in Genes. adv. Manich. cap. 17. illud Gen. 3, 14. *Super pectus tuum gradieris*, per pectus intelligi jubeat superbiam, per ventrem desideria carnis, & per terram curiositatem rerum temporalium, seu avaritiam. 2. Quod risu digna sit ejus observatio in titulum psal. 2, *Psalmus primus*; ea scilicet de causa titulo carere psalmum primum, quia in primo psalmo Deus locutus sit, nefasque sit quidpiam divinæ locutioni præferri. Idem in S. Augustino irrisere pro insolenti sua intemperie Theologi Batavi in epistolis inscriptis: *Sentiments des quelques Theologiens Hollandois*.

Ab recensendis erratis sequiorum temporum se abstinere ex ratione ait Barbeyracius, eo quod ignorantia, morumque depravatio ita tum invaluisse, & exundassent, ut neque sani, integrique sensus, & virtutis ullius scintilla tenuis, leveque vestigium in Ecclesiasticis remanserit; quodque superstitionum colluvies, atque idololatriæ species innumeræ in Romanam Ecclesiam irrepsissent, eamque turpissime inquinassent, inter quas illa de potestate Papæ in Reges; & illa de Indulgentiis veno positis. De fide demum hæ-

recti-

reticis datæ violatione, vel in Concilio Constantienſi querelam recoquit , laudans eam in rem Sechendorſium in commentar. hiſt. , & apologet. Lutheran. lib. 1, & Lenfantium tom. 1. hiſt. Concil. Conſtant. Hiſce igitur, & ſimilibus inſolentiæ plenis, & inſaniæ diſſectiis, ſarcaſmis, & ſcommatibus propudioſus Sychophanta venerandam SS. Patrum doctrinam, virtutibus omnigenis reſertiſſimam vitam, præclarumque ingenium vexat, & proſcindit. Nempe hæc gloria, hæc laus reſervabatur a primis Eccleſiæ ſæculis ſuis Proteſtantibus, ut ingenio, vita, & doctrina integritatem Evangelicæ morum diſciplinæ ſuam reſtitnerent, ac priſca Apoſtolorum tempora revocarent. Apage blaſphemum blateronem, impoſtoremque impudentiſſimum! qui in eo, quod ab aliis peccatum arguit, graviſſime ipſe peccat, & doctrinæ, vitæque peſtilentiſſimæ, & ingenii peſſimi ſe, maſtigia, prodit, ut mox palam facio.

¶. ad primum 1. ab Eccleſia rectiſſime B. Virginem omni laude digniſſimam, ab omni vel leviſſimo culpæ cujuſque reatu immunem adſeri. Ut enim id privilegii B. Virgini adſereret edocta Eccleſia eſt S. Scripturæ non modo testimoniis Pſal. 45. *Sanctificavit Tabernaculum ſuum Altiffimus*; Cant. 4, 7. *Tota pulchra es amica mea, & macula non eſt in te*; & Luc. 1, 26. *Ave gratia plena. Dominus tecum*; & *Fecit mihi magna, qui potens eſt*, ſed & SS. Patrum traditione; S. Juſtini, ſive veteris Auctoris q. 136; Origenis hom. 1. in diverſ., ubi ait *Mater ejus mater immaculata, mater incorrupta, mater intacta*; & hom. 8. in Lucam; S. Gregorii Neocæſareen hom. de Annuntiatione; S. Athanaſii epiſt. ad Epiſcetum, ubi *Idcirco, inquit, gratia cognominata eſt, & quod adimpletione Spiritus ſancti omnibus gratiis abundaret*; S. Ephræmi orat. de laud. B. Virg.; S. Epiphaniſii ſerm. de laudib. Mariæ; S. Gregorii Nazianz. in Tragedia; S. Chryſoſtomi hom. in hypopantem Domini, & orat. de Annunc. B. Virg., ubi ait: *Meſſus eſt ſervus incorporeus ad Virginem immaculatam: Meſſus eſt peccato integer ad corruptionis expertem*; Theophili; S. Procli Conſtantinopolitani hom. de Nativ. D. N. J. Chriſti; Theodoretſi in Cantica; S. Sophronii Hieroſol. orat. de Nativ. Chriſti; & de Aſſumpt. B. Virg.; Titi Boſtrenſis in cap. 11. Luc.; Chryſippi præſbyteri de laud. B. Virg.; S. Germani Conſtantinopolitani de veneran-

da Zona Deiparæ Virg.; S. Johannis Damasceni orat. 1. de nativ. Mariæ; & orat. 2. *De germine meo filii mi ascendisti*; Eliæ Cretensis in orat. 4. Nazianz.; Johannis Hierosol. de instit. Monach. cap. 32; Theophanis hymno de Annunc. B. Mariæ Virg.; Michaelis Syncelli de martyrio S. Dionysii Areopag.; Pselli in Cantic.; Euthymii orat. de adorat. venerandæ Zonæ Deiparæ cap. 8; Michaelis Glicæ par. 3. annal.; Johannis Cantacuzeni apologia 3, aliorumque, quos ad unum omnes dinumerare distædet.

Ex Latinis S. Cypriani, sive auctoris antiquissimi serm. de Christi nativ., ubi *Spiritu sancto obumbrante*, ait, *incendium originale extinctum est... unde & Matri plenitudo gratiæ debebatur*, & *virgini abundantior gloria, quæ carnis, & mentis integritate insignis, spiritali, & corporali, intus, & extra Christi præsentia fruebatur*; S. Ambrosii serm. 22. in psal. 118, & lib. 2. de virgin.; S. Hieronymi in cap. 10. Ecclesiastis; 11. Isaïæ, in psal. 77, & epist. 22. ad Eustochium cap. 8; S. Augustini lib. de nat., & grat. cap. 36, ubi ait: *Scimus, quod ei plus gratiæ collatum fuerit ad vincendum omni ex parte peccatum*; Arnobii senior. in psal. 10; S. Petri Chrysologi serm. 140; S. Eucherii Lugdun., seu Eusebii Emüsensi in Evang. fer. 4. Dom. 4. advent.; Sedulii lib. 2. Paschali; S. Fulgentii serm. de laud. Mariæ ex parte Salvatoris, & serm. de duplici Christi nativ.; S. Gregorii Magni in lib. 1. Reg. cap. 1; S. Idelphonfi Tolet. de perpet. Virgin. Mariæ; V. Bedæ hom. in nativ. omn. Sanctor., & in Annuntiat. B. Virg., ubi *Vere*, inquit, *erat Maria gratia plena, cui ipsum, per quem gratia, & veritas facta est, Jesum Christum generare donatum est*; Alcuini lib. 3. de Trinit. cap. 14; Idiotæ contemph. de B. Virg. capp. 1, 2, & 6; Haimonis hom. de Assumpt. B. Virg.; Fulberti Carnot. de Salut. Angel.; Auctoris altercat. cap. 14; S. Petri Damiani serm. 3. de Nativ. B. Virg., & serm. de ejusdem Assumpt.; S. Gregorii VII. lib. 1. epist. 47, ubi *Maria*, ait, *quanto altior, melior, & sanctior est omni matre, tanto clementior, & dulcior est circa conversos peccatores*; S. Anselmi Cantuar. in cap. 5. epist. 2. ad Corinth., de excellentia B. Virg. cap. 3, & de conceptu virginali cap. 18; S. Brunonis Signini in psal. 101; Ivonis Carnot. serm. de Nativit. Dom. 3

Ruperti lib. 4. & 6. in Cant.; Hugonis Viſtor. de epithetis rerum lib. 4. cap. 2.; S. Bernardi ſerm. 2. de Aſumpt., ſerm. de privilegiis S. Johannis Baptiſtæ, ſerm. de B. Maria, ſerm. 4. ſuper *Salve Regina*, ſi ejus tamen eſt, & epiſt. 174; Richardi Viſtor. in Cantica cap. 26; V. Petri Cluniac. lib. 5. epiſt. 1; Petri Bleſenſis ſerm. 44; S. Dominici Ord. Præd. Patriarchæ tract. de corp. Chriſti; Innocentii III. ſerm. 2. de Aſumpt.; Alberti Magni in cap. 1. Lucæ; S. Thomæ 1. ſent. diſt. 44. art. 3. reſp. ad 3; p. 3. q. 27. art. 4. & in expoſit. ſalut. Angel.; S. Bonaventuræ in 3. ſent. diſt. 3.; Franciſci Maironis 2. ſent. diſt. 3. q. 2. art. 2; & 3. diſt. 2. q. 1. art. 9; Bonifacii IX. conſtit. 1; S. Bernardini tom. 1. ſerm. 53, & tom. 4. ſerm. 88; S. Laurentii Juſtin. in faſciculo amoris cap. 7, ſerm. de Annuntiat., & ſerm. de Nativ. B. Virg. Mitto alios videndos apud Coccium in Theſauro tom. 1. lib. 3. art. 1.

Poſtremo B. Virgo ab actualis cujuſque peccati macula abſtergitur procul dubio, ſiquidem ei ab Originalis quoque peccati labe immunitas adſeritur. Quare Patres, ac Scriptores Eccleſiaſtici, qui B. Virgini vitii aliquid aſſingere viſi ſunt, ſicut vel dubitationis de Chriſto, uti Tertullianus, Origenes, & Ammonius, quorum auctoritatem hac in re parvi pendimus: vel inanis gloriæ, uti SS. Athanaſius, & Gregorius Niſſenus, aut benigna interpretatione donandi ſunt, aut ſibiſmet conciliandi, uti SS. Athanaſius, & Chryſoſtomus, quorum paullo ſupra loca pro vindicanda B. Virgini omnimoda a peccato immunitate protulimus. Nam quod ad S. Cyprianum ſpectat, vel ſermo de paſſione ipſi ſuppoſitus fuit; vel ſi ejus eſt, non minus ei adcenſendus erit ſermo ex ipſo ſupra laudatus de Nativ. Chriſti: unde Cyprianus Cypriano eſt conciliandus: ſed neque ex cit. ſerm. de paſſione, quidquam certi de S. Cypriani ſententia de B. Virgini aſſicta culpa extundi poteſt, ut legenti liquebit: aut denique non ſequendos ea in re dicimus, in qua ipſos procul a traditione abſceſſiſſe ex diſtis exploratum eſt.

Re. ad 1. 2. iſdem S. Scripturæ testimoniis, & SS. Patrum traditioni innixam Eccleſiam diem Conceptionis B. Virginis ſub titulo Immaculatæ ſolemne agere, quam quidem etſi fide divina cre-

credendam nondum præceperit, piam tamen sententiam probavit, quam oppugnari nullo modo permittit. Longe ante Latinos festum hoc Conceptionis Immaculatæ celebrarunt Græci. In Hispania institutum festum hoc a S. Jacobo scribit Flavius Dexter in chronico, cui scriptori tamen nolim fidem omnem meam obstringere. Age vero firmiora, & solidiora proferamus, ut hic capta opportunitate officii nostri, ac debitæ erga Deiparam reverentiæ, & devotionis specimen exhibeamus. Ergo id mysterii, Immaculatæ scilicet Conceptionis B. Virginis, fundamentum satis firmum habet 1. in verbo Dei scripto Gen. 3, 15. *Ipsa conteret caput tuum*; Proverb. 8, 22. *Dominus possedit me initio viarum suarum*; Cant. 4, 7. *Tota pulchra es amica mea, & macula non est in te*; Luc. 1, 28. *Ave gratia plena, & 49. Fecit mihi magna, qui potens est*. Ex quibus profecto ajo, quod Ecclesia potiori jure, quam de Hieremia intelligens illud Hier. 1, 5. *Antequam de vulva exires, sanctificavi te*; & de Johanne Baptista interpretata illud Lucæ 1, 41. *Ut audivit salutationem* &c. utrumque sanctificationis privilegio donatum, antequam in lucem ederentur, edoceat, potiori jure, inquam, declarare B. Virginem Deiparam ulla absque macula culpæ fuisse conceptam possit. Habet 2. in verbo Dei tradito; cujus quidem accedunt testes Origenes, S. Athanasius, S. Ephræm, S. Epiphanius, S. Chrysostomus, S. Amphilochius, S. Proclus, Theodoretus, S. Sophronius, S. Germanus, S. Johannes Damasc., Johannes Hierosol., Theophanes, Psellus, Euthymius, Glicas, & Johannes Cantacuzenus locis supra laudatis.

Ex Latinis vero testes sunt liquidi S. Ambrosius serm. 22. in psal. 118; S. Hieronymus in psal. 77, & locis supracitatis; S. Augustinus lib. de natura, & grat. cap. 36; & lib. 5. contra Julian. cap. 15; Arnobius senior, Sedulius, S. Fulgentius, S. Idelphonus, S. Anselmus, Haimo, Fulbertus, Paschasius Ratbertus, Idiota, S. Petrus Damiani, S. Bruno, S. Laurentius Justinianus, alique superius commemorati, quos referunt Coccius loc. cit.; Velasquez de Immacul. Concept.; Nierembergii de omnimoda puritate B. Virg.; Lancitius opusc. 11. cap. 13; Salazar in defens. Concept. Immacul.; Thyrsus Gonzalez tract. Theolog. de Immacul. Concept.; Sfondratus in Innoc. vindic.; Bellarminus de

de amifs. grat., & ftatu peccati lib. 4. capp. 15, & 16; Catherinus, Maldonatus, Canifius, Suarez, Wadingus, & maxime nofter P. Salvator a Sambucca.

Jure ergo, & merito Ecclefia Immaculatæ Concept. Myfterio palam, ac publice favet, pieque imo illud colendum proponit. Ita enim illi favent Synodus VII. act. 3. in epift. Synodica Theodori Hierofolym., qua B. Virgo *Immaculata* nuncupatur; Synodus Foro-Julienfis anno 791. fub Paulino Aquilejenfi in Symbo fidei, quo *Immaculata* pariter B. Virgo audit; Synodus Bafilcenfis fefs. 36, in qua B. Virgo *Immaculata* declaratur, cujus quidem articulum confirmavit Synodus Avenionenfis, & Academia Parifenfis, quæ anno 1496. alumnos fuos ad tenendam, hancce de Immacul. Concept. doctrinam juramento folemni adferinxit; Synodus denique Tridentina fefs. 5, in qua declaravit in decreto de peccato Originali fe non comprehendere B. V. Deiparam. Ita etiam illi favent Romani Pontifices Sixtus IV. an. 1476. conftit. *Quum præfefs*, S. Pius V. anno 1567. conftit., cujus Gregorius XIII. anno 1579. in conftitutione fua incipienti *Provisionis noftræ* meminit; Paulus V. anno 1617; Gregorius XV; Alexander VII. conftit. *Sollicitudo omnium Ecclefiarum*; & Clemens XI; a quibus vel B. Virginis Immaculatam Conceptionem devote celebrantibus Indulgentiæ conceffæ, ut a Sixto IV; vel poft Bajum prop. 73. afferere B. Virginem mortuam ob peccatum ex Adamo contractum, prohibitum eft, ut a S. Pio V, & a Gregorio XIII; vel eandem omni laude digniffimam Deiparam cum peccato Originali conceptam publice affirmare vetitum, graviffimis adjectis pœnis, ut a Paulo V; imo nec privatim (Dominicanis exceptis (ut a Gregorio XV; imo nemine excepto, five fcripto, five voce, tam privatim, quam publice, cum directe, tum indirecfe: imo nedum Conceptionem ipfam, fed etiam feftum ipsius Conceptionis fecundum piam fententiam celebratum impugnare quovis modo, aut quovis prætextu fub graviffimis pœnis interdictum eft, ut ab Alexandro VII; vel feftum Conceptionis, quod agitur ab Ecclefia, efle fecundum piam fententiam, hoc eft objectum fefti non Conceptionem tantum, non Sanctificationem folam efle, fed præfervationem ab Originali peccato declaratum, ut ab eodem Ale-

Alexandro VII; vel festum istud B. Virginis ab Originali peccato immunis, ac prorsus immaculatæ præceptum est, & ad universam amplificatam Ecclesiam, ut a Clemente XI. Exinde adeo evasit certa sententia pia, ut facile sit ostendere, sicuti præstitere doctiss. Cassinus Encyclopediæ tract. 3. prop. 11., & Johannes de Lucca in confutat. 6. prior. epist. Ferdinandi Valdesii, adversus Lampridium, Lamindum, Valdesium, larvatum scilicet Ludovicum Antonium Muratorium; quod laudabile, & honestum sit piæ sententiæ tuendæ, juxta quam festum ab Ecclesia celebratur, sanguinem, & vitam profundere, pro ejusque defensione jurjurandi, votique religione se obstringere. Proinde si Patres aliqui aliud sentire visi sunt; ii plane traditionem nec efficiunt, nec proferunt: utque ipsos a Traditione non recessisse dicamus, de peccati Originalis debito proximo, vel remoto facile exponi possunt, atque reapse exponunt Bellarminus supra citatus; Natalis ad sæcul. II. dissert. 16; Theologi superius laudati; & Tournellius tract. de peccato Originali cap. 1. art. 4, ubi inter alia ostendit S. Thomam eidem piæ sententiæ adhæsisse, aut certe ea docuisse, quibus positis Immaculatam Conceptionem probissime adstrui oporteat. Perperam demum Patres nonnullos contra piam hancce sententiam a Kemnitio, Erasmo, & Riveto objectos fuisse patet facile ex collatione SS. Patrum, quos pia pro sententia paullo supra protulimus.

R. ad 1. 3. Angelos esse omnino incorporeos, seu corporis omnis expertes longe plures, & auctoritate pluris faciendos Patres docuisse: inter quos referuntur ex Græcis S. Ignatius in epist. ad Trallianos; S. Basilii lib. de Spiritu S. cap. 1; S. Gregorius Nisænus orat. 4. in orat. Domini; S. Gregorius Nazianzenus orat. 34; S. Johannes Chrysostomus hom. 22. in cap. 6. Genes.; Eusebius Cæsarensis lib. 4. demonstr. evang. cap. 1; Theodoretus q. 20. in Genes.; Theophylactus in cap. 13. epist. 1. ad Corinth.; & S. Johannes Damascen. lib. 2. fid. orthod. cap. 3. Ex Latinis vero S. Hilarius lib. 4. de Trinit.; S. Hieronymus epist. 59. ad Avitum; Casiodorus in psal. 103; Julius Africanus lib. 11. cap. 11; S. Ambrosius in cap. 1. epist. ad Hebr.; S. Fulgentius lib. de fide ad Petrum cap. 3; S. Leo I. epist. 59; S. Gregorius Magnus lib. 4. Moral-

ral. cap. 19, & lib. 4. dialogor. cap. 19 ; Alcuinus lib. 2. de Trinit. cap. 17, alique plures apud Petavium de Angelis . Porro Patres, qui in oppositum pugnare videntur, vel Angelos incorporeos, aut immateriales negarunt iccirco, quod compositionis omnis ita expertes eos negarint ; quo sensu loquuti sunt SS. Basiliius, Gregorius Nazianzenus, Cassianus, & S. Gregorius Magnus : vel Angelos corporeos ea ratione affirmarunt, quod eos vera, reali, phisicaque natura, & substantia constare assererent, non vero pura putaque figmenta esse crederent ; unde corpus improprio vocabulo pro vera, & reali substantia acceperunt, prout contra distinguitur ab ente fictitio, aut mere imaginario ; eoque ferme sensu, quo Apostolus in epist. ad Coloss. dixit divinitatem in Christo habitare *Corporaliter*, idest vere, & realiter, non apparetur ; quomodo loquuti sunt S. Hilarius, S. Hieronymus, S. Augustinus, & Tertullianus : vel de corporibus Angelorum affirmarunt, non quidem propriis, ex quibus coalescerent, sed de assumptis, & adscititiis, quæ interdum induunt Angeli, dum hominibus adparent ; quo plane sensu intelligendi sunt S. Cyrillus Alex., S. Augustinus, Johannes Thessalon., & S. Bernardus : vel demum dubitanter ita loquuti sunt, suamque opinionem de Angelorum substantia constante ex spiritu, & corpore ita proposuere, ut facultas fieret cuique pro libito licite ab ea abscedendi . Ita SS. Augustinus, & Bernardus, qui tamen animam rationalem, quin ea sit incorporea, nequaquam dubitandum fore docuerunt, ille quidem lib. 2. de anima, & ejus origine cap. 5, & lib. 4. cap. 12, & seqq. ; iste vero serm. 40. in Cant. ; & lib. de inter. domo cap. 67 . Quod si non nulli, inter quos adnumerandos S. Irenæum, S. Justinum, Origenem, & S. Hilarium putat Petavius tom. 3. Theolog. dogmat. cap. 2, Angelos corporibus, etsi tenuioribus aeris instar constare revera docuerunt : ea in re eos abs vero aberrasse, homines enim erant, & aliquando humani aliquod passos non diffitemur, atque ideo ab eorum errato abscedere nobis, quin officio erga eos desimus, licitum esse ducimus .

¶ ad 1. 4. Patres illos Millenarium Christi regnum in terris putantes errasse cum Papia, a quo decepti sunt apocryphis
Part 1. R Domi-

Domini sermonibus, quos Papias conscripserat: non errasse item cum Cerintho, qui tum temporis templum Hierosolymitanum instaurandum, circumcisionem, & alia legalia restituenda, dandamque operam voluptatibus omnis generis, nequidem libidinum intemperie excepta iactaverat. Patres illi siquidem, testibus SS. Hieronymo in cap. 19. Hierem., & Augustino lib. 20. de Civit. cap. 7, delicias quidem illi Christi Regno tribuebant, sed spirituales; ut Tertullianus lib. 3. advers. Marcion. cap. 24, & siquidem corporeas, illas modestiæ, & moderationis plenas, & quæ populum Christi decerent. Præterea iidem ipsi Patres, inter quos S. Irenæus loc. cit., & S. Justinus in dialogo cum Tryphone, testantur a plurimis aliis ipsam opinionem fuisse oppugnatam. Ex quo patet nequidem ab ipsis opinionem Papiæ habitam pro traditione a Christo Domino, aut ab Apostolis accepta. Profecto opinioni Papiæ refragati multo plures sunt ex antiquis Patribus, quorum quoque major auctoritas habetur. Sunt vero, qui Millenariorum fabellam, ut errorem imo exploserunt, Cælius Presbyter, S. Dionysius Alexandrinus, Eusebius Cæsar., S. Epiphanius, S. Basiliius epist. 74. ad Occidentales Episcopos; S. Hieronymus, & S. Augustinus locis supra citatis, ut proinde hæc postrema magis loco traditionis habenda sententia sit.

R. ad 2. 1. Dolendum plane esse magno, si minus Religionis, litterariæ saltem Reipublicæ damno plurima veterum Patrum scripta periisse, tum temporum injuria, tum hominum negligentia, tum hæreticorum impietate. Præterea dandum Patres trium priorum sæculorum pauca conscripisse, & si quæ conscribere, integra ad nos non pervenisse, atque magnam partem excidisse. Nihilominus ex iis, quæ scripsere, & quæ supersunt vel opera, vel operum fragmenta; ex iis, quæ antequam illa perissent, ex ipsis decerpere, aut vivæ vocis traditione ab iis accepta litterarum monumentis sequiores Patres, ac Scriptores, in iisque Eusebius, S. Hieronymus, Theodoretus, Photius &c. posteris demandarunt, sat esse, ut traditione si dei catholicæ dogmata probentur, & adversæ hæreses profligantur. Plane numero plurima, & si non omnia, præcipua, ac præclariora veterum, ac sequentium veterum vestigiis in hærentium Patrum opera hac ætate nostra

nostra possidemus ; quodque Religionis magis interest , ea Eruditorum studio , navoque labore accuratis , nitidisque typis vulgata , ab innumeris mendis transcribentium olim inscitia , librariorum oscitantia , & hæreticorum malitia expurgata , quibus inoffenso pede traditionis seriem Theologus quisque decurrere potest . Revera ut observat Bailletus in *Judicio Sapient.* tom. 2. p. 2. art. 3, Erasmo omnium primo gloria deberetur , quod SS. Patrum opera ad critices lancem expenderit , atque ab eorum codicibus innumeras maculas abstulerit . Verum in eo culpandus est , quod conjecturis suis plus æquo indulsit , ac dum Patres emendare , studuit , in illos iniquum , ac se castigandum præbuerit . Meliori igitur consilio , & exitu id præstiterit viri eruditi alii , quorum si non piget , aliqua sub oculos exempla pono .

Itaque S. Ignatii epistolarum septem editionem elucubrant Usserius , & Vossius , earundem contra Calvinum , Blondellum , Dallæum , Oudinum , Salmasium , &c. patrociniū susceperunt Pearsonius , Bollandiani , Duguetus observ. *Eccles. dissert.* 2, Nourrius in appar. ad bibl. PP. *dissert.* 7 ; & recens doctiss. Mamachius orig. & antiq. *Christ. lib.* 4. cap. 4. Cotellierius Patrum priorum sæculorum collectionem instruxit . Huetius commentaria in Origenem adornavit . Ejusdem Origenis , quem ab invidia liberare adnixi sunt Picus , Erasmus , Merlinus , Halloixius , & alii , opera cum notis errorum condidit Carolus de la Rue Benedict. ; ab ejusque erroribus ut præcaveret sibi lector edocuit Pamelius , qui in lectione Tertulliani eidem beneficium impendit ; non secus atque Lupus , Rigaltius , Gabriel Albaspineus , Ludovicus de la Cerdà , & Gregorius Ambianensis Ord. Cappucc. ; ut de Rhenano , Mercerio , & Salmasio taceam . In S. Justinii opera studium suum contulit Marandus . Historias Eusebii , Socratis , Sozomeni , Theodoreti , Theodori Lectoris , Philostorgii , & Evagrii , non secus ac alios Eusebii libros de præpar. & demonstr. *Evangel.* typis vulgavit , notisque egregiis illustravit Henricus Valesius : ut nihil dicam de officio iisdem ab hæreticis impenso . Petavii opera S. Epiphani ; S. Cyrilli Hierosol. ; Nicephori Constantinopolit. ; & Sinesi in lucem eduxit , & animadversionibus adornavit . S. Cyrilli Hierosol. novam editionem

adornavit P. Toutæus. Fronto Ducæus, & Savilius ad opera SS. Chrysostomi, Basilii, Gregorii Nisseni, & Nazianzeni edenda, illustranda, & emendanda studia sua contulere. Studio suo illustrata a Sirmondo, & Garnerio lucem adspexere Theodoret, & S. Basilii opera; S. Augustini sermones; Marii Mercatoris commonitorium; Liberati Breviarium, ut alios sequioris ætatis mittam. Nonnulla opera Patrum, & Rom. Pontificum epistolas edidit Antonius Caraffa. Julii Africani epistolas notis illustravit Wetstenius. Ad S. Optati opera doctissimas adjecit observationes Albaspinæus. S. Chrysostomum latine reddidit Nicolaus Fontaine. Ab Josepho Antelmo, & Paschasio Quesnello in opera S. Leonis, in quæ nuper iterum a doctiss. Cacciaro est animadversum; & ab Antelmo præterea in opera S. Prosperi Aquitani dissertationes eruditæ editæ sunt. Ludovicus Antonius Muratorius Anecdota ex bibliotheca Ambrosiana notis, & disquisitionibus aucta; & Laurentius Alexander Zachagnius collectanea monumentorum veterum Ecclesiæ Græcæ, ac Latinæ, quæ eatenus in bibl. Vaticana delituerant, publici juris fecere. Lucas Holstenius opuscula parænetica SS. Patrum; canones Conciliorum; epistolas Rom. Pontificum, aliaque vetera monumenta collegit, illustravit, & vulgavit. Leo Allatius Symmicta, sive opuscula complura Græco-Latina, sed præcipue Eustathii Antiocheni Patriarchæ edidit, notis adiectis. S. Irenæi Fevardentius, & Massuetius; ut silentio præteream Bullum, Fabritium, Dodvellum, Grabbium, Simonium; S. Johannis Damasceni Lequienius; Basilii Seleuc. Dausquejus opera adjectis notis, & dissertationibus ediderunt. S. Ephræm Græco-Latinum Gerardus Vossius; Lactantii librum de mortibus persecutorum cum notis Paulus Bauldri, & Stephanus Baluzius; quem librum tamen subdititium existimant eruditi; Sulpitium Severum item cum notis Johannes Worstius publicam in lucem produxerunt.

SS. Irenæi, Athanasii, Basilii, Hilarii, Ambrosii, Hieronymi, Augustini, Chrysostomi, Gregorii Magni, Gregorii Turon., Cassiodori, Lantfranci, Benedicti Anianensis, Bernardi, aliorumque opera adjectis castigatissimis adnotationibus incredibili studio, criterio elaboratissimo, & improbo labore adornarunt do-

doctiff. Benedi&ini Monachi congregat. S. Mauri . Lucas Dache-
rius , ut nihil dicam de doctiffimis notis ab ipfo adjectis ad opera
Lantfranci , & Guiberti de Novingento , Spicilegium tom. 13.
comprehenfum, quo fcriptorum plurima opera, Conciliorum a&ta,
& canones , San&torum ge&ta , & chronica in bibliothecis diu la-
tentia collegit , elucubravit . A&ta , & opera San&torum, & fcrip-
torum Ordinis Benedi&. Mabillonius ; a&ta item fincera , & fele-
&ta SS. Martyrum Ruinartius in lucem emiferunt . Novam etiam
operum S. Gregorii Turon. idem Ruinartius ; & operum S. Hi-
larii Coutantius editionem, differtationibus, & notis adjectis, evul-
garunt . Eidem Petro Coutantio editio epiftolarum Summorum
Pontificum debetur accepta . Edmundo Martenio Thefaurus no-
vus Anecdotorum , & collectio fcriptorum , & monumentorum
historicorum , mortalium , & dogmaticorum , quæ fpectant nego-
tia Ecclefiaftica , Monaftica , & Politica . Johanni Martiano
operum S. Hieronymi in quinque tomos diftributorum editio ,
debetur . Dionyfio Sanmarthano operum S. Gregorii Magni edi-
tio , quam præfationibus , notis , & differtationibus doctiffimis
auxit . Bernardus Montfauconius Anale&ta , feu plura opufcula
græca hætenus inedita , vulgaria fecit ; Origenis Hexapla ; novas
etiam numerifque omnibus abfolutas , & doctiffimis notis , obfer-
vationibusque adornatas, editiones operum SS. Athanafii , & Chry-
foftomi idem Montfauconus elucubravit . S. Hippolyti fragmen-
ta collegit Moynius ; Chronicon edidit Canifius , Ducangius ,
& Schelestratius ; Canonem illuftrarunt Scaliger, Petavius, Buche-
rius , & Vignolius . Notis , & differtationibus adjectis S. Cypriani
opera , qua evulgarunt , qua exornarunt Latinus , Pamelius ,
Baluzius , Rigaltius , Pearfonius , Johannes Fellus , & Dodv-
vellus .

Ad hæc S. Cyrillum Alexandrinum Aubertus ; SS. Pau-
linum , & Fulgentium Chiffetius ; Vincentium Lirinenfem,
Salvianus Maffilienfis ; S. Fulgentium rurfus Theophilus Ray-
naudus ; Petrum Blefenfem Guzanvillæus ; S. Bernardum Mer-
lus Orftius ; Marculphum Bignonus , & Nivardus ; Sidonium
Apollinarem Savaronus , & Sirmondus ; S. Petrum Damianum
Constantinus Cajetanus ; S. Paulinum iterum Ludovicus le Brun ,
& Maf-

& Maffejus ; Cassiodorum Garetijs , qua in lucem ediderunt , quâ notis illustrarunt . Combessius S. Basilium ex integro restituit , & notas in Theophanem , Leonem sapientem , S. Amphilochem , S. Methodium , Andræam Cretensem , & S. Maximum martyrem dedit . Goarius notas etiam elucubravît in præmem. Theophanem , Georgium Syncellum , & Nicephorum Constantinopolitanum . Venantium Fortunatum Brovverio ; S. Isidorum Hispal. Margarino Bignæo ; Chronicon S. Hieronymi , & notas in Eusebium Suffredo Petri , & Pontaco Arnaldo ; S. Anselmum Gerberonio ; Stephanum Tornacensem P. Molineto ; Vincentium Lirin. , Salvianum , Cæsarium , Lupum Ferrar. , Agobardum &c. Baluzio castigatos debemus . In libros S. Augustini de Civ. commentarios elucubrarunt Ludovicus Vives , & Leonardus Coquæus . Excerpta ex SS. Basilio , Gregorio Nazianz. , Chrysostomo , & Johanne Damasceno , cujus postremi integram quoque latinam adornavit versionem , latine reddidit Billius Brunæus . Guillelmus Parvi S. Gregorii Turonensis , Pauli Diaconi , Luitprandi Ticinensis &c. opera edidit . S. Hilarii opera Jacobus Gillotus ; ejusdem fragmenta Nicolaus Fabrus . Johannes Leunclavius S. Gregorium Nazianz. , Constantinum Manassen , & Michaellem Glicam latinos fecit . Franciscus Balduinus in S. Optati Milevitani lib. 7 , Victoris Vitenfis libros 3 , & Minutii Felicis Octavium prolegomena & adnotationes egregias instruxit ; in quem postremum operam pariter impenderunt suam Ouzelius , & Cellarius . Mitto , ne prolixior sim , alios plurimos .

Accedunt collectiones aliæ SS. Patrum , inter quas prima anno 1555. Basileæ tomo unico impressa *Orthodoxographia* inscripta est : posterior aliis operibus aucta volum. 8. comprehensa a Margarino Bignæo Parisiis an. 1576. edita est sub nomine isto : *Bibliotheca Patrum* . Isti vero an. 1579. volumen nonum , & an. 1610. decimum , & undecimum accessere . Iterum collectio isthæc sub nomine *Magna Bibliotheca veterum Patrum* Coloniz primum , tom. 15. an. 1622 , Parisiis deinde tom. 12. græce , & latine prodiiit . Eidem paullo post trium voluminum auctuarium adjecit Combessius . Postremo collectio ista Lugduni an. 1677. volum. 27. promulgata est sub titulo : *Bibliotheca Maxima veterum Pa-*

trum

trum, & antiquorum Scriptorum Ecclesiasticorum. Accedunt apparatus ad Bibliothecam Maximam editus 2. tomis a P. Nicolao Nourrio; ac præter eas, quas exornarunt Dacherius, Mabillonius, Martenius, Zachagnius, Holstenius, Allatius, alique de quibus paullo superius est dictum, Raderi Collectiones: Muratorii Collectanea; Baluzii Miscellanea; Stevartii collectio Græca, & Latina; Possini editiones Græcorum Scriptorum; Johannes Bapt. de Bellegarde nonnullorum Patrum Græcor., & Latinorum, versiones. Accedunt Catalogi Scriptorum Ecclesiasticorum, quos olim adornarunt Eusebius, S. Hieronymus, Gennadius Massiliensis, S. Isidorus Hispallensis, S. Idelphonfus Toletanus, Sigebertus Gemblacensis, Honorius Augustodunensis, & Henricus Gandavenfis, quos ad unum omnes collegit Aubertus Miræus, & Antuerpiæ edidit an. 1639. Bibliothecæ quoque, quas subinde adornarunt Trithemius, Sixtus Senensis, Conradus Gesnerius, Possevinus, Canisius, Bellarminus, Labbeus, Fabianus Justinianus, Olearius, Dupinus cum notis Petididierii, Simonii, Ceillierii, Soucietii, ut taceam de bibliothecis Sculteti, Riveti, Clerici, Cavei, Oudini aliorumque de Protestantium grege.

Adjumento sunt Bibliotheca Photii, quam latine reddidit P. Andreas Scottus; & Bibliotheca Græcorum Patrum, quam latina versione donavit P. Fronto Ducæus &c., Bibliothecæ item Orientales Herbelloti, & Assemani. Quibus attexere juvat Catalogos illustriorum bibliothecarum, quos compilarunt viri eruditi quamplures sive ex Catholicis, sive ex Heterodoxis, idest Bibliot. Cæsareæ Vindobon. Lambecius; Constantinopolitanæ Calaminius; Bavaricæ Hervardus; Venetæ Thomassinus Philippus; Florentinæ Ernstius; Oxoniensis Jamesius; Batavæ Meursius; Wirtembergensis Sennertus; Lipsiensis Fellerus; Nutimbergensis Saubertus; Augustæ Vindelic. Hoeschelius, Ehingerus, & Reiserus. Adjungendi Annales Ecclesiastici Baronii, ejusque Critici Pagii, ut de Casaubono, Usserio, Pearsono, Basnagio, aliisque, a quibus ii conspurcati potius sunt, nihil dicam; Continuatorumque Spondani, Bzovii, Raynaldi, & Laderchii. Historiæ item Ecclesiasticæ Godavii, Choissi, Cousini, Tillemontii, Fleu-

Fleurii, & nuper Clarissimi Orsii, ut nunc taceam de Sudorio; ejusque Continuatore Piſteto, atque nonnullo alio, a quibus Ecclef. historia plurima labe potius aspersa est. Accedunt acta SS. Martyrum Ruinartii, & Assemani; Acta Sanctorum Surii, & Bailleti, aliorumque. Acta maxime tanto labore, studioque tot voluminibus comprehensa, edita, etiamque edenda a PP. Societ. Rosvveido, Bollando, Henschenio, Papebrochio, Cardono, Janningo, Baertio, Rayxō, Boschio, Sollerio, Pinio, Cupero &c. Igitur ex istis fontibus vix ac ne vix quidem indiguitatis, parere satis, probatamque omni modo fore Patrum traditionem affirmamus, & quidem non jam si idem unus, vel alter, sed omnes, aut omnium multa, aut maxima pars dicat; cujusmodi Patrum consensus exempla ducta serie per dogmata 24, quibus illud quoque de Romano Pontifice, cujus in gratiam præsens adornatur opus, adjicimus, superius protulimus.

¶ ad 2. 2. Patribus pleraque quidem fuisse supposita, innumera interpolata, vitiosa alia, alia mutilata: offendi multa capiti difficilia ob linguas diversas, & dialectos: nonnulla ambigua, dubia, obscura, & ambagibus obvoluta. Verumtamen ex iis, quæ germana sunt, & genuina, integra, indubia, quæque intellectu assequi, aut interpretatione adhibita intelligi possunt, exemplis plurimis demonstravimus in re dogmatica Patrum concordem doctrinam non adeo difficulter obtineri: eoque imo facilius, si ratio habeatur cum mox laudatis eruditorum Criticorum studiis ab ipsis in opera SS. Patrum naviter impensis. Profecto Theologo non desperandum erit, imo neque difficile futurum, ut ex Patrum operibus traditionem hauriat, si ad regulas attendat, quas magno rei Christianæ bono, de eadem Christiana re viri optime meriti elaborarunt. Mabillonius in ingenti opere de re diplomatica artem docuit, qua diplomata, instrumenta, tabulæ, & Mss. Codices Latinorum facile dentur intelligi. Montfauconus Palæologographiam græcam, seu de origine, & progressu characterum, quibus usi sunt Græci, & vario apud illos in diversis sæculis scribendi modo, idem beneficium quoad scripta Græcorum præstitit. Papebrochius Propylæum Antiquarium circa veri, ac falsi discrimen in vetustis membranis adornavit. Antiquorum di-

plo-

plomatum vindicias elucubravit Justus Fontaninus . Schelestratius tractatum adornavit de modo dignoscendi ex forma characterum sive Græcorum , sive Latinorum scripturæ vetustatem . Josephus Stephanus Episcopus Olorensis Lexicon Ecclesiasticum, vocom , & phrasium ad ritum veteris Ecclesiæ ex Græcis , Latinisque Patribus conscripsit . Carolus Dufresnius Ducangius Glossarium mediæ , & infimæ latinitatis ; & Glossarium mediæ , & infimæ græcitatatis concinnavit . Jacobus Billius Brunæus lectionum Græcarum volumen confecit . Gasparus ipse Suicerus etsi e Protestantium grege Ecclesiasticum Thesaurum , seu Græcorum Patrum vocabularium amplissimum adornavit . Leo Allatius dissertationes de libris Ecclesiasticis Græcorum , & diatribas de variis Græcis scriptoribus , eorumque scriptis exaravit : non secus ac duos tomos de Græcia orthodoxa ; cujus similem operam in scriptores , librosque Orientalium aliorum impenderunt Naironus , Echellensis , Renaudotius , Assemanus &c. , ut Crusium , Crouzeum , Gronovium &c. præteream , qui ad unum omnes veterum scriptorum lectionem facilem tibi præbeunt .

Ad hæc plurimam ad assequendas veterum sententias operam conferre possent Jo: Albertus Fabricius , qui bibliothecam Græcam, item Latinam, iterum bibliographiam antiquariam, idest introductionem ad notitiam Scriptorum , qui scripserunt de antiquitatibus Hebraicis , Græcis , & Romanis vulgavit : Johannes etiam Henricus Hottingerus , qui inter alia historiam Ecclesiæ , & bibliothecam orientalem concinnavit ; sed longe meliores adornarunt Herbellotus , & Assemanus , quos ut præ illis , qui de pravo suo ingenio pessima multa miscuerunt , adeas , tibi auctor sum . De origine , & causis mendorum tractatum edidit Henricus Stephanus , & agunt etiam Mabillonius de studiis monast. p. 2. cap. 16 , Clericus art. Crit. tom. 2. sect. 13 ; nec non Auctor lect. PP. par. 2. cap. 16 . P. Nicolaus Nourrius in apparatu ad bibl. maximam veter. Patrum regulas tradit ad secernenda genuina a spuris , atque intelligenda loca difficiliora Patrum . Nihil dicam heic de Harduino , & Germonio intemperantioris critices erga codices veterum Scriptorum accusatis a Justo Fontanino , & Petro Coutantio , aliisque . Joseph Maria Suarez Episcopus Vasarensis dissertationes

nes in antiquitates Ecclesiasticas condidit. Duguetius collat. Ecclesiast. eruditionis cumulatissimas adornavit. Item Johannes Filles; Gabriel Albaspinæus, Antelmus, Morinus, Thomasius, Bollandiani &c. Johannes Baptista Casalius de ritib. veter. Christian., & Ægyptior., item Jo: Michael Wanslebius; Edmundus Martenius de antiq. Ecclesiæ ritib.; iterum Joseph Vicecomes, Paganinus Gaudentius de veteris Ecclesiæ dogmatibus, & caeremoniis egregie scripserunt. Petrus Alloixius, & Angelus Rocca de Græcorum Patrum doctrina; Jacobus Goarius de Græcorum ritibus; Clariss. Cardinalis Quirini de orthodox. vet. Græcix Off.; Clemens Galanus de Armenorum Orthodoxia egregie disseruere. Lucas Holstenius, Emanuel Schelestratius, Johannes Ciampinus, Johannes Fonteau, Franciscus, ac Josephus Blanchinus; ut de Usserio, Binghamo, Picteto &c. sileam, de antiquitatibus Ecclesiasticis optime meriti sunt. De Ecclesiastica disciplina Thomassinus, Thierrius, Du Mesnil, V. Cardinalis Thomasius in indiculo instit. theolog. veter. Patrum; Laubrusellus in tract. de malo usu Critices; Honoratus a S. M. in animadv. in regul., & usum Critic.; Bonaventura Argonensis in tract. de optima legend. PP. methodo; Petavius Theolog. dogmat. tom. 2. lib. 8., & lib. 9.; Renaudotius tom. 7. perpet fidei; Mabillonius de studiis monasticis; Aguirræus de stud.; Fleurius in tract. de methodo stud.; Rollinus, alique ut nihil morer criticos morosiores Launojum, Dupinum, Bailletum, & ex Protestantibus Rivetum, Scultetum, Clericum, Cavæum aliosque hujus generis critices intemperantioris homines, præclaras regulas elucnbrauerunt, quibus si inhæreas, nihil captu difficile, nihil fidei adversum, nihil illis subdititium, nihil tibi anceps, dubium, periculosum, aut præposterum in lectione Patrum erit reliquum.

Ad perdiscendas quoque varias, multiplicesque formas veterum Scripturarum egregias regulas, ac notiones tradunt Sme-tius, Hennius, Postellus de duodecim linguis, Duretus de linguis, & character. omnium Linguarum, Lancellotus in tabulis orthographiæ, Auctor tabularum alphabeticar. variorum characterum edit. Francofur. anno 1596., Sirmondus, Jober-tus,

tus, Maffejus, Dausquius, Vossius, Scioppius, Havercampus, Eduardus Bernardus, aliique . Apud Romanos ante Imperatorum epocham litteras simplices fuisse, atque consimiles observatum est : ab Augusto usque ad Antoninos adhibitos characteres quadratos. Ab Antoninis, & deinceps adhiberi cœpisse obliquos primum, & oblongos postea, ac demum impositos, & Gothicis simillimos . A Longobardis postremo repertos minutos latinos characteres, rotundiores, nostratibusque similiores; atque libenter ab Occidentalibus Monachis adhibitos, propterea quod illorum usus scriptioni opportunior foret . Accesserunt postea Saxonici a prioribus aliquanto dissimiles . Apud Germanos peculiare characteres a Rabano Mauro inventos fuisse, & inventos . Apud Gothos teste Socrate lib. 4. hist. Eccles. cap. 22. sæculo Ecclesiæ IV. ab Ulphila eorum Episcopo veteribus susceptos characteres, qui ab eo tempore Gothici audiunt . Celeberrimi habentur characteres antiquissimi Cyrilliani, & Hieronymiani vulgo dicti, quorum primos a S. Cyrillo ad usum Illyricorum excogitatos ferunt; posteriores Græcis simillimos a S. Hieronymo Dalmatis una cum bibliis in eorum linguam translatis datos . Apud Græcos exiguos characteres ab Ægypti Monachis, qui ipsos a Coptis acceperant, fuisse brevioris scriptionis gratia inductos . Notas vulgares, quibus compendio scribitur, ab Ennio inventas scribit S. Isidorus : de iis vero egere Petrus Diaconus, Justus Lipsius, Vigenarius, Sertorius Ursatus, Gruterus, & alii . Fuerunt in usu & aliæ notæ arcanæ dictæ, quarum ope olim litteræ Canonice, seu formatæ distinguebantur, atque Religionis Christianæ negotia, & mysteria occultabantur . De hisce agit Pacichelius in tract. de jure hospitalitatis lib. 1. cap. 4, & nos alibi diximus . Itaque ab hætenus laudatis scriptoribus omni ex parte, satis superque SS. Patrum lectioni consultum est, adeo ut difficultas omnis ab hæreticis objecta facile evanescat, illorumque neque menda, neque antilogiæ, neque errata, neque additamenta, neque idiotismi, neque implexæ, & implicatæ locutiones, neque phrasæ difficiles, ac disparæ impediunt, quominus ex illis traditio integra, & illibata hauriri, & haberi, & perennis quidem possit, ut exemplis plurimis superius prolatis exploratum est . Atque plane ita

digitum ad fontem intendisse, dimissis innumeris, ex quibus magnum in lectione Patrum beneficium capi posset, satis superque erit iis, pro quibus ista procudimus, qui nempe a primo limine Theologica dogmata salutant.

R. ad 2. 3. Ecclesiam nostræ ætatis eandem esse, ac Ecclesiam vetustissimi ævi, unum esse Deum quem colit; unam fidem, quam tenet; unum baptisma, quo imbuitur. Ceteras res mutationi obnoxias esse, non Deum, non fidem, non Sacramenta; adeoque nec Ecclesiam. Igitur esto novis emergentibus causis quædam, quæ prius implicite credebantur, nunc explicite credenda proponantur, eadem tamen dogmata heri, & hodie: eadem doctrina vetus, & nova: atque Ecclesia, quæ adversus novas insurgentes hæreses Arii, Nestorii, Pelagii, Macedonii, Eutychetis &c. commota continuo est, eadem adversus veteres inventas, instauratasque hæreses a Valdensibus, a Wicleffitis, a Socinianis, a Lutheranis, a Calvinistis &c. tacere nequit: & sicut olim scriptura non modo, sed traditione hæreses omnes interemit, ita nunc eodem ex traditione desumpto mucrone renascentes intercidit. Esto. vero quæ nunc exardescunt controversiæ, quibus finiendis tot ingentis molis volumina elucubrata sunt, antiquitus non exarserint, puta de Eucharistia, de Confessione, de Purgatorio, de Justificatione, de Indulgentiis &c., quibus proinde explanandis ab opere, & labore integros cudendi libros pepercerunt Patres, satis tamen superque fuit, ut fidem nostram obligent, quod aliquando, in aliquove suorum operum loco de iisdem proloquuti sint, quæ testimonia illorum libris intersparsa, ac diligenter a theologis nostris collecta traditionem apertissime ostendunt, invictissimeque efficiunt. At neque adeo diversa, & aliena erant argumenta, de quibus præci Patres scripserunt, ab argumentis, quæ hodie circa Religionem agitantur. Erant Apologiæ pro Christiana Religione: erant Tractatus adversus hæreticos: erant Cathecheses ad baptizatos: erant Homiliæ ad fideles, & infideles, quibus etsi ex arcani disciplina cathecumenis, & infidelibus sacratiora Religionis mysteria abscondebant, fidelibus tamen explorata ita erant, ut etiam allegoriis, metaphoricisque obvoluta satis ab illis dicta innotescerent, quæ vel contra

VINDICATA . ARTICULUS VII. PROLEG. 141

Paganos, Judæos, & Hæreticos; vel coram Cathecumenis, & Infidelibus enuntiabant .

Qui porro adversus Paganos rem christianam apologiis, libris, tractatibus, Orationibus, epistolis propugnarunt, sunt præsertim S. Justinus , Clemens Alex. , Athenagoras , Origenes , S. Cyprianus , Commodianus , Tertullianus , Lactantius , Minutius Felix , Julius Firmicus , S. Athanasius , Arnobius , S. Gregorius Nazianz. , S. Chrysostomus , S. Cyrillus Alex. , S. Augustinus , Theodoretus , & maxime Eusebius in lib. de præpar. , & demonstr. Evang. Qui adversus Judæos opera adornarunt sunt S. Justinus in dialogo cum Tryphone , Tertullianus in lib. advers. Judæos , S. Cyprianus lib. 3. de testimon. ad Quirinum ; quos ab Erasmi censura vindicant Pamelius , & Baluzius ; SS. Chrysostomus , & Augustinus in tract. , & epist. , & Eusebius in cit. libri 7. de præpar. , & demonstr. Evang. Qui contra hæreticos strenue decertarunt , sunt S. Ignatius in epist. ad Smyrn. , ad Ephes. , & ad Trall. contra Simonem , Menandrum , & Ebionem , S. Irenæus contra Valentinum , Basilidem , & Gnosticos , Tertullianus contra Hermogenem , & Marcionem , S. Cyprianus , S. Dionysius Alex. , & S. Pacianus contra Novatianos ; SS. Athanasius , Hilarius Pictav. , Ambrosius , & Augustinus contra Arianos ; SS. Basilius , & Gregorius Nazianz. contra Eunomianos ; SS. Optatus , & Augustinus contra Donatistas ; Theophilus Alex. , & S. Hieronymus contra Origenistas ; Idem S. Hieronymus contra Jovinianum , Helvidium , Vigilantium , & Pelagium . Contra Manichæos SS. Siricius , Leo , Gelasius , Gregorius , aliique Pontifices ; S. Serapion Thmuensis ; S. Dionysius Alex ; Titus Bostren. ; S. Augustinus , aliique apud Jacobum Basnagium in præfat. ad Serapionem . S. Augustinus adv. Pelagianos : S. Cyrillus Alex. contra Nestorium ; S. Leo Papa contra eundem Nestorium , Eutychetem , & Priscillianistas ; & contra Eutychetem S. Gelasius ; & Vigilius Tapensis , nec non contra Nestorium . SS. Sophronius Hierosol. , & Maximus Martyr. contra Monothelitas . SS. Johannes Damascenus , & Theodorus Studita contra Iconomachos . S. Anselmus contra Græcos schismaticos , & S. Bernardus contra Abælardum , aliosque sui ævi hæreticos , quorum quum plerisque

que errores recoxerint Novatores, uti cum SS. Irenæo, Epiphano, Theodoreto, Philastrio, & S. Augustino veteres recensentibus, conferenti Sanderum, Hosium, Lindanum, Prateolum, Rescium, Gravinam, Berninum, Jovetium, ac nuperum Scian-dam navos hæresum novarum collectores constabit, palam sit a præfiscis Patribus novos cum veteribus hæreticis fuisse confossos.

Qui de fidei articulis egere, atque quidem de Deo uno, & Trino sunt S. Justinus lib. de Monarchia; Lactantius lib. de creatione; pseudo-Dionysius Areopag. de Divin. nomin.; S. Chrysostomus hom. *De incomprehensibili Dei natura*, & de providentia; Theodoretus item de providentia; S. Athanasius de Trinitate, & in epist. ad Serapionem, ad Adelphium, & ad Maximum; SS. Hilarius, & Augustinus in lib. de Trinitate; SS. Ambrosius, & Fulgentius in lib. de fide; S. Basilius de ineffabili Trinit., epist. ad Amphil., & lib. contra Eunomium; S. Cyrillus Alex. in Thesauro; Vigilii Tapsensis in libris contra Nestorium, & Eutychetem; S. Dionysius Roman. epist. adv. Sabellian.; SS. Liberius, & Damasus epist. ad Orient.; S. Hieronymus epist. ad Damasum de hypostasibus; Didymus Alex. de Spiritu Sancto; SS. Gregorius Nazianz., & Gregorius Nissen. de divinit. Spiritus sancti. Qui de Incarnatione S. Irenæus lib. 3. adv. hæres. cap. 32; S. Hilarius Pictav. lib. 10. de Trinit.; Tertullianus lib. de carne Christi; S. Athanasius in epist. ad Epictetum; S. Gregorius Nissenus contra Apollinarem, & serm. de Nativit.; S. Cyrillus Alex. adversus Nestorium; S. Augustinus lib. 26. contra Faustum; S. Leo M. epist. ad Flavianum; S. Gelasius lib. de duabus in Christo naturis; Vigilii supralaud.; S. Bernardus epist. ad Innocentium II. contra Petrum Abælardum, aliosque in collectione Lupi, & Cocci. Qui de gratia, & libero arbitrio SS. Augustinus, Prosper, Fulgentius, & Bernardus. Qui de Resurrectione mortuorum Athenagoras in apolog.; Tertullianus de resur. carn.; S. Cyrillus Hieros. cath. 18; S. Ambrosius lib. de fide resur.; S. Hieronymus epist. 61; S. Augustinus lib. 20, & 22. de Civit.; Theodoretus lib. 5. hæret. fabul. cap. 19; S. Gregorius lib. 14. moral. cap. 27. Qui de sacramentis, SS. Basilius de baptis.; Ambrosius de initiand.; Cyrillus Hieros. in cathec.; Chry-

Chrysoſt. hom. 83. in Matth. ; Auguſtinus de baptiſmo , & contra Parmenian. ; Gaudentius in homil. ; Pacianus de baptiſmo ; Tertullianus de pœnit. ; S. Fulgentius in epiſt. ad Ferrandum , & de remiſſ. peccat. ; S. Cyrillus Hieroſol. de Euchariſtia. Qui de Eccleſia S. Cyprianus de unit. Eccleſ. ; S. Irenæus adverſ. hæreſes ; Tertullianus de præſcript. ; S. Auguſtinus de vera Relig. ; S. Optatus adverſ. Parmen. ; Eusebius lib. de præpar. , & demonſtr. Evang. ; Vincentius Lirin. in Commonit. ; S. Fulgentius de fide ad Petrum . Ex hiſce itaque, aliſque genuinis, pariſſimiſque fontibus, quos vix uno, aut altero digito attingi, ſincera traditio plurimorum fidei dogmatum promanat, quibus cum laude non exigua ad ſtabiliendam Theologiæ ſacræ doctrinam uſi ſunt Petavius, Thomaffinus, Aguirræus, Lauræa, Tournellius, Natalis, Bouchatius, Gotti, Berti, Thomas de Charmes, Dominicus a SS. Trinitate, aliique nuperi de Theologicis dogmatibus tractatores ; contra quam proinde pudeat obluſtari Novatores , & oblatrare .

¶ ad 3. 1. nefas eſſe de Patrum fide dubitare , ac ſuſpicari, ſicuti Eccleſiæ fidem in dubitationem adducere nefas eſt . Eadem enim Patrum , & Eccleſiæ fides ſemper fuit , ut exemplis ex doctrina 24. dogmatum excerptis , ac ſuperius exhibitis palam factum eſt . Duo vero diligenter ſunt diſtinguenda, quæ Dallæus cum fraude, & dolo commiſcuit, diſciplinam ſcilicet , & dogma : primam in Eccleſia variam extitiſſe pro varietate locorum , morum, temporum , hominumque ultrocitraque concedimus ; non etiam variam circa dogmata doctrinam . Itaque ad diſciplinam ſpectant , quæ de jejunio , azymo , aliſque ſimilibus obſectat Dallæus : quinimo veluti diſciplinæ genus ſpectata fuiſſe ab Aſianis Paſchæ celebrationem Luna 14, & ab Africanis hæreticorum Anabaptiſmum ſuo loco luculenter demonſtrabitur . Quod ſi contendat Dallæus eas de Anabaptiſmo hæreticorum , & de Paſchatis celebratione , non ſecus ac de vario ſacrorum librorum Canone controverſias, aliasque huius generis ad fidem ſpectare : repōnimus 1. de multis olim dogmatibus fuiſſe dubitatum , quæ facta dein diligenti inquisitione Eccleſia ex Dei verbo ſcripto, aut tradito ad fidem pertinere declaravit : 2. circa multa etiam dogmata olim ſicut nunc hallucinatos permultos , ac imo erraſſe non nullo

nullas Ecclesias; attamen ab Ecclesia Romana confestim fuisse correctos illos, istasque emendatas: cui quidem qui ausculta- runt facile ab errore revocati sunt, atque in communionem ejusdem Romanæ Ecclesiæ recepti, ut ex innumeris laudatis superius exemplis liquet; qui vero obsurdescere, atque obfirmato animo suo in hæresis luto hædere maluerunt, ut nunc malunt Novato- res; heu illos miseros! E re ergo Romanæ Ecclesiæ fuit, in- qua integra, & immaculata semper est servata traditio, emergen- tes hæreses proscribere, insurgentes controversias compescere; de fide motas quæstiones finire; fidei dogmata, de quibus dubi- taretur, patefacere, & declarare; sacrarum scripturarum cano- nem cudere; Ecclesiarum errores corrigere &c. Romanæ igitur Ec- clesiæ Traditioni, doctrinæ, fidei, decretis, definitionibus Patrum cohortem firmiter adhæsisse, semperque sibi religioni duxisse, ac satagisse, ut nunquam ab ea discederent, ac divellerentur, ex col- latione dogmatum, quæ Patres tradidere, & quæ Pontifices Ro- mani docent; atque ex lectione testimoniorum, quæ Patres de Romana Ecclesia protulere, quæque paullo post exhibebimus, exploratissimum est.

Regula 1. est ergo ad dignoscendum quæ, & quando fide divina credenda docuerint, atque ab illis discernenda, quæ pri- vatas inter opiniones reposuerunt: si videlicet Romana Ecclesia fide divina aliquid tenendum jubeat, id procul dubio fidei dog- matibus Patres adnumerarunt, atque fide divina crediderunt. Regula 2. ea est professio Patrum sententia, esto methaphoris, allegoriis, aliisque difficilibus locutionibus obvoluta eadem sit, eaque ad fidem spectans, quam esse declaret Romana Ecclesia, verbi Dei scripti, & traditi interpretes, motarumque exinde con- troversiarum judex. Duabus hisce generalibus regulis alias non- nullas particulares adjicere ad Patrum intelligentiam præstat. 1. Patres suam de dogmatibus sententiam tamquam necessario tenendam, fideque divina credendam proposuerunt; si oppositam ut hæreticam habuerint; ac in hæreticis damnarint: si verbis usi sint fidei confessionem exprimentibus, quibus usi sunt in expo- nendis certis aliis fidei articulis: si de his Christifideles, aut Ca- thecumenos imbutos, instructosque voluerint: si e contra de his adver-

adversus hæreticos decertaverint. Regula 2. Patres imperitorum æque, ac doctorum fidelium gratia scribes usitatas vulgo loquendi formulas adhibuisse, neque summa distinctione grammaticalem vocum vim, ac potestatem quæsisse: attamen eam vim, & significationem semper detulisse verbis sacræ Scripturæ, in qua a sacris Auctoribus usurpata sunt. Regula 3. Patres coram ethnicis, aut cathecumenis differentes, sæpe sæpius ænigmatice, methaphorice, & allegorice locutos esse: eas tamen locutiones non adhibuisse, unde ad litteram intelligendi sunt, dum historicum, dum exegeticum, dum dogmaticum, dum polemictim agerent. Regula 4. de doctrina, & sententia Patrum inquirendum est, intelligendumque ex illis locis præsertim, in quibus data opera rem excusserunt, opusque ea de re elaborarunt: ibidem enim consueverunt mentem suam magis aperire, oppositam acrius oppugnare, argumentisque perstringere adversarios: quamquam argumentationes omnes ad rectæ omnino ratiocinationis amussim interdum disputationis æstu abrepti non semper exegerint, atque perduxerint. Præ oculis hisce habitis regulis omnia Dallæi objecta evanescent.

Regulis hisce nihilominus ad majorem earundem intelligentiam, omnemque prorsus in Patrum lectione amovendam, moram nonnullas adhuc attexere juvat, atque jam allatas magis illustrare. Regula 1. Principio distinguendum est diligenter inter Traditiones: nam traditio alia fidei, alia morum, alia disciplinæ; juxta quas res aliæ ad fidem, aliæ ad mores, aliæ ad disciplinam attinent. Traditio item alia divina, alia Apostolica, alia Ecclesiastica, juxta quam distinctionem accepta alia Deo, alia Apostolis, alia Ecclesiæ referenda traditio est: de qua quidem varia acceptione quia agunt dilucide, & luculenter Theologi nostrates Melchior Canus lib. 3. cap. 5; Martinus Beccanus 22. cap. 4; Gaudentius Bontempius in pallad. Theolog. tract. 1. disput. 3. proem.; Dominicus a SSma Trinitate lib. 2. bibl. Theolog. sect. 2. cap. 5; Petrus Annatus in appar. ad posit. Theolog. lib. 3. art. 1. nolo heic esse multus. Regula 2. Antilogias quod attinet, quæ in Patribus aliquando offenduntur, vel inter plures occurrunt, vel in uno eodemque se offerunt, qui quæ

alicubi affirmavit, inficias alibi ivit, in antecessum est attendendum, num antilogiæ dumtaxat apparentes sint, ut observatum est pridem apposite a Patribus Concilii Nicæni II. a&. 1, & Florentini sess. 25. cap. 2; nec non a SS. Augustino lib. 1. contra Julian. cap. 2, & Hieronymo epist. 28. Sin autem rei veritate subsistant, animadvertendum an circa dogmata obversentur, an circa adia-phora, de quibus in utramque partem disputare potuerunt, quin propterea invidia afficiantur. Quum vero dissensio in re dogmatica est, admodum interest attendere ad tempus, quo scripta ejus, modi sunt, num nempe antequam exorta hæresis ab Ecclesia hoc nomine haberetur; quo sane nondum satis accurate, cauteque Patres loqui consueverant, ut apte adnotarunt SS. Hieronymus lib. 2. adv. Ruffin; Augustinus lib. 1. contra Donat. cap. 7, & lib. de bono persever. cap. 20; atque S. Thomas præfat. oper. adv. error. Græcorum. Si vero post definitionem Ecclesiæ, eliquatamque veritatem, tum religio erit a Patris opinione recedere, juxta effectum S. Cypriani epist. 73. ad Jubaian. Demum si contradictio in eodemmet Patre adpareat, qui dissimiliter de eadem re dixerit, tum imprimis de vera Patris sententia judicandum est ex iis locis, in quibus accurate, ex proposito, naviterque rem pertractavit, non ex iis, in quibus carptim, perfunctorie, summisque dumtaxat digitis rem obiter attigit; tumque tandem postremæ citius, quam priori Patris sententiæ subscribendum est; atque iis standum, quæ dogmaticæ tradidit præ iis, quæ tradidit historicum, aut interpretem agens; quod duplex officium in Patribus olim distinxit S. Hieronymus lib. 1. contra Jovin.; vel quæ Senior exaravit, vel quæ retractavit, ut fecere, exemploque suo admonuere S. Augustinus duobus libris Retractionum adornatis, & V. Beda in Retractione super Actus Apostolorum. Regula 3. Errores quod attinet, qui Patribus affricari possent, attendendum principio est libros plerosque Patribus sive Heterodoxorum malitia; sive pia Catholicorum fraude fuisse attributos: germanos autem Patrum libros plerumque ab hæreticis dolo, arteque, vel ab catholicis socordia, atque ignorantia, vel per de-tractionem, vel per transmutationem, vel per additionem interpolatos. Porro Patribus suppositum opus tum conjicitur, quum

quum vel in veteribus optimæ notæ codicibus desideratur ; vel ab omnis ætatis scriptoribus alteri attribuitur , ut adnotavit S. Augustinus lib. 33. contra Faustum cap. 6 ; vel nullum apud synchronum , atque subsequentem scriptorem , etsi occasio , & necessitas afforet , mentio occurrit , ut observavit Eusebius lib. 3. hist. Eccles. cap. 3 ; vel certo constat auctorem in opposita opinione hæsisse ; ut admonuit Rufinus in epist. ad Macarium ; vel in opere res , & personæ reperiuntur Scriptore illo , cujus nomine insignitur , recentiores , ut vidit Photius cod. 101 ; vel stylus ab aliis auctoris scriptis omnino discrepat , ut dispexit Eusebius lib. 3. cap. 25. Interpolatum vero opus conjicitur ex collatione cum vetustioribus codicibus ; aut ex citatione eorumdem locorum apud scriptores cœvos , & accuratos : aut ex consideratione diligenti contextus , antecedentium , consequentium , phrasum &c. Posthæc si rite possunt , explicandi , interpretandique sunt . Ita jubent Facundus Hermian. lib. 9. de trib. Capit. cap. 5 ; & Vincentius Lirin. Common. cap. 38. Atque ita ex aliis investiganda eorum mens , uti dixit de S. Dionysio Alex. S. Athanasius in epist. adv. Arianos ; & docent S. Gregorius Nazianz. epist. 26 ; atque Philippus Abbas Bonæspei epist. 5. Si non error potest , excusari saltem persona debet , quatenus carptim , cursimque scripserit , aut in sententia non permanserit , aut per ignorantiam peccarit : quemadmodum egit erga S. Cyprianum S. Augustinus lib. 6. de baptis. advers. Donat. cap. 2 ; agendumque docuit lib. 2. de Trin. , & epist. 62. Adhæc aliquando Patres ex aliena sententia loquuti sunt , ut de Origene adnotavit S. Athanasius lib. de decret. Synodi Nicænæ ; de aliis S. Hieronymus lib. 1. adv. Jovinian. ; & de S. Gregorio Thaumaturgo S. Basilii epist. 64 ; aliquando vero ex adversariorum sententia retulerunt , ut fecit S. Augustinus lib. contra Adimantum cap. 12 ; & aliquando ex aliorum scriptis regefferunt , ut ait S. Hieronymus de se ipso præfat. 11. Comment. in Isaiam . Regula 4. Circa controversias a Patribus exagitatas quæstionis ipsius status introspectendus , disquirendusque est diligenter ; atque accurate rationum momenta , antecedentia , & consecutaria attendenda , indaganda , & expendenda . Præ oculis præterea habere oportet tempora , occasionesque , pro

quibus jactatæ quæstiones sunt: cujates item, & cujusmodi sint quæstiones, quorumque placitis minime respondentes respiciendum: ad Philosophicas perinde sectas, quibus additi Patres verba persæpe sectis illis solemnita adhibuerunt: intendere etiam juvat in stylum, loquendique modum illorum proprium, frequentem, ac peculiarem, pro ingenio, loco, tempore, ac re, prout observarunt S. Augustinus tract. 97. in Johan.; S. Hieronymus epist. 57. ad S. Damasum de varia acceptione vocum *Ulixæ*, & *Hypostasis*; S. Athanasius epist. de sentent. S. Dionysii de variemodè usurpata voce *Omonition* a PP. Antiochenis adversus Paulum Samosatenum, & a PP. Nicænis adversus Arium; S. Thomas 1. p. q. 19. art. 2. ad 13; & S. Bonaventura in 1. sentent. dist. 1. q. 1.

¶ Ad 3. 2. iniquissime erga Patres se gerere Barbeyracium, antiquatasque calumnias recoquere, quibus quum abunde Doctissimus Ceillierius in apolog. *de la Morale des Peres* satisfecerit, omnesque ad unam dispulerit, & dispunxerit, non est cur hisce iterum dispungendis, dispellendisque multa, eaque inanis impendatur opera. Satiùs erit propterea, si præcipua, ac summa capita discutiantur. At in antecessum nolo existiment Novatores ita pro Patribus tamquam pro aris, focusque pugnare Catholicæ-Romane communionis homines, ut in illis, quos tamen pro officio summa reverentia, ut filios erga Patres, & discipulos erga Magistros decet, prosequuntur, ut in illis, inquam, nihil erratum, nihil incuriosum, nihil vanum, nihil veri minus simile, sed omnia vera, omnia sacra, omnia excellentia, omnia summa velint: homines enim fuerunt, humani aliquid passi, quibusque præter sententiam aliquid obreptionis, vel subreptionis adhærere, aliquidque minus veri, minusve consulti excidere potuit. Quamobrem, ut in Patribus vera ab incertis, communia a singularibus, verbo, sequenda, & amplexanda a rejiciendis, & abjiciendis discernantur, ad allatas regulas attendere jubent viri Clariss. Thomasius, Mabillonius, Laubrußellus, Fleurius, Billius, Nourrius, Thierrius, aliique, qui hoc in studii genere cum gloria se se exercuerunt. Jam vero parce strictimque, quoad fieri poterit, ad impactas ab impudentissimo, profligatissimoque conviciatore SS. Patribus calumnias, impostas-

fitasque criminum personas deterrendas, delendasque descendō.

Atque quidem 1. Athenagoras, uti qui de castitate maxime sollicitus erat, sicut ex apologia apparet, atque cælibatum longe matrimonio anteferebat, & a secundis nuptiis temperantes Christianifideles, propterea quod non pudici admodum animi id esset indicium, peroptabat, paullo durius de secundis nuptiis loquutus est: qui proinde eodem sensu explicandus est, quo Clemens Alexandrinus, Tertullianus, Origenes, SS. Basilus, & Hieronymus, qui quamvis alicubi secundas nuptias honestum adulterium, vel fornicationem appellarint, uti Clemens lib. 3. Strom.; Tertullianus lib. 2. ad Uxor. cap. 2; Origenes hom. 17. in Luc.; S. Basilus epist. 197. ad Diodorum; & S. Hieronymus epist. 85. ad Salvinam edit. Martianæ: ubi tamen serio de re actum est, num videlicet secundæ nuptiæ licitæ, an illicitæ essent, licitas affirmarunt. Ita Tertullianus lib. 1. ad Uxor.; Origenes hom. 19. in Hierem.; Clemens Alex. lib. 3. Strom. pag. 428. edit. Paris. anni 1641; S. Basilus loc. cit.; & S. Hieronymus epist. 27. ad Marcellam; & in apolog. ad Pamachium. Præterea Athenagoras epitheto illo *Honesti* voci *Adulterii* adjuncto satis significat, quo statu adulterii vox accipienda sit. 2. Clemens Alex. neque Stoicum egit, neque idololatriam suasit: priori enim loco differens de exhortatione Christi Domini ad fugam capeffendam tempore persecutionis, id de fuga ea ratione dictum a Christo Domino ait, ne nos aliis, nobisque mali auctores simus, non autem quod malum sit pati persecutionem, quum ipsa potius mercedis in Cælis reportandæ sponsio sit, atque ea ratione alacri animo sustinenda. Posteriori vero loco non alia est plane Clementis sententia, quam S. Pauli Rom. 1, 20. data videlicet visibilia, ut ad invisibilia assurgerent homines: atque quidem ut oculus in visibilibus hisce hæreret, non autem sensus, & animus, sed ab his ad Deum ascenderet.

S. Cyprianus equidem 3. cælibatum laudavit, & servavit, neque id ei crimini vertat, nisi qui Scripturæ sacræ Matth. 19, 7; 1. Corinth. 7, 1; & traditioni S. Justinii apolog. 2; Athenagoræ in Legat.; Tertulliani lib. 1. ad Uxor. cap. 6; Minutii Felicis in Octav.; Theophili Antiocheni lib. 3. ad Autolycum; S. Epiphani

nii in exposit. fidei n. 21, & hæc. 59; S. Hieronymi adv. Vigil., & Jovin.; S. Chrysostomi hom. 2. in Job; Eusebii Cæsar. demonstr. Evang. lib. 9. cap. 9; Synesii epist. 105; S. Ambrosii de offic. lib. 1. cap. ult.; S. Augustini de adulter. conjug. lib. 2. cap. ult.; S. Leonis M. epist. 84, & 92, aliorumque cælibatum, matrimonio anteferentibus detractum velit. S. Cyprianum vero matrimonio pridem junctum pernego. Ante Episcopatum quidem cum uxorem Basnagius, & Fellus ex Protestantibus; & Baronius, quem non secus atque in pejora delapsus Pearsonium corripuit propterea in post. edit. Pagius ad annum 248., putant, ex eo quod Pontius in ejus vita scripserit: *Non uxoris suadela deflexit*: sed id Pontius de Jobo, cujus meminit, non de Cypriano dixit, ut Pagius recte, appositeque ibidem n. 5. animadvertit. Quare quod S. Cypriano affingit Barbeyracius, grave nempe illi fuisse, quod se ab uxore sejunxerit, omnino commentitium est. Confer Ruinartium act. sinc. SS. Martyr. pag. 180. edit. Veron., Pamelium in epist. 49. S. Cypr.; & Schelestratium dissert. 3. cap. 4. Idem S. Cyprianus lib. de bono patientiæ in medium prolato Christi Domini exemplo, inter alios de patientia commendat Abelem, qui adversus fratrem parricidam non restitit, nec reluctatus est; sed humilis, & mitis patienter mortem pertulit. Quid hinc criminatur violatum jus naturæ, ac hujusmodi juri vim illatam? Quorsum Barbeyracius confundit cum jure præceptivo jus permissivum? Abeli permissum erat contra Cainum se tueri, non ei id præceptum erat, ut cum Fratris nece se tueretur. Si attendisset iis, quæ de Christianorum præcorum patientia in adversis rebus perferendis, ac tolerandis malis persecutionum scriptis consignarunt Clemens Alex. lib. 5. Strom.; Tertullianus lib. de patientia; Athenagoras in legat. pro Christianis; S. Justinus in apolog.; Arnobius senior lib. 1. contra gent.; Origenes lib. 2. contra Celsum; Eusebius Cæsar. lib. 1. præpar. Evang. cap. 4; Lactantius lib. 5. instit. cap. 13; & acta SS. Martyrum apud Ruinartium regerunt; imo Christus in Evang. Matth. 5; & Apostoli act. 5. verbo, & exemplo docuerunt, non ita insaniisset. Postremo loco, scilicet in epist. ad Puppianum, S. Cyprianus equidem arguit, quod si ipse nec Episcopus, nec Sacerdos esset, uti Puppianus Novatianus

tianus cum esse inficias ibat, invalidum fuisset Sacramentum reconciliationis, seu pœnitentiæ, & peccatorum remissionis toties Fidelibus a sex annis ab ipso administratum. Forte etiam, aut ego fallor, ex eo quod Puppienus ipsi Episcopatum, ac etiam sacerdotium sua sententia abjudicaret propter criminum personam ipsi objectam, intulit suum errorem, quo jam erat imbutus, scilicet invalidum esse baptismum ab hæreticis collatum; nam ait: *Subveniat Puppienus, ne novus credentium populus nullam per nos consecutus esse baptismi, & Spiritu S. gratiam judicetur*: de quo quidem Cypriani errore alio in loco dicendum erit. At vero inferri, quod imaginati sunt Clericus, & Barbeyracius, videlicet validam Episcopi ordinationem ab ejusdem moribus pendere, atque ab valida Episcopi ordinatione salutem populi, nullo modo potest: ab hæreticis enim Baptismus, & Ordinationes collatas nihil valere, esto censuerit Cyprianus, ut, qui in eo versabatur errore, quod a charactere non distinguens gratiam, gratiam, & salutem extra Ecclesiam non esse censeret, non ita censuit de collatis ab hominibus crimine quoppiam præter schisma, vel hæresim irretitis.

Quod 4. ad Lactantium attinet, is plane bellum Christiano non licere non docuit, sed abhorreere ab humana natura, ac multo magis ab homine justo homicidia. Non enim Lactantium latebat ex S. Scriptura Luc. 3; & A&A. Apostol. 10. fas fuisse Christianæ militiæ nomen dare: atque reapse sub Adriano, Antonino, & Severo Imper. Christianorum plurimos rei militari implicatos fuisse. Sed & Christianis hominibus castra sectari licuisse perspectum fuerat Tertulliano apologet. cap. 37; Origeni lib. 1. contra Celsum; Clementi Alex. lib. 2. pædagog. cap. 11; Apollinari Hierapolit. apud Eusebium lib. 5. hist. Eccles. cap. 5. aliisque; quippini igitur Lactantio idipsum exploratum fuerat? Negotium, & mercaturam in locis, ubi manebant, veteres Christiani etiam gerebant, ut se, ac familiam alerent; non etiam rei familiaris augendæ, amplificandæque gratia itineribus longis ad loca diffusa se se committebant. Eo itaque sensu loquutum Lactantium, non secus ac Tertullianum lib. de Idolol. cap. 11; S. Justinum in epist. ad Diognetum; & Minutium Felicem in Octav., legenti patebit.

tebit . Eo quoque sensu scripsit Lactantius iusto non licere quemquam accusare crimine capitali , quod hominem occidi , quum res esset summo opere odiosa , ei partem ullam , operamque dare Christianum nolle . Ea igitur Lactantio infederat sententia , Christianis , quemadmodum ethnicis , causa ambitionis , aut lucri , aut odii nec militandum , nec navigandum , multo minus alterum capitali crimine accusandum esse : necessitate tamen , aut Principis imperio adactus mercaturam exercere , & militiæ nomen dare posse : & quandoque posse , gratia conservandæ propriæ aut Reipublicæ tuendæ , hostibus vitam adimere . Confer clariss. Mamachium orig. , & antiq. Christ. lib. 3. cap. 4., ubi a Petavio , & Salmasio , quibus addendus Natalis hist. Eccles. ad sæcul. IV. Synop. cap. 6. art. 3 , in Lactantium minus æquis , hacce in re ipsius doctrinam egregie vindicat . Quod postremo de scenore a Lactantio damnato objicitur , paullo post explodetur : eumque certe edita apologia egregie vindicavit Aloysius Bulteau .

S. Basilii Magni 5. sensum profecto assequuti minime sunt , qui ea objiciunt . Priori enim loco epist. canon. cædibus in bello patratiss , aut ad sui defensionem aperte notam homicidii non esse inurendam affirmat ; earum tamen auctori bus consulit , ut poenitentiam agant , idque ad eluendam , si quæ intervenit , culpam , atque ad præcavendum omne voluntariæ cædis periculum . Posteriori vero loco statuit , ut qui fornicatione sunt conjuncti , separentur , & poenitentia subjiciantur ; atque ipsis suadendum , ut matrimonium post poenitentiam differant contrahendum : si vero antequam poenitentia fornicationi decretæ adjicerentur , matrimonio conjuncti fuissent , poenitentia etiam tempore propter incontinentia periculum non esse separandos , nisi ipsi separationi consentiant , & incontinentia periculum procul absit . Ita Balsamon in hunc canonem . Multo magis pendendum , ac ponderandum videtur , quod S. D. epist. 1. canon. ad eundem Amphiloch. can. 9. statuit : scilicet causa fornicationis licitam esse separationem conjugum quoad thorum , eaque in causa par esse jus viri , ac mulieris juxta legem Evangelicam : at juxta Ecclesiasticam disciplinam virum hac in causa superiorem esse , adeout vir mulierem adulteram dimittere possit , atque alteram ducere uxorem , non

non autem mulier virum adulterum dimittere, & alteri viro matrimonio copulari. Eiusdem sententiæ esse videntur Ambrosius, seu Hilarius Sardus Diaconus in cap. 7. epist. 1. ad Corinth.; Laëtantius lib. 6. instit. cap. 23; S. Asterius hom. de repudio; Tertullianus lib. 4. contra Marcion. cap. 34; Origenes in cap. 7. Matth.; Theodoretus lib. 4. hæret. fabul. cap. 6; S. Epiphanius hæ. 59; Theodorus Cantuariensis in pœnit. cap. 116. apud Morinum; Concilia S. Patritii can. 26; Romanum sub S. Leone IV. can. 36. apud Luitprandum, seu Auctorem libri de vitis Rom. Pontif.; Veneticum circa annum 465. can. 2; & Bituricense anno 1031. can. 16: atque ita conjugia dissolvi adulterio legibus Principum declaratum est, quas legere est in codice Justiniani lib. 5. *De Repudiis* tit. 17; & lib. 9. *De Adulteriis* tit. 9; & in codice Theodosiano lib. 3. tit. 16; nec non in Capitularibus Regum Francorum. Et sane in Concilio Florentino cum Græcis exposulavit Eugenius IV, quare Matrimonia ob adulterium dirimerent: iis tamen in sententia manentibus non ultra de fide negotium est facessitum. In Tridentino etiam dum sess. 24. teste Pallavicino Canonem 7. ita meditati essent Patres, ut anathemate damnarent eos, qui assererent matrimonium ob adulterium dissolvi, intercessere Oratores Veneti ejusmodi canonis promulgationi reponentes fore, ut Græci apud ipsos degentes a fide desciscerent, non passuri matrimonia ob adulterium dissoluta anathemate damari. Cujus quidem intercessionis, & supplicationis habita ratione Canon ita ut extat nunc emendatus, temperatus, & emollitus est. Denique hanc quæstionem suo tempore obscuram, ac maxime implexam fuisse testatur S. Augustinus lib. de fide, & oper. cap. 19; ideoque hisce permoti in eandem sententiam concessere Cajetanus, Catharinus, Erasmus, Lanojus, & alii. Igitur excusatione dignus est S. Basilus, si eam in sententiam abiit.

Cæterum vera, & certa sententia est viro, æque ac uxori illicitum esse a matrimonii vinculo ob adulterium alterius partis resilire, quam tradunt Athenagoras in apologia pro Christ.; Clemens Alex. lib. 2. Strom.; Origenes tract. 7. in Matth.; S. Gregorius Nazianz. orat. 31; S. Chrysostomus hom. 17. in Matth.;

Part I.

V.

VI.

Victor Antioch. in 16. Lucæ; & Theophylactus in 7. epist. 1. ad Corinth. Ex Latinis autem Tertullianus lib. 4. contra Marc. cap. 34; & lib. de Monogamia capp. 9, & 11; S. Ambrosius lib. 8. in cap. 16. Lucæ; S. Hieronymus in cap. 19. Matth.; epist. 3. in epitaphio Fabiolæ; & epist. 147. ad Amandum; S. Augustinus de bono conjugali capp. 7, 15, & 18; de adulterinis conjugii lib. 1. capp. 9, & 11; & lib. 2. capp. 5, & 9; S. Innocentius I. epist. 3. ad Exuperium cap. 6; Primasius in cap. 7. epist. 1. ad Corinth. S. Isidorus lib. 2. offic. cap. 17; V. Beda in cap. 10. Marci; Carolus Magnus lib. 6. Capitul. cap. 87; Haimo in cap. 7. epist. 1. ad Corinth. S. Nicolaus I. epist. 59; Johannes VIII. epist. 63, & 198; S. Anselmus in 5. Matth., & 7. epist. 1. ad Corinth.; Ivo Carnot. epist. 152. Concilia Trullanum can. 87, & 98; Illiberitanum cap. 9; Arelatense I. an. 314. can. 10; Milevitanum II. an. 416. can. 17; Herusfordiense an. 673. cap. 10; Foro-Julienſe anno 791. cap. 10; Tullenſe II. anno 860. in epist. Synod. 3. Triburiense anno 895. cap. 46; Nannetenſe circa annum 900. cap. 12; Alexander III. cap. *Ex parte* de ſponſalibus, & matrimoniis, & cap. *Quæſivit* de divortii; Innocentius III. cap. *Gaudemus* de divortii, & lib. 1. de contemptu mundi cap. 18; Albertus Magnus in cap. 5. Matth. 3. S. Bonaventura in 4. diſt. 35. q. 4; Tridentinum ſeſſ. 24. can. 7; & communiter Theologi, & Canonistæ. Quinimo nonnullis ex antiquis Patribus oppoſitam ſententiam perperam appingi ostendunt viri eruditi: ita Tertulliano, & Origeni ostenditur ex ſupra citatis locis, in quibus pro vera ſententia ſtant, & aliorum referunt, quam ſuam non faciunt: vel ſaltem debere, ac poſſe rite exponi: ita Ambroſiaſtrum, & S. Aſterium loquutos eſſe de ſ. cundis nuptiis prima uxore defuncta; ita etiam loquutos Theodoretum, & S. Epiphanium: quamvis Theodoretum de ſolutione matrimonii quoad thorum, non quoad vinculum intelligendum contendit Duhamel tom. 7; & S. Epiphanii locum depravatam pugnat Petavius; quem tamen accipiendum de ſolutione matrimonii ob mortem alterius conjugis, adeoque de ſecundis nuptiis cenſet Nourrius. Ita antiqua pœnitentialia, & Concilia allegata eſſe accipienda hoc modo, videlicet quum vigerent Imperato-

ratorum leges, quibus licebat post repudium alia inire matrimonia, autumant sibi abstinendum a rigore præcepti, adhibendaque potius verba consilii, suasionis, & exhortationis; quamquam nihilominus Evangelicum esse præceptum, ne quis dimissam a viro ducat, nisi adulter haberi velit, satis significant. Leges vero Principum nos non moramur hacce in re, de qua iudicandum juxta legem Divinam, & Ecclesiasticam, non civilem, & laicam. Quamquam neque absque ullo limite concedunt Leges laudatæ, ut dato uxori repudio a marito, & viceversa liceat alteram, vel alterum ducere, sed eo dumtaxat casu, quo maritus fuerit homicida, vel maleficus, vel sepulchrorum defossor, aliud connubium uxori conceditur; concediturque viro eo casu, quo uxor mœcha sit, vel medicamentaria, aut conciliatrix, hoc est adultera, venefica, aut lena. S. Basilium denique quod spectat, benigne æque, ac rite ita accipi posse, ut indulgentia, quidem erga viros, qui ob adulterium dimissa uxore aliam duxerint, ab aliquibus actum esse significet, qua indulgentia non agendum æque erga uxores in pari causa putarint, adeoque se hujusmodi viros nolle pœnitentiæ adjicere, quamquam juxta legem Evangelicam illicitum æque esse hujusmodi viri connubium indicet. Eum esse S. Basilii sensum confirmatur ex lib. de Virginitate, ubi ait: *Non audis quoniam, qui dimissam duxerit, mœchatur? Etsi enim, subdit, pro culpa dimissa est, vivit tamen vir ejus.* Confer Petavium in animadvers. ad hæresim Novatianorum; Nourrium in appar. ad Bibl. maximam SS. Patrum disert. 4; & Cottellerium in adnotationibus ad PP. Apost. Quod postremo contra S. Basilium producit, leve adeo est, ut vix responso dignemur: seria cogitantem, mundana spernentem, carnem crucifigentem voluit Monachum, non Evangelio contradicentem: Christianum docuit non facile jurare, & a litigiis abstinere, quod docuit Christus.

S. Gregorius Nazianzenus 6. jure optimeque scripsit, non permittendos hæreticos conventus agere, non quod alioquin id quasi foret eorum doctrinam approbare, ut perperam infert maleferiatus Barbeyracius; sed quia conventicula illa in contemptum Religionis cederent. Plane id eo sensu intulit Calvinista,

iste, quod corporales pœnas infligendi hæreticis potestatem; omnem Ecclesiæ ademptam vellet, longèque procul amandatam. At frustra id refrenat: quippe jure ab Ecclesia hæreticos pœna temporalis puniri, eosque ino sæculari potestati contradi pœna etiam capitali plectendos multis, invidiisque argumentis ostendunt nostri Theologi, præsertim Bellarminus lib. 3. de Laicis capp. 21., & 22; Diana in dogmatico tract. 16; Suarez de fide disp. 20. sect. 3; & disp. 23. sect. 1; Natalis histor. Eccles. ad sæcul. XIII., & XIV. dissert. 3, alique tum nempe ex S. Scriptura Deuter. 13, 17, & 18; 3. Reg. 18, & 4. Reg. 20, & 23; item Johann. 10; Matth. 7; Lucæ 20; 2. Petri 1; 2. Corinth. 10; & Rom. 13. Quibus ex postremis locis S. Pauli colligit S. Bernardus ferm. 66. in Cant. etiam ministros Ecclesiæ positos esse ad vindictam de hæreticis repetendam: tum ex SS. Pontificibus S. Innocentio I. epist. ad Concil. Carthag.; S. Leone I. epist. 2, 47, 90, & 93. de Manichæis, & Priscillianistis; S. Gelasio, sive S. Felice III. in commonit. ad Faustum magistrum; S. Symmacho relato can. *In Canonibus* 17. q. 1; Pelagio I. epist. 3. ad Narsem Patritium; S. Gregorio Magno lib. 1. dialog. cap. 4; lib. 1. epist. 72. ad Gennadium Patritium; lib. 3. epist. 32. ad Pantaleonem Episc.; & lib. 4. epist. 3; Lucio III. extra de hæret. lib. 5. tit. 7. cap. 9; Innocentio III. ibidem; Gregorio IX. ibidem cap. 15; Alexandro IV. 6. decretal. de hæret. capp. 2, & 4; Clemente V. extra de hæret. cap. 3; Martino V. in Concil. Constant., & Leone X. constit. *Exurge*: tum ex Conciliis Antiocheno anno 341. can. 5; Nicæno apud Sozomenum lib. 1. cap. 20, & S. Augustinum epist. 66; Ephesino generali epist. ad Clerum, & populum Constantinopolit.; Toletano IV. capp. 57, & 59; Lateranensi IV. cap. 3; Vicenensi extra de hæreticis; Constantiensi, & Lateranensi V.

Nec altera infedit sententia SS. Patribus Ignatio in epist. ad Ephesios, & Philadelphios; Irenæo lib. 3. cap. 3; Tertulliano in scorpiaco cap. 2; S. Cypriano de exhort. Martyrii cap. 5; Eusebio Cæsar. lib. 3. vitæ Constant. cap. 64; Athanasio de Synodis Arimin., & Seleuc.; Gregorio Nazianz. epist. 77. ad Olympium, orat. 31, & 46; Optato Milevitano lib. 3. advers. Parmen.;

Lu-

Lucifero Calaritano *De non conveniendo cum hæreticis*; Ambrosio lib. 1. de Spiritu Sancto in prologo, & epist. 81. ad S. Siricium; Ephræmo Syro de virtute cap. 8; Johanne Cyprio in vita S. Epiphani cap. 59; Hieronymo lib. adversus Pelagium cap. 2, ad Fabiolam de 42. mansionibus, mansione 29., & in cap. 5. epist. ad Galatas relato can. *Resecanda* 24. q. 3; S. Augustino lib. 2. Retract. cap. 5, lib. contra duas epistolas Gaudentii Donat. capp. 19, 25, & 34, lib. 1. contra epist. Parmen. cap. 7, tract. 11. in Johann. epist. 48, nunc 93. ad Vincentium Rogatist., epist. 50, nunc 186. ad Bonifacium Comitem, epist. 166, nunc 105, & epist. 167, nunc 89. ad Festum; Philone Carpathio in Cantica ad illud: *Capite nobis vulpes parvulas*; Cyrillo Alex. lib. 8. de Spiritu Sancto, & epist. 20; Sozomeno lib. 2. cap. 30, & lib. 5. cap. 5; Theodoreto lib. 4. hist. Eccles. cap. 10, & lib. 5. cap. 1; Prospero Aquit. contra collator. cap. 41; Johanne Maxentio in respon. ad epist. S. Hormisdæ; Procopio Gazzo in Exod. ad illud: *Si quis furatus fuerit* &c., & in Deuteron. ad illud: *Si deprehensus fuerit* &c.; Evagrius lib. 5. cap. 18; Johanne Damasceno in dialogo adversus Manichæos; Beda lib. 3. in Cant.; Rabbano in cap. 11. Judith.; Anastasio bibliot. variar. historiar. lib. 16, & 24; Bernardo serm. 66. in Cant., & epist. 195; S. Thoma 22. quæst. 11. art. 3; S. Antonino par. 2. summæ Theolog. tit. 12. cap. 4, & aliis apud Coccium tom. 1. lib. 7. art. 3. Confer cap. *Ad abolendam*: cap. *Excommunicamus*: & cap. *Super eo* tit. de hæreticis in 6.

Auspicio etiam suo, auctoritateque faciunt laicorum leges Principum, puta Constantini Imperat. apud Nicephorum lib. 8. cap. 25, & Eusebium de ejus vita lib. 3. capp. 62, & 63; Constantini, Constantis, & Constantii lib. 1. Cod. de hæreticis, & Manichæis; Arcadii, & Honorii ibid.; Theodosii, & Valentini L. *Arianos*; Marciani, & Valentini L. *Quicumque* de Eutychianistis, & Apollinaristis; Theodosii, & Honorii L. *Si quis* de iterantibus baptismum; Justiniani L. *Manichæi*, & L. *Divinum* tit. de hæreticis; Friderici I, & Friderici II. Cod. de hæreticis, & Manichæis. Tum exempla poenarum, quibus in hæreticos a Principibus est animadversum: in Arianos teste Sozomeno lib. 1.

158 PRIVILEGIA ROM. PONTIFICI

lib. 1. cap. 20. a Constantino Imp. : in Donatistas ab eodem Constantino teste S. Augustino epist. 166 : In Basilium sectæ Bogomilorum Principem ab Alexio Commeno, teste Zonara lib. 3. Annal. : in Stephanum, Lisojum, & alios a Roberto Galliarum Rege teste Glabro Rodulpho lib. 3. hist. cap. 8 : In Petrum de Bruis teste V. Petro Cluniacensi : in Arnaldum de Brixia a Frederico Imper. teste Ottone Frising. : in Arnoldum Catharum teste Echberto Abbate S. Florini serm. 8. adver. Catharos. Mitto exempla Albigensum, Johannis Hus, & Hieronymi Pragensis, aliorumque. Tum testimonia, quæ habentur ex ipsis hæreticis jure gladii illos coercendos affirmantibus, Calvino in refutat. errorum Serveti; Theodoro Beza lib. de hæreticis a Magistratu puniendis; Luthero in postillis minoribus Dom. 5. post Epiphaniam; Melancthone lib. de officio Principis; Brentio lib. de Republica bene administranda; Urbano Regino in confessione oblata Concilio Trid.; Capitone lib. de jure Magistrat. in Religionem; Bucero enarrat. in cap. 12. Matth.; Bullingero in decadis 2. serm. 4, & 8, & Musculo commentar. in Psal. 2, quos citat Theodorus Beza.

Quandoquidem vero sæculi tantum Principibus coactivam potestatem adjudicant, Ecclesiæ vero Pastoribus eam ablegant, qua possint legum fractores, & hæreticos fidei hostes poenis temporalibus compefcere, post Marsilium Patavinum, & Johannem Jandunum Protestantes Angli, præsertim Purritani, & Presbyteriani; atque ex catholicis etiam Guillelmus Barclajus, & Rogerus Widringthonus, abs re non erit nonnulla indigitare hic momenta, quibus contra pugnant ex nostris Gersonius, Hervæus, Alliacensis, Hallier, Bellarminus, Suarez, ac recens doctiss. Berti, aliique Romano præsertim Pontifici utramque potestatem facientes, qua poenis cum spiritualibus, tum temporalibus a fide, & obedientia devios plectere possit. Ducuntur vero hujusmodi momenta 1. ex S. Scriptura iis in locis, ex quibus Pontificis Primatus adferitur: item Johannis 9, ubi a Sacerdotibus ejectus de templo, & synagoga cæcus a Christo illuminatus legitur: Act. 6, & 13, ubi ab iisdem Sacerdotibus ejecti de synagoga sunt SS. Stephanus, Paulus, & Barnabas: Act. 5. ubi a S. Petro ver-

verbo interfecti sunt Ananias , & Saphira , quod notarunt S. Ambrosius serm. 19 , & S. Gregorius M. lib. 1. epist. 24. Confer Lorinum : Act. 13 , ubi a S. Paulo cæcitate percussus legitur Elymas magus : 1. Corinth. 4, & 2. Corinth. 10 , ubi illis virgam , & ultionem minatur Apostolus , quod observarunt S. Augustinus lib. 3. contra epist. Parmen. cap. 1 , & S. Bernardus serm. 66. in Cant. ; & 1. Corinth. 5 , ubi a Paulo traditus est incestuosus Satanæ corporaliter vexandus , quod adnotarunt Theodoretus , & S. Thomas . 2. Ex jure canonico cap. *Unam sanctam* in extravag. de Major. , & Obedient. , ubi Bonifacius VIII. Romano Pontifici asserit utrumque gladium spirituale , & temporalem , usurpatque verba S. Bernardi lib. 4. de consid. cap. 3 , & epist. 237 : Cap. *Ad Apostolicam* de sentent. , & re judicata in 6 , ubi Innocentius IV. cum Concilio gener. Lugdunensi I. declarat se potem esse animadvertere temporaliter in Imperatorem , & cap. 1. de Homicidio , ubi idem Innocentius cum eodem Concilio poenas temporales minatur Principibus non compescentibus homicidas . Videtis Covarruviam lib. 1. variar. resolut. cap. 20 , & lib. 2. cap. 9 : Cap. *Postulasti* ; & cap. *Quidem ea* in extravag. , ubi a Pontificibus poena pecuniaria plexi sunt , qui in Clericos violentas manus injecerant , & Cives Tusciæ jussi sunt arma parare , & militi stipendia pendere : Cap. *Novit* de Judiciis , ubi Innocentius III. multa de hac potestate habet : Can. *Si vos* 23. q. 5. relato ex S. Augustino lib. de unit. Ecclesiæ cap. 7 : Can. *Sape* 28. q. 1. sumpto ex Concilio Toletano IV. cap. 59 , & seqq. Sed plura de his par. 2. Vindiciar . Addo a Johanne XXII. id declaratum , eique declarationi assensum præbuisse suam Academiam Parisiensem .

S. Ambrosio per summam calumniam 7. appingitur , quod docuerit adulterium licitum ante legem Moysis ; longe enim abfuit ab eo errore : ibi enim , scilicet lib. 1. de Abraham cap. 4. asseruit dumtaxat poenam statutam adulterio non fuisse lege aliqua positiva ante legem Moyfi datam , ideoque tunc temporis benignius actum cum adulteris , non ita post legem promulgatam . Nam alioqui S. Ambrosium agnovisse lege naturali illicitum adulterium liquet ex epist. 41. ad Irenæum , qua ait : *Esse autem naturalem legem in cordibus nostris etiam Apostolus docet* : imo & ipso-

ipsomet libro de Abrahamo loquens de Pharaone, qui Saram abstractam cognoscens Abrahamo esse conjugatam eidem confestim restituit, sicut: *Est natura ferus, ac barbarus, tamen significat & adulterii crimen sibi esse cavendum... Nec mirum si barbarus jus novit natura. Ita major lex natura, quam legam prescriptio est: & cap. 7. Omnes, inquit, viri, mulierisque concubitus nulla legitima matrimonii sorte celebratos, habere suam culpam. Quia vero maxime S. Doctor studebat cathecumenos a pellicatu absterre, polygamiam quoque ut eliminaret, obnixè sategit, ideoque nonnulla uti verborum duritie duxit. Ea de re Abrahamum ancillæ non nupsisse putat, quem tamen ea ratione ab adulterio excusat, quod id egerit studio quærendæ posteritatis, & propagandæ sobolis. Sed de hoc argumento rursus infra, quum de S. Augustino. Quod de secundis nuptiis a S. Ambrosio damnatis objicitur, ajo ipsum intelligendum quomodo paullo supra intelligendos dixi Athenagoram, Tertullianum, Origenem, Clementem Alex., S. Basilium, & S. Hieronymum. Porro lib. 3. Officior. cap. 4. jure merito adhortatur virum justum, ut pietate, non jure agat cum invadente se hoste, & irruente in sui vitam, videlicet ut mortem ipse corporis potius patiatur, quam jure tutelæ utendo inimico cum morte corporis animæ quoque mortem consciscat. Eam esse S. Doctoris sententiam ex uno, vel altero verbo *Non videtur, quod vir Christianus, & justus*, quibus utitur, constat. Postremo vitio S. Doctori datur, quod fœnus, & usuras condemnarit. Næ isti Nuperi morum doctrinæ vindices in Lactantio, in Ambrosio, in Chrysostomo hancce doctrinæ morum corruptelam condemnant! Videlicet illicitæ, & inhonestæ licitationis, atque imo anatocismi putidissimi defensores, specioso Religionis reformatæ prætextu, oppugnant præceptum juris naturalis, & divini.*

Enim vero Christianos præsci temporis usuras non exercuisse, auctores sunt S. Justinus apolog. 2; Clemens Alex. lib. 2. Strom.; Athenagoras in legat.; Tertullianus lib. 4. contra Marcion. cap. 16; Lactantius lib. 6. instit. cap. 8; & S. Cyprianus lib. de lapsis, ubi refert, quod quum suo tempore plurimi Ecclesiastico, imo Episcopali charactere insigniti amplificandæ rei familiari in-

hian-

hiantes fœnus augerent , periculumque foret , ne eorum exemplo fideles ejusmodi nefariæ licitationi operam darent , orta est in Ecclesia Decii persecutio , sub qua aliena quærentes propria perdidierunt . Itaque ab eo tempore fuerunt in Ecclesia fœneratores , sed qui fœnus licitum docerent non fuerunt , nisi post sæculum XII. Sunt equidem , qui in ejusmodi errorem Græcos schismaticos sæculo XII. prolapsos accusant : at impactam calumniam diluunt Balsamon in scholiis ad epist. S. Gregorii Niss. ad Letojum , & in epist. S. Basilii ad Amphilochem ; Aristenus ei cœvus in canon. Concilii Carthagin. an. 419 ; Zonaras in can. 17. Concilii Nicæni , & 43. Apost. ; Gabriel Philadelphus tract. de sacram. pœnit. cap. 11 ; Nicolaus Cabasilas in orat. contra usurarios ; & Nicolaus Comnenus Papadopolus orthodoxus in prænotionibus mystagogicis , ubi aliorum testimonia adducit . Qui ergo omnium primi fas esse christiano fœnus , usurasque exercere docuerunt , habentur initio sæculi XIII. Cathari , seu Patareni teste Ven. Moneta in opere adversus eosdem , quod egregiis notis , doctissimisque dissertationibus illustravit Clariss. P. Augustinus Thomas Richinius ; Albanenses teste S. Antonino part. 4. tit. 1. cap. 7. §. 6. summæ Theolog. , eodemque teste damnatus est illorum error in Concilio Vienn. a Clemente V. Clement. *Ex gravi* de usuris . Hisce ducibus inhærentes usuras indiscriminatim nec jure naturali , nec jure divino illicitas Christianis , ut quæ hebræis quoque erga alienigenas licerent , etsi non licerent erga confratres , lege Deuteronom. 23 , 19 , quam legem inter politica præcepta in nova lege sublata reponunt , docuere Calvinus prælect. 54. in Ezechiel. 18 , & in 8. decalogi præceptum ; Carolus Molinaus in tract. de usuris , & Claudius Salmasius lib. de usuris , lib. de fœnore trapezitico , aliisque in operibus . E contra usuras moderatas licere quidem , at immoderatas , præsertim erga pauperes , lege divina , aut naturali prohiberi , merumque Christi Domini consilium his verbis *Mutuum date nihil inde sperantes* contineri ; peccarique quidem contra justitiam , si ultra modum ; & contra charitatem , si ab egenis exigantur , ex ipsis Calvinistis propugnarunt Theodorus Beza comment. in cap. 6. Lucæ ; Johannes Cloppenburius in Theolog. institut. de usuris adversus Salmasium ; Guil-

Ielmus Amæsius lib. 5. de conscient. cap. 44.; Hugo Grotius lib. 4. de jure belli, & pacis cap. 12. §. 20, & in cap. 6. Lucæ; Puffendorsius lib. 5. de jure nar., & gent. cap. 7; Noodt lib. 1. de usur. capp. 4, & 6; Placetæus in tract. de l' *Interet*; Buddæus instit. Theolog. moral. par. 2. cap. 3. sect. 5; Spanhemius dubio Evangelico 127; & Salmasius ipse lib. de usuris cap. 20. Calvinistis eo in errore dein adhæserunt Janseuistæ in Belgio fœderato profugæ, & ipsi purioris disciplinæ morum professores, ut narrat Illustr. D. Petrus Franciscus Lafiteau Episcopus Sistaricensis in histor. constit. *Unigenitus* lib. 5. ad an. 1728; & refertur in opere gallice inscripto: *Memoire sur l'etat presente des refugiez Francois en Hollande au sujet de la Religion*. Accessere item Dieroisius, is est Launojus in epist. ad amicum de usura tom. 2. part. 2. edit. Genevens.; Thierrius in epist. ad Brachmannum, pseudo-Episcopum Ultrajectinum in citato opere gallico *Memoire sur l'etat*; Broedersenius in lib. ingentis molis *De Usuris licitis, & illicitis* inscripto, alique apud doctissimos Hieronymum, & Petrum Ballarinius fratres in præfat. tom. 1. de jure divino, & naturali circa usuram, & Daniele Concina tom. 8. Theologiæ Christianæ lib. 3. de Just., & jure dissert. 3, aliisque in operibus hoc de argumento elucubratis. At Janseuistis ipsis alii ex ipsorum grege adversati sunt, ut est apud laudatos Lafetæum, & Ballarinos. Ex catholicis vero scriptoribus si qui parum circa usuras habenas laxarunt, ab aliis plurimis dignis vapularunt.

Ergo stat catholicum dogma usuras omnis modi, sive a pauperibus, sive a ditioribus, sive supra, sive infra modum exprimantur, illicitas esse jure naturali, ac divino. De jure naturali agunt uberrime citatis locis laudati Ballarinii, & P. Concina, unde nihil dicam: de jure divino ex ipsis aliquid delibabo. Ejusmodi juris divini itaque Testis est S. Scriptura Exodi cap. 22, 25; & ibidem S. Ambrosius lib. de Tobia cap. 2; Levit. 25, 35; & S. Chrysostomus hom. 57. in Matth. Psal. 14; & Drusius etsi heterodoxus in cap. 5. Matth. 22. Ezechiel. 18, 5, & 22, 2, & ibidem S. Hieronymus. Esdræ 2, 5, & ibidem Grotius, & Clericus. Matth. 5, 42, & 21, & ibid. S. Hieronymus. Lucæ 6, 32, & ibidem Tertullianus lib. 4. adv. Marc. cap. 17, & S. Basilus

filius in psal. 14. Matth. 25, 27, idest Lucæ 19, 23, & ibidem Ligtfoot etsi acatholicus in horis hebraicis in Matth. 25, & S. Gregorius Nazianz. orat. 5. in plagam grandinis. Testis est 2. SS. Patrum traditio: ac inter eos sunt S. Justinus apolog. 2; Clemens Alex. lib. 2. Strom., & lib. 1. pædagog. cap. 10; Origenes hom. 3. in psal 36; S. Basilii in epist. ad Amphilocho. can. 14, & in orat. adv. usurarios; S. Athanasius in psal. 14; S. Gregorius Nissenus in epist. ad Letojum cap. 6, hom. 4. in Ecclesiastem, & orat. advers. usurarios; S. Chrysostomus hom. 57, nunc 56. in Matth., & serm. de utilit. lect. sacræ Script; S. Cyrillus Alex. lib. 8. de adorat. in spiritu, & verit.; Theodoretus in cap. 18. Ezech., & in psal. 58; Justinianus Imper. Novella 72. cap. 6; Antiochus Palæstinus Monachus hom. 12. in usurar.; S. Johannes Damasc. in paralellis sacris tit. 9; Theophylactus in 5. Matth., aliiq. Græci supra laudati. Ex Latinis Tertullianus lib. 4. adv. Marc. cap. 17; S. Cyprianus lib. 3. testimon. ad Quirinum; Lactantius lib. 6. instit. cap. 18; S. Hilarius in psal. 14; S. Ambrosius lib. de Tobia capp. 14, 15, 16, & 23, epist. 19. ad Vigiliū Trident. Episcopum, & lib. de bono mortis cap. 12; S. Zeno Veron. lib. 1. tract. 9; S. Hieronymus in cap. 18. Ezech., in 58. Isaia; & in psal. 14; S. Augustinus serm. 3. in psal. 36, & 128, serm. 38. cap. 6, serm. 86, serm. 113, & lib. 4. de baptis. cap. 12; S. Paulinus epist. 32. ad Severum; Cassiodorus in psal. 14; Martinus Bracarenſis Episcopus capitulo 62; Firminus Abbas in lib. de singulis libris Canonicis apud Mabillonium in Anecdotis; V. Beda in psalm. 14, 36, & 54; Ulfadus Bituricensis Episcop. in epist. pastorali apud Mabillonium in Analect.; Egbertus Eboracensis in pœnitentiali apud Morinum de pœnit.; Halitgerius in pœnitentiali capit. 7; Hildebertus serm. 15. de libro vitæ; Petrus Blesensis epist. 17. ad Clericum negotiat., & epist. 91. ad Rodolphum Lexovienſem; S. Bruno Signinus Episcopus in psal. 14, & 71; S. Anselmus hom. 12. in parabol. de villico iniquitatis; Auctor sermonum in *Salve Regina* inter opera S. Bernardi serm. 6.

Testes 3. accedunt Rom. Pontifices S. Leo I. serm. 6, nunc 16. de jejun. decimi mensis; S. Gregorius hom. 9. in Evang.; Clemens V. Clem. *Ex gravi* de usuris; Alexander III. epist. ad Pa-

normitanum cap. *Super de usuris*; Urbanus III. cap. *Consulisti* ibid. de usuris; Innocentius III. lib. 1. epist. 399. ad Episcopos Galliar.; Gregorius IX. cap. *Naviganti* de usuris; Alexander V. epist. ad P. Pontium Feugeironis Ordin. Minor. inquisitorem Avenionensem anno 1409. apud Wadingum ad cit. annum; Martinus V. epist. 1418, & constit. anno 1419. apud Claris. P. Antoninum Bremontium Ord. Prædicat. Magist. General. tom. 2. bul. Dominican.; Alexander VII. prop. damn. 42; V. Innocentius XI. prop. damn. 41, & 42. Testantur 4. Concilia Nicænum I. can. 17. ex interpretatione Dionysii, & Balsamonis; Carthaginense anno 348. cap. 13; Turonense anno 461. can. 13; Calchutenense in Anglia anno 787. cap. 14; Parisiense anno 829. cap. 53; Regiaticinum, seu Ticinense anno 850. can. 21; Lateranense II. can. 13; Lateranense III. can. 25; Viennense cit. Lugdunense I. cap. 13; Turonense an. 1163. can. 2; Avenionense an. 1209. cap. 3; Narbonense an. 1227. cap. 3; Albienense an. 1254. cap. 62; Monspeliense an. 1258. can. 5; Colonienense an. 1260. cap. 2; Senonenense an. 1269. cap. 3; Pictaviense an. 1280. cap. 6; Avenionense an. 1282. cap. 1; Bituricenense an. 1286. cap. 3; Herbipolense an. 1287. cap. 23; Auscitanum an. 1308. cap. 3; Ravennatenense an. 1317. cap. 15; Vaurense an. 1368. cap. 120; Saltzburgenense an. 1386. cap. 13; Burdigalense an. 1583. cap. 29; Remense eodem anno cap. 24. Ad hæc jus Provinciale Alemanicum sæculo XIII. compactum cap. 351; Capitulare 1. Caroli Magni cap. 5.; Capitulare 5. cap. 2; Capitularia Benedicti Levitæ lib. 6. cap. 5. apud Baluzium. Edicta Philippi IV. Regis Francor. anno 1311, & 1312. Statuta Ecclesiarum Anglicanæ apud Thomassinum in tract. de usura cap. 17; Meldensis, Nannetensis, & Æduensis apud Martenium tom. 4. Analect.; Leodiensis, Cadurcensis, Ruthenensis, & Tutellenensis apud eundem; Nicosiensis cap. 29. apud Harduinum tom. 7. pag. 1705; Cleri Gallicani an. 1700. Decreta apud Reginonem lib. 1. cap. 286; Burchardum lib. 2. cap. 126; Ivonem par. 6. cap. 200, & Gratianum causa 14. q. 3. can. 3, & apud Baluzium in miscellan. tom. 1.

Addiulantur Scholastici, & Canonistæ: atque imprimis Gerfonius consider. 13. de contractibus; S. Antoninus in sum.

p. 2. tit. 1. cap. 6, tit. 3. cap. 3, & par. 4. tit. 11. cap. 7; Alexander Alensis par. 3. q. 86. mem. 4. art. 3; S. Thomas 22. q. 78. art. 1, & Silvius ibidem; S. Bonaventura in 4. dist. 37. dubit. 7; in centiloq. par. 1. sect. 31, & in speculo animæ cap. 2; S. Bernardinus Senens. serm. 43. in ser. 2. post Dom. pasch. art. 3, & serm. in ser. 3. post Dom. 4. quadrag. art. 3; quos sequuntur scholæ. Ex posterioribus S. Raymundus lib. 2. tit. 7. de usuris in procemio, & §. 2; Johannes Andreas in glossa ad caput *Ex gravi* de usuris; Cardinalis Zabarella in glossa ad idem caput; Antonius de Butrio in lib. 5. decretal. cap. *Quum tu*; Cardinalis de Laurea in epitome canon. de usura; Leotardus de usuris quæst. 2, & 3, ubi Carolum Molinæum, Hugonem Donellum, & Petrum Heigium I. C. usurarumque immoderatarum defensores explodit; quibus ceteri assentiuntur. Confer Natalem Theolog. dogm. moral. lib. 3. cap. 7. art. 3, Dupinuum hist. Eccles. XIV. sæculi; Lamerenium de foro Eccles. tom. 4. lib. 5. tit. 19. q. 339; Jacobum Gaytte in oper. advers. Molinæum, Salmasium &c.; Johan. Laurentium Semelerium in collation. de usura, & restitutione; Ludovicum Thomassinum in tract. de usura; Jacobum Torrentierium doct. Sorbon. in tract. de usura sub nomine D. du Tertre; Pougetium instit. cathol. par. 2. sect. 3. cap. 8; Concinam, & Ballarinos locis supra citatis; præsertim vero Benedictum XIV. Pontificem Maximum in præstantissimo opere de Synodo Diocesana lib. 10 capp. 4, & 5. Jam ad propositum regredior.

S. Chrysostomum quod 8. attingit, hom. 32. in Gen. 12. in eo, quod docet Abrahamum in discrimen mortis adductum in Saræ adulterium consensisse, deferendum esse adnotarunt Ferdinandus Vellofilius Episcopus Lucensis in advertentiis ad tom. 1. S. Chrysostomi quæst. 6, ubi S. Augustini quoque opinionem expendit; Sixtus Senensis lib. 5. bibl. Sanctæ adnot. 89, & 96, & lib. 6. adnot. 232; & Antonius Possevinus in apparatu sacro ad S. Chrysostomum, ubi homilias 67. in Genes. S. Chrysostomo vindicat. S. Augustinus etiam lib. 22. contra Faustum cap. 27; & lib. 1. de serm. Dom. in Monte cap. 29. dubitare videtur, num Saræ pudicitia barbari Principis libidini supponi poterit citra ullum adulterii crimen, quasi pro mariti vita liceat

uxori, ipso consentiente, cum alio viro concumbere, quam in rem factum refert, quo sub Acyndino Præfeto vir quidam uxori copiam sui, ut alteri viro faceret, permisit consequendæ gratia pecuniæ, qua ipse a carcere, & morte redimeretur. Verumtamen eo loci S. Augustinus in eam partem propensior est, quod nullo in casu, nulloque consensu adulterium liceat; aliis vero in locis apertius sententiam suam exprimit, tum de Abrahæ cum ancilla congressu, tum de adulterio lege divina, & naturali prohibito, ut inferius dicitur. Quid ni ergo eo quoque modo explicari S. Chrysostomus potest, quod adulterio Saræ consensisse Abrahamum dixerit, quod illud impedire non valens, viribus, non voluntate, impar, permiserit ad impediendum aliud majus malum, sui nempe necem; eademque de re Saram laudibus extulerit, quod in se contumeliam pati, quam impedire non poterat, consenserit, ut ab Abrahamo cædis periculum amoveret? A ceteris ei objectis ab Erasmo egregie vindicatur S. Chrysostomus a Jacobo Billio in lib. observationum sacrar.; Antonio Possævino in appar. sacro, Frontone Ducæo, aliisque.

S. Hieronymo, ita eum interpretatus, 9. injuriam intulit: is enim de juramento loquens, nonque jurandum adstruens juxta Evangelium, loquitur, ut legenti constabit, de juramento per res creatas; loquitur de juramento pro rebus levissimis; loquitur de juramento facto ex animi levitate. Ut pejerandi periculum, imo jurandi juxta morem Judæorum, aut Ethnicorum per Herculem, aut per Deum Fidium, aut per Fortunas Imperatorum; aut per Angelos, per Urbem, per Templum, aut per Cælum, & Terram, aut per Caput suum a Christianis averterent antiqui Patres, vix ac ne vix quidem jurandum statuebant. Ita S. Justinus in apolog. 1; Clemens Alex. lib. 7. Strom.; Lactantius divin. instit. epitom. cap. 64; Origenes lib. 8. contra Celsum; & tract. 35. in Matth.; Tertullianus lib. de Idolol. cap. 21; & apologet. cap. 32; S. Hilarius can. 4. in Matth.; S. Epiphanius hæz. 19; S. Chrysostomus hom. 8, & 19. ad popul. Antioch., & hom. 17. in Matth.; Auctor oper. imperf. in Matth. inter opera ejusdem Chrysostomi; S. Ambrosius in psal. 118; Theophylactus, Euthymius, aliique in cap. 5. v. 34. S. Matthæi. Idem S. Hieronymus

nymus in cap. 1. Jonæ scribit quidem carptim non licere sibi mortem consciscere, sed ab aliis in persecutione eam pati, nisi castitas in periculum adduceretur. Qua in re S. Doctori non adharendum asserimus, sed magis S. Augustino lib. 1. de Civit. apud S. Thomam, & ipsi S. Thomæ 22. q. 64. art. 5, cui assentiuntur ceteri Scholastici, asserentibus nemini licere occidere se ipsum: neque mulieri, ne pudicitie contumeliam patiatur: nec ob timorem consentiendi in peccatum: *Quia*, inquit S. Doctor, *non sunt facienda mala, ut veniant bona, vel ut vitentur mala, præsertim minora, & minus certa.* Quamquam ea quoque S. Hieronymi sententia verisimiliter fuit licere in persecutione ex peculiari Spiritus S. afflatu pro tuenda virginitate sibi violentas manus injicere; quod ex S. Augustino loco cit. factitatum a quibusdam foeminis approbat Doctor Angelicus in resp. ad. 4. Certe tempore persecutionum sub Ethnicis Principibus christianas Virgines servandæ religionis non minus, quam pudicitie studentes quam maxime, graviora quælibet perferenda supplicia, quam alterius jacturam pati, duxere. Explorata vero res est olim ingenti SS. Virgines numero Martyrio affectas, quin pudicitie honos illis fuisset ademptus. Quamobrem P. Martinus Benedic. Congteg. S. Mauri in tract. Gallice inscripto: *Explication des plusieurs textes difficiles de l'Évangile, qui jusque à la présente n'ont été, ni bien entendus, ni bien expliqués par les Commentateurs*, quo loci aut nullas, aut perpaucas Virgines non vitiatas martyrium oppetiisse, ac perperam, ne gravius quid proferam, scripsit, jure atque merito a doctis. Mamachio orig., & antiq. Christ. lib. 3. cap. 6. §. 2. pag. 366. not. 3. vapulat, exemplis in oppositum, productis ex Eusebio lib. 6. hist. Eccles. cap. 5. de S. Potamiena; cap. 41. de SS. Apollonia, & Ammonaria, & lib. de Martyribus Palæstinis cap. 7. de S. Theodosia; & cap. 8. de aliis SS. Virginitibus, & Martytibus. Ex Ruinartio in actis sinceris SS. Martyrum, ubi de SS. Theodoto, & Sociis; de SS. Andrea, Paulo, & Dionysia; de SS. Theodosio, & Sociis; de SS. Didymo, & Theodora, aliisque in actis. Imo Fœminas, & Virgines fuisse, quæ Spiritus S. afflatu, instinctuque incitatur, veritæ ne ab aliquo sibi vis illata, vitiumque iniustum iret, aut in flumina se pro-

jecerunt, aut inter flammās profiliere, aut ferro se peremerunt; testata res est apud Eusebium lib. 8. hist. Ecclesiast. capp. 12; & 14; & apud S. Augustinum lib. 1. de Civit. 36; apud Nicephorum lib. 7. cap. 21; & Eusebium lib. 1. de vita Constant. cap. 28. de S. Sophronia; apud eundem lib. 6. hist. Eccles. cap. 41. de S. Apollonia; apud S. Ambrosium lib. 3. de Virgin., & epist. 7. ad Simplician., & apud Surium ad diem 9. Junii de S. Pelagia, ejusque Filiabus; apud S. Chrysostomum hom 70, & Eusebium loc. cit. de S. Domnina, & Filiabus Berenice, & Prosdice; apud Procopium lib. 2. de bello Persico de duabus Fœminis Antiochenis; apud Olaus in hist. Attilæ de fœmina Aquilejensi Digna nomine. Ceteras in S. Hieronymum a Dallæo intentatas calumnias diluit Natalis hist. Eccles. ad sæculi IV. Synop. cap. 6. art. 31. Confer & Ceillierium in apologia Patrum. Nam de objecto crimine ex edocto SS. cultu satis superque ostensum est supra, quam putide, ac petulanter ista obiiciantur. Nunc iis, quæ 10. loco objicit, sic offendo.

S. Augustini sententiam non est sane affecutus Barbeyracius. Eo enim loci, scilicet lib. 16. de Civit. cap. 25, equidem Faustus Manichæus teste eodem S. Augustino lib. 22. cap. 30. adversus ipsum, Abrahamo crimen inurebat, & quod habendæ prolis insana cupiditate flagrans, & Deo, qui jam id sibi de Sara conjugē promiserat, minime credens cum pellice volutatus sit. Ad eam igitur propulsandam injuriam tres rationes S. Augustinus protulit adversus Manichæos: 1. quod id non fecerit ardore libidinis, sed amore prolis: 2. quod id non fecerit proprio consilio, sed uxoris Saræ consensu non modo, sed insuper suasu: 3. quod id fecerit, quia Sara ei dederat facultatem ineundi aliam fœminam prolis suscipiendæ gratia. Infirmæ dubio procul sunt hujusmodi rationes, si in se spectentur; non ita si referantur ad ejus scopum: siquidem eas tantummodo ea de re adhibuit ad refellendos Manichæos, qui crimen insanæ libidinis Abrahæ impingebant, nec nisi infano libidinis impetu cum ancilla volutatum contendebant: non vero, quod ob eas rationes censeret S. Doctor licitum, & legitimum conjugium Abrahæ, & Agar; noverat enim connubium illud licitum, & legitimum aliunde fuisse, scili-

scilicet ex dispensatione divina, qua Patriarchis licita erat Polygamia. Ita enim docet lib. 3. de doctr. Christ. capp. 12, & 38; tract. 11. in Johan. ; & lib. de bono conjugali cap. 15. Idem ante ipsum docuerant S. Iustinus in dialogo cum Tryph.; Clemens Alex. lib. 1, & 3. Strom.; Tertullianus lib. de exhort. ad castit. cap. 6 ; S. Chrysostomus hom. 56. in cap. 29. Genes., & hom. 56. in Matth.; S. Ambrosius lib. 1. de Abraham cap. 4 ; S. Hieronymus in epist. ad Geruntiam ; & post ipsum Theodoretus q. 66. in Genes.; Innocentius III. in cap. *Gaudemus* Extra de Divortiiis; D. Thomas 3. par. q. 65. art. 3; & dist. 33, atque Scholastici communiter. Neminem tamen movere debet, quod a S. Augustino Agar Abrahami Concubina dicatur, sicut illam quoque nuncuparunt Tertullianus lib. de Monogamia cap. 6, & S. Leo Magnus epist. ad Rusticum cap. 4. Quippe antiquitus Concubinæ nomine appellabantur secundariæ uxores, quod non essent ea dignitate, quæ uxor prima; nec filios gignerent paternorum bonorum hæredes. Confer Agelium lib. 18. cap. 6 ; Gratianum dist. 34 ; & adnot. in novam S. Ambrosii editionem tom. 1. pag. 290; & in S. Augustini lib. 16. de Civit. cap. 25. Ceteros S. Augustino objectos naves a Dallæo, Clerico, Erasmo, & Basnagio dispellunt Natalis, Coquæus, Norisius, Ceillierius, Muratorius in apologia S. Augustini ad calcem libri de ingenior. moderat. in relig. negotio, & nuperi oper. S. Augustini editores doctissimi Maurini Monachi. Objecto vero ex doctrina de persequendis hæreticis paullo superius fecimus satis.

Ad 11. S. Abdam in Perfide Episcopum imprudenti, & intempestivo zelo templum igni consecratum, ac Persis sacrum, *Pyreum* dictum destruxisse haud invitus do. Apostolum sane non est imitatus Abdas, qui quidem Atheniensium errores verbis coarguit, & veri Dei cognitionem inferre studuit, nullam tamen Athenis Deorum aram subvertit: sed nec S. Marutham Episcopum Martyropolis, seu Tagrit in Mesopotamia Persidis novum Apostolum, qui quamvis apud Isdegerdem Persarum Regem optime gratia valeret, ipsique Abdæ religione, & amicitia conjunctus esset, nil tale attamen meditatus est, & molitus. Quod autem jubente Rege Isdegerde templum instaurare noluerit, eamque ob rem jussu

Part I.

Y

Re-

Regis an. 414. trucidatus sit, recte egisse, jureque Martyrem audire contendimus: utque ita contendamus in causa sunt Theodoretus ita censens; S. Ambrosius in pari casu ita existimans; S. Simeon Stylites Theodosium Jun. Imp. in simili causa Judæis faventem durissimis verbis excipiens; Ecclesia cum Græca, tum Latina S. Abdæ memoriam ceu Martyris agens; illa quidem ad 31. Martii; ita vero ad 16. Maii: Ratio etiam Theologica; qua docemur Idololatriæ ingens crimen esse non minus igni thus adolere, quam templum ædificare. Pudeat propterea Barbeyracium, & Baylium hujusmodi objicere; sed hujus generis est, ut jam dixi, Religionis Reformatæ morum disciplina, & doctrina. Quod autem exinde occasionem arripuerit Isdegerdis desæviendi in Christianos, ipsi crimini, non Abdæ deputandum id est: rem optimam Abdas operatus est: rem pessimam exinde peragendi impius Isdegerdes opportunitatem est nactus: at etsi non recte egerit Abdas, non erat tamen cur exinde innocentes Christiani diris omnibus divexarentur. Legito Theodoretum lib. 5. hist. Eccles. cap. 39; Socratem lib. 7. cap. 18; & Clariss. Orsium hist. Eccles. sæculi V. lib. 26. num. 32.

Age modo vindicata SS. PP. doctrina morum, vindicandi manent eorumdem mores ab iisdem iniquis Novatoribus nefaria temeritate vellicati, assuetis nempe alienos ex propriæ improbitatis mensura metiri. SS. Victor, & Stephanus Pontifices Maximi nullo modo in culpam vocandi sunt, ille quidem, quod Asianis anathematis minas intentarit, nisi a judaico more Paschatis diem Luna 14. celebrandi recederent: iste vero, quod Africanis crimini verterit hæreticorum indiscriminatim anabaptismum. Quo de argumento fuse agendum paullo post. In Concilio Cirtensi an. 303. juxta Baronium, & Petavium, vel 304. juxta alios, vel verisimilius 305. juxta Valesium, Harduinum, Natalem, Langletium, aliosque celebrato, ut in eo ageretur causa traditorum, eorum scilicet, qui Diocletiani, & Maximiani Herculei impio edicto obtemperantes sacros codices, aliasque Dei cultu mancipatas res Magistratibus tradiderant igne concremandas, aut Idolis thura adoleverant, Episcopos 11, aut etiam 12. ejusmodi criminis convictos fuisse fatemur; eaque de re, quod ii
omnes

omnes eadem in navi essent , ac in eodem clivo incumberent , ne in Ecclesia schisma , & scandalum excitaretur , mutua se communione donasse . Qua de Synodo legendi S. Optatus lib. 1. adv. Parmen. pag. 39, & S. Augustinus lib. 3. contra Crescon. capp. 26, 27, & 28. Quinimo in Africa non modo plures in persecutione violata religione prolapsos ; sed in reliquo Occidente Christifidelium , Ecclesiasticorumque multam partem deturpatis moribus plurimorum criminum personam gessisse . Et sane Eusebius lib. 8. hist. Eccles. cap. 22. ea de re, ut Ecclesiam vitiis expurgaret, Ecclesiasticorumque mores ad meliorem frugem revocaret, Deum optimo consilio persecutionem tam gravem permisisse scribit . Interea tamen cur Ethnicos , a quibus tempore ejusmodi persecutionis pretio conductæ meretriculæ sunt , quæ se olim christianæ Religionis nomen dedisse palam dicerent , sed ob turpia , quæ in Christianorum Ecclesiis , & conventibus patrarentur facinora , ab iis recessisse , imitati , mala tunc in Ecclesia grassantia evomunt ; silentio vero bona longe majora premunt ? Verum enim vero his malis ut occurrerent , remediumque opportunum , quoad fieri poterat , quantocius adhiberent , Concilia habita sunt Illiberitanum ; Alexandrinum , an. 306 , a cujus Ecclesiæ Episcopo S. Petro canones pœnitentiales conscripti sunt ; Carthaginense an. 312 ; Romanum an. 313 ; Arelatense an. 314 ; Ancyranum an. eodem ; Neocæsareense an. eodem ; Alexandrinum an. 315 ; aliud an. 319 ; Romanum an. 320 ; Laodicenum eodem anno ; Alexandrinum an. 321 , & alterum eodem anno ; Gangrense an. 324 , ut nihil dicam de Nicæno I. œcumenico ; Carthaginensi an. 333 ; Antiocheno an. 341 ; Colonienfi an. 346 ; Sardicensi an. 347 ; Carthaginensi an. 348 , aliisque , quorum acta legere est in collect. Labbei , & Harduini tom. 1.

Quid innumeros Martyres commemorem , qui vigente Diocletiani , Maximiani , Galerii , Maximini , & Licinii persecutione vita , & morte Ecclesiam illustrarunt ? Quorum memoriam celebrem in Ecclesia fecerunt Eusebius lib. 8. hist. Eccles. ; Lucius Cæcilius lib. de mortibus persecutorum ; Baronius , Pagius ad an. 302 ; Valerius ad lib. 8. Eusebii ; Ruinartius in act. sinc. SS. Martyr. ; Assemanus in act. SS. Martyr. Eccles. Orient. , &

Occid.; Baluzius, Toinardus, & Nourrius in lib. Lucii Cæcilii, Brunius, & Langletus; Tillemontius tom. 5. monum. hist. Eccles.; Morinus in hist. *De la delivrance de l'Eglise*; Johannes Boxus dissert. de initiis persecut. Dioclet.; Fleurius, atque, ut mittam alios, Orsius hist. Eccles. sæcul. IV. lib. 9, & 10. Longe enim lateque ea vexatione invalescente, & ad decennium duratura nullas certe, excepta Gallia, quam unus Constantius administrabat, in toto, quo ample patebat Romanum Imperium, fuit locus, qui SS. Martyrum sanguine aspersus non fuerit. Celebriores præ ceteris numero, præstantia, & fortitudine fuere Martyres Palæstini, qui nempe Diocletiano ipsi Imperatori deserviebant: Martyres Ecclesiæ Nicomedienfis, qui magno numero pro Christi fide mortem obiere: Martyres urbis cujusdam in Phrygia, cujus cives ad unum omnes, quod Christum colerent, circumducto per urbem igne concremati sunt. Leges laudatos auctores, ut intelligas quam late, sævissimeque grassata fuerit ea Diocletianea persecutio, quam multus ubique immolatus sit Christifidelium numerus. Utrumque negare unus ausus est Dodvvelus dissertatione Cyprianica 11. §. 69, in Africa enim nullos fuisse ferme martyrio affectos defendit: alibi vero in Clericos solos ferme fuisse capitali pœna deservitum. At hallucinari summo opere Dodvvelum ostendunt doctiss. Ruinartius, Mamachius lib. 2. cap. 8, & Berti in hist. sæculi II. dissert. 5; nam ubique, & in omnes promiscui generis christianos persecutionem Diocletianeam, atque quidem ad decennium patuisse liquet ex Cæcilio lib. de mort. persecutor.; Eusebio lib. 8. hist. Eccles., & Lactantio lib. 5. divin. instir. Idem probat, quæ apud Gruterum inscript. pag. 280, & Baronium ad an. 304. n. 9. extat inscriptio: *Diocletiano Cæsare Augusto, Galerio in Oriente adoptato superstitione Christiana ubique deleta, & cultu Deorum propagato*. In Africa equidem plurimum Christianorum pro Christi fide factas cædes traditum est ab Auctore actorum SS. Saturnini, Dativi, & sociotum; item S. Felicis, & S. Crispinæ apud Ruinartium, & Orsium: testatur etiam S. Optatus lib. 3. advers. Parmen. pag. 64. In Hispania quoque, quod inficias ivit Dodvvelus, effervescente persecutione quamplures martyrio affectos testata

tata res est in actis SS. Martyrum Encratididis Virginis, & Vincentii Diaconi; imo plebis universæ Civitatis Cæsaraugustanæ Daciani jussu a militibus cæde mactatæ; ex qua præcipuos, qui fortitudine enituerunt, 18. Martyres laudibus celebravit Prudentius hymno 4. Item utriusque Eulaliæ, Barcinonensis, & Emeritensis; Leocadiæ, Justi, & Pastoris Complutensium, Aciscii, & Zoelli Cordubensium; Felicis Gerundensis, & Cucuphatis Barcinonensis; SS. Justæ, & Ruffinæ Hispalensium apud Eulogium Tolet., & Prudentium. In Galliis, quinimo, non Constantii Patris Constantini jussu, Præsidum tamen furore, dum ille abesset, plures Christianorum internecione deletos liquet ex actis SS. Martyrum Juliani, & Ferreoli apud Sidonium Apollinarem lib. 7. epist. 1; S. Gregorium Turon. de gloria Martyr. lib. 8. cap. 4, & Ruinartium in actis Sinc. SS. Martyr., quamquam in Oriente longe plures Martyrium passos exploratissimum sit apud Eusebium. Celeberrimi audierunt Martyres Agaunenles sub S. Mauritio duce ad 6600. anno 286. juxta Ruinartium interfecti, quorum cum laude memoria celebrata est a S. Eucherio Lugdun., Venantio Fortun., & S. Gregorio Turonensi.

Postremo præter tot Martyres, quamplures IV. sæculo floruisse, qua sapientia, qua sanctitate celeberrimos viros, a quibus abunde ceterorum vitia suppleta fuerint, perspecta res est cuicumque Ecclesiasticam historiam modo vel a solo limine salvaverit. Horum in censum veniunt Lucius Cæcilius, Lactantius Firmianus, qui a plerisque non distinguuntur, Commodianus, S. Alexander Alex., S. Pachomius, Eusebius Cæsareensis, S. Athanasius, Juvenus Presbyter, S. Reticus Episcopus Augustodun., S. Eustathius Antiochenus, S. Jacobus Nisibensis, S. Leontius Cæsar., Osius Cordubensis, Julius Firmicus Maternus, S. Theodorus Monachus, S. Antonius, S. Paulus Eremita, SS. Maximinus, & Paulinus Trevir., Eusebius Emisenus, tres SS. Macarii, S. Hilarius Pictaviensis, S. Pelagius Laodic., S. Philogonius Antioch., S. Eusebius Samos., S. Eusebius Vercel., S. Sabas, Marius Victorinus, S. Pacianus Barcinon., Febadus Aginensis, S. Optatus Milevit., S. Petrus Alexandr., S. Cyrillus Hierosolym., S. Ephræm Syrus, S. Basilus Cæsareensis, S. Gregorius

gorius Nazianz., S. Amphiloehius Icon., S. Philastrius Brixien-
sis, S. Martinus Turon., S. Potamon Heracleensis, S. Arse-
nius, S. Paulinus Nolanus, S. Hilarion, S. Honoratus Lirin.,
S. Epiphanius, S. Ambrosius, S. Chrysostomus, S. Hierony-
mus, S. Augustinus, S. Porphyrius Gazæus, S. Marcus Ere-
mita, S. Simplicianus Mediolan., S. Vigilus Tridentinus, Pru-
dentius, S. Gregorius Nissenus, S. Asterius Amasenus, alii-
que, ut de Romanis Pontificibus, qui ea temporis intercape-
dine de Ecclesiæ regimine optime meriti sunt sileam. Puræ ve-
ro, putæque calumniæ sunt, quæ ex Ammiano Marcellino in
S. Damasum evomit blasphemus ore Barbeyracius: S. Damasus si-
quidem integerrimos mores prædicant Socrates, Sozomenus,
Theodoretus, & S. Hieronymus epist. 50. ad Pammachium, qui-
bus potius quam historico ethnico fides est adhibenda. Non mo-
ror vicio datum ab hæretico homine Theophilo, & S. Hierony-
mo, quod Origenistis; S. Cyrillo quod Novatianis, & Judæis;
aliisque Episcopis, quod Nestorianis, Eutychianis, aliisque hu-
jus generis pestibus insensum fuerint: solemne enim Heterodoxis
est, Religionis causam nemini faciundum esse negotium: quod
quam fallum sit satis superque demonstratum est. Neque etiam
moranda duco dicta, quibus insane, insolenterque Patrum in-
genium, rationemque interpretandi scripturam, ac scribendi pe-
tulantissimus Calvinista proscindit. Quamvis enim eorum aliqui
in opiniones ab Ecclesia improbatas abjerint, aut in disputationi-
bus ad dialecticæ, & critices regulas minus expensas, exactasque
ratiocinationes, & argumenta minus ad rem facientia adhibue-
rint: aliquando etiam in humanis scientiis defectum aliquem rei,
puta, grammaticæ, criticæ, geographicæ, chronologicæ passi
sint, atque etiam in S. Scripturis exponendis incuriose se quan-
doque gesserint, ac in earum interpretatione aliqua minus certa,
minusve consona protulerint, tanti ea tamen non sunt, ut prop-
terea illos ingenio tardiore præditos, aut turpi ignorantia labo-
rasse proferendum sit: atque efficiant, quominus illorum in re-
bus fidei facta sit, testis, & integra traditio, a qua vel latum
unguem deflectere magnum nefas sit, viroque catholico grande
piaculum.

Quid

Qui plura aveat de Patrum traditione, adeat Lindanum in Panoplia; Canum de loc. Theolog. lib. 3.; Bellarminum lib. 4. de verbo Dei non scripto; Gravinam de præscript. lib. 4; Valemburgenses de Trad.; Valentiam 22. disp. 1. q. 1; Tannerum 3. disp. 1. q. 5; Henricum Holden de analysi fidei, & in tract. de schismate; Launojum dissert. de Severo Sulpitio; Nicolaum l' Herminier tom. 8, ubi contra Dallæum pugnat; Ceillierium in apolog. SS. Patrum, ubi Barbeyracium explodit; Leoratum adversus Piëtetum; Tonti, & Gotti adversus Piceninum; Hieronymum a S. Augustino contrav. Polem. de Ecclesia contrav. 6; Honoratum a S. Maria animadv. in regul. & usum crit. tom. 1. dissert. 2, & seqq.; Bonaventuram Argonensem de optima legend. Patr. methodo parte 1; Natalem Alex. hist. Eccles. ad sæcul XII. dissert. 16, ubi Dallæum, & Rivetum profligat; Benedictum Bachinium in epistolis polemicis, quibus Piceninum, & Basnagium refellit; Beccanum in contrav.; Bouchatium de tradit.; Berti de Theolog. discipl. lib. 23. cap. 6; Gabrielem Antoine de fide cap. 2; Nicolaum Nourrium in appar. ad bibliot. VV. PP.; Cassinum Encyclop. disp. 9; Havermannum dissert. de Patrum auctoritate; Troylum tract. 1. de loc. Theolog. art. 6. Ex Heterodoxis vero (si licet) Scrivenerum in apolog. Patrum; Grotium ad consultat. Cassandri in confess. August. art. 7, & in voto pro pace Ecclesiast.; Johannem Fellum præfat. ad opera S. Cypriani, aliosque innumeros quæ ex Catholicis, quæ ex Protestantibus, qui pro Traditione SS. Patrum pugnant adversus Dallæum de vero Patrum usu; Clericum S. Augustini præsertim in append. audacissimum censorem; Savinbrandum lib. de princip. cum Rullo Basileensi disput. de tradit.; Rivetum tract. de Patrum auctoritate, & lib. 3. crit. sacr.; Guillelmum Amæsium tom. 1. contrav. lib. 4; Girhaldum tom. 5. confess. Cathol.; Zachariam Ursinum q. 5. de Scriptor.; Antonium Sadaelem tract. Theolog. de verbo Dei; Chamierum tom. 1. lib. 8; Ana-Mariam Scarman epist. ad Fridericum; Bullingerum apud Cochleum de tradit. cap. 9; Vedelium lib. 1. cap. 4; Barbeyracium præfat. in Puffendorffium de jure nat., & gent., aliasque hujus generis pestes. Post hæc rogo etiam atque etiam a benigno lectore meo veniam; si

hzc

hæc fufius, quam par fuiſſet, ac ferret, depoſceretque inſtituti mei ratio, perſequutus ſum. Non id, repeto, eo conſilio feci, ut multam paginam implerem, ſed ea dumtaxat de cauſſa, ut dogmate de traditione firmiter ſtabilito, præoccupatiſque omnibus adverſariorum effugiis, veritas præjactæ initio propoſitionis magis, magisque explorata eſſet: item, ut ex collatione teſtimoniorum, quæ ex SS. Patribus circa alia dogmata, & teſtimoniorum; quæ circa privilegia Rom. Pontificis excerpti, & paullo poſt exponam, perſpectum fieret nullum extare dogma, cui tanto conſenſu, tanta Patrum nubes, ac tanta teſtium traditio ſuffragetur, cujuſmodi eſt Rom. Pontificis Primatus, & ceteræ ejusdem prærogativæ: adeo ut ſi Religioni ducendum eſt, ut ea dogmata ita tradita minime in dubitationem adducantur, pari modo neſas eſſe intelligatur de præſatis Rom. Pontificis privilegiis dubitare. Jam cò, unde digreſſa eſt, redeat oratio.

Ex SS. Patribus, aliſque Scriptoribus Græcis.

S. I.

GRÆCOS, qui ſequiori ætate invidia plurimum laborare cœperunt, priſcis ævis Romani Pontificis privilegiis nedum non invidiſſe, ſed laudibus celebraſſe ſummis, & loco collocaſſe ſuo, cedo, jam eſt demonſtrandum. Eorum ſæculo I, & II. cohortem ducat S. Ignatius M. Is in inſcriptione epistolæ ſuæ ad Romanos, *Ignatius*, inquit, *Eccleſiæ ſanctificatæ, quæ præſidet in loco regionis Romanorum*: quibus ab ſe agnitum Romanæ Eccleſiæ Primatum, quo procul dubio edoctus fuerat a S. Petro Apoſtolo, aperte ſignificat. Porro ſeptem a S. Ignatio conſcriptas epistolæ, quarum hæc una ad Romanos, reliquæ ſex ad Ephēſios, ad Magnēſianos, ad Trallianos, ad Philadelphienſes, ad Smyrnenſes, & ad Polycarpum, quaſque puras, & ab omnibus aſſumentis liberas Iſaacus Voſſius ex Mſ. Græco bibliothecæ Medicæ græce edidit, & Uſſerius latine vertit ex duobus Mſ. Codicibus bibl. Cantabrigenſis, & Richardi Montacutii, germanum eſſe, & genuinum S. Ignatii ſcriptum, etſi repugnent Salmaſius,

VINDICATA. ARTICULUS VII. §. I. 177

fius, Blondellus, Albertinus, Dallæus, Ovvenus, & Oudinus, propugnant tamen, invictisque argumentis evincunt Petavium lib. 5. hierarch. Eccles. cap. 8; Tillemontius tom. 2. monum. hist. Eccles.; Natalis hist. Eccles. ad sæcul. I. dissert. 23; Cotelierius tom. 2. PP. Apostolicor.; Nourrius apparatu in bibl. maxim. SS. PP. dissert. 7; Ceillierius tom. 1. Scriptor. Ecclesiast.; Bollandus ad diem 1. Febr. tom. 1; Duguet observat. Eccles. dissert. 2; Mamachius orig., & antiq. Christ. lib. 4. cap. 4. pag. 363, & seqq., & alii: ex Protestantibus vero Usserius tom. 2. Apostol. Patrum; Vossius in edit. græca epist. S. Ignatii; Fabricius lib. 5. bibl. Græcæ; Beveregius lib. 2. codic. canon. Ecclesiæ primit. cap. 11. tom. 2. par. 1. Apostol. Patr.; Hammondus dissert. 2. cap. 22. de jurib. Episc.; Pearsonius in vindictis epist. S. Ignatii tom. 2. par. 2. Apostolic. PP.; Ittigius dissert. de Patribus Apostol. in bibl. PP. Apostol.; Vedelius, & alii. Id obiter erat dicendum, quia de S. Ignatio sæpius occurrit sermo.

S. Polycarpus, ut referunt S. Irenæus in epist. ad Victorem Papam apud Eusebium lib. 5. hist. Eccles. cap. 24; Eusebius ipse in chron., & lib. 4. cap. 23; S. Hieronymus de scriptoribus Eccles., & Chronicon Alexandrinum ad an. 158, Romam ad S. Anicetum Papam venit; cum eo acturus de controversia exorta circa tempus celebrandi Paschatis. Quid, rogo, S. Episcopum negotii Ecclesiastici causa Romam pertraxit, nisi, quam ab Apostolo acceperat, doctrina, ad Apostolicam Sedem referendas causas omnium Ecclesiarum? Non acquievit, fateor, S. Aniceto Pascha celebrandum Dominica proxima Lunæ 14. post æquinoctium vernali affirmanti Polycarpus, Traditionem a S. Johanne Evangelista manantem putans, quæ in Asia obtinuerat consuetudo Pascha cum Judæis Luna 14. celebrandi: nec ei propterea a Pontifice concessum est negotium, iccirco quod res esset ad disciplinam pertinens, quæ varia pro varietate Ecclesiarum, integra manente religione, esse posset: attamen Synodum ab S. Aniceto habitam fuisse, cui adfuit idem Polycarpus cum aliis decem Episcopis, contra eos, qui judaico more Luna 14, aliisque judaicis ritibus Pascha celebrandum contendebant, refert Auctor vetus libelli:

Pars I.

Z

Sy.

Synodici apud Fabricium tom. 11. bibliothecæ græcæ. Valefius equidem in notis ad Eusebii lib. 5. cap. 24. adversus Baronium negat S. Polycarpum ob causam Paschatis venisse ad S. Anicetum; sed ob alias privatas causas, quarum occasione egerit pariter de Paschate. Sed refellitur testimoniis apertissimis S. Irenæi apud Eusebium lib. 4. cap. 14; S. Hieronymi de script. Eccles. in Polycarpo; Nicephori lib. 3. cap. 30; & Auctoris Chron. Alexand. ad consul. Tertulli, & Claudii. Sed & S. Irenæum, de quo mox, a SS. Martyribus Lugdun. Romam missum, eorumque officio apud Pontificem defunctum Valefius inficias it. Verum ejus opinio corruiit testimonio Eusebii, & S. Hieronymi in Catalogo, de qua fusius par. 2. Confer interea Pagium ad annum 177. n. 2, & seqq., Petavium de hier. Eccles. lib. 5. cap. 7, & Blancum de potest., & polit. Eccles. tom. 3. lib. 1. cap. 4, qui Valefii conjecturas elidunt; necnon Blondelli, & Dodvelli momenta, quibus isthæc S. Irenæi missio impetitur, penitus evertunt.

S. Hegesippus, ut refert Eusebius lib. 4. hist. Ecclesiast. cap. 22, consueverat Episcopos Romam proficiscentes convenire, eosque in doctrina consentientes deprehenso collaudare. Romam ipse profectus illic hæsit usque ad S. Anicetum, cui successisse ait Soterem, & isti Eleutherium, in singulis autem successionebus integram mansisse fidem. Viden jam tum ex Oriente ab Episcopis, & Hegesippo Romanum iter arreptum ea de re, ut recta doctrina a Romana Ecclesia edocerentur. Cur vero ut edocerentur, difficillimo itineri se commississent, nisi existimassent a recta doctrina excidere Romanam Ecclesiam nullo posse modo? S. Dionysius Corinthiorum Episcopus in epist. ad S. Soterem Papam apud Eusebium lib. 4. cap. 23, qua refert Ecclesiæ Romanæ eam ab initio consuetudinem extitisse, ut Christifidelibus ad metalla damnatis, aut in exilium missis alimenta, & munera submitteret, aliarumque Ecclesiarum inopiam sua liberalitate, & misericordia sublevaret, ita inquit: *In hoc sacro die Dominico vestram epistolam (Soteris) legimus, sicut etiam priorem nobis a Clemente missam ad nostram institutionem legere solemus.* Tanti ergo fiebat Romanorum Pontificum doctrina, ut in Corinthiorum Ecclesia, publico in cœtu, diebusque Paschalibus eorum per-

perlegerentur epistolæ. Quanti etiam premeret Romanos Pontifices ceterarum Ecclesiarum, & Christifidelium omnium cura, & sollicitudo in his, quæ ad animarum salutem spectant, patet ex sollicitudine, & cura, quam gercbant eorum, quæ ad corporum spectarent necessitates.

S. Irenæus liquidum, & luculentum hanc in rem exhibet testimonium apud Eusebium lib. 5. hist. Eccles. cap. 3. Is primo rogatus a Martyribus Lugdunensibus litteras ad S. Eleutherium Papam detulit, quibus illi Eleutherium *Patrem* appellant, circa Cataphrygas, sive Montani Prophetias, quo nempe loco habendæ essent, a Pontifice edoceri petunt; ut Irenæum commendatum haberet, deprecantur; atque de Passione SS. Martyrum, & Confessorum, qui adhuc in vivis agebant, certamine certiorrem faciunt. Quid vero, quæso, scripsissent illi, venisset iste, nisi eorum sententia rerum Christianarum summa unum penes Pontificem steterisset? Præterea idem S. Irenæus Romanorum Pontificum a S. Petro usque ad Eleutherium catalogo contexto subiungit: *Eodem ordine, eadem doctrina, & traditio Apostolorum in Ecclesia, & veritatis prædicatio ad nos usque pervenit*: ac paulo superius agens de S. Clemente: *Sub hoc, inquit, seditione non modica Fratribus Corinthiacis oborta, validissimas litteras Romana Ecclesia ad Corinthios scripsit, concilians eos ad pacem, ac fidem eorum, ac traditionem recens ab Apostolis acceptam renovans*. Itaque Irenæi sentia a Romana Ecclesia recta in omnes fides emanat, omniumque Ecclesiarum cura jure summo exercetur, nulla excepta. Quare hoc uno S. Irenæi testimonio retunditur Anonymus auctor libelli gallice inscripti *Discours sur la puissance du Pape* quam putide, tam perverse affirmans ex epistola Clementina ad Corinthios æqualitatem inter utramque Ecclesiam inferri, non unam præter aliam excellere. Postremo S. Irenæus nedum in Ecclesia Romana servatam semper integram doctrinam, & traditionem Apostolorum affirmat; sed imo quod Catholici per ejusdem Ecclesiæ traditionem de Pontifice in Pontificem hæreticos confundere solerent, & quod Ecclesiæ Romanæ fidei fideles omnes per Orbem diffusi adhærere teneantur. *Quoniam valde longum est*, inquit lib. 3. adversus hæres. cap. 3, *in hoc tali volumine*

omnium Ecclesiarum enumerare successiones, *Maxima*, & *Antiquissima*, & omnibus cognita a gloriosissimis duobus Apostolis *Petro*, & *Paulo* Romæ fundata, & constituta Ecclesiæ, eam, quam habet ab Apostolis traditionem, & annuntiatam hominibus fidem per successores Episcoporum pervenientem usque ad nos indicantes confundimus omnes eos, qui quoquo modo vel per sui placentiam malam, vel vanam gloriam, vel cæcitatem, & malam sententiam, præter quam oportet, colligunt. Ad hanc enim Ecclesiam propter potentiorum (alii legunt potiorum) principalitatem necesse est omnem convenire Ecclesiam, hoc est eos, qui sunt undique fideles, in qua semper ab his, qui sunt undique, conservata est ea, quæ est ab Apostolis traditio. Quibus quid illustrius ad infallibilitatem, Primatum, supremamque Romani Pontificis potestatem adstruendam?

Haud me fugit adversus hunc S. Irenæi locum ingenti æstu disputare Gallasium, Blondellum, Clericum, nonnullosque ex Jansenistis, de quibus iterum alibi, contententes scribi debuisse. Potentior antiquitatem, eoque nomine intelligendam Majorem. Verum non de antiquitate, sed de auctoritate ibidem loquutum S. Irenæum, vel ex eo liquet, quod alioqui Romana antiquiores Hierosolymitana, Antiochena, aliæque Ecclesiæ fuerint: ut nihil hic subtexam de scopo, & contextu sermonis; similibusque verbis a S. Cypriano, & Tertulliano usurpatis. Agnovit etiam S. Martyr in Romano Pontifice supremam potestatem in omnes Orbis Episcopos, dum agnovit illius potestatem Asianos Episcopos excommunicandi: unde ea de re S. Viçtorem rogavit, ne ob varios usus, ac disciplinæ consuetudines tot Asiæ Ecclesias ab ipso dissidentes ab Ecclesiæ corpore sejungeret. Constat id ex Eusebio lib. 5. cap. 24; & Sozomeno lib. 7. cap. 19. Num autem S. Irenæus id a Viçtore impetrarit, ut intentatum in Asianos anathema suspenderetur, an potius ut pax restitueretur, digladiantur viri Eruditi. Ego Schelestratio antiq. illustr. p. 2; Pagio in crit. Baronii ad an. 196; Tillemontio tom. 3. monum.; Mafsueticio differt. prævia ad opera S. Irenæi, aliisque utroque subscribo pollice, qui Asianos vere a S. Viçtore anathemate fuisse innodatos auctoritate Eusebii lib. 5. cap. 24; S. Epiphaniî hæz. 70; & S. Nicolai I. epist. 9. ad Michaellem Imper., aliorumque probant. Eusebio

sebio vero referenti a S. Irenæo rogatum Victorem, ne tot Ecclesias Asiaticas a corpore Ecclesiæ amputaret, respondent vel S. Irenæum, quod rogaverat, non impetrasse: vel hæc S. Irenæi litteras ad Victorem conscriptas fuisse, antequam Pontifex Asianos excommunicatos pronunciasset: vel id S. Martyrem impetrasse litteris illis, ut Asianis communio Ecclesiastica restitueretur. Sed de hoc argumento uberius par. 2. vindiciar. agemus. Interea tamen ex mox dicendis confirmatur ista sententia.

Theophilus Cæsareæ Episcopus, quum Romam venisset sub S. Victore, Pontifex Synodo habita decrevit Pascha die Dominico post Lunam 14, & post vernum æquinoctium occurrente juxta Apostolicam traditionem celebrandum, ut refert Eusebius lib. 5. cap. 23, & legitur in veteri libello Synodico apud Fabricium tom. 11. bibl. græcæ, cujus Auctor agitur vel Cyrillus Hierosolym.; vel Germanus Constantinopolit.; vel Anonymus IX. sæculi, ex quo novimus Synodo 14. adfuisse Episcopos. Idem vero Theophilus Victoris Papæ jussu Concilium Cæsareæ in Palæstina eadem de causa coegit, cujus fragmentum extat apud V. Bedam de æquinoctio vernali. Sibi igitur ex officio incumbere, Pontifici Romano parere, ejusque potius sententiæ adhærere, cui pari obsequio adhæsisse probe intelligebat ceteras Occidentis Ecclesias, ut constat ex Conciliis Lugdunensi an. 197. apud Baluzium; & Romanis sub Aniceto, Sotere, & Victore apud Fabricium; imo Ecclesias nonnullas Orientis, ut constat ex Conciliis Pontico, & Osroeno in Asia, & Corinthiaco in Græcia, apud Harduinum tom. 1; & in Mesopotamia habito apud cit. Fabricium, potiusquam jactatæ ab Ephesina Ecclesiâ S. Johannis Evangelistæ Traditioni, Theophilus agnovit.

Sæculo III, & IV. Origenes, ut auctor est Eusebius lib. 6. hist. Eccles. cap. 14, S. Zephyrino Ecclesiam administrante Romam iter suscepit, quod sibi admodum erat in optatis, Romanam Ecclesiam plane *Antiquissimam* invisurus. Antiquissimam vero nonnisi ratione præcipuæ dignitatis, ac præstantiæ in doctrina poterat dicere. Idem quum in plures incidisset errores, obidque sciret debere se Romano Pontifici fidei suæ rationem reddere, ad S. Fabianum Pontificem Maximum epistolam nuncupavit, in qua,

qua, teste S. Hieronymo in epist. ad Pammachium, & Oceanum, se poenitere ait, quod talia scripserit, causamque temeritatis in Ambrosium (non illum Mediolanensem, qui longe post floruit, sed alterum olim Valentiniana hæresi infectum, atque ab Origene demum ad frugem redactum, ipsique amicitia conjunctissimum) refudit, conquestus quod secreto exarata in publicum protulisset. Exinde exploratum sit quanta antiquitus Romani Pontificis ratio in Græcia haberetur, utpote ad quem consulendum de fide viri doctissimi inde proficiscerentur, & apud quem, si quid in fide errassent, poenitentiam per epistolam agerent saltem, seque illi corrigendos, emendandosque exhiberent.

S. Dionysius Alexandrinus, ut est apud Eusebium lib. 6. cap. 44, postquam a S. Cornelio Papa intellexisset in Synodo Romana latum anathema in Novatianum, qui tum schismate conflato Episcopum se Romanæ Ecclesiæ circumferebat, tum hæresi obtrusa ab Ecclesia lapsis veniam indulgendi, ac post Baptismum patrata crimina dimittendi potestatem ablegabat; ac ex epistola Encyclica S. Cornelii ad Fabium Antiochenum, & Africanos intellexisset unum esse debere in Ecclesia Catholica Episcopum, atque ab eodem Cornelio decretum, ut lapsis peracta poenitentia communio, & pax restitueretur, litteras dedit, tum ad Fabium Antiochenum, quibus admonuit, ut Novatiani hæresim, inquam ille proniori animo ferri videbatur, prorsus abjiceret, agnosceretque in Ecclesia potestatem esse remittendi peccata: tum ad Novatianum, quibus adhortatur, ut Episcopatu Romano, quem invaserat, se abdicaret, neque Ecclesiam diro schismate scinderet, & nihil non ferendum sibi potius sciret, majorisque esse gloriæ martyrium, quod Christianæ pacis gratia toleratur, quam quod in odium fidei ab Idololatriis infertur: tum ad S. Cornelium, quibus se ipsius epistolæ contra Novatianum conscriptæ penitus adquiescere profitetur, significatque accitos ab se Eleenum Tarsensem, Firmilianum Cappadociæ, & Theodotum Palaræstinæ Episcopos, eorumque suffraganeos ad Synodum Antiochenam, ut Novatiani schisma, & hæresis in ea damnarentur: tum ad Clerum, populumque Ægyptium, Laodicenum, & Armenum, quos ut sibi a Novatiani schismate, & hæresi præcave-

rent,

rent, præmonuit. Ea igitur agendi ratione quid aliud significabat S. Dionysius, nisi Romano Pontifici ab omnibus parendum, ejusque sententiæ inhærendum? Iterum idem S. Dionysius quum in Sabellium scribens in extremum errorem inflecti visus fuisset, atque divinas inter Personas distinctionem nedum, sed etiam divisionem inducere, & essentiæ unitatem inficiari, a Pentapolitanis tamquam violatæ fidei reus ad S. Dionysii Romani Pontificis tribunal delatus est, qui Synodo statim congregata eundem monuit, jussitque, ut fidei suæ accuratam redderet rationem. Igitur Alexandrinus Antistes missa ad Pontificem apologia erroris omnis suspensionem ab se amolitus est. Ita refert S. Athanasius in epist. de sententia S. Dionysii Alex. adversus Arianos; & in lib. de Synodis. Quorsum autem apud Romanum Pontificem eum accusassent Pentapolitani, ipse vero Dionysius fidem suam apud ipsum defendisset, nisi exploratum habuissent Romani Pontificis juse esse, partesque in Episcopi cujusque fidem inquirendi, ac de omnibus judicandi? Postremo teste eodem Eusebio lib. 7. cap. 9. idem S. Dionysius Alex. in epist. ad S. Sixtum Romanum Pontificem postquam retulisset quemdam ad sui ipsius pedes provolutum confessum esse, ac jurasse baptismum, quo ablutus ab hæreticis fuerat, non esse verum baptismum, sed impietate, & blasphemiiis refertum, rogat quid sibi cum illo agendum foret: *Consilio*, inquit, *opus habeo, & tuam sententiam abs te peto, quod tale quid mihi acciderit, unde vereor ne fallar*. Quorsum autem S. Antistes ita scripisset, nisi Romani Pontificis indefectibile esse judicium sensisset?

Firmilianus Cæsarensis Episcopus eadem in epist. ad S. Cyprian. inter Cyprianicas 75, qua adversa fronte bacchantium more pro anabaptismo contra S. Stephanum Pontificem pugnat, vel nolens supremæ a Pontifice exercitæ, & ab se agnitæ potestati testimonium perhibet. Ait ob causam anabaptismi ab se ad Stephanum Oratores missos decreti in Synodo de rebaptizandis hæreticis editi rationem reddituros; eosque a Pontifice repulsi passos, suæque communione privatos. Ait Stephanum de sui Episcopatus loco gloriari: *Seque successionem Petri tenere, super quem fundamenta Ecclesia collocata sunt*. Id est jubere, ut sua ubique ten-

tentia valeat. Eustathius Sebastenus, quum a Concilio Melitrenensi in Armenia fuisset a gradu deturbatus, litteris Liberii Romani Pontificis, quibus in suam redintegrabatur sedem, coram Synodo Tyanensi in Cappadocia prolati, ad pristinum gradum reversus est, quin ulla ei mota sit quæstio. Scilicet cum Eustathio, tum Episcopis Tyanensis Synodi exploratum erat, ut refert S. Basilii epist. 74. ad Occidentales Episcopos, Romani Pontificis supremas esse partes de causis dijudicare Episcoporum. De Eustathio, sociisque erroris Silvano, & Theophilo suus par. 2.

S. Athanasius, si quis alius, præclara in hanc rem præbuit argumenta. Is in Synodo Antiochena Episcopatu ab Arianis dejectus ad S. Julium Papam confugit: ad eundem viritum litteris, & Legatis missis Ariani petierunt, ut sententiæ in Athanasium prolatae suffragaretur. At Pontifex Romam cum Athanasium, tum Eusebianos in jus vocavit. Præsto fuit ille, isti prætexta excusatione belli Persici, quo Romam proficisci prohiberentur, tribunal Pontificis refugerunt. Igitur S. Julius habita de more Synodo an. 342. Athanasio suam restituit sedem. Agnoscebant ergo S. Athanasius, & Ariani ipsi Romani Pontificis sibi supereminere iudicium, cui omnibus standum esset. Constant ista ex Socrate lib. 2. capp. 15, & 17; Sozomeno lib. 3. cap. 7; Theodoreto lib. 2. cap. 4; S. Julio ipso epist. ad Orientales, & S. Athanasio apolog. 2. adv. Arianos. Scio Dupinum de antiq. Eccles. discipl. Synodi potius, quam Pontificis, auctoritate S. Athanasium communioni, & Cathedræ restitutum dixisse, ut ita Pontificis iudicio detraheret. At infelix Dupini sagacitas nil melius excogitare scivit? Quænam enim, quæso, Romanæ Synodo, seu Italiæ Episcopis inerat auctoritas iudicandi de Orientalium Episcoporum causis? At rem finiunt Socrates, Sozomenus, Theodoretus, S. Julius, & S. Athanasius ipse locis supra laudatis, uni Pontificis supremæ auctoritati id iudicii acceptum tribuentes. Quid quod sæpe sæpius Romanæ ipsæ Synodi decretorum suorum robur ab uno, qui ipsis præerat, Pontifice accipere affirmarunt? Ita Synodus Romana sub S. Hilario in causa Nundinarii Barcinonensis, & Sylvani Calaguritani Episcoporum. Ita Synodus Romana sub S. Ge-

S. Gelasio in causa Miseni antea sedis Apostolicæ Legati. Ita Synodus Romana sub S. Felice III. contra Acacium Constantino-
 politan., Petrum Mongum Alex., & Petrum Fullonem Antioch.
 Ecclesiarum pervalores, ut liquet ex epist. Synodica ad Clericos,
 & Monachos Orientales in collect. Concil. tom 2, qua sic inter alia
 habetur. *Quoties intra Italiam propter Ecclesiasticas causas, præ-*
cipue fidei, colliguntur Domini Sacerdotes, consuetudo retinetur,
ut successor Præfulum sedis Apostolicæ ex persona cunctorum totius
Italiæ Sacerdotum, juxta sollicitudinem sibi Ecclesiarum omnium
competentem cuncta constituat, qui Caput est omnium, Domino ad
B. Petrum Apostolum dicente: Tu es Petrus &c. Quam vocem se-
quentes § 18. SS. Patres apud Nicæam congregati, confirmationem
 rerum ad auctoritatem S. Romanæ Ecclesiæ detulerunt. Confer
 quæ tom. 1. art. 6. §. 2. ex Synodis Romanis relata sunt. Idem
 S. Athanasius in apologia 2. auctor est Ursacium, & Valentem
 Arianos Episcopos pœnitentes a S. Julio Pontifice veniam delicti
 poposcisse: *Ariani, inquit, viâi veritate veniam scriptis litte-*
ris a Julio Romano Pontifice poposcerunt, & ad nos pro pace episto-
las misere. Itaque ipsius sententia Pontificis fidei, & potestati
 omnes se permittere oportet.

S. Basilius in præl. epist. 74. ad Occid. Episcop. agnoscit Sedi
 Apostolicæ fas fuisse Eustathium suæ restituere sedi, ac in com-
 munionem recipere, rogat obnixè tamen, ut eadem condiciones
 significet, quibus ad communionem ille susceptus est; sed & de-
 claret illius culpa gratiam irritam evasisse, utpote qui Apostoli-
 cæ Sedis gratia abutebatur in suæ impietatis defensionem. Præ-
 terea in epist. 52. ad S. Athanasium, *Visum est mihi, inquit, con-*
sentaneum, ut scribatur Episcopo Romæ, ut quæ hic geruntur con-
sideret, & sententiam suam expromat: scilicet ut Antiochenum
 schisma inter Meletium, & Paulinum, ortumque dissidium de-
 una, pro qua Paulini pars stabat, aut de tribus hypostasibus in
 Deo asserendis, quas propugnabat pars altera Meletii, Romani
 Pontificis judicio finiretur. In causa etiam Concilii Ariminensis,
 ut Pontifex sua potestate uteretur, in eoque acta rescinderet, ac
 tandem, ut Legatos mitteret ad Marcelli hæresim exterminan-
 dam desiderat. Quibus significat apud se habitum Romanum Pon-

tificem, cum illum profecto, cui in Concilia esset auctoritas, & hæreses supremo iudicio damnandi. Multoque magis, quod de Appollinari summo dijudicari jure a S. Damaso enixe desideravit. In epistola 69. data Sabino Diacono ad Pontificem Romanum, scilicet S. Damasum perferenda, sic eum alloquitur: *Revera dignum est illa excellentissima voce, qua te Beatum prædicavit, quod pietati tuæ donatum a Domino est, scilicet ut quod adulterinum est a legitimo, ac puro discernas, ac fidem Patrum sine subtractione ulla prædices.* Quibus Apostolicæ sedi collatam a Christo D. in fide indeficientiam plane confitetur, agnoscitque ex eo maxime, quod formulam ab Episcopis Ariminensibus Concilii subscriptam, cum spuriam S. Damasus in Synodo Romana proscriptisset. Idem, in epist. 77. Romam missa per Petrum Presbyterum, hunc Pontificem affatur: *Si ad nos volueritis venire, & a nobis rerum nostrarum exigere rationem, obvii vos excipiemus manibus, vestroque nos sistemus examini, aut si locum iudicii designare malueritis debitum veniendi explebitur.* An non igitur iudicandum se Pontifici tradit S. Basilius, eumque sibi iudicem superstare testatur? Denique epist. 182. mirifice eidem veritati suffragatur, siquidem Romanam Ecclesiam novitate nulla a vetustissima fidei regula recessisse affirmans scribit: *Ecclesias Occidentales immaculatam retinere fidem, & inconcussam doctrinæ Apostolicæ structuram conservare. Orientales autem Cenodoxiæ studio novitates veneri.* Confer Baronium ad annum 372. n. 25, & seqq., & Lupum dissert. de Synodo Sardicensi cap. 6, ubi observat aliquando S. Basilium ob restitutum Marcellum Ancyranum a S. Julio; obque deceptum, fraudeque circumventum a Vitale S. Damasum oculo per iram turbato epist. 10. ad S. Gregorium Nazianz. suadentem a sede Apostolica adversus grassantes Arianorum hæreses auxilia expectanda, & expectanda, respondisse id frustra expeti, & expectari. Missio tamen a Romana Ecclesia auxilio mitiorem effectum S. Episcopum epist. 51. ad S. Athanasium sententiam mutasse: cui sane adjungenda omnino, quæ in præcit. epist. planius expressit.

S. Epiphanius hæc. 68, quæ est Meletianorum, testatur Valentem, & Ursacium poenitentia ductos, quod calumniam contra S. Athanasium struxissent, S. Julio Pontifici supplices litteras obtu-

obtulisse, quibus se ad communionem, & pœnitentiam admitti precabantur. Exploratum igitur erat S. Epiphanio Romani Pontificis jus Episcopos omnes vel absolvendi, vel abdicandi. Recollenda, quæ ex eodem hæref. 59, & in Anchor. retulimus tom. 1. in proleg. §. 3. de S. Petri Primatu.

S. Gregorius Nazianzenus, quam animo præconcepтам gereret, de Romano Pontifice sententiam protulit, in carm. de vita sua Romanam Ecclesiam propterea, cui ille præerat, totius Orbis præsidem prædicans. In epist. 1. ad Cledonium Appollinaristæ mentientibus se a S. Damaso Pontifice Maximo in communionem receptos, ita respondet: *Si a Damaso Papa recepti sunt, probent, & nos contenti erimus; quia manifeste patebit eos esse Orthodoxos, si vere ab Ecclesia Romana recepti sunt; neque aliter esse potest.* Quibus quid clarius ad ostendendum creditam a S. Doctore Romani Pontificis in fide infallibilitatem? Eam ob rem in epist. 2. ad eundem Cledonium S. Damasi Pontificis iudicio innixum a Vitalis pseudo-Episcopi Antiocheni partium Apollinaris communione se discessisse scribit; ratus nempe in re christiana non alteri ab ea, quam Romanus Pontifex inivisset, sibi insistendum viæ. Idcirco orat. 23. S. Petrum Alexandrinum ex Arianorum manibus elapsum ad S. Damasum confugisse, ab ipso contra adversarios petiturum auxilium perhibet.

S. Johannes Chrysostomus, postquam latam in se præter fac a Theophilo Alexandrino, & a Synodo ad Quercum exauclorationis sententiam accepisset, ad S. Innocentium I. Pontificem Maximum interposita appellatione, missoque libello supplici scripsit: *Obsecro ut scribas, quod hæc tam inique facta, & absentibus nobis & non declinantibus iudicium, non habeant robur, sicut neque sua natura habent; illi autem, qui inique cogerunt pœnæ Ecclesiasticarum legum subjaceant: nos autem insones, neque convictos, neque deprehensos, neque ullius criminis reos comprobatos Ecclesiis nostris jubete restitui, ut charitate frui, ac pace cum Fratribus nostris conjuncta possimus.* Quid profecto his luculentius ad ostendendam Romani Pontificis supremam potestatem, qua cunctos per Orbem Episcopos judicare potest, atque imo Synodorum judicia retractare, ac rescindere? Porro narrat Palladius in dialogo, qui inter opera

extat S. Chrysoſtomi, quod Romam proſecti Demetrius, Panſoſius, Pappus, & Eugenius ab ejuſdem partibus ſtantes Epiſcopi, ut Pontifex S. Chryſoſtomo illatas injurias redimeret, etiam, atque etiam rogarunt. Idem ab Innocentio auxilium poſtulaturus acceſſit paullo poſt Theotecnus Eccleſiæ Conſtantinopolitanæ Preſbyter ſecum epiſtolam Synodicam vigintiquinque, & amplius Epiſcoporum deferens, qua Pontificem enixe deprecabantur, ut tot malis in Eccleſia Conſtantinopolitana exortis, totque in S. Antiſtitem commiſſis occurreret. Iis ſupervenientes Cyriacus Synnadenſis, Euliſius Apameenſis una ſecum deferens litteras 15. Epiſcoporum S. Chryſoſtomo addiſtorum, & S. Anyſii Theſſalonicenſis, judicium Apoſtolicæ ſedis eſſagitantium; Paladius item Helenopolitanus Epiſc., Germanus Eccleſiæ Conſtantinopolitanæ Preſbyter, & Johannes Caſſianus ejuſdem Eccleſiæ Diaconus rotius Cleri legatione ad Pontificem Romanum fungentes; Domitianus inſuper ejuſdem Eccleſiæ œconomus, & Vallaſgas Preſbyter Eccleſiæ Niſibeniſis, una voce rogarunt, ut Pontifex ea, qua pollebat auctoritate, cum in S. Antiſtitem inſanientium inimicorum audaciam, inſolentiamque compeſceret, tum illius innocentiam in libertatem aſſereret. Ad hæc Theophilus Alexandr., Acacius Bereenſis, Severianus Gabalitanus, Antiochus Ptolemaidis, Cyrinus Chalcedonenſis, Leontius Ancyranus, & Ammonius Laodiceus Epiſcopi tempeſtatis in S. Chryſoſtomum commotæ auctores legatis, litteriſque ad Innocentium miſſis in ſuam iniquitatis plenam ſententiam pertrahere aggreſſi ſunt. Sed cui nam aliquando contigit, ut ab Apoſtolica Sede iniquum extorqueret judicium? Eorum potius temeritatem, impietatemque execratus eſt Innocentius; erga S. Chryſoſtomum autem, ejuſque cauſæ defenſores benignum ſe, ac, ut par erat, propitium præbens communionis ſuæ participes illos fecit, iniqueque actum cum Johanne pronunciavit, cujus rei teſtes litteras dedit laudato Demetrio Epiſcopo Peſinuntis, quas quum accepiſſet longo ſe per Orientem itineri committens, ubicumque evulgavit in Apoſtolicæ Sedis communionem manere S. Chryſoſtomum, ejuſque ſententia Theophili, & partiariorum judicium irritum dictum, Johanni vero reſtitutum locum. Et ſane ejuſmodi ſententia tanti habita eſt ubi-

ubique, ut ob eam, iis exceptis, quos Theophili furor abstraxerat, ceteri omnes Episcopi cum S. Chrysostomo communionem integram servarint. Quo quidem nihil illustrius in rem nostram proferri potest: siquidem liquido patet, quanti sive a S. Antistite, sive ab Episcopis pro, & contra pugnantibus Romani Pontificis facta potestas sit. Quo de argumento alias. Confer & S. Chrysostomum hom. 83. in Matth., ubi verba Lucæ 22. *Rogavi pro te &c.* ita de Petri indefectibili fide est interpretatus, ut ad Petri pariter successores id privilegii pertransiisse commonstret, *Ipsius*, inquit, *favore factum est, ne omnino Petri fides evanesceret.* Qua quidem in interpretatione S. Doctori adstipulatos S. Augustinum lib. de corrept., & grat. cap. 8, & in quæst. N. T. q. 75; S. Prosperum in epist. ad Rufinum; S. Sophronium, & Stephanum Dorensem relatos in Concilio Rom. sub S. Martino I. ser. 2; V. Bedam in præf. locum S. Lucæ; S. Maximum in epist. ad Orient.; S. Bernardum epist. 190. ad Innocentium II; Albertum Magn. in Matth. 16, & Luc. 22; S. Thomam lib. 4. contra Gent. cap. 76, & alibi; S. Laurentium Justinian. lib. de Obed. cap. 12; S. Antoninum 3. p. tit. 12. cap. 8, & alibi; S. Bernardinum Senens. tom. 1. serm. 1. de Christ. fidei firmitate art. 3. cap. 2, aliosque alibi ostendimus.

Sæculo V, & VI. S. Cyrillus Alexandrinus, ut est apud S. Thomam in catena ad Luc. 22., *Secundum hanc Christi*, inquit, *promissionem Ecclesia Apostolica Petri ab omni seductione, & heretica circumventionem manet immaculata.* Ita scilicet S. Lucæ locum interpretatus est, quomodo a S. Chrysostomo, aliisque postea Patribus acceptum mox dicebam. Confer eundem S. Cyrillum lib. 4. de Trinit., & lib. 2. in Johan. cap. 1. Sicubi vero occasio occurreret, præ Synodicis, ac pro omnium summa Apostolicæ Sedis ei erat sententia. Ad eam Juvenalis Hierosolymitani in Concilio Ephesino conatum pro adipiscendo Palestinæ Primatu detulit, teste S. Leone epist. 62. in edit. Quæsnelli 92. ad Maximum Antioch. Ad eam controversias, turbasque contra se in Oriente motas a Johanne Antiocheno detulit, teste S. Sixto III. epist. 1, & 2. apud Coutantium; cui tandem Johannes caput submitit. Ad eam Nestorii gravissimam detulit causam, de qua quidem

tom. 1.

tom. 1. art. 2. §. 2. abunde dictum est, aliqua tamen, quantum nunc pretium est operæ, retexere non piget. Itaque in epistola ad S. Cælestinum Papam de Nestorio scribens ait sibi ex officio, & Ecclesiastica consuetudine incumbere de Nestorii hæresi ipsum certiorum facere: sibi quidem videri a Nestorii communione ob apertissimam ejus hæresim recedendum fore, non ausum tamen esse id facere, antequam ipsius exquisivisset judicium. Rogat proinde etiam, atque etiam, ut sententiam suam exprimat, num a Nestorio sit abscedendum, utque ejusmodi sententia perspicue per litteras Macedoniæ non modo, sed totius Orientis Antistitibus etiam exponatur. Sciebat ergo Cælestini sententiz fore, ut omnes Orientis Episcopi ex animo, unanimique assensu adquiescerent, tanquam illi, qua ineluctabilior expetenda non esset: en ejus verba. *Quoniam Deus hæc in rebus prudentiam a nobis exigit, longaque Ecclesiarum consuetudo suadet, ut istiusmodi Sanctitati tuæ communicentur, non possum equidem, quod apertum est, ad pietatem tuam non perscribere &c.* Et infra. *Quamvis hæc ita se habeant, non prius tamen Nestorii communionem confidenter deferere ausi fuimus, quam hæc ipsa Pietati tuæ indicaremus. Digneris proinde, quid hic sentias declarare, quo liquido nobis constet, communicare ne nos cum Nestorio oporteat, an vero libere eidem denuntiare neminem cum eo communicare, qui ejusmodi erroneam doctrinam fovet, ac prædicat. Porro tuæ integritatis mens, ac super hac re sententia non modo piissimis, Deoque devotis Macedonia Episcopis, sed totius quoque Orientis Antistitibus perspicue per litteras exponi debet. Cujus rei vero causa, nisi ut ad eam Orientales ad unum omnes intenderent, se seque instituerent?*

De S. Gregorio Niseno id unum dixerim agnovisse cum a S. Petro, ac propterea ab ejus pariter successoribus in Episcopos, ceteros potestatem in Ecclesia promanare: *Per Petrum, inquit, de castigatione tom. 2. p. 746, dedit Episcopis (Christus Dominus) Clavem Cælestium bonorum.* Clavium autem nomine auctoritatem intelligendam nemo ignorat. S. Isidorum Pelusiotem quod attinet, legito ejus epistolas 142. lib. 1, 58, & 190. lib. 2, aliasque, ex quibus, quam eximie de S. Petro, ac Romano Pontifice sentiret, plane liquet: nolo enim præter modum multus esse.

esse. Confer etiam epistolam Eutherii Tyanenſis, & Helladii Tarſenſis ad S. Sixtum III. apud Harduinum tom. 1, qua pleraque, ac præclara de Pontifice prædicant. S. Maximianus, qui abdicatione Neſtorio Conſtantinopolitana Eccleſiæ ſubrogatus eſt in epift. ad Orientales ſic ait: *Omnes fines terræ, quæ Dominum ſincere receperunt, & ubique terrarum Catholici veram fidem conſiſtentes in poteſtatem Romanorum Pontificum, tanquam in ſolem reſpiciunt, & ex ipſa lumen Catholica, & Apoſtolica fidei recipiunt. Nec immerito, quia Petrus legitur primo perfectam fidem eſſe conſeſſus Domino revelante, quum dixit: Tu es Chriſtus Filius Dei vivi. Decebat tanta dignitatis, & ſapientiæ Virum, non ab alio celeſtis myſterii arcana requirere, niſi ab eo poſſiſſimum, quem non potuit caro, & ſanguis inſtruere, ſed cui Dominus ipſe ſua ſecreta dignatus eſt aperire: Beatus es, inquit, Simon Bar-jona &c. Hunc enim de ceteris mortalibus ex toto terrarum Orbe Conditor Orbis elegit, cui Cathedram magiſterii principaliter poſſidendam tenere perpetuo privilegii jure conceſſit, ut quiſquis divinum aliquid, aut profundum noſſe deſiderat, ad hujus præceptionis oraculum, doctrinamque recurrat; nec illi humiliter referre, quod ſolvendum eſt, erubeſcat; etiam ſi ipſe, quod quæritur, non ignoret. Quibus quid amplius, & apertius ad Romani Pontificis adſtruum dum primatum, ac infallibilitatis privilegium deſiderari poteſt?*

Socrati heic eſto locus. Is lib. 2. hiſt. Eccleſ. cap. 8. Synodum Antiochenam ab Euſebio Nicomediendi collectam ea ratione rejectam reſert, quod abſque Julii Romani Epicoſpi conſcientia quod Canon Eccleſiaſticus prohibet, celebrata ſit: & cap. 15. narrat eundem Julium datis ad Epicoſpos Orientis litteris juſſiſſe, ut Athanaſius Alexandrinus, Paulus Conſtantinopolitanus, Aſclepas Gazæus, Marcellus Ancyranus, & Lucius Adrianopolitanus ſuis reſtituerentur ſedibus, illoſque minaciter increpaſſe, quod præſatos Antiliſtes ſuis exturbare Eccleſiis anſi eſſent. Lib. 4. cap. 11. ſcribit ab Epicoſpis Synodi Lampsacenſis miſſos ad Liberium Pontificem Maximum Legatos Euthatium Sebaſtenum, Silvanum Tarſenſem, & Theophilum Caſtabalenſem, illiſque in mandatis deditum, ne in fidei cauſa a Pontifice diſcreparent, ſed cum Eccleſia Romana communionem jungi ſtuderent, fidemque Con-

Consubstantialis ratam facerent : quod quum illi Liberio oblato libello præstissent, a Pontifice in communionem fuisse receptos, recepisseque vicissim litteras ad Episcopos Orientales inscriptas, quibus Ario, & fidei formulæ in Concilio Ariminensi recitatae, anathema dicere, Nicænæ vero fidei adherere jubebantur. Demum cap. 37. perhibet S. Petrum in Ecclesia Alexandrina S. Athanasii successorem ab Arianis pulsum, & carcere mancipatum, e custodia elapsum Romam ad S. Damasum confugisse, a quo litteris acceptis, quibus ei Alexandrina Ecclesia confirmabatur, Alexandriam reversum locum suum recuperasse, a populo Lucio pervasore expulso. Compertum ergo erat Socrati Romani Pontificis supremum jus in omnes Orbis Episcopos, ejusque judicio in causis fidei ab omnibus fore adquiescendum. Hæc horumque similia perpendens Baluzius, *Magnificum sane*, inquit, *pro Romano Pontifice, ut Ordinationes Episcoporum Ecclesiæ cum Antiochenæ, tum Alexandrinæ stent, aut cadant pro ejus arbitrio.*

Sozomenus lib. 3. cap. 6. enarrat pariter, quod paullo ante Socrates, S. Athanasium, Paulum Constantinopolitanum, Marcellum Ancyranum, Aselepam Gazæum, & Lucium Adrianopol. de gradu ab Arianis deturbatos a S. Julio Papa, ad quem confugerant, Ecclesiis suis restitutos fuisse : & cap. 10. datas ab eodem Julio litteras ad Episcopos Orientales, quibus vehementer illos objurgavit, quod præter suum consensum Synodum Antiochiæ celebrassent ; legemque esse, quæ pronunciat *Acta illa irrita esse, quæ præter sententiam Episcopi Romani constituuntur.* Præterea lib. 6. cap. 22. refert, quod quum jampridem mota quaestio increfceret, an Spiritus 6. Patri, Filioque consubstantialis esset asserendus, id negantibus Anomæis, & Homiustianis, qui contendebant eum tantummodo similem dicendum in substantia ; e contra affirmantibus Homiustianis, seu Nicænæ fidei defensoribus, Liberius Romanus Pontifex ad Episcopos Orientales scripsit ; ut cum Occidentalibus sacerdotibus Trinitatem & consubstantialem esse, & gloria æqualem crederent. *Quo facto*, subjungit, *singuli rebus ab Ecclesia Romana semel judicatis acquieverunt, hacque controversia finem habere visa est.* Teste igitur Sozomeno

Ro-

Romani Pontificis iudicium in rebus fidei indeficiens, supremumque apud Orientales erat, post quod nihil foret amplius exquirendum.

S. Flavianus Constantinopolit. Episcopus de Pontificis supra Synodos potestate, ac in fide infallibilitate sententiam aperiens suam in epistola ad S. Leonem M., quæ inter Leoninas 6. recensetur, his verbis scripsit: *Causa* (Eutychetis) *egret solummodo vestro solatio, atque definitione, qua debeatis consensu proprio ad tranquillitatem, & pacem cuncta perducere. Sic enim hæresis, quæ surrexit, & turbæ, quæ propter eum factæ sunt, facile refecantur, Domino cooperante per vestras sanctissimas litteras: revocabitur autem & Concilium* (Chalcedonenſe), *quod fieri divulgatur. Fatentæ igitur S. Flaviano Concilio non inesse robur, nisi eidem calculo accederet suo Romanus Pontifex, auctoritateque sua valere juberet: nec esse eo opus ad hæreses proscribendas, ad id satis superque haberi Romani Pontificis definitionem: eamque huiusmodi esse, ut cuncti adquiescere teneantur, quid obtrudunt ejusmodi privilegio obtrectatores? Quorsum Romanum Pontificem in fide falli, & fallere posse pugnaciter contendunt? Theodoreus apertissimo testimonio idem Sedis Apostolicæ privilegium professus est: ita enim in epistola 113. ad S. Leonem, ad quem appellat, liquido scribit: Si Paulus prædicator veritatis, & Spiritus sancti buccina ad Petrum accurrit, ut iis, qui Antiochiæ de vivendo secundum Legem Moysis disceptabant, questionem expeditam, ac solutam ab eo ferret, multo magis nos, qui pusilli sumus, ad socium Apostolicum accurremus, ut a Vobis medicinam ulceribus nostris feramus. Siquidem Vobis convenit in omnibus rebus primas tenere: Vestra enim sedes multis prærogativis ornata est. . . . Urbis enim vestra Orbi præsidet. . . Fides vero præcipue eam ornat: testis est Paulus, qui clarissima voce ait, Rom. 1. Fides vestra annuntiatur in universo Mundo. Ego vero suffragium Sedis Apostolicæ expecto, & supplex oro, atque obsecro sanctitatem vestram, ut ea me tribunal vestrum justum, ac rectum appellantem (a pseudo-Synodo Ephesina, in qua fuerat exautoratus) defendat, ac protegat, jubeatque, ut ad Vos accurram, & doctrinam meam vestigiis Apostolicis iussistentem ostendam. . . Vestram sententiam*

Part I.

Bb

expe-

expecto; quod si sententia eorum, qui condemnarunt, acquiescere iusseritis, acquiescam, nulli deinceps futurus molestus. Agnoscebat procul dubio: ita scribens post synodale iudicium reliquam adhuc esse Romani Pontificis sententiam, qua lata non relinqui causæ locum. Idem repetit in epist. 116. ad Hilarum Rom. Eccles. Diaconum, qua sic loquitur: Nudarunt me (in Ephesino conciliabulo) sacerdos... Quamobrem precor te, ut sanctissimo Archiepiscopo (Leoni) suadeas, ut Apostolica auctoritate utatur, jubeatque ad vestrum Concilium adire. Tenet enim sancta ista Sedes gubernacula regendarum cuncti Orbis Ecclesiarum, cum propter alia, tum quia semper hæretici sætoris expertus mansit, nec ullus unquam, qui contrarium sentiret; in ea sedit; quin potius Apostolicam gratiam puram custodivit. Quare quæ ab isto vestro tribunali proficiuntur, qualiacumque erunt, iudicii vestri integritate confisi amplectemur. Ita Theodoretus una cum Primatus dignitate supremam in Concilia potestatem, & in fide indefectam Apostolicæ Sedi indivisim a Domino collatas confitetur.

Qui pote? Anatolius, cujus ambitionis gratia Concilium Chalcedonense Constantinopolitano Episcopo primas supra ceteros Orientis Patriarchas detulerat, non alia ratione S. Leonis in se propterea exasperatum animum delinire, quam profiteri sibi nihil antiquius, optatiusque accidere, quam, ut patet, ex officio Pontificis imperata adimplere, ejus de fide doctrinis integre se jam devovisse, affirmareque prætenso canoni eam adnexam legem, si Pontifici probaretur: ita plane, *Quum & sic*, inquit, *gestorum vis omnis, & confirmatio auctoritati vestre Beatitudinis fuerit reservata* &c. Percurre epistolam Anatolii ad S. Leonem apud Allatum de consens. Occid., & Orient. Eccles., Holstenium in collect. Rom. part. 1, & Quæsnellum tom. 1. oper. S. Leonis post epistolam 105, alias 70. Qui dum Episcopi Mæxiæ 2. in epist. ad Leonem Imperat. apud Harduinum tom. 3. S. Leonem M. Vere Caput Episcoporum vocant: & ab Episcopis Armeniæ 2. in epist. ad eundem Imperat. S. Cælestinus I. Petri Sedis, sententiaque successor vocatus est? Qua impudentia fuerit Acacius Constantinopolitanus Antistes, de quo plurima 2. parte, nihilo secius in epist. ad S. Simplicium, qua ei Orientalis Ecclesiæ statum refert, Sollicitudinem

omnium Ecclesiarum eundem circumferre scribit. Quid plura? In epist. ad SS. Felicem III, & Gelasium I, Acacii successores Flavita, & Euphemius Apostolicam Sedem *Unitatis centrum, & fidei fundamentum*, a qua desistere nefas sit, ultro citroque professi sunt; & Macedonius Concilio œcumenico Pontificem Romanum adesse, & præesse oportere affirmavit apud Theodorum Lector. lib. 2, & Theophanem ad annum Christi juxta Alexandrinos 102, idest vulgaris æræ 509. Sed de gavissimo hoc argumento fusius part. 2. Ad hæc Episcopi Dardaniæ acceptis S. Gelasii litteris, quibus ab Eutychianorum communione abstinere jubebantur, repoluerunt gratias rependentes pro officio: *Desiderii, & voti nostri est iussionibus vestris in omnibus obedire, & quemadmodum a Patribus nostris accepimus, Sedis Apostolicæ... præcepta intemerate servare, atque religionem orthodoxam, cujus estis prædicatores, fidei, & inculcata devotione... custodire*. Ita fantur ii, quibus Pontificem desistere a fide nequire, atque suprema in Ecclesia potestate defungi persuasum est. Orientales Episcopi in epist. synodica ad S. Symmachum, qua supplicant ab anathemate absolvi, quo ob Acacii communionem constricti tenebantur, se Apostolicæ Sedis omnino subjectos ire non modo, sed imo ejusdem sententiis obstringi omnino, ejusque fidei obligari mirifice agnoscunt, & contentur: *Si propter, agentes, Alexandrinorum, aut magis Eutychianorum amicitiam, qui averfantur, & anathematizant sanctissimum, & B. Papam Leonem, vel in Chalcedone Synodum habitam, anathematizatus est Acacius, quare nos a Vobis estimamur hæretici, & in anathemate sumus nos, qui amplectimur solum illam epistolam, & qua dicta sunt in sancta Synodo? Qui propter prædicationem recti dogmatis vestri quotidie oppugnamur, & ut hæretici anathematizamur ab his, qui Eutycheti consentiunt? Noli facere judicium... ne perdas justum cum impio, nec equaliter judicentur a te orthodoxi, & hæretici, vel qui anathematizant prædictam sanctam epistolam, sanctumque Synodum vestram, & ii, qui Vobiscum ab iis anathematizantur, & qui amant mori quotidie pro recta fide, quæ a Vobis prædicatur*. Tanti faciebant Orientis Episcopi Apostolicæ Sedis fidem, sententiam, & communionem. Nec ullo omittenda modo, quæ ad epistolæ calcem

habent, quibus egregium, vetustumque exhibetur monumentum sacri in Ecclesia moris, quo in venerationis, ac devotionis argumentum deosculari Pontificis pedes, & ad Pontificem proficisci pro graviorum delictorum veniæ impetratione, vel Episcopis solemne erat: per se enim non stetisse quominus Romam accessissent, subnectunt: ut *Sancta adoraremus tua vestigia, & prævaricationis medicinam, & solutionem vinculorum, & delicti remissionem de tuo sancto ore susciperemus.*

Johannes II. Constantinop. Patriarcha cognomento Cappadox, qui alioquin omnium primus œcumenici nomen affectavit, ut legitur act. 5. Concilii Constant. sub Menna, quamvis id inficietur Baronius ad an. 518. n. 14, in epist. ad S. Hormisdam, Pontifici Maximo fidei suæ rationem reddit, & Legatos mitti ad pacem Orientali Ecclesiæ reconciliandam, lapsosque recipiendos rogat: in Concilio ab se Constantinopoli habito Eutychianos, eorumque defensores damnasse, Concilio vero Chalcedonenfi, & S. Leonis epistolæ ad Flavianum subscripsisse asseverat; libello etiam fidei ab Hormisdæ Legatis oblato syngrapham apposuisse, atque demum in sacra diptycha S. Leonis, ipsiusque Hormisdæ venerandis nominibus restitutis, ex iisdem Acacii, Euphemii, & Macedonii, (quos postremos restitutos postea ab Epiphanio ex S. Hormisdæ indulgentia conjicit Pagius,) necnon Anastasii, & Zenonis Imperatorum nomina expunxisse testatur, quæque legenda extat tom. 4. Concil. edit. Labb., unde liquet Ecclesiam Constantinopolitanam sub S. Hormisdæ cum Romana pacem, communionemque redintegrasse, inter alia sic habet. *Redditis litteris vestre Sanctitatis letatus sum de spiritali charitate vestra sanctitatis, quod unitatem sanctissimarum Dei Ecclesiarum secundum veterum Patrum requiris traditionem, & laceratores rationabilis gregis Christi amore propulsare festinas. Certus igitur scito per omnia sanctissime, quia secundum quod vobis scripsi, una tecum cum veritate sentiens omnes a te repudiatos hæreticos renuo, & ego pacem diligens. Sanctissimas Dei Ecclesias, idest superioris vestre, & novellæ istius Romæ, unam esse accipio: illam Sedem Apostoli Petri, & istius Augustæ Civitatis unam esse definio. Et infra. Tuis verbis evidenter utens per præsentia scripta hæc dico: Quia prima
salus*

salus est rectæ fidei regulam custodire, & a Patrum traditione nullatenus deviare, quia non potest Domini nostri prætermitti sententia dicentis: Tu es Petrus &c. Hæc, quæ dicta sunt, rerum probantur effectibus, quia in Sede Apostolica inviolabilis semper Catholica custoditur Religio. Hætenus ille, quibus me hercle quid apertius esse potest, ut demonstrentur a Græcis agnita, & asserta tunc temporis Apostolicæ Sedis ea, de quibus agimus, supremæ in Ecclesiam universam potestatis, atque in fide infallibilitatis privilegia? Gemina sunt, quæ Johannis in Ecclesia Constantinopolitana successor Epiphanius ad eundem S. Hormisdam exaravit: in ea etenim, quam suæ electionis misit, relatione apud Labbeum tom. 4. locum sibi confirmari suppliciter petit; formulæ fidei a Pontifice præscriptæ sincere se subscribere profitetur; nec ab ejus obedientia, fide, ac communione, vel latum unguem velle unquam deflectere protestatur. Est mihi, scribit, ratio magnopere, Beatissime, uniri me Vobis, & divina amplecti dogmata, quæ ex sanctis discipulis, & Apostolis Dei, præcipue Summi Petri Apostolorum, Sedi sanctæ vestræ sunt tradita.

Johannes Nicopolitanus in Epiro veteri Metropolitane, necnon sub eo ex Epiri 7. Episcopis anno 516. collecta Synodus illustræ suæ erga Apostolicam Sedem observantiæ, obedientiæque specimen exhibent, taleque, quod nonnisi ex animis de Pontifice supremæ potestatis, ac infallibilitatis prærogativa a Christo Domino cumulado persuasus profectum haberi possit. Ergo ad Ecclesiæ Romanæ unitatem redeuntibus undique Orientis Ecclesiis, unoque Dorotheo Thessalonicensi Episcopo Anastasii Imperatoris gratiam aucupare malente, quam Apostolicæ Sedi communionem coniungi, in schismate obfirmato animo adhuc manente, Johannes recens electus Nicopolitanus Episcopus, ac ceteri Epiri veteris Antistites Dorothei obedientia, & communione abdicata, Apostolicæ Sedi ad S. Hormisdam obsequii reverentissimis litteris inscriptis se integre devoverunt. *Votum, inquit Johannes, mihi est vestram sequi doctrinam, sicut inter Sanctos prædecessor meus Alcison extiterat: & anathematizo Dioscorum, ac Timotheum appellatione Ælurum, & Petrum, qui Antiochenam perturbavit Ecclesiam, sequens in omnibus Synodicas, & Apostolicas epistolas scrip-*

scriptas a vero Prasule Romana Ecclesia Leone. Rogo autem plenius, atque perfectius, quae servari oportet, commoneo, & a quibus abstinere debeam, vestris custodibus litteris intimare, ut si fortassis adhuc inexercitatus ordini deutor lectionum, seu dixi, seu egi Apostolicis vestris doctrinis incongruum, vestris imbutus sermonibus possim haereticorum obfistere machinis. Hoc enim facientes, sanctissime, firmiores nostra sanctae Synodi invenietis Episcopos, & bonorum actuum Clerum, & Populum confirmabitis. Similia scribunt in Synodica apud Harduinum tom. 2. Epiri Episcopi, Johanni gradum confirmari enixis precibus esflagitantes, inque preces, ne Pontifex sibi ad amplexandum pronis doctrina, & admonitione deesset, effusi. Quid quod Dorotheus ipse intellegens gravi discrimini se facile patere, si a Pontificis fide, & obedientia descisceret, ad eundem S. Hormisdam datis litteris, apud Labbeum tom. 4. edit. Paris. legendis, obsequio, & devotione cumulatissimis, damnatis Nestorio, & Eutychete, se ejusdem communioni ardentem inhiare profitetur, in ejusque communionem ceteros omnes redire valde peroptat; ac postquam diu obnixus fuisset, obluatursque, Pontifici demum submissis fascibus se dijudicandum permittit? Confer epistolas Dorothei ad Hormisdam, & Hormisdæ ad Legatos suos; ad Dorotheum; ad Anastasium; ad Epiphanium loco apud Labbeum præmemorato. Archimandritæ perinde, atque Monachi secundæ Syriæ, seu Maronitæ ad eundem S. Hormisdam relationem mittentes eorum, quæ ob defensionem fidei a S. Leone traditæ, & a Chalcedonenſi Synodo receptæ patiebantur ab Eutychianis, ac præsertim a Severo Antiocheno, & Petro Apameensi, egregium suæ de iisdem Romani Pontificis prærogativis fidei testimonium exprimunt in epistola eidem Pontifici inscripta, quæ refertur cit. tom. 4. Concil. a Labbeo: inter alia enim ita præstantur: Sanctissimo, & Beatissimo universi Orbis terræ Patriarchæ Hormisdæ continenti Sedem Principis Apostolorum Petri &c. Quoniam Christus Deus noster Principem Pastorum, & Doctorem, & Medicum animarum constituit Vos, & vestrum Sanctum Angelum, dignum est passiones, quæ nobis contigerunt exponere. Post vero narratam persecutionem, qua ex ipsorum grege ad 350. interfecti ab Eutychianis sunt, subneçunt:

De-

Deprecamur ergo Beatissime, supplicantes, & rogantes, ut exurgatis cum fervore, & zelo, & condoleatis iuste pro corpore laniato: nam Caput estis omnium: & vindicetis fidem contra in- canones conculcator, Patres blasphematos, & talem Synodum (Chalcedonensem) anathemate impetitam. Vobis a Deo data est potestas, & auctoritas ligare, & solvere: talis, nempe, ac tanta, quæ solutos quoquomodo obliget, ligatosque a quocumque absolvat.

Theodosius Echinienſis in Theſſalia Episcopuſ Legatuſ ad Bonifaciuſ II. a Stephano Lariffenſi, qui ab Epiphania Conſtanti- nopolitano Episcopuſ e gradu motuſ ad Apoſtolicam Sedem ap- pellaverat, ipſiuſ partes agens in Romana Synodo, cujuſ acta ex bibl. Barberina publici juris fecit Lucas Holſteniuſ, ſic Pon- tificem affatuſ eſt: *Conſtat venerandoſ Sedis veſtræ Pontifices, quamvis in toto Mundo Sedes Apoſtolica Eccleſiaruſ ſibi vindicet principatuſ, & ſolam Eccleſiaſticis cauſſis undique appellare neceſſe ſit, ſpecialiter tamen gubernationi ſuæ Illyrici Eccleſiaſ (ut conſtat ex epiſtolis SS. Damaſi, Siricii, Innocentii I, Bonifacii I, Cæleſti- ni, Sixti III, & Leonis I. ab ipſo productis) vindicaſſe.* Duo in Roma- no Pontifice diſtinguit Theodoſiuſ juſ Primatuſ in Eccleſiam uni- verſam; ac juſ Patriarchicuſ in Illyricuſ: ex utroque capite, Stephani appellationem urget, ipſiuſque exauſtorationem inien- tatam ab Epiphania irritam eſſe contendit. Porro Nataliſ hiſt. Eccleſ. ad ſæcul. XIII, & XIV. in cenſorio ſuffragio ad propoſitionem illam: *Ad ſolam Sedem Apoſtolicam divino immutabili privile- gio ſpectat de controverſiſ fidei judicare,* hanc Theodoſii Echinien- ſiſ propoſitionem coarctandam ad cauſſas perſonales, non exten- dendam ad cauſſas fidei aſſerit, additque intelligendam de appel- lationibuſ a Conciliis particularibuſ, non œcumenicis, ad quæ imo juxta Geſſoniuſ, (quamvis non paſſim, regulariter, & ab omnibuſ), certis tamen in caſibuſ extraordinariis ab Eccleſiis in- tegris in cauſſis fidei appellari a Sede ipſa Apoſtolica poſſit. Hanc ſchiſmatibuſ laram ſternentem viam parte 2. vindic. ſen- tentiam explodemuſ; quo etiam loco oſtendemuſ Concilioruſ, etiam œcumenicoruſ decreta. nulliuſ. eſſe roboriſ, quoaduſque eadem rata juſſerit Romanuſ Pontifex; atque ab ipſiſ. œcumeni- ciſ Conciliis interponi ad Apoſtolicam Sedem appellationeſ, non

e con-

converso, posse. Ita intelligendum esse Theodosium Echinien-
sem, ideoque alienum in seipsum intorsisse ejus verba Natalem.
suadet verborum obvius sensus, quibus Romanum Pontificem
affirmat jure Primatus Ecclesiæ universæ præesse, eumque solum
undique appellare necesse fore. Quod rite ex Primatu colligit;
quandoquidem ratione Primatus Pontifici competit judicare de
caussis omnibus, quæ in Conciliis aguntur, quum imo sine ipso
neque agi in Concilio possint: ac judicare num rite eadem causæ
in Conciliis agitatae sint. Sed & audire præstat ipsummet Step-
hanum Larisæum, qui in epist. ad eundem Bonifacium II. sic ait
inter alia: *Etenim dixi quia auctoritas Sedis Apostolica, quæ a
Deo, & Salvatore nostro Summo Apostolorum data est, omnibus
Sanctarum Ecclesiarum privilegiis antecellit; in cujus confessione,
omnes Mundi requiescunt Ecclesiæ.* Quibus satis significat Aposto-
licam Sedem Ecclesiæ universæ a Deo fuisse prælatam; sed insu-
per ipsius fidem ab universa Ecclesia amplectendam fore. Confer
etiam Elpidium, Stephanum, & Timotheum in Thessalia Episco-
pos in epistola eandem ob rem eidem Bonifacio II. nuncupata,
apud Harduinum tom. 2. collect. Conciliorum pag. 1117.

Marianus Presbyter, ac Monachorum Primas, nec non in-
genti numero Archimandritæ Orientales acerrimi Concilii Chal-
cedonenfis assertores simillima habent in libello supplici Justinia-
no Imperatori oblato, & in Synodo Constantinopolitana sub Men-
na lecto: *Misit, inquit, Deus huic Civitati (Constantinopo-
litanae) Agapetum Pontificem antiquæ Romæ in depositione Anthi-
mi, & prædictorum hæreticorum (Severi, Petri, & Zoaræ)
tanquam olim Petrum Magnum Apostolum Romanis in depositione
Simonis Goetiani. Ille ergo Venerabilis Vir scienf.... ea, quæ ini-
que contra Ecclesiam præsumpta fuere Anthimum jussu ejecit de
Sacerdotali sede & præfecit ipsi Ecclesiæ S. Mennam.* Ob ea-
dem præclare gesta eidem S. Agapeto gratulati sunt epistola ad
ipsam inscripta, quam legere est apud Harduinum tom. 2. pag.
1203. Orthodoxi etiam Orientales Episcopi libello adversus An-
thimum, Severum, aliosque Acephalos oblato S. Agapeto, lo-
co mox indicato legendo, ita de eo loquuntur, tanquam qui fi-
dei eclipsim pati nequeat, cuique sit imo datum in devia aber-
ran-

rantes, errorumque caligine obductos, in rectam perducere, ac veræ fidei lumine perfundere: *Ex quo*, inquit, *Christus Deus noster ... propter ipsius in omni tempore cum vera fiducia sua inuisibili, ac terribili virtute divulgatam confessionem super venerabile caput vestrum requievit, quum Sedem Apostolorum Vobis, Pater Beatissime, commisit, & firmavit super firmam petram pedes vestros ... clarificati a spirituali splendore vestro, per quem tanquam lucerna resplendens super sancto candelabro caliginem eorum, qui in tenebris sedent, depulistis, & cæcos illuminastis, & oculos mentis ipsorum aperuistis &c.* Patarenſis Episcopus, cujus ignoratur nomen, apud Liberatum in breviar. cap. 22, quum S. Silverius Pataram in exilium deportatus fuisset, Justinianum Imperatorem adiens iudicium Dei contestatus est de tanta Sedis Episcopi expulsionem: *Multos esse dicens, in hoc Mundo Reges, & non esse unum, sicut ille Papa est super Ecclesiam Mundi totius a Sede sua expulsus.* Hæc audiens Imperator, agnoscentque Romanum Pontificem supremum esse in Ecclesia Caput, S. Petri successorem, & Christi Domini in terris Vicarium, revocari Romam Silverium iussit. De Menna Constantinopolit. abunde dixi tom. 1. art. 2. §. 3, non secus ac de aliis.

S. Eutychius Constantinopolitanus Episcopus non absimili in sententia versatus in epistola ad Vigilium, postquam dogmaticis Romanorum Pontificum devinctum se fuisset professus, rogans etiam atque etiam, ut Concilium de tribus Capitulis disceptaturum præsentia sua, ac præsidentia honorare dignaretur, *Ad Apostolicam Sedem*, ait, *vestræ Beatitudinis manifestum facimus, quod servamus fidem a Christo Apostolis traditam, & ab illis in toto Mundo prædicatam, & a SS. Patribus maxime in sanctis quatuor Synodis explicatam: Suscipimus & epistolas Præsulorum Romanæ Sedis Apostolicæ; & ideo pestimus præsentem nobis vestra Beatitudine ... communi tractatu eadem Capitula in medio proponenda quæri, & conferri, & finem questioni imponi Deo placitum.* Viden ut Concilii Oecumenici Caput Romanum Pontificem agnosci, atque Apostolicæ Sedis decreta tanquam fidei dogmata suscipi? S. Eulogius Alexandrinus, quam de Pontificis prærogativis animo præclaram perferret sententiam ostendit, dum illi partes in Ecclesia

primas detulit : dum ab se scripta illius iudicio sponte submisit : dum actorum suorum, fideique rationem reddidit, agendique regulam depoposcit. Legito ejus epist. Synodi ad S. Gregorium M. apud Photium cod. 230 ; & S. Gregorii ad eundem epist. 30. lib. 7. Ad eundem S. Gregorium litteris missis, fideique rationem referentibus obedientiam, obsequiumque onine desponderunt SS. uterque Anastasius Senior, & Junior in Ecclesia Antiochena unus alteri e vestigio successor. Confer epistolas S. Gregorii 25, & 26. lib. 1. nov. edit. ; & Pagium ad annum 59 : Isacius item Hierosolym. apud S. Gregorium lib. 8. epist. 6. Quid imo quod supra se stare Pontificem, qui ipsius titulo invadebant, professi utique sunt Johannes Jejunator, dum acta in causa Johannis Chalcedonensis, & Anastasii Isauriensis Presbyterorum, qui ad S. Gregorium appellaverant, ad Pontificem pro iterando iudicio remisit, de quo S. Gregorius epist. 53. lib. 3. ind. 10 ; nec non Cyriacus ejus in Ecclesia Constantinopolitana successor, dum litteris, legatisque suæ electionis nunciis ad eum missis cum fidei suæ rationem reddidit, tum communione sua cohonestari, locoque confirmari rogavit obnixè, de quo S. Gregorius lib. 7. epist. 4, 5, 6, & 35. novæ editionis ?

Sæculo VII, VIII, & IX. S. Maximus Abbas, & Martyr celebri in disputatione habita cum Theodosio Cæsarensi Episcopo, & duobus Patriitiis missis ad eum a Constante Imp., inter ejus opera edita a Combessisio, Monothelitarum hæresim ad evitendam non validiori atiete sibi utendum ratus, quam auctoritate Sedis Apostolicæ, *Nun audeo*, inquit, *hac de re a vobis capere assensionem ... Sed ut canon docet, Romam hac de re scribite, vel Imperator, vel Patriarcha, vel Synodus ... Neque vitabit Imperator, vel Patriarcha ... inter se se constituere Synodali petitione ad Romanum Pontificem transmissa, & omnino si reperiat ratio Ecclesiastica, quæ id concedat ob rectam fidei confessionem, convenire super hoc inter vos*. Audistis ! S. Maximum asserentem sine Concilio a solo Romano Pontifice causam fidei posse finiri : neque sine Romani Pontificis consensu Concilium posse congregari ! Idem in epist. ad Thalassium Abbatem Romanum Pontificem vocat *Firmam, & immobilem Petram*. Præterea in fragm. epist. *Omnis,*

Omnis, inquit, qui eos, qui Pyrrhum reprobaverunt anathematizat, Sedem Romanam, idest Catholicam Ecclesiam anathematizat ... Itaque si vult (Pyrrhus) hæreticus non esse, nec audire, non isti, aut illi satisfaciat, ... festinet pro omnibus Sedi Romanæ satisfacere, hac enim satisfacta communiter ubique omnes pium hunc, & orthodoxum prædicabunt. S. Anastasius ejusdem S. Maximi discipulus ab ejus sententia neque unguem abluit, sed pene unam Romanam Ecclesiam fidem integram, intemeratamque servari affirmans sic apud Gennadium Scholarium de Primatu Papæ sect. 8. ait: Quum fides concordissime ab omnibus exagitaretur, nisi speciali gratia opem tulerit, qui semper succurrit, semine Religionis apud veterem Romam nobis relicto, ad confirmandam promissionem mentiri nesciam, quæ facta est Principi Apostolorum, scilicet verbis illis: Tu es Petrus &c. Ego rogavi pro te &c.

S. Sophronius Hierosol. Episcopus, postquam ex Episcopis Palæstinæ Concilio collecto sexcentis SS. Patrum testimoniis duplicem in Christo D. voluntatem, & operationem statuisset, dimisit Stephanum Dorensem Episcopum legatum ad Honorium, ut eundem ad novorum dogmatum damnationem incitaret: *De finibus terræ, inquit, usque ad terminos ejus ambula, donec ad Apostolicam Sedem, ubi orthodoxorum dogmatum fundamenta existunt, pervenias. Putasne hæc dicentem Pontificis Romani fidem labefactari ullo modo posse existimasse? Quin etiam de legitima Patrum traditione Pontifici fore auscultandum ei ratum fuit? Sergius Cyprius in epist. Synodica ad Theodorum Papam, quæ lecta est in Synodo Later. sub S. Martino I. secret. 2, alter Monothelitarum hæresis acerrimus impugnator, his affatus legitur: Sanctissimo, & Beatissimo a Deo honorabili Domino meo, Patri Patrum, Archiepiscopo, & Universali Papæ Theodoro Sergius humilis in Domino salutem. Firmamentum a Deo fixum, firmum, & immobile, atque tituli formam lucidissimam fidei vestram Apostolicam Sedem constituit, & jacer Vertex, Christus Deus noster. Tu es enim, sicut divinum veraciter pronunciat Verbum, Petrus, & super fundamentum tuum Ecclesiæ columna confirmata sunt. Tibi & Claves Regni Cælorum commisit, atque ligare, & solvere potestative, quæ in terra, atque in cælis sunt, promulgavit. Tu profanarum hære-*

seon depositor existis. Tu Princeps, & Doctor orthodoxæ, & immaculata fidei. Igitur non despicias Patrum tuorum Patrem fidem, æstuantem, & ab aliquibus hæreticis ventis violentatam, nec non periclitantem: resolve nebulam insipientium lumine tuæ sapientiæ divinæ, ò Sanctissime &c. Quam magnifice plane Apostolicæ Sedis indefectibilem fidem, supremamque in Ecclesiâ potestatem exprimit!

Stephanus Dorenſis non abſimili modo Romano Pontifici in persona S. Petri collatam summam in Ecclesiâ auctoritatem, qua nulla sit superior, ac in fide inefficientiam, qua imo fideles omnes in fide confirmantur, affirmat, dum in libello ad S. Martinum I. lecto in eadem Lateranenſi Synodo ſecret. 2. ait: *Annuntiamus hæc omnia omnium præpoſita Sedi: dico autem summa veſtra, & principali, ad medicinale conſultum emersi vulneris, (videlicet Monothelitarum hæreſis), quippe quoniam hoc poteſtative olim, & ab antiquitus facere per Apoſtolicam, ſive canonicam conſuevit auctoritatem, dum aperta lucubratione non ſolum claves regni Cælorum ſunt ei credita, atque ipſe tantummodo ad aperiendum eas fidelibus quidem digne, minime autem Evangelio gratiæ credentibus juſte claudere magnus ſecundum veritatem, & Princeps Apoſtolorum meruit Petrus; ſed etiam & paſcere primus juſſus eſt oves totius Catholicæ Eccleſiæ, quum Dominus dicit: Paſce oves meas: & iterum ipſe præcipue, ac ſpecialiter firmam præ omnibus habens in Dominum Deum noſtrum fidem, convertere aliquando, & confirmare exagitatos conſortes ſuos, & ſpirituales meruit fratres, utpote diſpenſative ſuper omnes ab ipſo, qui propter nos incarnatus eſt Deus, poteſtatem accipiens, & ſacerdotalem auctoritatem. Quod ſciens Patriarcha Sophronius, me ad hanc Apoſtolicam, magnamque direxit Sedem &c. Adeo aperta ſunt Stephani verba, quibus ab ſe, a Sophronio, & ab Episcopis Palæſtinis inſallibilem in ſuis definitionibus, ſupremumque in fidei quæſtionibus Judicem Romanum Pontificem haberi profeſſus eſt, ut vim ſit verbis facere, illa in alienum ſenſum intorquere, ut Apoſtolicæ Sedis Oſores faciunt. Ad hæc Archimandritæ, & Monachi Orientales in libello eidem S. Martino eadem de re, ſcilicet Monothelitarum hæreſi oblato, ac in eadem Synodo lecto Apoſtolicam Sedem magnifice*

extollunt, ac, ut est vere, *summam Sedem* vocant, in eaque sedentem Pontificem Romanum *Sacerdotem Sacerdotum*, & *Patrem Patrum*, quem in quæstionibus fidei expectandum, & a quo fidei definitiones expectandas enuntiant verbis istis: *Sanctæ Dei, & Apostolicæ Synodo ex Dei voluntate, & gratia in hac consonanter, & unanimiter congregata alma antiqua Urbe Roma ad confirmationem sacram, & erectionem immaculatæ, nec non pie Christianorum nostræ fidei per jussionem sanctam divinitus præsentis vobis, atque omnibus his præeminentis Sacerdotis Sacerdotum, & Patris Patrum Domini Nostri Martini ter Beatissimi Papæ &c.* Et infra. *Nec non animæ nostræ ipsius Dei, & Salvatoris nostri Jesu Christi omnibus modis sanctam præponentem fidem, & prius quidem communiter, dum Afrorum habitavimus provinciam, hanc Apostolicam, & summam expetivimus Sedem.*

Johannes hujus nominis VI, qui Cyro depulso a Philippico Imperii pervalore Constantinopolitanæ Ecclesiæ præfectus fuit, quemque Theophanes in Chron. pag. 319, Zonaras lib. 14. n. 27, & Nicephorus in hist. pag. 31, & post ipsos Baronius ad ann. 712, (cui forte Johannis epistola, qua de agimus, perspecta non fuit), ipsum a capite ad talos Monothelitica labe infectum non modo agens, sed imo a S. Gregorio II, ad quem perinde directas litteras Synodicas ab eodem Johanne auctor est Anastasius, rejectas hæc litteras perperam arguens, quem, inquam, Monothelitarum hæresi aspergunt una cum Andrea Cretensi, & Geruano Ciziceno postmodum Constantinopolitano Episcopo viris sanctissimis, quod ab ipsis an. 712. Concilio celebrato sexta Synodus damnata fuerit; quos tamen ab hac invidiosa hæresis nota vindicant doctissimi Pagius in crit. ad an. 712. n. 3, & seqq.; Guillelmus Cuperus in tract. prælim. de Patriarchis Constantinopolit. sæculo VIII; & Combessius in notis ad mox laudandam Johannis epistolam tom. 2. supplem. bibl. SS. Patrum (quamquam meà quidem sententia præpostera ejusmodi erga Principem œconomia culpa non vacet) observantes eos ex animo orthodoxos fuisse, atque ne Ecclesiæ Orientalis in grave discrimen a Philippico adduceretur, cui sexta Synodus omnino invisa erat, ceu hominē Monothelitarum hæresi addictissimo, œconomia quadam sibi
uten-

utendum ratos in Synodo Constantinopoli habita cit. an. 712. abstinendum duxisse a nuper definitis in sexta Synodo geminæ in Christo operationis, & voluntatis, durioribus, ac Philippico invidiosis vocibus, Johannes, inquam in epist. ad Constantinum Papam, quæ legitur tom. 6. Concil. Labbei pag. 1409., quæque excusat silendi œconomiam ab se Tyranno indultam, petitque sibi non denegari eam ob rem Romani Pontificis communionem, magnificis hisce usurpatis verbis Pontificem salutat: *Cum his vestrum Apostolicum præsidendi munus possumus comparare, & qui vos Caput Sacerdotii secundum Christum reputamus, merito damus operam, ut a Vobis corpori Ecclesiæ nostræ allevationem offensionis, quam ex pestifera animarum tyrannide accepit, seramus. Sane quidem Vos, ut Capitis proprium est, non despicietis nos, qui præter voluntatem nostram in morbum incidimus, nec a vestra conjunctione alienabitis: quin potius tristitia de nostris vulneribus affecti (si quid enim unum membrum patitur, cætera compatiuntur, ut Apostolus ait) recuperata valetudine, ac restituta sanitate meritissime congaudebitis.* Jam vero istiusmodi comparatio instituta capitis toti corpori præfecti, atque a capite in totum corpus influxus promanantis quid, quæso, Joannis sententia importat, quam Pontificem Ecclesiæ universæ præfectum, atque a Pontifice in Episcopos potestatem omnem profluentem? Quid autem de Pontificis inerrantia subnectat, audire præstat: *Quum sitis, inquit, illius successores, qui audivit a Domino, Ego rogavi pro te... debetis diligenter inducere, quæ fulciunt, & stabiliunt ad correctionem.*

S. Tharasius Patriarcha Constantinopolitanus in Nicæna Synodo II. aët. 2. interrogantibus Legatis num consentiret litteris Hadriani Papæ respondit: *Sequimur, & suscipimus, & admittimus: & in eadem aët. Hadrianus, inquit, veteris Romæ Primas, & testatorum Principum successor clare, & vere... scripsisse mihi videtur, constabiliuitque, & rectam esse declaravit Catholicæ Ecclesiæ antiquam Traditionem.* Scilicet de SS. Imaginum cultu. Idem in epist. ad Hadrianum, *Quum perlata, scribit, primitus vestre fraternæ Sanctitatis litteræ legerentur, præsolabantur omnes (Synodi Patres) spiritualibus eduliis, tanquam in regalibus canis fruenter, quæ Christus per litteras suas epulantibus præpara-*

parabat : & sicut oculus totum corpus ad rectitudinis , & veritatis semitam ostendebas . Quæ egregie palam faciunt a Concilio œcumenico Christi Vicarii litteras , veluti ejusdem Christi D. digito exaratas , fuisse acceptas , atque ad eam fidei regulam Concilium œcumenicum se composuisse , quam ei Romanus Pontifex ostendisset : ut propterea meridianæ luci tenebras offundant , qui hæc obscurare sinistra interpretatione student . S. Stephanus Junior dictus egregius SS. Imaginum cultor , earundem cultus acerrimus vindex , eamque ob causam sub Copronymo martyrio affectus , cujus acta apud Baronium an. 754. descripsit S. Jo. Damascenus , occurritque una cum sociis Monachis 342. in Martyrologio Romano die 28. Novemb. memoria , nec non in actis Concilii Florent. sess. 7 ; in Iconomachos , qui Concilium Constantinopoli ager e fuerant ausi , acerrime invehens , *Quonam pacto* , inquit , *qui sancta proscriptistis sanctum Concilium cogitis ? O singulari absurditatem ! Jam quis œcumenicum Concilium istud vocare queat , quod nec Romanus Antistes , citra cujus auctoritatem nullo modo fieri potest , ut res Ecclesiastica ad normam dirigantur , ratum habuit ?* Hæc adeo liquida sunt , ut nostra expositione non egeant . S. Nicephorus Patriarcha Constantinopolitanus in epist. ad S. Leonem Pontificem Maximum , qua illi fidei suæ professionem nuncupat , rationemque reddit , inter alia nihil antiquius se habere ait , quam in omnibus , & per omnia Romanæ Ecclesiæ , ut quæ omnium Ecclesiarum Mater sit , & Magistra , fidem amplecti : *Quodcumque* , inquit , *vel in verbis , vel in rebus nobis deest , id digna vestra auctoritate vite nostræ adijcite , & superadificate . Vestra divina virtute nos veluti infirmiores fulcite , pedesque nostros ad currendam Evangelii semitam perficite , neque ulla omnino , quæ salutaria , & utilia videbuntur , suggerere prætermittite .* Ita se infime Romano Pontifici instruendum in fidei doctrinis , excolendumque in morum disciplinis S. Patriarcha demittebat .

S. Theodorus Studites , si quis Græcorum alius , Romani Pontificis supremæ in Ecclesia potestatis , ac in fide indefectibilitatis assertor , & vindex eximius , cujus maxime auctoritate contra Marcum Ephesinum pugnavit Gregorius Protosyncellus , in epist. ad S. Paschalem I. lib. 2. epist. 13. *Audi* , sic cum alloquitur ,

Apo-

Apostolicum Caput, Pastor ovium Christi a Deo electe, Claviger regni Calorum, Petra fidei, super quam edificata est Ecclesia Catholica; Petrus enim Tu, Petri Sedem exornans, & gubernans. . . Huc igitur ab Occidente ò Christi imitator resurge, & ne repellas in finem: Tibi dixit Christus Deus noster: & Tu aliquando conversus confirma fratres tuos. . . Habes potestatem a Deo, eo quod omnium Princeps es, in quo positus es. In altera vero epistola ad eundem Paschalem suo, & aliorum Archimandritarum nomine nuncupata hisce Pontificem compellat laudibus: Reipsa cognovimus manifestum Apostolorum Principis successorem Romana Ecclesia præsidere, certoque nobis persuasimus Dominum Ecclesiam nostram minime deseruisse, cui unum solumque auxilium a Vobis hætenus, atque ab ipso exordio in occurrentibus molestiis, Dei providentia concessum est. Vos igitur illimis, ac sincerus ab initio, o fons orthodoxæ veritatis. Vos adversus omnem hæreticam procellam tranquillus sepositus portus Ecclesie universæ. Vos a Deo electa Civitas refugii salutis &c. Viden egregiis sententiis Apostolicam Sedem ab hæresi immunem omnino adstrui! Idem in epist. ad Michaelem Imp. suo, & Orthodoxorum Episcoporum nomine scripta, Si aliquid, inquit, dubitare, vel non credere videtur vestra divina Magnificentia, ejus rei explicatio a Pontifice pie est postulanda. . . jubeat a veteri Roma capere declarationem, ut a principio a Patribus nostris est traditum. Ea, o Christi imitator Imperator, inter omnes Ecclesias Dei summum, & supremum obtinet locum, cujus Petrus tenuit primam Sedem, ad quem dixit Dominus: Tu es Petrus &c. Iterum in epist. ad Naukratium postea in præfectura successorem suum Testor nunc, scribit, coram Deo, & hominibus, divisi sunt a corpore Christi, (Iconomachi) & a suprema Sede, apud quam Christus deposuit Claves fidei, adversus quam portæ inferi a sæculo non prævaluerunt, nec prævalebunt usque ad consummationem ejus, hæreticorum videlicet effrenata ora secundum promissionem veracis Domini. Non me latet hæc omnia ab adversariis de Primatu dumtaxat Pontificis intelligenda juberi. At, te amabo, suggere, & suppedita, si vales, si habes, alia apertiora, & ampliora verba, quibus S. Theodorus uteretur ad planius faciendum sentire se,

re se, & credere Romanum Pontificem in fide falli, & fallere omnino esse nescium?

S. Ignatius Constantinopolitanus Patriarcha in epist. ad S. Nicolaum I. act. 3. Synodi VIII. lecta, *Eorum vulnorum, inquit, atque livorum, qui in membris humanis consistunt, multos Medicos protulit ars ... Eorum vero, quæ in membris sunt Christi, & Dei Salvatoris omnium nostrum Capitis, & sponsæ Catholicæ, & Apostolicæ Ecclesiæ unum singularem, præcellentem, atque Catholicissimum Medicum ipse Princeps summus, & fortissimus sermo, & ordinator, & curator, & solus ex toto Magister Deus omnium produxit: videlicet tuam fraternam Sanctitatem, & paternam Almitatem; propter quæ dixit Petro magno, & summo Apostolorum, Tu es Petrus, & super hanc petram &c. Tales enim beatas voces non secundum quamdam utique sortem Apostolorum Principi solum circumscripsit, & designavit, sed per eum ad omnes, qui post illum secundum ipsum efficiendi erant summi Pastores, & diviniissimi, sacrique Pontifices senioris Romæ transmisit. Et ideo ab olim, & a prisco tempore in exortis hæresibus, & prævaricationibus eradicatores, & interemptores malorum zizaniorum, & tabefactorum, & penitus insanabiliter egrosantium membrorum multi multoties facti sunt eorum, qui Sanctitatem, & summam Paternitatem tuam illic præcesserunt, successores videlicet Principis Apostolorum, & illius zelum in fide, quæ secundum Christum est, imitantes, & nunc nostris temporibus Beatitudo tua digne tractavit datam sibi a Christo potestatem. Cedo luculentius, ac locupletius testimonium optari ne potest ad ostendendum in persona Petri a Christo D. constitutos Romanos Pontifices fidei indeficientes assertores, ac vindices, hæresumque perennes interemptores, ac debellatores? Proinde operæ pretium fuisse, ut illorum fides illibata perpetuo foret, a nulla unquam hæresis macula labefactanda, quis recte non inferat?*

Theophylactus in cap. 22. Lucæ: Tu conversus &c. Planus, inquit, hujus intellectus est: quia te habeo Principem discipulorum, postquam me negato steveris, & ad pœnitentiam veneris, confirma ceteros; hoc enim te decet, qui post me Ecclesiæ petra es, & firmamentum. Quod hoc loci Theophylactus planum dicit,

Pars I.

D d

mi-

mirum, quod Pontificiæ infallibilitatis oſores obnubilare, ac tenebris obducere conentur! Primatum eo loci Pontificis Romani S. Petri ſucceſſoris, ac munus ceteros fideles in fide confirmandi, (perindeque in fide firmitatem a Chriſto Domino Romano Pontifici collatam, ſupremam quoque in Eccleſia poteſtatem, ut qui poſt Chriſtum ejuſdem Eccleſiæ petra ſit, & firmamentum inſcripte eſt), conſtabilit Theophylaſtus. Si ergo ſupereminet Eccleſiæ Chriſtus: ſi Eccleſia a Chriſto Pontifici ſuperſtructa firma omnimodo in fide eſt, qui ſit, ut Pontifex Romanus Chriſti Vicarius Eccleſia ipſa, cui præeſt, dicatur inferior, ac in fide, in qua Eccleſiam confirmat, ſit ipſe infirmus? Porro ſi animo partium ſtudio minime abrepto, ac nullis pravis præjudiciis affecto SS. Patrum Græcorum uſque modo laudata teſtimonia perpendantur, facile, aut ego fallor, perſpiciet lector apath. ſeam jugiter Eccleſiæ Græcæ inſediſſe ſententiam Romani Pontificis in Eccleſia Primatus eam eſſe appendicem, ut Concilio etiam œcumenico ſuperior ſit, atque in fide omnino infallibilis. Id evincunt magis magisque, quæ ſubnecto evidentia majoris gratia, teſtimonia. Confer interea Eccleſiarum Orientalium Liturgias, Euchologia, Archieratica, Doxatica, Hagiologia, Troparia, Synaxaria, alioſque Eccleſiaſticos Græcorum libros apud Goarium, Arcudium, Maſium, Allatium, Morinum, Echellenſem, Renaudotium, Simonium, Lequiennium, Habertum, Brunium, Aſſemanum &c., quibus S. Petrus *Fundamentum Eccleſiæ, Eccleſiæ Petra, Petra fidei* appellatur: Eccleſiam propterea *a portis inferi prorſus inexpugnabilem* evaſiſſe: a Chriſto Domino *poteſtatem omnem* adeptus &c. Quæ omnia Pontificibus, quos S. Petrus in Eccleſia ſucceſſores excipit, propria fore perinde, ac communia facile perſpicias. Adiſis etiam S. Johannem Damascenum in parallelliſ; opuſc. adverſus Neſtorium, & homil. de tranſfigur. apud Lequiennium præclara gemina prædicantem. Inter hæc in Synaxario Coptorum ad 7. Menſis Meiſre Kalendis Auguſti reſpondentem apud Renaudotium perpet. fidei lib. 10. cap. 4. legitur: *Ex hoc die Petrus factus eſt Princeps ſuper diſcipulos; ejuſque ſucceſſori Roma datus eſt Principatus ſuper omnes Principes univerſi.* Quam in rem proferuntur ibidem Chriſti D. verba: *Tu es Petrus &c.*, quibus ejuſmodi Primatus deman-

datus

datum adfirmatur. Ebedjesu item in collect. canon. cap. 1. apud Af-
femam, & Echellensem in vindiciis Eurychii par. 2. cap. 24.
*Primatus magnæ Romæ, inquit, concessus fuit propter duas colum-
nas in ea positas, Petrum dico Principem Apostolorum, & Paulum*

*Ex aliis Auctoribus Ecclesiasticis, & Episcopis
Ecclesiæ Græcæ.*

§. I I.

ET quidem innumeris pene prætermisissis, qui minori in pretio
habentur, vel aliis in locis prælaudati sunt, ex Scriptori-
bus Græcis succurrit Theophanes Cerameus, qui serm. de
SS. Apost. *Tu Petrus es*, interpretatur, *Petra fidei, Ver-
bi, & Ecclesiæ firmatæ fundamentum*... Super hanc confessionem
fundamentum Ecclesiæ stabit; tali namque Petra, & rupe colloca-
ta reliqua dogmata firme, ac tute edificabuntur. Quæ plane de
S. Petro dicta ad Romanos quoque Pontifices illius successores
pertinere consequens est. Similia habent Michael Psellus in Cant.
ad illud *Crura ejus sunt columnæ marmoreæ*: ubi *Per crura*, in-
quit, *Petrum intellige Apostolorum Principem, super quem Do-
minus in Evangelio Ecclesiam suam se edificaturum promisit*: Eu-
thymius in cap. 16. Matth., ubi *Super hanc petram edificabo Ec-
clesiam meam: Tu es Petrus*, explicat, ut qui post abnegationem fidei
Petra futurus es... Itaque super hanc firmitatem edificabo Eccle-
siam meam, sive te ponam fundamentum credentium: & in cap. 21.
Johannis, *Sequere me*: hinc, inquit, rursus ostendit, quod præ
ceteris eum (Petrum) ampliori dignatur honore... *Quod si quis
dicat: quomodo ergo Jacobus Hierosolymitanam accepit Sedem?*
Dicemus, quod Petrus Orbis constitutus est Præceptor. Atque ut
Matthæum Caryophilum, Johannem Scholasticum, Josephum
Egyptium, Blastarem, Harmenopolium, aliosque ex Græcis
sive S. Scripturæ, sive juris canonici interpretes silentio præte-
ream, Theodorus ipse Balsamon in can. 16. Carthag. *Portæ*, inquit,
*Inferi adversus Ecclesiam non prævalebunt, quæ a Domino supra
Dei præconem Petrum edificata est*. Scio hujusmodi dicta de S. Pe-

212 PRIVILEGIA ROM. PONTIFICI

tro a schismaticis Græcis de Romano Pontifice denegari, atque (si non de Primatu, de aliis privilegiis: verum vehementer errant. Ecclesia enim duratura in finem, ac in fide nunquam defectura indiget fundamento nunquam defecturo, ac in finem duraturo. Sed ab initio de hoc argumento jam satis actum. Georgius certe Pachymerius lib. 5. histor. capita recensens initæ Græcos inter, & Latinos pacis hæc inter alia recitat: *Principatur sit Romanæ Sedis: ad eam appellare liceat Græcis: & memoris Romani Pontificis una cum Patriarchis celebretur*. Gemina habet Nicephorus etiam Gregoras lib. 5. hist. cap. r. de legatione a Michael Palæologo ad Romanum Pontificem Urbanum IV. missa agens, narrat enim Pontificem suscepta legatione vicissim ad Imperatorem Legatos misisse, qui unionis utriusque Ecclesiæ negotium conficerent, tribus hæc tamen legibus præscriptis. 1. Ut in sacris hymnodiis Papæ cum quatuor Patriarchis mentio fieret. 2. Ut liceret cuivis Græcorum Apostolicam Sedem appellare. 3. Ut illi Principatus in omnibus deferretur. In epistolæ sane, quam ad Urbanum inscripsit Imperator, quamque refert Wadingus ad an. 1264, epigraphæ agnoscit, & nominat illum Patrem *Patrum, Beatissimum Papam veteris Romæ, Imperii Dominum, & Sacrosanctæ, atque Apostolicæ Sedis summum Pontificem*: in ipsa vero epistola summopere exorat, quatenus sicut Princeps omnium Sacerdotum, & universalis Doctor Ecclesiæ Catholicæ unionem ejusdem Ecclesiæ urgeat, cui loco B. Petri Deus ipsum præfecit, spondens se omnes gentes, & Patriarchales Sedes, suo Imperio obnoxias ipsius obedientiæ, devotionique subjugaturum. Pluribus par. 2. Vindiciar. de unionibus Græcæ Ecclesiæ agendum erit.

Ex Episcopis, aliisque Ecclesiasticis viris Orientalibus, ut a tempore, quo Michael Cerularius Patriarcha Constantinopolitanus schisma jam a Photio conflatum, atque per annorum 176. sub tumulo jacens anno 1043. excitavit, exordium capiamus, Nicetas Pectoratus, vir equidem prius Cerularii schismati adiectissimus, ac Romanæ perinde insensus Ecclesiæ, cui inter cetera vertebat crimini usum azymi, Sabbati jejunium, & cælibatum Sacerdotum; postea tamen ab Humberto Cardinali S. Leonis IX. Constantinopolim Legato erroris convictus, omnia dicta,

facta,

facta, & attentata ab se adversus Sedem Apostolicam anathematizata damnavit, seque deinceps sacratissimæ eidem sedi obsequio, studioque omni devovit. Ita testatur Wibertus in vita S. Leonis IX. lib. 2. cap. 9. Sub id tamen temporis Antiochenam Ecclesiam sub obedientia Romanæ integram adhuc, intemeratamque mansisse liquet ex eo, quod ad S. Leonem IX. Petrus Antiochenus Patriarcha recens inauguratus litteris, legatisque missis una cum professione fidei, juxta morem Majorum, Episcopalem cathedram sibi confirmari, & Ecclesiæ Romanæ communionem cohonestari impense postulavit, impetravitque. Permanisse pariter Armenos exinde patet, quod Gregorius III. eorundem Patriarcha ab homonymo S. Gregorio VII. Pontifice Maximo Romanæ Ecclesiæ regulis, ac disciplinis se ad Ecclesiæ regimen instrui enixe rogavit. Mansisse & Maronitas exploratum sit ex eorum Patriarchis, qui Romanis Pontificibus obedientia, obsequioque se mancipare, officii, religionisque habuerunt loco, e quibus Joseph Giargæseus Paschali II; Petrus I. Gelasio II; Gregorius III. Alathensis Innocentio II; & Johannes VII. Lephedienfis Eugenio III. Quorum vestigiis hærentes plerique alii pari devotionis studio Pontifices Summos prosequuti sunt, de quibus suo loco. Quid vero quod Johannes Indorum Patriarcha a Legatis Callixti II. Constantinopoli tum degentibus pallium peticum illò ivit, indeque Romam profectus in Pontificis obedientiam, obsequiumque se totum transcripsit?

Ab Armenorum Catholico, seu Patriarcha, aliisque Episcopis amplius mille ad Eugenium III. missi Oratores Patriarchæ, gentis, proprioque nomine postquam obedientiæ Pontifici se se obstrinxissent, de quibusdam ritibus edoceri obnixè poposcerunt, de quibus Armenos inter, & Græcos orta controversia erat, quarumque judicem Ecclesiam Romanam delegerant: præterea quid sibi agendum foret cum finitimis gentibus, quæ baptismi lavacro initiatæ paullo post ad ingenium, ritusque ethnicos redibant; de quibus omnibus ab Eugenio diligenter instructi sunt. Ita testatur Otho Frisingensis lib. 7. cap. 31, & seqq. ajens se tunc temporis Viterbii apud Eugenium egisse, dum Armenorum Legati adventarunt. Inter alia vero litis capita Armenos inter, & Græcos

cos recenset Otho ritum consecrandi in fermento apud illos non secus, ac apud Græcos. Verum Combeffisius in auctuario bibl. SS. PP. tom. 2. in notis ad duas invectivas Isaacii Catholici contra Armenos existimat Othonem a Legato Armeno deceptum: (seu verius illius sententiam non esse assecutum:) constantissimum enim esse ait ante S. Niconem Armenum azyma apud Armenos usurpata fuisse, neque postmodum abjecta, ut ad fermentatum transirent. Porro quæ de Romani Pontificis indefectibili fide affirmat prælaudatus Isaacius Armeniæ Catholicus in duabus invectivis adversus Armenorum errores præclara adeo sunt, & aperta, ut prætermitti nullo modo possint. Ergo postquam erroris plurimi gentiles suos accusasset, eorum audaciam, qua Romanos Pontifices, quasi in hæresim prolapsi fuissent, suggillabant, retundens, *Christus*, inquit, *ipse dixit Petro: Tu es Petrus, & super hanc petram &c., & portæ inferi non prævalebunt adversuseam, idest hæreses.* Qui itaque blasphemie dicitis Ecclesiam Catholicam, & Apostolicam lapsam in hæresim periisse, ac Christum mendacem facitis dicentes Romanos omnes in interitum ire, vosque solos consequi salutem? Et infra. *Qui vero magne Urbis Antistites, Sanctorum Apostolorum confessores, ac fidei hæredes, qui duas naturas, duasque operationes in Christo prædicant, uti Dominus ipse in Evangelio docet, blasphemant, eorumque pietatem impietatem nuncupant, ac confessionem negationem dicunt, rectamque fidem alienam a fide doctrinam?* Siquidem enim Apostolica Ecclesia, ejusque Pontifices in hæresim prolapsi sunt palam est mendacem esse Christum; sin autem Christus non est mendax, qui sit verus Deus, ejusque Catholica, & Apostolica Ecclesia cum suis omnibus Pontificibus rectam fidem tenet, atque prædicat, liquet Eutychemem, & Dioscorum, eorumque dogmatis consentientes Armenios hæreticos, ac blasphemos, Christiique adversarios errare. Confer Combeffisii notas in hæc Isaacii invectivas in cit. auctuar. bibl. PP. tom. 2. Vivebat hic vero circa an. 1145. teste Baronio.

Episcopus Gabulensis in Syria Ecclesiæ Syrach Legatus ad eundem Eugenium teste eodem Othone lib. cit. cap. 33. Pontifici tam suo, quam Antiochenæ Ecclesiæ nomine subjectionem, & obedientiam spondit, apud eundem detulit Patriarcham suum; Apo-

Apostolicæque Sedis auctoritatem impetravit pro obtinendis decimis spoliomm, quæ Saracenis ablata erant. Basiliius Acridanus Archiepiscopus Theſſalonicenſis, ad quem Hadrianus IV. Pontifex Maximus, dum ad Manuelem Imperatorem Legatos miſit concordiam utriuſque Eccleſiæ conciliaturos, litteras dederat, eundem ad eam unionem pro viribus promovendam, (nam apud Orientales vir magni nominis audiebat) adhortans, reſpondit Pontifici facile coaleſcere unionem poſſe, ſiquidem nulla eſſet de ſumma fidei diſſenſio, ſed dumtaxat nonnullis in ritibus diſcrepantia: agnoſcere enim ſe, Græcoſque in Apoſtolica Sede *Fidei fundamentum* ſubſtructum, atque quæ ab eadem tenentur, & docentur æque ab ſe, ac Græcis doceri, & teneri. Cæteroqui Pontificis partes eſſe ait offendicula, quæ Eccleſiam Orientalem ab Occidentali ſeparabant, de medio tollere, unitatemque Eccleſiæ utriuſque conſtituere; ut qui Chriſti exemplo velut e cœlorum vertice proſpiciens diſtantia in unum congregare vult, & po- teſt. En ejus verba: *Neque enim aliud novimus fundamentum, quam quod ſubſtructum eſt, eademque tecum prædicamus, & docemus ego, iique omnes, qui ad magnam Apoſtolicamque Sedem Conſtantiopolitanam pertinemus. Et unus, qui in utriſque Eccleſiis perſonat fidei ſermo, idemque ſacrificatur Agnus, qui tollit peccata mundi, Chriſtus, inter Occidentales Antiſtites, qui ſub eum principale culmen agunt, & nos, qui ab Oriente ſole ſublimi Conſtantiopolitana Sede ſacerdotii accepimus ſplendorem: quamvis parva quedam offendicula in medio interjecta nos ſepararint, quæ tollere e medio, & velut lapides juxta propheticum ſermonem in via projicere, unitatemque Eccleſiarum ſine offendiculo conſtituere, tuæ Sanctitatis erit, quæ Chriſti exemplo velut e Cælo proſpiciens, diſtantia in unum congregare vult, & poteſt. Exhibent hanc epistolam ex codice juris Occidentalis Baronius ad an. 1155, & Pagius Junior in Hadriano IV.*

Georgius VII. Armenorum Patriarcha, nec non Johannes VII. ejus in eadem dignitate ſucceſſor Legatis, & litteris ad Innocentium III. miſiſſi ſe Apoſtolicæ Sedi animum devoviſſe ſincerum, ejuſque placitis ſemet integre promittere ſcripſerunt. Itaque pallium, aliaque privilegia impetrare promeruerunt. *Vobis, inquit ille*

ille lib. 1. epist. Innocentii III. epist. 206, *Vobis, qui estis Caput post Christum consecrati ab eo, & Caput catholica Ecclesia Romana Matris omnium Ecclesiarum.. Georgius Armenorum... filius vestra sancta Ecclesia, quæ est fundamentum legis totius christianitatis &c.* Honorio III. dein Johannes VIII. dictus; Gregorio IX. Constantinus I; Bonifacio VIII, & Clementi V. Gregorius VIII; atque Johanni XXII. Constantinus II. Armenorum Catholici pari devotionis significatione fidem, obedientiamque desponderunt suam. Ad hæc Basilius Bulgarorum Archiep. Trinonitanus ejusdem Innocentii Legato juramentum obedientiæ, ac subjectionis omnimodæ Pontifici Romano in perpetuum exhibendæ ab se, ab successoribus, & suffraganeis nuncupavit: privilegiumque obtrinit inaugurandi Reges Bulgaricæ, ea tamen lege adjecta, ut non antea Reges salutarentur, quam Romano Pontifici obedientiam pro se, suisque subditis sub juramenti religione spondidissent. Eidem Innocentio denique obsequio se devinxit Hieremias II. Maronitarum Primas.

Germanus II. hujus nominis Patriarcha Constantinop. Nicææ in Bithynia post captam a Latinis Constantinopolim moram trahens, ibique a Religiosis Ordinis Minorum ad officium redire invitatus, litteris ad Gregorium IX. Pontificem missis, quarum hæc erat epigraphes: *Sanctissimo, & excellentissimo Papæ veteris Romæ, & Apostolica Sedis Rectori*, palam (etsi hæc) professus est se Apostolicæ Sedis Primatum suo habere loco, rogavitque maximopere, ut sanctæ, optatæque unionis Ecclesiæ utriusque negotium curaret, sollicitaret, urgeret. Rescripsit Pontifex, pluribusque Apostolicæ Sedis Primatum confirmavit: de duplici gladio Ecclesiæ, atque utriusque usu spirituali, & temporali illum instruxit: de unica item agnoscenda Ecclesia: deque Eucharistiæ usu in azymo, & fermentato apud Latinos, & Græcos. Eas epistolas referunt Wadingus, & Raynaldus ad an. 1232; Parisius ad an. 1237, sed Germani epistolam interpolatam; & Gerardus Vossius, qui ad epistolam Gregorii notas, & scholia adjecit. Sed effectum caruere Gregorii qua litteræ, qua legationes, scilicet ob ingenii Græcorum levitatem, fluxamque, qua agebat Germanus, fidem. Patriarchæ Jacobitarum, & Nestorianorum Religiosorum Ord. Prædic. opera ad ejurandam

una

una cum schismate hæresim adducti, litteris Chaldaice, & Arabicè exaratis ad Gregorium IX. Romanæ Ecclesiæ obedientiam promiserunt, ejusque Ecclesiæ fidei se firmiter adquefcere professi sunt, quamvis promissis postmodum non steterint teste Matthæo Parisio, qui illas litteras ex P. Philippi Dominicani Prioris terræ sanctæ epistolis descriptas exhibet ad an. 1237. Ad hæc Raban Ara Catholicus Orientis, & Ignatius Jacobitarum Syriæ Patriarcha ad Innocentium IV. epist. 119, & 120, eundem eximiis exornarunt titulis, *Patrem Patrum, Ecclesiæ fundamentum, Sedem B. Petri tenentem, Ecclesiæ Universæ Pastorem* nuncupantes; quibus quanto in pretio sive præcipiens, sive docens esset habendus, satis superque significarunt.

Archiepiscopi Quisicentis, & Sardicentis inter Græcos eminentiores suo, & Ecclesiæ Græcæ nomine, cujus legatione fungebantur, a Religiosis viris Ordinis Min. ad Ecclesiæ Romanæ unitatem requirendam adducti, sequentes propositiones primum coram Innocentio IV, eoque satis functo, coram Alexandro IV, a Græcis suis jurisjurandi religione firmatas exposuere: 1. *Romanæ Sedi; ejusque Summo Pontifici præ ceteris Patriarchalibus Sedi- bus summi recognitionem, ac professionem in Ecclesia catholica Principatus; canonicam obedientiam Innocentio, ejusque successoribus canonicè intransitibus exhibendam.* 2. *Prærogativam appellandi Romanam Ecclesiam, quum sacra persona Ecclesiæ Græcorum a superioribus suis crediderint se gravari.* 3. *Liberum recursum ad Sedem Romanam in questionibus, quas inter Prælatos, & alias Personas Ecclesiasticas Græcas contigerit suboriri.* 4. *Obedientiam quoque in sententiis, quas Romanus Pontifex sacris non adversas Canonibus promulgabit.* 5. *In Conciliis eidem Pontifici primam Sedem, & primam subscribendi vicem, quum subscriptiones fuerint faciendæ.* 6. *In questionibus fidei, si quæ ibidem fortassis emerferint, præ aliis dare sententiam, suæque voluntatis proferre judicium, quod dummodo Evangelicis, & Canonicis non obviet institutis, obedienter ceteri suscipient, & sequentur.* 7. *In aliis vero Ecclesiasticarum personarum causis, & negotiis, quæ in Conciliis tractabuntur, sententiis, quas Romani Pontificis dicta- bis auctoritas, dummodo sacrarum non adversetur Conciliorum de-*
-Pars I. E c cre.

ille lib. 1. epist. Innocentii III. epist. 206, *Vobis, qui estis Caput post Christum consecrati ab eo, & Caput catholica Ecclesiæ Romanæ Matris omnium Ecclesiarum.. Georgius Armenorum... filius vestra sanctæ Ecclesiæ, quæ est fundamentum legis totius christianitatis &c.* Honorio III. dein Johannes VIII. dictus; Gregorio IX. Constantinus I; Bonifacio VIII, & Clementi V. Gregorius VIII; atque Johanni XXII. Constantinus II. Armenorum Catholici pari devotionis significatione fidem, obedientiamque desponderunt suam. Ad hæc Basilius Bulgarorum Archiep. Trinonitanus ejusdem Innocentii Legato juramentum obedientiæ, ac subjectionis omnimodæ Pontifici Romano in perpetuum exhibendæ ab se, ab successoribus, & suffraganeis nuncupavit: privilegiumque obtinuit inaugurandi Reges Bulgaricæ, ea tamen lege adjuncta, ut non antea Reges salutarentur, quam Romano Pontifici obedientiam pro se, suisque subditis sub juramenti religione spondidissent. Eidem Innocentio denique obsequio se devinxit Hieremias II. Maronitarum Primas.

Germanus II. hujus nominis Patriarcha Constantinop. Nicææ in Bithynia post captam a Latinis Constantinopolim moram trahens, ibique a Religiosis Ordinis Minorum ad officium redire invitatus, litteris ad Gregorium IX. Pontificem missis, quarum hæc erat epigraphes: *Sanctissimo, & excellentissimo Papæ veteris Romæ, & Apostolicæ Sedis Rectori*, palam (etsi hæc) professus est se Apostolicæ Sedis Primatum suo habere loco, rogavitque maximopere, ut sanctæ, optatæque unionis Ecclesiæ utriusque negotium curaret, sollicitaret, urgeret. Rescripsit Pontifex, pluribusque Apostolicæ Sedis Primatum confirmavit: de duplici gladio Ecclesiæ, atque utriusque usu spiritali, & temporali illum instruxit: de unica item agnoscenda Ecclesia: deque Eucharistiæ usu in azymo, & fermentato apud Latinos, & Græcos. Eas epistolas referunt Wadingus, & Raynaldus ad an. 1233; Parisius ad an. 1237, sed Germani epistolam interpolatam; & Gerardus Vossius, qui ad epistolam Gregorii notas, & scholia adjecit. Sed effectum carere Gregorii qua litteræ, qua legationes, scilicet ob ingenii Græcorum levitatem, fluxamque, qua agebat Germanus, fidem. Patriarchæ Jacobitarum, & Nestorianorum Religiosorum Ord. Prædic. opera ad ejurandam

una

una cum schismate hæresim adducti, litteris Chaldaice, & Arabice exaratis ad Gregorium IX. Romanæ Ecclesiæ obedientiam promiserunt, ejusque Ecclesiæ fidei se firmiter adquiescere professi sunt, quamvis promissis postmodum non steterint teste Matthæo Parisio, qui illas litteras ex P. Philippi Dominicani Prioris terræ sanctæ epistolis descriptas exhibet ad an. 1237. Ad hæc Raban Ara Catholicus Orientis, & Ignatius Jacobitarum Syriæ Patriarcha ad Innocentium IV. epist. 119, & 120, eundem eximiis exornarunt titulis, *Patrem Patrum, Ecclesiæ fundamentum, Sedem B. Petri tenentem, Ecclesiæ Universæ Pastorem* nuncupantes; quibus quanto in pretio sive præcipiens, sive docens esset habendus, satis superque significarunt.

Archiepiscopi Quisicensis, & Sardicensis inter Græcos eminentiores suo, & Ecclesiæ Græcæ nomine, cujus legatione fungebantur, a Religiosis viris Ordinis Min. ad Ecclesiæ Romanæ unitatem requirendam adducti, sequentes propositiones primum coram Innocentio IV, eoque fatis functo, coram Alexandro IV, a Græcis suis jurisjurandi religione firmatas exposuere: 1. *Romanæ Sedi; ejusque Summo Pontifici præ ceteris Patriarchalibus Sedi- bus summi recognitionem, ac professionem in Ecclesia catholica Principatus; canonicam obedientiam Innocentio, ejusque successoribus canonice intrantibus exhibendam.* 2. *Prærogativam appellandi Romanam Ecclesiam, quum sacræ personæ Ecclesiæ Græcorum a superioribus suis crediderint se gravari.* 3. *Liberum recursum ad Sedem Romanam in questionibus, quas inter Prælatos, & alias Personas Ecclesiasticas Græcas contigerit suboriri.* 4. *Obedientiam quoque in sententiis, quas Romanus Pontifex sacris non adversas Canonibus promulgabit.* 5. *In Conciliis eidem Pontifici primam Sedem, & primam subscribendi vicem, quum subscriptiones fuerint faciendæ.* 6. *In questionibus fidei, si quæ ibidem fortassis emerferint, præ aliis dare sententiam, suæque voluntatis proferre judicium, quod dummodo Evangelicis, & Canonicis non obviet institutis, obedienter ceteri suscipient, & sequentur.* 7. *In aliis vero Ecclesiasticarum personarum causis, & negotiis, quæ in Conciliis tractabuntur, sententiis, quas Romani Pontificis dictabit auctoritas, dummodo sacræ non adversetur Conciliorum de-*

cretis, ceteri acquiescent. Ista ex epist. 325. lib. 2. Regesti Alexandri IV. refert Wadingus ad an. 1256. Interea Græcis indulgere Innocentius IV. & Alexander IV. ut Symbolum absque additamento vocis *Filioque* recitarent, modo in ipso fidei dogmate a Romana Ecclesia non dissentirent. Non tamen est tunc confecta unio, ob id verisimiliter, quod Græci sibi Imperium, Patriarchalesque Sedes, quæ in Latinorum jura transferant, restitui minime impetrarint. Sincerius egere Simeon hujusce nominis IV. sacrorum inter Maronitas Præses, nam eidem Pontifici fasces quidem submitisit suos, de gentis vero fide spondit: ex Syris autem Jacobitis Ignatius inter homonymos II, qui cum ad Gregorium IX, tum ad Innocentium IV. litteris obsequii, & obedientiæ cumulatissimis exaratis integre se in ipsorum jus transdidit: sed & eidem Innocentio IV. devotionis, fideique sponcione, se devinxerunt Makika, atque Jesviab Chaldæorum ambo Patriarchæ, sive Catholici.

Maximus Alaphardus Monachus, Andronicus Muzalo, & Michael Abalaus Michaelis Palæologi Legati ad Urbanum IV, ac dein Nicolaus Croronienſis Episcopus ejusdem Imperatoris ad eundem Pontificem altera vice Legatus suo, Imperatoris Constantinopolitani, & Græcanicæ Ecclesiæ nomine de unionē acturi Romanum Pontificem *Patrem Patrum, Imperii Dominum, Apostolicæ Sedis Pontificem summum, Principem omnium sacerdotum, & Universalem Doctorem Ecclesiæ Catholicæ*, cui loco *B. Petri Deus illum præcipue præfecit*, obedientiam, devotionem, & subjectionem promittentes, agnoverunt, & professi sunt. Qua de re, ac de Legatis ex Ordine FF. Minorum assumptis, Constantinopolimque ab Urbano IV. missis legendi Wadingus ad an. 1263, & Raynaldus ad eundem annum. Porro Pontifex viam unioni paraturus, quam postea perfecit B. Gregorius X, Græcos quoad Primatus Romani Pontificis, quem illi inficias non ibant, ceteras prærogativas instruendos adorsus, in litteris ad Imperatorem hæc inter alia habet: *Ut hujusmodi unitatis Ecclesiæ gratia firma, & illibata penitus servaretur, unum eidem unitati Dominus videlicet B. Petrum Apostolorum Principem Caput constituit, & Magistrum . . . eique magisterium Ecclesiæ suæ conferens, & primum, oves, & agnos suos pascendos . . . commisit, & ne ipsius Prin-*

Principis fides deficeret aliquando, pro ipso efficaciter exoravit, quod quum postmodum aliarum Ecclesiarum nonnullæ fuerint hæreticorum errore fœdæ, Romana Ecclesia, cujus idem B. Petrus magister extitit, immaculata remansit, nullamque prorsus labem contraxit hæreticæ pravitatis. Ita explicata prima infallibilitatis prærogativa, secundam supremæ potestatis explicans Pontifex subdit: Neque huic institutioni Dominica SS. Patres postmodum resisterunt, sed ipsius Principis successorem tanquam illum, qui Christi vices in terris obtinet, venerantes, & ad ejus judicium in fidei recurrentes dubiis, ejus auctoritate hæreses condemnarunt, manentes sicut membra in eorum capite, Apostolico scilicet Throno Pontificum Romanorum, a quo querendum est, quid sit tenendum, quodve credendum, quum ejus sit reprehendere, statuere, ordinare, disponere, præcipere, solvere, & loco illius ligare, qui edificavit illum, & quod nulli alii, sed ipsi soli, quod plenum est tradidit, & concessit. Huic etiam Throno omnes Catholici jure divino caput inclinant, & Primates mundi veram consistentes fidem, tanquam ipsi Domino Jesu obediunt, & intendunt, ac in illum tanquam in solem respiciunt, & ab eo lumen veritatis, & fidei ad salutem recipiunt animarum. Quibus quid luculentius, & illustrius ad ea, quibus de agitur, Romani Pontificis privilegia adstruenda, Græcisque insinuanda adferri potest?

Clemens IV. perinde ex officio prosequens Græcorum cum Patriarcham, tum Imperatorem instruere, ut omnem offensionis lapidem, quo impediretur optatissima unio, amoveret præmissa expositione fidei, & sacramentorum, quæ de Romano Pontifice credenda forent explicare aggressus præcipue gemina privilegia ipsius primatus, supremam scilicet potestatem, & in fide infallibilitatem, hæc apud Raynaldum ad an. 1267. num. 78. habet. Quod sicut præ ceteris Romana Ecclesia fidei veritatem defendere, sic & quæ de fide suborta fuerint, quæstiones suo debet judicio definire: ad quam Ecclesiam Romanam potest gravatus quilibet in negotiis ad forum Ecclesiasticum pertinentibus appellare, & eidem omnes Ecclesie subiectæ, ipsarumque Prælati & obedientiam, & reverentiam sibi debent, apud quam sic plenitudo potestatis consistit, quod Ecclesias ceteras ad sollicitudinis partem ad-

mittit, quarum multas, & Patriarchales præcipue diversis privilegiis eadem Romana Ecclesia honoravit, sua tamen prærogativa tum in generalibus Conciliis, quam in quibuscumque aliis semper salva. Hanc autem fidei expositionem, quam purissimam, certissimam, & solidissimam orthodoxæ fidei veritatem Clemens vocat, retractari vetat etiam in Synodo Orientis hisce verbis: Nec licet, nec expedit in dubium revocari præmissam veræ fidei puritatem tot sacra pagina auctoritatibus, tot Sanctorum roboratam sententiis, tot Romanorum Pontificum stabili definitione firmatam. Atque quidem quæ Clemens IV. edixit, Græcosque edocuit, eadem ejus decessores, ac præsertim a tempore procuratæ Græcorum unionis, videlicet S. Leo IX, Stephanus X, S. Gregorius VII, Urbanus II, Eugenius III, Hadrianus IV, Alexander III, Lucius III, Innocentius III, Gregorius IX, Innocentius IV, Alexander IV, Urbanus IV; atque post unionem peractam ejusdem Clementis IV. successores B. Gregorius X, Nicolaus III, Martinus IV, Nicolaus IV, Clemens V, Clemens VI, Innocentius VI, Urbanus V, Martinus V, Eugenius IV, Nicolaus V, Pius II, Paulus II, Sixtus IV, Alexander VI, Julius II, Leo X, Clemens VII, Julius III, Pius IV, Gregorius XIII, Clemens VIII, Paulus V, V. Innocentius XI, alii-que docuere: adeo ut mirari subeat, quod Græcis tandem, quæ prius a priscis Græcæ Ecclesiæ Patribus fuerant agnitæ, & assertæ, Romani Pontificis cum in fide indeficientiæ, tum supremæ in Concilia potestatis prærogativas agnoscentibus, & asserentibus, Latinorum nonnulli fastidiosioris ingenii id totum inficias ire pergant, & persistant.

Jam nunc ad alteram memoratu insignem excurrendo epocham, atque auspicando a tempore redintegratæ cum Romana Ecclesia unionis, videlicet in Concilio Lugdunensi II. sub B. Gregorio X. an. 1274, ex Episcopis, aliisque Ecclesiæ Orientalis viris doctrina, aut dignitate Ecclesiastica conspicuis, Germanus olim Patriarcha Constantinopolitanus, qui postea dignitate se abdicavit, Georgius Acropolita magnus Logotheta, Theophanes Metropolita Nicænus, Nicolaus Panareta Camerarius Imperii, & Georgius Zinuchi Michaelis Palæologi, & Præsulum Græcorum

torum Oratores, qui suo, & illorum nomine ejurato schismate Romanæ Ecclesiæ fidem professi, Romani Pontificis supremam potestatem agnoscentes, ab ea fide, & obedientia jurisjurandi religione interposita nunquam discessuros sponponderunt. Fidei formula, quam professi sunt, eadem est, quam jam pridem Constantinopolim miserant Clemens, & Gregorius, quæ lecta fuerat in Concilio, & habetur C. *De Summa Trinitate, & Fide Catholica* in 6, quæque prima est ex Constitutionibus in Concilio promulgatis tom. 11. Concil. Labb. Ex ea vero palam fit Romanum Pontificem in Ecclesia ita primatum gerere, ut Concilio omni modo superstet, ejusdemque fides defectui nullo modo subiaceat. Hujusce rei gratia Episcopi Græci, inter quos 26. Metropolitæ in epist. ad Gregorium X. a prædictis Legatis allata, & in Concilio lecta, se Romanæ Ecclesiæ fidem amplecti, atque unioni cum eadem finiendæ subscribere professi inter alia sic fantur: *Scitote quid nos volumus: quod Pontificalis Sedis tota plenitudo, cum toto venerabili Clero (Constantinopolitano) convenit in unum, ut attribuat prompte vestra Sanctitati, & Apostolicæ Sedi, quod ad honorem pertinet, nec alium primum, & Summum Pontificem, Ecclesiarum omnium nominaturi.* Deinde referunt Josephum Patriarcham unioni subscribere detrectantem ab se ipsis jussu, ut in Monasterio maneret, spatio ad deliberandum dato, donec reversis Oratoribus Græcis cum Apocrisariis Sedis Apostolicæ, si consentiret, suo redintegraretur loco, sin autem in sententia maneret, eum e sacra dignitate dejecturos, & alium Patriarcham succeduros, qui Romanæ Ecclesiæ Principatui caput, fascesque submitteret, spondent, post quæ subneçunt: *Per hoc scriptum nostrum Vobis conjungi habemus, & nos inclinamus prompte, & vestra Altitudini submittimus, & valde grater ea, quæ sunt totius subjectionis asserimus, & nihil eorum denegamus, quæ ante schisma præstabant Patres nostri his, qui Apostolicam regebant Sedem, sed statim & nos attribuimus.* Leguntur hæc litteræ apud Labbeum tom 11., & Wadingum ad an. 1274. Quibus postremis verbis profecto significant se Romano Pontifici primatus appendices, prærogativas alias scilicet primatui adnexas, ejusmodi profecto sunt cum supra Concilia potestas, tum in fide indeficientia

se

se agnoscere: nam alioqui quorsum dicere post assertum primatum? ea, quæ sunt totius subjectionis asserere, & ea quæ antea præstabant Patres, attribuire? Ex quo proinde concidit illorum interpretatio, qui a Græcis unum primatum, nihilque præterea Romano Pontifici adjudicatum putant.

Johannes Veccus Patriarcha Constantinopolitanus præmemorato Josepho subrogatus, coacta Constantinopoli Synodo, de qua tom. 1. art. 6. §. 1. egimus, quum de Synodis Græcæ Ecclesiæ sermo esset, fidei formulam in Lugdunensi Concilio II. a Græcis suis subscriptam, ab universis Græcis ut subscriberetur, nihil non fategit. De eo equidem referunt Nicephorus Gregoras lib. 5. hist. Byzant. cap. 2, Spondanus ad an. 1274; & Cuperus in hist. Patriarch. Constantinop. quod antea unioni cum Latinis incundæ vehementer adversatus sit; sed tandem attente relectis Nicephori Blemmidæ scriptis veritati victas manus dedit, schismati terga vertit, Ecclesiæ Romanæ dogmata ambabus ulnis amplexatus est, Apostolicæ Sedi animum apposuit, atque pro orthodoxa fide exilium, calamitatesque alias ad obitum usque constanter toleravit. Georgius Metochyta Ecclesiæ Constantinopolitanæ Diaconus Romanæ Ecclesiæ fidem, unionemque a Græcis suis cum ea initam cum vitæ ipsius dispendio defendit. Constantinus Meliteniota alter egregius ejusdem unionis assertor, & vindex, eximium se pariter Apostolicæ Sedis, sedentisque in ea Pontificis cultorem exhibuit, de quibus adeundus haud in hac re suspectus Nicephorus Gregoras lib. 5, & 6. historiæ Byzant. Simeon Hieronomachus, de quo Georgius Trapezuntius in epist. ad Monachos Cretenses infra laudandus, Romam adiens a Pontifice impetravit officium inquirendi, exercendique judicium in Græcorum quotquot, qui a Romanæ Ecclesiæ fide desciscerent, unionisque sacro vinculo disrupto in veteres errores abirent, extinctumque vix schisma ab orcu revocarent.

Barlaam Hierapolitanus Episcopus ad amicum quemdam scribens de momentis, quibus motus fuerat ad amplectendam fidem de processione Spiritus Sancti a Filio, sic habet: *Neceſſarium autem arbitror adhuc, & illud tibi ostendere, quod licet tria dixi superius esse, quæ coegerunt me credere & ex Filio Spiritum Sanctum procedere, hoc est multos magnorum Sanctorum hoc apertissime*
me

me tradere: *Matrem Ecclesiarum* (Romanam Ecclesiam) hoc semper dicere: per Generale Concilium etiam fuisse affirmatum; tamen quodlibet horum sine aliis per se visum, non habens reliqua duo opposita, satis se habere confidero, ut id ipsum credatur. In alia item epistola qua desiderat, ac deprecatur unionem Ecclesie utriusque, hæc habet de Romana: *Pluralitas principiorum, & carentia principii similis sunt inordinationis. Romanæ gentis universa multitudo sub uno est ordinata principio, Ecclesia videlicet Romana, & ejus Præsule, quem omnes honorant...* tanquam a Domino Christo ordinatum... illius mandata cum omni reverentia omnes, non tanquam Apostolica tantum, verum etiam Dominica scripta recipiunt, & adorant; & nihil ita decretum ab eo jubetur, ut non quiete parati sint ad implendum; & omnes ab illo corrigi sua, & retrahari suscipiunt. En unde fit, quod qui uni non subsunt, in diversos errores distrahantur; ex adverso qui uni Romano Pontifici parent, firmi in eadem fide permaneant. At ita ne fieret, dicfodes, si unus iste Romanus Pontifex in errorem prolabi posset, aut suprema non polleret potestate? Adjungendus Hiabalaba, Chaldæorum Patriarcha, qui in epist. ad B. Benedictum XI. ipsum Christi Vicarium, B. Petri Successorem, Patrem Patrum, Regem Regum, Ecclesie Catholice Caput confitetur; eidem obedientia se obstringens.

Armeni Episcopi in Synodis Sitenfi an. 1307; Adanensi an. 1309, ut est apud Gallanum tom. 1. conciliat. Ecclesie Armenæ; & in altera Synodo Armeniaca an. 1342; ut est apud Martenium tom. 7. collect. veter. Scriptor., suis ejuratis erroribus fidei formulæ a Latinis exhibitæ subscribere, quæ ipsi Romani Pontifices præscripsissent, amplexari se promittentes. Ex illis plerique alii Episcopi, Abbates, Doctores, ac speciatim Consolator Armeniæ Catholicus, postquam præscos errores abnegassent secundum formulam ipsi à Benedicto XII. Pontifice Maximo præscriptam, Romanæ Ecclesie fidem, & Canones amplexati fuissent, Romanumque Pontificem frui plenitudine potestatis affirmassent, iterum Clementi VI. magis adhuc explicatam, apertioresque Pontificii primatus cum suis appendicibus professionem juxta formulam ab ipso Pontifice præfinitam in litteris ad præfatum Consolato-

latorem, quas exhibet Raynaldus ad an. 1351., nuncuparunt; atque inter alia se fide credere professi sunt *Soli S. Petro super alios Apostolos, atque super universos Christifideles a Christo Domino collatam plenissimam jurisdictionis potestatem. Eidem S. Petro in eadem potestate succedere Romanos Pontifices, qui Christi Domini vices in terris gerentes jurisdictionem in universum corpus Ecclesie tanquam caput exercent: Romanorum Pontificum supremam, ac præminentem auctoritatem, & juridicam potestatem esse, atque ejusmodi, ut nullius judicio, nisi solius Dei subint, ipsorum vero judicio ceteri omnes ita subjaceant, ut ab ipso nulli fas sit ad alium judicem appellare: Romanorum Pontificum juris esse generales Canones pro Universa Ecclesia conscribere, circa conscriptos relaxare, & disciplinam, ritusque diversos pro diversitate Ecclesiarum statuere, decernere, tolerare, aut tollere: Romanum solum Pontificem dubiis emergentibus circa fidem posse per determinationem authenticam, cui sit inviolabiliter adherendum, finem imponere, fideque indubia tenendum, quod ipse de fide esse declararit, atque hæreticum esse, quod ipse ceu hæreticum condemnaverit. De articulis istis a Clemente VI. Armenis propositis, atque Armenis probatis Vindic. par. 2. fusius agemus. Interea ex istis articulis, quos Armeni professi sunt, palam est in eo agnovisse illos Primatum, Apostolicæ Sedis positum, ut ipsius jurisdictioni universa Ecclesia subjaceat, ipsiusque de fide judicio absolute authentico Ecclesia universa adhærere debeat. Quæ duo, amabo, quid aliud præferunt, & efficiunt quam id, quod propugnamus: Romanum Pontificem supra Concilium potest esse, eundemque in fide esse falli, & fallere omnino nescimus? Quid ad hæc, quod Gabriel II. Haglensis, & Iohannes X. Algæus, qui rerum Maronitis sacrarum summæ præerant, Urbano V., & Eugenio IV. sese prosternentes, in his, quæ ad confirmandam fidem conferunt, regendamque christianam Rempublicam Primas uni Pontifici detulerunt?*

Ex Episcopis rursus, aliisque Ecclesiæ Orientalis hominibus, qui a tempore iterato initæ unionis, quæ paullo post Lugdunense Concilium, ob Græcanici ingenii levitatem ad schismata facile fluxi, pronique ad fallendam fidem, interrupta fuerat, cum Romana Ecclesia sub Eugenio IV. in Florentino Concilio ce-

lebrío-

lebriores apud Orientales audiunt, Græci Præsules, ipsorumque Imperator Johannes Palæologus in eodem Concilio fidei formulæ ab Eugenio editæ syngrapham apposuerunt suam, unoque excepto Marco Ephesino, omnes inter alia fidei capita, hæc de Apostolica Sede affirmarunt: *Romanum Pontificem successorem esse B. Petri Principis Apostolorum, verum Christi Vicarium, totius Ecclesiæ Caput, & omnium Christianorum Patrem, ac Doctorem existere, ipsique in B. Petro Universalem Ecclesiam pascendi, regendi, ac gubernandi plenam potestatem a Christo Domino esse collatam.* Confer dicta ubi de Concilio Florentino. Armenorum pariter, ac præsertim Constantini Patriarchæ Oratores quatuor doctrina præstantes, scilicet Sarchis, Marcus, Thomas, & Joachimus suo, & Armenæ Ecclesiæ nomine fidem professi sunt, quam illi præscripsit Eugenius Constit. *Exultate Deo*, qua præ aliis quidquid tenet, & docet Sedes Apostolica se tenere, & credere fassi sunt. Jacobitæ in Ægypto degentes, quorum legatione, ac præcipue Johannis Patriarchæ functus est Andreas Abbas Monasterii S. Antonii: Nestoriani Æthiopiam incolentes, quorum vices, ac præsertim Constantini Zaræ Jacob Imperatoris gessit Petrus Diaconus: Syri præterea, a quibus, ac singularim ab Ignatio ipsorum Patriarcha, Nationisque totius nomine legatus fuerat Abdalas Edeßæ Archiepiscopus, ii, inquam, ad unum omnes Eugenio fidei formulam nuncuparunt, quam illis præscripserat Pontifex, quamque exhibet Constitutio ea de re edita, de qua sæpius dictum est.

Non altera ab Alexandrino, & Antiocheno sententia Isaiæ Patriarchæ Hierosolym. animo infedit, qui in epist. ad eundem Eugenium IV erga Pontificem nihil non obsequii, & obedientiæ exprompsit, *Patrem, ac Dominum illum, seque filium humilem, ac devotum* nuncupans. Quibus adnectere est Chaldæos Nestorianos, Maronitas, & Jacobitas, (qui postremi nempe Macarii Antiocheni errorem sectati in Christo Divinam dumtaxat voluntatem, & operationem admittentes, reliquum omne humanum, nihilque præterea affirmabant,) quorum Legati, & quidem ex parte Chaldæorum Cypri Timotheus Archiepiscopus Tharsensis; ex parte vero Maronitarum Insulæ ejusdem, ac præsertim Eliæ eorumdem Episcopi, Iliacus suo, & suorum nomine professionem

Pars I.

F f

fidei

fidei ab Eugenio procusam, quam exhibet Constitutio *Benedictus sit Deus* tom. 13. Concil. edit. Labbei, emiserunt. Quid vero, quod Philotheus Alexand. Patriarcha in epist. ad Eugenium IV. apud Harduinum tom. 9. pag. 992. eximiis his cum affatus est: *Pater Sanctissime ... Terrestris Angele, & Caelestis homo ... boni gregis optime Pastor, qui doctrina tua irruentes lupos ab ovibus universalis ovilis depellis ... Petra fidei, Caput omnium christianarum Ecclesiarum, qui ex Christo Jesu D. N. sacram potestatem accipiens Papa magnae Urbis Romanorum ... factus es: & in fine: Inclino me ipsum, Pater Beatissime, sub scabello pedum Sanctitatis tuae* Quid plura? Nicodemus Abbas Aethiops in epistola pariter ad eundem Eugenium principio affirmat, quotquot a Romana Ecclesia defecerunt, corruisses; postquam vero enarrasset Aethiopicam gentem nunquam voluntaria defectione, aut perfidia a Romana Ecclesia descivisse, sed sola locorum distantia, nec non Pontificum negligentia accidisse, ut ab quingentis annis nulla Apostolicae visitationis memoria apud suos extaret, testatur nihilominus tanta ab Aethiopibus. Romanam Ecclesiam. veneratione coli, ut Roma Aethiopiam appellentium pedes certatim gens deosculari anhelet, vestiumque illorum particulas rapere, locoque habere reliquiarum. *Nec mirum*, subdit, *si enim Regina Saba abiit Ierosolimam, ut audiret sapientiam Salomonis, plusquam Salomon summus Pontifex esset.* Adjungit deinde Aethiopiae Regem tanti facere Romanorum nomen, & latinorum fidem, ut nihil aequè in votis habeat, quam cum illis fide jungi gentem suam, Pontificis se se pedibus subjici, amplectique Sedis Apostolicae dogmata: *Pontificem autem*, ait, *omnium Ecclesiarum Caput fatetur, suoque splendore Orbem illustrare, cui omnes Patriarchae, Episcopi, Imperatores, & Reges inclinantur.* Nec se legatos disputandi gratia mittere, sed ut Summi Pontificis sententiam de fidei rebus sequantur. *Quis enim*, inquit, *solus lumen inferat? Nec oportet discipulum esse supra magistrum.* Proh dedecus! Dum Orientales quam magnifice, tam veraciter Romani Pontificis fidem, supremamque potestatem laudibus celebrant, audire ex adverso ex Occidentalibus nonnullos effreni adeo, effrontique audacia Romani Pontificis. laudata privilegia proscindentes!

Præstat modo eos persequi ex Orientalibus perinde doctrinæ laude, ac dignitate conspicuos Antistites, aliosque integræ fidei homines, qui ab Ecclesia Orientali disrupto unionis sub Eugenio IV. Pontifice Maximo peracta vinculo, infraacta animi fortitudine in Romanæ Ecclesiæ societate, & fide permanserunt, nihilque imo non egerunt, ut apud suos ipsam redintegrarent, vel ab suorum obtreccionibus defenderent. In his Gennadius, sive Georgius Scholarius Patriarcha Constantiopolitanus Apostolicæ Sedi primum additus in tract. de primatu Papæ cap. 9. præclare de primatui adnexis privilegiis disserens, *Quomodo*, inquit, *Athanasius ad Julium, Chrysostomus ad Innocentium, Ignatius ad Nicolaum, Theodoretus ad Leonem, Alexinus ad Martinum, & ceteri Orientis Sacerdotes ejecti, ac suis sedibus pulsi, vel ipsi venientes confugerunt, vel litteras dantes significaverunt, unde litteris acceptis suas sedes receperunt, nisi ii summum Pontificem, ac Petri successorem agnovissent, ut qui poterat iis esse præsidio? Quomodo Reges, ac Principes inspectis Papæ litteris tacuissent, ac illis permisissent suas recipere sedes, si Petri tantum potestas fuisset, ac non ejus successorum? Quo plane invictissimo argumento Græculos illos, quos postea exscripsere Protestantes, perstringit, qui Petri potestatem in Romanos Pontifices derivasse præfraçte negabant. Perinde cap. 16. sententiam suam proferens, *Pontifex Romanus*, inquit, *est Petri successor, & Vicarius Salvatoris nostri Jesu Christi, isque solus obtinet omnem potestatem ligandi, atque solvendi, vel arguendi, benedicendi, maledicendi, corrigendi, & medendi: solus habet facultatem de fide, & Sacerdotio exquirendi*. Non ignorabat plane Gennadius Episcoporum partes etiam esse de fide promendi sententiam: quum ergo eas partes uni Pontifici adjudicat, ipsum loquutum fuisse oportet de judicio infallibili, ac supremo, quod soli Pontifici competat: atque quidem ita loquutum liquet ex apologia adversus Marcum Ephesinum, ubi Apostolicam Sedem omnibus hæresibus superiorem scribit; & in exposit. pro Concil. Floren. sess. 17. id privilegii ex Christi promissione colligit, unde concludit. *Si ergo illa divina Sedes non recte sentit* (ut Ephesinus Episcopus obloquebatur),*

228 PRIVILEGIA ROM. PONTIFICI
mentitur Christus. Verumtamen de vera Gennadii sententia, germanisque scriptis paullo post.

Josephus Episcopus Methonensis, alter Sedis Apostolicæ sincerus cultor, ac vindex acerrimus, nec non unionis apud suos Græcos conciliator egregius, ex promissionibus a Christo factis S. Petro, quas equidem, ac æque ad Romanos Pontifices pertinere supponit, argumentando subinfert Romanam Ecclesiam super omnes alias Ecclesias summa potestate pollere; atque præ omnibus aliis in fide esse infallibilem. *Romana Ecclesia*, inquit, *(in qua, ut ante dixerat, nec infidelitas, nec turpe dogma unquam mansit, (potestatem accepit à Christo regendi alias Ecclesias, gubernandi, confirmandi, & corrigendi, non ut ipsa confirmetur ab aliis: et Tu, inquit Salvator ad Petrum, aliquando conversus confirma Fratres tuos, non dixit confirmare a fratribus tuis, sed confirma fratres tuos.* Legenda illius responsa ad libellum Marci Ephesini in append. Concilii Florentini. Jacobus Navarchus Ondischotanus in epistola Asiatica, post quam narrasset Eugenium IV. ad Orientis, & Æthiopiarum Patriarchas de unione scripsisse, illos vero de Latina Ecclesia, & Pontificis auctoritate orthodoxe, ac diserte respondisse, atque quidem ex illis testimonia Andreæ Abbatis Syri Alexandrini Patriarchæ Jacobitæ Oratoris ad Eugenium, & Nicodemi Abbatis Æthiopum in epist. ad eundem Pontificem retulisset, quæ & nos paullo supra exhibuimus; nec non a Philotheo Patriarcha Alexandriæ, & Egypti Romanum Pontificem dictum *Petram fidei, luporum Repulsores, omnium Ecclesiarum Caput, & ceterorum Patriarcharum Protectores*, cum tum sibi animo insidere sententiam subjungit Navarchus fore a factorum consortio projiciendos, qui Eugenii decretis non parerent.

Georgius Trapezuntius Ecclesiæ unitatem, (quod profecto a S. Cypriano didicerat,) non aliunde repetit, quam ab uno, atque repostam affirmat, quam in uno Romano Pontifice. *Est una*, inquit in epist. ad Monachos Cretenses, *Ecclesia Catholica unius Ecclesiæ Romanæ conjunctione, quæ ipsa cum Pontifice uno unitur: ita fit, ut omnes Ecclesiæ Catholicæ cum Romana uniantur, & Romana cum Pontifice, ac proinde omnes cum Pontifice.* In opusculo autem de di-

Co

to Christi Domini: *Sic eum volo manere* ad Nicolaum V. ejusdem Ecclesiæ universæ firmitatem in fide, ac durationem usque ad ultimum diem repetendam statuit, non ab alio, quam ab ejus fundamento, ac fidei columine, quod in S. Petro, ejusque in ævum successoribus Romanis Pontificibus Christus Dominus constituit; ad Pontificem proinde referenda, quæ de fide scriberet, diceret, cogitaret, si ab errore sibi cavere velit, concludit: *Ad Sanctitatem tuam*, sic Nicolaum affatur, & *quæ nunc hac in re perfacili quæstione*, auxilio ejus, cujus *Tu in terris Vicarius es*, & postea *quæ dictabimus*, merito mittenda putavimus, ne dum volumus, & nobis, & aliis prodesse, in laqueum dilabamur. Id enim & fuit, est, ac divina præsentis gratia erit semper mihi institum, & propositum, mortem optare potius, & exitum hujus vitæ, quam aliquid, non dico scribere, aut dicere, sed ne cogitare quidem, quod Apostolicæ doctrinæ, ac Ecclesiæ Dei, cujus *Tu Princeps es*, repugnare videatur. Et infra. *Commendatio*, inquit, *militantis Ecclesiæ Petro tunc facta*, successoribus etiam suis facta cognoscitur. Oportet enim sicut oves, agnique, (veteres videlicet in fide, atque novelli) ad diem usque adventus in gloria Domini per successionem duraturi sunt, eodem utique modo illum permanere, cujus commendatio facta est. Quid hic obtrudunt indeficientiæ in fide Pontificum obrectatores Ecclesiæ independentem a Romano Pontifice collatam a Christo Domino in fide firmitatem? Præcisò Pastore adhuc incolumem permansurum gregem, sublatoque fundamento immobile futurum ædificium? Probro his perinde sit Jacobus hujus nominis II. homo inter Maronitas doctrina insignis, dignitateque, qui quo æstuabat desiderio fidei discrimen omne devitandi, eo magisque a religione officii in Pontifices Maximos non declinare studuit: itaque semel, ac iterum Nicolao V. & Callixto III. fidem omnem suam despondit, atque ab illis de fidei rectis dogmatibus edocendum se dedit.

Leonardus Chienſis Episcopus Mitylenæus ad Nicolaum V. de excidio Constantinopolitanæ Civitatis scribens: *Hæc præcogita*, inquit, *Pater Beatissime*, qui *vices Christi geris in terris*, cujus interest tantas Christi injurias, & fidelium ulcisci. Igitur ... *miserere Christianitatis tuæ*, qui *scis*, & *potes*, cui ad nutum omnes

omnes Christiani Principes . . . facile obtemperabunt : moveat se Pater Beatissime fides Petri &c. Porro Gennadius, seu verisimilius, Josephus Methonenſis in deſenſione Concilii Florent. cap. 5. ſeſſ. 14. refert Nicolaum V. litteris, & legatione Conſtantinum Imp., Græcosque ipſi parentes commoneſeciſſe de recipiendis decretis Florentini Concilii: vaticinatum cæteroquin in litteris illis excidium Urbis, & Græcorum internecionem, vindictam ſupremo Numine repetente conviciorum, probrorumque, quibus quotidie a Græcis Romanus Pontifex impudentiſſime proſcindebatur. Legeſis Pagium tom. 5. breviar. hiſtor. chronolog. crit. in Nicolao V. Pontifice Maximo. Quæ prophetico ſpiritu in litteris prænuntiavit Nicolaus V, tres ſcilicet tantum ſuperſeſſe annos, intra quos niſi Græci ad maternum Romanæ Eccleſiæ ſinum ſe ſe recipere, occupanda eſſet à Barbaris ſedes Orientalis Imperii; jam pridem, ideſt ab annis 100. S. Birgittæ diſerte prædixerat Chriſtus Dominus vitari Barbarorum jugum a Græcis nequire, futurumque, ut ingentium, graviffimorumque incommodorum partem maximam ab illis paterentur, niſi, & donec conſtanter, devote, ac integre Romanæ ſe ſe Eccleſiæ conſocialſent, Romanoque Pontifici ſe ſe gubernandos, atque in rebus fidei regendos humiliter, obedienterque commiſſent, ut habetur ejus revelationum lib. 7. cap. 9. Qua de revelatione appoſite ſubdit Sanderus lib. 6. de viſibili monarchia: *Quam revelationem vere divinam extitiſſe ex eo ſcimus, quod ita res tunc futuras prædixit, ut eas eveniſſe nunc videmus. Nam S. Birgitta mortua eſt multis annis prius, quam tota Græcorum reſpublica deleſceretur, futura vero prædici non poſſunt, præterquam a Dei ſpiritu, qui ſolus futura novit velut is, qui & auctor eſt eorum, & cui jam nunc præſentia exiſtunt.* Hæc forte, aut ego ſalor, in cauſa fuere, cur ad ingruentia tot mala declinanda ſanius conſilium Patriarchæ ceteri capeſſiverint, atque animum ad recta dogmata amplectenda demum applicuerint. Itaque Moyſes Archidiaconus Antiochenus trium Patriarcharum Alexandrini, Antiocheni, & Hieroſolymitani ad Pium II. legatione fungens Pontifici ſignificavit decretum equidem unionis ab Eugenio pro Græcis jam pridem oditum ab illis tribus Patriarchis, zizaniorum ſatore impedimenta apponente, non fuiſſe ſuſceptum, poſtmodum tamen

tamen Patriarchas ad rectum tramitem, rationemque se se recipientes conventum subditorum celebrasse, decretum loco statuisse suo; Romano Pontifici integre se se permittere; velle illi tanquam Jesu Christi Vicario deinceps obtemperare, moremque gerere, atque ad ea enuntianda ideo se ab illis missum. Referunt hæc Gobelinus in comment. Pii II. lib. 3., & post ipsum Pagius Junior in Pio II.

Ex Episcopis ejusdem Orientalis Ecclesiæ, aliisque Ecclesiasticis viris, doctrina præclaris, qui stabiliro iterum schismate, atque altius in dies radices agente, sibi tamen Apostolicæ Sedi indivulse adherendum statuerunt, Petrus Assanus denominatus, qui Maronitis Patriarchæ nomine præerat, de doctrina Apostolica oblivione prope oblitterata, atque in Oriente proxime vergente ad interitum, circa unitatem Naturæ, & trinitatem Personarum in Deo, & circa unitatem Personæ, & dualitatem Naturarum in Christo Domino, Paulum II. sibi consulendum duxit, ut certo quid credendum sibi foret, quidve suis perinde fide divina credendum proponeret, ex Romani Pontificis magisterio disceret, & sciret. Doctrinæ Patriarchæ huicce a Pontifice traditæ tenorem describit Raynaldus ad annum 1469. Præterea quum Leo X. Pontifex Maximus legato ad Maronitas missio P. Joanne Francisco de Potentia Ord. Minor. una cum apostolicis litteris, eisdem orthodoxis institutis erudiendos, eorumdemque nonnullos errores emendandos, de eorum salute sollicitus suscepisset, idem Petrus anno 1515. ad Pontificem remissis legatis, & litteris suo, & suorum montem Libanum incolentium Maronitarum nomine Romano Pontifici sub hac epigraphe: *Vicario Dei, Regi Regum obedientiam, obsequiumque præstitit; se ac suos de Sanctæ Romanæ Ecclesiæ doctrina edoceri postulavit; eidemque se, suosque in ævum, si superis placeret, adhæsueros promisit.* Leguntur hæ litteræ lingua latina donatæ in actis sess. 11. Concilii Later. V. tom. 9: Concil. edit. Harduini, atque apud Raynaldum ad an. 1514. *Gratias Deo, ait in laudatis litteris ad Pontificem Patriarcha, reverentur agimus, sub mundissimis pedibus Patris nostri Sanctissimi Christi Vicarii, & Domini nostri Leonis X., qui vices B. Petri veritatis Petra gerit in terris, sedetque super Sedem Apostolicam ipsius Sanctissime bene-*

benedictionis super nos &c. His consonas misit Elias Maronitarum Dominus. Sed & ex Maronitarum Patriarchis Simeon VI. cognominatus Hadethensis Alexandro VI. primum, atque Leoni X. postmodum; ac perinde Moyfes Clementi VII, Paulo III, Paulo IV, & Pio IV. communione, & clientela dederunt sese, & devoverunt.

Zagazabo Episcopus Æthiopum in confessione fidei Æthiopica sub Paulo III. editæ perhibet a gente Æthiopum ab exordio jactæ in Æthiopia Christi Ecclesiæ ad eam usque diem Romanum Pontificem tanquam Christi in terris Vicarium agnitum, eidemque exhibitam obedientiam fuisse. *Nostri*, inquit, *certe ab exordio primitivæ Ecclesiæ Romanum Pontificem, ut primum Episcopum agnoverunt, cui etiam hodierno die, ut Christi Vicario paremus.* Subdit præterea fore, ut frequenter Romanum Pontificem adirent erudiendi ab eo Æthiopes, nisi magnis itinerum distinerentur intervallis, & Mahumetanorum interjecta regna intercederent, quæ professionem ita præpediant, ut sine magnis periculis Romana adornari professio non possit. Paucis tamen, ac præclaris, quæ de Pontifice crederet, conficit: *Credo S. Petrum Petram esse legis, fundamentum, & Caput Ecclesiæ Catholicæ, & Apostolicæ, Orientis, & Occidentis, ubi est nomen Domini nostri Jesu Christi.* Petrus Abbas Æthiops in epistola ad Paulum III. exarata his Pontificem alloquitur: *Hoc munus hilari fronte suscipe, sciens nos, etsi Æthiopes simus, tuas tamen oves esse, teque ut summum venerari Pastorem. Quapropter nos ab Imperatorum calumniis vindicatos, ut Ecclesiæ filios recipe, sciantque per te omnes nos ab Ecclesiæ Romana non abhorrere, quinimo illam, ut Matrem omnium Ecclesiarum amplecti, ac venerari, quod facile ex multis epistolis, quæ ad hanc Sanctam Sedem a Regibus nostris missæ sunt, videri potest.* Ita ab initio gentilium suorum animo insitam de Apostolica Sede sententiam, qua scilicet omni, quo par erat, obsequio, & obedientia ejusdem S. Sedis auctoritatem, & doctrinam prosequerentur, egregie promit.

Moyfes Mardenus Antiochenus in fidei professione Julio III. Pontifici Maximo nuncupata præclarum adeo de Romani Pontificis divinis privilegiis reddidit testimonium, ut pudore suffundi faci-

facile possint, quotquot Latinorum, eadem privilegia in dubitationem adducere audeant. *Ego Moyses Mardenus*, inquit, *recipio Pastores veros, qui instituerunt Sanctam Ecclesiam Romanam, ac Patres omnes, qui in ea habentur ab initio christiane Religionis usque in hunc diem. Obtestor Patrem Patrum, & Pastorem Pastorum, Benedictionem universæ Reipublice christianæ, portantem claves Regni, fontem, ex quo profluit suavitas, Pontificens Julium III., qui accepit signaculum nominis Trinitatis, ut dignetur acceptare meam hanc professionem, meo nomine, atque etiam Patriarchæ nostri. Audistis Heterodoxi ab Romana Ecclesia segrege, qui eandem defecisse, & a veterum doctrina Pontificum fœde descivisse blateratis, ab initio conditæ Religionis usque in hanc diem integram, intemeratamque Ecclesiæ Romanæ ab Apostolis acceptam fidem religiose permanere, nulla hæresum fuligine, aut fraude obscuratam, aut oblitteratam? Audistis Orthodoxi ab avita Majorum doctrina degeneres unam esse Romanam Ecclesiam, quam penes rei christianæ summa consistit, quamque prope nulla unquam erroris suspicio, aut spurcitiæ accessum habere valuit? Qui Jacobitis per Syriam longe, lateque diffusis rebus præerat sacris Ignatius ex homonymis X. ad eundem Julium III. litteris inscriptis se Apostolicæ Sedi assurgere non modo ob eam, qua Sacerdotiis ubique præfectus est auctoritatem, sed pronas accomodare aures ad ea dogmata excipienda, quæ nulla erroris labe vel maculata leviter exinde manant, asseruit.*

Siud, sive Sulacha Patriarcha Nestorianorum in Syria moram trahentium, qui suo, & gentilium pariter suorum ad frugem redeuntium nomine Romam profectione adornata sub Julio III. ad Ecclesiæ Romanæ unitatem se, suosque remigrare, Romano Pontifici obedientiam, obsequiumque profiteri testatus, suæque fidei professionem coram Pontifice emittens, sic inter alia spondet: Synodus scripsit de Ecclesia Sancta Romana, quæ est Sedes Petri, quod sit Caput omnium Ecclesiarum; quod donum dedit illi Christus per illa verba, quæ dixit ad Petrum plantatorem illius, nimirum: Tu es Petrus, & super istam Petram ædificabo ipsam Ecclesiam meam: Habetur apud nos illa fides. Et infra: Recipimus omnia illa Concilia, quæ recipit Ecclesia Romana, excommunicamus;

Part I.

G g

mus;

mus, quos excommunicat Ecclesia Romana. Veneramur quoque, exaltamus, atque laudamus Ecclesiam Romanam, & Caput ejus Papam Sanctum. Enucleatior adhuc sit isthæc Sulachæ fides ex epistola, quam ad eundem Julium III. Clerus, Populusque Nestorianus Seleuciam Parthorum inhabitans exaravit, quaque ejuratis cum schismate erroribus. ad sinum Apostolicæ Sedis se recipientes ab eadem Sulacham Patriarcham sibi inaugurari postulantes Romani Pontificis præconia his præclare celebrant verbis: Patri Patrum, Pastori Maximo, Petro temporis nostri, & Paulo dierum nostrorum, & Cingulo comprehendenti universum cætum Christianorum, qui es loco Christi Domini nostri: Tu Sedes in Sede alta, & sublimi Principis Apostolorum tenentis claves Regni celestis, cui ore suo salutare Dominus dixit: Quidquid ligaveris super &c. & super eam fundavit Ecclesiam suam &c. Nunc porro Tibi eam dedit Christus Deus noster, ut sedeas super eam. Tu item es Fons, cujus aquæ non deficiunt, & quisquis sitiverit æquum est, ut ex Te bibat aquas vitales, ut sedet sitim suam. Tu es Lucerna, quæ non extinguitur, sed illustrat omnes creaturas, ut candela, quæ est super candelabrum. Has litteras latinas fecit ex Syriaco Andreas Mafius, quibus profecto indeficientis fontis, atque lucernæ inextinguibilis nomine nonnisi Romani Pontificis indeficientem fidem, atque inextinguibilem; Sedis autem altæ, sublimisque Principis Apostolorum Petri, super quam ædificata Ecclesia est, nonnisi ejusdem in Ecclesia summam auctoritatem significatam voluere. Cedo enim, verbis illis veriore intellectionem accommoda, si vales, si audes. Junge Mar-Josephum virum inter Malabaros Indos sacræ rei summam administrantem; qui non habuit quidquam antiquius, quam cum Romana Ecclesia communione conjungi, & Paulo IV. Pontifici Maximo ex animo se obedientem præbere.

Sequioribus ævis, quibus magis, ac magis animo in schismate obfirmato in Ecclesiam Romanam obgannire, atque diræ quælibet evomere Orientales non destiterunt, non defuere tamen frequenter ex eorumdem Episcopis plerique, apud quos non penitus avitæ fidei lumen fuisset extinctum, suffocatumque, prorsus vetustissimæ a Patribus traditæ veritatis semen, aut quos-

suo-

suorum Missionariorum opera Apostolica Sedes ad sinum suum, supremo auxiliante Numine, revocasset, qui de Romana Ecclesiâ prædicarent, quæ olim a suis Majoribus acceperant, traditioneque retinuerant, aut quæ deinceps ejusdem Ecclesiæ Antistites illis credenda, tenendaque edixissent, & tradidissent. In iis est Abdifus sive Ebedjesu Patriarcha Assyriorum, qui in suæ fidei professione Pio IV. Pontifici Maximo nuncupata, *Ego Abdifus*, inquit, *juro, quod ita credo, & ore confiteor, sanctæque Romanæ Ecclesiæ fidem, approbatis omnibus, & singulis illis, quæ ipsa approbat, & damnatis similiter omnibus, quæ ipsa damnat, amplector, & perpetuo me amplexurum, & retenturum esse profiteor, & promitto, & omnes Fratres meos Metropolitæ, sive Episcopos, ac Diæcesanos quovis modo meæ jurisdictioni subiectos ita credendum, & tenendum esse docebo, & modis omnibus, quibus poterò, persuadere conabor.* Ex Armenis, qui apud ipsos rei christianæ summæ erat præpositus, Michael nomine eidem Pontifici, eo quo par erat, obsequio infimo, integroque se permisit, nefas plaue arbitratus vel latum unguem ab ejusdem obedientiâ aberrare.

Mar-Abraham a Durbetano ad Tigrim Nestorianorum Patriarcha Archiepiscopus Angamalæ Christianis S. Thomæ in India, seu Malabaria præfectus a Nestorii erroribus ad Catholicam, veritatem Concionatorum Soc. Jesu opera abductus litteris obsequio plenis ad Gregorium XIII. inscriptis Apostolicæ Sedi obedientiam spopondit, amplectique se Romanæ Ecclesiæ fidem professus est. Maronitæ, quibus Patriarchæ nomine unus post alterum tum temporis præerant Michael Rifi, ipsiusque Frater, & homonymus Sergius, ad Gregorium XIII. Oratoribus missis Patriarchæ suo dignitatem a Romano Pontifice confirmari postularent, Missionarios ad se mitti, a quibus de Romanæ Ecclesiæ ritibus edocerentur, petierunt, atque Sedi Apostolicæ obedientiam præstantes cuncta, quæ illa crederet, se credere protestati sunt. Ex Chaldæis Simeon VII. ordine dictus, qui Ormi in Montanis Persidis Urbe sedem defixit, & a quo deinceps Simeonis nomine successores, qui inter Chaldæos sacerdotiis præsent, denominati sunt, eidem Gregorio XIII. obedientia, fideque se ob-

strinxit, quam pariter eidem Pontifici, non secus atque ipsius successori Sixto V. despondit Armenorum Catholicus Azarias. Quibus adijunge Abrahamum Ruthenum hominem e Lutheranorum grege, alterumque græco-Polonum eodem fursure aspersum, qui Romam profecti coram Gregorio Pontifice ejuratis erroribus ejusmodi fidem ambabus ulnis se amplecti professi sunt, quæ Romanæ Ecclesiæ erat accepta, uti referunt Victorellus in comment. de jubilæis apud Spondanum ad annum 1575, & Florimundus Remundus de orig. hæref. lib. 4. cap. 12. apud Berninum in hist. hæref. sæculi XVI. cap. 10. Præterea Jacobus Palæologus genere Chius, ut est apud Berninum ibidem, Romam appulsus Romanæ Ecclesiæ majestate, & sanctitate in admirationem raptus, ejus fidem non modo summo in pretio habere cœpit, sed uni ex approbatis ab ea sacris Ordinibus nomen dedit. Quamquam levissimi animi homo, uti Græcis non insolens est, ad ingenium paullo post regressus, duplici apostasia a religione, & a fide utramque conspurcavit; sed tandem justas poenas dedit.

Ruthenos per Poloniæ regiones longe, lateque diffusos Græcanico schismate, erroribusque ejuratis Romanæ Ecclesiæ fidem professos, & Sedi Apostolicæ obedientiam pollicitos sua communione donavit Clemens VIII. Qua de re adeundus Baronius in fine tom. 7. Annalium: ex quo liquet quam falso Johannes Franciscus Buddæus Lutheranus disputationem quamdam suam inscripserit: *Ecclesia Romana cum Ruthena irreconciliabilis*. Sunt autem inter alios Michael Metropolita Kioviensis, Hypation Vlodimiriensis, Cyrillus Luceoriensis, aliique 6. Ruthenorum Episcopi audiendi in epist. ad præfatum Clementem VIII: *Sanctissime Pater*, inquit, *ac Pastor supremæ Ecclesiæ Christi, Domine clementissime*. *Repetentes memoria consensum in omnibus, atque unionem Orientalis, & Occidentalis Ecclesiæ, quam Majores nostri sub obedientia, & regimine sanctæ Sedis Apostolicæ Romanæ coluerunt ... ad unionem, quæ in Florentina Synodo ab Antecessoribus nostris constituta est, accedere decrevimus, ut vinculo hujus unionis adstricti sub obedientia, atque regimine sanctitatis vestræ, uno ore, ac corde glorificemus, ac laudamus omnes divinum, & sanctissimum nomen Patris, & Filii, & Spiritus San-*

Sancti. Subinde significant eam ad unionem ineundam se Oratores mittere, qui suo, & Archiepiscopi, Episcoporum, atque totius Cleri, populique nomine Sedi S. Petri, & Sanctitati suæ, uti summo Pastori Ecclesiæ Christi, debitam obedientiam deferant. Itaque proprio, illorumque nomine Hypatius Vulodimiriensis, & Cyrillus Luceorienfis Episcopi Romam profecti Clemente VIII. coram fidei professionem in Concilio Florentino editam in hæc verba emisere: *Credo Sanctam Apostolicam Sedem, & Romanum Pontificem in universum Orbem tenere Primatum; & ipsum Romanum Pontificem successorem esse B. Petri Principis Apostolorum, & verum Christi Vicarium, totiusque Ecclesiæ Caput, & omnium Christianorum Patrem, & Doctorem existere, & ipsi in B. Petro pascendi, regendi, & gubernandi universalem Ecclesiam a D. N. J. Christo plenam potestatem traditam esse: Sanctam Catholicam, & Apostolicam Romanam Ecclesiam omnium Ecclesiarum Matrem, & Magistram agnosco, Romanoque Pontifici B. Petri Apostolorum Principis successori, ac Jesu Christi Vicario veram obedientiam spondeo, ac juro.* Ex Orientali plaga prope moriturus anno 1595. Mar-Abraham, qui Nestorianis Malabaris erat a sacris, litteris Romam ad Pontificem missis protestatus est se in ea velle fide mortalitatem explere, mortemque adspicere, quam integram, intemeratamque, sicuti a Christo D. tradita fuerat, in Ecclesia Romana custodiri tum demum probe intellexerat.

Gabriel in Adorbigana Metropolitana, qui se & Patriarcham Alexandrinum inscripsit, ad Clementem VIII. Legatis, & litteris missis suo, ac Chorepiscopi sui nomine ann. 1595. fidei professionem emisit, & Romano Pontifici obedientiam exhibuit. *Teneo, & confiteor, inquit in confessione fidei, Sanctam Apostolicam, Sedem, & Romanum Pontificem in universum Orbem terræ tenere Primatum, & ipsum Romanum Pontificem successorem esse B. Petri Principis Apostolorum, & verum Christi Vicarium, totiusque Ecclesiæ esse Caput, & omnium Christianorum Patrem, & Doctorem existere, & ipsi in B. Petro pascendi, regendi, & gubernandi universalem Ecclesiam a D. N. J. Christo plenam potestatem traditam esse. Itaque promitto me tanquam obedientia filium ordi-*

ordinationibus, praeceptis, censuris, & iussionibus Sanctissimi Domini nostri D. Clementis divina providentia Papae octavi, & successorum suorum Pontificum canonice intrantium, & Sedi Apostolicae semper, & fideliter obtemperaturum. Apertius Sedis Apostolicae privilegia praedicat in epistola ad eundem Pontificem exarata, siquidem in ea sic ait: *Humilis Gabriel Dei gratia famulus Sedis S. Marci in Urbe Alexandrina... salutem impartitur... Patri Domino, Patrum Patri, Patriarcharum Principi, tertio-decimo Apostolorum... Et quinto Sanctorum Evangelistarum, & S. Petri Apostoli successori, Petrae fidei, super ejus Cathedra in Urbe Roma sedenti, cui data est a Deo potestas ligandi, atque solvendi, cujus mentio fit in sacro Evangelio, quum dicit: Tibi ò Petre dedi claves regni Caelorum &c. Tu enim loco ejus constitutus, & successor es super terram, Pater noster, & Dominus noster, atque corona capitis nostri D. Papa Clemens octavus. Gratias agimus Deo... Quod te constituit Catholicae fidei habenas tenentem, & sancta Catholica, & Apostolica Romana Ecclesia Dei fundamenta servantem... Tu qui effectus es Caput, & maximus Patriarcharum, & Magister, & Praedicator totius populi Dei. Has Patriarchae litteras, fideique professionem legere est apud Baronium in append. rom. 6. annal. Ex his autem manifeste adparet una cum Primatu agnita ab illo, & affirmata fuisse reliqua Romani Pontificis privilegia, supremam scilicet potestatem, atque in fide indeficientiam..*

Eandem in sententiam pari consensu conspirarunt, universae Ecclesiae clavum obtinere Paulo V, Chaldaei Nestoriani, Armeni, & Maronitae. Illorum Patriarcha Elias Romam ad Pontificem Adamo Archidiacono, & Monachorum Archimandrita, oratore misso in S. Romanae Ecclesiae doctrina erudiri poposcit. Is itaque Romanae Pontificis iussu apprime instructus duo opuscula patria lingua de Ecclesiae Romanae dogmatibus adornavit, quae postquam Pontifici probata fuissent, Babylonem ad Patriarcham suum detulit, ut cum ipsi, tum genti toti loco catholicae fidei institutionis essent: idque ita sane ex sententia cessit, nam iis acceptis Elias Patriarcha ex sex Episcopis in Urbe Amida coaecto Concilio an. 1616. ejuratis Nestorii erroribus Romanae Ecclesiae fidem

fidem juxta formulam a Paulo V. directam una cum iisdem Episcopis amplexus est. Acta autem Concilii anno sequenti ad Pontificem directæ, ab ipso confirmata sunt, instructionesque rescriptæ circa nonnullos ritus, quos omnino ad Ecclesiæ Romanæ amissum exegit. Sed & eidem Ecclesiæ morem gerere studuit, qui Eliæ successit in gradum, Simeon VIII. dictus. Quod ad Armenos pertinet, eorum Patriarcha Melchisedech alias David, ad eundem Paulum V. Pontificem Maximum oratore, suo, totiusque Nationis nomine misso Zacharia Vartabid, quam Pontifex præscripsit, fidei formulam ultro professus est. Ad Patriarcham misit Pontifex Concilii Chalcedonenſis germana acta arabico sermone exarata, injunxitque, ut tum e recitatione Trisagii error Petri Gnaphei omnino eliminaretur; tum ut juxta traditionem, calici consecrando modica immisceretur aqua. Videtis. Bzovium ad an. 1616. Ex Maronitis denique Petrus eorumdem Patriarcha oratoribus missis an. 1612. Pontifici obedientiam pollicitus est, fidemque Romanæ Ecclesiæ proprio, Episcoporum sibi subjectorum, gentisque totius nomine amplexatus est, ab eoque Apostolicam benedictionem, tum plenariam indulgentiam pro se, suisque omnibus impetravit. Legito Pauli V. constitutionem 77. an. 1614. ea de re editam. Parem ei in obsequio Pontifici deferendo se præbuit alter inter Maronitas Primas Johannes Macluphius.

Urbano VIII. communionem, & obedientiam se conjunxerunt, exindeque eum ceu Principem supremum, primoque in Ecclesia loco, & honore habuerunt ex Syris Euthymius Damascenus Metropolitæ; ex Maronitis Georgius Amyra denominatus, & ex Armenis Moyſes II, & Zacharias Patriarchæ. Quid autem, quod Melchior Aleppienſis Metropolitæ, etsi necdum animum a schismate abstraxisset, in litteris tamen ad eundem an. 1617. exaratis *Ecclesiasticorum Caput omnium*, ejusque se *mancipium* nuncupavit? Nec minoris devotionis, obedientiæque specimen Innocentio X. Pontifici Maximo præbuerunt ex Syris Jacobitiæ Andreas Achigia Aleppienſis Metropolitæ alter; ex Nestorianis Macarius Antiochenus Cachadaurus denominatus; atque ex Maronitis Josephus Accurenſis ipsorum Patriarcha. Ad hæc Patriarcha Nestorianorum Simeon nomine Durbetæ in Mesopotamia consilens, Cer-

Cerrio teste in relat. de statu præf. S. Congreg. de propag. fide ad Innocentium X, Cappuccinorum nostrorum opera Romanæ Ecclesiæ reconciliatus ejusdem Ecclesiæ fidem professus est, ab eaque Episcopatum, quem ab Nestorianis acceperat, sibi confirmari precibus impetravit. Alexandro VII. Ecclesiam administrante quo non religionis officio, obedientiæque respectu Romanæ Ecclesiæ se adjunxit Simeon Chaldæorum Patriarcha; cujus erga eam egregium sane studium in causa fuit, cur a schismaticis commota tempestate e gradu deturbaretur? Illum litteris consolatus est Pontifex an. 1664, locoque restitui suo, ut summo opere curaret, satageretque, P. Gabrielem a Cainovo Missionarium nostrum monuit. Eidem pariter Pontifici sacramento fidem suam obligarunt Andreas Syris Aleppi degentibus Archiepiscopi nomine præfectus; nec non Gregorius II. Besbeelenus Maronitarum Catholicus. Sed & Clementi X. Stephanus II. Edenensis Maronitarum Patriarcha alter sponsione se devinxit, devovitque.

Sub V. Innocentio XI. ex schismaticis Blasius Archiepiscopus Samaci; Maidirius Episcopus Samandri; ex Jacobitis Syris Gregorius Petrus, aliique 8. Episcopi; Euthymius Archiepiscopus Tyri, & Sydonis; Josephus Primas Chaldæorum, Euthymius in Asiatica Iberia Metropolita; nec non Ignatius Patriarcha Antiochenus ad prælaudatum Pontificem litteris an. 1682, 1683, & 1684. inscriptis schismate, & hæresi damnatis se, gentesque suas Romani Pontificis obedientiæ submittentes, eam, quam ipse doceret, fidem amplectari se professi sunt, velleque in ejusdem communione, & obedientia manere. Extant hæc omnes epistolæ apud Antonium Bullifonium par. 1. epist. famil. searumque meminit Berninus hist. hæres. sæculi XVII. cap. 8; sed & P. Michael a Tugio tom. 7. Bullarii Cappuc. nostrorum opera ad frugem illos reductos ostendens. Qui apud Nestorianos Chaldæos sacrarum rerum summa Patriarchæ nomine potiebantur, Josephus II. Innocentio XII; & Josephus III. Clementi XI. submittere se officio, religionique duxerunt. Nec minori erga eundem Clementem affectu devotionis afflatos se se ostenderunt, qui Syris Jacobitis Aleppi præerant Stephanus, & Athanasius; atque qui Maronitis, Gabriel de Blausa. Ad hæc cum Rutheni in Synodo

Zamoscii an. 1720. a Clemente XI. confirmata, tum Maronitæ in Synodo habita in Monte Libano an. 1736, quam Benedictus XIV. anno 1741. Const. 31. approbavit, qua devotione, animique demissione Sedi Apostolicæ studerent, quoque studio deinceps tradita ab eadem dogmata excolenda suscepissent, multis, quæ modo prosequi non vacat, planum fecerunt.

Cyrillus Damascenus Græco Melchitarum Patriarcha etiam dictus quo erga Romanum Pontificem observantiæ officio esset affectus, liquet tum ex litteris an. 1729. a Benedicto XIII. datis ad P. Dorotheum a Sanctissima Trinitate Missionarium Ord. Cappuc., quibus Cyrilli professionem fidei excipiendi, eidemque Sedis Apostolicæ nomine gradum confirmandi facultatem imperitus est. Is vero P. Dorotheus præmemoratum Cyrillum in Synodo an. 1730. in Monasterio S. Salvatoris habita ad observantiam ritus græcanici juxta decreta sanctæ Sedis induxit: tum ex litteris an. 1743. circa ritus Græco Melchitarum, ac Patriarchæ jurisdictionem a Benedicto XIV. (quem ad bonum christianæ Reipublicæ Deus O. M. diu sospitem servet), editis tom. 2. Bullarii ejusdem Pontificis, & tom. 7. Bullarii Cappuc. pag. 314, a quo Patriarchæ illi anno 1744. pallium concessum est. Maronitæ Episcopi anno 1743. conventu habito decretis a Benedicto XIV. de eorundem Patriarcha se adquietere, uti par erat, professi sunt: qua de re legenda acta celebrata in Consistorio anno 1744. die 3. Julii Typis edita S. Congreg. de propag. fide. Nicolaus Catholicus, sive Patriarcha Georgiæ in litteris Romam a P. Nicolao Maria a Burgo Missionario Ord. Cappuc. ad Benedictum XIV. referendis hæc præclaris Pontificem Maximum, cui integre se permittit, alloquitur: *Sublimissime omnium Princeps dator benedictionum, Judex totius Mundi, Vicarie Apostoli Petri, Præses unius Catholice Ecclesiæ, quæ est Mater omnium populorum, cui obediunt omnes lingue, omnesque Throni*: tom. 7. Bullar. Cappuc. pag. 248. Sergius Metropolitæ Casareensis in Cappadocia, ac Legatus Patriarchæ Armeni Hierosolymitani anno 1743. die 29. Januarii Smyrnæ in Regia nostra Cappuccinorum, & Consulari Ecclesia P. Stephano Constantinopolitano excipiente ejuratis cum schismate erroribus fidei

Pars I.

H h

pro-

professionem emisit, seque totum Pontificis Romani obedientiæ dedit. Romam postea adveniens se obfirmato animo Romanæ Ecclesiæ doctrinæ adherere ostendit, consiliumque cepit de re christiana apud Armenos suos amplificanda: eodem rom. 7. Bullar. Cappuc. pag. 281, & seq. Patriarcham Nestorianorum Mesopotamiam incolentium, qui Durbetæ vulgo Mosul ad Tigris latus dextrum residet, conjungi cum Romana Ecclesiâ societate communionis velle, subjicique ultro Pontifici, atque secum una ad 40. circiter sibi subditorum millia ad Romanæ Ecclesiæ fidem perducendum, nunciatum nuper a Missionariis est: imo idem Romam exaratis litteris Missionarios ad se mitti Apostolicæ Sedis dogmata annuntiatum, edoctumque etiam, atque etiam deprecatus est. Fertur imo hodie Patriarcha ille opera PP. Francisci Corradini Turriani, & Dominici Lanæ Ord. Præd. ad sacra nostra perducitur. Adeundi Raynaldus, Renaudotius, Strozza, Allatius, Herbelottus, Assemanus, Lequienius, Pagius, Cuperus, alique, ex quibus horum partem multam retulimus. Cæterum pleraque adhuc dicentur par. 2. Vindic., quum de curis Rom. Pontificum pro reducendis Græcis ad unitatem fidei, deque fidei formulis ab illis procusis, & ad Ecclesiæ unitatem reducibus propositis, erit dicendum.

Ex dictis usque modo liquet recte a doctiss. Petrididiero observatum, quod quæ a tempore schismatis Græcos inter, & Latinos de auctoritate Romani Pontificis quæstio vigeat, non quidem in eo constituta erat, quod Romano Pontifici Primatum super omnes catholicæ Ecclesiæ Præsules Græci pernegarent, uti a nonnullis existimatum est, (tamen non diffitear Græcos quosdam extitisse perpauco, qui etiam contra Primatum pugnarint, inter quos Nestorius Patriarcha Hierosolymitanus in libro edito contra Primatum Papæ, quem librum Dositheus ejus nepos, ac in eadem Sede successor in lucem an. 1682. emisit; & Simeon Thessalonicensis in libro pariter contra eundem Primatum conscripto, atque ab eodem Dositheo an. 1683. publici juris factus), sed in eo, quod pernegarent Romanum Pontificem potestate supra Concilia pollere, eumque inerrantiæ privilegio esse præditum. Id facile constabit recolenti non modo, quæ integro articulo isto descripsimus,

verum etiam, quæ fusiori sermone in paragraphis de Conciliis Lugdunensi II, & Florentino tradidimus, ex quibus perspectum fit a Græcis profecto extra omnem dubitationis aleam positum Romani Pontificis in Ecclesia Primatum, quamvis pessima consecutione eidem Primatui adnexas prærogativas dubitationi supponerent: quas tamen iis in Conciliis, ac Florentino quam maxime, qua Latinorum disputatione, qua Pontificis auctoritate, ad agnoscendas sunt adacti. Id etiam constat ex doctioribus inter Græcos schismaticos, qui de schismatis causa scripsere; siquidem Latinis negotium aliud hacce in quaestione non facessivisse gentiles suos declararunt, nisi quod Romanum Pontificem tum Concilio præstare, tum infallibilem esse inficias irent. Ita namque Theophylactus Bulgaricæ Metropolitæ sæculo XI. in tract. Mf. in Bibliot. Bavarica extante *de Latinorum erroribus*, atque teste Johanne Vecco Constantinopolit. Patriarcha in orat. 2. *de Injusta sui depositione* tom. 2. Græciæ orthodoxæ, discordiam Græcos inter, & Latinos in uno de processione Spiritus S. à Filio articulo reposuit, unamque particulæ *Filioque* additionem Symbolo factam reprehendit. *Invenio*, inquit Veccus, *Theophylactum Bulgaricæ Archiepiscopum, dicendi arte percelebrem, additionem in Symbolo tantum reprehendentem*. Ita Nechites Archiepiscopus Nicomedienfis sæculo XII. de Primatu Papæ ultro citroque convenit, id unum causatus, quod Romanus Pontifex absoluta supra Canones auctoritate non potitetur, neque in fidei dubiis discernendis infallibilitatis frueretur prærogativa. Ita Nicolaus Cabasilas Archiepiscopus Theſſalonicenſis sæculo XIII. in tract. de Primatu Papæ, postquam dixisset Papæ Primatum schismatis non extitisse causam, eam magis esse asserit, Latinorum doctrinam nempe, quod controversiæ circa fidem exortæ communi Synodi œcumenicæ sententia non finiantur, sed finiendæ sint judicia Pontificis, cui ceteri Episcopi per Orbem ad instar discipulorum dicto audire debeant: & quod Papa a dogmatum rectitudine aberrare nequeat. Quum autem sibi S. Agathonis epistolam VI. Synodo inferram objecisset, in qua dicitur, quod Apostolica Petri Ecclesia nunquam a via veritatis in qualibet erroris parte deflexerit, respondit, quod Agatho *de præterito loquutus est, futurum*

non inclusit : concluditur sine Papa equidem canones conditi nequire ; sed insimul contendit neque a solo Papa absque ceteris Patriarchis eosdem posse canones procedi .

Eandem Græcanici schismatis causam allegarunt Latino- rum quotquot contra Græcos schismaticos calamum strinxerunt , aut disputatione in arenam descendentes manum cum Græcis conseruerunt . Non pigeat hic summatim illos attingere . Primus omnium Æneas Parisiensis Episcopus sub ævum Photii , idest Ecclesiæ IX. , tractatu adornato adversus Græcos apud Dacherium , tom. 7. spicilegii , in id totus incumbit , ut congestis undique ex SS. Patribus , & Summis Pontificibus testimoniis ostendat tum in Romana Sede nunquam ullum hæreticum consedis- se , quod in S. Petro id indeficientiæ privilegii Romanis Pontificibus Christus D. promiserit dicens : *Tu es Petrus &c.* Igitur , inquit , cui propria auctoritate regnum dabat , hujus fidem firmare non poterat ? *Quem quum Petram dicit , firmamentum Ecclesiæ indicavit* : tum Romanos Pontifices auctoritate præditos esse de universa Ecclesia judicandi , nec cuiquam facultatem esse judicandi de illis , eorumque judicia in examen vocandi : tum imo ab omni judicio ad illos posse appellari ; ab illorum vero judicio appellare nulli fas esse . Ratramnus Monachus Corbejenfis ejusdem sæculi scriptor in opere adversus Græcos adornato , & Carolo Calvo inscripto apud Dacherium tom. 2. spicilegii , totus enititur , ut evincat præserta Romani Pontificis privilegia : postquam enim dixisset privilegia Ecclesiæ Constantinopolitanæ ab Imperatoribus illa conferentibus robur obtinere non posse , sed illa a Romano Pontifice approbari debere , *Ex antiquis monumentis* , subdit , cernimus omnino Romani Pontificis auctoritatem super cunctas Ecclesias Christi præminere , ut omnes Episcopi illum habeant Caput , & ad ejus judicium pendeat quidquid in Ecclesiasticis negotiis disponitur , ut ex ejus arbitrio vel maneat constitutum , vel corrigatur erratum , vel sanciat quodcumque fuerit innovandum : & revera omnes Orientales Ecclesiæ simul , & Occidentales Romana Civitatis Præsulem semper quasi Caput Episcoporum venerata sunt , & ad ejus sententiam respexerunt , & de rebus dubiis quæcumque decrevit , ejus judicium sustinuerunt , illiusque decreto paruerunt .

Quæ-

Quaecumque Concilia ejus sententia roborata sunt, rata manserunt; quæ vero damnavit, pro nihilo reputata fuerunt, nec auctoritatem ullam habere potuerunt.

Humbertus Cardinalis Silvæ Candidæ S. Leonis IX. Apocrisarius ad Michaellem Cerularium, a quo sæculo XI. Photii jam extinctum schisma e tumultu iterum excitatum est, disputatione habita cum Niceta Pectorato Monacho coram Imperatore Constantino Monomacho, eò tandem illum adegit, ut in cunctos anathema diceret, qui Romanam Ecclesiam primam Ecclesiarum omnium esse negarent, quique illius fidei vel levem affilare labem audacter præsumerent. Fridericus quoque Legatus alter, ac Rom. Ecclesiæ Diaconus, & Cancellarius cum eodem Niceta disceptatione inita ejusdem objectiones dilucide adeo diluit, ut pariter magna pars fuerit, cur ille cum erroribus abdiſto schismate ad æquam de Romana Ecclesia sententiam regrederetur. Post hæc Nicetas in eorum communionem receptus, eisdem pariter amicitia conjunctus evasit. Extat disputatio ista tom. 18. bibl. SS. PP. edit. Lugdun. S. Petrus Damiani opusc. 38. ad Orientis Patriarcham de processione Spiritus Sancti scribens ejusdem consilium commendat, & laudibus celebrat, quod quæstionis solutionem ad Romanum Pontificem detulerit, tanquam ad Ecclesiæ universæ a Christo Domino constitutum Magistrum, & Doctorem. Locum integrum seq. articulo de Latinæ Ecclesiæ Patribus exhibebimus. S. Anselmus Archiepiscopus Cantuariensis sub XI. sæculi exitum in tract. de processione Spiritus Sancti contra Græcos, quibus cum Urbani II. jussu in Concilio Barenſi disputarat, palmamque facile retulerat, teste Edinero in ejus vita lib. 2, quum inter alias hanc objectionem proposuisset, cur particula *Filioque* Symbolo adjecta fuisset, quin prius de additione facienda consilium a Græcis caperetur, ut eadem communi Ecclesiarum consensione fieret, respondit: *Quia & erat nimis difficile eorum Episcopos hac de re colligere, nec erat necesse, unde non dubitant hoc in quæstionem adducere.* Quæ S. Anselmi responsio supponit profecto agnitam in Ecclesia Latina quamdam auctoritatem Concilio generali superiorem, eamque infallibilem; nam Græci ei additioni non aliud opponebant, nisi quod a Conciliis generalibus Symbolo quidquam addi-

pro-

246 PRIVILEGIA ROM. PONTIFICI
prohibitum fuisset . Alium S. Anselmi insignem locum articulo
seq. dabimus.

Hugo Etherianus lib. 3. cap. 16. tractatus sæculo XII. Constantinopoli editi adversus Græcos, postquam dixisset licuisse Synodo Constantinopolitanæ aliquid addere Symbolo Nicæno, & licuisse Synodo Chalcedonenſi Symbolo Constantinopolitano addere aliquid, id perinde Romano Pontifici licuisse concludit: *Licuit enim*, inquit, *ei, semperque licebit Fratres confirmare, decreta edere, cudere interpretationes, sicubi aliquid obscure scriptum sit*. Anselmus Avelburgenſis eodem sæculo XII. ab Imperatore Lothario Constantinopolim vices obitum suas missus cum Nechite Nicomediensi, a quo Primatum Pontificis nunquam in dubitationem adductum paullo superius adnotavimus, disputatione instituta, quam exhibet Dacherius tom. 13. spicilegii, duas dumtaxat Primatui adnexas prærogativas propugnandas sibi sumpsit: atque postquam de Patriarchis Alexandrino, & Antiocheno, qui ob præclara S. Petri merita prærogativas quasdam promeruerant, disseruisset: *Ad hoc*, subdit, *Sancta Romana Ecclesia præ ceteris a Domino præelecta speciali privilegio ab ipso donata est, & quasi quadam prærogativa omnibus Ecclesiis præeminet, & jure divino antecellit. Aliis namque diversis temporibus variis hæresibus occupatis, & in fide Catholica nutantibus, illa supra petram fundata, & solidata semper mansit inconcussa, nullis falsis, & sophisticis hæreticorum argumentis a simplicitate fidei... avelli potuit... unde & Dominus... dixit Petro: Ego rogavi pro te &c., ac si aperte ei dicat: Tu qui hanc gratiam accepisti, ut aliis in fide naufragantibus, semper in fide immobilis, & constans permanear, alios vacillantes confirma, & corrige, & tanquam omnium Provisor, & Doctor, & Pater, & Magister omnium curam, & sollicitudinem gere. Merito ita privilegium prælationis super omnes accepit, qui in conservanda integritate fidei præ omnibus privilegium a Domino susceperat*. Postremo ad Nechitem converso sermone: *Ecce vides*, pergit, *quaslibet hæreses hic, & ubique exortas a Petra fidei per Petrum Apostolum colligas, & destructas; itaque non solum ex prædictis, verum etiam ex aliis multis Conciliis per Orientem celebratis; nec non etiam ex plurimis Africano-*
rum

rum Conciliis, in quibus variae hæreses damnatae sunt, constat Romanam Ecclesiam duo privilegia divinitus habere, videlicet præ omnibus incorruptam puritatem fidei; & super omnes potestatem iudicandi. Hæc ille, cujus præclara alia loca infra proferentur. Plane de his duobus privilegiis, non etiam de Primatu, contentionem ab illis initam constat luce clarius ex responsione ejusdem Nechitis: Quæ si ita sint, inquit, quid igitur nobis scripturarum scientia? Quid nobis litterarum studia?... Sola Romani Pontificis auctoritas, quæ, sicut tu dicis, super omnes est, universa hæc evacuat: solus ipse sit Episcopus, solus Magister, solus Præceptor, solus de omnibus sibi soli commissis, soli Deo sicut solus bonus Pastor respondeat &c. Ecce ista erant inconvenientia, quæ ille adversus ista, duo adjudicata Pontifici privilegia opponebat: quæ quam elumbia, & inania sint nemo non videt: ita enim in Republica laica, ubi Rex imperat, nec legum opus esse, nec iudices suppedaneos oportere, verbo, non alium præter Regem operam dare necesse esse, atque administrandæ Reipublicæ admoveere manum alteram, liceret inferre. Conviduus tamen, ac tandem confessus Nechites est omnia ea, quæ de privilegiis Romani Pontificis Anselmus disputaverat, vera omnino esse, atque eorum apud Græcos extare certissima monumenta: cujus locum art. seq. §. 2. integrum exhibebimus.

Jacobus de Vitriaco rerum Orientalium callentissimus, ut qui Apostolica legatione in Palæstina perfunctus fuerat, hist. Orient. cap. 75. perhibet Græcos præsertim Romani Pontificis supremam potestatem, & infallibilitatem inficias ivisse. Ejus locum integrum dabimus art. seq. §. 2. S. Thomas Græcorum errores refellens opusc. de potentia q. 10. art. 4, ut Græcorum querelam de additione particulæ *Filioque* Symbolo facta refelleret, argumento utitur, quod Græcis probatum supponit: *Sicut, inquit, posterior Synodus potestatem habet interpretandi Symbolum a priore Synodo conditum... ita etiam Romanus Pontifex hoc sua auctoritate potest, cujus auctoritate sola Synodus & congregari potest, a quo sententia Synodi confirmatur, & ad ipsum a Synodo appellatur, quæ omnia patent ex Synodo Chalcedonensi: nec est necessarium, quod ad ejus expositionem faciendam universale Concilium*

con-

congregetur. S. Bonaventura adversus Græcos de processione Spiritus Sancti a Filio agens lib. 1. dist. 11. q. 1. art. 1, Græcos hæresis, & schismatis iccirco arguit, tum quod Romanæ Ecclesiæ definitioni obfisterent, tum quod ab ejusdem unitate, & obedientia descivissent. De Doctorum Angelici, & Seraphici hac in re sententia paullo post distincte agemus. Itaque liquet de Primatu Romani Pontificis non dubitatum a Græcis: non crimini id illis datum a Latinis; sed nec facile fuisset, nisi oculis cæcutire in sole, in actis scilicet Conciliorum, sponte mallent: id unum a Græcis post schisma dubitationi suppositum; id unum a Latinis a discrimine vindicatum: Romanum scilicet Pontificem auctoritate Conciliis antecellere; & a fide indeficientem fore. Id totum vero ex Primatu a Græcis concessio Latini necessaria consecutione inferebant, Græci autem sibi haud constantes, cohærentesque inficiabantur.

Jam vero postremo loco, paucioribusque quoad fieri poterit, (siquidem ex prædictis hoc ipsum confici possit,) inquirere præstat in causam, ob quam Græci ab obedientia Romani Pontificis toties, adeoque temere resilierint, ac tum tandem obfirmato animo in schismate obsurdescant. Græci schismatici equidem, ac passim in schismatis causam Latinos vocant, ob tyrannidem in Græcos exercitam: certo certius est tamen unam, totamque schismatis causam in Græcorum superbiam fore resundendam, uti Latini nostri affirmant, Græcorumque ipsorum sapientiores fatentur. Michaellem Cerularium schismatis inventorem superbia insignem notavit vel schismaticus Zonaras lib. 18. Annal. ; conflati vero ab ipso schismatis in causa fuisse ipsius superbiam, qua Pontifici Romano fasces submittere detrectaret non modo, sed imo in Patriarchas Orientis ceteros potestatem amplificare suam affectaret, auctor est locuples, liquidusque Græcus Anonymus in fragmento, quod Ismael Bullialdus ex Ms. Bibliot. Regiæ græcolatine edidit in observat. ad cap. 31. historiæ Ducæ. Manuel Imperator ineundi cum Latina Ecclesia fœderis Alexandro III. Pontifici M. spem magnam fecerat: at eum a sancto proposito specie pietatis, revera tamen superbiæ æstu, quo Primatum ambiebat, deterruit Michael cognomento Anchialinus, uti lege-

legere est apud Leonem Allatium de Consens. lib. 2. cap. 12 : cuius quidem Patriarchæ exasperati in Latinos ingenii testis pariter accedit Fridericus I. Imperator in epist. anno 1178. ad Henricum filium ex Oriente exarata apud Martenium tom. 1. collect. veter. monum. Ex quibus liquet mendacio putidissimo Macarium Ancyrarum apud laudatum Allatium cap. 18. abrupti sub Manuele fœderis causam illam prætexisse, quod Latini Græcos ad omne suæ voluntatis arbitrium, & consuetudines, quæ usu sibi venissent, trahere vellent; siquidem de his nullum uspiam Græcis faceßitum negotium fuerat. Quare Oudinum pudeat comment. de Scriptor. Eccles. tom. 1. Michaelis Anchialini patrociniū accepisse, nempe ut occasionem arriperet omnem in Romanam Ecclesiam calumniis incessendi.

Quod sub Alexandro III. ineundæ unioni impedimentum apposuit Patriarchæ superbia, illud ipsum sub Innocentio III. Imperatoris intulit ambitio. Johannem cognomento Camaterum animum ad faciendam unionem prætulisse haud alienum suo palam fecimus loco, affirmatque Anonymus Latinus coævus tum. Constantinopoli degens apud Martenium in thesauro anecdot. tom. 1. col. 788. Isaacius tamen Imperator præ fastu impotens Pontifici fasces submittere, fœdereque jungi detrectavit: quin Pontifici ipsi scribens Imperium Sacerdotio præpollere impudentissime affirmavit, uti regeritur in actis Innocentii III. ab auctore synchrono adornatis, atque a Baluzio editis, ubi extat legendum efficax Innocentii responsum ad hæc Imperatoris superbiæ, insolentiæque refertas litteras. Germanus hujus nominis II. Constantinopolit. Patriarcha unioni propensum animum præferre Gregorio IX. visus fuerat. Verum superbum ingenium, quo ab obedientia Pontificis abhorrebat, hoc dolo unioni declinandæ obiecto obtexit, duabus acerbissimis litteris, quas edidit Cotellerius tom. 2. monum. Eccles. Græcæ ex Ms. Codice Bibl. Regis Galliar., in querelas contra Latinos effusus, quod ob diversos ritus Græcis vim fecissent, Cypriosque tyrannice vexassent. Quam quidem calumniam egregie depexuit Anonymus auctor in tract. adversi Græcor. errores in ædibus PP. Ord. Præd. Constantinopoli circa an. 1252. exornato, insertoque in supplem. ad Coloniensem VV.

PP. Bibl. tom. 15; quo hæc, harumque geminæ Græcorum calumniæ diluuntur, quo deque adeundus Echardus tom. 1. script. Ord. Præd. Eandem postea calumniam a Græculo quoppiam recusam dispulit, ac dispunxit Leo Allatius de consens. lib. 2. cap. 13. Mathæus Parisius pro suo Romanæ Curix infenso ingenio præcitaras Germani litteras calumniis adauxit; sive potius, uti putant verisimilius Raynaldus, & Wadingus ad annum 1232, ille n. 49. iste n. 35, in Parisii opus hæc in Ecclesiam Romanam calumnias editor Londinensis intrusit. Intrusas ex pari odio in Romanos Pontifices inficiatur præfracte Oudinus: sed nugacissimi hominis gerras non moror; quippe Wadingus, quæ apud Parisium leguntur calumniæ, eas non legi in litteris Germani, quas exhibet codex Vaticanus, ostendit: nec etiam leguntur in Germani litteris, quas Harduinus tom. 7. Concil. sive latine pag. 149, sive græce descriptas ex Codice bibl. Regis Galliar. 2503, sibi que a Doctiss. Lequiennio datas pag. 1961. edidit. Quinimo, ut suo annotatum est loco, in iisdem magnæ, quam de Pontificis divinis prærogativis gerebat, opinionis illustre specimen elucet. Denique Germani superbiæ deputat Parisius ad annum 1237, quod infestum foedus fuerit; Germanumque propterea laudibus celebrant Nicephorus uterque eadem schismatis pece afflati homines Calistus, & Gregoras.

Quum sub Clemente VIII. reducendi ad Ecclesiæ Romanæ unitatem Ecclesias ritus Græci in Polonia, & Russia spes affulgeret non modica, superbia sua, qua inflatus Romanæ Ecclesiæ infensissimus evaserat, Meletius Alexandrinus Patriarcha cognomento Pegas, Ecclesiæ Constantinopolitanæ tum temporis administrator (juxta morem tum Græcis receptum, quod Ecclesiæ Constantinopolitanæ ob Patriarchæ obitum, vel exilium administrandæ Patriarcha Alexandrinus accederet), ut initus de unione tractatus successu careret, effecit. Quam ob rem laudibus exornatus Meletius est a Lutheranis, & Calvinistis, ac præsertim a Georgio Doufa Batavo in suo itinere Constantinopolit. græce, & latine, ejusdem vita edita; atque ab Henrico Hilario in notis ad Chronic. Eccles. Græcæ pag. 433. Adeundi de Meletio Allatius de consens. lib. 3. cap. 7, & Bandurus tom. 2. Imp. Orient. pag. 1004, ubi Pro-

VINDICATA . ARTICULUS VII. §. II. 251

Protestantium commenta expungunt ; sed & Meletium a Calvinismi nota , quam ei appingunt Claudius Carentonius , Hottingerus , alique , vindicant , vindicatumque afferunt a Meletio Syriago , Dositheo Patriarcha Hierosol , Synodo Hierosol. an. 1672 , aliisque . Qui vero Græcorum Episcopi communione demum Romanæ Ecclesiæ consociati sunt , quibus , putas , probris a ceteris schismaticis Pontifici subjugari nescientibus , excepti sunt ? Qui perinde conviciandi stimuli schismaticis istis adjecti non sunt , aut quibus ob convicia laudibus exornati ab Achatolicis Latinis ? Græcos , in hisque Josephum Patriarcham , qui in Concilio Florentino unionis fœderi subscripserunt , dictis dirisque proscidit Silvester Syropulus in hist. Concilii Flor. , Syropulum vero laudibus cohonestavit Creyghonus : sed illum vindicavit auctor Latinus apud Horatium Justinian. in act. Florent. Concilii ; hi vero dignis vapulant ab Allatio , & Labbeo . Græcos illos , qui in Florentino Concilio Romanæ Ecclesiæ reconciliati sunt , a Latinis muneribus corruptos unioni quidem consensisse , at Constantinopolim reduces unioni renunciassse mentiuntur passim Græci schismatici , & Latini heterodoxi . Quorum tamen signimenta ex adnotatis §. isto 2. facile refelluntur , data vero opera refutarunt Johannes Plusiadenus in discept. pro Concilio Florent. apud Allatium tom. 1. Græciæ orthodoxæ ; Georgius Trapezuntius ibidem ; Gregorius cognomento Mellisenus , sive Mammæ antea Proto-Syncellus , ac dein Patriarcha Constantinopolit. in respons. ad Marcum Ephesium ; Josephus Methonenlis in apologia pro Concilio Florent. cap. 5. sect. 16. , (quod opus Gennadio , sive Georgio Scholario tribui solet , de quo multi multa disputant . Duos homonymos existimant Matthæus Caryophilus in observ. prævia ad Orat. Scholarii apud Labbeum tom. 13 , & Leo Allatius de consens. lib. 3. cap. 1. Unum dumtaxat , eumque Schismaticum contendit Fridericus Spanhemius , eique supposita fuisse opuscula pro Ecclesia Latina . Unum etiam censuit Renaudotius in dissert. ad Gennadii homil. , qui quidem prius unioni in Concilio Florentino faverit , postea tamen ad schisma delapsus sit : cui opinioni ceu verisimiliori adhæsit deinde Cuperus hist. chronolog. in Gennadio n. 131 , ubi disputat de auctore præfati opusculi) ; Ducas

252 PRIVILEGIA ROM. PONTIFICI
 in hist. Byzant. cap. 36; Leo Creusa Wilnenſis in deſenſ. Eccleſ.
 union., ubi inter eos, qui unioni dein adhæſerunt, recenſet Dio-
 nyſium, & Niphonem ambos Conſtantinopolit. Patriarchas, de
 quibus adeundus etiam Spondanus ad annum 1482. n. 9; quam-
 quam de Dionyſii orthodoxia dubitant alii; Leo Allatius de con-
 ſenſ. Eccleſ. Orient. & Occid. lib. 3. capp. 1, & ſeqq; ubi cap. 7. reſert
 eidem unioni adhæſiſſe Raphaelem II Patriarcham Conſtantinop.
 anno 1605, nec non Nicephorum Meliſſenum Neapolitanum Epi-
 ſ. opum, Ignatium Mindonium Chium &c. Sed de his hactenus.
 Deus O. M. univerſis & Græcis, & Latinis Oſoribus de Romano
 Pontifice heu meliora inſpiret!

Ex Traditione SS. Patrum Eccleſiæ Occidentalis.

ARTICULUS VIII.

*De vera S. Cypriani ſententia circa privilegia
 Romani Pontificis.*

PROLEGOMENON.

COgitanti mihi, diuque mærenti animo obverſanti, unde fa-
 ctum fuiſſet, (ſupremi Numinis alioquin advigilante provi-
 dentia, ne detrimentum aliquod in fide Romana patiatur Eccle-
 ſia, eidemque ſiniſtrum aliquid in doctrina accidat), ut Sanctorum
 vetuſtiorum ejus Patrum uſque ad III. ſæculum, & ſummorum
 veterum ejus Pontificum uſque ad S. Siricium, quæ litterarum
 monumentis tradita fuerant dogmata, e quibus conſtantiffime ea-
 dem Romana Eccleſia Latinæ communicandum non modicum
 emolumentum recepiſſet, qua temporum invidia, qua Tyranno-
 rum injuria, qua hæreticorum malicia, & qua orthodoxorum ne-
 gligentia, vel fraude intercepta interciderint, vel flammis exuſta
 deperierint, vel lenta tabe conſumpta interierint, ut proinde vix
 ac ne vix quidem ex tot operibus pauca admodum fragmenta re-
 liqua nobis fuerint, ceteris fruſtra magno rei noſtræ damno deſi-
 deratis, dolendæ vices noſtræ videbantur. Niſi ſubito erectæ ocu-
 lorum

lorum aciei Sancti Petri Sede occurrente , meam etiam mentem. ea statim cogitatio subit : Illa in sede continua successione incurrupta a Christo instituta Religio manet : Illa ab Sede non interrupta serie , quæ ab Apostolis dogmata accepit , facta , & testæ servantur , ac traduntur , quin casui ullo subjaceant , fatumque ut subeant , quum imo procul absit periculum . Non ergo necesse erat , ut scriptis consignarentur ; nec ergo dolendum est , quod scriptis consignata perierint . Quamquam & quæ scripturæ mandata supersunt , & quæ scriptis mandarunt , qui priscos illos perenni successione postivere Patres , & Pontifices , sat superque sunt , ut quid qui anteiverunt , quæque perceperunt ab Apostolis , crediderint , & docuerint , cognoscamus , & discamus . De Pontificibus alias : de Patribus actutum ; atque in antecessum de S. Cypriani genuina sententia de Romani Pontificis Privilegiis .

Celeberrima est S. Cypriani , ac prope dubioque procul maximi facienda auctoritas . Quapropter quid de Sede Apostolica senserit , seu acceperit a decessoribus , accurate est dispiciendum . Siquidem paullo longior erit sermo , in causâ rei gravitas est . Itaque cujusmodi esset Romani Pontificis fides , & potestas didicerat plane S. Doctor a Clero Romano , cum quo ei erat commercium litterarum , qui in epist. inter Cyprianicas 3. ad Clerum Carthag. de secessu S. Cypriani , *Ecclesia ista* (scilicet Romana scripserat) *fortis in fide* ; & in epist. 31. inter Cyprian. ad ipsum Cyprianum , *Antiqua* , subjunxerat , *apud nos fides , quoniam nec tantas de nobis laudes Apostolus protulisset dicendo , Quia fides vestra prædicatur in toto Mundo , nisi jam exinde vigor iste radices fidei de temporibus illis mutuatus fuisset .* Sed quorsum S. Cypriani sententia a Clero Romano emendicatur ? Exploratissima est cum in epistola 40. ad plebem ; quippe in ea sic ait : *Deus unus est , & Christus unus , & una Ecclesia , & Cathedra una super Petrum Domini voce fundata* : quibus docet plane Ecclesiæ Christi veram notam esse Apostolicam Sedem : tum in epist. 44. , qua in eos invecus , qui S. Cornelio legitimo Pontifice abnegato in Novatiani partes concesserant , ea ratione redarguit , quod schisma contra S. Cornelium centri , & capitis loco a Christo constitutum conflando , rem fecissent *Contra Ecclesiasticam dispositionem , contra Evangelicam legem , contra Institutionis catholicæ unitatem .*

Ma-

Magis, magisque suam de necessitate communicandi cum Romano Pontifice sententiam exprimit, cunctos, qui in Ecclesiæ Catholice unitate manere vellent, de tenenda Romanæ Ecclesiæ communionē commonefaciens in epistola 45. ad S. Cornelium, ubi enucleate sic scribit: *Nos singulis navigantibus, ne cum scandalo ullo navigarent, rationem reddentes scimus nos hortatos eos esse, ut Ecclesiæ Catholicæ radicem, & matricem agnoscerent, ac tenerent.* Cujusmodi nomine Romanam Ecclesiam insigniens, jam tum eandem omnium Ecclesiarum Matrem, ac Magistram probe intelligebat. Etiam in epistola 52. ad Antonianum de S. Cornelio, & Novatiano agens, qui cum Cornelio, eum cum Ecclesia communicare affirmat; & locum Fabiani, cui suffectus fuerat Cornelius, locum Petri, ejusque cathedram appellat. *Factus est Cornelius Episcopus Dei, & Christi ejus judicio... Quum nemo ante se factus esset, quum Fabiani locus, idest quum locus Petri, & gradus Cathedræ Sacerdotalis vacaret, quo occupato de Dei voluntate, atque omnium nostrum consensione firmato, quisquis jam Episcopus fieri voluit, foris fuit necesse est... Deinde quanta in ipso suscepto Episcopatu suo virtus? Quantum robur animi? Qualis firmitas fidei?* Explicatiora sunt adhuc, quæ habet in epist. 55. ad S. Cornelium contra Hæreticos, seu Felicissimum, & Fortunatum: in ea nemque auctorest, a Romani Pontificis contemptu schismata, & hæreses initia sumere, & incrementa auspicari: ad ipsum tamen hæreticis quoque familiare esse confugere, vel ut fucum facere tentent, vel ut in judicio de fide experiantur: ejusdem Romani Pontificis cathedram eandem esse, ac Petri, Ecclesiam principalem, a qua unitas Sacerdotalis exorta, ad quamve perfidia accedere nullo potest modo. En ejus expressa verba: *Post ista adhuc insuper pseudo Episcopo sibi ab hæreticis constituto navigare audent (Felicissimus, & Fortunatus), & ad Petri Cathedram, atque ad Ecclesiam principalem, unde unitas Sacerdotalis exorta est, a schismaticis, & profanis litteras ferre, nec cogitare eos esse Romanos, quorum fides Apostolo prædicante laudata est, ad quos perfidia habere non possit accessum.* Quibus quid, quæso, illustrius, & luculentius adferri potest ad affirmandum Romanum Pontificem, ex S. Cypriani sententia, suprema pollere potestate, atque in fide errare non posse? Adifis

VINDICATA . ARTICULUS VIII. PROLEG. 255

Pamelium in notis ad hunc locum . Legatur & ipsius epist. 57. ad eundem S. Cornelium , qua ejus fidem præclaris laudibus celebrat . Confer & quæ in epist. 55. paullo supra dixerat, scilicet non aliunde obortas hæreses , aut enata schismata , quam inde , quod Sacerdoti Dei non obtemperatur , *Nec unus in Ecclesia ad tempus Sacerdos , & ad tempus Judex vice Christi cogitatur* .

Explorata etiam , atque etiam sit , quam S. Cyprianus animo ferret , sententia de Apostolica Sede ex epist. 67. ad S. Stephanum , qua ipsum interpellat , quatenus in Marcianum Arelatensem Episcopum Novatiani partibus addictum severe animadverteret . Scilicet a Faustino Lugdunensi Antistite una , atque a ceteris Episcopis Provinciæ adversus Marcianum jam incitatus Stephanus in excommunicandis , exauctorandisque Episcopis non festinandum , sed maturandum existimabat ; a Cypriano ergo , a Gallis Præsulibus exstimulato, & stimuli additi Stephano sunt ; ut in Provinciam , ita scripsit , & ad plebem Arelate consistentem litteras dirigeret plenissimas , quibus abstento Marciano alium in locum ejus substitueret . *Servandus est enim , subdidit , Antecessorum nostrorum Beatorum Martyrum Cornelii , & Lucii honor gloriosus , quorum memoriam quum nos honoremus , multo magis Tu honorificare , & servare gravitate , & auctoritate tua debes , qui Vicarius , & successor eorum factus es . Illi enim pleni spiritu Dei . . . dandam esse lapsis pacem censuerunt* . Et in fine . *Significa , inquit , nobis quis in locum Martiani Arelate fuerit substitutus , ut sciamus ad quem fratres nostros dirigere , & cui scribere debeamus* . Sane sedemotus a Stephano Marcianus nullibi , ut sciam , legitur ; attamen id esse indicio potest , quod nomen ejus in antiquis Arelatensis Ecclesiæ diptychis a Mabillonio tom. 3. analect. editis non legatur . In confesso ergo erat S. Cypriano Romanum Pontificem supremam in Episcopos omnes potestate pollere . Scio hancce S. Cypriani contra Marcianum epistolam pseudo epigraphis . ad censeri a Gerbasio in disert. *de causis majoribus* cap. 8 ; Launojo disert. *de duobus Dionysiis* ; Johanne Fello in edit. oper. S. Cypriani , & Oudino tom. 1. de script. Eccl. Genuinam tamen dubio procul demonstrant doctiss. Monachi Benedicti in notis ad eandem epistolam ; Quæsnellus etiam in disert. apologet. pro S. Hilario Arelat. par. 1. cap. 14 ;

Pear-

Pearsonius imo in not. ad epist. 58. S. Cypriani edit. Bremensis. Eandem etiam potestatem agnovit in causa Basilidis Legionis, & Asturiæ Episcopi: ei etenim plurium criminum personam gerenti, atque propterea loco pulso suffectus Sabinus fuerat; sed ille a S. Stephano, apud quem se Romam conferens appellaverat, suæ restitui obtinuerat sedi. S. Cyprianus igitur in epist. 68. ad Clerum, & plebem Hispaniæ S. Stephanum quidem a Basilide deceptum fuisse, circumventumque dixit, & censuit, attamen in dubitationem non adduxit id potuisse Pontificem. Quamquam potius ipsum deceptum dixerim: ut qui omnem fidem hoc in negotio adhibuit Episcopis illis, scilicet Sabino, & Felici, qui depositis Basilidi, & Martiali substituti fuerant, quibusque S. Cypriano imponere pronum erat. Sed etiam reus detur Basilides, ex alia causa ejusdem depositio in irritum mitti debuit, quia nempe inconsulta Apostolica Sede, ad quam istiusmodi causas referendas probe agnovit idem S. Cyprianus cit. epist. 55. ad S. Cornelium, & 67. ad S. Stephanum, gradu suo fuisset dejectus. Adeundus doctiss. Cardinalis de Aguirre tom. 1. Concil. Hispan. disert. 7, & 14.

Eidem iterum Romani Pontificis supremæ potestati testimonium præbuit S. Cyprianus, dum in epist. Synodica 72. sua, & ex sententia Concilii Carthaginensis ad eundem S. Stephanum exarata, rerum in Concilio gestarum, ac maxime de baptismo hæreticorum iterando decreti certiore fecit, ejusdem placitum, calculumque exquirens, & cōflagitans: *Nam id ad Sacerdotalem dignitatem*, subjunxit, *& ad Ecclesiæ Catholicæ unitatem pertinebat* (ut de hoc negotio Sedi Apostolicæ scriberetur, ideoque) *de eo Stephano maxime scribendum esse, & cum ipso conferendum*. Porro quid rescripserit S. Stephanus paullo post referemus. Præterea in epistola 76. ad Magnum disertis verbis statuit veræ Ecclesiæ notam esse legitimam successionem Romanorum Pontificum, utpote quum dicat apud S. Cornelium fuisse Ecclesiā, quia legitima ordinatione Fabiano successit. Atque hinc est, ut advertit eo loci Pamelius, quod alii pariter veteres illam esse Ecclesiā Catholicā crederent, cui Romanus Pontifex præsideret. Sic teste S. Ambrosio in orat. funeb. Satyrus ejus Frater percontabatur ab Episcopo quodam, utrum nam cum Romana Ecclesiā conveniret.

ret . Sic S. Hieronymus in epist. 57. ad S. Damasum, fontem signatum, & hortum Ecclesiæ conclusum in Cathedra S. Petri esse dicebat : *Si quis, inquiens, Cathedræ Petri jungitur meus est*. Sic S. Augustinus contra epistolam fundam. cap. 4. *Tenet me, aiebat, in Ecclesia ab ipsa Sede Apostoli Petri ad præsentem Episcopatum Sacerdotum successio*. Sic, ut verbo dicam, Origenes lib. 1. de princip.; S. Irenæus lib. 3. advers. hæres. cap. 3; Tertullianus lib. de præscript.; & S. Optatus lib. 2. contra Parmen. hæreticos extra Ecclesiam esse comprobabant, eo quod in Ecclesia non essent, cui continua successione præerant Romani Pontifices. Postremo S. Cyprianus lib. de unit. Ecclesiæ latissime, & apertissime Romani Pontificis in S. Petro privilegia commendat, & laudibus celebrat, luculenterque commemorat exinde exoriri hæreses, & schismata constari, quod Romano Pontifici haud obtemperetur : *Hoc eo fit, inquit, dum ad veritatis originem non reditur, nec Caput queritur, nec Magistri celestis doctrina servatur. Quæ si quis consideret, & examinet, tractatu longo, atque argumentis opus non est. Probatio est ad fidem facilis compendio veritatis. Loquitur Dominus ad Petrum: Tu es Petrus &c. Super unum ædificat Ecclesiam suam, & illi pascendas mandat oves suas ... Ut unitatem manifestaret unam Cathedram constituit ... Primatus Petro datur, ut una Christi Ecclesia, & Cathedra una monstraretur ... Hanc Ecclesiæ unitatem qui non tenet, tenere se fidem credit? Qui Ecclesiæ renititur, & resistit, qui Cathedram Petri, super quam fundata est Ecclesia, deserit, in Ecclesia se esse confidit?* Sed satis, abundeque actum de hoc argumento in proleg. de S. Petri Primatu. Confer in hunc locum Pamelium, ubi cujuscumque sint variantes codicum lectiones, quæque quibus anteferendæ, apposite animadvertit.

Reponunt, qui in castra sua temere S. Cyprianum trahere conantur, in Romanam Ecclesiam rebelles Heterodoxi. Primo loca ex S. Cypriano in lib. de unit. Ecclesiæ laudata non esse S. Cypriano tribuenda; desiderari ea in aliis Mss. Codicibus; inepta esse itaque ad suadendas ex S. Cypriani sententia Romanæ Ecclesiæ divinitus collatas dotes: jure ac merito igitur ea loca in editionibus Oxoniensi, & Bremensi ab operibus S. Doctoris expuncta. Ita

Pars I.

K k

Ri-

Rigaltius in not. ad hunc locum verba illa de Primatu Petro dato contextui afuta dicit : Fellus vero eundem de Primatu locum, in multis five Mfs., five editis codicibus deesse, nec eo in libro lectum a Spirensi, Remboldo, Erasmo, Griphyo, Gravio, aliisque editoribus ante Manutium, & Pamelium. Secundo loca in S. Cypriano suppetere, quibus inter omnes Episcopos honoris, & potestatis æqualitas S. Cypriani sententia statuitur; cujusmodi in epist. 52. ad Antonian., ubi scribit: *Episcopatus unus est Episcoporum multorum concordie numerositate diffusus*; in epist. 72, ubi cum S. Stephano de Baptismo hæreticorum disputans ait: *Qua in re nec nos vim cuiquam facimus, aut legem damus, quando habeat in Ecclesia administratione voluntatis suæ arbitrium liberum unusquisque Præpositus, rationem actus sui Domino redditurus*; & in lib. de unit., ubi hæc habet: *Episcopatus unus est, cujus a singulis in solidum pars tenetur*; & infra de Episcopis, & Ecclesia: *Pastores esse omnes, & gregem unum*, subjicit, *qui ab Apostolicis omnibus unanimi consensione pascatur*. Ita Binghamus orig., & antiq. Ecclesiast. lib. 2. cap. 5. Johannes Fellus in not. ad lib. de unit.; Salmasius de Primatu Papæ cap. 7; Deilingius par. 4. observ. sacr. exercit. 6. Buddæus, Goulartius, & alii. Quinimo ex S. Cypriani sententia in epist. 65, & 72. Episcopos nulla institutione divina Presbyteris præfse pugnant Blondellus, & Salmasius, aliique ex Anglia, Presbyteriani. Tertio eo loci lib. de unit. S. Cyprianum loqui non de Ecclesia Romana, & Catholica toto Orbe diffusa, sed de Ecclesiis particularibus, quæ Episcopo suo, in quo unitatis principium, quoad particularem quamlibet Ecclesiam pertinet, collocandum contenditur, adhærescunt, ita ut in unitate permaneant, etiamsi cum Ecclesia communione non sint conjunctæ. Itaque S. Cypriano hunc appingunt errorem: juxta ipsum Episcopos, & quidem omnes, qui Sedem Episcopalem legitime adepti sunt, S. Petri esse pariter in hoc munere successores, ut in sua quisque Ecclesia unitatis esset principium, ejusdemque Ecclesiæ fundamentum. Ita Henricus Dodwellus differt. Cyprianic. diss. 7, ad quem in hac ratione defendendi errorem facile Protestantium grex accedit, ut hac ratione a Pontifice peculiare hoc privilegium amoveant, cunctis Episcopis commune facientes: quodque mi-

mirari subit, in eundem errorem imprudenter impegere etiam Bailletus, & Tillemontius, de quibus tom. 1. art. 6. in proleg. est dictum, ac par. 2. iterum dicitur.

Quam falso tamen, tam impudenter ista S. Cypriano a Protestantibus appingi perfacile Theologi nostrates commonstrant. Quod igitur ad primum attinet, laudata loca lib. de unitate e S. Cypriani editione sive Oxoniensi, sive Bremensi inique a Protestantibus eis editionibus præfatis abrafa præfidentissime ajo. Manutium, & post ipsum Pamelium accuratissime suas S. Cypriani editiones ad castigatissimos codices exegisse, atque quidem postquam ille cum vetustissimo Vaticano, iste vero cum Cambronensi codice contulisset, certo certior res est. Præterea Manutii, & Pamelii editionibus consentaneos esse codicem Mss. Bibliothecæ Bavaricæ testatur Gretzerus lib. 2. de jure, & more prohib. librorum, cap. 73 codicem item Mss. venerandæ antiquitatis, qui fuit juris quondam Marcelli II. Pontificis Maximi; codices etiam alterum Vaticanum, & Bononiensem juris Canonorum S. Salvatoris refert Panvinus in tract. de Primatu Petri: codicem iterum, quo usus fuerit Pelagius II; a quo præfata de Primatu S. Petri verba veluti a S. Cypriano usurpata in epist. 2. ad Episcopos Istrie proferuntur; & Sanguerianum, quem ipse consuluit, & inspexit, auctor est Baluzius in notatione 11. ad præmemoratum librum S. Cypriani: codices imo quatuor Mss., ac vetustissimos ab se inspectos Felix ipse fatetur. Quorsum igitur Manutianæ, & Pamelianæ suas Oxoniensem, & Bremensem anteponendas Protestantes isti obgannunt? Quamquam etsi præ Manutiana, & Pameliana, præfatis editionibus deferendum esset, adhuc tamen evinco, quod ex S. Cypriano absolute contendo. Accipe locum, prout in editione Protestantium lib. de unit. extat. *Loquitur Dominus ad Petrum: Ego dico tibi . . . & iterum eidem post resurrectionem . . . Pasce oves meas. Super unum ædificat Ecclesiam suam: & quamvis Apostolis omnibus parem potestatem tribuat, & dicat, Sicut misit me Pater . . . tamen ut unitatem manifestaret, unitatis ejusdem originem ab uno incipientem sua auctoritate disposuit. Hoc erant utique & ceteri Apostoli, quod fuit Petrus, pari consortio præditi, & honoris, & potestatis; sed exordium ab unitate proficiscitur,*

ut Ecclesia una monstretur. Quis enim, quæso, est hic *Unus*, super quem ædificata Ecclesia est, & a quo Ecclesiæ unitas incipit, nisi Petrus? Quid vero, dic sodes, præfert necessitas ab unitate exordium capiendi, ut Ecclesia una sit, & una monstretur, nisi S. Petri Primatum; ideoque in sententia Cypriani, siquidem Ecclesia, eadem in ævum sit mansura, necessaria consecutione uno Pontifici Romano pariter Ecclesiam superstructam, atque extra Ecclesiam esse, nec inter Christi membra connumerandum, qui uno Pontifici non copuletur, eique tanquam suo capiti membrum, non cohæreat? Quæ quidem S. Cypriani expressa sententia confirmatur etiam, atque etiam ex epistolis, quas ex editione Pamellii præmemoravimus, quibusque eadem in editionibus Oxoniensi, & Bremensi plane correspondent. Quid quod eodem libro de unit. alia subtexit, quibus magis mentem aperit suam, aperteque interpretatio nostra conficitur? *Quomodo*, inquit, *Solis multi radii, sed lumen unum, & rami arboris multi, sed robur unum radice fundatum, & quum de fonte uno rivi plurimi defluunt, numerositas licet diffusa videatur exundantis copię largitate, unitas tamen servatur in origine... sic Ecclesia Domini luce perfusa per Orbem totum radios suos porrigit, unum tamen lumen est, quod ubique diffunditur, nec unitas corporis separatur: ramos suos in universam terram copia ubertatis extendit, profluentes largitur, rivos latius expandit, unum tamen caput est, & virgo una, & una Mater fecunditatis successibus copiosa.* Quæ quid aliud præferunt, quam ratione Pontificis habita, cui ceteri comparati Episcopi habentur uti radii ad solem, rivi ad fontem & rami ad radicem, Ecclesiam Romanam unam esse, a qua veluti supremo vertice in Ecclesia universa eminente in ceteras Ecclesias eidem unitatis vinculo conglutinas virtus omnis emanat? Confer Baluzium in notat. ad hunc librum, nec non in notat. ad epist. 55; Natalem hist. Eccles. ad sæculum I. dissert. 4; Coutantium in præfat. ad epist. Rom. Pontif. tom. 1; Blancum de polit., & potest. Eccles. tom. 3. lib. 1. cap. 3. §. 12, & seqq.; & Mamachium orig. & antiq. Christ. lib. 4. cap. 1. §. 3. n. 1. & seqq. in notis.

Ad 2. affirmo non absque ingenti calumnia, gravissimaque injuria ejusmodi errores S. Cypriano afflari, a quibus absuit quam
ma.

maxime . Qui enim perpetuus est in agnoscendo Romanam Ecclesiam *in fide fortem* ; atque in ea *fidei radices* esse positas : ab ejusdem Præsule de gravissima lapsorum causa sententiam exquirendam ; propterea eadem in causa Episcopis superlegendum , donec Præsul datus a Deo fuisset , qui vacantem Petri locum impleret ex epist. 3 , & 31 . Cleri Romani : qui perpetuus est in adstruendo *Unam Ecclesiam , Cathedram unam* Petro unitatis ratione superstructam : Petri Cathedram a Pontifice Romano perenni successione occupari : unitatis causa S. Cornelio juxta *Ecclesiasticam dispositionem , Evangelicam legem , & institutionem Catholicam* omnes quotquot in Ecclesia degunt , communicare oportere in epist. 40 , 44 , 52 , & 70 : ea ratione Ecclesiam Romanam esse catholicæ Ecclesiæ *Radice , & Matricem* : ab ea segreges in schismate manere ; atque a Præsulis in ea sedentis inobedientia , ejusque unius in Ecclesia Christi vice judicis secessione hæreses erumpi , & scissuras exurgere in epist. 45 , 55 , & 57 : qui Episcopos ad Romanum Pontificem de criminibus defert ; atque Episcopos e gradu dejicere , vel dejectos gradui restituere Pontificis Romani prorsus esse perhibet in epist. 67 , & 68 : Ecclesiæ catholicæ notam esse Episcopi Romani jugem successionem ; eique etiam a Conciliis Episcoporum reddendam actorum rationem ait in epist. 72 , & 76 ; quæque omnia in lib. de unit. prosequitur , & perstringit . Qui postremo Episcopos in Ecclesia *presidere* ait lib. de unitate ; qui in Episcopis *communione catholicæ centrum esse* positum , ab iisque , non ab aliis , communionis , pacisque litteras accipiendas ; ac si opus sit , pœnitentiæ impositas leges subeundas scribit epist. 27 ; qui Presbyteros nec Evangelii , nec loci sui memores , nec sibi præpositum Episcopum cogitantes quædam sibi per nefas vindicare conqueritur epist. 16 ; qui divina institutione omnem actum Ecclesiæ per Episcopos gubernari oportere affirmat epist. 27 ; idcirco per singulas Urbes ordinatos Episcopos , ac portionem gregis singulis pastoribus adscriptam perhibens epist. 52 , & 55 ; ad hæc Episcopos Apostolorum successores esse , & divina lege in Ecclesia institutos edocens epist. 42 , & 69 ; putasne vel Episcopos omnes æquales ; vel ex æquo Presbyteris , atque Episcopis potestatem in Ecclesia inesse existimavit ? Sed de hoc plura adhuc

huc paullo infra . Quare quum S. Cyprianus Episcopo liberum esse in propriam abire sententiam ait , accipiendus est de ea quaestione , quam adiaphoram , (etsi ex errore) , arbitrabatur , exque illarum genere , in quibus fide , communione , & charitate illæsis disputare in utramque partem licet , proculque abest periculum disciplinam certa lege , vel consuetudine stabilitam labefactandi : quemadmodum inter Episcopos consortium honoris , & potestatis adstruit , ita tamen , ut nullum præjudicium Pontificio Primatui adferat , qui cum æquali Episcopatus charactere peculiaris jurisdictionis prærogativa fruitur . Sub hac acceptione Episcopatus *Unus* est toto Orbe diffusus ; quod omnibus Episcopis cum eodem honore idem onus incumbat , ut cum doctrinæ , tum communionis unitate cum Romano conjuncti , curent , ut integra ubique gentium vigeat religio . Atque hac etiam ratione ab Episcopis singulis Episcopatus partem *in solidum* teneri subdit , quod singularem quisque suum gregem regere teneatur , atque ad laborare singulus , ut commissus sibi grex una secum in sacrorum communionis consortio Episcopo Romano conglutinetur . Confer Baronium ad annum 258. n. 8 ; Pamelium in notis ad epist. 67 ; Sanderum lib. 7. de visib. Eccles. Monarch. , & Baluzium in notationibus ad prælaudatam epistolam .

Jam ad 3. sic occurro . Insipientissime sane S. Cyprianus juxta Dodvvelum egisset , & scripsisset , dum epist. 15 , 23 , & 29. Ecclesiæ Romanæ Clero rationem gestorum suorum reddere , remque bene gerendi ab eodem Clero leges capere non detrectavit , laudibus propterea , & officio ab eodem Clero epist. 30. prosequutus , insipientissime , inquam , egisset , & scripsisset , dum schismaticorum illorum quinque Presbyterorum temeritatem , suggillans , qui a suamet sententia ad Romanum Pontificem provocarant ; *Audent* , inquit , *navigare ad Cathedram Petri , & Ecclesiam principalem* , unde unitas Sacerdotalis exorta est : nempe Ecclesiam Romanam eo celeberrimo nomine efferens : & ipse etenim S. Cyprianus , ut placet Dodvvello , S. Petri successor erat , Ecclesiæque catholicæ fundamentum , nec non unitatis centrum , fons , & origo . Quorsum igitur id totum Ecclesiæ Romanæ speciatim dedere ; ad eandem pro consilio , proque agendi ra-

di ratione confugere , eandemque propterea Ecclesiam *Principalem* , atque sacerdotalis unitatis principium affirmare ? Quorsum adfirmare S. Cornelium vacantem S. Petri locum , & gradum sacerdotalem obtinuisse , nec non Ordinationis Cornelii omnino necessariam originem , *Ordinationis tua origo necessaria* , epist. 10 ; quandoquidem æqualis fuisset in Romana S. Cornelii Ordinatio , atque quæ S. Cypriani in Carthaginensi , si Dodvvello auscultes ? Quorsum epist. 67. ad Stephanum , & 68. ad Episcop. Hispaniæ opus fuisse perhibere opera Pontificis , sive ut a Gallis Marciano Arelatenſi gradu abdicato , alius in Ecclesia Arelatenſi ſufficeretur ; sive ut ab Hispanis dejectus Baſilides , & a Pontifice reſtitutus , detecta fraude , qua Pontifici obrepreſerat , loco abigeretur ; ſiquidem in Dodvvelli opinione Episcoporum par ſit auctoritas , neque præſtantior , tum Carthaginensi , tum Arelatenſi , eorumque Collegis , ſive Gallis , ſive Hispanis poteſtate ſit Pontifex ? Præterquam quod ſecummet pugnat , & digladiatur Dodvvellus , qui diſſert. cit. §. 22 , *Animadvertendum* , ait , *non ſufficere ad Eccleſiæ unitatem Caput Chriſtum , ſed vere in Eccleſiâ viſibili de viſibili hæc eſſe Capite intelligenda* . Et infra : *Animadvertendum* , iterum admonet , *viſibilem etiam , quam dixi , Capitis viſibilis unitatem de perſonæ eſſe unitate , non multitudinis , qua commune conſtat Caput , intelligendam* . Jam enim ſi juxta S. Cyprianum , fatente Dodvvello , Eccleſiæ particularis unitas exigit unum Caput viſibile , Episcopum nempe , qui centrum ſit , & origo ejusmodi unitatis , cur unitas Eccleſiæ univerſalis pariter non pendeat ab uno Capite viſibili , Pontifice ſcilicet , cui veluti principio , ac centro particularium omnium Eccleſiarum , ſive Episcoporum unitas copuletur ? Quid autem , quæſo , laudato libro de unit. comparatione radiorum ad ſolem , & ramorum ad radicem aſſumpta , atque Eccleſiæ toto Orbe diſfuſæ appoſite aptata designavit S. Doctor ? Talem proſecto Eccleſiam , quæ non ſit particularis aliqua , ſed univerſa , atque catholica ex particularibus omnibus coaleſcens : talis autem Eccleſia ibidem tali nota deſcripta , ſicuti radios cum ſole , & ramos cum radice coaptari oportet , cum Romanæ Eccleſiæ Paſtore , in quo perſiſtit unitatis principium , communionem conjungi procul dubio debet . Quid rursus ,

obſc-

obsecro, caussæ fuit, cur idem S. Cyprianus epist. 27. ad Laps. repetitis verbis illis Christi Domini; *Tu es Petrus &c. Dominus noster*, sic interpretaretur, *Episcopi honorem, & Ecclesiæ suæ rationem disponens in Evangelio loquitur, & dicit Petro*, Ego dico tibi: quia Tu es Petrus &c., nisi ut exinde argueret, quod sicut Ecclesiæ universalis unitas a Petro est repetenda, ita in unoquoque Episcopò Ecclesiarum particularium unitas reperitur, cum subordinatione ad Pontificem: sub hoc tamen discrimine, quod quia deficere Ecclesia Universalis nequit, ita neque Pontificis Romani aut successio, aut fides defectui subjacere potest: cuiusmodi defectum, quia pati Ecclesia quælibet particularis potest, ita periclitari Episcopi cuiuslibet successio, & fides; quemadmodum longo experimento, plurimisque exemplis est exploratum. Sub hac etiam ratione S. Doctor pronunciavit Episcopatum esse *unum*, cujus a singulis *insolidum* pars teneatur, quia scilicet totius Episcopalis auctoritatis, & unitatis fons, & fundamentum, & principium unus est Pontifex: pronunciavit epist. 45. Ecclesiam Romanam Ecclesiæ Catholicæ esse *Radicem, & Matricem*; quod aliis verbis efferri solet, dum dicitur Ecclesia Romana Ecclesiarum omnium mater, & magistra, caput, & centrum: pronunciavit epist. 71. Petrum a Christo D. *Primum* electum, & super eum *Ecclesiam ædificatam*, quia scilicet uni Petro collata sit potestas regendæ Ecclesiæ universalis, ceteris vero Episcopis lex inposita de obedientia præstanda, unitateque servanda cum eo, qui Ecclesiæ universæ præsit, eique quomodo possent, in regimine Ecclesiæ morem gererent, opemque ferrent. Sed vetus est illa, Dodvvelli calumnia, & hæresis jam refutata a Bellarmino lib. 2. de Rom. Pontif. cap. 16: sed & recale, quæ tom. 1. art. 6. in Proleg. de necessitate, & ratione cum Ecclesia Romana Ecclesias omnes communicandi dilucide, ac copiose sunt disputata, Jam enim ad alterum quæstionis de anabaptismo caput, quod cum S. Stephano S. Cyprianum commisit, properare orationem nostram oportet.

Rescripserat ad S. Cyprianum, & Episcopos Concilii Carthaginensis II. S. Stephanus Pontifex Maximus nihil eo in negotio anabaptismi innovandum, sed uni traditioni standum, qua ab hæreticis

tis baptismum collatum, modo rite collatum, ut qui virtutē Christi collatus sit, valere docebatur a Romana Ecclesia: ecce verba Stephani, quæ sola supersunt S. Cypriano ea referente in epist. 74. ad Pompejum: *Si quis a quacumque heresi venerit ad nos, nihil innovetur, nisi quod traditum est, ut manus illi imponantur in pœnitentiam, quum ipsi heretici proprie alterutrum ad se venientem non baptizent, sed communicent tantum.* S. Dionysius Alexandrinus apud Eusebium lib. 7. hist. Eccles. cap. 5. addit a S. Stephano illis denuntiarum fuisse, illos a sua communione abjiciendos fore, si in sua sententia persisterent de rebaptizandis baptizatis ab hæreticis. Apud Stephanum tamen per litteras sequester accessit rogans, & obsecrans, ut a ferenda excommunicationis sententia in Orientales, qui eidem errori S. Cypriani consentiebant, abstinere, superfederetque tot, tantasque excindere Ecclesias. Eodem officio humanitatis functus apud S. Sixtum II. Stephani successorem, eundem ab irrogando Asiaticis illis anathemate avertit. S. Hieronymus in dialogo adv. Lucifer. & S. Augustinus lib. de unico baptis. cap. 14. S. Stephanum eos, qui hæreticos rebaptizarent, vel rebaptizandos esse contenderent, excommunicandos fore existimasse testantur: num autem in eos anathema intorserit reapse, non meminere. Imo satis indicat S. Augustinus lib. 5. de baptis. contra Donat. cap. 25. abstinendos quidem putasse Pontificem, ultra minas tamen non fuisse progressum, sed cum Cypriano in communione permanisse. Similia habet lib. de unico baptis. contra Petilianum cap. 14. Et quidem Stephanum excommunicationis metum, minasque dumtaxat Cypriano, & Afris, Firmiliano, & Asiaticis injecisse, & intentasse affirmant Bellarminus lib. 1. de Concil. cap. 10; Valesius in notis ad lib. & cap. cit. Eusebii; Schelestratius par. 2. antiq. illustr. disert. 1. cap. 5. art. 2; Tournellius de Sacram. q. 7. art. 2; Natalis disert. 12. in hist. Eccles. sæculi III. art. 1; Berti de Theolog. discipl. lib. 31. cap. 13; & Auctor observat. theolog. hist., & critic. in hist. Eccles. D. de Fleuri lib. 7. E contrario & Cyprianum cum Afris, & Firmilianum cum Asiaticis a S. Stephano amotos ab Ecclesiæ communione existimant Rigaltius in notis ad epist. Firmiliani inter Cyprianicas 75; Lupus in scholiis ad can. 22. Dist.

ti S. Gregorio VII. suppositi, & Basnagius ad annum 256. Baronius vero ad an. 258; Cabasutius in notit. Concil. cap. 3, & alii opinantur S. Stephanum communione quidem S. Cyprianum non mulctasse, bene vero Firmilianum, & Orientales.

Ut sit de eo, sane verba rescribentis S. Stephani ea fuerunt, quæ tantam Cypriano, Firmiliano, aliisque cum Africanis, tum Asianis molestiam creaverunt, quæque in causa fuere, quod in Stephanum calamum, stylumque plus æquo acerbiorum Cyprianus, ac Firmilianus quam maxime, acuerent. Et quidem ea, quæ Firmilianus in S. Pontificem profudit, ejusmodi sunt, quæ hominem perhibeant bile adeo agitata, & motum, ut veritati, æquitati, religioni, charitati, honestati, humanitatis officio quoque intendere non valuerit, quæ proinde taliter scribenti fidem omnem detrahant, æternoque potius silentio sepelienda esse cordatus quisque duxerit. In ea siquidem 75. inter Cyprian., quam a Cypriano e græco idiomate latinam factam, imo ad Episcopos Orientales transmissam, atque ab eodem Cypriano comprobata falso (quippe quæ S. Augustino, & Donatistis ignota fuit) dixere Bossuetius defens. p. 2. lib. 14. cap. 5; Tillemontius, Gervasius, & Lombertus infra allegandi, in ea, inquam, epistola Stephanum stultitiæ manifestæ arguit, audaciæ accusat, insolentiæ, & improbitatis insinuat, cum Juda proditore, (proh indigna!) confert, pseudo-Christianum, pseudo-Apostolum, & dolosum operarium appellat. S. Cyprianus autem sententiæ suæ admodum tenax in S. Stephanum fel suum pariter effudit, & quamvis mitius egerit, egit tamen intemperantius. Ejusmodi intemperantia elucet præsertim in epist. 74. ad Pompejum: *Desiderasti, inquit ibidem, in notitiam tuam perferri, quæ mihi ad listeras (Concilii Carthagenensis) Stephanus Frater noster rescripserit: nisi tibi rescripti ejus exemplum, (istud periiit), quod lecto magis, ac magis ejus errorem denotabis . . . Nam inter cetera vel superba, vel ad rem non pertinentia, vel sibi ipsi contraria, quæ imperite, atque improvide scripsit, etiam illud adjunxit, ut diceret: Si quis a quacumque hæresi &c., quæ supra retulimus. (Ubi observa hæc rescripti verba ea graviora fuisse, quæ Cypriani animum commoverunt, immerito tamen, ut ex illis liquet:*

cete-

cetera igitur rescripti verba non adeo gravia , & acerba fuisse , oportet , ut ad iracundiam S. Cyprianum concitarent :) *Hic* , pergit S. Cyprianus , *hic* , (Stephanus scilicet) cum omnium baptismo communicans universorum delicta in sinum suum coacervata congeffit . . . , & præcepit nihil aliud innovari , nisi quod traditum est ; quæ si innovet , qui unitatem tenens unum baptismum uni Ecclesiæ vindicat ; & non ille , utique , qui unitatis oblitus mendacia , & contagia profanæ tinctionis usurpat . . . Quæ est ista obstinatio (Stephani) , quæve præsumptio humanam traditionem divinæ dispositioni anteponeere ? . . . Quæ est animi cæcitas , quæ pravitas fidei unitatem nolle agnoscere ? . . . Qui hæreticorum amicus , & Christianorum inimicus duræ obstinationi , & præsumptioni jungit permagnam animi cæcitatem , & pravitatem . . . Fit autem studio præsumptionis , & contumaciæ , ut quis magis sua prava , & falsa defendat , quam ad alterius recta , & vetera consentiat . Sane S. Cyprianum errorem suum retractasse scribit S. Augustinus in epist. ad Vincentium Rogatissimam : Africanis ab Episcopis decretum de rebaptizandis baptizatis ab hæreticis rescissum fuisse refert S. Hieronymus in dialogo contra Lucifer. prope finem : Asianos etiam , (ut proinde id quoque factitatum a Firmiliano liceat conjicere ,) a priori sententia de anabaptismo recessisse testantur Eusebius lib. 7. cap. 4 ; & S. Augustinus lib. 3. contra Crescon. cap. 11 , ea de re ajens Donatistas ab Orientalium communione discessisse , quia illi (Orientales) judicium suum (de anabaptismo) resciderunt . Sed de his paullo post .

Ex istis ergo a S. Cypriano susque deque contra S. Stephanum scriptis , contrariæque Stephano sententia Apostolicæ Sedis obtrectatores nacti occasionem pejus in Romanos Pontifices oblatrandi , illisque conflandi invidiam , Romanis Pontificibus assertam supremam supra Concilia potestatem , atque ab errandi periculo procul semotam prærogativam corruiere necesse esse contendunt . Triplici id argumentorum genere agunt 1. S. Stephanum turpissime errasse , quasi hæreticorum baptismum admiserit quemcumque . Si quidem S. Stephanus a quacumque hæresi venientem baptizari rursus vetuit : unde Benedictus XII. in respons. ad objecta Fratellorum adversus Constitutiones Johannis XXII , quam suo dire-

Aetorio Inquisit. p. 2. q. 17. Eymericus inferuit, Stephanum, & Cyprianum lapsos fuisse dixit in errores omnino contrarios: & a Concilio Carthagenensi III. anno 258. congregato a S. Cypriano Stephani doctrina damnata habetur. Ita effutiunt Launojus lib. 8. epist. 15; Basnagius ad an. 256, & Dupinus in nova bibliot. auct. Eccles. tom. 1. pag. 151, 152, & 176. 2. S. Stephani sententiæ directo adversatum S. Cyprianum satis ostendisse ab se Romano Pontifici supremam potestatem, & infallibilitatis prærogativam abjudicatam ivisse. Siquidem S. Stephano anteposit Conciliorum Carthagenensium auctoritatem, nam in tribus Carthagine habitis Conciliis, an. scilicet 254, & 255, de quibus legendi, S. Cyprianus epist. 71. ad Quintum, & 73. ad Jubajanum; Baronius ad an. 258; Labbeus, & Harduinus tom. 1. Concil., Pearsonius in Annal. Cyprian., & Pagius ad annum 255, & seq., baptizandos iterum baptizatos jam ab hæreticis decretum fuerat: quinimo S. Stephanum errasse manifeste asserit S. Cyprianus in epist. cit. ad Pompejum, ad Quintum, ad Jubajanum, & ad Stephanum. 3. S. Cyprianum eam controversiam in numero habuisse quæstionum, quæ de fide fiunt, patet ex præfatis epistolis, in quibus opinionem suam probat ex S. Scriptura: ab ea opinione fidei originem incipere: eam imo esse asserit catholicæ Ecclesiæ veritatem, traditionem divinam, atque a Deo revelatam: unde si secundum ipsum Stephanus erravit, Pontificem errare in fide posse, atque de fidei dogmatibus periclitari indubie S. Cyprianus docuit, & credidit. Ita efferunt Launojus, Basnagius, Dupinus locis supra cit. 3. Fleurius hist. Eccles. tom. 2. lib. 7; Tillemontius monum. Eccles. tom. 4. art. 49; Lombertus in præfat. ad oper. S. Cypriani gallice edita; P. Gervasius in vita S. Cypriani gallice adornata sine auctoris nomine lib. 5; Bailletus in vitis SS. tom. 3. ad 16. Septembr.; Felix Deschamps in epist. de Summo Pontifice ad Martinum Steyaert; Jacobus Gilbert in tract. de Sedis Apostol. Primatu quæst. 5; & Bossuetius defens. declar. par. 2. lib. 14. cap. 5. S. Cypriano longe magis complaudentes, quam S. Stephano, in quem imo potius insolescentes, in illum valgitè indulgentiores, quam par sit, se præbentes. Eos tamen pudere saltem debuerat in hoc argumenti genere, quod perspicacissimos alioquin ipsorum Pri-

Primpilos Richerium , Gersonium , Alliacensem , Majorem , Almainum effugerat , illorum vestigiis instituisse , atque relegisse exempla , quos duces sibi prævisse non ignorare poterant , Lutherum , dico , in disput. cum Echio ; Magdeburgenses centur. 3. cap. 7 ; Calvinum lib. 4. instit. cap. 7 ; Marcum Antonium de Dominis lib. 4. de republ. Eccles. cap. 8 ; Casaubonum exercit. 15. in Baronium ; Josephum Henricum Ottium in exam. perpet. Annal. Baronii ad an. 258 ; Herbertum Thorndicium in exercit. de potest. Eccles. cap. 22 ; Blondellum de Primatu Pontif. cap. 25. sect. 6 , & cap. 26 sect. 3 ; Pearsonium in annal. Cyprian. ad an. 256 ; Johannem Forbesium instruct. Theolog. lib. 16. cap. 7 ; Fridericum Spanhemium hist. Eccles. III. sæcul. cap. 6 ; & Basnagium histor. Eccles. Gall. tom. 1. lib. 4. cap. 3^b qui omnes ad profligandam Rom. Pontificis potestatem , & infallibilitatem S. Cypriani agendi rationem in causa baptismatis hæreticorum ad ravim usque obtrudunt , & objectant .

Ego adversæ viæ inhærendum duco , rectæque ostensæ a D. Chirono Doctore Parisiensi in disert. gallice adornata de controversia Stephanum inter , & Cyprianum ; Thomassino disert. 2. in Concil ; Schelestratio Antiq. illust. par. 2. dissert. 1. art. 2 ; Pagio tom. 1. Crit. Baronii ad an. 256 ; Petittidierio tract. de infallib. Pontif. cap. 6 ; Petro Coutantio tom. 1. epist. Rom. Pontif. ; Antonio Charlasio lib. 10. de libert. Eccles. Gallic. cap. 15 ; Auctore Anonymo observat. theolog. hist. crit. in hist. Eccles. D. Fleurii lib. 7 ; Altero auctore tract. gallici de obedientia debita constit. Sedis Apost. ; Auctore item operis , cui titulus : *Theorie, e pratique des Sacrements* tract. de baptif. cap. 4 ; aliisque infra allegandis , qui hinc vestigia relegentes Auctoris tractatus , cui isthæc epigraphe : *Non debere denuo baptizari , qui semel in nomine Christi sint tincti* , S. Cypriani operibus adjuncti , atque S. Cypriano cœvi ; S. Dionysii Alex. apud Eusebium lib. 7. cap. 5 ; Eusebii ibidem ; S. Hieronymi in dialogo adv. Lucifer. ; S. Augustini locis infra citandis ; Vincentii Lirinensis Commonit. cap. 9 ; Facundi Hermianensis pro defens. trium Capitul. lib. 10. cap. 3 ; V. Bedæ in lib. aliquot quæst. ; Nicephori Callixti lib. 6. hist. Eccles. cap. 7 ; Georgii Syncelli apud Anastasium ad

ad an. 246, aliorumque, a quibus S. Stephano hac in causa tantum abest, ut negotium ullum fuerit facessum, ut potius ipsius agendi ratio præconiis celebrata sit, S. Stephanum omni ex parte vindicarunt: illinc vero semiræ insistentes tritæ a SS. Augustino, Hieronymo, &c. S. Cyprianum etiam ab errore excusarunt; ab eodem alioqui Romani Pontificis auctoritatem ap-primè excultam, & assertam adfirmarunt; & tandem resipuisse, erroremque revocasse conjecerunt. Quod a nobis jam præstandum est, atque ita adversariorum objectis occurrendum. Et quidem, ut heic hoc dicam, S. Augustinus præ aliis postquam S. Stephano causam adjudicasset, illique a S. Cypriano morem gerendum fuisse sæpissime affirmasset, torus postea fuit in excusando S. Cypriano, ad id variis excogitatis modis. Nam modo dubitari posse ait, an Cyprianus rebaptizandos hæreticos revera senserit, adductisque aliorum testimoniis id dubitationis ut confirmaret, sategit: ita lib. 2. de baptismo capp. 31, 33, 35, & 38; lib. 4. cap. 17; lib. 1. contra Crescon. cap. 32, epist. 108. ad Macrobiū, & epist. 93. ad Vincentium Rogatist. cap. 10. Modo contendit ipsum, si ita sensit, errorem correxisse: ita lib. 2. de baptis. capp. 4, & 5; lib. 2. contra Crescon. cap. ult. & epist. cit. ad Rogatist. Modo tradit S. Cyprianum errorem suum charitate operuisse, & passione expiasse: ita lib. 1. de baptismo cap. 18; lib. de unico baptis. contra Petilian. cap. 13; & epist. cit. ad Rogatist. Illud interea affirmat S. Augustinus, quod si Cyprianus ita sensit, ita scripsit, (uti sensisse verisimilius sensit, & scripsit S. Augustinus mox allegandus,) non modo reprehendendum esse, quod minus temperanter in Stephanum scripserit, sed quod Stephano contrarium senserit. Ita in cit. epist. ad Vincent. Rogatist.; epist. cit. ad Macrobiū; lib. 1. de baptis. cap. 18; lib. de unico baptis. contra Petil. cap. 13; lib. 3. de baptis. cap. 193 & lib. 2. contra Gaudentium cap. 8. Sed de hoc fusius mox: nunc objectis adversariorum occurrendum est.

Raymundus Missorius Ord. Min. Convent. elegans, & eruditus scriptor disert. elucubrata S. Cypriano errorem de rebaptizandis hæreticis suppositum fuisse, eidemque pariter epistolam ad Pompejum, ad Quintum, ad Jubajanum, & ad Stephanum, quibus

bus cum errore tuetur , inscriptas falso fuisse plurimis propugnat , id ipsum de Firmiliano affirmans ; cujus inventum si veritati innixum est , ideo si vera Missorii est sententia , ecce tibi uno ictu concisum nodum . Verumtamen viris omnibus eruditis vera Missorii sententia non videtur . Nam quod ad Firmilianum spectat ipsum eo in errore versatum liquet 1. ex ipsius epistola inter Cyprianicas 75 , quæ etsi in editione Manutii desideretur , extat tamen in editionibus Pamelii , qui eam descripsit ex 6. Codicibus Anglicano , Assiginenfi , Blandino , Marchiano , Dumenfi , & Cauchiano ; Morelli , & Rigaltii , qui eamdem contulit cum laudatis codicibus , & codice Regio ; Baluzii , & Johannis Felli Oxoniensis , qui eam reperit in 7. antiquissimis Mss. ; & Maurini Monachi , a quo eadem cum 10. codicibus collata est : unde non erat cur cum Missorio de ea graviter etiam dubitaret Ludovicus du Mesnil doctrinæ , & disciplinæ Eccl. lib. 7. n. 46. levibus admodum iis ductus momentis : quod illam ignoraverit S. Augustinus : quod primus ediderit Morellus Calvinista : quod stylum , græcamque dictionem non redolet . Nam græce fuerat exarata , ideoque facile S. Augustinum præterivit : a S. Cypriano latine reddita fertur , (etsi verisimilius ab altero , Latino tamen , fuerit) , ideoque a græca ad latinam elocutionem facile potuit transferri : Morelli demum bonam fidem liberant ab invidia , quacumque præmemorati ingenti numero , optimæque notæ codices , ex quibus descripta est . Liquet 2. ex SS. Dionysio Alexandrino apud Eusebium lib. 7. cap. 5 , & Basilio in epist. 1. canon. ad Amphilocho , qui Firmilianum hæreticos rebaptizandos affirmasse verbis apertissimis referunt . Quod vero attinet ad S. Cyprianum , ipsum pro anabaptismo pugnasse liquet 1. ex ipsius epistolis , quibus nihil non agit , ut errorem hunc in tuto collocaret , quas genuinas esse patet ex S. Augustino , qui ejusdem epistolas ad Quintum de baptis. lib. 2. cap. 1 ; ad Jubajanum lib. 2. cap. 11 , & lib. 3. capp. 2 , 4 , & 11 ; ad Pompejum lib. 3. cap. 23 ; ad Stephanum , quæ periit , ad Magnum , ad Numidas ; & quas supra ad Jubajanum , ad Quintum , ad Pompejum lib. 6. capp. 7 , & 15. commemorat . Liquet 2. ex testimoniis Eusebii loc. cit. , S. Basilii epistola laudata ad Amphilocho ; S. Hieronymi in dialogo

logo adv. Lucifer; S. Augustini locis mox allegatis; Facundi Her-
mian. lib. 10. de tribus Capit.; Vincentii Lirin. Commonit. cap. 9;
Nicephori Callixti lib. 6. cap. 7; Georgii Syncelli apud Anasta-
sium; ejusdemque Anastasii ad an. 246, qui S. Cyprianum eo in er-
rore hæsisse affirmant. Etsi vero S. Augustinus dixit aliquando
non deesse, qui S. Cypriano hunc errorem non insedissee conten-
derent, sed sub ejus nomine a mendacibus, & audacibus fuisse
confictum, id potius ex aliorum opinione dixit, quin etiam, ut
contra Donatistas id omne proferret in aciem, quo eorum præ-
sumptio retundi posset; ipsum alioqui S. Cypriano nec epistolas
illas fuisse suppositas, neque errorem illum eidem falso imposi-
tum agnovisse, & affirmasse verisimilius sit ex locis supra laudatis,
tum quoque ex aliis locis, de quibus paullo superius, ubi de
aliis agit viis, modisque excusandi S. Cyprianum. Miseriorii, in
cujus sententia versatus est etiam Tourneminius, momenta, qui-
bus conjecturas suas fulciri conatus est, diluit doctiss. Berti de
Theolog. discipl. lib. 31. cap. 13.

Gerardus Vossius disput. 19. de baptismo in ea opinione ver-
fatur, Concilii Carthaginensis anno 215. juxta Harduinum, vel
217. juxta Baronium sub Agrippino celebrati decreto de rebaptis-
mo, illorum dumtaxat hæreticorum baptismum rejectum fuisse, a
quibus forma baptismi adulterabatur, quales juxta ipsum erant
Hermogeniani, Praxeani, Cataphryges, Quintilianistæ, alique
similis furfuris homines. Verumtamen toto ostio a veritate aberrat
Vossius: nam S. Cyprianus, quem Agrippini decessoris sui, ac
Synodi illius sententiam non esse assecutum nemo dicet, om-
nium indistincte hæreticorum baptismum rejiciendum, ac reite-
randum contendit. S. Stephanus, cui testibus SS. Hieronymo,
Augustino, Vincentio Lirin., aliisque potior pars Ecclesiæ, &
paullo post Ecclesia omnis consensus, Agrippini, & Cypriani er-
rorem proscripsit: intellexerat profecto itaque propugnari ab il-
lis hæreticorum omnium anabaptismum. Quorsum enim prohi-
buisset iterari baptismum, cujus forma violata fuisset? Conci-
lium denique Nicænum Paulianistas dumtaxat rebaptizandos de-
crevit. Quorsum igitur Vossius comminiscitur Hermogenianos,
Praxeanos, Cataphrygas, & Quintilianistas, quasi ab istis quoque
ba-

baptismi forma depravaretur? His itaque dimissis, ut parum, vel nihil veritati accomodis, responsiones aliæ sunt adhibendæ. Quocirca.

¶ ad primum 1. S. Stephanum nequaquam in errorem Cyprianico oppositum prolapsum fuisse, quasi promiscue hæreticorum omnium probavit baptismum; quandoquidem baptismum dumtaxat approbavit, ideoque repetendum prohibuit, qui consecratus esset evangelicis verbis, idest in nomine Trinitatis collatus. Hoc tam verum est, quam maxime. 1. Siquidem S. Stephanus, ut decretum illud supra laudatum legenti liquet, id unum volebat, uti innovaretur nihil, sed antiqua facta, & testæ servaretur traditio; sicuti testantur Cyprianus ipse cit. epist. 74. ad Pompejum, Eusebius lib. 7. cap. 3; S. Hieronymus in dialogo adv. Lucifer., & Vincentius Lirin. Commonit. cap. 9. At traditio erat, ut baptismus quidem in nomine Trinitatis collatus etiam ab hæreticis ratus haberetur; baptismus vero, in quo ea forma a Christo D. præscripta vitiata fuisset, omnino nihil valeret, adeoque iteraretur, uti testantur Eusebius lib. 7. cap. 2; Firmilianus ipse in epist. 75. inter Cyprian. affirmans hanc traditionem observatam fuisse ab Afris ante decretum Agrippini; S. Augustinus lib. 3. de baptis. contra Donat. cap. 2, & lib. 5. cap. 23; S. Innocentius I. epist. 22. ad Episcopos Maced. cap. 4; S. Leo I. epist. 129. ad Nicetam Episcopum; & S. Gregorius M. lib. 11. epist. 67. ad Quiricum.

2. Siquidem Stephani rescriptum neque Firmilianus, neque S. Cyprianus ita interpretati sunt, quasi jussu ratum haberi baptismum hæreticorum quocumque modo collatum; sed solummodo quod noluerit inquiri a quo, sed cujus nomine, auctoritate, quibusque verbis collatum esset: uno verbo S. Stephanum inter, & Firmilianum, Cyprianumque lis non fuerat de forma baptismatis, sed de fide baptizantium, ut liquido adparet ex epist. 75. Firmiliani, & 74. S. Cypriani ad Pompejum.

3. Siquidem Stephanum ita esse intelligendum, quod baptismus, quamvis ab hæreticis ministratus, modo sub forma a Christo D. instituta fuerit ministratus, validus esset; non etiam baptismus, in quo fuisset ea forma vitiata, testantur S. Augustinus lib. 2. de baptismo contra Donat. cap. 7, & lib. 5. cap. 23; S. Hieronymus in

Pars I. M m dia-

dialogo adv. Lucifer. ; Eusebius lib. 7. cap. 20 ; Facundus Her-
 mian. in lib. contra Mocianum ; & Vincentius Lirin. Commonit.
 cap. 9. 4. Siquidem si SS. Stephanus , & Cyprianus in oppositos
 plane errores lapsi fuissent , fateri oporteret , (quod argumen-
 tum insinuavit S. Augustinus lib. 7. de baptis. cap. 2.) , Ecclesiam
 universam in fide errasse , quippe quotquot erant Episcopi , &
 Ecclesiæ , vel Stephano , vel Cypriano adhærebant ; utroque igi-
 tur pariter errante , quamvis errore diverso , consequens est in
 errorem , quamvis disparem , Ecclesiam universam adductam fuisse
 ; quod quis dicat ? Quis quoque patienter ferat , & patienti au-
 re excipiat Launojum in epist. 15. lib. 8. ad Bevilanquam scribentem
 Nicænam Synodum can. 19 , quo solos Paulianistas , seu Pauli
 Samosateni discipulos baptismi formulam depravantes iterum
 baptizandos decrevit , non Stephani , sed Cypriani sententiam
 amplexatam fuisse , atque approbasse ? Apage falsum , atque sal-
 lentem hominem ! Itaque illa rescripti verba : *A quacumque hæ-
 resi venientem* coarctantur a verbis illis e vestigio subjunctis : *Ni-
 bil innovetur , nisi quod traditum est* , ita ut intelligenda sint juxta
 interpretationem mox exhibitam . Ad hæc S. Augustinus lib. 6.
 de baptis. cap. 25. facilius inveniri hæreticos , qui omnino non
 baptizent , quam qui verbis evangelicis non baptizent , animad-
 vertit ; unde a Concilio Nicæno solos Paulianistas rebaptizandos
 esse statutum est ; iccirco itaque S. Stephanus in rescripto verba
 generalia *a quacumque hæresi venientem* usurpavit .

R. 2. S. Stephani rectam adhuc assequi sententiam certo cer-
 tiori alia conjectura . Anonymus , cujus opusculum Rigaltius in
 suis observat. ad S. Cyprianum inter S. Cypriani opera edidit , cu-
 jus meminit Gennadius de script. Eccles. cap. 27 , quemque no-
 mine Ursinum appellatum cum Gennadio , & Honorio Augustod.
 censent ex fide Ms. codicis Vaticani Sirmondus , & Pagius ,
 etiamnum suppetit, ex quo utique ejusmodi conjecturam conficio.
 Ursinum hunc in annum 440. alii rejiciunt , alii ad exitum sæcu-
 li IV. Caveus, aliique Ursinum quidem scriptorem an. 440. agno-
 scunt , ab eo tamen præfatum opusculum abjudicant , quod po-
 tius Anonymo S. Cypriano suppari attribuunt . Stat igitur au-
 thoris opus , etsi nonnihil nomen , & tempus nutet . Ursinus hic
 apud

apud Gennadium Monachus dicitur ; vix autem S. Cypriani ævo Monachi audiebant : at vero nuperi operum S. Hieronymi editores ex codice Ms. Cisterciensi , & Mansius in supplem. Concilior. ex Ms. codice Lucensi sæculi VIII. scripto pro Ursino Monacho legunt *Ursinus homo Romanus* . Stat igitur Ursino auctoritas . Hisce præhabitis jam ex Auctore isto , sive Ursinus sit , sive alius , inquirenda S. Stephani sententia . Opusculi hujusce ab Ursino scripti argumentum hoc profert Gennadius : *Scriptis adversus eos , qui rebaptizandos hæreticos decernunt , docens nec legitimum esse , nec Deo dignum rebaptizari illos , qui in nomine Christi , vel in nomine Patris , & Filii , & Spiritus sancti , quamvis pravo sensu , baptizantur , sed post Trinitatis , & Christi confessionem sufficere ad salutem manus impositionem catholici Sacerdotis* . En qualem hæreticorum baptismum admittit Ursinus , non qualemcumque , sed tantummodo in Christi , vel Trinitatis nomine collatum . Itaque si Ursinus homo Romanus , qui ætate S. Stephani , aut non longe a Stephani ætate Romæ egit , ac pro Stephano calamus exeruit , ita de baptismo ab hæreticis collato credidit ; conjicere est certe non aliam S. Stephano infedisæ sententiam . Quod ad Benedictum XII attinet , is dum responsiones illas dedit ad Fraticellorum objecta , Stephanum , & Cyprianum lapsos existimans in errores omnino contrarios , atque an- borum opinionem a Nicæno Concilio correctam asserens , adhuc Cardinalis erat , eas enim adornavit an. 1330 ; unde apud Bzovium ad cit. annum nomen præferunt non Benedicti Papæ , sed Jacobi Fornerii Cardinalis , eaque de re pondus ullum non obtinent ad infirmandam , quam de S. Stephani fide gerimus , atque defendimus sententiam . Neque enim Stephani sententiam correxerat , sed imo eidem consensit , eamque calculo suo comprobavit Nicænum Concilium , uti sapienter observavit Franciscus Pegna comment. in par. 2. direct. Inquisit. q. 17. Postremo non moror objectum ex Concilio III. Carthaginensi ; cujus decreta abolita , & abrogata fuerunt a S. Stephano non modo , sed etiam a Concilio plenario apud S. Augustinum lib. 1. de baptismo contra Donat. capp. 7 , & 18 ; lib. 2. capp. 3 , & 4 ; & lib. 4. cap. 5. Quod quidem Concilium plenarium a S. Augustino laudatum quodnam , qualeque fuerit lis est

inter Theologos: contententibus hinc illud esse Arelatenſe I. anno 314. celebratum, Petro de Marca, Sirmondo, Albaſpinæo, Launojo, & Monachis Maurinis; illinc illud eſſe Nicænum I. anno 325. habitum Balduino, Nicolajo, Natali, Noriſio, Lupo, Boſſuetio, Bertio, Sandino, aliisque, qua de quæſtione late diſputant Merbeſius, Habert, Juveninus, Le Droin, Berti de Theolog. diſcipl. lib. 31. cap. 13, & Sandinus in diſput. hiſtor. ad vitas Pontif. diſput. 8. Nam ab utroque Concilio Arelatenſi ſcilicet can. 8, & Nicæno can. 19. Firmiliani, & Aſianorum, Cypriani, & Afrorum error de anabaptiſmo damnatus eſt, ideoque utrumque Concilium forte a S. Auguſtino fuit indigitatum.

¶ ad 2. 1. S. Cyprianum toto oſtio abſuiſſe ab ea, quam illi Pontificiæ inſallibilitatis, & poteſtatis oſores appingunt, præpoſtera opinione, qua Romanum Pontificem reputarit Urbis Romæ dumtaxat Epiſcopum, nulla præterea extra Romanum agrum præditum auctoritate, & æque ac quemlibet alium fidei amittendæ periculo obnoxium, quinimo de fide periclitatum reapſe fuiſſe, quemadmodum præ aliis jaſtant ex Proteſtantibus Voſſius, Felſus, & Goullartius. Enim vèro 1. paullo ſuperius ex epiſt. 44, & 45. ad S. Cornelium; epiſt. 52. ad Antonianum; epiſt. 55. ad eundem Cornelium; epiſt. 67. ad S. Stephanum; epiſt. 68. ad Clerum, plebemque Hiſpaniarum; epiſt. 72. ad eundem Stephanum; epiſt. 76. ad Magnum; & lib. de unit. Eccleſiæ exploratiſſimum fecimus non aliam S. Cypriani animo inſediſſe ſententiam, quam quæ a Romano Pontifice omne prorsus in fide errandi periculum amovet, eidemque in Eccleſia primas partes attribuit. 2. Ad hæc in epiſt. 69. ad Pupianum exinde hæreſes, & ſchiſmata oriri ſcribit, dum Epiſcopus, qui unus eſt, & Eccleſiæ præeſt, ſuperba quorundam præſumptione contemnitur: ubi de Romano utique Pontifice loquitur. In epiſt. 70. ad Januarium, *Una, inquit, eſt Eccleſia a Chriſto Domino ſupra Petrum origine unitatis, & ratione fundata*. In epiſt. 71. ad Quintum: *Nec Petrus, ait, quem primum (ſeu ut eſſet primus) Dominus elegit, & ſuper quem ædificavit Eccleſiam ſuam, quum ſecum Paulus de circumciſione poſtmodum diſceptaret, vindicavit ſibi aliquid inſolenter, aut arroganter aſſumpſit, ut diceret ſe Primatum tenere,* & ob-

tem-

temperari a novellis, & posteris sibi potius oportere. In epist. 73. ad Jubajanum Ecclesiam supra Petrum ædificatam repetit, atque in Petro unitatis originem repostam. In epist. 74. ad Pompejum scribit Stephanum in rebaptizantes anathematis minas intentasse, neque tamen potestatis fines prætergressum illum indicat. Lib. de bono patient. supra Petrum Ecclesiam a Christo ædificatam reficit. 3. Firmilianus quoque in epist. 75. ad Cyprianum, qua in S. Stephanum tam audacter excanduit, & tam acerba evomuit, scribit tamen Ecclesiam supra Petram, idest supra Petrum fuisse fundatam, S. Petro Stephanum successisse, in ejusdemque Sede sedere. Ex his ergo palam fit Firmilianum, multoque magis S. Cyprianum, non modo quando pacato animo fuit, ut notarunt Orsius de auctorit. Rom. Pont. cap. 3; & Charlasius lib. 10. de libert. Eccles. Gall. cap. 10; quin etiam quum erga Stephanum magis ferveret, neque a priori de summa Apostolicæ Sedis potestate decessisse sententia, neque fateri eandem erroris circa fidem expertem defuisse. 4. SS. Augustinus, & Pacianus auctores sunt a S. Cypriano nunquam ob doctrinæ suæ defensionem unitatem desertam, nec vinculum communionis cum Stephano abruptum. Quod indicium clarum est jugiter a S. Cypriano habitam ceu supremam Stephani auctoritatem: ideoque S. Cypriani exemplo Donatistas exagitavit S. Doctor lib. 1. de baptis. cap. 18; lib. 2. cap. 5; lib. 3. cap. 19; lib. 4. cap. 8, aliisque in locis. Re quoque, & opere S. Cyprianum cum Apostolica Sede unitatem servasse, quæ sane absque obedientia servari non potuisset, fit planum ex ipsius epistola ad Succesum; atque ex Pontio referente ipsius litterarum commercium cum S. Sixto II. Stephani successore. Alteram vero causam inobedientiæ S. Cypriani adfert. S. Augustinus; tum quod existimaret S. Cyprianus quæstionem illam tunc temporis implicatissimam ad meram disciplinam spectare; de quo infra: tum quod nondum satis sciens distinguere inter usum, & effectum baptismi existimavit a Stephano tradi veram apud hæreticos extare remissionem peccatorum, & salutis consecutionem extra veram Ecclesiam. Ita testatur S. Augustinus initio lib. 6. de baptis. Ita tamen existimans non existimavit Stephanum, saltem in Ecclesiæ Doctorem, a fide defecisse, sicuti statim demonstro.

R. ad

R. ad 2.2. S. Cyprianum probe novisse, quam Stephanus vindicabat consuetudinem, universalis Ecclesiæ utique consuetudinem extitisse. Quamobrem si dicatur, quod S. Cyprianus S. Stephanum illam de hæreticis non rebaptizandis consuetudinem asserentem in fide errasse judicavit, ut volunt adversarii, dicendus est pariter S. Cyprianus, quod judicaverit Ecclesiam universam in fide errasse: unde S. Cypriani exemplum ad inficiandam Romani Pontificis inerrantiam, quam inerrantiam Ecclesiæ universæ, non magis urget. Enim vero S. Cyprianum certe agnovisse a Stephano asseveratam traditionem, traditionem extitisse universæ Ecclesiæ 1. ultro citroque affirmant post S. Augustinum paullo infra promendum, Perronius in respons. ad Regem Angliæ pag. 839; Coutantius, Isambertus, Marandus, Fralsenus locis infra cit.; Duhamelius disert. 3. de tradit. cap. 2; Tillemontius, Natalis, L'Erminier, Juveninus, Tournellius paullo post laudandi; ipsi quoque Fleurius hist. Eccles. lib. 7. cap. 26; Bosuetius par. 2. lib. 14. cap. 7; Ceillierius hist. gener. sacr. auct. tom. 3; Thuillier in epist. 2. ad quemdam ex suis confratribus contra appellationem a Constit. *Unigenitus*, aliique infra allegandi, ex eo scilicet id evincentes; tum quod S. Cyprianus suam opinionem de rebaptismo non antiquiorem fuisse Agrippino ejus decessore, a quo ortum duxerat, apprime agnoverit; ideoque eam dumtaxat tanquam ad disciplinam, quæ pro Ecclesiarum diversitate, fide sacra, & integra, diversa esse posset, spectantem consideraverit; quo de argumento resp. seq. agemus: tum quod S. Cyprianus traditioni, & consuetudini sibi a Stephano objectatæ nihil aliud opposuit unquam, nisi rationem, & veritatem, quam consuetudini præponendam perpetuus oggerit. *Frustra*, inquit in epist. ad Jubajanum, *quidam, qui ratione vincuntur, consuetudinem nobis opponunt, quasi consuetudo major sit veritate. . . . Non tamen quia aliquando erratum est, ideo semper errandum.* In epist. ad Quintum: *Non est autem, ait, de consuetudine præscribendum, sed ratione vincendum.* Et in epist. ad Pompejum: *Consuetudo, scribit, sine veritate vetustas erroris est.*

Neque dicas S. Doctorem loquutum de consuetudine solius Romanæ Ecclesiæ, non etiam universalis. Nam principio non ipsi

ipſi ſola Romanæ Eccleſiæ conſuetudo obſectabatur: & ſi loquutus fuiſſet de ſola Eccleſiæ Romanæ conſuetudine, non ipſi ſolam opoſuiſſet veritatem, ſed aliarum quoque Eccleſiarum conſuetudinem: Cur, appoſite inquit S. Auguſtinus lib. 3. de baptiſ. cap. 12, *tot Cypriani Collegæ in Concilio dixerunt rationem, & veritatem conſuetudini præponendam, ac non potius dixerunt eos, qui aliud facere vellent, & contra veritatem, & contra conſuetudinem facere?* Præterea probe noverat S. Cyprianus non modo ſibi adverſari Eccleſiæ Romanæ, ſed etiam Africanæ conſuetudinem: quippe Africanæ Eccleſiæ conſuetudinem non baptizandi hæreticos ſe dereliſſiſſe gloriabantur S. Cyprianus, aliique Afri Epifcopi, teſte Firmiliano in epiſt. ad S. Cyprianum, *Vos, inquit, dicere Afri poteſtis cognita veritate errorem conſuetudinis dereliſſiſſe.* Enim vero etſi ab Agrippino novitia rebaptizandi hæreticos opinio inveſta fuiſſet, eam tamen non in omnem Africam invaluiſſe, ſed ejuſdem Cypriani tempeſtate ex Africanis Eccleſiis aliquas fuiſſe, qui nupera reſecta veteri conſuetudini inhærerent etiam tunc, & num arguit recte S. Auguſtinus lib. 3. de baptiſ. cap. 12, ex eo quod ea de re, ut ſcilicet veteri exploſa novam induceret, a S. Cypriano tria facta fuerunt Concilia: ex eo, quod Jubajany ad eam conſuetudinem derelinquendam exemplo Agrippini adducere conatus S. Cyprianus ſit: ex eo quin imo, quod cap. 2. affirmat plures ex Epifcopis, qui cum Agrippino priſtinam non re-baptizandi mutaverant conſuetudinem, poſtliminio ad eamdem rediſſe. Quamobrem dignus, qui vapulet multis P. Gervafius eſt, dum lib. 5. vitæ S. Cypriani id auſus eſt, ut S. Auguſtinum tanquam deceptum, & ignarum traduceret, quod ſcripſerit conſuetudinem in Africa etiam tempore Agrippinum, & Cyprianum intermedio rebaptizationi contrariam viguiſſe: quod nempe ignoraverit numerum Epifcoporum Orientalium, & Africanorum, ut quos 70. tantum numeret, quum tamen vel in uno Concilio 87. enumerati ſint, qui in S. Cypriani ſententiam concederent. Id, inquam, temere valde auſus eſt P. Gervafius: quandoquidem S. Auguſtinus lib. 3. contra Creſcon. cap. 3. ex Orientalibus 50, ex Afriſ 70, & aliquanto etiam plures recensuit; & lib. 1. de baptiſ. cap. 18. Afros 80. ferme adnumeravit, qui in S. Cypriani opi-

nionem abierint . Verum & Aristarchus hic insolens loc. cit. singulas illorum 87. Episcoporum sententias referri , & expendi a S. Augustino lib. 6 , & 7. de baptif. affirmat . Quomodo ergo la-
tuit S. Augustinum huic Cyprianico Concilio 87. Episcopos Afri-
canos interfuisse ? Profecto id est calumniæ addere , contra se
met pugnare , atque digladiari andabatarum more , antilogiis ita
agere , uti Gervasius agit .

Quid quod 2. S. Cypriano apprime compertum adversari
sibi Ecclesiæ universæ consuetudinem scripsit sæpius , asseveran-
terque S. Augustinus , qui , si quis alius , hoc in argumento no-
stram omnem demeretur fidem ? Ita sane indubia res est : siqui-
dem lib. 2. de baptif. cap. 8 , *Noluit* , inquit , (S. Cyprianus) *ve-*
raci consuetudini cedere . . . sed . . . ubique intuens universalem ,
robustamque consuetudinem &c. lib. 3. cap. 12 , & lib. 4. cap. 6. horum
similia habet . Ita lib. 6. cap. 35 , *Si consuetudo erat* , ait , *ut he-*
retici venientes ad Ecclesiam cum baptismo , quem habebant , re-
ciperentur , cur Orbem terrarum , quia sic recipiuntur , accusant ?
Scilicet Episcopi Concilii III. Carthagenensis . Ita lib. 7. cap. 2 ;
Apparet , inquit , *si hæretici non habent baptismum , Ecclesiam*
Christi temporum illorum prævaricatoribus fuisse plenam , qui eis
suffragantes sic recipiebant : & cap. 25. Falem , subdit , *fuisse*
Ecclesiæ consuetudinem (hæreticos scilicet denuo non baptizandi)
ipsi , qui hoc Concilium (Carthagenense III.) faciunt , *sæpe com-*
memorant . S. Augustino concinit Auctor S. Cypriano proximus de
quo paullo supra , in tract. , qui incipit : *Non debere temere de-*
novo baptizari , qui semel in nomine Christi (idest virtute , aucto-
ritate Christi , aut verbis institutis a Christo D.) *sint tincti* , qui
tractatus operibus S. Cypriani adjunctus legitur , ut superius innui ;
is enim Auctor S. Cyprianum , Afrosque ejusdem sententiæ adsti-
pulos redarguit iccirco , quod nollent venerabili Ecclesiarum
omnium consuetudine esse contenti . Accedit V. Beda , qui in
lib. aliquot quæst. a S. Cypriano contra praxim Ecclesiæ universæ
opinionem suam statutam , firmatamque fuisse scribit . Igitur si
S. Cyprianum producant adversarii , ceu Romani Pontificis infal-
libilitati adversum , eundem ut hostem quoque infallibilitatis
Ecclesiæ universæ statuunt necesse est . Consule , qui late æque , ac
per-

perpolite hocce argumentum prosequitur, Doctissimum Soardum tom. 3. egregii sui operis de doctr. Eccles. Gall. At, repouunt adversarii, si hæc ita se habent, cur S. Stephano adeo, atque tandiu adversatus est, nisi rei fidei a Stephano haud leve inlatum vulnus existimaret? Sequenti responsione satisfacio.

R. ad 3. 1. S. Cyprianum, ejusque Collegas agitatum tunc temporis de rebaptizandis hæreticis quæstionem non quidem ad fidei decreta retulisse, sed ad puræ, putæque disciplinæ caput revocasse. Quod quamquam negent Ludovicus Habert tom. 5; Renatus Hiacyntus Honoratus Drovin auctor operis de re sacramentaria lib. 1. q. 6. §. 4; Jacobus Bossuetius lib. 14. capp. 7, & 8, alique pauci, probatur tamen aliis longe plurimis, atque sapientia præstantissimis, quos inter Beccano; Pagio in Crit. Baronii; Thomassino dissert. 2. de Synodis; Dupino ipsi tom. 1. bibl. Eccles., & dissert. 5. de antiqua Ecclesiæ disciplina; Juvenino in comment. hist. dogm. de Sacram. q. 6. cap. 2. art. 3; Francisco Feu Doct. Parisiensi in tract. de legibus q. 7. art. 3; Natali hist. Eccles. ad sæcul. III. dissert. 12. art. 4; Claudio Sommier in hist. dogm. S. Sedis lib. 2. cap. 8; Auctori instit. Theologicar. q. 3; Auctori tractatus gallici de schismate; Auctori tract. gall. de obedientia debita constit. Sedis Apostol.; Auctori operis gallici, cui titulus: *Theorie, e pratique des Sacrements* tract. de baptis. cap. 4. § 2; Gravefonio tom. 1. hist. Eccles. colloq. 6; Petiti-diero in tract. de infallibil. Pontif. cap. 6; Petro Coutantio tom. 1. epist. Rom. Pontif.; Tournellio de sacram. q. 7. art. 2, De Reveroni Paris. Doctori dissert. de diffidio inter Stephanum, & Cyprianum cap. 1; Boucatio tract. de sacram., Serrio dissert. de Roin. Pontif. cap. 8; Oudino ipsi Pontificiæ potestatis infenso hosti, & apostatæ tom. 1. de scriptor. Eccles.; Berti de theolog. discipl. lib. 3. cap. 13; Honorato a S. Maria, sive auctori observat. theolog. hist. criticar. in histor. Eccles. D. De Fleuri lib. 7; adeo ut in Academiis, ac in Sorbonæ scholis præsertim thesibus hæc propugnari jam consueverit, videlicet a S. Cypriano, ejusque in errore Collegis hancce controversiam tanquam meræ disciplinæ caput fuisse spectatam. Ostendunt id vero ex eo, quod S. Cyprianus opinionis suæ originem, non a Christo D., nec ab Apostolis, sed

ab Agrippino prædecessore suo repetiit. Nam in epist. ad Juba-
janum, *Non nova, inquit, aut repentina res est, ut baptizandos*
consecramus eos, qui ab hæreticis ad Ecclesiam veniunt, quando mul-
ti jam anni sint, ex quo sub Agrippino convenientes in unum Epif-
copi plurimi hoc statuerint. S. Augustinus autem lib. 3. de baptis.
cap. 12. liquido affirmat S. Cyprianum rebaptizationis initium non
altius, quam ab Agrippino duxisse: ex citatis verbis S. Cypri-
ani colligit rem novam ab Agrippino facilitatam fuisse, atque sola
Agrippini, paucorumque Episcoporum eidem adsentientium auctori-
tate motum S. Cyprianum veteri Ecclesiæ consuetudini valedix-
isse. Similia scripserat lib. 2. de baptis. cap. 8. Ex quo consequi-
tur a S. Cypriano non fidei, sed meræ disciplinæ suam opinionem
reputatam fuisse, sicuti arguunt post S. Augustinum loc. cit. Isam-
bertus disput. 4. de sacram. art. 1; Fransenus de sacram. art. 3.
q. 3; Tillenontius tom. 4. monum. Eccles. art. 43; Fleurus
hist. Eccles. lib. 7. cap. 26; Bailletus de vitis SS. ad diem 16. De-
cemb.; Habert de sacram. cap. 14; Petrididierus, is est Auctor ani-
madvers. in bibl. Eccles. auctor. Dupini tom. 1; L' Herminier
in tract. de sacram.; P. Marandus in præfat. ad Baluzianam edit. ope-
rum S. Cypriani; P. Gervasius lib. 5. vitæ S. Cypriani cap. 1; Da-
næsius in prælect. de Ecclesia disp. 2. q. 1. art. 3; De la Haje in
prælect. de baptis., alique superius laudati communiter docen-
tes S. Cyprianum suæ opinionis originem ab Agrippino natum
fuisse, ac proinde habuisse, ut ad disciplinam spectantem.

Esto vero quæstio illa ad fidem trahi facile posset, S. Cy-
prianus tamen, ejusdemque Africani Collegæ spectarunt eam, ut
disciplinæ quæstionem, & tanquam disciplinæ quæstionem spe-
ctavere quoque Firmilianus, Asianique ipsi adhærentes Episcopi.
Et quidem principio de Firmiliano, atque aliis Orientalibus id
ostenditur ex ipsius epistola ad Cyprianum, ubi, *In ceteris, inquit,*
plurimis Provinciis multa pro locorum, & nominum diversitate,
variantur, nec tamen propter hoc ab Ecclesiæ catholice pace, at-
que unitate aliquando discessum est, quod nunc facere Stephanus au-
sus est rumpens adversus vos pacem, quam semper Antecessores ejus
vobiscum amore, & honore mutuo custodierunt. Idem in eadem
epistola controversiam de baptismo comparat cum aliis contro-

ver-

versus præsertim circa diem Paschæ, quæ procul dubio ad disciplinam pertinent, atque inde paullo durius in S. Stephanum scribendi occasionem captavit, quod ea de re excommunicationem comminatus esset. De S. Cypriano autem, ejusdemque collegis ostenditur 1. ex allocutione ad Episcopos habita in exordio Concilii III. Carthaginensis: *Supereſt, inquit ibi, ut de hac re ſinguli quid ſentiamus, proſeramus, neminem judicantes, aut a jure communionis aliquem, ſi diverſum ſenſerit, amoventes.* At non ita ſenſit, non dixit, non ſcripſit nedum de fidei quæſtionibus, qualis ei fuerat de Novatianorum opinione, ut in epiſt. 52. ad Antonianum, & 68. ad S. Stephanum; ſed de Eccleſiæ univerſæ diſciplina, qualis erat de aqua vino miſcenda, ut in epiſt. 63. ad Cæcilium. Non mireris heic S. Cyprianum hoc diſciplinæ caput de aqua vino miſcenda, quia agnovit Eccleſiæ univerſæ diſciplinam eſſe, defendiſſe; de rebaptizatione e contra, quamvis oppoſitam Eccleſiæ univerſæ conſuetudinem agnoverit, nihilo ſecius oppugnaffe. Nam ne illud dicam, illis ſæpe contingere, qui ſemel errore abrepti ſunt, ut ſibi met adverſentur, conſuetudini non rebaptizandi adverſari veritatem S. Doctor cenſebat: quæ ritui miſcendi vino aquam contraria non modo non erat, ſed imo conformis Chriſti D. exemplo. 2. Ex epiſt. Synodica ſuo, & Concilii Carthaginensis nomine ad Stephanum miſſa: in ea ſiquidem morem, ritumque rebaptizandi ſpectavit ceu morem, ritumque unius, vel alterius Provinciæ proprium, quem ſalvo pacis, & concordiæ vinculo, quis retinere poſſet, aut rejicere: *Hæc, ſcribit, (geſta in Concilio cit. Carthag.) ad conſcientiam tuam... pro honore communi.... pertulimus.... Caterum ſcimus quorundam, quæ ſemel imbiberint, nolle depnere.... ſed ſalvo inter collegas pacis, & concordiæ vinculo, quedam propria, quæ apud ſe ſemel ſint uſurpata, retinere, quæ in re nec nris vim cuiquam facimus, aut legem damus.* Sane non ita loquitur quis de rebus fidem ſpectantibus.

Oſtenditur 3. ex epiſt. 71. ad Quintum, qua ſuam de rebaptizandis hæreticis opinionem defendit tantummodo, ut fidei congruam, & magis pertinentem ad ſacerdotalem auctoritatem, & catholicæ Eccleſiæ unitatem, non autem uti fidei dogma: *Nam,*

inquit, *quorum* (idest Agrippini, & Africanorum ipsi cohærentium) *sententiam & religiosam, & legitimam, & salutarem; fidei, & Ecclesiæ congruentem nos etiam secuti sumus &c.* Similia scripsit in cit. epist. ad Stephanum. Sane S. Cyprianus sic etiam fidei congruentes appellavit litteras Confessorum, in quibus Lapso-
 rum pœnitentium nomina describebantur, *Ideo*, inquit in epist. 15. ad Martyres, & Confessor., *peto ut eos (Lapso-
 rum) pœnitentiam satisfactioni proximam conspiciatis, designetis nominatim libello, & sic ad nos fidei congruentes litteras dirigatis.* Ita namque fidei congruentem nuncupabat suam erga Lapso-
 rum rationem, scilicet Lapsis pacem dandi ingruente persecutione: *Nos*, inquit in epist. 57. ad S. Cornelium, *quod fidei, & charitati, & sollicitudini congruebat, quæ erant in conscientia nostra prouli-
 mus.* Sed & in eadem epist. ad Quintum morem baptizandi hære-
 ticos veluti meliorem, utilioremque ad alliciendos eosdem hære-
 ticos defendit, non tanquam catholicæ fidei dogma: *Deberet*,
 ait, *unusquisque non pro eo, quod semel imbiberat, & tenebat per-
 tinaciter, congregari, sed siquid melius, & utilius extiterit, liben-
 ter amplecti: non enim vincimur, quando offeruntur nobis meliora:*
 & in epist. ad Iubajanum: *Quum hæretici*, scribit, *cognoscunt
 baptisma nullum foris esse, nec remissam peccatorum extra Eccle-
 siam Dei posse, avidius ad nos, & promptius properant.* 4. Ex
 epist. 76. ad Magnum, qua in hac quæstione de anabaptismo cuilibet
 Episcopo liberum, & integrum esse dixit in diversam abire
 sententiam: id vero non dixisset sane de fidei dogmate: *Rescripsi*,
 inquit, *ad litteras tuas, . . & ostendi quid nos, quantum in nobis est,
 sentiamus (de hæreticorum baptismo) nemini præscribentes, quo-
 minus statuat, quod putat unusquisque Præpositus actus sui rationem
 Domino redditurus: & in epist. ad Stephanum: Qua in re*, ait,
 [de baptismo hæreticorum] *nec nos vim cuiquam facimus, aut
 legem damus, quum habeat in Ecclesiæ administratione voluntatis
 suæ arbitrium liberum unusquisque Præpositus: & in epist. ad Ju-
 bajanum, Hæc tibi*, inquit, *breviter rescripsimus, nemini præscri-
 bentes, aut præjudicantes, quominus unusquisque Episcoporum;
 quod putet, faciat habens arbitrii sui liberam potestatem.* Similia
 fatus fuerat Episcopis Concilii Carthaginensis, de quibus supra.

5. Ex epist. 74. ad Pompejum, qua aperte declarat de una Stephano inter, & ipsum agi disciplina . S. Stephano siquidem obliuienti hæreticorum exemplum , qui ad se venientes non baptizabant , reponit, ad illud malorum devolutam non esse Dei Ecclesiam , ut ab hæreticis mutuetur disciplinam ad celebranda sacramenta . Qua in re quid apertius desiderare est ?

Ad hæc S. Cyprianus, ut ex locis supra laudatis satis liquet, censuit nullum esse in terris tribunal, cui hanc quæstionem finiendi jus esset . At de rebus fidei ita ne censuisset S. Doctor ? Nonne [ne cum adversariis vitiligemus] ad minus a Concilio generali finiri causam fidei iudicasset ? Præterea S. Cyprianus , ut ex præfatis locis constat , concordiam jugiter , & communionem cum iis omnibus , qui a sua opinione abhorrebant, servavit, & servandam monuit ; at id ne egisset , si putasset eam quæstionem ad fidem pertinere ? Nimirum putasset ne cum hæreticis fovendam societatem ? Scio quid heic respondit P. Honoratus Drovín , respondit ita egisse S. Cyprianum , quia de re agebatur nondum fat eliquata . Sed contra est , quia si S. Doctor de re nondum eliquata agi sciebat, ideoque ea in re integrum cuique tenendi , quod sentiret , sinebat , certe non ita contra traditionem veterem decerneret , & contra Stephani rescripta deservisset . Quis est enim , quæso te, qui in re sibi dubia, atque in utramque partem disceptata adeo desipere velit , ut oppositum tanta animi commotione , & acerbitate oppugnet ? Post hæc S. Cyprianus non desperandum profecto duxit de illorum Infantium salute , qui cum solo baptismo ab hæreticis dato jam vita functi fuissent : *Potens*, inquit in epist. ad Iubajanum , *est Dominus eos , qui ad Ecclesiam simpliciter admissi in Ecclesia dormierunt* , [loquitur de mortuis cum solo baptismo hæreticorum] *ab Ecclesia sue muneribus non separare* . Et certe S. Augustinus S. Cyprianum ita sensisse auctor est lib. 2. de baptis. capp. 13, 14, & 15 ; lib. 5. cap. 2 ; nec non lib. 2. contra Crescon. cap. 33 . At vero ita ne sensisset , si nullum fore baptismum hæreticorum ceu fidei dogma S. Cyprianus existimasset ?

Quid quod S. Cyprianus hinc iccirco negat standum traditioni edictæ a S. Stephano , quia negabat eam traditionem esse

Do-

Dominicam, Evangelicam, aut Apostolicam; quæ si ex illis fuisset alterutra, eandem procul dubio servandam docuisset: Unde, inquit in epist. ad Pompejum, *est ista traditio? Utrum ne de Dominica, & Evangelica auctoritate descendens? An de Apostolorum mandatis, atque epistolis veniens?* Ex istis autem obiter animadvertas velim exinde omnem Protestantibus præcludi aditum ad abigendas S. Cypriani exemplo Romanæ Ecclesiæ traditiones. Eam enim sibi objectam a Stephano traditionem respuit S. Doctor, quod errore ductus censeret neque a Christo D., neque ab Apostolis dimanasse. Illinc vero noverat eam consuetudinem ab universa ferme Ecclesia fuisse receptam, ut supra ostendimus, ergo eam consuetudinem ad fidem pertinere non putabat, alioquin putasset [quod absit a tanto Doctore] a S. Stephano, & Ecclesia in fide erratum; atque Episcopis liberum esse inter se de fidei rebus dissentire, & impune digladiari. Quid amplius? S. Cypriano eo in errore absque ulla noxa, aut ego fallor, ad stipulati sunt SS. Athanasius, Basilius, Amphilochius, Epiphanius, Cyrillus Hierosol., ut censuit Thomassinus disert. 2. in Synodos: adduntur ab aliis S. Dionysius Alexandrinus, Tertullianus, & S. Optatus Milevitanus, quamquam ab aliis hac plane macula abstergantur Tertullianus, SS. Dionysius, Optatus, Athanasius, Epiphanius, & Cyrillus, quo de argumento adis laudatos superius auctores, nolo enim pelago immenso me committere. Sed neque hic locus est illorum retundere temerarium ausum, qui rebaptizantium numero ad censere veriti non sunt, qui tamen longe quam maxime eo ab errore fuerunt, ut suo loco palam fiet, SS. Innocentium I, Leonem I, Gregorium Magnum, Pelagium II, & Urbanum II, quos interea, si velis, habes vindicatos a Tournellio de Sacram. q. 7. art. 2. At vero illi, si qui fuere, (uti fuisset SS. Basilium, & Amphilochium non negaverim,) certissime, ut a Thomassino ostensum est, controversiam eandem de anabaptismo non ad fidei decreta, sed ad disciplinæ capita revocarunt.

Quod si S. Cyprianus (obiectis ita offendo) suam opinionem S. Scripturæ locis confirmasse legitur, ut in epist. 69, alias 76. ad Magnum; 70. ad Episcopos Numidiæ; 72. ad Stephanum; 73. ad Jubajanum, 74. ad Pompejum. Item suam opinionem a Deo re-

vela-

velatam asserit, ut in epist. ad Jubajanum, & Stephani traditioni opposuit *divinam dispositionem*, ut in epist. ad Pompejum : & tandem hanc quæstionem, quum ad fidem pertineat, id non potuisse illum præterire : nihil officit, quominus dictis usque modo standum sit. Nam etiam in rebus disciplinæ sæpius adferuntur S. Scripturæ loca ad easdem res suadendas, ut fidei congruas. Sic S. Basilius in epist. canon. 1. ad Amphilochem can. 32. ex S. Scriptura suadere nititur Episcopum, Presbyterum, & Diaconum ob crimen etiam depositos communionem Ecclesiasticam privari non debere. Sic S. Hieronymus in epist. ad Theophilum ex S. Scriptura enititur ostendere legitimam fuisse Pauliniani Fratris sui, etsi annorum ætatis 30, factam a S. Epiphanio Ordinationem. Sic S. Augustinus lib. de fide, & oper. cap. 26. ex S. Scriptura satagit, ut probet quædam peccata esse excommunicatione plectenda. Sic S. Leo I. epist. 91. ad Rusticum cap. 2. ex S. Scriptura docere se putat Presbyteros, & Diaconos non fore poenitentiae publicæ subjiciendos. Sic idem met S. Cyprianus ex S. Scriptura probat epist. 16. ad Presbyteros Carthag., epist. 30. ad Presbyteros Rom., epist. 33. ad Lapsos ; 34. ad Presbyteros Carthag. Lapsis concedendam pacem, & Ecclesiæ communionem : & epist. 63. ad Cæcilium vino aquam in calice esse miscendam. Sed & in laudatis locis ex S. Scriptura probare quidem enititur S. Cyprianus hæreticos esse Christi hostes, ut in epist. ad Jubajanum, & Pompejum : unam esse fidem, unumque baptisma, ut in epist. ad Pompejum, & Episcopos Numidiæ : blasphemantes in Patrem non consequi remissionem peccatorum, ut in epist. ad Jubajanum : solam Ecclesiam Deo filios gignere, ut ad Pompejum : baptismum necessarium ad salutem, ut ad Stephanum : at ex S. Scriptura directe anabaptismum non confirmat. Dum vero suam dicit a Deo revelatam sententiam, id accipiendum de impropria revelatione, qua omne id, quod cuique verius, & utilius videtur, Deo refert acceptum : nam alioqui S. Stephano objicienti traditionem, non revelationem, sed veritatem oggerit : in epist. ad Quintum eam opinionem vocat *suggestionem* a Collegis suis acceptam : atque demum lib. de bono patient., & in epist. ad Jubajanum pleraque a Deo revelata refert, quæ divinæ revelationi proprie

prie referri accepta non debent. Dispositionis autem divinæ nomine, quam traditioni Stephani opponit, non intelligit traditionem, aut revelationem divinam; sed id intelligit, quod ex divina traditione humana argumentatione, ut ait Facundus Herimian. defens. trium Capitul. lib. 10. cap. 3, sententiam suam erueret adnitebatur. Nam divina dispositio juxta S. Cyprianum ibidem ejusmodi est: Hæreticos esse Antichristos; ergo vitandos: Baptismum esse unitum; ergo baptismum hæreticorum esse nullum. Tandem jam ultro citroque factus sum quæstionem hanc ad fidem pertinere: putasse S. Cyprianum nihilominus illam pertinere ad disciplinam probavi; ideoque dicta repetere opus non est. Ad ea tamen: putavit perinde S. Cyprianus valorem baptismi hæreticorum pendere a ritu, & more Ecclesiarum, quæ illum aut validum, aut invalidum efficere possent: quippe de eo baptismo suis Collegis permisit, ut variemodè opinarentur; ideoque in Stephanum solum insurrexit, quod vellet eundem unum baptismum ab omnibus tenendum. Magno etiam inquirenti de Clinicorum baptismo respondit validum esse Clinicis collatum baptismum; attamen vult iterum illos baptizari apud eos, qui baptismum hunc validum esse inficias ibant. Demum SS. Firmilianus, & Basilius a diversarum regionum disciplina, ac Episcoporum decretis rebaptizandi necessitatem repetebant. Sed in re certissima nolo plura, congerere, præterque opus protrahere orationem.

Quæres, si quemadmodum S. Cyprianus, ita & S. Stephanus quæstionem hancce de rebaptismo ad capita disciplinæ, an potius ad fidei dogmata revocaverit? Revocasse ad primum censent nonnulli, ut Berti loco cit., existimans saltem Stephani decretum non fuisse solemne, atque ex Cathedra, ut ajunt, pronunciatum: imo etiam post Concilium Nicænum non ad fidei decreta, sed ad disciplinam quæstionem hancce pertinuisse, nec fortasse transisse in dogma fidei ante Concilium Tridentinum, a quo sess. 7. can. 11. quæstio hæc tandem finita est. Et sane nec a Nicæna Synodo hanc quæstionem tanquam de fide definitam fuisse censent Natalis, Pagi, & Boucatus locis cit.; ex eoque confirmant, quod post Synodum Nicænam anabaptismus propugnatus fuerit a S. Basilio, cumque ad disciplinam, non ad fidem spectare docuerit. A S. Stepha-

phano vero decretum editum non fuisse ex Cathedra , ex eo suadere nituntur Berti , & Scriptor de auctorit. Rom. Pontif. lib. 3. cap. 5 , quod rescripto non adjecerit in refractarios anathema , sicuti neque a Nicæna Synodo can. 19. anathema adjunctum est , neque refractarios hæresis nomine denunciaverit , neque traditionem objectatam tenendam esse tanquam catholicum dogma. Addit Scriptor mox memoratus , quod neque juxta antiquam disciplinam res in Synodo fuerit discussa : quam notam tamen jure merito explodit Doctissimus Berti . Fleurius autem lib. 7. hist. Eccles. scribit iccirco S. Stephani decretum ad fidei dogma non spectasse , quod ab Ecclesia univèrsa tanquam dogma fidei receptum nondum fuerit . At revocasse ad secundum , idest S. Stephanum quæstionem illam de baptismo ab hæreticis administrato , ut ad fidem pertinentem spectasse , ac implicite saltem decreto illo definivisse , eique Ecclesiam , (Africanis , & Asianis nonnullis exceptis ,) adquevisse propugnant alii , inter quos Tournellius , Honoratus a S. Maria &c. , quam in sententiam manibus , pedibusque descendo .

Ductus 1. argumento negativo . Si enim ea semel aperiatur via impune dicendi Pontificum , & Conciliorum decreta cætero qui de rebus fidei , spectanda tamen uti capita disciplinæ esse , eo quod anathema illis non fuerit adjectum , aut expresse declarata de fide non fuerint , aut ita non fuerint declarata in Concilio generali , aut ita declaratis Ecclesiæ univèrsæ consensus non accesserit , quid , quæso , in re christiana sacrum erit , & rectum , quod levi negotio , inanibusque distinctionculis a refractariis non elevetur , vel elidatur , aut eludatur ? 2. Ductus argumento positivo . Nam S. Stephanus rescriptum suum vocat traditionem : *Nihil innovetur* , inquit , *nisi quod traditum est* : rem ita traditam , idest haud rebaptizandos baptizatos ab hæreticis , ad fidem spectare fatentur adversarii , ac postremo definivit Concilium Tridentinum : quid ergo in causa fuit , quod S. Stephanus , & Nicæni Patres rem illam ad fidem non pertinentem spectaverint ? Quia nescierunt ? At ista calumnia , & injuria est . Quia noluerunt ? At istud commentum est , & inventum ; nec enim erat cur id simularent , ac consuetudinem , sive traditionem ab univèrsa Ecclesia receptam ,

& servatam ad fidei dogma pertinere, quominus definirent, illis esset verendum. S. Stephanus insuper anathema in refractarios comminatus fuerat, esto a ferendo abstinuerit; eaque de re ipsum Firmilianus, & Cyprianus gravissime fuerant commoti. At putas ne voluisse Pontificem prudentissimum pro re ad disciplinam spectante tantam Ecclesiæ partem, quantam constabant Asiatici, & Africani Episcopi, ab Ecclesiastica communione amovere? Si vero Stephani œconomiam sibi adhibendam rati Patres Concilii Arelatenensis l. can. 8; & Nicæni can. 19. pariter ab anathemate irrogando abstinuerunt, accirco ne tot Ecclesias Asiæ, & Africæ in discrimen adducerent, a severiori distringenda sententia temperandum sibi duxerunt. Præterea Romani Pontificis definitiones in re dogmatica edi oportere in Synodo, aut ut dogmatis robur obrineant, accedere illis Ecclesiæ universæ consensum necesse fore inficior: cur vero inficior, plurimis, aut ego fallor, planum feci, ac, si superis placet, faciam adhuc planius: nihilominus & S. Stephanus non rebaptizandos ab hæreticis baptizatos in Synodo decrevit, ut legere est apud Labbeum, Harduinum tom. 1, & Baluzium: S. Stephano (demptis Episcopis Asiaticis, a quibus in duabus Synodis Iconii, & Synnadis an. circiter 256. in Orientalem Ecclesiam anabaptismus primum invehitus est; & demptis Episcopis Africanis, a quibus in tribus Synodis an. 254, & 255, aut 256. Carthagine habitis veteri in Africana Ecclesia abrogata disciplina nupera baptizandi hæreticos inducta ab Agrippino comprobata est, qui simul, idest ex Asiaticis 50, ex Afris 87, ut ex S. Augustino lib. 3. contra Crescon. cap. 3. apertum est, numerum 137. non excessere,) S. Stephano, inquam, Ecclesiam universam adhæsisse satis, superque superius est demonstratum. Nec sane tanto Ecclesia universa consensu Romanæ Ecclesiæ ea in re cohæsisset, nisi de re fidei actum esset.

Ductus 3. gravissimo veterum testimonio, quibus controversia istiusmodi apprimè fuit comperta. Vincentius Lirinensis in Commonit. cap. 9. controversiam hanc Cyprianum inter, & Stephanum attexens, de S. Stephani decreto loquitur tanquam de dogmate fidei, non autem de aliquo dumtaxat veluti capite disciplinæ: *Tunc, inquit, Papa Stephanus... restitit, (nempe rebap-*

baptizantibus) *dignum... existimans si reliquos omnes tantum fidei devotione vinceret, quantum loci auctoritate superabat*: subinde relato rescripto Stephani adnectit: *Intelligebat enim vir sanctus, & prudens nihil aliud rationem pietatis admittere, nisi ut omnia, qua fide a Patribus suscepta forent, eadem fide filiis consignarentur*. Subindicat magis sententiam suam addens. *Quis ergo tunc universi negotii exitus? Quis utique, nisi usitatus, & solitus? Retenta est scilicet antiquitas, explosa novitas*. Quæ sane postrema verba nonnisi in fidei quæstionibus adhibere ille assolet, quippe rebus fidei dumtaxat, non etiam disciplinæ, amica est antiquitas, & novitas inimica. S. Siricius in epist. ad Himerium Tarraconensem apud Labbeum tom. 2. Concil. statuens Arianos non esse iterum baptizandos, id in Synodo constitutum [Nicæna nempe] ait, & iccirco rebaptismum non licere: & S. Gregorius lib. II. epist. 67. ad Quiricum, & refertur de Consecr. dist. 4. C. *Ab antiqua 44, Ab antiqua, inquit, Patrum institutione didicimus, ut quilibet apud hæresim in Trinitatis nomine baptizati, quum ad S. Ecclesiam redeunt, aut unctione Chrismatismatis, aut impositione manus, aut sola professione fidei ad sinum Matris Ecclesiæ revocentur*. Quibus tum S. Siricius, cum S. Gregorius, post Nicænam Synodum saltem, eam de non rebaptizandis hæreticis traditionem ad fidem spectasse dilucide significant. Quid plura! Post Concilia Arelatense, & Nicænum Donatistas ab anabaptismo non abstinentes habitos ubique ut hæreticos; eosdemque dumtaxat tenacissime errori illi inhæsisse, reliquis cum Afris, tum Asianis ad veritatis lumen reversis, & ab errore revocatis, exploratum est: indicium id est manifestum S. Stephani, & Nicænæ Synodi decretum ab Ecclesia in eorumdem, quo cetera veniunt fidei dogmata, censum fuisse jam tum relatum, deputatumque exemplo ceu illud, quod fide integra violari deinceps nequiret.

Nec nos urget S. Basilii, (nam de aliis, quibus is quoque error affictus est, disputatur, ego vero disputationis huiusce pelagum, quod sit præter institutum, ingredi nolo,) quod in epist. canon. cit. ad Amphilochoium can. 47. scripserit post Concilium Nicænum oportere haberi Concilium, ac decerni de baptismo Encraticorum, Saccophorum, & Apotactitarum, quos ipse

rebaptizabat, quamvis illorum rebaptizatio prohibita esset apud Romanos, alicujus œconomiae gratia ut ait: quibus aperte significat se non agnovisse dogma de baptismate hæreticorum a Concilio Nicæno, aut a S. Stephano diremptum, imo ab se agnitam rebaptizandi variam consuetudinem veluti disciplinæ caput, ut quam apud Romanos vetitam refert ad œconomiam. Non enim difficilis est responsio, non quidem quæ adhibita est a Tillemontio tom. 6. annot. 21. ad Concil. Nicæn. agente S. Basilium non novisse octavum Concilii Nicæni canonem; sed quam adhibuit Norisius in hist. Donatist. par. 1. cap. 10, videlicet S. Basilium existimasse canonem Nicænum de Paulianistis locutum, nihil interim statuuisse de rebaptizandis aliis hæreticis; eumque canonem non veluti ad fidei dogma, sed ad disciplinæ caput revocatum a Concilio fuisse: vel quam exhibet Tournellius loc. cit., videlicet quum canone Nicæno res aperte non definita fuerit, quippe de Paulianistis dumtaxat decretum est; atque nonnisi ex necessaria consecutione, & ratiocinii circuitu ex can. 8, & 19. inferri possit baptismata etiam ab hæreticis aliis collatum verbis a Christo institutis validum esse, ideo fieri potuisse, ut S. Basilius, (cui in Oriente versanti Concilium etiam Arelatense in Occidente celebratum nec innotuit,) quod ex illis canonibus consequens erat, non adverterit, adeoque in Ecclesia sua adinventæ consuetudini de rebaptizandis hæreticis adhæserit: vel quam supra adhibuimus, nempe quemadmodum Agrippini, & quorundam Afrorum exemplo abreptus S. Cyprianus S. Stephani sensum non est assecutus, ideoque in adversum declinavit: ita Firmiliani, aliorumque Asianorum errore abstractus S. Basilius Synodi Nicænæ intimam sententiam non attigit, sed in oppositam se distrahi a præjudicata opinione permisit; quam integro religionis officio tenere cuilibet fas esse putavit.

Nec nos movet S. Augustinus, quod lib. 1. de baptis. cap. 18. scripserit, antequam Concilii generalis auctoritate quæstio finiretur, liberum fuisse Africanis, & Asianis sentire, quod mallent: quod lib. 2. cap. 7. affirmaverit, antequam Concilii generalis auctoritate quæstio eliquaretur, S. Stephano abque piaculo resistere potuisse S. Cyprianum: quod lib. 2. cap. 4. auctor fuerit ætate

S. Cy-

S. Cypriani de baptismo hæreticorum nullam factam fuisse in Concilio plenariò definitionem, cui procul dubio, si facta fuisset, cessisset S. Cyprianus: ideoque ab se rebaptismum abjudicari, quod universæ Ecclesiæ auctoritate rebaptismus abrogatus jam sit: & quod cap. 9. sit testatus solam consuetudinem S. Cypriano oppositam fuisse: quasi ex his inferri possit, quod a S. Augustino Stephani rescriptum non fuerit agnitum uti fidei dogma; aut Stephani decretum veluti dogma fidei nequaquam receptum, donec illi Ecclesiæ universæ, seu Concilii œcumenici auctoritas accessisset. Nam initio a S. Augustino Sedis Apostolicæ iudicium, sat esse ad fidei causas finiendas, præsertim in causis Pelagianorum, & Donatistarum, agnitum fuisse suo loco demonstrabitur. Deinde S. Augustinus suammet sententiam in locis objectis aperuit magis, nam lib. 2. cap. 7. consuetudinem a Stephano commemoratam ex Apostolica traditione venire credit: *Quam consuetudinem, inquit, credo ex Apostolica traditione venientem:* lib. 1. cap. 18. culpa non vacasse S. Cypriani resistantiam Stephani decreto scribit, quod repetit epist. 48. nunc 93; & lib. 2. cap. 9. consuetudinis illius commemoratæ a S. Stephano robore teneri tunc Orbem terrarum asserit: quibus satis significat eam traditionem, seu consuetudinem ad fidem spectasse. Itaque S. Augustinus ibidem loquitur juxta sententiam S. Cypriani, scilicet de controversia spectata, ut pertinente ad disciplinam, quomodo spectata fuit a S. Cypriano: in istiusmodi etenim controversiis Concilio generali opus esse, quo in unum Episcopi convenientes de suarum Ecclesiarum consuetudine conferant, atque num consuetudo universalis sit, utique cognoscatur, ultro concedimus. Ita loquuntur S. Augustinum legenti facile patebit: sed ex eo apertissime patet, quod iisdem in locis objectis, videlicet lib. 2. cap. 3. Concilia etiam generalia priora sæpe a posterioribus emendari affirmat; quod non affirmasset, nisi de Conciliorum decretis spectantibus ad disciplinam, non autem ad dogma. *Ipsa, inquit ibidem, Concilia sæpe priora a posterioribus emendari, quum aliquo experimento verum aperitur, quod clausum erat, & cognoscitur, quod latebat.* Ex eo item, quod S. Cyprianum, dum S. Stephano oblectatus est, inquinasse se veniali culpa affirmavit S. Augustinus; atqui si de fidei dog-

dogmate cum Stephano a S. Cypriano actum fuisse S. Augustinus existimasset, ipsum gravissima culpa nequaquam caruisse novisset. Quis enim nesciat, aut neget Pontifici de fide decernenti omnes Christifideles obtemperare, auscultare, & obedire debere? Paulo fusius, ac forte quam par foret, fateor, in his immoratus sum, sed summopere intererat, ut tanti Doctoris auctoritatem stare pro Apostolicæ Sedis privilegiis demonstrarem. Age modo ad Sanctorum Patrum Latinæ Ecclesiæ testimonia, ut exinde jugis ejusdem Ecclesiæ traditio innotescat, oratio decurrat.

Ex SS. Patribus Latinis, aliisque sacris Scriptoribus.

S. I.

Sæculo III, & IV. catalogum inchoet, & chorum ducat Tertullianus. Is libro de præscript. cap. 36, postquam cap. 22. S. Petro, ceu Petræ superstructam Ecclesiam, atque in Ecclesiam omnem potestatem adfirmasset, *Si Italia, inquit, adjaces, habes Romam; unde nobis quoque auctoritas præsto est. Ista quam felix Ecclesia, cui totam doctrinam Apostoli cum sanguine suo profuderunt?* Et infra: *Videamus*, subjungit, *quid didicerit, quid docuerit ista*: ita significans sane ad revincendos hæreticos solius Romanæ Ecclesiæ sat esse traditionem; cujus sequestrem, ac custodem eandem Ecclesiam, Ecclesiarum cunctarum Matrem, & Magistram, nec non causarum fidei infallibilem judicem, ut observat Lupus in hunc locum, supponit, & agit. Non equidem inficias eo a Tertulliano capp. 20, & 32. alias ab Romana Ecclesiis appellatas, *Primas, Apostolicas, Matrices, & Originales*. Non eo tamen sensu, quem ei appingunt Heterodoxi, appellatas assero, quo nulla cen Princeps cæteris præstet; sed quo eas a quoppiam Apostolorum primitus institutas, doctrinaque imbutas dixit, ac primas, idest primitivas, quæ proinde, quemadmodum cum Principe collegit Petro Apostoli cæteri apprimè conveniebant, cum Romana omnium Principe Ecclesia, ceu cum unitatis centro, & capite erant fide conjunctæ. Ita significat sane, dum subdit: *Unam omnes probant Unitatem: & Tot, ac tan-*

te Ecclesie una est illa ab Apostolis prima, ex qua omnes: ac dum non cum eadem laude de aliis loquitur, atque de Romana, quam, ut ex dictis liquet, egregiis, ac singularibus elogiis semper exornat, quamque lib. de pudicit. cap. 21. Petri propinquam vocat. Idem lib. 4. adversus Marcionem cap. 5. Videamus, scribit, quid etiam Romani de proximo sonent, quibus Evangelium, & Petrus, & Paulus sanguine suo signatum reliquerunt. Itaque adversus hæreticos dimicans iis demum armis sibi agendum duxit, quæ traderet Romanæ Ecclesiæ doctrina, cui obstitendo impares illos probe dignoverat. Equidem Tertullianus, postquam ad Montani partes declinasset, S. Zephyrinum Pontificem Maximum, qui Mœchos, & adulteros pœnitentia peracta absolvendos præceperat, traducere præsumpsit. Verum verbis ipsis, quibus lib. de pudicit. cap. 1. illum proscindit, quanti penderetur ejus potestas, quantusque Pontifex haberetur, vel nolens patefecit: Audio, ait, esse edictum propositum, & quidem peremptorium: Pontifex scilicet Maximus, Episcopus Episcoporum dicit. Ego & mæchia, & fornicationis delicta penitentia functis dimitto. Ad hæc enim Tertulliani verba apposite doctiss. Albaspinæus sic advertit: Quacumque ratione, aut mente de Romano Pontifice hæc dixerit Tertullianus, serio, vel per ludibrium, illis tamen temporibus penes eum potestatem fuisse de rebus fidei judicia peremptoria ferre, & totius Orbis Episcopos monere, atque docere quis non agnoscit? Eoque magis, quod unus Tertullianus jam hæresi implicitus de hac re cæteris Ecclesiæ Episcopis non reluctantibus conqueratur. Nam de his rebus eum oppugnando conjecturam facit, ea tempestate id juris Romanis Episcopis concessum fuisse, eosque revera hanc potestatem exercuisse.

Thomas tamen Mortonius Anglo-Calvinista in sua apologia lib. 2. cap. 1. hæc Tertulliani testimonia ut elevet, suæque potius, quam nostræ patronum causæ adsciscat, ad Beati Rhenani scholia in lib. de præscript. cap. 36. confugit, quæ in Tertullianum conscripsit: atque quidem Rhenanum adnotasse a Tertulliano dictum una esse aliquam Ecclesiam, ex qua reliquæ, hanc tamen nulli loco affictam: ab illo laudibus exornatam Romanam Ecclesiam, non attamen tantam illam factam, quantam hodie fieri videmus; atque inter Apostolicas Ecclesias illam quidem ab illo enu-

enumeratam, non solam factam Apostolicam, hoc est summam
 eam factam, non etiam summam confidentissime scribit Mortonius.
 At Mortonius inique agit, quamquam enim B. Rhenani scholia
 in Tertullianum a nostris parvi pendantur, atque in indice libro-
 rum prohibitorum atro carbone notata fuerint, eo quia vel Ter-
 tulliani sensum integrum sæpe non protulerit, vel corruptum ali-
 qua ex parte ediderit, vel nescio qua ductus ratione, dissimulave-
 rit, nihilominus nihil ex illis scholiis extundi potest, quo Ter-
 tullianum ex Rhenani interpretatione suæ causæ suffragatorem
 habeat: si quidem ita scribit in scholiis ad lib. de præscript. *Do-
 cet Tertullianus hos Apostolos primum institutis per Judæam Ec-
 clesiis, in Orbem deinde prefectos apud unamquamque Civitatem
 Ecclesiam condidisse, quæ vocatæ sunt Apostolicæ, a quibus ceteræ
 mutuo sumpserint doctrinam. Porro unam esse primam Apostolicam
 Sedem, a qua reliquæ, hanc nullo loco affigit (id vero jure, nam
 primo Antiochia, postmodum Romæ Sedem fixit S. Petrus,) præ-
 scribit adversus hæreses a revelatione Christi, a doctrina Apostolo-
 rum, & a veritate Apostolicarum Ecclesiarum, Originalium sci-
 licet, & Matricum, reliquam doctrinam omnem, quæ huic contra-
 ria sit, de mendacio præjudicandam. Hortatur insuper, ut qui pie
 curiosus esse velit, Ecclesias Apostolicas percurrat, in Achaja Co-
 rinthiensem; in Macedonia Philippensem; Ephesinam in Asia;
 Romanam in Italia: recenset institutionem Romanæ Ecclesiæ. Por-
 ro magnifico laudis elogio Romanam Ecclesiam ornât, quum dicit:
 Si autem Italiæ adjaces, habes Romanam &c. Idem facit adver-
 sus Marcionem lib. 4. sic scribens: Videamus quid Romani de
 proximo &c. Ex quibus locis liquet, unde Apostolici nomen Pontifici
 Romano advenerit. Sed & in libro adversus Praxeam, & aliis
 item locis non obscure significat, quantum valuerit illo quoque ævo
 Romani Præsulis judicium aliquid agnoscantis, aut rejicientis. Vi-
 delicet lib. 1. adv. Praxeam a Romano Pontifice, (quem Anicetum
 Baronius, Eleutherium Valesius, & Malsuetius, Victorem Con-
 zantius, & Pagius, sed Zephyrinum verius alii autumant,) cui
 quippe nondum plane Montani errores perspecti erant, datas li-
 teras pacis ad Ecclesias Asiæ Cataphrygum superstitione infectas
 opera Praxæ revocatas conqueritur. Quamquam enim falsa hæc*

a Ter-

a Tertulliano narrari reputet Natalis hist. Eccl. ad sæcul. III. differt. 1., Pontificis tamen maximam potestatem, latissimeque patentem Tertullianus indicat. Quid enim, quæso te, de Pontificis litteris Asiani adeo solliciti fuissent, nisi eas maximo in pretio, maximoque sibi fore præsidio persuasum habuissent? Pergit Rhenanus: *Hujus Ecclesiæ semper mansura auctoritas, quantum Orbi Christiano profuerit, dum dogmatum concordiam factam tectam, præstat, ac undique pacem conservat, hæc turbulenta tempora abunde docent, quæ præcipue causa veteres Imperatores olim monuit, ut istam Sedem Flavius Constantinus privilegiis, Justinianus, & Gothorum Principes, qui primi ex Germanis Romanorum Reges extitere, Italia, & Provinciarum Domini, atque hos secuti Longobardi prædiis amplissimis; Carolus Magnus, Ludovicus Pius, atque Rudolphus Habispurgius terris, ac profana ditione extulerint, auxerint, & ornarint.* Hæc Rhenanus, ex quibus quis non perspiciat fide pessima Mortonium agere, dum aliam prorsus ipsi Tertulliani interpretationem appingit? Confer doctiss. Boverium nostrum lib. 3. demonstrat. veræ, & falsæ Relig. demonstr. 3. art. 3. ubi Mortonium id ausum, ut SS. Irenæum, Cyprianum, Ambrosium, Hieronymum, & Augustinum in partem aliam pariter vel invitos pertraheret, egregie refellit, & profligat.

S. Optatus Milevitanus in Africa Episcopus, ac Donatistarum acerrimus insectator in libris adv. Parm. schisma, erroresque Donatistarum perstringens, eo præsertim utitur argumento, quo potius in aciem producere non poterat, scilicet Apostolicæ Sedis auctoritate, quove præclarius ejusdem privilegia celebrare nequibat. Libro 1. S. Melchiadis Pontificis Maximi sententiam contra Donatistas depromens, clausum judicium concludit: *Cæcilianus, inquit, omnium supramemoratorum sententiis innocens est pronunciatus: etiam Melchiadis sententia, qua judicium clausum est. Quem locum egregie illustrans Albaspinæus, Quasi diceret, subiungit, etiam a Summo Pontifice absolutus, post cujus judicium de Cæciliani innocentia non est dubitandum.* Libro 2. schismaticum, & hæreticum hominem provocat ad Cathedram S. Petri, a cujus unitate extorres schismaticos, a cujus fide devios hæreticos nuncupat; ex cujusque continua successione veram Christi Ecclesiam

designat. *Negare, inquit, non potes scire te in Urbe Roma Petro primo Cathedram Episcopalem esse collocatam, in qua sederit omnium Apostolorum Caput Petrus, .. in qua una Cathedra unitas ab omnibus servaretur, ne ceteri Apostoli singulas sibi defenderent, ut jam schismaticus, & peccator esset, qui contra singularem Cathedram alteram collocaret. Ergo Cathedra unica, quæ est prima: sedis prior Petrus, cui successit Linus &c. Siricius hodie, cum quo nobis totus Orbis commercio formatarum (de formatis alio loco egimus) in una communionis societate concordat. Et paullo infra: Probatum est, subdit, nos esse in Ecclesia Sancta Catholica, apud quos & Symbolum Trinitatis est, & per Cathedram Petri, quæ nostra est. Ita enim Ecclesiæ veræ, & Catholicæ notam esse docet Romani Pontificis Cathedram. Exinde Donatistas Clavium potestate carere pugnat, quod S. Petri Cathedræ insensu irent: Claves, inquit, legimus accepisse Petrum Principem scilicet nostrum, cui a Christo dictum est, Tibi dabo claves &c. Unde est ergo, quod Claves regni vobis usurpare contenditis, qui contra Cathedram Petri vestris præsumptionibus, & audaciis militatis? Ex hoc notandum, ait heic Nicolaus Cardinalis Cusanus lib. 1. de concordantia cathol. cap. 1, quod qui se christianum esse fatetur, necessario confiteri habet connexam esse Cathedram suam ad succedentium Cathedræ S. Petro, & in societate illius Cathedræ per unionem esse, alioqui christianus non foret. . . Est itaque verum, concludit Cusanus, Unam esse Cathedram Petri, quoniam Cathedra Principatum regitivum significat in Ecclesia. Similia repetit lib. 6, & 7, de quo postremo tamen dubium est, num ejus genuinus sit fœtus, antiquissimi tamen saltem esse Auctoris non dubitatur, quemque dubio procul germanum S. Optati esse fœtum adversus Dupini, & Riveti levissimas conjecturas propugnant Balduinus, & Tillemontius tom. 6. not. 29. in Donatistas; *Beatus*, inquit, *Petrus præferri omnibus Apostolis meruit, & Claves regni Calorum ceteris communicandas solus accepit. Itaque juxta S. Optatum Cathedra S. Petri, successorumque Romanorum Pontificum, unitatis Ecclesiæ origo, & principium quum sit, ab eadem quoque in Ecclesiam universam derivari potestatem oportet. Et quidem quandoquidem Romana Ecclesia, seu Cathedra Romani**

Pon-

Pontificis a SS. Cypriano , Optato , Paciano , ac Synodo Aquilejensi , a SS. Hieronymo , Augustino , Gelasio I , & Stephano Larissensi toties unitatis Ecclesiæ universæ centrum vocata est : exinde rite infert Petrus ipse de Marca lib. de concordia cap. 2 : eam esse vim unitatis , quæ principium , & originem a Petri Sede trahit , ut cum ea sentiendi necessitatem ceteris imponat . At , sodes dic , imponere ne posset Ecclesiæ universæ necessitatem una secum credendi , & sentiendi , si ipsa de fide prave credendi periclitaretur , neque supra Ecclesiam universam potestate polleret ?

S. Ambrosius quid non egit , quid non scripsit , quid non docuit , ut quanti ab se penderetur , quantique ab aliis pendenda esset Apostolicæ Sedis qua fides , qua auctoritas , faceret palam , persuaderetque ? Is in orat. funebri de obitu fratris sui Satyri auctor est a Satyro eos Episcopos ceu Catholicos agnosci consuevisse , qui cum Romano Pontifice communione , & fide forent conjunctissimi : *Advocavit ad se* , ait , *Satyrus* (prope diem moriturus) *Episcopum* , nec ullam veram putavit , nisi veræ fidei gratiam , percontatusque est ex eo , utrum nam cum Episcopis catholicis , hoc est cum Romana Ecclesia , conveniret . Et sane B. Satyrus quondam Sardiniam Insulam tum temporis Luciferiano schismate aspersam appulsus , eis dumtaxat Episcopis communione jungi voluit , qui cum Romana Ecclesia convenirent , quæ veluti catholicæ Religionis centrum omnes Christifideles in unitate conjungit . Idem S. Ambrosius in cap. 3. epist. 1. ad Timoth. Ecclesiæ universæ Caput summum adstruit Romanum Pontificem : *Ecclesia* , inquit , *est domus Dei* , *cujus hodie Rector est Damasus* . Rogo autem , Rector domus est ne ceteris subditus ? Pater Familias nonne supremas in familia partes gerit ? Iterum lib. 4 , & 5. de fide ad Gratianum : *Petro dixit* (Dominus) , inquit , *Ego rogavi pro te &c. Tu es Petrus &c. Ergo cui propria auctoritate regnum dabat* , *hujus fidem firmare non poterat* , *quem quum Petram dicit* , *firmentum Ecclesiæ indicavit* ? Supra dixerat Petro in regimine Ecclesiæ successisse Damasum , ac reliquos deinceps Romanos Pontifices . Si igitur Petri firma , & indeficiens fides ; eadem profecto in fide indeficientia , & firmitate donatos Romanos Pontifices docet . Insuper comment. in Lucam de Navi Petri disserens :

Ergo, ait, non turbatur hæc Navis, in qua prudentia navigat, abest perfidia, fides aspirat. Quemadmodum enim turbari poterat, cui præerat is, in quo Ecclesiæ firmamentum est? Exinde ergo de fide periclitari neque posse Romanum Pontificem est inferre, eo quod quemadmodum S. Petrus, ipse quoque Ecclesiæ firmamentum sit. Post hæc in Psal. 40, Ipse, inquit, est Petrus, cui dixit (Christus) Tu es Petrus &c. Ubi ergo Petrus, ibi Ecclesiæ, ubi Ecclesiæ, ibi nulla mors, sed vita æterna: & ideo addidit: & Portæ inferi &c. Beatus Petrus, cui non Inferorum porta prævaluit, non Cali porta se clausit, sed e contrario destruxit inferni vestibula, patere fecit cælestia. Jam vero exploratum est per portas inferi hæreses intellectas ire: itaque in sententia S. Ambrosii adversus Sedem Apostolicam nulla unquam hæresis prævalere poterit, atque ubi Apostolica Sedes, ibi jugiter vera Christi Ecclesiæ consistet.

Synodi Aquilejensis nomine adversus Ursicinum schismaticum ad Imperatores Gratianum, Valentinianum, & Theodosium epist. 11. scribens idem S. Doctor, partesque S. Damasi adjuvandas suscipiens, quo demum id effecit modo? *Totius, ait, Orbis Romani Caput Romanam Ecclesiam, atque illam sanctam Apostolorum fidem ne turbari sineret, obsecranda fuit Clementia vestra. Inde enim in omnes veneranda communionis jura dimanant. Quibus quis non perspiciat Romani Pontificis gemina privilegia a S. Doctore prædicari, & in omnem Ecclesiam potestatem, & præ ceteris Ecclesiis in fide indefectibilitatem? Sed & Synodi Capuanæ nomine in epist. 78. ad Theophilum Alexandrinum, qua obsecrat, ut pacis procurandæ Antiochenæ Ecclesiæ diro schismate divexatæ sequester accederet, suggerit Synodi placitum illud esse, ut omnia ad Pontificem Romanum deferrentur, nec quidquam, quod illi displiceret, a Theophilo attentaretur: Sane, inquit, referendum arbitramur ad S. Fratrem nostrum Romanæ Sacerdotem Ecclesiæ: quoniam præsumimus ea te judicaturum, quæ etiam illi displicere nequeant. Ita enim erit consultum sententiæ: ita pacis, & quietis securitas, si id vestro statuatur consilio; quod communioni nostræ dissensionem non afferat; ut nos quoque accepta vestrorum serie statutorum, quum id gestum esse cognove-*

ri-

*rimus, quod Ecclesia Romana haud dubie probaverit, lati fructum hujusmodi examinis adipiscamur. Scilicet sciebat nil firmum, fixumque posse consistere, quod Romanus Pontifex improbasset, atque infirmasset. Quæ demum in epist. 81. ad S. Siricium habet, ejusmodi sunt, ut explicatiora desiderati nescio an possint: summisse etenim in Romano Pontifice recognoscit Pastorem summum, cujus Christifideles omnes dicto audientes esse debeant, cujusque sollicitudo, & cura sit undique irruentes ab Ecclesia, hæreses dispellere, ac disperdere: *Recognovimus, inquit, litteris Sanctitatis tuæ boni Pastoris excubi as, qui fideliter commissam tibi januam serves, & pia sollicitudine Christi ovile custodias, dignus, quem oves Domini audiant, & sequantur: & ideo quia non isti oviculus Christi, lupos facile deprehendes, & occurreas quasi providus Pastor, ne isti morsibus perfidiæ suæ, feralique ululatu Dominicum ovile dispergant. Et infra. Itaque Jovinianum, Auxentium... quos Sanctitas tua damnavit, scias apud nos quoque secundum judicium tuum esse damnatos.* Hisce, sexcentisque aliis Sedis Apostolicæ summam dignitatem Sanctus Doctor cohonestabat. Confer eundem serm. 11, & 47; lib. de incarn. cap. 5; lib. de virgin. cap. 16, aliisque in locis. Adjunge etiam Hilarium Diaconum, qui vulgo Ambrosiaster audit inter opera S. Ambrosii, Comment. in epist. 1. ad Corinth. cap. 9; in epist. 2. capp. 11, & 12, ac in epist. ad Galat. cap. 13; S. Zenonem Veronensem lib. 1. tract. 13, & lib. 2. tract. 13; S. Philastrium lib. de hæres. cap. 145; S. Gaudentium Brixiensem pariter Episcopum in resp. ad Paulin., & serm. de SS. Petro, & Paulo; S. Pacianum Barcinon. Episcop. epist. 3. ad Sympron., & S. Paulinum Nolanum Poem. 19; & quibus ejusmodi de S. Petro, deque Romanæ Ecclesiæ Primatu ab eo illustrato prædicantur, deque privilegiis cum eodem Primatu connexis; ut eadem Romani Pontificis facta propria facile intelligas. Neque enim persequi omnia, orationeque comprehendere vacat, aut expedit, aut si facerem, rem facerem optatam, quum pleraque alia suppetant, quæ nullo prætermitti modo possunt.*

S. Hieronymus tam liquido, & tam luculenter Romani Pontificis fidem extra omnem erroris periculum, eclipsimque patien-
di

di posuit, ejusdemque supra Ecclesiam auctoritatem evexit, ut susceperet omnia agere oporteat adversarios, detortisque sensibus ejus testimonia subjicere, si illis se vinci omnino pati nolint. Enim vero in epist. 16. ad Principiam se cum Paulino, & Epiphanyio Romam Ecclesiastica necessitate tractum scribit: subditque Romæ existere portas tutissimas totius catholicæ communionis, uti refertur Can. *Hæc est fides* 24. q. 1, *S. Romana*, ajens, *Ecclesia, quæ semper immaculata mansit, & Domino providente, & B. Petro Apostolo opem ferente in futuro manebit sine ulla hæreticorum insultatione firma, & immobilis omni tempore persistet*. In epist. 57. ad S. Damasum, licet diurna, nocturnaue manu literas sacras verfaret, licetque ad eum qua ex Occidente, qua ex Oriente undique omnes pro dubiorum solutione confluerent, confugit ipse, ut quid sibi in celeberrima quæstione tanto tum temporis animorum æstu in utramque partem a Paulini, qui unam, & Meletii partiariis, qui tres adstruebant, exagitata de una, an tribus in Deo dicendis hypostasibus tenendum, dicendumque esset, Apostolico judicio intelligeret: *Quoniam*, inquit, *vetusto Oriens inter se populorum furore collisus indiseisam Domini tunicam, & desuper textam minutatim per frustra discerpit, & Christi vineam exterminant vulpes, ut inter lacus contritos, qui aquam non habent, difficile, ubi fons signatus, & hortus ille conclusus sit, possit intelligi, ideo mihi Cathedram Petri, & fidem Apostolico ore laudatam censui consulendam, inde nunc meæ animæ postulans cibum, unde olim Christi vestimenta suscepi... Apud vos solos incorrupta Patrum servatur hæreditas. Ibi cespitem terra secundo Dominici seminis puritatem centeno fructu refert... Quamquam igitur tui me terreat magnitudo, invitata tamen humanitas. A sacerdote vicinam salutis, a Pastore præsidium ovis flagito... Cum successore Piscatoris, & discipulo Crucis loquor: ego nullum primum, nisi Christum sequens, Beatitudini tuæ, idest Cathedræ Petri communionem confocior: super illam Petram adificatam Ecclesiam scio. Quicumque extra hanc domum agnum comederit profanus est. Siquis in arca Noe non fuerit, peribit regnante diluvio... Quicumque tecum non colligit, spargit, hoc est qui Christi non est, Antichristi est. Quibus verbis si quis lucem adsciscere velit,*

videat ne obscuraret magis , magisque obnubilet . Certe Erasmus Comment. in hanc S. Hieronymi epistolam ad ea verba : *Extra hanc domum : Hic*, inquit , *Hieronymus omnino videtur sentire omnes Ecclesias debere subesse Romanæ Sedi ; aut certe ab hac non alienas , quæ peculiariter Apostolo gloriatur , qui inter Apostolos primas tenuit , & sic est orthodoxa , ut sit orthodoxorum primæ dignitate .* Quæ plane sufficere debent , ut prudens dijudicet lector , quam perperam dixerit Gerardus a partibus Lutheri Erasmus semper stetit ; quamque impudenter fecerit Spalatensis , dum lib. 1. de republ. Eccles. cap. 3. §. 9. in suam partem S. Hieronymum trahere , Primatusque Pontificii adversarium agere non erubuit .

Idem S. Doctor lib. 3. adversus Rufinum cap. 5. ipsi jactanti fidei suæ confessionem probatam Italiæ Episcopis fuisse , reponit a Romano potius Pontifice illam fuisse probandam : siquidem ipsius una sententia inconcussa loco stet , ceterorum vero Episcoporum stet ipso jubente , aut cadat . *Miror*, respondet , *quomodo probaverit Italia , quod Roma contempsit ! Episcopi susceperint , quod Sedes Apostolica condemnavit !* & cap. 6. Rufinum arguens , quod ob Origenis defensionem ab S. Anastasio Papa damnatus adquiescere illius judicio detrectaret , cui totus Orbis jam adhæsisset , *Tantum*, inquit , *Romanæ Urbis judicium fugis , ut magis obsidionem barbaricam , quam pacatæ Urbis velis sententiam sustinere .* Nihilominus Rufinus Ecclesiæ Romanæ judicio sibi obtemperandum probe noverat , sed ab Anastasii sententia rescripto quodam Siricii , cui obreperat aliquando , se obtegebat . Romanam quinimo Ecclesiam hæresis prorsus expertem , nullaque unquam inquinatam fuisse falsus est in explicatione Symboli verbis illis : *Nulla hæresis in Ecclesia Urbis Romæ sumpsit exordium .* Pelagius ipse apud S. Hieronymum in epist. ad Demetriadem 8. inter Hieronymianas , 7^e, inquit , *pro charitatis affectu præmonendam puto , ut S. Innocentii , qui Apostolica Cathedra ... successor est , teneas fidem ; nec peregrinam ... doctrinam recipias .* Idemque in explanatione Symboli ad Damasum , similia repetit , quam non secus , ac præcedentem epistolam ad Demetriadem , olim perperam S. Hieronymo attributam , atque epist. inter Augustin. 17. in Append. tom. 2. ex Oratio

fio in apolog., Pelagio attribuendam esse patet, & quidem epistolam ex S. Augustino lib. de gratia Christi cap. 22. & seqq., & epist. 143. ad Julianam Demetriadis matrem: explanationem vero patet ex eodem S. Augustino lib. de peccato origin. cap. 21; & S. Zosimo Papa epist. 2. ad Africanos Episcopos in causa Pelagii. Post Pelagii fata huic explanationi assuta nonnulla ad hæresim Eutychetis de confusione utriusque in Christo naturæ; Joviniani de impeccabilitate hominis; & Elipandi de filiatione Christi adoptiva pertinentia putat Launojus in dissert. de confessione Pelagii, repugnat vero Garnerius dissert. 5. de libellis fidei editis a Pelagianis par. 1. operum Marii Mercatoris. Ut ut sit ea in explanatione, *Siquid*, inquit, *parum cante positum est, emendari cupimus a te, qui Petri & fidem tenes, & Sedem*. Similia habet in profess. fidei apud Gennadium, de quo paullo infra.

S. Augustinus, cujus quum maxime in Ecclesia audiat auctoritas, maximi etiam habeatur ab adversariis, proinde diligentius est perpendendus, ut dilucide, quoad ejus fieri poterit, adpareat, quam de Apostolica Sede animo præconceptam gesserit, opinio. Ergo S. Augustinus de causa Donatistarum agens in Psalmo abecedario contra partes Donati, *Numerate*, inquit, *Sacerdotes vel ab ipsa Petri Sede, & in ordine illo Patrum, quis cui successit, videte, ipsa est Petra, quam non vincunt superbe inferorum portæ*. Psalmum hunc ad rithmi modum, styloque facili adornaverat in gratiam plebis, ut illius captu, & cantu de dogmate catholico edoceretur. In epist. 162. ad Episcopos Donatistas, *Carthago non mediocris*, inquit, *auctoritatis habebat Episcopum Cecilianum, qui posset non curare conspirantem inimicorum multitudinem, quum se videret, & Romanæ Ecclesiæ, in qua semper Catholica Cathedra viguit Principatus, & ceteris terris, unde Evangelium ad ipsam Africam venit, per communicatorias litteras esse conjunctum; ubi paratus esset causam suam dicere &c.* In epist. 157. *Me*, scribit, *apud Casaream præsentem venerunt, quo nos injuncta a Venerabili Papa Zosimo Apostolicæ Sedis Episcopo Ecclesiastica necessitas deduxerat*. Nempe ea quoque Emeritum Donatistam Episcopum refellendi gratia, & refutandi. Legendus etiam lib. 2. de baptismo contra Donatistas cap. 11. Ex quibus

bus id liquet 1. Romani Pontificis supremam potestatem agnitam probe a S. Augustino, eidemque obtemperandi necessitatem omnibus impositam. Neque plane aliorum posse accipi S. Augustinum patet etiam ex epist. 165. ad Generosum, qua ordinem Episcoporum a S. Petro, in quo ædificata Ecclesia est, numerandum esse scribit; ex epist. 261. ad Cælestinum; ex lib. de peccat. origin. adv. Pelagian. cap. 8, & lib. 2. contra duas epist. Pelagian. cap. 3, de quibus mox, in quibus sic agit, & loquitur, ut re, ac sermone Romano Pontifici S. Petri successori præcipuam in Ecclesia potestatem a Christo fuisse conceditam confirmet. Liquet 2. Romanum Pontificem de fide periclitari non posse; adversus ipsum inferi portas non esse unquam prævalituras; illique Christifidelibus omnibus firmiter fore adquiescendum S. Doctorem affirmasse.

Atqui & agentem de causa Pelagianorum S. Augustinum præstat audire. Ergo in epist. 92. nomine suo, & Concilii Milevitani ad S. Innocentium I. inscripta, postquam officii loco se habere dixisset, quæ de novo in Ecclesia emergerent, mala ad Apostolicam Sedem deferre: *Nova*, subdit, *hæresis*, & *nimum perniciosa tempestas surgere inimicorum gratiæ Christi capit*. Sed arbitramur adjuvante misericordia D. N. J. Christi, qui Te & regere consulentem, & orantem exaudire dignatur, auctoritati Sanctitatis tuæ de SS. Scripturarum auctoritate depromptæ facilius eos, qui tam perversa, & perniciosa sentiant, esse celsuros. Ita potius quam a Concilio, a Sede Apostolica prolato judicio hæreses exterminari, & catholicos in fide firmari docebat. Confer & epist. 95. ad eundem Pontificem circa finem, cujus & ipse meminit lib. de peccato orig. cap. 9. In epist. 157. ad S. Optatum, *Injuncta nobis*, scribit, a Venerabili Papa Zosimo Apostolicæ Sedis Episcopo Ecclesiastica necessitas ad Casaream in Mauritania nos traxerat &c., de quibus superius. Et infra. *In verbis*, inquit, *Apostolicæ Sedis tam antiqua, atque fundata, certa, ac clara est catholica fides*, ut nefas sit dubitare catholicis christianis. Quæso quid illustrius excogitari valet ad infallibilitatem Apostolicæ Sedis adtribuendam? Quid quoque validius ad exfufflandum adversariorum excogitatum ad eam infallibilitatem Ecclesiæ consen-

sum præmisso examine necessarium esse effutientium? Libro 1. ad S. Bonifacium de Pelagianis ita loquitur cap. 1. *Quum vero non desinant fremere ad Dominici gregis caulas, atque ad diripiendas tanto pretio redemptas oves aditus undecumque rimari, communisque sit omnibus nobis, qui fungimur Episcopatus officio, quamvis ipse in eo præmineas celsiore fastigio, specula pastoralis; facio quod possum pro mei particula muneri, ut pestilentibus, & insidiantibus eorum scriptis medentia, & munientia scripta prætendamus, quibus rabies, qua furiunt, aut ipsa sanetur, aut a ledendis aliis repellatur.* Post hæc pergit. *Hæc ergo, quæ istis duabus epistolis illorum ista disputatione respondeo, ad tuam potissimum dirigere Sanctitatem, non tam discenda, quam examinanda, & ubi forsitan aliquid displicuerit, emendanda constituo:* & lib. 2. ad eundem Bonif. cap. 3, *Litteris, inquit, Beatæ Memoræ Papæ Innocentii de hac re dubitatio tota sublata est. Qua scribendi, & agendi ratione plane ostendit Romani Pontificis non modo primas esse partes universæ Ecclesiæ prospicere, sed illi imo ab Episcopis omnibus factorum suorum rationem esse reddendam, ejusque judicio scripta ab se exarata subjicienda, ut eo in judicio, quod in discrimen nullo modo adduci potest, quove imo de fide dubitatio omnis auferri debet, utpote indefectibili prorsus, experta vel rata teneant, vel non recta emendentur.* Libro 2. operis imperfecti contra Julianum in resp. ad 103. interrog. Julianum petenti Concilium, in quo Pelagiana quæstio penitus disquireretur; *Quid adhuc, respondit, queris examen, quod jam factum est apud Apostolicam Sedem? Damna ergo hæresis non adhuc ab Episcopis examinanda, sed coercenda est a Potestatibus christianis. Quid disertius, quæso, expromere potuit S. Doctor, ut doceret Pontificum definitiones non indigere, ut ab Episcopis acceptentur, aut ut obtineant, eisdem in antecessum debere Ecclesiæ consensum accedere? Illustrius, & luculentius est adhuc, quod lib. 1. contra Julianum cap. 4. testimonium profert S. Doctor, quo Julianus provocanti ad Concilium Episcoporum Orientalium respondens, Si Orientis, inquit, Ecclesia suam contra vestros errores nondum manifestavit sententiam, puto tibi sufficere debere eam Orbis partem, in qua primum Apostolorum suorum voluit Dominus gloriosissimo marty-*

rio coronari; & cui præfidentem B. Innocentium si audire voluisset, jam tum periculosa juvenutem tuam Pelagianis laqueis exuisses. Quid enim posuit vir ille Sanctus Africanis respondere Conciliis, nisi quod antiquitus Apostolica Sedes, & Romana cum ceteris tenet perseveranter Ecclesiis. Similia habet epist. 106, Missæ sunt, scribens, de hac re a duobus Conciliis (Carthaginensi, & Milevitano) relationes ad Apostolicam Sedem &c. Ad omnia nobis Innocentius Papa rescripsit, eodem modo, quæ fas erat, atque oportebat Apostolicæ Sedis Antistitem. Utroque hoc loco siquis Romano Pontifici adsertam a S. Augustino infallibilitatem non intueatur, nescio an is in luce meridiana non cæcutiat, & ad rei in oculis insipientis aspectum non cæliget.

Apposite itaque, sapienterque plerique, sique doctrinæ præstantissimi Galliarum Præsules ex libro mox laudato ad suadendam Quesnellianis omnimodam Clementinæ Constitutioni Unigenitus obedientiam loca protulerunt in medium, collatisque locis aliis plurimum exornarunt, illustraruntque: atque signanter quidem, dum Foro-Julien-sis adhuc esset Episcopus, postea Cardinalis de Fleuri in Mandato pastor. anno 1714. ejus rei gratia edito, ut Janсениstarum adversus præm. Constitutionem conatus infringeret; nec non Clariss. Bossuetius in epist. ad Moniales Portus Regii: nempe quo modo absque Orientalis Ecclesiæ declaratione sola Sedis Apostolicæ damnatio sat fuit superque ad Pelagianam hæsim proscribendam; ita ad proscribendum Acacium Patriarcham Constantinopolitanum: *Quamvis objiceretur*, inquit, *Acacium tantæ sedis Episcopum in Concilio nondum fuisse damnatum; nihilominus totus Oriens se obstrictum credidit soli Romani Pontificis auctoritati cedere.* Quæ Bossuetii verba sua quoque fecere D. De Languet Archiepiscopus Senonensis in monito 2. ad suæ olim dioceseos refractarios, ubi audacem Ravechet Sorbonæ Syndicum, nonnisi præhabito Episcoporum consensu constitutioni Unigenitus parendum fore, pronunciantem acriter perstringit; Cardinalis de Tencin in docum. Pastoralis an. 1728; Cardinalis de Noailles in mandato de editione laudatæ epistolæ Bossuetii, ubi declarat eandem germanam esse diocesis suæ doctrinam, & quidem in clara, & constanti ipsius traditione fundatam, firmatamque; ac D.

308 PRIVILEGIA ROM. PONTIFICI

de S. Albin Archiepiscopus Cameracensis in mandato pastoralis adversus celebrem Consultationem 50. Causidicorum. Quod obiter observari volui, ut qui illis aures accomodare non detrectant, ab illis non denegare Pontifici discant. Postremo quum Synodi Carthaginensis, & Milevitanæ Patres damnatis erroribus Pelagii S. Innocentium Summum Pontificem datis ad eundem litteris obsecrassent, ut latam adversus Pelagianos sententiam auctoritate sua confirmaret, annuensque Pontifex id præstitisset, S. Augustinus Apostolici rescripti vix accepta notitia confestim pronunciavit habito sermone 131, alias 2. de verbis Apostoli cap. 10. *Jam enim inquit, de hac causa duo Concilia* (Carthaginense, & Milevitanum) *missa sunt ad Sedem Apostolicam* (una cum Synodica, quam ipsemet conscripsit, de qua superius dictum:) *inde etiam Rescripta venerunt: Causa finita est: utinam aliquando finiatur error.*

Mirum in modum Pontificiæ infallibilitatis hostes torquet hoc testimonium: atque quidem stupefcere est, quot in partes undique, valgiterque distracti se vertant, ut illud eludant, aut evacuent. Maimburgus in tractatu histor. de Ecclesiæ Romanæ privilegiis cap. 28. contendit eo loci significari a S. Augustino causam Romæ finitam fuisse, non etiam alibi. Natalis histor. Eccles. ad sæculum XV. & XVI. dissert. 4. fuisse equidem Romæ finitam causam, non eo tamen sensu, quod a Concilio generali revocari ad incudem nequireret amplius. Dupinus de antiq. Eccles. discipl. dissert. 5. art. 2. fuisse finitam eo sensu vult, quod post Romani Pontificis damnationem omni defensione spoliata fuisset; animumque despondissent Pelagiani fore, ut altero subiceretur judicio. Anonymus Lovaniensis, sive De With de loc. Theolog. tom. 3. dissert. 5. fuisse finitam non solo Romani Pontificis judicio, sed etiam alias ob rationes. Anonymus alter auctor operis inscripti: *Justification des discours, &c de l'histoire de Monsieur l'Abbé Fleuri* pag. 306. pugnat fuisse finitam præsumptive potius, quam asseveranter. Anonymus auctor dissert. in eum locum S. Augustini *Causa finita est* S. Augustino firmum satis hoc argumentum ex Pontificis decreto visum non fuisse, quum bis tantummodo in tot libris adversus Pelagianos elucubratis, contra quos tot aliis argumen-

tis

tis dimicat, Sedis Apostolicæ auctoritate utatur. Bossuetius defens. declar. par. 2. lib. 14. cap. 4. fuisse finitam, quia apertissima quæstio erat, & aliunde Pontificiis Innocentii, ac Zolimi decretis Ecclesiæ consensus ubique accesserat. Tournellius in tract. de Ecclesia tom. 2. q. 5. art. 3. obtendit fuisse finitam Ecclesiæ universæ judicio, & sententia. Hunc autem Ecclesiæ universæ consensum Bossuetius, & Tournellius ostendere adnituntur testimoniis SS. Augustini, & Prosperi, necnon Marii Mercatoris. Profert Tournellius & Concilii Hierosolymit. auctoritatem, in quo jam prædamnatos Pelagianos confidentissime asserit.

Ast vanissima esse effugia isthæc, atque ad evadendum excogitata facile fit palam. Nam 1. in eo Concilio Hierosolymitano anno 415. habito certissime damnatus non est Pelagius; ejusdem enim Patribus Pelagium fucum fecisse potius, ejusque causam exinde delatam ad tribunal S. Innocentii I. auctores sunt S. Augustinus in lib. de gest. Pelagii cap. 14, & Orosius apologiæ capp. 3, & 4; quin & Tournellius ipse fatetur in tract. de Gratia q. 3. a semet plane diversus. Marius Mercator equidem common. cap. 3. alterius Synodi Hierosolym. anno 416. habitæ Præside Theodoto Antiocheno meminit, ejusdemque sententia e Civitate sancta Pelagium ejectum. Auctor est tamen hæretici hominis causam missa Synodica a Theodoto ad Romanum Pontificem delatam fuisse, dimissamque. 2. Quid autem quod S. Augustinus paucos post menses, id est 7. vel 8. a lato Innocentii decreto confestim publice pronuntiavit causam Pelagianam fuisse finitam, uti cum aliis observant doctissimi Patres Benedictini in præfat. tom. 10. oper. S. Augustini, Dominus Madot Episcopus Cabilonensis in epist. 1. ad D. De Gruge advocatum general. an. 1715, legiturque in libris gallice inscriptis *Tochfins Catholiques*; Tournellius ipse de Eccles. q. 3. art. 2; D. De Montagne Doctor Parisiensis in Tournellio contracto de Gratia disp. 1. art. 2. §. 1; Auctor operis gallici, cui titulus *Refutation de l'appel au futur Concile* pag. 110, alii que ideoque eo tempore, quo id pronuntiavit S. Augustinus, S. Innocentii decreto nondum accesserat Episcoporum ubique consensus, aut saltem jam tunc id S. Augustino nondum innotuerat. 3. Ad hæc quando S. Augustinus in epist. ad Opratum; lib. ad Boni-
fa-

facium; & lib. adversus Julianum; Marius Mercator, & S. Prosper scripserunt, quod Pelagiana hæresis a toto Orbe terrarum, universali Episcoporum subscriptione damnata fuerat, id scripserunt pluribus a pronunciato Innocentii decreto elapsis annis, intra quorum scilicet spatium innotescere per Orbem Pontificia sententia officii loco Episcopi cuncti eidem obtemperare duxerunt. At S. Augustinus jam pridem causam finitam pronuntiaverat, vix elapsis, ut dixi 7, vel 8 Mensibus a laudato Innocentii decreto. Quorsum ergo S. Augustini, S. Prosperi, & Marii Mercatoris testimonio abutuntur ad probandum ab Ecclesia universali Pelagii errores jam fuisse proscriptos? 4. Apathes perpendas, te quæso, S. Augustini verba. Non ait Pelagianam causam Ecclesiæ universalis judicio finitam, bene vero finitam Sedis Apostolicæ, idest S. Innocentii rescripto: *Inde*, inquit, *rescripta venerunt: causa finita est*. Quin imo Juliano petenti Concilium, & provocanti ad Orientales Episcopos apertissime respondit S. Augustinus cit. lib. 2. operis imperfecti novi non esse necesse examinis, abunde esse ab Apostolica Sede examen habitum, ab eaque Sede damnatam hæresim non amplius ab Episcopis examinandam: & cit. lib. 1. contra Julian. cap. 4. etiam si Orientalis Ecclesiæ causæ Pelagianæ esset nescia, suamque contra Pelagianos sententiam nondum manifestasset, sat esse superque Apostolicæ Sedis judicium, ut dubitatione omni procul hæresis Pelagiana ubique pro damnata haberetur.

Utor permisso tandem. Ex aliis plerisque S. Augustini supra laudatis, vel alibi descriptis testimoniis apertissimum fit hunc citati loci genuinum S. Augustini esse sensum, scilicet unius Sedis Apostolicæ judicio fidei causas finiri, ideoque Romani Pontificis irreformabile prorsus, atque infallibile esse judicium: apertissimum quoque fit non bis, sed ter, quaterque sæpe, ac semper id affirmasse S. Augustinum, semel a Sede Apostolica prolato judicio acquiescendum, non eidem, ut firmum, fixumque evadat, necesse esse, ut Episcoporum etiam judicium antecedit, sed istud imo subsequi: neque fas cuiquam fore dein in alienam, diversamque abire sententiam. Ita quippe, (ut verbo repetam,) in epist. Synodica ad S. Innocentium scribit ea in causa, etiamsi in duobus
Con-

Conciliis hæresis Pelagiana damnata fuisset, Apostolicæ Sedis adhuc iudicium adhibendum, ut hæretici demum conticescerent, Orthodoxi vero conquiescerent . S. Innocentius vero rescribens e re ipsorum fuisse affirmat , ut ad se ea in causa ab ipsis decreta deferrentur, ab Apostolica Sede, ad quam utpote res dubiæ, ac difficiles, pertinentesque ad fidem præsertim referendæ sunt, & a qua responsa sunt expectanda, sententiam audituri supremam, unde subdit: *Pelagium, Cælestiumque &c. Ecclesiastica communione privari. Apostolici vigoris auctoritate censemus* . Ita quoque lib. 1 , & 2. ad Bonifacium præcipuas , ac primas esse Romani Pontificis partes scribit de causis istiusmodi summo jure dijudicare : ex officio Episcopis incumbere ejus dicto audientes esse; ejusdemque iudicio demum ea in causa dubitationem omnem esse sublatam . Ita in epist. 106 , & lib. 1. contra Julian. cap. 4. rescriptum ab Apostolica Sede emanasse ait, quale ab illa Sede expectare erat , quod scilicet antiquitus perseveranter tenet , & tradit . Ita lib. de peccato origin. cap. 7. testatur Cælestium ipsum sibi objecta a Diacono Paulino damnare noluisse, S. Innocentii tamen litteris non ausum oblectari , & obistere, damnaturum se spondidisse , quod illa Sedes damnaasset . Ita in epist. 162 , & 157. in Romana Ecclesia Apostolicæ Cathedræ vigere Principatum ; atque in verbis Apostolicæ Sedis tam antiquam , fundatam , claram , & certam, esse Catholicam fidem affirmat , ut nefas sit de illa dubitare Christiano . Ita lib. 1 , & 2. contra Julianum Apostolicæ Sedis sufficere examen , iudiciumque ad confirmandam fidem , ad explendam hæresim scribit ; nec opus esse Concilio ; neque exquiri ante oportere Orientalium Episcoporum consensum . Quid plura ? Sanctus Prosper in Chronico pariter auctor est hæresim Pelagianam ab universa Ecclesia demum damnatam , ubi a Romanis Pontificibus approbe damnatam agnovit: *Concilio, ait, apud Carthaginem habito 217. Episcoporum , ad Pontificem Zosimum Synodalia decreta perlata sunt : quibus probatis (ecce tibi subsequutum Ecclesiæ consensum) per totum Mundum hæresis Pelagiana damnata est*. Itaque sensu isto S. Augustinus enuntiaverat: *Inde rescripta venerunt: Causa finita est* .

Atque quidem hunc S. Augustini eo in loco genuinum esse sensum

sum agnoverunt, atque ultro apertissime affirmarunt doctissimi Galliarum Antistites, & Theologi, (quos Gallis illis paullo morosioribus offendere modo velim,) D. de Fenelon Archiepiscopus Cameracensis in mandato pastorali an. 1714; D. Madot Episcopus Cabilonenfis in epist. supra laudata; Eminent. Cardinalis de Mailli Archiepisc. Remensis in mand. pastor. an. 1718; D. de Belsunce Episc. Massiliensis in docum. pastor. an. 1736. adversus duos sermones Genevensium; D. de Languet Archiep. Senonens. in epist. 5. pastor. ad Clerum Sveffionensem; Episcopus Bellovacensis in serm. Synodico an. 1714; Emin. Cardinalis de Tencin, dum esset Archiepiscopus Ebredunensis in docum. past. an. 1728. eandem doctrinam esse affirmans D. Johannis Francisci de Gondi in suo mandato an. 1653; D. de S. Albin Archiepiscopus Cameracensis in docum. pastoralis an. 1739, S. Vincentius de Pauli, uti legitur in Bulla canonizat. a Clemente Papa XII. an. 1737. edita; nempe cum S. Augustini locum adhibebant Gallicani Antistites, & Doctores, ut pari modo Iansenistarum, & Quesnellianorum causam finitam adstruerent; iccirco quod ea in causa pariter Romani Pontifices suum iudicium protulissent. Sed de S. Augustino jam nimis. Adis is doctiss. Soardum de argumento hocce egregie agentem.

Sæculo V, & VI. Philippus Presbyter S. Cælestini Legatus ad Concilium Ephesinum, Concilio generali coram Romano Pontificem *Caput totius fidei* pronunciavit. Paschasius alter S. Leonis Legatus ad Concilium Chalcedonense in eo Pontificem appellavit *Caput Universalis Ecclesiæ*. Sed de illis fatis dictum, ubi de laudatis Conciliis dicebam. Johannes Cassianus genere quidem Scythæ, sed incolatæ cum Romanus tum Gallus, Semipelagianorum etiam aliquando erroribus aspersus, sed obsequio, devotioneque erga Apostolicam Sedem optime institutus, lib. 3. de Incarnatione cap. 12, *Interrogemus*, inquit, (de S. Petro, *summum illum & inter magistros Magistrum, qui Romanæ Ecclesiæ gubernaculum regens, sicut fidei habuit, ita & Sacerdotii Principatum*. Paucis, ut vides, privilegium utrumque Pontificis Romani perstringit. S. Petrus Chrysologus serm. 107. *Petrus*, inquit, *est Custos fidei, Petra Ecclesiæ, Janitorque Calorum*: serm. 154. *Petrus*, re-

petit,

petit ; a Petra nomen adeptus est , quia primus meruit Ecclesiæ fidei firmitate fundare ; & serm. 175. Edicto , ait , Cæsaris & Paganii (Augusti) Dominus obtemperaturus occurrit , & decretum B. Petri Principis Christiani servus adhuc aliquis irreverenter obfistit ? Duobus hisce locis Romani Pontificis cum fidem eclipsim pati non posse , tum præcepto obedientem quemlibet esse oportere expresse docet . Sed id enucleatius adhuc exprimit in epist. ad Eutychetem part. 1. Concil. Chalcedon. *In omnibus* , Eutychetem alloquitur , hortamur te , ut his , quæ a Beatissimo Papa (Cælestino) Romanæ Urbis præscripta sunt , obedienter attendas . Quoniam B. Petrus , qui in propria Sede vivit , & præsidet , præstat quærentibus fidei veritatem . Nos enim pro studio pacis , & fidei extra consensum Romanæ Civitatis Episcopi causas fidei audire non possumus . Duo , ut audis , dicit , de fidei rebus aures accommodandas Romano Pontifici ; neque absque Romani Pontificis consensu licere cuiquam etiam Episcopo de fidei rebus agere . Patas ne vero id dixisset , si Pontificem errori in fide obnoxium existimasset , aut illum Concilii auctoritati esse subjectum ?

S. Prosper , postquam quid ipse de speciali infallibilitatis prærogativa collata S. Petro censeret , in epist. ad Ruffinum expressisset , Certe , inquit , pro eo rogaverat Dominus , ne deficeret fides ipsius , nec utique frustra rogaverat , cujus una erat cum eo , quem rogaverat , operatio ; non minori potiri Pontifices non uno in loco manifestat . In suo Foemate de damnatione Pelagii peracta a Romanis Pontificibus SS. Innocentio , & Zosimo , quamvis a Conciliis Carthaginensi , & Milevitano eam hæresim diris cunctis jam devotam optime nosset , nihilominus primo , ac præcipue illam a Romanis Pontificibus fuisse proscriptam ait : *Pestem jubentem prima recidit Sedes Roma Petri , quæ principalis honoris facta Caput Abundo , quidquid non possidet armis , religione tenet ; & inferius : Tu causam fidei flagrantius Africa nostra exequeris , tecumque suum jungente vigorem juris Apostolici solio fera viscera belli conficis , & lato prosterne limite victus . Convenere tui decun-
tis ; urbibus almi Pontifices , geminoque senum celeberrima cætu decernis , quod Roma probet , quod Regna sequantur .* En a probatione Pontificis repetit robur Conciliorum Africanorum , &

Pars I.

R r

pro-

probationi Pontificæ subsecutum refert Orbis Christiani consensum ! Id luce clarius in Chronico expressit , cuius locum paullo superius exposuimus . Idem in lib. contra Collat. , idest Cassianum cap. 41. *Non ergo, inquit, cum istis (Semipelagianis) nova acie dimicandum est ; nec quasi contra novos hostes speciatim sunt ineunda certamina . Tunc istorum machinæ fractæ sunt , tunc in superbia suæ sociis , ac Principibus corruerunt , quando B. memoriæ Innocentius nefandi erroris capita Apostolico mucrone percussit Quando Africanorum Conciliorum decretis B. recordationis Papa Zosimus sententiæ suæ robur adnexuit , & ad impiorum detractionem gladio Petri dextræ omnium armavit Antistitum . Quando S. memoriæ Papa Bonifacius piissimorum Imperatorum catholica devotione gaudebat , & contra inimicos gratiæ Dei non solum Apostolicis , sed etiam regiis utebatur edictis . Unde & Venerabilis memoriæ Pontifex Celestinus sciens damnatis non examen iudicii , sed solum pœnitentiæ remedium esse præstandum , Celestium quasi non discusso negotio audientiam postulanti totius Italia finibus iussit extrudi , adeo & prædecessorum suorum statuta , & decreta Synodalia inviolabiliter servanda censebat , ut quod semel meruerat abscondi , nequaquam admitteret retractari . Cedo , elucet nonne elegantissime ex iis Apostolicæ Sedis irreformabile , ac infallibile de fide iudicium , cui uni hæresum extirpationes referendæ sunt ? Consule sub ejusdem nomine Auctorem lib. de vocat. gent. lib. 2. cap. 28 ; Auctorem sub nomine Eusebii Emis. , sive Eucherii Lugdun. ferm. de S. Petro tom. 6. Bibl. PP. edit. Lugdun. , S. Maximum Taurin. hom. 2. , & seqq. , item ferm. de SS. Petro , & Paulo ; Vincentium Lirinen. in commonit. a nobis sæpius commemorato ; Vigilium Tapsensem lib. 5. adv. Eutychetem ; Vinctorem Vitenf. lib. 5. de persecut. Vandal. , nam velle de omnibus singillatim dicere rem esset finire nunquam . De Ascanio vero , aliisque Tarraconensis Provinciæ Episcopis recole , quæ ex illo tum Synodica ad S. Hilarum retulimus tom. 1. art. 6. §. 2.*

S. Eugenius Carthaginensis Episcopus , quum ab Hunnerico Vandalorum Rege urgeretur ad collationem de fide ineundam cum Arianis , ita , ut auctor est Victor Vitenfis lib. 2. de persecut. Vandalica respondit : *Si nostram fidem , quæ una , & vera est ,*
pote-

potestas Regis cognoscere desiderat, mittat ad amicos suos, scribam
 & ego Fratribus meis, ut veniant Episcopi mei, qui vobis nobis-
 cum communem fidem nostram valeant demonstrare: & præcipue
 Ecclesia Romana, quæ Caput est omnium Ecclesiarum. En dicit ab
 Episcoporum Concilio exquirendum quidem de fide fore, præci-
 pue tamen a Pontifice Romano, uti Ecclesiæ universalis Præside
 de fide fore exostulandum! Quietem accepta persecutione, at-
 que in Africa redintegrata pace, Africani Episcopi de restitu-
 da collapsa disciplina summe solliciti Carthaginem sub Reparato,
 Florentiniano, & Datiano numero 217. convenientes, antequam
 de Arianis cum dignitate recipiendis an non deliberarent, Apo-
 stolicæ Sedis explorandam, expectandamque sententiam decreve-
 runt, rati eam in Ecclesia quam summam, tam rectam, ut ab
 eadem nefas esset vel latum unguem deflectere. Omnibus nobis, in
 epist. ad Johannem II. inquit, unanimiter subito placuit scisci-
 tari primitus Beatitudinis vestræ sententiam. Potest enim Sedes
 Apostolica tale nobis interrogantibus dare responsum, quale nos
 approbare concorditer explorata veritas faciat. Indicant subinde,
 quæ ipsorum animis insederet sententia. Verumtamen, inquentes,
 convenire caritati credidimus, ut, quod habest sensus noster, in pu-
 blicam notitiam nemo perduceret, nisi prius vel consuetudo nobis,
 vel definitio Romanæ Ecclesiæ proderetur. Antehac Gennadius Maffi-
 lienſis Presbyter in catalogo Scriptor. Eccles. de Innocentio I.
 scripserat: S. Innocentii decreto edito ab Orientis, & Occidentis
 Ecclesiis Pelagianam hæresim fuisse proscriptam non modo, sed
 Pelagium ipsum, antequam a Pontifice sui erroris damnationem
 acciperet, necessitatem sibi incumbentem Pontificio dicto obedi-
 di, atque ad ejusdem fidem conformandi se probe agnovisse, ideo-
 que se Apostolicæ Sedi edocendum, corrigendum, emendandum-
 que, (etsi non sincere id fecerit,) subjecisse. Innocentius, inquit,
 Urbis Romæ Episcopus scripsit decretum Occidentalium, & Orien-
 talium Ecclesiarum adversus Pelagianos datum, quod postea Succe-
 sor ejus Latinis promulgavit. Qua de re Pelagius ipse, antequam
 a Sancta Sede damnetur, fidei suæ professionem obtulit Pontifici,
 quam hisce verbis finit: *Hæc fides est, Papa Beatissime, quam
 in Ecclesia Catholica didicimus, quamque semper tenuimus, & te-*
 nemus.

nemus. In qua, si quid minus perite, aut parum caute aliquid fortasse positum est, emendari cupimus a te, qui Petri & fidem, & Sedem tenes. Sin autem hæc nostra confessio Apostolatus tui iudicio comprobatur, quicumque me maculare volueris, se imperitum, vel malevolum, vel etiam non catholicum, non me hæreticum comprobabit. De hæretico hoc homine jam dictum superius est.

S. Avitus Viennensis in Gallia Episcopus suo, atque Gallicanorum Episcoporum nomine pro S. Symmacho Pontifice Maximo, quem in Synodo jamjam judicandum acceperat, Senatui Romano gravi nuncupata epistola, quam legere est apud Sirmondum, & in Bibl. PP., de injuria inlata Episcopis universis exposulat, quippe quos supremi Præfulis violata jura lacerarent. Dum de causa, inquit, *Romanæ Ecclesiæ* anxii nimis, ac trepidi essemus, utpote nutare statum nostrum in laceffito vertice sentientes, quos una criminatio utique sine invidia multitudinis percusserat, si statum Principis obruisset. Deinde a Synodo nequaquam suscipi id iudicii licite, ac legitime posse subdens; Ita, inquit, non facile datur intelligi, qua vel ratione, vel lege ab inferioribus eminentior iudicetur. Quod Synodus ipsa venerabilis laudabili constitutione prospiciens causam, quam, quod salva ejus reverentia dictum sit, pene temere susceperat inquirendam, divino potius servavit examini, perstringens tamen, prout breviter potuit, nihil vel sibi, vel Theodorico Regi (Gotho) de his, quæ dicebantur Papæ objecta, patuisse. Denique Senatoribus alte animo insigere, quam ipse gereret, de Apostolicæ Sedis summa auctoritate sententiam adnixus, Quasi Senator, attexit, ipse Romanus, [cujusmodi generis certe fuerat,] quasi Christianus Episcopus obtestor. . . . ut in conspectu vestro non sit Ecclesiæ minor, quam Reipublicæ status, non minus diligatis in Ecclesiâ vestra Sedem Petri, quam in Civitate apicem Mundi. . . . Si profundo illo tractatus vestri consilio vera videtis, non ea tantummodo, quæ Romæ geritur, causa cogitanda est. In Sacerdotibus ceteris potest, siquid forte nutaveris, reformari; at si Papa vobis vocatur in dubium, Episcopatus jam videbitur, non Episcopus vacillare. . . . Reddet rationem, qui civilis dominico præest, qua commissam sibi agnorum curam administratione dispenset, ceterum non est gregis Pastorem proprium terrere, sed

Judicis. Quid elegantius his, cedo, quidve efficacius ad ostendendum nullum in Orbe tribunal extare, cui se sistere, cujus judicium subire, cujus sententiæ subjacere Apostolicam Sedem oporteat? Eam sibi, suisque gentilibus animo insedere sententiam confirmat in epist. ad S. Hormisdam hisce præclare de Pontificis judicio in rebus fidei scribens: *Jam securus de totius Gallia devotione polliceor omnes vestram super statu fidei captare sententiam*. Quæ quidem aperta sunt adeo, ut glossemate nullo indigeant; apertamque vim inferant, qui istiusmodi jure ex æquo Episcopos induunt.

S. Ennodius Ticinensis tum Diaconus, ac dein Episcopus in libello apologetico legendo apud Sirmondum tom. 1, & Labbeum tom. 4, quem pro Synodo IV. Romana, & pro Symmacho Pontifice Maximo jussu Synodi conscripsit, quemque Synodus Romana V. sub eodem Symmacho calculo suo comprobavit, imo postulante Synodo confirmavit S. Symmachus verbis illis: *Juxta vestrum omnium fiat voluntatem, & ut judicatis, Apostolica habeatur auctoritate, & inter Apostolica, quod dicitis, interponatur decreta, & sicut cetera Apostolica ab omnibus teneantur decreta*: ad quæ Pontificis verba ter una voce reposuerunt Episcopi: *Ut fiat, rogamus*: Ennodius, inquam, adeo aperte Sedem Apostolicam nulli in terris tribunali esse obnoxiam, imo ejusdem judicio omnes in Orbe obstringi, majoresque causas eidem judicandas reservari recensebat, ut qui de illius sententia dubitaret, næ is dum Sol lucet, an dies sit, dubitare est dicendus. *Replicabo, inquit, uni dictum*: Tu es Petrus, & super hanc petram &c. *Et rursus Sanctorum voce patet Pontificum dignitatem Sedis Apostolicæ factam toto Orbe venerabilem, dum illi quidquid fidelium est, ubique submittitur; dum totius corporis Caput esse designatur*: & infra: *Legite insaniissimi* (Schismatici) *aliquando in illis [Conciliis] præter Apostolici apicis sanctionem aliquid constitutum, & non de majoribus negotiis ad collationem, si quid occurrit, præfate Sedis arbitrio fuisse reservatum*. Id est in summa Pontificem supra Concilia esse potem. Dupinum nunquam non intentum pro suo pessimo affectu occasionibus derogandi, ac detrahendi prærogativis Romani Pontificis, hujusque juribus suffragatores despiciendi, lacessendique dictis, heic in hist. dogm. lib. 6. cap. 1 §. illustris. Sommier jure perstringit, quatenus Enno-

Ennodium traducit veluti non alio usum argumento ad eximendum Pontificem a jurisdictione Concilii, quam asserendo Sanctum esse, aut Sanctum evadere illico virum, ex quo ad Summi Pontificatus apicem conscendit. Non enim medium istud excogitatum ab Ennodio est: siquidem ex eo sane, quod Pontifex cunctis hominibus conditione præstet, more ceterorum hominum ab homine judicari noluit, judicandum tamen Deo liquido reservavit: *Aliorum forte, inquit, hominum causas Deus voluit homines terminare, sed Sedis illius Præfulis suo sine questione reservavit arbitrio.* Legito & lib. 5. epist. 10, & 13, & lib. 9. epist. 19. tom. 9. Bibl. PP. edit. Lugdun. De S. Cæsario Arelatensi, aliisque Gallicis Scriptoribus dicam, ubi de Gallicanæ Eccl. doctrina.

S. Fulgentius lib. de Incarn., & gratia cap. 11. Romanæ Ecclesiæ, cui Primatum adjudicat, fidem pariter fore, ut nunquam hæresis ullius, aut macula oblimetur, aut malitia obliteretur; imo Orbem omnem illi hæere nihil hæsitantem tradit, & testatur his verbis. *Quod duorum magnorum luminarium, Petri scilicet, & Pauli verbis tanquam splendentibus radiis illustrata, eorumque decorata corporibus, Romana, quæ Mundi cacumen est, tenet, & docet Ecclesia, totus cum ea Christianus Orbis, & ad justitiam nihil hæsitans credit, & ad salutem non dubitat confiteri.* Gemina habet lib. 2. de verit. prædest., & grat. cap. 22., lib. de fide cap. 3, & lib. 1. de remiss. cap. 19. Ferrandus Ecclesiæ Carthaginensis Diaconus, & S. Fulgentii discipulus, vel universalia Concilia ut valeant, a Sede Apostolica confirmari debere docet in epist. ad Pelagium, & Anatolium Romanæ Ecclesiæ Diaconos, ubi cap. 6. a Synodo Chalcedonensi neminem jure appellare potuisse affirmat, quia Sedis Apostolicæ consensu, quæ per Legatos aderat, robur invictum acceperat: *Appellationi, inquit, forsitan secundum consuetudinem locus pateret; sed quod iret, aut ubi majores reperiret in Ecclesia judices ante se habens in Legatis suis Apostolicam Sedem, qua consentiente, quidquid illa definiit Synodus, accepit robur invictum?* Quibus quid apertius ad evincendam Pontificis Romani supra Concilium potestatem? Quandoquidem non Concilio generali, sed Apostolicæ Sedi majores non a fore judices affirmat. Idem cap. 7. *Universalia Concilia, ait, præcipue*

cipue illa, in quibus Ecclesiæ Romanæ consensus accessit, secundæ auctoritatis locum post libros canonicos tenent; & infra: Quæ, inquit, finiuntur judicantibus Episcopis Sanctis, & ad B. Petri memoriam perducta diligentius examinantur, atque firmanantur, sequenda sunt, tenenda sunt, amplectenda sunt; in retractatione, sub qualibet pietatis occasione teneri non debent. Ut vides decreta a Concilio generali adhuc Apostolicæ Sedi examinanda subjicit: si ab Apostolica Sede approbentur, tum primum ita firma evadere asserit, ut ea nulli fas sit posthabere quovis prætextu, sed habere in pretio, observareque deinceps omnes oporteat. Idem in altera epistola ad Severum Scholasticum, seu advocatum Constantinopolitanum de celebri illa propositione: Unus de Trinitate crucifixus est, quam propugnabat, agens ita proloquitur: Loquentur de super ii, quibus Sacerdotii honos docendi auctoritatem tribuit. (Præclara profecto sententia, & verissima, nam nostra ætate videmus viros laicos pessime se Ecclesiasticis doctrinis docendis ingerere, & implicare; unde, proh nefas! videmus quoque nonnullos turpiter in errores incurrisse, indeque in turpiores immigrasse. Sancta Sanctis.) Quod me, prosequitur, attinet, ad discendum paratus sum, nec docere, (et si esset Diaconus,) quidquam præsumo. Interroga igitur, si quid veritatis cupis audire, principaliter Sedis Apostolicæ Antistitem, cujus sana doctrina constat judicio veritatis, & fulcitur munimine auctoritatis. Gratias maximas Ferrando, qui postquam luculenter Apostolicæ Sedi supremam supra Concilia vindicasset potestatem, eidem liquido adserit quoque alterum, peculiareque infallibilitatis privilegium. Mitto cetera, quæ adhuc ex Ferrando adferri possent, ne præter modum prolixior sim.

Possessor in Africa Episcopus, unusque eorum, qui Trasimundi jussu in exilium pulsi fuerant, Constantinopoli moram trahens a Vitaliano olim Consule, & Justiniano Justinii Imperatoris nepote inductus ad S. Hormisdam Pontificem, ipsius judicium de Fausti Regienis hominis Semipelagiani libris efflictim exquirens, supplexque efflagitans litteris inscriptis præ aliis, quæ ad præsens institutum non spectant, ita scripsit: *Decet, & expedit ad capitis recurrere medicamentum, quoties agitur de sanitate membro-*
rum.

rum. Quis enim majorem circa subiectos sollicitudinem gerit, aut a quo magis est stabilitas fidei expetenda, quam ab ejus Sedis Præfide, cujus primus a Christo rector auditur: Tu es Petrus, & super hanc petram ædificabo Ecclesiam meam? Quibus oppido explicitis Pontificis a fide indeficientiam quis adfirmari non perspicit? Eulalius Carthaginensis Episcopus in epist. ad Bonifacium II. nihil antiquius se habere scribit, quam fidei illi ad supremum, usque spiritum adhærere, quam Apostolica Sedes tenet, & tradit, quam ab omni hæreseos suspicione longe sepositam ait his liquidis verbis: In Sede Apostolica extra maculam semper est Catholica servata religio; de qua spe, & fide minime separari cupientes, & Patrum sequentes constituta, anathematizamus omnes, qui contra Sanctam Romanam, & Apostolicam Ecclesiam superbiendo suas erigunt cervices: sequentes in omnibus Apostolicam Sedem, & predicantes ejus omnia constituta, & per omnia spero, ut in una communione vobiscum, quam Sedes Apostolica prædicat, esse merear, in qua est integra, & vera Christianæ Religionis, & perfecta soliditas. Monent hic eruditi Critici commentitiam esse, quæ circumfertur epistola sub Bonifacii II. nomine ad Eulalium Alexandrinum, non istum Carthaginensem, ab impostore illo confusum, de reconciliatione Carthaginensis Ecclesiæ. Commenta ex eo constant, tum quod epistola isthæc transcripta pene sit ex epist. 64. S. Hormisdæ ad Johannem Melicitanum Episcopum: tum quod hac in epistola apertissimo mendacio affirmatur a tempore S. Bonifacii I. usque ad Bonifacium II. Africana Ecclesia a Romana communione mansisse segregatam: quod tam falsum est, quam sit Aurelium Carthaginensem, aliosque Episcopos Africanos, ideoque & S. Augustinum in Romanam Ecclesiam rebellasse, ideoque demeruisse, ut ab ejus communione dividerentur.

Aurelius Cassiodorus Senatorii Ordinis vir illustis, quum ab Athalarico Rege præfectura Prætorii, quæ culmen honoris erat altissimum, adauctus fuisset, ut amplissimo Magistratui apte, atque integre gerundo par esset, nil opportunius sibi faciendum duxit, quam si Romani Pontificis dicto auscultaret, atque obediens esset. Ea ergo de re epistola ad Johannem II. inscripta: *Mone te me, obsecrat, quæ sunt gerenda sollicite; bene agere vel*

corruptus exopto : quia difficilior errat ovis , quæ voces desiderat Pastoris , nec facile efficitur vitiosus , cui admonitor adfuit assiduus . Sum quidem Judex Palatinus , sed vester non desinam esse discipulus . Nam tum ista recte gerimus , si a vestris regulis minime discedamus . Sacratissima plane , dignaque sententia , quæ eorum animis insculpatur , qui Reipublicæ administrandæ admoti sunt : egregiumque profecto exemplum , quod iidem præ oculis iugiter habeant . Subdit dein propius in rem nostram : *Sedes illa (scilicet Apostolica) toto Orbe mirabilis proprios tegat affectione cultores : quæ licet generalis Mundo sit præstita , Vobis etiam cognoscitur & localiter attributa .* Præfectura postmodum abdicata reliquum vitæ tempus Monachum egisse Cassiodorum narrat Garetius Benedictinus in ejusdem vita .

Liberatus Archidiaconus Carthaginensis in Breviario de causa Nestorii , & Eutychetis agens cap. 12. de prædatoria pseudo-Synodo Ephesina , postquam recensuisset a pseudo-Episcopis denegatum Legatis S. Leonis primum in confesso honoris locum , insuperque habitam S. Leonis ad Flavianum epistolam , de Legatis subjungit : *Porro locum obtinentes Papa Leonis omnibus , quæ sunt gesta contradixerunt : Flavianus autem contra se prolata sententia per ejus Legatos Sedem Apostolicam appellavit .* Convertens se deinde ad Concilium Chalcedonense , affirmat a Sede Apostolica reprobatum canonem de primo honoris gradu Patriarchæ Constantinopolitano asserto : *Et licet ,* inquit , *Sedes Apostolica nunc usque contradicat , quod a Synodo firmatum est , Imperatoris patrocinio permanet quodammodo .* Cap. 20. agens de Acæmetarum errore inficientes B. V. Mariam omni laude dignam vocandam Deiparam , & unum de Trinitate carne passum , & crucifixum , refert ab Imperatore Justiniano Legatis ad Johannem II. missis Hypatio Ephesino , & Demetrio Philippenfi Episcopis Apostolicam Sedem consultam fuisse , quid credendum foret : *Sed Papa Johannes ,* inquit , *hoc consistendum epistola sua firmavit , & Imperatori direxit .* Sed præstat Johannem ipsum audire in epist. ad Imperatorem Justinianum , qua postquam illas propositiones , unum e Trinitate esse Christum , eumque carne passum , ejusdemque Matrem B. Virginem Mariam veraciter , & proprie Dei Matrem appellandam

approbasset, de Monachis Acæmetis attexit: *Eos ab omni Ecclesia Catholica esse iussimus alienos, nisi errore damnato, doctrinam nostram quantocius sequi habita regulari professione signaverint.* Extat Johannis epistola tom. 4. Concil. edit. Labbei. Cap. 21. differens de adventu Constantinopolim S. Agapeti Papæ ait ab illo gradu deturbatum Anthimum, atque Constantinopolitanæ Ecclesiæ ab eodem Pontifice Mennam subrogatum fuisse. Et cap. 22. agens de exilio S. Silverii hæc habet: *Silverio venienti Pataram Venerabilis Episcopus Civitatis ipsius venit ad Imperatorem, & iudicium Dei contestatus est de tantæ Sedis Episcopi expulsionem; multos esse dicens in hoc mundo Reges, & non esse unum, sicut ille Papa est super Ecclesiam mundi totius a sua Sede expulsus.* Subdit Imperatorem his intellectis Silverium Romam revocari iussisse. Sed quid lapides, ut ajunt, in acervum congero, & comporto? Satis ex prælaudatis exploratum sit Liberati sententia Pontificem Romanum Concilio generali præcellere, ac suprema potestate in Ecclesiam universam pollere. De Dominico Carthaginensi; Constantio Mediolanensi; Quiricio Hiberno, & Felice Messanensi adf. S. Gregorium M. lib. 5. epist. 5, alias 4. epist. 3; lib. 9. epist. 53, alias 7. epist. 57; lib. 11. epist. 67, alias 9. epist. 63; & lib. 14. epist. 17, alias 12. epist. 10. Non enim vacat de singulis sermonem attexere. De SS. Augustino Cantuar., & Mellito primo Londinensi Episcopo adeundus V. Beda lib. 1. hist. Angl. cap. 27, & lib. 2. cap. 4., de quibus alibi sermo recurrit.

Sæculo VII, & VIII. S. Isidorus Hispalensis avitæ traditionis Ecclesiæ Hispanicæ locuples testis ejusmodi docuit, scripsitque, ex quibus facile intelligitur ei animo eam infedisse radicatus sententiam, quod Romani Pontificis sublimior, superiorque non sit in terris potestas: sic enim in epist. ad Eugenium Toletanum scribit: *Quod de parilitate agitur Apostolorum, Petrus præminet ceteris, qui a Domino audire meruit: Tu es Petrus &c. ... Cui etiam post resurrectionem Filii Dei ab eodem dictum est: Pasce agnos meos; Agnorum nomine Ecclesiarum Prælatos notans. Cujus dignitas potestatis etsi ad omnes Catholicarum Episcopos est transfusa, specialius tamen Romano Antistiti singulari privilegio velut Capiti ceteris membris celsior permanet in æternum. Qui*
igi-

igitur debitam ei non exhibet reverenter obedientiam, a Capite se-
 junctus acephalorum schismati se reddit obnoxium : quod sicut illud
 S. Athanasii de fide Sanctæ Trinitatis Sancta Ecclesia approbat, &
 custodit, quasi sit fidei catholica articulus : Quod nisi quisque fide-
 liter, firmiterque crediderit, salvus esse non poterit. Si igitur in
 S. Isidori sententia agni etfi in cœtum collecti Pastori non præ-
 sunt, neque Episcopi etfi in Concilio congregati Romano Pontifici
 auctoritate præstabunt. Consentanea istis sunt, quæ scribit in epis-
 tola ad Claudium Dugem. Sic nos scimus præesse Ecclesiæ Christi,
 quatenus Romano Pontifici reverenter, humiliter, & devote tan-
 quam Dei Vicario præ ceteris Ecclesiæ Prælati specialius nos fateamur
 debitam in omnibus obedientiam exhibere. Contra quod quem-
 quam procaciter venientem tamquam hæreticum a consortio fide-
 lium omnino decernimus alienum. Hoc vero non ex electione pro-
 prii arbitrii, sed potius auctoritate Spiritus S. habemus firmum,
 ratumque credimus, & tenemus. Iis S. Isidorum probe intellexisse
 Pontificis supra Concilia potestatem adhuc sit palam ex ipsius
 præfatione ad Collect. Concil.: Subjecimus, inquit, reliqua Præsu-
 lum Romanorum decreta usque ad S. Gregorium, & quasdam ipsius
 epistolas, in quibus pro culmine Sedis Apostolicæ non impar Conci-
 liorum extat auctoritas. Et infra. Nullam Synodum ratam esse
 legimus, quæ non fuerit Apostolicæ Sedis auctoritate congregata,
 vel fulta. Ita ne loquitur, qui Synodo Pontificem subjugar?

S. Leander ipsius Frater, ac in Sede Episcopali successor in
 Hispania de trina in baptismo immersione controversia exorta,
 & exardesciente, satius duxit, si Apostolicam Sedem, cui tum
 præerat S. Gregorius Magnus, quid sibi agendum foret, consu-
 leret: qui rescribens epist. 41., nunc 43. lib. 1. æque unam,
 vel trinam mersionem approbavit, unicam tamen persuasit.
 Ejusmodi moris consulendi de rebus dubiis Pontificem innume-
 ra exempla Ecclesiastica historia suppeditat. Ex Hispania Hi-
 merii Tatracon., qui S. Damasum, S. Turibii, qui S. Leonem,
 Ascanii, qui S. Hilarium &c.; Africanorum, qui SS. Innocentium,
 Cælestinum, Johannem &c.; Illyriciorum, qui SS. Bonifacium,
 Leonem, Hormisdam &c.; Gallorum, qui SS. Innocentium, Fe-
 licem, Hadrianum &c.; Germanorum, qui S. Zachariam &c.; Hi-

bernorum, qui S. Gregorium &c., quo de argumento fufce par. 2. erit agendum. Johannes Ravennatenfis Epifcopus in epift. ad eundem S. Gregorium, quæ inter Gregorianas legitur lib. 2. ordine 55. indi&. 11, nunc lib. 3. n. 56, apud Pontificem profitetur ab Apoftolica Sede jura in Ecclefiam univerfam manare: in ejus ergo fententia Pontifex Romanus jure potitur in Concilia, & ab eodem Romano Pontifice in Epifcopos jurifdictio profuit. En ejus verba: *Recolo me in finu, & gremio Sacrofan&te Ecclefie veftræ Romanæ nutritum, & Deo auxiliante provec&tum. Et quibus aufibus ego Sanctiffima illi Sedi, quæ univerfali Ecclefie jura fua transmittit, præfumpferim obviare, propter cujus confervandam auctoritatem.... multorum contra me graviter excitavi invidiam?* Recole, quæ de eodem Epifcopo adnotavimus tom. 1. art. 6. §. 2, ubi de fchifmate Ecclefie Ravennatis.

Victor Carthaginenfis Epifcopus in epift. ad Theodorum Papam, quæ extat in a&is Concil. Later. fub S. Martino I. contra Monothelitas celebrati: *Veftrum eft, inquit, canonica difcretionè follicite contrariis catholicæ fidei obviare, nec permittere noviter dici, quod Patrum Venerabilium auctoritas omnino non cenfuit. Nos enim uno vinculo charitatis vobifcum fumus conftri&ti.* Pontificis ergo efle partes afserit hærefes profligare, illumque unum penes rei chri&tianæ summam permanere. Quod nescio quomodo verum fit, fi Pontifex ipfe de fide periclitetur. Confonæ funt, fed clariores, quæ in epift. ad eundem Theodorum adverfus eundem Monothelitas fuo, & trium Synodorum nomine tradiderunt Columbus, Stephanus, & Reparatus Africani Epifcopi. *Magnum, inquit, & indeficientem omnibus chri&tianis fluentem redundantem apud Apoftolicam Sedem confiftere fontem nullus ambigere poteft, de quo rivuli prodeunt afuenter univerfum largiffime irrigantes Orbem chri&tianorum.* Hæc de fidei doctrina, quam deficere in ea nequire, utpote a qua in Ecclefiam omnem defluit, quis dubitet? Sed quæ de auctoritatis fuma? Descriptis ex S. Innocentii epiftola ad Concil. Carthag. verbis, *Antiquis regulis, fubdunt, fancitum eft, ut quidquid quavis in remotis ageretur Provinciis, non prius tractandum, vel accipiendum fit, nifi ad noticiam almæ Sedis veftræ fuiffet deductum.* Nempe ut firmetur, vel infi-

infirmetur . Quid quod Jonas ortu Secusienſis, & iſtituto Bobienſis Monachus in vita S. Eufaſii Abbatis Luxovienſis cap. 5. de Aquilejenſi ſchiſmate agens, ex eo capite ſchiſmaticos carpandos duxit, quod ob trium Capitulorum deſenſionem a Sede Apoſtolica deſciverint , cui in perſona S. Petri in fide perennis firmitas promiſſa fuiſſet ? *Aquilejenſes*, ait, *tum deſciverunt a communione Sedis Apoſtolice*, de qua Dominus in Evangelio ad B. Petrum Apoſtolorum Principem loquitur: Tu es Petrus, & ſuper hanc petram &c. Et portæ inferi non prævalebunt adverſus eam .

S. Aldhelmus Malmesburienſis in Anglia primum Abbas, & Schirebutnenſis poſtea Epiſcopus in epiſt. ad Gerantium Romanæ Eccleſiæ doctrinam non modo, ſed diſciplinam quoque, ac circa Paſcha nominatim, in cujus celebratione a Romana Eccleſia Britones, Hiberni, Scotique diſcrepabant, de quo par. 2. vindiciar. agendum erit, conſectandam omnimode ſcribit, ea ratione ſuffultus, quod Eccleſiaſticam Monarchiam obeat Romana Eccleſia: Si ergo, inquit, *Petro claves regni Cæleſtis a Chriſto collatæ ſunt, quis Eccleſiæ ejus ſtatuta principalia ſpernens, & doctrine mandata contemnens per Cæleſtis Paradifi portam gratulantibus ingreditur ? Et ſi ipſe poteſtatem ligandi, atque Monarchiam ſolvendi in Cælo, & in terra peculiari privilegio accipere promeruit, quis Paſchalis feſti regulam, & tonsuræ Romanæ ritum reſutans, non potius ſe ſtriſtis nexibus inextricabiliter obligandum, quam clementer abſolvendum ullatenus arbitretur ?* Extant ejus opera in Bibliot. PP. Colon., & Lugdunenſi . De tonsura porro obſervat Mabillonius in præfat. ad r. part. ſæculi III. Benediſt. ab Eccleſia Romana eam fuiſſe circa ſæculum VIII. pro Clericis ne dum, ſed etiam pro Laicis frequentatam: Laicorum autem aliam fuiſſe puerorum, adultorum alteram tonsuram. Pueris, quum alicui offerrentur in filios ſpirituales, Epiſcopus, aut Pater ſpirituſalis capillos ab eorum capite demetebat . Ita quum Conſtantine Imperator filios ſuos Juſtinianum, & Heraclium S. Benedic- to II. dediſſet in filios, in hujusmodi ſuſceptionis ſignificationem Pontifex ad ſe miſſos ab illorum capitibus detoſos capillos ſuſcepit, teſte Anaſtaſio . Ita quum Carolus Martellus Princeps Francorum filium ſuum Pippinum obtuliſſet in filium Luitprando Lon-

Longobardorum Regi, eundem ad illum misit, ut juxta morem incisa ei cæsarie spiritualis Pater fieret, sicuti factum refert Paulus Diaconus lib. 6. de gest. Longobard. cap. 53. Extant in Ordine Romano orationes, ritusque ad istiusmodi capillos incidendos. Cleticorum tonsura, de qua agunt S. Gregorius Nazian. orat. 28; S. Ambrosius in epist. 25. ad Ecclesiam Vercellen.; S. Gregorius Turon. lib. 1. de glor. Martyr. cap. 28; S. Gregorius M. lib. 7. epist. 3; S. Nicetius Trevir. apud S. Gregorium Turon. in vita Patrum cap. 17; S. Isidorus lib. 2. officior. cap. 4; & lib. 2. origin. cap. 14; Theodorus Cantuariensis Episcopus apud V. Bedam lib. 4. hist. Anglor. cap. 1; S. Germanus Constantinop. Patriarcha in Theoria rer. Eccles.; Honorius Augustod. in gemma animæ pat. 1. cap. 193; Concilia Carthaginense an. 398; Hibernum an. 456; Agathense an. 506; Batcinonense an. 540; Toletanum an. 633; Constantinopolitanum an. 690; & Romanum an. 721; ut omittam sequioris ætatis Synodos; Clericorum, inquam, tonsura alia, apud Orientales dicebatur tonsura S. Pauli; altera apud Occidentales dicebatur S. Petri. Quæ S. Pauli, eo quod Nazaræorum more caput gestaret detonsum abrafis unde quaque capillis, attonsis totius cæsatie erat. Quæ S. Petri ea erat, qua in coronam attondebantur capilli - Theodorus Cantuariensis Episcopus a S. Vitaliano Papa in Angliam missus antea tonsuram S. Pauli gestaverat, sed postea tonsuram S. Petri assumpsit, referente V. Bedam lib. 4. hist. Anglor. cap. 1. Eandem S. Petri tonsuram Anglicanum Clerum usurpasse testatur Ceolfrius Abbas apud præcit. Bedam lib. 4. cap. 24. in epist. ad Naitanum Regem, quam post Chiffletium edidit Harduinus tom. 3. Conciliorum. Coronam tamen in formam semicirculi aptatam supra frontem Simonis Magi tonsuram Angli vocabant, quod a forma Romanæ coronæ, quam attribuebant S. Petro, abhorreret. Contra eam invenitur Ceolfrius loco citato. S. Aldhelmus igitur de tonsura Romana Clericorum videtur loquutus, cui forte non deerant, qui tonsuram S. Pauli, aut etiam Simonis Magi anteferrent, siquidem istiusmodi ritum parvipendentes gravi poena obstrictos pronunciat. Adisis, si plura aveas, Andreæ Saussai in panoplia Cleric.; Gastonem Chamillard in tract. de tonsura; Thomassinum

num veter. , & novæ disciplinæ lib. 2. par. 1. cap. 37 ; Sarnellium in epist. Ecclef. ; Halleſium, Martenium , ac Filippum Bonani de Hierarch. Ecclef. capp. 34 , & 35.

Ven. Beda Romanum Pontificem præ Concilio generali potioreſſe , indeficientiæque a fide privilegio ſingulari potiri tot in locis pronuntiat, ut vel ab invito aſſenſum extorqueat . Audiatur in Lucæ 22. *Confirma Fratres tuos, quaſi dicat, inquit, poſtquam me negato ploraveris, penitueris, corrobora ceteros, quum te Principem Apoſtolorum deputaverim, hoc enim decet te, qui mecum es robur, & petra Eccleſiæ.* Audiatur homil. in vigilia SS. Petri, & Pauli. *Pasce oves meas, omnibus, interpretatur, dictum eſt: hoc namque erant ceteri Apoſtoli, quod fuit Petrus, ſed Primatus Petro datur, ut unitas Eccleſiæ commendetur.* Audiatur homil. in natali S. Benediſti. Roma, ait, *per Summos Chriſti Apoſtolos totius Eccleſiæ Caput eminet eximium.* Audiatur homil. in natali SS. Apoſtol. Petri, & Pauli. *Ideo, inquit, B. Petrus, qui Chriſtum vera fide confeſſus, vero amore ſecutus, ſpecialiter Claves regni Calorum, & Principatum judiciariæ poteſtatis accepit, ut omnes per Orbem credentes intelligant, quia quicumque ab unitate fidei, vel ſocietate illius quolibet modo ſeipſos ſegregant, tales nec peccatorum vinculis abſolvi, nec januaſſe Regni caeleſtis ingredi.* Igitur in Bedæ ſententia de neceſſitate ſalutis eſt omnino, Romani Pontificis fidei conſociari, & illius obedientiæ ſubmitti. Num ab hujusmodi officio erunt liberi in Concilio Epiſcopi? Num Chriſtiſideles ſuam ab illius ſocietate fidem liberare non poterunt, ſi ille a fide poteſt aliquando deficere? Legatur lib. 3. hiſt. Angl. cap. 25, ubi non alia ratione refert adductum Oſſvi Saxonum Regem Paſcha imposterum celebrandum in Britannia imperaſſe juxta morem Eccleſiæ Romanæ, niſi quia a Wilfrido Apoſtolicæ Sedis Legato audierat illius decreta Sanctorum, omnium ſtatutis eſſe antepoſenda vi illorum verborum *Tu es Petrus* &c., & cap. 29, ubi auctor eſt tum eundem Oſſvi Saxonum Regem, tum Egbertum Regem Cantuariorum, poſtquam intellexiſſent Romanam Eccleſiam Catholicam Eccleſiam eſſe, & Apoſtolicam, Romam miſiſſe Wigardum, ut ibidem Archiepiſcopus ordinatus Anglorum Eccleſiis ordinaret Epiſcopos. Sed de his

his alibi. Id obiter hic observes vel ex hoc uno manifestissimi redargui mendacii Anglos Protestantes, qui Britannorum fidei prima rudimenta a Græcis repetunt: quippe ex hoc uno patet Britones doctrina, moribus, & disciplina [uno dempto ad tempus de Paschatis celebratione ritu] Ecclesiæ Romanæ fuisse imbutos.

Contumeliam perinde, atque calumniam V. Bedæ infligit Eduardus Stillington Decanus Londoniensis in libro de *Originibus Britannicis*, dum ad Romani Pontificis Primatum evertendum ex V. Bedæ lib. 2. cap. 2. testimonium exculpere non erubuit. Nempe eo loci a V. Bedæ tradi contendit, quod quum S. Augustinus a S. Gregorio M. in Angliam directus Britannis Episcopis persuadere efflictim studeret, ut Romano Pontifici obedientiam præstarent, eique fidei religione se obstringerent, a Dinotheo Abbate, aliisque Monachis Banchorensis Monasterii hocce accepisse responsum: se nescire quis esset ille Papa, quem *Patrem Patrum* nuncupabant: quodque *Britanni nullatenus se subicerent Ecclesiæ Romanæ*. Confirmari huiusmodi Bedæ testimonium, subjungit Stillington, ex Anonymo scriptore a Spelmanno tom. 1. Concil. Angliæ edito, asservatoque in Bibliot. Cottoniana, eodem Spelmanno teste, qui de abjudicata a Monachis Banchorensibus Pontifici obedientia, ignorataque ab iis Pontificis, quam Romani jactant, potestate, plenam facit fidem. Verumtamen Stillington magno in errore versatum, pessimaque fide agere jam pridem demonstrarunt viri eruditi Emanuel Schelestratus dissert. de auctorit. Patriarchali, & Metropolitana adversus hunc Decanum Londinensem; & Pagius Antonius in Crit. ad annum 604. n. 8, & seqq.; nec non Alfordus in Annal. Eccles. Anglic. ad eundem annum n. 2, & seqq. Nimirum a V. Bedæ id unum perhibetur inter S. Augustinum, & Britannos Antislites disceptarum quidem fuisse de quibusdam Ecclesiæ traditionibus, atque de Metropolitana S. Augustini dignitate, cui eo nomine subjici Britanni detestabant; nullam vero initam de Primatu Romani Pontificis quæstionem. Quod autem ad scriptorem Spelmani attinet, nullo moror modo; siquidem de eodem auctore, ejusque ætate nihil sibi esse perspectum fatetur vel ipsemet Spelmannus: cum autem scripsisse ejusmodi post schisma verisimilius conjiciunt viri Eruditi mox laudati.

S. Bo-

S. Bonifacius Moguntinus Episcopus, de quo sæpius recurret sermo, Germanos, quos in fide erudiendos susceperat, ut de Romano Pontifice sublimiter, ac præclare sentirent quam maxime suadere, & edocere studuit. Quam vero ipse animo de Pontifice gereret sententiam, explicat in epist. ad S. Zachariam Papam, quæ notis a Serario cum alijs illustrata extat in Bibliot. PP. Lugdun., qua, *Ante vestigia vestra*, ait, *geniculantes intimis subnixæ flagitamus precibus, ut sicut Prædecessorum vestrorum pro auctoritate S. Petri servi devoti, & subditi discipuli fuimus, sic & vestræ pietati servi obedientes, subditi sub jure canonico fieri mereamur, optantes Catholicam fidem, & unitatem Romanæ Ecclesiæ servando dilatare, & quanto scumque audientes, vel discipulos in ista legatione mihi donaverit Dominus, ad obedientiam Apostolicæ Sedis invitare, & inclinare non cesso*. Et in epist. ad Stephanum II. postquam enixis precibus efflagitasset sibi fas fieri in Apostolicæ Sedis unitate, doctrina, obedientia, & devotione manendi: *Si minus, subnectit, perite aliquid, aut injuste a me factum, vel dictum reperitur, judicio Romanæ Ecclesiæ prompta voluntate, & humilitate emendaturum me spondeo*. Hæc quoque abs me dicta, & quidem ex animo sunt: ab hisce sive vivo, sive morior, Deus me adjuvet, non abscedo. Confer formulam fidei, quam idem S. Bonifacius S. Gregorio II. nuncupavit apud Harduinum tom. 3. ejusdemque epistolam 105. ad Cudbertum, de qua tom. 1. art. 6. §. 2. Sed & eamdem animo hæsisse de Apostolica Sede sententiam S. Lullo Bonifacii in Sede Moguntina successoris conjectura facile atsequitur ex epistola 100. inter Bonifac. in Bibliot. PP. tom. 8, de quo & adis Acta SS. Benedic. tom. 4.

Alcuinus dictus aliter Flaccus Albinus vir sive doctrina, qua excelluit, sive discipulis, quos instituit, sive muneribus, quibus perfunctus est, celeberrimus, quamquam in eo peccaverit ipse, quod contra unicam immersionem ab Hispanis in baptismo usurpatam epist. 69, & 70. pugnans vitio illis verterit, quod epistolæ S. Gregorii ad Leandrum ea de re datæ, quæ lib. 1. est 41 vet. edit., ex Concilio Toletani IV. decreto adhererent, præterquam quod in eo sit excusandus, quod Hispanos iccirco, quod S. Gregorii laudato responso inniterentur, redarguit, quia S. Pontifici eam

Part. I.

T r

epi-

epistolam affictam fuisse, etsi falso, putaverit, in epist. 70. quanti ab se Apostolicæ Sedis auctoritas fieret, & fides, patefacit verbis his tam illustribus, quam veris: *Ne schismaticus inveniatur, aut non catholicus, sequatur probatissimam Romanæ Ecclesiæ auctoritatem, ut unde Catholicæ fidei initia accepimus, inde exempla salutis nostræ semper habeamus. Ne membra a Capite separentur suo, ne Claviger regni celestis abiciat, quos a suis deviasse cognoverit doctrinis.* Similia sunt, quæ leguntur lib. de divin. offic. cap. 19. Sed quia ab eruditis is liber Alcuino abjudicatur, nolim certam causam incerto fundamento fulcire. Quamquam & suus quodammodo is liber dicendus sit, quippe qui ex diversis ipsius sententiis confarcinatus.

S. Paulinus Aquilejensis Episcopus in Sacrosyllabo adversus Elipandum, postquam in Concilio Francofordiensi Felicis, & Elipandi hæresim proscriptam fuisse secundum epistolam Hadriani I. Pontificis Maximi ad Hispaniarum Episcopos retulisset, atque proinde simili sententia plectendos enuntiasset quotquot illis pravis dogmatibus assensum deinceps præbuisent suum, id iudicii Pontifici reservavit his verbis: *Reservato per omnia juris privilegio Summi Pontificis Domini, & Patris nostri Hadriani primæ Sedis Beatissimi Papæ.* Agnoscebat itaque S. Paulinus Concilii Francofordiensis sententiam a Romano Pontifice potuisse in examen revocari, imo & rescindi; unumque esse ejusdem Pontificis irretractabile, & omnino ineluctabile iudicium. Atque certe Ecclesiæ infallibilitatem eodem loci nonnisi ex indefectibili fide S. Petri deducit Paulinus, *Sancta*, inquit, *Universalis Ecclesia super firmam immobiliter fundata est Petram, & portæ inferi nequeunt prævalere adversus eam.* Ejusdem vero sententia S. Petro in ejusmodi prærogativis par est Romanus Pontifex. Confer eundem in præfat. ad Concilium Foro-Julienſe apud Harduinum tom. 4. collect. Conciliorum anno 791. Ambrosius Autpertus Abbas S. Vincentii Martyris prope Vulturnum fluvium ex Archicancellario Caroli Magni in epist. ad Stephanum III. præfixa commentariis in Apocalypsim, qua Summo Pontifici opus suum nuncupat, sic inter alia animi sui erga Sedem Apostolicam sensum paucis significat: *Sanctorum Ecclesia, quæ corpus Redemptoris sui*

sui est, cujus tu Pontificalis ordinis Primatum sortitus es &c. Quo jure plane apud Romanum Pontificem de doctrina in judicio experiri librum quemcumque oportere vir optimus intelligebat. Ad confirmanda hæc suppetunt oppido multa ex S. Justo Cantuariensi apud V. Bedam hist. Anglor. lib. 2. capp. 7, & 8; ex Johanne Biscopo apud eundem lib. 4. cap. 18; ex S. Rumoldo Dublinensi apud Surium ad 1. Julii; ex Theodoro Cantuar. apud Eddium in vita S. Wilfridi cap. 41; ex SS. Benedicto Medional., & Petro Ticin.; ex Leone Ravennate apud Anastasium in Constantino, & Stephano IV; ex S. Corbiniano Frisingensi apud Mabillonium tom. 3. act. Benedict.; ex S. Chrodegango Metensi Episcopo apud Paulum Diaconum; aliisque, facere tamen præstat modum.

Sæculo IX, & X. Jonas Aurelianensis Episcopus Conventui Parisiensi an. 822. celebrato de sacris Imaginibus interfuit. Inde a Ludovico Pio una cum Hieremia Archiepiscopo Senonensi ad Eugenium II. Pontificem Maximum legatus est missus. Non igitur illum latuit non nisi Romani Pontificis auctoritate roborata Conciliorum decreta in causis fidei rata, ac firma consistere. Quod quidem expresse affirmat lib. 1. de cultu imaginum adversus Claudium Taurinensem, quo loci de Concilio Francofordiensi agens, a quo Felicis Urgelitani, & Elipandi Toletani hæresis anathemate confixa fuerat, *Jussu, inquit, Caroli Magni in unum coacti milites Christi (Episcopi) adhibita etiam Romana Ecclesie auctoritate* (scilicet recitata Hadriani I. epistola ad Hispan. Episc., qua hæreticis illis, illorumque hæresi anathema irrogaverat) *Felicem damnaverunt*. Et lib. 3. *Quid enim, subdit, si ut supra dictum est, Claves regni Cælorum quasi Eminentissimo S. Ecclesie membro intelligo traditas, B. videlicet Petro, ut per illud ad ceteros hac dignitas transeat: num idcirco mens mea ab ejus amore tepescet, quem plurius videam a Domino honorari? Potior namque in ejus devotione amoris coalescet ignis, ut quod omnium est commune, ipse quodammodo accepisse videatur singularis*. Quibus satis significat, quo erga Apostolicam Sedem affectus obsequio, fideque ferretur. Lupus Ferrariensis dictus Servatus illud præclare in epist. 81. ad Amolonem Archiep. Lugdunensem Reges admo-

nitos voluit, ut videlicet Pontificibus edocentibus religiose auscultarent, implerentque sedulo, quod imperassent: *Rex Regum*, inquit, *idemque Sacerdos Sacerdotum*, qui solus potuit Ecclesiam regere, quam redemit, postquam humanitatem suam in Cælum evexit, semper cum suis futurus divinitate potestatem suam ad eandem gubernandam Ecclesiam in Sacerdotes divisit, ac Reges: ut quod sancti docerent Pontifices, & ipsi implerent, & impleri facerent devotissimi Reges. De Fulrado Sandionysiano lege - sis Hincmari epist. 14, qua palam fit quanto ille studio Apostolicæ Sedis obsequio se devovisset; quantisque collatis beneficiis illa vicem rependisset.

Rabanus Maurus, quem S. Odilo Cluniacensis ob singularem, ac sæcularem non modo, sed magis spiritualem scientiam elogiis dignis excepit, quid non S. Petro? Et quod S. Petro, ejusdem pariter successoribus privilegium attribuit. Itaque in cap. 17. Matth. *Hæc ligandi*, inquit, *atque solvendi potestas quavis solo Petro data videatur a Domino, tamen & ceteris Apostolis datur, nec non etiam nunc Episcopis, & Presbyteris Ecclesiæ. Sed ideo Petrus specialiter claves regni Cælorum, & Principatum judicariæ potestatis accepit, ut omnes per Orbem credentes intelligant, quod quicumque ab unitate fidei, vel societatis illius quolibet modo seipfos segregant, tales nec vinculis peccatorum absolvi, nec januam posse ingredi regni cælestis: & ad cap. ult. Johannis, Simon, inquit, idest obediens, qui propter Primatum Apostolici ordinis vocatur Petrus, idest firmus. Ecce ex eo repetit necessitatem non recedendi ab unitate fidei Romani Pontificis, quod ipsius fides sit firma, & quod principatu judicariæ potestatis sit præditus. Legendus idem de laude S. Crucis ad Gregorium IV, ubi præclare de Romani Pontificis infallibilitate, & potestate sic canit: *Sedis Apostolicæ Princeps, lux aurea Roma, & decus, & Doctor plebis, & almus amor: Tu caput Ecclesiæ es, primus Patriarcha per Orbem præclarus meritis, & pietate potens: Sol terræ; Mundi lux, atque Urbis inclita Christi, perpetuæ præbens lucis iter populo: vestra valet, Cælum referare, ac claudere lingua in terra positus Claviger athercus. Obedientia, obsequioque demississimum animum ad Apostolicam Sedem appulisse S. Anscarium Ham-*
bur-*

burgensem, ac Fulcouem Remensem liquet ex Bollando ad diem 3. Febr., & Flodoardo hist. Remens. lib. 4. cap. 1.

Walafridus Strabo Augiensis Abbas, cujus scetus est Glossa ordinaria in S. Scripturam, nec distinguendus cum Trithemio a Strabone Fuldensi, cui opus laudatum adscribitur, quo in errore Trithemium secutos Sixtum Senensem, Possevinum, Bellarminum, & alios emendarunt Canisius, Broverus, Vossius, Miræus, aliique eruditi critici, Walafridus, inquam, Romano Pontificio apici, & potestati a cunctis submittendos fasces, & cunctis retro temporibus ab omni hæreseos fece ejusdem fidem puram permansisse scribit his verbis lib. de rebus Eccles. cap. 22 : *Romanorum morem ideo in rebus sacris tam multæ gentes imitantur, quia & tanti magisterii ex apice Apostolico primordiis clarent, & nulla per Orbem Ecclesia æque, ut Romana, ab omni face hæreseos cunctis retro temporibus pura permansit; & cap. 31: Sicut gens Romanorum totius Orbis Monarchiam tenuisse fertur, ita Summus Pontifex in Sede Romana vicem B. Petri gerens totius Ecclesie apice sublimatur; de quo Sardicensi Concilio statuitur cunctorum statuta ad eum referri debere, idque observandum, quod ipse statueret. Quæ quum ita sint, si uti par est, æqui, bonique facias, sententiæ pariter nostræ facilem, æquumque te præbeas, oportet.*

Paschasius Ratbertus Abbas Corbejenfis in vita Walæ Abbatis lib. 2. postquam narrasset Gregorio IV. Pontifici Maximo, dum in Gallias ageret, idcirco ut Ludovico Pio Imperatori filios segreges conciliaret, Gallicanos Antistites, apud quos suspitione laborabat, quod scilicet filiorum a Patre defectioni studeret, depositionem fuisse audacissime comminatos, subdit ab se collectas SS. Patrum, & Summorum Pontificum sententias, quibus Romanum Pontificem nullius in terris judicio subjacere, ipsius imo potius judicio neminem esse, qui non subit, illi traditas, quibus animum, viresque resumeret Antistitem illorum ausibus resistendi : *Dedimus, inquit, ei nonnulla SS. Patrum auctoritate firmata, Prædecessorumque suorum conscripta, quibus nullus contradicere possit, quod ejus sit potestas, imo Dei, & B. Petri Apostoli ire, & mittere ad omnes gentes pro fide Christi, & pace Ecclesie*

suarum, pro prædicatione Evangelii, & assertionem veritatis, & in eo esset omnis auctoritas B. Petri excellens, & potestas viva, a quo oporteret universos judicari, ita ut ipse a nemine judicandus esset. Quibus profecto scriptis grates acceptis valde confortatus est. Ratramni Corbejenfis Monachi æque, atque Aneæ Parisiensis Episcopi præclara loca, quibus ab Græcis schismaticis Apostolicæ Sedis cum summam auctoritatem, tum a Catholica fide inerrantiam egregie vindicant, descripta superiori artic. §.2. recolito.

S. Eulogius Archiepiscopus Toletanus electus, atque in Arabica persecutione Martyr præclarissimus in memoriali, quo Martyres Cordubenses tribus libris, ac laudibus celebravit, nec celebrare prætermisit fidei firmitatem, ac supremam Romani Pontificis potestatem: *Nam & B. Petrus, inquit, Princeps Apostolorum firmissimum Ecclesiæ Catholicæ fundamentum, utpote cui ab ipso Redemptore dictum est: Tu es Petrus, & super hanc petram &c. ita in suis epistolis ait &c.* scilicet eo elogio præmisso ostendit ejusdem doctrinæ omnino adquiessendum. Anastasius bibliothecarius Abbas Romanus, quem cum Anastasio Presbytero Cardinali sub Gregorio IV. pariter bibliothecario, atque a S. Leone IV. in Romana Synodo gradu dejecto male confundit Vossius lib.2. de histor. latin. cap. 35, in præfat. ad vitam S. Johannis Eleemosinarii ab se latine editam, atque Johanni VIII inscripta, titulis istis Romanum Pontificem cohonestat: *Non fas est, ut absque Vicario Dei, absque Clavigero Cæli, absque curru, & auriga spiritualis Israelis, absque universali Pontifice, absque unico Papa, absque singulari Pastore, absque speciali Patre, absque Te omnium arbitro aliquid consumetur, aut divulgetur. Tu enim tenes claves David, Tu accepisti claves scientiæ; in arca quippe pectoris tui tabula testamenti, & manna celestis saporis requiescunt. Tu enim quod ligas nemo solvit, quod aperis nemo claudit, quod claudis nemo aperit; vicem namque in terris possides Dei.* Adeundus idem in SS. Sergio I, Leone III, & Nicolao I; non secus atque Guillelmus pariter bibliothecarius in Hadriano II, ubi Pontifex non alio nomine audit ab eo, quam Pontifex universalis, Caput omnium Sacerdotum, Princeps totius Ecclesiæ; ideoque a nemine in terris judicandus, sed imo omnium in Orbe judex.

Hinc-

Hincmarus Remensis Antistes celebris, quem per sæpe in malæ causæ suæ patrociniū advocant adversarii, & produciunt, quique plane Pontificibus oblectari aliquando non destitit; quippe in causis Rhotadi Sueffionensis Episcopi, Vulfadi quoque, & sociorum Clericorum, qui a sententia exaucturationis in se in Synodo lata ab Hincmaro Sedem Apostolicam appellaverant; quique S. Nicolao I. jubente suis gradibus restituti fuerant, adversus Pontificis sententiam canonum auctoritate, ac signatim Concilii Africani, quo ab electis Judicibus etiam ad Summum Pontificem appellationem prohibitam dicebat, se defendit, imo dimicavit, in epist. 17. ad S. Nicolaum I., & opusc. 2. contra Gothescalcum cap. 36, & in causa Hincmari Laudunensis, qui ab Hincmaro avunculo in Synodo pariter loco motus apud Apostolicam Sedem appellationem interposuerat, Hadriani II. sacris iussionibus canones objecit, ac tandem quum ante annos circiter 80. publicam adspexissent lucem epistolæ decretales antiquis Pontificibus affixæ, quamvis nondum ipsarum falsitas explorata esset, quia tamen Metropolitanorum jura violari, ac minui illis videbantur, potius quam decretalibus, sacris canonibus longo usu, ipsorumque Pontificum placito sacratis, & roboratis obtemperandum scripsit in epist. ad Hincmarum Laudunen., & opusc. 55. cap. 43, Hincmarus, inquam, vel a se ipso degener, vel sibi ipsi adversus talia scripsit, egitque, quibus abunde significaret veram animi sui de Apostolica Sede sententiam. Nam in causa Rhotadi actus sui S. Nicolao I. rationem reddens sic scripsit in epist., quam refert Flodoardus lib. 3. capp. 12, 13, & 14. *Abstine a nobis, ut privilegium Primæ, & Summæ Sedis S. Romanæ Ecclesiæ Pontificis pro sic parvo pendamus, ut controversias, & jurgia tam superioris, quam etiam inferioris ordinis, quæ Nicani, & ceteri sacrorum Conciliorum Canones, & Innocentii, atque aliorum S. Romanæ Sedis Pontificum decreta in Synodis Provincialibus a Metropolitanis præcipiunt terminari, ne vestram summam auctoritatem fatigandam ducamus. Et si forte de Episcopis causa nata fuerit, unde certa, & expressa in sacris regulis non habeamus iudicia, & ob id in provinciali, vel in comprovinciali nequeat examine definiri, ad divinum oraculum, idest Apostolicam Sedem, nobis*

nobis inde est recurrendum. Subdit deinde Episcopos in Synodo defectos Apostolicam Sedem appellare posse, Metropolitanorum causas dumtaxat ad Apostolicæ Sedis tribunal esse deferendas, atque Synodorum judicia de majoribus, ac majorum causis ad eandem Sedem referenda, sed insuper in Romana Ecclesia fidem semper viguisse, ac fore ut semper floreat.

In causa Vulfadi, quum Concilium Sueffionense II. an. 853. congregatum ea de causa fuisset, Hincmarus iudices elegit Wenilonem Senonensem, & Almaricum Turonensem Archiepiscopos, una cum Pardulo Episcopo Laudunensi subdens tamen: *Salva reverentia Apostolicæ Sedis, cui in omnibus causis debet reverentia exhiberi, sicut Innocentius Papa ad Vitricium Rotomagensem scribit Episcopum, & sancti etiam canones præfigere dignoscuntur.* In eodem Concilio Hincmarus ad suam Ordinationem probandam præter litteras canonicas, quas Ordinatum a suis Ordinatoribus accipere jubent canones, protulit epistolam omnium Episcoporum Gallicanæ Ecclesiæ ad Apostolicam Sedem pro confirmatione suæ Ordinationis, nec non diploma Regium pro ejusdem approbatione *Ad Sanctam, & Apostolicam omnium Ecclesiarum Matrem Romanam Ecclesiam directum.* In Concilio III. Sueffionensi an. 866. S. Nicolai I. jussu pro eadem Vulfadi, & Sociorum causa indicto non alia ratione Hincmarus sententiam ab se latam in illos defendit, quam Benedicti III. & ejusdem Nicolai I, quibus obrepserat, auctoritate, a quibus illa comprobata fuerat: attexit tamen id agi ab se *Non ad resistendum in aliquo Domini Papæ decretis Apostolicis, a quibus, Domino annuente, vel transverso, ut dicitur, ungue scienter, & per contumaciam non exorbitabo.* Et infra id ab se actum subdit: *Salvo Romanæ Sedis in omnibus jussu, atque judicio.* Dedit & ad S. Nicolaum I. epistolas 22, & 26, quibus summam erga Apostolicam Sedem venerationem, & obedientiam professus, executioni se mandaturum, quidquid Pontifex in causa Vulfadi, & Sociorum statuisset, pollicitus est.

In causa etiam Hincmari Laudunensis, etsi litteras paullo acerbiores ad Hadrianum II. descripsisset, eo quod ab Hincmaro Laudunensi sibi obrepi, ab eoque in Galliarum Regem, & Episcopos

popos commoveri passus fuisset, in ipsis tamen Apostolicæ Sedi sibi obediendum agnoscit; ad eandem quoque appellationem interponi posse; atque in Synodo Duziacensi anno 871. una cum Episcopis professus est in hæc verba: *Quia ergo nos quantum scimus, & possumus privilegium sanctæ, ac primæ Sedis Romane, & conservare, & obaudire, & extollere cupimus, atque satagimus, pro suo scilicet Principatu, quem B. Petrus Apostolus Domini voce perceptum, Ecclesia nihilominus subsequente, & tenuit semper, & retinet, servet vestra Paternitas, & a Deo in primæ Sede constituta Auctoritas nobis filiis, & subjectis sibi Episcopis Ecclesiastica privilegia a sacris Canonibus, a vestris Decessoribus nostris decessoribus conservata.* Luculentius adhuc suam de Pontificis Romani potestate, & fide promittentiam in præfat. opusc. de divortio Lotharii. *De omnibus dubiis, inquit, vel obscuris, quæ ad rectæ fidei tenorem, vel pietatis dogmata pertinent, Sancta Romana Ecclesia, ut omnium Ecclesiarum Mater, & Magistra, nutrix, & doctrix est consulenda, & ejus salubria monita sunt tenenda.* Idem in opusc. de prædestinat. cap. 4. *Oportet, inquit, hoc sequi, quod illa Romana Ecclesia custodit: & cap. 4. Catholicis hoc debet sufficere, quod omnium Ecclesiarum Mater docet.* Idem in præfat. ad S. Nicolaum I. scribens, *Pontifex, ait, Romanus vicem in terris possidet Dei, neque fas est, ut absque Vicario Dei, absque universitatis Pontifice, absque unico Papa, absque omnium arbitro aliquid in rebus fidei, & morum consumetur, aut divulgetur.* Postremo Hincmarus ille, qui sacrorum canonum observantiam tantopere urgebat, & commendabat, ubi tamen illos suis consiliis, & commodis non suffragarentur, ab Apostolica Sede ipsorum relaxationem pro viribus procuravit. Ira quia canone 9, & 17. Concilii Chalcedonenfis Metropolitæ primum judicium fuit reservatum suo Primati, Hincmarus a Benedicto III, & Nicolao I. privilegium impetravit, quo nullo intermedio unius Romani Pontificis jurisdictioni subesset; quod privilegium, epist. 44, quæ est ad Episcopos Diocesis Rementis, pro aris, & focus propugnavit: quin imo canones illos Chalcedonenfis Concilii opusc. 55. capp. 23, & 24. oppugnavit, tamquam quos Romani Pontifices SS. Leo, Gregorius, & Gelasius improbassent. Sed

de Hincmaro hactenus. De Adventio Metensi, & Ratholdo Ar-
gentinenſi confer eorundem epistolae ad S. Nicolaum I. apud Ba-
ronium ad annum 864, num. 6, & seqq.

Regino Prumienſis Abbas in Chron., quod continuavit uſque
ad ann. 972. Romerius teſte Voſſio, Regino, inquam, ad an. 863.
de divortio Lotharii, & Theutbergæ agens, referenſque cauſſam
divortii S. Nicolaum I. cognoscendam ſuſcepſiſſe, Legatoſque
miſiſſe ad Synodum Metenſem, in ea vero Legatoſ prævaricatoſ
ſuiſſe, ſcedamque Lotharii cum Waldrada pellice conjunctionem
approbaſſe, ſubdit Theutgandum Trevirenſem, & Guntharium
Colonienſem Episcopos Romam miſſoſ, qui Pontifici ſacrum fa-
cerent, ſed a Pontifice comperta fraude illoſ facinoriſ Lotharii
ſuatoreſ in Synodo Romana gradu deſectoſ fuiſſe: *Tielgaudus*, ait,
& *Guntharius Romam proficiſcuntur, ut Coepiscopos ſuoſ oſtende-
rent Eccleſiaſtica, atque Apoſtolica exercuiſſe decreta: ſtultitiæ
elogio denotandi, qui illam Petri Sedem aliquo prævo dogmate fal-
lere poſſe arbitrati ſunt; quæ nec ſe ſefellit, nec ab aliqua unquam
hereſi falli potuit*. Ab Johanne IX. dubiorum circa baptiſmum ſo-
lutionem accipiendam duxit Heriveuſ Remenſis Archiepiſcopuſ,
ad quem perinde litteraſ dedit Pontifex apud Harduinum tom. 6.
pag. 467. In litteriſ ad eundem Johannem IX. inſcriptiſ ſuo, ac
ſuffraganeorum ſuorum nomine cum Hatto Moguntinuſ, tunc
Theotmaruſ Juvavenſiſ Metropolitæ ampliffimiſ Apoſtolicam Se-
dem, veriſque exornant tituliſ. Parum eſt illam Matris, Magi-
ſtræque loco habere, ideoque actorum ſuorum illi rationem eſſe
reddendam, agendorumque regulam ab illa accipiendam; ab il-
la in Chriſtianum Orbem tum pleniffimæ poteſtatiſ jura diffundi,
tum rectæ fidei dogmata profluere adfirmant, proculque abeſſe
periculum, quin exinde ſemper Eccleſiaſticæ rationi conſona
emanent. Regerit hæc litteraſ Harduinuſ tom. 6. collect. Concil.
pag. 482., & ſeqq.

Ratheriuſ Lobienſiſ primuſ Monachuſ, poſtea Episcopuſ
Veronenſiſ, qui variam fortunam expertuſ eſt, & perpeſſuſ, ne-
que ob aliam cauſſam, niſi tum quod reſ Eccleſiæ uſurpari ſacri-
lege non permiſiſſet, ab Hugone Italiæ Rege ea propter loco
amotuſ, & Ticinuſ exul amandatuſ; qua in calamitate poſituſ
ad

ad Johannem XIII. Pontificem M. appellationem interposuit, epistolamque inscripsit; sed & scripsit ad universos Italix, Gallix, & Germanix Episcopos ipsorum opem, & operam obnixè efflagitans, quas epistolas exhibet Dacherius tom. 2. Spicilegii: tum quod populum, Clerumque canonicæ reformationi submittere voluisset, ab eo disciplinam subire detrectante, ea de re iterato Sedi suæ Veronensi, cui Sedis Apostolicæ sententia fuerat restitutus, injuriis undique affectus, cedere coactus; quinimo Ecclesiæ Leodiensi admotus Cleri, populique conspiratione ab eadem abscedere, ac in Monasterium suum Lobienſe recipere se compulsus: Ratherius, inquam, in suo itinerario, quod extat tomo eodem 2. Spicilegii Dacheriani, quove ab se Romanam professionem adornatam refert, ea præcipue de causâ, ut doctrinam Ecclesiæ Romanæ etiam, atque etiam edisceret: *Qua ignorantia, inquit, (sacrorum Canonum) quo melius exui, quo aptius possum, quam Romæ doceri? Quid enim de Ecclesiasticis dogmatibus alicubi scitur, quod Romæ ignoretur? Illic summi illi totius Orbis Doctores, illic præstantiores enituerunt universalis Ecclesiæ Principes, illic decretalia Pontificum universorum; Congregatio, examinatio Canonum, approbatio recipiendorum, reprobatio spernendorum. Postremo nusquam ratum, quod illic irritum, nusquam irritum, quod illic ratum fuerit visum. Ubi nam ergo insipientiæ consulitur meæ, quam ubi fons sapientiæ cernitur esse? Tanti ergo pendebat, tantoque in pretio habendam Romanam Ecclesiam existimabat Ratherius idcirco, quod illa Ecclesiasticorum dogmatum scientia claretur summopere non modo, aut in Ecclesiasticis dogmatibus vel recipiendis, vel respuendis maximopere studio adlaboraret, diligentiamque adhiberet; sed quod prærogativa illa singulari polleteret, ut quod de Ecclesiasticis dogmatibus semel statuisset, id deinceps nullo modo aut retractari, aut rescindi posset, prout ab illa fuisset aut reprobatum, aut receptum. Id unum inerrantiæ si judicium certum non sit, nescio si ullum sit. De S. Bruno Colonienſi, & Durando Leodiensi dicam alibi. Confer Surium tom. 5. ad diem 11. Octobris. Abbonem Floriacensem adiis in Epitome de vitis Pontificum. Pilgrimi Lauriacensis Præfulis ad Benedictum VII. epistolam obsequio, obedientiæque refertissimam*

tibi exhibet Harduinus tom. 6. pag. 695. De S. Heriberto Coloniensi leges Bollandum ad diem 16. Martii.

Sæculo XI, & XII. S. Burchardus Vvormatiensis Episcopus in Canonum collectione ab se, collaborante Olberto magistro, adornata, librosque 20. complectente, innumera exhibet loca, quibus vel ex Summorum Pontificum decretis, vel ex Sanctorum Patrum dictis, vel ex Conciliorum canonibus Apostolicæ Sedis qua supremam auctoritatem probe adstruit, qua errandi omnem procul ab ea suspensionem amovet, ut eadem attexere non sit otium, maxime quod multa sparsim daturi sumus. Berno ex Monaco Sangallensi Augiensis Abbas in libello de quibusdam rebus ad Missæ officium pertinentibus, qui in Bibliotheca PP. exstat, cap. 2. auctor est, quod quum a S. Henrico Imperatore Romanæ Ecclesiæ Clerici interrogarentur, cur post Evangelium, quemadmodum in aliis Ecclesiis fiebat, Symbolum non canerent, responsum ab iis redditum istud: *Quod Romana Ecclesia non fuisset aliquando ulla hæreseos face infecta, sed secundum S. Petri doctrinam in soliditate catholice fidei permaneret inconcussa: Et ideo magis his necessarium esse illud Symbolum sæpius cantando frequentare, qui aliquando ulla hæresi potuerunt maculari.* Græcis schismaticis ex adverso de Romana Ecclesia conquerentibus, quod se inconsultis, repugnantibus imo, eidem Symbolo particulam *Filioque* addidisset, Humbertum Card. Silvæ Candidæ S. Leonis IX. Legatum, reposuisse id jure optimo fieri potuisse a Romana Ecclesia pro suprema potestate, qua fungitur, atque id factum absque periculo erroris, pro singulari inerrantiæ privilegio, quo gaudet, alibi diximus abunde, unde non est cur iterum dicamus. Quæ Petro, & Johanni Africanis Episcopis de Apostolica Sede inferebat sententia, eam sibi acceptissimam ostendit S. Leo IX. epist. 3, 4, & 5. apud Harduinum tom. 6. pag. 949., & seqq. De S. Bonifacio, aliis Brunone Merseburgensi confer Ditmarum lib. 6. chron. A Sancti Leonis IX. Legatis Humberto Cardinali, Petro Amalphitano, & Friderico Cancellario, postea Pontifice sub Stephani IX. nomine, aliis X, ejaculati in Michaelem Cerularium, Leonem Acridanum, Græcosque alios Schismaticos excommunicationis sententiam, qua inter alia ajunt: *Quicumque fidei Sanctæ Romanæ, &*

Apo.

Apostolicæ Sedis, ejusque sacrificiis pertinaciter contradixerit, sit Anathema: & habes apud Harduinum tom. 6. pag. 969.

S. Petrus Damianus, qui sub Romanis Pontificibus Gregorio VI., Clemente II., S. Leone IX., Victore II., Stephano IX, Nicolao II., & Alexandro II. egregiam, navamque Ecclesiæ commodavit operam, Schismati præsertim Benedicti X. Antipapæ contra Nicolaum II., & Cadolai sub nomine Honorii II. contra Alexandrum II. extirpando, extinguendoque, quemque idein Alexander in epist. ad Galliar. Episcopos, apud quos ille Legationis munere functurus erat, hoc exornat elogio: *Talem vobis virum destinare curavimus, quo post nos major in Romana Ecclesia non habetur, qui nimirum & noster est oculus, & Apostolicæ Sedis immobile firmamentum*, S. Petrus, inquam, Damianus quid non egit, quid non dixit, ut Apostolicæ Sedis tunc oppugnata privilegia in libertatem, atque lucem assereret? Audiatur, quæso, serm. 23. de natali S. Johannis Bapt. *Ille Mater, & Magistra Ecclesiarum omnium Ecclesia Romana, cui dictum est: Ego rogavi pro te, ut non deficiat fides tua &c.* Legatur in vita S. Barbatiani: *Roma, ait, absque dubio Caput est, & principalis Sedes totius Ecclesiæ; & in vita S. Vitalis: Roma, inquit, per summos Apostolos Petrum, & Paulum totius Orbis sibi vindicat Principatum.* In epist. 20. ad Honorium pseudo-Pontificem ita scribit: *Præterea si eos sacri Canonēs hereticos notant, qui cum Romana Ecclesia non concordant, qui tu judicaberis dignus esse sententia, qui &c.* Tom. 3. opuscul. 5. ad Clerum, populumque Mediolanensem sermonem faciens sic fatur: *Quo pacto honore indiget (Ecclesia Romana) parvuli hominis, quæ laudes, atque præconia ex ipsius ore sortita est Salvatoris? Quæ autem Provincia, per omnia regna Orbis terrarum ab ejus ditione extranea reperitur, cujus arbitrio ipsum quoque Calum ligatur, & solvitur? Romanam Ecclesiam solus ille fundavit, & super Petram fidei mox nascentis erexit, qui Beato vitæ æternæ Clavigero terreni simul, & celestis Imperii jura commisit. . . . Unde non dubium, quod . . . qui Romana Ecclesia privilegium ab ipso summo omnium Ecclesiarum Capite auferre conatur, hic procul dudio in hæresim labitur, & hic dicendus est hæreticus: fidem quippe violat, qui adversus illam agit, quæ Mater est fidei, & illi contumax invenitur, qui*
can

eam cunctis Ecclesiis prætulisse cognoscitur. In fine vero sic inquit: Nos si quid erravimus, ad Petri magisterium corrigendi libenter accedimus, & retractationis opprobrium non veremur: hæc est enim ut ita loquar, officina fabrilis, cui nimirum is, qui Fabri dicebatur Filius, præsidet, ad cujus regulam omnis merito moneta reducit, ad cujus rectitudinis lineam, quidquid uspiam fuerit depravat, reformatur. Ad hæc præclara in opusc. 38. ad Orientis Patriarcham de processione Spiritus S. a Filio scribens sic effatur: Laudabilis plane Sanctitatis vestra prudentia, quæ solvendam Sancti Spiritus questionem non ad alium quempiam, sed ad Petrum specialiter, quem Celestis sapientia, & potentia claves accepisse indubitanter agnoscit... (detulit) Nec decebat, subdit, ab alio Mysterii celestis arcana requirere, nisi ab illa potissimum, . . . cui Deus ipse per se sua decreta dignatus est aperire: Beatus es Simon &c. Hunc animi præ cæteris mortalibus de toto terrarum Orbe conditor Orbis elegit, cui Cathedram magisterii principaliter in Ecclesia tenere perpetuo privilegii jure concessit, ut quisquis divinum aliquid, ac profundum nosse desiderat, ad hujus Præceptoris oraculum, doctrinamque recurat. Cedo, est ne desiderare, ut S. Petrus Damiani de Romani Pontificis privilegiis illustrius proloqueretur? Romano Pontifici in fide, ni periculum subire quis velit, consentire quemlibet oportere dicit. In Romani Pontificis fide, ceu supra firmam petram, Ecclesiam fuisse fundatam, a qua fide proinde, qui decessit, in hæresim procul dubio labi affirmat. Romanum Pontificem fidei divinæ Magistrum, & Doctorem ad ultimum usque ævum a Deo in Ecclesia constitutum, cum eo in fide concordandum omnibus esse, ejus jussionibus accommodandas ab omnibus aures, ejus jurisdictionem ad Ecclesias omnes extendi, neque extare in Orbe, cui ab ipsius imperio fas sit refugere, confirmat, quæ profecto quid aliud probant, nisi Romanum Pontificem in fide falli, & fallere esse omnino nescium, atque suprema in Ecclesiam universalem, ac supra Concilia œcumenica consequenter potiri auctoritate, neque id privilegii absque piaculo erroris oppugnari posse? Confer opusc. 4, 17, & 19; epist. 20. ad Cadolaum; & epist. apolog. ad Alexandrum II. Præterea S. Arialdi Mediol. professionem fidei apud eundem S. Petrum Dam. opusc. 5; ac Gebhardi Salisburgensis Episcopi epi-

epistolam ad Hermannum Meten. apud Harduinum tom. 6. p. 1594. Ad hæc Monachorum Monasterii Acutiani, sive Farfensis epistolam ad S. Leonem IX. in codice Farfensi num. 97., & 98.

S. Lantfrancus ex Cadomenſi Abbate Cantuarienſis Archiepiſcopus catholicæ fidei de Sacramento Eucharistiæ contra Berengarium ſi unus, acerrimus vindex, & aſſertor, Sedis Apoſtolicæ privilegia quoque egregie propugnavit: nam in lib. de Corp., & Sang. Dom. contra Berengarium, *Quotquot*, inquit, *a primordio chriſtiane Religionis chriſtiani nominis dignitate gloriati ſunt, etſi aliqui relicto veritatis tramite per devia erroris incedere maluerunt, Sedem tamen S. Petri Apoſtoli magnifice honoraverunt; nullamque adverſus eam hujusmodi blaſphemiam vel dicere, vel ſcribere præſumpſerunt.* Quibus Berengarium, qui ab ipſo in Concilio Romano ſub Nicolao II. anno 1059. ita conſutatus, ut errorem ejuraverit, & ſcripta ſua in ignem conjecerit, poſtea tamen ad ingenium reverſus libellum contumelioſum contra Romanam Synodum ſcripſerat, accerrime perſtringit; ſubdens paulo poſt: *Beſti Doctores, ſi non iſdem verbis, tamen ſententiis, multis in locis aſtruxerunt hæreticum eſſe omnem hominem, qui a Romana, & univerſali Eccleſia in fidei doctrina diſcordat.* Recole, quæ ex eodem Lantfranco retulimus art. 6. §. 2. de Conciliis Provincialibus, quum de Anglicanæ Eccleſiæ traditione ageremus; quo loci Lantfrancus in Synodo Cantuarienſi contra Thomam Eboracenſem de Primatu Anglicanæ Eccleſiæ diſputans, præclare Romani Pontificis ſupremam auctoritatem adſtruit.

S. Anſelmus Lucenſis Epicoſopus apologeticum ex diverſis SS. Patrum voluminibus adornavit, quibus S. Gregorii VII. ſententiam in Henricum IV, atque univerſa ab eodem geſta, & præcepta canonicis defendit rationibus, & approbavit orthodoxis auctoritatibus, uti loquitur domeſticus ipſius Presbyter pœnitentiarius ejus vitæ ſcriptor apud Sebaſtianum Tegnagnellum Cæſareum Viennæ Bibliothecarium in veteribus monumentis pro Gregorio VII. contra Schiſmaticos, & Papebrochium in actis SS. menſis Martii tom. 2; quo nomine ſignificatur opus contra Guibertum Antipapam pro deſenſione S. Gregorii VII. apud Caniſium tom. 7. antiq. lect., & in Biblioth. PP. tom. 18. Is itaque eo in ope-

opere totus est, ut evincat Romani Pontificis potestate in Ecclesia maiorem non esse; eumque a fide aberrare nullo modo posse, quod paucis, sed apertissimis verbis conficit: *Romanus Pontifex*, inquit, *ut sapientes norunt, non modo deponi, sed etiam nullo christiano iure a quolibet potest judicari.* Et infra. *Quum pro fide Petri, ne deficiat a Domino oratum sit, unius Romani Patriarchæ fides, in qua fratres suos confirmat, nunquam deficiet.* Et iterum. *Romanus Pontifex in fidei fundamento licet pulsatus, licet concussus, tamen stetit immobilis: quare & Cælum, & terra transibunt, verba autem Christi non transibunt, qui dixit: Tu es Petrus, & super hanc petram ædificabo Ecclesiam meam &c.* Qua pariter, & quam præclara de Romani Pontificis prærogativis animo imbuti essent opinione tum Cyriacus Carthagenensis, tum Herimannus Metensis, tum Jaromirus Pragensis, tum Hanno Colonienſis Archiepiscopi; Dominicus Gradenſis Patriarcha; Berengarius Gerundensis; Simeon Hispanus; Albertus Aquisgranensis; Guillelmus Papiensis; & Raynaldus Cumanus Episcopi discere, ac percipere poteris ex S. Gregorio VII. lib. 1. epist. 12, 17, 20, 22, 23, 27, 28, 44, 60, & 78; lib. 2. epist. 67; lib. 3. epist. 14, 18, 19, & 20; lib. 4. epist. 2; lib. 6. epist. 16, & lib. 7. epist. 21. Neque ab eadem sane abluit Bonizo Sutrienſis Antistes Sedis Apostolicæ egregius alter defensor, & vindex acerrimus, uti facile intelliges ex ipsius præmio in syntagma decret. Eccles., de quo Lambecius tom. 11. Bibl. Vindob. lib. 2. cap. 8, & Pagius ad annum 1044. n. 7, & seqq. Quid autem quod S. Gregorii VII. partes invicte propugnarunt S. Bertholdus Archiepiscopus Salisburgensis; Thiemo, seu Ditmarus Abbas, ac dein Salisburgensis Antistes; S. Benno Misnienſis; Altmannus Passaviensis; Gebhardus Constantienſis Episcopi; Wernerus uterque Magdeburgensis, & Merseburgensis; Alberti tres Herbipolensis unus, duo Wormatienses Præsules; Henricus, & Wigoldus Augustani; Gundecarus, Udalricus, & Eberhardus Eustadiani; Gebhardus Ratisponensis; Henricus Curienſis; Burchardus, & Hannanus Halberstadienses; Poppo Tullenſis; Hildolphus, Sigevvinus, & Hermannus Colonienſes Antistites; Willelmus Abbas Hirsaugiensis; Odalricus Cluniacensis; Sigefridus Abbas S. Salvatoris Sca-

Scaphusæ, aliique plerique, ut Italos præteream, ut est apud Paulum Bernriedensem in vita S. Gregorii VII; Canisium tom. 2. antiq. lect.; Dacherium tom. 4. Spicilegii, Krantzium, Baronium, Pagium, aliosque passim.

S. Anselmus Cantuariensis Archiepiscopus quanti faceret Apostolicæ Sedis auctoritatem, quantique faciendam esse perinde crederet, neque quidem minoris, quam in Ecclesia summæ, atque ab errore omnino innoxie, multis in locis manifestavit. Libro de fide Trinitatis, & Incarn. Verbi contra Roscelinum hæreticum Urbano II. nuncupato submissis his in epistola dedicatoria Pontificem Summum alloquitur: *Quoniam divina providentia vestram elegit sanctitatem, cui vitam, & fidem christianam custodiendam, & Ecclesiam suam regendam committeret, ad nullum alium rectius refertur, si quid contra Catholicam fidem oritur in Ecclesia, ut ejus auctoritate corrigatur: nec ulli alii tutius, si quid contra errorem responditur, ostenditur, ut ejus prudentia examinetur. Quapropter (Pontifici opus suum probandum, vel reprobandum submittens, subnequit) sicut nulli dignius possum, ita nulli libentius præsentem epistolam, quam vestra destino sapientiæ, quatenus, siquid in ea corrigendum est, vestra censura castigetur, & quod regulam veritatis tenet, vestra auctoritate roboretur. Item in epist. 65. tom. 3. edit. Gerberonii Paschalis II. decretis contra investituras parere detrectantes, perstringens, Qui quum, inquit, dedignantur Apostolicis decretis, quæ ad robur Christianæ Religionis Papa facit, esse obedientes, Petro utique Apostolo, cujus vice, fungitur, imo Christo, qui Petro suam commendavit Ecclesiam, se prebant esse inobedientes. Querant igitur, qui Vicarii Petri, & in eo Petri, & Christi decreta Christiana contemnunt, alias regni Cælorum portas, quia certe per illas non introibunt, quorum claves Petrus Apostolus portat. Confer huc Valeranni Naumburgensis Episcopi epistolam ad eundem S. Anselmum. De Brunone Trevirensi adis Annalistam Saxonem pag. 604.*

Ivo Carnotensis Episcopus insigne Gallicanæ Ecclesiæ jubar, vir quidem, siquis unquam, ab assentationis vitio abhorrens, neque Potestates etiam summas adulari, supparasitarique turpiter unquam passus, de Romano Pontifice optime plane meritus est. Ita-

que in epist. 8. ad Richerium Archiepiscopum Senonensem docet ejusdem judicii, & constitutionibus ita esse obtemperandum, ut illis obviam ire sit hæreticæ pravitatis notam incurrere, siquidem hæreticum esse constet, qui Romanæ Ecclesiæ in fide non concordat: *Hujus*, inquit, *judicii* (scilicet Apostolicæ Sedis) & *constitutionibus obviare plane est hæreticæ pravitatis notam incurrere*. In epist. 48. ad Paschalem II., *Sicut*, scribit, *Romana Ecclesia omnium Ecclesiarum Mater est, & Magistra, sic eam decet filiorum injurias propulsare, & contemptorum inobedientiam vindicare*. In epist. 71. ad eundem Pontificem, postquam ipsum certiore fecisset se anathema irrogasse Guidoni Puteacensi refugæ, & Clericalis militiæ desertori ob plurimorum criminum, quam gestabat, personam, subdit: *Unde flexis genibus cordis Paternitati vestræ supplico, ut sententiam anathematis jussu in eum factam Apostolica auctoritate confirmetis, & Archiepiscopo Senonensi, Episcopo Aurelianensi, Episcopo etiam Parisiensi, ut idem anathema in eum faciant, vestra auctoritate Apostolica injungatis*. Idem in epist. 183. *Quoniam*, inquit, *judicia Romanæ Ecclesiæ a nemine foris retrahi posse eadem Romana Ecclesia docente didicimus; si qui aliquando se praegravatos ipsius Ecclesiæ auctoritate conqueruntur, hoc eis consilium damus, ut non descendant in Ægyptum propter auxilium, sed ab ipsa ad ipsam confugiant, & inde expetant levamen, unde se conqueruntur percepisse gravamen: quia quæ aliquando corripit paterna severitate, eadem frequenter colligit materna pietate*. His plane docebat a Romano Pontifice, quod ipso non sit superius tribunal, appellari non posse. Sed de Ivone alibi recurrit sermo.

S. Otto Bambergensis Episcopus a Paschali II. consecratus, ac subinde a Callisto II. ad Pomeranorum conversionem missus, quorum Apostolus dici jure meruit, ut scribit auctor ejus vitæ apud Henricum Canisium to. 2. antiq. lection. scujusque insignes de septem Ecclesiæ Sacramentis instructiones Pomeranis traditas inique pro ingenii prava intemperie obscurare Basnagius conatus est, in epistola post Paschalinam 72. apud Harduinum tom. 6. par. 2. pag. 1828., quam ad præfatum Paschalem II. exaravit, quæ sibi animo sententia insideret de Pontificis Romani prærogativis, liquit is patefecit hisce verbis: *Quia totius Ecclesiasticæ dignitatis,*

& Re

& Religionis firmamentum in Christo petra est, & in Petro ejus discipulo, & ejus Successoribus, idcirco ab hac linea, ab hac virga directionis, virga Regnorum, Pontificatum, & omnium potestatum in Ecclesia insanum duxi aberrare, Vobis igitur, Pater Sanctissime, & Matri meae Romanae Ecclesiae collum submitto, & devotae sublimitatis auxilium, & consilium de rebus meis flagito. Retexit subinde se olim Henrici Imperatoris Cancellarium egisse: ab eodem Imperatore, a quo Bambergensi Ecclesiae inauguratus fuerat, insignia regiae investiturae accepisse: eadem facti poenitente ad pedes Pontificis ab se deponi; sibi que summopere timentem a periculo curae pastoralis Summi Pontificis placito totum se committere: Nunc vero jam tertio, subjungit, in Bambergensem Episcopum me ordinavit, in quo tamen minime permanebo, nisi vestrae complacere Sanctitati per vos me investire, & consecrare. Quidquid ergo placeat discretionis vestrae de me, per nuncios meos significate mihi de seruo vestro, ne forte in vacuum curram, si ad vos currere incipiam. Profectus est postmodum ad ipsum Paschalem, a quo jussus est Episcopatum subire, atque ab ipso in Episcopum consecratus est. Adeundi de S. Norberto Bollandus ad diem 6. Junii; de Radulpho Roffensi Eadmerus lib. 5. vitae S. Anselmi Cantuar.; de S. Malachia Armacano S. Bernardus opusc. 22; de S. Hugone Lincolnensi Rogerius Hovedenus; atque de Anselmo hujus nominis III. Mediolanensi Archiepiscopo Bertoldus in Chronico, & Pagius ad an. 1093. n.6. Nam de singulis differere singillatim nec juvat, nec vacat.

Rupertus Tuitiensis Abbas, quem a Spiritu Sancto per visionem illuminatum Honorius Augustodunensis in fine lib. 4. de Script. Ecclesi., praefato elogio affirmavit, lib. 2. in Johan. cap. 3. ita magnifice de Romana Ecclesia loquitur. *Roma eo, quod Beati Principis Apostolorum Petri Sedes facta sit, cunctis Ecclesiis caput altius extulit, latiusque dominatur per omnes gentes sacra Pontificum ejus lingua, quam dominata fuerit Caesarum, sive Augustorum ejus purpura.* In lib. de divin. offic., quos nescio quo fato factum sit, ut Ruperto abjudicantes Valeranno adscriberent Thomas Waldensis, Dominicus Soto, Alanus, Sanctius, & Vasquesius; quandoquidem Ruperti genuinum esse sortum ostendunt ipse-

met Rupertus illos recensens in catalogo suorum operum; Trithemius in catalogo viror. illustr., & in Chronico Hirsaugensi, & Reinerus Monasterii S. Laurentii Monachus in lib. de viris Illustribus Monasterii S. Laurentii Leodiensis, cujus alumnus pridem fuerat Rupertus, eidem Ruperto illos attribuentes, attribuentosque procul dubio demonstrat Gerberonius in apologia; in lib., inquam, de divinis officiis lib. 2. cap. 22. scribit: *Tantis haereticis fermentata est Graecia, ut mirum videri non debeat hoc, quod de fermento immolat. Tanta e contrario sinceritatis semper fuit Romana Ecclesia, ut cui deest scripturarum notitia, vel argumentandi facultas, sola illi de azymo contra Graecos sufficere debeat ejus auctoritas. Nam Constantinopolitana non solum haereticos, sed & haeresiarchas protulit multos: Romana vero Ecclesia super Apostolicae fidei petram altius fundata firmiter stetit, & tam Graeciae, quam totius Orbis haereticos semper confutavit, & de excelso fidei tribunali data sententia judicavit. Idem in illum locum Apocalyp. Et vidi Sedes &c. sic ait: Summum judicii hujus tribunal in Ecclesia paratum est Romana, ubi Sedes Apostolica B. Petri, & nomine, & corpore fundata est, cui specialiter dictum est: Tu es Petrus, & super hanc petram &c. Porro Ecclesiae Romanae nomine praecipue Romanum Pontificem a Ruperto intelligi nemo non videt, quippe a quo in Romanam Ecclesiam decus omne diffuit; neque enim Romano Clero, sed Romano Episcopo S. Petri successori a Christo Domino promissiones factae sunt, & privilegia collata. Quapropter ludunt, & illudunt adversarii, quando Pontificem edicentem, & edocentem tum demum, quod a veritate non deflexerit, primum datum intelligi dicunt, quum Romana sua, Ecclesia illi edocenti, & edicenti assensum commodaverit suum, ac subinde Ecclesia universa.*

V. Guigo Carthusiae majoris, sive Gratianopolitanae Prior quintus S. Bernardo, & Petro Ven. Cluniacensi coevalis, & amicitia conjunctissimus suo, suorumque confratrum nomine ad Innocentium II. Papam Anacleti III. & Victoris II. pseudo-Pontificum diro Schismate divexatum ita scripsit: *Non pars una, sed totus pene Orbis est vestra Diocesis: nam sicut Deus est unus, Mediator unus, Mundus unus, Sol unus, & ut minora inferamus, in animalibus* cun-

cunctis Caput unum, ita B. Petri Vicarius, idest Papa non potest esse, nisi unus. Universo itaque Mundo rigorem disciplinae, rectitudinem justitiae, lumen doctrinae, & ipsius, quam nomine quoque praefertis, irreprehensibilis debetis exemplar innocentiae. Extat epistola isthæc in chronico Mauriniacensi. Idem in præfat. ad vitam S. Hugonis ad Innocentium II., cujus jussu conscribendam susceperat: Ad tansae, inquit, pondus auctoritatis ne mutire quidem praesumpsimus; ne dum ei non obedimus, cui totus commissus est Mundus, cum offenderemus, a quo factus est Mundus. Itaque si Orbis universus Romani Pontificis Diœcesis est: si universo Orbi lumen doctrinae idem debet: si is demum unus est; eique totus commissus est Mundus, exinde est, ut nulla ejusdem sit auctoritas major, ejusdemque doctrina nullo modo in discrimen adduci debeat. Sed & Monachi Carthusienses in litteris ad Innocentium II. inscriptis, ac in Concilio Remensi anno 1131. a Gofrido Carnotensi perlectis Romani Pontificis amplissimam potestatem hisce prædicant, exprimuntque præclaris verbis: Non pars una, sed totus Orbis est vestra Diœcesis.

Hugo Victorinus Ord. S. Augustini in Cœnobio S. Victoris ad muros Parisienses Canonicus Regularis lib. 1. erudit. theol. de Sacram. cap. 43. Papa, inquit, dicitur, quia Pater Patrum: hinc universalis dicitur, quia universae Ecclesiae praeest; hic quoque Apostolicus vocatur, quia Principis Apostolorum vice fungitur: hic etiam Summus Pontifex nuncupatur, quia Caput est omnium Episcoporum. Jam vero si Ecclesiae universae praeest, si Episcoporum omnium est Princeps, putasne Ecclesiae ex Episcopis in Concilio collectae eundem subesse, quum eadem sit Ecclesia, quæ in Orbem dispersa est, & quæ in Concilio coadunatur? De altero infallibilitatis privilegio verba faciens in serm. 64. de SS. Apostolis Petro, & Paulo sub comparatione Solis, cum quo Petrum, & Lunæ, cum qua Paulum confert, de S. Petro sic effatur: *Petrus Sol per collatam sibi divinitus potentiam. . . Luminare majus fecit Deus, dum dixit Petro: Caro, & Sanguis fidei sacramentum, tibi non revelavit, sed Pater meus, qui est in Caelis, & illum tunc lucere in Caelo praecepit, dum illi Claves regni Caelorum contulidit. . . . Petrum Soli comparo, quum Petro soli dictum esse constet:*

stet : Tu es Petrus , & super hanc petram &c: *Petroque soli inter ceteros, & prae caeteris a Domino cura pastoralis principaliter, & specialiter injuncta est, ubi dicit* : Pisce agnos meos . Aut ego fal-
lor , aut ista infallibilitatem Pontificis non inferre non possunt .

S. Bernardus SS. Patrum Latinæ Ecclesiæ ab Orthodoxis novissimus appellatus , non quidem idcirco , quod sequiori ætate in Ecclesia Latina defecerint Doctores , sed quod una cum scholastica disputandi methodo tum recens inventa novæ etiam nomenclaturæ a Doctoribus scholasticis usurpari inchoaverint : Dixi Latinæ Ecclesiæ : quippe in Ecclesia Orientali Patrum catalogum clausit Sanctus Johannes Damascenus sæculo Ecclesiæ VIII., sub quod scholastica methodus obtinere jam cœpit ; quæ in Ecclesiam Occidentalem non ante sæculum XIII., sive sub S. Bernardi tempestate suum tum auspicata exordium est : Dixi ab Orthodoxis : quippe a Novatoribus , quorum interest plurimum SS. Patrum ordinem coarctare , vix paullo post VI. Ecclesiæ sæculum illius fines producuntur ; sed quotquot post inde floruerunt , tanquam Papatus Romani fautores , turpesque assentatores , e Patrum albo pro illorum quodlibet audendi licentia , agendique libidine , expunguntur : S. Bernardus , inquam , ab exordio ad suam usque ætatem in Ecclesia custoditæ traditionis locuples est testis . At non uno in loco Romani Pontificis auctoritate præstantiorem non esse in terris tradit ; ejusdemque fidem ab erroris periculo immunem prorsus testatur . Ad Innocentium II. Pontificem Maximum scribens occasione errorum Petri Abælardi in Synodo Senonensi damnatorum , *Oportet* , inquit in epist. 190. *ad vestrum referri Apostolatum pericula quæque, & scandala emergentia in regno Dei, ea præsertim, quæ de fide contingunt: dignum namque arbitror ibi potissimum resarciri damna fidei, ubi non possit fides sentire defectum. Haec quippe hujus prærogativa Sedis. Cui enim alteri aliquando dictum est: Ego pro te rogavi Petre, ut non deficiat fides tua. Ergo quod sequitur, a Petri successore exigitur: Et Tu aliquando conversus confirma fratres tuos. Id quidem modo necessarium tempus est, ut vestrum agnoscatis, Pater amantissime, Principatum, probetis zelum, ministerium honoretis. In eo plane Petri impletis vicem, cujus tenetis & Sedem; si vestra admonitione corda*
in

in fide fluitantia confirmatis ; si vestra auctoritate conteritis fidei corruptores. Rogo etiam, atque etiam adversarios, ut dicant utique, si a S. Bernardo, ut magis mentem suam aperiret de Romani Pontificis inerrantia, desiderant. Sed & conferant epist. 174. ad Canonicos Lugdunenses, qua ad Sedem Apostolicam spectare affirmat novarum institutionem solemnitarum : ejusdemque auctoritati, & examini, quæ ad Religionem spectant, universa reservat : Romanæ Ecclesiæ, ajens, auctoritati, atque examini totum hoc (de Conceptione B. V.) sicut & cetera, quæ ejusmodi sunt, universa reservo : ipsius, si quid aliter sapio, paratus judicio emendare : Et consteantur nihil constantius apud S. Bernardum, quam Romani Pontificis infallibilitas.

Neque aliquid magis antiquius habuit, quam ejusdem quoque nulli inferiorem auctoritatem. In sermone habito ad Episcopos in Concilio Remensi congregatos Innocentio II. coram, *Grave est, dixit, quod mihi injungitur, videlicet ut doceam Doctores, instruam Patres, . . . Sed praecepit mihi Moyses iste . . . cui obediendum est non solum a me, sed etiam ab omnibus. Et plus quam Moyses hic : Moysi commissum fuit una plebs Israelitica, isti autem universa Ecclesia : & plus quam Angelus hic ; cui enim Angelorum dixit aliquando Deus : Quæcumque ligaveris &c. Secundum officium dico, non secundum meritum : praeter Deum non est similis ei nec in terra : hic est Petrus &c.* Non me latet sermonem hunc ab Horstio, qui in opera S. Bernardi accuratam censuram adornavit, S. Bernardo abjudicari, eam ob causam, quod ex centonibus ipsi videatur confarcinatus. Verum tamen quia ipsomet fatente non ex alio, sed ex ipsius S. Bernardi sententiis confatus sermo est, non est, cur eo non utamur. Ut ut sit, ne criticis morosioribus atram bilem moveamus, certo certiora loca adhibeamus. Igitur in epist. 131. ad Clerum, & Populum Mediolanensem ita scribit : *Plenitudo potestatis super universas Orbis Ecclesias singulari prerogativa Apostolicæ Sedi donata est. Qui igitur huic potestati resistit, Dei ordinationi resistit. Potest, si utile judicaverit, novos ordinare Episcopatus, ubi hactenus non fuerunt : potest eos, qui sunt, alios deprimere, alios sublimare, prout ratio sibi dicaverit ; ita ut de Episcopis creare Archiepiscopos liceat, & e converso, si necesse*

esse visum fuerit: potest a finibus terrae sublimes quas cumque personas Ecclesiasticas evocare, & cogere ad suam praesentiam, non semel, aut bis, sed quoties expedire videbit. In epist. 183. ad Conradum Regem Romanorum hæc habet: *Regis dedecus, Regni diminutionem nunquam volui: violentos odit anima mea; legi quippe: Omnis anima Potestatibus &c. Quam tamen sententiam cupio vos, & omnimodis moneo custodire in exhibenda reverentia summae, & Apostolicae Sedi, & B. Petri Vicario, sicut ipsum vobis vultis ab universo servari Imperio. Efficacius id exprimit in epist. 277. ad Eugenium III. his illustribus verbis: Altiolem locum fortitus es, sed non tutiorem Terribilis prorsus, terribilis est locus iste, locus, inquam, in quo stas, terra sancta est; locus Petri est; locus Principis Apostolorum, ubi steterunt pedes ejus. Locus illius est, quem constituit Dominus Dominum domus suae, & Principem omnis possessionis suae. Omnium tamen illustrius, & quod omnem procul dubitationem abigat, illud est, quod lib. 3. de consider. ad Eugenium III. cap. 8. scribit: Age, inquit ibi, indagemus adhuc diligentius qui sis, quam geras videlicet pro tempore personam in Ecclesia Dei. Quis es? Sacerdos magnus, Summus Pontifex. Tu Princeps Episcoporum, Tu hæres Apostolorum, Tu Primatu Abel, gubernatu Noe, Patriarchatu Abraham, ordine Melchisedech, dignitate Aaron, auctoritate Moyses, judicatu Samuel, potestate Petrus, unctioe Christus. Tu es, cui Claves traditæ, cui Oves creditæ sunt. Sunt quidem & alii Cæli janitores, & gregum Pastores, sed Tu tanto gloriosius, quanto & differentius utrumque præ ceteris nomen hereditasti. Habent illi sibi assignatos greges, singuli singulos, Tibi universi crediti, uni unus. Nec modo Ovium, sed & Pastorum Tu unus omnium Pastor. Unde id probem quæris? Ex verbo Domini: cui enim, non dico Episcoporum, sed etiam Apostolorum sic absolute, & indiscrete totæ commissæ sunt Oves? Si me amas Petre, pascere oves meas. Quas? Illius, vel illius populus Civitatis, aut Regionis, aut certi Regni? Oves, inquit, meas. Cui non planum est non designasse aliquas, est assignasse omnes: nihil excipitur, ubi distinguitur nihil. Et infra. Ergo juxta canones tuos alii in partem sollicitudinis, Tu in plenitudinem potestatis vocatus es. Aliorum potestas certis arctatur limitibus, tua extenditur, & in ipsos,*

ipſos , qui poteſtatem ſuper alios acceperunt . Nonne ſi cauſa extiterit , Tu Epifcopo Calum claudere , Tu ipſum ab Epifcopatu depone- re , etiam & tradere Satana poteſ ? Stat ergo inconcuſſum privilegium tuum Tibi tam in datis Clavibus , quam in Oribus commendatis . Ergo in Eccleſiam univerſam , ſive in Epifcopos omnes indiſtincte , & indiſcriminatim , ſi S. Bernardo auſcultes , Romanus Pontifex auctoritate pollet : ergo etiam in Eccleſiam in Concilio congregatam , ſeu in Epifcopos in Synodo collectos , nam , nihil excipitur , ubi diſtinguitur nihil . Uſitata adverſariorum evaſio eſt , quum ſe SS. Patrum auctoritate premi ſentiunt , frigide verbo uno , vel altero reponere Patrum teſtimonia de Primatu Pontificis intelligi . Optime fateor de iſtiusmodi Primatu intelligi , quo nulla in terris ſit ſuperior poteſtas , & a quo ſit indiviſa a fide indeficientiæ prærogativa : at oppido falluntur , ſi ejus generis Primatum intelligi exiſtiment , quem ſpoliatum duobus illis privilegiis deſiderant ; Primatus ſiquidem eſſet puri , putique nominis , atque vix aliquid præterea ; cujuſmodi a Patribus Romano Pontifici attributum non fuiſſe palam hætenus fecimus . Plane , vim argumenti huiusce , atque SS. Patrum traditionis ſenſit Tournellius , adeo ut tract. de Eccleſ. q. 5. art. 3. volens nolensque faſus ſit difficillimum fore ex SS. Patrum teſtimonio Eccleſiæ Romanæ , ſeu Apoſtolicæ Sedis infallibilem auctoritatem minime agnoſcere . Quorſum ergo dein agnitam veritatem in dubitationem , ac verius in diſcrimen adducere vir doctiſſimus non eſt veritus ?

Appoſite ad hæc SS. Patres qua Græci , qua Latini de privilegiis S. Petro a Chriſto Domino collatis diſferentes , parimodo eadem privilegia in Romanum Pontificem derivaffe uno conſenſu docuerunt . Quid autem S. Petro adjudicaverint , quaſo , non te graveris , attende . Illum mox vocant *Petram* propter fidei firmitatem , uti ex Græcis Origenes hom. 5. in Exod. , & in cap. 6. ad Roman. ; Eusebius in Pſalm. 67 ; in Matth. 17 ; ad Rom. 5 ; tom. 2. Collect. Veter. PP. ; S. Baſilius in cap. 2. Iſaiæ ; & lib. 2. contra Eunom. ; S. Gregorius Nazianz. orat. 26 ; S. Epiphanius in Anchorato ; S. Chryſoſtomus orat. de laudibus SS. Petri , & Pauli ; Philo Carpathius in Cant. ad illud *Caput ejus aurum* ; S. Cy-

rillus Alexandrinus lib. 2. in Johan. cap. 12; Victor Antiochenus, sive, vetus Auctor comment. in cap. 3. Marci; Andreas Cretenfis orat. de transfig.; S. Johannes Damascenus histor. Barlaam cap. 11; Theophanes serm. de SS. Apostolis; S. Theodorus Studites in epist. ad Paschalem Papam; Michael Syncellus in Dionysio Areopagita; Theodorus Balsamon ad can. 16. Concil. Carthag.; Zagazabo Episcopus Æthiops in confessione fidei Æthiopicæ. Ex Latinis Tertullianus lib. de præscript. hæret. cap. 22; S. Cyprianus lib. de unit. Eccles.; S. Hilarius in Psal. 131; S. Ambrosius serm. 47; S. Pacianus epist. 3. ad Symphron.; S. Hieronymus in cap. 16. Matth. & epist. 54; S. Augustinus serm. 13, nunc 76. de verbis Domini, & lib. 1. retract. cap. 21; S. Maximus Taurinens. hom. 1. in natali SS. Petri, & Pauli; Philippus Presbyter in Concilio Ephesino; S. Petrus Chrysologus serm. 107; Auctor lib. de vocat. gentium apud S. Prosperum lib. 2. cap. 28; V. Beda in cap. 22. Lucæ; Rabanus Maurus in cap. ult. Johan; S. Thomas Cantuariensis epist. 97, & alii. Illum mox nuncupant *Ecclesiae immobile fundamentum, columen, inconcussumque firmamentum*, uti ex Græcis Origenes apud Eusebium lib. 6. cap. 19; S. Basilii in cap. 2. Isaïæ; S. Gregorius Nazianz. orat. 7, & 26; S. Chrysostomus hom. 55, & 83. in Matth.; hom. in Petrum, & Eliam; hom. 9. de poenit.; & in Psal. 50; S. Epiphanius hæret. 59; S. Cyrillus Alex. lib. 4. de Trinit. ad cap. 16. Matth.; S. Isidorus Pelusiota epist. 235; Evagrius lib. 2. hist. Eccles. cap. 4; S. Germanus Constantinopolitanus in Theoria rerum Ecclesiast.; Theophylactus in cap. 22. Lucæ; Euthymius in cap. 16. Matth. Ex Latinis vero S. Cyprianus epist. 40, & 70; S. Hilarius canon. 16. in Matth.; S. Ambrosius serm. 68; S. Hieronymus lib. 1. advers. Jovinianum cap. 14, & lib. 1. dialog. advers. Pelagium cap. 4; S. Augustinus tract. 124. in Johan., lib. quæst. veter. & nov. Test. q. 75, & serm. 5. in festo SS. Petri, & Pauli; S. Petrus Chrysologus epist. ad Eutychem; Possessor Africanus epist. ad S. Hormisdam; S. Aldhelmus epist. ad Gerunthium; S. Eulogius Toletanus in memoriali SS; S. Thomas Aquinas in cap. 16. Matth.; aliique.

Quando vero S. Petrum ceu *Verticem, Caput, Coryphaeum, Principem &c.*, cui cuncta sacra Christus subjecit, laudibus coho-

ne-

nestant, ut ex Græcis Origenes hom. 17. in Lucam; Eusebius hist. Eccles. lib. 2. cap. 13; S. Cyrillus Hierosol. cath. 2, & 11; S. Chrysostomus hom. 55. in Matth., & hom. 87. in Johan.; S. Ephræm in panoplia; S. Nilus in epist. ad Eusebium; Cassianus lib. 3. de Incarn. cap. 12; S. Cyrillus Alex. lib. 12. in Johan. cap. 64; S. Sophronius Hierosolym. serm. de SS. Petro, & Paulo; S. Theodorus Studites in epist. ad Paschalem Papam; S. Methodius Constantinopolitanus in Martyr. S. Dionysii Areopag., Gennadius Scholarius de primatu Papæ sect. 2. Ex Latinis autem Tertullianus in Scorpiaco cap. 10; S. Cyprianus epist. 55, & 71; S. Optatus lib. 2. contra Parmen.; S. Ambrosius in cap. 24. Lucæ; & in capp. 1, 2, & 12. ad Galat.; S. Hieronymus in Psal. 13; S. Augustinus lib. 2. de baptis. contra Donat. cap. 1; Cassiodorus lib. de amicitia; S. Gildas sapiens in corrept. Ecclesiast. Ordinis; V. Beda in cap. 13. Johan., & hom. in die Apostolor. Petri, & Pauli; Rabanus Maurus in cap. 16. Matth.; Lupus Ferrariensis epist. 84; S. Petrus Damiani serm. 1. de S. Andrea; S. Anselmus in cap. 16. Matth.; Ivo Carnotensis epist. 54; Hugo Victorinus serm. 64. de SS. Petro, & Paulo; & S. Bernardus serm. 1. in die Apostol. Petri, & Pauli. Quando eundem S. Petrum *Magistrum, Doctorem, & Pastorem Ecclesiae universae a Deo datum* appellant, uti ex Græcis Origenes hom. 2. de diversis; S. Basilus in proæmio de iudicio Dei; S. Chrysostomus de laudibus SS. Petri, & Pauli; & hom. 3. in Act. Apost.; S. Nilus lib. 2. epist. 75; Cassianus lib. 3. de Incarn. cap. 12; S. Cyrillus Alex. lib. 12. in Johan.; S. Maximus Martyr in epist. ad Orientales; Theodoretus in cap. 1. ad Galatas; Basilus Seleuciensis serm. 4. in David.; Andreas Cæsarensis in cap. 21. Apocalyp.; Stephanus Dorensis in libello oblato S. Martino I; S. Iohannes Damascenus orat. de Transfigur.; Elias Cretensis in orat. 1. S. Gregorii Nazianzeni; S. Ignatius Constantinopolitanus in epist. ad Hadrianum II.; Theophylactus in cap. 21. Johan.; Eutychius Alexand. apud Ecchellensem Vind. pag. 29; Occumenius in cap. 1. Act. Apost.; Euthymius in cap. 21. Johan., & in cap. 16. Marci; Joseph Methon. resp. ad Marcum Ephes.; Gregorius Trapezuntius in illud Johan. *Sic eum volo manere*. Ex Latinis vero Tertullianus lib. de pudicit. cap. 21; S. Cyprianus lib.

356 PRIVILEGIA ROM. PONTIFICI

de unit. Ecclesiæ; S. Ambrosius serm. 11; S. Augustinus tract. 66. in Johan.; S. Maximus Taurinensis hom. 1. in Natali SS. Apost. Petri, & Pauli, & hom. 3. de iisdem; S. Petrus Chrysologus serm. 78; Arnobius Junior in Psal. 138; S. Eucherius Lugdun., seu Eusebius Emislenus in vigil. S. Petri; Bacharius in libel. fidei; S. Isidorus lib. 2. de offic. cap. 5; S. Aldhelmus lib. de laud. virginit. cap. 28; Apponius lib. 2. in Cant.; Haimo Dom. 2. post Pascha; Walafridus Strabo de reb. Eccles. cap. 22; Honorius Augustodun. serm. de SS. Petro, & Paulo; Rupertus Abbas lib. de Trinit. cap. 25, & lib. 9. de process. Spiritus Sancti cap. 28; & S. Bernardus epist. 237. ad Eugenium III; & lib. 2. de consider. cap. 8. Ex quibus profecto quid aliud concludere est, quam quod hactenus demonstrare conati sumus, Romanis Pontificibus communia eademque collata, quæ S. Petro præcipue Christus Dominus concedidit privilegia cum infallibilitatis in fide, tum supremæ in Ecclesia sive in Orbem diffusa, sive in Concilio coadunata auctoritatis? Age modo eam SS. Patrum traditionem ad hanc usque diem integram, incorruptamque; neque unquam interrupta successione mansisse manifestemus.

*Ex aliis Scriptoribus Ecclesiasticis, & Theologis Scholasticis
Latine Ecclesiæ.*

S. I I.

Hæsterna, aut hodierna Christiana Religio non est, sed eadem neque antiqua, neque nupera in ævum manet. Quamobrem ejusdem Caput, cujus in manibus universæ sacræ rei summa extat, Romanus scilicet Pontifex, defectum pati non debet, ipsius non antiquari doctrinam, ipsius non arctari dominationem, ne infirmato fundamento concidat pariter, quod superstructum est, ædificium, & in periculum adducto capite labascet perinde corpus, quod ejus regimini est subiectum. Gratias maximas Christo Deo nostro, qui Romano Pontifici vices suas commendans, suamque Ecclesiam committens, eundem gemino infallibilitatis in fide, ac auctoritatis omnium maximæ privilegio exornavit. Cujus quidem privilegii testes

stes produximus longo catalogo SS. Patres; nunc autem in acceptæ ab iisdem SS. Patribus traditionis testimonium sequioris ætatis advocamus scriptores, atque de Schola Theologos, non equidem omnes; quippe opus foret cum ultra facultatem, & vires, tum ultra fas, & modum bene vero aliquos, qui sanctitate magis, aut sapientia celebres evaserunt. Ex iis itaque V. Petrus Cluniacensis S. Bernardo coævus lib. 5. in epist. 2. ad Innocentium II. scribit: *Spiritus consilii, qui ubi vult spirat, per Romanos Pontifices Ecclesiæ sue per totum Orbem diffuse assidue consulit*: & lib. 6. epist. 14. ad Eugenium III. sic subjicit: *Vestrum est totius Ecclesiæ Dei in hac valle lacrymarum peregrinantis causas audire, auditas discutere, discussas iudicio Apostolico definire. Et licet Persona vestra constituta sit super gentes, & regna, ut evellat, & destruat, & disperdat, & dissipet, & ædificet, & plantet; tamen quia nec Deus, nec Hieremias Propheta, cui hoc dictum est, estis, potestis falli, potestis ab his, qui, ea, quæ non Jesu Christi, sed quæ sua sunt, querunt, decipi. Non in causis ad Religionem spectantibus Pontificem deficere ait, sed in causis mere spectantibus ad forum posse decipi obreptione scilicet, vel subreptione. De potestate vero Pontificis agens, illi amplissimam profecto, quaque potior, aut par in Ecclesia non sit, attribuit Bibl. Clun. pag. 689. *Romani Pontifices, inquit, per omnem Ecclesiam Petri auctoritatem habent*: Et infra: *Romani Præsules omni Ecclesiæ præsent*.*

Auctor operis inscripti *Altercatio Synagoga, & Ecclesiæ* inter opera S. Augustini, (quod quidam attribuant Gisleberto, cognomento Crispino S. Anselmo Cantuariensi suppari, & Abbati Westmonasteriensis in Anglia, longe tamen distat ab ejus genuino opere inscripto: *De fide Ecclesiæ contra Judæos* a Gerberonio operibus S. Anselmi adnexo,) hæc habet cap. 19: *Romane Sedis nunquam intermorituram esse fidem Christus pronunciasse videtur, quando concreditis, atque collatis Petro celestis Regni clavibus, id est totius Ecclesiæ suprema potestate commissa, Ego, inquit, rogavi pro te &c. & alibi, Tu es Petrus &c. Petrum quippe Romanæ Ecclesiæ Præsulem fore, ibique martyrio consummandum prævidit, cujus fidem non defecturam promittit. Quid, quæso, nobis insinuas censendus est, quam quod ea potissimum Ecclesiæ, cujus*

cujus Petrus velut e vicino (cum esset alias omnium post Christum Ecclesiarum Caput, & Summus Antistes,) Praesul erat futurus, in unius, ac verae fidei confessione perpeti consensu semper esset permansura? Est ita caucleate heic asserta Pontificis inerrantia, ut eludi nullo modo possit, nisi ab eo, qui neque a veritate in luce posita se vinci patiatur.

Hildebertus Turonensis Archiepiscopus in epist. 65. ad Honorium II, apud Harduinum tom. 6. qua Synodum ab se celebratam ab ipso confirmari efflagitabat, sic eundem alloquitur: *Hac igitur vobis, Sanctissime Pater, significanda censuimus, quatenus acta canonice vestra dignetur confirmare auctoritas; non gravemini confirmatione Apostolica roborare, ac prohibere, ne quis univino rescindere, vel aliqua ex parte minuere praesumat.* Porro Synodum illam Nannetensem anno 1127. habitam, in qua incestuosa matrimonia damnata: filii inde orti spurii, & ad hæreditatem adeundam inhabiles declarati: filii sacerdotum, ne ordinarentur deinceps, nisi alicui Ordini nomen darent, vetitum: bona viduarum, aut naufragorum, ne a potestate seculari diriperentur, prohibitum, confirmavit Honorius Papa, ut liquet ex ipsius rescripto ad Episcopos Provinciae Turonensis. Arnulphus Lexoviensis, ut mittam, quæ de Innocentio II, & quæ ad Cælestinum II. eximia scripsit, in epist. ad Alexandrum III. gratulatoria de ejusdem Pontificis inauguratione sic scribit: *Ego minor licet omnibus, non minori tamen gaudio, quam ceteri, gloriam vestrae promotionis amplector, & Vos Apostolum Christi, Petri Vicarium, Pastorem, & Episcopum omnium, qui Christiano nomine censentur, agnosco, & Vobiscum catholicam profiteor unitatem.* Extat in Bibliot. Patrum tom. 22. Itaque postquam Innocentio II, & Alexandro III. adversus schismaticos egregiam commodasset operam, atque eorum legitimam electionem dictis, scriptis, & gestis defendisset, eorundem pariter summam potestatem præclare celebratam voluit. Porro viros inter alios pietate, ac doctrina præstantissimos, qui tum temporis ab Alexandri III. partibus adversus Antipapam firmissime steterunt, recensentur a Baronio in append. ad annum 1160. SS. Eberhardus Salisburgensis, & Hartmannus Brixinensis Antistites; a Puricello in monum. Basil. Ambros. Otbertus Mediol. Archiep., & S. Gal-

S. Galdinus ejusdem Ecclesiæ Archidiaconus , ac dein Archiepiscopus ; Henricus Claravallensis Abbas , Odo Cardin. , & Philippus Abbas bonæ spei ; nec non S. Aelredus Rievellensis ; Guillelmus Senonensis ; Johannes Sarisberiensis &c. , de quibus paullo post . Petrus Lombardus magister sententiarum dictus , & Parisiensis Episcopus , a quo primum scholastica disputandi methodus in scholas invec̃ta est , lib. 4. dist. 24. *Ordo Episcoporum* , inquit , *quadripartitus est , scilicet in Patriarchis , Archiepiscopis , Metropolitanis , & Episcopis . Patriarcha græce summus Patrum interpretatur , quia primum , idest Apostolicum tenet locum , ut Romanus , Antiochenus , & Alexandrinus ; sed omnium summus est Romanus Archiepiscopus , Princeps Episcoporum .* Quorum simillima sexcenta habet passim Gratianus , quæ omnia sermone persequi non vacat , eo præsertim quod sparsim pleraque jam sunt producta . In Gratianum vero confer Thomasiū , aliter Taxaquetium , atque doctiss. Berardi , ut alios mittam , quorum opportuniore in loco occurreret mentio .

Anselmus Havelburgensis Episcopus a Lothario II. Imperatore Legatus Constantinopolim missus , ubi cum Nechite Nicomediensi Archiepiscopo Græcorum sapientiore congressus egregie eundem confutavit , ut ad articuli superioris calcem adnotabamus , jubente Eugenio III. collationes habitas Constantinopoli in unum collectas , & sub forma dialogi conscriptas in tres libros digessit , eidemque Eugenio Papæ dicavit . Igitur lib. 3. de auctoritate Romanæ Ecclesiæ agens cap. 9. hæc habet egregia : *Ecclesiastica regula jubet nullum ea debere habere vigorem , quæ præter Romani Pontificis sententiam præsumuntur , & quæ ab eo Apostolica auctoritate , ac subscriptione non firmantur .* Cap. 10. *Dominus Iesus* , inquit , *... solius Petri naviculam ascendit , & sedens docebat turbas , figuratiter ostendens a Sancta Romana Ecclesia , cui præficiendus erat Petrus Princeps Apostolorum , Evangelicam , & Apostolicam doctrinam in turbas populorum per omnem Mundum profluxuram...* Quocirca nulli fidelium convenit aliquatenus dubitare , seu in questionem ponere , sed firmissime tenere , quod Petrus a Domino Princeps Apostolorum sit constitutus . Quemadmodum autem solus Romanus Pontifex vice Petri vicem gerit Christi , ita sane ceteri Epi-

Episcopi vicem gerunt Apostolorum sub Christo, & vice Christi sub Petro, & vice Petri sub Pontifice Romano ejus Vicario. Et cap. 12. Certum est, scribit, & nulli ... dubium, quod sicut una est Ecclesia, ita & unius Ecclesie unum Caput est in terris, & hic est Romanus Pontifex, quem ... Majestas divini judicii principaliter, & omnibus praeesse voluit. Converso subinde sermone ad Nechitem subjungit: Quid autem dixisti haereses hic exortas, hic esse mortuas; & hoc dixisti factum esse auctoritate SS. Patrum, qui fuerunt in Oriente, & qui in Nicano Concilio, & in aliis multis Conciliis congregati sunt: miror tuam prudentiam, quod hoc adscribas membris, quod erat Capitis; & quod assidentibus hoc attribuas, quod constat esse Praesidentis. Qui videlicet SS. Patres, qui iisdem Conciliis interfuerunt, si hodie omnes viverent, nullus eorum, nec omnes simul aliquam auctoritatem alicujus Concilii sibi usurparent. Quin potius omnem Conciliorum auctoritatem Romano Pontifici recognoscerent, aut in propria persona praesidenti, aut per Legatos suos universa confirmani. Ecclesiastica namque regula, quam ipsi non ignoraverunt, ita jubet: Non oportere praeter sententiam Romani Pontificis Concilia celebrari. Sciendum est ergo, quod haereses hic (Constantinopoli) exorta sunt, Graecorum quidem errore; sed & hic quidem destructae sunt, non Graecorum, sed Romanorum Pontificum auctoritate. Hoc vero ex historia Ecclesiastica Anselmus luculenter probat: probat & singulare esse Romanae Ecclesiae privilegium, ut nunquam a fide deficere possit, atque suprema supra ipsa Concilia generalia potestate fruatur. Cujus quidem hanc in rem verba artic. supra citato retulimus, quae proinde ibidem recole, ne dicta repetamus; post quae subnectit: Ecce vides quaslibet haereses, hic & ubique exortas a Petra fidei per Petrum Apostolum collisas, & destructas. Itaque non solum ex predictis, verum etiam ex plurimis Africanorum Conciliis, in quibus variae haereses damnatae sunt, constat Romanam Ecclesiam duo divina privilegia divinitus habere: videlicet praeter omnibus incorruptam puritatem fidei, & super omnes potestatem judicandi. Quibus hercle, quid in hanc rem illustrius proferri potest? Quid quinimo plura? Nechites ipse ultro citroque idipsum fassus est hisce verbis: Nos in Archivo agiae Sophia antiqua Romanorum Pontificum gesta, & Conciliorum habemus

mus actiones, in quibus hæc eadem, quæ dixisti de auctoritate Romana Ecclesia, repertuntur; & ideo non parva verecundia nobis esset, si ea negaremus, quæ apud nos a Patribus nostris scripta præ oculis habemus.

Potho Prumiensis Monachus libros 5. de statu domus Dei conscripsit, in quibus plane statum domus Dei a Romano Pontifice ordinandum præclare asserit, & divinam illius auctoritatem magnifice prædicat. Libro 1. In hac tota domo, scribit, *Beatus Petrus cum suis successoribus plenitudinem potestatis accepit; unde quicumque in partem sollicitudinis vocati sunt, ut ea, quæ in partem regenda susceperunt, provida dispensatione gubernent, ejus auctoritate roborandi, ejus exemplis informandi sunt, qui in plenitudine potestatis toti Ecclesia præesse dignoscitur.* Et infra. *Præsumptuosum, inquit, est enim quibuslibet Prælati veterem statum immutare, nova instituire, quum solum id Apostolicæ Sedis dispensationi concessum sit, ut pro temporis necessitate, vel pro Ecclesiæ utilitate aliquid de institutis Patrum commutare possit... Hæc dispensatio, ut diximus, penes illum est, qui vicem Christi in terris agit, cui una cum Petro dicitur a Domino: & Tu aliquando conversus &c. Ipse namque est, qui tanquam fidelis, & prudens dispensator super familiam Domini constitutus est... Solus totius domus Dei, quæ est Ecclesia, morem gerit... Nec mireris, si Romani Pontifices hanc semper peculiariter habuerint potestatem, ut canones pro tempore dispensarent: ipsi enim sunt auctores canonum, & illa Sedes semper hoc habuit privilegium, ut ligatum, vel solutum sit, quidquid ipsa ligaverit, aut solverit, unde juxta attestationem SS. Patrum omnibus Ecclesiis præeminet, & de omnibus judicare potest. Potest ne his enucleatius explicari Romani Pontificis auctoritas supra Canones, ac proinde supra Concilia? Ejus auctoritate condici canones necesse esse; ejus auctoritate eosdem relaxari debere, & posse, affirmat; atque ejusmodi auctoritate quempiam Episcoporum potiri negat. Quid hoc est, nisi in Ecclesia ejus auctoritatem esse summam, nullique alteri submissam? Superfluum esset ex Pothone alia congerere: non tamen piget facere tam justæ causæ gratia.* Libro 3. *Nonne, ait, Romani Pontifices, qui in plenitudine potestatis Ecclesia præfuerunt, quorum videlicet auctoritate univer-*

lia canonum decreta conscripta sunt, & corroborata, illis præferendi sunt, qui in partem sollicitudinis vocati particularia quædam, quibusdam instituta in suis regulis ediderunt? . . . Hoc namque privilegium B. Petro Apostolorum Principi celesti decreto principaliter traditum, atque firmatum SS. Patres cum magna veneratione suscipientes, atque S. Romanam Ecclesiam servantes, tam in generalibus Conciliis, quam in ceteris scripturis, & gestis suis universalem Matrem appellaverunt, & sicut ejus documenta in confirmatione fidei, & eruditione sacræ religionis, ita etiam judicia susceperunt: in hoc consentientes, & quasi uno spiritu, & una voce concordantes omnes, majores res, & præcipua negotia, nec non omnium Ecclesiarum judicia ad eam, quasi ad Matrem, & Caput debere referri, ab ea nusquam appellari, judicia ejus a nemine retractari, aut refelli debere, vel posse. Igitur si a judicio Pontificis appellari non potest, neque illud ab ullo refelli, aut retractari potest, superius tribunal non superest. Iterum si de fide judicanti Pontifici jugiter SS. Patres teste Pothone adhæserunt, is plane a fide nequit vel prope, vel procul aberrare.

S. Hildegardis doctrina, sanctitate, & divinis revelationibus illustris, cujus spiritum, & scripta probavit Eugenius III, cujus & sapientiam, & sanctimoniam epistolis cohonestarunt Anastasius IV, & Hadrianus IV. Pontifices Maximi, cuique congratulatus est, seque, suosque epist. 386. commendavit S. Bernardus, S. Hildegardis, inquam, in epist. ad Eugenium III, & Alexandrum III. ea scripsit, ex quibus liquido intelligas Romani Pontificis potestatem ab eadem ita habitam, ut superiorem illa non habuerit: Pontificis insuper fidem tanti ab eadem factam, ut eam fatiscere non posse firmiter S. Virgini fuerit persuasum: Tu, inquit in epist. ad Eugenium, *qui es vice Christi sedens in cura Ecclesiastica cathedra meliorem partem tibi elige. . . De summo Judice dirigitur ad Te, ut graves, & impios Tyrannos eradices, & a te ejicias, ne stent in magna irrisione in tua societate.* Enucleatus in epist. ad Alexandrum III. ait: *O summa, & gloriosa persona, quæ primum constituta es per Verbum Dei . . . Tibi specialiter idem Verbum Claves regni celestis per indumentum humanitatis suæ, scilicet ligandi, & solvendi potestatem concessit. Tu quoque,*
excel-

excellentissime Pater, materia omnium spiritualium personarum existis, quæ tuba justitiæ Dei sonant in Ecclesia. Extant in Bibliot. PP. tom. 23. edit. Lugd. Eo scilicet elocutionis genere significabat illi Christi vices gerenti in terris, summæque auctoritatis munere fungenti auscultare oportere, quotquot christianæ vitæ, beneque moratæ nomine censerî volunt.

S. Aelredus Rievellensis Abbas in Anglia quanto mentis studio, atque animi impetu flagraret, ferreturque ad Romani Pontificis dignitatem, potestatemque loco firmandam suæ, planum fecit in comment. in Isaiam, quod extat in Bibl. PP., & Bibl. Cisterc. tom. 5, locum hunc ex Canticis proferens, *Si ignoras te egredere, sic inquit: Quam multi Fratres hodie nescientes scripturas, neque virtutem Dei egressi sunt de Ecclesia, & separantes se a Vicario Christi* (vivebat sub Henrico II. Angliæ Rege, ideoque de Ecclesiæ juribus sub eo violatis a nonnullis, & idcirco Alexandro III. subinfectis, deque schismaticis aliis in Friderici Enobarbi partes abreptis, loquitur) *sequuntur præambulum Antichristi. Fratres nemo vos seducat inanibus verbis, nemo vobis dicat, ecce hic Christus, vel ecce illic, quum in fide Petri semper sit Christus, quam Sancta Romana Ecclesia specialiter mutuavit a Petro, & servat in Petra, quæ est Christus... Hujus Ecclesiæ primus Princeps Petrus fuit, cui dictum est: Super hanc petram &c. & iterum, Pisce &c., & Tibi dabo &c. Hac est Ecclesiæ... cujus plenitudo potestatis in ipsius Principe primo de Oriente transmigrans in Occidentem auctoritate Spiritus S. in Romana resedit Ecclesiæ... & hinc ob specialem excellentiam ipsius Ecclesiæ Episcopi, Presbyteri, & Diaconi appellati juxta Cardinales... Sicut enim Summus Pontifex ex legitima, & ut ita dicam, hæreditaria successione Petri obtinet Principatum, ita ceterorum Apostolorum potestas in Cardinalibus consistat esse transfusa. (Consentanea his scripsit postea Petrus Alliacensis.) Hac est Ecclesiæ Romana, cui qui non communicat, hæreticus est. Illius interest consulere omnibus judicare de omnibus, omnibus providere, ad quam in Petro vox ista dirigitur: Et aliquando conversus confirma fratres tuos. Postremo, quantum sui esset concludens, sic pergit: Quidquid ipsa statuerit, suscipio, approbo, quod approbaverit; quod damnaverit, damno. Vis adhuc explicatiores?*

Ubi, ita serm. 231. ibidem adversus schismaticos, *Ubi*, inquit; *Ecclesia esse Romana oculis cernitur, ratione probatur, confirmatur auctoritate, ibi cor meum, ibi animus meus, ibi affectus meus. Ab ejus fide, quæ, Christo orante, non deficiet; ab ejus unitate, quam schismaticorum pravitas, Christo conservante, non dividet; ab ejus subjectione, cujus mihi Princeps Calum aperiet, me neque mors, neque vita, neque alia creatura, Dei adjuvante gratia, separabit. Heus hæc a gentili vestro, adeoque illustri audientes ad cor redite Anglo-Calviniani, ac tandem veram Christi religionem in Ecclesiæ Romanæ sinu repositam a Majoribus vestris agnoscite!*

Hugo Etherianus, qui quum apud Manuelem Græcorum Imperatorem Constantinopoli ageret, libros tres de hæresibus, quas Græci in latinos devolvunt, sive de processione Spiritus S. conscripsit, quos Alexandro III. Summo Pontifici consecravit, quique extant in Bibl. PP. tom. 9, de Latinæ Ecclesiæ re, ac præsertim Romani Pontificis a Græcorum obtrecationibus in libertatem asserita optime meritis, lib. 3. cap. 17. hæc inter alia habet illustria: *Æquum est ratum habere, quod tanta Ecclesia (Romana) decernit, quod tantus Pontifex (de Spiritus S. processione enuntiat): sine quo vigor calami omnis Ecclesiasticæ traditionis arescit, ut memorandus inter sanctos Beatus junior Stephanus asserit. [Hujus testimonium dedimus art. superiori de Patribus Græcis.] Christus Petrum, ejusque successorem Principem, & Caput, non modo Latinorum, Græcorum, Occidentis, ac Septentrionis universi, verum Armeniorum, Arabum, Indorum, Madianitarum, Amalechitarum, & totius Orientis, & Meridiani climatis in perpetuum constituit. Ob quam rem occidui solis limites universi Petri Successorem ex tunc sibi Dominum recognoscunt, & sub illo Præsule diriguntur: quod omnem ab utero matris errantem facere oportunum est. Idem supra cap. 10. scripserat: Qui autem primæ Sedis, imo totius Orbis Præsuli resistunt, Christi dispositioni resistunt; & cap. 16: Quod si Conciliis Constantinopolitano, & Chalcedonensi licuit Symbolo Nicæno aliquid addere, id quoque Romano Pontifici licuisse, atque licere. Ad idem locum art. cit. integre descriptum.*

S. Tho-

S. Thomas Cantuariensis ille libertatis Ecclesiasticæ assertor invictissimus, adeo ut libenter eidem vindicandæ sanguinem, vitamque impenderit, cujusque epistolas Dei spiritu, sacraque eruditione refertissimas ex codice Ms. Vaticano edidit vir doctissimus Christianus Lupus, sicut ea gessit, quæ sui intimi animi obsequium, integramque obedientiam erga Romanum Pontificem satis panderent, sic ea scripsit, quæ quæ ipsius animo intrareret de ejusdem Romani Pontificis privilegiis sententia, facerent palam. Enim vero in epist. 97. ad Episcopos Angliæ, postquam de muneribus Episcoporum verba fecisset, sic de Apostolica Sede fatur: *Quis Romanam Ecclesiam Caput omnium Ecclesiarum, & fontem catholicæ doctrinæ ambigit esse? Quis claves regni Calorum Petro traditas esse ignorat? Nonne in fide, & doctrina Petri totius Ecclesiæ structura confurgit, donec occurramus omnes Christo in virum perfectum, in unitatem fidei, & agnitionem Filii Dei? ... Quicumque sit, qui rigat, aut plantat, Deus nulli dat incrementum, nisi illi, qui plantabit in fide Petri, & doctrinæ ipsius requiescit. Sane ad eum maxima populi judicia referuntur a Romano examinanda Pontifice, & dispositi sub eo Matris Ecclesiæ magistratus, quatenus in partem sollicitudinis acciti sunt, creditam exerceat potestatem. Ad illustria hæc in epist. 118. lib. 1. ad Herfordiensem, & Wigornensem Episcopos scribit sibi persuasum esse, quod ipsi nullius rei adversæ impulsione a fide, & obedientiæ Ecclesiæ Romanæ separari poterunt, Ad quam, inquit, quum ex institutione Filii Dei Ecclesiam in se Petra solidissima fundantis omnis anima teneatur, archiori quidem vinculo adstrictus est Ordo Pontificum, qui in consecratione de observatione legis divinæ, & sacrorum Canonum, & de obedientia mandatorum Sedis Apostolicæ... profitentur. Et in epist. 122. ad Gilbertum London. Solus, inquit, infidelis, aut qui cum errore superat hæreticus, aut schismaticus, Apostolicis obtrebat obedire mandatis. Itaque in S. Thomæ sententia in fide Romani Pontificis hæret Ecclesia; quæ quum errori obnoxia non sit, nec ille fidei jacturam pati poterit. Iterum a Romana Pontifice jurisdictio in Episcopos effluit; Episcoporum igitur jurisditioni etiam in Concilio œcumenico non erit ipse submissus. Confer epist. 69. ad eundem. Quod si in litteris ad Albertum, & ad*

& ad Gratianum in querelas adversus Romanam Curiam paullo acerbiores effusus sanctus vir est, id ei indulgendum, qui tot calamitatibus vexatus, vexisque attritus non attenderat, seu verius nescierat, quanta hinc quidem prudentia cum Angliæ Rege sibi agendum, ne scilicet præcipitem in schisma ageret, Pontifex proposuisset; illinc vero quam alte Pontificis animo ipsius causa hæreret: *Quoniam*, his scripserat ad Willelmum Senonensem Pontifex, *Thomæ causam nostram, & Ecclesiæ reputamus*.

Consentanea S. Thomæ Cantuariensi scripsit eidem cœvus, atque in exilio individuus comes Johannes Sarisberienfis, & Carnotensis Episcopus. Nam in epist. 83. hisce Pontificis Romani potestatem amplissimis exornat verbis: *Romanum Pontificem non ambigimus Principis Apostolorum esse Vicarium*, (sive ex asse successorem), *qui sicut Rector clavo navem, ita sigilli sui moderamine Ecclesiam regit, corrigit, & dirigit universam*. In epistola vero 193. Alexandrum III. Pontificem M. hisce præclaris alloquitur: *Clamamus ad successorem Petri, Vicarium Crucifixi ... Jus est veras exprimere voces, præsertim apud eum, qui amatur, est, & patronus veritatis, & cujus ministerio Spiritus Sanctus totius falsitatis signenta condemnat*. In libris 8, quos Polycraton inscripsit, idest *de Nugis curialium*, luculentius Apostolicæ Sedis prærogativas exprimit, & prosequitur: lib. 8. cap. 17. *Ecclesiam Romanam*, inquit, *quæ parens, (auctore Deo) & nutricula fidei, & morum est, & non potest ab homine judicari, & argui, celesti privilegio munita, relinquo intactam*. Et cap. 23. *Quis, ait, præsumet summum judicare Pontificem, cujus causa Dei solius reservatur examini?* Ad hæc ad pollicitationes Petro factas alludens subjungit: *Apostolicum privilegium transiit ad Successores*.

Petrus Abbas Cellensis, ejusdemque Johannis in Episcopatu Carnotensis successor, & S. Bernardo amicitia conjunctissimus, Nicolaum S. Albani in Anglia monachum S. Bernardi memoriæ, & nomini ob ejusdem ad Canonicos Lugdunenses epistolam de festo Conceptionis B. V. obtrectantem epist. 23. lib. 6. castigans, non alia ratione S. Bernardum vindicat, nisi quod diem Conceptionis celebrandum noluerit, antequam eo de festo Apostolica

Sc-

Sedes , cui, quæ ad Religionem spectant , reservata sunt , suam protulisset sententiam. Quo loco sane, quid ipse de eadem summa Sede animo ferret sententiam, his verbis exprimit : *Est tamen auro locus , in quo conflatur , & argentum habet venarum suarum principia Sedem Petri , & curiam Romanam , quæ Claves Celi principaliter tenet , & clausura consiliorum Dei reserata dispensante Deo unguentum gratiæ a capite usque in oram vestimenti habet compluere . Hæc Sedes Petri , idest Petra , in qua Moyses residet ; videlicet Lex Dei immaculata convertens animas fragosæ quæque hereticorum conciliabula elidit , & allidit ; profanas vocum novitates refecat , & rescindit ; superflua confodit , & jugulat ; hiantia , & eclipctica complet , & illustrat . Urinam , salva veritatis auctoritate , lance communis consilii hæc Domina , & Moderatrix totius christianitatis Conceptionem Virginis librasset , & approbasset , a mari usque ad mare hanc propagasset ! Sole , idest Apostolico , ac Luna , idest Curia Romana præeunte , tam secure , quam expedite in lumine vultus eorum gressus meos ponerem , & dispo- nerem , ex hoc videns vitare lubricum , & sequi solidum , & secu- rum . Ex istis approbe intelligis , quod si S. Bernardus , & Petrus Cellensis nunc in vivis agerent , Romanis Pontificibus Immacu- latæ Conceptionis B. V. festum probatum , imo ab ipsis præcep- tum conspicientes , dubio procui utroque pollice eidem festo sub- scripsissent , nullum peccandi in Religionem sibi amplius pericu- lum extimescendum rati , dum Romano Pontifici morem gererent .*

Godefridus Viterbiensis trium Imperatorum Conradi III , Friderici I , & Henrici VI. Sacellanus , & Notarius , seu , ut vocant , a secretis , in Chronico universali ab Orbe condito ad an. 1186. perducto , quod Urbano III. Pontifici Maximo sub Pantheon no- mine nuncupavit , hæc habet in epist. operi præfixa de Romani Pontificis suprema potestate in censura librorum : *Dum sacro- sanctæ Matris nostræ Romanæ Ecclesiæ culmen inspicio , & ejus eminentiæ considero majestatem , illud ante omnia necessarium es- se intueor , ut sicut ipsa omnibus noscitur præesse Principibus , ita omnes Reges , & Principes , & universæ Orbis Ecclesiæ doctrina ejus , & regimine adornentur , & ab ea tamquam a fonte justitiæ totius sapientiæ regulis instruantur , quia nullum scripturarum elo- gium*

gium noscitur esse authenticum, nisi ab ejus sapientia fluminibus sitientibus propinetur. Quare si quod historiarum opus nova per aliquem institutione conficitur, ratio suggerit, ut antequam in publicum deveniat, Apostolico examini presentetur, quatenus si acceptione dignum esse perpenditur, ejus mandato, & judicio approbetur; & ab eo vires, auctoritatemque recipiat, cui terrena, & celestia divinitus sunt commissa. En judicium doctrinale, seu de facto dogmatico qualicumque uni Romano Pontifici delatum, & assertum, de quo nobis parte 2. vindiciar. longiori sermone erit tractandum. Observatu duo sunt digna: tum quod Constantini Donationem, qua Romam, Italiam, & Occidentales Regiones alias Romanæ Ecclesiæ dedisse dicebatur, jam tum a viris doctis ceu supposititiam habitam indicat, ac suadet: tum quod nihilolocius Romanum Ducatum, ac reliquum S. Petri patrimonium, juste a Romana Ecclesia possideri perhibet; quamquam in istiusmodi juris temporalis originem non inquirat; quod ad eum non attingebat.

Petrus Blesensis genere Gallus, officio primum Willelmi II. Regis Siciliæ Præceptor, munere postmodum Henrici II. Angliæ Regis Consiliarius, opere postremo Richardo Cantuariensi Archiepiscopo additus, ad Urbanum III. ejusdem Archiepiscopi Cantuariensis nomine scribens, eique de sua electione gratulans epist. 99. sic orditur: *Domus Dei, quæ in lapide adjutorii super fundamentum Apostolorum, & Prophetarum stabilita est a Petro, & Successoribus ejus formam semper eruditionis, & statum incolumitatis accepit. Quod enim stipiti rami, quod capiti membra, quod radii soli, quod fonti rivuli, hoc Apostolicæ Sedis eminentia debent Ecclesiæ omnes, quas ubique terrarum Religio Christiana fundavit.* Quibus quid audiri elegantius, & quid quoque efficacius in rem nostram proferri potest? Post hæc, siquis Apostolicam Sedem adhuc oppugnet, is sane Ecclesiam illi subnixam impulsu eodem impetat, oportet. Confer horum similium cumulatissimas ejusdem epist. 48. ad Willelmum Cardin. Papiensem; 136. ad Alexandrum III. nomine Henrici Regis; & Alconoræ Angliæ Reginæ nomine ad Cœlestinum III. epistolas 145., & 146. Quam impenie, devote, efflictimque Sedis Apostolicæ dignitati, aucto-

auctoritati, decretisque studerent cum Eskilus Lundensis in Dania Archiepiscopus, gentisque Apostolus, atque S. Bernardo amicitia, charitateque conjunctus, cujus demum Monachum induit; tum Absalon Roschildensis Episcopus, ac dein suus ab Eskilo in Primatu Daniæ, Lundensique Cathedra designatus successor, liquet ex Saxone Grammatico lib. 14. Sed & adis Baronium ad annum 1177; Sirmondum in notis ad epist. 23. lib. 1. Petri Cellensis, & Manricum in annal. Cisterc. ad cit.an. cap. 5, & seq. Parem in sententia Petro Blesensi abiisse Guillelmum ipsius fratrem Maniacensem in Sicilia Abbatem eruitur ex epist. 90, & 93. a Petro ad eundem datis.

Stephanus Tornacensis Episcopus, qui quum adhuc S. Genovefæ Abbas esset, Alberico Sedis Apostolicæ Legato comes adjunctus egregiam Albigensum hæresi abscindendæ contulerat operam; quique Philippi Augusti Galliarum Regis Legatione apud Sedem Apostolicam functus optime est, in epist. 22. tom. 12. Biblioth. PP. ad Alexandrum III. *Parata, inquit, Sedes vestra, Patet, ut de plenitudine ejus omnes accipiant, & profectum parvulis, & statum provectioribus pollicetur.* Quibus quid aliud prædicat, quam quæ potior, summaque Pontificis est, in omnes promanare potestatem? Quum vero Cœlestino III. mendaci relatione decepto sui in Episcopum Tornacensem electionem parum acceptam, minusque gratam intellexisset, litteris ad eundem exaratis summam sui erga Apostolicam Sedem animi devotionem, obsequiumque declaravit. *Inter spem, inquit, & timorem medius accedo, filius ad Patrem, servus ad Dominum, ad Successorem Petri minimus discipulorum Christi Vocatus ad Ecclesiam Tornacensem loco, & animo remotus, & ignarus, nihilque minus spirans, quam Cathedralam, cur excessi, si accessi? Quid peccavi, si non precavi? An deliqui, quia non dereliqui? Divinare certe non potui, placeret ne, an displiceret Summo Pontifici, cujus placita sunt jura, in cujus dextera ignea lex, quæ appendit merita singulorum in statera canonum, & apprehendit astutias in perpendiculo legum, & circino decretorum. Sed exceptiones omitto, veniam peto; gratiam quero, misericordiam imploro. Aperiatur mihi, obsecro, sinus S. Romanæ Ecclesiæ, qui nemini claudi consuevit, pandatur*

aditus supplicandi, porrigantur ubera materna. Cum matre placabilem sese Pater exhibeat, ut & simplici consulas, & simplicem consoletur. Ea infima animi submissione ad Apostolicam Sedem ii scribebant, qui de illa vera, & eximia sentiebant. Idem in altera ad eundem Pontificem epistola, postquam irreptas in Theologiam scholasticam inutiles quæstiones, non secus atque in sacrorum studia Canonum intrusa commenta exposuisset, sic subiungit: *Hæc omnia, Pater, correctionis Apostolicæ manum desiderant, ut uniformitas docendi, discendi, disputandi auctoritate vestra certam redigatur ad formam, ne sermo divinus attritione vulgari vilescat.* Denum in epist. 190. ad quemdam, qui certa quædam privilegia impugnabat, his scribit. *Examen istud reserve Summo Pontifici, qui solus habet potestatem, & condendi novos canones, & exponendi veteres, & interpretandi privilegia sua, & corrigendi aliena.* Paucis, ut vides, Pontifici adscribit id omne, quod ego longa disputatione vindicare adnitor. Quam optime affectus Pontifici fuerit S. Petrus Tarantasiensis Archiepiscopus; & quam impensa opera Alexandri III. partes adjuverit, intelligi tibi dabitur ex Gautredo in ipsius vita apud Surium tom. 3. die 8. Maii.

Jacobus de Vitriaco Cardinalis in historia Orient., & Occident., quæ extat in Bibl. PP. cap. 75, Græcorum schisma, & errores præcipue ex eo perstringit, quod a Romani Pontificis suprema potestate sese ex animi levitate subtraxerint, ejusdemque in fide infallibilitatem dubitationis alexæ supposuerint; quæ duo privilegia dein luce perfundit, & optimo in loco ponit his verbis: *Græci in multis Sanctæ, & Summæ Romanæ Ecclesiæ, a qua propria auctoritate recesserunt, ipsi Schismatici contradicunt, contra Dei dispositionem, quæ Romanam Civitatem totius Mundi Metropolim, & Capitanæam, sicut in temporalibus omnibus præerat, ita in spiritualibus universis voluit præesse.* Post quæ verbo facto de promissionibus factis S. Petro subinfert: *Pater ergo, quum super hanc Petram, pro qua Dominus rogavit, ut non deficeret fides ejus, post Christum ædificata sit, & fundata Christi Ecclesia, quod omnes, qui ab Ecclesia Romana recedunt, absque fundamento ædificant, in vanum laborantes, & ab eo, qui a Domino Cephas appellatus est, separati, accephali, & monstruosi homines merito sunt appellan-*

pellandi . Joachimus Abbas , de quo jam dictum , ubi de Concilio Lateranenſi IV, ſe præclare de Romani Pontificis fide , & poteſtate in factis dogmaticis ſentire profeſſus eſt prologo 1. in Apocalypſim, quo loco ſic ait : *Rogo ex parte Omnipotentis Dei Coabbates meos, & Priores, & ceteros Fratres meos, ... & ea, quæ poſſe videor, auctoritate, præcipio, quatenus præſens ſcriptum ... & ſiquid de novo uſque ad diem obitus mei contigerit ſcriptitare, quam citius poterint, collecta omnia, relictis in ſalva cuſtodia exemplaribus, Apoſtolico examini repræſentent, recipientes ab eadem Sede vice mea correptionem, & exponentes ei meam circa ipſam devotionem, & fidem, & quod ea ſemper tenere paratus ſim, quæ ipſa ſtatuit, vel ſtatuerit, nullamque meam opinionem contra ejus defendere ſanctam fidem, credens ad integrum, quæ ipſa credit, & tam in moribus, quam in doctrina ejus ſuſcipiens correptionem, abijciens, quos ipſa abijcit, ſuſcipiens, quos ſuſcipit ipſa, credensque firmiter non poſſe portas inferi prævalere adverſus eam, & ſi eam ad horam turbare, & procellis agitari contingat, non diſſe- re fidem ejus uſque ad conſummationem ſæculi.* Amantiſſimi Patris adimpletam a Religioſis Monachis piam juſſionem loco ſupra citato obſervavimus . Johannes Servecha, ſive Teutonicus in Decretum Gratiani gloſſam adornavit, qua multis in locis noſtram de Romano Pontifice tradit, propugnatque ſententiam . Ab illis adducendis abſtinemus, quia cuilibet facile patent .

Alexander Halenſis Anglus genere, diſciplina Doct̃or Pariſienſis, inſtituto Regularis Ord. Minor., Doct̃oris Irrefragabilis titulo inſignitus par. 3. q. 40. mem. 2. hæc docet : *In ordine poteſtatum ſecularium nullus eſt major Rege, vel Imperatore, quemadmodum in ordine poteſtatum ſpiritualium nullus eſt major Papa.* Non dicit Concilium, ſed Papam . Tamen, ſubdit, collatione facta poteſtatis ſpiritualis ad ſecularem, poteſtas ſpiritualis eſt ſuper ſecularem, ſicut ſpiritus eſt ſupra corpus, unde Jerem. 1. dicitur: *Ecce conſtitui Te ſuper Gentes, & Regna &c.* Eodem textu poſtea uſus opportune eſt Bonifacius VIII. in Conſtit. *Unam Sanctam*: atque jam- pridem V. Petrus Cluniacenſis, quo proinde abuſum Pontificem improbe criminantur adverſarii. Eo ergo textu, & argumento ſatis indicavit Halenſis, quæ de Pontificis Romani auctoritate præcla-

ra animo sibi insideret sententia. Vincentius Bellovacensis, cui speculum in quatuor partes distributum, scilicet in naturale, doctrinale, historiale, & morale adscriptum est; cui tamen speculum morale, (reliquis tribus eidem reservatis,) non nisi ex S. Thomæ Summa confarcinatum jure merito abjudicavit Jacobus Echardus in summa S. Thomæ vindicata, ea ratione adscititium ostendens, quod in Codice antiquissimo Ms. Vincentii Bellovacensis in Collegii Sorbonici bibliotheca ab se detecto illud desideretur, ideoque ab illo in tres dumtaxat partes divisum fuisse speculum, in naturale scilicet, doctrinale, & historiale, ac propterea Lannoii argumentum, quo S. Thomæ Summam eripere aggressus est, prorsus concidere vir doctus concludit: (quam Summam Angelico Doctori egregie vindicavit pariter Pagius ex Testamento S. Ludovici Episcopi Tolosani, in quo ejusdem Summæ mentio occurrit, edito ad calcem Sermonum S. Antonii Patavini de Sanctis), Vincentius, inquam, prolog. in specul. doctrin. cap. 13. hæc habet: *S. Romana Ecclesia nullis Synodicis institutis ceteris Ecclesiis prælata, sed Evangelica lege Domini, & Salvatoris nostri Primatum obtinens dicens: Tu es Petrus &c. Quæ quidem ex S. Gelasio in decreto de Libris Canonici, & Apocryphis fuerat mutuatus.*

Hugo a S. Caro Cardinalis in cap. 17. Deuter. *Si difficile judicium esse perspexeris ascende ad locum, quem elegerit Dominus: Ex hoc loco, ait, inolevit consuetudo appellandi ad Summum Pontificem.* Nomine consuetudinis traditionem, & appellationis vocabulo confugium omne in causis fidei difficilibus accipit. Albertus Magnus in cap. 10. Matth. *Petrus, inquit, primus dignitate, non vocatione; propter quod Vertex dicitur Apostolorum.* Et paullo post. *Attende quod licet Petrus Vertex dicatur primus, non tamen Andreas secundus dicitur, nec Philippus tertius, & sic deinceps, sed omnes secundi sunt a Petro ad jurisdictionem, quia non unus sub alio, sed omnes sub Petro.* In cap. 16. ejusdem Matth. *Ad illud Dico autem tibi, Singulariter, inquit, non quod Petrus singulariter acceperit Claves, sed quia in unitate ordinis Ecclesiæ unus est, qui accipit in plenitudine potestatis, qui est successor Petri, & Petrus in potestate, alii autem in eadem unitate accipiunt*
in

in parte potestatis, eo quod vocantur in partem sollicitudinis. Ecce apertissime ab Alberto adsertam summam Pontificis auctoritatem: audi nunc adsertam ab eodem Pontificis infallibilitatem. In cap. 22. Lucæ ad illud: *Ego rogavi pro te &c. Hoc argumentum*, inquit, *ecquis inficietur? efficax est pro sede Petri, & successore ipsius, quod fides ejus non finaliter deficiat.* De S. Richardo Cicerstrensi Apostolicæ Sedi addictissimo consule Surium to. 2. ad diem 3. Aprilis. Parisi, qui Robertum Lincolnensem Innocentio IV. infensissimum egit, commenta, & calumnias expungit Raynaldus ad an. 1253. n. 43; & ad an. 1254. n. 71.

Henricus Hostiensis Cardinalis dictus patria Secusienfis in Pedemontio, & dignitate Archiepiscopus antea Ebredunensis in summa de auctoritate, & usu pallii §. ex quo loco: *Speciale*, inquit, *est in Papa, quod semper, & ubique pallio uti potest: item quia universa Christianitas provincia sua intelligitur: item & respectu ipsius unus est Episcopatus; nedum quoad hoc, ut intelligatur sponsus unus Ecclesiæ.... quinimo etiam quoad administrationem: item & respectu hujus generalis administrationis potest dici, quod alas habet laticas, & liberas, qui nulli subest, & ubique dominatur.* Pantaleo Ord. Prædic. Constantinopoli tractatum edidit adversus Græcorum errores, quo capita præsertim quatuor controversa expendit, scilicet de processione Spiritus Sancti, de Purgatorio, de Pane azymo, & fermentato, & de potestate Rom. Pontificis. In hoc postremo luculenter probat Romanum Pontificem suprema in Ecclesia potestate fungi, illum a fide deficere non posse, eidemque ab omnibus fore parendum, ab ejusque fide nulli fas esse absque hæresis piaculo desciscere. Leges illum in Bibl. PP. Lugdun. tom. 27. Guibertus Tornacus Ord. Min. Doctor Parisiensis in tract. de officio Episcopi cap. 353 *Ceteris*, inquit, *Apostolis singula navicula, singula scilicet Ecclesiæ, commissæ sunt: Petro vero Maris universitas est commissæ..... Petro universalis Ecclesia in toto Orbe diffusa, in quo terminatur omnis perfectio Hierarchica.* paullo post pergit: *Sola Romana Ecclesia, cujus fides in nulla tentatione deficit, utpote supra petram stabilem solidata, nullis hæresibus, nullis erroribus potest, vel potuit, vel potuit inquinari.* Itaque ipsius sententia supremæ Apostolicæ Sedis auctoritatis appendix est in fide infallibilitas.

S. Tho.

S. Thomas Aquinas, qui Doctor Angelicus jure optimo audit, luculenter adeo, liquidoque Romanum Pontificem in fide prorsus infallibilem, atque potestate Concilio generali præstare docuit, ut nefas sit de eius sententia dubitare. Quia tamen, atque quidem Bossuetius, & Natalis inter alios Doctoris Angelici sententiam elevare, seu verius eludere sæpe conati sunt, præstat, atque operæ est pretium contra eniti, ne tanti Doctoris auctoritas nobis eripiat. Is itaque non solum facto suo docuit, quo in epistola dedicatoria Catenæ aureæ ad Urbanum IV, & quum prope vitæ finem sacro viatico refectus scripta sua omnia Romani Pontificis judicio summisse supposuit, sed innumeris in locis scriptis, quorum aliqua sunt delibanda. Itaque 2.2. q.1. art.10. *Nova editio Symboli*, inquit, *necessaria est ad vitandum insurgentes errores: ad illius ergo auctoritatem pertinet editio Symboli, ad cujus auctoritatem pertinet finaliter determinare ea, quæ sunt fidei, ut ab omnibus inconcussa fide teneantur. Hoc autem pertinet ad auctoritatem Summi Pontificis, ad quem majores, & difficiliore Ecclesiæ quæstiones referuntur, ut dicitur in decretalibus extra de baptis. cap. Majores. Unde & Dominus Luca 22. Petro dixit quem Summum Pontificem constituit: Ego pro te rogavi &c. Et hujus ratio est, quia una fides debet esse totius Ecclesiæ juxta illud 1. Corinth. 1. Idipsum dicatis omnes, & non sint in vobis schismata. Quod servari non posset, nisi quæstio de fide exorta determinetur per eum, qui toti Ecclesiæ præest, ut sic ejus sententia a tota Ecclesiâ firmiter teneatur; & ideo ad solam auctoritatem Romani Pontificis pertinet nova editio Symboli, sicut & omnia alia, quæ pertinent ad totam Ecclesiâ, ut congregare Synodum generalem, & alia hujusmodi. Ea ergo ratione Symboli editionem summo Pontifici adjudicat S. Thomas, quod in Summo Pontifice principaliter resideat potestas finaliter decernendi, quæ ad fidem spectant; atque ita decreta de fide Ecclesiæ universæ proponendi firmiter ab universâ Ecclesiâ de fide credenda. Quæ profecto ratio elumbis, inanisque esset, si Pontifici Concilium superflaret, ac Pontificis sententia errori supposita esset. Id magis liquet ex iis, quæ ibidem subnectit: *Sed contra est, inquit, quod editio Symboli facta est in Synodo generali. Sed hujusmodi Synodus auctoritate solius Summi Pontificis potest congregari,**

ut

ut habetur in decretis dist. 17. Ergo editio Symboli ad auctoritatem Summi Pontificis pertinet : & in respons. ad 2. Dicendum , subdit, quod prohibitio , & sententia Synodi (Ephesinæ de alio Symbolo non edendo) se extendit ad privatas personas , quorum non est determinare de fide . Non enim per huiusmodi sententiam Synodi generalis ablata est potestas sequenti Synodo novam editionem Symboli facere : non quidem aliam fidem continentem , sed eandem magis expositam . Sic enim qualibet Synodus observavit , ut sequens Synodus aliquid exponeret supra id , quod præcedens Synodus exposuerat propter necessitatem alicujus hæresis insurgentis : unde pertinet ad Summum Pontificem , cujus auctoritate Synodus congregatur , & ejus sententia confirmatur . Eatenus enim S. Thomas uni Pontifici Symboli editionem vindicat , quod quamvis in Synodo editio illa facta fuerit , Synodus tamen Pontificis auctoritate congregatur , & confirmatur , qua præcisa auctoritate Synodus nihil obtinet . Itaque juxta S. Thomam Synodo Pontifex est superior , ac in fide falli , & fallere est nescius , si quidem ei de fide statuenti Ecclesia universa firmiter adhærere debet .

Idem S. Doctor 2.2. qu. 11. art. 2. ad 3. Postquam , respondet, ea essent auctoritate universalis Ecclesiæ determinata , si quis tali ordinationi pertinaciter repugnaret , hæreticus censeretur : quæ quidem auctoritas principaliter residet in Summo Pontifice : dicitur enim 2.4. q. 1. Quoties fidei ratio ventilatur , arbitror omnes Fratres nostros , & Coepiscopos nonnisi ad Petrum , idest ad sui nominis , & honoris auctorem referre debere . Contra cujus auctoritatem nec Hieronymus , nec Augustinus , nec aliquis sacrorum Doctorum suam sententiam defendit . Launojus his adactus fatetur utique S. Thomam , pro suprema Pontificis auctoritate , & infallibilitate stare : subjungit tamen , occasionem omnem captans criminandi , eundem falso , nothoque S. Cyrilli opere deceptum in eam concessisse sententiam . Verum tamen fallitur ipse Launojus , & vult fallere , neque enim S. Thomas hancce in rem S. Cyrillum profert , sed potius avitæ in Ecclesia doctrinæ testimonium præbet : quod confirmat 2.2. q. 39. art. 1. Caput Ecclesiæ , inquit , est ipse Christus , cujus vicem in Ecclesia gerit Summus Pontifex ; & ideo schismatici dicuntur , qui subesse renunt Summo Pontifici , & qui membris Ecclesiæ ei subiectis

con-

communicare recusant. Iis consentanea, quæ q. 11. art. 2. scripta ferat, habet quodlib. 9. art. 16, quo loci Ecclesiæ infallibilitatem repetit ab infallibilitate Pontificis, sicuti alibi Concilii auctoritatem in Pontificis auctoritatem refundit, uti superius observatum est. *Certum est*, inquit, *quod iudicium Ecclesiæ universalis errare in iis, quæ ad fidem pertinent impossibile est*. Unde magis standum est sententiæ Papæ, (paullo supra particularium iudicium errori obnoxium dixerat,) *ad quem pertinet determinare de fide*, quam in iudicio profert, quam quorumlibet sapientum hominum in scripturis opinioni. Quæ enim, quæso te, cohæsiio esset: Ecclesiam universalem errare in fide non posse, ergo standum sententiæ Papæ, ad quem pertinet determinare de fide, nisi Ecclesiæ indeficientiam Pontificis definientis indeficientiæ inhærere. Doctor intellexisset? Intellexisse certe fit etiam constans ex lib. 4. contra gentes cap. 76, quem olim locum in oratione ad Episcopos Concilii Basileensis laudavit Johannes Tarentinus Episcopus Eugenii IV. Legatus, quo de Episcopali dignitate, & quod in ea unus sit summus, differens; *Summa*, inquit, *potestas regiminis fidelis populi ad Episcopalem pertinet dignitatem: manifestum est autem, quod quavis populi distinguantur per diversas Diœceses tamen sicut una est Ecclesia, ita oportet esse unum populum Christianum*. Sicut igitur in uno spiritali populo unius Ecclesiæ requiritur unus Episcopus, qui sit totius populi Caput; ita in toto populo Christiano requiritur, quod unus sit totius Ecclesiæ Caput. Tum necessarium esse ostendens ad unitatem Ecclesiæ conservandam unum ex institutione Christi Ecclesiæ Caput esse, subdit: *Ad unitatem Ecclesiæ requiritur, quod omnes fideles in fide conveniant*. Circa vero ea quæ fidei sunt, contingit quæstiones moveri: per diversitatem autem sententiarum divideretur Ecclesia, nisi in unitate per unius sententiam conservaretur. Exigitur ergo ad unitatem Ecclesiæ conservandam, quod sit unus, qui toti Ecclesiæ præsit. Manifestum est autem, quod Christus Ecclesiæ in necessariis non deficit: non est igitur dubitandum, quin ex institutione Christi unus toti Ecclesiæ præsit. Tandem totum caput his verbis concludit: *Per hoc autem excluditur quorundam præsumptuosus error, qui se subducere nituntur ab obedientia, & subjectione Petri: successorem ejus Romanum Pontificem universa-*
lis

lis Ecclesiæ Pastorem non cognoscentes . Consentanea his scripserat lib. 1. cap. 32. Græcorum errores perstringens . Ex hac S. Thomæ argumentatione inferre est; quod sicut Episcopo in Diœcesi, ita multoque magis Pontifici in tota Ecclesia nemo præminet: in Concilio insuper Episcopi diversitate sententiarum dividi possent, nisi unus præesset omnibus Pontifex, qui sua sententia omnes in unam coalescere juberet, atque ita in unitate Ecclesiam contineret. Igitur potestate Concilio Pontificem superstare oportet .

Ab his haud abludit de potentia q. 10. art. 4. ad 13, quo loci eadem ferme repetens, magisque explicans, quæ locis supra laudatis exposuerat, de potestate Pontificis hæc habet : *Sicut posterior Synodus potestatem habet interpretandi Symbolum a priori Synodo conditum, ac ponendi aliqua ad ejus explanationem, ita etiam Romanus Pontifex hoc sua auctoritate potest, cujus auctoritate sola Synodus congregari potest, & a quo sententia Synodi confirmatur, & ad ipsum a Synodo appellatur, quæ omnia patent ex gestis Chalcedonenfis Synodi; nec est necessarium, quod ad ejus expositionem faciendam universale Concilium congregetur.* Argumento, ut vides a minori ad majus, ut ajunt Philosophi, utitur S. Doctor; scilicet si id licet Synodo; multo magis licebit Pontifici, qui supra Synodum potest; idest cujus auctoritate Synodum congregari, & confirmari oportet, & ad cujus tribunal a Synodo interponi appellatio potest. Id, inquam, Synodo licet, non tamen, ut a Synodo fiat est necesse; nam ad id faciendum sat superque est Pontificis Summi potestas. Aut ego fallor, aut ista est germana S. Thomæ facilis alioquin interpretatio. Ad hæc accipe, quæ in 4. dist. 20. q. 1. art. 4. habet: *Papa, inquit ibi, habet plenitudinem potestatis, quasi Rex in Regno: sed Episcopi assumuntur in partem sollicitudinis, quasi judices singulis Civitatibus præpositi.* Dist. 24. q. 3. art. 2. *Quamvis omnibus Apostolis, scribit, data sit communiter potestas ligandi, atque solvendi, tamen ut in hac potestate ordo aliquis significaretur, primo soli Petro data est, ut ostenderetur, quod ab eo in alios debeat ista potestas descendere: propter quod etiam ei dixit singulariter: Confirma fratres tuos: Pasce oves meas, idest loco nri: ubi Chrysostomus dicit: Præpositus, & Caput esto fratrum, ut ipsi Te in locum mei assumentes ubique terrarum, Te in throno meo sedentem*

Pars I.

B b b

præ-

prædicent, & confirment. Quid autem quod in cap. 16. Matth. conferens verba illa Apostolis dicta: Quorum remiseritis &c.; & verba illa dicta Petro: Tibi dabo &c. *Dicendum*, inquit, *quod immediate* (scilicet claves) *dedit Petro*, alii vero a Petro recipiunt; ideo ne credatur ista solum dici Petro, dixit: Quorum remiseritis &c., *Et hac ratione Papa, qui est loco S. Petri, habet plenariam potestatem*, alii vero ab ipso? Jurisdictionem Episcoporum immediate a Pontifice proficisci, ac proinde Pontificis jurisdictionem Episcoporum omnium, etiam collectim præstantiorem esse liquido ex his patet, quæ alienum, si possunt, nam per me licet, in sensum adversarii intorqueant. Quid plura? Comment. in idem caput 16. Matth. recitatis verbis illis *Tu es Petrus &c. Quæ*, inquit, *sunt portæ inferi*? *Heretici, Tyranni, Demones, Peccata: & quamvis alia Ecclesia vituperari* (vitiari legendum malunt eruditi) *possint per hereticos, Ecclesia tamen Romana non fuit hereticis depravata, quia supra Petram erat fundata. Unde in Constantinopoli fuerunt heretici, & labor Apostolorum amissus erat: sola Petri Ecclesia inviolata permansit: unde Lucæ 22. Ego rogavi pro te &c. Et hoc non solum refertur ad Ecclesiam Petri, sed ad fidem Petri, & ad totam Occidentalem Ecclesiam. Confer, si placet, hanc S. Thomæ interpretationem verborum illorum: Rogavi pro te &c. cum interpretatione eorundemmet verborum, quam exhibet idem Doctor Angelicus loc. cit. ex 2. 2. q. 1. art. 10, & considera, si juxta S. Thomæ doctrinam, sicuti a Pontifice in Episcopos potestas diffuit, ita a Pontificis firmitate in fide in Ecclesiam infallibilitas in fide pariter non dimanet, cœu a capite in corpus.*

Perspiciua, & plana sunt ista, satisque superque haberi possent, accipere tamen adhuc non pigeat, quæ verbis distinctissimis tradit in exposit. Symboli, ubi *Ecclesia, ait, Petri in fide firma semper fuit, & quum in aliis partibus vel nullæ fides sit, vel sit commixta multis erroribus, Ecclesia tamen Petri & fide viget, & ab erroribus munda est, nec mirum, quia Dominus dixit Petro: Ego pro te rogavi &c. Age vero unum adhuc, vel alterum ex S. Thoma laudemus locum. Contra impugnantes religionem cap. 3. sic scribit: Hic privilegium Christus Romanæ Ecclesiæ contulit, ut omnia ei sicut Christo obediant. Et de regimine Principum cap. 14. (si ta-*

men

men germanus ejus est fœtus) *Hujus regni* (a Christo in Ecclesia instituti) inquit, *ministerium, non terrenis Regibus, sed Sacerdotibus est commissum, & præcipue Summo Sacerdoti, successori Petri, Christi Vicario Romano Pontifici, cui omnes Reges populi Christiani oportet esse subditos, sicut ipse Domino Jesu Christo.* Post hæc mirari profecto subit, quo factum sit, ut Natalis hist. Ecclesiæ sæcul. XI, & XII. dissert. 8, & Bossuetius defens. declar. par. 1. lib. 1. cap. 7; & par. 2. lib. 15. cap. 16. adeo immaniter aberrarint a sensu S. Thomæ, quem neque Pontificiæ supremæ potestatis, neque infallibilitatis in fide assertorem ullo modo volunt. Sed S. Thomæ sensum illos vel satis non assecutos, vel partium studio abreptos in alienum intorsisse, vel etiam dissimulasse satis ex dictis liquet. Confer eundem 1. par. q. 112. art. 1. ad 2; 2. 2. q. 88. art. 12. ad 3; in 4. dist. 7. q. 3. art. 1; dist. 19. q. 1. art. 3; & dist. 25. q. 1. ad 3; 3. p. de Sacram. q. 13. art. 11. ad 1; opusc. 1. capp. 64, & seqq., atque alibi sæpe; non enim vacat, nec interest omnia, & singula proferre, ac persequi.

S. Bonaventura Doctor Seraphicus jure dictus, nam delectat, docet, & movet, teste Trithemio, Romani Pontificis privilegia, & contra Græcos acerrime defendit, & Latinos egregie docuit. Libro 1. dist. 1. q. 1. postquam Græcos tribus de causis ad negandam Spiritus S. processionem a Filio adductos fuisse animadvertisset, superbia scilicet, qua de sua sententia nimis confiderent; ignorantia insuper, qua S. Scripturas non sat intelligerent; & perversitas postremo, qua Latinorum argumenta risu exciperent, annectit: *Et ideo sententiam suam defendere ausi sunt, & auctoritati Ecclesiæ Romanæ obviare: & ideo facti sunt hæretici, quia negant fidei veritatem, & schismatici, quia recesserunt a fidei unitate.* Respondens subinde objectioni Græcorum contententium additionem Symbolo fieri non potuisse, eo quod prohibitum id fuerit a Conciliis generalibus, inter alia sic ait: *Vel potest dici, sicut dicit Anselmus, quod novum edidimus, quodque facere potuimus: quia Romana Ecclesia plenitudinem potestatis a Petro Apostolorum Principe acceperat, inquam nulla Patrum sententia, nec interdictum proponere, nec arctare potuit, nec et præjudicare, nec ligare eam ad aliquid.* Potuit ne clarius Pontificis

ficis Romani potestatem Concilio superiorem, cunctisque in Ecclesia supereminentem adstruere? Confirmatur ex opusc. de Hier. Eccles. par. 2. cap. 1, ubi decretoria hæc habet inter alia: *Summus vero Pontifex, penes quem prima in terris residet auctoritas, non a Rege, non a Principe seculari, non ab homine judicatur, sed solum Dei judicio reservatur*. Conferatur etiam in exposit. Regulæ FF. Minor. ad Honorii Papæ Bullam Regulæ præfixam, ubi sic exorditur: *Honorius Episcopus: Episcopus utique non alicujus partis solum, sed totius universitatis est: quod si unus non esset, qui in omnes exercere posset jurisdictionem, ubi maneret status Ecclesiæ?* Quorum similia prosequitur cap. 9.

Ad præclara hæc S. Doctor par. 6. Breviloquii cap. 12. sic docet: *Unus est Pater Patrum, qui Papa merito appellatur, tanquam unus primus, & summus Pater spiritualis omnium Patrum, imo omnium fidelium, & Hierarcha præcipuus, sponsus unicus, Caput indivisum, Pontifex Summus, Christi vicarius, fons, origo, & regula cunctorum Principatuum Ecclesiasticorum, a quo tanquam a summo derivatur ordinata potestas usque ad infima Ecclesiæ membra, secundum quod exigit præcellens dignitas Ecclesiæ in Ecclesiastica Hierarchia*. Hæc, si potes, concorda cum Pontificis infra Concilium potestate. Confer eundem præterea in 4. dist. 29. art. 3. q. 1, atque insuper in opusc. de FF. Minor. prædic. sub princip., ubi a Pontifice in inferiores potestatis, cujus ipse integram tenet summam, particulam emanare docet. S. Bonaventuram, audivisti Pontificem supra Concilium evehentem, & celebrantem? Audimodo, si non graveris, ab eodem Pontifici insuper privilegium infallibilitatis assertum. In expositione cap. 9. S. Lucæ, postquam S. Petrum universalem prælationem in Ecclesia obtinuisse a Christo Domino docuisset, ita demum verba illa: *Rogavi pro te* &c. interpretatur: *Hic rogavit Dominus, non ut Petrus non eaderet, sed ut non deficeret, quia quavis ceciderit resurrexit. Vel potest illud referri ad Ecclesiam Petri, pro cujus fide rogavit Dominus, secundum illud: Non pro eis tantum ergo, sed & pro his, qui credituri sunt per verbum eorum in me: Et hæc Ecclesia, quæ designatur per Petri naviculam, licet concutiat, tamen non naufragatur*.

Bosuetius defenſ. declarat. par. 1. lib. 1. cap. 7, ſicuti S. Thomæ interpretationem, ſic iſtam S. Bonaventuræ alienum in ſenſum in-
torquet, ſcilicet illi coapat, quam Petrus de Alliaco in tract. de
auctoritate Eccleſiæ 3. par. cap. 1. perperam excogitavit, nempe non
evinci ex iſtis in Papa tantam eſſe plenitudinem poteſtatis, quan-
ta eſt in Eccleſiæ, quia confirmatio in fide, de qua dicitur, quod
Eccleſia non poteſt errare, juxta illud *Rogavi pro te &c.*, non eſt
in Papa, quia hoc non eſt dictum de fide personali Petri, quum
ipſe erraverit, ſed de fide Eccleſiæ, de qua dicitur: *Et porte
inferi &c.* Parte vero 2. lib. 15. cap. 16. Gerſonii interpretationem
ſuam pariter facit, qua ſerm. in feſto S. Antonii Conſtantienſi
in Concilio ab eodem habito ſic ait: *Vidi nuper SS. Thomam, &
Bonaventuram dantes ſupremam, & plenam Summo Pontifici po-
teſtatem Eccleſiaſticam: recte procul dubio; ſed hoc faciunt in com-
paratione ad fideles ſingulos, & particulares Eccleſias.* Verum ro-
to oſtio a veritate cum ſuis Petro Alliacenſi, & Gerſonio aber-
rat vir alioqui doctiſſimus, multoque nomine clariſſimus. Con-
ſtantiſſima eſt ſicut a S. Thoma, ſic a S. Bonaventura Pontifici
ſupra Eccleſiam univerſam, arque ſupra œcumenica Concilia af-
ſerta poteſtas. Conſtantiſſimum eſt cum Angelico Seraphicum af-
ſeruiſſe in Eccleſiam omnem, & omnes Episcopos poteſtatem a Pon-
tifice derivare, eundemque Pontificem ſolius Dei judicio obno-
xium eſſe. Quorſum igitur aliena ipſi appingitur interpretatio?
Ex eo aſſerto conſequitur, quod ſi Pontifex in Eccleſiam omnem
potis eſt, Pontifici de fide decernenti debere Eccleſiam omnem ob-
temperare. Id docet S. Bonaventura Græcos hæreſis, & ſchiſmatis
iccirco inculans, quod ab fidei unitate, & veritate ſuapte ſeceſſe-
runt. Ut igitur in fide non erraret Eccleſia, neceſſe eſt de fide docen-
tem Pontificem errare non poſſe. Id ipſum docet S. Bonaventura,
dum fidei unitatem, & veritatem a Pontifice Romano repetit.
Itaque non ſecus, ac S. Thomæ, obvia, & nihil obſcura interpre-
tatio ea eſt: rogare Dominum tum pro fide Petri, ut nunquam
Eccleſiam docens a fide deficeret: rogare & pro fide Eccleſiæ,
ut nunquam ab ea fide deficeret, qua a S. Petro eſſet edocta: id
enim ſonant verba illa: *Pro eis, qui credituri ſunt per verbum
eorum in me.* Verbo dicam: a Petri fide Eccleſiæ fides pendenda
erat;

erat; quippe in fide erudienda a Petro veniebat, quæ proinde, ut firma permaneret, Petri primum fides firmanda fuerat: utrumque præstitit Christus Dominus, qui pro fide Petri ne deficeret rogans, impetravit, ut fides Ecclesiæ defectura non esset. Hæc utique S. Thomæ, hæc S. Bonaventuræ germana interpretatio, non illa, quam Petrus de Alliaco, & Gersonius illis appingunt. Sed de his hæcenus. Ad alios præclari nominis auctores properet oratio nostra.

S. Raymundus de Pennafort in ea, quam Gregorii IX. jussu decretalium collectionem adornavit in 5. libros digestam, tot in locis, quorum pleraque data opportunitate indicare non destiti, pervetustam in Ecclesia hancce de Pontificis Romani divinis prærogativis sententiam tradit, & explicat, ut iis referendis operam impendere tempus foret inutiliter, ac frustra terere, quum legenti ultro citroque loca occurrant, præstoque sint vel librum, aperienti. Hervæum Natalem adis libro de potest. Papæ; Alphonsum Tostatum in cap. 16. Matth. q. 68, aliosque multos apud Sanderum lib. 7.: nam omnes recensere non juvat. Richardus de Mediavilla Ord. Minor. Doctoris *Solidi, Copiosissimi, & Fundatissimi* titulis exornatus in 4. dist. 24. art. 3. q. 3, *Quum Ecclesia*, inquit, *sit unum corpus Christi mysticum ex diversis statibus, & membris constitutum*, ad observationem hujus veritatis oportet esse unum Caput omnium statuum Ecclesiæ, & membrorum universali regimine regitum, sub quo diversi status Ecclesiæ, & membra diversa convenient secundum debitam proportionem in unum, ut sic conformetur Ecclesia militans suo exemplari in Cælo. Ille autem Episcopus, qui præest toti Ecclesiæ est Episcopus Romanus. Ex unitate Ecclesiæ repetit, & probat necessitatem unius Pontificis, cui Ecclesia universa consentiat: non ergo corpori caput, sed vice versa capiti corpus subest. Legito eundem in tract. adversus errores Johannis de Montefono ad calcem libri sententiarum Petri Lombardi Episcopi Parisiensis.

Johannes Parisiensis Ord. Prædic. in lib. de potestate Regia, & Papali ex occasione dissidii Philippum Pulchrum Galliarum Regem inter, & Bonifacium VIII. exarato, in præfat. hanc protestationem, quæ animi sui sententiam erga Apostolicam Sedem aperiret,

riret, præmisit: *Protestor, quod nihil intendo dicere cum assertione aliqua contra fidem, nec contra bonos mores, vel sanam doctrinam personæ, vel status Summi Pontificis reverentiam. Et si aliquid hujusmodi occurrerit inter dicta, vel dicenda, volo pro non dicto haberi.* Nempe non nesciebat pessime se auditurum, si quidquam Pontificis Romani jura læsisset, aut lacerasset. Hic Pontificis Romani in Regum temporalia juribus minus favisse, minusque erga Apostolicam Sedem æquum fuisse circumfertur. Quid de eo putandum sit, suo loco planum fiet: videlicet immerito a Richerio in pessimæ causæ suæ patrocinium fuisse accersitum, & ab Egassio Bullæo tom. 4. hist. Univers. Paris. ad annum 1303. Johannem Parisiensem illis accensitum, a quibus Regia potestas adversus Pontificiam elata fuerit: ipsi nec ignotam fuisse Pontificis indirectam potestatem, neque hanc inficias illum ivisse. Certe ille Pontificem virtute totam Ecclesiam comprehendere affirmavit, ex eoque intulit recipiendum, quod Pontifex recepisset, ac respuendum, quod idem respuisset. Quæ quid aliud, sodes dic, significant, nisi quod quum Ecclesia a fide deficere nequeat, parimodo indeficientiæ privilegio fruitur Pontifex, qui quia Ecclesiam edocendi munere fungitur, proinde quidquid tribuitur Ecclesiæ, Pontifici non est denegandum. Sed & cap. 3. *Ne, inquit, propter diversitatem controversiarum unitas fidei destruat, necesse est unum esse superiorem in spiritualibus, per cujus sententiam controversiæ terminentur.* Hunc vero esse Pontificem paullo superius scripserat. Exinde pariter consequitur in Pontifice totam, quæ late in Ecclesiam diffunditur, potestatem manere, ideoque potiorē ea omnino non esse.

Reynerus Pisanus Ord. Prædicat. in Pantheologia, seu in Summa, quam primo Jacobus Florentinus Ord. Minor., ac postremo Johannes Nicolai Ord. Prædic. auxerunt, & illustrarunt, verbo Ordo cap. 31. hæc in rem nostram habet egregia: *Supra potestatem Episcopalem debes esse in Ecclesia potestas Papalis. 1. Quia optimum regimen multitudinis est, ut regatur per unum, quod patet ex parte finis regentis, qui est pax: nam pax, & unitas subditorum est finis regentis; ergo quum regimen Ecclesiæ sit optimum, utpote per eum dispositum, & ordinatum, per quem Reges regnant &c.*
opor.

oportet, quod unus toti Ecclesie præsit, scilicet Papa. 2. Quia in triumphante Ecclesia unus præsidet in toto universo, scilicet Deus; ergo etiam in Ecclesia militante unus est, qui præsidet universis. Hinc est quod dicitur Osee 1.: Congregabuntur filii Juda, & filii Israel pariter, & ponent sibi met Caput unum, scilicet Papam. Quæ comparatio Ecclesiæ triumphantis, & militantis supponit plane Romani Pontificis auctoritatem supremam esse in Ecclesia. Confer Engelbertum Admontensem in opere de ortu, progressu, & fine Romani Imperii capp. 18, & 21, ubi auctor est, quod quamdiu uni Apostolicæ Sedis fidei subnixa fuerit Ecclesiæ fides, tandiu firma eadem fides permanebit, influxum præbente eadem Apostolica Sede, quæ extra fidei periculum omnino posita est. Præstat & audire Ludolphum Saxonem horum similia tradentem par. 2. vitæ Christi cap. 1. ubi, Patet, inquit, quod præcipue ad Petri successorem pertinet certificatio dubitationum de fide, & pertinentibus ad eandem.

Guillelmus Durandus Hostiensis olim discipulus, a B. Gregorio X. dein ad Concilium Lugdunense II. Legatus, & demum Mimatensis Episcopus, distinguendus sane ab homonymo Nepote, ac in Cathedra successore, cui ceteroqui non altera de Pontificis privilegiis opinio infedit, Ration. divin. offic. lib. 2. cap. 1. *Apostolica, inquit, Sedes, sicut ait Anacletus Papa 22. dist. sacro (locus est pseudo-epigraphus) Caput, & cardo est aliarum, quoniam sicut ostium cardine regitur, sic illius auctoritate omnes Ecclesiæ reguntur... Illius autem Prælati Papa, id est Pater Patrum vocatur, & universalis, quia universa Ecclesiæ principatur, & Apostolicus, quia Principis Apostolorum vice fungitur, & Summus Pontifex, quia Caput est omnium Pontificum, a quo illi, tamquam a Capite membra, descendunt, & de cujus plenitudine omnes accipiunt, quos ipse vocat in partem felicitudinis, non in plenitudinem potestatis: Extra de usu Pallii cap. ad Honorem, Hic est Melchisedech, cujus sacerdotium non est ceteris comparatum. Quibus jurisdictionis summam unum penes Romanum Pontificem stare, & quo in ceteros omnes subiectos Episcopos pars aliqua juxta ejusdem placitum dimanet, affirmat: ideoque hujus judicio subiacere omnes, illum vero nullius esse judicio submissum, inferri rite potest.*

Du-

Durandus a S. Portiano Meldensis Episcopus præfat. in 4. lib. sentent. opera sua omnia ultro correctioni Romanæ Ecclesiæ his verbis submittit : *Quia interpretatio dubiorum S. Scripturæ ad S. Ecclesiam Romanam, & Catholicam pertinet, omnia opera nostra hujus libri, & sequentium ejus correctioni totaliter supponimus.* In 4. dist. 24. q. 5. suam de Pontificis Romani potestate sententiam promens : *Potestas, inquit, quæ tota data est uni in suo fonte, non est in aliis nisi derivata, & limitata pro illius voluntate; sed potestas jurisdictionis, quæ est ad regendum Populum tota in suo fonte data fuit Petro, & successoribus ejus, quando cura Ecclesiæ ipsi fuit commissa, dicente Domino: Pasce oves meas ... ergo talem potestatem plenam, & perfectam habet solus Successor Petri, qui ob hoc Papa dicitur, quasi Pater Patrum, in aliis autem non est nisi derivata, & limitata, pro ut Papa placet. Et hoc est rationabile; quia optimum regimen unius multitudinis est, quando regitur per unum supremum, a quo descendit auctoritas regendi in medios, & usque ad infimos; sed regimen S. Ecclesiæ est optime a Christo institutum, ergo in tota Ecclesia debet esse unus universalis Rector, a quo descendat auctoritas regendi in medios, usque ad rectores infimos; & hic est Papa, & propter hoc stat unitas Ecclesiæ, quod omnia membra sunt sub uno Capite, qua de causa illi, qui hanc potestatem negant, schismatici dicuntur, quasi unitatis Ecclesiæ divisores.* Durandi itaque sententia Pontificis potestas ejusmodi est, talis, ac tanta, ut in Ecclesia non sit, quæ eam exæquet, quinimo quæ ab ea non promanet, multoque minus quæ eadem præstet. Ex codice Ms. Bibl. Vatic. n. 4109. regerit Raynaldus ad annum 1321. n. 20, & seqq. Anonymi tractatum adversus errores Johannis de Poliano Religiosorum Ordinum hostis infecti, ubi auctor multis ex Dei verbo scripto, & tradito deductis conficit, quod *Romanus Pontifex de jure divino habet superioritatem super omnes* (Episcopos etiam si in Concilio coactos). *immo communem jurisdictionem habet a Christo: & omnis jurisdictio a Petro ad ceteros est derivata; & omnes a Petro accipiunt, & ipse a Christo D.* Nec discrepat Anonymus alter, cujus pariter tractatum ex cod. Ms. ejusdem Bibl. Vatic. n. 4869. describit præfatus Raynaldus ad an. 1318. n. 54, & seqq. docens a Pontifice

C c c

Part I. qui-

quidem procudi canones non posse contra quæ aut in S. Scriptura expressa sint, aut incaussis fidei a Conciliis generalibus, aut a Prædecessoribus suis fuerint constituta, (quod plane omnes dicunt,) pro suprema tamen potestate sua posse condere canones contra determinata a quocumque doctore, aut decreta a quocumque Concilio, quinimo a decessoribus suis, modo, ut dixi, non sint circa fidem, in qua perinde infallibilem eundem esse existimat.

Nicolaus Lyranus ex Primatu Pontifici a Christo D. collato ipsius in fide infallibilitatem recte intulit. Hinc in Lucæ 22. ad illud *Rogavi pro te &c. Huc, inquit, dicitur ei, quia Ecclesia erat sibi committenda, ut habetur Johan. ultimo, ubi ter dicitur ei a Christo: Pisce agnos meos. Ex hoc etiam patet fidem non deficere usque ad finem Mundi potissime in Ecclesia Romana, quæ a Petro post Christum fundata est.* Equidem non dissiteor eundem Lyranum in 16. Matth. ad illud *Et portæ inferi &c.* affirmare hanc promissionem factam fuisse Ecclesiæ in persona S. Petri, quinimo a fide defecisse aliquos Summos Pontifices: *Ecclesia, inquit, non consistit in hominibus ratione potestatis, vel dignitatis Ecclesiasticæ, vel secularis, quia multi Principes, & Summi Pontifices, & alii inferiores inventi sunt apostatasse a fide.* Verumtamen eo loci Lyranus loquitur de persona singulari Pontificis, quem errori obnoxium existimat, non de Pontifice, ut personam doctoris Ecclesiæ agit, nam ita fidem illius non defuturam scripsit loco supra laudato. Quæ enim, amabo, ejus sententia, Ecclesiæ Romanæ fidem indeficientem faciunt, nisi indeficiens Petri, ideoque Pontificum fides, ac pollicitationes de indeficienti fide a Christo D. Petro, ideoque Pontificibus factæ?

Guido Carmelita de Perpiniano dictus, doctor Parisiensis, ac demum Episcopus Elnensis, in hist. hæresum, ubi de Waldensium erroribus agit, atque quidem de primo illorum errore circa Romanum Pontificem, hujus luculenter cum summam, nullique alteri subiectam auctoritatem in Ecclesia esse, tum in fide infallibilitatem addruit, atque egregie ab hæreticorum invidia vindicat his liquis verbis: *Constat, quod Dominus Petrum, & in Petro Petri Successores posuit omnium fidelium Caput, cui ait*
Do-

Dominus Luca 22. Rogavi pro te &c. Ita quod in directione, & confirmatione fidei Petro, & Petri Successoribus est standum, & obediendum. Et infra ex una prærogativa alteram præclare infert, in eodemque Pontifice connexas prorsus esse probat: Manifestum est, inquit, quod in Petro omnes continentur, ut in Capite post Christum, & Ovium Christi Pastore. Sic quod Petri fides non deficiet a Sede Apostolica, nec a Romana Ecclesia Christi sponsa, quæ tota pulchra est, & labe hæresis, seu macula non est in ea. Et paullo post pergit. Nolentes obedire Romano Pontifici Pastori Ovium Christi, cui in Petro Dominus ait: Pascere oves meas, desinunt esse oves Christi, quia oves Christi vocem ejus audiunt Johan. 10, & Christus cum Petri successoribus adest per suam gratiam eos dirigens, & confirmans in fide, ut eorum doctrina, & regimine perseveret Sedes Apostolica, & Romana Ecclesia sine ruga, aut macula hæreticæ pravitatis. Quæ quidem explicata adeo, ac expressa sunt, ut expositione non egeant, assensumque vel ab invito extorquere valeant. Quam impense Apostolicæ Sedi ipse studeret, & quam egregiam reducendis ad ejusdem obsequium, obedientiamque schismaticis Orientalibus sub Urbano V. operam impenderit B. Petrus Thomas Ord. Carmel. Decus, & Episcopus Patensis, ac dein Constantinopolitanus Patriarcha completi oratione vix, ac ne vix quidem possem: adis potius Philippum Mazerium in ejusdem vita apud Bolland. tom. 2. ad diem 29. Januarii.

Petrus Paludanus Ord. Prædicat. Doctor Parisiensis, & Hierosolym. Patriarcha in 4. sent. dist. 24. q. 6. doctrinam de potestate Ecclesiastica, profecto tum temporis in schola Parisiensis a Petro Lombardo inventam, atque deinceps ab scholæ ejusdem Magistris traditam, prosequutus sic habet: Potestas jurisdictionis, quæ ad regendum Populum rota in suo fonte data fuit Petro soli, & in eo successoribus ejus, quando cura Ecclesiæ sibi soli commissæ fuit, dicente Domino Johannis 21. Pascere oves meas. Hoc nulli aliorum dictum fuit, nec nunc, nec ante, nec post; ergo talem potestatem plenam, ac perfectam habet solus Successor Petri, qui ob hoc Papa dicitur quasi Pater Patrum. Quibus sibi diversam, quam quæ Durando sub id temporis infederat, sententiam

haud hæere demonstravit. Ambobus vero adjungendus Nicolaus Gorranus studii erga Apostolicam Sedem laude iisdem haud inferior, quem alii Gallum, Anglum genere alii faciunt: nam in Comment. ad cap. 16. S. Matth. illis consentanea scribit, *Petrus, agens, & successores ejus soli vocantur in plenitudine potestatis, ceteri in partem sollicitudinis*. Horum denique simillima habet Johannes a Neapoli quodl. 39. p. 2, quæ heic regerere nec opus plane, nec operæ est pretium.

B. Augustinus Triumphus illustre decus Ord. S. Augustini, & Doctor Parisiensis in præmio Summæ de potest. Eccles., quam Johanni XXII. Pontifici maximo dicavit, *Error est, inquit, pertinaci mente non credere Romanum Pontificem universalis Ecclesiæ Pastorem Petri successorem, & Christi legitimum Vicarium super spiritualia, & temporalia universalem non habere Primatum*. Quæst. 6 art. 1. agens de jure appellationis, neque a Pontifice ad Deum interponi appellationem posse autumat, eo quod unum, idemque sit Pontificis, Deique tribunal: *Solus Papa dicitur esse Vicarius Dei, quia solum, quod ligatur, vel solvitur per eum, habetur solutum, & ligatum per ipsum Deum. Sententia igitur Papæ, & sententia Dei una sententia est...* Quum igitur appellatio semper fiat a minore iudice ad superiorem, sicut nullus est major seipso, ita nulla appellatio tenet facta a Papa ad Deum... quia una sententia est, & una Curia Dei, & Papæ. Q. 8. art. 3. qualis, quantaque sit Pontificis potestas hisce paucis præclare describit: *Christus instituit Petrum suum Vicarium, cui totum, quod suum erat, plene commisit, ut loco ejus regeret totam Ecclesiam*. Et q. 10. art. 3. affirmat hæreticum esse non adhærere Papæ aliquid definiendi circa ea, quæ in fide obscura sunt. Quamquam quæ hic de Pontificis potestate comparate sive ad divinam, sive ad Dominicam tradit Triumphus, non ita accipi velim, quasi quemadmodum sive Deus, sive Christus Dominus, Pontifex Princeps sit in Ecclesia ita summus, ut etiam absolutus omnino, & liber; sed quod Dei quidem legibus obligatus, ab humanis ipse absolutus, & liber, ab se latis homines cunctos obstringat, auctoritate non ab hominibus, sed ab uno Deo accepta. Triumpho se parem in opera sua Pontifici accommodanda se præstitit Alexander a S. Elpidio

pidio ejusdem Ordinis S. Augustini Generalis Magister , ac dein Amalphitanus Archiepiscopus , qui Johannis XXII. jussu tractatu de jurisd. Imperatoris , & auctor . Pontificis adornato posterioris jura loco suo posuit , ob idque plurimum laudis promeruit .

Lupoldus Bambergensis juris utriusque callentissimus in lib. de zelo veterum Regum Galliarum , & Germaniarum Principum inscripto , quo illorum in amplificandis Romanarum Ecclesiarum rebus , ejusdemque Rectoribus Summis Pontificibus maximo in honore habendis , studium commendat , & laudibus celebrat , cap. 4. in rem nostram propius hæc inter alia habet : *Quum Sacrosanctæ Romanæ Ecclesiæ Pontifex sit in terris Vicarius Christi Jesu , ut ipsa quoque Romana Ecclesiæ Mater , & Magistra omnium fidelium , cunctarumque Ecclesiarum Caput existat , tanto majorem quis zelum christianæ Religionis habere perpenditur , quanto eandem Ecclesiam , ac Romanum Pontificem potioribus atollis beneficiis , & majoribus honoribus veneratur .* Ita de re christiana optime illum meritum existimabat , qui de Romano Pontifice optima sentiret & res est enim una utriusque necessario , mutuoque vinculo connexa , ut Ecclesiæ is sit , vel propitius , vel infensus , qui ejusdem Capiti addictus fuerit , vel adversus . Quod de Principibus ille scripsit , id de scriptoribus experimento edocti sumus .

Alvarus Pelagius Ord. Minor. cum factæ scripturæ , tum juris utriusque peritissimus Episcopus Coronenfis in Achaja , ac dein Silvensis in Lusitania , cujus cum laude meminit S. Antoninus 3. par. tit. 23. cap. 8. §. 11 , in lib. 1. de planctu Ecclesiæ art. 38. de amplitudine auctoritatis Romani Pontificis hæc perhibet : *Sciendum est , quod potentia Summi Pontificis , & Christi Vicarii plena dicitur primo , quod ab hac potentia nullus ad Ecclesiam militantem qualitercumque pertinet excipitur ; sed omnis homo in præsentī Ecclesia existens ei subjicitur . 2. Quia omnis potestas ad gubernationem fidelium a Deo ordinata , & hominibus data sive spiritualis , sive temporalis in hac parte comprehenditur . 3. Quia omnis potestas in Ecclesia ab hac potestate exceditur .* Non igitur secundum ipsum Pontificis potestatem Concilii auctoritas excedit ; sed imo Pontifex Concilio potestate excellit . Petrus Bertrandus juris utriusque professor in plurimis Galliarum Academiis ,

miis, dein Aduensis Episcopus, & sub Johanne XXII. Cardinalis amplissimus, qui jurisdictionem, & libertatem Ecclesiæ adversus Petrum de Cugneriis Regium advocatum coram Philippo Valesio Galliarum Rege luculenta disputatione defendit, tractatu edito de origine, & usu jurisdictionum, sive de spirituali, & temporali potestate, quem una cum præfata disputatione legere est in Biblioth. PP. tom. 4, quæst. 4. omnium suprema Romanum Pontificem fungi, eaque in Ecclesiam universam illum potis esse, ex qua in ceteros, veluti a fonte rivulus promanet, liquido probat. Atque quidem exinde argumenta promit, quibus temporalem potestatem ultra fines ampliantem Petrum de Cugneriis prostrnat. De eo recurret alibi sermo.

Thomas Argentinensis, sive Argentoratensis Ord. S. Augustini Prior Generalis in 4. dist. 24. art. 4, postquam quinque dignitatis hierarchicæ gradus in Ecclesia distinxisset, in 5. omnium supremo Pontificem Romanum ponit, *A quo, inquit, tota Monarchia fidelium tanquam ab uno Principe universalem, & cum hoc immediatam habente potestatem super omnes, & singulos fideles cujuscunque conditionis existant, convenientissime gubernatur.* Paulo superius art. 1. scripserat a Christo D., qui vices suas in Ecclesia obiret, S. Petrum constitutum, a Spiritu S. dein speciali adstantia dirigendum. Baldus de Ubaldis Perusinns jurisperitorum sui temporis facile Princeps, quem inter scriptores Ord. Minor., cui eum ad vitæ extremum nomen dedisse censet, enumerat Wadingus, in proximo decretalium num. 6. Pontificis potestate ampliorem in Ecclesia non modo non esse constantissime asserit, sed uno omnem sub ea contentam ire, & conclusam: *Quacumque potestas, inquit, est sub Celo, est in summo Pontifice.* Johannes Hildeshemensis Carmelita in epist. ad Notarium oppidi Sollotienfis ab Ecclesiæ unitate extorrem procul dubio pronunciat eum, qui Pontifici Romano præcipienti morem gerere detrectaret: *Ego, inquit, fidenter asstruo, quod supervacaneæ nominis Christiani culmen sibi vendicat, qui a Christi Vicarii præceptis, & monitis devotando declinat.* Exardescbat tunc temporis excitatum a Ludovico Bavaro schisma: partium suarum propterea esse existimabat bonos, beneque moratos admonere nuneris Romano Pontifici

tifici ceu Capiti individue inhærendi , & ceu Magistro auscultandi attente .

Thomas Bradvvardinus Ord. Minor. Archiepiscopus Cantuariensis gratiæ divinæ contra nuperos Pelagianos acerrimus vindex in præfat. opusc. , cui titulum fecit *de Causâ Dei* , proposita sibi difficultate materiæ , quam exagitandam suscipiebat , tandem sic brevi se expedit : *Scio quid faciam : illi me Navi committam , quæ perire non potuit, Navi Petri. In ipsa namque auctor, & magister noster unus Christus tutissime residens de ipsa legitur docuisse ; mystice nobis insinuans , quod apud ipsam Petri naviculam , apud Romanam Ecclesiam totius Christianæ doctrinæ auctoritas , & magisterium remaneret . Hujus igitur tam authenticæ , tantæque magistræ judicio me totum , meaque omnia scripta , seu scribenda plane subjicio , integreque submitto. Ita ne agendum sibi proponeret , qui æque , atque quemlibet Episcoporum , posse hæretica labe pollui Romanum Pontificem existimaret ? Ita ne Pontificis judicio se infime subjugaret , qui ipsius met Pontificis judicium in Synodo apud Episcopos experiri , ac revocari ad juris incudem posse autumaret ? Nicolaus Æymericus Inquisitoris generalis munere per Aragoniæ regnum insignitus in tract. Ms. de Rom. Pontificis potestate , qui in Conventu Gerundensi Ord. Prædic. extare dicitur , lato calamo argumentum istud præclare prosequitur . Sed & in direct. Inquis. præsertim 2. par. q. 2. & 7, ac seqq. usque ad 17, quod edidit , illustravitque Franciscus Pegna , quem ibidem consule schol. 21 , Romani Pontificis de fide decreta fidei regulas esse , quæ omnium nostrum fidem omnino obligent , nullus dubitat , imo qui dubitet in fide suspicione apud ipsum laborat .*

Johannem de Turrecremata pro Eugenii IV. suprema supra Concilium potestate adversus Basileensium nefarios ausus , & Johannem de Montenigro ejusdem Ordinis Prædicat. pro eadem suprema potestate , & indefectibilitatis in fide privilegio adversus Græcos in Concilio Florentino stetisse , suo jam loco ostendimus . Stetisse etiam Sanctos Dei homines jam ostendendum , ideoque jure id dictum a Johanne Francisco Pico Mirandulano Theorem. 3. *Ad Romanam Ecclesiam Caput , & Magistrum Ecclesiarum mentis acies dirigenda est , atque huic ipsi Ecclesiæ , hoc est*
Apo.

Apostolica Sedi Petri Christi Vicarii, sanctissimi viri adhaeserunt semper, & dictis, scriptisque faverunt. S. Laurentius Justinianus igitur in tract. de obedientia cap. 12: Hujus, inquit, Apostolicae Sedis arcem, hujusque Catholicae Ecclesiae Monarchiam Apostolus Petrus primus accepit, quando ... ab eodem Domino audire promeruit: Tu es Petrus &c. Hanc Petro datam potestatem quotquot post illum electi canonice in ipsa resident, sortiti sunt, qui respectu ceterorum summi sunt nuncupati Pontifices. Istitis utique tanquam Christi Vicariis totius Ecclesiae est attributa facultas, conferendi videlicet beneficia, peccata solvendi, praestandi gratias, Ecclesiae spirituales thesauros dividendi, instituendi per Civitates Episcopos, & per Provincias Metropolitas ordinandi, congregandi Concilia, decreta faciendi, infringendi, atque modificandi ... Quidquid indixerint peragendum, quidquid prohibuerint cavendum, pro lege suscipiendum est. Quam pariter in fidem de Pontificis suprema, potissimaque auctoritate concessisse alios plerosque tum temporis scientiae, ac sanctitatis laude conspicuos viros paulo post exploratum fiet.

Nicolaus Cardinalis Cusanus, qui quamvis in lib. de Concordia ab se exarato, dum Basileensium consilia Pontificem Concilio submittere conantium imprudens sectabatur, Pontifici auctoritatem Concilii antetulerit; postea tamen, quum ad frugem regressus ad Eugenii partes se recepit, a priori sententia recedens, ut constat ex epist. ipsius ad Rodericum, nullam Pontificia superiorem in Ecclesia potestatem esse scripsit, in epist. 2. de usu Calicis ad Bohemos quinimo Pontificem in fide falli, & fallere omnino esse nescium ibidem liquido asseruit. *Si scire velis*, scribit, *an in Ecclesia existas, hac vestiges ratione: si Cathedra Romani Pontificis adhaereas, quae per continuas successiones bonorum, malorumque in Petrum Principem continuatur. Credendum est hanc Sedem sacratissimam quoad locum etiam inextinguibilem, & tamen si casu Roma deficeret, ibi veritas Ecclesiae remanebit, ubi erit Principatus, & Petri Sedes modo praedicta.* Adnotandus Dionysius Carthusianus, qui quamvis aliquando pro auctoritate superiori Concilii pariter steterit, nihilominus in Luc. 22, *Ex his*, inquit, *sumitur argumentum, quod fides Romanae Ecclesiae, quam*

quam in ea Petrus plantavit, sit usque in sæculum duratura.

S. Johannes a Capistrano, qui in Hæreticos, & Turcas eximia virtute emicuit, atque in Concilio Florentino una cum S. Bernardino Senensi veluti sol effulsit, in tract. de Papæ, & Concilii, sive de Ecclesiæ auctoritate par. 2, & 3, ne dubitandum quidem putavit Pontificem in fidei definitionibus infallibilem esse, atque Concilio generali ejusdem auctoritatem esse longe antefereendam. *Auctoritas Papæ, inter alia sic ait, protenditur ad omne bonum, est enim quasi Deus in terris, major homine, & minor Deo, plenitudinem obtinens potestatis: 2. q. 6. Decreto nostro. Ipse enim totius Orbis obtinet Principatum: ipse est successor Petri, cui Beato aternæ vitæ Clavigero terreni simul, & celestis Imperii jura commisit Christus Dominus. Ipse est vigilantissimus Vicarius Christi, ipse Summus Pontifex Princeps Sacerdotum est, quasi pons, & via Sequentium: omnes ordines Ecclesiasticos disponit: ipse quid unusquisque facere debeat ostendit... Ipse tamquam columna, & saxum immobile totius Christianitatis compagem, molemque continet universi &c. Patet igitur, subinsert, expressissime Papam supra Concilium, & non Concilium supra Papam jurisdictionem plenariam in omnibus obtinere, & Concilium quantumlibet æcumenicum, & universale Papæ subjici, & obedire teneri, a quo salutis fidelium post Christum pendeat. Cuidam vero schismaticorum objectioni occurrens, Nec obstat, inquit, quod potestas data fuit a Christo omnibus Apostolis: quia licet omnibus data fuerit potestas Clavium, tamen cum suo ordine, ut a Christo principaliter in Petrum, & a Petro in ceteros condescendat; sicut unguentum in capite scilicet Christi, quod descendit in barbam Aaron, scilicet Summi Pontificis, quod descendit in oram vestimenti ejus, scilicet in alios Episcopos, & ab Episcopis in alios Sacerdotes. Quibus plane nihil in rem nostram præclarior; quibusque pariter a Quæsnellianis recoctas postmodum obtreccationes præfocavit. Ejusmodi sunt etiam, quæ S. Bernardinus Senensis tom. 1. serm. 7. de Christi fidei firmit. art. 3. cap. 2. ex Lucæ 22. deducit, ut ex illis facile intelligas christianæ fidei firmitatem S. Petri, ac successorum Romanorum Pontificum, indefectibilitati acceptam utique referendam esse. Nec vero aliter eum locum interpretatus est S. An-*

Pars I. *D d d*

toninus, de quo mox agendum. Sed & in Mariali par. 3. serm. 3. exinde quod Pontifex Christi D. vices in terris gerat, recte inferit plenissima eundem potiri auctoritate, Deique auctoritate facere, quæ facit: ideo ejus dicto ab omnibus obediendum: *Imo, subdit, ipsius sententia est magis standum, quam sententia totius Mundi.*

S. Antoninus Florentinus Archiepiscopus in Summa par. 3. tit. 23. cap. 3. §. 3. de appellatione a Papa agens, apertissime Concilio Papam superiorem adstruit, quin imo illi, qui a Papa ad Concilium posse appellari propugnaret, hæresis notam appingere non dubitat: *Nec ad Concilium, ajens, generale a Papa appellari potest, quia Papa omni Concilio superior est, nec robur habet quidquid agitur, nisi auctoritate Romani Pontificis roboretur, & confirmetur...* Sentire ergo quod a Papa ad Concilium appellari possit, est hæreticum. Parte 4. tit. 8. cap. 3. §. 5. non minus liquido Pontificis infallibilitatem in fidei dogmatibus decernendis pro virili parte propugnat: *Fides, inquit, universalis Ecclesiæ non potest deficere, dicente Dominus Petro: Ego pro te rogavi &c. Et quantum quidem ad personam Petri intelligitur de defectu finali (sicut interpretatus est Lyranus in 22. Lucæ) ut scilicet, quod non periret persistendo in negationis peccato. Quantum ad Ecclesiam autem, quæ intelligitur in fide Petri, simpliciter verum, quia non potest Ecclesiæ deficere. Ratio, quare fides Ecclesiæ in generali deficere non potest, quia divina providentia Ecclesiæ regitur, scilicet a Spiritu Sancto eam dirigente, ut non erret. Et licet Papa in particulari errare possit, ut in judicialibus, in quibus proceditur per informationem, alias in his, quæ pertinent ad fidem, errare non potest, scilicet ut Papa in determinando, etiam si ut particularis, & privata persona, unde magis standum est sententiæ Papæ de pertinentibus ad fidem, quam in judicio preferret, quam opinionem quorumcumque sapientum.* Confer orationem ad Callixtum III. gentilium suorum nomine ab eodem habitam, cujus ipse meminit tit. 22. cap. 16. exemplar autem exhibet Raynaldus ad an. 1455. n. 213 ubi pleraque horum simillima persequitur.

Post hæc tam aperta mirari valde subit, quod Bossuetius de sens. par. 1. lib. 2. cap. 4. S. Antonino alienum sensum appingere non

non sit veritus , eo quod parte 3. tit. 23. cap. 2. §. 6. dixerit , quod in concernentibus fidem , seu in his , quibus decoloraretur status Ecclesiæ , Concilium est supra Papam , & Papa nequit disponere contra decretum a Concilio : & cap. 3. §. 4. scripserit Papam , ut personam singularem errare posse in fide , non etiam quando utitur Concilio. Verum S. Antonini sensum assecutus non est , vel sane aliorum intorsit Bosuetius . Priori siquidem loco S. Antoninus evidentissime asserit in his omnibus , quæ sunt juris positivi , indubitanter Pontificem , uti Caput Ecclesiæ , esse supra Concilium : in his vero , quæ sunt juris naturalis , aut divini , quæ ipsius potestati non subsunt , quæque a Concilio ita esse decreta , seu declarata sunt , Pontificem Concilii decretis istiusmodi subesse , nefasque fore utique , si contra huiusmodi eniteretur , quibus Ecclesiæ status everteretur : quod non est Pontificem Concilio agere inferiorem , sed juri divino dumtaxat subiectum facere . Posteriori vero loco S. Antoninus loquitur de Pontifice , ut est singularis persona , quem ita errori obnoxium ait , quem tamen errori ita obnoxium negat , quum de fide Ecclesiæ dicit , seu determinat , vel in Concilio , ut ibidem dicit , vel etiam ut particularis , & privata persona , ut loco supra citato dixerat , idest etiamsi extra Concilium , seu se solo declaret , & determinet . Ita enim eo loci persona particularis , & privata accipi debet , prout distinguitur ab ipso , ut Præses Concilio est , non prout distinguitur a publico Ecclesiæ Doctore ; neque prout idem est , ac persona singularis , quomodo errare posse annuit : atque quidem ita accipiendum S. Antoninum id evincit , quod 3. p. tit. 12. cap. 8. §. 2. agens de his , quæ Pontifex ex Cardinalium consilio decernit , in iis , quæ facta particularia concernunt , falli illum posse affirmat ; in his vero , quæ ad fidem spectant , infallibilem omnino asserit ; imo subdit : *Et dicere , quod in huiusmodi Papa erraret , esset hæreticum* . Cujus similem argumentationem de plenitudine potestatis super omnes ibidem instituit , hanc ex ipsius Primatu inferens , ab ipso perinde appellari non licere confirmans . Adeo vero expresse , explicatæque id omne in præcit. orat. exponit , explanatque , ut de legitima ipsius sententia non sit ullus ambigendi locus .

B. Angelus a Clavasio Ord. Minor., cui divinos honores jam pridem tributos nuper calculo suo probavit Benedictus XIV. Pontifex Maximus, in Summa, (cui pretium summum accessurum fore puto, si eruditi cujuscumque manus adjiceretur eandem illustratura,) verbo *Papa*: *Papa*, inquit, *Summus est inter omnes, quia ipse solus habet plenitudinem potestatis, ut patet 2. q. 6. can. Qui scit*: & infra inquirens num Papa dispensare in præceptis moralibus legis naturæ possit, respondet ex sententia Scoti, & Alexandri Halensis: in præceptis, quæ in disciplina morum principia sunt, vel appendices principiis illis adnexæ, non posse quidem, in ceteris posse, sive sint veteris, sive novi testamenti præcepta: *Aliter*, inquit, *non videretur Deus fuisse bonus Pater familias, nisi dimisisset Pastorem super gregem suum, qui posset consulere omnibus occurrentibus, & necessario expediendis: nec etiam posset dici, quod Papa sit generalis commissarius Dei assumptus in plenitudine potestatis, cujus contrarium determinatur 2. quæst. 6. can. Qui se scit*; 24. quæst. 1. cap. *Quæcumque*. Et paullo post querens num Papa possit dispensare in omnibus, quæ sunt juris positivi, respondet in hæc verba: *Quamvis aliqui Canonistæ teneant, quod non possit dispensare contra statum universalem Ecclesiæ, ut in cap. Sunt quidam 25. q. 1. Item in iis, in quibus decoloraretur status Ecclesiæ, ut in cap. Si illa 1. q. 7; Ego tamen dico, quod universaliter potest dispensare*. Itaque in B. Angeli sententia Pontifex supra Conciliorum canones potest. Verum quidem est, quod postremo querens utrum Papa possit decidere contra aliud statutum in causa fidei in Concilio, respondet quod non, *Ut in cap. Anastasius* (apocrypho) 19. dist. *Quia Papa*, subdit, *potest errare in fide* 40. dist. *Si Papa, sed non tota Ecclesiæ cap. A recta* 24. q. 1. *juncta Glossa ibidem*. At ex citato ab ipso canone constat dictum ab se de Pontifice, ut persona singularis est: qui si vel ut Pontifex ex Cathedra Ecclesiam docens, neque quidquam decernere potest contra decretum circa fidem a Concilio hoc quidem non provenit ex defectu potestatis, sed ex eo, quod fidei decreta mutationi non sint obnoxia. Adde quod paullo supra dixerat, ad solum Papam pertinere ea dispensationis exempla declarare, quæ in S. Scriptura non extant, atque firmiter se credere, Deum

Deum non permiffurum; ut Vicarius fuus erret in difpenfando .

Nonnihil negotii faciefeit, quod docet verbo *Opinio*, ubi de varietate opinionum agens fic habet : *Aut diverfitas eft inter Papam, & Concilium, & tunc in concernentibus fidem Concilium præponitur, quia Orbis major eft Urbe: in aliis autem Papa eft præponendus ut in cap. Sunt quidam 25. q. 1, & dift. 19. Anaftafius. Et intellige Papam præferendum omnibus, quando tanquam Papa fic determinat, aut ftatuit: facit cap. De libellis 20. dift.* Nonnulla obfervatu hic digna funt. 1. Conftans eft Concilium abfque Pontifice nec legitimum, nec infallibile efle, ideoque in quæftionibus juris infirmiffimam efle fententiam illam: *Orbis major eft Urbe*, quæ locum dumtaxat in quæftionibus meri facti, feu fingularium perfonarum habet, quomodo a S. Hieronymo ufurpata eft. 2. In cetetis omnibus quæftionibus Pontificis fententiam præponendam Concilio B. Angelus affirmat, adeo ut circa canones, imo circa jus divinum difpenfare folus ipfe poffit: quod quid aliud in ejus fententia fignificat, quam Papam fupra Concilium poffe? Igitur, quum idem in concernentibus fidem Concilii fententiam Pontificis fententiæ efle anteponendam ait, id intelligendum vel de jam definitis circa fidem a Concilio, quæ plane a Pontifice refcindi non poffe fatemur; vel de Pontifice, ut perfonæ eft fingularis, quem a fide defletere B. Angelus autumavit. Ita, inquam, intelligi illum oportet, ne fecum met pugnare dicatur: pugnaret enim, quum in ceteris omnibus Pontificem Concilio præponendum dicat: neque ullo dicendum fit modo aliquid Concilium abfque Pontifice poffe, fi quidem, ut dixi, abfque Pontifice Concilium efle non poffit.

Explicata, & explorata eft fententia ergo, in quam unanimis confpirafle veteres cum Canoniftas, tum Theologos comper-
tum eft, S. Petro una cum infallibilitatis in fide prærogativa in-
ipfius ex alfe fucceffores pariter transfundenda, collatam a Chri-
fto Domino Reipublicæ christianæ summam, atque ab eo in Ro-
manos Pontifices transfufam in ævum integram eofdem penes per-
manfuram. Unum, vel alterum addo. Hilarius Pragenfis Eccle-
fiæ Decanus viriliter Pragæ cum Huffitis congregatus in difputa-
tionis exordio fidei controverfias ad Summum Pontificem referen-
das,

das, ejusque judicio finiendas propugnavit. *Constat autem, inquiens, cuilibet fidei Romanam Ecclesiam esse locum, quem elegit Dominus, ubi Ecclesie totius posuit Principatum, in quo summus Sacerdos, qui praeest loco, est Papa, & Cardinales sunt Sacerdotes Levitici generis, ad quos in materia fidei est recurrendum.* S. Vincentius a Paulo Congreg. Missionis celeberrimus institutor, ut legitur in ejus vita ab Illustrissimo D. De Abely Episcopo Ruthenensi adornata, quum aliquando a Sancyrano sibi amicitia, conjunctissimo audisset Ecclesiam a quinque, aut sexcentis annis defecisse, ad id impii dicti irrigescens, ingemiscensque reposuit Christum pollicitum, quod Ecclesia nunquam defectura foret, utpote fundata supra firmam Petram, idest S. Petrum, ejusque Successores Romanos Pontifices.

Non ultra saeculum XV. Ecclesiae Auctorum, qui ei, quam propugnamus, sententiae utroque pollice subscripserunt, catalogum protraham, & testimonia exscribam: vereor enim si ultra modum longior sim, ne lectori ceteroqui benevolo fastidium creem: ut enim ipsius fidem obligent, adducta usque modo in apertissimam aciem loca satis, ut videor, superque sunt: idque unum satius duxerim, si aliorum plurium, qui in eandem postmodum sententiam manibus, pedibusque descenderunt, loca indicem, & nomina. Sunt autem Aeneas Silvius, postea Pius II. in orat. ad Australes; in epist. 288; in respons. ad Martinum Mejer pro Ecclesia Romana, aliisque in locis. Rodericus Borgia, seu Alexander VI. in Clypeo defens. fidei Romanae Ecclesiae. Thomas Waldensis lib. 2. doctrinalis fidei capp. 47, & 48. Gabriel Biel lectione 32. in Canon. Missae. Johannes Annii Viterbiensis in cap. Apocalyp. Raymundus Martini, sive Porchetius, sive Petrus Galatinus lib. 12. sive *Pugionis fidei* cap. 8, sive *Victoria adversus Judaeos*, sive *De Arcanis Catholicae Veritatis*; ac ibidem Voisinus, & Maussacius. Cyprianus Bennetus Ord. Praedic. in tract. de Pontificis Maximi potestate. Johannes Nauclerus generat. 21. Johannes Baptista Mantuanus lib. 1. carm. de S. Dionysio Areop. & in exhortatione ad bellum contra Turcas. Aegidius Biturici Archiep. ad c. *Cum Martha* de Celeb. Missar. Bartholus in constit. Henrici VII, quae incipit *Ad reprimendum*. Bernardus Zane Spa-

Spalat.; Alexius Melphitan. ; Simeon Begnius Modrusiensis Antistites orat. habitis in Concilio Later. V, sub Julio II, & Leone X Sess. 1, 3, & 6. Thomas de Vio Cardinalis Cajetanus in tractatu de potest. Papæ, & Concilii, qui Parisiensibus nonnullis Theologis, præsertim Almaino non est probatus; in apologet., & in 2. 2. q. 1. art. 2. Donatus Hieronymus in apolog., & epist. ad Oliverium Cardin. Angelus Vallisumbrosæ anachoteta in epist. ad Bernardinum Card. Carvajalem; & ad Ludovicum Francor. Regem apud Raynaldum ad an. 1511. n. 30, & seq. Marcus Viguierus Ord. Min. Card. in apologia adversus Pisanam pseudo-Synodum. Johannes Sinnichius in Synop. cap. 72. Johannes Fischerus Roffensis Episcopus, & Cardinalis art. 28. contra Lutherum. Johannes Driedo lib. 4. de Ecclesiasticis dogmatibus cap. 3. p. 3. Johannes Faber Episcopus Viennensis in Germania in tract. de potestate Papæ. Theodorus Lælius Italus Episcopus in tract. de auctor. Papæ adversus Gregorium ab Eimburgo apud Goldastum tom. 2. Monarchiæ. Nicolaus Simoni Carmelita Batavus in tract. de potestate Papæ, Imperatoris, & Concilii. Claudius de Seyffel Episcopus Massiliensis, ac deinde Taurinensis Archiepiscopus in tract. contra Waldenses. Henricus Institor Ord. Prædic. in tract. de potest. Papæ adversus Monarchiam Antonii Roselli apud Goldastum loc. cit. Albertus Pighius lib. 6. de Eccles. Hierarch. In libris illis tamen nonnulla sunt de peccato originali, de prædestinatione, & gratia Christi, quæ Theologis non probantur. Johannes Echius in tract. de primatu Petri. Johannes Cochläus in disputat. adversus Novatores. Stanislaus Osius Warmiensis in Polonia Episcopus, & S. R. C. Cardinalis in confes. catholicæ fidei cap. 28; & lib. 2. contra Brentium cap. 18. Christophorus Marcellus Venetus Archiepiscopus Coreyrensis lib. contra Lutherum. Petrus de Monte Episcopus. Brixien. lib. de Monarchia Papæ, & Imperatoris. Franciscus Ferrarien. in lib. 4. S. Thomæ contra Gentiles cap. 76. Silvester Mazzolinus Ord. Prædicat. dictus Prieras lib. 1. de juridica, & irrefrag. verit. Rom. Pontif.; & in summa verbo *Concilium*. Thomas Illyrius Ord. Minor. in scuto fidei advers. Luther.; & in tract. de potestate Papæ. Jacobus Latomus in tract. de primatu Pontificis. Franciscus Victorja in tract. de Pa-

pæ, & Concilii auctoritate. Dominicus Soto in apologia pro sua Confessione fidei contra Ambrosium Catherinum cap. 83. Johannes Wiggers Hispanus Ord. Prædicat. in 22. q. 10. art. 1. tract. de Pontif. dubit. 5, ubi disputat adversus Gersonem, Almainum, Alphonsum a Castro, & Hadrianum. Melchior Canus lib. 5, & 7. de locis Theolog. Gregorius Cortesius Abbas Cassinensis, ac dein Cardinalis sub Paulo III. in tract. de potest. Eccles., & de Romana S. Petri profectione. Reginaldus Polus Anglus S. R. E. Cardinalis in tract. de potest. Eccles. Thomas Campegius Feltrienfis Episcopus in tract. de auctor. Concil., & Pontif.

His adnumerandi, qui ob defensionem Primatus Pontificiæ in Anglia Henrici VIII. jussu vario mortis genere affecti fuerunt, ex Carthusianis Johannes Hogthonus; Robertus Laurentius; Augustinus Vebeſterus; Wlfridus Midelmorus; Guillelmus Exmæus; Sebastianus Nudegadus; Johannes Rocestrius; & Jacobus Valverius. Reginaldus Monachus Brigittensis. Johannes Hailus Parochus. Thomas Abelus; Eduardus Povellus; Richardus Ferherstonus Theologi illustres. Johannes Cochlus Monachus. Ægidius Hornus; Clemens Philpottus; Johannes Nevelius Laici. Ex Ord. Minor. Religiosi 36, inter quos Antonius Brorbaeus; Thomas Belchiamus; Thomas Contus; Johannes Forestius Catharinæ Reginæ olim a Confessionibus; de quibus agunt Sanderus lib. 1. de Schism. Angl., & Reginaldus Polus lib. 3, adv. Prim. Angl. Accedunt Doctores Lovanienses in Articulis advers. Lutherum edicto Caroli V. an. 1544. confirmatis die 6. Novemb. art. 21. usque ad 25, quos ex Francisco Belcario lib. 24. regerit Raynaldus ad an. 1544. n. 35; nec non in censura declar. Cleri Gallic. an. 1682. Lælius Jordanus Episcopus Aternensis in tract. de Major. causis, & de Rom. Sedis orig., & auct. Jacobus Lainius orat. in Concilio Trident. de potestate Pontif. apud Palæotum in actis Concil. Trid., & Raynaldum ad an. 1562. n. 93., & an. 1563. n. 120. Philippus Faber Ord. Min. de Primatu Petri, & Rom. Pontif. adversus Spalatensem. Didacus Covarruvias Segoviensis Episcopus variar. resolut. p. 4. cap. 6. Dominicus Jacobatius Cardinalis in tract. de Concil. lib. 4, & 5. in Collect. Labb. Jacobus Payva de Andrada Lusitanus in defens.

Tri-

Tridentinæ fidei catholicæ lib. 1. Isidorus Insulanus Mediolanensis Ord. Prædic. lib. 1. de imperio milit. Eccles. Ruardus Tapperus in tract. 3. Theolog. contra Lutherum . Martinus Eifengrein Ingolstadtensis in defes. Eccles. cathol. Franciscus Sonnius Antuerpiensis Episcopus in demonstr. Relig. christ. Nicolaus Sanderus in lib. de visib. Eccles. Monarch. Guillelmus Eifengrein in catalogo testium verit. , cui Flaccus Illyricus catalogum alterum ejusdem tituli opponere quam frustra, tam pessima fide affectavit, cui postea pleraque adjecit, pleraque detraxit Simeon Goulartius e Protestantium pariter grege . Gaspar Contarenus sub Paulo III. Cardinalis de potest. Pontificis . Guillelmus Lindanus Ruremundensis Episcopus in Panoplia . Mathias Hugonius Famaugustanus Episcopus in *Synodia Hugonia*, sive tract. de Conciliis approbata a Paulo III. Thomas Stapletonius Anglus controuv. 3. q. 4. Stephanus Gardinerus Wintoniensis Episcopus , & sub Maria Angliæ Regina Cancellarius in tract. adversus articulos Johannis Hopperi. Guillelmus Alanus Cardinalis sub Sixto V. in quæstionibus contra hæreticos controversis . Franciscus Turrianus in 22. disp. 16. & lib. 3. ad Catholicos Germaniæ. Jodocus Ravestein Tilletanus doctor Lovanienſis in apologia contra Illyricum . Alphonsus Sálmeron in cap. 16. Matth. Jacobus Noguera Viennensis Episc. lib. de Eccles. Christi ab hæreticorum Conciliabulis dignoscenda. Marianus Victorius Amerinus in Italia Episcopus in tract. de Rom. Pontif. Primatu contra Lutherum. Emanuel Caleca lib. 4. adv. Græc. errores cap. 26. Franciscus Horantius Hispanus Ord. Min. in locis catholicis pro Romana fide, & adv. Instit. Calvini. Edmundus Can pianus Soc. Jesu sub Elisabetha Angliæ Regina illustris fidei confessor in controversiis fidei, quas a Witachero vindicavit Johannes Duræus Soc. J. Davidius Cardinalis Perronius in respons. ad Regem Angliæ . Jacobus Pamelius in notis ad epist. 55. S. Cypriani ad Corneliū . Franciscus Panigarola Ord. Minor. Astensis Episcopus in controversiis fidei . Alphonsus Pisanus Soc. Jesu Hispanus in tract. de fidei quæstionibus controversis . Thomas Bosius Presbyter Orat. de signis Ecclesiæ . Bellarminus lib. 3. cap. 9. , & lib. 4. cap. 3. Baronius in anal. sequentiſſimæ . Gregorius Augustinus Cardinalis, quem Theologum suum Bellarmi-

nus, Bellarminum suum Urbanus VIII. nuncupare solebant. Adrianus Commius de prærogat. Sedis Apost. adversus Triglandium. Johannes Forestus Ord. Min. de auctorit. Papæ, & Ecclesiæ summi. Pastor. Eduardus Worslæus Societ. J. in tract. de ratione, & religione, ubi de infallibil. Rom. Ecclesiæ. Franciscus Macedo de Clavibus Petri. Franciscus Cardinalis Rupisfucaldius de auctorit. Ecclesiæ, & Rom. Pontif. Gabriel Martinus Gallus adversus Vulsonem Calvinistam de auctorit. Rom. Pontif. Nicolaus Coeffetellus Episcop. Massil. in resp. ad Jacobum Angliæ Regem, ad Duplessium Mornæum, & M. Antonium de Dominis. Clemens Cardinalis Dolera Episcopus Fulginas Ord. Minor. in comp. instit. Theolog. Vincentius Candidus Ord. Præd. de Primatu Petri. Marcus Corregiajus de Hierarchia Ecclesiæ. Cajetanus Constantinus de sing. Primatu S. Petri, & Rom. S. Petri Pontificatu. Stephanus Menochius in Lucæ 22, quem cum aliis in suas partes trahere perperam adnixus est Launojus.

Quibus accedunt Gregorius Nugnez Coronelli Ord. S. Augustini Lusitanus lib. de vera Christi Ecclesia. Thomas Jacomellus Pedemontanus Episcopus Tolonenfis de auctorit. Papæ. Johannes Gropperus Colonienfis inter S. R. E. Cardinales a Paulo IV. cooptatus fidei Catholicæ adversus Hermannum Archipræsulem apostatam vindex accerrimus in instit. catholica. Cardinalis Albitius in tract. 1. de inconstantia in fide. Vincentius Bandellus de potest. Papæ. Johannes Azorius instit. moral. lib. 4. part. 2. cap. 4. usque ad cap. 20. Dominicus Bannez in 2. 2. S. Thomæ q. 1., & 8. art. 10. Petrus Bertanus de auctorit. Papæ. Johannes Hieronymus Albanus Eques, & Jurisconsultus illustris lib. de potest. Papæ, & Concilii. Nicolaus Pallavicinus Societ. Jesu in defens. Rom. Pontif. Jacobus Simanchas Jurisper. instit. Cathol. tit. 45. de Papa. Nicolaus Chichorius de præem. Rom. Pontif. Andreas Lao de Sum. Pontif. Didacus Stella in Luc. 22. Barradas tom. 4. commen. in eundem locum. Antonius Augustinus in epitome juris Pontificii. Jodocus Coccius in thesauro Catholico, qui magno mihi subsidio fuit. Leonardus Marius de Ecclesiæ hierarch. adversus Spalatensem. Gregorius Valentia in 2. 2. S. Thomæ q. 8. art. 10. §. 40. & 45. Maldonatus in Luc. 22. Antonius Perez in Pentath. fidei lib. 1.

dub. 24,

dub. 24 , & lib. 5. dub. ultimo . Guido Vernanus de potest. summi Pontif. Antonianus Cardinalis de primatu S. Petri . Cartierius de auctor. , & infallib. Pontif. in fidei , & morum quæst. Pius Raymundus Ruffus lib. de Rom. Pontifice . Johannes Belletinus Clericus Regul. in doctrina Concilii Tridentini . Martinus Beccanus in Controversiis . Rudolphus Cupertius lib. de Sacros. Romana Ecclesia . Ludovicus Orianus de potest. Pontif. Leonardus Coquæus Ord. S. Augustini in Antimornæo tom. 1., & 2. Dominicus Gravina de Cathol. præscript. tom. 4. p. 2. q. 2. art. 1. Cornelius a Lapide in Luc. 22. Jacobus Gretzerus in defens. Belarmini . Gabriel Albaspinæus Episcopus Aurelianensis in adnotat. ad Tertul. lib. de pudicit. cap. 1. Jodocus Loricibus in thesauro theolog. Franciscus Fevardentius Ord. Minor. in not. ad S. Irenæi lib. 3. cap. 3 ; de quo alibi dictum est . Johannes Lensæus in tract. de una in terris Christi Ecclesia . Combessius de actis VI. Synodi . Andreas Justinianus Ord. Prædic. de potest. Papæ adver. Derallium . Franciscus Torrensis de auctorit. Pontif. supra Concil. Dominicus Segnerus de Primatu Pontif. Johannes Baptista Gonet de Rom. Pontif. Lancius de potest. Pontif. Beltranus Guevara in propugnac. Pontif. potest. Franciscus Leyta in clypeo Pontif. dignit. Cardinalis Richelæus in defens. Rom. Pontif. Jacobus Bidermannus Soc. Jesu in prolusion. Theolog. de Rom. Pontif. dignit. Angelus Ferrus Ord. S. Augustini de auct. Summi Pontif. Jacobus Naclantus Ordin. Prædic. de Primatu S. Petri . Conradus Clingius lib. 3. de Rom. Pontif. Johannes Delphius de potest. Pontif. Antonius Florebellus de auctorit. Ecclesiæ Capituli . Cornelius Hazart Soc. Jesu de Prim. Eccles. Rom. Jacobus Vernantius Carmelita Gallus in defens. auctorit. Pontif. Antonius Parinus de Rom. Pontif. infallib. Jacobus Hessalius de perpet. Cathed. S. Petri . Luchefinus de Pontif. auctor. , & infallib. Jobertus de Barault Archiep. Arclat. in scuto fidei cathol. Antonius Paulucius de Eccles. , & Pontif. Johannes Tagliaferus de Eccles. , & ejus Capite . Franciscus Suarezius tract. de fide disp. 5. Albertus Sennerus in armament. Evang. controuv. 5. Henricus Lancellotus in libello controuv. adver. hæret. Franciscus Harlæus Archiepiscopus Rotomagensis in apologia pro Catholicis ad Jacobum Bri-

404 PRIVILEGIA ROM. PONTIFICI

tannæ Regem lib. 2. cap. 1. usque ad 12. Michael Mauclerus de Monarchia Eccles. p. 2. lib. 4. cap. 4. & seqq. Adamus Tannerus tom. 3. disput. 1. q. 4. Dominicus a S. Thoma contr. 237. de Eccles. & Papa. Fortunatus Scachus Ordin. S. Augustini in tract. de Canonizat. Sanctor. ; Johannes a Celaja Doctor Parisiensis in 3. dist. 25. q. 4. Andreas Duvallius Doctor Parisiensis in tract. de suprema Pontificis potestate. Spondanus, Bzovius, Wadingus, Raynaldus, Laderchius in annalibus frequenter. Utque nonnullos ex meo Cappuccinorum Ordine commemorem, qui spartam hancce speciatim exornaverunt, missis ceteris multo pluribus, qui eodem functi sunt munere in tractatibus qua Polemicis, qua Theologicis, Zacharias Boverius lib. 1. contr. demonstrat. 4. art. 10, & 11. ; & lib. 3. demonstr. 3. art. 6, & seqq. Archangelus Leslæus Scotus de potest. Rom. Pontif. in Principes sæculares, & in rebus fidei definiendis lib. 1, & 2. Michael a Castrofranco Gallus de suprema auctorit., & infallib. Pontif. Octavius Worst de summo, & infallib. Orbis christiani in rebus fidei tribunali, & in apologia. Valerianus Magnus de infallib., & Primatu Pontificis. Aloysius Tarfellus de Primatu Pontificis contra Græcos. Dionysius de Rives Gallus de Primatu S. Petri, & Eccles. infallib. Johannes Baptista Abrincensis in contr. de Primatu Pontif. Ivo Parisiensis de potest. Rom. Pontif. adversus Novatores. Nicolaus Asboldus Hibernus de auctorit. summi Pontif. adversus Protestantes. Silvester Lavallensis in lib. inscripto : *Juste amplitudines Ecclesiæ Romanæ* ; alique, quibus ex omni genere, ordine, & schola sexcenti Apostolicæ Sedis juribus studentissimi adstipulantur, quos inter singulari nomine

Audiunt Cardinalis Brancatus de Lauræa tom. 3. de fide disp. 5. art. 2. Ignatius de Fiume de schola verit. orthod. tract. 3. lib. de Rom. Pontif. Verricelli de Apostol. Mission. q. 182. sect. 8. Johannes Dartis Gallus in tract. de benef. sect. 1. cap. 3. Hyacinthus Calvet Gallus item in 22. lib. 2. de fide §. 5. Johannes Puteanus Doctor Parisiensis in 22. S. Thomæ q. 1. art. 6. Arriaga Theolog. disput. 9. Amicus Theolog. tom. 4. disput. 7. Caramuel Theolog. fundam. fundament. 8. Malderus Doctor Lovanienfis in 22. S. Thomæ q. 10. art. 1. Franciscus de Castillo in 3. disp. 16.

disp. 16. q. 6. Vivaldus Pedemontanus in Monteregeali natus in
 append. ad Candelab. cap. 12. Arragonius in 2. 2. S. Thomæ de
 Pontif. q. 1. art. 10. Fragosus tom. 2. de Republ. lib. 1. disp. 1.
 Granadus in 2. 2. controver. 1. tract. 7. disp. 2. Pitigianus in 3.
 disput. 25. q. 2. Poncius Theolog. disput. 28. q. 2. Silvius con-
 trov. lib. 4. q. 2. art. 8. Petrus Talbot Archiep. Dublin. de Relig.,
 & Regim. Josephus Stephanus de potest. coact. Pontif. Marcus An-
 tonius Capellus Ord. Min. de summ. Pontif. Petri, & success.
 Auctor libri gallice inscripti: *Remarques sur le traite historique*
de l'etablissement, & des prerogatives de l'Eglise de Rome de M.
Maimbourg; Elias Astorinus de potest. Sedis Apostolicæ. Clau-
 dius Sommier Archiepisc. Cæsareensis histor. dogm. Sedis Aposto-
 licæ. Augustinus Reding Benedictinus de Cathedræ Apost. au-
 ctoritate contra 4. propositiones Cleri Gallicani an. 1682. Au-
 gustinus Barbosa collect. ad decret. 1. p. C. *Si Papa* dist. 40. Ro-
 dericus Acunha comm. in idem cap. Antonius Diana in dogmati-
 co tract. 3. Johannes de Ject Doctor Parisiensis in tract. de au-
 thorit. Pontif., quo Simonem Vigorium egregie refellit. Richar-
 dus Smith Vicarius Apostolicus in Angliā in tract. de Hierarch. Ec-
 cles. Ludovicus Cellotius Soc. J. in tract. de Hierarch. Eccles.
 Johannes Bagotius lib. 4. instit. disp. 3; quamvis quod una ædi-
 ficat, altera deinde manu destruit. Vincentius Regius in elucid.
 Evang. lib. 5. cap. 11. Prosper Fagnanus in decret. Christianus
 Lupus in notis ad Synodum VI. C. 6, in tract. de S. Gregorii VII.
 dictatu, & in epist. S. Thomæ Cant. Raymundus Capisuchi Car-
 din. in Controv. Leo Allatius de Eccles. Orient., & Occid. per-
 pet. consens. lib. 1. Johannes a S. Thoma 22. q. 1. art. 3; &
 disp. 9. art. 1, & 2. Vincentius Ferre in 2. 2. tract. de fide q. 12.
 Emanuel Schelestratus dissert. in Concil. Constant. Johannes
 Thomas Rocaberti Archiepisc. Valentinus in tract. de infallib.
 Pontif. Cardinalis de Aguirre in defens. Cathedræ S. Petri. Car-
 dinalis Sfondratus in *Gallia vindicata*, & *Regali Sacerdotio*. Ri-
 chardus Soc. J. in Clypeo Rom. Eccles., a quo libro maximam
 Græcis schismaticis creatam invidiam fuisse auctor est ipsemet Ri-
 cautius Anglo-Calvinista in opusc. de statu præsentis Eccles.
 Græcæ cap. 1. Paulus Fabulotus in tract. de auctorit. Papæ. Au-
 ga-

gustinus de Bellis de absoluta D. Petri Monarchia. Angelus Petricca Ordin. Minor. de potest. Apostol. adver. Gabrielem Philadelph. disput. 2. Michael Lequiennius lib. inscripto *Stephani de Altimura Ponticensis contra schisma Græcorum*. Franciscus Denghien in respons. hist. Theologica ad Cleri Gallicani de potest. Eccles. declarat. Franciscus Antonius de Simeonibus de Rom. Pontif. judic. potestate. Nicolaus du Bois in 2.2.q.10.art.10. Antonius Charlasius de libert. Eccles. Gallic. lib. 8, & 10. Dominicus a Ss. Trinitate Gallus in Bibliot. Theolog. tom. 3. lib. 3. Tyrus Gonzalez in tract. adv. 4. Artic. Cleri Gallicani in Comit. an. 1682. Johannes Baptista Braschius de libertate Eccles. in confer. Eccles. benef. tom. 3. resp. capp. 11, & 15, multisque aliis in locis. Argiræus in Theatro univ. juris discept. Eccles. 7, 8, & seqq. lib. 2. Matthæus Petrididierus in tract. de Conc. Constant; & de infallib. Rom. Pontif. Cardinalis Gotti de vera Christi Ecclesia. Cardinalis Lucinius dissertat. de infallib. Pontif. Bacchinus in epistol. polem. advers. Piceninum. Cherubinus Romanus ad tit. de *Major. & Obedientia*. Cavalchanti Archiepiscopus Cofentinus in Vindic. Roman. Pontif. Ludovicus du Mesnil doctor, & discipl. Eccles. lib. 3. n. 15; lib. 24. n. 1; lib. 25. n. 34; lib. 31. n. 18; & lib. 41. n. 6. Leoratus adv. Pictetum. Lucius Ferraris Ord. Min. in Bibl. canon., jurid., Moral., Theolog. &c. tom. 6. V. *Papa* art. 2. Matthæucius; Roncaglia; Mansius; Platina; Orsius de Rom. Pontif. auctor., & infallib. Mamachius orig., & antiquit. Christ. lib. 4, & 5. Anonymus Lovaniensis in opere, cui titulum fecit: *Discutitur doctrina Hadriani Papæ VI.* Alter Anonymus auctor geminæ dissertationis de potestate suprema, & infallibili Rom. Pontificis. Johannes Antonius Blancus de potest., & polit. Ecclesiz. Auctor observat Theolog. hist., & crit. in hist. Eccles. D. de Fleuri; atque innumeri alii Apostolicæ Sedis acerrimi vindices, quibus præter jam laudatos plerique multi ex Gallis doctissimi viri paullo infra celebrandi ad stipulati sunt, quibus cum collati Gersonius, Petrus Alliacensis, Jacobus Almainus, Johannes Major, Alphonsus a Castro, Simon Vigorius, Johannes Launojus, Elies Dupinus, Natalis Alexander, de Withe, Jacobus Benignus Bossuetius, alique pauci, quanti fieri

fieri apud æqui bonique æstimatores possunt ? plane admodum parvi . Confer , qui Catalogos eorum Scriptorum , a quibus pro Romani Pontificis infallibilitate , potiorique præ Concilio potestate pro viribus pugnatum est , attexuerunt , præter Jodocum Coccium , & Nicolaum Sanderum , Jacobum Aloysium genere Gallum , professione Carmelitam , & Johannem Thomam Rocabertum Ord. Præd. Magist. Gener., ac dein Archiepiscopum Valentinum .

Non nescio , nec nego plerosque ex illis ; quos in partes Romani Pontificis descendisse modo dicebam , de Pontificis Primatu dumtaxat intelligi posse , ut reapse intelligendos adversarii jubent . Verum ceteri tractatores , qui accuratius de Pontificis Romani privilegiis egerunt , Primatus hujusmodi appendices esse cum supremam supraque Concilium potestatem , tum in fidei causis infallibilitatem docuerunt ; aliorum etiam eandem sententiam existimarunt jugi traditione a majoribus acceptam , in Ecclesia religiose servatam , atque a Theologis universis traditam . Adeo id extra dubitationis aleam positum plerique arbitrati sunt , ut neque a diris censuris abstinerent , quibus adversam sententiam inurere non dubitarunt . Sane improbabilem illam , quæ infallibilitatem inficiatur , vocant Malderus , & Wigers : Temerariam Stapletonus : Erroneam Franciscus de Castillo , Arragonius , Fragosus : Hæresi proximam Bellarminus , Tannerus , Granadus citans Melchiorem Canum : Hæreticam Dominicus a SS^{ma} Trinitate , Suarez , Pitigianus , Valentia , Bannez , Amicus , & Diana referens ab se consultos Salmaticenses respondisse de fide tenenda plane esse , quæ a Pontifice tenenda proponuntur . Horum loca habes superius descripta . Quoad illam vero opinionem , quæ Pontificem infra Concilium collocat , erroneam nuncupant Cajetanus , & Stapletonus : Hæresi proximam Bellarminus , & Wigers : Hæreticam Christianus Lupus , Nicolaus du Bois , & Nicolaus Cevoli Patritius Romanus in lib. inscripto : *Atlas Antigraphæus adversus declarat. Cleri Gallic.* Notis aliis afficiunt alii Recentiores , quas persequi omnes non præstat . Ego consulto abstinendum duco a censuris , quæ animos magis exasperent , quam evincant , aureis potius utendum arbitratu regu-

regulis, quas in suo Commonitorio tradit Vincentius Lirinensis, ex quibus sic instaurare est argumentum. Prima regula est, quam tradit cap. 3. his verbis: *Magnopere curandum est, ut id teneamus, quod ubique, quod semper, quod ab omnibus creditum est. Sed hoc ita demum fiet, si sequamur universitatem, antiquitatem, consensionem. Sequemur autem Universitatem hoc modo, si hanc unam fidem veram esse fateamur, quam tota per Orbem terrarum consistetur Ecclesia: Antiquitatem vero ita, si ab iis sensibus nullatenus recedamus, quos SS. Majores, & Patres nostros celebrasse manifestum est: Consensionem quoque itidem, si in ipsa vetustate omnium vel certe pene omnium Sacerdotum pariter, & Magistrorum definitiones, sententiasque sectemur.* Atqui Romanum Pontificem Concilio generali longe præstare, eundemque in fidei rebus falli, atque fallere nescium esse, id, inquam, ubique, id semper, id ab omnibus creditum est: Sed & id demum, ut credatur, efficiunt universitas, Antiquitas, & Consensus: Universitas videlicet in Conciliis congregatæ Ecclesiæ; Antiquitas etiam SS. Patrum scilicet tum in Conciliis, cum in scriptis; Consensus tandem Doctorum, & Theologorum in eandem sententiam euntium: ergo curandum magnopere est, ut id teneamus. Secunda regula est, quam tradit ejusdem Commonit. cap. 26, ubi recensitis verbis illis Apostolicis 1. ad Timoth. 6. *O Timothee depositum custodi, devitans profanas vocum novitates*, subtexit: *Si vitanda est Novitas, tenenda est Antiquitas; & si profana est Novitas, sacrata est Vetustas*: & cap. 33. subdit: *Profanas, inquit, vocum novitates devita, quas recipere, atque sectari nunquam Catholicorum, semper vero hæreticorum fuit.* Atqui antiqua sententia est, eam namque omni ætate tradidere in Conciliis Patres, in scriptis Auctores Ecclesiastici, nempe Romanum Pontificem Concilio generali supereminere, eundemque in rebus fidei esse infallibilem: Novitia vero opinio est, quæ nonnisi a Concilii Constantiensis epocha inuenta a nonnullis est, quod idem Pontifex Concilio generali sit inferior, ac in fidei rebus fallibilis; ergo ista vitanda, illa tenenda; sacrata illa, profana ista, quæ semper hæreticorum fuit; nunquam catholicorum esse debet.

Ex

Ex Imperatorum, Regumque Dictis, & Gestis

ARTICULUS IX.

Supremam in Ecclesia potestatem divini esse juris, summumque Romani Pontificis in S. Petro a Christo Domino Primatum institutum fuisse, post antiquos hæreticos Nabatos, Valentinianos, Marcionitas, Montanistas, & Donatistas apud S. Augustinum epist. 48. ad Vincentium Rogatistam; epist. 50. ad Bonifacium, & epist. 156. ad Honor.; Nestorianos, & Iconoclastas apud Melchiorum Canum lib. 4. de locis Theologicis cap. 1; & Græcos schismaticos nonnullos pernegant Novatores Johannes Hus, & Wicleffus; Lutherus, & Calvinus lib. 4. Instit. cap. 7; Buccerus, & Jacobus Rex Angliæ in præfat. 57, & 61; Suvenchfeldius, & Munsterus gemina Anabaptistarum sectæ Capita; Flaccus Illyricus; Duplessius Mornæus, & Marcus Antonius de Dominis. Et quidem Papæ Primatum in Ecclesiam a sæculi Potestatibus invecum pugnant Marfilinus Patavinus, Johannes Wicleffus, & Johannes Hus, qui plane a Constantino Magno ob Canonem *Constantinus* dist. 96. pseudo-epigraphum existimasse videntur. Calvinus lib. 4. Instit. cap. 5. Pontifici Primatum delatum, & quidem in Græcos a Phoca; in Germanos, & Gallos a Pippino, & Carolo Magno contendit. Idem de inducto a Phoca Primatu propugnant Centuriatores Magdeburgenses Centur. 6: ii sunt Flaccus Illyricus, Johannes Wigandus, Matthæus Judex, Basilius Faber; quibus operam commodaverunt suam Nicolaus Gallus, Scelestinus, Huttenus, Gaspar Nidpouchius, Johannes Baptista Heincellius, alique e pece Lutherana profecti homines pestilentissimi. Id ea ratione putantes, quod lege lata Phocas sanciverit, ut Romana Ecclesia Caput omnium Ecclesiarum haberetur, neque ulla ante eam tempestatem de Romanæ Ecclesiæ Primatu mentio alibi occurrat. Eodem in erroris luto versantur Theodorus Bibliander in chron. tabula 11; & Lutherus in lib. de supput. temp., qui tamen lib. de potestate Papæ in alteram concedens sententiam a Constantino IV. Imperatore potius

Part I.

F ff

Pon.

410 PRIVILEGIA ROM. PONTIFICI

Pontifici Primatum attributum autumat; cujusce rei testem producit Platinam in vita Benedi&ti II. Vapulant vero ii omnes pro meritis a Bellarmino, Boverio, sexcentisque aliis de Schola Theologis.

Supremam eandem in Ecclesia potestatem, seu Primatum in S. Petro a Christo Domino institutum nullo unquam tempore penes sacras personas constituisse, sed qui Rempublicam curarent, iidem Principes Religionem administrarent, utriusque rei cum Civilis, tum Ecclesiasticæ summam unum penes Principem stetisse, adeo ut Principis partes perinde sint de rebus ad Religionem spectantibus dignoscere, & dijudicare, eundemque Principem summum post Christum in Ecclesia Caput esse, a tempore Henrici VIII. Angliæ Regis, & deinceps Anglo-Calvinistæ, atque Presbyteriani præcipue ogganniunt: quorum quidem partes amplexati sunt, ultroque adjuvarunt Hugo Grotius de Imperio summar. Potest. circa sacra, laudans Confessiones Belgicam, Helveticam, & Basileensem; item Brentium, Hamelmannum, Musculum, Buccerum, Ivellum, Witacherum, Reinoldum, Casaubonum, Paræum, Burhillum, Tocherum, & Goldastum: Thomas Heraustus apud Heidegerum in corp. Theolog. Christ. loc. 27; Ludovicus Molinæus, & Lambertus Velthuisius apud eundem Heidegerum; Johannes Franciscus Budæus Isagog. hist. Theolog. tom. 2. lib. 2; Johannes Milton tract. de potestate civili in rebus Ecclesiast.; Thomas Leydecherus ad Georgii Hornii hist. Eccl.; Samuel Strychius disert. de jure Papal. Princip.; Antonius Walæus de auctorit. Magistrat. in rebus Eccles.; Nicolaus Vedelius disert. de Episcopatu Constantini Magui; Albertus Riperus lib. de potest., & officio Principis in sacris; Henricus Henninges lib. de summa Imperatoris Romani potestate; Robertus Abbot de supr. Reg. potest.; Mortonius de auctor. Principum; Puffendorfius, aliique plures, quibus accessere Richardus Hooker de regim. eccles. Ecclesiæ Anglic.; & Rolandus Wayer in tract. de Reg. anct. in regim. Eccles. Omero Talonio tributo; adjungendique Geniillerus, Gortofredus, Goldastus &c., contra quos alii ex grege ipso Protestantium pugnant, e quibus Beza; Revius; Triglandius; Voetius; Johannes Gerardus Vossius;

sius ; Alexander Morus ; Bochartus in epist. ad Morlejum ; Thorndicius in originibus Ecclesiasticis, alique : nec abludit Marcus Antonius de Dominis lib. 6. de Republ. Eccles. cap. 3. Ex nostris vero celeberrimus Thomas Morus ; Baronius ad an. 752 ; Bellarminus lib. 1. de Rom. Pontif. cap. 7 ; Boverius lib. 1. demonstr. veræ, & falsæ relig. demonstr. 3. gener. art. 5 ; Petrus Soto in assert. fidei Cathol. ; & in defens. Cathol. confess. advers. Brentium ; Petrus Talbot Archiepiscopus Dublinensis in tract. de Relig. & Regim. ; Bossuetius defens. p. 1. lib. 2. cap. 33 ; missisque aliis nuperrime viri doctissimi Johannes Antonius Blanchus de potest., & polit. Eccles. tom. 1. lib. 1 ; & Thomas Maria Mamachius orig., & antiq. Christ. lib. 4. cap. 2. Quo de argumentis parte 2. Vindiciar. suis erit, opportuniorque agendi locus .

Utrumque hoc Hæreticorum assertum falsitatis apertissimæ ex dictis hætenus, & ex dicendis arguitur, scilicet tum ex verbo Dei scripto, tum ex verbo Dei tradito, tum ex usu perenni exercitiæ potestatis a Romanis Pontificibus . Id unum hic demonstrandum adgredior ab Imperatoribus, & Regibus, qua dictis, qua factis eamdem agnitam, & assertam auctoritatem, qua Romani Pontifices supra omnes in Ecclesia potes essent, ut quos unos penes Christianæ rei summa consisteret. Atque quidem innumera, tum qui ante Phocam, tum qui postea Imperii, aut Regni clavum tenuerunt, Imperatorum, & Regum exempla hanc in rem suppeditat historia Ecclesiastica, quæ omnia perstringere operis non est pretium, sed præcipua tantummodo perlustranda mihi proposui. E quibus interea illud, quod plerique ex nostris ex Philippo Imperatore laudibus efferunt, quem Eusebio lib. 6. cap. 27, & Nicephoro lib. 1. cap. 25. fidentes a S. Fabiano Pontifice Maximo pœnitentiæ subiectum fuisse affirmant, hic amandandum obiter existimo. Etsi enim utrumque Philippum Patrem, Filiumque Christianæ religioni nomen dedisse auctoritate Eusebii non modo, sed & S. Dionysii Alexandrini apud eundem lib. 7. cap. 10 ; Leontii apud Eusebium lib. 6. cap. 34 ; S. Chrysostomi quoque hom. de S. Babyla Martyre ; S. Hieronymi insuper de Scriptor. Eccles. in *Origene* ; Vincentii Lirinensis Com-
monit. cap. 23 ; Orosii lib. 7. cap. 13, aliorumque ducti existi-

marint Baronius ad an. 246, Huetius lib. 1. Origenian. cap. 3, Westenius in præfat. ad lib. Origen. adscriptos contra Marcionem; Moynius in not. ad varia sacra; Bollandus ad diem 20. Jan. tom 2; Natalis hist. Eccles. ad sæcul. III. synop. cap. ult.; Ciampinus in disquisit. de duobus Emblem., aliique Aëtis maxime confisi S. Pontii Martyris Cimellensis editis a Baluzio, & Bollandus ad diem 14. Maii, quæ duos Philippos Cæsares Patrem, & Filium a S. Pontio ad fidem Christi conversos commemorant. Contra tamen Eusebii, ceterorumque hac in re eidem adstipulatorum fidem sollicitare non sunt veriti; nec unquam a Philippo utroque de religione christiana cogitatum propugnant Scalliger in Chron. Eusebii; Kortholtus in dissert. histor. de Christianismo Philippi Alexandri, & Mameæ; Pagius in Crit. Baronii ad an. 244. n. 4, & seqq.; Cellarius in dissert. de primo Principe christiano; Spanhemius filius tom. 2. oper; Pictetus in dissert. adversus P. Fayum; Basnagius tom. 2. Annal.; Bosius exercit. 2. de Pontif. Rom. Imper.; Blanchinius in observat. ad Anast. in S. Fabiano; Monelia in dissert. de relig. utriusque Philippi; Du Mesnil doctr., & discipl. Eccles. lib. 6. n. 21, & seq.; Mamachius Orig.; & antiq. Christ. lib. 2. cap. 21, aliique plures eo ducti præsertim argumento, tum quod Pomponius Lætus rem attigerit, causamque aperuerit, qua decepti plerique Philippum Christiano nomine habuerint, quia nempe ille fraude ad fallendum compositus, ut scelera tegeret, cultum christiani nominis simulabat. Ceteri vero scriptores Eusebio aut cœvi, aut illius ætatis vicini diserte tradiderunt Constantinum Imperatorum omnium primum Christo nomen dedisse, uti Lactantius in proœm. lib. 1. Instit; Severus Sulpitius lib. 2. hist. sacræ; S. Ambrosius orat. de obitu Theodosii; Theodoretus lib. 5. cap. 39; Auctor vitæ S. Pachomii cap. 1; Epiphanius Diaconus in Concilio Nicæno II. act. 6; Constantinus Porphyrog. lib. de administr. Imper. cap. 12. Quid imo, quod Eusebius ipse tradidit id ipsum lib. 4. vitæ Constant. cap. 62., laudato vero libro hist. Eccles. de Philippi religione id refert ex fama? tum quod Philippus uterque quum Romam an. 248. venisset, rem divinam falsis Numinibus fecit, ludosque celebravit, qui pleni crudelitatis, & insanæ super-

superstitionis erant ; anno vero sequenti 249. Veronæ uterque interfectus est . Cujusmodi rei argumentum sunt Nummi eorum jussu cusi , in quibus uterque Idolis sacrificans exhibetur . Non moveri autem se ajunt S. Dionysii , & Eusebii testimonio id ex fama , rumoreque falso referentium , quibus nihil mirum alios perinde fidem adhibuisse . Multo minus morari Acta S. Pontii Martyris , quæ fabularum esse refertissima , vel ex eo uno liquet , quod gentem Romanam pene universam sub Philippo Imperatore , christianæ religioni vota sua nuncupasse referant : quandoquidem vel tempore Honorii Imperatoris adhuc a Romanorum plerisque falsa Numina colebantur . Sed de his consule laudatos scriptores , atque nobis quidem p. 2. recurret sermo . Rejeto hoc igitur exemplo alia plane sunt promenda , de quibus nullus dubitandi locus sit reliquus : quorum pleraque etsi propius conficere propositum non videantur , eò tamen collineant omnia , ut præ ceteris Romanum Pontificem peculiari semper loco a Principibus habitum persuadeant , ideoque apprime illis persuasum speciali prærogativa Romanum Pontificem a Christo Domino fuisse insignitum omnino ostendant .

Ex Imperatoribus Orientis , & Occidentis .

§. I.

A Tque quidem pervulgatam rem apud Ethnicos ipsos fuisse , quod apud Christianos rerum omnium sacrarum summam unus gereret Romanus Episcopus , oportet , quandoquidem Decius tolerabilius audivit levare adversum se æmulum Principem , qui cum ipso de Imperio contenderet , quemque fuisse Lucium Priscum autumat Pagius ad annum 2513 Julium Valentem censet Blanchinius in not. ad Anast. tom. 2 , quam æmulum Romæ Sacerdotem , qui tum temporis erat S. Cornelius , uti loquitur S. Cyprianus in epist. 52. ad Antonian. Ex quo loco Lupus , & Alaspinæus arguunt Decio ex Romani Pontificis dignitate , quasi ex ea plurimum dignitati , qua ipse Pontificis Maximi inter Ethnicos potiebatur , iret detractum , invidiam , iramque con-

sta-

flatam; missumque propterea Valerianum tum Censorem ad Pontificem de medio tollendum. Aurelianus autem, qui anno 270. Imperii fastigium adeptus est, domum Patriarchæ Antiocheni, quam Paulus Samosatenus a duabus Synodis Antiochenis anno 265, & 269. celebratis apud Valesium in not. ad Eusebium lib. 7. cap. 30, Pagium in Crit. ad annum 271. n. 2, & Harduinum, tom. 1. proscriptus, & gradu dejectus Domno Patriarchæ suum in locum legitime subrogato dimittere detrectabat, illi tradi iussit, cui Romanus Episcopus cum Italiæ Episcopis eam adjudicasset, ut refert Eusebius lib. 7. hist. Eccles. cap. 30.

Constantinus re, & nomine Magnus, qui Imperatorum primus impense christianam Religionem colere cœpit, tot, tantisque dictis, factisque præclaris Romani Pontificis summam dignitatem, potestatemque veneratus, testatus, & tuitus est, ut ex illis duos integros libros adornandi Augustino Steuco Eugubino Chisamenfi Episcopo facultas fuerit. Unum, vel alterum locum laudabo. In causa Cæciliani divexati a Donatistis ad se delata nefas arbitratus se se istiusmodi negotiis implicare, istudque genus controversiarum expedire ad Romanum Pontificem pertinere optime intelligens, litteras ad S. Melchiadem dedit, quas refert Eusebius lib. 10. cap. 5, quarumque meminit S. Augustinus epist. 162, quibus significavit pacem Reipublicæ sibi summæ curæ esse, apud ipsum vero Religionis Christianæ summam consistere. Igitur ipse coacta Synodo de causa Cæciliani inquireret, idque, quod justum esset, judicaret. *Placuit, inquit, mihi, ut idem Cæcilianus una cum decem Episcopis, qui accusare ipsum videntur, & cum decem aliis, quos ipse ad suam causam necessarios esse judicaverit, Romam naviget, ut ibi coram Vobis, & coram Rethicio, Materno, ac Marino Collegis vestris, quos ea causa Romam properare iussi, possit audiri, quemadmodum sanctissimæ legi convenire optime nostis.* Donatistæ itaque a S. Melchiade anno 313. in Concilio damnati sunt.

Neque obtrudas 1. id iudicii non Pontifici, sed Synodo ab Imperatore demandatum, atque teste S. Augustino cit. epist. 162. Pontificem idcirco non usurpasse iudicium illud, quod ipsi Imperator iudicandi de ea causa provinciam demandasset. Nam 1. ea de re Episcopos, qui cum Pontifice iudices assiderent, Romam mi-

sit

sit Imperator , quod illos postulassent Donatistæ , quibus id concedendum ratus ille est , ut ita facilius dirimeretur causa : Pontifex autem præter eos , qui ab Imperatore designati fuerant , alios quindecim ex Italia Episcopos delegit , eaque de causa delegit , ut facilius eorum omnium iudicio Donatistæ adquiescerent . Cæterum in huiusmodi circa facta personalia iudiciis falli Pontificem posse ; huiusmodi quoque iudicia in causis Africanæ Ecclesiæ ad ius Pontificis Romani , non etiam Episcoporum Italiæ , pertinere noverant Pontifex , Imperator , Africani Episcopi , & Donatistæ . 2. S. Augustinus cit. epist. 162. probe agnovit procul dubio Melchiadem proprio iure de causa illa iudicasse , iudicioque suo finem illi imposuisse , nam loquens de Cæciliano ait : *Posses non curare (Cæcilianus) conspirantem multitudinem inimicorum , quum se videret , & Romanæ Ecclesiæ , in qua semper Apostolica Cathedra viguit Principatus , & cunctis terris , unde Evangelium ad ipsam Africam venit , per communicatorias litteras esse conjunctum , ubi paratus esset causam suam dicere , si adversarii ejus has Ecclesias ab eo alienare conarentur .* In epist. 171. ea de re datos Judices a Constantino , quos Donatistæ postulaverant , perhibet , quod Africani Episcopi apud Donatistas suspitione laborarent . Igitur quum epist. cit. 162. scripsit a Pontifice non fuisse usurpatum illud iudicium , id scripsit arguendo ad hominem contra Donatistas , quasi diceret : etiamsi vobis daremus à Donatistæ Melchiadem iudicandi de Cæciliani causa potem non fuisse proprio iure , potuit id tamen , vobis Imperatorem deposcentibus , ut Judices daret .

Neque obtrundas 2. a iudicio Melchiadis ad Constantinum appellasse Donatistas , a Constantino vero indictum Concilium Arelatense , in eoque Pontificis iudicium retractatum fuisse , atque iterato Donatistas damnatos , absolutumque Cæcilianum : imo a Concilio ipso Arelateni ad Imperatorem tertio interpositam fuisse a Donatistis appellationem , eaque suscepta Constantinum adversus Donatistas sententiam demum dixisse . Nam 1. etsi daremus a Melchiadis sententia appellasse ad Imperatorem Donatistas , uti re ipsa nonnulli , sicuti Pagius ad an. 313. n. 9. & seqq. , & Natalis hist. Eccles. ad sæcul. IV. cap. 3. art. 1. existimarunt , S. Oprati testi-

testimonio innixi, attamen nihil exinde Pontificis potestati detractum it; quum id iudicii ad Pontificem pertinere, nec ad suum tribunal interponi appellationem potuisse falsus sit Imperator, ut auctor est S. Optatus lib. 1. referens, primo Imperatorem profectum fuisse, quum a Donatistis urgeretur, se in causa Ecclesiastica Judicem esse non posse: *Petitis a me in saeculo iudicium, quum ego iudicium Christi expectem*: deinde Donato post damnationem ad ipsum confugienti respondisse: *O rabida furoris audacia! sicut in causis gentilium fieri solet, appellationem interposuerunt!*

2. At non damus Donatistas a iudicio S. Melchiadis appellasse ad Imperatorem, sed dumtaxat Judicem paucitatem, aliaque ejusmodi objiciendo, illi iudicio adquiescere noluisse: ita enim existimant Valesius de schism. Donatist. cap. 7; & Sirmondus in notis ad rescriptum Constantini Imper. ad Episcopos Concilii Arelatenensis in calce tom. 1. Concil. Labbei; neque nisi a sententia Concilii Arelatenensis ad Constantinum illos appellasse. Id vero constat ex S. Augustino lib. de unit. Ecclesiae cap. 18; enarr. 2. in Psal. 36; lib. contra Crescon. cap. 7; lib. 2. contra litt. Petil. cap. 92; & epist. 68, & 162, nunc 88, & 43, quibus in locis perhibet Donatistas post iudicium Romae habitum conquestos apud Imperatorem, quod Episcopi illi male judicaverint: ab Imperatore datos fuisse alios Judices Episcopos Concilii Arelatenensis, a quorum iudicio ad Imperatorem appellarunt. Ex quibus palam fit S. Optatum forte ignarum iudicii a Concilio Arelatenensi lati contra Donatistas, idcirco dixisse illos a iudicio Concilii Romani appellasse, quum, ut diximus, ex S. Augustino constet a iudicio Concilii Arelatenensis ipsos appellasse. 3. Etsi dederit Constantinus Arelatense Concilium post iudicium Pontificis, id egit non quod ita necesse esset, sed ideo, ut tandem Donatistas compesceret. Audiatur S. Augustinus in praec. epist. 162, ubi, *Dedit, inquit, ille aliud Arelatense iudicium, aliorum scilicet Episcoporum, non quia jam necesse erat, sed eorum perversitatibus cedens, & omni modo cupiens tantam impudentiam cohiberi*. Ad hanc cohibendam impudentiam subdit equidem S. Doctor ibidem restasse adhuc generale Concilium, quod eo sensu non dixit, quod putaret sententiam Romani Pontificis retractari posse, nam supra dixerat id non fuisse ne-

se necesse; quinimo Secundum Tingitanum, qui in Cæcilianum Synodo Carthaginensi interfuisse nolentem sententiam tulerat, redarguit iccirco, quod Cæcilianus coram Romana Ecclesia, *in qua semper Apostolica Cathedræ viguit Principatus*, causam suam dicere esset paratus: sed ut ostenderet nihil esse reliquum, quo Donatistis os obstrueretur, a quibus Antistites Concilii Romani, & Arelatenfis male iudicasse arguebantur, nisi Concilii generalis iudicium. 3. Absque S. Silvestri, qui Melchiadi successerat, auctoritate causam Cæciliani, & Donatistarum in Romano Concilio definitam, in Arelatenfi retractatam non fuisse ex eo liquet, tum quod ad Pontificem gestorum omnium in Concilio relationem Episcopi miserunt; tum quod ab eodem Pontifice, ut gesta, & decreta auctoritate sua confirmaret, & promulgaret Episcopi postularunt, *Placet, agentes, a Te, qui majores Diœceses tenes, potissimum omnibus insinuari*. Quem in locum confer, quæ tom. 1. pag. 253. adnotata sunt.

Cæterum Valefius in not. ad lib. 3. vitæ Constan. cap. 51. ingenuè concedit Constantinum aliquanto plus sibi in negotiis Ecclesiasticis vindicasse, quam laico Principi conveniret: ut illud Episcopos Judices ex Gallia destinandi: post Romanum Concilium aliud Arelatenfè concedendi: ac tertio post latum in Arelatenfè iudicium, novum coram se Mediolani instituendi. Leges Norisium hist. Donatist. part. 1. cap. 11; Tillemontium tom. 6. monum. hist. Eccles. art. 25, & 26; Pagium ad annum 313, & alios. Verum in eo excusandus, quod eam agendi rationem ab ipso exigere temporum illorum iniquitas videretur, nam alioquin teste S. Augustino cit. sæpe epist. 162, *Non ausus est, inquit, christianus Imperator sic eorum tumultuosas, & fallaces querelas suscipere, ut de iudicio Episcoporum, qui Romæ sederant, ipse judicaret*. Et infra agens de appellatione interposita a Concilio Arelatenfè ad Imperatorem, deque lato ab ipso iudicio, subdit: *Eis ipse cessit, ut de illa causa post Episcopos judicaret, a sanctis Antistitibus postea veniam petiturus; dum tamen illi, quod ulterius dicerent, non haberent, si ejus sententiæ non obtemperarent, ad quem ipsi provocaverunt, sic & illi aliquando cederent veritati*. Expressius id etiam scribit idem Imperator in epistola ad Episcopos Arelatenfens

tenſis Concilii apud S. Auguſtinum cit. epiſt. 162 : *Meum judicium expoſtulant, qui ipſe judicium Chriſti expeſto . . . O rabida furoris audacia ! ſicut in cauſſis gentilium fieri ſolet, appellationem interpoſuerunt . . . renuentes caeſte judicium, meum putaverunt poſtulandum.*

Eidem Constantino id etiam ſuccenſent, quod æque ac cum Ario cum S. Alexandro inclementer egerit, una data ad utrumque epiſtola redarguens, quod inutili quæſtione inter ſe digladiarentur: quod Euſebium Nicomediensem, alioſque Antikites hæreſeos Arianae cauſſa exulatum abire juſſos, reſtituerit: quod Arium jam damnatum in Eccleſiam recipi mandaverit: quod Euſebium Nicomediensem, alioſque Nicæno Concilio inſenſos acceptos habuerit: quod eoſdem in S. Athanaſium deſervientes non cõhibuerit: quod adverſus S. Athanaſium Tyriam Synodum, aliaſque coegerit: quod adverſus Epiſcopos Synodis ab ſe indiſtis adeſſe detrectantes graves pœnas decreverit: quod S. Athanaſium denique, quaſi frumentum, quod Alexandria comportari Conſtantinopolim ſolebat, prohibuiſet, exilem in Gallias amandaverit. Verum eſt via eundem Imperatorem excuſandi: quod S. Alexandrum, præpropere, ac præpoſtere in Arium egiſſe, pacemque levi de cauſſa turbaffe putaffe: quod Euſebium, alioſque ſuſpectæ fidei Epiſcopos culpam faſſos, factique pœnitentes intellexiſſet; in eamque Epiſcopos ſententiam conceſſiſſe, ut ſuis reſtituerentur illi Sedibus: quod Arium deſipere deſiſſe, atque demum ad frugem receptum ab Epiſcopis, quos orthodoxos putabat, audiviſſet; eorumque precibus ad eum reducendum Alexandriam permotus fuiſſet: quod Euſebianos rei chriſtianæ egregiam impendere opem, veræque fidei vindices agere fuiſſet perſuaſus: quod juſtam eſſe cauſſam in S. Athanaſium ſerviendi exiſtimaſſet; nam ubi reſcivit, non juſtitia ductos Epiſcopos in Tyrenſi pseudo-Synodo, ſed partium ſtudio permotos in S. Athanaſium animadvertiſſe, eoſdem Epiſcopos, ut ſe coram ſtarent, & actorum rationem redderent, juſſit: quod fraude, peſſimaque fide Synodiſe ſurripere Epiſcopos nonnullos, qui cauſſa in Synodis cadere certo ſcirent, autumaſſet: quod calunniam, verbo tandem, verum crimen credidiſſet.

Cæterum enim Constantinus Episcopos Christi locum tenere, eaque, ceu a Christo decreta, haberi debere affirmavit, neque se ullo modo Judicem Episcoporum esse, neque eorum auctorem, quæ ab Episcopis in Concilio agerentur. Ita testantur Eusebius lib. 3. de vita Constant. cap. 20; (si tamen is liber Eusebii genuinum est opus; nam vitæ Constantini scriptorem Acacium Lusum fuisse multis, nec sane contemnendis conjecturis ostendere nititur P. Mathias Fuhrmannus hist. sacræ de baptismo Constantini par. 1. colloq. 5. n. 38, & seqq.) S. Optatus lib. 1. advers. Parmen.; S. Augustinus locis cit., & Rufinus lib. 1. hist. Eccles. cap. 2. Unde Albaspinæus in notis ad S. Optati Milevit. locum illum: *Petitis a me in sæculo judicium, quum ego ipse, Christi judicium expectem. Hoc responsum, inquit, est notatu dignum, quo Imperator voluit ostendere Episcoporum controversias ab ipsis potius, quod Christi vicem gerant, dijudicandas esse, quam a laicis.* Hæc paullo fufius prosequuti sumus, ut Calvinio, aliisque gregalibus non modo, sed etiam Launojo in epist. ad Jacobum Boetium, aliisque hujus generis hominibus os obstrueremus, ex factis a Constantino in causa Donatistarum palam fieri effluentibus, posse a Romano Pontifice ad generale Concilium appellari, post quod adhuc reliquum sit Imperatoris tribunal, uti Calvinistæ subtrexunt. Sed de hoc argumento rursus parte 2. Vindiciar. Non moror Constantini epistolam ad S. Silvesterum, quæ a plerisque hanc in rem laudatur, ut quæ in eo apocryphorum censu reponenda sit, in quo acta S. Silvestro attributa reponi jam solent.

Valentinianus de Ecclesia universa, atque Episcopis optime meritus est: causis enim Ecclesiasticis, ac præsertim fidei immiscere se præcavit; atque quidem, ut refert Sozomenus lib. 7. cap. 7, Episcopis Provinciarum Helleponti, & Bithyniæ, in quibus dein celebratum fuit Concilium Lampfacenum, rogantibus aliquando, ut sibi de fide aliqua decernenda in cœtum cogi facultas fieret, respondit: *Mihi quidem in laicorum ordine constituto fas non est hujusmodi negotia curis suis scrutari: Sacerdotes vero, quibus id cura est seorsim, ubicumque voluerint, convenient.* Quinimo, ut liquet ex L. 20. *Quorum appellationes sint suscipiendæ,*

Chronopium quemdam Episcopum a Synodi judicio appellationem ad laicum tribunal interponentem multa pecuniaria in pauperes eroganda punivit. Præcipuum vero ipsius studium erga Romanum exarsit Pontificem. Manichæos, & Donatistas a Romanis Pontificibus damnatos legibus latis coercuit Leg. 3. de Hæret., & L. 1. *Ne S. Baptisma iteretur* in Cod. Theodof. Constatum ab Ursicino contra S. Damasum schisma Damasus rogante cohibuit; Basilicam ab eo usurpatam Damasus restitui jussit; Ursicinum vero, ejusque partiaros exulatum in Gallias pepulit, rescripto ad Prætextatum Urbis Præfectum misso. Legem tulit, quam ad S. Damasum Romam direxit, qua Clericos, & Monachos a viduarum domibus arcebat, cavebatque, ne quidquam a devotis mulieribus acciperent: L. 16. tit. 2. Cod. Theodof. *De Episcopis, & Clericis*, qua de lege S. Hieronymus in epist. ad Nepotianum, & S. Ambrosius minus, quam de Ecclesiasticorum avaritia, qui illam meruerant, conquesti sunt; ea de re Pontifices non postulasse, ut lex ista revocaretur, quod ea lege Clericorum avaritia, coaceretur, quandoquidem eandem, & in Ecclesiasticis ab Ecclesia semper execratam fuisse observat doctiss. Thomassinus veteris, & novæ discipl. p. 3. lib. 1. capp. 18, & 22, laudans eam in rem Concilium Cabilonense III. can. 6, & 7; cui concordant Turonense III. can. 51; & Moguntinum I. can. 6: animadvertens tamen ea lege Clericos quidem ab hæreditatibus ineundis amotos, non exclusam Ecclesiam. A Valentiniano, & Valente e Concilio Illyriciano, teste Theodoreto lib. 4. capp. 8, & 9, tres in divinis hypostascs, unamque divinam in tribus substantiam edito sancitam, decreto innixis ea de re in Synodo Romana lato a S. Liberio, vel ut aliis videtur, a S. Damasus, alibi diximus.

Gratianus, Valentinianus, & Theodosius, quo in honore Romanum Pontificem haberent, quantique ejus decreta, ac dogmata facienda forent, latis legibus fecerunt palam. Ut nihil heic meminerim legum, quibus Manichæos, Donatistas, Arianos, aliosque damnatos, atque a christiana Religione extorres compescere, & castigavere Cod. Theodof. LL. 18, & 20. *De Hæreticis*, & LL. 1, & 5. *De Apostatis*, petentibus S. Damasus, unaque Romana Synodo epist. anno 378. ad ipsos data, ut Ursicinum

in

in Urbem reversum, ac schisma restaurantem, ejusque gregales coercerent: ut quotquot, qui a S. Damaso, & Episcopis essent damnati, eorum judicio acquiescere cogerent; & quicumque in judicium ita vocatus adesse detrectaret, is ad Summi Pontificis tribunal se sistere compelleretur; aut si in remotis locis causa exagitaretur, ad tribunal Metropolitani deduceretur examinanda; si vero de Metropolitani causa ageretur, ad Romanum Pontificem, vel ad Judices illos, quos idem Pontifex designasset, pergere sine dilatione præciperentur: Gratianus, & Valentinianus edicto dato ad Aquilinum Urbis Vicarium ea S. Damasi, ac Synodi vota servari omnino jusserunt. Porro id Pontifex ab Imperatore petierat plurimam ob causam. Florentius Episcopus Puteolanus e gradu dejectus a Pontifice, primo ad Imperatorem confugiens de injuria sibi a Damaso illata conquestus fuerat; cui præclarum illud respondit Imperator; quod si Pontificis Romani judicium subjisset, jam sibi nullum patere amplius tribunal intelligeret, a quo judicium ejusmodi retractaretur. Florentius nihilominus pertinax in sententia Sedem dimittere detrectabat. Præterea Episcopus Parmensis, aut Portuensis, cujus ignoratur nomen anno 377. exeunte, vel ineunte 378. a Pontifice pariter exauctoratus loco pariter cedere nullo patiebatur modo. Restitutus quoque Episcopus Africanus, qui accusatus ab Imperatore fuerat jussus, ut Romæ coram Pontifice causæ suæ judicium experiretur, quominus in jus vocaretur, ac sententiam subiens per vim e loco deturbaretur, insolentium, iniquorumque collecta manu prohibebat. Postremo Claudianus partium Donatistarum Episcopus ab iisdem Donatistis Romam missus, ut ibidem Donatistarum Proseucham administraret, plurima contra Ecclesiam peccabat. His ergo malis ut occurreret Pontifex, laudatam a Pientissimis Imperatoribus impetravit legem, quam legere est tomo 1. epist. Decretalium.

Gratiano iterum supplicarunt anno 381. Aquilejensis Synodi Antifistites, ut Ursicinum una cum Arianis Mediolani novas turbas meditantem, novaque consilia Sedis Apostolicæ invadendæ ineuntem cohiberet: quod perlibenter ille præstitit. Maximus, qui Gratiano interempto Imperium invasit, maximopere de Romano Pon-

Pontifice sibi conciliando studuit, suumque pro fide catholica, studium, ut Pontifici manifestum fieret, eique probaretur, fategit, eam ob rem exarata ad S. Siricium epistola. Theodosius L. l. Cod. *De Summa Trinit.*, & *fide catholica*, id ipsum, atque Gratianus, & Valentinianus professus est, videlicet Romanum Pontificem Ecclesiæ universalem Pastorem, atque ab eo custoditam catholicam Religionem ab universis sectandam edixit: *Cunctos populos, (verba sunt legis) quos Clementiæ nostræ regit Imperium, in tali volumus Religione versari, quam Divum Petrum Apostolum tradidisse Romanis Religio usque adhuc ab ipso insinuata declaratur, quamque Pontificem Damasum sequi claret.* Ab eodem S. Damaso filiis suis Arcadio, & Honorio magistrum dari, a quo maxime in doctrina, & moribus Romanæ Ecclesiæ instruerentur, petiit Theodosius, ille vero Arsenium misit. Pleraque alia alibi persequemur ex Codice Theodosiano, quem primum publicam in lucem emisit Sichardus vir Lutheranus, ac deinde Sirmondus.

Honorius, si quis alius, erga Romanos Pontifices observantiæ fovendæ studio maximopere flagravit. Principio enim dum Romæ ageret sub id temporis, quo S. Johannes Chrysostomus a Theophilo Alexandrino, ejusque partiaris injuriam passus, iniqua sententia e Sede deturbatus, Arcadii etiam sententia, cujus credulitati, & religioni illi nequissime illuserant, in exilium deportatus, Apostolicam Sedem appellaverat, ab Innocentio Summo Pontifice exoratus, extimulatusque ad Arcadium bis, ac ter datis litteris adhortatus est, ut Thessalonicam, locum a Pontifice Maximo ad habendum Concilium designatum, quod unicum reliquum erat remedium refractariis iis, qui Apostolicæ Sedis judicio adquiescere renuebant, Orientis Episcopos convenire juberet, quò ipse properare Episcopos ex Occidente curasset, ut ibi actò cœtu de S. Chrysostomi causa dignosceretur, & dijudicaretur. Cæterum, addit, quod si ipse probe nosse desideret, quænam sit in causa Johannis Chrysostomi Occidentalium Episcoporum, ac Romani præsertim Pontificis sententia, facile intelliget ex duabus ex multis ejusmodi ab se delectis, quas subjicit, & subnectit litteris, cum S. Innocentii Pontificis Maximi, tum S. Chromatii Episcopi Aquilejensis: scilicet Apostolicæ Sedis

dis iudicium, cui ceteri Occidentis Episcopi adhærere officii loco ducebant, longe ab Arcadio Orientalium Episcoporum, qui Theophili partibus studebant, sententiæ anteponendum esse significabat. Præterea idem Honorius, quum a S. Zosimo Innocentii successore tractoriam, qua Pelagium, Cælestiumque proscripserat, ad se missam accepisset, rogatus, ut damnatos homines toto christiano Orbe tanquam hæreticos haberi, Urbe vero omnino expelli juberet, ætutum rescritto emisso, quod describunt Baronius ad annum 418; Salmasius in Eucharistico; Usserius lib. de Eccles. Britan. primord. cap. 50; Labbens tom. 2. Concil.; Baluzius in append. ad Salvianum; Norisius lib. 1. histor. Pelag. cap. 13.; & Garnerius dissert. 3. de Constitut. Imper. in causa Pelagii, atque ad Palladium Prætorio Italiæ Præfectum directo, Pelagium, Cælestiumque Roma pelli præcepit; eorum vero partibus addictos ubicumque accusatos, & convictos exilii deportatione damnari.

In eo equidem peccasse videtur Honorius, quod pro Eulalio contra S. Bonifacium pro Pontifice se gerente steterit, datoque ad Symmachum Urbis Præfectum rescritto huic Sedem confirmarit, illum in ordinem redigi iusserit. At id egit Symmachi, qui Eulalio favebat, mendaciis deceptus: quippe a Romano Clero de veritate certior litteris factus, utriusque causam in Synodo Spoletina examini subjiiciendam statuit, quæ antequam haberetur, comperta plene rei veritate, hanc Honorius revocavit, Eulalium expelli, & Bonifacium suæ restitui Sedi iussit. Pontifex postquam suum recepisset locum, ut Romanæ Ecclesiæ paci prospiceret, ac impofterum omne præcaveret schisma, egit apud Imperatorem, ut lege lata sanciret eum tamquam Pontificem esse colendum, in quem Cleri consensisset potior pars. Itaque Imperator rescritto ad Pontificem misso, postquam dixisset: *Scripta Beatitudinis tuæ debita reverentiæ gratulatione suscepimus*: postquam Pontificem deprecatus esset, ut studium suum erga Imperium dignaretur impendere, postremo Pontificis votis morem gerens statuit: Illum solum in Sede Apostolica permanfurum, quem ex numero Clericorum nova ordinatione divinum iudicium, & universitatis consensus elegeret. Rescriptum refertur a Baro-
nio

nio ad annum 419; atque quidem ex hoc Bonifacium inter, & Eulalium dissidio factum, deinde putat Pagius in Crit. Baronii, ut cum Imperatores, tum Italiæ Reges Romanorum Pontificum electionibus se se immiscerent.

Eodem S. Bonifacio urgente, ut auctor est S. Prosper in lib. contra Collat. cap. 41. his verbis: *S. Memoria Bonifacius Pissimorum Imperatorum catholica devotione gaudebat, & contra inimicos gratiæ Dei non solum Apostolicis, sed etiam Regiis utebatur edictis*, Honorius legem alteram adversus Pelagianos evulgavit, qua statuit, ut siquis Pelagium, atque Cælestium in quacumque Provinciarum parte latitare non nesciens, aut propellere, aut prodere noluisset, præscriptæ poenæ, ceu criminis particeps subjaceret. Statuit insuper, ut siquis Episcoporum Tractoriæ S. Zosimi, atque Pelagii, & Cælestii damnationi subscribere detrectasset, e gradu detruderetur, & communio Ecclesiastica eidem denegaretur. Hoc rescriptum Honorius anno 419. ad Aurelium Carthaginensem in Africam dedit, quod ille in tota Africa promulgavit, adjectaque epistola ad unum Episcopos omnes adhortatus est, ut Cælestii, & Pelagii damnationi, atque epistolæ Zosimi syngrapham adicerent suam. Sapienter hic observatum est a doctissimo Garnerio cit. dissert. 3. hanc Honorii legem primam fuisse, qua ab Imperatoribus sit jussum, ut fidei decretis, & hæreticis damnatis a Romano Pontifice Episcopi omnes subscriberent: hanc vero subscribendi legem Pontificis primo, Zosimi scilicet, ac Bonifacii deinde, Imperatoris postea auctoritate sancitam cum S. Prosperi, tum aliorum Scriptorum testimoniis ostendit laudatus Garnerius. Ex quo liquet propterea hanc Honorii Constitutionem non fuisse impetratam ab Africanis Episcopis, S. Alipio in Italiam ad id misso, uti censuit Baronius; aut a Valerio Comite, SS. Alipio, & Augustino urgentibus, ut aliis visum est, sed a S. Bonifacio Pontifice Maximo. Postremo quum Theodosius Orientis Imperator anno 421, lege lata Illyricum a jurisdictione Romani Pontificis abstractum Præfulis Constantinopolitani juribus adjecisset ad instantiam Episcoporum Illyrici, ut in rescripto ad Honorium testatur idem Theodosius, idem Honorius intercessit, obtinuitque, ut Theodosius eam legem

rescinderet, ea de re ad Honorium anno 422. dato rescripto, quod edidit Holstenius in Romana collectione .

Theodosius Junior in eo igitur laudandus est, quod legem Romano Pontifici incommodam, quamque subreptione ab Illyricis impetratam refert, rei comperta veritate resciderit. In eo laudandus etiam, quod L. 3. tit. *De Episcopali judicio*, quæ refertur Can. *Quicumque litem* 9. q. 1, jus dirimendi civiles ipsas controversias Episcopis contulerit; Episcoporum vero causas Episcoporum judicio finiendas omnino permiserit. In eo laudandus iterum, quod leges sanctissimas tulerit contra Ethnicos, Judæos, omnisque generis hæreticos, quos a Romana Ecclesia, damnatos utique noverat LL. 21, & 22. *de Paganis*: 27 *de Judeis*; 59, 60, & 61. *de Hæreticis* Cod. Theodof. Sed ob id laudibus cumulandus quam maxime, quod S. Cælestino Pontifici Maximo morem gerens edicto Nestorium abdicarit, in exilium amandarit, ejusque librorum lectionem interdixit; eosdem undique conquistos flammis devoveri jussit; atque Nestorii partibus additis publicam infamiae notam inusserit, quos Simonianos impostorum nuncupandos sanxit: quomodo Arianos olim Porphyrianos appellari Constantinus jusserat. Quibus de rebus præclare gestis ipsi per litteras gratulatus est S. Cælestinus, quas legere est p. 3. Concilii Ephesini. In eo vero redarguendus est Theodosius, quod a schismatica Synodo celebrata ab Johanne Antiocheno adversus S. Cyrillum, Ephesinumque Concilium, se decipi passus fuerit; atque ab Ephesinis Patribus decreta rescindi præceperit. Quamvis postea veritate perspecta in Nestorium a S. Cælestino, & Ephesino Concilio damnatum variis modis, ut diximus, animadvertit; & in epist. ad eundem S. Cyrillum apud Harduinum tom. 1. Episcoporum esse asseruit de fide judicium ferre, a quo Imperatoris sit ne latum quidem unguem abludere: *Quorum* (dogmatum) inquit, oportet *Judices præsidere undique Præsules Sacerdotii, & per quos Nos tenaciores vera sententia sumus, & erimus.*

Graviori equidem ei vitio vertitur, quod Ephesina II. pseudo-Synodo dicta prædatoria indicta præsidendi munus Dioscoro Alexandrino detulerit, S. Leonis Legatis id juris detrahens; & Barsumam flagitiosum Archimandritam suffragandi jure donave-

rit. Quod ut Flavianus, & Episcopi ceteri, qui Eutychetem, Constantinopoli damnaverant, a suffragandi jure excluderentur, decreverit. Quod lege lata Ephesinum Latrocinium probaverit, nullaque ratione a S. Leone M. & Valentiniano III. Occidentis Imper. se adduci passus sit, ut gesta in prædatoria Synodo refricarantur, ac generale Concilium in Italia celebraretur. Quamquam Theodosio obreptum fuisse observat doctiss. Petrus de Marca, tum in eo quod suggestum illi fuit primum post Romanum Episcopum honoris locum deberi Alexandrino, cumque in Ephesino Concilio delatum S. Cyrillo, quare absente Pontifice Romano omnibus præferendum Dioscorum in Ephesino II: tum in eo quod Dioscorum non secus, ac Barsumam viros esse puritate vitæ, & catholica fide probatissimos ei quoque insusurratum fuit: tum in eo quod studio partium affectos, ac præjudiciis adversus Eutychetem abreptos Episcopos Concilii Constantinopolitani autumans, tamquam minus æquos Judices affuturos, a jure ferendæ sententiæ excludendos fore existimavit: tum in eo quod omnia rite in prædatoria Synodo peracta ei fuit persuasum, nec locum patere, ut semel acta agerentur, ne in infinitum res irent, ut ipse significat in epistola ad Liciniam Augustam; & in rescripto ad S. Leonem apud Liberatum in Breviario cap. 12.

Valentinianus III. igitur, uti mox indicatum est, in epist., quam S. Leone M. adhortante, ad Theodosium dedit obsecrans, ut S. Leonis votis annuens generale Concilium in Italia celebrari juberet, quo pessime gestis in prædatoria Synodo medica manus adhiberetur, quamque legere est in actis Concilii Chalcedonenfis, quo ipse animo optime erga Romanum Pontificem esset affectus, palam fecit his verbis: *Quum venissem ad Urbem Romanam, rogatus sum a Romano Episcopo (S. Leone,) & aliis scribere vestræ Mansuetudini de fide, qua cum sit conservatrix omnium fidelium animarum, dicitur perturbata: quam Nos a nostris Majoribus traditam debemus cum omni competenti devotione defendere, & dignitatem propria venerationis B. Petro Apostolo intemeratam, & in nostris temporibus conservare, quatenus Beatissimus Romane Civitatis Episcopus, cui Principatum Sacerdotii super omnes antiquitas contulit, locum habeat, & facultatem de fide, & Sacerdotibus*

tibus judicare . *Hæc enim gratia secundum solemnitatem Conciliorum , & Constantinopolitanus Episcopus eum per libellos appellavit propter contentionem , quæ orta est de fide . Huic itaque postulanti . . . annuere non negavi , quatenus ad tuam Mansuetudinem meam petitionem ingererem , ut prædictus Sacerdos congregatis ex omni Orbe etiam reliquis Sacerdotibus intra Italiam , omni præjudicio submoto , a principio omnem causam , quæ vertitur , sollicita probatione cognoscens , sententiam ferat , quam fides , & ratio veræ divinitatis exposulat .* Quibus plane significabat Pontificem super omnes Episcopos potestate fungi , cujus officium sit acta etiam a Conciliis retractare , & rescindere , suæque suprema sententia , quæstiones fidei finire .

Ab eodem Valentiniano non absque minis S. Hilarius Arelatenfis ad obedientiam præstandam S. Leoni Papæ , a quo ob violatum jus Apostolicæ Sedis , quam appellaverat Chelidonius , gravi nota inflatus fuerat , dignitateque Metropolitana expoliatus , atque ad agnoscendam promeritam poenam adactus est . Quippe Galliæ , & Italiæ Præfecto imperavit , ut Romam deduceretur quicumque Episcopus , qui parere judicio Pontificis Maximi renueret , & maxime Hilarius Arelatenfis . En verba edicti apud Baronium ad an. 445 , & Labbeum tom. 2 : *Erat ipsa quidem (S. Leonis) sententia per Gallias etiam sine Imperiali sanctione valitura : quid enim tanti Pontificis auctoritati in Ecclesiis non liceret ? Sed nostram quoque præceptionem hæc ratio provocavit , ne ulterius vel Hilario , quem adhuc Episcopum nuncupari sola mansueti Præfulis permisit auctoritas , nec cuiquam alteri præceptis Romani Pontificis liceat obviare : talibus enim ausibus fides , & reverentia nostri violatur Imperii . . . ne levis saltem inter Ecclesias turba nascatur , hæc perenni sanctione decernimus , ne quid tam Episcopis Galliæ , quam aliarum Provinciarum contra consuetudinem veterem liceat sine venerabilis Papæ Urbis æternæ sententia tentare , sed illis ; omnibusque pro lege sit , quidquid sanxit , vel sanxerit Apostolicæ Sedis auctoritas , ita ut quisquis Episcoporum ad iudicium Romani Antistitis evocatus venire neglexerit , per Moderatorem ejusdem Provinciæ adesse cogatur .* Quamquam Baronius , doctique quamplures e mentem esse historiam Hilarii a S. Leone habi-

ti tanquam hæretici, ab eoque excommunicati existimant. Et sane S. Congregatio a Stephani Gratiani disceptationibus Forensibus tom. 2. cap. 284. historiam SS. Leonis, & Hilarii ab hæreticis confictam expungi iussit, sed de hoc argumento par. 2. Vindicat. Agunt interea de hoc argumento præ aliis Quesnellus, & Papebrochius, atque ita quidem ut Quesnellus S. Honorato Massiliensi vitæ S. Hilarii auctori innixus S. Hilarium omnino absolvat, S. Leonem vero in culpam vocet. Papebrochius e converso longe rectius, Pagio iudice ad an. 445. n. 14, præ S. Honorato potiore in hujusce causæ enarratione S. Leonis auctoritatem habendam esse affirmat, fidemque potius Pontifici adhibendam narranti, quæ Romæ gesta fuerant, quam S. Honorato eadem Romæ gesta ex auditu, & relatu Cleri Arelatenfis post annos 20, aut 30. regerenti: ideoque quam S. Leonem, potius S. Hilarium excessisse existimat. Quamquam & S. Honoratus de S. Hilario perhibet: *B. Leoni se illico presentasse, cum reverentia impendisse obsequium; & cum humilitate poposcisse, ut Ecclesiarum statum more solito ordinaret.* Fertur idem Imperator jam pridem sui obsequii erga Pontificem argumentum egregium præbuisse. Quippe quum a Basio Exconsule de stupro virgini per vim illato accusatus fuisset S. Sixtus III. S. Leonis decessor, eamque ad propulsandam calumniam Pontifex Concilium congregasset, Valentinianus a congressu discedens Pontificis arbitrio sui ipsius integrum iudicium permisit: Sixtus vero se iudicio Synodi haud esse subiectum protestatus; sed & a culpa imposita prorsus immunem se professus est; atque calumniæ auctorem Basium anathemate damnavit. Verum quum Eruditis plerisque acta Synodi Romanæ sub Sixto III. hac de re habitæ suspectæ admodum fidei visa fuerint, eo quod falsa Consulium nota consignentur, & anachronismis scateant, nolim me historię hujusce vadem erigere.

Marcianus imprimis Imperator, unaque Valentinianus in epistola communi voto ad S. Leonem inscripta, quæ habetur p. 1. Concil. Chalcedonenfis, quaque efflictim obsecrabant, ut Concilium Chalcedonenfe congregari indulgeret, supremum jus in Ecclesia Pontifici adseruerunt his verbis: *Tuam Sanctitatem Principatum in Episcopatu divinæ fidei possidentem sacris litteris in princi-*
cipi

*incipio credimus alloquendam, invitantes, atque rogantes . . . quatenus sublato omni errore, per Synodum celebrandam Te auctore maximo, pax circa omnes Episcopos fidei Catholica fiat. Iterum idem Marcianus Valentiniani legem, qua nonnihil libertas Ecclesiastica lædebatur, a S. Leone admonitus ultro abrogavit; quam in rem Baronium aditis ad an. 455. Eodem S. Leone adhortante, quod facere detrectaverat Theodosius, libenter perfecit idem Marcianus, scilicet Synodum II. Ephesinam prædatoriam proscripsit lata lege, qua & Theodosii constitutionem ejusdem Ephesini latrocinii confirmatricem rescidit. Jam vero in litteris, quibus S. Leo ni celebrandi Concilii desiderium suum aperit, obnixè eundem deprecatur, ut Concilio adesse, & præesse dignaretur, in eoque, quæ Religioni utilia forent, ipse decerneret; sin minus sineret Concilium cogi, in quo Episcopi, quæ ab ipso definita fuissent, declararent: *Superest, inquit, ut si placuerit tue Beatitudini in has partes advenire, & Synodum celebrare, hoc facere Religionis affectu dignetur. Nostri ubique desiderii Sanctitas vestra satisfacies, & sacrae Religioni, quæ utilia sunt, decernet. Si vero hoc onerosum est, ut Tu ad has partes advenias, hoc ipsum Nobis propriis litteris tua Sanctitas manifestet, quatenus in omnem Orientem, & in ipsam Thraciam, & Illyricum sacra nostra littera dirigantur, ut ad quemdam definitum locum, ubi Nobis placuerit, omnes sanctissimi Episcopi debeant convenire, & quæ christianorum Religioni, atque Catholica fidei prosint, sicut Sanctitas tua secundum Ecclesiasticas regulas definiaverit, sua dispositione declarent.* S. Leo vero in litteris, quas rescripsit, veniam equidem celebrandi Concilii fecit, misurumque Legatos, qui Concilio præessent, promisit, illud tamen præcautum jussit, ne ab se definita retractari pateretur, aut in dubium revocari, quæ ab se in epist. ad Flavianum jam de fide fuerant decreta, permitteret. Legere est has epistolas par. 1. Concilii Chalcedonensis. Illud non prætereundum, quod Aët. 6. cui præsentia adfuit Imperator, quædam capitula Synodo approbanda proposuit his verbis, quæ animum ostendant omnino alienum a juribus Ecclesiasticis invadendis: *Quædam Capitula sunt, quæ ad honorem vestre reverentiæ Vobis servavimus, decorum esse judicantes a Vobis hæc regulariter potius fir-**

firmari per Synodum, quam nostra lege sanciri. Unam vel alteram Principem scēminam pari erga Pontificem studio flagrantem subtexere fas sit.

Galla Placidia Honorii Imper. soror, Constantii in Imperio collegæ conjux in epist. ad Pulcheriam Theodosii Junioris sororem Marciano Augusto desponsatam, ac in conjugio virginem, qua adhortatur, ut Ephesinam pseudo-Synodum execretur, Conciliumque ad eandem pseudo-Synodum ejurandam celebrari apud Marcianum curet, de Apostolicæ Sedis summa auctoritate, ac in fide infallibilitate egregia hæc habet: *Igitur tua Clementia secundum catholicam fidem, quod semper Nobiscum fecit, & nunc similiter conspirare dignetur, ut quidquid in illo tumultuoso apud Ephesum Concilio constitutum est, omni virtute removeatur: ut omnibus integris permanentibus ad Apostolicæ Sedis, in qua primus Apostolorum B. Petrus, qui etiam claves regni Cælestis accipiens Sacerdotii Principatum tenuit, Episcopatus causa mittatur. Debemus enim Primatum in omnibus immortalis conversationi tribuere, quæ totum Mundum propriæ virtutis dominatione complevit, & nostro Imperio Orbem gubernandum, servandumque commisit.* Atqui non absimili devotionis studio Apostolicam Sedem prosequeretur Pulcheria Augusta: quippe in litteris, quas ad S. Leonem exaravit, postquam Pontificem certiores fecisset ab Anatolio Regiæ Urbis Episcopo epistolæ ad S. Flavianum ab ipso S. Leone directæ syngrapham adjectam fuisse, de cogendo Concilio hæc habet: *Præterea tua Reverentia, quicumque modo prospexerit, significare dignetur, ut omnes etiam totius Orientis Episcopi, Thraciæ, & Illyrici in unam Civitatem velociter valeant convenire; & illic factò Concilio, & de catholica confessione, & de his Episcopis, qui ante hoc segregati sunt, (a Dioscoro scilicet in Ephesina Synodo) sicut fides, & christiana pietas exigit, Te auctore decernant.* Quibus plane fatetur, ac palam facit absque Pontificis auctoritate nec cogi Concilium licere, neque in Concilio de fide, aut de causis Episcoporum definiri. S. Leonis rescripta recale ex art. de Concil. Chalcedonenſi, ubi de his factis, & abunde, opinor, actum est.

Leo Augustus, apud quem Eutychiani alterum Concilium;
quo

quo Chalcedonense rescinderetur , aut retractaretur , celebrari postquam frustra efflagitare se perspexissent , instabant tamen , ut indulgeret collationem de fide fieri ; hanc hæreticis postulationem haud denegandam arbitratus , attamen absque Pontificis Romani auctoritate eam fieri non posse agnovit . Ea erga de re ad S. Leonem supplices dedit litteras , ut Legatos dirigeret , qui quasdam de fide quæstiones elucidarent , eliquarentque . Litteras , & Legatos S. Leo misit , non equidem ad pugnam cum hæreticis instaurandam , disceptandumque de his , quæ ab se in epist. ad Flavianum de fide jam fuerant definita ; sed ut imprimis Imperator , atque imbecilles perinde , & in fide infirmi magis , magisque de Mysterio Incarnationis instruerentur . Quibus intellexit Imperator Eutychianis de fide disputandi non linquendum locum , permotusque Pontificis litteris Timotheum Ælurum Alexandria eiecit , alterumque Chalcedonensis Concilii adsertorem ejus Sedi suffici curavit . Quibus de rebus ab ipso præclare gestis novis datis litteris ipsi gratulatus est S. Leo . Suffectus autem Timotheus alter cognomento Salophaciolus , idest Albus , statim litteras ad S. Leonem dedit , quibus illi fidei suæ rationem reddebatur , ut Ordinationem suam haberet ratam , rogabat , atque Apostolicæ Sedi devotæ suæ mentis affectum planum faciebat . Legere est S. Leonis de hac re litteras 78 , nunc 132 ; 99 , nunc 137 , 101 , nunc 139. in edit. Quesnelli .

Zeno Imperator , siquis alius , post natos homines , impius , (in eoque dumtaxat pius , quod apud Hunnericum Vandalorum Regem efflictim egerit , sive ut Ecclesiæ Carthaginensi annis 24. Pastore destitutæ , Episcopum præfici sineret , quod obtinuit : quippe Eugenius fuit ordinatus , uti habet Victor Vitenfis lib. 23 sive ut a persecutione in Christianos commota sibi tandem temperaret , deserviendique in Ecclesiam faceret aliquando finem : quod tamen non impetravit Victore teste lib. 5. ,) quanti tamen Romani Pontificis imperata , & potestas facienda forent , perspexit probe , & fassus est . Siquidem apud S. Simplicium rogavit supplex , ut cum Acacio Constantinopolitano Episcopo , qui Ordinator , cum Stephano , qui Antiochenus Episcopus ordinatus Constantinopoli fuerat , (quippe Antiochiæ , & quidem in Synodo Orienta-

lium

contra Symmachum electi schisma promoveret , atque saltem ab isto pseudo - Pontifice eam syngrapham impetraret . Quorsum vero isthæc , nisi quia non eum fugiebat Zenonis henoticon nunquam ratum , firmumque futurum , quoad usque Romani Pontificis calculo probatum non fuisset ? Censura notatus , etsi nominatim non excommunicatus , a S. Symmacho , quod Laurentii schisma patrocinio suo foveret , & quod Acacii execrandæ memoriæ , atque hæreticis Chalcedonenſis Concilii hostibus opera sua faveret , equidem furore percitus libellum adversus Pontificem contumeliarum , conviciorumque , quibus dire illum proſcindebat , refertissimum evulgavit , atque inter alias infamiæ personas optimo Pontifici impositas , Manichæum per ora plebis traducebat , attamen non inficias ivit in se intorqueri anathematis jaculum a Pontifice Romano potuisse . In epistola vero apologetica , qua Symmachus impactas calumnias diluit , atque ad ipsum Anastasium direxit , inter alia Pontificiam cum Imperatoria dignitatem , potestatemque conferens , Pontifices Imperatoribus præstare , illisque reverendos , obediendosque ostendit .

Post hæc ad frugem se receptum fingens , siquidem res suas pessum ire perspiceret , Concilium Heracleæ indixit anno 514 , & ad illud S. Hormisdas Papam invitavit . Notatu digna sunt verba , quæ in epistola , quam legere est tom. 4. Concil. Labb. , ad Hormisdas ea de re exaravit ; *Deus* , inquit , *ac Salvator noster SS. Apostolos divino sermone docuit , ac maxime B. Petrum , in quo fortitudinem Ecclesiæ suæ constituit .* Paucisque interjectis pergit . *His igitur præfatis initiis hortamur , ut ad ea , quæ de Scythiæ partibus (a Monachis scilicet Scythis) mota , unde & Concilium fieri convenire perspeximus , mediatorem se Apostolatus vester faciat , ut contentionibus amputatis unitas Sancta restituatur Ecclesiæ .* An ex animo , necne ista exaraverit , non disputo , istis tamen contendo ab Anastasio Sedis Apostolicæ utrumque privilegium adsertum ; dum eadem affirmatur esse Ecclesiæ fundamentum firmum , ac fidei fortitudinem ; atque in Ecclesia suprema potiri potestate , sine qua Concilium celebrari sit nefas . Rursus Romam redeuntibus Legatis , quos S. Hormisdas Heracleam ad Concilium direxerat , sed re prorsus infecta , ipsius Anastasii fraude , ne

epist. 48. gratulatus est optimus Pontifex, ejusdem egregia opera Constantinopolitanæ Ecclesiæ restitutam pacem, quam ut pariter Ecclesiis Alexandrinæ, & Antiochenæ restitui adlaboraret, adhortatur. Aliud erga Apostolicam Sedem suæ, atque summæ pietatis argumentum præbuit idem Justinus. Exardescente enim tunc temporis controversia circa eam sententiam, num *Unus e Trinitate in Carne confixus esset*; eamque Monachi Scythæ credendam ad seditionem usque inculcarent; ac insuper Fausti Regiensis libros ceu hæresi Pelagiana aspersos damnandos edicerent: qui vero contra pugnabant, ac in diversas partes erant distracti, Scythiis Monachis Eutychianæ hæresis notam appingerent, Faustique libros erroris labe omnino puros esse contenderent: gravissimæ hujusce quæstionis Judices non suæ Ecclesiæ Constantinopolitanæ Episcopos, sed eisdem Romanæ Ecclesiæ Legatos Judices interpellavit Imperator. Quibus reponentibus talibus de rebus nihil se a Pontifice in mandatis habuisse, imo sibi injunctum, ne aliis se causis immiscerent; idque unum Justino instanti respondentibus: *Quod non est scriptum a Papa Leone non suscipimus*: Imperator Scytharum Monachorum causam ad S. Hormisdam integram detulit, judicandamque dimisit, Pontifici Monachos illos commendans, qui causa vincere sibi videbantur. Quo de argumento loco in alio uberius erit agendum.

Eluxit etiam Justini erga S. Johannem I. Hormisdæ successorem cum obsequio egregia observantia, quem testibus Anastasio in vita Johannis, & Aimoino lib. 1. cap. 1. Constantinopolim appulsum summa religione suscepit, sibi que ab ipso Imperialem capiti coronam imponi infimis precibus impetravit. *Justinus Imperator*, ait Anastasius, *gaudio repletus est, quia meruit temporibus suis Vicarium B. Petri Apostoli videre in Regno suo, de cujus manibus cum gloria coronatus est. Johannes Papa*, inquit, *Aimoinus, Justino Augusto, ut Vicarius B. Petri, imperialem imposuit coronam.* Justini tandem laude omni dignum studium, quo Cabadum Regem Persarum, & Alamundarum Regem Sarcenorum ad Religionem Christi an. 513. amplexandam adduxit; Elestbanum quoque Æthiopum, sive Axumitarum Regem apud Homeritas christianam Religionem restituentem adjuvit. In co

436 PRIVILEGIA ROM. PONTIFICI

etiā laudibus celebranda Justinī de re christiana sollicitudo, quā Tzatum Lazorum in Colchide Regem Constantinopolim anno 342. profectum, & christianam Religionem amplecti cupientem, ut de Christiana re probe instrueretur, summopere fatēgit, nostræ Religionis misteriis inītiatum e sacro fonte suscepit, eique ab se Regio titulo, & insignibus exornato adversus Persas, qui ad fidem Christianam deferendam ipsum compellebant, suppetias tulit. Id constat ex Cedreno, & Procopio lib. 1. de bello Persico. Itaque illis summam, quā ipse affectus erat, erga Romanam Ecclesiam existimationem Justinum inspirasse, facile persuasus ibit quisque, qui perspectam habeat, quam ipse erga Romanos Pontifices tenuit agendi rationem. Ad cumulum ejus laudum accedit, quod L. 12. Cod. Justin. de *Hereticis* Arianos, & Manichæos compescuit, atque ab inferenda Ecclesiæ molestia, ac noxa deinceps absterruit. Itaque iis multis modis abunde absterisit, expurgavit, compensavitque inscientiæ, quæ eidem adhæsit, notam, fuit enim Analphabetus, sive litteris defectus; non autem Justinianus, ut autumavit Baronius a mendoso Suidæ Lexico Mediolanensis edit. deceptus, ubi V. *Ἰουστινιανός* subjecta legitur vox *Ἀναλφάβητος*, quæ tamen Justino subicitur in omnibus codicibus Mss. Bibl. Vatic. ; idque ipsum de Justino tradit Procopius lib. 1. de bello Persico cap. 11.

Justinianus, qui Phocam annis 70. circiter antecessit, quamvis non nihil in Romanos Pontifices, & Ecclesiasticas regulas peccaverit, collationem cum Severianis Constantinopoli habendam Catholicis Episcopis imperans: contra Vigilii sententiam edictum adversus tria Capitula emittens: contra pacta cum Pontifice conventa Synodum V. celebrandam indicens: Africanos Antistites trium Capitulorum defensores male habens: Vigilium imo Pontificem in exilium per summum nefas ejiciens: Pontifici Romano confirmandi locum jus sibi attribuens: & tandem in hæresim lapsus Aphthartodocetarum, qui Christi Corpus ante resurrectionem incorruptibile asserbant, eaque de re in Eutychium Constantinopolitanum, & Anastasium Antiochenum Episcopos, quod hanc hæresim execrarentur, deserviens, in quā illum obijisse, etsi unus neget Richardus Crachanthorpius e gre-

ge Protestantium in opere, cui titulum fecit: *Vigilius dormitans*; post Eustachium in vita S. Eutychii apud Surium, & Bollandum ad diem 5. Aprilis, & Evagrium lib. 4. cap. 40. tenent Eruditi. Nihilominus quum partium studio minime abreptus prærapide non ageret, sibi que recte agendum proponeret, ea egit, scripsit, edixit, quorum multa refert Baronius tom. 7. ad an. 533, quibus nihil illustrius ad confirmandum, quanti faceret Romani Pontificis de fide doctrinam æque, atque in Ecclesia auctoritatem, potest adferri. Enim vero in professione fidei, quam Imperator inauguratus ad S. Bonifacium II. direxit, quæ legitur in ejusdem Bonifacii decretis, hæc habet: *Prima salus est rectæ fidei regulam custodire, & a constitutis Patrum nullatenus deviare. Et quia non potest Domini Nostri Jesu Christi prætermitti sententia dicentis: Tu es Petrus &c. Et hæc, quæ dicta sunt, rerum probantur effectibus, quia in Sede Apostolica extra maculam semper est catholica Religio servata. De qua spe, & fide minime separari cupientes, & Patrum sequentes constituta, anathematizamus omnes, qui contra Sanctam Romanam, & Apostolicam Ecclesiam superbiendo suas erigunt cervices: sequentes in omnibus Apostolicam Sedem, & prædicantes ejus omnia constituta, & per omnia spero, ut in una communione vobiscum, quam Sedes Apostolica prædicat, esse merear, in qua est integra, & vera Christianæ Religionis, & perfecta soliditas; promittens sequestratos a communione Ecclesiæ Catholicæ, id est non consentientes Sedi Apostolicæ, eorum nomina inter sacra non esse recitanda mysteria.* Hæc consentaneæ ad fidei libellum ab S. Hormisdæ ad Orientales subscribendum missum Justinianus enuntiabat. Hanc eandem fidei professionem iterum S. Agapeto nuncupavit, ut mox dicetur. Hac autem fidei professione palam fit credidisse illum nulla erroris macula coinquinari ullo unquam tempore Romanum posse Pontificem, cujus proinde fidem amplecti, & præceptis obsequi de necessitate salutis sit. Age dispiciamus, quid de Pontificis potestate illi fuerit persuasum.

Ea etiam tum Monachos Scythas inter, & Aczmetas vigente controversia, num videlicet *Unus de Trinitate carne crucifixus esset*, quam quidem Scythis affirmantibus, contra Aczmetæ op-
pugna-

pugnabant, adversus eisdem Acæmetas Justinianus ad Johannem II. Pontificem Maximum legatis missis, qui ea de quæstione Pontificem consulere, litteras dedit, in quibus fidem suam, atque Ecclesiæ Orientalis ea de quæstione exponebat, utque probaretur Pontifici enixe efflagitabat. Extat isthæc epist. tom. 4. Concil. & in Cod. *De summa Trinitate, & fide Catholica*, in qua inter alia illustriora hæc habentur: *Reddentes honorem Apostolica Sedis, & vestre Sanctitati* (quod semper Nobis in voto fuit, & est, & ut decet Patrem, vestram honorantes Beatitudinem, omnia, quæ ad Ecclesiarum statum pertinent, festinavimus ad notitiam vestre deferre Sanctitatis. Quoniam semper Nobis fuit magnum studium unitatem vestre Apostolica Sedis, & statum Sanctarum Dei Ecclesiarum custodire, qui hætenus obtinet, & incommote permanet, nulla intercedente contrarietate. Ideoque omnes Sacerdotes universi Orientalis tractus, & subficere, & unire Sedi vestre Sanctitatis properavimus. In presenti ergo quæ commota sunt (quamvis manifesta, & indubitata sunt, & secundum Apostolica vestre Sedis doctrinam ab omnibus semper Sacerdotibus firme custodita, & prædicata) necessarium duximus ad notitiam vestre Sanctitatis perveniant.... Quæ Caput est omnium Sanctarum Ecclesiarum. Porro Johannis Papæ rescriptum ad hæc Justiniani litteras, quod incipit: *Inter claras*, insertumque a Justiniano fuit Cod. sub cit. titulo de sum. Trinit., inficias ire nonnulli in Pontifices Romanos parum æqui, ac pessime affecti Jurisperiti ausi sunt. Sed illud egregie vindicant Alciatus parerg. lib. 4. cap. 23; & Cujacius observat. lib. 12. cap. 26., de quo par. 2. tanquam opportuniore in loco nobis erit agendum. Othomanus J. C. e Calvinistarum grege lib. 1. respons. amicabilium cap. 1. pro sua Pontificæ auctoritati detrahendi audacia hancce pariter Johannis II. Papæ ad Justinianum epistolam supposititiam non modo habuit, sed præterea ipsum Justinianum Romani Pontificis potestati insensum, infestumque agere non erubuit. Quam vero atrocem Justiniano calumniam infligat vir iniquus, ostendit Baronius ad annum 534. n. 31, & seqq.; planumque faciunt profecto, quæ hætenus ex præfato Imperatore in medium producta sunt. Quibus junge con-

stituta-

stitutionem ad Epiphanium Constantinopolit. Episcop. ab eodem Justiniano exaratam L. 7. C. de sum. Trinit. ; ubi Apostolicæ Sedis Antistitem expressis verbis nuncupat *Cunctorum Sacerdotum Caput*, cujus muneris sit errores omnes exterminare, & locorum ubique hæreticos coercere. Adhæc in Authentica, sive Novella 9. etiam ad eundem Johannem II. directâ, quæ ut Ecclesia Romana centum annorum gaudeat præscriptione præcipit, hæc præclara de eadem Ecclesia prædicat. *Ut legum originem anterior Roma sortita est, ita & Summi Pontificatus apicem apud eam esse nemo est, qui dubitet : unde & Nos necessarium duximus patriam legum, & fontem Sacerdotii speciali nostri Numinis lege illustrare.* Subdit legem, qua non nisi centum annorum spatio præscribi contra Romanam Ecclesiam posse jubet. Idem in Authentica de Ecclesiasticis titulis, & privilegiis, sive Novella 131. ad Petrum Prætorio Præfectum cap. 2. : *Sancimus, inquit, secundum Sanctarum Synodorum definitiones Sanctissimum Senioris Roma Papam primum esse omnium Sacerdotum.* Post secundum honoris locum juxta canones Concilii Constantinopolitani, & Chalcedonenſis deſert Episcopo Constantinopolitano, quem Alexandrino, & Antiocheno dignitate, & auctoritate deſiderabat anteferri.

Compendio id totum comprehendit in gemina epistola, quam ad S. Agapetum, dum Constantinopoli ageret, idem Justinianus direxit, quæ habetur tom. 4. Concil. In prima, quæ incipit : *Ante tempus in hac Regia Urbe*, postquam narraſſet jam pridem ediſtum ab ſe vulgatum contra Neſtorianos, Euty- chianos, & Acemætas, ejuſque exemplar ad Johannem ipſius prædeceſſorem miſſum ipſi probatum fuiſſe, rogat pariter Agapetum, ut pro ſumma, qua ſungebatur poteſtate, quæ Johanni placita fue- rant, ipſe quoque firma juberet. In ſecunda vero ad Pontifice- n fidei ſuæ profeſſionem mittit, quæ incipit : *Prima ſalus eſt re ſe fidei* &c., cujus tenorem paullo ſuperius exhibuimus. Acceptas habuit S. Agapetus Imperatoris litteras, ipſique reſcribens inquit ſe equidem illius ediſtum ad Johannem II miſſum, ab eoque approbatum probare, & amplecti, addit tamen : *Non qui ſci- tis auctoritatem prædicationis admittimus, ſed quia ſtudium fidei* ve-

nostra Patrum nostrorum regulis conveniens confirmamus, atque roboramus. Quid quod ipsa eadem agendi ratio cum Vigilio id ipsum ostendit? Est enim iniquior in illum fuerit, ita tamen, ut vel injuria in partes suas pertrahere Vigilium tentans, indicavit Justinianus operæ omnino esse pretium, ut Romani Pontificis suo contra tria Capitula edicto assensus accederet.

Nec vero obtrudas a Justiniano de rebus, ac personis Ecclesiasticis tot leges ferente, quot ipsius Codex refertissimus est, Ecclesiasticæ auctoritati vulnus fuisse inflictum. Nam legibus suis nihil aliud satægit, nisi ut veteres Canones redintegraret, atque in novum usum assereret, consentiente Ecclesia Romana. Ita constat ex Justiniano ipso in rescripto ad Dacianum Africanum Episcopum; & in Novellis 42., 83., & 123; ex S. Gregorio M. epist. 54. lib. 11. ad Defensores; ex Johanne VIII. epist. 163; ex Johanne Scholastico Patriarcha Constantinopolitano in collatione canonum cum legibus; ex Hincmaro opusc. cap. 17.; & Ivone Carnot. epist. 280. Agit de his copiose Petrus de Marca lib. 2. Concord. Sacerd., & Imp. capp. 9., & 11. Nec etiam moras injiciat, quod Justinianus L. 24. C. de Sacros. Eccles. semel dixerit: *Constantinopolitana Ecclesia omnium aliarum est Caput*: quippe dictum istiusmodi accipiendum ita esse respectu dumtaxat habito ad Orientales Ecclesias, ex dictis hæcenus facile intelliges, prout expressè habetur in Novella 131: quo pariter sensu intelligenda venit Zenonis Imper. Constitutio L. 16. Cod. eodem, qua Ecclesiæ Constantinopolit. sua quidem jura vindicat, & restituit, ampliora non attribuit, quæ Romanæ detraxerit. Eodem denique Justiniano imperante, curanteque, (quod singularem in ejus gloriam vergit,) Gerta Herulorum Rex Constantinopolim profectus, & Religione christiana imbutus baptismi lavacro anno 528 ablutus est: Gertæ vero exemplum profectus ipsius Exercitus, majori ex parte Christi fidem suscepit. Gordas etiam Hunnorum Rex eodem anno ejusdem Justiniani cura Christo nomen dedit, exemploque suo Abasgos, aliosque Tanais incolas ad Christi fidem perduxit, illos autem Sacerdotibus missis in re Christiana erudiendos Justinianus suscepit, & templum Deiparæ Virginis, in quo ad sacra celebranda congregarentur, inter ipsos Abasgos opera sua, & im-

impensis extruxit. Legendi Evagrius lib. 4. hist. Eccles. capp. 20., 22., & 23.; Baronius ad annum 327. & Pagius ad annum 537.

Phocas, qui interempto Mauritio Imperium invaserat, sua summopere interesse intellexit, si Apostolicæ Sedis clientelam demereret. Ergo Bonifacio III. Pontifice Maximo petente, quod a Phocæ prædecessoribus, videlicet a Tiberio, Constantino, & Mauritio Pelagius II., & S. Gregorius Magnus impetrare non potuerant, idest, ut Johannis, & Cyriaci Patriarchatum Ecclesiæ Constantinopolitanæ, qui se Patriarchas œcumenicos inscribere affectaverant, inanis fastus cohiberetur, lata lege, professus est solum Romanum Pontificem esse dicendum œcumenicum Episcopum, ab eaque nomenclatura, ut Constantinopolitani Episcopi imposterum abstinere, præcepit. Ita referunt Anastasius in Bonifacio III., & Paulus Diaconus lib. 4. de gestis Longobar. cap. 37. Baronius, Binius & Brietius legem illam in odium Cyriaci Constantinopolitani Episcopi, cui Phocas subinfensus erat, evulgatam existimant. At ut animadvertit Pagius in Bonifacio III., & post ipsum Cuperus hist. chronolog. Patriarch. Constantinopolit. in Cyriaco n. 33, prorsus concidit ista conjectura, quandoquidem priusquam Bonifacius Pontifex inauguraretur, idest ante an. 607, Cyriacus mortalitatem expleverat an. 606, eique suffectus fuerat Thomas Ecclesiæ Constantinopolitanæ Diaconus: ac propterea concludendum non aliam ob causam a Phoca legem illam evulgatam, nisi æquitatis, ut qui optime nosset soli Romano Pontifici conceditas a Christo primas in Ecclesia partes, quas proinde ne per invidiam usurparent, & invaderent, Patriarchæ Constantinopolitani essent prohibendi. Non moror hoc autem loci Molinæum, & Othomanum, quorum calumniam, commentumque jampridem Lutherus, Calvinus, Centuriatores, aliique, de quibus superius est dictum, obtruserant, postea vero Basnagius, aliique ejusdem fursuris ad nauseam usque recoxerunt, ogganientes Primatum a Romano Pontifice tyrannice invasum, a Tyranno Phoca per tyrannidem in illius jus transcriptum. Eos enim modis omnibus depexos dedit Baronius ad an. 606. n. 4., & seqq. S. Bonifacio IV. postea idem Phocas dedit Pantheon nobile illud delubrum a Marco Agrippa tem-

Part I.

Kkk

pore

pore Augusti ædificatum, atque Jovi Vindici consecratum, quod unum ex Gentilium superstitione Romæ erat reliquum; quodque ab ejusdem sordibus expurgatum D. O. M. in honorem Dei Genitricis, & omnium SS. Martyrum dedicavit.

Constantinus Pogonatus, quum apud se operam omnem impenderent Theodorus Constantinopolitanus, & Macarius Antiochenus Patriarchæ Monothelitæ, ut S. Vitaliani Papæ nomen e diptychis expungi pateretur, donec ea de re Concilii Occumenici sententia aliud decerneretur, principio diu multumque obstitit, ne Apostolicæ Sedi debitus violaretur honor; ut liquet ex ipsius epist. ad Donum Papam; postremo tamen id equidem passus est, non aliam tamen ob causam, nisi ut seditiones, & scandala in Ecclesia Constantinopolitana conquiescerent: nam alioquin optimo erga Sedem Apostolicam animo erat affectus. Cuius rei illud est illustre testimonium, tum quod Theodorum admonuerit, ut ad Donum Synodicam dirigeret: tum quod Ecclesiæ Constantinopolitanæ unioni cum Romana consulturus ad Donum ipse Legatos, & litteras direxerit, quibus enixe obsecrabat, ut ad Concilium generale mox celebrandum pro pace Ecclesiarum Legatos, ac libros mitteret, ex quibus dirimi posset controversia; tum quod satis functo Dono ad S. Agathonem ejus successorem, & ad Synodum Romanam epistola inscripta post felicem Concilii III. Constantinopolitani exitum, qua una cum Synodica ejusdem Concilii in eodem gesta confirmari a Pontifice infime postulabat, quæque S. Leoni II. ejusdem Agathonis successoris reddita est, eximium animi sui erga Apostolicam Sedem expresserit sensum ita scribens: *Ucirco & omnes consonanter mente, & lingua concredimus, & similiter confessi sumus, & tamquam ipsius divini Petri vocem Agathonis relationem supermirati sumus.* Relege dicta de Concilio III. Constantinopolitano. Auctor est etiam Anastasius in S. Agathone Constantinum ad hujus Pontificis postulationem Romanam Ecclesiam liberasse ab illa pecunie pensitatione, quam Gothorum Reges Ariani persolvendam recens electis Pontificibus, antequam inaugurarentur, indixerant. Jus insuper electos Pontifices confirmandi Exarchis Ravennatensibus a suis decessoribus concessum revocavit idem Imperator, ad se

retra-

retraxit, & sibi aliquando retinuit, donec S. Benedicto II. rogante illud dimisit: ita Romanam Ecclesiam in libertatem asserens, ut testatur citatus Anastasius in Benedicto II. Sed de argumento hoc alibi, Deo auspice, diligentius, & amplius.

Justinianus II. Junior dictus minus quidem æquus aliquando erga Pontifices fuit, quippe nulla sacræ Constantini jussionis habita ratione Ecclesiam Romanam olitæ servituti expectandi Ravennatenſis Exarchæ consensum in electione Pontificis iterum subjugavit: quinimo S. Sergium Pontificem Maximum acta Synodi Quini-Sextæ probare renuentem Protospatario suo ut Constantinopolim captivum deportaret, in mandatis dedit. Verum id etiam egit, quo satis ostenderet maximi esse faciendam procul dubio Romani Pontificis auctoritatem. Enim vero teste Anastasio ad Cononem Papam missa Divali (scilicet sanctione) illibatam, & integram custodiri sextam Synodum jussit, atque ab se integre, illibateque custodiendam spondit. Dum etiam in Sergiuni Synodo Quini-Sextæ ad eundem directæ subscribere detrectantem deservit, satis ea iniqua agendi ratione indicavit, adeo Sergii necessariam autumasse syngrapham, ut ea denegata Trullana Synodus obtinere non posset. Itaque apud Constantinum Papam ea de re Constantinopolim accersitum, ut controversiam de Trullanis canonibus excitatam, & in dies exardescenſem sua auctoritate componeret, summopere enixus est, ut Trullanorum Canonum confirmationem, quam frustra a S. Sergio I., & Johanne VII. postularat, tandem impetraret. Atque quidem impetrasse a Constantino illorum Canonum confirmationem, qui Ecclesiæ Romanæ moribus, & ritibus non adversarentur, ex Anastasio in vita Constantini conjicit vir Clariss. Christianus Lupus in scholiis, & notis ad canones Trullanos. Illustre illud vero profusi erga Pontificem obsequii exemplum exhibuit; quo venienti Pontifici Nicomediam usque obviam processit: præsentis pedes devote exosculatus est: diadema humi deposuit; alteramque post diem e litantis Pontificis manibus ad aram sacræ communionis percepta, Romano Pontifici integra imposterum privilegia manere sua præcepit.

Ad eundem Constantinum Papam Anastasius II. antea di-

ctus Arthemius statim ac imperio, pulso Bardane Philippico per-
 vatore, potitus est, fidei suæ professionem dedit, atque a Ponti-
 fice Legatos obtinuit, qui Constantinopolim profecti lapsos in
 persecutione Philippici, qui scilicet damnationi Synodi VI. con-
 fenserant, Ecclesiæ reconciliarent. Ad S. Gregorium II. Ponti-
 ficem Maximum, quum primo Imperator est inauguratus, fi-
 dei quoque suæ, & quidem sincere, professionem misit Leo Isau-
 rus, ut constat ex epist. prælaudati Pontificis ad eundem.
 Miser autem, quia diu in sententia non steter: sed quum primum
 erga sacras Imagines iniquus esse cœpit, Romano quoque Pon-
 tifici insensus evasit, infestusque, postquam ad ipsius monita in
 lapidem obduruisset. Eodem Imperatore dirissime in SS. Imagines
 deserviente, ab earundem cultoribus, ac signate a S. Gregorio De-
 capolitano Episcopo tum Constantinopoli commorante id consilii
 captum est de mittendo Romam ad Pontificem Ecclesiæ Ori-
 entali laboranti opem imploratum S. Josepho hymnographo: qua
 de legatione, exituque adeundus Bollandus in actis SS. ad diem 3.
 Mensis Aprilis. De Constantino, & Irene Matre, a quibus apud
 Hadrianum Papam curatum est quam maxime, ut ejus aucto-
 ritate, atque ab eo indicto Concilio sacris Imaginibus debitus re-
 stitueretur cultus, Ecclesiæ vero Orientali concordia, & opta-
 ta cum Romana communio, diximus ubi de Synodo VII: cujusqui-
 dem confirmationem a S. Leone III. præclaris his verbis, preci-
 busque Imperator petiit, quibus profitebatur: Apostolicam Se-
 denti eam esse *Petram*, (*Petram fidei S. Petrum in edicto suo nūn-
 cuparat*), *super quam Dominus fundavit Ecclesiam, & prædixit
 nunquam fore, ut porta inferi, hoc est hæretica insidia, adver-
 sus eam prævalerent*. Michaellem Balbum, & Michaellem III.
 Theodori filium non moror, qui quamvis ad Eugenium II. ille
 scilicet, iste vero ad Benedictum III., & S. Nicolaum I. Legatos
 direxerint, quo facto maximopere sua interesse significarunt, si
 in partes suas Romanos Pontifices trahere fas fuisset, perspecta
 tamen est omnibus eorum impietas, qua in SS. Imagines, atque
 in SS. Ignatium, & Nicolaum bacchantium cæco, indomitoque
 more deservierunt.

Basilius Macedo statim ac Imperii fastigium ascendit, Phorio
 e throno

e throno deturbato, in locum suum, ut dignum erat, justumque, redire S. Ignatium jussit, cujusce rei ab se præclare gestæ Legatos confestim Romam ad S. Nicolaum I. Pontificem M. properare jussit, illum certiores facturos. Zonaras schismaticus auctor scribit Photium ea de re a Basilio exauktoratum, quod ipsum Imperatorem ob cædem Michaelis III. communione Ecclesiæ multasset. Zonaræ in mendacio anteiverant Leo Grammaticus, Simeon Logotheta, & Georgius Monachus; sed omnes apertissimi mendacii evincunt epistolæ tum S. Ignatii ad S. Nicolaum, tum Basilii ad eundem Pontificem; tum Hadriani II. ad Basilium insertæ actis Synodi VIII, ex quibus constat id egisse Imperatorem in executionem sententiæ a S. Nicolao latæ. *Divinitus evehctus*, inquit S. Ignatius, *Imperator noster, & fidelissimus filius vester, tuæ Sanctitatis sententiam, & decretum executus, utrumque, & me, inquam, & Photium pro æquitate causæ tractavit.* Audiatur idem Imperator in act. 6. *Neque enim, ait, ut Sanctissimus Patriarcha ad proprium regrederetur Thronum imperii mei opus, vel excogitatio facta est, sed multum ante Sanctissimus, & Beatissimus Papa Nicolaus, quæ circa illum erant, certissime discens Synodice decrevit reddi ei jus proprii Throni, & anathema cum tota Sancta Romanorum Ecclesia pronunciavit contra resistentes hujusmodi decreto, atque sententiæ. Hoc autem Nos olim scientes, & paventes judicium anathematis promulgari, obsecundari Synodico judicio Romanæ Ecclesiæ necessarium duximus, & hujus rei gratia reddidimus ei proprium Thronum.*

Ab Hadriano II. jussus Concilium VIII. Constantinopoli Imperator indixit, ac libello Legatis tradito a Pontifice, cui omnes ante confectum subscriberent, ultro calculum adjecit suum. Ad Hadrianum completo Concilio Legatis, & litteris missis suppliciter ipse postulavit, ut quæ a Concilio definita non fuerant, auctoritate sua absolveret, atque in iis, quæ Concilium decreverat, scilicet promotos a Photio, vel qui in Photiana Pseudo Synodo adversus S. Nicolaum sententiam dixerant, non recipiendos, dispenseret. Ad Johannem VIII. litteris, & Legatis missis postea petit, ut Ignatio fatis functo, Photio tum communionem suam, tum sedem Constantinopolitanam ob unitatis bonum concederet: quas

448 PRIVILEGIA ROM. PONTIFICI

quas præterea preces apud Hadrianum III., quamvis frustra, ob idque graviter eidem fuerit indignatus, redintegravit. Quæ quid aliud, dic sodes, significant, quam quod Basilii summam rei Christianæ apud Pontificem Romanum integram esse intelligebat, supremoque in generalia Concilia gaudere illum jure? In ipsius postremo gloriæ magnam partem vergit, quod Croatis, qui a christiana Religione, cui imperante Heraclio nomen dederant, turpiter desciverant, ad Christiana sacra reducendis operam impenderit, uti refert Porphyrogenneta in ipsius vita: quod eodem religionis zelo flagrans Agarenos, Manichæosque, quibus tum principabantur Carbeas, & Chrysochetus, rebus christiæ norum infestissimos, quos religioni subjugate non licuerat, internecone deleverit, ut auctor est, testisque oculatus Petrus ficulus in hist. de Manichæor. hæresi tom. 16. Bibliot. PP. edit. Lugd.: quod Judæorum gentis ad sacra pariter nostra perducendæ maximam sollicitudinem gesserit, teste Porphyrogenneta loco mox laudato.

Leo sapiens, & Philosophus dictus, atque quidem jure optimo, quippe qui egregia ingenti sui pleraque monumenta litteris mandata reliquit, quorum plurima ex Codice Vaticano in suis Annalibus ad annum 911. exhibet Eminen. Baronius, alia vero ab ipso prætermissa ediderunt qua Gretzerus, qua Combeffissius tom. 1. Auſuarii Bibl. PP.; qua Pontanus, qua Fabrotus Jurisconsultus, is, inquam, Photio, quem restituerat Pater, e sede extemplo exturbato, quam ei denegari a Romanis Pontificibus non ignorabat, eidem Stephanum Fratrem suum subrogavit. Quo peracto, quia Stephanus sacris a Photio Ordinibus fuerat initiatus, ac Diaconatu insignitus, a Romanis vero Pontificibus damnatos noverat, atque gradu aliquo potiri in Ecclesia prohibitos quotquot a Photio ordinati fuissent; eaque de re haud facile sursum, ut Constantinopolitanus Clerus, & Episcopi eidem subjecti Ecclesiæ cum Stephano communionis societatem inire vellent, iis cunctis in unum congregatis, postquam eos prohibuisset, ne cum Photio ab se dejecto sacrorum consortio jungerentur, sed potius cum Stephano Fratre suo ejus in locum suscepto, ita subdit: *Si autem inconsultis Romanis, qui Photium*

tium damnaverunt, nolueritis Fratri meo convenire, quoniam videlicet a Photio Diaconus fuit ordinatus, venite scribamur, & mittamus una Romam ad Pontificem, ut dispenset absolutionem anathematis iis, qui a Photio fuerunt ordinati. Scripsit itaque ad Stephannum V; scripsit & Stylianus Neocæsarensis Metropolitae suo, Imperatoris, & omnium Sacerdotum nomine id obsecrans etiam his verbis: *Quoniam scimus, quod a vestra Apostolica Sede corrigi, & juxta Canones corripui debemus, hac de causa humilibus his nostris litteris tuam oramus Venerabilitatem, ut misericorditer nobiscum agas.* Eorum sententia ergo supra Concilii generalis Canones Romanus Pontifex poterat. Porro Stephanus veritus, ne sibi obreperetur, quippe Imperatoris, & Styliani litteras non satis cohærere invicem observarat, rescripsit dispensationem, quam rogabant, ab se suspendi, donec missis Legatis certior magis, magisque fuisset factus. Leonis, & Styliani novos legatos, novaeque litteras recepit Formosus, qui Stephano successerat, rescribensque duo lapsorum distinxit genera, Sæculares, quos dignos veniam edixit, non etiam Sacerdotes, quos absque honoris gradu manere voluit. Interea indulgentiam laicis largitus est ea lege, ut in Photium lata a Pontificibus sententia loco suo stare; atque ut lapsi oblati libellis facti poenitere summopere se profiterentur, istiusmodi facinora se non amplius impofterum perpetraturos pollicentes. Legere est hæc epistolas apud Harduinum tom. 6. Concil. par. 1. pag. 366, ac seqq., & 423. Postremo præclarum est illud, quod idem Leo in sermone de S. Petro ab se adornato pronuntiavit ad illa verba: *Tu me sequere. Tu me sequere, inquit, hoc est sequere me baculo pastorali, & sicut Ego, quum eram vobiscum, servabam vos, ut Pater vester, & Caput, ac Magister vigilans pro vobis: sic & Tu esto meo loco, & sequere me Principatu, ac potestate ista Fratres tuos confirmans. Te enim volo esse meo loco. Unde manet usque in hodiernum diem Petrus sequens Christum in Successore suo.*

Ab eo tempore, quo a Michaele Cæulario Photii schisma e tumultu excitatum est, scilicet ab anno 1053, ex Oriente Imperatores non defuerunt, qui Romanorum Pontificum excolenda esse communionem, traditam ab illis doctrinam adherendam, illorumque sacris

nem enixe efflagitavit, quem in epistolæ epigraphe his nominibus cohonestat: *Patrem Patrum, Beatissimum Papam, Imperii dominum, & Apostolicæ Sedis summum Pontificem* appellans: in ipsa vero epistola his infimis verbis deprecatur: *Quatenus sicut Princeps omnium Sacerdotum, & universalis Doctor Ecclesiæ catholice urgeat unionem ejusdem Ecclesiæ, cui loco B. Petri Deus præcipue ipsum præfecit, promittens se omnes gentes, & Patriarchales Sedes sui Imperii ad devotionem, obedientiam, & amorem ejus subiecturum.* Id constat ex Wadingo ad annum 1263. Eam unionem, quam rursus a Clemente IV. expetivit, in Concilio Lugdunensi II. sub B. Gregorio X. perfectam fuisse, in qua, idem Imperator, & una Ducas Angelus Comnenus per Legatos fidei formulæ a Pontifice præscriptæ subscripserunt, alibi jam enarratum est. Quin insuper idem Michael, unaque Andronicus ejus filius iterato cum ad Johannem XXI., tum ad Nicolaum III. formulam professionis fidei, ac juramenti obedientiæ eorundem Pontificum Apocrisariis Constantinopoli ab se præstiti transmisserunt. Id constat ex Bzovio ad annum 1276., & Raynaldo ad annum 1277.

Andronicus Junior ad unionem, cujus vinculum abruperat ejus decessor Andronicus Senior, redintegrandam propensum gestare animum visus est, ut qui ejusmodi spem fecerat cum Johanni XXII., tum Benedicto XII., qui studiis omnibus, ut ea unio ex sententia cederet, adnitebantur. Quia vero is quoque affectus ita erat, ut a Latinis auxiliares copias contra Turcas obtineret, illis non impetratis, negotium intermissum est. Instauravit tamen Johannes Cantacuzenus tractatu instituto cum Clemente VI., & Innocentio VI., apud quos conditionem istam apposuit de Concilio celebrando: a cujus propositione non abhorruisse Pontifices, sed eam ob bellorum pericula ad exitum non perductam idem Imperator scribit lib. 4. cap. 9. historiæ suæ. Johannes Palæologus Innocentio VI. obedientiam juravit, operamque omnem impensurum Græcis ad fidem Romanæ Ecclesiæ revocandis spondit. Ejusmodi juramenti formulam ex MSS. Arcis S. Angeli, & Vaticani descripsit Raynaldus ad an. 1355. n. 34, & seqq. Imo Romam ipsemet accedens Urbano V. obedientiam exhibiturus juxta formulam

450 PRIVILEGIA ROM. PONTIFICI

mulam ab ipso Pontifice sibi præscriptam, schisma, erroresque ejuravit, & Ecclesiæ Romanæ fidem professus est: eandem vero exhibet ad an. 1366. n. 7, & 8. Raynaldus. Imperatoris exemplum imitati plerique Græcorum, e quibus Clara vidua Alexandri Valachiæ Principis, ejusdem Claræ filia Bulgarix Regina, & Latzcho Moldaviæ Dux eandem professionem emiserunt. Adis Bzovium, & Spondanum ad annum 1369.

Manuel Palæologus propensum ad Ecclesiæ Græcæ cum Romana conjunctionem, præstandamque Romano Pontifici obedientiam animum præstulit, ut liquet ex legationis Antoni Massani Ord. Min. actis apud Raynaldum ad an. 1422. Ea enim de re Oratores ad Martinum V. misit, sed infirmitate præpeditus idem negotium perficiendum Filio Johanni Palæologo integrum permisit. Is igitur nihil moratus intentas sibi ab Amurate Turcarum Tyranno minas de iterato Constantinopoli invadenda, nisi a conjunctionis cum Latinis ineundæ consilio recederet, ad Eugenium IV. Florentiam properavit, atque in Concilio Florentino definitioni fidei, atque foederis decreto ab Eugenio edito libens, volensque subscripsit, Græcosque suos ad subscribendum jussione sua, exemploque adduxit. Stetisset utinam Johannes in sententia, & schismatis evertendi studium non remisisset! Neque enim ab auxilio contra Turcas commodando Eugenius recessisset, ut ad Constantinum Palæologum litteris suis significavit idem Pontifex. Sed & idem Constantinus litteris admonitus a Nicolao V. schismati extinguendo utinam operam impendisset, fidemque in Concilio Florentino datam implevisset! Quis enim scit, si forte Orientis Imperium stetisset? Quod Latinis suppetias denegantibus, ac permittente vindice Deo, uti a Deo infra triennium ipsius excidium Nicolaus Papa fuerat interminatus, anno 1453. die 29. Maii non absque Cælestibus signis concidit, & capite diminutus Constantinus imperandi Græcis in Oriente finem fecit; ea deinceps dignitate in Turcas transfusa.

Ad Occidentis convertimur Imperatores. Observatum est, quod sicut Imperium Occidentale ab Augusto inchoatum in Augustulo desierat: (Fuit autem Occidentale Imperium ab Augusto institutum juxta calculum Pagii anno 39. ante verum Christi

hi

sti Natalem, atque 45. ante vulgarem Æram: subinde duravit annos 521., idest ad annum usque 476.: quo Odoacer Rex Herulorum dictus est Rex Italiæ, & Augustulus depositus:) Ita, Imperium Orientale a Constantino Magno inchoatum Romæ anno 306; Constantinopoli anno 324. a devicto Licinio; aut 328. ab Imperii Sede Constantinopoli defixa; postquam durasset annos 1146., aut 1129., aut 1125., idest usque ad annum 1453. sub altero Constantino eo anno interfecto finem accepit. At Occidentis Imperium redintegavit S. Leo III., ad illius apicem inaugurato anno 800. Carolo Magno ex gente Francorum, apud quam Imperii insulæ manserunt ad annum usque 924., quo in Berengario ex stirpe Caroli Magni postremo defecit, atque ad Germanos translatum est, cujus gentis primus dictus Imperator, (quamvis nonnullis dicendus videatur Conradus, & post ipsum Henricus I. Auceps nuncupatus, laudandusque utique quam maxime ab egregio, enixoque studio cum curandæ, ac procurandæ Religionis christianæ, quo videlicet Vandalorum, Gothorumque ingentem copiam dum vicit, & devicit, rite credere per victores suos vel milites docuit: Danis vero, & Northmannis in fide satisficientibus constantiam, & fortitudinem suavit, & persuasit: tum amplificandæ Romanæ Ecclesiæ, cui profecto incrementum dedit quam maximum, ut propterea ab Eminentissimo justis, æquique æstimate Baronio dictus sit *Dect Religionis christianæ*: qui equidem Germaniæ Reges fuere, prior ab anno 912. ad 919, posterior ab anno 919. ad 924; at quia nec Modoetiz Corona ferrea a Mediolanensibus Archiepiscopis, nec Romæ aurea a Romanis Pontificibus redimitti fuerunt, Imperatoribus adscribi non debent), Otto magnus audit anno 962. a Johanne XII. Romæ inauguratus. De Imperatoribus ex gente Francorum impræsentiarum non dico, dicturus postea: dicere modo præstat de iis, qui ex Germania imperarunt.

Atque quidem is primus, ac præsto esto ipse Otto Magnus, qui antequam inauguraretur, Johanni Papæ ad Romanæ Ecclesiæ defensionem juramento se obstrinxit; eidemque non modo ablata a Tyrannis restituit, & amplissimas Pippini, & Caroli Magni donationes ratas habuit, sed & nova dominia adjecit. Ottonis

juramentum exhibet Gratianus dist. 63. can. 33; diploma vero aureis exaratum litteris ex Cod. Castri S. Angeli, & Bibl. Vatic. descriptum refert Baronius ad annum 962. De dominio temporali Romani Pontificis ageimus part. 2. Vindiciar. Interea tibi sumus auctor, ut de eo argumento consulas doctissimum Orsum in lib. de hac re adornato. Præterea Occidentis Imperatores priusquam aurea Corona a Romanis Pontificibus redimirentur, iisdem jugiter fidei professionem nuncupasse, ac religionis sacramento erga Romanam Ecclesiam se obstrinxisse eadem par. 2. Vindic. observabimus. Cujus quidem præclarum specimen præbuit Otto III, qui Gregorium V. Crescentii Nomentani Romæ tyrannidem exercentis opera expulsum, ejus in loco successit Johanne Episcopo Placentino, suæ restituit Sedi, Crescentium vero capite mulctavit; Johannes autem lingua, oculisque imminutus a militibus hujusmodi ausibus inhabilis redditus est. Adisit Baronium ad annum 998. De attentatis vero ab Ottone I. adversus Johannem XII. Spondanum leges, qui offensionis lapidem omnem amovet.

S. Henricus II. statim ac accepisset Benedictum VIII. e Throno, & Urbe expulsum a Gregorio quodam, qui conflato schismate ipsius Cathedram invaserat, collecto exercitu Romam properavit, atque in fugam Gregorio coniecto, Benedictum suo restituit loco: a quo postquam Imperii insignibus fuisset indutus, non prius tamen, quam sacramenti religione Pontifici fidem despondisset, edito diplomate omnia dominia a decessoribus suis Romanæ Ecclesiæ collata confirmavit. Refertur a Baronio diploma ad an. 1014; schismatis vero illius solus meminit, ac 13. memorat Wernerus Rollevinch in Fasciculo temporum. Cum Benedicto IX. eodem pietatis officio functus est Conradus II, eum siquidem a Romanis Sede dejectum in eandem restituit, ut adnotavit Pagius ad an. 1028. adversus nonnullos, qui id beneficii impensum non Benedicto, sed Johanni XIX. autumarunt. Sub uno eodemque tempore, quo Benedictus IX. Pontifex audiebat, Romæ eodem honoris titulo cohonestabantur Silvester III, & Gregorius VI, ad unum tres simoniaca labe aspersi, scilicet a Benedicto IX. ingenti pecuniæ pondo Gregorius Pontificatum eme-

rat,

rat, Silvester autem in eundem Pontificatum immigraverat. Ad eam igitur abstergendam sordem, illudque schisma ablegandum Henrico III. adjutore, haud auctore anno 1046. congregata est Synodus Sutrina, in qua Silvester exauctoratus est: Gregorius postulata venia sponte Pontificatu cessit: Benedictus vero IX. jam antea, ut indicavimus, Gregorio VI. ab eo accepta pecunia Pontificatum dimiserat: ex quo factum est, ut legitimos inter Pontifices, tum Benedictus, tum Gregorius adnumerati sint. Eo modo vacante Sede Imperator Romam progressus, Romanoque Clero, populoque congregatis una cum Episcopis Synodi Sutrinæ operam dedit, ut alter eligeretur Pontifex, electus est autem Clemens II, a quo ipse Henricus Imperiali diademate est insignitus. Ista constant ex Victore III. lib. 3. dialog.; & Clemente II. in epist. ad Clerum, populumque Bambergensem, cujus Ecclesiæ ipse prius Episcopus fuerat, quam refert Gretzerus in lib. de Divis Bambergensibus.

Henricus IV. homo alioquin post natos homines Romanis Pontificibus insensus, infestusque, de quo proinde copiose aliquando erit agendum, nihilominus apud Alexandrum II. ab Ottone Bajoariæ Duce simoniæ, aliorumque scelerum accusatus; teste Mariano Scoto in Chron. ad annum 1075, atque ab Alexandro in jus vocatus, jussusque, ut Romam caussam dicturus, respondensque accusationibus ad Sedem Apostolicam a Saxonibus delatis accederet, Pontifici præcipienti sibi obsequendum fore agnovit. Postea de mandato S. Gregorii VII. denunciato sibi decreto contra investituras lato, Pontifici, ut par erat, obsequentem se exhibuit, seque parere paratum, verbis saltem, si non animo, simulavit, teste Paulo Benriedensi in vita S. Gregorii VII. cap. 64. apud Mabillonium. Postremo ad Paschalem II. missis litteris demerere sibi illum studuit, utque indulgentiorem erga se efficeret supplices fategit. Legatis illius coram iniquitatem suam confessus satisfactionem spondidit: eisdemque admonentibus Imperii deposita insignia Henrici Filii potestati ultro dimisit: S. Hugonem Cluniacensem Abbatem tandem, ut pacis apud Pontificem sequester accederet, data epistola deprecatus est, pollicitus, si a Pontifice id impetrasset, ut Imperio restitueretur, Hieroso-

lymi-

lymitanum iter ab se adornandum. Ista constant ex Urspergensii Abbate ad annum 1106, & epist. ejusdem Henrici ad S. Hugonem rom. 3. Spicilegii Dacheriani. Henricus V. postquam longas cum Paschali II, tum Callisto II. molestias creasset; tum demum Apostolicæ Sedis auctoritate compressus investituras dimisit, cujus dimissionis, cum in Wormatiensi Conventu, tum in Concilio Lateranensi I. recitatus tenor iste est: *Ego Henricus Dei gratia Romanorum Imperator Augustus pro amore Dei, & S. Romane Ecclesiæ, & D. Papæ Callixti, & pro remedio animæ meæ dimitto Deo, & SS. ejus Apostolis Petro, & Paulo, & S. Catholicæ Ecclesiæ omnem investituram per anulum, & baculum. Et in fine. In quibus S. Romana Ecclesiæ auxilium postulaverit, fideliter juvabo, & in quibus mihi querimoniam fecerit, debitam sibi justitiam faciam.* Similia sponderunt, qui post ipsum Imperatores sunt inaugurati, quorum memoria alio in loco celebranda erit: ex quibus Lotharius II. non ante imperium inire voluit; quam ab Innocentio II. jussus: totus nempe ad Romani Pontificis nutum pientissime intentus.

Fridericus I. dictus Enobarbus, qui in Ecclesiam, ejusque Pontifices Eugenium III, Anastasium IV, Hadrianum IV, Alexandrum III, Lucium III, & Urbanum III. insaniens tot, & tanta intulit incommoda, quum tamen aliquando veri, rectique ei adfulisset lumen, illud scilicet, quo cum fide christiana fuerat imbutus, probeque agnoscens in se concitatam supremi Numinis iram; ut testantur acta Alexandri III. apud Baronium ad an. 1176, & Pagium in Crit. Baronii ad eundem annum, eidem Alexandro reverentiam, obedientiamque ejurato schismate spondit, ad eamque, quoad usque viveret, observandam sacramento religionis se obstrinxit. Eandem quoque Romano Pontifici obedientiam ut exhiberet, per epistolam vehementer adhortatus est Manuelem Græcorum Imperatorem: *Sicut ille, inquit Fridericus, Rex Regum, a quo omnis potestas, Romanum Imperium Caput totius Orbis constituit; ita etiam Romanam Ecclesiam omnium Ecclesiarum unicam Matrem, Dominam, & Magistram ordinavit, quod usque duorum gladiatorum numero figuravit, quos etiam sufficere perhibuit auctor fidei nostra.* Quapropter tuam Prudentiam

commonemus, quatenus Nobis, & Romano Imperio honorem debitum impendas, & Summo Pontifici, quem nomine tenus Sanctum appellas, debitam obedientiam exhibeas, & honorem. De Ottone IV. dicemus alibi, quum de Innocentio III. De Friderico II. diximus, ubi de Concilio Lugdunensi sub Innocentio IV.

Rodolphus I. Habsburgensis Augustissimæ Domus Austriacæ, cujus extitit Caput, in Imperii apice successoribus insigne erga Pontifices Romanos obedientiæ, reverentiæ, & observantiæ reliquit exemplum. Ad B. Gregorium X. quippe Lugduni Concilium agentem solemniter decreta legatione eidem obedientiam, & fidelitatem sub sacramenti religione spondit. Legationis hujus tabulas ex Archivo Castri S. Angeli, seu Molis Adrianiæ descriptas exhibet Raynaldus ad an. 1274. n. 7, & seqq. Non moror autem Hippolythum a Lapide hominem Lutheranum in dissent.: *De ratione status in Imperio Romano-Germanico Rodolpho ex eo capite invidiam constantem, quod Romano Pontifici munificum præter modum se exhibuerit, Italiæ Exarchatum ipsi confirmans, sed magis ad Baronium hæreticorum hujusmodi imposturas passim expungentem; & ad Gretzerum De munificentia Principum in Sedem Apostolicam egregie differentem patiari te dimitti. De Ludovico Bavaro, & Wenceslao agemus par. 2. Vindic. De Sigismundo, & Friderico III. egimus, ubi de Conciliis Constantiensi, & Basileensi, sicuti de Carolo V, ubi de Concilio Tridentino, in quo finem facimus, ab eo præ aliis præclare gestis utique laudando, quod Capitulationis suo nomine Carolinæ dictæ cap. 1. coram Electoribus sacramento, cujus perinde formam in Imperio successoribus præbuit, ac præscripsit, semet obstrinxit, sponditque Christianum populum, Sedem Romanam, & Pontificiam dignitatem, atque Ecclesiam Romanam Universam tanquam Ecclesia Advocatum constantissime defensurum. Jam ad Regum testimonia, ac gesta convertatur oratio.*

Ex Regibus, Virisque aliis Principibus Occidentis.

S. I I.

AUspicabor autem ab iis, qui in Italia quidem publicarum rerum summa potiti sunt, sed quæ ad Religionem pertinent, nihilo magis fecerunt, quorum proinde minus suspectum haberi testimonium possit. In his Theodoricus Gothorum Rex, qui Odoacro Rege Herulorum, ac primo Italix occiso, Regno Ostrogothorum in Italia initium anno 493. dedit, Princeps Arianorum partibus addictissimus, nihilominus, quum adversus S. Symmachum legitime in Romanum Pontificem electum, Laurentium Presbyterum superbe insurrexisset, eique Sedem suam invidere intellexisset, hunc quidem, ejusque partiaros in ordinem redegit, illi vero suum manere integrum locum jussit. Ita refert Auctor libri Pontificalis sub nomine Damasi. Post annos 4, anno scilicet 503. denuo cum schismate excitatas turbas a Laurentio in Symmachi locum irrepere tentante, atque illum e gradu deturbandi gratia plurium criminum personam Symmacho viro sanctissimo imponente, de hujus consensu indicta a Theodorico est Synodus a loco dicta *Palmaris*, cui hac de causa integrum detulit judicium: *In Synodali, inquit, esse arbitrio in tanto negotio sequenda præscribere, nec aliquid ad se præter reverentiam de Ecclesiasticis negotiis pertinere. Uti referunt acta Synodica. Non nostrum, inquit in præcept. ad Synod. apud Harduinum tom. 2, pag. 974, judicavimus de Ecclesiasticis aliquid censere negotiis, ideo Vos de diversis Provinciis fecimus evocare, ut sub divini timore judicii, totius certaminis Vobis disponentibus causa transiret... Nec a Nobis vestri expectetur forma judicii; sed Vos qualiter vultis, ordinate. Sive discussa, sive indiscussa causa, proferte sententiam. Cæterum Synodo causam S. Symmachi nec in judicio experiri licuisset, nisi se illius judicio sponte submisisset Pontifex, ut contra Launojum alio loco probabimus. Quod quidem optime perspectum habens Pontificis causam divino judicio servandam decrevit. Legendus Ennodii Ticinensis liber apologeticus*

cus pro Symmachi defensione adornatus . Scio a Theodorico postea S. Johannem I. inhumaniter habitum , sibi que Romanum Pontificem eligendi jus adscripsisse : sed in exemplum sane trahenda esse nolim , quæ per summum nefas perpetravit Arianus homo , sed quæ æqui bonique facienda consuluit .

Athalaricus etsi eadem Ariana pece conspiratus in Romani tamen Cleri gratiam lege lata sanxit , ne Clerici ad sæcularia tribunalia traherentur , sed Romano Pontifice coram suam disceptarent causam , cujus sententiæ obsequi omnino deberent : qua occasione præclara de eodem Pontifice edixit : *Si quispiam , inquit , ad Romanum Clerum aliquem pertinentem in qualibet causa probabili crediderit actione pulsandum , ad iudicium Beatissimi Papæ potius conveniat audiendus , ut aut ipse inter utrosque more suæ Sanctitatis agnoscat , aut causam deleget aequitatis studio terminandam . Et si forte , quod credi nefas est , competens desiderium fuerit petitoris elusum , tunc ad sæcularia fora iurgaturus accurrat , quando suas petitiones probaverit a supradictæ Sedis Præsule fuisse contemptas . Quod si quis extiterit tam improbus litigator , atque omnium fuerit iudicio sacrilega mente damnatus , qui reverentiam tantæ Sedi exhibere contemnat , & aliquid de nostris affatibus crediderit promerendum , ante alicujus conventionis effectum decem librarum auri dispendio feriatur , quæ pauperibus erogentur , carensque impetratis negotii quoque sui amissione mulctetur . Dignus enim est duplici pœna percelli , qui & divinam reverentiam , (erga Pontificem) & nostra jussa temerarit .* Extat apud Cassiodorum lib. 7. variar. epist. 24. Ex cujus etiam epist. 20. lib. 12. liquet a Theodato Rege jussum , ejusdem Cassiodori opera , qui Præfæcti Prætorii apud ipsum officioungebatur , ut vasa sacra , quæ S. Agapetus ad expensas in professione Constantinopolitana ci a Rege imperata faciendas oppignorare coactus fuerat , Ecclesiæ S. Petri redderentur , a qua sublata fuerant . Scilicet viro , etsi Ariano , tanta erga Apostolorum Principem animo infedebat reverentia . In Teja anno 552 , postquam annos non ultra 60. prorogatum fuisset , Ostrogothorum in Italia Regnum defecit . Inchoatum paullo post anno 568. ab Alboino Regnum Longobardorum , quod in Desiderio anno 774. desuit , postquam ad an-

nos 206. durasset, scilicet a Carolo Magno Francorum Rege destructum.

Ex Regibus Longobardis principio id obiter attingam, quod profecto devoti erga Pontifices animi non parvum indicium possit haberi, videlicet ab Ariberto II. hujus nominis alpes Cottias a Romanæ Ecclesiæ juribus a Longobardis distractas S. Petro, & Iohanni VII. restitutas fuisse, eoque de re confectas tabulas aureis litteris exaratas Romam ad Pontificem missas, ut refert Paulus Diaconus lib. 6. de gestis Longobard. cap. 28. Eamdem restitutionem Romanæ Ecclesiæ confirmavit postea Luitprandus, ob id præcipue laudandus, quod inter leges ab se latas illud tit. 23. §. 5. sanxerit tenendum Romanum Pontificem supremam in Orbe Christiano potiri potestate: *Papa Urbis Romæ*, in-
quiens, in omni Mundo Caput est Ecclesiarum Dei, & Sacerdotum.
 Quanto vero in honore absque haberetur Pontifex patefecit, dum se ad pedes S. Gregorii II. abiecit, ejusque cohortatione commotus non solum a quoppiam lædendo abstinuit, sed imo, quibus erat indutus, omnia sive arma, sive insignia, sacras ante exuvias S. Petri deposuit, ut auctor est Anastasius in S. Gregorio II. Racheis postquam aliquando juris, pacisque violato fœdere S. Zachariæ Papæ molestus fuisset, tandem ejusdem Pontificis cohortationibus devictus, non modo a sæviendo destitit, sed pristinæ vitæ pertæsus abdicato Regno Monachum sub S. Benedicti regula induit. Id constat ex Anastasio in Zacharia, & Leone Ostiensi in Chron. cap. 8. Aistulphum iniquissime agentem erga Romanam Ecclesiam, cujus patrimonia longe lateque populabatur, ad Stephani II. preces compressum a Pippino Francorum Rege dicam, Deo auspice, alibi, quum de Romanæ Ecclesiæ dominio erit dicendum; quo loci Desiderium postremum Longobardorum Regem pessime quoque erga Stephanum III., S. Paulum I., Stephanum IV., & Hadrianum I. se gerentem, bonaque Ecclesiæ Romanæ contra pacta nedum restituere detrectantem, sed diripientem imo, in ordinem redactum primo a Pippino, dein a Carolo Magno, a quo postremo Longobardorum in Italiæ regnum est deletum, copiose dicetur. Videlicet res proprias iis cessione aut pessime, aut prospere, qui Romanæ Ecclesiæ res aut pessum de-

dis-

dissent , aut procurassent . De Regibus Siciliæ hæc paucis accipe .

Siciliæ Reges a Romanis Pontificibus Regni insignibus adornatos , ab iisque unis regnandi jure donatos res est extra omnem dubitationis aleam constituta . Id enim constat exemplis multis , ac maxime Rogerii , quem Innocentius II. Regem dixit : Edmundi genere Angli , quem Innocentius IV. Regem dicere voluit : Caroli Andegavensis , quem Urbanus IV. & Clemens IV. Regem esse dixerunt : Caroli II. dicti Claudi , quem Nicolaus IV. Friderici Aragonii , quem Bonifacius VIII. , & Benedictus XI. Roberti , quem Clemens V. Reges crearunt Siciliæ : Friderici II. , quem Gregorius XI. Trinacriæ Regem nuncupari jussit : Ladislai Dyrrachinii , quem Bonifacius IX. Regem Neapolis inauguravit , aliorumque , de quibus alibi opportunius , & copiosius . Non ita certo constat tamen de privilegio , quod Siculi *Monarchiam* nuncupant , quo nempe apud Gaufrédum Maleterram Monachum Siculum , rerumque a Rogerio gestarum descriptorem lib. 4. cap. ult. , circumfertur ab Urbano II. Pontifice M. anno 1098 Rogerio indultum , tum ut nullus Legatus a latere in Siciliam , præter ipsius voluntatem , Roma mitti posset ; tum ut ipse posset cohibere , quæ Legatus missus præter ejusdem voluntatem tentare voluisset , tum ut Episcopos , & Abbates Romam accersitos mitteret ipse , quos vellet . Præterquam enim privilegium istud , sive Urbani II. hæcce Bullam pseudo-epigraphis adnumerant plerique , eandemque qua rescidit , qua ad usus sub Regibus Austriacis reduxit Clemens XI. spectare tandem eos tantummodo a viris doctis observatum est , idque ex Bullæ textu deductum , qui Rogerio jure dumtaxat hæreditario , non etiam jure belli , aut cujusque alterius conventionis successissent . Ut ut sit de privilegio isto , certo certius est tamen præfatos Reges hujus generis beneficia ab Apostolica Sede obedientia , devotione , obsequio in se derivasse .

Ex Sabaudix Ducibus , nunc Sardinæ Regibus , de quibus mihi silendum nullo erat modo , uti quibus ortu , & instituto quam maxime obstringor , ut verbo dicam , quo non religionis studio Apostolicam Sedem profecuti sunt , atque operibus , opibusque eam demeruerunt , atque quidem inter alios Oddo , ejus-

que conjux Adalais, quam S. Petri filiam nuncupatam voluit S. Gregorius VII.: Amedeus II. Adalaidis filius, qui ob egregiam ipsis impensam operam, Alexandro II., & S. Gregorio VII. acceptissimus fuit, quem postremum inter, & Henricum IV. conciliationis, & pacis sequestrem se fecit: Humbertus III, qui partes Alexandri III. adversus Fridericum I. dictum *Ænobarbum*, pro virili parte defendit: Philippus, qui Innocentio IV., a quo Lugdunensis Archiepiscopus fuerat designatus, sed Petro ipsius fratre defuncto in Principatus jura successit, magno adversus Comites Urbini, & Camerini, ac Malatestam Domicellum Ariminensem Friderici II. Imperatoris partibus addictos fuit auxilio; adeo ut patrimonii S. Petri administrator, & Ecclesiæ Vexillarius ab eo Pontifice fuerit constitutus, atque a Paulo Pandulpho in panegyri Innocentii IV. dictus *Papæ Amantissimus*, & de Ecclesiâ optime meritis: Thomas II, qui ejusdem Innocentii IV. partes adversus Fridericum II. pro viribus tuitus est, ut proinde Pontifex in eundem jura transtulerit, quæ Archiepiscopus Taurinensis in castra Ripularum, Avillianæ, & Segusii obtinebat, eundemque Ecclesiæ Vexillarium, & Patrimonii S. Petri custodem creavit: Aimo, cui de Ecclesiâ Romana optime merito Benedictus XII. anno 1339. id prærogativæ concessit, ut in Romani Pontificis coronatione Pontificii equi fræna Sabaudicæ Comites, modo nullus adesset Rex, perpetuo tenerent: Ludovicus, a quo nihil non actum, ut magnum Ecclesiæ schisma sub Johanne XXIII, Gregorio XII, & Benedicto XIII. compesceretur, cujusque cura effectum est tandem, ut Martinus V. in Concilio Constantiensi inauguraretur: Amedeus VI. dictus Comes Viridis, qui rem Christianam in Bulgaria egregie curavit, atque Johannem Palæologum Græcorum Imperatorem, unaque Patriarcham Romam perductos ad fidei professionem coram Pontifice emittendam adduxit; scilicet nihil operæ prætermittendo, quo Græcæ Ecclesiæ cum Romana unionem redintegraret: Amedeus VIII, qui Nicolai V, & B. Amedeus IX, qui Pii II. gratiam officiis suis optime sunt consecuti: Emanuel Philibertus a Paulo III. litteris anno 1535. die 4. Februarii datis impense laudatus propterea, quod oblata ab hæreticis Helvetis, modo ad ipsorum partes voluisset pertransire,

con-

constantissimo animo repulit , ne Apostolicæ Sedis fidei deficeret : Sabaudix vero Domum Augustam *Toto Orbe celebrem ex pientissimis , & catholicis gestis præteritis tantam sibi gloriam , & veræ pietatis decus* , asserente eodem Pontifice , acquisivisse . Mitto cæteros ne sim longior , de quibus legendus inter alios Thomas le Blanc in epitome hist. Regiæ Domus Sabaudix to. 3. comprehensæ , quorum propterea beneficentiæ , gratoque studio gratiis , ac beneficiis vicem rependere Romani Pontifices curarunt , atque præ ceteris , Nicolaus V. , Sixtus IV. , Innocentius VIII. , Julius II. , Leo X. , Clemens VII. , Clemens VIII. , Benedictus XIII. , & Benedictus XIV. privilegiis cumularunt ; illo præsertim , ac præclarissimo nominandi quorquæ , qui Ecclesiis Cathedralibus , atque Abbatialibus suis in ditionibus præficiendi forent . Legendus citatus Thomas le Blanc in Carolo Emanuele I. Jam ad Reges Hispaniæ , & Portugalliæ excurrat oratio , complexura non quidem quæ suppetere omnia , (quod nescio an fieri quiret ,) sed illustriora nonnulla suæ erga Apostolicam Sedem devotionis specimina ab illis reddita , quæ ultro-citroque se offerent .

Reccaredus inter Reges Hispaniæ primus , qui S. Leandri opera a S. Gregorio Magno adhibita Ariana hæresi ejurata catholicæ religioni nomen dedit , exemploque suo , & edicto ingentem Gothorum multitudinem ad Ecclesiæ gremium pertraxit , S. Gregorio litteris , legatisque missis obsequium omne exhibuit , adjunctis ex auro muneribus ad S. Petrum , & vestibus multis ad usum pauperum Ecclesiæ Principis Apostolorum , quem dato rescripto in suscepta Religione confirmare optimus Pontifex satagit . De Thedomiro , qui ex Principibus Suevis primus christianis sacris est initiatus , quatenus erga Pontifices animo fuerit obsequentissimo imbutus , adis Ambrosium Moralesium Chron. lib. 2. cap. 62. Unus Vitiza Rex , qui Johanni VI. obedire , & censum a Majoribus decretum solvere detrectavit , subditis invisus evasit . Alphonfus I. Portugalliæ Dux , postquam Mauros ingenti clade affecisset , ab Innocentio II. regiam dignitatem sibi conferri , adjuncto promisso duas auri marcas annuatim Ecclesiæ Romanæ loco census persolvendi , postulavit . Lucio II. de in Romano Pontifici Regnum suum vestigale reddidit ea ratione motus , ut sub Aposto-
licæ

licæ Sedis clientela degeret, nulliusque dominio subjaceret deinceps, nisi ejusdem Apostolicæ Sedis. Id constat ex epist. Alphonſi, & Lucii editis a Baluzio tom. 2. Miscellan. Ab Alexandro III. denique Portugalliæ Regibus eadem regia dignitas vel confirmata, vel ut alii malunt, collata est. Sanctius I. Lusitanæ Rex censum Romanæ Ecclesiæ ab Alphonſo constitutum solvere detrectavit: at ad illum persolvendum Innocentius III. epist., quæ est 99. lib. 1., compulit. Ob alia crimina ab eodem Pontifice objugatus humillime satisfecit, ut adparet ex ipsius epist. 58., & 59. Neque absimili ratione egit idem Pontifex cum Alphonſo II. ejus filio, qui nec a Patre degener Pontifici morem gessit, violataque Ecclesiæ jura redintegravit, uti constat ex Innocentii epist. 51.

Veremundus, qui regnandi, vivendique finem fecit anno 999. referentibus Roderico Toletano lib. 5. de rebus Hispan. cap. 18., & Johanne Mariana lib. 8. de rebus Hispaniæ cap. 9., sanctissimo edicto sanxit, ut tum secundum præscas Gothorum leges, tum præsertim secundum Pontificum Romanorum responsa jus redderetur. Ferdinandus cognomento Magnus Victori II. præcipienti, ut ab Imperatoris titulo, quem usurparat, abstineret, parere officii loco duxit: obid magis laudandus, quam ob inanem nominis umbram. Alphonſus VI. S. Gregorio VII. ut morem gereret id suadenti, ritum Gothicum a sacris exulare jussit, Romano subrogato, & in Ecclesias Hispaniæ invecto. Sanctius I. Aragoniæ Rex Cœnobium S. Johannis de Penna iisdem met privilegiis, quibus gauderet Cluniacense in Gallia, donatum voluit edito diplomate apud Hieronymum Blanca in comment. rer. Aragon., cujus quidem concessionis eam causam ait: *Ut sicut Cluniacenses sunt liberi ab omni jugo humane servitutis, ita & isti sint tantummodo servantes debitam reverentiam Apostolicæ Sedi.* Petrus II. Aragoniæ Rex Romam profectus postquam Innocentio III. obedientia, fidelitateque sese obstrinxisset, juris jurandi adjecta obligationes, eique, ac successoribus Regnum suum vectigale sub certo tributo annuatim persolvendo fecisset, ab eo Rex inauguratus est; atque Tarraconensibus Episcopis, ut Romani Pontificis vice fungentes Aragoniæ Regibus coronam imponerent, facta facultas. Jura-

menti formula a Petro edita legitur in actis Innocentii III. Jacobus I. Aragoniæ itidem Rex veniam sceleris in Gerundensem Episcopum patrati, cui linguam abscindi imperaverat, insimis precibus ab Innocentio IV. postulavit, a quo ad pœnitentiam agendam provocatus, ab ejusdem Legato in genua provolutus, gravissimis verbis castigari se passus est, satisfactionemque impositam religiose, ut par erat, adimplevit. Id liquet ex Innocentii IV. litteris apud Raynaldum ad annum 1246. n. 44, & seqq., & Johanne Mariana lib. 13. cap. 6.

Alphonfus III. Lusitanæ Rex, quum aliquando Ecclesiasticæ immunitati vulnus intulisset, eaque de re a Regni Episcopis sacrorum justitium toto Regno indictum fuisset, ipseque Rex a summis Pontificibus Clemente IV, B. Gregorio X., & Johanne XXI, gravissimis verbis increpatus, ad rectam frugem, antequam satis cederet, regressus se Apostolicæ Sedis mandatis religiose, ut par erat, parere professus est: quæ Ecclesiarum occupaverat bona, e vestigio restitui jussit, atque ad Ecclesiæ inlatas resarciendas injurias Dionysium filium, ac successorem religione sacramenti obstrinxit. Ita refert Brandanus lib. 15. Monarchiæ Lusitanæ cap. 47. Sed & idem Dionysius ob simile violati juris Ecclesiastici crimen a Nicolao IV. anathemate devinctus, ut ab eo solveretur, satisfactionis leges subiit, quas ipsi Pontifex præscripsit. Adeundus Raynaldus ad an. 1289. n. 16, & seqq. De actis a Martino IV. cum Alphonso X. Sanctio, Petro III. Castellæ Regibus, & Alphonso II. Rege Aragonum dicturus sum alibi. Jacobus II. Aragoniæ Rex Sardinæ, & Corsicæ Regnis a Bonifacio VIII. adauctus, ut liquet ex diplomate Pontificio anno 1297. dato, Apostolicæ Sedis, cui præerat Benedictus XI, sacramento fidei per Oratores sese devinxit, clientelarique sponsione magis, magisque se deditit. Constat id ex diplomate Clementis V. apud Raynaldum ad annum 1304. n. 16. Alphonfus IV. Aragonum item Rex sollicitum admodum se præbuit, teste Zurita in Indicibus pag. 172, ne Fridericus patruus Siciliæ Rex cum Ludovico Bavaro Ecclesiæ Romanæ inimico fœdera jungeret, utque a pacto inito modo omni abduceretur. Sollicitior scilicet, quam de Imperatoris, Patrique impendiis, de Pontificis obsequio, & obedientia.

Johan-

Johannes Castellæ, sicut ubi de Constantiensi Concilio observatum est, ex Petri de Luna, cui sub Benedicti XIII. nomine diu multumque audiens fuerat, pertinacia facile intelligens schismaticum, illegitimumque illum esse, obedientia abdicata, eam integram Martino V. legitimis electo suffragiis transdidit. Johannis vestigiis hærens Ferdinandus Aragoniæ Rex, postquam eundem pseudo-Pontificem obtestatus fuisset frustra, ut cessione sua pacem Ecclesiæ concederet, edito anno 1416. edito ejus obedientiam demum ejaravit, quam postea Martino V. professus est. Eleganter ejusdem gesta tribus libris descripsit Laurentius Valla hujus ævi disertus scriptor. Alphonsus in Aragoniæ Regno successor equidem principio cum Pontificibus Martino V., & Eugenio IV. ob Siciliæ Regni prætenso jura, quæ ipsi Pontifices abjudicabant, simulates ad schisma usque gessit, postea tamen grande nefas esse ab Apostolicæ Sedis obedientia aberrare facile intelligens, Eugenio IV. submisit se se. Ejus præclara facinora libris quatuor comprehendit Antonius Panormitanus. In Henricum IV. Castellæ Regem rebelles subditi, qui eo nefarie exauktorato Alphonsum fratrem subrogarant, tanto facinori patrocinium non potius, quam a Pii II. Pontificis Maximi consilio, & consensu sibi quærendum putarunt. Quod quam falso, ac per nefariam calumniam effectum a malefieriatis fuerit per Legatos declarandum duxit Paulus II. Pii II. successor: id autem à Paulo II., ut declararet per Oratores enixe postulavit Henricus. Ergo Pontifex exerto gladio rebelles ad Regis obsequium, vellent, uellent redire compulit. De hoc argumento copiosius alibi. Leges Jacobum Cardinalem Papiensem ep. 122., & Marianam lib. 23. cap. 9., & seqq. Ferdinandus Catholicus ob Mauros ann. 1492. ejectos ita denominatus, sub quo Aragonia, & Castella in unam Monarchiam coaluerunt, novi Orbis regens a Christophoro Columbo detecti tum tandem in se legitime dominium transferibi posse putavit, quum primum Summus Pontifex jus hujusmodi sibi permisisset: quare ab Alexandro VI. ejusmodi, idest Americæ donationem, impetrandam duxit; impetrataque fas illi fuit Imperium in eum Orbem dilatandi, quod fusc alio loco prosequemur. Ut vero in iis Regionibus Catholicæ fidei conservandæ, ac propagandæ causâ Episcopales Cathedræ

cri-

erigerentur , a Paulo III. Pontifice Maximo postea facile impetravit Carolus V.

Emanuel , ac subinde Johannes III. Lusitanæ Reges optime de re christiana promeriti , postquam Vasçi Gammæ , Petri Alvari , Americi Vespucii , Alphonfi Albuquerquei , & Francisci Almeidæ egregia opera Malabariam , Brasiliam , Malacam , Molucas , aliasque Insulas cum in Occidentis , tum in Orientis Indiis : In Africa autem Æthiopiam , Guineam : In Asia Goam , Cambajam , aliasque Regiones aut detexissent , aut subjugassent , nihil antiquius habuerunt , quam ut Ecclesiæ Romanæ fidem , religionem , mores , ritusque eas in regiones inferrent . Testantur id Emanuelis litteræ ad Leonem X , & Johannis III. ad Clementem VII , quæ extant tom. 2. Hispaniæ illustratæ , quibus de christiana Religione in eas regiones ab se investita certiores Pontifices faciunt ; unamittunt Davidis Æthiopum Imperatoris , & Zagazabo eorundem Æthiopum Episcopi litteras , quibus Romanæ Ecclesiæ fidem profitebantur , Romanoque Pontifici obedientiam pollicebantur , quas paullo post referemus ; tandemque petunt viros Apostolicos prædicatum Evangelium in utramque Indiam ab Apostolica Sede dirigi , qui eandem in christiana religione erudirent : quorum petitionibus satisfactum a Pontificibus Summis est , misso præ aliis celebratissimo illo Indiarum postea dicto Apostolo , quod longe , lateque per Indias Christi fidem dilataisset , S. Francisco Xavierio . Johannes V. e Domo Bragantiæ nuper a Benedicto XIV. Pontifice Maximo plurimorum officiorum gratia , quibus ipsius Augusta stirps Apostolicam Sedem prosecuta est , ipseque profectui non desinit , Regis *Fidelissimi* præclarum titulum promeruit . Hæc de Hispaniarum , videlicet Castellæ , Aragoniæ , & Lusitanæ Regibus leviter delibasse , atque primoribus , ut ajunt , labiis salutasse satis superque arbitror , quum res omnibus perspectissima sit , omni studio a Regibus Catholicis res Religionis curatas semper fuisse , omnique officiorum genere Apostolicam Sedem obstringere sibi nunquam non navatum .

Ad hæc doctissimus Cardinalis de Aguirrè tom. 1. collect. Concil. Hispan. dissert. 15. excursu 3 , apposite observavit Hispaniæ Reges tanta olim , nedum ut decebat , in Romanos Pontifices ,

Part I.

N n n

sed

sed & in Episcopos observantia, devotione, ac religione affectos fuisse, ut sub initium Conciliorum, quibus interesse consueverant, initio tamen eorundem tantum, humi prostrati enixe se Episcoporum precibus commendarent, nec ante in pedes exsurgerent, donec pro ipsis plures orationes fuissent effusæ. Advertit etiam Regum christianorum primos Hispaniæ Reges, horum vero primum Reccaredum, quem anno 589. ejurata Ariana hæresi catholicæ Ecclesiæ adscribi voluisse diximus, in coronatione sua ab Episcopis solemnem, regiam, sacramque unctionem accepisse. Ferunt equidem Clodoveum Francorum Regem primum, qui Christo nomen dedit, chrismate e Cælo demisso consecratum fuisse: sed ea unctio non Regia fuit, & ad Coronationem spectans, sed Sacramentalis, & pertinens ad Baptismum. Id liquet ex epist. S. Hormisdæ ad S. Remigium Remensem Episcopum, quam tamen genuinam esse non convenit iuter Eruditos, ut observat Pagius in crit. Baronii ad annum 514, & Sirmondus eam ceu spuriam a sua collect. Concil. Galliæ rejecit. Liquet etiam ex S. Gregorio Turonensi lib. 2. hist. Francor. cap. 31, ubi agens de Clodovei baptismo inquit: *Delibutusque sacro chrismate cum signaculo Crucis Christi*. Quamobrem P. Gabriel Daniel Soc. J. tom. 1. hist. Gall. constantissime affirmat Francorum Regum primum fuisse Pippinum, qui sacra, ac solemni unctione Rex inauguratus fuerit, eam bis accipiendo, primo quidem anno 752. a S. Bonifacio Archiepiscopo Moguntino, atque Sedis Apostolicæ Legato, postea vero anno 754. a Stephano III. Papa in Gallias profecto, sicuti referunt Annalistæ Bertinianus, Loiselianus, Metensis, Tilianus, Eginhardus, Regino, & alii. Nunc ad Angliæ, Daniæ, & Scotiæ Reges inferendus gradus.

Ad S. Eleutherum, qui Pontificatus fastigium anno 170. ascendit, Lucium Britannæ Regem epistolam dedisse, rogatum precibus infimis, ut divini verbi præcones, qui populum suum de rebus Romanæ Ecclesiæ erudirent, Sacerdotes item, qui sacramentis, moribus, ritibusque populum eundem procurarent, mitteret, missos vero a Pontifice Fugatum, & Damianum, aliis Donatium, seu Duvianum, qui Regem, subditosque magnum numerum Religione Ecclesiæ Romanæ imbutos sacris mysteriis initiarunt, testantur

Au-

Auctor libri Pontificalis, & V. Bedæ lib. 1. hist. Angl. cap. 4. Fertur item fuisse tunc temporis in Britannia Flamines 28, & Archiepiscopus suffectus. Quod posterius si fatellarum loco reponendum pugnes, per me licet, non repugno, reponas. V. Bedæ testimonium confirmat Ufserius antiq. Britannicar. Ecclesiar. cap. 3. duobus nummismatibus antiquissimis, argenteo uno apud Josephum Hollandum, aureo altero penes Robertum Cottonum, in quibus signata Crux, & Regis Lucii nomen subscriptum legabatur. Ufserio vero consentiunt Tillemontius tom. 3. monum. hist. Eccles.; Bollandiani incatalog. veter. Pontif. præfixo tom. 1. Aprilis; Baronius ad annum 183; Pagius in Eleutherio; Rapinus de Thoyras lib. 1. hist. Angl.; Michael Alfordus Soc. Jes. in Annal. Eccles. Britan. ad annum 182; Blanchinius in adnot. ad Anastasium in Eleutherio; aliique ex Anglis Protestantibus: contra quos pugnant Fridericus Spanhemius filius lib. 3. Miscellan., in disquisitione de conversionibus Lucii Britanum Regis, Julæ Mameæ Augustæ, & Philippi Imper. Patris, & Filii; & Samuel Basnagius in Annal. polit., & Eccles. ad annum 181, quorum opinio post habenda mihi quidem videtur, nullo satis fixo argumento suffulta. Quandoquidem Origenes hom. 4. in Ezechiel.; Tertullianus in lib. adversus Judæos; & S. Athanasius in epist. ad Jovinianum Imper. apud Nicephorum lib. 9. hist. Eccles. cap. 42; jam tum in Britannia Christi nomen auditum, atque exultam rem christianam testantur.

Ab exordio iterum reparatæ christianæ religionis a S. Augustino in Angliam directo a S. Gregorio M. coepit Angliæ Regum eximia erga Apostolicam Sedem devotio, quam ut demerent, omni genere officiorum sategerunt. Ergo Ethelbertus Canthii Rex recens a S. Augustino ad christianam Religionem adductus S. Gregorium Magnum maxima observantia ei exhibita sibi obstrinxit, ut liquet ex V. Bedæ lib. 1. cap. 32. referente litteras S. Gregorii, quibus Ethelberti Religionem commendavit. Enituit præcipue erga Apostolorum Principes ejus devotio eorundem in honorem excitato templo. Quid autem quod Honorio I. Cynigilsus Saxonum Occidentalium Rex S. Birino Episcopo du-

ce; atque S. Martino I. Penda Mittelengorum, five Anglorum ad mare Mediterraneum Alcfleda conjuge suadente devotionis sacramento se se devinxerunt? Ethelbaldus, qui Mercii imperabat, ad S. Zachariæ Papæ salutaria monita statim Concilium Cloveshoviæ ad morum reformationem, accepta regula a moribus Romanæ Ecclesiæ, celebrandum curavit; testatur id Uvillelmus Malmesburienfis lib. 1. de gestis Regum Anglorum. Offa alter Merciorum Rex Romam profectus veniam peccatorum ad sepulchrum S. Petri exoraturus Hadriano I. Pontifici Maximo anno 775, ejusque successoribus Regnum suum vectigale fecit, singulis Regni familiis domesticatim imposto tributo singuli denarii in annos singulos Romanæ Ecclesiæ solvendi. Ita Willelmus Malmesburienfis lib. 1, & Polydorus Virgilius lib. 14. Anglic. hist. Scholam Anglorum Romæ ab Ina, de quo infra, fundatam amplificavit idem Offa, atque redditibus auxit, ut majori numero Romam Anglia proficiscentibus rerum necessariarum nihil deesset, quo a diuturniore mora trahenda prohiberentur, sed imo commode magis, Ecclesiæ Romanæ doctrina instrui possent. Ita refert Matthæus Parisius in vita Willegodii Abbatis Monasterii S. Albani ab Offa erecti.

Osuvius Rex Northumbriæ vigente controversia de celebratione Paschatis, postquam longam in utramque partem audivisset disputationem, illi victoriam detulit, quæ pro servando more Ecclesiæ Romanæ decertarat: proinde imposterum juxta Romanæ Ecclesiæ morem celebrandum Pascha pronunciavit. De hacce controversia par. 2. Vindiciar. copiosius agemus. Porro eo uno argumento, nulloque præterea, quam quia antiqui Britanni Asiatico more aliquando Pascha coluerunt, ducti Anglo-Calvinistæ non nulli Majores suos fidei Christianæ prima rudimenta a Græcis, Asianisque recepisse conjiciunt, istaque conjectura, quod pejus est, a Patriarchatu Romano Britannicas Ecclesias subducunt, quo modo viam inivere excusandi nefarii consilii, quo Ecclesiæ Romanæ jugum, quin verius jurisdictionem excusserunt. Quam fictitia, & quam falsa conjectura isthæc sit, ex una Johannis IV. Papæ epistola anno 640. ad Scotos exarata de Paschate post Lunam 14. celebrando conficitur, quam exhibet V. Beda lib. 2. cap. 19.

cap. 19, in qua error ille celebrandi Pascha Luna 14. recens apud Scotos inventus dicitur; & Beda eo loci sub id temporis eum exortum in Scotia, nec eidem adhæsisse gentem universam, sed quosdam dumtaxat refert. Sed de hoc argumento alibi. Confer & Chenulphi Regis epistolam ad S. Leonem III, de qua paullo post. Nec alteram Naitano Pictorum Regi celebrandi Paschatis infedis se rationem, quam quæ Romanæ Ecclesiæ referretur accepta, perhibet V. Beda lib. 5. cap. 22.

Ceduvalla Rex Occidentalium Saxonum Christo nomen dediturus Romam ad S. Sergium I. Papam an. 689. profectus, ab eodem sacro expiari baptismo voluit; id testantibus V. Beda lib. 4. capp. 15, & 16; & Willelmo Malmesburiensi lib. 1. Confer etiam Alfordum ad annum 687; Bollandum ad 20. Aprilis; & Pagium ad annum 689. n. 2, & seqq. De Coenredo Merciorum Rege consule V. Bedam lib. 5. cap. 20. Ina Ceduvallæ successor Regnum suum Romano Pontifici S. Gregorio II, ejusque successoribus subjecit anno 726, in singulas domos constitutis singulis nummis argenteis S. Petro annuatim persolvendis. Rem narrant V. Beda lib. 5. cap. 7; & Polydorus Virgilius lib. 5. Ab eodem Ina exoratus S. Gregorius, ut sibi liceret Romæ scholam Anglorum ædificare, libenter indulgit, teste Matthæo Westmonasteriensi in hist. Angl., utpote quam non aliam ob causam extruere Rex expetebat, nisi ut ad eam Reges Angliæ, & *Genus Regium*, ut loquitur citatus auctor, cum Episcopis, Presbyteris, & Clericis, in doctrina, & fide catholica erudiendi venirent; ne quid in Ecclesia Anglicana sinistrum, aut veritati catholicæ contrarium doceretur; & sic in fide stabiliter roborati ad propria remearent. Porro Schola hæc postea conversa est in Xenodochium, quod hodie S. Spiritus dicitur, estque celeberrimum, teste Matthæo Parisio loco paullo superius laudato.

Chenulphus Merciorum Rex, statim atque inauguratus est, legatione ad S. Leonem III. decreta rogaturus, ut Ecclesiæ Cantuariensi Primatum ad preces Offæ ab Hadriano I. ab ea ad Ecclesiam Lichfeldensem translatus, iccirco quod Lamberto Archiepiscopo Cantuariensi subinsensus Offa fuisset, restitueret, quod postea impetravit; litteras quoque ad eundem Pontificem dedit, quas

quas exhibent Labbeus tom.7. Concil., & Baronius ad annum 796. n.18. & seqq., quæ quanto in Romanum Pontificem obsequiis, & devotionis flagraret studio ostendunt. *Merito*, inquit, *omnis per Orbem exultat Ecclesia, quia quum omnium verus Remunerator bonorum gloriosissimum Gregis sui Pastorem Hadrianum perpetuo remunerandum super æthera duxisset, suis tamen Ovibus, pia erexit providentia prævium, qui scit Ovile Dominicum ad canlas non inferius vitæ agitare. Nos quoque merito, quos extremas Orbis tenet, eodem modo præ ceteris gloriamur; quia illius sublimitas nostra salus est, illius proceritas nobis perennis exultatio, quia unde sibi Apostolica dignitas, inde nobis fidei veritas innouit. Quapropter opportunum arbitror tuis sanctis iussionibus aures obedientiæ nostræ humiliter inclinari, & quæ tuæ pietati rite Nobis sequenda videantur, toto nisu implenda: quæ vero rationi contraria deprehensa fuerint, citius declinanda, ac interim a nobis omnimodis refecanda. Subinde se Pontificis gratiæ commendans, ab eoque benedici summopere exoptans subiungit: *Hanc benedictionem omnes, qui ante me sceptro præfuerunt Merciorum, meruerunt ab Antecessoribus tuis adipisci: hanc ipse humilis peto, & a Vobis ò sanctissime impetrare cupio, quatenus imprimis adoptionis sorte me Tibi Filium suscipias, sicuti Te mihi Patris persona deligo, & totis obedientiæ viribus semper amplector. Eardulphus Northumbriæ Rex regno ab Alphuvoldo, & regni Optimatibus pulsus, ad Carolum Magnum primo in Germaniam, Romam deinde ad prælaudatum S. Leonem III. profectus causam suam Pontifici permisit. Is vero intelligens certo regnandi jure Eardulphum præditum esse, in Britanniam Adulpho Diacono Legato missa, ac litteris ad Episcopos, & Optimates directis eum Regno suo anno 808. restituit. Rem enarrat Eginhardus in Analibus ad eundem annum.**

Ethelvulphus filius Egberti Regis, sub quo in unam Monarchiam multa Britannicæ Regna in multos Reges dispersita demum coaluerant, Regni hæres Romam religionis ergo ad Benedictum III. accedens Sedi Apostolicæ Regnum suum integrum subiecit, atque annuo tributo persolvendo, quod S. Petri denarius vocatum diu est, obnoxium reddidit. Sed & testamento suo ius-

sit

sit annuatim trecentas auri marcas Romam mitti, scilicet centum Basilicæ S. Petri, totidem Basilicæ S. Pauli ad luminaria concinnanda, centum reliquas Pontifici Maximo cessuras. Aelfredus ejus filius jam pridem ab eodem Rege Romam ad Pontificem missus fuerat, a S. Leone IV. Benedicti III. decessore moribus pariter, & religione informandus, quem Pontifex in Regem inau- guravit, & in spiritualem filium adoptavit. Ea sæpe is usurpare solebat verba: *Maximam Regis esse dignitatem, si nullam in Ecclesia Christi haberet potestatem: si se in Regno Christi, quod est Ecclesia, non Regem, sed Civem cognoscat: si non in Sacerdotes legibus dominetur, sed Christi legibus, quas promulgaverunt Sacerdotes, humiliter subjiciatur.* Ita testantur Asserus coævus in ejus vita, & Ælredus Abbas Rievellensis in lib. de genealog. Regum Anglor. Ethelvolphum etiam Romæ instaurasse Anglorum scholam ab Ina, & Offa Regibus sub S. Gregorio II; & Hadriano I. institutam referunt. Confer. Pagium ad annum 855; nec non ad annum 874; non secus atque Baronium ad eundem annum, ubi agunt de Burgho Merciorum Rege haud ab simili erga Romanam Ecclesiam devotionis affectu flagrante.

Ethelstanus Alfredum, qui e Regno ipsum exturbare moliebatur, vincum ad Johannis X. tribunal dimisit coram Pontifice causam dicturum. Alfredi bona Ethelstano Regi Pontifex adjudicavit: at ille S. Petro in grati animi obsequium Monasterio Malmesburienſi bonis illis mancipatis dedicavit. Edgarus inter Angliæ Reges pietate, & potentia celeberrimus, postquam ab Episcopis sacris Canonibus Ecclesiæ disciplinæ ut consuleretur, opera sua curasset, legibus ipse optimis ut iidem Canones farti, ac recti custodirentur, sategit; inter quas præclara illa est, qua erga Apostolicam Sedem ardens sui animi studium, religionemque summam ostendit, denarium S. Petri persolvendum jubens his verbis: *Denarius in domos singulas impositus ante festum divi Petri redditur: qui eum non solverit, denarium illum, ac alios præterea triginta Romam comportato, certaque litterarum testificatione domum rediens se eo detulisse confirmato, ac Regi denique centum viginti solidos numerato. Si quis secundo non dederit, denarium illum, ac præterea terdenos Romam deferat, Regique postquam*

quam redierit, ducentos solidos dependito. Si tertio deliquerit, rebus suis omnibus exutor. Extant hæc Edgari leges in collectionibus Conciliorum. Observe obiter a nonnullis Regibus Regnum veltigale Romanæ Ecclesiæ factum fuisse, quod ita est intelligendum, donationem factam ab alio sequiore Rege auctam, vel per ceteras provincias, quæ regiæ potestati accesserunt, subinde ampliatam: veltigale quoque pietate Regum factum, non ex obligatione aliunde obstringente. Denarium illum testibus Polydoro Virgilio lib. 5, & Ranulpho Cestrensi lib. 5. cap. 24. Angli vocant *Romescot*, qui Latinis est argenteus nummus.

S. Eduardus Angliæ Rex anno 1043. salutatus votum Romanam devotionis gratia petendi more majorum Deo nuncupavit: a quo tamen illum S. Leo IX. solvit, peregrinatione cum aliis pietatis operibus commutata. Ergo piensissimus Rex tributum pendit ab Anglis Sedi Apostolicæ solitum auxit; & Cœnobium Westmonasteriense instauravit, redditibusque ampliavit: in epist. vero ad Nicolaum II, qua Cœnobii privilegia confirmari petiit, eximium suæ erga Sedem Apostolicam observantiæ specimen ostendit: sic enim scribit: *Summo, Universalis Ecclesiæ Patri Nicolao Eduardus gratia Dei Anglorum Rex debitam & subjectionem, & obedientiam. Gratulatur dein de ipsius inauguratione, subditque. Quapropter iustum judicamus apud Vos, velut ad solidam petram, acuire, & probare omnes bonas actiones nostras, & vestram notitiam, & societatem in bono habere, quatenus eas, donationes, & privilegia, quæ obtinuimus apud Prædecessorem vestrum, renovetis, atque augeatis Nobis, videlicet, ut quod ille (S. Leo IX.) injunxerat Nobis sub nomine obedientiæ, & pœnitentiæ propter votum, quod voveram ire Romam, & in remissionem omnium peccatorum meorum construere Cœnobium Monachorum in honorem Apostoli Petri, ratum faciatis, & privilegia possessionum, & dignitatum ejusdem loci confirmetis, renovetis: & decernatis. Ego quoque pro modulo meo augeo, & confirmo donationes, & consuetudines pecuniarum, quas habet S. Petrus in Anglia, & ipsas pecunias collectas cum regalibus donis mitto Vobis, ut cretis pro me, & pro pace Regni mei. Legitur in collect. Labb. tom. 9. Nicolaus autem Cœnobii privilegia confirmavit; illud*

ab Episcopi jurisdictione exemit; Eduardo vero Ecclesiarum omnium Angliæ defensionem, & custodiam commisit. Leges S. Edwardi in ejus vita apud Bollandianos ad diem 5. Januarii: ab Alexandro III. dein Sanctorum catalogo adscriptus S. Eduardus est. S. Eduardo improle defuncto Willelmus I. Normaniæ Dux ejus Regnum obtinuit, atque ab Araldo, cui illud Angli detulerant, Alexandri II. auctoritate, cui causæ suæ æquitatem cognoscendam commiserat, vindicavit. Videfis Ordericum lib. 3. hist. Ecclef. De Willelmi II, & Henrici I. cum S. Anselmo diffidiis alibi dicitur.

Henricus II. ab Hadriano IV. ut liceret sibi petiit Hiberniam invadere, exleges populos illos, ut in desiderio ei erat, ad frugem adducendi gratia, eandemque subactam, Christianæ Religionis in ea conservandæ, & amplificandæ causâ, in suum dominium transcribere. Permisit quidem id Pontifex, ea tamen conditione adjuncta pensionis unius denarii singulis annis a singulis domibus Apostolicæ Sedi persolvendi: *Ad cujus, inquit, jus eam Insulam, ceterasque omnes, quæ documenta fidei capissent, pertinere nemini dubium esset.* Hadriani diploma ex Codice Vaticano descriptum exhibet Baronius: referunt etiam Radulphus de Diceto in imaginibus historiar.; Giraldus Cambrensis lib. 2. de rebus ab se gestis cap. 103 & Matthæus Parisius ad annum 1159. apud Pachem in Crit. Baronii ad eum annum: ut propterea immerito Michael Alfordus Soc. Jesu in Annal. Angliæ de illius diplomatis sinceritate dubitaverit. De Henrici II. diffidiis cum S. Thoma recurrit sermo. Sed & legenda ejus nomine a Petro Blesensi exarata ad præf. Pontificem epistola 165. A Johanne Rege sine terra dicto Regnâ suâ Angliæ, & Hiberniæ Innocentio III, ejusque Successoribus resignata, homagii juramento ejus Legato præstito, constitutisque mille marcis quotannis Romanæ Ecclesiæ persolvendis, illudque homagium, atque tributum etiam ab Henrico III. exhibitum Innocentio IV. dicitur opportuniori in loco, ubi & operosius erit agendum de jure, quod Bonifacius VIII. sibi asseruit, cognoscendi de controversia Eduardum inter, & Johannem de Balliolo circa Regnum Scotiæ. Eduardus III. sane Procuratoribus ad Romanum Pontificem Clementem VI, *Pars I.* O o o post

post quam litteras dedisset ad ejus decessorem Benedic- tum XII, missis illi cognoscendum permisit jus suum successionis præ Phil-ippo Valesio in Regnum Franciæ. Id refert Thomas Wallingha- mus in hist. Anglic. ad annum 1343.

Richardus II. in Regni Conventu anno 1383. statuta non- nulla ediderat, quæ ut rata manerent, a Romano Pontifice rati- haberi curavit Apostolicis litteris impetratis, quibus graves censuræ decernebantur adversus quoscumque, qui statutis illis oblectati ausi essent. Id postea Richardo vitio datum fuit ab Optimatibus Regni, unaque ex causis extitit, ob quas ab eo abalienati sunt, ac Regno cum ipse se abdicaret, tum ab illis ab- stineretur: at ii pestilentissima Wicleffi labe jam infecti erant, ut notavit Wallinghamus loco citato. Non ita egere Optimates illi, qui apud Bonifacium VIII. supplices accedentes, officio de- votionis petso luto, leges, & libertates a decessoribus Pontifici- bus Angliæ Regibus concessas ut confirmaret, enixim esflagi- tatunt. Henricus VI, dum in Eugenium IV. Basileenses debac- charentur, ejus partes viribus omnibus persecutus est, adeo ut officiis devinctus Pontifex litteris datis anno 1440, quas re- fert Raynaldus, ejus religionem quam maxime commendarit.

Henricus VIII, antequam a Catholica Religione descisce- ret a pravis suis cupiditatibus abreptus, dum aliquando Lutheri Captivitatem Babylonicam lectitasset, zelo fidei flagrans, quum- que litteris non leviter esset instructus, librum de assertionem se- ptem Sacramentorum contra Lutheri doctrinam adornavit, quem Leoni X. dedicavit. In epistola nuncupatoria suam erga Christi Vicarium observantiam, atque erga christianam Religionem eni- xum studium his explicat verbis: *Quæ pestis unquam tam pernicio- sa invasit gregem Christi? Qui serpens unquam tam venenatus ir- respsit, quam is (Lutherus,) qui de Babylonica captivitate Ec- clesie scripsit, qui Scripturam sacram ex suo sensu contra Christi sacramenta detorquet, traditos ab antiquis Patribus Ecclesiasticos ritus eludit, sanctissimos viros, & vetustissimos sacrarum litte- rarum interpretes, nisi quatenus ipsius sensui conveniunt, & consentiunt, nihili pendit, Sacrosanctam Sedem Romanam Ba- bylonem appellat, summum vero Pontificium vocat tyrannidem,*
totius

totius Ecclesiæ decreta saluberrima captiuitatem censet, & sanctissimi Pontificis nomen in Antichristum convertit? Ob detestabilis arrogantia, contumelia, ac schismatis Buccinator! Quantus inferorum Lupus est iste, qui Christi gregem dispergere quarit, & a capite suo decerpere! Articulo vero 2. sic ait inter alia: *Negare Lutherus non potest, quin omnis Ecclesia fidelium Sedem Romanam velut Matrem, Primatemque recognoscat, ac veneretur: quacumque saltem neque locorum distantia, neque periculis inter jacentibus prohibetur accessu. Quamquam, si vera dicunt, qui ex India quoque veniunt huc, Indi etiam ipsi tot terrarum, tot marium, tot solitudinum plagis disjuncti, Romano tamen Pontifici se submitunt. Ergo si tantam, & tam late fusam potestatem neque Dei jussu Pontifex, neque hominum voluntate consequutus est, sed sua sibi vindicauit; dicat, velim, Lutherus, quando in tantæ ditioris erupit possessionem. Num potest obscurum initium esse tantæ immensæ potentia, præsertim si intra hominum memoriam nata sit? Quod si rem dixerit unam fortasse, aut duas ætates superare, in memoriam nobis rem redigat ex historiis: alioquin si tam vetusta sit, ut rei etiam tantæ oblitterata sit origo, legibus omnino cautum esse cognoscat, ut cujus jus omnem hominum memoriam ita supergreditur, ut scire non possit cujusmodi habuerit initium, censeatur habuisse legitimum; vetitumque esse constat omnium consensu gentium, ne, quæ diu manserunt immota, moueantur. Pluribus idem argumentum prosequitur, eoque præsertim Lutherum perstringit, quod Græci olim, quamvis apud ipsos Imperium vigeret, Romani tamen Pontificis supra se Primatum stare agnoscebant. Adis Raynaldum ad annum 1521, ubi Henrici VIII. librum in epitomen redigit. Perlecto vero a Leone X. libro, Henrico Regi ejusdem auctori illustre nomen, & titulum *Defensoris fidei* attribuit Constitutione edita anno eodem, quæ extat tom. 1. Bullarii Romani. Jam ad Reges Daniæ, Scotiæ, Insularumque descendo.*

Harioldus, sive Haraldus Daniæ Rex hostium inuidia Regno excedere coactus, inde ad Ludovicum Pium Imper. suppetias postulaturus profectus, ab eodem ad Christianam Religionem amplexandam persuasus est. Itaque ab Imperatore, atque ab S. An-

fchario, & Autberto, quos ad id operis Imperator adhibuerat, de Romanæ Ecclesiæ doctrina edoctus est, & sacris ejusdem mysteriis initiatus. In Daniam regrediens Anscharium, & Autbertum initeris comites voluit, qui in Regnum Christianam Religionem longe, lateque, quo patebat, propagarent. Ante omnia autem maximopere curatum est ab Imperatore, Rege, & Anschario, ut harum rerum fieret certior Gregorius IV. Pontifex Maximus, a quo litteræ deinde datæ sunt ad Anscharium, quibus eidem facta est potestas amplificandi apud Danos rem Christianam. Extat Gregorii IV. epistola isthæc legenda apud Lambeccium tom. 1. orig. Hamburg. ; apud Cointium tom. 8. annal. Franc. ; Isaacum Pontanum lib. 4. hist. Danicæ, & Mabillonium sæcul. IV. Benedic. par. 2. Anno circiter 150. ab obitu Harioldi Sueno Rex, quem miror a viro quodam doctissimo recentiore, ac mihi quidem magno in pretio, dictum Harioldi hujusce filium, a quo attamen tanta annorum intercapedine distat, Sueno, inquam, Rex aliquando pravo animo in rem Christianam affectus, in nostros gravem anno 980. circiter commovit tempestatem: sed supremo Numine vindice Regno expulsus, idque mali sibi in vindictam violatæ Religionis agnoscens, quantum antea Christianæ rei insensus fuisset, tantum postea studiosissimus cultor, & propugnator fuit fortissimus. Adis Grammaticum Saxonem lib. 10, & Pagium ad annum 994.

Canutus, qui anno 1017. Danicæ Regnum Angliæ adiunxit a Patre Suvano adiit, quique anno 1028. Olao Norvegiæ Rege debellato, & istud Regnum suo pariter adjecit, præcedentium Angliæ Regum, quibus pietate haud erat impar, propositis sibi exemplis, prosecutionem Romanam ad Principem Apostolorum, apud quem summam esse potestatem ligandi, & solvendi probe noverat, anno 1027. adornavit: cujus equidem itineris eam extitisse causam idem met indicat in epist. ad Angliæ Episcopos relata a Labbeo tom. 9. Concil. ; & a Baronio ad annum 1027. *Quia didici, inquit ibi, S. Petrum Apostolum magnam potestatem accepisse a Domino ligandi, atque solvendi, Clavigerumque esse Regni celestis. Quæ quidem in sententia sterisse pariter, ac Romano Pontifici subscribendum semper voluisse Waldemarum Danicæ Regem, testata res est apud Saxonem Grammaticum lib. 14, & Isaacium*

cium Pontanum hist. Danicæ lib. 6. ad annum 1168. A Johanne XIX. Canucus deinde obtinuit, ut Dani, Anglique religionis causa Romam adeuntes ab oneribus Romipetis imponi solitis abirent immunes, ut idem in cit. modo epist. testatur; legiturque apud Willelmum Malmesb. lib. 4. de gestis Reg. Anglor. De Waldemaro Sueciæ, & Haquino Norvegiæ Regibus Apostolicæ Sedi additissimis consule epistolas ab Innocentio IV. ad ipsos inscriptas, quas refert Raynaldus ad annum 1252. n. 20, & seqq.; neque enim præstat omnes singillatim persequi. Ericum Sueciæ pariter Regem in Romanæ Ecclesiæ fidem submitte, devoteque se transcribentem paterno affectu amplexus in clientelam admisit Honorius III, ejus ad illum datas litteras legere est apud Raynaldum ad annum 1225. n. 18. Ericus Danicæ Rex a Bonifacio VIII. censuris Ecclesiasticis irretitus, iccirco quod in Johannem Archiepiscopum Lundensem Sueciæ Primate suo jussu in vincula conjectum violentas manus iniecisset, tum demum, idest anno 1299. ab iisdem absolvi impetravit, postquam Pontifici fecisset satis, atque Præsulem in libertatem asseruisset. Adis Raynaldum ad eum annum, ubi Bonifacii litteras regerit. Postremo Christiernus Danicæ pariter Rex anno 1474. Romam pro voti peregrinationis in Palæstinam commutatione ad Sixtum IV. profectus, tot, tamque egregia erga Pontificem obsequii submissi, sinceræque observantiæ specimina exhibuit, ejusque rei gratia religionis perinde, ac reverentiæ erga S. Romanæ Ecclesiæ Cardinales, ut propterea Jacobus Cardinalis Papiensis rerum omnium præfens testis scribere non dubitaverit in epist. 566. Romæ præcitato anno data: *Ita nobis Italii, quo animo esse in summum Sacerdotium debeamus, suo docuit exemplo.* Hancce Cardinalis Papiensis epistolam legi dignam descripsit Raynaldus ad eundem annum n. 2.

Reginaldus Insularum Britannicæ adjacentium Princeps Insulam Man dictam latine Euboniam in mari Hibernico anno 1219. Romanæ Ecclesiæ, sive Honorio III. deditit, quam subinde a Pandulpho Honorii legato possidendam recepit sub annuo censu duodecim marcarum sterlingorum. Ejusmodi donationis, conventionisque instrumentum confectum Londini anno præcitato se vidit-

vidisse scribit Spondanus in collectione Nicolai Cardinalis Aragonii; atque ex eo nonnulla recitat Raynaldus ad eundem annum n. 44, illudque extare testatur in registro Honorii III. lib. 4. epist. 629, & lib. 7. epist. 189. *Noveris Sancta*, inquit Reginaldus, *Paternitas vestra*, quod nos, ut participes simus bonorum, quæ sunt in Ecclesia Romana, . . . dedimus, & obtulimus ei (Pandulpho Legato) nomine Ecclesiæ Romanæ, & vestro, & catholicorum vestrorum Successorum Insulam nostram de mari quæ ad nos jure hereditario pertinet; & deinceps nos, & hæredes nostri in perpetuum tenebimus in feudum dictam Insulam ab Ecclesia Romana, & faciemus ei per hoc homagium, & fidelitatem; & in recognitionem domini nomine census nos, & hæredes nostri in perpetuum annuatim solvemus Ecclesiæ Romanæ duodecim marcas Sterlingorum in Anglia apud Abbatiam de Furnis Cisterciensis Ordinis. Rogat deinde Pontificem, ut protectionem, quam aliis Regibus impendebat Ecclesiæ Romanæ subiectis, sibi quoque impertiret. S. Gregorius VII. pluribus in locis agit de Regibus Feudatariis Ecclesiæ Romanæ: lib. 2. epist. 74. de Regno Russiæ: lib. 4. epist. 28. de Regno Hispaniæ: & lib. 7. epist. 13. de Regno Hungariæ. Confer ejusdem lib. 1. epist. 7. ad Princip. Hisp.; 29. ad Judices Sardin.; 38, 45, & 61. ad Uratislaum Bohemiæ Ducem: 41. ad Orzocum Judic. Calarit.; 58. ad Geusiam Ducem Hungar.; 63. ad Sancium Reg. Arag.; 70. ad Guillelmum Reg. Anglor.; lib. 2. epist. 7. ad Uratislaum præmem.; 13. ad Salomonem Reg. Hungariæ; 51, & 75. ad Suenum Reg. Danor.; 63. ad præf. Geusiam Reg. Hung.; 73. ad Boleslaum Ducem Poloniæ; 74. ad Demetrium Reg. Russiæ; lib. 5. epist. 10. ad Regem Daniæ; lib. 6. epist. 29. ad Ladislaum Reg. Hung.; lib. 7. epist. 5, & 21. ad Aconum Reg. Danor.; 6. ad Alphonsum Reg. Castellæ; 23, & 25. ad prælaud. Guillelmum Anglor. Reg.; & lib. 8. epist. 11. ad Sueciæ Regem, ex quibus palam fit quam solliciti viritum fuerint illi, sive Pontifex, sive Principes de Romana Ecclesia impense colenda; deque ejusdem rebus sive divinis, sive humanis amplificandis.

Donaldus I. hujus nominis Scotiæ Rex, uti scribunt Hector Boetius lib. 6. de rebus Scotorum, & Johannes Leslæus Episc. Ros-

Roffensis lib. 3, quæ n multa de christiana Religione audivisset, quæ sibi apprime grata fuerant, de sanctitate scilicet, & miraculis, Paschasio, a quo doctrinam acceperat, Romam propere ad S. Victorem I. Pontificem Maximum iussu, eundem susceptæ ab se christianæ Religionis certiore fecit, virosque doctrina, & religione insignes in Scotiam ad se mitti rogavit, qui tum filios suos, tum gentes sibi subjectas sacro baptismate abluerent, atque doctrinam, ritus, & mores Romanæ Ecclesiæ edocuerent. Id autem a S. Zephyrino, qui in Victoris locum successerat, facile impetravit. Igitur a Donaldo datam fuisse diligentem operam, quam a Pontifice directi viri Apostolici magnopere adjuvarunt, ut superstitio penitus deleteretur, effectumque demum, ut nobiles, rusticique magnum numerum Romanæ Ecclesiæ religionem amplexarentur, laudati auctores testantur: idque factum ajunt anno vulgaris Æræ 203, ab Scotorum vero Regno instituto 533, quorum in serie Donaldus Rex fuerit 27, a quo deinde usque ad Mariam Reginam Reges, qui Romanæ Ecclesiæ fidem coluerint, 80. omnino fuerunt. Confer & Dempsterum hist. Eccles. Scotor. lib. 1. cap. 6; Buchananum rerum Scoticar. lib. 4; & Bosium de signis Eccles. lib. 8. cap. 1. Dempsterus quidem primum Scotorum Episcopum scribit lib. 13. S. Nicolaum Culdæum anno 296. Martyrio affectum: at S. Prosper in lib. contra Collat. cap. 41, & in Chron. auctor est a S. Cælestino I. primum in Scotiam Episcopum missum fuisse Palladium. Consule Usserium, si licet, de Britan. Eccles. primordiis cap. 16; Baronium ad annum 429; Alfordum in Annal. Britan. ad annum 431; & Pagium ad annum 429, nec non ad annum 431. n. 51.

Pari pietatis studio permotus, deque Romano Pontifice impense colendo persuasus Machetadus, aliis Macbetha Scotorum Rex Romam ad limina Apostolorum profectioe adornata Romanæ Ecclesiæ obsequio, obedientiaque se mancipavit, de quo Malmesburienfis lib. 2. cap. 13, & Wigornienfis ad an. 1050. Quid præterea, quod piissimis legibus, quas ad præfatum annum describit Spelmanus, cautum maximopere voluit, tum ne christiana religione quisquam initiatus ad profanum Judicem traheretur, sed potius apud sacros Antistites in judicio experiretur: tu n ne

Ecclesiarum Pastores fructuum terræ parte decima, idque ob Dei cultum, defraudarentur: tum ne Pontifici officio quis deesset, quique ipsius imperata per annum minoris faceret, ut hostis Reipublicæ pariter haberetur; si autem per biennium in contemptu persisteret, tum demum fortunis omnibus mulctaretur? Nempe a Religionis præsertim erga Pontificem observantia Reipublicæ bonum omne pendere quam maxime probe intelligebat. Davidis Scotiæ Regis litteras ad Clementem VI. officii, devotionis, & obsequii cumulatissimas describit Raynaldus ad annum 1344. n. 60. Jacobus hujus nominis IV. Scotiæ Rex a Julio II. exstimulatus, ut a Regno hæresis Wicleffianæ reliquias penitus eliminaret, Pontificis dicto, ut par erat, audientem se dedit, deditque exemplo egregiam operam, ut hæresis quam exosa, tam exitiosa Regno prorsus exularet. Propterea a Pontifice illustrem titulum Protectoris fidei promeruit, in cujusce significationem aureis floribus intertexto diademate donatus est. Nulla præterea ratione se adduci passus est, ut ejurata Pontificis obedientia Pisano Conventiculo adversus Julium coadunato adhereret. Quamquam postea Julii posthabitis monitis in Regis Galliarum partes descenderit; sed vindice Deo non multo post demum justas pœnas dedit. Videtis Spondanum ad annum 1507, & Pagium Juniores in Julio II.

Jacobus Stuartus hujus nominis II. Rex Scotiæ postquam nihil prætermisisset, quo Romanæ Ecclesiæ Religionem, quam profitebatur, firmiter propugnaret, quum perduellium æque, ac per tinacissimorum hæresis patronorum sustinendis impetibus se imparem animadvertit, præclaro exemplo postponendum Religioni Regnum, patriæque potius cedendum, quam a fide abscedendum duxit. Inter ejus fidei, ac fortitudinis laudatores illustrior extitit V. Innocentius XI, qui tum oratione in Consistorio Cardinalium habita illum laudibus cumulavit, tum ad Ludovicum XIV. Galliarum Regem, penes quem Rex se receperat, datis litteris commendavit; nihilque non excogitavit, non egit, ut Regem eundem reduceret, rebusque suis bene consulere. Invidia igitur perciti Jacobo calumniati sunt Rapius de Thoyras lib. 24. hist. Angl., & Burnetius hist. revolut. Angl., scilicet ut suorum im-

pro-

probitatem modo aliquo possent excusare . At eo in exemplo Jacobo Regi anteiverat Christina Sueciæ Regina , cujus in benedictione memoria est . Ea extincto Gustavo Adolpho genitore , ejus in locum Sueciæ Regina septennis adhuc salutata anno 1632. aliquando in Religionem Catholicam , Romanamque Ecclesiam inimicum animum tulit , quem nempe Lutherana hæresis imbuebat , praveque affecerat . At quum primum illi sedatis bellorum tempestatibus licuit ad rem Religionis , quam in Germania tot in dies succrescentibus sectis dilacerari cernebat , mentis aciem , qua prædita erat , intendere , facile intellexit in una dumtaxat Romana Ecclesia vera Christi Domini vigere dogmata , in reliquis nihil esse , nisi hæreses . Ergo anno 1654. insigni virtutis exemplo in Regni Comitibus Regno abdicato , quod cum Catholica fide componere nequibat , primum Bruxellis , quò progressa fuerat , Romanæ Ecclesiæ fidem ultro professæ est , exinde Romam ad Alexandrum VII. properans in ejus fide , & obedientia pie vixit , & obiit . Confer Berninum in hist. hæres. sæcul. XVII. capp. 4. & 5 , quibus in locis paucis præclara Christianæ gesta complexus est . Carolus II. quinimo Scotiæ , & Angliæ Rex , etsi aliquando in Religione versatilis visus fuerit , prope diem tamen moriturus fidem Romanæ Ecclesiæ professus ex animo est , ut ex certis litteris demandatis monumentis cap. 8. ostendit laudatus Berninus . Anna Hydæ quoque Eboracensis Ducissa , quam præfatus Jacobus II. primo connubio sibi copulaverat , eidem Romanæ Ecclesiæ fidei , quoad vixit , immobiliter hæsit , uti ex certo instrumento ejusdem met manu exarato idem Berninus demonstrat cit. cap. 8 , quo loci , quæ paullo supra de Jacobo II. protulimus , diffuse prosequitur . Agemodo ad Reges Hungariæ , Bohemiæ , Poloniæ &c. accedamus .

Ex Hungariæ Regibus S. Stephanus a S. Adalberto ad Ecclesiæ Romanæ fidem perductus , statim atque sacris Religionis mysteriis initiatus fuit , ac Romanæ Ecclesiæ moribus institutus , nihil antiquius habuit , quam ut Hungaros universos ad Romanæ pariter Ecclesiæ unitatem , Romanique Pontificis obedientiam pertraheret . Id ut semel perfecit , Legatis suis ad Pontificem Romanum properare jussit a Silvestro II. supplex Regis Coronam sibi

Pars I.

P p p

imper-

impertiri petiit: at Pontifex Regia Corona non modo cohonestandum duxit; sed imo Crucem ante se, ceu Apostolatus insigne deferendi, & in Ecclesiis in ejus Ditionibus constitutis designandi Episcopos facultatem fecit. Ista constant ex Cartuio Episcopo in vita S. Stephani apud Surium ad diem 20. Augusti. Idem auctor est S. Stephanum diadema, & Regnum, tanquam a Romano Pontifice, & a B. Petro donatum, acceptumque habuisse: & sane S. Gregorius VII. lib. 7. epist. 13. scribit Hungariæ Regnum ad jus, & ditionem Romanæ Ecclesiæ pertinuisse. Optimis quoque legibus S. Rex Reipublicæ non modo, sed Religioni maxime nuper invecæ cautum summopere voluit, ut Romanæ Ecclesiæ doctrinæ, moribus, & ritibus cuncti studerent; ratus Reipublicæ cuncta bene celsura, si Religionis res optimo in loco semel fuissent constitutæ. Audire præstat, qui non modo S. Stephani, sed & sui erga Apostolicam Sedem summi specimen, ac testimonium, perhibent studii, cum Andream Hungariæ Regem in epist. ad Jacobum Cardin. Prænestinum apud Raynaldum ad annum 1233. n. 51. verbis hisce: *Hunc (S. Stephanum) Regem... qui ad Regni solium propria auctoritate noluit sublimari... sed a Vicario Jesu Christi, & Petri Beatiss. successore per revelationem Divinam summo Pontifici factam assumpsit Regni diadema*: tum Ladislaum Regem Hungariæ in epist. ad omnes Christifideles apud Raynaldum ad annum 1279. n. 31, ubi de S. Stephano scribit: *Ut Principatum fidei in Sacrosancta Romana Ecclesia consistere... demonstraret, non a se, vel ab alio, sed ab eadem Romana Ecclesia Matre omnium, & Magistra Regni diadema revelatione Divina meruit obtinere, ut ab ea quasi quodam capite principali dona sua in omne corpus diffunderet lux divina, & exortem ministerii se intelligeret esse divini, qui a Petri soliditate recederet deviando.*

Salomon, qui a S. Stephano Hungariæ Rex VI. est dictus, eo quod ab Henrico Germaniæ Rege Regni Hungarici investituram accepisset, a S. Gregorio VII. gravissimis est verbis oburgatus; Hungariæ Regnum Ecclesiæ Romanæ, cui a S. Stephano submissum fuerat, & vectigale factum, beneficiarium esse affirmante, ideoque a Romano Pontifice eo Regno investiendum fuisse. Profecto Geisas, qui pallo post, Salomone ejecto, ejus locum

inva-

invasit , confestim ad eundem Pontificem litteris , Legatisque missis sibi Regnum confirmari rogavit . At rescriptis ille velle se quidem , ut Romanæ Ecclesiæ jura in Regnum Hungariæ integra manerent, quæ quia violasset Salomon, cum e Regno excidisse vindicis Dei judicio ; nolle tamen , ut quidquam Geisæ præter jus , & fas in eodem Regno liceret . Egit proinde modis omnibus optimus Pontifex , ut Geisam inter , & Salomonem pacem , foedusque componeret . Quam in rem legenda ipsius epist. 70. lib. 2. Geisæ anno 1077, quo fatis functus est, in Regnum Hungariæ succcessit S. Ladislaus ipsius frater ; quem quanto Religionem , Ecclesiam Romanam , ejusque Pontificem studio demerere adnixus sit , & adlaborarit adeo omnibus est compertum , celebratumque, ut oratione nostra non indigeat . Ludovicus, qui Urbani VI. & Clementis VII. vigente schismate Hungariæ Regno præerat, tum ac maxime a S. Catharina Senensi ; qui ejusdem partes egregie promovebat , epistolis tum adversus Clementem VII. , tum adversus Johannam Siciliæ Reginam, quæ ab ejusdem pseudo-Pontificis partibus stabat , concitatus , præclaram Urbano VI. impendit operam . Ipsi perinde laudi cessit vorum , quo quotquot sibi ceu Regi , iidem omnes Romano Pontifici ceu Christi Vicario pariter ut parerent , voluit ; Judæosque ideo jussit aut Romæ subesse , aut Regno excelsæ .

Ladislaus Posthumus , ac Pupillus Hungariæ , & Bohemiæ Rex , cujus tutelam administrabat Fridericus III. Imperator , ab Imperatore Romæ Imperii corona redimiendo a Nicolao V. prosperante comes adscitus , in Pontificis conspectum admittus , exosculatis de more ipsius pedibus orationem de laudibus Pontificis recitavit , deque auctoritate Sedis Apostolicæ , cujus obedientiæ , & obsequio se , Regnaque sua obtulit , & commendavit . In ea vero inter alia hæc habet : *Quum animadverto, Beatissime Maxime Pontifex, me apud inclitos pedes Sanctitatis tuæ constitutum, quæ inter mortales Dei omnipotentis vicem gerit, coram hoc sanctissimo Senatu, ad quem illustrissima totius Mundi fidera, atque homines doctrina, & sanctitate lectissimi convenerunt, non injuria equidem in tanta rei magnitudine subsistens, unde initium sumam orationis, quibus verbis Te unicum Christianorum Prin-*

*cipem, Te Regem Regum, atque in terris Deum adorem, non facile constituere possum. Refertur Oratio ista a Cochleo lib. 11. hist. Hussitar., & a Raynaldo ad annum 1452. Verum quidem est, quod quum ægre ferentes Hungariæ, Bohemiæ, & Austriæ Proceres apud Fridericum detineri Ladislaum, consilio inito, junctisque viribus illum ab Imperatoris tutela, & custodia abduxissent, de injuria vero sibi illata apud Nicolaum V. conquestus fuisset Fridericus, atque Pontifex Ulricum Ciliæ Comitem Ladislai avunculum, qui pupilli Regis tutelam Imperatori eripuerat, in judicium vocasset, intentatisque minis jussisset, ne Imperator a Regis tutela impediretur, verum est, inquam, quod Ladislans, qui læte sua libertate gaudebat, data epistola ad Pontificem ita scripsit: *Accepi Sanctitatem tuam adversus eos, qui pro mea in Austria liberatione laborant, nonnullos processus decrevisse. Precor, ut eos revoces. Idem erit officii tui, quum scriptum sit: Pupillo, & Orphano adstabis: ac nisi feceris compelles me majores Judices appellare.* At id scripsit Rex ex sententia, & consilio Scholæ Viennensis in Austria, quæ per appellationem ad futurum Concilium Romani Pontificis mandata suspendi posse censuerat. Quod quam falsum sit par. 2. Vindictarum palam fiet. Adeundi Cochleus loc. cit., & Æneas Silvius in descriptione Europæ cap. 3, & seqq.*

Borzivojus, qui sub IX. sæculi exitum Bohemorum Princeps erat, a SS. Cyrillo, & Methodio Orientalibus Monachis de christiana fide edoctus, atque saluari baptismi lavacro expiatus est, quanti sibi facienda foret Romani Pontificis cum auctoritas, tum doctrina, facile ab iisdem viris Apostolicis intellexit, qui summo jugiter studio Apostolicam Sedem sunt prosequuti. Nam principio a S. Nicolao I. Romam acciti, deinde eo defuncto ab ejus successore Hadriano II. benigne accepti, postquam Romanæ Ecclesiæ fidem professi fuissent, & Pontifici Maximo obedientia se devovissent, Episcopi Bohemis, Moravisque ordinati sunt, accepta facultate Missarum solemnia, & Divina officia lingua Sclavonica decantandi. Postmodum vero, quum apud Johannem VIII. S. Methodius calumniam passus, quasi aliter doceret, quam quod cum S. Cyrillo socio coram Apostolica Sede fuisset pollici-

tus,

tus, eaque de re Romam a Pontifice accersitus fidem exposuisset suam, eadem approbata ad opus ministerii redire iussus est. Alium Episcopum ei socium itineris, & laboris etiam ordinavit, deditque nomine Wichinum; epistolaque ad Scentopulcrum Moraviae Comitem exarata indulgit, ut officia linguarum Sclavonica celebrarentur. Confer Bollandum ad diem 9. Martii tom. 2, Baronium, & Pagium ad annum 880, ac seq., nec non Bohuslaum Balbinum Soc. J. in epit. hist. rer. Bohemicar. lib. 1. cap. 1; & seq.

Boleslaus cognomento Pius in Principatu successor Boleslai Patris, cui post necem S. Wenceslao fratri illatam saevi nomen adhæserat, de Ecclesia optime meritus universa est: maxime vero Romanam coluit, atque ab ejusdem mandatis ne vel latum unguem recederet, summo opere cavit. Nam Johanni XIII. Pragensem in Episcopatum erigenti, jubentique, ut eidem præficeretur vir latinis litteris eruditus, qui in Ecclesia Pragensi ritum Romanæ Ecclesiæ servaret; neque ullo modo sineret juxta ritum Bulgaricæ linguæ, aut Ruthenæ, aut Sclavonicæ officia celebrari; mandanti quoque ut Monasterium ædificaret, in quo sub regulâ S. Benedicti vitam cælibem cum aliis Deo dicatis virginibus traducere posset Maria ipsius Regis soror, quam Romæ, quò orationis gratia venerat, ipse met Pontifex Deo consecrasset, ac Monasticis disciplinis imbuerat, officii loco duxit obtemperare, ideoque cum in sororis gratiam Monasterium extruxit, tum Ecclesiæ Pragensi Dietmarum Monachum Saxonem præfici curavit. Adeundi auctor Chronici Magdeburgensis ad annum 967., & Mabillonius Sæculo V. Benedictino; ubi Johannis Papæ litteras ad Boleslaum exhibet. Uratislao Bohemiæ Duci de Apostolica Sede optime merito Alexander II. exemplo nunquam viso Mitræ usum concessit, ea conditione, ut census nomine centum mærcæ argenti S. Petro annuatim persolverentur. Eundem usum eidem Uratislao confirmavit S. Gregorius VII. eo censu recepto; ut constat ex ipsius epistola 38. lib. 1; & 7. lib. 2. Postremo Primislao ob egregia de Ecclesia merita; ut Bohemiæ Rex nuncuparetur, indulgit anno 1204. Innocentius III, ut constat ex epist. 42. lib. 7. apud Raynaldum ad cit. annum 1204. n. 55.

Micislaus Poloniæ Dux, postquam christianæ Religioni nomen dedisset, ejus rei summiæ unum penes Romanum Pontificem stare, cunctaque ejusdem nutu circa Religionem agi oportere non modo, sed imò circa orthodoxorum Regna intelligens, ut Rex ipse quoque inter Catholicæ Ecclesiæ Reges audiret, Lamberto Cracoviensi Archiepiscopo Legato ad Benedictum VII. Pontificem Maximum misso rogavit obnixè, ut Regium diadema sibi impertiret, Regemque Polonorum se, & posteros suos dici juberet. Id ei tamen denegatum testantur Chromerus lib. 3. polit.; Bzovius de Rom. Pontifice cap. 44, & Pagius in Brev. hist. chron. Nihilominus Boleslaus II. anno 1077. Regiam dignitatem affectans Regium nomen sibi asumpsit, & diadema imposuit, atque a quindecim Episcopis in Regem est consecratus, ut scribit Lambertus Scafnaburgensis in Chron. Non diu tamen ea dignitate positus est, quippe anno 1079. ob cædem S. Stanislai Episcopi Cracoviensis a S. Gregorio VII. ea dignitate spoliatus est, interdictique sunt Episcopi, ne imposterum Regem aliquem injussu suo inungerent. Itaque interregnum hoc duravit annos 215, donec anno 1295. Primislaus a Gnesnensi Archiepiscopo Rex est inauguratus: sed paullo post eo fati functo Poloniæ Episcopi communicato cum Uladislaò successore electo consilio, legatione ad Johannem XXII. Pontificem Maximum missa, eidem diadema, & Regium nomen impetrarunt. Existimabant enim inauspicato id sibi Primislaum injussu Pontificis asumpsisse, quod non ignorarent interdictum fuisse eo dignitatis nomine post cædem S. Stanislai Polonis Ducibus. Porro in litteris, quas ea de re ad Uladislaum dedid Johannes XXII. inter alia sic ait: *Nobis cum instantia supplicasti, ut quum Regnum Polonia esset Nobis, & Ecclesiæ Romanæ nullomediante subjectum, & insignum subjectionis hujusmodi, census, qui B. Petri vocatur, Nobis, & eidem Ecclesiæ deberetur, aperientes viscera, & reliqua, quibus Regiam confert dignitatem.* Legendi Chromerus lib. 4. & 11. de rebus Polonorum; Pagius ad citatos annos, Raynaldus ad annum 1319. n. 1, & seqq.; & Pagius alter in Johanne XXII. Videnda etiam Johannis XXII. epistola de Gedeminno Lethuinerum Rege, deque Ruthenis in fide Christi instituendis apud Martenium tom. 1. veterum Anecdoto-

rum . Ab Henrico V. Imperatore ad Eugenium III. in Concilio Remensi delatam trium Fratrum Boleslai III. filiorum Poloniæ Principum causam par. 2. Vind. pluribus prosequemur. Quo etiam loci de Georgio Podiebratio Bohemiæ Rege agendum erit . Confer interea Cochleum lib. 12. hist. Hussitarum . A Casimiro Miesconis II. filio Poloniæ Rege Regnum Romanæ Ecclesiæ veſtigale factum , ac Romam anno 1045. ad Benedictum IX. Oratores misos , qui Regis , Regniq̃ue nomine obsequium præstarent , tributumq̃ue penderent : a Casimiro præterea altero Poloniæ Rege ad Alexandrum III. transmissas , quas in Religionis , Regniq̃ue bonum adornaverat , leges , ut ab auctoritate Pontificis robur majus acciperent , refert Johannes Longinus Episcopus Leopoliensis in hist. Poloniæ ad annum 1045 , & 1180 : Alexandri vero reſcriptum regerit Baronius ad cit. annum n. 14.

Mindanus Lithuanorum Dux ethnicorum abjectis erroribus , & Christianorum sacris expiatus Romanæ Ecclesiæ , de cujus auctoritate , & doctrina maximam actutum animo existimationem induit , devote adeo sese demisit , ut S. Petro pariter in devotionis argumentum dominium detulerit . Legendæ litteræ ad ipsum ab Innocentio IV. exaratæ apud Raynaldum ad annum 1251. n. 44. Uladislaum Lithuanix Ducem , & dein Regem Poloniæ anno 1386. salutatum pro affectu pietatis tum Gregorii XII. , & Johannis XXIII. quorum utique probabiliora erant jura , partibus religiose studuisse , tum summopere , ut Romanæ Ecclesiæ fides in omnes , quibus longe lateq̃ue patent , Lithuanix , Poloniæque fines , propagaretur ; quin etiam ad finitimas diffunderetur Provincias , curasse constat ex Duglossio lib. 10. hist. Polon. , & Raynaldo ad annos 1386 , 1409 , & 1413. Sigismundus I. anno 1507. Poloniæ Rex inauguratus statim , atque accepit Lateranense V. Concilium indictum a Julio II. a Leone X. continuari , Oratoribus , & litteris missis obedientiam Pontifici exhibuit , animique sui sententiam , qua erga illum egregie teneretur , hisce significavit : *Memores officii , ac debiti nostri , quo eidem S. Romanæ Ecclesiæ Matri nostræ sumus adstricti , pro cujus honore , & tranquillo statu omnes vires nostras effundere semper parati sumus , Johannem Gnesensis Ecclesiæ Archiepiscopum , & Stanislaum de Oster. g Equitem ,*
aura-

auratum designamus Oratores nostros, dantes illis potestatem coram Sanctitate Leonis X. Papæ comparendi, ibidemque obedientiam juxta Majorum meorum consuetudinem præstandi, & recognoscendi eundem esse verum, unicum, & indubitatum Pontificem, & Dominici gregis Pastorem. Non prætermittendum heic, quin perstrictim de Georgio Saxonix Duce ex linea Albertina illud indicem, quod alioqui multis ut celebraretur, dignum est, studium scilicet tale, ac tantum, quo Romanum Pontificem prosequeretur, Romanæque Ecclesiæ sibi adhærendum statuerat, ut ab eo illum Lutherus *Diaboli Apostolum* appellare non dubitaverit.

Postremo Fridericus Augustus Saxonix Dux, atque in Polonia Regem postea adscitus, divina affulgente gratia, quum mentis aciem ad Ecclesiam Romanam intendisset, eandemque veram Christi Ecclesiam esse considerasset, ut testatus est ipse Orator, de quo mox, utpote quæ sibi semper consentiens, in eadem semper fidei, morumque doctrina mansit; nihilque ab ea unquam minus rectum, minus sanctum, minus antiquum, minusque Deo dignum manasse, Lutheri ejuratis erroribus, Romanæ Ecclesiæ fidem professus est, datisque litteris, & Oratore ad Innocentium XII. tum Ecclesiæ clavo incumbentem misso in ejus se communionem vivere, & commori velle protestatus est, eique obedientiam, devotionem, & observantiam promisit. Constat id totum ex Innocentii epist. ad eundem Regem anno 1698. apud Berninum. tom. 4. hist. hæres. sæcul. XVII. cap. 10., qua inter alia ita scribit. *Satis assequi verbis non possumus, quo gaudio affecti fuimus, ubi primum, vel ipso rumore publico nunciante, accepimus te, abjuratis hæreticæ pravitatis erroribus, orthodoxæ fidei professionem in manibus venerabilis Fratris Christiani Augusti Episcopi Favarensis consanguinei tui, cujus jampridem zelum catholico Aristite dignum probe agnovimus, emisisse: quam quidem lætitiâ ea deinde plene cumularunt, quæ ad voluntatis tuæ in eodem proposito magis, magisque significandam a te peracta fuisse intelleximus. Addiderunt luculentum hujus rei testimonium litteræ tuæ a dilecto filio Barone de Taje Nobis reddita, ac pro ea, qua pollet in rebus agendis prudentia, explicata, in quibus nihil omisit, quod ad declarandam filialem tuam erga hunc S. Sedem, Nosque ipsos obser-*
van-

vantiam, & devotionem pertinent. Ex quibus omnibus certam in spem adducimur splendidissimam Polonici Regni coronam aeterna sapientia consilio tuo capiti ideo fuisse impostam, ut tu Catholicae fidei, cujus modo professor agnosceris, non multo post vindex, & assertor egregius evaderes. Reliqua habes recitata ibidem a Bernino.

Spendoblus, sive Suvatoslaus Ruthenorum, qui nunc Moschi nuncupari solent, Principum primus anno circiter 943. christianam Religionem in Russiam invexit, quam postea circa annum 987. mirum in modum amplificavit Wolodemirus I, eam ob rem Ruthenorum dictus *Apostolus*, & *Salomon*. Quamquam vero Rutheni, seu Moschi a Græcis nostræ Religionis mysteriis initiati sint, Græcæ Ecclesiæ ritus colendos susceperint, atque a Græcis Episcopi illis sint ordinati, ut scribunt Papebrochius in dissert. 18. Conatus Chron. hist., & in præfat. ad Ephemerides Græco-Moschas tom. 1. Mensis Maji præfixas; Lequiennius tom. 1. Orientis Christiani; Joseph Simonius Assemanus in Kalend. universæ Ecclesiæ par. 2, & alii: quia tamen a Græcis tunc vere catholicis, atque Romanæ Ecclesiæ communione conjunctis, non autem a schismaticis, sicut Antonius Possevinus autumavit, quem cit. loco refellit Papebrochius, Rutheni christiana fide imbuti sunt, proinde de Romani Pontificis prærogativis divinitus collatis edocti, ita illi tenaciter adhæserunt, ut vel Michaeli Cerulario schismatica constanti non auscullarint. Cujus rei luculentum testimonium suppeditat S. Gregorius VII. in epist. 74. lib. 2. ad Demeirium Russorum Regem, & Reginam ejus conjugem inscripta, qua scripsit se ex eorum consensu eorundem filium Georgium, postquam S. Petro religionis sacramento, se Regnumque despondisset, Regem creasse, mittere etiam Legatos, qui in Russia diligenter rem christianam curarent. Ex quo liquet tunc temporis Ruthenam Ecclesiam, & Russiæ Reges Ecclesiæ Romanæ præ Græca fuisse fide, & communione conjunctissimos; quin paullo post Alexander Nufski Russiæ Rex sanctitate etiam celebris evasit. Postquam vero a Græcis schismaticis in partes suas Rutheni pertraherentur, a Romanis Pontificibus nihil prætermisum, quod ad illos ad frugem, rectamque fidem reducidos pertineret. Testata

490 PRIVILEGIA ROM. PONTIFICI

res est apud Possevinum lib. 6. Bibl. select. ; Baronium ad calcem tom. 7. Annal. ; Bzovium ad annum 1514 ; Raynaldum ad eundem annum, & alibi ; Richardum Simonium Bibl. selec. cap. 41 ; Thomam a Jesu lib. 6. de procuranda omnium gentium conversione, & alios. Ad hæc Daniel Rufsorum Rex Innocentium IV. Pontificem M. de Religionis, cultusque divini rebus consulendum duxit : cui rescribens Pontifex epist. 174. lib. 5. Græcis, qui Romanis non repugnarent, uti ritibus libens indulsit.

Post hæc Johannes Basilii Moscoviæ Dux anno 1472. ad Sixtum IV. Summum Pontificem legatis missis eundem veneratum ut Christi Vicarium, significavit se Florentini Concilii decretis adhæsisse ; atque ut Legatum dirigeret, qui in Moscovia corruptelas omnes, si quæ irrepsissent contra fidem, moresque, tolleretur, efflagitavit. Id refert Maffæus Volateranus in Codice Vaticano Ms., quem edidit Raynaldus ad cit. annum n. 48, qui & Sixti litteras ad eundem Ducem describit, quibuseum laudat, quod a Patriarchis Græcis Græcum Episcopum in Moscoviam mitti non esset passus : quod Concilium Florentinum admisisset : quod Romano Pontifici Christi Vicario reverentiam exhibuisset. Sed diu ille in sententia non mansit, nam ad Græcorum schisma rediit, ad eorumdemque ritus cum erroribus est relapsus. Confer Chrantzium lib. 13, & Panvinium in vita Sixti IV. Propterea Clemens VII. Pontificatum adeptus in Moscoviam fidei curas protendens, Oratorem misit anno 1525. ad Johannem Basilium Moscoviæ dictum a Maximiliano Cæsare Imperatorem ad unionem cum Ecclesia Romana redintegrandam, agnosce ndamque supremam in Ecclesia Romani Pontificis auctoritatem. Et sane spes magna affulserat, fore ut res ex sententia Romano Pontifici succederet : nam Moschus Princeps perhumaniter acceperat Pontificis Legatos, litterasque, ipseque vicissim Oratore Romam misso litteras ad Pontificem exaraverat sub hac epigraphe : *Clementi Papæ, Pastori, ac Doctori Romanæ Ecclesiæ*, quibus præconceptam a Pontifice spem majorem fecerat. Sed bellorum tempestate, & Lutherani hæresis furore prohibitum est, quominus ea unio perficeretur. Confer Raynaldum ad cit. annum, Spondanum, Augustinum Oldoinum, aliosque.

Pau-

Pauca hæc , ne in immensum oratio excresceret , ex innumeris Regum exempla exhibuimus , qui Romanos Pontifices omni religionis studio prosequuti apud bonos omnes optime meriti sunt . Quibus subteximus illustrium quoque illorum hominum nomina , tum qui paullo post egregia Romanæ Ecclesiæ observantia obstrictos se se ostenderunt , quales Willelmus IV , & Ludovicus Bajoariæ Duces crebro auditi dicere : *Malle se millies mori , quam latum unguem discedere ab Ecclesia Romana* : Albertus V. cognomento Magnanimus Willelmi filius , Duxque Bajoariæ a studio , devotioneque Romanæ Ecclesiæ denominatus a Patribus Concilii Tridentini *Firmissimum Apostolicæ Ecclesiæ propugnaculum* : Willelmus V. Bajoariæ itidem Dux Romanæ Ecclesiæ totus additus : tum qui postremo sub Pontificatu Innocentii X. hæreticorum castris desertis ad Romanæ Ecclesiæ sinum convolantes , eam dumtaxat , quam doceret Romanus Pontifex , fidem fore amplectendam probe agnovere , eique ceu legitimo Christi Vicario obedientiam nuncuparunt . Sunt autem Odoardus Comes Palatinus Rheni ; Uldaricus Dux Wittembergenfis ; Dux Holsatiæ ; Johannes Fridericus Dux Brunsvicensis ; Dux Luneburgensis ; Ernestus Lantgravius Hassiæ ; Wolfangus Fridericus Hofmannus Baro Moraviæ ; Christophorus Ranzovius Eques Holsatiæ ; Herardus Comes Truxensis , de quibus agit Ciacconius in Innocentio X ; quorumque in censum parum abhinc advenit Fridericus Hassiæ Casellensis Lantgravius . Præstat modo , ut ad Orientis Reges , Principesque alios , qui Pontificibus Summis æquos se præbuerunt , nostra , nec proluxa admodum pertranseat oratio .

Ex Regibus , & Principibus aliis Orientis .

§. III.

AB Ecclesiæ primo ævo in Mœsiam inferiorem , quæ post Bulgaria dicta est a Bulgaris , a quibus postmodum Provinciæ quoque reliquæ Illyrici , Dacia scilicet Mediterranea , Dacia Ripensis , Prævallis , Dardania , ac Mœsia superior occupatæ sunt , christianam Religionem fuisse inventam , & quidem S. Andree

Apostoli opera, ab eoque Odysæ, quæ inferioris Mœsiæ Oppidum est, creato Episcopo S. Ampliato, cujus, & Sociorum Stachys, qui Byzantii; Urbani, qui Macedoniæ; & Narcissi, qui Athenarum, aut Patrarum ab eodem S. Andrea ordinati feruntur Episcopi, meminit S. Paulus ad Roman. 16, referunt Hippolytus Martyr in libello de 72. discipulis, & Dorotheus in Synopsi apud Baronium in notis ad Martyrolog. Rom. die 31. Octob.; & Sirlctum in Menologio Græcorum, quod edidit Henricus Canisius tom. 2. antiq. lect. Sed vereor ne istorum fides omnino nutet, nam opus illud S. Hippolyto attributum dubiæ admodum esse auctoritatis conveniunt eruditi, eo quod fabellis sit refertum, inter quas illa de Marco, & Luca, qui auditis verbis illis Christi Domini: *Qui non manducat meam Carnem, & bibit meum Sanguinem, non est me dignus*, ab ejus sequela recesserint, quos tamen postea ad frugem reduxerint SS. Petrus, & Paulus: illa de S. Clemente, quem in Sardinia: de S. Barnaba, quem Heracleæ: de S. Crescentio, quem Chalcedoniæ in Gallia Episcopos affirmat. Confer Ceillierium tom. 2. hist. general. auct. sacr. cap. 27. art. 9. Dorothei Tyrensis quoque Synopsis de vita Prophetarum, & Discipulorum Christi, quæ extat in Bibl. SS. PP., fabulis undique scater; cujusmodi specimen in eo præ ceteris exhibet, quod inter 72. Christi discipulos enumerat, eosdemque Episcopos facit, quotquot omnes, qui a S. Paulo non inqati sunt, etiam si Ethnici fuerint, vel foeminæ. Confer Bellarminum de Script. Eccles., ubi de Dorotheo Tyrensi.

Primus, qui ex Bulgarix Regibus Christo nomen dedisse legitur, audit Telericus, qui anno 777. Constantinopolim profectus sacris Religionis nostræ mysteriis initiatus est; quem Patrium declaravit Leo IV. dictus Porphyrogenitus, ei data in conubium Irenis Imperatricis consobrina. Post ipsum Bogoris Bulgarix dictus Rex a Paulo Presbytero Romanæ Ecclesiæ baptismo ablatus, & Michaelis nomine donatus anno 861. ad S. Nicolaum I. Pontificem Maximum Oratoribus missis idoneos institutores petiit, qui se, gentemque suam cum in fide, tum in christiana disciplina erudirent. Misit vero Pontifex Paulum Populoniensem, & Formosum Portuensem, a quibus res christiana mirum in modum

dum amplificata est . Tanta vero erga S. Petrum , & Romanos Pontifices devotione , observantia , & pietate flagravit Michael Rex , ut capillis sibi attonsis , atque Sedis Apostolicæ Legatis in subjectionis , & obsequii argumentum traditis hisce verbis se illi mancipavit : *Omnes Primates , & cuncti Populi Bulgarorum terræ cognoscent ab hodiernadie me servum fore , post Deum , B. Petri , & ejus Vicarii* . Ista constant ex Anastasio in vita S. Nicolai I , & Hadriani II , & in præfat. ad Synodum VIII , ubi addit, quod Græcis modis omnibus adnitentibus , ut Bulgariam a jure Patriarchico Romanæ Ecclesiæ abducerent , & Constantinopolitano Patriarchæ adjicerent , Michael columnæ instar obstitisse ; atque in Romani Pontificis obedientia stetisse , donec Græcorum fraude deceptus consensit demum , ut Bulgaria in jus Constantinopolitanæ Ecclesiæ transcriberetur, eo quod id definitum in Synodo VIII. ex Orientis Patriarcharum coram Apostolicæ Sedis Apocrisariis sententia falso Græci affirmassent . Qua de controversia alio in loco erit agendum ; agit vero inter alios Natalis hist. Eccles. ad sæcul. IX , & X. dissert. 4. §. 23. Ad consulta demum sibi a Michael e missa responsa dedit Nicolaus , quasi totidem decreta , eaque capitulis 106. comprehensa , quibus multa difficulta explanavit , atque Romanæ Ecclesiæ ritus , disciplinamque in Bulgaria stabilivit .

Johannitius , sive Calo-Johannes etiam Rex, seu Imperator ; qui anno 1200. circiter Græcorum excusso jugo spem Innocentio III. Summo Pontifici fecerat maximam fieri facile posse , ut Bulgariæ Regnum a longo tempore ab obedientia Apostolicæ Sedis abstractum ad eandem græcanico schismate abrogato reduceretur , postquam Innocentii Papæ Oratori ad se misso aurem præbuisset facilem , ad Pontificem decreta vicissim legatione , ei obedientiam professus est, Regiaque corona insigniri precibus infinis postulavit , quam olim de manu Pontificis decessores suos accipere consuevisse testatur : *Hoc , inquit , petis Imperium nostrum ab Apostolica Sede , ut Nos simus in Ecclesia Romana sicut Matræ filialitate firmati . Imprimis petimus ab Ecclesia Romana Matræ nostræ coronam , & honorem tamquam dilectus Filius secundum , quod Imperatores nostri veteres habuerunt* . Post hæc professionem fidei

fidei juxta formulam a Pontifice præscriptam emisit, atque Bulgariæ Regnum, Ecclesiamque, Romanæ Ecclesiæ legibus, juri-
bus, & ritibus subjugavit. Innocentius sceptro illum, & diade-
mate insignitum Regem dixit; donatum etiam Crucis vexillo,
& Clavibus in memoriam Christi D., & S. Petri in Apostolicæ Sedis
clientelam suscepit: facultatem denique fecit cum Regi cuden-
di monetam, tum Archiepiscopo Trinonitano, quem eam ob rem
annulo, pallio, & mitra ornavit, Apostolicæ Sedis vice Bulga-
riæ Reges inaugurandi: atque ita Innocentius Ecclesiæ Romanæ
jus Patriarchicum in Bulgariæ Regnum, quod jam a multo tem-
pore a Græcis fuerat usurpatum, recuperavit. Constant ista
omnia ex actis Innocentii III. a num. 65. ad 82. Confer & lib. 2.
epist. 115, & lib. 10. epist. 65; Illustrissimum Bosquetum ibi,
& doctissimum Pagium in Innocentio III. Junge Vulcanum Dalma-
tiæ, ac Diocliæ Regem, qui litteris ad eundem Innocentium III.
inscriptis Pontifici quidem primas in Ecclesia detulit, semet ve-
ro imo ex pectore devovit: nec non Stephanum Rasciæ Regem;
ad quem exaratas ab Innocentio VI. litteras describit Raynaldus
ad annum 1354. n. 26, & seqq.

Stephanus Sclavorum, seu Serviæ, quæ olim Dardania di-
cta est, & Bosniæ Rex Nicolai IV. opera, qui & operam Helenæ
Reginæ Matris egregie adhibuit, ut videre apud Wadingum ad
annum 1288. est, ad fidem conversus, ejusdem fidei dilatandæ, &
conservandæ in suis ditionibus studio flagrans, ab eodem Ponti-
fice in Principatus Bosniæ fidei Inquisitores ex FF. Ord. Min. in-
stitui, qui rem fidei diligenter ibidem procurarent, supplex po-
stulavit. Rem sibi acceptam quam maxime probavit Pontifex, da-
tisque anno 1291. ad Regem, & Helenam Reginam Matrem lit-
teris, quas ad cit. annum refert Wadingus, postulata concessit:
& quia tum a Stephano, tum ab Helena idem quoque Pontifex
rogatus fuerat, ut Ditionem omnem, universumque Dominium
sub S. Petri, & sua protectione susciperet, libenter illis, illo-
rumque rebus S. Romanæ Ecclesiæ clientelam concessit, in suam-
que, & Apostolicæ Sedis tutelam transcripsit. Id constat ex ipsius
epist. 17. Itaque, exinde opportunitatem nactus curandi Græca-
nicum schisma, in quod Bulgari rursus prolapsi fuerant, quod
& cu-

& curandum summopere sumpſiſſe Helenam Reginam probe intellexerat, eidem ſcripta epiſt. 20. ejuſdem ſtudio multis commendavit, & urſit, obteſtatis etiam, atque etiam, ut nihil eorum prætermitteret, quibus Georgium Bulgarix Imperatorem ad fidem reduci poſſe cognosceret. Sed & ſignificavit jam ab ſe ſcriptas litteras ad Bulgariæ tum Regem, tum Archiepiſcopum, quibus idem negotium vehementer inſinuaverat, modiſque omnibus ſategerat, ut ad optatum exitum Bulgarorum cum Eccleſia Romana reconciliatio perduceretur. Reſeruntur Pontificis litteræ ab eodem Wadingo loc. laudato. Sequioribus ævis Bulgaros, Cazaros, & Blachos ad Græcorum ſchiſma iterato delapſos revocare ad unitatem Eccleſiæ noſtri curarunt, dante operam Ladislao Walachix Principe, opemque omnem impendente Urbano V. Pontifice Maximo, a quo eam in rem litteræ datæ ad eum, atque ad Latzkum Moldaviæ Ducem, nec non ad Stazimirum, Georgium, & Baſam Albanix Principes legendæ extant apud Raynaldum ad annum 1368. n. 19; & ad annum 1370. n. 6, & ſeqq. Sed ob eorum animi levitatem ad ingenium juxta Græcorum morem facile redeuntium, pronumque ad fallendam fidem, diuturna non fuit cum noſtris conſenſio. Itaque ſub Turcarum jugo ingemiſcunt. Agedum de Regibus Armeniæ, ſinitimiſque dicatur, paucioribuſque, quoad fieri poterit.

Leo ſeu Lievo Armeniæ Rex ad Innocentium III. litteris; Legatiſque miſſis, ſiquidem Regem ab eo dici, & audire mereretur, ſe paratiſſimum ultro præbuit, tum Romanæ Eccleſiæ, tum Romano Imperio cum gente ſua ſubdi. Secundum hæc ſe illi fidei individue inhxerere, quam Pontifex doceret, profeſſus eſt, gentem pariter ſuam ad ejuſdem fidei profeſſionem adducturum pollicitus; interea privilegia poſtulans, ut præter Romanum Pontificem nemo in ſe, aut in ſuos excommunicationis, vel interdicti pœnis animadvertendi poteſtatem haberet. Utrumque indulſit Innocentius, ſcilicet illum Regem creavit, & illi conceſſit, ut non niſi a Romano Pontifice, aut ejus Legato, aut de ejus ſpeciali mandato in ejus Regno diſtrictio Eccleſiaſtica exerceretur. Conſtant hæc ex actis Innocentii a numero 111. ad 119; & lib. 5. epiſt. 43. ad 48. Vide Raynaldum ad annum 1206; atque ad annum 1224.

num 1224. n. 19. confer Johannis Comestabuli Bratiæ, sive totius Armeniæ epistolam ad Honorium III. inscriptam obsequii, devotionisque refertissimam: nec non epistolam a Johanne XX. ad Ossinium Armeniæ Regem, quam exhibet idem Raynaldus ad annum 1318. n. 8, & seqq. Leo alter Armeniæ Rex, quum Regnum suum a Saracenis diripi, divexari, ac disperdi undique versum videret, ipse vero impar eorum sævitæ retundendæ esset, ad Benedictum XII. Pontificem Maximum anno 1338. litteris Legatis, que directis, quibus suppetias adversus Saracenorum incursus simplex efflagitabat, Regnum quoque suum S. Romanæ Ecclesiæ subjecit, fidemque obligavit suam Monophysitarum errores ejurandi, nec alteram fidem ab ea, quam Ecclesia Romana edoceret, amplectendi se, atque ut Armeni sui amplecterentur, diligentem operam impendendi. Quia vero Missionariorum, quos Johannes XXII. ex Ord. Prædicatorum, & Minorum in Armeniam direxerat, opera, multi Romam Armenorum libri delati fuerant, e quibus diligenti præhabito examine errores ad numerum 117. excerpti sunt, propterea Pontifex anno 1341. datis ad eundem Leonem, & ad eorundem Patriarcham Catholicum dictum litteris jussit errores illos in libello, quem ad ipsos mittebat, descriptos in antecessum damnari. Litteras, libellumque ex MS. Vaticano ad hunc annum tom. 16. Annal. descripsit Raynaldus: qui pariter ad annum 1338. n. 77. litteras recitat, quas ad Alanorum Principes idem Pontifex dedit testes locupletes observantiæ, quæ ii maxime erga ipsum afficiebatur.

Pii II. pro re Christiana sollicita cura, quum Ludovicus Bononiensis Ord. Minor., quem a calumniis ipsi a Gobelino impactis egregie vindicat Pagius Junior in Pio II, in Orientem profectus, ut Christianos Reges Iberiæ, Armeniæ, & Mesopotamiæ ad nostrorum partes perduceret, atque adversus Turcas in pugnam provocaret, is secum Romam adduxit plurimum Orientalium Principum Oratores, inter quos dinumerati sunt Davidis Imperatoris Trapuzuntii Michael Aligerius; Georgii Persarum, & majoris Armeniæ, & Iberiæ minoris Regis Nicolaus Thephellus; Asiæ Mesopotamiæ Regis Mahometus Turcomannus; Gorgæ in Iberia majori imperantis Cassadanus Carcechianus; & Urbe-

tebeci Armeniæ minoris Regis Moratus Armenus, qui Principum, a quibus missi fuerant, publico in Consistorio coram Pontifice exhibitis litteris, hæc inter alia habuere. *Missi ad nos Ludovicum Bononiensem professione Minorem, qui ait Te Mantuam petivisse, ut conventu cum Christianis celebrato Mahumeto Turcarum Imperatori bellum inferres . . . Oderunt Turcas nostri Principes, Te amant, & Christi Vicarium venerantur, parendum Tibi esse fatentur; eam ob causam, quum gravibus inter se odiis discordarent, bellumque gererent, jubente Nuntio tuo arma deponere, parati, cum jussis, adversus Turcas ea resumere. Centum viginti millia pugnatorum, quum volueris, præsto aderunt. In Asiam usque ad Hellespontum, & Thracicum Bosphorum Mahumetis Imperium invasuri, dum Tu pari modo cum Occidentalibus populis aggrediaris Turcas. Ad hoc missi sumus, simulque tuos osculemur pedes tanquam vicem Dei tenentem in terra. Nobis federati sunt Bendias Mingrellia, & Arabia Rex, & Panchratus Iberorum, qui nunc Georgiani vocantur, & Manio Marchio Goriae, & Ismahel Sinopi Dominus, & Casatimene, ac Fabia Dux Anagostae, & Charamannus Ciliciæ Dominus, quorum maxima erunt præsidia. Illud tantum ex nunc petimus, ut Ludovicum, qui nos huc adduxit, super eos, qui Romanum in Oriente ritum custodiunt, & tuæ Sedis fidei consociantur, Patriarcham constituas. Adeundi Raynaldus, Spondanus, Continuator Fleurii ad annum 1460, & 1461, & Pagius in Breviar. hist. crit. chronol. de gestis Pii II. De Georgianorum Regum erga Romanam Ecclesiam devotione hæc nunc paucis accipe.*

In Colchide, Albania, & Iberia, quæ nunc Georgia, Mingrelia, & Cercetia nuncupantur, fuisse olim Reges, & quidem sub ætatem Constantini Magni, a quo Bachurius Iberorum, sive Colchorum ad Mare Caspium Rex ad sacra nostra conversus Missionarios, velut vocamus, postulavit, a quibus in Christiana fide gens sua erudiretur, atque sub Justino Imperatore, a quo & Tzantius Laziorum in Colchide Rex, & Gurgennes Rex Iberorum christianæ Religionis addicti suppetias postularunt adversus Cabadem Regem Persarum, qui illos a Christi fide abducere, omnique modo ad Solis cultum juxta Persarum consuetudinem

pertrahere conabatur, constat liquido ex Ruffino lib. 1. hist. Eccles. cap. 10; Socrate lib. 1. cap. 20; Sozomeno lib. 2. cap. 7; Procopio lib. 1. de bello Persico cap. 12; & Gallano tom. 1. Conciliationis Ecclesiæ Armenæ cum Latina cap. 5. Post id temporis facile in Græcorum opiniones, errores, superstitionem, & schismata gentes illæ pro ingenio versatili pertractæ sunt, donec sæculo XIII. Russutana Georgianorum Regina ad Honorium III; ac deinde Rusfuda Regina altera, atque David Georgiæ Rex ad Gregorium IX. litteris, quas describit Raynaldus ad annum 1224. n. 17; & ad annum 1240. n. 38, significarunt ardentissimum, quo afficiebantur desiderio, se sacrorum communione Romanæ Ecclesiæ conjungendi. In eadem postea vestigia ingressus Constantinus alter Georgianorum Rex ad Alexandrum VI. Pontificem Maximum Oratore misso Nilo Monacho Basiliano, veterem cum Ecclesia Romana unionem redintegrati rogavit, & Florentini Concilii de fœdere Orientalis Ecclesiæ, damnatisque Græcorum erroribus decreta ad se transmitti. Præsentissimus adfuit Pontifex, unaque cum decreto unionis amplam misit instructionem, præsertim de processione Spiritus Sancti, ac de suprema Romani Pontificis potestate. Has Alexandri litteras exhibet Raynaldus ad annum 1496. n. 21, & seqq. Quis tandem fuerit negotii hujus exitus, si scire aveas, is fuit, qui Græcorum frequens, solemnisque, a quibus sæpe ad frugem reditum, & sæpe in schisma relapsum est. Confer & Continuatore hist. Eccles. Fleurii ad eundem annum.

Sequiori ætate nova, & major affulsit spes fore, ut Græcorum ejutatis cum schismate erroribus firmiter nexu Romanæ Ecclesiæ fidei Georgiani conglutinarentur. Auspicio suo spem istam fecit Sciahna Rex, qui epistola Alexandro VII. Papæ Patriarcharum omnium Maximo, S. Petri viscem gerenti, totius christiani Orbis Capiti, omnium Magnatum dignitatibus digniori, Archipatri Domino, atque discepto inscripta, ipsi communione sacrorum conjungi, obedientemque esse oportere probissime intellexit. Id pariter Georgio Regi adeo persuasum a P. Angelo a Figline Missionario nostro, ut Mahometica superstitione ejurata, fideique professione emissâ integre se V. Innocentio XI. permiserit, ut liquet ex litteris Innocentii ad ipsum anno 1688. Horum vestigiis hærens

Herens Barzimus Georgiæ Princeps, ab eodem propterea optimo Pontifice litteris benevolentia plenis anno 1692. exceptus, in professione fidei his Innocentium XIII. celebravit titulis: *Verum Christi Vicarium, Sanctissimi Petri successorem, Regni Cælestis Clavicularium, omnium fidelium Patrem, Directorem, & Doctorem*, cui totum se dovovet: epistolæ vero hæc epigraphes: *Pastor Pastorum, Pater Patrum, novus Petrus, Plantator fidei Orthodoxæ, Caput legis Christi, Columna, & immobile Christianitatis fundamentum.* Sed & Regius stabuli Præfectus Benedicto XIV. postea scribens hæc usurpavit verba: *Excelsus, Potentissimo, & omni laude majori, quo inter Dominationes, & Principes terrestres non est sublimior, cujus inextinguibili celsitudini cum sublimi solvendi, & ligandi potestate, & Paradisi clavibus a Cælo confertur, & unitur pastoralis quoque cura totius Terræ, quam Potentes Mundi timent, & a qua penitentes misericordiam, & veniam expectant.* Legendæ etiam litteræ eo de argumento ad S. Congreg. anno 1734. ab Orbelliano viro inter Georgianos magni nominis exarata, quæ tom. 7. Bullarii Cappuc. extant, nam omnia persequi res esset profecto tardii, laborisque plena. Ad Turcas, & Tartaros effera tos etsi brevi modo oratione excurrendum.

Qui Mauris in Provincia Sitifensi a Sitifa, nunc in Algerii, & Bugiæ Regno, denominata Regis nomine circa sæculi XI. dimidium præerat Annazir dictus in christianos affectu propensus, quo rei christianæ Præfectum Romanum Pontificem haberet in pretio fecit planum, dum ad S. Gregorium hujus nominis VII. Episcopum consecrandum misit Servandum, litterisque exaratis a Pontifice consecrari postulavit, ut liquet ex epist. 21. lib. 3. Reg. Gregor. riani: consecratum eum vero fuisse Episcopum Hipponensem patet ex epist. 20. ejusdem libri ad Clerum, populumque Hipponensem. Soldanus Iconii cum Matris christianæ, sed occultæ ob metum Saracenorum, quæ proxime moritura ei fidem suam aperuerat, adhortationibus, tum Angeli, qui super Matris sepulchrum Crucis signum collocaverat, apparitione commotus, Religionem christianam amplecti anno 1169. decrevit. Itaque legatione ad Alexandrum III. missa petiit obnixè a Pontifice virum idoneum ad se mitti, a quo Pontificis ipsius vice de lege Christi,

de eaque, quam Pontifex ipse profiteretur, fide plenius instrueretur. Misit autem Alexander litteras Catecheticas, quibus Soldanus in Religione Christi eruditus, & confirmatus est; unaque hominem doctrina, & virtute præstantem, a quo ille sacro baptismo, clanculum tamen ob suorum metum, rite est expiatus. Adeundi hacce de historia Matthæus Parisius ad annum 1169; & Robertus de Monte in append. ad Sigebertum ad annum 1181. Sed & Alexandri III. laudatas litteras legere est apud cit. Parisium, Petrum Blesensem, Labbeum, & Harduinum tom. 6. par. 2. pag. 1401. Confer etiam Soldani Salachini, Ismaelis, & Davidis litteras ad Innocentium IV, quas regevit Raynaldus ad annum 1247. n. 69, & seqq.; nec non ejusdem Innocentii epistolam ad Soldanum Turcarum apud laudatum modo Raynaldum ad annum 1254. n. 5.

Missionariorum opera; & prædicatione paullo ante hanc ætatem Mulejus Achmetus Mulei Abensaris Regis Fessæ filius, & nepos Mulei Ismaelis Regis Marochii Muhamedis impia secta ejurata, Regiisque commodis contemptis, christianorum se legibus, dogmatibus, & moribus libens obstrinxit, & Romam veniens Ecclesiæ Romanæ fidei consociari non modo voluit, sed imo Societati Jesu dato nomine, sub quo Balthasar de Lojola est appellatus, homine christiano vitam dignam duxit, atque sub Clemente XII. Pontifice Maximo vivendi finem fecit. Agit de eo Thyrsus González in manu ductione ad conversionem Muhammedanorum par. 2. lib. 2. cap. 8. Præverat ei vero in exemplo Mulejus Xequus Mahometis Fessæ, & Marochii Regis filius, qui anno circiter 1593. in Hispania cum aulicis suis Muhametana abdicta superstitione, christianæque Religioni dato nomine, Romanæ Ecclesiæ sacramento se totum dedit.

Osmannus Ibraini Turcarum Imperatoris primogenitus, dum Methymnam sepulchrum Mahometis cum matre Bassæ Sultana visitatum navigio delatus adiret anno 1644, in Melitensium Equitum manus fortunatus incidit, a quibus captus, Melitamque deportatus, ubi paullo post Mater mortua est, divinæ gratiæ luce affulgente, quum impiæ Turcarum sectæ absurditatem cœpisset agnoscere, Religionis verò christianæ fidem sibi fore sectandam, si

salu.

salutem adipisci vellet, fidei Catholicæ mysteriis imbui voluit, & postquam Romanæ Ecclesiæ nomen dedisset suum, perinde Ordini Prædicatorum se nuncupavit, dictus subinde Dominicus Ottomanus. Consule hac de re doctiss. Gravezonium hist. Eccles. tom. 8. colloq. 1. Sub Clemente VIII. Pontifice Maximo Romam advenisse anno Jubilæi 1600. Turcas nonnullos, qui Romanæ Ecclesiæ majestate, sanctitate, & religione in admirationem rapti Mahometicâ superstitione abdicata Religioni christianæ se se obstrinxerint, atque baptismi lavacro abluti sint, refert Spondanus ad annum 1600. Mitto litteras Pii II. ad Mahometem Turcarum Imperatorem de amplectenda Christi fide; nihil enim iis profecit; cæterum ex alio in loco opportuniore præferentur.

Tartarorum Orientalium Rex Sattachus baptismo ablutus ad Innocentium IV. actutum missio Oratore Johanne Presbytero obedientia se devinxit, deque Christianis sacris ab eo, qui Christianorum Sacerdotiis præfectus erat, erudiri infimis precibus depoposcit. Legito litteras Innocentii ad ipsum propterea exaratas apud Raynaldum ad annum 1254. n. 2. Post hunc, qui Tartaris Imperatorum nomine præerant, Cobila, & Abaga insigni legatione cum litteris ad Johannem XXI. Summum Pontificem missa, mitti ad se viros scientia, & religione idoneos, a quibus tum ipsi, tum ipsorum filii, tum ipsis subiecti populi in fide Christiana instrui, atque sacris Romanæ Ecclesiæ mysteriis initiari possent, enixe postularunt. Johanne fati functo Nicolaus III. provinciam, prædecessore inceptam explere exoptans, litteris, & Legatis ex Ordine Minor. delectis ad illos Reges directis, quas quidem litteras legere est apud Wadingum, & Raynaldum ad an. 1278, multis illos de Religione christiana docuit, & ad eam in subditas gentes diffundendam est adhortatus. Atque quidem Pontificis officii devinctum Cobilam nostris nomen dedisse, & rem Christianam in Imperio diligenter curasse constat ex litteris, quibus ea de re eidem gratulatus est Pontifex. At Abagam a præconcepto fidei desiderio excidisse, optimi Pontificis de ejus conversione conatus elusisse; ac inolito Idolorum cultui hæsisse, nulloque modo passum, ut a superstitione abstraheretur, narrat Marinus Sanutus secret. fidelium Crucis lib. 3. parte 13. cap. 8. apud Pagium in Ni-

Nicolao III. Conjicere exinde est Abagam legationem ad Pontificem missam Religionis fuco delinivisse, ejus tamen fuisse sententiam, ut Christianæ gentis opera suis rebus consuleret. Et sane jampridem ad B. Gregorium X. Pontificem Maximum in Concilio Lugdunensi eundem Abagam litteras, Legatosque dedisse, non quidem fidei causa, sed ad fœdus cum Christianis ferendum legitur in actis Concilii Lugdun., & referant Sanutus loc.cit., Haytonus de Tartaris capp. 32, & 35, & Matthæus Westmonasteriensis in annalibus Anglic. ad annum 1275, ac liquet ex litteris Gregorii X. ad eundem Regem eodem anno exaratis apud Wadingum ad hunc ipsum annum; Binnium; Labbeum tom. 11. Concil.; & Harduinum tom. 7. pag. 704. Testantur tamen acta laudata ex Tartarorum Oratoribus tres Idolorum superstitione relicta Christiana fide imbutos fuisse, atque a Petro Ostiensis Cardinali paullo ante seds. 5. baptismo ablutos. Ex ea tamen Agabæ agendi ratione liquet, agnovisse illum totius rei Christianæ summam penes unum Romanum Pontificem stare: persuasumque vel Orientalium remotissimis, in Religione christiana primas a Romano Pontifice agi partes.

Abagæ interfecto anno 1282. successit ipsius frater Tangodor, qui equidem Christianam fidem fuerat amplexatus, atque baptismo puer ablutus Nicolai nomine assumpto, sed postea fœdere inito cum Soldano Saracenorum, eorum quoque Sectæ totum se dederat, Mahometi accepto nomine. Itaque qua præmiis, qua poenis Tartaros christianos a Christi fide deterrere studuit, cunctasque per Regnum suum Ecclesias Christo Domino ædificatas evertit. Eum tamen paullo post, idest anno 1285. Argon supradicti Abagæ filius, ac Regni legitimus hæres vicit, vixit, occidit. Igitur is Regno potitus, atque a Cobila paullo supra commemorato, quem penes Tartarici Imperii summa stabat, in Regno confirmatus, quum animo erga christianam Religionem optime esset affectus, utque esset, tum Cobila Imperator, tum nostri Ordinis Minorum homines illuc missi effecerant, Ecclesias dirutas instauravit, & Tartaris suis, ut in Christum crederent exemplo fuit. Siquidem Oratoribus, & litteris ad Nicolaum IV. missis significavit se animo erga Christianam fidem approbe com-

paratum esse, ac desiderio fervere eidem nomen dandi. Sed & certior factus est Pontifex Tartarorum Reginas Tuctanem, & Elegagem jam sacro baptismatis fonte expiatis fuisse: gentis quoque Episcopos schismaticos, & hæreticos, Nestorianos scilicet, aut Jacobitas facile posse ad frugem perducere. Itaque Nicolaus tum ad Argonem Regem, tum ad Tuctanem, & Elegagem Reginas, tum ad Episcopos Regionum illarum incolas, tum ad Fratres Minores iis in Regnis Missionarios agentes litteris exaratis, quas ad annum 1288. exhibent Wadingus, & Raynaldus, qua de fide Christiana instruxit, qua eadem in fide confirmavit, qua fidei mysteria explanavit, & qua ad eandem fidem dilatan- dam excitavit. Argonem Regem, & Caydonum Principem in Regno successorem Nicolai monitis morem gessisse, fidemque Romanæ Ecclesiæ fuisse amplexatos tradunt Wadingus, & San- tus locis cit. apud Pagium in Nicolao IV.

Caganus alias Cassanus Tartarorum alter Princeps, & Argo- nis filius anno 1298. Missionariorum opera ad ejurandam supersti- tiosam Mahometi sectam, Religionemque, quam Romana Ecclesiæ teneret, amplectendam est adductus; qui propterea, ut de re Christiana optime mereret, Satacenis & Palæstina expulsi ea re- gione potitus est. Carbaganda Argonis filius alter Christiana sa- cra, assumpto Nicolai IV. nomine, anno 1291. fuerat amplexatus: sed postea pro ingenii levitate rei optime factæ pœnitens a propo- sito resilivit, ad Mahometi castra regressus. Videtur Raynaldum ad hunc annum. Clemens V, ut apud Tartaros Christi fidem ma- gis, magisque amplificaret, Johannem de Monte Corvino Or- dinis FF. Minorum, qui magno cum fructu apud Tartaros præco- nem egerat, Archiepiscopum, aliosque septem ex eodem Ordi- ne assumptos homines scientia, & virtute eximios ordinavit Epi- scopos, quibus provincia demandata, ut recentem Tartarorum Ecclesiæ fide, motibus, & ritibus Romanæ Ecclesiæ pro iis, qui- bus valebant, viribus informarent. Idem Johanni XXII. stu- dium, zelusque insedit. Ad Benedictum XII. magnus Tartaro- rum Chamus anno 1338. Oratoribus missis litteras dedit singularis ob- servantiæ in Sedem Apostolicam testes, quas ad cit. annu n exhibet Raynaldus n. 74, & seqq. Siquidem Pontificem *Dominum Christiano-*

rum salutabat, ipsius benedictionem, & sanctas orationes efflagitabat, ipsique Alanos, aliosque Imperii sui christianos commendabat. Pontifex missis ex Ordine Minor. viris Apostolicis eo in Imperio Religionem christianam propagari curavit: exaratis etiam litteris tum ad Magnum Chamum, tum ad Christianos in ejus aula commorantes, illi in rem Christianam, nostrosque homines studium gratulatus est, utque cum eidem nomen daret, tum eandem in Regno suo prædicari permetteret, est obtestatus: illis vero orthodoxorum dogmatum exarata summa, instructioneque de recta credendorum ratione missa, de Christiana fide ipsos commonefecit, in eaque confirmavit. Ad Tartaros pariter a veteri superstitione abducendos Guillelmum Archiepiscopum Cambaliensem multis Minoritis consociatum misit Urbanus V, datisque ad Magnum Chamum, universosque Tartaros litteris, quas Raynaldus regerit ad annum 1370.n.9, & seqq., ad sacra nostra amplectenda adhortus est.

Hactenus de Tartaris, qui ad Occidentem spectant dictum est. Jam de Tartaris dicendum, qui ad Orientem pertinent, seu Orientalis maris partem inhabitant. Tartaros porro, ac ferme universos circa sæculi VIII. exitum, & IX. initium in Nestorianorum partes transisse refert Moshemius vir e Protestantium grege hist. Tartar. Eccles. cap. 1. Scilicet narrata Timotheo Patriarcha Nestorianorum in Tartariam missum primo Subchaliesum Monachum Siriace, Arabice, & Persice doctum Episcopum ab se ordinatum, ac postmodum Kardagum, & Jaballahum, ex Monachis pariter Episcopos consecratos, aliosque quindecim Monachos socios adjunctos, a quibus christiana Religio, sed Nestorii hæresi conspurcata, longe lateque per Tartariam, Cathajam, & Sinas propagata est. Initio sæculi X. Tartarorum Orientalium Princeps Presbyter Johannes dictus primus fuit, qui Romanæ Ecclesiæ Religioni studuerit. De ejus nomenclatura, & Regni situ controversia est inter eruditos. De ejus nomine agunt Josephus Scaliger lib. 7. de emendat. Jobus Ludolphus lib. 2. hist. Æthiop. cap. 1; Moshemius hist. Eccles. Tartarorum cap. 3; Pagi uterque, Senior quidem ad annum 1145., & 1177., Junior vero in Alexandro III: atque illum quidem Presbyterum Johannem dictum

Quam volunt Moshemius, & Pagius testimonio innixi Ottonis Frisingensis lib. 7. cap. 33, Gulielmi Tyri in Gerardo Mercatore, & Marini Sanuti lib. 3. fidel. Crucis par. 3. cap. 4, eo quod Rex esset, & simul Nestorianorum Sacerdos. E contra Ludolphus illum Prestherchan, hoc est adoratorum Chanum dictum, fuisse contendit, ut indicaretur illum Christianorum Principem fuisse. Nec minor est de loco dissensio. Jampridem Presbyterum Johannem in Africa, seu Abyssinia, sive Æthiopia Imperium obtinuisse existimatum est a Baronio, Renaudotio hist. Patriarch. Alexand., & Josepho Francisco Lafiteau tom. 1. *Des decouvertes des Portugais*. At contra in Asia illum imperasse ostenderunt post Ottonem Frisingensem, Martinum Polonum, Vincetium Bellov., Marinum Sanutum, Jacobum de Vitriaco, & Paulum Venetum Balthasar Telezius, Alphonsus Mendezius, Kircherus par. 2. Chinæ illustrata, Matthæus Veisserus la Croze vir acatholicus histor. christian. Æthiop., & Armen. lib. 3, Jacobus Ludolphus Lutheranus homo in comment. ad histor. Æthiop., Moshemius loc. cit., Johannes de plano Carpini in relat. itiner. art. 5, Guillelmus Rubruquius suor. itiner. cap. 18, Pagius uterque in locis indicatis, aliique, quibus adhærendum puto. Hæc de nomine, ac loco Presbyteri Johannis observasse lectori non injucundum arbitror. Jam ut rei nunc nostræ interest

Primus Tartarorum Orientalium Princeps, qui Presbyter Johannes dictus sit, catholicæ Religioni sæculi XI. initio nomen dedit, ut auctor est Afsemanus tom. 3. Bibl. Orient. ex Abulpharagio in Chron. Syror. ad annum Hegiræ 438. Post hunc, qui Imperii summam adeptus est Presbyter Johannes in hujus nominis serie tertius opera Philippi cujusdam Alexandri III. Pontificis Medici ad partes illas peregrinati certiore Pontificem fecit se avide cupere de omnibus Apostolicæ Sedis dogmatibus erudiri, adeo ut deinceps in nullo a doctrina ejusdem sanctissimæ Sedis dissentiret: desiderare etiam, ut in Urbe suæ Regionis viris concederetur Ecclesia, domusque, ubi ab se missi viri ad id idonei de Romanæ Ecclesiæ doctrina, moribus, & disciplina instrui possent, quam postmodum in patriam reduces alios edoceren. Rem apprime jucundam Alexander habuit, ideoque ad illum litteras.

dedit, quas referunt Radulphus de Diceto in Imaginibus histor. pag. 608, Matthæus Parisius ad annum 1181., & Baronius ad annum 1177, quo illæ datæ sunt, Legatumque remisit præfatum Philippum, qui eundem, & suos de articulis Christianæ fidei, in quibus a Romana Ecclesia discordarent, erudiret; spondens ab se Ecclesiam in Urbe concedendam, ut ab eo missi in fide orthodoxa magis instituèrentur. Quis autem ejus legationis exitus fuerit, ignoratur: concessam tamen In. Jis istis Ecclesiam S. Stephani cum adjuncta domo sitam post absidem Basilicæ S. Petri auctor est Baronius. Eugenio IV. anno 1441, & Sixto IV. anno 1482. a quibusdam, qui & Presbyteri Johannis nomine donarentur, Legatos venisse legitur, qui avere summo opere Reges suos christianos quidem, sed catholicorum dogmatum ignaros dixerunt, postulaturi perinde, ut illuc a Pontificibus proficisci juberentur viri idonei veritatem incolas edoceri. At eos Æthiopes, seu Abyssinos, non Asianos fuisse virisimilius sit, ac proinde de iis paullo infra agendum, postquam idest paucis Thibeti, & Japoniæ Reges attigerimus.

Clemente XI. Pontifice de re christiana amplificanda maxime sollicito, & jubente ad magni Thibeti Regnum, cujus Princeps urbs Lassa, cuique conterminæ sunt cum Tartaria, tum Sinæ, profecti nostræ Cappuccinorum Congregationis homines pietate, & doctrina præstantes P. Franciscus Horatius a Penna, unaque 12. Religiosi comites Provinciæ Picensis Mivaganum Regem, summum gentis Sacerdotem, quem magnum Lamam nuncupant, aliosque plures genere præclaros ad Religionem christianam magnopere propensos effecerunt. Itaque Imperator Mivaganus una ac de re Christiana, de Romani Pontificis auctoritate post Christum summa, ejusque zelo catholicæ fidei in Thibeto propagandæ, atque ad salutem ipsum Imperatorem, gentemque perducendi instructus, præclara erga Pontificem ipsum reverentiæ, atque observantiæ specimina exhibuit. Nam Romam reversuro P. Francisco, ut rerum gestarum certior Pontificem faceret, exindeque novos Evangelii præcones in Thibetum mitti curaret, etiam, atque etiam instixit, ut se, gentemque suam Pontificis studio commendaret. Regresso Roma in Thibetum præfato
P. Fran.

P. Francisco ab eo delatas Clementis XII. litteras gratantissime accepit , pro ejusdem studio ad rectam fidem se , gentemque suam perducendi gratias egit quam maximas ; lataque lege anno 1741, ut juxta Pontificis optimi monita christianam fidem a nostris in Regno prædicari , eique subditos , quicumque vellent , nomen dandi potestatem fecit plenissimam . Pontificis quoque litteris ad ipsum exaratis , quas laudatus P. Franciscus detulerat , quum accepisset Magnus Lama eandem , qua præverat Imperator , agendi rationem tenuit ; evulgatoque eodem anno 1741. edito Summum Pontificem laudibus cohonestavit ob eam , quam gentis suæ in fide Christi erudiendæ induerat curam : nostros homines genti universæ summopere commendavit ob eam , quam tum Pontifici Maximo obedientiam exhibuerant , & quam populis religionis , pietatis , amorisque speciem ingerebant : jubens , ut a nemine in officio mora illis fieret , utque fidem ab illis prædicatam amplexari cuilibet pro bona voluntate liceret .

Thibeto finitimum est Regnum Batgai , cujus principalis Urbs Nepal est . Igitur ad Regnum illud directus una cum aliis ex Ordine nostro anno 1735. P. Vittus a Ricineto , quum Zaervanegitam Mallam Regem , & Bisforaggem magnum gentis Sacerdotem de Religione christiana , & Romano Pontifice supremo ejusdem Capite approbe instruxisset , magnum iisdem desiderium Romanæ fidei fecit . Itaque per utrumque nostris licuit Evangelium annuntiare , & suis fidem nostram amplecti . Sed & Rex Battix Mogoli conterminæ , quum a prælaudato P. Vitto , qui eò concesserat , de Religione christiana audivisset , tam bene statim in legem ab illo annuntiatam est affectus , ut eum e Regno excedere nullo pati vellet modo . Quia vero P. Vittus id , quominus in Battix Regno sibi degere liceret , obesse dixisset , quod a Summo Pontifice ad Regnum Batgao proficisci jussus fuisset , ad Pontificem Maximum datis actutum Rex litteris enixe obsecravit , ut ejus jussu nostri homines in Regno Battix demorarentur , a quibus ipse , ipsiusque subditi de christiana fide instruerentur . Constant hæc omnia ex epistolis hinc de rebus ad Pontificem , & S. Congregationem de propaganda fide missis , atque ex relatione Rm̃i P. Sigismundi a Ferriatæ tum Procuratoris Generalis , ac postea Generalis Ministri

Romæ anno 1742. exarata. Porro a Benedicto XIV. Pontifice M. ad Reges cum Batriæ, tum Bargai datæ deinde litteræ sunt, quibus gratias agit eorum omnium beneficiorum, quæ in Missionarios contulissent, atque ad Religionem christianam amplexandam, curandumque, ut populi pariter amplexarentur, gravissimis verbis est adhortatus.

Magna laudum pars, quæ S. Francisco Xaverio, pariterque ejusdem inclytæ Societatis Jesu eximiis Missionariis debetur, ea est, quod omnium primi in remotissimas Japponiæ Regiones christianam Religionem intulerint, summoque studio enixi sint, & sategerint, ut inflata mirum in modum amplificaretur. Quo de argumento, si amplius scire aveas, tibi auctor sum, ut adeas historias Ecclesiæ Japponicæ gallice editam, ejusdemque generis historias hispanice adornatas a PP. Marcello Ribadeneira; Ludovico Gusmano; Petro Morejone, aliisque; latine a PP. Andrea Schotto; Johanne Petro Maffejo; Nicolao Trigaultio; Bartholo; Crasseto, aliisque; atque, si licet, Varennum hominem e numero Protestantium lib. de Jappon. Relig.; & Scheuchzerum ejusdem sursuris virum in hist. naturali, civili, & eccles. de Imper. Jappon. Itaque Societatis Jesu Sacerdotum opéra ad Christianam fidem perducti Bungiensium, Omurensium, & Arimensium in Japponiæ Insulis Reges Oratoribus, & litteris ad Gregorium XIII. Pontificem Maximum anno 1582. missis eximie erga Apostolicam Sedem obedientiæ, & observantiæ testimonium dederunt. Atque quidem iis in litteris Franciscus Bungi Rex sic inter alia scribit: *Summi Dei auxilio suppliciter implorato magna cum humilitate ad Sanctitatem vestram scribere aggredior. Dominus rector Celi, terræque, cujus imperium super solem, lunam, & stellas, ignorant mihi, & profundis immerso tenebris claritatis sue lumen jussit splendescere, ac nostratibus precipue populis referans arcem suæ misericordiæ, atque gemmarum dignatus est ante annos amplius quatuor, & triginta destinare in hæc Japponiæ Regna Patres e Societate Jesu, quorum e salutaris, & divina semente non nihil in meum quoque Dei benignitate cecidit pectus. Quod tam insigne beneficium, aliaque multa o Sanctissime totius christiani populi Patrens vestra potissimum precationi, meritisque accepta equidem refero,*

fero , ac proinde , nisi me bella ; senium , & affecta valetudo impedirent , conferrem me ipse ad visenda , ac veneranda Sacratissima isthac loca , ac simul obedientiam exhibens , pedes vestrae Sanctitatis post pia ipsorum oscula capiti meo superimponerem , & Sacratissima vestra manu pectus meum signo Crucis muniendum curarem . Sed quoniam iis , quas dixi causis , impediō , sororis mea filium D. Hieronymum Regis Fiungæ filium cogitabam legare pro me , verum quando is in presenti longe abest , & P. Visitatoris instat profectio , D. Alancium ejus consobrinum eodem nomine mittere visum est ; a vestra Sanctitate magni beneficii accipiam loco , si pro ea , qua fungitur in terris Dei vice , me & Christianum hunc gregem , uti facit , favere , & adjuvare perrexerit .

Consentanea his omnino exaravit Prothasius Rex Arimano- rum : postquam enim Pontificem fecisset certiorē susceptæ ab se Religionis Presbyterorum Soc. Jesu opera , sic attexit : *Quum- que Sanctitas vestra Christianum gregem universum moderetur , & pascat , valde mihi fuit optatum isthuc venire , coramque humi- stratus magna cum submissione exhibere illi obedientiam , & post pe- dum oscula beatorum , eos met meo capiti superimponere . Sed quoniam rebus variis impedito id mihi non licet , mitto cum eo- dem Patre Visitatore patruelem meum D. Michaelem , ut pro me hoc munere pietatis , officiique fungatur . Ex eo ipso mea vota , & alia cognoscet vestra Sanctitas , ac proinde non ero fusior , quam ego ex animo sincero , & humili venerabundus adoro . Denique Bartholomæus Omurenorum Rex pari in Pontificem animo humi- li affectus sic scribit : Vereor ne crimen audaciæ subeam , attamen quum Regis Cælorum gratia rudem hanc epistolam offero San- ctitati vestrae , quæ quum in terris locum obtineat Dei , ac simul ex ipsius doctrina , & magisterio Christianus populus pendeat uni- versus , æquum sane fuerat me met maria transmittere , ipsum- que ad vestram Sanctitatem invisendam venire , sacrosque ejus pedes post pia ipsorum oscula super meum caput imponere ; sed quo- minus hoc fungar officio , multæ me hoc tempore prohibent causæ . Perhonorifice , & peramanter Legatos , litterasque horum Re- gum Gregorius XIII. suscepit , iisque gratulatus de suscepta fide , ut in Romanæ Ecclesiæ communionē permanerent cohortatus est .*

Nec

Nec absimili studio Regi Cochini, a quo Legatos acceperat, ad christianam fidem amplectendam, ejusdemque fidei præcones adjuvandos persuasit. Sed & Johanni Regi Insulæ Ceylani cum viginti subditorum millibus FF. Minor. opera christianis sacris initiato, cujusque fidei, & obedientiæ professionem receperat, literis gratulatus est, illique ea de causâ Regno spoliato auxilium, suppetiasque tulit. Adeundus Raynaldus ad annum 1575, & 1582. At de Asiæ Regibus satis: jam ad Reges Africæ nostra, brevisque transeat oratio.

In Æthiopiam, seu Abyssiniam invec̃ta primum sæculo Ecclesiæ II. a Panthæno Philosopho christiano, ac genere quidem Siculo, incolatu vero Ægyptio, ut auctor est Eusebius lib. 5. hist. Eccles. cap. 10; postmodum vero IV. Ecclesiæ ævo a Frumentio Salama dicto ab Æthiopibus in Hagiologio, ut ibidem adnotavit Sollerius, illó a S. Athanasio misso, & Axumitarum ordinato Episcopo, (ex quo factum est, ut observarunt post Elmacinum Ludolphus, Vansleb, Bernatus, & Sollerius, & quidem usque in hanc diem, ut Æthiopibus unus Episcopus Metropolitæ nomine, quem Abbanam, hoc est Patrem gens vocat, vocatus ab aliis Amba, præsit, isque Alexandrino Patriarchæ hodie adhuc pareat), amplificata, ut est traditum a S. Athanasio in apolog.; Ruffino lib. 1. hist. Eccles. cap. 9; Theodoreto lib. 1. cap. 23; Socrate lib. 1. cap. 19; Sozomeno lib. 2. cap. 24, aliisque, quo deque agit Æthiopum Hagiologium ad 11. Musæ, idest 26. Julii apud Sollerium in tract. prælim. ad tom. 3. Junii de Patriarchis Alexand. cap. 12. in corollario, christiana Religio, postquam Monophysismi, ac Monothelismi erroribus illuc ab Alexandrinis Monothelitis, & Monophysitis delatis conspurcata fœde fuisset, ac tandem ad veterem Idolotum superstitionem fuisset a gente reditum, sæculo tandem XV. iis in Regionibus Evangelii luce resplendente sacra christianorum ibi coli cœptum est. Et sane Albertus Sartianensis Ord. Minor. ab Eugenio IV. ad Ægypti, & Æthiopiz populos Evangelium prædicatum missus, ex missione redux, ad Eugenium Concilium Florentiæ celebrantem inter alios laborum, quos uberes ferebat fructus, reduxit Andreæ Abbatem S. Antonii in Ægypto, & Petrum Diaconum Oratorum munere obeuntes

tes Constantini Zaræ Jacob Imperatoris Æthiopum, qui & Presbyter Johannes dicebatur, qui Pontifici obedientiam præstiterunt, atque de fide ab eo decreta professi sunt. Extant Eugenii epistolæ eam ob rem datæ tom. 13. Concil. Labbei. Sixto IV. Pontifici Maximo anno 1482. ab Æthiopiarum Imperatore dicto quoque, nescio quomodo, Presbytero Johanne, Oratores venerunt nuntiantes Principem in optatis summopere habere, ut in Provincias idonei viri a Romano Pontifice concedere præciperentur, a quibus tum ipse, tum ipsius populi christiani quidem, sed christianorum dogmatum multam partem ignari, plene instruerentur. Quis rei fuerit exitus, ignoratur.

Sæculo XVI. David Æthiopum Imperator denominatus ad Clementem VII. Oratores duos Franciscum Alvarez Lusitanum, qui Emanuelis Lusitaniarum Regis vices apud illum fuerat defunctus, & Christophorum Licanati Æthiopem misit, qui duas a Rege Davide exaratas litteras Pontifici obtulerunt. Eas latina lingua donatas a Paulo Jovio legere est apud Damianum Goez Equitem Lusitanum in comment. de rebus Æthiopum, & apud Oldoinum in additionibus ad Ciacconium. Prima vero hæc habet: *Pax tibi sit juste Domine, Pater Sancte, potens, pure, sacrate, qui es Caput Pontificum omnium, & neminem metuis, quum nemo Tibi possit maledicere; qui es vigilantissimus super animas Curator, & amicus peregrinantium, consecrate Magister, & Predicator fidei, & earum rerum hostis, quæ conscientiam offendunt, amator optimorum morum, vir sanctus, quem omnes laudant, & benedicunt. O felix Sancte Pater, ego tibi reverenter obedio, quum sis pax omnium, & cuncta bona merearis, & ita æquum est, ut omnes Tibi obedientiam præsentent, sicuti SS. Apostoli præcipiunt apud Deum. In posteriori vero ad eundem sic loquitur: Felix Sancte Pater, qui a Deo effectus es gentium Consecrator, & S. Petri Sedem obtines: Tibi datæ sunt Claves regni Cælorum &c. Mitto ad deosculandos pedes Sanctitatis vestre more ceterorum Christianæ fidei Regum Fratrum meorum &c. Cupio ingenti desiderio consequi sacrosanctam benedictionem a Vicario Domini nostri Jesu Christi; nam procul dubio Sanctitas vestra Dei est Vicarius. Exosculor autem pedes sanctos, & supplex oro, ut benedictionem mit-*
tat.

tat. Narrat interea rem christianam in Æthiopia bene haberi: dolet se ab eo litteris non esse visitatum: rogat obnixè, ut Nuncium in Æthiopiam cum instructione mittat: ait exare in archivis suæ aulæ litteras ab Eugenio IV. Pontifice ad proavum suum de Concilio Florentini decretis exaratas: postulat efflictim ad se transmitti sanctorum, ac quam maxime B. V. Mariæ imagines: artifices etiam imagines pingere doctos, & organa musica tum scite facere, tum doctè pulsare idoneos; alia horum similia adjungit, quibus edepol, quanto erga Romanum Pontificem ferveret pietatis studio, planum faciebat. Cunctis vero ejus postulatis Clementis Pontifex, prout par erat, fecit satis.

Paulo III. Pontifici Maximo anno 1549. ab Æthiopia Nuntius veniens legatus a Claudio Aznafsagad Imperatore litteras obrulit, in quibus sic agebat ille: *Pax Tibi, pax Trinitatis sis Tecum. Audi Pater noster, quem nobis in Patrem dedisti, Johannem consecratum posuimus in Sede Pontificia.... Audi nos Pater noster Paule Princeps Patrum Romæ, cui subjiciuntur septem Reges christianorum, obliviscitur ne consanguineus sanguinis sui?* Secutæ sunt deinceps aliæ Æthiopum legationes, curatumque summopere a Pontificibus; ut Episcopi in Æthiopiam contenderent rei Christianæ diligentem operam amplificandæ daturi. Ita Gregorius XIII. Oratore Johanne Baptista Britti in Æthiopiam proficisci jussu Imperatorem Sarzadinghel, ut ad Ecclesiæ unionem, & Apostolicæ Sedis obedientiam regrederetur, vehementer adhortatus est. Ita Paulus IV. Nonnium Baretum Soc. Jesu professorem Patriarchali dignitate adauctum in Æthiopiam ad Imperatorem direxit. Ita ab Urbano VIII. illuc missus Alphonsus Mendesium Soc. Jesu Patriarchæ dignitate exornatus, ut rem christianam in Æthiopia pro virili parte curaret. Sed res nostris male cesserunt. Ita Innocentius XII. Franciscum Mariam a Saleme Ord. Minor. ad Imperatorem Æthiopiæ Nuncium misit, litterasque illi tradendas anno 1700. dedit, quibus inter alia sic effabatur: *Nos, qui licet immerentes, Dei vices gerimus in terris, etsi longo locorum intervallo a te separati, Apostolica tamen charitate non disjuncti indeficientibus votis optamus, ut Cælesti beneficentiæ congrue respondeas, ita ut tibi humanis, quibus fruëris bonis, & his quidem*

dem fugacibus, ac transitoriis, superna aliquando felicitates, & immortales addantur. Verum quia id nemo assequi potest, nisi hanc Romanam Ecclesiam Principis Apostolorum Sedem, omniumque Orbis Ecclesiarum Matrem, ac Magistram agnoscat, etque firmiter adhaereat, Pontificia nostra sollicitudinis partes esse duximus Te etiam, atque etiam hortari, ut semitam catholicæ veritatis, quæ ducit ad vitam ingrediaris, & Majorum tuorum, qui hanc ipsam veritatem amplexi sunt, sequaris exemplum. Cetera legito apud Berninum hist. hæres. sæcul. XVII. cap. 10. Mitto reliqua ne sim ultra modum longior. Quod si plura aveas, præsto erunt Franciscus Titelmannus Ord. Cappuccin. lib. de Relig., Morib., & Cærem. Æthiopum; Balthasar Telezium Soc. J. in hist. gener. Æthiop.; Eusebius Renandotius in hist. Patriarch. Alexandr.; Vanslebium in hist. Eccles. Alexand.; qui & Abulbaracat in epitomen contraxit; Solerius in traët. prælim. ad tom. 3. Junii de Patriarch. Alexand.; ex Acatholicis vero Ludolphus in hist. Æthiop.; Crouseus in hist. Christian. Æthiopix, & Armeniæ, aliique multi.

Congi, & Angolæ, quò a S. Congregatione de propaganda fide anno 1641. Cappucini nostri prædicatum Evangelium contendere jussi sunt, a quibusque teste Cerrio in relat. ad V. Innocentium XI. res fidei eis in Regionibus egregie curatæ sunt, ingensque iterum, laborum, prædicationisque fructus est relat. Congi, inquam, & Angolæ in Africa Reges hominum nostrorum opera ad nostra sacra perducti Romano Pontifici, quibus testata esset ipsorum erga Apostolicam Sedem obedientia, ejusdemque communioni adhæsiō, litteras, legatosque sæpe miserunt. In his Antonius Congi Rex, ejusque frater germanus Franciscus nomine, qui Religioni christianæ nomen dedit non modo, sed inter nostros coopertus, ad nostræ amussim vitam transiit, pieque tandem anno 1651. obiit. Adeundus Jo: Franciscus Romanus Ordinis nostri vir doctus, & pius, qui ad Regnum Congi semel, & iterum profectus descripsit vulgari idiomate historiam Missionis Fratrum Cappuccinorum ad Regnum Congi cum descriptione, Geographica ejusdem Regni, adjunctis moribus, & ritibus illius gentis. Regina Matambæ Anna nomine alias Singa nuncupata a P. Antonio Laudato a Gaeta sacris nostris reconciliata suæ fidei,

summique erga Apostolicam Sedem obsequii locupletes testes litteras dedit tum S. Congregationi de propaganda fide, tum Alexandro VII. anno 1662, a quo vicissim gratulatorias anno 1665. recepit. Quo pariter erga Pontificem devotionis studio flagrarent Principes Sonhi Antonius, & Paulus Generosus Baretti de Sylva liquet ex eorum litteris ad PP. Generalem, & Procuratorem Ordinis prælaudato tom. 7. Bullar. Cappucc. relatis. Alvarus item Rex Congi, adparet ex litteris Apostolicis Pauli V. anno 1620; Gregorii XV. anno 1621; Urbani VIII. anno 1640; & Innocentii X. anno 1645. ad eum exaratis. Garzias Alphonfus II. Congi etiam Rex, constat ex actu obedientiæ ab ejusdem Oratoribus PP. Angelo Valentino, & Johanne Francisco Romano ejus nomine anno 1648. Innocentio X. exhibitæ; ex litteris ab illo Pontifici inscriptis, vicissimque ipsi a Pontifice una cum Regia corona redditus; nec non ex litteris ab Alexandro VII. anno 1660. eidem nuncupatis, quas legere est præmemorato tom. 7. Bullarii Cappucc. Alphonfus insuper Angolæ Rex cum Regina conjuge, & filiis pari obsequio erga Pontificem affectum animum prætulit, ut liquido patet ex ejus epistolis anno 1663. Alexandro VII. eique a Pontifice anno 1666. mutuo intercriptis. Garzias rursus Congi Rex, uti sit exploratum ex epist. Clementis X. anno 1673, & V. Innocentii XI. anno 1677. Petrus tandem Rex pariter Congi, Maria Regina conjux, Anna Regina vidua; nec non Veronica Regina Matambæ; Petrus Dux Bambæ; Dominicus Dux Somni; Dux etiam Battæ, & Sonhi Principes quanti facerent, quantoque Pontificem in honore haberent liquido constabit legenti litteras Clementis XI. anno 1707. una cum Regio diademate ad Petrum datas, quas cit. loco exhibet P. Michael a Tugio.

In Borno Regno Guineæ, quò pariter missi anno 1674. a Sacra Congregatione de Propaganda fide Cappuccini nostri, ut auctor est Cærius in relatione cit., Regem quidem rei Christianæ propitium, & Romanum erga Pontificem obsequentem fecerunt, gentis autem ingentem multitudinem christianis sacris imbuerunt. Quo quidem officio perfuncti perinde sunt in Insula S. Thomæ sub linea æquinoctiali in Africano Guineæ Mari sita cum Ludovico II. Rege Overii, ut liquet ex litteris ab eo ad nostros anno 1690.

no 1690. exaratis; nec non cum Obba Bennini Rege, ut adparet ex litteris ab eodem anno 1710. scriptis ad P. Procuratorem Gener. Ord.; ad S. Congregationem de propaganda fide; & ad Clementem XI. Pontificem Maximum tom. 7. Bullarii nostri relatis. Ad hæc in America a Missionariis Cappuccinis ad sacra Christianorum perducti quinque Reguli, quos Caziques appellant, e Provinciis Cumanæ, Carachæ, Guarapichæ, Guacharæ, Araguæ, & Amanæ, nomine Dominicus, Gaspar, Macarius, Stephanus, & Christophorus, quæ de Pontifice a nostris fuissent edocti, in litteris anno 1666. ad Alexandrum VII. exaratis aperuerunt: *Inter alia, inquires, ipsi nos docuerunt Sanctitatem vestram Dei apud nos vicem obtinere, eique, sicuti ipsiusmet Dei Vicario, debere nos submissum animum contestari, ac sub ipsius semper obedientia vivere; quod libentissime amplectimur. Quæ propter abhinc omni cordis obsequio, animæque resignatione Sanctitatis vestræ arbitrio, ac potestati nos subijcimus, & in perpetuum devovemus. Quæ in nostratum laudem attexo, non ita demum accepta velim, ut Religiosis aliorum Ordinum detractum aliquid sit: præfiscine id enim, proculque abs me tantum nefas, qui si id operis mei institutum esset, illorum præconia multis, præclarisque celebrarem; quod & supra ubi oportunitas affuit, præstitisse me puto, sed & confestim præsto.*

Sæculo superiore Monomotapæ Rex ab Aloysio a Spiritu S. Ord. Prædicat. viro Apostolico ad christianam Religionem perductus, a Romano Pontifice, de cujus potestate edoctus fuerat, operarios mitti, qui Romanæ Ecclesiæ fidem in Regno suo disseminarent, ut refert Cerrius, valde desideravit. Sed de his hætenus dicta abunde sufficere arbitror, ut palam fiat, quod principio articuli propositum fuerat, a Regibus, qui in Religione christiana enati, aut enutriti essent, Apostolicam Sedem summo semper in pretio habitam; pessimeque res illis cunctas cessisse, qui eam aliquando despiciatui habuissent. Regibus vero, qui Idololatriæ, superstitionis, aut ignorantiae tenebris fuissent involuti, ut Religioni christianæ optime iret consultum, id summo opere persuasum æ, Missionariis fuisse, oportere Romani Pontificis, cujus summa esset in Ecclesia auctoritas, doctrinam amplecti, monitis obtem-

perare, & præceptis morem gerere; quæ si semel fierent, fore ut humana, & divina optimo in loco essent constituta, uti plurimo experimento, plurimumque exemplo Regum, Regnorumque expositum est, & exploratum.

Ex Doctrina veteri, & nova Gallicanæ Ecclesiæ.

ARTICULUS X.

Veterem Gallicanæ Ecclesiæ de privilegiis doctrinam voco, quæ ab exordio ejusdem Ecclesiæ obtinuit jugiter ad episcopam usque Concilii Constantiensis: novam autem, quæ ab eo tempore, ac deinceps inventa est. Contendo vero Gallicanæ Ecclesiæ eandem esse novam, atque veterem, in qua enutrita semel eidem semper adhæserit. Fuisse ex Gallis equidem, qui sub ævum Concilii Constantiensis in oppositam ultro opinionem concesserint, esseque etiam num, qui veteri illa, veraque sententia abdicata, in novitiam, a veritateque toto ostio aberrantem descenderint, quam & eidem sacratissimæ Ecclesiæ appingere non verentur. At Gallicanæ Ecclesiæ hanc minime arrisisse, fuisseque acceptam, sed religiose, ut par erat, potius a Majoribus acceptæ doctrinæ jugiter, tenaciterque adhæsisse illam propugno, atque ut propugnem, multa sunt, quæ efficiunt, momenta, quæ antequam in medium proferam, illud in antecessum, obiterque, opportunitatem e re nata nactus, in laudem Gallicanæ Ecclesiæ producendum arbitror, ab omni ævo de Apostolica Sede optime Gallicanam Ecclesiam fuisse promeritam, adeo ut uni Galliæ acceptam frequentissime retulerint Romani Pontifices jurium suorum conservationem, dignitatis defensionem, vitæ imo securitatem: Ita enim in eos debacchantibus, ac desævientibus schismaticis, rebellibus, hæreticis, hostibus Principibus Leone Isaurico, Luitprando, Aistulpho, Desiderio, Ottone, Henrico, Friderico, Ludovico &c. Sæculo VIII. SS. Gregorius II; Gregorius III; Stephanus II; Paulus I; Stephanus III; Hadrianus I; Leo III: Sæculo IX. Stephanus IV; Johannes VIII: Sæculo XI. Urbanus II; Paschalis II: Sæculo XII. Gelasius II; Callixtus II; Innocentius II; Alexander III; Gregorius

gorius VIII : Sæculo XIII. Innocentius IV ; Urbanus IV ; Bonifacius VIII : Sæculo XIV. Johannes XXII : Sæculo XVI. Clemens VII ; Paulus IV : Sæculo XVII. Clemens VIII ; & Paulus V. Quo vero animi obsequio Romanos Pontifices non sunt prosequuti Franco- rum Imperatores , Regesque Carolus Martellus , Pippinus , Carolus Magnus , Ludovicus Pius , Philippus , S. Ludovicus &c. paullo post laudibus pro meritis cumulandi ?

Quamobrem in Gallicanæ Ecclesiæ laudem , & quidem magnam eedit , quod S. Nicolaus I. calumniis appetitam a Photio, Græcisque Latinam Ecclesiam, ut vindicaret, ad Episcopos Gallicanos inscripta epist. 70, quam exhibet Baronius ad annum 867. n. 43, & seqq., auguste eisdem adhortatus sit, ut Græcorum propulsandi calumnias provinciam susciperent, Latinorum vero ritus, mores, religionemque in libertatem assererent. Quod Johannes VIII. epist. 30: ad Ludovicum Bajoariæ Regis filium in hæc effatus sit : *Ex vestra progenie nullus cervicem superbe contra banc extulit Sedem: sed propter Deum suppliciter colla submitit*. Quod S. Gregorius VII. epist. 8. lib. 8. Regi Suecorum gratulatus sit, iccirco quia sacri verbi præcones , a quibus gens sua in christiana fide erudiretur, ex Gallicana Ecclesia arcessisset, affirmans ab Ecclesia Gallicana non aliam Suecis suis doctrinam, quam qua ipsa a Romana Ecclesia edocta fuerat, propinandam. *Gallicana siquidem, inquit, Ecclesia non vos alienis documentis instruxit, sed quod de thesauris Matris sue S. Romana Ecclesia accepit, salubri vobis eruditione contradidit*. Quod Gelasius II. apud Baronium ex Pandulpho verba referentem affirmat: *Portum Romanæ Ecclesiæ, & fluctuantis Naviculæ Petri Galliam esse*. Quod Gregorius IX. in epist. ad Archiepiscopum Remensem scripserit: *Gallicanam Ecclesiam in devotione Apostolicæ Sedis non sequi alias, sed antecedere*. Quod Alexander III. ad Ludovicum VII. Galliarum Regem pariter effatus fuerit: *Gallicanam Ecclesiam . . . nunquam a Catholica Matris Ecclesiæ unitate recessisse; nunquam ab ejus subjectione, & reverentia se subtraxisse, sed tamquam devotissimam filiam firmam semper, & stabilem in ejus devotione permansisse*. Quod Innocentius III. ad Philippum II, & ad Archiepiscopos, & Episcopos Galliarum datis litteris dixerit: *Fidem, & obedientiam*

tiam vestram Nos, & Prædecessores nostri sumus frequenter experiti: in aliis etiam litteris in hæc verba sit loquutus: Exaltationem Regni Francorum sublimationem Apostolicæ Sedis reputantes: quum hoc Regnum benedictum a Deo semper in ipsius devotione permanferit, & ab ejus devotione nullo unquam, sicut credimus, sit tempore discessurum. Quod Pius II. ad Carolum VII. Francorum Regem scribens affirmavit: Francorum Regibus solemne fuisse... Romanam Ecclesiam honestare: hereditariam devotionis constantiam, ac fidei puritatem a Progenitoribus suis accepisse. Quod Concilium Lateranense III. de Simon. cap. 18. apud Harduinum tom. 6. part. 2. in append. p. 1724. in Ecclesiæ Gallicanæ laudem hæc protulerit: Gallicana Ecclesia majorum personarum scientia, & honestate præfulget. Quod Concilium Tridentinum in elogium Galliarum Regis, ac Regni tum dicentem libenter audierit: Rex christianissimus... non tam quæ sua sunt, quærit, quam quæ sunt Catholicæ Ecclesiæ, & Pontificis Maximi, cujus dignitatem, & auctoritatem, ut sacramentam in Gallia retineat, non dubitat tanti Regni imperium, vitam, & fortunas magnorum Principum, Procerum, & Nobiliorum in periculum adducere: tum liquido dixerit apud Harduinum tom. 10. pag. 276: Omni tempore Regnum illud firmissimum Catholicæ veritatis præsidium, & columen jure optimo habitum fuisse. Quæ quidem jure, atque merito effata ex sequentibus exploratissimum fiet. Hæc veto tam libenter protuli, quam sincere: quorum utique similia sexcenta in ejusdem Gallicanæ Ecclesiæ laudem proferre mihi esset primum, si id propositi mei ratio pateretur. Ex his tamen paucis volo cetera plurima intelligantur, quove ego animo approbe afficiat erga Gallicam gentem, palam fiat: & proinde si, quam mente gero, sententiam Gallicanæ Ecclesiæ appingam, id æquo animo facere credar, non secus atque si contra Gallos nonnullos calamum exacuero, id abs me non fieri, ingenue profiteor, aut invidiæ genti illi conflandæ gratia; (absit a me etenim tantum nefas) aut ex minori, quo eam gentem in pretio habeam, (maximi enim pendo) bene vero eo uno, quod ego Italus Gallis illis, qui Italos nostros Sedi Apostolicæ studentissimos vellicant, vicem rependam; palamque faciam quinimo Italos præ Gallis neutiquam Se-
di

di Apostolicæ studuisse magis, aut magis studere. Præterea quum ex Ecclesiarum traditione, sive testimonio disputationem meam corroborandam, vallandamque circumquaque suscepissem, de ea, quæ una ex præcipuis habenda est, distinctim, copiose, ac dilucide agendum operæ pretium duxi: ea quoque ratione ductus, quod admodum ægre audirem ei adversam passim attribui opinionem, ex eaque, etsi pessima consecutione, Protestantes ansam arripere Pontificum privilegiis conviciandi, quam ut penitus eriperem, hanc inire viam proposui, in quam e vestigio ingredior.

Ex Conciliis Ecclesiæ Gallicanæ, atque ex Gallicani Cleri Comitibus.

§. I.

ERgo Ecclesiam Gallicanam ei a prisca ætate, & posteriori jugiter instituisse sententiæ, quod Romanus Pontifex ejusmodi Primatu in Ecclesia universa potiatur, cujus appendices sint cum supra Concilia generalia potestas, tum in fide infallibilitas exploratum sit primo ex Conciliis ea in Ecclesia celebratis. Principio, quæ in proleg. art. 3. tom. 1. ex Concilio Arelateni primo jam prolata sunt, adeo sunt præclara, ut repetere, paucis tamen, quoad fieri poterit, omnino præstet. Enim vero eo in Concilio una cum Atris, Hispanis, Britannis, Italis, omnibus 600, coadunati Gallicani Episcopi perfecta jam Synodo propriis confirmatione, magnificis verbis illis ad S. Silvestrum scripserunt: *Placuit hæc juxta consuetudinem antiquam a Te, qui majores Diæceses tenes, & per Te potissimum omnibus insinuari.* Quæ plane verba Concilio Arelateni restituenda collatis Codicibus Mss. Colbertino, Pithæano, & Parisiensi Collegii Societ. Jesu apud Sirmondum, & Harduinum conspicias, jureque restituta a Perronio, & Harlæo, atque ab obtrectationibus Edvardi Stillingfleeti, qui in suis origin. Britan. nihil non egit, ut Romani Pontificis cum Patriarchatum, tum Primatum everteret, quæque faverent, recta, & oblique intorqueret, susque deque vexaret, vindicata a Clariss. Schelestratio perpendens doctiss.

Tho.

Thomassinus veter., & novæ discip. lib. 1. p. 1. cap. 8. tam vere, quam nitide pronuntiavit, quod prima S. Silvestri Sedes, ad quam Patres Arelatenſes ſcribebant, *indeclinabilem jurisdictionem exercuerit in ceteros omnes Patriarchas*: indeclinabilem ita, inquam, ut vel ipſi ſubjectas ſe generales Synodi intellexerint, nec niſi ipſa jubente, loco ſtare ſuo a generalibus Synodis inſtituta. Quæ vero de Pontificis inſallibilitate præclara ipſis inſederet ſententia, patefecerunt Galliarum Episcopi 43. in Concilio Narbonenſi anno 451. congregati in epiſtola Synodica ad S. Leonem M., quæ inter Leoninas poſt epiſt. 51. legitur, qua de ejuſdem Pontificis epiſtola ad Flavianum ſcribentes ſic ajunt: *Quæ Apoſtolatus veſtri ſcripta, ut ſymbolum fidei quiſquis Redemptionis ſacramenta non negligit, ſabulis cordis adſcribit ... Doctrinæ poſt Deum veſtræ debet quiſquis fidelis, ut conſtanter teneat, quod credebat: debet etiam infidelis, ut a perfidia ſua, agnita veritate, diſcedat; & Apoſtolice inſtitutionis luce perſuſus erroris ſui tenebras derelinquat, magiſque ſequatur, & credat, quod per os veſtrum Dominus noſter Jeſus Chriſtus de ſacramento Incarnationis ſuæ docet. Grates Deo reddunt deinde: Quod tantæ fidei, tantæque doctrinæ Apoſtolice Sedi, unde Religionis noſtræ ſons, & origo manavit, Antiſtitem dederit. Sunt ne vero indicia iſthæc, amabo, opinantium Pontificem de fide edocentem falli poſſe, & fallere, cui non ſit cur proinde utroque, pronoque auſcultetur aure, an potius hominum plane, qui officio deputent Pontifici edocenti animum integre apponere, veluti ei, a quo, dum edocet, errandi procul omne abſit periculum? In Concilio Aranſicano II. anno 529. congregati adverſus Fauſti Rejenſis Episcopi errores, eidem cum Semipelagianis communes: *Id nobis, inquit, ſecundum admonitionem, & auctoritatem Sedis Apoſtolice viſum pauca capitula ab Apoſtolica Sede nobis tranſmiſſa ... ad docendos eos, qui aliter quam oportet, ſentiunt, ab omnibus obſervanda præferre, & manibus noſtris ſubſcribere deberemus. Quibus locis, qui hucusque non ſicut oportebat, de gratia, & libero arbitrio credidit, ad ea, quæ fidei Catholica conveniunt, animum ſuum inclinare non differat. Itaque Apoſtolicam Sedem in fidei ſententiis ſequendam, abſque periculo erroris fore pronunciant; reapeſque ſibi ſequendam proponunt.**

Exin-

Exinde profectum pariter studium illud eximium, enixumque, quo cautum summopere est a Concilio tum Vasensi II. anno 529. can. 3, 4, & 5, sive de ritibus in Ecclesia Romana sacris in Ecclesiam Gallicanam transcribendis, sive de Romani Pontificis nomine inter sacra a Gallicana Ecclesia recitando: tum ab Aurelianensi IV. anno 541. can. 1, ut quæ pariter Romanæ Ecclesiæ celebrandi Paschatis ratio placuisset, eadem, ut par erat, religiose a Gallicana Ecclesia observaretur: *De qua solemnitate quoties aliquid dubitatur, inquisita, vel agnita per Metropolitanos a Sede Apostolica sacra constitutio teneatur*. Ita obiter de disciplina. Jam uberius de doctrina, & decretis.

In Concilio Aurelianensi V. anno 549. collecti Galliarum Episcopi can. 1. Nestorii, & Eutychetis sectas cum eorum auctoribus, & sectatoribus diris cunctis deponentes, Apostolicæ Sedis iudicium præ oculis haberi debere duxerunt: *Quas etiam sectas, inquit, Sedes Apostolica, & Sancta condemnat*. Confer et canonem 1. Concilii Arvernesis II. anno eodem celebrati. Sane hæreses illas una cum Hæreticis a Synodis Ephesina, & Chalcedonensi damnatas non nesciebant: qui igitur fieri potuit, ut Sedis Apostolicæ dumtaxat iudicium sibi sectandum proposuerint, nisi quia illud satius fore in causis fidei finiendis ratum, perspectumque ipsis fuerat? In Concilio II. Turonensi anno 567. coacta Gallicana Ecclesia plane non alteram prætulit de Apostolicæ Sedis decretis sententiam, dum præclare ita pronunciavit: *Quis Sacerdotum contra decreta talia, quæ a Sede Apostolica processerunt, agere præsumat?* Loquebatur de S. Innocentii decretali epistola ad Victricium Rotomagensem. Pergit deinde de S. Gelasii decreto loquens: *Vel quis, quod p̄ius est, contra sententiam, quam.... Paulus Apostolus... promulgavit?... & quorum auctorum valere possit prædicatio, nisi quos Sedes Apostolica semper aut intromisit, aut apocryphos fecit, & Patres nostri semper hoc custodierunt, quod eorum præcepit auctoritas?* Nos ergo sequentes quod vel Apostolus Paulus, vel Papa Innocentius statuit, in canonibus nostris inserentes statuamus observandum. Sibi igitur Pontificum decretis parendum fore probe intelligebant, nulum vero in ejusmodi obedientiæ obsequio subesse profecto er-

roris periculum . In Concilio Lugdunensi I. sub S. Nicetio Archiepiscopo , & Guntheramno Rege ex 14. Episcopis coadunato anno 570. adversus Salonium Ebredunensem, & Sagittarium Vapincensem, qui plurimum, ingentiumque criminum, puta cædis, pervasionis, homicidii, adulterii, personam gerebant, quum lata fuisset depositionis sententia, ii vero ad Johannem III. Pontificem M. interposita appellatione, gradu quo festino Romam properantes suis restitui sedibus, (ob id puto, quod Pontifice inconsulto gradibus fuissent deturbati) precibus impetrassent, datisque ad Regem litteris Pontifex imperasset, ut iis ad suum regredi locum liceret, tantum abest, ut sive Rex, sive Galliarum Præsules mandato Pontificio, quo suamet sententia fuerat infracta, aut inferre moras, aut vim facere se posse absque piaculo autumarint, ut potius in argumentum obsequii, quo Apostolicæ Sedi assurgebant, ambobus, prius tamen officii admonitis copiam pristini loci confestim ultrocitroque fecerint. Consule S. Gregorium Turon. hist. Francor. lib. 5. cap. 20, ex quo fit exploratum præclarum, enixumque sane studium, quo de colendis, adimplendisque Sedis Apostolicæ dogmatibus, sive decretis, Galliarum qua Reges, qua Antistites afficiebantur. Suspecta quidem peritis quibusdam S. Gregorii Turon. narratio visa est, sed hujus loci non est de hujus rei veritate curiosius investigare. Ut ut enim de his sit, argumento sunt approve statuta Synodalia Ecclesiæ Remensis sub Sonnantio, sicuti verisimilius videtur, quæ Synodo Remensi anno 625, aut 630. præfuisse legitur apud Floardum lib. 2. hist. Rem. Eccles. cap. 5 : nam cap. 1. sancitur, habetur, ut omnes *Ex æte doctrinam fidei juxta verbum Dei, & Sanctæ Romanæ Ecclesiæ traditionem teneant, sequanturque.*

Qui vero quæro a singulari Ecclesia testimonium, quum liquidum, ac luculentum suppeditat tota Ecclesia Gallicana, una cum Germanica in Concilio Liptinensi congregata in Francia Orientali anno 743. sub Carolomanno Rege, & S. Bonifacio Moguntino Præside jussu S. Zachariæ Papæ in dicto, ejusdemque auctoritate comprobato, ut liquet tum ex Benedicto Levita in præfat. ad tres posteriores libros Capitularium, tum ex epistolis S. Bonifacii ad Zachariam, & vicissim S. Zachariæ ad Bonifacium, & ad

& ad Francos, ac Gallos apud Labbeum tom. 8? Siquidem in eo statutum præsertim de obedientia, obsequioque Pontifici impendendis in epistola 105. ad Cudbertum Archiepiscopum Cantuariensem præmemorato loco legenda præfatus S. Bonifacius, qui Synodo præfuit, liquidis his verbis perhibet: *Decrevimus in nostro Synodali conventu, & confessi sumus fidem catholicam, & unitatem, & subjectionem Romanæ Ecclesiæ sine tenus vitæ nostræ velle servare: S. Petro, & Vicario ejus velle subjici ... Metropolitanos Pallia ab illa Sede quarere, & per omnia præcepta Petri canonice sequi desiderare, ut inter oves sibi commendatas numeremur. Et isti confessioni universi consensimus, & subscripsimus, & ad corpus S. Petri Principis Apostolorum direximus, quod gratulando Clerus, & Pontifex Romanus suscepit. Quæ quidem profecta ex animis de Pontificis suprema potestate, ac infallibilitate persuasis liquido patet etiam, atque etiam ex aliis epistolis ad SS. Gregorium II, Gregorium III, & Zachariam ab eo exaratis, ab iisque vicissim acceptis. Quid autem quod Episcopi Concilii Francofordienfis in Elipandum, & Felicem ab se prolatam sententiam à Pontifice confirmari precibus infimis petierunt? Quid enim earum precum in causa fuit, nisi quia non ignorarent post Synodum reliquum Romani Pontificis, qui Synodis ipsis superstat, judicium superesse? Itaque post Synodum Francofordiensem Synodus altera Romæ anno 794. ab Hadriano I. habita est, ex cujus actis Auctor veterum Annalium Francorum a PP. Martenio, & Durando tom. 5. veter. Monum. editus ista describit. *Placuit etiam universali Concilio (Francofordiensi,) ut ob reverentiam Sancti Apostolici Hadriani Papæ Romæ scripta mitterentur, per omnia juris privilegio reservato Summo Pontifici. Qui præfatus Papa iterum Concilio congregato Episcoporum totius Ecclesiæ Romanorum, Helephantum, (Elipandum) & Felicem totius perfidia & archer, & sequaces eorum ... (condemnavit). Misit etiam epistolam Episcopis, vel Ecclesiis partibus Hispaniæ, vel Galliciæ consolatoriam. Epistola ista Synodo Romanæ anni 792. olim tribuebatur; sed jam tribuendam esse Synodo Romanæ anni 794. ex modo dictis adparet.**

Videri possent iis, qui obliquo oculo Apostolicæ Sedis am-

plitudinem aspiciunt, Parisiensis Synodi Patres anno 824. juxta Labbeum, & Harduinum, aut verius 825. juxta Baronium, & Pagium in causa Imaginum congregati Romanum Pontificem, hoc honoris loco, quo ex Gallicanæ Ecclesiæ sententia nos collocamus, haud habuisse. At, si superis placet, non alteri, si investigetur accurate, eos sententiæ, quam quæ Majoribus infederat, communisque nobis contingit, instituisse demonstratu haud difficile arbitror. Equidem in epistola Synodica ad Ludovicum, & Lotharium Imper. parum habuerunt SS. Patrum sententias sinistrorsum intorquere, interpretarique ita, ut illos SS. Iconum hostes inique agerent: parumque perinde Synodi VII. Patres erroris iccirco temere insimulare, quod SS. Imaginibus cultum indixissent, Hadrianum Pontificem Maximum errato pariter assarunt; in eo audacter reprehendentes, in quo plane se duplici reprehensione dignos præbuerunt, tum quod in epistola apolog. ad Carolum M. pro cultu SS. Imaginum, Imagines erigi, & coli sub juramenti religione jussisset: (quas quidem licite erigi ipsi non ibant inficias, coli autem nefas autumabant:) tum quod illis in literis multa miscuisset, turbassetque testimonia veritati, auditoratiq; directo contraria, & absorta: tandem tamen in fine apologiæ explicate fuisse professum non aliam de Imaginibus sibi insidere sententiam, quam quæ a S. Gregorio M. adversus Imagines fuerat expressa: ex quo inferunt *Quod non tantum scienter, quam ignoranter in eodem facto a recto tramite deviaverit.* At ipsi magis ignorantia in transversum acti toto ostio abs veritate aberrarunt, tum in eo, (ne dicam quod neque Patrum Synodi VII, neque Hadriani Papæ sensum assecuti sunt), tum, inquam, in eo quod veritati, & traditioni adversa a Pontifice prolata adstruunt; tum in eo, quod demum cum S. Gregorio Hadrianum Imaginum cultui insensum agunt, quum potius Hadrianus S. Gregorium, (quem tam scriptis, quam factis Imaginum cultum fuisse professum affirmat, planumque facit, probatque fuisse Baronius ad annum 794. n. 46, & seqq.), in cultu Imaginibus impendendo sibi exemplo imitandum proposuerit; atque Imagines quidem erigi, & coli, non tamen sub jurisjurandi sacramento imperaverit. Cetera minoris momenti, quæ suapte currunt, Ha-

Ha-

Hadriano objecta non moror , quæ abunde alioqui diluta a Doctis. Baronio videre est ad annum 825. n. 5 , & seqq.

Ex his tamen nihil exculpi posse pugno , quo Pontificem ex Cathedra loquentem falli , & fallere posse Patribus præfatæ Synodi Parisiensis fuisse persuasum conficiatur . Præter enim quam quod errori facti , sive errori personali Hadriano id totum deputarunt , uti ex loco mox adnotato liquido adparet ; quinimo nec errasse Hadrianum , sed in via veritatis S. Gregorii testimoniis fuisse retentum affirmarunt : *Nisi retinaculis veritatis* , inquirentes , *B. scilicet Gregorii institutis astrictus iter devium præcavisset , in superstitionis præcipitium labi potuisset* ; præter , inquam , totum id , tandem ad religionis officium se se recipientes , ea subtexunt , quæ non nisi ex animo de Pontificis infallibilitate , supremaque potestate auguste persuaso haberi profecta , accipique sane possint . Suggestunt enim ab Imperatoribus ad Michaellem Imperat. Græcorum non ex propria dumtaxat , sed præcipue ex Apostolicæ Sedis auctoritate , litteras , (quarum formam eo loci ipsi describunt ,) esse scribendas . Quorsum id vero , nisi quatenus exinde litteris invictum robur adsciscerent , exploratumque haberent nefas esse Pontifice Romano inscio , aut inconsulto litteras pacificas conscribere , prout ipsas propterea inspiciendas ad Pontificem dirigere Imperatores officio duxerunt ? Subjungunt ad Romanum Pontificem litteras pariter obsequii plenas , (quarum quoque exemplar ibidem exhibent ,) scribi oportere . Quare id iterum , nisi quia Pontifice invito nihil sibi propitium futurum , sperabant ; atque quem putabant , errorem a Pontifice omnino damnari , proscribique debere probissime sciebant ? Qui vero fieri potuit , ut faterentur nunquam fore , ut a Pontifice quippiam proficisceretur Apostolicæ Sedi adversum , *Ab eadem Sede* , agentes , *aliter , quam auctoritas , & veritas se habet* , nisi infixa animo opinio de indefectibili fide Apostolicæ Sedis , quam tamen inepte ab sedente in eadem Antistite secernunt ? Quid plura ? In litterarum exemplari ad Pontificem mittendarum illum toti Orbi terrarum præfectum , & universalem Papam habent , & prædicant . Quamobrem operæ pretium fuisse , ut ex Pontificis sententia res ad exitum perduceretur , ratum ipsis fuerat , receptumque .

que. Præterea in exemplari litterarum, quas a Pontifice ad Imperatorem Græcorum dirigi obsecrant, & desiderant, de Romana Ecclesia tam vere, quam explicare perhibent: *Quod in his, quæ pertinent ad conservandum Ecclesiæ incontaminabilem statum... noxia, vel nociva... refecare consuevit; & ea, quæ ad salutem totius Ecclesiæ pertinerent... sancire solita fuit.* Quæ quidquæso te, aliud, præferunt, quam quod ex Patrum Synodi Parisiensis sententia, utrumque videlicet Romani Pontificis privilegium propugno? Ad quorum quidem cumulum facit, quod aliqui principio fuisset ponendum, illud idest, quod persuasum habuerint nefas fore ex SS. Patrum libris circa imaginum cultum ad sententias querendas, colligendasque accedere, (quas tamen quæsitæ, collectasque postea aliorum detorserunt, ut exinde potius SS. Imaginibus cultum detraherent,) antequam a Romano Pontifice sibi fuisset facultas facta: quam in rem legenda Ludovici Pii ad Eugenium II. epistola apud Harduinum tom. 4. pag. 1259. Quod autem ad ipsum Ludovicum attinet, quamvis horum consiliis inhærere visus sit, quum tamen ab his abhorre-
re Pontificem dignovit, a cœptis prorsus desistere, nec præter ipsius placitum efferre pedem religioni duxit, de quo fusius paulo post. Obiter demum observes velim, quod huiusce Parisiensis Synodi acta sub titulo *Synodi Parisiensis de Imaginibus* in lucem prodire primum Francofurti ab auctore Anonymo edita: quod opus quum in odium Romanæ Ecclesiæ elucubratum videretur, Bellarminus actutum refellere aggressus est, suæ vero Conciliorum collectioni inferere nefas sunt arbitrati Labbeus, Sirmondus, & Harduinus. Verum eadem deinde acta ex Codice Bibliot. Thuanæ n. 270. edere non dubitavit Petrus dela Lande. De hac Synodo denique accurate disserunt doctiss. Mabillonius in præfatione prioris par. sæcul. IV. Benedict., & post ipsum Pagius tom. 3. Crit. ad annum 825. num. 3, & seqq. quos præ aliis ut adeas, tibi sum auctor.

Quanti profecto facerent, faciendaque essent Pontificis Romani, pro summa, qua pollet in Ecclesia potestate, siue monita, siue mandata, explicarunt plane alterius Synodi Parisiensis apud Duchesnium tom. 2, quæ a Baronio, Binio, Sirmondo, aliis-

aliisque Thronensis IV. hæcenus denominata est, ex quatuor Provinciis Antistites in epistola Synodica apud Lupum Ferrar. 84. ad Nomenojum Britannicæ Ducem, qui divinis, humanisque susque deque versis, ex cussaque utraque potestate Regis, & Pontificis, rei utriusque civilis, & sacræ arrogaverat sibi summam, adiunctoque ad criminum cumulum contemptu Carlo Calvo intentanti minas, & S. Leoni IV. monita insinuanti tantum abest, ut inflexus cederet, ut potius frontem præfractam contraponeret. Nomenojum igitur ex eo potissimum capite gravissime objurgant, quod objurganti Pontifici non obsequeretur, nec sibi temperans a sævitia Pontifici monenti gereret morem: quam grave piaculum esset Pontificem M. offendere, his efferentes verbis: *Ad cumulum malorum auxisti temeritatem, & omnem laxisti christianitatem, dum Vicarium (ex asse Successorem verius) B. Petri Apostolicum, cui dedit Deus Primatum in omni Orbe terrarum, sprevisi. . . . In eo igitur laxisti Apostolos, quorum est Princeps Petrus.* Et infra: *Maximum reatum te contraxisse scimus, quod epistolam Sedis Apostolicæ respuisti.* Si enim magnus reatus est potestati Ecclesiasticæ non obtemperare, reatus maximus erat non obedire Summo Pontifici, a quo in Ecclesiam omnem potestas diffunditur, & promanat.

Eadem Ecclesiæ Gallicana in Concilio Aquisgranensi anno 860. in causa Theurbergæ Lotharii conjugis congregata in epistola Synodica ad S. Nicolaum I. Pontificem M. ad Apostolicæ Sedis Antistitem res dubias, difficilesque Ecclesiarum referendas esse, exindeque expetenda, accipiendaque responsa ex more recepto Majorum, a quo recedere nefas sit, fatetur sic fata: *Apostolicis documentis, & Pontificalibus decretis multipliciter informamur, vestri SSmī Apostolatus apicem Principis Apostolorum fide, & nomine consecratum, quoties S. Ecclesiæ aliqua novitate pulsatur, humiliter adeamus, ibique veri consilii saluberrimæ instituta sinceriter bauriamus, ubi mitis Magister Christus, & Summum Caput nostrum fundamentum Ecclesiæ posuit.* Juxta ista itaque totius Ecclesiæ fides nutaret, si Ecclesiæ Romana, cui universalis innititur, de fide periclitari posset. Id autem quid, amabo te, est, quam Pontificem esse infallibilem? Quia vero

vero Lotharii a Theutberga divortio ejusdem loco Waldradam superinducens assensum præbuerant suum Guntharius Coloniensis, & Theutgaudus Trevirensis Archiepiscopi, atque in eorum sententiam Episcopi alii concesserant, re comperta S. Nicolaus I. Romæ anno 863. habita Synodo, utrumque Archiepiscopum loco quidem movit, ceteris vero Episcopis eandem, poenam minatus est, si cum illis coirent, atque a Sede B. Petri illis inhærendo dissentirent: si vero Pontificis, ut par erat, dicto potius obediens essent, veniæ spem fecit. Itaque ex illis Adventinus Metensis, & Franco Tugrensis Antistites libello supplici ad Nicolaum exarato ejusdem sacris jussionibus se adquiscere contestati sunt, veniamque precibus infimis efflagitarunt; quam illis ea lege dumtaxat impertitus est Pontifex, ut a sententiis ab Apostolicæ Sedis Præsule prolatiis nullo modo desciscerent. Extat S. Nicolai I. ad Adventinum, & Franconem epist. tom. 3. Concil. Galliæ collect. Sirmondi.

Ejusdem Gallicanæ Ecclesiæ Præsules, idest septem Provinciarum Episcopi in Concilio III. Sueffionensi anno 866. collecti pro causa Wlfadi, ac sociorum, qui ab Hincmaro in Synodo Sueffionensi II. gradu dejecti fuerant, Apostolicam vero Sedem a Synodi judicio appellaverant, quamvis apud Nicolaum I. Hincmari agendi rationem, ob quam fuerat a Pontifice oburgatus, excusare quoquomodo studuerint, Pontifici tamen Wlfadi, & sociorum causam, & restitutionem reservare religioni duxerunt, hisceque officii refertissimis Pontificis auctoritati assurgere consilium injerunt. *Congregato, ajunt in epistola synodica, & devotissime coadunato Vobiscum nostro spiritu, quod pium, justumque sentitis, sentimus; quod decernitis, exequimur, & quod deliberaveritis, eorum in omnibus gratulantes restitutioni, efficaciter nos amplectendum fatemur. Et quia de recuperatione eorum a vestra sapientiæ medela sumpsit exordium, oportet omnino, & æquum fore claret totius ejusdem negotii summam præstantiæ vestræ consummari decretis . . . quorum summa, perfecta, & integra firmitas, ut claret, & justum est, in Apostolicæ Sedis reservata est arbitrio potestatis.* Legenda etiam altera eorundem a Concilio Tricassino anno 867. ad S. Nicolaum exarata epistola, qua

Ebbo-

Ebbonis historiam accurate, ut iussi fuerant, exponunt; ab eo dein decerni, ne ullus Episcopus Pontifice inconsulto e gradu deiciatur, efflagitant, obsecrantque etiam, atque etiam ut Wlſadum pallio dignitatis insigni condecoraret. Paulo ante eundem Pontificem consuluerant Episcopi Synodi Senonensis anno 862, num absque ejus consensu Herimannum Episcopali ab officio, cui impar erat, amovere sibi fas afforet. De Wlſadi, sociorumque appellatione par. 2. Vindic. agendi suus opportunior erit, ampliorque locus.

Explorata fit etiam optima, quam de suprema Pontificis auctoritate Gallicana Ecclesia animo gerebat, opinio ex Concilio Pontigonensi anno 876., in quo collecta sic can. 1. statuit: *Ut Sancta Romana Ecclesia, sicut est Caput omnium Ecclesiarum, ita ab omnibus honoretur, & veneretur; neque quisquam contra jus, & potestatem ipsius aliquid injuste agere presumat, sed liceat ei debitum tenere vigorem, & pro universali Ecclesia pastorem exhibere curam.* Et can. 2. sic ait: *Ut honor Domino, & spirituali Patri nostro Johanni (VIII) summo Pontifici, & Venerabili universali Papæ ab omnibus conservetur, & quæ secundum sacrum ministerium suum auctoritate Apostolica decreverit, cum summa veneratione ab omnibus suscipiantur, & debita illi obedientia in omnibus conservetur.* Ista ne indicant homines, qui Concilio Pontificem haberent inferiorem, adeo ut ceu inferiori superius, obedientia deesse Pontifici Concilium posset impune? Ne vero hoc ullo putetur modo prohibet expressa sententia ejusdem Ecclesie in Concilio Trecenti II. anno 878. tom. 3. Concil. Gall. collect. Sirmondi coadunatae adversus Lambertum Spoletinum Ducem, & Adalbertum Marchionem, qui Romanam Ecclesiam dirisime divexabant: quippe Hincmari Remensis verba sua faciens, sic Johannem VIII. Concilio præsentem, Præsidentem, & alloquentem excepit: *Domine Sanctissime, & Reverendissime Pater Patrum Johannes Catholica, atque Apostolica Ecclesia, videlicet Romana primæ Sedis Papa, Nos famuli, & discipuli vestræ auctoritatis Galliarum, & Belgicarum Episcopi... vestræ auctoritatis judicium, quod privilegio B. Petri, & Sedis Apostolicæ... protulistis, voto, voce, & unanimitate nostra, atque auctoritate S. Spiritus...*

prosequimur: quos excommunicastis, excommunicatos tenemus, quos ab Ecclesia abieciſtis, abjicimus, quos anathematizastis, anathematizatos eſſe judicamus, & quos regulariter ſatisfacientes veſtra auctoritas, & Apoſtolica Sedes receperit, recipimus. Itaque ſibi neceſſitatem incumbere Pontificis judicio ex animo adquireſcendi probe agnoſcebant; quod proinde ſupremum omnium eſſe, idque infallibile oportet: qui pote alioqui labente Pontifice, in errorem pariter abripi obſequentem eidem Eccleſiam contingeret?

Posteaquam in Concilio Troſlejanò anno 909. can. 15. Eccleſias Italix, Gallix, & Hispanix ſingulari ratione Romanæ Eccleſiæ filias affirmaveſſent, quia à S. Petro, ejuſque ſucceſſoribus inſtitutæ eſſent, & edoctæ, his verbis quam veris, tam egregiis Romanam Eccleſiam extollunt: *Nunc omnes alloquamur, qui juſte, & pie volunt vivere in communione S. Eccleſiæ catholicæ... quæ quum generaliter ab ipſo ſuo Capite Chriſto ſuper Petrum, ideſt ſuper confeſſionem Petri ſit adificata, maniſeſtum tamen eſt in omnem Italiam, Gallias, & Hispaniam nullum inſtituiſſe Eccleſias, niſi eos, quos Venerabilis Petrus, aut ejus Succeſſores conſtituerunt Sacerdotes. Et quoniam Eccleſia in noſtris quoque partibus ſuper hanc Petræ ſoliditatem non tantum fundata, ſed ab eo, ejuſque Succeſſoribus eſt etiam edocta, cum Dei gratia ipſius B. Petri ſuffragantibus meritis, firmitatem fidei, quam primo percepit, hætenus inconcuſſam ſervare ſtudit, nullaque perfidorum conſortia recepit. Vidisti, unde ex Gallicanæ Eccleſiæ ſententia ceteris Eccleſiis in fide firmitas acceſſit? Videlicet ex infallibilitate in fide Romanæ Eccleſiæ, quæ Caput, & Centrum, Mater & Magiſtra ceterarum à Chriſto Domino eſt conſtituta. Quo perinde loco Pontificis haberi auctoritas debeat, & haberetur proſecto ab ſe, declaravit, tradiditque dilucide in Concilio Remenſi anno 992. ſub Hugone, & Roberto Regibus in cauſa Arnulphi Remorum Antiſtitis collecta ad Johannem XV, aut XVI. his verbis ſcribens: *Beatiffime Pater non ſumus neſci jam dudum oportuiſſe nos expetere conſulta S. Romanæ Eccleſiæ pro ruina, & occaſu Sacerdotalis Ordinis.... Adeſſo Pater ruenti Eccleſiæ, & ſententiam ex ſacris Canonibus... prolatam profer in medium... Sentiamus in Vobis alterum Petrum deſenſorem, &**

torroboratorem Christianæ fidei . Ferat S. Romana Ecclesia sententiam damnationis in reum (Arnulphum ,) quem universalis damnat Ecclesia . . . Ut sciamus , & intelligamus , cur inter ceteros Apostolatum vestrum præferre debeamus . Quibus approbe Pontifici supremum in omnes Episcopos , Ecclesiasque jus adfirmant , ideoque Pontifici jus distringenti obedientia Ecclesias , omnesque Episcopos devinciri omnino , & obstringi .

Utrumque hoc Pontifici Romano in persona S. Petri collatum a Christo Domino privilegium paucis complexi sunt Concilii Lemovicensis II. anno 1031 , ut ostendit Pagius n. 7 , non vero anno 1034 , ut autumavit Baronius , celebrati Antistites . Postquam enim perlecta Pontificis , (qui Thomassino veter. , & novæ discipl. par. 1. cap. 6. est Benedictus IX , qui tamen esse nequit , siquidem ante annum 1033 . Pontificatum non inivit , sed potius Johannes XIX , aliis XX ,) perlecta , inquam , epistola ad Stephanum Claromontanum Episcopum , (qua quod Pontium Arvernæ Comitem ad se profectum ab anathemate , quo ab Episcopis Provinciæ fuerat adstrictus , potuisset absolvere ex potestate sibi facta a Christo Domino in Christifideles omnes defendit ; quod autem Pontius per fraudem absolutionem obtinuisset , Stephano crimini deputat , quatenus de legitima uxore a Pontio dimissa , ac pellice in consuetudinem superinducta Pontificem non commonesecisset ,) postquam , inquam , semet ultro in culpam vocassent , quod de vibrato ab se in præfatum Comitem anathemate Pontificem non fecissent certiore , ad avertendas procul imposterum e provincia ejusmodi prætermisiones , ceteros Galliarum Episcopos officii sui religiose erga Romanos Pontifices exhibendi admonendos judicarunt his verbis : *Comprovinciales nostros necesse est admoneri , ut obediant Romana Sedis Capiti suo . . . Judicium enim totius Ecclesiæ maxime in Apostolica Romana Sede constat .* Igitur ipsorum sententia non secus , atque universalis , ita Romana Ecclesia , Deo adjuvante , in fidei discrimen adduci nequit . Confer , quæ ibidem de Stephano Galliarum Rege referuntur .

Quid ad hæc , quod in Concilio Remensi anno 1049 , cui præfuit S. Leo IX , Gallicani iidem Præsules declaratum voluere : *Solum Romana Sedis Pontificem universalis Ecclesiæ Primatem esse , &*

Apostolicum ? Neque Concilium œcumenicum proinde supra ipsum Pontificem esse. Dolent, & conqueruntur deinde quam maxime, quod non desent homines tam impudentes, quam impij, qui Regi Galliarum suggerere non desinerent: *Regni sui decus annihilari, si in eo Romani Pontifici auctoritatem dominari permitteret; vel si eidem, ut decreverat, occurrens, presentia sua favorem ad cogendum Concilium exhiberet...* & quod nullus Antecessorum ejus id reperiatur aliquando concessisse, ut ob similem causam in Franciæ Urbem ingressus pateret alicui Papæ. Eo enim gravissimæ calumniæ genere Pontificis jus, potestatemque offendi, & infringi perspiciebant non modo, sed imò Galliarum Regni, Regumque devotionem, religionem, decusque imminui, & deterreri. Quid amplius? Concilii Bituricensis acta anno 1276. a Simone Archiepiscopo B. Gregorii X. auctoritate edita recipere religioni duxerunt Galliarum Antistites, ut adparet ex Johanne Turonensi in epistola ad Nannetensem Episcopum a P. Colsartio primum evulgata. Eiusdem præterea Pontificis Constitutiones Cap. *Quicunque*; & Cap. *Quia nonnulli* extra de Rescriptis religiose, uti par erat, recepit perinde Synodus altera Bituricensis anno 1286, ut habetur capp. 11, & 12: quibus insertas pariter voluit Constitutiones Innocentii III. incip. *Omnis utriusque sexus*; Clementis IV. incip. *Quidam temere*; & Martini IV. incip. *Ad fructus uberes*. Ad hæc Urbano V. admonenti, jubenti, & annuente ut subito facerent satis, Petrus Narbonensis, & Gassfredus Tolosanensis ex utraque Provincia Synodum Vaurensem anno 1368. congregarunt, eaque statuerunt, quæ ad Pontificis adimplendum placitum conferrent. Quæ quid aliud, obsecro, præferunt, quam Gallicanæ Ecclesiæ ex intima proculdubio profectum sententia de Apostolicæ Sedis summa auctoritate, ac in fide infallibilitate, propositum nunquam vel transverso ungue ab ejusdem decretis declinandi?

Pleraque multa, quæ ad hæc confirmanda conferrent, atque ex Gallicanis Conciliis præsto essent, consulto prætermitto, ut modum demum faciam dicendi, id unum ad horum cumulum adungere contentus, quod horum omnium compendium veluti haberi possit, videlicet, quod Galliarum Præsules in Concilio Narbonensi an-

fi anno 1551. congregati hæc ad appendicem canonum de Ecclesia Romana adjici voluerunt, quæquam sublimi eadem Ecclesia ab se haberetur loco, clara, & præclara essent testimonia: *Voluit Concilium omnia, de quibus in his Canonibus, & Statutis agitur, determinationi S. Matris Romanæ Ecclesiæ subjici, a qua in quoquam deviare, aut aberrare nolumus.* Aberrare autem a veritate Ecclesiam Romanam posse propterea nefas est cogitare. Non vacat plura congerere; sed & plura jam dedimus, ubi de Conciliis Nicæno II, Remensi, & Viennensi egimus. Viden exinde Gallicanam Ecclesiam unius Pontificis judicio fidei causas finitas agnovisse: illi judicanti morem gerendum ab univærsis intellexisse: illum penes rei Christianæ summam, Ecclesiæque universæ sententiam consistentem edixisse: gloriantem se ab Ecclesia Romana approve edoctam, adeoque fidei jacturam non fuisse perpessam, & pleraque hujusmodi de Pontifice fatentem, quæquam lato ostio ab ea, quæ per summam nefas præclarissimæ Ecclesiæ appingitur, qua scilicet Pontifici Maximo cum supra Concilium potestas, tum in fide infallibilitas adjudicatur, sententia absit, palam faciunt. Fit id ipsum secundo palam, atque perspicuum.

Ex Comitibus generalibus Cleri Gallicani, quæ vicem Nationalis Concilii apud Gallos supplere compertum est. Principio itaque Gallica Natio, ac Regni Proceres, quo erga Pontifices ferrentur animi obsequio, ac pia sententia, ostenderunt, dum in scripto Clementi V. adversus Bonifacium VIII, quo cum Philippus Rex similitates gesserat, oblato sic agebant: *Non queritur de hæresi Papa quondam ut Papa, sed ut privata personæ, nec ut Papa potuit esse hæreticus, sed ut privata persona. Nec unquam aliquis Papa, ut Papa potuit esse hæreticus; & ideo quum de ejus mortui hæresi queritur, non habet congregari Concilium generale: estis enim Vos, Pater Sanctissime, Jesu Christi Vicarius totum Corpus Ecclesiæ representans, qui Claves regni Calorum habetis. Nec congregatum totum generale Concilium sine Vobis, & nisi per Vos potest cognoscere. Videtis Histoire du différent &c.* Est ne in his, dic sodes, vestigium requisiti, quem hodie nonnulli osiores ad nauscam usque, ravimque obrudunt, assensus Ecclesiæ, ut Pontificis de fidæ judicium infallibile evadat? Est ne levis dubitan-

di

di locus de Pontificis potestate super universam Ecclesiam? Imo hiſce nonne Pontifex, qua Pontifex, ab errore omnino immunis adſtruitur; eique omnis, qua potis eſſet Concilium generale, potestas; tanta quin imo, talisque, qua ſola Concilium poteſt, & ſine qua iſtud nihil poſſet? Præ Laicis attamen præſtat audire, uti par eſt, Gallicanos Antiftites. Itaque ſex Galliarum Epifcopi in epiſt. ad Innocentium II. anno 1140, quæ inter S. Bernardi epiſtolas eſt 337, olim 370, *Nulli dubium eſt*, inquiunt, *quod ea, quæ Apoſtolica firmantur auctoritate, rata ſemper exiſtunt, nec alicujus poſſunt deinceps mutilari cavillatione, vel invidia depravari*. Hæc de infallibilitatis privilegio: de ſuprema vero Pontificis Romani potestate hæc Epifcopi Provinciæ Senonenſis apud Ivonem Carnot. in epiſt. 238. *Romani Pontifices*, ajunt, *non ſubjiciuntur ulli hominum judicio*. Quibus conſona ſunt apprime, quæ Concilii Senonenſis nomine ad eundem Pontificem adverſus Abælardum epiſtola 191. prælaudatus S. Bernardus exaravit.

Quam prope ad hanc ipſam de Pontificis ſuprema potestate, atque in fide infallibilitate ſententiam Gallicana Eccleſia tum temporis pariter acceſſiſſet, æſtimare fas eſt tum ex Conventu Melodunenſi anno 1479. habito, uti legitur tom. 1. *Memoires du Clerge*, ex quo Epifcopi de Apoſtolica Sede, *Hæc Sedes*, egregie ſcribebant, *Columna, & firmanientum veritatis &c.*: tum etiam ex altero Melodunenſi Coetu anno 1579. coacto, ex quo idem Clerus Gallicanus, ut habetur tit. 1. Conſt., qui eſt de profeſſione fidei, Epifcopis omnibus, eorumque per Diœceſes vices gerentibus, ſive Vicariis generalibus præcepit, & præſcripſit, ut in Synodis tam Diœceſanis, quam Provincialibus omnes Chriſtifideles tam Laicos, quam Clericos adſtringant ad eam fidem amplectendam, profitendamque, quam S. Romana Eccleſia tenet, & docet, quæ veritatis Magiſtra, columnen, & fulcrum eſt, hancque eſſe illam Eccleſiam, cui ob ſuum Primatum ceteræ omnes Eccleſiæ ſe coaptare tenentur. Evidentiùs id evadit ex Comitii anno 1626. Pariſiis celebratis, e quibus idem Clerus in epiſt. ad omnes Regni Archiepiſc., & Epifcopos præclaris hiſce monitos voluit: *hortantur Epifcopos omnes, ut ſacram Apoſtolicam Sedem, Romanamque Eccleſiam, utpote in Dei ſponſione infallibili,*

& Apo-

Et Apostolorum, ac Martyrum sanguine fundatam, omniumque Ecclesiarum Matrem omni honore, cultuque prosequantur. Ipsa enim, ut cum B. Athanasio loquamur, est sacer Vertex ille, a quo in omnes Ecclesias velut in rotidem membra omnis Spiritus diffunditur, quo nutriuntur, Et conservantur. Sanctissimum quoque Patrem, Et Pontificem nostrum, quippe Ecclesiæ universalis Caput visibile, Deique in terris Vicarium, Episcopum Episcoporum, Et Patriarcham Patriarcharum venerabuntur. Is enim Successor est Petri, a quo Apostolatus, Episcopatusque initium, originemque sumpserunt, Et super quem Christus Jesus Ecclesiam suam fundavit, quando illi Claves regni Cælorum, atque infallibilitatis donum in causis fidei reliquit, quam non sine ingenti miraculo immotam, illibatamque in ejus Successoribus perseverare etiam num videmus, unde ingens ille in Romanorum Pontificum decretis, mandatisque amplectendis apud fideles omnes, orthodoxosque observantia profecta est. Quid enim, quæso, his luculentius, illustriusque proferri potest ad ostendendam Ecclesiæ Gallicanæ eam tunc egregiam insedisse sententiam de Apostolica Sede, ut ab eadem omnis a fide defectio procul abigeretur, eique primæ, potioresque supra Concilium vel generale partes assererentur: quippe quæ Ecclesiæ universæ potestate præsit, atque in quæstionibus fidei finiendis dono infallibilitatis prædita a Christo fuerit, ut proinde ab ejusdem decretis, dogmatibusque, ne latum quidem unguem deflectere orthodoxi omnes religioni ducere debeant?

Quo pariter affecta Gallicana Ecclesia esset consilium, sententiamque capiendi ab Apostolica Sede de rebus dubiis, difficultibusque, dum nempe in dies ferweret, Galliamque exagitaret, ac in partes distraheret gravissima Jansenii controversia, studium aperiens suum in epistola e Comitibus generalibus anno 1651. ad Innocentium X. exarata, cui Episcopi 85. omnino subscribere, Jansenii errores Pontifici hisce devotionis plenius detulit verbis: Majores causas ad Sedem Apostolicam referri solemniter Ecclesiæ mos est, quem fides Petri nunquam deficiens perpetuo retineri pro jure suo postulat. Aequissima huic legi obsequenter Scilicet. experta est nuper Beatitudo vestra, quantum Apostolica Sedes in gemini Capitis errore (a Barchosio invento) profligando valuerit auctoritas: con-

tinua

tinuo sedata est tempestas; æque ad Christi vocem venti, & mare obdierunt. Paucis id omne perstringens sic subjicit: *Scimus ubi Caput Ecclesiæ, ibi totius fidei arcem esse.* In alia perinde ad eundem Pontificem epistola e Comitii anno 1653. adornata post latam ab ipso Constitutionem, cuique epistolæ 30. Episcopi syngrapham apposuerunt, ita scripserunt. *Potestas Romani Pontificis sola acerrimas fidei contentiones compescere potuit.* Id persuasissimum sibi, exque sententia profectum, ut magis, magisque tum Pontifici innotesceret, tum gentilibus suis insinuant, subneant. *Constat non solum ex Christi Domini nostri pollicitatione Petro facta, sed etiam ex actis priorum Pontificum, & ex anathematismis adversus Apollinarium, & Macedonium nondum ab ulla Synodo œcumenica damnatos a Damaso paullo ante factis judicia pro scienda regula fidei a Summis Pontificibus lata super Episcoporum consultatione, siue suam in actis relationis sententiam ponant, siue omitant, pro ut illis collibuerit, divina æque, ac summa per Ecclesiam universam auctoritate niti, cui Christiani omnes ex officio ipsum quoque mentis obsequium præstare teneantur.* Præterea portas Inferi, hæreses hoc est, prævalere non posse adversus Petram Apostolicam, Petri nempe Cathedram diserte, explicatque declarant: aliud ad hæc ex S. Innocentii I. ad Africanos epistola exemplum expromentes, quo illius auctoritate suffultam Pelagianam hæresim execratam fuisse Ecclesiam universam subjungunt hisce verbis: *Enim vero vetusta illius ætatis Ecclesia Catholica sola Cathedræ Petri communione, & auctoritate fulta, quæ in Decretali epistola Innocentii ad Africanos data elucebat, quamque dein Zosimi altera ad universos Orbis Episcopos epistola subsequuta est, Pelagiana hæresis damnationi absque cunctatione subscripsit.* Post hæc concludunt: *Nos Innocentio X, cujus ore Petrus locutus est, ut Leoni I. acclamabat quarta Synodus (Chalcedonenfis,) hanc divinam lauream gratulati sacros inter Ecclesiæ fastos, quod olim de Synodis œcumenicis fieri solitum, Constitutionem istam ab eo editam lubentes ex animo reponemus.* Huicce doctrinæ individue se inhærere declaravit deinde Clerus Gallicanus in Comitii generalibus anno 1705, & 1713, de quibus paullo post. Itaque Gallicanæ Ecclesiæ intime persuasum erat, perspectumque a Romano Pontifice ejus-

ejusmodi profundi de fide judicia, quibus adquiescendi toti Ecclesiæ necessitas incumbat, quæque ab omni erroris periculo longe semota sint. Quorsum ergo Gallicanæ Ecclesiæ aliena pessime affricatur a maleferiatis quibusdam sententia? Hancce ante me a celeberrima Ecclesia calumniam-depulit, & propulsavit doctiss. P. Dominicus a SS. Trinitate, qui lib. 3. Bibl. Theolog. sect. 4. cap. 16. præfatis ad Innocentium X. a Clero Gallicano inscriptis litteris rite, serioque perpensis, *En, inquit, suprema tandem, qua in Ecclesia nulla major, universalis, ac independens Romanorum Pontificum auctoritas, eaque infallibilis in rebus fidei, & religionis, ubi ex Cathedra loquuntur!* Recte ne vero ita enuntiaverit vir eruditus, ex laudatis litteris volo lector apathes judicet, & discernat.

Juvat interea adnotare doctrinæ, quam modo explicate a Gallicano Clero traditam accepimus, eidem pariter instituisse, ad eamque suam omnem credendi, agendique rationem exegisse in Comitibus generalibus anno 1661. congregatos Antistites Gallicanos: quippe qui ad Alexandrum VII. Pontificem Maximum scribentes; *In te, inquit, veluti in Petri successore nostra omnium fortitudo firmata est.* En unde in Episcopos, Gallicano Clero judice, promanat fidei firmitas, a Romano nempe Pontifice. *Quia, subtexunt, in hoc Monte, (Sede Apostolica scilicet) Dominus docet, statuimus ibi finem quarendi, stationem credendi, expunctionem inveniendi.* Non manet ergo, si Gallicanis auscultes Episcopis, post latam a Pontifice sententiam amplius de fide judicium. Id enucleatius exponentes in Comitibus anno 1663. celebratis, his verbis officium, obsequiumque, quo erga Apostolicam Sedem afficiebantur, declararunt: *Nostra erga Romanum Pontificem obedientia illud est, quod invictam reddit nostram fidem, ac infallibilem nostram auctoritatem.* Quum Romæ anno 1699. die 15. Martii Innocentii XII. decretum prodiiisset adversus librum *Des Maximes des Saints* a D. de Fenelon Archiepiscopo Cameracensi adornatum, idem Clerus Gallicanus per unamquamque Provinciam in cœtum congregatus, ut constat ex actis verbalibus Cœtum, præsertim Provinciarum Parisiensis, Arelatenis, Bituricensis, & Remensis, nullo prævio adhibito examine, aut Episco-

porum exquisito consilio, ei decreto ultro citroque adquevit, admittitque velut illud, quod omnem extra erroris periculum, aleamque positum esset, ideoque religionis, officiique loco ducens Pontifici edicenti parere. Audire præstat præ aliis Episcopos Provinciæ Remensis, qui in cœtu ea de causa habito sic fati sunt: *Certum est juxta omnium sæculorum traditionem consensum Episcoporum primæ Sedis judicio simul esse actum obedientiæ erga Sanctam Sedem, & actum auctoritatis, & judicii sub principali ejusdem S. Sedis auctoritate. Scilicet judicii adhæssionis, ac necessarii assensus, non item examinis, ac liberæ consensionis.*

In eadem ingressi vestigia Præsules Gallicani in Comitibus anno 1681. Parisiis habitis, purumque a præjudicatis opinionibus animum adjicientes tum ad pollicitationes B. Petro a Christo D. factas de nunquam defectura ipsius fide, imponendaque provincia regendi supremi Præsidis jure, viceque sui universam Ecclesiam; tum ad Patrum dicta de Romano Pontifice post S. Petrum constituto a Christo D. universæ Ecclesiæ Vertice, & Capite, Ecclesiasticæque unitatis, & jurisdictionis Centro, & Fonte, religioni duxerunt quam expresse, tam sincere declarare: *Summum Pontificem esse Caput Ecclesiæ; Centrum unitatis; obtinere Primatum auctoritatis, & jurisdictionis, ipsi a Christo in persona S. Petri collatum; & cum, qui ab hac veritate dissentiret, schismaticum, imo & hæreticum fore.* Quod, amabo, quid aliud est, quam Pontificem supremam in Ecclesia potestate potiri, ac in fide falli, & fallere omnino esse nescium fateri, & profiteri? Ad hæc in Comitibus generalibus anno 1700. utrumque hoc privilegium supremæ scilicet potestatis, & in fide infallibilitatis complexus idem Gallicanus Clerus Unum in Ecclesia adesse primum Episcopum professus est: *Unum adesse Petrum toti gregi pascendo a Christo præpositum; Unam adesse Matrem Ecclesiam ceteris edocendis institutam.* Inde autem inferunt: *Jesu Christi vero Ecclesia super hanc unitatem fundata, tanquam supra Petram immotam, est inconcussa.* Cum quibus stare, quod Pontifex Concilio sublit, atque a fide devius esse possit, quis dicat? Dicant, per me licet, Lannojus, Dupinus, Quæsnellus, quique horum incumbunt gressibus, homines quippiam æqui bonique facere pro-
inge.

ingenio fastidioso detrectantes non modo , sed delectantes vel res , quæ in confesso venerunt , unoque sermone celebrantur , & cavillari , & calumniari : longe absuit tamen edepol ab horum dicto , cogitatoque Gallicana Ecclesia. Adestum , eamque abfuisse quam maxime accipe amplius . In Comitibus anno 1705. postquam Episcopi Constitutionem Clementis XI. *Vineam Domini* eodem anno die 16. Julii Romæ publici juris factam integro , quo par erat , obsequio suscepissent , ad eundem Pontificem scribentes : *Judicio Sedis Apostolica firmari pacem Ecclesiarum* professi sunt . Placuisse hæc fecit , quique germanus esset Gallicanæ Ecclesiæ , quem apprime habuit perspectum , aperuit Cardinalis Noallius in epist. ad eundem Clementem XI. post acta Parisiis , acceptamque ibidem laudatam Constitutionem anno 1711. exarata (cujusque similem anno antecedenti dederant 12. Episcopi, eique idem Cardinalis subscripserat ,) qua excusandum suscepit apud Pontificem modum , quo Clerus eam Constitutionem admiserat , qui Pontifici diversus ab eo plane visus fuerat , quo olim Constitutiones Innocentii X , & Alexandri VII. fuerant susceptæ , testatus est 1. Clerum Gallicanum vere in animo habuisse Constitutionem illam eodem prorsus obsequio , eademque obedientia completi qua Majores sui Summorum Pontificum Constitutiones adversus Jansenium complexi fuerant . 2. Quum idem Clerus enuntiavit Constitutiones Summorum Pontificum a corpore Episcoporum acceptatas totam Ecclesiam obligare , non ea mente id dixisse , quod necessariam esse existimaret acceptionis hujusmodi solemnitate , ideo ut illæ tanquam regulæ credendi a catholicis omnibus haberi deberent ; sed eo sensu dumtaxat , ut ultima Jansenistarum munimenta convelleret penitus , ipsisque effugium omne principio ab iisdem concesso , positoque intercluderet . 3. Non sibi id arrogasse Clerum , ut Pontificias sanctiones examini suo subjiceret , sed in ipsis fidei suæ assertionem recognovisse , sicuti S. Leoni Magno scribebant olim Episcopi Gallicani . 4. Clero in confesso fuisse Pontificum decretis adversus Jansenium nihil deesse , ut universam Ecclesiam obligent , & circa eadem neque appellationem admittendam fore , nec mutationem expectandam . Itaque Gallicanorum Antistitum sententiam , agendique ratio-

nem a sinistra qualibet suspicione liberavit , eoque gradu posuit , qui Pontifici ipsi allibuisse . Hæcce epistola a Cardinali Noallio anno 1711. ad Clementem XI. inscripta est : expositio vero quatuor articulorum , quos eadem complectitur , facta anno 1710, eique syngrapham adjecerant suam , ut innui superius , Archiepiscopi , & Episcopi 12 , videlicet Cardinalis Noallius ; Colbertus Tolosanus ; Leon Bituricensis ; Armand Burdigalensis ; Henricus Albienfis ; Augustinus Auscensis ; Carolus Aquesensis omnes Archiepiscopi ; Carolus Franciscus Constantiensis ; David Nicolaus Blesensis ; Franciscus Trecensis ; Carolus Autisiodorensis ; Johannes Valentinus Episcopi , qui omnes Comitibus anno 1705. interfuerant , compertumque apprime universi Cleri sensum habuerant .

Conferunt quam maxime ad hæc confirmanda , quæ ab eodem Clero in Comitibus anno 1713. die 15. Octob. Parisiis congregato acta , ac scripta sunt . Vix enim a Rege sibi transmissum Constitutionis *Unigenitus* exemplar recepit , ut statim die sequenti sex Episcopos delegit , qui ulla absque cunstatione , non quidem in Constitutionem examen instituerent , sed media inquirerent , quæ aptiora afforent ad eandem Constitutionem acceptam omnibus reddendam , cui demum die 23. Januarii consensu unanimi (demptis 9 , de quibus mox) subscriptum est . Porro ii novem Episcopi , interquos Cardinalis Noallius , ab ea solemniter acceptanda supersedendum esse ducebant , donec ab Apostolica Sede explicationes quasdam , quibus illam indigere putabant , (quum tamen revera non indigeret ,) impetrassent . Ita quippe suo , & aliorum 8. Episcoporum nomine Cardinalis Noallius , cui principio liber Quæsnelli probatus fuerat , ut refert Illustrissimus D. Petrus Franciscus Lafiteau Episcopus Sistaricensis lib. 1. hist. Constit. *Unigenitus* ad annum 1695 , (qui tamen paullo post , idest anno 1696. die 20. Aug. ut suspensionem Jansenismi ab se amoliretur , fidemque liberaret suam , sategit , dum nempe eodem Lafiteo teste pastoralis instructione evulgata cum generatim quinque Jansenii propositiones devovit , tum speciatim libellum inscriptum *Expositio fidei supra Gratiam , & Prædestinationem* teste D. Vauccello in epist. ad Archiep. Sebastenum a Sangyrano olim ador-

adornatum, atque a Gerberonio in lucem emisum Typis Montensibus Gasparis Migeotii, in quo prima ex quinque Jansenii propositionibus explicata adstruebatur, infamiae notis affecit,) ad Clementem XI. exarata epistola, non alia ratione se, illosque octo ab ea subscriptione supersedisisse testatus est: *Rati*, inquit, *vestram Sanctitatem prius consulendam, quam commisso nobis gregi ipsius censuram exponeremus*. Protestabatur interea se, illosque Pontificis iussionibus parere paratos his verbis: *Illud imprimis habuimus in animo, ut Apostolicæ Sedi debitam observantiam exhiberemus*. Quapropter studio conciliandæ Ecclesiasticæ pacis, illosque lucrandi, uti scripsit Clemens XI. in Brevis die 17. Martii anno 1714. dato, ceteri Episcopi aliquandiu, idest ad tres Menses, quot scilicet a die 15. Octobris anni 1713. ad 23. Januarii anno 1714. interfluxerant, Constitutionis acceptationem distulerunt, donec media suppeterent apta, quibus refractarii omnes ad eam Constitutionem acceptandam ultro citroque adducerentur, mandatoque Pontificio parendum. Qua de re qui affatim velit instrui, adeat præ aliis prælaudatum Lasitenum lib. 2. ad annum 1714.

Mirari subit propterea Bosuetium putasse a Clero Gallicano agnitam quidem, assertamque Sedis Apostolicæ in definiendo infallibilitatem, non etiam Apostolici Antistitis: neque vero ab ipso Clero Pontificum Constitutiones acceptatas, nisi postquam prævio illas subiecissent examini. Nam inaniter prorsus, neque nisi ad præconceptam semel animo opinionem, quibus posset viribus, defendendam excogitata isthæc a Bosuetio fuisse ex dictis palam fit. Quippe, ut illud præteream, quod alio in loco, opinor, abunde exagitatum jam est, inaniter ab Apostolica Sede secerni in ea sedentem Antistitem, quandoquidem dicta de Apostolica Sede principaliter de Romano Pontifice intelligenda esse dubitandum haud sit, ut propterea Melchior Canus de loc. Theolog. lib. 6. cap. 8. jure optimo dixerit, quod eam distinctionem, qua inter Apostolicam Sedem, & Sedentem in ea Pontificem secernitur, *Ratio aspernatur*; si vel perfunctorie relegantur, quæ ex Cleri Gallicani decretis protulimus, liquido patescet, quæ Apostolicæ Sedi privilegia attribuuntur, eadem plane principaliter de Romano

mano Pontifice fore prædicanda, ab eodemque Clero reapse prædicata fuisse. Clementi XI. certe Gallicanæ Ecclesiæ intimum sensum perspectum non fuisse, nisi qui pro impudentia in omnem effusa licentiam quodlibet audet, incicias ibit: ecce autem, quæ in allocutione ad Cardinales in Consistorio anno 1716. die 27. Junii, quam legere est apud Lafiteum lib. 3. hist. Constit. *Unigenitus*, asseveranter asseruit. Equidem Gallicanæ Ecclesiæ inter libertates referri a Gallis hæc duo potissimum ait inter alia. 1. Quod Episcopi in causis fidei iudicium, ut vocant, in prima instantia ferre possint. 2. Quod possint insuper Pontificum Constitutiones explicare, planioresque facere: ob hæc subjungit, se Gallis Antistitibus negotium ullum facessere nolle; at tamen affirmat, confirmatque ex sententia etiam Cardinalis Noallii in epistola anno 1711. ad se exarata, morem esse veterem, ac constantissime in Ecclesia Gallicana receptum, retentumque Pontificiis Constitutionibus prompte, ac submississime obsequendi, perfecte, atque sincere obediendi: a Gallicanis Episcopis sibi nunquam adscriptum, arrogatumque jus, & fas Pontificia decreta ad examinis incudem revocandi: Gallicanæ Ecclesiæ imo esse intime persuasum, quod decretis Pontificum dogmaticis nihil desit, quin actum Ecclesiam universam obstringant; ideoque quod irreformabilia seipsis sint, nefas sit ab iis appellationem interponere. Hæc summam ex præfata allocutione delibata satis superque haberi possunt ad eorum infringendum ausum, qui Gallicanæ Ecclesiæ sinistram alteram sententiam afflare non erubescunt. Auctor denique locuples, liquidusque accedit Benedictus XIV. Pontifex Maximus in epistola encyclica anno 1756. ad Galliarum Antistites exarata, qua litteris e Gallicani Cleri Comitibus die 31. Octob. elapsi anni scriptis respondens, delatamque ad se controversiam de Eucharistia deneganda Refractariis Bullæ *Unigenitus* pro sua eximia, quæ præstat eruditione, & doctrina enucleans, ac dissolvens, ac in mediis statuendis, & designandis, quibus Refractarii huiusmodi ceu publici, & notorii habendi sint, iique proinde, qui absque ulla hæsitacione a perceptione Eucharistiæ arceantur, mire elucens, ac discernens, in laudem ejusdem Ecclesiæ ob egregium studium erga Apostolicam Sedem adnectit: *Vestram firmitatem,*

*tem, atque constantiam, vestram perspeximus perfectam consensio-
nem in custodiendo vera, sanaque doctrina deposito, & in retinen-
da, quam semper Majores vestri profecti sunt, erga Apostolicam
B. Petri Sedem, catholicæ Unitatis centrum, observantia, & ve-
neratione.*

Me miseret perinde excogitatæ a Tournellio de Ecclesia, tom. 2. q. 5. art. 3. edit. Paris. vanæ, inanisque distinctionis de Romano Pontifice ad eludendam plane, quæ premebatur, argum-
ti vim obtrusæ: *Quæ est Ecclesia*, inquit, *firmum, & immo-
bile fundamentum, subdistinguo, quando Ecclesia totius ædificio in-
divulse adheret, concedo; si forte ab ipso propter hæresim seunga-
tur, nego.* Gerra profecto gerra sunt istæ; est fundamentum, quan-
do est fundamentum; est immobile, quando est immobile. Sane
objicientibus Janseuistis, quod Ecclesia universa per Orbem dif-
fusa Innocentii X. & Alexandri VII. decreta circa factum dog-
maticum Janseui non acceperat, una excepta Gallicana Ec-
clesia, eo quod una eademque Gallicana excepta, a nulla alia
Janseui liber expensus fuisset, ut certa fieret de sensu quinque
propositionum in eodem contentarum, respondet idem Tournel-
lius de Ecclesia q. 5. art. 3. in resp. ad obiect. 3. ordinis 2, respon-
det, inquam, 1. ex sua sententia Gallis sat esse debere Gallicanæ
Ecclesiæ auctoritatem, ita ut si sola Apostolicas Constitutiones
de facto dogmatico Janseui admisisset, obsequi tamen Gallos om-
nes iisdem oporteret; nec cuiquam licitum esse oblectari iudicio
Ecclesiæ, in qua exigit. At, quæso, iudicium ejusmodi esset ne
infallibile? Si sic autem, ergo ne ex definitione Pontificis, an ex
admissione Gallicanæ Ecclesiæ? Quum vero fides una debeat om-
nium esse, si obsequi deberent Galli, eccur non ceteri? Respon-
det 2. ex sententia Episcoporum Galliæ in epist. anno 1653. die
15. Julii ad Innocentium X. ab universa Ecclesia illas Constitutio-
nes fuisse acceptatas, eo quod nulla intercessit, nulla reclamavit,
nulla improbavit. Neque vero esse necesse, ut singulæ librum
Janseui expenderent, suumque de illo ferrent iudicium; sed sa-
tis fuisse, ut Romanæ Ecclesiæ librum expenderent, ac de illo ju-
diciū promenti singulæ adqueverint, sive tacite, sive expres-
se. Verum si id totum eo sensu reponit Tournellius, ut contra
Jan-

Jansenistas evincat nullum ipsis patere amplius effugium, quod ex desiderato Ecclesiæ universæ consensu suæ inobedientiæ conquisiverant, abs vero non abhorret: nam eo modo refractariis illis aditum omnem intercludere se voluisse ea in epistola Gallicani Præsules significaverant. At si id velit Tournellius, eam universæ Ecclesiæ acceptationem fuisse necessariam, ut præfatæ Constitutiones Pontificum in fidei dogmata evaderent, næ is vehementer in errore versatur, falsique personam Gallicanis Episcopis imponit, quandoquidem illi apertissime fassi sunt Episcoporum juris non esse, Pontificias Constitutiones examini subicere, eisdemque consensum suum adjicere, aut detrahere, sed imo officii esse, ut statim cunctatione omni semota iisdem obediant, summisque obsequantur. Sed de his fusius paullo post.

Ex Regum Francorum Testimoniis.

§. II.

ERga Romanos Pontifices obsequii, obedientiæque refertissimum animum gessisse jugiter Galliarum re, & nomine Christianissimos Reges, in idque potissimum intendisse perpetuo, ut Romanam ditarent Ecclesiam, atque Sedis Apostolicæ dignitatem, auctoritatemque defenderent, res est cunctis, qui vel a primo limine Ecclesiasticam historiam salutaverint, compertissima. At in antecessum obiter animadvertere nec inutile, nec erit injucundum, quod anno Incarnationis Dominicæ 420. a Faramundo, a quo lata lex Salica foeminas a regnandi jure fecit extorres, initium auspicata est Gallica Monarchia. Anno vero 448. in Regem salutatus Meroveus primæ stirpi, exinde Merovingiæ nuncupatæ, atque in 22. Regibus, quorum 4. idololatæ, ceteri autem catholici essent, regnaturæ ad annum usque 751, quo Childerico III. S. Zachariæ Papæ sententia exauctorato, suffectus est Pippinus, ex suo nomen fecit. A Carolo Martello Palatii Magistro alterius Pippini notho, atque Pippini Regis patre secunda Francorum Regum stirps Carolingia nomenclaturam sortita est, quæ in 14. Regibus ad annum usque 987, quo improle fati functo

Lu-

Ludovico V , rejectoque Carolo Lotharingæ Duce , electus est Hugo Capetus, Regni clavum tenuit . A Capeto tertia stirps Capeta denominata est, quæ etiam num regnat, Regesque sui nominis 21. recenset : quamquam anno 1328. dicta quoque sit Valesia 2. Philippo VI. Valesio filio Caroli, qui frater fuit Philippi IV. agnomine Pulchri S. Ludovici nepotis . Valesia autem stirps an. 1589. in Henrico III. finem accepit , cui succedens Henricus IV. Borbonius ex stirpe S. Ludovici per Robertum ipsius filium descendens , Borbonicæ nomen fecit . Qui omnium primus christianæ Religionis mysteriis initiatus est Clodoveus Clotildis uxoris hortatu templum in honorem SS. Petri, & Pauli extruxit, quo suum erga rem christianam ab illis egregie curatam , pium animi affectum commonstraret , atque ad S. Symmachum, seu , ut aliis placet , ad S. Hormisdam recens electum coronam auream gemmis ornata dono misit , qua illius Primatum , summamque potestatem testaretur . Theodebertus , ut liquet. ex epist. Vigilii ad S. Cæsarium Arelatensem , eundem consuluit de pœnitentia incesto imponenda . Non nesciebat scilicet factu optimum , si Pontifici Maximo in rebus vel fidei , vel morum , vel disciplinæ auscultaret ; nefasque esse , si ab ejus sententia recederet . Baronius in ea versatus est opinione , quod Pontifex consultus fuerit de pœnitentia ipsi met Theodeberto imponenda ob incestas nuptias : at jam ab adulterino conjugio resiliat Rex , quum Vigilium consuluit : de subditorum igitur incestis consultum ab Rege Pontificem oportet . Childebertus teste Papyrio Massono lib. 1. Annal. Francor. Pelagio II. consulto de litteris S. Leonis adversus Eutychetem Pontificis fidei se integre dedere religioni , officioque duxit . Quo de argumento par. 2. redibit sermo .

Pippinus statim , atque Rex est salutatus , quo non obsequio Romanos erga Pontifices se affectum præbuit Stephanum III. Pontificem Maximum in Gallias profugum ab Longobardorum molestis , & vexationibus ut se surriperet , Italiamque universam in libertatem assereret , suppetias imploratum , incolumem in Italiam reduxit non modo , sed eorundem Rege Aistulpho armis subacto , spoliatoque , Romanæ Ecclesiæ Exarchatum Ravennæ , & Pentapolim , idest veterem Flaminiam , Æmiliam , & Picenum,

Par. I.

Z z z

in

in hisque nobiles Urbes Ravennam, Bononiam, Ferrariam, Ariminum, Anconam, Urbinum, aliasque ad tres, & viginti contraxit. Jura vero omnia eidem Ecclesie cum a Christo collata, tum abs se semel attributa, ut integra manerent, ac facta, & testata, cum ipse, tum ejus successores jusserunt, & curarunt summo opere. Adeundus Anastasius in vita Stephani III. Ex his Carolus Magnus Ecclesie Romanæ a Pippino attributa dominia confirmavit ne dum, sed ipsi infesto Desiderio Longobardorum Rege devicto, Regnoque Italie diminuto, Spoletano Ducatu adjecto amplificavit. Plena vero erga Pontificem obsequii, puræque sententiae sunt, quæ gessit, dixit, scripsit.

Vix inauguratum Hadrianum I. Papam anno 772. intellexit, ut legato misso Angilperto Alcuini, seu Albini discipulo, datisque litteris, quibus quo erga Apostolicam Sedem afficeretur devotionis studio aperiebat, eundem ita est allocutus: *Scio me per sacri Baptismatis adunationem de illius esse ovili Pastoris, qui pro suis ovibus animam ponere non dubitavit, quas etiam post altissimam suæ resurrectionis gloriam Beatissimo Petro Principi Apostolorum ob trinam magnificæ dilectionis confessionem pascendas commendavit, cui etiam in Cælo, terrisque æternam ligandi, atque solvendi potestatem delegavit. Hujus te excellentissime Pater, ut Vicarium sanctissimæ Sedis agnosco, ita & mirificæ potestatis hæredem esse confiteor.* Ad eundem anno 797. Legatis, litterisque missis, quid de Elipandi Toletani circa Christi Domini adoptionem opinione credendum foret, consuluit. Id constat ex Caroli epistola ad Elipandum: *Ad Beatissimum, inquit ibidem, Apostolicæ Sedis Pontificem ter, quaterque direximus missos, scire cupientes, quid S. Romana Ecclesiæ Apostolicis edocta Traditionibus de hac respondere voluisset traditione.* Acceptis vero Hadriani litteris ad Episcopos Galliciæ, & Hispaniarum, quas Elipandi error pervalerat, quibus ea hæresis proscribebatur, Pontificis sententiæ se plane adqueivisse eadem in epistola ad Elipandum significat. *Nec vestra, ajens, me paucitati in consensione hujus assertionis novæ (de Christi adoptione) socium admitto: sed Apostolicæ Sedi, & antiquis ab initio nascentis Ecclesiæ, & Catholicis traditionibus tota mentis intentione, tota cordis alacritate*

conjungo . Quæ qui tenet , probe perspicit , cur Carolus M. Apostolica Sedi indivulſe ſibi inhærendum ſtatuifſet , ideo iſdeſt , quod apud eam rei chriſtianæ adminiſtranda ſumma integra , religioniſque orthodoxorum Dogmatum jugis traditio , illibataque vigeret .

Immensus eſſem vero , ſi omnia , quæ de Romano Pontifice in ſuarum legum Capitularibus idem Carolus præclare prædicavit , complecti , & perſequi vellem : ſatius ſit itaque nonnulla delibaſſe . Iſta dno a Carolo M. conſtituta inter viginti tria Capitula recitat Gratianus diſt. 19. cap. 3. hiſce verbis . *In memoriam B. Petri Apoſtoli honoremus S. Romanam , & Apoſtolicam Sedem , ut quæ nobis Sacerdotalis mater eſt dignitatis , eſſe debeat Eccleſiaſtica magiſtra rationis . Quare ſervanda eſt cum manſuetudine humilitas , ut licet vix ſerendum ab illa ſancta Sede imponatur jugum , tamen ſeramus , & pia devotione toleremus .* Huiusce Capituli mentio in Concilio Triburienſi occurrit . Aliud Capitulum edidit eodem anno 801. idem Rex , quod integrum non refert Gratianus 11. q. 1. can. 37. *Volumus , quod ex 16. Theodoſii Imperatoris libro capitulo 11. ad interrogata Ablavii reſcripto deſumpſiſſe Carolus teſtatur , quodque ſic habet . Quicumque litem habens , ſive poſſeſſor , ſive petitor fuerit , vel in initio litis , vel decurſis temporum anniculis , ſive quum negotium peroratur , ſive cum inceperit promiſſentia , ſi iudicium elegerit ſacroſancta Legis Antiſtitis , illico ſine aliqua dubitatione , etiam ſi alia pars refragetur , ad Epiſcoporum iudicium cum ſermone litigantium deferatur . Multa enim , quæ in iudicio captioſa præſcriptionis vincula promi non patiuntur , inveſtigat , & promiſ ſacroſancta Religionis auctoritas . Omnes itaque cauſæ , quæ vel pratorio jure , vel civili tractantur , Epiſcoporum ſententiis terminata perpetuo ſtabilitatis jure firmantur . Nec licet ulterius tractari negotium , quod Epiſcoporum ſententiis deciderit . Teſtimonium etiam ab uno licet Epiſcopo perhiberetur omnes Iudices indubitanter accipiant , nec alius audiat , quum teſtimonium Epiſcopi a qualibet parte fuerit repromiſſum . . . Hoc nos perpetua lege firmamus . Qui tanta erga Epiſcopos obſervantia ferebatur , quanta , putas , erga Pontifices erat affectus ?*

Is vero etſi parciffimus in novis condendis legibus, attamen ex ſacris Conciliis, decretisq; præſertim Summorum Pontificum Capitula ad 168. colligi juſſit, quibus Eccleſiaſtica diſciplina redintegraretur. Quandoquidem vero a plerisque ea Capitula, quod ab ipſo Carolo adornata non fuiſſent, minime obſervanda fore, putatum intellexerat, Pippino filio anno 802. præcepit, ut in Gallia, dum ipſe in Italia exigeret, eadem obſervari ſummopere curaret. Libro 1. Capitular. cap. 6. quam eximiam de Pontificis infallibilitate animo perſerret, ſinceramque ſententiam, itemque de ipſius ſuprema poteſtate ſignificat: *Non ab aliis ſcripturis, inquit, niſi ab his, quas illa (Apoſtolica Sedes) inter Canonicas recipit, teſtimonia ſunt aſſumenda; nec aliorum Doctorum, niſi eorum, qui a Gelafio, vel aliis illius S. Sedis Pontificibus ſuſcepti ſunt, dogmata ſunt amplectenda.* Eodem loci ad comprobandum illorum dumtaxat inoffenſo pede reſeſſi veſtigia Doctorem, qui Apoſtolice Sedi fuiſſent accepti, eorundem ponit exemplum, ac proponit, quibus in more poſitum fuit, ad omne prorsus erroris declinandum diſcrimen a Pontifice de rebus dubiis, difficilibuſque capere conſilium, recipereque reſponſum. Ex his vero commemorans a S. Hieronymo conſultum de fide S. Damafum ſubdit: *Quod regulariter omnes Catholice debent obſervare Eccleſiæ, ut ab ea poſt Chriſtum ad muniendam fidem adiutorium petant, quæ non habens maculam, nec rugam, & portentosa hæreſum capita calcat, & fidelium mentes in fide corroborat.* Eatenus nempe Romanam Eccleſiam fore de fide depoſcendam edicit, quod ab eadem omne errandi procul abeſſe periculum eidem probe eſſet perſuaſum. Romanæ autem Eccleſiæ nomine præcipue ejuſdem Præſulem habitum a Carolo M. quis dubitet? Hanc obrem, quod apprime perſpectum ei eſſet Pontificem potiſſima, ac ſuprema ſuper Eccleſiam poteſtate pollere, atque a Pontifice æquitatis, veritatisque juſtiter plena judicia proficiſci, proinde lib. 7. Capitular. cap. 237. ſtatutum voluit, ut appellationum ad Sedem Apoſtolicam juſtaret integrum: *Placuit, inquit, ut ſi Episcopus accusatus appellaverit ad Romanum Pontificem, id ſtatuendum, quod ipſe cenſuerit.* Conſer Baronium ad annum 819. n. 8, & ſeqq., ubi horum ſimillima multa deſcribit.

Exor-

Exorta, & exardesciente controversia de Chorepiscoporum auctoritate, nihil antiquius habuit, quam S. Leonem III. consulere, cujus responsis edoctus Lege eidem lib. 7. inserta sancivit, ne a Chorepiscopis ordinationes, & consecrationes cum virginum, tum altarium celebrarentur, neve Confirmationis sacramentum administraretur, imo ne Chorepiscopi amplius crearentur. Extat tom. 1. Capitular. edit. Baluzii. Mitto cetera ne sim molestior. Teste S. Gregorio VII. lib. 8. epist. ultima ad Episcopum Albanensem, & Principem Salernitanum in Gallia Legatos, idem Carolus M. annuatim mille, & ducentas libras Apostolicæ Sedi pendebat; Saxoniam insuper S. Petro vestigalem fecit, constituitque sub eodem *signum devotionis, & libertatis*, ut inquit ibidem optimus Pontifex. Postremo in supremæ suæ voluntatis tabulis tres filios Ludovicum, Pippinum, & Carolum, quos inter Provincias suæ juris pattitus est, anno 806. id cautum voluit, ut Romanæ Ecclesiæ clientelam gerere pro viribus omnibus studerent, ejusdem inclytos defensores illos constituens in hæc verba, ut refert in ejus vita tom. 1. pag. 486. *Duplexius: Super omnia autem jubemus, ut ipsi tres filii mei curam, & defensionem, siue patrocinium Ecclesiæ Sancti Petri simul suscipiant; quod fecit Carolus (Martellus) Avus, & Pippinus felicitis memoriæ pater meus, quorum vestigiis institi, ut Deo auxiliante, eam adversus omnes ejus hostes propugnare totis viribus contendant, ipsiusque jura pro virili, & quoad licebit, tueri nitantur.* Quod quidem testamentum, ut probaret Leo III. Pontifex Maximus ab eodem Carolo per Legatos, rogatus confirmavit: qui tandem postremum sibi vitæ diem appropinquare intelligens, anno 813. Ludovicum filium, quem Imperatorem designaverat, admonitum voluit, ut Dei Ecclesias defenderet, & Sacerdotes honoraret ut Patres. Vere itaque Magnus non tam fortitudine, quam fide dictus est, de quo merito dicat Baronius ad annum 794: certe non nisi ad ipsam Sedem Apostolicam in Ecclesiasticis controversiis ipsum Carolum recurrere consuevisse; ab eadem responsa accipere sollicitè procurasse, atque ex ipsorum rescripto perficere omnia laborasse. Jure petinde etiam Morajnes Doctor Parisiensis in epistola nuncupatoria sui Anti-Jansenii Ludovico XIV. Magno significavit ipsam Occiden-

talis

talis Imperii Coronam singularis erga Sedem Apostolicam venerationis, ac religiosæ observantiæ merito Carolum Magnumuisse adeptum.

Ludovicus Pius Patrem imitatus, quum in Gallias anno 816. pro confirmanda pace, & unitate S. Ecclesiæ, ut ait Anastasius in vita Stephani IV, professionem adornasset Stephanus IV. aliis V, Pontificem eo reverentiæ officio, exceptit, ut ter ante ipsius pedes procubuerit. Anno 823. Lotharium filium Romam misit, Imperii, Regniq; Italiæ insignibus redimiendum a S. Paschali Papa, ea adjecta lege, ut Romanæ Ecclesiæ defensionem ageret. Id constat tum ex testimonio Ludovici, qui anno 835. quum accepisset a Lothario Romanæ Ecclesiæ homines divexari, Legatis ad ipsum missis monuit, quatenus memor esset: *Quia quando ei Regnum Italiæ donavit, etiam curam S. Romanæ Ecclesiæ simul commisit, & quam ab adversariis defensandam susceperat, nequaquam a suis diripi permetteret*: ut ait Astronomus in vita Ludovici Pii: tum ex testimonio Lotharii, qui in vita Walæ Corbejenfis Abbatis apud Mabillonium sæculo IV. Benediçt., ita Patrem de Romana sua professione allocutus refertur: *Ad eandem Sedem (Romanam) clementer me vestra imperialis Eximietas misit ad confirmandum in me quidquid pia dignatio vestra decreverat, ut essem socius, & consors, non minus sanctificatione, quam potestate, & administratione: unde quia coram sancto altari & coram sancto corpore B. Petri Principis Apostolorum a Summo Pontifice, vestro ex consensu, & voluntate, benedictionem, & nomen suscepti Imperialis officii, insuper diademata capitis, & gladium ad defensionem ipsius Ecclesiæ, & Imperii vestri, nemo vobiscum magis, qui eam, quam ego, defendere velit, aut debeat.*

Posthinc Caroli M. exemplo Francorum Reges Imperatoris nomen sibi assumere non sunt ausi, antequam Romæ a Romano Pontifice inaugurati essent, uti testatus est Ludovicus II. in epist. ad Basilium Græcorum Imperatorem apud Duchesnium tom. 3. histor. Francor. Ad id vero usque temporis, annum 823. penes Pontificem supremum Urbis Romæ, unumque dominum stabat. Omnium primum S. Paschalem I. cum Lothario Imperatore, cum eodemque postmodum Eugenium II, cum Ludovico II. præterea
S. Leo.

S. Leonem IV. Urbis dominium fuisse partitos ex supplemento historiæ Pauli Diaconi , quod affert ex corpore Francicæ historiæ veteris , & sinceræ ad annum 813 , affirmat Franciscus Pagius in Paschali I. Veruntamen unum penes Romanum Pontificem supremum Urbis dominium steterisse semper, præfatis vero Imperatoribus unius dumtaxat Patriciatus insignia , dignitatemque , qua quidem ad Romanæ Ecclesiæ patrociniū impendendum obstringebantur, non etiam in Romanæ Urbis dominium jurisdictionis partem obtinerent , ostendit vir doctiss. Octavianus Gentilius in egregio suo opere de Patriciorum origine , varietate , præstantia , & juribus lib. 3. cap. 8 , qui cap. 1. omnium primum a S. Gregorio III. Patriciatus dignitatem adeptum Carolum Martellum , & a Stephano III. deinde Pippinum demonstrat . Ex Nummis plurimis, de quibus videri potest Vignolius de antiq. Rom. Pontif. denar. , sub Ludovico Pio , Lothario , & Ludovico II. percussis , in quibus nomina leguntur Ludovici , Lotharii , Romæ , & Sancti Petri putant Le Blanc in tractat. de antiq. Regum Francor. monetis ; & Cl. Antonius Pagius præfatos Imperatores supremi juris in Romanam Urbem fuisse potitos ; scilicet quia putant Nummos illos Imperatorios esse . Verum , uti Franciscus Pagius observavit , & post ipsum Octavianus Gentilius loco cit. in Nummis illis una cum Imperatorum nomina quoque vel S. Petri , vel Pontificum leguntur , sicut in Nummis Benedicti III. , & S. Leonis IX; quod indicium est Nummos illos non Imperatorios, sed Pontificios fuisse : atque proinde absque Pontificis concessionem potestatem ab Imperatoribus illis in Romanos non fuisse exercitam , neque jus cudendæ monetæ illis concessum . Sed de his parte 2. Vindic. Confer interea , qui hoc de argumento copiose , egregieque , agit , Octavianum Gentiliū lib. 3. cap. 6. , & seqq. Ad propositum nunc redeat oratio .

Anno 824. Lotharius a Ludovico Patre Romam missus sedandæ causæ dissensionis post obitum Paschalis in electione Eugenii II. exortæ , Constitutionem ibidem edidit , qua inter cetera jussit , ut Summo Pontifici in omnibus integra servaretur obedientia , Ducibusque , ac Judicibus ab eodem ad iudicandum constitutis , ab omnibus obtemperaretur : ut vivente , vel mortuo

tuo Pontifice Romanæ Ecclesiæ bona nulli incommodo, aut invasioni paterent: ut Pontificis electioni impedimentum nullus apponeret, sed ea Clerum penes integra permaneret. Leges Cointium in Annal. ad annum 824: sed & hæc Lotharii Constitutiones legere est apud Harduinum tom. 4. pag. 1261., & apud Holstenium in collect. Rom. par. 2. pag. 211. Anno 825. post celebratam Nicænâ II. Synodum, in qua de sacris Imaginibus actum fuerat, agi de iisdem in Gallia Ludovicus exoptans, non antea id sibi licere, eaque de re Conventum Episcoporum cogere intellexit, quam Legatis, litterisque ad Eugenium II. missis facultatem impetrasset: quâ obtenta Synodus Parisiis habita est, in qua decretum sacrarum Imaginum cultui minus idoneum editum est, de quo alibi est abunde dictum.

Magis vero studium, quo Pontifices colerent, sententiamque, qua de Pontifice censerent, prodit epistola, quam anno 826. ad eundem Eugenium Ludovicus, & Lotharius exararunt: *Quia veraciter, inquit, nos debitores esse cognoscimus, ut his, quibus regimen Ecclesiarum, & ovium Dominicarum cura commissæ est, in omnibus causis ad divinum cultum pertinentibus opem, atque auxilium . . . feramus . . . Idcirco rogamus, ut Almitas vestra curam, & diligentiam adhibere dignetur, quomodo per vestram saluberrimam doctrinam, & admonitionem magis ad concordiam, & unitatem revocetur, quam propter hoc ad majorem discordiam impellatur.* De Ludovico Pio Vindic. par. 2. recurrit sermo. Paucis hæc omnia complexus est P. Dominicus a SS. Trinitate Bibl. Theolog. lib. 3. sect. 4. cap. 16. observans Carolum Magnum, Ludovicum Pium, & Lotharium Imperatores, Francorumque Reges Capitularia sua ex Summi Pontificis consensu edidisse: Pontificis auctoritate confirmari voluisse: Decreta semel a Pontifice servanda omnino statuisse: indubiis ad Pontificem ab omnibus recurrendum jussisse: atque a Pontifice Synodos omnes aut infirmari posse, aut confirmari oportere affirmasse. Confer Capitular. lib. 6. cap. 267; lib. 7. capp. 91, 104, 187, 205, 265, & 267; in addit. 4. ad lib. 7. capit. 12; apud Harduinum tom. 4. Capitul. excerp. tit. 2. cap. 5; tit. 3. cap. 2; tit. 4. cap. 1; & Constit. cap. 1, & seqq.: epistolam etiam Lotharii ad S. Nicolaum

laum I. obsequii, devotionis, obedientiæque cumulatissimam. Ludovicum II, S. Nicolao I. Ravennam ingresso, dixisse Johanni Archiepiscopo Papiam ad se profecto: *Vadat, & factu elationis deposito tanto se humiliet Pontifici, cui & Nos, & omnis Ecclesie generalitas inclinatur, & obedientiæ, ac subjectionis colla submittit*, auctor est Anastasius in S. Nicolao I.

Carolus Calvus, ideo quod ingenti non absque reatu, probroque Monasteriorum bona in prædam abstrahi, disciplinamque pessum abire permetteret, a Benedicto III. Pontifice Maximo, qua monitis, qua objurgationibus perstrictus, anno 856. prope Parisios placitum celebrans ab Episcopis, qui & ipsi increpatoriis litteris a Pontifice exstimulati fuerant, ut Regem ad officium revocarent, gravissimis verbis admonitus est, ut Pontifici faceret satis, ejusdemque cum monitis, tum mandatis auscultaret. Ab Hadriano II. etiam admonitus, intentatisque minis jussus est idem Carolus, ut ab usurpando mortui Lotharii Regno, quod in jus Ludovici II. transisset, abstinere, quo de argumento parte 2. Vindiciar. copiosius agemus. Is igitur quod probe tandem intellexit, cunctis pariter integre custodiendum injunxit, videlicet: *Ut S. Romana Ecclesia, sicut est Caput omnium Ecclesiarum, ita ab omnibus honoretur, & veneretur; neque quisquam contra jus, & potestatem ipsius aliquid injuste agere præsumat, sed liceat ei debitum tenere vigorem, & pro universali Ecclesia Pastoralem exhibere curam*. Extat Capit. tit. 41. cap. 1. tom. 1. collect. Sirmondi. In epistola insuper ad S. Nicolaum I. de Ebbonis causa sic effatus legitur: *Congruum (est) . . . vestra præ ceteris reverentiæ Pontificatus regia colla submittere, vestrisque saluberrimis monitis aurem cordis ad obtemperandum humillima devotione subdere. Quippe quem luce clarius cernimus Ecclesie inter Mundi turbulentam voraginem fluctuantem solidissimam ancoram constitutum, pa-xillumque immobilem*. Extat apud Harduinum tom. 5. pag. 686.

Hugo Capetus is, inquam, in quem e Carolingia, defuncto Ludovico V. improle, & abjudicato Carolo Lotharingo ipse Ludovici patruo, Galliæ Regnum translatus est, quum prodicionis suspicione laborantem Arnulphum Remensem Archiepiscopum in Synodo Remensi gradu dejici curasset, is autem alte-

Pars I.

A a a a

rius

rius se, quam Romani Pontificis, iudicio subesse pernegaret; Johannes XV. etiam Episcopis omnibus; qui in Synodo adversus Arnulphum sententiam dixerant, sacris interdixisset, quod se inconsulto illum loco movere fuissent ausi, Hugo, inquam, Rex ad Johannem Pontificem Maximum anno 990. inscriptis litteris rogavit, ut in Gallias venire ipsemet non gravaretur, hanc causam præsens judicaturus: nec enim sibi, nec Episcopis Regni sui eam insedere sententiam, ut Apostolicæ Sedis iudicium declinare vellent: *Hoc*, inquit, *ex integro affectu dicimus, ut intelligaris, & cognoscatis nos, & nostros vestra nolle declinare iudicia. Petimus itaque, ut Johannis Archidiaconi legationem benigne suscipiatis, ut dum quod petit, obtinuerit, nos in suo adventu efficiat lætos, & in vestro obsequio ferventissimos.* Nihilominus Regis petitioni obstitit obfirmato animo Pontifex, Arnulphumque suæ restituit sedi: & quamvis (contra quam Baronius, & Binius ab Aimoini Continuatore decepti putarint) Rex Hugo Pontificis mandatis obsequi detrectaverit, jubente tamen Gregorio V, qui Johanni fuerat suffectus, minasque intentanti, nisi Arnulphus juxta Johannis decessoris sententiam suæ redderetur Ecclesiæ, Robertus, qui Hugoni patri successerat, morem gerendum duxit, Arnulpho suum locum integrum fecit, Pontificique litteras obsequii, & obedientiæ plenas inscripsit, ut refert Aimoinus in vita S. Abbonis Abbatis Floriacensis, quem ad Gregorium V. Oratorem Robertus Rex miserat.

Ludovicus VII. cum Alexandri III. Pontificis Maximi adversus schisma Victoris Antipapæ, quod præpotentia sua favebat Fridericus, partes defendendas aggrediens, tum S. Thomæ Cantuariensis Archiepiscopi contra gravissima incommoda eidem illata ab Henrico III. Angliæ Rege patrocinium suscipiens datis ad Alexandrum III. an. 1160. litteris, quo in Apostolicam Sedem pietatis affectu ferretur, ac serveret satis aperuit. *Ab humana pietatis, inquit, lege recedit filius, qui matrem deturpat; neque Creatoris beneficii reminiscitur, qui de sanctæ Sedis Apostolicæ illata turpitudine non contristatur. Verum specialius est condolendum . . . quoniam in Sanctum Dei insurgens malignitas in pupillum Christi gladium infixit, & Cantuariensis Ecclesiæ lucer-*

*lucernam non tam crudeliter , quam turpiter jugularit . Excite-
tur ergo exquisita genus justitia , denudetur gladius Petri in ul-
tionem Cantuariensis Martyris , quia sanguis ejus clamat pro uni-
versa Ecclesia . Præterea Friderico per Legatos de ipsius in Alex-
andrum III. studio conquerenti eximium hoc reddidit responsum :
Miror prudentem Virum vana mihi , & fabulosa verba misisse :
an ignorat , quod D. N. I. Christus , quum esset in terris , B. Pe-
tro , & per eum universis ejus Successoribus Oves suas pas-
cendas commisit . . . Nunquid sunt hinc Francorum Reges , vel
antiqui Prælati excepti ? An Episcopi Regni mei non sunt de Ovi-
bus , quas Filius Dei B. Petro commisit ?*

Philippus I, quod Bertradam pellicem non dimitteret , ab
Urbano II. latæ excommunicationis sententia perstrictus ; quod-
que sacerdotia pretio venderet , a S. Gregorio VII , ut liquet ex
epistola 35. lib. 1. ad Rodericum Episcopum Cabilonensem , ex-
auctorisationis minis perterrefactus , obediendum sibi Pontifici-
bus intellexit demum , scilicet se duplici pœna , cum spiritali ,
tum temporali ab illis alioqui puniendum , nisi satisfaceret , su-
biturumque ex pertinacia honoris quidem nihil , plurimum au-
tem dedecoris . Philippus II. dictus Augustus Innocentio III. ju-
bente Ingelburgam Reginam dimissam recepit , & Mariam super-
inductam dimisit non modo , sed quum ab eodem Innocentio
anathematis vinculo innodatus , & Angliæ Regno multatus
fuisset Johannes Rex, Angliæ vero Regnum sibi attributum ea le-
ge , ut Episcopos Anglia exules suis restitueret sedibus , rem-
que christianam in Anglia redintegraret , Pontifici morem ge-
rendum ratus , instructissimum collegit exercitum , numero-
samque instruxit classem . Infecta quidem res fuit , quo tamen
animo Pontificis jussa prosequeretur eo , quo modo dicebam,
opere significavit . Quam vero animo gereret de Pontificis au-
thoritate sententiam, ad eundem Innocentium anno 1209. exara-
tis litteris exposuit his verbis scribens : *Romani Pontificis judi-
cium soli Deo reservatur , soli Deo debetur . De formula Regnante
Christo , quæ loco formulæ Regnante Philippo usurpata est du-
rante interdicto , cui ob adulterinas nuptias Philippi I , non vero
Philippi II , ut perperam scripsit Nicolaus Vignierius lib. 3. histor.*

Francor., ab Urbano II. Galliarum Regnum fuerat suppositum, ut observavit Juretus in notis ad epist. 46. Ivonis Carnotensis, quamvis occasione nuptiarum incestarum Philippi II. eidem Regno sacrorum iustitium ab Innocentio III. fuerit etiam indictum, parte 2. Vindiciar. agemus.

S. Ludovicum IX. inter sanctissima documenta, quæ ante mortem Philippo primogenito manu propria gallice exarata tradidit, quæque historiarum suarum inseruit Jonvillæus, latine vero redita exhibent Gaufridus de Belloloco, & Guillelmus Nangius de gestis S. Ludovici, illud, quod summam erga Romanam Ecclesiam observantiam redolet, summopere commendavit. *Sis devotus, & obediens Matri nostræ Romanæ Ecclesiæ, & Summo Pontifici, tanquam Patri spirituali.* De Philippo III. Audace par. 2. Vindiciar. agetur, sicuti & de Philippo V, cui Pulchri nomen accessit. De Carolo VI, & VII. diximus, ubi de Conciliis Constantiensi, & Basileensi. Ludovicus XI, a quo Pio II. mandante Pragmatica sanctio abrogata est, cuiusque abrogationem Leone X. petente confirmavit Franciscus I, uti dictum jam est, ubi de Concilio Lateranensi V, quamvis Regaliæ jura amplificare studens nonnihil in Ecclesiæ libertatem deliquerit, qua de re legendus doctiss. Cardinalis Sfondratus in *Gallia vindicata* disert. 1. §. 7, in epistola tamen anno 1461. ad Pium II. quæ inter Pii epistolas legitur, de Pragmaticæ sanctionis abrogatione verba faciens, huc, quo erga Pontificem animo esset optime compatiatus, indicavit: *Te Vicarium Dei viventis ea veneratione prosequimur, ut sacra, præsertim in Ecclesiasticis rebus, tua monita velut vocem Pastoris audire, illisque parere prompta mente velimus. Te Principem totius Ecclesiæ, Antistitem sacrorum, & Dominici gregis Pastorem prosequimur, & scimus; Teque jubentem sequimur, Tibi, & Beatissimi Petri Cathedræ consentimus. Itaque sicut mandasti (Pragmaticam Sanctionem) tuæ Sedi infensam, utpote quæ schismatis tempore, atque per seditionem mota sit, e Regno nostro, nostroque Viennensi Delphinatu, & omni Ditione nostra per præsentem pellimus, dejicimus, stirpitusque abrogamus.* Eisdem litteras exhibet Raynaldus ad eundem annum 1461. n. 118. Ad Paulum II. Pontificem M. Carolo Borbonio Archie-

chiepiscopo Lugdunensi Oratore misso anno 1466. obsequium, obedientiamque spondit, cujus certum indicium illud esse voluit, tum quod moleste ferret a Carolo VII. patre non ita in pretio habitum fuisse, uti par erat, Pontificem; tum quod contra Regni Procerum, Doctorum Parisiensium, Parisiensisque Senatus opinionem abrogasset sanctionem Pragmaticam. Extant Ludovici XI. ad Paulum II. litteræ tom. 1. Privilegior. Rom. Ecclesiæ, & apud Raynaldum ad annum 1466. n. 15, & seqq.

Franciscum I. hujusce nominis pro virili parte adversus Hæreticos tum temporis adnixum, pro studio, quo approbe erga Apostolicam Sedem afficiebatur, contendisse, & curasse, ut ubique in Regno suo omnes colerent, & revererentur *Unum in Ecclesia Romana Episcopum, usque Petri successorem, reliquorumque auctoritatem, & dignitatem Principem, ad quem ceteri ut ad Caput referrentur, quæ maxime re nostra hac in terra militans Ecclesia illius in Cælo triumphantis effigies quædam agnosceretur*: in oratione habita ad Patres Concilii Tridentini anno 1546. die 3. Julii, quam refert Pallavicinus lib. 8. cap. 3, perhibuit Petrus Danæsius præfati Regis Orator. Henricus II, quo Religionis integritati zelo stunderet, quo pariter erga Religionis ejusdem Principem Romanum Pontificem afficeretur animo, quo scilicet nonnisi Pontificis sententia Religionis rem curatam ire intelligeret, celebri eo anno 1555. edito ostendit, quo Ditionum suarum Judicibus omnibus inunxit, ut Judicium a Pontifice delectorum, & Quæstorum fidei sententias adversus hæreticos, nulla provocationum quarumlibet ad supremas Curias factarum, aut faciendarum habita ratione, ocys exequerentur.

Ejusmodi edicti occasione observare est 1. a S. Ludovico in Galliis tribunal Inquisitionis fuisse institutum anno 1255. Quos posthac suprema Curia Parisiensis Inquisitores designaverat, Clemens VII. dato ad eandem Curiam Brevi anno 1525. die 20. Maji approbavit. Anno 1550. ab eadem suprema Parisiensis Curia approbatæ fuere litteræ inquisitionis concessæ P. Mathurino Olri: & anno 1557. Henricus II. mox laudatus ad Paulum IV. supplices litteras dedit, quibus in Galliis fidei Quæsttores constitui obsecrabat, facileque obtinuit. Observare est 2. in Galliis a Tribunalibus

bus sacrar. Congregat. Inquisitionis, & Indicis edita decreta sæpissime recepta, religioſeque executioni mandata fuiſſe. Enim vero Concilia Rotomagenſe anno 1581. capit. 2; Burdigalenſe anno 1583. capit. 27; Turonenſe eodem anno capit. 4; Bituricenſe anno 1584. capit. 4; Aquenſe anno 1585. capit. 4; Tolofanum anno 1590. par. 4. capit. 10, & ſeqq.; Avenionenſe anno 1594. capit. 7; Narbonenſe anno 1609. capit. 3; Burdigalenſe anno 1624. cap. 1. tit. 12; quibus jungendum Cameracenſe anno 1565. capit. 1; libros Romæ confixos, ac in Indicem relatos omnes ad unum legi vetuerunt, Episcopis vero juſſere, ut quotannis librorum prohibitorum catalogum a Parochis per Dioceſes promulgandum a S. Officio depoſtularent. Clerus etiam Gallicanus in Comitibus generalibus anni 1614. conſcriptum Romæ Indicem publici juris in Galliis eſſe voluit, decreto ea de re ad tertium Regni Ordinem directo, cui libentiſſime ſacra Pariſienſis facultas ſyngrapham adjecit ſuam, teſte Domino De Fileſac tunc temporis Sorbonæ Syndico; quamquam Cleri decretum nec a Rege fuiſſet obſignatum, nec a ſuprema Pariſienſi Curia in acta relatum. Anno 1641. idem Clerus S. Officii decreto adverſus tres libros Baunii lato ſubſcripſit; & anno 1645. altero decreto, quo ab eodem S. Officio tres pariter libri P. Rabardeau proſcribebantur, quin prius decretum illud Regi, Curiaſque Regni probatum fuiſſet: quin imo ſimile decretum Romæ a S. Officio evulgatum ſupremus Senatus Pariſienſis anno 1710, ceu canonicum, atque a legitima poteſtate latum agnovit.

Obſervare eſt 3. ab Episcopis Gallicanis ſummopere ſemper cautum fuiſſe, ne cauſis Eccleſiaſticis ſe Laicæ Curia immiſcerent, aut de cenſuris Eccleſiaſticis cognoscere auderent. Id conſtat ex Conciliis Arelatenſi II. anno 452. can. 31; Andegavenſi anno 455. can. 1; Venetico anno 465. can. 9; Agathenſi anno 506. can. 8, & 32; Epaonenſi anno 517. can. 11; Aurelianenſi III. anno 538. can. 32; Aurelianenſi IV. anno 541. can. 20; Aurelianenſi V. anno 549. can. 17; Autiſiodorenſi anno 578. can. 35, & 43; Matiſconenſi I. anno 581. can. 8; Matiſconenſi II. anno 585. can. 9, & 10; Pariſienſi anno 614, aut 615. can. 4; Remenſi anno 625, aut 630. can. 6, & 18; Rotomagenſi

genſi anno 1189. can. 21; Valleguidonenſi anno 1242. can. 53 quo & citatur canon 19. Concilii Millevirani II; Bituricenſi 1276. cap. 7; Turonenſi anno 1282. cap. 7; altero Bituricenſi anno 1286. cap. 11; Rotomagenſi anno 1299. capp. 3, 4, & 5; Melodunenſi anno 1300. cap. 3; Compendienſi anno 1301. capp. 1, & ſeqq.; Avenionenſi ex tribus Provinciis Arclatenſi, Aquenſi, & Ebredunenſi anno 1326. capp. 8, 9, 10, & 14; Marciacenſi eodem anno capp. 8, 9, & 10; Roſſiacenſi anno 1327. cap. 1; Compendienſi altero anno 1329. capp. 1, 3, & 7; Rotomagenſi anno 1581. cap. 10; & Tolofano anno 1590. cap. 4; a quibus lata excommunicationis ſententia in Laicos quoscumque, qui directe, vel indirecſe in Eccleſiaſticam juridiſtionem irrepere audent, eamque vel impedire, aut uſurpare, aut de cenſuris Eccleſiaſticis cognoscere. Mitto laram a Concilio Lateranenſi ea de re cenſuram in Auiſextianam Curiam, de qua alibi.

Obſervare 4. juvat, noſtraque intereſt, anno 1580. dumtaxat in Galliis Bullæ Cœnæ Domini promulgationem fuiſſe, prohibiram, quod ea Regis jura nonnihil violari circa veſtigialia Clero Gallicano impoſita viderentur. Ante vero annum 1665, diem 29. Aprilis, quo Alexandri VII. Conſtitutio *Regimini*, qua Janſeniſtici erroris ſuſpectis formularium ſubſcribendum præſcribebatur, & ſupremis Curiis Regni in tabulas relata eſt, nullam unquam Pontificiam dogmaticam Conſtitutionem in Galliis fuiſſe in Curiarum tabulis deſcripſam; ac propterea Conſtitutionem *Unigenitus* Clementis XI. ordine 4. eſſe ex illis, quæ in eaſdem tabulas referri cœperunt. Nunquam pariter Pontificiæ Conſtitutiones in Galliis Regia ſyngrapha obſignari conſueverant, antequam ab Episcopis reciperentur, ac publici juris fierent: quippe vel anno 1643. Dominus de Gondi, qui Archiepiſcopus Pariſienſis primus audivit, Conſtitutionem Urbani VIII. *In eminenti* anno 1641. adverſus Janſenii librum editam evulgavit, etſi nedum a Rege obſignata eſſet, aut a Curia ulla in tabulis exarata. Videlicet Gallis univerſis tum temporis illud perſuaſum erat, quod poſtremo Cardinalis Noallius in epiſtola ſua, aliorumque 9. Episcoporum nomine Cleri Gallicani anno 1705. Comitiorum ſententiam explicans, Clementi XI. anno 1711. die 29. Junii ſcripſit:

Sa.

*Sacrum Ordinem persuasum ire haud necessariam esse solemnem acceptionem, ut Pontificum Constitutiones ab omnibus Christifidelibus veluti fidei, morumque regulæ habeantur. Quam Cleri sententiam a Rege, Regnique Curiis propriam quoque factam ea ratione liquet, quod Ludovici XIV. jussu ea Cardinalis Noallii epistola cum a Domino Ponchartrain magno Cancellario, tum a Domino Daguessau Procuratore generali probata fuerit. Regum ergo Galliæ omnium primus Ludovicus XIV. anno 1653. die 4. Julii sacra jussione Constitutionem Innocentii X. Quum occasione, qua ad preces 85. Episcoporum Galliæ quinque Jansenii propositiones proscripserat, in Curias Regni referri, ac publicam per Regnum fieri præcepit. Cetera Regum Galliæ edita, quæ subsecuta sunt, ad sacri Ordinis postulationes evulgata sunt, idcirco scilicet, ut Pontificum Constitutiones quam celerius, & quam consultius executioni mandarentur; Novatoribusque omnis evadendi locus interciperetur. Denique omnium primus Ludovicus XI in Gallias recipi a Romana Curia rescriptas Litteras, Processus, Scripturas &c., (non tamen Brevia, aut Bullas) prohibuit, quæ plane antea ultro citroque nullo præhabito Regis, aut Curiarum placito admittebantur. Id omne adnotavit Clemens XI. in epist. anno 1716. ad Ducem Aurelianensem data apud Lasitum lib.3. ad cit. annum. Facit huc propterea, quod quondam Cardinalis Richelius Carentonicis Ministris assentationis vitium erga Apostolicam Sedem Gallicanis Episcopis appingentibus, quod Pontificum Romanorum judiciis, præter quam par foret, ultro citroque adquiescerent, in Gallicani Cleri, Regnique egregiam laudem reposuit: *Si crimen est Patris filios epistolis commonere, si filiorum Patris consilia excipere, crimen erit amborum Galliæ Ordinum Nobilium scilicet, Ecclesiasticorumque, Pontificum Constitutiones excipere, venerari, & observare.* Hæc ex occasione editi ab Henrico II. lati a nobis observata sunt. Jam ad propositum oratio revertatur.*

Henricus IV, qui Borbonicæ stirpi rem Gallicam impræsentiarum gloriose adeo administranti nomen fecit, quum disputationi a Perronio habendæ cum Philippo Mornæo Plessio præcipui inter Calvinistas nominis, in qua quidem doctissimus Perronius cum-

eundem Mornæum in lib. gallico idiomate de Missæ abusus in-
 scripto interpolationum, falsarumque citationum ad 60. convi-
 cit, adesse decrevisset, palam imprimis protestatus est nolle se,
 ut ea in collatione de fidei articulis ageretur, quandoquidem il-
 lorum iudicium dubio omni procul ad Apostolicam Sedem perti-
 nere non ignoraret; sed in id unum diligenter inquiri, num revera,
 ut objecerat Perronius, pernegabat vero Mornæus, veterum Pa-
 trum sententias idem Mornæus præfato in libro depravasset. Id
 constat ex relatione ejusdem collationis ab eodem Perronio de-
 scripta apud Berninum tom. 4. hist. hæres. sæcul. XVI. cap. 13. Lu-
 dovicus XIII. officii loco duxit Clementis VIII. sacris obedire jus-
 sionibus: nam legem, quam Henrico IV. Patri, antequam ab-
 solutionis beneficio donaretur, præscripserat Pontifex, videlicet,
 ut rem catholicam, eliminata Calviniana hæresi, in Bearnia redin-
 tegraret, adimplendi gratia, tum edito lato a Provincia Bearnensi
 hæretica labe pollutos quamprimum secedere jussit, tum detrectan-
 tes anno 1620. ducto exercitu ad parendum, Romanæque Eccle-
 siæ fidem amplexandam compulit. Cujus vestigiis inhærens Lu-
 dovicus XIV, cum Calvinistas ad unum omnes expelli e Regno
 anno 1685. jussit: qua de re præclare gesta gratulatoriis litte-
 ris eidem Regi inscriptis die 15. Novembris ejusdem anni V. In-
 nocentius XI. inter alia in hæc effatus est: *Recensebit suis in fa-*
stis Catholica Ecclesia tam grande tuæ erga ipsam devotionis opus,
nomenque tuum non interituris præconiis prosequetur. Et in allo-
 cutione ad Cardinalium Collegium eadem de re anno 1686. die
 18. Maji sic ait præfatus Pontifex: *Qua sane in re (laudato edi-*
cto hæreticos coercendi) quum Christianissimi Regis zelus, & pie-
tas mirifice eluceant, ipsius immortalis merito nostræ, & omnium
laudes debentur, quas quidem uberes omnis posteritas illi reddet,
dum hujus tam præclari facti memoriam recolet.

Enituit ejusdem Regis cum fidei curandæ eximium studium,
 tum de Pontificis potestate optima sententia occasione turbarum,
 quas in Gallia excitaverat liber D. Francisci de Salignac Fenelon
 Archiepiscopi, & Ducis Cameracensis, cui is titulus: *Explic-*
ation des Maximes des Saints, quo de libro hæc inter alia verba la-
 tine reddita die 23. Decembris anno 1698. ad Innocentium XII.

Paris L

B b b b

Pon-

Pontificem Maximum scripsit Rex: *Non absque animi mœore intellexi Apostolicæ Sedis eo de libro iudicium Ecclesiæ paci tam necessarium, adhuc illorum artificio dilatum iri, quorum, ut illud differatur, summo opere interest. Cunctationis huiusce aperta adeo, atque periculi plena conspectaria conspicio, ut digne Ecclesiæ primogeniti filii nomine me donari non putem, ni apud Sanctitatem vestram enixas in preces iterato me effundam, atque regem etiam, atque etiam, ut tandem conscientiarum turbas hocce a libro commotas sua auctoritate compeſcat, quæ quidem pax alia ratione conciliari non potest, quam suprema omnium Patris definitione, quæ tamen clara, aperta que adeo sit, ut ambigendi reliquos non sit locus, dubiumque omne circa doctrinam libri prorsus amoveat, stirpitique hoc malum evellat.* Regis autem optimi petitionibus fecit satis Pontifex, datoque anno 1699. die 12. Martii decreto 23. propositiones illo ex libro decerptas proscripsit. De Ludovici XIV. erga Pontificem obsequio iterum infra, cuius quidem ob egregia pro Religionis bono facinora, laudes eximie, eleganterque celebravit anno 1683. Bernardus de Monnoje de litteris vir optime meritus: quin & Lafiteus lib. 2. hist. Const. *Unigenitus* ejusdem Regis eximium pro fide catholica, obedientiaque Pontifici custodienda studium in aprico posuit, omnique prorsus ab invidia liberavit.

Non minori, quam Majorum suorum religionis studio, atque in Apostolicam Sedem reverentia fertur, fervetque, qui feliciter regnat Ludovicus XV, cuius quidem præclarum specimen præbuit anno 1723; quo quum prodiisset in lucem opus posthumum gallice inscriptum: *Neuvieme discours de M. l'Abbe Fleuri sur les libertes de l'Eglise Gallicaine*, ubi Auctor pag. 24. hæreticam ait sententiam, quæ asserit Romanum Pontificem humanam dumtaxat institutione, ac pura, puta que Ecclesiastica politia Primatum obtinere, quumque censura isthæc ceteroquin æquissima cuidam Anonymo, qui præfatum opus publici juris fecit, notis omnino hæreticis deformatum, displicuisset, hominis audaciam non tulit pro sua piete, & in Romanum Pontificem religionis studio Rex Christianissimus. Itaque decreto suprema Consistorii die 9. Septembris 1723. opus nefastis cum notis suppressit, jus-

iussitque in auctorem, editoremque diligenter inquiri. Ejusdem Regis zelus, quo Ecclesiasticam jurisdictionem a Laicis impetitam sartam, ac testam jubet, quoque Apostolicæ Sedis judicia de Janfenii, Quesnellique erroribus integra vult, tam Orbi universo palam factus est, quam de eo serinonem facere opus sit. Cujus quidem illud non prætereundum, quod edicto anno 1728. die 3. Julii præclarum specimen præbuit: quum enim libellus gallice inscriptus: *Consultation des Mmrs les Avocats* (numero 30.) du *Parlement de Paris au sujet du jugement rendu a Embrun contre Monsieur l'Eveque de Senez*, in lucem anno 1726. editus fuisset, atque a Benedicto XIII. die 9. Junii ejusdem anni diris cunctis devotus, optimus Rex, ut turbis confuleret, quas uestarium opus excitarat, eundem Episcoporum examini delatum, quum erroribus refertum Pontificiæ præsertim auctoritati adversis intellexisset, ex secretioris Consistorii sententia lato edicto præfatum libellum, tanquam eum, quo præcipue Romani Pontificis, qui quidem in Ecclesia, non etiam Ecclesiæ visibile Caput adstruebatur, privilegia lædebantur, prohibuit, gravibusque propositis poenis, quominus detineretur, aut divulgaretur, præcepit. Eadem de causa libello illi nigerrimas appinxere notas Cardinales, Archiepiscopi, & Episcopi num. 31. in litteris ad Regem die 4. Maji anno 1728. nuncupatis; atque privatis in instructionibus pastoralibus Episcopi præ aliis Snessionensis, Massiliensis, Carcassonensis, & Cameracensis. Ad illius denique laudum cumulum accedit, quod Benedictus XIV. P. M. in encyclica anno 1756. ad Galliarum Antistites ab *Hereditario*, uti loquitur, *ipsius in Apostolicam Sedem obsequio* eundem celebrandi exordium capiens, studiumque egregium, quo de Religionis rebus ad Apostolicam Sedem referendis, ab eaque sententiam expectendi sollicitum se se exhibebat, commendans, præconium quam breve, tam illustre his attexit verbis: *Testari possumus, atque debemus Nos semper illius Regii animi sensus eos plane deprehendisse, qui maxime decebant orthodoxum Principem, & vera in Deum religione, & sincera erga Romanam Sedem pietate præditum*. Atque hæc quidem de Francorum Regum veteri, novaque de Romano Pontifice persuasionem attigisse sufficiat: de quorum meritis erga Ec-

564 PRIVILEGIA ROM. PONTIFICI
 clesiam, atque cum Pontificibus Summis necessitudine recte quidem, sed non æque recta intentione Puteanus tom. 1. de probat. libert. Eccl. Gallic. tria capita instruxit. Jam ad Ecclesiæ Gallicanæ Patres, & Doctores oratio decurrat, quæque illis hæserit intime pervestigata in lucem producat.

Ex SS. Patribus, & Doctoribus Ecclesiæ Gallicanæ.

ARTICULUS XI.

§. I.

Propositum non est, nec pretium operæ eorum quotquot, qui cum sapientia singulari, tum sanctitate illustri Ecclesiam Gallicanam exornarunt, aut seriem perlustrare, sententiasque proferre, nec enim facere possem, etsi vellem, ac si facerem, rem me facturum lectori frugi gratam autumarem: aut eorum testimonia retexere, quorum pleraque, eaque præstantiora jam attingi, quum agerem de Latinæ Ecclesiæ Traditione, ne viderer videlicet traditionis ejusmodi ordinem abrumpere, atque diminutum admodum tradere; aut ab ejusmodi ordine Ecclesiam Gallicanam excipere, tantam nempe, tamque præclaram Latinæ partem ablegarem. Quamquam & dicto veniam deprecor, siquidem ea, quæ eo loci obiter insinuavi, uberius heic ceu suo recolo loco, dum recolenda interea dimitto, quæ ibidem copiosiori jam sunt oratione dimensa. Atque quidem S. Irenæus Episcopus Lugdunensis, Gallicanæque Ecclesiæ inter Patres facile Princeps omnium primus offert se se, quamque a S. Polycarpo Magistro auditam a Christi discipulis accepit ipse, acceptamque, uti perhibet in epistola ad Florinum, non in charta, sed in corde describere curabat diligenter, atque Gallicanæ Ecclesiæ puram, illibatamque propinavit, doctrinam agedum in aciem producat. Principio S. Irenæus Romam profectio aliquando ad S. Eleutherum Pontificem M. adornata, proprioque, ac SS. Martyrum Lugdunensium nomine, ac legatione defungens litteras, quibus ad Pontificium tribunal pseudo-Prophetias Cataphrygum denuntiabant, præ-

præterea commotæ in Ecclesia Lugdunensis persecutionis, nec non Confessorum, qui passionibus suis christianam confirmassent fidem, commonefaciebant, detulisse, dum adhuc Presbyter esset, legitur apud Eusebium lib. 5. hist. Eccles. cap. 3. Postquam vero S. Phorino in Ecclesia Lugdunensi Episcopi officio successisset, apud S. Victorem Papam per epistolam sequester, supplexque accessit, obtestans etiam, atque etiam, ut cum Asianis a Romanæ Ecclesiæ ritu Paschatis peragendi abscedentibus mitius ageret, sententiamque suspenderet tot, tantasque Asiæ Ecclesias abscondendi, uti auctor Eusebius est lib. 5. cap. 24. Cur vero ii ad Romanum Pontificem appulissent sive pro actorum suorum ratione reddenda, sive pro rebus ad religionem attinentibus capiendo consilio; tum is id itineris adornasset, id muneris adimpleret, ac pro Ecclesiarum pace obnixè obsecrasset, nisi a SS. Eleuthero, & Victore sacrorum in Ecclesia summum Principatum gestum, eisdemque propterea a cunctis gerendum fuisse morem existimassent? Existimasse ita vero eos unde tibi videntur, nisi ex certa, constantique Christi D. testimoniis innixa ab Apostolis traditione accepta, quæ usu in Ecclesia universa jam venisset?

Celebris est, necdum celebratus satis S. Irenæi locus ex libro 3. adversus hæreses cap. 3, ubi paucis quidem, perspicuis adeo tamen has, quibus de agimus, Pontificis Romani prærogativas exprimit, & perstringit, ut eas in confesso omnino colloquet. Enim vero propositum suum de profligandis hæreticis, quod ibidem inierat S. Irenæus, quo tandem putas efficaciori perfecit modo, quam illos provocando ad Romanam Ecclesiam, de qua profecto ratione præcipua Pontificis habita hæc præ aliis in medium protulit, de parta victoria quin jam securus, antequam proferret? *Maximæ, & antiquissimæ, & omnibus cognitæ a gloriosissimis duobus Apostolis Petro, & Paulo Romæ fundatæ, & constitutæ Ecclesiæ, eam quam habet ab Apostolis traditionem, & annuntiatam hominibus fidem, per successionem Episcoporum pervenientes usque ad nos indicantes, confundimus omnes eos, qui quoquo modo, vel per sibi placentia, vel per vanam gloriam, vel per cecitatem, & malam sententiam, (tria germina, ex quibus exurgunt hæreses,) præ-*
ter-

terquam oportet, colligunt. Ad hanc enim Ecclesiam propter potentiores (legi potiores malunt plerique, sed nihil interest, nam voci utrique eadem vis inest) principalitatem necesse est convenire omnem Ecclesiam, hoc est eos, qui sunt undique fideles, in qua semper ab his, qui sunt undique, conservata est ea, quæ est ab Apostolis, Traditio. Exinde Romanorum Pontificum ad suam ætalem recensita serie, ac successione repetit, ac reponit: Hæc ordinatione, & successione, ea, quæ est ab Apostolis in Ecclesia traditio, & veritatis præconatio pervenit usque ad nos, & est plenissima hæc ostensio unam, & eandem vivificatricem fidem esse, quæ in Ecclesia ab Apostolis usque nunc sit conservata, & tradita in veritate. Itaque S. Irenæi sententia Ecclesiam Romanam instituit S. Petrus: S. Petro in locum Romani Pontifices succedunt: in hac successione tanquam in fonte pura, ac perpetua conservatur traditio; quæ in ceteras dein promanat Ecclesias: Ecclesiis itaque cunctis incumbit Romanæ Ecclesiæ se instruendas exhibere; atque ita ab ea instructas in accepta fide ab Apostolis integras, tutasque ab erroribus manere, & permanere. Quæ plane sententia eadem efferuntur, quum Pontificem affirmamus potissima in Ecclesia pollere auctoritate, proculque abesse ab eo periculum, ut falli possit, aut fallere.

Mirum propterea quam grave negotium facessat adversæ opinionis patronis apertissimum istud S. Irenæi testimonium: mirumque magis, quod leve adeo reputent alii, ut illo se premi ulla tenus negent. Ut nihil dicam nunc de Blondello, Glassio, Clerico; aliisque Heterodoxis alibi explosis, Launojus locum hunc dissimulare, ac silentio præterire fatius habuit. Dupinus, & Natalis eo loci Pontificis Primatum quidem confirmari, amplius autem nihil autumant. Non ita tamen illum textum interpretati sunt Gallorum Doctores alii, & doctissimi Antistites, ex eo testimonio docentes Ecclesiis omnibus cum Romana Ecclesia, idest cum Pontifice Maximo in doctrina fidei conveniendi omnimodam necessitatem incumbere. Ita Petrus de Marca lib. 1. concord. cap. 2; Stephanus Baluzius in adnot. 63. ad epist. 55. S. Cypriani; Fevardentius, & De la Bare in not. ad præfatum locum S. Irenæi; atque in locum Tertulliani de præscrip. cap. 38; Bosuetius ipse
imo

imo in ferm. habito ad Conventum Cleri Gallic. anno 1682, atque in instruct. 2. Pastor. super promiss. Eccles. Pontificis infallibilitatem eo loci prædicari nec inficiatus. Ita edepol intellexere Gallicani Præsules, quotquot docuere, professique sunt, quod Romanæ Ecclesiæ fidei adhærere perinde sit, atque veram Ecclesiæ fidem profiteri, inque Pontificis doctrina ullo absque periculo erroris quiescendum fore: uti Cardinales amplissimi de Bissy, & de Tencin; & doctrina conspicui Illustriss. Episcopi Fenelonius; Languetius; de Vintimille; de S. Albin; de Colongue; de Belunce; de Argentre; de Revel; alique, de quibus paullo post: Cardinalis imo Noallius cum aliis 9. Episcopis in epist. ad Clementem XI. anno 1714. exarata: Glerus Gallicanus denique in litteris ad Regem nuncupatis e Comitibus anno 1728, & 1730. *Cathedræ S. Petri adhæsto*, inquit, *Catholicam Ecclesiam ab omnibus Sectis fecernit*. Atque quidem accipiendum ita locum S. Irenæi ratio ipsa evidenter suadet: in id enim totus incumbbat S. Irenæus, ut ex jugi, interruptaque nunquam Apostolicæ Sedis Antistitum successione veram Christi Ecclesiam ostenderet, ab eaque extorres hæreticorum ad unam omnes sectas erroris manifestissimi revinceret: exinde nempe quod apud Sedem Apostolicam integra perseveraret tradita ab Apostolorum Principe fidei doctrina, ideoque Ecclesiis ceteris necessitas incumberet cum eadem conveniendi: quod eodem recidit, ac si dicatur, ex Pontificis infallibilitate infallibiles evadere Ecclesias: Ecclesiasque cunctas Pontificis juri subjacere, dictoque obedientes esse debere. Alioquin enim Adversariorum invita interpretatio, quam adhibere solent, hunc plane ineptum sensum redderet: necesse est ceteras Ecclesias cum Romana in fide convenire, quia ceteræ cum eadem Ecclesia in fide conveniunt: sive quando ceteræ Ecclesiæ cum Romana in fide conveniunt, tum necesse est ceteras cum eadem in fide convenire: quod quam nugax sit, ineptumque, nemo, opinor, non videt. Jam ad alios Gallicanæ Ecclesiæ Patres excurrat sermo.

S. Hilarius Pictaviensis Antistes, illeque Arianæ hæreseos invictissimus debellator, acerrimusque Nicenæ fidei assertor, & vindex tum in cap. 16. S. Matth., tum in Psal. 131, tum lib. 6. de

de Trinit., verba illa *Super hanc Petram, & Tibi dabo Claves &c.* de persona S. Petri ita est interpretatus, ut ad Pontificem Romanum pariter transferri commode, omninoque oporteat: ita perinde de privilegiis divinitus S. Petro collatis accepit; ut eadem ad Romanum Pontificem ex asse successorem pertransiisse, ac pertinere agnoverit. Ei etenim *Claves Regni Cælorum* datas dicit, ut quæ in terris aut ligata sint, aut soluta, statuti ejusdem conditionem obtineant & in Cælo: super eum, ceu super *Petram*, ac *felix fundamentum* Ecclesiam ædificatam, adversus quam proinde *Porta inferi* nihil prævalerent: eum iterum esse *Petram, & Ecclesie fundamentum*, ædificationi *Ecclesie* subjacent: *Cælestis Regni Janitorem, & in terreno judicio Judicem Cæli &c.* Quibus præsumebat, ut mihi quidem videtur, ejusdem in Ecclesia parem non esse potestatem, majorem vero multo minus: ejusdemque fidem periculum erroris passuram fore nunquam. Quæ autem ei appingitur a nonnullis pessima de Liberii fide persuasio, suo excutietur loco, atque ab omni, opinor, prorsus invidia abstergetur. Huic S. Hilarii interpretandi rationi hærens, atque ex his locis eandem sententiam insinuans S. Eucherius Lugdunensis Episcopus, sive is quispiam alter sit Gallicanus Antistites, in serm. de Nat. Apostol. Petri, & Pauli Eusebio Emiseno adscripto etiam, locum ex Johannis 21, 15. interpretatus: *Prius Agnos*, inquit, *deinde Oves commisit ei*: (Petro videlicet Christus D.) *quia non solum Pastorem, sed Pastorum Pastorem eum constituit. Pascit igitur Petrus Agnos, pascit, & Oves: pascit filios, pascit & matres. Regit & subditos, & Prælatos: omnium igitur Pastor est, quia præter Agnos, & Oves in Ecclesia nihil est.* Ignorabatur tum, ignoscas, a priscis illis Patribus celebrata dein plurimum distinctio de Episcopis seorsum, ac singillatim acceptis, deque Episcopis collectim, ac in Concilio coadunatis: ideo indiscriminatim enuntiabat S. Eucherius *in Ecclesia nihil esse præter subditos, & Prælatos*, omnibus vero omnino præesse Pontificem, potestateque in Ecclesia esse potiorum.

Ecclesiarum suarum, sive eorum, qui loco præceserant, Episcoporum traditioni acceptam ego refero, sollicitudinem, qua maximopere affecti Garetius, Salonius, & Veranius ex Pro-

vin-

vincia Alpium Maritimarum Gallicani Antistites, quum S. Leonis M. epistolæ ad Flavianum exemplar sibi descripserunt, eundem ad Pontificem anno 449. dirigendum, ut si quid ab autographo discordaret, ab ipsomet emendaretur, consultius duxerunt: qua occasione, quæ de Apostolica Sede optima sibi, intimeque persuasa opinio inhæreret, perbellis hisce expresserunt verbis: *Domine Sancte Pater Apostolica Sede dignissime Papa, magna tui gratulatione succrescimus, quod illa specialis doctrinæ vestre pagina ita per omnium Ecclesiarum conventicula celebratur, ut vere consona omnium sententia declaretur, merito illic Principatum Sedis Apostolica constitutum, unde adhuc Apostolici spiritus oracula reserantur . . . Deprecamur, ut opus & præsentibus, & futuris temporibus profuturum, quod nos asservandi studio foliis mandare curavimus, Sanctitas Vestra percurrere, & si quid Librarii errore defuerit, emendare dignetur. Qui etenim a Pontifice ceu a Principe Ecclesiæ profecta dogmata ita excipiunt, tanquam quæ fuissent Apostolico spiritu profusa; hoc ipso perinde nomine haberi ab se perhibent, celebrataque etiam imo in Ecclesia evasisse; seque adeo propterea sollicitos præbent de eorundem sincero exemplari adipiscendo, ad quod deinceps futuris quoque temporibus fidem suam confidentissime exigere possent, & conferre probe, putasne, deprecor, Pontificem aut Concilio auctoritate, dignitateque posteriorem habuisse, aut eo demum fidei loco, de quo posset decidere? Quominus præpostera hæc ipsis afficeretur opinio, procul dubio prohibent iidemmet Præsules, qui eodem anno cum 44. aliis convenientes in Gallia Narbonensi S. Leoni gratulati de epist. ad Flavianum ad se missa epistolam inscribere synodicam, qua inter alia hæc habent, quibus sensum suum faciunt planissimum. *Multi in ea gaudentes pariter, & exultantes recognoverunt fidei suæ sensum, & ita se semper ex paterna traditione tenuisse, ut vester Apostolatus exposuit, jure lætantur . . . gratulantes, quod tantæ sanctitatis, tantæque doctrinæ Apostolicæ Sedi, unde Religionis nostræ propitio Christo fons, & origo manavit, Antistitem dederit. Recolenda, quæ tradidimus, ubi de Concilio Gallicanæ Ecclesiæ.**

Ad eundem S. Leonem M. anno 450. scribentes Provinciæ

Part I.

C c c c

Are-

Arelatenſis Epifcopi, inque eiſdem ſtare ſe veſtigiis, ſummo ideſt, ut oportebat, Sedem Apoſtolicam ſe habere loco, & proſequi honore proſtitentes, hæc præclare loquuntur: *Memo- res quantum bonoris, & reverentiæ Beatiffimæ Sedis Apoſtolice, cui vos Dominus Noſter Jeſus Chriſtus pro meritis ſanctitatis voluit præſidere, ſemper debitum fuerit, ſemperque debeatur, Ordinationem, qua Coepiſcopus noſter Ravennius in Civitate Arelate poſt tranſitum beatæ recordationis Hilarii Epifcopi . . . ad ſummum Pontificium . . . proventus eſt, miſſis continuo litteris Apoſtolatui veſtro indicare curavimus. Et infra. Sicut per Beatiffimum Petrum Apoſtolorum Principem Sacroſancta Eccleſia Romana tenet ſupra omnes totius Mundi Eccleſias Principatum, ita etiam intra Gallias Arelatenſis Eccleſia, quæ S. Trophimum ab Apoſtoliſ miſſum Sacerdotem habere meruit, ordinandi Pontificium vendicat. Extat apud Baronium tom. 7. ad cit. annum. Viden a Gallis Epifcopis eam in Pontifice agnitam auctoritatem, qua nulla ſit eminentior, quaque Epifcoporum ordinationes firmari oporteat? Antiquitus etiam Archiepiſcopi Galliarum ſub ævum Caroli Calvi profeſſionem Romano Pontifici, antequam ordinarentur, in hæc verba nuncupare debebant, ut adparet ex veteri formula, quam edidit Sirmondus in append. tom. 2. Concil. Galliæ. *Beato vero Petro, & Vicario ejus debitam ſubjectionem, & obedientiam: ſuffraganeis vero noſtris adiutorium me exhibiturum profiteor. De S. Proſpero Aquitano, Gennadio Maſſilienſi, & S. Avito Viennienſi artic. 8. dictum eſt. Recolendam indico Leontii Arelatenſis Epifcopi epistolam ad S. Hilarem Papam apud Labbeum tom. 4. edit. Pariſ. anni 1671. Legito etiam libellum S. Symmacho P. M. oblatum ab Ægidio Abbate, & Meſſiano Notario de privileg. Eccleſiæ Arelat. apud Labbeum loc. cit., quo *Quantum*, inquirunt, in omnibus Eccleſiarum Pontificibus, quæ in toto Orbe diſſuſa ſunt, Apoſtolica Sedes ſibi vindicet Principatum, & Synodalibus decretis firmior ejus præcellat auctoritas &c. Ex quibus facile percipis hanc Primatus Pontificii eſſe prærogativam, ut Synodis præſtet; alteramque eidem connexam, ut Pontificia ut pote irreformabilis Synodicis ſententiis prævaleat.**

Præ his attamen præſtat audire, qui tum pondere aucto-

cto-

auctoritatem gerit longe majorem , tum pretio testimonium facit longe gravius , quamque Gallicanæ Ecclesiæ perspectam , approbe habebat , traditionem ampliorem reddit , & apertiorum , S. Cæsarium Arelatensem Episcopum aſſo , qui in libello supplici S. Symmacho Pontifici M. inscripto sic de ipsius summa auctoritate effatur . *Sicut a persona B. Petri Apostoli Episcopatus sumit initium , ita necesse est , ut disciplinis competentibus Sanctitas vestra singulis Ecclesiis quid observare debeant , evidenter ostendat .* Quibus liquido significat legibus universam Ecclesiam obstringere suis in Pontificis auctoritate esse positum , ideoque super Ecclesiam omnem Pontificem , esse potem . Qui enim dixisset a S. Petro derivari in Episcopos potestatem , nisi super Episcopos omnes collectam etiam ille posset ; debereque Pontificem Ecclesiis prospicere , nisi Ecclesia universa deberet ab eo pendere ? Quid autem causæ fuit , ut adparet ex Bonifacii II. epistola ad ipsum , ut acta in Concilio Arausicano II. probari a Pontifice posceret , nisi intellexisset probe fore , ut posthac certum in fidei dogma evaderent , fixamque in Ecclesia obtinerent auctoritatem ? Quam pio quoque studio prosequerentur , quantique penderent Apostolicæ Sedis sive vota , sive iussiones , sive monita Virgilius Arelat. ; Pelagius Turon. ; Desiderius Vienn. ; Etherius Lugdun. ; Syagrius Augustod. , & Sere-nius Massil. , conjectura facile , aut ego fallor , assequi potest ex S. Gregorio M. lib. 5. epist. 53 , alias lib. 4. epist. 50 ; lib. 6. epist. 51 , alias lib. 5. epist. 57 , & 58 ; lib. 9. epist. 106 , alias lib. 7. epist. 111 ; epist. 107 , alias 112 ; & lib. 11. epist. 13 , alias lib. 9. epist. 9. Quibus profecto in obsequio , & observantia erga Romanos Pontifices , ob id , quod his obaudire , obedireque studerent quam maxime , nequaquam impares fuisse S. Amandum Trajectensem , qui ut sibi liceret ob Cleri sui in libidines effusam licentiam se loco abdicare , per litteras suppliciter ad S. Martinum I. accessit ; S. Heimerammum genere Pictaviensem , dignitate Episcopum in Aquitania , sed incerti loci , (quem perperam quidam Ratissponensem Episcopum agunt , siquidem tum adhuc temporis in Bajoaria tres dumtaxat erant Sedes Episcopales Salisburghensis , Laureacensis , & Pataviensis , primus autem , qui Epis-

copi nomine Ratisponensem rexit Ecclesiam sub sæculo VIII, audit S. Claribaldus, qui ad nefandum sibi impactum scelus amolientum ad Johannem VI. appellationem interposuit; Fulradum item Sandionysianum Abbatem; nec non Tilpinum Remensem, & Bertherium Vienn. Archiepiscopum fit exploratum ex litteris S. Martini apud Harduinum tom. 3. pag. 945; ex actis S. Heimerammi a Cyrino Episcopo Ratispon. descriptis apud Surium die 22. Septemb. tom. 5; ex epistola Stephani II. ad Pippinum, quæ in Codice Carolino n. 8. extat; atque ex litteris Hadriani I. ad Bertherium, & Tilpinum apud Petrum De la Lande in supplem. Concil. Gall., & Harduinum tom. 3. pag. 2026, & seq.

In celebri, quam Romæ anno 799. Carolus M. adversus eos, qui S. Leonem III. Pontificem optimum afflixerant, institui jussit, quæstione, ii non fuerunt dumtaxat Itali, qui pro ingenito erga Apostolicam Sedem studio Pontificem ab invidia, qua apud imperitos quosdam, ac præter modum credulos laborabat, liberarint, fuere quinimo quotquot cum Francorum Imperatore e Gallicana Ecclesia insigniores Antistites interfuerunt, a quibus una voce, votoque cum Italis communicato est conclamatum, ut auctor est Anastasius: *Nos Sedem Apostolicam, quæ est Caput omnium Dei Ecclesiarum, judicare non audemus. Nam ab ipsa nos omnes, & Vicario suo judicamur; ipsa autem a nemine judicatur, quemadmodum & antiquitus mos fuit: sed sicut ipse Summus Pontifex censuerit, canonice obediemus.* Scilicet eis in sententia anteiverant nedum Itali in Synodo Palmari sub S. Symmacho, sed Galli Episcopi utique in epistola communi ipsorum nomine a S. Avito Viennensi ad Senatores Urbis exarata, de qua alibi est dictum. Postivere pariter, qui ex Synodis sive Aquisgranensi in causa Lotharii; sive Silvanectensi in causa Rothadi; sive Suesionensi III. in causa Wlfadi; sive Trecenti in causa Ebbonis litteras S. Nicolao I. inscripserunt. Etiam sacratæ eidem sententiæ instituisse S. Aldricum Cenomanensem Antistitem conjicere est certe cum ex epistola a Gregorio IV. ad Episcopos Germaniæ, & Galliar. &c., quam quidem Cointius ad annum 839. subdititiam antumat, sed quia probabilibus conjecturis dubitationem suam non suffulcit, genuinam proinde habent
pro-

procul dubio Baronius, Sirmondus, Pagius, Harduinus, alique periti criticiztum ex altera epistola ejusdem Gregorii IV. ad ipsum exarata apud Baluzium tom. 3. Miscellan.: instituisse item Rothadum Sueffionensem sit manifestum ex instrumento appellationis, quo ab Hincmari Synodo ad S. Nicolaum I. anno 868. provocans, sic præfatus est: *Ad illam summam auctoritatem sine intermissione appello, cui nullus potest contradicere, quæ a Domino Jesu Christo per B. Petrum Apostolum tantum meruit Principatum, cui scilicet omnes Synodi subjaceant, ipse vero nullius judicio, subjectus sit.* Confer vero S. Nicolai I. ad Galliar. Episcopos epistolam hac in Rothadi causa nuncupatam, qua ejusmodi Apostolicæ Sedis prærogativas in aprico ponit. De Alcuino, Hilduino, Aimoino, Autperto, Auctore annal. Metensium, Jona Aurelianensi, Paschasio Corbejensi, Ratramno, & Hincmaro Remensi dictum est alibi.

Aeneas Parisiensis Episcopus utramque Romani Pontificis Primatui adnexam, qua de agimus, prærogativam adeo egregie ab invidia Græcorum defendit, adeoque loco suo, atque in bono lumine collocavit, ut postquam illum de suprema Pontificis auctoritate differentem audivisse art. 7. §. 2. non pœnituit, paucis nunc de ipsius infallibilitate agentem excipere non pigeat. Itaque in præfat. libri adversus Græcos apud Dacherium in spicileg., & Labbeum in collect. Concil., præclaris hisce, atque absolutissimis Pontificem in fide falli, & fallere prorsus nescium adstruit, & prædicat. Postquam enim dixisset plerosque hæretica pravitate infectos homines in Constantinopolitana Ecclesia consedisæ, *Non vero, subtextit, in Romana Sede, Deo rectore, tale unquam contigit dedecus, ut aliquis hæresiarches eidem præfideret; quam Summus Apostolorum Princeps sua sessione illustravit, cui suas regendas Oves Dei Filius speciali cura commisit. Nec mirum, quia ipsi dictum fuerat: Tu es Petrus &c. Ergo cui propria auctoritate Regnum dabat, hujus fidem firmare non poterat? Quem quum Petram dicit, fundamentum Ecclesiæ indicavit. Quæ ipsissima verba ex S. Ambrosio mutuatus sua fecit peculiaris, & propria.* Ad hæc dum plerique Galliarum Antistites privatis studiis in diversa distraherentur, Rotlandus Arelatenus in vestigia

ingressus Decepsorum suorum, quibus nihil accidebat antiquius, quam Apostolicæ Sedi individue inhærere, horum sibi proposito exemplo, ad S. Nicolaum I. Pontificem M. inscriptis litteris professus est, & pollicitus ab Apostolica Sede decretis, quoad viveret, decepsurum se nunquam, vel latum unguem; dignumque se præbuit propterea, quem Pontifex tum laudibus pro devotione cumularet, tum in proposito pro voto confirmaret. Igitur inter alia, quæ huc conferunt, hæc ad eundem rescripsit Pontifex in epistola, quam ex Codice Antonii Augustini acceptam describit Baronius ad annum 864. n. 28: postquam enim probasset ejus erga Apostolicam Sedem observantiam, obsequiumque, futurum ipsi pollicetur, ut a quocumque discrimine fidei declinet: *Si in Apostolica Sedis petra more Majorum præsidium tuum locaveris; ejusque fidei doctrinis, vel decretis arctius inherere contenderis; quam ille sua sacravit sessione, quem Dominus ejus Christus Ecclesiis suis voluit primum, & speciale retinere fastigium. Quæ quidem verba Rotlando hæsisse deinceps non modo, sed pervasisse in animum perinde Hincmari perspicuum fit ex epistola apud Flodoardum, lib. 3. cap. 13, qua S. Nicolaum certiore fecit de statu Ecclesiæ Cenomanensis, ac de causis Balduini, & Rothadi, ubi inter alia ita ait: *Scimus nostras Ecclesias subditas esse Romanæ Ecclesiæ; & nos Episcopos in Primatu B. Petri subiectos esse Romano Pontifici; & ob id salva fide, quæ in illa Ecclesia semper viguit, & Domino cooperante florebit, nobis est vestra Apostolica auctoritati obediendum.* Dictum de Hincmaro id obiter fit; siquidem abunde de eo actum sit alibi, de quo conferri adhuc potest libellus ab ipso oblatus Concilio Duziacensi anno 871. cap. 26; pertransiisse ad Heriveum pariter Remensem fit planum ex ipsius epistola ad Johannem IX, de qua sermo factus alio in loco est.*

Nec vero cuiquam moras injicere debent sive Gerbertus Remensis, sive Erchembaldus Turonensis: ille quidem, quatenus in Apostolicam Sedem insurgere solum, stareque adversus haud satis habens, alios quamplures Antistites ad rebellionem sollicitavit, ut epistolis ad Segunum Senonensem, & ad Constantinum Miciasensem, suadendo judicium Synodi a Papa rescindi non posse: nec Papæ accommodandas faciles, pronasque aures: iste vero,

qua-

quatenus Pontifici interdicti posthabita ratione , præsentia sua, Roberti Francorum Regis cum Berta incestum conjugium cohonestare non erubuit . Nam quod ad Gerbertum attinet , præterquamquod non ex prava sententia , sed ex impendio proprio , nempe ne locum , quem invaserat , Arnulpho expulso , amitteret , præposteram eam agendi rationem tenuit , nec dicto obaudientes Episcopos habuit , & ipse postea Pontificatum adeptus eandem devovit : ut perperam propterea avide istiusmodi arripuerint Centuriatores ad insultandum Apostolicæ Sedi , eidemque creandam invidiam . Quod autem Erchembaldum attingit , paulo post una cum facinoris sociis aliis Præsulibus justas pœnas dedit in Synodo Romana anno 998. a Gregorio V. communione suspensus : quem tamen postea facti pœnitentem Romam venisse , atque a Pontifice venia petita accepisse pœnitentiam auctor est locuples S. Leo IX. in fragm. epist. ad Henricum Regem Franc. Roberti filium . Neque magis quempiam movere debet eorum Episcoporum inobedientia , & obstinatio , qui ob Simoniacam ordinationem gradu deturbari ab Apostolica Sede agre ferentes , aut superbas adversum erexerunt cervices , aut sententias adversus se latas minoris habuerunt , uti liquet ex epist. 21 , & 22. Alexandri II ; nec non ex epist. synodica Hugonis Dienſis Legati ad S. Gregorium VII. apud Harduinum tom. 6. par. 1. pag. 1572. Nam alioqui Pontifici M. vel gradu dejectos majori ex parte Episcopos parere , moremque gerere officio , religionique duxisse in confesso fit ex Gallicanis Conciliis habitis sub S. Leone IX , & Victore II ; nec non sub S. Petro Damiani Nicolai II , & Alexandri II. Legato ; subque Hugone Dienſi Legato S. Gregorii VII. Decreto demum , quo idem S. Gregorius VII. in gratiam Gebuini Lugdunensem Ecclesiam Primatus dignitate in ejus persona adauxerat , eidem subjugatis Provinciis Rotomagensi , Turonensi , & Senonensi , obfirmato animo obstitit Richerius Senonensis : sed hujus refractarii haberi ratio nulla debet ; siquidem ex adverso decreto illi obtemperare officii loco duxerunt Rodulphus Turonensis , & paullo post cum Rotomagensis Archiepiscopus , tum Daimbertus Senonensis Richerii successor , unaque sententia eorundem suffraganei : de quibus consulendi Petrus de Marca

in

in dissert. de Primatu Lugdun.; Baluzius in append. ad hoc opus; Carolus de Boissins hist. Eccles. Paris. lib. 11. cap. 5; & Natalis hist. Eccles. ad sæcul XI, & XII. synop. cap. 7. art. 7.

Eorum omnium, qui sub hac, ac sequiori ætate Gallicanam Ecclesiam qua doctrina, qua dignitate illustrarunt, intimam sententiam velle scrutari, ac perlustrare res profecto esset operæ plena, numerisque suis nunquam perficiendæ; unde satius erit superque perstricim, ac promiscue nonnullos attingere, ex quibus, qui ceteris inesset communis, approbe detur assequi sensus; atque dignosci, quam prope, & quam procul abs vero aberrent, qui alienum iis appingere non verentur. Atque quidem quam summisse, attenteque studeret Apostolicæ Sedi Leothericus Senonensis electus Antistes, eique acceptus evasisset, liquet ex litteris Silvestri II. ad ejus suffraganeos, quibus jubet, ut in superhabitis, quas Frotondus Comes locum illi invidens injiciebat, moris, minisque, electum ordinent in Episcopum, & loco suo collocent. In hoc ipso studii genere enituerunt Willelmus S. Benigni Divionensis, & Richardus S. Wintoni Virdunensis Abbates, qui quum intellexissent apud Johannem XIX. agere Græcos, entique, quatenus Constantinopolitanam Ecclesiam *Universalem* vocari Romana assentiretur, adque postulata concedenda paratum esse Pontificem, ad ipsum litteris inscriptis, quas refert Glaber Rodolphus lib. 4. hist. cap. 1, a consilio deterruerunt, adhortantes, admonentesque, siquidem sua interesset summopere, ne vel nominis, quod unius sui in Ecclesia universa Primatus erat proprium, Græcis particulam faceret, quin potius illorum fastum comprimeret, atque ad submitteandos Romanæ Ecclesiæ fasces compelleret: *Quoniam*, inquit Willelmus, *licet potestas Romani Imperii, quæ olim in Orbe terrarum Monarches viguit, nunc per diversa terrarum innumeris regatur sceptris,* (exinde enim, quod civilis Imperii fastigium Constantinopoli fuisset collocatum, Græcorum Patriarchæ ansam arripuerant pariter affectandi nomen universalis,) *ligandi, solvendi que in terra, & in Cælo potestas dono invisibili incumbit Magisterio Petri.* Ob eximium, quo erga Romanam Ecclesiam affectus erat, animi sensum S. Leonis IX. apprime acceptum evasisse Hallinardum Abbatem S. Dionysii

fi Divion., ac dein Lugdun. Archiepiscopum testis est liquidus Chronographus ejusdem Monasterii apud Dacherium tom. 1. Spicileg. Ab obedientia, devotione, obsequioque, quo Apostolicæ Sedi inhærebat, Gervasium Remensem Antistitem laudibus exornarunt in epistolis ad eundem exaratis, legendisque apud Harduinum tom. 6. par. 1. pag. 1051, & seqq. Stephanus IX, aliis X, & Nicolaus II, quibus devotionem omnem suam despondit, fidelemque se fore perpetuo pollicitus est, uti liquet eodem loci ex litteris ad ipsos inscriptis. Quanti pariter Romani Pontificis si- ve præcepta forent pendenda, si- ve facienda esset potestas, fecerunt planissimum, qua Ivo Carnotensis, ut qui in epist. 60. ad Hugonem Lugdun. Apostolicæ Sedis Legatum se paratissimum professus est ad dura, diraque quælibet perferenda, ne obedientia deesset decretis ab Apostolica Sede pro dogmatum defensione; & in epist. 67. ad Urbanum II. perhibuit se, pro servanda Pontifici fidelitate, obedientiaque ejusdem præceptis, injurias percepisse, & contumelias pertulisse, quin tamen unquam ab officio divelli se passus sit; de quo plura alibi: qua Goffridus Vindocinensis, siquidem Urbano II, Paschali II, Callisto II, & Honorio II adeo fuit addictus, ut ad eorum adjuvandas partes duodecies alpes, quæ Galliam ab Italia determinant, ultrocitroque transcenderit, ut Ecclesiæ Romanæ laboranti opera, & consilio prodesset, ac ter etiam propterea ab adversariis tetro carceri fuerit mancipatus. Leges ejus epist. 8. ad Paschalem II; & Callisti II. ad eundem vicissim epist. 9, & 10; de eo enim non plura subtexam, quum abunde dixerim alibi.

Antiquius nihil fuisse, animoque magis infixum Roberto Carnotensi Antistiti, quam sacramento Apostolicæ Sedi dedere se, fidemque devincire suam, demonstrat formula, cujus meminit S. Gregorius VII. lib. 4. epist. 14, exemplarque exhibet Harduinus tom. 6. par. 1. pag. 1563. Nec minoris fecisse, quæ a Pontifice proficiscerentur, si- ve monita, si- ve mandata Rodulphum Turonensem, Rolandum Dolensem, Lambertum Atrebatensem, Jozelinum Burdigalensem, Willelmum Rotomagensem, Hugonem Diensem, & homonymum Lugdunensem adparet ex S. Gregorio VII. lib. 2. epist. 20, & 32; lib. 6. epist. 24; & lib. 9.

Part I.

D d d

epist. 13.

epist. 1; ex Urbano II. epist. 10; & ex Concilio Claromontano anno 1095. sub eodem Urbano habito. Quid, obsecro, causæ fuit, cur Urbano II. litteris sive quæstiones deferret Pibo Tullensis, sive fidem desponderet Raynaldus Remensis, ut liquet ex epist. 17. Urbani, & altera post 36. in append., quam persuasio intima de Pontificis suprema potestate, indefectibilique de fide iudicio? Quid autem gratiæ Paschali II. acceptissimos effecit Hildebertum Cenomanensem, & S. Godefredum Ambianensem, præterquam cum insigni pietatis specimine conjuncta sollicitudo sive in asilicis rebus ad Pontificem confugiendi, sive de Ecclesiasticis causis apud eundem in iudicio experiundi? Quæ causa fuit, cur Romanam professionem uterque adornaret, de qua, adeundi scriptor de gestis Episcoporum. Cenoman. apud Mabillo-nium tom. 3. Analect.; & Surius tom. 6. ad diem 8. Novemb. Egregia sunt autem adeo, quibus S. Godefredus Pontificem allocutus est, quam quæ ullo prætermitti modo possint: *O Pastor orthodoxæ Matris Ecclesiæ! Ea causa Te Christus voluit suo loco illi præesse, ut lucem a tenebris, verum a falso discerneres. Ut enim a capite membra reguntur, ut ad illius nutum membrorum vitia corrigantur, sic etiam a Te Christianorum omnium non facta dumtaxat, sed etiam male voluntates comprimendæ sunt.* Itaque haud aberrabit conjectura, qui haud absimilem sententiam afflet longe pluribus Galliarum Præsulibus doctrinæ, pietatisque laude non inferioribus.

Argumento enim vero erunt magis, ac magis, qui Innocentii II. diro schismate divexati partes adjuvarunt pro virili, operaque sua Pontificem optima demeruerunt: cujusmodi inter alios celebres evaserunt Hugo Rotomagensis Archiepiscopus, de quo videndus Ordericus Vitalis lib. 13. pag. 900; Hugo Atrebatensis Archidiaconus, ad quem legenda Innocentii II. epist. 26.; & alter homonymus Pontiniacensis Abbas, ac dein Episcopus Autisiodorensis, qui tum suo, tum Carthusianorum nomine Innocentio obedientia, devotioneque indivulse se devinxit; de quo adeundus Annalista Mauriniacensis ad annum 1131. Quanta paritet opera partes Innocentii proveherent, aliosque, quos possent, in eisdem pertrahere pro sua in Pontificem observantia ad-

nixa

nixi sint Gaufridus Carnotensis, Vulgrinus Bituricensis, Wilhelmus Santonensis, Guillelmus Pictaviensis, Eustorgius Lemoicensis, & Willelmus Petragoricensis, tum ex Innocentii ad illos, tum ex mutuis ad invicem litteris, tum ex Gaufrido in chronico, tum ex Annalista Maurin. constantissimum sit, & confessum. Quibus adjungendi, qui speciatim Eugenio III. studio affectos se exhibuerunt Sugerius Abbas Sandionysianus, & Petrus Bituricensis Archiepiscopus, ut adparet ex Eugenii epistolis 11, & seqq., ac 69. Auspicio præterea suo confirmant, qui Alexandro III. a schismaticis afflictio opera sua non defuerunt, quinimo solliciti quam maxime fuerunt de obedientia Pontifici ab aliis pariter impendenda, S. Anthelmus Bellicensis Episcopus, qui Carthusianis, & Cisterciensibus auctor fuit, ut ad Alexandri partes accederent, de quo Bollandus adendum ad diem 26. Junii; Arnulphus Lexoviensis, cujus epistolæ ad Alexandrum, ad Cardinales, & ad Episcopos Angliæ, quibus pro aris, & focis Pontificis causam promovet, legendæ prostant tom. 22. Biblioth. PP.; Guillelmus Senonensis, ut liquet ex ipsius epist. ad Alexandrum inter epist. S. Thomæ Cantuar. 88. lib. 3; Philippus Abbas bonæ spei, uti constat ex epist. ad eundem Pontificem; Petrus Abbas, & Fulco Decanus S. Remigii, sicuti sit exploratum ex epist. Alexandri apud Harduinum tom. 6. pag. 1450, & seqq.; Hugo Sueffionensis; Henricus Remensis; Hugo Senonensis; Galterius Lingonienensis; Henricus Eduensis; Alanus Antisiodorensis; Bernardus Nivernienensis &c., de quibus legere est epistolas Alexandri III. 20, & 61. in append. 1; ac 9, 11, & 12. in append. 2; Antistites ii demum, & Abbates inter centum, qui ex Gallia, & Anglia Synodo Tolosanæ anno 1161. interfuerunt, cujus quidem acta perierunt, qui tamen præsens adfuerat, eadem memoriæ prodidit Fastardus Abbas Clarævallensis apud Harduinum tom. 6. par. 2. pag. 1586. Confer & Canonicorum Aurelianensium epistolam ad Alexandrum III. inter Alexandrinas post 106. in append. 2. ibidem pag. 1535, qua eximia de Pontificis auctoritate prædicant.

In maximam æstimationem venerant utique Gallicanis Episcopis Apostolicæ Sedis sive mandata, sive monita, dum a Cælestino

no III. in epist. ad Michaelē de Corbolio Archiepiscopum Senonensem, quam refert Parisius ad annum 1195, datam tamen anno sequenti ostendit Pagius, vel objurgati ob excessum, quo Philippum Regem a conjugio Ingelburgis absolverant, in culpam violati Pontificii juris vocari submisisse tulerunt, revocarique in memoriam a Pontifice, quæ gravibus exortis quæstionibus Gallicana Ecclesia ineundam rationem judicasset, his verbis: *Hic revera contra SS. Patrum veneranda Concilia processum est manifeste, qui majores, & difficiliore quæstiones ab universis ad Sedem Apostolicam censuerunt debere referri: quod usque in hodiernum diem non solum a Gallicana Ecclesia, præterquam in præsentī articulo, verum etiam a longe remotioribus devotissime observatur. Post quæ, subdit, metu pœnæ, quam a Prædecessoribus suis parem ob culpam subierant Theutgaudus Trevirensis, & Guntharus Colonienſis ab ejusmodi ausu eos abstinere debuisse: ab se itaque attentatum rescindi, juberique ut Regem ab incestu revocarent. Quod heic de more religiose a Gallicana Ecclesia observato tradit Cœlestinus, exemplo suo confirmarunt cum Michael Archiepiscopus Senonensis, & Odo Parisiensis Antistes, qui ad normam sacræ jussionis ab Innocentio III. perceptæ, postquam adversus Populicanos hæreticos tum in Gallia grassantes processissent, Decanum Nivernensem gravi hæresis suspitione laborantem ad Apostolicam Sedem in judicio experiundum dimiserunt, ut liquet ex epist. 69, & 90. lib. 2; & refertur Cap. *Inter sollicitudines* extra de Purgat. canon.: tum Johannes Archiepiscopus Lugdunensis, qui eidem Pontifici quæstiones de forma verborum in transubstantiatione, & de mutatione aquæ cum vino in sanguinem proposuit, illudque accepit responsum epist. 121. lib. 5, & refertur Cap. *Cum Martine* extra de celebrat. Missar. *Quoniam in Primatu Apostolorum Principis Apostolicæ Sedis magisterium recognoscens, ad eam credis majores causas Ecclesiæ referendas &c. respondemus &c.* Confer & epist. 14. lib. 6, & 164. lib. 15. ad Archiepiscopum Bisuntinum. Atque quidem in laudem Gallicanæ Ecclesiæ propterea idem Innocentius protulit in epist. ad Episcopos Galliar. de pace procuranda Philippum inter, & Johannem Reges Galliæ, & Angliæ: *Fidem, & obedientiam vestram Nos, & Prædecessores nostri**

*noſtri ſumus frequenter experti : cujus proſecto teſtes liquidi , locupleteſque perinde acceſſerunt Romam proſecti Senonenſis , & Bituricenſis Archiepiſcopi ; Pariſienſis , Meldenſis , Catalaunenſis , & Nivernenſis Epicoſci ſacramento fidei certioſem facientes Pontificem de ſua obedientia , & obſervantia , ut auctor eſt Anonymus apud Duchefnium tom. 5. pag. 809 : acceſſeruntque pariter Epicoſci Concilii Vaurenſis anno 1213. per litteras apud Harduinum tom. 6. par. 2. pag. 2023. Pontificem commonefacientes de fidei negotio adverſus Albigenſes juxta ipſius juſſiones numeris , qui fuerant proprii , ab ſe abſoluto . Quarum quidem ad laudum cumulum accedit teſtimonium , quod epiſt. 21. lib. 1. ad Galliar. Epicoſcos dedit Honorius III. Gallicanam Eccleſiam hoc elogio exornans : *Quis neſciat , quod Reges , & Regnum Francorum ſemper in Apoſtolice Sedis devotione firmiter perſtiterunt ; quod ſemper in difficilibus , arduiſque negotiis aſtiterunt ei ſtudio indefeſſo , & nunc contra hereticam pravitatem , & nunc contra paganorum barbariem ei devote , & humiliter obſequendo , illam utriſque formidabilem reddiderunt ? Hec quidem obſequia , ... & merita Eccleſie Gallicane , cujus fidei , ac devotio nullo unquam tempore defeceſerunt , pro vobis ſufficienter , ut credimus , fide juvent , quod inter cetera Regna mundi illud quadaſam prærogativa diligimus charitatis , ejuſque ſtatum ſemper tranquillum eſſe cupimus , & felicem .* Horum ſimillima cum Ludovico VIII. Regi epiſt. 86. lib. 1 , tum ad Eccleſiam Remenſem , & Pariſienſem epiſt. 133. ſcripſit Gregorius IX : *Eccleſia Gallicana , inquiring , poſt Apoſtolicam Sedem quoddam totius Chriſtianitatis eſt ſpeculum , & immotum fidei firmamentum , utpote quæ in fervore fidei Chriſtiane , ac devotione Apoſtolice Sedis non ſequitur alias , ſed antecedit .* At , te amabo , devotione erga Apoſtolicam Sedem excelleret ne , aliasque antecelleret , ideoque præ aliis ejuſmodi præconiis extolleretur , ſi quæ Apoſtolice Sedi ab aliis privilegia ultro citroque attribuuntur , ipſa una invideret , detraheret , denegaret ?*

Injuriam infert propterea ſive præſatis Pontificibus , qui Gallicane Eccleſie intimam ſententiam eoſdem non attigiſſe exiſtimaret , ſive Eccleſie Gallicane , qui ejuſdem ſenſum ſiniſtroſum

sum accipere vellet, dum ita videlicet laudatorum, & laudatæ laudes vergeret in ludibrium. Atqui præterea mendacii putidissimi coargueretur ab Ivone Carnot. ; Guigone Carthus. ; Hugone Victor. ; S. Bernardo Claræval. , V. Petro Cluniac. ; Hildeberto Turon. ; Arnulpho Lexov. ; Petro Cellen. ; Petro Blesen. ; Stephano Tornac. ; aliisque, quibus alteram plane ab ea, quam Gallicana Ecclesia gereret, opinionem infudisse, nemo dicet ; in eorum vero opinione Romanum Pontificem falsi, & fallere, prorsus esse nescium, talique, ac tanta potiri auctoritate, ut ea nec par sit, nedum potior, abunde, aut ego fallor, articulo 8. est demonstratum. Nec tamen horum tantummodo incumbimus testimoniis, & innitimur tamen liquidis, ac locupletibus : conferunt enim ad hæc confirmanda, quæ profert vel Parisius in hist. Angl. ad annum 1247. Nempe a Friderico, pro suo Pontificibus infenso ingenio, fraude, fuoque subornati Galliarum Proceres quodam nefasti fœderis genere percusso de adimenda, aut diminuenda ampla, qua Clerus Gallicanus in dirimendis causis defungebatur auctoritate, hanc ad causas hæresis, matrimonii, & usurarum coarctaverant, nec censendos deinceps esse excommunicatos, nisi quos laici Judices ad id muneris delecti iuste sacris depulso judicassent, declaraverant. Clerus itaque Gallicanus ad Innocentium IV. pro auxilio ad inlatam Ecclesiasticæ jurisdictioni, libertatique injuriam propulsandam accessit : nempe imparem se intelligens, absque Pontificis ope, & opera, ad id præstandum. Præsentissimus fuit Pontifex, datisque litteris, quas legere est apud Raynaldum ad annum 1247. n. 49, & seqq., acta omnia a laicis Proceribus rescidit, sacris vero Præsulibus auctoritate sua communis animos ad resistendum adjecit. Leges & litteras ab Alexandro IV. ad eosdem Episcopos anno 1257. exaratas apud Raynaldum n. 54, & seqq.

Clementi IV. in hæresis suspicionem venerat Narbonensis Antistes delatus, quod dicere non desisteret Christum D. in Eucharistia existere solummodo sicut signatum sub signo. Jussus igitur fidei sui rationem reddere accuratam, apologetico adornato, legendo apud Raynaldum ad annum 1267. n. 36, suspicionem omnem deterisit, Sedique Apostolicæ scripta, & dicta sua corri-

gen-

genda, & emendanda demisit. Galterus Episcopus Pictaviensis in Synodo anno 1284. cap. 3. Apostolicam auctoritatem supra Synodum stare non modo, sed in omnem, qua longe, lateque patet, Ecclesiam extendi approbe agnovit. Radulphus Lugdunensis, & Hugo Æduensis Antistites ordinationes ab se editas anno 1286. Apostolicæ Sedis auctoritate confirmari maximis in votis habuerunt. Ad Honorium IV. quamplurimi erroris nomine a Parisiensibus Theologis delatus Ægidius genere quidem Romanus, sed instituto ejusdem facultatis doctor, ac dein Bituricensis Archiepiscopus Pontificis judicio ultro citroque se, scriptaque sua submisit, ipsoque jubente, quæ a Stephano Parisiensi nigro fuerant carbone notata, retexuit, revocavit, retraxit. Extant hac de re Honorii litteræ lib. 1. n. 33. ad Nicolaum Parisiensem Stephani successorem, quæ & legi possunt apud Raynaldum ad annum 1285. n. 76. Jam vero argumentando exinde inferre est a Gallicanæ Ecclesiæ sive Episcopis, sive Doctoribus Apostolicam Sedem tanti habitam, ut ea superius in terris tribunal non sit, tanti factam fidem, ut ea falli, aut fallere nullatenus possit, tantique pensam sententiam, ut ad eam credendi, docendi, agendique rationem omnes suam exigere, & componere oporteat. Sed qui rem aliunde certissimam, apertissimamque conjecturis conficio? Audire præstat Stephanum Parisiensem, quæ Gallicanæ Ecclesiæ esset de Summi Pontificis in quæstionibus ad fidem pertinentibus indefectibili prorsus judicio, potiorique auctoritate, sententiam, cujus ipse apprimè erat conscius, ex sua peræque, nec non ex sententia propria Capituli Ecclesiæ suæ, Willelmi Viennensis Archiepiscopi, 23. in Theologia Doctorum, & 39. Facultatis Parisiensis Baccalaureorum, verbis hisce quam veris, tam egregiis exprimentem. *Nos igitur attendentes cum eis (scilicet præfatis Canonicis, & Doctoribus) quod Sacrosancta Romana Ecclesia Fidelium omnium Mater, & Magistra in firmissima Petri Christi Vicarii confessione fundata, ad quam velut ad universalem regulam Catholicæ veritatis pertinet approbatio, & reprobatio doctrinarum, declaratio dubiorum, determinatio tenendorum, & confutatio errorum, præfatum Doctorem venerabilem &c.* Declarat subinde (ob eam namque causam is cœtus fue-

584 PRIVILEGIA ROM. PONTIFICI
rat convocatus) doctrinam S. Thomæ *Salutarem Orbi terræ com-*
mendabilem. Quæ quidem declaratio, ut observavit Doctiss.
Charlasius lib. 10. cap. 10., eo majoris est ponderis, quod idem
Parisiensis Antistes antea quasdam Angelici Doctoris propositio-
nes oppugnari permiserat. Ideo igitur a priori sententia decesse-
rat, quia, ut indicat, Romana Ecclesia S. Doctoris doctrinam com-
mendaverat: judicio vero Romanæ Ecclesiæ adquiescendum omni-
no esse certo certius habebat. Referuntur hæc ab Egassio Bullæo
tom. 4. hist. Universit. Paris. ad annum 1324.

Quam heic Stephanus Parisiensis Facultatis fuisse affirmat
sententiam, fuisse profecto, foreque propriam illam honori ha-
buisset, pleraque alia historiæ Universitatis monumenta confir-
mant. Exardescente enim vero Philippum Regem inter, & Boni-
facium VIII. dissidio, quænam Academiæ sententia hæsit? Hæcce
plane: Pontificis potestatem esse fontem plenitudinis, ex quo
omnis in Ecclesiam potestas profluit: illum omnium in Ecclesia
Judicem esse, nulliusque subjacere judicio. Sub Clemente V.
instaurata causâ, in sententia mansit sua dictis, & scriptis do-
cens: in solo hæresis casu Pontificem Concilio subesse: in causâ
Bonifacii Clementem solum esse Judicem, utpote qui solus Ec-
clesiam universalem repræsentaret; & sine quo de Bonifacii causâ
cognoscere Concilium nequirit. In controversia pariter de Mi-
norum paupertate haud in alteram ab hac abiit, quod Pontificum
Constitutiones de fidei causis revocari ad examinis incudem ne-
queant. Quid ad hæc, quod anno 1384. in tractatu adornato con-
firmandæ gratia censuræ adversus errores Johannis Montefonii
editæ, qui prostat in appendice operum Petri Lombardi, approbe
agnoscit, affirmatque Pontificem Summum penes supremam sta-
re de rebus fidei judicandi facultatem, easque postremo finiendi
judicio, neque eo in judicio falli, aut fallere illum posse? Quid
amplius? Universitatis Parisiensis nomine Petrum Alliacensem
ad Clementem VII. (Gallis acceptum, locoque habitum legitimum)
allocationem habentem, atque suam, Universitatisque sententiam
de sacris Romani Pontificis prærogativis aperientem verbis hisce
claris, & præclaris refert Bullæus hist. Univ. Paris. tom. 4. ad an-
num 1387: *Quidquid dicturi sumus, totum correctioni, & judi-*
cio

cio Sedis Apostolicæ, & Sedentis in ea Summi Pontificis humiliter submittimus, dicentes cum B. Hieronymo 24. q. 1. (verius cum Pelagio dixisset, ut suo adnotavimus loco:) Hæc est fides Pater Beatissime, quam in Ecclesia Catholica didicimus, in qua si quid minus perite, aut minus caute forte aliquid positum est, emendari petimus a te, qui Petri fidem, & Sedem tenes. Non ignoramus enim, sed firmissime tenemus, & nullatenus dubitamus, quod Sedes Apostolica est illa Cathedra Petri, supra quam eodem Hieronymo teste fundata est Ecclesia, & habetur in eadem questione Cap. Quoniam vetus: Et sicut dicit Cyprianus 93. dist. Cap. Cathedram: De qua Sede in persona Petri Apostoli in ea Sedentis dictum est: Petre rogavi pro te, ut non deficiat fides tua. Hæc est igitur, ad quam determinatio fidei, & approbatio veritatis catholica, ac hæretica impietatis detestatio maxime pertinet. Offundant his tenebras, qui invidiam, quam in Pontifices querunt, Parisiensi Academiæ afflare pariter non erubescunt, lucem tamen frugi cuilibet afferunt, quæque intima fuerit celeberrimæ Facultatis, sententiam in aprico ponunt: in qua quidem perinde mansisse, & permansisse, magis magisque paullo post exploratum fiet.

Age nunc vero argumento utamur, cui adversarii velint no-
lint, viâs tamen manus dedere debeant. Galli genere, Parisien-
ses professione Doctores fuerant, deinde Pontificatum adepti in-
ter alios Clemens V, Johannes XXII, Benedictus XII, Cle-
mens VI, Innocentius VI, Urbanus V, & Gregorius XI: iis
autem, quænam, amabo, de prærogativis propriis sententia in-
sedit, quam quæ tum temporis Parisiensis pariter Facultatis fue-
rat, Gallicanæque Ecclesiæ semper fuit, esseque non altera ab ea,
quam pro virili parte propugnamus? Eorum loca, quæ plane
dubitationem procul omnem abigant, proferemus Vind. par. 2.
art. 1. §. 2., quæ modo indicasse sufficiat. Clementem V. legis in
litteris convocatoriis Concilii Viennensis, in Clementina de
summa Trinit., & Fide cathol. §. Nos igitur, ubi docet Quod ad
Apostolicam Sedem duntaxat declarare pertinet, quæ in SS. Scri-
pturis obscura sunt: atque in epistola ad Amanevum Episcopum
Auxitanum, qua præscribit formulam fidei Sedi Apostolicæ præ-

standæ ab iis, qui ad tabellionatus officium ab illo forent admo-
vendi apud Harduinum to n. 7. pag. 1350. Johannem XXII. con-
fer in diplom. Canoniz. S. Thomæ in cap. *Si Fratrum* extra lib. 5.
Ne Sede vacante; in epist. ad Armenorum Episcopos; in epist.
ad Oslinium Regem Armeniæ; in epist. ad Episcopos universos ad-
versus errores Waldensium; in epist. ad Zachariam Cachanz in
Tartaria Archiepiscopum, qua Clementis IV. fidei formulam
Græcis propositam regerit; & in epist. ad Georgium Georgiano-
rum Regem, ubi ex verbis *Quicumque ligaveris &c. Pasce oves
meas &c. Ego rogavi pro te &c.* utrumque privilegium egregie
adstruit apud Raynaldum ad annum 1318. num. 8, & 47, & ad
annum 1321. num. 5, & seqq. Benedictum XII. adire præstat in
diplom. incip. *Benedictus Deus*; & in cap. *Santa Romana Eccle-
sia* extra de elect. lib. 1. tit. 3; atque in litteris ad Alanorum Prin-
cipes apud Raynaldum ad annum 1338. num. 77, & seqq. Cle-
mentis VI. locus insignis legendus exhibetur in litteris ad Conso-
latorem Armeniæ Catholicum; nec non in litteris ad Patriarcham,
Archiepiscopos, & Episcopos Græcorum, quas describit Ray-
naldus ad annum 1343. num. 17, & seqq. Innocentii VI. episto-
lam ad Johannem Cantacuzenum Græcorum Imperat.; epistolam
ad Stephanum Rasciæ Regem; atque Constitutionem incip. *Solli-
citus Pastoralis Officii*, quibus Apostolicæ Sedis privilegia dis-
crete prædicat, refert Raynaldus ad annum 1353. num. 23, & 29;
& ad annum 1354. num. 28. Urbani V. recollere est litteras ad Jo-
hannem Palæologum, cui fidei formulam proponit, quam pridem
Benedictus XII. Alanorum Principibus; Johannes XXII. Ossinio
Armeniæ Regi; B. Gregorius X. Græcis; Clemens, & Urbanus
IV. Michaeli Palæologo proposuerant, apud Raynaldum ad an-
num 1366. num. 4, & seqq., quamque ille anno 1369. Romam
accedens coram Pontifice professus est. Gregorii XI. instructiones
Legatis suis Constantinopolim proficiscentibus, quibus præcipit
Græcis ad frugem regredientibus formulam fidei profitendam
præscribi, quam Urbanus V. Johanni Palæologo, aliisque pluri-
mis Regibus, Principibus, ac populis, ut Armenis, ut Persis,
ut Tartaris, ut Rascens, ut Alanis, ut Russis &c.; atque Orien-
talibus aliis ejusdem Deceßores, ut modo indicavimus, propo-
sue-

fuertant, adire poteris apud Raynaldum ad annum 1374. num. 3; epistolam præterea ad Emanuelem Cantacuzenum Romanæ Despotam ibidem num. 5; litteras insuper ad Johannem Cantacuzenum ex Græcorum Imperatore S. Basilii Monachum factum apud eundem Raynaldum ad annum 1375. num. 2; & epistolam ad Episcopos Cretæ Insulæ ibidem num. 25.

Quod si referimus pedem ad eos, qui tum Parisiensem Academiam doctrina exornarunt, tum Gallicanæ Ecclesiæ dogmata excoluerunt, comperiemus hancce de Romano Pontifice supra Concilium pote, atque falli, & fallere nescio doctrinam veterem esse a Majoribus receptam, ab eis retentam, ratamque habitam. Ex his Humberti Cardinalis olim Tullenfis Monachi; Jacobi a Vitriaco; Alexandri Halensis; Vincentii Bellovacensis; Hugonis Carenfis; Alberti Magni; Guiberti Tornacensis; Sancti Thomæ; S. Bonaventuræ; Richardi Mediavillani; Durandi Mimatenfis; Durandi Meldensis; Nicolai Lyrani; Guidi Elnensis; Augustini Triumphii; Petri Paludani; Nicolai Gorrani, aliorumque Gallicanæ Ecclesiæ Doctorem testimonia art. super. protulimus, quibus impræsentiarum plerique alii doctrina illis haud inferiores sunt attexendi, longe pluribus silentio prætermisiss, ut dicendi fiat tandem modus. Hervæum heic Paris. Doct. Ord. Præd. Gener. Magistrum revocare in medium non distædet, qui in tract. de potest. Papæ laudato a S. Antonino par. 3. tit. 22. cap. 2. §. 3. fidei unitatem totius Ecclesiæ repetens ab unitate Capitis, cui jus tribuit finitivo iudicio fidei dubia dirimendi, Pontificem plane, sicuti de Ecclesia indubium id est, necessaria consecutione in fide falli, & fallere nequire perspectum, persuasumque habuit: *In tota, inquit, universitate christiana debet esse conformitas de iis, quæ pertinent ad veritatem fidei, & bonos mores circa necessaria ad salutem: sed talis conformitas non potest salvari, nisi in ordine ad unum Caput, seu unum Præsidentem, ad quem spectat sententiare quid credendum, & quid non credendum:* & in tract. ms. Bibl. Vatic. num. 4109. apud Raynaldum ad annum 1321. num. 33. de iurisdic. Eccles. adversus Johannem de Poliacco Ordinibus Religios. hostem infensissimum, *Potestatem omnem esse a Sede Apostolica, & super potestate Sedis Apostolicæ esse stabilitam.*

bilitas docens, docet plane Apostolicæ Sedis potestate non esse superiorem, ac potio-rem, aut imo ei supparem. Consimillima adversus eundem Johannem de Poliaco in tract. de potest. Eccles. tradidit Petrus Paludanus ejusdem Ord. Præd. Doctor Parisiens., & Patriarcha Hierosolym. ex verbo Dei sive scripto, sive tradito ostendens: Primo, quod S. Petrus habuit a Christo potestatem super omnes Apostolos, tanquam Princeps, & Prælatus eorum. Secundo, quod a Christo habuit prælationem super totam Ecclesiam Universalem. Tertio, quod Omnis potestas jurisdictionis Ecclesiasticæ, & prælatio in Ecclesia procedit, derivatur, & originatur a Papa. Quas propositiones subinde probat ex S. Scriptura, Conciliis, Canonibus, Patribus, & Pontificibus, quæ regerere non vacat. Si igitur Pontifex toti Ecclesiæ præest, ceu toti Populo Princeps, atque a Pontifice ceu a capite in corpus potestas omnis profluit, Pontificem Ecclesia potestate esse superiorem Paludani sententia prorsus oportet.

Eandem ceu communem, propriamque Scholæ Parisiensis sententiam propugnabat Vitalis e Furno Patria Vazatensis, professione Ord. Minor., dignitate a Johanne XXII. Cardinalis inauguratus, & Episcopus Albanensis. Consultus enim, jussusque a Pontifice de Minorum paupertate sententiam promere, in tract. ms. Bibl. Vatic. num. 3740. apud Raynaldum ad annum 1322. num. 67. prælatis hæc proloquutus est. *Præmitto omnibus, & singulis dictis meis illud, quod scribitur 24. q. 1. C. Hæc est fides, ubi sic dicitur: Hæc est fides catholica &c. quem locum descripsimus alibi; post quæ subjungit: Prædictum Capitulum duo continet evidenter, quæ in protestatione mea volo includi. Primum est, quod si in dictis meis forte aliquid ponam minus provide, incaute, vel indiscrete, omnia per Christi Vicarium corrigantur. Secundum est, quod quidquid per eundem Christi Vicarium fuerit determinatum... de quibuscunque maxime ad fidem pertinentibus, omnia volo simpliciter, & indubitabili fide tenere, prompte, & libere confiteri. Itaque nequidem leviter suspicabatur posse in Pontificiis de fide decretis quidpiam latere periculi, atque ab Apostolica Sede aliquid proficisci catholicæ fidei minus congruum. Ægidii Bituricensis Antistitis eadem animo incesserat sententia Romanum*

num Pontificem in S. Petro Ecclesiæ firmum, fixumque a Christo D. constitutum fuisse fundamentum, a quo in Ecclesiam omnem fidei firmitas derivaret, a qua fide proinde desistere nullo ille posset modo: quippe in quæst. de potest. Pontif. locum illum: *Tu es Petrus &c. postquam interpretatus ita fuisset: Quia sicut in edificatione materiali est unus lapis primarius, & fundamentarius: sic in Ecclesia debet esse unus Princeps principalis totius Ecclesiæ fundamentum*; propius in rem nostram pergit: *Hæc Petri firmitas, super quam fundata erat Ecclesia... est immobilis, & inviolabilis stabilitas fidei Christianæ, sicut insinuat Christus dicens: Ego pro te rogavi &c.*

Perspicuis hisce, ac planis alioqui lucem afferunt non modicam adhuc, quæ Petrus Bertrandus Eduensis Episcopus, ac dein Cardinalis adversus Petrum Cunerium in Parisiensi Senatu Procuratorem, atque jurisdictionis Ecclesiasticæ insensissimum hostem propugnavit, & quidem coram Philippo VI. Galliarum Rege, uti de hujus gestis agens Paulus Æmilius est auctor. Is igitur, ut fidem jam liberem meam, qua sum pollicitus me de illo sermonem facturum, in opusc. de orig. potest. Eccles., quod a nonnemine Durando Meldensi attribuitur, prostatque in Bibl. PP. tom. 4, hanc primum doctrinam veluti a SS. Patribus acceptam adstruit q. 2. num. 3: S. Petro, ipsiusque Successoribus collatas a Christo D. claves, ab his deinde aliis Ecclesiæ Antistitibus consignandas: hoc est Romanum Pontificem accepisse potestatis summam, cujus deinde copia inferioribus Præsulibus fieret: *Inter Christianos, inquit, necessaria est spiritualis potestas, quam Christus dedit B. Petro, quando ei commisit regimen Universalis Ecclesiæ. Origo hujus potestatis fluit a Deo immediate, videlicet a Christo, tradente eam certæ personæ, scilicet Petro, pro se, & suis Successoribus, a quibus in alios derivatur.* Postea hac sub potestate Christifideles omnes universim, & ubique comprehendi subjungit, quibus opus, officiumque incumbit Pontifici morem gerendi, prouasque aures præbendi. *Quum prædictam jurisdictionem habeat Papa sine limitatione loci, & personarum; ideo omnes Christiani, ubicumque sint, debent ei obedire.* Postremo admonet a Christo D. collatum S. Petro, ac Romanis Pontificibus

bus eam omnem potestatem, quæ Ecclesiæ maxime expediret: *Christus commisit Petro regimen Ecclesiæ tantum, quantum necessarium erat, & expediebat cum regimine Ecclesiæ.* Quæ quidem cujusmodi esset Gallicanæ Ecclesiæ sententia, certe expriment, eoque certius, quod non tam propriam, quam totius Ecclesiæ Gallicanæ personam indutus hæc expromebat. Confer Jacobi Abbatis Cisterciensis in Diocesi Silvanectensi, alteriusque Anonymi tractatus adversus impugnantes exemptionem Regularium circa tempus Concilii Viennensis elucubratos, quos ex Codic. Mss. Bibliot. Vatic. n. 2109, & 4109. describit Raynaldus in append. tom. 15. Annal. ad annum 1312, in quibus Romani Pontificis utrumque privilegium vindicant, bonoque in lumine collocant. Quapropter multo nomine ad hanc usque ætatem Gallicana Ecclesia laudem illam promeruit, qua pridem S. Innocentius I. S. Victorium Rotomagensem ob egregium studium se, Ecclesiamque sibi demandatam ad Ecclesiæ Romanæ dogmata, & regulas exigendi, cumulavit verbis illis: *Romanæ Ecclesiæ normam, atque auctoritatem magnopere postulasti:* & qua idem Pontifex simile ob studium exceperit S. Exuperium Tolosanum sic scribens: *Dilectio tua institutum secuta prudentium ad Sedem Apostolicam referre maluit, quid deberet de rebus dubiis custodire potius, quam usurpatione præsumpta, quæ sibi viderentur, de singulis obtinere:* ut pote quæ nullo non tempore facta, dictoque comprobavit, quæ olim ad S. Hormisdam de Gallicanæ Ecclesiæ insita sententia certiore faciens, ut crederet nempe ne latum unguem ab Apostolicæ Sedis esse aut judicio recedendum, aut jussioni resistendum, scripserat S. Avitus Vienn. Archiepiscopus, quæ inter ejus epistolas a Sirmondo 87. recensetur. *Jam securus de totius Galliæ devotione polliceor: omnes vestram de statu fidei captare sententiam:* quamque ipsamet propriis expressit verbis in epist. ad S. Nicolaum I. apud Sirmondum tom. 3. Concil. Gall. pag. 158. *Apostolicis documentis, & Pontificalibus decretis multipliciter informamur, ut vestri Sanctissimi Apostolatus apicem, Principis Apostolorum fide, & nomine consecratum, quoties Sancta Ecclesia aliqua novitate pulsatur, humiliter adeamus, ibique veri consilii saluberrima instituta sinceriter hauriamus, ubi Christus & summum Caput*

nostrum fundamentum Ecclesiæ posuit. Ex his quammaxime laudes celebrandi Ecclesiæ Gallicanæ opportunitatem arripuit, vel ipsemet Carolus Fevretus de abusu lib. 1. cap. 3, excelsam, ad quam evectam Gallicanam Ecclesiam videbat, dignitatem ab indissolubili cum Apostolica Sede conjunctione auspicatus, qua factum ait, ut Gallicanæ Romana Ecclesia jugiter intimus veluti spiritus semper esset, quo vegetaretur; Caput, a quo regeretur; Centrum, in quo coiret; Sol, ex quo pura fidei lux perpetuo in eam proflueret.

Ex Episcopis, Scriptoribus, ac Theologis Ecclesiæ Gallicanæ.

§. II.

Propositum est præsentì paragrapho, quod operæ exigit pretium, planum facere præsertim etiam post fata Concilii Constantiensis, quinimo post epocham celeberrimæ declarationis Cleri Gallicani anno 1682., Ecclesiam Gallicanam a veteri sententia, qua Romano Pontifici suprema potestas, atque in fidei questionibus infallibile iudicium adscribitur, vel transversum unguem nunquam abscessisse. Ad hanc veritatem loco statuendam, bonoque in lumine collocandam, pleraque, eaque invisißima utique monumenta ex superior. paragr., atque ex præfatis de Conciliis Constant., Basil.&c. suppetunt: pleraque insuper suppeditabunt opera gallice ea epigraphe insignita: *Tocsins Catholiques*; tum ista: *Recueil des mandemens des Eveques*; tum illa: *Memoire du Clergé* anno 1716. Paris. edit., ex quibus præsertim quam plura, eaque præclariora Gallorum Antistitum erga Sedem Apostolicam existimationis, ac venerationis cumulatissima specimina decerpimus. Quorum quidem ad provinciam hancce exornandam, vindicandamque Ecclesiæ Gallicanæ de suprema Pontificis auctoritate, ac in fide infallibilitate nuperam doctrinam post Eminent. Sfondratum in sua *Gallia vindicata* nuper Clariss. Soardus Academiæ Taurinensis eximius doctor multam partem produxit, elegantique oratione optimo in loco posuit. Verum quidem est, (quod principio nec dissimulandum est, nec dissimulandum,) postea quam ab Alliacensi, Ger-

Gersonio &c. inuenta novitia opinio fuit, eamdem plurimis Gallis, Germanis quinimo, Polonisque Doctoribus arrisisse, adeo ut acutum ambabus ulnis ultro citroque sint amplexati: absit attamen, ut eam in opinionem Gallicana Ecclesia concessisse existimetur. Germanos profecto, Polonosque non multo post ad pristinam regressos fuisse sententiam perspectum est, adeo ut nulla nunc extra Galliam Academia sit, quæ Pontificem infallibilem inficias eat, aut Concilio Generali inferiorem affirmet. Ino ipsa in Gallia ævo mox elapso exiguus admodum Theologorum numerus audiebat, quibus Aliacenſis, Gersonii, &c. opinio alluberet, reliquis avitæ doctrinæ adhærescentibus, & dedititiis.

Quid imo, quod ii, qui nuperæ opinioni fecisse ortum circumferuntur, ejusmodi dixere, scripsere, docuere, quæ homines parum sibi in sententia coherentes, aut sententiam alternatim variantes prodant? Id alibi, ut reor, satis, superque ostensum est, non erit abs re attamen, si rursus paucis, quoad fieri poterit, quod abunde præstitum fuit, ac parce, idipsum attingatur, atque compendiat. Petrus Alliacenſis Gersonii Magister, præterquam quod Parisienſis facultatis nomine, sicuti superiori §. palam est factum, suoque Clemente VII. coram irreformabile prorsus Romani Pontificis judicium in causis fidei professus est, intra. de Ecclesiæ auctoritate ea statuit, quæ cum Pontificis auctoritate Concilio inferiori stare nullo possint modo. Statuit enim Universæ Ecclesiæ regimen a Christo D. ita S. Petro, ejusque Successoribus commendatum, commissumque, ut ad avertendum procul schismatis periculum omne in Pontifice ceu in Capite potestatis Ecclesiasticæ summam constituerit, a quo deinde particulæ quædam in Episcopos ceteros emanarent. *Quia confusio, inquit, sequi poterat, ideo Dominus hoc prævidens contulit Petro pro se, & suis Successoribus auctoritatem disponendi Ministros Ecclesiæ, & determinandi jurisdictionem dicens: Pascite oves meas: id est sis Pastor generalis, ad quem pertineat dispositio, & regimen generale ovium, & ovilis &c. & ita in Petro fuit ista plenitudo potestatis, quam tamen postea divisiim aliis dedit, vocans eos in partem sollicitudinis.* Non nisi igitur nefaria juris, ac rationis inversione is, qui jurisdictionis summam tenet, iis, qui partem dumtaxat acceperunt,

runt, quique etsi omnes in unam conferant, non majorem illa efficiant, inferior agetur. Gersonius, qui plus omnibus, ac omnium primus Romani Pontificis deprimendis privilegiis adlaboravit, novitiæ tamen opinionis ab se inducæ epocham in Concilii Constantiensis tantummodo tempus conjecit, ita plane in opusculo de potest. Eccles. consid. 12. ajens: *Ante celebrationem hujus sacrosanctæ Constantiensis Synodi sic occupaverat mentes plurimorum litterarum magis, (injuriâ plane viris doctissimis infert,) quam litteratorum ista traditio, ut oppositorum dogmatizator fuisset hæretica pravitate vel notatus, vel damnatus.* Quin imo etiam post Concilium Constantiense, (quod certum indicium est Concilii Constantiensis decretum scels. 4, & 5. haud fuisse habitum loco dogmatis, aut ad casum indubii Pontificis deductum,) Theologos non destitisse ab extollenda Pontificis auctoritate supra Concilium perhibet his verbis: *Hujus rei, inquit, signum accipe, quia post declarationem, & quod urgentius est, determinationem, & practicationem ejusdem S. Synodi inveniuntur, qui talia passim asserere non paveant.* Quorum simillima repetit in opusculo de excommun., quæ regerere non opus est. Quamquam vero animo ei esset præceptum, persuasumque Pontificiæ longe auctoritate Concilia antecellere, constantissimum attamen, certumque erat Monarchicum esse Ecclesiæ regimen, atque plenitudinem auctoritatis in Pontifice residere: *Plenitudo potestatis, inquit, non potest esse de lege ordinata, nisi in unico summo Pontifice; alioquin Ecclesiasticum regimen non esset Monarchicum.* pag. 125, & 126. tom. 1. Quinimo unum alteri privilegium accumulans, a Romano Pontifice certum de fide quemlibet fore faciendum affirmare non dubitavit in serm. de Ascens. Dom. coram Alexandro V. habito: *Ab hac, ajens inter alia, Ecclesia Romana fidei certitudo petenda est.* Denique in tract. de statibus Eccles. consid. 13. *Status Episcopalis, scribit, habet rationabiliter Monarchiam supremam, scilicet Papam, ratione unitatis fidei, & sacramentorum.* Juxta hæc itaque iccirco divina institutione in Ecclesia Episcoporum unus est Monarcha supremus, Pontifex scilicet, a quo de fide querendum, atque in totam, qua late patet, Ecclesiam potestas exercitur, idest, ut si ceteros Episcopos dissentire

invicem, & dissidere contingat, ac in varias, diversasque sententias distrahi, imperio suo, & suo iudicio ad unitatem restituat: post hæc autem fieri posse, ut Pontifex Ecclesiam docens a fide deficiat, atque Episcopis in Concilio coadunatis sit ipse inferior, inferat, per me licet, Gersonius, recta tamen, aut ego fallor, non inferet. Gersonium Interea gravi reprehensione dignum iudicarunt Ruardus Tapperus; Franciscus Victoria; Didacus Payva; Andreas Duvallius; Dominicus Bannez &c.

Gersonio consentanea tradidit Jacobus Almainus in tract. de potest. Eccles. ex loco illo *Pasce Oves meas* S. Petrum, ejusque successores divina institutione docens universæ regendæ Ecclesiæ præfectos, ipsique mandatam provinciam gradus, dignitatesque Hierarchicas dispensandi, atque omnes potestatis Ecclesiasticæ numeros adimplendi, quibus, quantisque opus afforet ad Ecclesiæ bonum: in eo deinde peccans, secumque met pugnans, quod ejusmodi potestatem effundi a Pontifice in Ecclesiæ corpus in Concilio congregatum prohibeat: qui enim in omnem per Orbem dispersam Ecclesiam potestatem extendit, quippini etiam exerat in congregatam, sed magis ejusdem in Concilio coactæ auctoritate intra orbitam ipse juris coarctetur? Eidem semitæ institit Johannes Major nihil morarum injiciens iis, qui unum penes Pontificem Ecclesiasticæ potestatis summam persistere pugnarent: exinde quinimo pugnare potissimam Theologorum partem Concilio Pontificem auctoritate prævalere non diffitetur de potest. Eccles. cap. 13. *Duo sunt modi, inquit, dicendi, quorum unus tenet Papam esse supra Concilium universale: hunc modum tenuerunt aliqui Cardinalium* (sustinueruntque invictissime in Concilio Constantiensi,) *& tenent communiter Thomistæ;* (cur non subtexere etiam Scotistas, ceterasque scholas?) *& Romæ, ut asseritur, nulli fas est oppositum tueri. Alium modum semper Universitas nostra Parisina a diebus Concilii Constantiensis imitata est;* (ecce tibi evidentissimam novitatis invidiosæ notam;) *sic quod in ea, qui prædictam viam tenuerit, in campo cogitur eam revocare.* Quam a recta argumentandi ratione desleat, nemo non dispicit: quam autem perperam hanc Academia Parisiensis opinionem, agendique rationem appingat, paullo post adparebit. Ab his non discre-

discrepat Johannes Parisiensis eorum alter, quos in partes trahere Richerius, alique ex numero Pontificiæ auctoritatis hostes adaugere studentes, adnixa sunt. Nam iis haud auspicatis in tract. de potest. Regia, & Papali cap. 3. hæc habet: *In tota Ecclesia est unus summus Episcopus, scilicet Romanus, & Petri successor, ut sic Ecclesia militans per similitudinem a triumphante deriveretur, ubi unus præstet toti universo.* Quid igitur causæ prohibet, quominus qui militanti præstet, eadem auctoritate præstet, quemadmodum qui præstet triumphanti, super ipsam omnino potest? Pergit deinde porrigens, quæ alterum infallibilitatis privilegium confirmet. *Post corporalem subtractionem præsentia corporalis Christi contingit interdum circa ea, quæ sunt fidei, quæstionem moveri, in quibus propter diversitatem opinionum, vel sententiarum divideretur Ecclesia, quæ ad sui unitatem requirit fidei unitatem, nisi per unius sententiam Ecclesiæ unitas servaretur.* Hic autem unus Principatum huiusmodi habens est Petrus successor Christi, non quidem Synodali ordinatione, sed ex ore Domini, qui Ecclesiæ suæ noluit deficere in necessariis ad salutem, ipso dicente Johan. ult. ante Ascensionem Petro singulariter: *Pasce Oves meas & Luca 22. ante Passionem: Et Tu aliquando conversus confirma fratres tuos.* Confer alterum, quæ alibi ex eodem Doctore locum dedimus. Hæc loquebantur, qui amplificandæ Romani Pontificis auctoritati plus æquo studuisse accusari non possunt; & loquebantur non ex pervestigatis Conciliorum, ac Patrum commentariis, quos testimoniorum ad Pontificis ista privilegia confirmanda esse cumulatissimos ad oculum ostendimus, sed ex unius Evangelii liquidis, obviisque locis, quæ, postmodum cur pessima, ac præpostera interpretatione implicarent, quid quæso causæ fuit? Quæque si apte confectaria profluere, pro præoccupata opinione perspicere, ac percipere nescio, quo deinceps modo aut noluerint, aut nequiverint.

Accedo nunc propius ad eam, quæ proposita mihi quæstio est de germana Ecclesiæ Gallicanæ sententia. Et quidem si ad tempus ascendam, quo diro schismate affligebatur Ecclesia, Anonymus Monachus Sandionysianus apud Dacherium tom. 6. Spicilegii æta describens Concilii Parisiensis a Carolo VI. au-

no 1394. ad sedandum schisma indicti auctor est ad Conventum accitos quidem 150. Antistites fuisse, ad fuisse tamen aliis plerisque ætate, aut morbo præpeditis, Episcopos dumtaxat 58, Abbates 10, atque ex utroque Clero viros illustres, doctoresque in utroque jure 47: quibus confidentibus a Petro Alliacenſi sermone habito viam cessionis Pontificatus præ aliis fuisse propositam, tanquam quæ Universitati Parisiensi non modo, sed universis Christianis fidelibus, veluti *brevior, lucidior, & expeditior*, videbatur eligenda: de sententia vero interrogatos sequenti die singulos, ac singillatim 87. conclusisse *per viam cessionis eundem*; nec aliam ineundam esse. Indiciam id est non obscurum existimasse illos Pontificem ad experiendum in judicio apud Concilium ceu inferiorem adigi nequire. Verum est quidem postea cum Bononiensi Parisiensi Academiæ in eam abiisse sententiam, (quum nempe frustra cecisset opera impensa ad suadendam, urgendamque cessionis viam,) posse a Concilio illum de Papali dignitate dejici conclus. 5. Univers. Patif., & Bonon. in litt. Card. ad Gregorium XII. anno 1408. apud Dacherium tom. 6. Spicileg.; & apud Labbeum tom. 11. Concil.; sed adnotanda diligenter sunt verba, quibus sententiam cohibent suam: *Stante dubio Papatus inextricabili propter dubium facti, & juris*: quem extra casum, Pontificem id est indubium Concilio subjugare non præsumebant. Præsumperunt id postea Academiæ Cracoviensis, Erfordiensis, Vindoboniensis, & Coloniensis in Basileensium partes distractæ, quarum opinio propterea de Concilii præstantia supra Pontificem schismatici vires adjecerat, sed harum oppositio hujus loci non est, quam tom. 1. art. 4. in proleg. expunximus; fatiusque habemus hic dimittere ad Spondanum anno 1431. n. 10, ubi describit modum, quo Basileensium res se tum haberent, quodque Academiæ illarum Doctores pessimam eam in rem pro ingenio prave affecto opus conferrent.

Ad Ecclesiæ Gallicanæ investigandum intimum sensum redeundo, Gersonii opinionem ceu nuperam, atque ab accepta a majoribus, retentaque ad eam diem traditione immaniter aberrantem, ab ea fuisse neglectam demonstrarunt Petrus ipse Alliacenſis in allocutione anno 1387. Parisiensi Academiæ nomine ad
Cle-

Clementem VII, de qua jam dictum . Petrus Meldenſis Epiſcopus, qui Caroli VII. Regis, Eccleſiæque Gallicanæ nomine Eugenium IV. anno 1441 die 16. Decemb. hiſce alloquutus legitur apud Raynaldum ad cit. annum n. 9, & ſeqq. Nempe ad excindendum ſchiſma, & ad Pontificiæ auctoritatis exiſtimationem in priſtinum ſplendorem reſtituendam renuntiabat neceſſarium viſum fuiſſe Galliarum Regi, & Epiſcopis, ut Concilium generale in Galliis cogeretur, in quo Pontificis quidem poteſtas loco firmiter ſtabilliretur ſuo, ad obſtruendum tamen ſchiſmaticis os, ac ſimplicium animos ab invidia avocandos, ejuſdem poteſtatis uſus explanaretur, cæteroquin attamen Gallicanam Eccleſiam de Pontificis ſuprema poteſtate ire perſuaſam, eamque cum per invidiam a Concilio Baſilcenſi impetitam, tum a Florentino bono in lumine collocatam affirmat : *Princeps noſter eſto*, inquiens, *ut quemadmodum Princeps noſter eſt inſtitutione a Chriſto derivata, ita Princeps noſter exiſtas conditione ab ipſo Chriſto huic Principatui impoſita* : expoſita ejuſmodi conditione, quam in uſu poteſtatis recto reponit, transiens ad ea, quæ ad poteſtatis ipſius ſummam attingunt, zeloque effuſus adverſus nefaria Baſilcenſium attentata pergit : *Ad hanc veſaniam devenerunt, quod ſupremam poteſtatem in uno ſuppoſito conſiſtere denegant, ſed eam in multitudine, quæ cito in diverſa ſcinditur, collocant ; & ſic pulcherrimam Monarchiam Eccleſiæ, quæ chriſtianos hucusque tenuit in unitate fidei, in una profeſſione religionis chriſtianæ, in uno ritue ſacramentorum, in una obſervantia mandatorum, in eiſdem ceremoniis divini cultus, atque pacem, & tranquillitatem aſſeruit, nunc abolere, & ſupprimere contendunt, nobiliſſimam politiã, quæ beatitudinem cæleſtem habet pro fine, ad democratiã, vel ad ariſtocratiã redigentes*. Non æque ſane ſibi perſuaderi quiſpiam patietur hæc a Petro Meldenſi prolata ex propria dumtaxat animi opinione, itaque plus æquo propenſiori ad poteſtatis Pontificiæ exaggerationem. Eluunt ejuſmodi ſuſpicionem omnem, proculque propuſant, quæ adhibet argumenta : ſiquidem in ſpeciem egregiam aſſumendo cæleſtem Monarchiam, conferendoque cum eadem Eccleſiaſticã, atque dein recta aſcendendo ab unitate Eccleſiæ, ab unitate fidei, ab unitate legis, ab unitate ſacramen-

torum,

torum, & ab unitate cultus ad unitatem Capitis divina institutione constituti, rectissime concludit exinde in eodem Capite jurisdictionis summam, integram, idest supremam sive supra Concilia potestatem in Pontifice ceu supremo Principe collocatam. Confirmat id magis ex Concilio Florentino: *Concilium Basileense*, subjungens, *veritatem de suprema potestate in uno extinguere per tentavit: Concilium autem Florentinum hanc veritatem bene lucidavit, ut patet in decreto Græcorum*. Et certe luce clarius eo in decreto Pontificis supra Concilium potestas extollitur, adeo ut Gallorum nonnulli morosiores decreto illi detrahere maluerint, quam aliorum intorqueri posse arbitrati sint. Cæterum subjicit desiderari adhuc, ut a Concilio potestatis usus fuisset expositus, cujusmodi defectum ut suppleat, reliquum esse, ac requiri Concilium alterum: deinde sibi objiciens rem cum inutilem prorsus, tum alex plenam ab se obsecrari: *Non ne Romana Curia cum suo Capite ad hoc sufficit? Quis Principum suam auctoritatem discussioni multitudinis committeret?* Respondet sufficere quidem, in præsentī tamen schismatis casu Concilio opus esse, in quo non de potestate ipsa extra dubitationis aleam posita, sed de usu potestatis dumtaxat decernatur: *Ad has extremitates evellendas non sufficit auctoritas Papæ sine generali Concilio, nempe quoad effectum exoptatum, quamvis valeat quoad potestatem*. Addit deinde nihil ex multitudine extimescendum, quum non humano juri, sed divinæ institutioni ejusdem auctoritas innitatur. *Longe aliud est (a Principatu sæculari) de tuo Principatu Ecclesiastico, cujus Monarchia non ab homine, sed de Cælo venit: illam enim testantur Evangelia, illam prædicant Sanctorum testimonia, illam tennit hucusque Universalis Ecclesia*. Post hæc præclaris hisce ad disserendum de Monarchia adversus schisma Basileense descendens, in rem nostram prosequitur. *Quid, quæso, magis posset in perpetuitatem schismatis tendere, quam Monarchiam Ecclesiæ, quæ Christianos tenuit in unitate, tollere, & abolere, quam auctoritatem supremam multitudini, quæ cito scinditur, tribuere? Quam potestatem judicandi superiores inferioribus dare? Et sic de multis aliis, quæ in practica, & doctrina Basileensium concurrunt, quibus semel junctis, & stantibus non est pax in Ecclesia Dei stabili-*

stabilis . Clara hæc sunt , & præclara , quæ Pontificis auctoritatem prorsus supra Concilium collocent : in eo tamen errabat , quod abusus in exercenda auctoritate emendari vellet a Concilio , quum ex eo errore Politicos in schisma fere prolapsos fuisse Pisani Concilii adversus Julium II. historia postea ostenderit .

Extat in veteri Codice Vatic. collectio , cujus meminit Clariss. Orsius de auctor. Rom. Pontif. lib. 6. cap. 21 , testimoniorum , quæ ex veteribus Patribus , & Theologis excerpta a tribus Occitanicæ Ordinibus Carolo VII. Galliarum Regi exhibita fuerunt , ut iis persuaderetur in Eugenii IV. Pontificis Maximi parte, obedientiaque permanere oportere , neque ullo pateretur modo ad Basileensium schismaticorum se abripi studia . Eò vero ejusmodi testimonia collineabant , ut commonstrarent , oculisque Regis objicerent : Romanum Pontificem penes tanquam supremum Ecclesiæ Principem Ecclesiasticæ jurisdictionis summam , & originem persistere : Ecclesiasticam Monarchiam ejusmodi esse , ut quemadmodum in ceteris principandi generibus contingit, ita in Ecclesiæ regimine ab uno , eoque supremo Capite , & principio auctoritas omnis , potestasque in reliquum omne corpus diffunderetur : eam præterea esse Romani Pontificis supremam , sive Monarchicam potestatem , ut sub se utramque , spirituales videlicet , & temporalem complectatur ; pugnancia proinde opinari , dicere , scribere , & docere illos quotquot , qui Pontifici quidem velint , nolint , supremam in Ecclesiam universam auctoritatem attribuunt , quam postea alterutrius generis potestati subjugare gestiunt : pugnare postremo secummet , qui Romani Pontificis primas esse in Ecclesia partes credunt , ac nihilominus ab ejusdem sententia appellatione provocari ad aliud in terris tribunal impune posse contendunt . Atque quidem ista effecere , ut Carolus ejurato Basileensium cœtu , qui in dies audacius efferebatur adversus Eugenium , Eugenio animum summisse apponeret , Oratoremque dimitteret præfatum Meldensem Episcopum , qui Regis , Regnique Galliarum erga Pontificem enixum studium magis , ac magis aperiret , a quo plane ad eorundem testimoniorum exemplar proloquium suum exegisse , ac provinciam istam explevisse modo observatum est .

Hæc

Hæreo tamen adhuc in vestibulo, nec dum ad intimum accessi adytum, quod si demum aperiā, Ecclesiam Gallicanam ecce ad Leonis X. Pontificis M. pedes veniam precibus infimis poscentem, quod Pisanae pseudo-Synodo aliquando adhæsisset: pro eadem sequestres accedentes Franciscum Lugdunensem, Johannem Arelatensem, aliosque Gallos Antistites sub jurisjurandi sacramento polliceri se impostero in Romani Pontificis fide, ac potestate futuros. Quæ in fide infracto animo stetisse paratos cuncta perdere, ac perpeti, quam ab ea deficere, confirmant fidei formulæ, ex quibus in Pontificis jus se se transdiderunt, recolendæ apud Raynaldum ad annum 1514. n. 7, & seqq.; quibus profecto magis auscultandum, quam Petro Corderio pseudo-Theologo Parisiensi Pontificiæ auctoritati in senso, inestoque, qui nedum gentilibus suis schisma, sinistramque de auctoritate Pontificis afflare existimationem non erubuit, sed imo ab obedientia Pontificis avertere, proculque abigere Daniæ, & Scotiæ Reges non destitit. Synodo itaque superiori loco legitimum haberi debere Pontificem Gallicanæ Ecclesiæ persuasum fuerat: quod perspectum factum est amplius a Francisco Cardinali Turnonio, dum ceterorum Præfulum indutus personam in Conventu Melodunensi anno 1544. ad defendendam, tuendamque dignitatem, auctoritatemque summam Apostolicæ Sedis egregie se comparavit, operamque contulit omnem, laudibus exornatus propterea a Paulo III. in litteris ad ipsum datis eodem anno die 6. Aprilis.

Emicuit attamen eximia hæc de Apostolica Sede existimatio Gallicanæ Ecclesiæ insita, & intesta in Conventu Episcoporum anno 1548. die 29. Septemb. apud Noliū ab Henrico II. Rege indicto, cujus acta ex Angelo Massarello in diar. Concil. Trident., & ex Cod. Mss. Bibl. cum Vatic. n. 3229, tum Barber. n. 2677. descripta exhibet Raynaldus ad annum 1548. n. 73, & seqq. Eo in Conventu quum in quæstionem venisset Pontificiæ potestas, quove demum loco foret statuenda quum disputari cœpisset, quamplures doctrina præstantiores Antistites in hanc ultro citroque sententiam concesserunt: S. Petrum præ ceteris a Christo D. fuisse constitutum Ecclesiæ fundamentum, & petram: peculiarem ei potestatem collatam alligandi, & absolvendi; commi-

VINDICATA . ARTICULUS XI. §. II. Cor

missique gregis curam gerendi : sicut unum in una Dei Ecclesia Corpus est, unus Spiritus, unus Dominus, una fides, unus Deus, ita unum Petrum esse, unum Pontificem : eodem Spiritu, quo se affuturum Concilio Christus promissit, eodem pariter Spiritu Petro adesse : & sicuti uno eodemque Spiritu Petro conjuncti erant Apostoli, ita Pontifici seu Capiti conjungi eodem uno spiritu seu corpus Ecclesiam . Inapte proinde quæri an Pontificis auctoritas sit Concilii auctoritate potior : *Dissentientium enim, inquebant, partium est istiusmodi adjudicatio, & pugnantium inter se; non unius, ejusdemque & Dei, & Domini spiritu, opinionum, & voluntatum, si forte dissimiles essent, ac diversi invicem. Summa Ecclesie conciliatio non patitur hoc Ecclesie vere dissidium . . . Illa ergo & Pontificis Summi, & Concilii auctoritas una, atque eadem est, ac veterum Pontificum, veterum Conciliorum nec dissimilis, nec dispar.* Ex his exurgit, quod eorum sententia, summa una, eademque sit Pontificis, Conciliique potestas . Qua vero ratione id fieri queat, si quæras, non alia plane, ut insinuant, quam ex conjunctione Concilii cum Pontifice tanquam corporis cum capite; qua nempe sit, ut quæ in capite permanet, in corpus promanet . Igitur quemadmodum corpus quoad influxum coaptari capiti oportet, ita plane Concilium Pontifici . Id autem quid tandem est, quam Concilio a Pontifice, ut contendimus, potestatis, cujus ipse plenus est, copiam fieri ? Concilio seu corpori Pontificem tanquam caput supereminere, & præstare, & Concilio seu inferiori Pontificem influxum præbere; sive a Pontifice tanquam superiore potestatis particulam Concilium accipere; ab illoque præcisum omnem potestatem amittere?

Obvia hæc, opinor, nihilque obscura sunt, quam quæ obduci fucis, aut obtorqueri fallaciis queant; atque si cum iis, quæ articulo super. ex Gallicanæ Ecclesiæ Conciliis, & Comitibus allata fuerunt, conferantur, adparebit liquido invitam prorsus illorum esse interpretationem, qui ista tandem eo trahunt, ut dicta accipi velint ita debere Pontificis auctoritati Ecclesiæ accumulari auctoritatem, itaque ex utraque unam coalescere, ut ex Ecclesiæ accessione decreta Pontificum demum obtineant, ac in fidei dogmata evadant . In gratiam tamen nostræ, quam germanam

existimo, interpretationis jungere juvat, quæ Parisiensis sive suprema Curia, sive Facultas Theologica, quas sive intimum, sensum Gallicanæ Ecclesiæ non attigisse, sive erga Pontifices Romanos assentationis vitio laborasse nemo suspicabitur, de Pontificiæ potestatis præstantia, atque in fidei quæstionibus infallibili judicio, nullo non tempore tradiderunt. Atque quidem antehac Parisiensis Senatus per Johannem Lozellier Curia inquisitionum Præsidentem Ludovicum XI. alloquutus apud Petrum ipsum Puteanum, & Antonium Charlasium lib. 10. cap. 11. hisce legitur: *Protestatur Curia ob quacumque infra dicenda, velle se nullo modo excellentiæ, sanctitati, dignitati, honori, & auctoritati N.S.P. Papæ, Sanctæque Sedis Apostolicæ derogare: quin imo ei honorem, reverentiam, & obedientiam, quam omnes bene morati Christiani- deses suprema Ecclesiæ Pastori præstare tenentur, sicut veros Ecclesiæ filios reddere, & exhibere volentes. Protestatur insuper, si quid dictum ab se fuerit, factumque, quod correctione egeat, istud totum velle se omnino Ecclesiæ Sanctæ Apostolicæ Romanæ determinationi submittere, quæ errare non potest juxta Can. A recta 24. q. 1.* Sed præstat accipere, quæ paucis, apertissimis tamen, prodidit D. Aguesæus in Parisiensi Senatu. Vix enim fama deferente a Romano Pontifice librum *Des Maximes des Saints* damnatum fuisse intellexerat, ut de lato Pontificio decreto publico in cœtu sententiam proferens apud Lasiteum hist. Const. *Unigenitus* lib. 2. ad annum 1713, *Nos, ait, adheremus huic doctrinæ ita illibata, quam Caput Ecclesiæ, Successor S. Petri, Vicarius Jesu Christi, & Pater communis fidelium suo decreto confirmavit.* Supremo scilicet, quo emisso procul absit erroris periculum, omne, utpote quod ab eo profectum, qui nec falli, nec fallere ullo modo potest. Descivit, non diffiteor, ab antiqua doctrina plurimum Curia Parisiensis, ut vel unum Lasiteum legenti liquet: sed in rebus ad religionem attinentibus, non laicorum hominum attendendam esse sententiam; sed & illis stare adversam Episcoporum nemo jam nescit.

Ad Parisiensem Academiam quod attingit, quamquam & ipsa ab avita doctrina non nihil devexiori sub ævo deflexerit, uti paulo post dicetur, quæ tamen cum Gallicanæ Ecclesiæ commu-
nis,

nis, tum Facultatis propria sententia esset, sæpiissime expressit, & explicuit. Paulo superius plurima monumenta attulimus, quæ Facultatis Parisiensis fidem omnino liberent, quibus nunc pleraque alia, prout ratio temporis poscit, ad eandem confirmandam fidem præstat adnectere. In Censura adversus errores Lutheri, & Calvinii adornata a Parisiensi etiam Senatu accepta sanctione anno 1548. eodem dein in Senatu relecta, recepta, relataque in acta, supremo loco Pontificem collocavit his verbis: *Certum est unum esse jure divino summum in Ecclesia Christi militante Pontificem, cui omnes Christiani parere tenentur.* In Censura an. 1554. edita adversus recens exortum, approbatumque Soc. J. Institutum sententiam suam occasione Constitutionum Pauli III, & Julii III. intra orbitam continens, atque ad Pontificum obedientiam componens, ad omnem præconceptæ sinistræ opinionis de Pontificiæ potestati gradibus, & confinibus ab Academia circumscriptis eluendam suspicionem, unanimi consensione, communique voto pronunciavit, & protestationem in hæc verba emisit: *Omnes, & singuli Magistri &c. ut obedientiæ filii Romanum Pontificem, ut Summum, & Universalem Christi Jesu Vicarium, & Universalem Ecclesiæ Pastorem, cui plenitudo potestatis a Christo data sit, cui omnes utriusque sexus obedire, cujus decreta venerari, & quisque tueri, & observare teneatur, ut semper agnoverunt, & confessi sunt, ita nunc quoque sincere, fideliter, & libenter agnoscunt, & confitentur.* Ecce dilucide, ac diserte heic exposita, & expressa de Pontificis auctoritate præconia illa, a quibus abstinendum in Tridentino Concilio Gallorum morosiores nonnulli contenderant, ideo quia illis supra Concilium elatam Pontificis auctoritatem cernebant. Ad hæc in Censura anno 1617. contra M. Antonium de Dominis elucubrata propositioni, qua ille profligatissimus affirmabat Romanam Ecclesiam jure divino, sive divina institutione in Ecclesias ceteras auctoritate non esse præditam, hæresis, ac schismatis infamiam appinxit. Decretum adjungendum descriptum a Mauclero par. 4. lib. 8. cap. 6, quo sacra Facultas statuit: *Hierarchia Ecclesiastica potestas divino jure Monarchica est, eaque Papalis, cui quilibet Fidelium subesse dignoscitur.* Præterea anno 1657. extemplo Prolytam quemdam

ad revocandum adegit, quod in æstu disputationis contra dignitatem, Primatum, summamque Pontificis auctoritatem eidem exciderat: & anno 1659. decreto unanimi Doctorum consensu exornato syllabatim instauravit, quam anno 1554. declarationem ediderat. Neminem latent turbæ illæ, quas in Parisiensi Academia tum libro suo de Ecclesiæ, & polit. potest., quo Ecclesiasticam Monarchiam evertebat, Richerius, tum illa propositione, qua *Ad solum Pontificem pertinere articulos fidei definire* affirmabat, Strigoniensis Archiepiscopus, excitarunt. At ille quidem, qui Apostolicæ Sedi auctoritatis plurimum detraxerat, ab accessu Conventuum Academicæ abstinere, atque elucubrations suas devovere, execrarique adactus fuit: sed is tom. 1. in proleg. art. 1. multum jam sermonem subiit: hic vero, utpote qui Pontifici plus æquo tribuisse videbatur, quamvis censura fuisset, perstrictus a Facultate, quinimo censuræ hujusmodi Regia auctoritas robur adjecisset, ex Facultatis Doctoribus plurimos expertus patronos est, qui adversa fronte censuræ contradixerunt, adeoque ut exilium maluerint perferre, quam propositioni illi dicam appingere, præfatæque censuræ syngrapham apponere.

Ejus, quæ Ecclesiæ Gallicanæ esset devexiore adhuc sub ætate, vera, intimaque, sententiæ interpretes, & testes idonei, equinam utique liquidi magis, locupletesque? haberi debent homines aut doctrina, aut Ecclesiastica dignitate conspicui, ac celebrati: ab iis autem modo accipere interest, quæ de Pontificio Primatu, eidemque adnexis prærogativis ex præconcepta animo, defixaque opinione protulerunt. Robertus Cenalis Episcopus Abrincensis lib. 2. de oblata ab hæret. condit. pag. 42. *Pontificis Monarchia*, scribit, *ad hoc ut doctrinæ consensus retineatur, non solum utilis, sed etiam necessaria, imo & a Christo instituta, & ab omnibus omnium ætatum Doctoribus asserta est.* Quæ sententia æquis efferrî solet verbis, quum dicitur a Christo D. Ecclesiæ unitati ea ratione optime fuisse consultum, dum unus fuit constitutus Ecclesiæ Princeps Romanus Pontifex, cujus dicto obaudire omnes deberent. Quod non aliud est, quam Pontifici obaudiendo procul abesse periculum aberrandi. Explicitius, illustriusque idipsum expressit Gilbertus Genebrardus lib. 3. de Trin. pag. 403. apud

apud Thomam ex Charnes in proleg. dissert. 5. cap. 4. q. 1. *Ecclesia*, inquiens, *supra Petrum fundata est, unus Episcopus in Catholica Ecclesia, a quo ceteri pendere debeant, & Romana Ecclesia ab omnibus aliis Ecclesiis pro Matrice, & Radice Catholica Ecclesiae est agnoscenda*. Vim nempe unitatis in Vertice, Centro, Capite, Fundamento, & Fastigio, idest Romano Pontifice juxta Patrum doctrinam collocatam docet, ideoque infert a Pontifice Episcopos omnes pendere oportere. Excipientur ne vero Episcopi in Concilio coacti, aut dum ab eo dicta tenent, ab errore tuti non erunt? Sed hanc dubitationem omnino amolitur Nicolaus Coeffetellus Ord. Præd., doctor Parisiensis, ac dein Massiliensis Episcopus, qui in tract. de Monarch. Eccles. adversus M. Antonium de Domin. par. 5. cap. 12. lib. 1. in fide infallibilem Pontificem absolute adstruit ex Lucæ 22: *Nam, inquit, uni ei in persona Petri dictum est: Ego rogavi pro te, ut non deficiat fides tua. Sexcenta horum simillima, quæ de infallibilitate, supremæque Pontificis auctoritate persequitur adversus Jacobum Angliæ Regem, Duplexium Mornæum, & M. Antonium, contra hos pariter in aciem produxit Davydus Perronius, quem adire etiam præstat in orat. ad tertium Ordinem anno 1615, quæ extat tom. 5. collect. aëtor. Cleri Gallic. Gabrielis Albaspinæi Aurelianensis Antistitis insignem locum ex adnot. ad lib. Tertulliani de pudicit. cap. 1. ibidem recollere juvat, ubi de Tertulliano agentes recensuimus artic. 8. sub initium §. 1. Sed & eundem confer in adnot. ad S. Optatum lib. 2. advers. Parmenianum.*

Petrus de Marca Tolosanum primum, ac dein Parisiensis Archiepiscopus in dissert. gallice adornata de infallibilitate Papæ, quam ab ore distantis, ac paullo ante, quam fato cederet suo, se excepisse refert fide dignus hacce in re certe ejus discipulus Stephanus Baluzius in vita præfati Præfulis operi de Concordia præfixa, Pontificem infallibilem propria ex sententia docuit non modo, sed eandem sententiam de Pontifice falli, & fallere nescio sua ætate propugnatam ab Academia Parisiensi, aliisque universim affirmat. Præterea lib. 1. Concord. cap. 11. Pontificem a nemine proculdubio, neu a Concilio generali in jus vocari posse, ac experiri in judicio, nisi a fide deflexerit; ex Synodo Romana sub
S. Sym-

S. Symmacho, necnon ex S. Innocentio I. docet, & demonstrat: & lib. 5. cap. 8. liquidis hisce verbis conficit, & confirmat: *In asserenda veritate Romana Sedis Apostolica Antistes primam, & maximam accepit potestatem; nec aliud contra veritatem, sed pro veritate plus ceteris Confacerdotibus potest, ut loquar cum Facundo Hermianensi.* De eodem Parisiensi Antistite scribit Antonius Charlasius in tract. de libert. Ecclesiæ Gallic. lib. 10. cap. 10: *Errori non esse obnoxium Papæ in fidei questionibus iudicium ita defendit, ut opinionem contrariam antiquorum doctorum Universitatis Parisiensis (Alliacensem, Gersonium, Almainum, & Majorem intelligebat) ab Ecclesia tolerari tantum asseruerit.* Subjungens, quod paullo superius ex Baluzio indicatum jam est, Academiarum Parisiensis, aliarumque tum temporis alioqui Doctores pro infallibilitate Pontificis stare, & decertare. Aut ego fallor, aut nunc postquam ab Alexandro VIII. decreto lato anno 1690. die 20. Decembris inter 31. propositiones confixas, ea pariter ordine 29. censura perstricta fuit, qua dicebatur: *Futiles, & toties convulsa est assertio de Pontificis Romani supra Concilium æcumenicum auctoritate, atque in fidei questionibus decernendis infallibilitate, eam tolerari ab Ecclesia opinionem non existimasset.* Utrique huic prærogativæ Pontificis clarum, & præclarum perhibuit testimonium Illust. Antonius Goddæus in epist. ad Alexandrum VII. Venciæ die 9. Augusti anno 1661. data, de Sede Apostolica, ajens, quod *Non solum unitatis centrum est, sed ad quam in rebus dubiis velut ad veritatis oraculum, qui non vult errare, confugere debeat.* Nam, ut verbis Cæsarii Arelatensis utar, *sicut a persona B. Petri Episcopatus sumit initium, ita necesse est, ut disciplinis competentibus Sanctitas vestra singulis Ecclesiis, quid agere debeant, evidenter ostendat.* Quæ, si bene teneo, præferunt hinc quidem Pontificem dum Ecclesiæ de rebus fidei dicite, falli, & fallere prorsus nescium, inferunt vero inde Ecclesiæ onus incumbere dicenti Pontifici, absque ullo periculo erroris, obaudiendi, & obediendi.

Ad illustres alios ejusdem Ecclesiæ Doctores digrediat nunc sermo noster; quos quidem omnes complecti oratione non præstat, nec si vellem, possem. Eorum multam partem jam attri-

gi,

gi, ac præcipua loca prælibavi, idest Claudii de Seyssel; Francisci Rupifucaldi; Gabrielis Martini; Thomæ Jacomelli; Francisci Fevardentii; Francisci Combessii; Johannis Baptistæ Gonetti; Cardinalis Richelæi; Jacobi Vernantii; Joberti Baraultii; Henrici Spondani; Michaelis a Castrofranco; Dionysii de Rives; Johannis Baptistæ Abrincensis; Ivonis Parisiensis; Silvestri Lavalensis; Hyacinthi Calvet; Michaelis Lequiennii; Johannis de Jeû; Theophili Raynaudi; Dominici a Sina Trinitate &c., quorum nunc in censum referendi alii doctrinæ laude iis haud inferiores. Leonardus Coquæus Ord. S. Augustini, doctor Parisiensis in Antimornæo tom. 1. pag. 83. postquam hæreticis insaniam exprobrasset, qua ægre ferrent a catholicis Concilio Pontificis auctoritatem anteponi, *Quomodo*, inquit, *ægre ferunt nos Romanum Pontificem Conciliis superiorem asserere*; subjungit Catholicorum sententia sive Concilia legitime congregata, (idest inter alia Pontificis consensu accedente) sive Pontifices se solos in definiendis rebus ad fidem pertinentibus errare non posse. Quod tom. 2. pag. 237. confirmans: *Quum sedeat*, ait, *in Cathedra Petri, pro quo Dominus rogavit, ut non deficeret fides ejus, & ut confirmaret Fratres suos, non sinet eum ex illa Cathedra aliquem errorem loco fidei salutifera obtrudere fidelibus credendum*. Nec dispar ibat Ordin. S. Augustini Doctor alter, ac in Tolosana Academia Professor Johannes Putcanus. Nam in 2.2. S. Thomæ q. 1. art. 6. dubit. 2. conclusionem hanc 3. constituit: *Solius Pontificis Maximi est res de fide Catholica definire, & easdem certo, & indubitanter proponere credendas*: quam postquam S. Scripturæ, SS. Patrum, ac Doctorum testimoniis comprobasset, generalis Concilii de fide definitiones ab errore tutas, immunisque ex conjunctione cum Pontifice deducit, nempe ex adfistentia Spiritus S. Pontifici promissa, ex quo deinceps in Episcopos derivet, adeo ut absque Pontifice vel adfistente, vel adnuente Concilium ea ab errore immunitate careat: *Si tamen*, subjungit, *fuert congregati totius Orbis Episcopi absente Pontifice Maximo, & ejus Legatis, Episcopi subjiciuntur erroribus*.

Quid autem quod Johannes Ragufæus Ord. Præd., & doctor Parisiens. orat. de communionem sub utraque specie apud Canisium.
tom. 3.,

tom. 3. antiq. lect., & Harduinum tom. 8. Concil. pag. 1655. vel in Concilio Basileensi Romanum Pontificem ab erroris periculo absolutum omnino pronunciavit, ex S. Augustino lib. de cura pro mortuis; ex Alberto Magno in Lucæ 22; ex Nicolao Gorzano in 16. Matthæi; ex S. Innocentio I. epist. 26; ex S. Hieronymo, seu verius Pelagio in confessione fidei; ex S. Bernardo epist. ad Canon. Lugdun. ex S. Thoma in præfat. ad Urbanum IV; ex S. Ambrosio in 1. ad Timoth. 3. loca producens, quæ retexere modo piget? In eadem ingressus vestigia Johannes a Celaja doctor Paris. in 3. dist. 25. q. 4. concl. 5. disputationem suam ex doctrina SS. Patrum instituens, *Romane*, inquit, *Sedis judicium in his, quæ fidei sunt, & ad humanam salutem necessaria, errare nequit*. Probat id autem ex pollicitationibus a Christo D. S. Petro factis Lucæ 22. verbis illis: *Rogavi pro te &c.*; progressusque exinde ad eorum præoccupandum responsum, qui præfatum locum non de Pontifice, sed de Ecclesiæ universali indefectiæ privilegio collato accipiendum pugnant, de Pontifice accipi debere ex Patrum interpretatione conficit: *Idcirco*, inquit, *D. Cyrillus, & D. Chrysostomus, & D. Leo, & B. Agatho, & D. Bernardus, & Anselmus, & Albertus Magnus, & D. Thomas glossant præfatam auctoritatem de Ecclesia Romana, ut distinguitur ab aliis Ecclesiis*. Quæ horum fuit, fuisse pariter veterum Gallicane Ecclesiæ Doctorum propriam sententiam, a qua nonnisi devexiori ætate nonnulli novitatum cupidi deflexerint, atque quidem præfato loco Lucæ 22, junctæque Patrum interpretationi præmem. innixam, auctor est liquidus, locuplesque Andreas Duvallius in tract. de suprema Rom. Pontif. potest. *Velint, nolunt*, ait ibidem, *adversarii, liquido constat veteres Ecclesiæ Gallicanæ Proceres hanc in Summis Pontificibus Petri successoribus infallibilitatem semper agnovisse, Christi que D. orationem in Petro non stetit, sed ad ejus Successores certissime transisse, ejusque, qui hanc veritatem impugnare conati sunt, a 200, aut circiter annis, quibus in Ecclesiam horrenda schismata irruerunt, capisse*.

Nec disparem alteram dedisse causam, cur Almainus tritz ab Ailiacensi, & Gersonio tempore schismatis institerit, similitates scilicet, quæ Julium II. inter, & Ludovicum XII. interces-

serant.

ferant . Cæterum exemplo Celajæ Alliacenſi , Gerſonio , Almai-
no , & Majori objicit SS. Thomam , & Bonaventuram , nec non
Hervæum Natalem , Henricum Gandavenſem , Johannem ipſum
a Celaja , imo Pariſienſes Doctores in Cenfura adverſus Montefſo-
nium : exindeque animum capiens injuriæ , calumniæque Vigi-
orum coarguendi , iccirco quod ipſum velut ſcholæ Pariſienſis de-
fertorem traducere non erubuiſſet . Quod obſervavit Duvallius ,
appoſite adnotarunt Ruardus Tapperus in tract. 3. theolog. , &
Dominicus Bannez in 2 2. q. 1. art. 10 , imo Maimburgus loco
infra allegando , nimirum nonniſi a tempore Concilii Conſtan-
tienſis inveſtam nuperam de Pontifice infra Concilium pote , ac
in fide fallibili opinionem , atque oppoſitæ quidem jugiter inhæ-
ſiſſe cum Pariſienſem , tum ceteras per Orbem Catholicas Aca-
demias . Quæ demum ſibi accepta , probataque foret opinio , par. 1.
q. 7. aperiens Duvallius , poſtquam dixiſſet opinionem , quæ
Pontifici Concilium præfert , temeritatis nota vacare quidem ,
(hæc ſcribebat ante decretum Alexandri VIII. anno 1690. die 20.
Decembris ,) turbis tamen , & diſſidiis latiffimam aperire , ſter-
nereque viam , ſubnectit : *Opinio , quæ Romæ tenetur , vacat omni
temeritate , quum totus Orbis , exceptis pauculis doctöribus , eam
amplectatur , & præterea rationibus validiſſimis cum ex S. Scrip-
tura , Conciliis , & Patribus , tum ex principiis Theologicis peti-
tis confirmatur .* Quin par. 4. q. 7. Nemo , ſuperadjicit , nunc eſt in
Eccleſia , qui ita pro certis ſentiat , præter Vigorium , & Riche-
rium , quorum ſi vera eſſet ſententia , totus fere Orbis Chriſtianus ,
qui cæcitarium ſentit , in fide turpiter erraret . Hæc de Pontificis ſu-
pra Concilium præſtantia , de infallibilitate autem ſic proſequitur
q. 11 , poſtquam nempe part. 2. pro eadem adverſus Vigorium ,
& Richerium acerrime decertaſſet : *Statuenda nobis eſt hæc conclu-
ſio , etiamſi de fide non videatur , ſaltem non ita evidenter con-
ſtet Summum Pontificem ſeorſum a Concilio privilegio infallibilita-
tis , licet agat ut Pontifex , gaudere , tamen absolute certum eſt ,
& indubitatum .*

Non unus Duvallius Pontificem in decidendis fidei contro-
verſiis extra periculum erroris poſitum , eamque communem eſſe
ſcholarum , nec Pariſienſi excepta , perſuaſionem affirmavit , idipſum

Part I.

H h h h

affir-

610. PRIVILEGIA ROM. PONTIFICI

affirmavit Michael Maucerus doctor Sorbonicus de Monarch. divin., Eccles., & sæcul. Christ. lib. 4. part. 2. cap. 4, & seqq. dicens: *Hæc illa communis S. Sapientiæ Professorum, quæ docetur in scholis, assertio, disceptationum, causarumque de fide cursum, motumque Romani Pontificis in Cathedra Petri sedentis consopitum iudicio finiri.* Affirmavit Vincentius Contensonus Theolog. mentis, & cordis lib. 5. disert. præamb. cap. 2. *Ab hac doctrina, quam ibidem tradit, inquit, nunquam recessit Ecclesia Gallicana, sive vetus, sive moderna.* Apud eundem affirmavit Ludovicus Halè doctor Parisien. in tract. ms. de Ecclesia his verbis: *Sicut unicum in Terra sancta templum Dominus esse voluit, ut omnes in unum Israelitæ convenirent, nullumque inter eos schisma oriretur, ut patet Deuter. 12, 4, sic Sedes Romana in medio Ecclesiæ constituta est veluti signum conspicuum, & aspectabile Nationum omnium oculis subiectum, ad quod respicientes Ecclesiæ omnes, & singulæ in unitate fluere, & se se adversus omnes hæreses, & schismata incolumes conservarent.* Affirmarunt, atque quidem Pontificem Concilio auctoritate præstare Johannes de Selva in Senatu Paris. Præses in tract. de benef. par. 3. q. 8. n. 32: *Papa, inquit, præfertur toti Concilio, in fide vero infallibilem, atque a periculo erroris prorsus tutum* Johannes Dartis Paris. doctor in tract. de benef. sect. 1. cap. 3: *Propter illam orationem Christi, scribens, Lucæ 22, seu illa verba omnes colligunt Ecclesiam Romanam non posse errare.* Confirmavit denique Illustriss. Franciscus Gondæus Archiepiscopus Parisiensis mandato pastor. anno 1666, ubi docuit: *Vi illius pollicitationis Petro facta: Rogavi pro te &c. Veritatis doctrinam in Cathedra unitatis illibatam semper extitisse.* Confer Theophilum Raynaudum de bicip. Ecclesiæ Capite; Ludovicum Bail in appar. ad Concilia q. 43 & seqq. Johannem Fabrum in L. 1. Cod. de sum. Trinit., & fide cathol. n. 10, & seqq.; Petrum Rebuffum in concord. tit. de mandatis Apost. ; Antonium Dandinum Altaferram in not. ad Anastasium; Comment. in decret. Innocentii III, & in defens. jurisd. Eccles. advers. Fevretum; aliosque passim, quos ad unum omnes persequi nec vacat, nec præstat; opinionisque adversæ patronos aliorum præterea Gallorum testimoniis onerare jam piget.

Ut

Ut conferam me modo ad celeberrimam epocham, sub qua nupera inuenta opinio est, nempe ad declarationem Cleri Gallicani in Comitibus anno 1682. de potest. Eccles., juvat imprimis eadem met exscribere, ac exhibere, quæ iidem ipsi Præfules initio epistolæ, quam describit Eminent. Cardin. Sfondratus in Gallia Vindic. dissert. 1. §. 8, ad V. Innocentium XI. inscripta, edixerunt. *Quantum olim a Majoribus nostris Apostolicæ Sedi delatum est, tantum nos vestræ Sanctitati debere solemniter profiteamur.* At satis, superque, aut ego fallor, demonstratum est a Majoribus Gallicanæ Ecclesiæ Doctoribus, & Præfulis Romano Pontifici utrumque privilegium supremæ potestatis, atque in fide infallibilitatis fuisse ultrocitraque delatum. Adesdum, quæque Antistites iidem ex iisdem Comitibus anni 1682. in epist. ad Archiepiscopos, & Episcopos universi Galliarum Regni dederunt, accipere non despicias: *Fidenter, scribunt, cum B. Cypriano pronunciamus eum, qui Cathedram Petri, super quam fundata est Ecclesia, deserit, in Ecclesia non esse: & paullo post de Innocentio XI. Pontifice M. pergunt: Quem non modo Ecclesiæ Petram, sed etiam tanquam fidelium, atque in omnibus exemplum bonorum operum debemus jure merito venerari.* Quæso te, cohærent ne ista cum declaratione illa, si de puris, putisque verbis declarationis vitiligare, digladiarique velis? ut velis per me licet, malim ego putate eos sibimet æquales non stetisse, atque aut ad fallendum, faciendumque fucum, si ita loqui licet, quod una destruxerant manu altera ædificare videri volebant; aut, ut autumo verisimilius, quod ex præpostera, præcipitique agendi ratione vix, ac ne quidem vix statuerant, ad antiquam a Majoribus acceptam redintegrati traditionem actutum subruere curarunt. Sed de hoc argumento paullo post. Auspicio suo nunc facit, ut posterius ipsi potius affricetur consilium, Clerus Gallicanus, qui in encyclicis & Comitibus anno 1714. conscriptis de Pontifice fidelium Doctore a Christo D. constituto egregiam hanc explicuit sententiam: *Datum est Petro, & ipsius Successoribus, ut Fratres suos in his maximi momenti casibus (fidei nempe, morumque) corroborent.* Quam subinde ex Lucæ 22. *Rogavi pro te &c.* confirmat. Confirmari vero in fide Christi fideles a Pontifice

812 PRIVILEGIA ROM. PONTIFICI

rite non posse, nisi ipse in fide ita firmus sit, & fixus, ut quominus falli, & fallere possit, absit procul omne periculum, sæpius dictum accepisti, ut dicere denuo non subeat. Nunc quæ posthac singularibus Præsulibus infederit sententia, præstat inquire.

Atque quidem S. Petrum non modo, sed etiam Petri Successores Romanos Pontifices a Christo D. constitutos fuisse Ecclesiæ, fideique catholicæ *Petram*, & *Fundamentum*; ideoque locum illum: *Tu es Petrus &c.* ipsi nedum, sed & illis fore aptandum: præterea verba illa: *Rogavi pro te &c.* de Petro quidem, sed perinde quoque de Romanis Pontificibus accipienda foresideoque utroque infallibilitatis, potestatisque omnino potissimæ, omnique superiori fuisse insignitos dixere, scripsere, docuere, Illustris. dignitate, ac doctrina Clariss. D. Franciscus Harlæus Rotomagensis primum, ac dein Parisiensis Archiepiscopus in Apologia pro Catholicis ad Jacobum Britanniarum Regem adornata, quæ postquam lib. 2. capp. 1, & 2. propria fecisset præconia clara, & præclara, quibus a Patribus Concilii Ephesini, & Chalcedonensis, atque a S. Petro Chrysologo Pontifex Romanus celebratus est; nec non S. Agathonis de Pontifice ab erroris periculo immuni asseverantissimum produxisset testimonium in epist. ad Episcopos Synodi VI. eadem in Synodo act. 4. perlecta, exindeque intulisset Romanum Pontificem in Ecclesia audivisse jugiter nomine ejusmodi illustri, quod esset *Custos Fidei*, *Fidei violatæ Vindex*, *Fidei totius Caput*, atque ubi de fide agitur, ab eo veritatem exquirendam, cap. 12. in hæc effatur: *Cui non patet fidei ostium, Romanis Clavibus aperiendum, a Romanoque Pontifice patefaciendum esse?* D. Ludovicus Abelly Ruthenenfis Episcopus isdem pariter insistentis vestigiis in tract. de obed. Rom. Pontif. debita ex prælaudato Lucæ 22. loco sic habet: *Ex hac Evangelica Christi sententia Ego rogavi pro te &c. Ecclesia conclusit ad S. Petrum, & ad Petri Successores spectare omnes fidei catholicæ veritates certo definire, ac omnes errores fidei adversos reprobare, ac proscribere.* Argumentum istud ex eodem S. Lucæ loco par. 1. Medullæ Theolog. cap. 4. sect. 4. §. 4. iterum versans, exagitanque: *Ex quo, infert, sequitur ad illum (Pontificem) pertinere de rebus ad fidem*

dem, & religionem spectantibus juridice cognoscere, majoresque causas, quales sunt fidei, ac religionis, judicare; hæreses emergentes damnare; veritates fidei divina credendas definire; ipsique omnes ubique terrarum fideles in his, quæ ad fidem, & religionem, spectant, subesse debere, ac vocem illius tanquam supremi Pastoris auscultare. Quæ dein confirmat doctrina S. Bernardi in epist. 160. ad Innocentium II; & adjuvat exemplis cum Victorii Rotomagensis, & Exuperii Tolosani, qui S. Innocentium I. super Vigilantii erroribus; tum Aviti Alcimi Viennensis Archiepiscopi, qui S. Hormisdæ super erroribus Græcorum consuluerant.

Neminem fugit, sicuti præferunt, si tamen veritati inniuntur, quæ de re paullo infra, libri præclaro ipsius nomine, eaque epigraphæ *Defensio declarationis* &c. insigniti, quæ animi contentione prælaudato utroque privilegio Romanum Pontificem exspoliare sit enixus Jacobus Benignus Bossuetius multo nomine illustris. At, si superis placet, si non passim semper, aliquando saltem, atque dum liberos haberet affectus, ut S. Athanasii utar verbis, Pontificibus æquum se præbuisse, sine paullisper, ut suadeamus, & persuadeamus. Is itaque in orat. ad Cleri cœtum ejusdem an. 1682. habita hæc non tam ex propria, quam ex pervulgata in Gallicana Ecclesia persuasione exprompsit: *Nec quisquam dicat, vel cogitet hoc Petri ministerium,* (quo defungitur scilicet tanquam Fidei Petra, Ecclesiæque Fundamentum, in fide confirmandi Christiani-fideles) *cum ipso fuisse finitum. Aeterni ædificii æternum esse fundamentum oportet. In suis Successoribus Petrus vivet, & in Cathedra sua semper loquetur. Petrus manet in suis Successoribus fundamentum Fidelium: hoc Christus ipse dixit* &c. Porro hisce ex Bossuetio laudatis verbis in Monito 2. ad suæ Diocesis Refractorios, hancque interpretationem aptans Illustriss. Languetius Archiepiscopus Senonensis: *Ita loquebatur, subjungebat, egregius ille vir, & divinam Cathedræ Petri perpetuitatem ipsis Christi verbis stabilitam demonstrando vobis annuntiabat, qui contra illam rebellatis; vos non alterata ejus soliditate, nec ejus duratione uspiam interrupta excessuros, docebat vobis abeuntibus æternam illam Ecclesiam nullas in fide sua vices esse experturam.* Eodem loci Bossuetium etiam descripsit D. de S. Albin Archiepiscopus Came-

Cameracensis in docum. pastor. anno 1739; eandemque doctrinam, quam nec præterisse Græcos idem Bosuætius perhibuerat, omnium retro ætatum in Ecclesia doctrinam extitisse in docum. pastor. anno 1732. quod fuso calamo a nobis suo fuit declaratum loco.

Ex eisdem Matth. 16, & Lucæ 22. liquidis locis eundem sensum eruit D. Franciscus Fenellonius de Salignac celeberrimus Archiepiscopus Cameracensis. In docum. pastor. pro receptione Constit. *Vineam Domini* anno 1706. evulgato: *Sine dubio*, ait, *Petri fides in ejus Cathedra ad docendas Nationes defecisset, si verum esset*, (sicuti Jansenistæ obganniebant, & obloquebantur,) *quod ea Pelagianam propositionem, tanquam fidei regulam, tot solemnibus decretis (SS. Innocentii, & Zosimi) omnibus Ecclesiis propinasset*. In mandato vero pastor. anno 1714. pro acceptatione Constit. *Unigenitus*: *Scimus*, inquit, *Cathedram Petri illam esse Petram, supra quam fundata est Ecclesia*. Quæ dicta ab se debere accipi de Pontificis infallibilitate demum indicat, dum ex formula fidei Orientalibus olim a S. Hormisda præscripta dicta sua confirmat. Illustrius tamen, ac luculentius id argumenti prosequitur in epist. ad Quesnellum, qua sic scribit: *Hic Christus Petri fidem in sua Sede nunquam defecuram promisit; atque ex ea Petrum suos fratres in æternum confirmaturum: illic Pontificiæ Bullæ denuntiator* (alludit ad libellum, cui titulus: *Denuntiatio Bullæ Vineam Domini factæ universæ Ecclesiæ*; cujus auctor, si auctori Bibliot. Jansen. credas, est D. de Withe Doctor Lovaniensis; in eoque inter perversa cetera Clementem XI. Pontificem M. ea Constitutione Pelagianam hæresim recoquere impudentissime effudit; quam propterea Constitutionem seu gratiæ divinæ inimicam, tyrannicam, atque in S. Irenæum Episcopum [Jansenium] calumniarum refertissimam odio habendam a bonis omnibus profligatissimus sycophanta deprædicare non erubuit, & deprecari;) *Denuntiator*, inquam, *ex adverso propugnat Pelagii iniquitatem a Christi Vicariis ætate nostra suscitari, atque Petrum non modo fratres suos in pura fide non confirmare, sed etiam eos in impietatem contra gratiam trahere*. Quo quidem nihil potest aut excogitari impius, aut enuntiari impudentius. Inserta epistola isthæc legitur

gitur relationi jussu Cleri Gallicani editæ, eidemque in Comitibus anno 1700. probata.

Fleurus Claudius plurimis operibus celebris, quem plane, nisi valde hospes in ejus historia, causari potest nemo amplificandis, exaggerandisque Pontificum Romanorum prærogativis plus æquo incubuisse, studuisseque, attamen lib. 6. hist. Eccles. de S. Gregorii VII. agendi ratione disserens, atque quidem de ipsius perperam affixto nomini Dictatu, quod opus S. Gregorii genuinum fuisse sætum ille autumabat, Articulos 17. eo in opere comprehensos ita veritati innixos affirmat, ut iis nihil ferme verius reputet: idcirco 1., quod Ecclesia Romana jure divino proculdubio sit instituta; 2., quod Apostolicæ Sedis Legati honoris gradu Episcopis etiam in Concilio generali congregatis præcellant; 3., quod ad eandem majores, gravioresque religionis causæ juxta Canones sint deferendæ; 4., quod eadem Ecclesia nullo unquam errore fœdata fuerit; eidemque de fide enuntianti adhærendi, adquiescendique ceteris Ecclesiis necessitas, onusque omnino incumbat. Hæc ex proprio sensu proferebat. Quid vero hacce eadem in re perinde aliis placeret, essetque persuasum expromens, & perstringens in serm. 9. de libert. Eccles. Gallic., postquam dixisset nostram de Pontificis suprema, Conciliumque supra potestate, eodemque in fide falli, & fallere nescio, in Italia, Hispania, Germaniæque, quibus in Regnis prævalent Regulares, (quorum plane magno accedit honori,) tenere, & obtinere sententiam; *In Gallia, subjungit, vix reperire erit Religiosum hominem, qui Romani Pontificis in fide infallibilitatem inficias eat. Quid ajo Regulares? Quinimo Ecclesiasticorum quoque Collegia, quamvis Episcoporum jurisdictioni subiecta, eam in sententiam de Pontificis Romani infallibilitate, uti eam, quæ pietati conformior est, pronius inflectuntur.* Paucis interjectis pergit subinde de nostra subtexens: *Antiquæ sententia apud Doctores integra, sacrataque manet illos, qui moribus, vitæque genere præ aliis, qui in novitiam opinionem concesserunt, magis magisque exornati sunt, eritentque; a quibus contra profanas novitates jugiter pro viribus pugnatum est. Quibus vero hujusce generis novæ opiniones placuere, ii frequentius fuere Jurisperiti, aut profani Politici, aut liberioris etiam disci.*

disciplinæ, laxiorisque vitæ generis. E quibus quidem illud nostram in rem argumentum reponere apposite est, quod jampridem S. Bernardus in epist. 388, nunc 348. egregie versaverat: *In omni, inquit, siquidem negotio validissimum argumentum est ad faciendam rei dubiæ fidem, id semper esse melius, quod placeat bonis, malis vero displiceat.* Age vero ad Gallicanos Antistites convertatur oratio.

Ex his doctrina, officio, dignitateque illustris. Carolus Duplexius de Argentré socius olim Sorbonicus, ac tandem Episcopus Tutellensis, non uno in loco hanc liquido tradit doctrinam, & quidem ex prælaudatis SS. Matth., & Lucæ locis haustam, descriptamque. In tract. de locis Theolog. cap. 7. relatis verbis illis: *Rogavi pro te &c.* hæc attexit: *Mibi videtur ex promissis Christi contingere non posse, ut Romanus Pontifex in fide pertinaciter erret.* Quinimo ex Pontificia inferens Ecclesiæ infallibilitatem, quatenus Pontifici veluti fundamento superstructa fuit, *Universæ Ecclesiæ, inquit, firmitas immobilis maxime pendet ab immobili Sedis Romanæ firmitate.* Descriptis dein verbis illis: *Tu es Petrus &c.* exinde pariter eximie Pontificiæ inerrantiæ privilegium subinfert: *Manifestum est, ibidem inquit, hæc verba a Christo dicta fuisse de persona Petri, quem præcipuum Ecclesiæ suæ fundamentum, & unitatis Ecclesiæ quasi centrum esse volebat, ut perpetua Ecclesiæ traditione constat, sexcentisque veterum testimoniis, qui disertis verbis aservuerunt Petrum, ipsiusque Successores in Romana Sede hanc esse Petram firmissimam, super quam Christus Ecclesiam suam fundavit.* Quam pariter sententiam hisce aliis effert verbis in epist. pastor. anno 1725: *Portas inferi, scribens, juxta Christi dispositionem nunquam fore prævalituras nec adversus Ecclesiam Catholicam, nec adversus Primariam sui supremi Vicarii Sedem.* Cui scilicet eadem Catholica Ecclesia subnixa est. Horum simillima multa ex iisdem Evangelii textibus expressa tradiderunt in suis mandatis pastoral. pro acceptione. Constit. *Unigenitus*, quæ referuntur tom. 8. historiæ Casus conscientiæ gallice editæ, D. de Villeroi Archiepiscopus Lugdunensis anno 1718, D. de Castellane Episcopus Forojulienensis an. 1715. ajens inter alia: *Visibili sane Ecclesiæ Capiti dictum fuit: Tu es* Pe-

Petrus &c. ; D. Josephus de Magrigni Ord. Cappucc. Episcopus Grassenfis anno 1718 ; nec non in epistolis polemicis anno 1715. Lugduni editis ; D. de Rabutin de Bussi Episcopus Lucionensis anno 1730, *Cathedra*, ibidem inquit, *Petri est basis, & fundamentum Ecclesiæ* ; D. de Belsunce Episcopus Massiliensis anno 1733. ubi *Sempiterna*, scribit, *erit veritas, quod Ecclesia Christi fundata est super Petrum, tanquam fundamentum inconcussum, & ipsius Successores* ; Episcopi Tullensis anno 1714 ; Nivernensis anno 1718 ; Vivienfis eodem anno ; Lectorensis an. 1723, ubi hæc habet : *Sancta Sedes Petra illa immutabilis est, quæ conterit quidquid mendacio, aut vanitate lucet* ; Bajonensis an. 1729. auctor accedens Catholicos omnes ita sentire debere ; D. Laiteus Episcopus Sistaricenfis in hist. Const. *Unigenitus*, & apud ipsum ad annum 2735. D. de la Fare Episcopus Laudunensis anno 1730, qui infracto animo frequens cum adversa fronte contra supremam Parisiensem Curiam, tum adversum Refractarios nonnullos Præsules stetit, & pugnavit ; Episcopus Andegavenfis in serm. Synodico anno 1721. palam, coramque pronuneians : *Qui Clementis XI. auctoritati refragari non verebantur, contra firmam Petram conspirant, & inconcussam ejus soliditatem concutere nituntur*. Nihil vero in his, ut vides, intertextum est, quod opinionem de requisito Ecclesiæ assensu redoleat, ex quo adversæ opinionis patroni ansam arripere possint ejusmodi testimonia eludendi, aut elevandi.

Finirem nunquam, si quæcumque Gallicani Antistites in documentis suis pastoralibus de Apostolicæ Sedis divinis prærogativis Diocesanos suos docuerunt, oratione complecti vellem. Haberi hæcenus allata satis superque possent, nisi adhuc nonnulla suppetere, quæ nullo prætermitti modo debent. In his Cardinalis de Mailly Archiepiscopus Remensis in mandato pastor. anno 1718. Pontificem alloquens : *Tibi*, inquit, *innituntur Ecclesiæ columnæ* : & post pauca : *Christus*, attexit, *Sedem Apostolicam instituit fixum, & immobile fundamentum*. Cardinalis de Bilsy in docum. pastor. contra appellantes a Constit. *Unigenitus* anno 1728. Concilii VIII. testimonio usurpato absolutissime declaravit : *In Sede Apostolica integram inveniri christianæ Religio-*

nis integritatem; & in mand. pastor. an. 1722. eadem de causa promulgato S. Hormisdæ verba in formula fidei Græcis olim præscripta faciens propria: *Quia*, inquit, *non potest D. N. J. Christi prætermitti sententia dicentis*: Tu es Petrus &c. *Hæc*, quæ dicta sunt, *verum probantur effectibus*, quia in Sede Apostolica immaculata est semper catholica servata religio, & sancta celebrata doctrina. Cui apprime concinunt Cardinales de Jauson Arelatensis, & de Tencin Ebredunensis Archiepiscopi; de Fenelon; De la Fare, alique mox laudati. Quibus adnectendi, qui iisdem Christi pollicitationibus innixi S. Petro nedum, sed & Romano Pontifici ejus ex asse Successori pariter a Christo datum perhibent, ne a fide unquam deflectat, sed in fide imo fideles omnes confirmet, D. de Colongue Aptensis Antistes in docum. pastor. anno 1717, quo sic Quésnellistas perstringit: *Si Ecclesia Romæ fundata errori succubuit, ut Refractarii Constitutionis Unigenitus contendunt, quid ergo evaserunt, quas Christus ipsi fecit, promissiones, se nimirum ipsi semper adfuturum, ac portas inferi adversus eam non prævalituras?* Ad hæc advertit ex S. Nicolao I. in epist. 8. ad Michaellem Imperat., Romanæ Ecclesiæ a Christo D. tria privilegia fuisse collata: quod ea Unitatis Ecclesiasticæ centrum sit, & Ecclesiarum omnium Mater: quod a fide nunquam defecerit, neque sit defectura: quod supremo jure, sive appellatione Ecclesiasticæ causæ ad eam deferri debeant. Quæ omnia tandem confirmat testimonis Cleri Gallicani in epist. ad Innocentium X; Petri de Marca de Concord. lib. 5. cap. 8; D. de Fleuri hist. Eccles. lib. 6; & Facultatis Parisiensis, de quibus superius dictum est. D. de Languet Archiepiscopus Senonensis in docum. pastor. anno 1731. horum habet simillima: *Jesu Christi*, ibidem inquires, *promissiones Petro, & ipsius Successoribus factæ sunt*. In adnotationibus vero ad docum. Cardinalis Noallii hæc Bajodocensis Episcopi verba expendens: *Pro fide solius Petri Christus oravit, ut illa in Petri Successoribus non deficiat*: adjungit ab eo speciali Christi auxilio, quo fit, ut fides ejus defectura nunquam sit, non excludi Concilia œcumenica, (modo eis Pontificis non desit assensus,) sed ceteras peculiare dumtaxat Ecclesias, quarum nulla aut Primatum Ecclesiæ, aut speciale illud auxilium

Pe-

Petro soli promissum sibi ullo modo vindicare potest. *Absit autem*, subdit, ut Galli Theologi hunc Primatum, atque hec speciale Christi auxilium Petri Ecclesie unquam inficientur. Denique in epist. ad Episcopum Boloniensem anno 1720. data gravissimo errori Quesnelli partiariis vertit, quod tam perverse, quam falso obruderent Christi oraculo non officere, quominus Romanus Pontifex errorem definire solemniter possit.

Quæ hætenus allata sunt, adeo egregie exornavit, amplificavit, corroboravit Albertus Augustæ Salassorum Episcopus, ut negari ei aures nequeant. Enim vero a Diocesis suæ hominibus de sana doctrina sollicitis obsecratus, ut sibi adversus grassantes Jansenii errores pro Romano Pontifice argumenta suppeditaret, in encyclica ad ipsos exarata Pontificis cum supremam in Ecclesia potestatem, tum in fide infallibilitatem, tam SS. Patrum, quam aliorum Doctorum auctoritate adstruit, & loco collocat. Imo argumentum ut numeris absolveret suis, Jansenii testimonium adhibet, atque in medium adfert, qui in cap. 21. Johan. sic inquit: *Quod officium* (pascendi Ecclesiam in Petro) *quum sit ordinarium, ac tandiu necessarium, quandiu erit Ovile, profecto iisdem istis verbis* (Pascite oves meas) *eamdem potestatem omnibus Petri legitimis Successoribus* (Christus D.) *tribuit*. In Lucæ 22. etiam hæc habet. *Quia confirmare Fratres, quod sequitur ad officium Pastoris, pertinet, & proinde perpetuum esse debet; hinc juxta sensum antiquorum impetravit ei & aliud privilegium ad Successores propagandum, ut videlicet tanquam Caput Ecclesie nunquam nec ipse, nec Successores ejus in docenda vera fide deficerent, juxta illud Leonis serm. 3. de assum. sua: In Petro omnium fortitudo munitur; & Bernardi epist. 190. ad Innocentium: Dignum arbitror ibi potissimum refarciri damna fidei, ubi non possit fides sentire defectum. Ita Jansenius, qui paullo ante observaverat ex S. Augustino lib. de correp. & grat. in fide infallibilitatem a Christo D. impetratam non fuisse, nisi liberrimam, fortissimam, invictissimamque perseverandi in fide voluntatem: Quando rogavit, ait S. Augustinus cap. 8, ne fides ejus deficeret, quid aliud rogavit, nisi ut haberet in fide liberrimam, fortissimam, & perseverantissimam voluntatem. Similia scripsit postea*

Quesnellus, de quo paullo post. Ex his itaque, plerisque aliis horum simillimis liquido adparet, quam vere, tam approbe in suo Docom. pastor. anno 1718. pronunciaſſe Episcopum Engoliſmenſem: Collegas ſuos Pontificiæ inſallibilitatis doctrinam auctoritate ſua comprobaffe, eorumque potiorem partem adjungere, & adſerere doctrinam eandem communem eſſe Episcopis, atque Academiis Italiæ, Germaniæ, Hiſpaniæ, Luſitaniæ, Hungariæ, Poloniæ, Belgii, Illyrici, Helvetiæ &c.: quibus ex Gallis, præter hætenus memoratos, jungendi Illuſtriſs. Petrus Franciſcus Laſſeus in hiſt. Conſtit. *Unigenitus*; nec non in reſutat. Anecdotor. ſuper Conſtit. *Unigenitus*; operis nempe 2. volum., quo a Quesnellianis compendioſiebat hiſtor. reflexion. moral., & Conſtit. *Unigenitus*; Jacobus Ozonamus, cui in ore id erat: Res theologicas diſcutere ad Pariſienſem quidem Facultatem pertinere, decretorie vero definire, ac dirimere ad Pontificem; Eleonorus Langerinus, qui in lib. adverſus Maſium Codaniæ Proſeuchæ Proteſtantium Miniſtrum in Eccleſia Romana dogmata orthodoxa variatæ nunquam dilucide oſtendit; Petrus Coutantius par. 1. in præfat. ad epiſt. Rom. Pontif.; Franciſcus Diroiſius, a quo adverſus Quesnellianos Formularii Alexandrini deſenſio frequens adornata eſt; præterquam quod adverſus falſas Sectas, & Atheiſmum Religionem chriſtianam tract. edito egregie defendit; Paulus a Lugduno Ord. Capp. in Anti-Hexaplis, quibus Hexaplorum auctorem, Quesnellique vindicem proſtigat; Thomam ex Charmes noſtri etiam Ordin. in proleg. diſſer. 5. cap. 3. q. 3. art. 1., & cap. 4 q. 1, & 2, alique in noſtram proni, propenſique ſententiam.

Quid tandem, quod Maimburgus ipſe in hiſt. magni 6. ſchiſmatis Occident. lib. 5. pag. 439., aut 280. edit. 2. Pariſienſ. auctor eſt, ac ſane hac in re fidei haud dubiæ, ſuſpectæque, ab annis nongentis Eccleſiæ Gallicanæ hanc jugiter hæſiſſe perſuaſionem, quod hæreſis excepto caſu, Pontifex Romanus a nullo homine, nulloque Concilio, ſed a ſolo Deo judicari, deponique poſſit? Quod ſi poſtea in tract. Gallico *De l'étaſſiſſement de l'Eglife* capp. 13., & ſeq. in oppoſitam manibus, pedibusque deſcendit opinionem, nihil mirari ſubeat, ſiquidem ſubleſtæ fidei

fidei hominibus familiare est, ac frequentatum sibi æquales haud stare, nec cohærere in sententia. Quipote? Quæsnellus ita quoque vir etsi, ut norunt omnes, ac si quis unquam, Summis Pontificibus insensus, infestusque, in opere Gallico tamen, cui titulum fecit: *Tradition de l'Eglise Romaine*, latine redditus sic loquitur: *Traditio, quæ de rebus fidei dijudicari debet, tribunal obtinet suum in cunctis Catholicis Ecclesiis ... Hujusce tamen tribunalis auctoritas illustrius, luculentius, & certius præ ceteris Apostolicis Ecclesiis, in Romana Ecclesia emicat, quum in ea Sanctæ Sedis Primatus a Deo constitutus sit, Ecclesiis omnibus eadem præmineat, supremum Episcoporum Caput in ea resideat, eamque Apostolorum Principes doctrina, prædicatione, & sanguine instituerint. Quamobrem jugiter Romanæ Ecclesiæ traditio ceterarum omnium traditioni est antelata; quatenus dogmata, quibus Apostolorum Principes Orientis Ecclesias imbuerunt, apud Romanam deposuerunt Ecclesiam, exinde in Occidentem omnem dimananda: atque quidem absque dubio iisdem fidei fundamentis superstructa est Domus Dei. Paucis interjectis ita pergit. Temporis successu, quum Pelagius, Cælestiusque adversus Apostolicam doctrinam errores disseminassent, Africani Antistites postquam illos in duobus Conciliis Provinciarum Carthaginensis, & Numidiæ damnassent, ad S. Petri Successorem synodica gestorum relatione missa rogarunt, ut ab se prolatum judicium Apostolicæ Sedis auctoritas comprobaret, atque ut traditione Africanæ Ecclesiæ cum Ecclesiæ Romanæ traditione collata, innotesceret: utrum rivulus in Africanam Ecclesiam diffuens ex eodem capite profunderet, ex quo plena fluens in Romanam dimanant Ecclesiam, ut loquitur S. Augustinus in epist. ad Innocentium I. verbis illis: Utrum noster rivulus licet exiguus ex eodem, quo etiam Tuus abundans, emanet capite fluentorum, hoc a Te probari volumus. Hæc Quæsnellus: ex quibus liquido adparet eam veritati inesse vim, ut vel ab inimicis etiam invitis testimonium extorqueat, ut exinde inexcusabiles evadant, si agnitæ veritati manus dare victas denegent non modo, sed ex malitia terga vertere malint. Quod in Quæsnello contigisse conspicitur, a quo nihil minoris sunt factæ, quam Apostolicæ Sedis definitiones, quas*

atta-

attamen maximi faciendas esse modo ultro citroque confessus est.

Ad hæc, quæ hætenus allata sunt, quid ajunt opinionis adversæ patroni, quos aliorum præterea Gallorum testimoniis oppugnare jam piget? Opponunt 1, atque quidem prætermisiss Antistibus illis, puta Cardinali Noallio, Petro de la Brove Mirapicensi, Carolo Colberto Monspessulano, de Langlet Bolognensi, de Soanen Sanitiensi, aliisque perpaucis, inter quos de Herveau Turonensis Archiepiscopus; de Bethune Viridunensis; de Chaste Laudunensis; Desmaretz. Macloviensis; Drevillet Bagonensis; de Caylus Autisiodorensis; Gaston de Noailles Catalensis, aliique nonnulli, e quibus 8. quidem Clementinæ Constitutioni *Unigenitus* obluſtari palam non erubuerunt, alii-que 7. amplecti dumtaxat detrectaverunt, uti legere est apud Illustris. Lasiteum hist. Constit. *Unigenitus* lib. 1, & 2: quibus aut ex intercessione adversus Clementinam Constitutionem, *Unigenitus*, aut ex interposita ab eadem Constitutione ad Concilium appellatione nihil laudis, multum imo labis adhæsit, opponunt, inquam, Illustris. toto Orbi multo nomine celebris Jacobi Benigni Bossuetii Meldensis olim Episcopi auctoritatem, doctrinamque, quam tradit duobus voluminibus sub hoc titulo: *Defensio declarationis Cleri Gallicani de potestate Ecclesiastica*, anno 1682. adornatis, ubi totus in id intenta mentis acie incumbit, ut præfatas quatuor propositiones a Clero Gallicano in Comitibus præmemorati anni procusas omni argumentorum genere, quod plane virum doctissimum non præterierat, defendat, & propugnet; quamque propugnat, opinionem Academiæ Parisiensis, Gallicanæque Ecclesiæ doctrinam esse defendit. Bossuetio demum adjungunt Illustris. Gilbertum de Choiseul du Plessis Praslain Episcopum Tornacensem in epist. ad doctiss. Martinum Steyaertium Academiæ Lovaniensis Professore, qua occasione arrepta literariæ concertationis cum inter, & Anonymum Gallum exagitatæ, exortæque ex occasione ejaculatæ censuræ in Dominum de Withe, cum hunc, tum Gallum Anonymum ut defenderet, id inivit consilii, ut eorum causam propriam faceret, oppugnatamque ab iisdem Pontificis cum supra Concilia potestatem, tum in fide infabillitatem pro virili parte ipse pariter oppugnaret.

B. 1. Etſi

R. 1. Etsi daretur præfatum opus sub Bossuetii nomine, vulgatum ipsius revera genuinum, germanumque esse foetum, nihil exinde mihi vestigia Clarissimorum virorum, qui contra calamos exacuere non sunt veriti, sectanti morarum injici, quo a Romani Pontificis vindicandis privilegiis, undique ex verbo Dei scripto, traditoque, atque ex Ecclesiarum, ac præsertim Gallicanæ doctrina accersitis argumentis, arceret, nihil enim in ipsum auctorem inquirendo producta passim ex Bossuetio momenta, viribus, quibus potui, exertis propulsavi, atque quidem loca, quibus apposite id præstiti, index, qui ad calcem operis prostat, satis ostendit: sacratiorem rem me acturum arbitratus, si Pontificis Maximi potius, quam privati Episcopi auctoritati, dignitati que consulere. Quamquam vel præstantissimum virum maximi pro meritis faciam, suminoque in pretio ut ipse opera habeantur, (si hoc unum, quo de agitur, excipias) auctor certe sim. Præterea etsi parens hujusce operis Bossuetius esset agnoscendus, ex hoc tamen opere germanam Bossuetii doctrinam, sententiamque non esse æstimandam arbitror sane: quandoquidem opus est infausto, turbatoque tempore, quo Romanam Curiam inter, & Gallicanam Aulam Regiæ occasione dissidia effervescebant, instructum, elucubratumque; atque quidem (verbo absit injuria) ab homine Delphini præceptore, Aulæque Regiæ optime accepto, qui imo nonnisi Aulæ Regiæ iteratis jussionibus, uti testatur Trecentis Episcopus infra laudandus, adactus huicce operi manum vel nolens admovit. Postremo opus hocce publicam lucem ut adspiceret, noluit auctor. Quamvis enim Bossuetius ultimo fato functus sit anno 1704, opus vero confectum ante V. Innocentii XI. obitum, idest ante annum 1688, ut ex operis conclusione constat; nihilominus nonnisi 26. annis ab obitu Bossuetii Typis, & iis quidem extraneis, Luxemburgi, & Basileæ demandatum est. Quod argumento est voluisse auctorem, ut opus tenebris, atque oblivioni conscriptum iret; ac propterea ex ipso nemo prudens genuinam Bossuetii, idest tanti viri, tamque de Romana Ecclesia meriti, de Pontificia potestate, atque infallibilitate opinionem expiscetur.

R. ad 2. Momenta, & quidem minime spernenda, suppetere,

re, quibus cordato cuique suaderi videtur opus istud Bossuetio abjudicandum fore: quæ jampridem collecta a doctissimo Soardo, si iis, quibus hujusce præclarum opus præsto non sit, obiter hic indicavero, propterea id vitio mihi verti nolim, quasi agam actum: si iis vero quispiam æquam nolit aurem præbere, per me licet, non præbeat. Itaque id suadetur 1. ex eo, quod ut mox dicebamus, opus istud nonnisi 26. post Bossuetii fata annis publici juris factum sit, Typisque non Gallix, sed Luxemburgi, & Basileæ anno 1730. evulgatum, uti vel ex epigraphe constat. 2. Ex eo quod Anonymus auctor, a quo opus sub Bossuetii nomine editum est, ajat quidem se summo studio ad fidem autographi codicis exactum opus ab se evulgari: at codicem illum autographum apud quem extet, a quoque alio inspectus sit, adeoque fidem liberet suam, non ait. 3. Ex eo quod eidem Bossuetio alia opuscula supposita sint, quæ sane ipsius germanum non esse foetum, indubium est: cujusmodi (ut nihil interea dicam de *Meditationibus in Evangelia* vol. 4. edit. anni 1731; nec non de *Tractatu Elevationum in Deum* vol. 2. edit. anni 1727, quæ plane opera Bossuetio abjudicarunt Auctores Ephemer. Trivult. ad annum 1731, & 1732; quandoquidem instruct. pastor. anno 1733, & 1734. ceu legitimum foetum Patruo restituit Bossuetius Trecensis Antistes,) est opus gallice inscriptum: *Justification des reflexions morales du Pere Quesnel*: quod opus ab Auctore libri gallice inscripti: *Memoire donné en 1719. sous les noms des Messieurs les Evêques de Mirepoix, de Senez, de Montpellier, & de Boulogne* (quatuor nempe appellantium a Constitutione *Unigenitus*) par. 2. art. 9, quemque librum refellit D. Languetius Archiepiscopus Senonensis in 5. docum. pastor. par. 2, quod opus, inquam, non solum ad fidem autographi summo studio recensitum refertur, sed imo præfidentissime affirmatur primigenium ejusdem codicem apud Bossuetium Trecensem Episcopum extare, eundemque a quodam Gallo Episcopo inspectum.

Ad hæc autem Bossuetius alter Trecensis Episcopus, atque Meldensis nepos in instruct. pastor. anno 1729. die 30. Septembris testatur quidem a Bossuetio patruo suo Ludovici XIV. jussu opus elaboratum, ejusdemque Mf. exemplar ab se Ludovico Regi contra-

tra-

traditum . Non amplius igitur extat apud ipsum Trecentem Episcopum : at neque in Bibliotheca Regia extare testatur Dominus Targni : imo nec ullum haberi vestigium, quod aliquando in Regia Bibliotheca extiterit Dominus Salier ejusdem Bibliothecæ Præfectus ; & D. Carpentier Bibliothecarius a Soardo expostulati responderunt. In Regia Bibliotheca unum equidem operis exemplar servatur , non est tamen autographum illud , cujus ab se in Regias consignati manus meminit Trecentis Episcopus : exemplaris enim istius initio extat manu propria exarata declaratio D. Targnii Regiæ Bibliothecæ Præfecti , cujus declarationis ecce tibi excerptum. Declarat itaque D. Targnius ab se anno 1724. die 10. Martii a Cardinali Fleurio receptum opus latinum Mf. Bosuetii Meldensis inscriptum *Defensio declarat. Cleri Gallicani de potestate Ecclesiastica* in ea Bibliotheca servandum, neminique communicandum, ut exscriberetur . Se a Cardinalibus Fleurio, & de Rohan expostulatum anno 1728. die 15. Decembris petiisse a D. de Aguesseau magno Regni Cancellario sibi operis Bosuetii copiam fieri , ut ex eo exemplar latinum in Regia bibliotheca servatum, ignota manu exaratum , & multis refertum mendis , quod inter chartas D. Abbatis Fleurii regii confessorii post ipsius obitum repertum a D. Cardinali Fleurio in Regia bibliotheca reponendum, servandumque receperat , corrigeretur , & emendaretur . Sibi vero, subdit, responsum a magno Cancellario præfati operis apographum apud se minime extare : illud equidem ab se lectum in exemplari D. Abbatis Fleurii , atque ab eodem nonnullis in locis punctis adnotatum se observasse ; adjunctum imo ab eodem magno Cancellario exemplar illud a præfato Abbate Fleurio dono sibi legatum, quod tamen adipisci ipse neglexisset . Ad hæc declarat præcitatus D. Targnius observatu digna se a prælaudato Domino de Aguesseau accepisse : videlicet opus illud a Bosuetio Meldensi revisum , multisque in locis emendatum ab ipso parente ad operis calcem quædam adjecta , quibus opus Ludovico XIV. nuncupabatur , quibusque Rege coram a Bosuetio ipso perlectis Rex ipse adeo commotus fuerit , ut vel in lacrymas profluxerit : exemplar vero Regi exhibitum post ejus fata juris factum Ducis Aurelianensis : inspectum etiam a Cardinali du Bois,

Pars I.

K k k k

apud

apud ipsum attamen non proflare: autographum, & quidem emendatum Mf. extare apud Bofsuetium Trecensem Episcopum, se ab eodem Cancellario accepisse subnequit, eique ita correcto, & aucto standum, non vero exemplari in Bibliotheca Regia aservato, atque a Bofsuetii primigenio plane diverso. Hactenus Domini Targnii declaratio. Ex qua intelligere facile est, quæ fides sit adhibenda vulgato Bofsuetii operi, quandoquidem penitus ignoratur, ubi degat, aut delitescat autographus Bofsuetii codex, qui a Domino de Aguesseau apud Trecensem Episcopum extare dicitur, a Trecensi autem dicitur Ludovico Regi contraditus.

Suadetur 3. ex scribendi ratione ab auctore vulgatæ defensionis adhibita: siquidem scribit inter alios, qui Comitibus an. 1682. adsuerunt, Præsules doctrinæ, eloquentiæque laude conspicuos enituisse cum Tornacensem, tum Meldensem: auditos ab se cœtus illius celeberrimi Episcopos, atque insigniora ab illis dicta ab se diligenter collecta. Ad hæc par. 1. lib. 3. cap. 12. Bofsuetii Catechismus laudibus celebrat, & elogium cumulat, quibus Catechismus ille est celebratus: Bofsuetium ipsum *Illustrissimi, & Reverendissimi*, item Delphini præceptoris titulus exornat non modo, sed etiam *Doctissimum*, & cap. 13. unum e gravioribus Theologis, ac Doctoribus nuncupat. Putas ne vero Bofsuetium Christianæ modestiæ cultorem eximium, adeoque sui oblitum, doctrinæ, eloquentiæ, aliisque ejusmodi nominibus se conspicuum, atque quidem inter reliquos Galliarum Antistites, & Doctores scripsisse, & dixisse? Conjecturas ejusmodi nonnullis aliis, nec contemnendis sane confirmat vir doctiss. Johannes Antonius Blanchus, ex quibus quidem æqui, bonique æstimator persuaderi sibi satis nunquam possit, quod Bofsuetio ex calamo, multoque minus ex animo id opus exciderit, ex quo, gravius ne dicam, multum se fore sermonis subiturum, nec levem nomini suo creandam invidiam præsentire facile poterat.

Accedit ad hæc, quod quamplurima hocce in opere defensionis a Bofsuetii sententia, germanisque ipsius placitis aliena prorsus leguntur, & adversa. Enim vero 1. germanus Bofsuetius in sermone habito ad eundem Cœtum anno 1682. pronunciavit, unum, vel
alte-

alterum e Romanis Pontificibus dumtaxat fuisse, qui contra suis Prædecessoribus sacratum morem per vim, aut per circumventionem non satis firmiter propugnauerint, nec satis liquido fidei dogmata explicauerint: præteritus vero Bosuetius lib. 14. cap. 33, & seq. retexere aggressus Romanorum Pontificum catalogum, qui in fide turpiter lapsi sint, adnumerat Liberium, quem Arianz hæresos insinuat: Zosimum, quem Cœlestii, & Pelagii erroribus fuisse contendit: Hormisdam, quem, quasi Catholicam propositionem a Schyitis Monachis adsertam, *Unus de Trinitate passus*, proscripisset, redarguit: Joannem VII, quem quia totum continentem Canones Synodi Quinisextæ, sive Trullanz, a qua Synodo plerique ritus Romanæ Ecclesiæ, præsertim Cœlibatus lex Presbyteris, & Diaconis indicta, damnabantur, a Justiniano Imperatore ad se missum non emendavit, sed imo ad Imperatorem remisit, erroris criminatur: Honorium, cui Monotheismi labem adhæsisse asserit: Gregorium II., quem, quasi docuerit Matrimonium infirmitatis causa dissolvi posse, perstringit. Stephanum II, quem suggillat, quasi docuerit dimissa uxore posse aliam duci, atque validum esse Baptismum in vino collatum: Nicolaum II, cui scribenti valere Baptismum in Christi nomine collatum, erroris notam appingit: Sergium III, quem ordinatos a Formoso, vel ab Episcopis, quos ordinasset Formosus, aut abjecisse, aut iterato ordinasse: eaque imperasse, quæ per 20. annos in Italia, & Romana Ecclesia Sacerdotium, & Sacramenta, ipsam imo Christianam rempublicam extinguere, scribit: Gregorium VII, a quo contra Dei verbum scriptum, & traditum in Regum jura intentatum ait: Bonifacium VIII, quem in decretali *Unam Sanctam* Scripturas a vero sensu traditione accepto aperte detorsisse, nec non intollerabilia pleraque ad infirmandam potius fidem congestisse asserit, eaque de re eundem carpit: Paschalem II, cui geninam criminis, errorisque personam imponit, iccirco quia contra Spiritum Sanctum, & Canonicam Institutionem privilegium Investiturarum Henrico V. Imperatori concessit: Alexandrum III, quem quod ex Traditione, & Scriptura Sacra verbis illis videlicet: *In ore duorum, vel trium testium &c.* testamenta, coram duobus, aut tribus testibus conscripta valida declaraverit,

vellicat : Innocentium III, cui ceu Monachis Cisterciensibus scripserit Confessionem sacrilegam a Confessario pandi debere , & posse , succenset : Cœlestinum III , cui vertit crimini , quod Matrimonii vinculum inter Christianos superveniente alterius conjugis hæresi solverit cap. *Laudabiliter* de Conversione Infidelium , ut proinde Decretalem illam reprobaverit Innocentius III. cap. *Quanto te novimus* de Divortio: Nicolaum III, & Johannem XXII, quibus quasi adversa , & quæ uni perfecta , & sancta , alteri hæretica , & injusta visa fuissent , edixerint , exprobrat . Ab Johanne imo falsa de visione beatifica prædicata , & credita pronunciat . Quæso vero cohæret ne Bossuetius defensor cum Bossuetio sermone . ajente ab uno dumtaxat , vel altero Romano Pontifice fidei doctrinam minus apte , minusve aperte declaratam , aut defensam ?

Posthæc verus Bossuetius in serm. præfato docuit S. Petrum verbis illis *Tu es Petrus &c.* a Christo constitutum fuisse Ecclesiæ fundamentum . Bossuetius vero defensor lib. 15. in summario cap. 1. verba illa ad hunc sensum detorquet , ut non Petri persona , sed fides , quam confessus est , aut officium prædicandæ scilicet fidei constitutum fundamentum Ecclesiæ fuerit . Verus Bossuetius in allegato sermone Petrum a Paulo reprehensum non de violata fide , sed de agendi ratione , adeoque ab illo non in re fidei , sed in re disciplinæ peccatum pronunciat : at suppositivus Bossuetius lib. 14. cap. 48. Petrum in eo peccasse , quod ad Evangelii veritatem pertineret , scribit , quodque a fide aversos fecisset Gentiles . Germanus Bossuetius in instruct. pastor. *Super promissiones Ecclesiæ* cap. 104. Jurio Calvinistæ exprobrat , quod Liberii lapsum quidem objecisset , Liberii vero reditum ad officium taceret : vindicando etiam Liberio veterum testimonia colligit : at Bossuetius defensor totus est , ut Liberium in lapsu circa fidem confirmet . Verus Bossuetius , ut suo loco dicemus , refricanda non esse infauusta Bonifacium VIII. inter , & Philippum Pulchrum dissidia , desideravit , dixitque ; at fictus Bossuetius lib. 7. tribus integris capitibus , nimirum 23 , 24 , & 25 , in eisdem dissidiis exagitandis defudat , iratumque adeo , nigrumque calamum in Pontificem acuit , ut id catholicum Scriptorem dedecet quam maxime . Mitto Sacræ Scripturæ , & SS. Patrum interpre-

interpretationes detortas, mutilationes, invidiosas notas, aliaque ejus generis, quæ in Bossuetio defens. declar. data opera, modeste tamen, refutarunt Clariss. Roncalia, Platina, Orsius, quæ vero Bossuetio, idest viro tam gravi, tam pio, tam docto adscribere nefas reputaverim.

Suadetur 4. ex eo, quod Auctor vulgatæ defens. declar. sibi certe non constet, secummet conflictetur, atque andabatarum more, velut ajunt, certamen contra se ineat. Enim vero totus est ut evincat unam esse universalem Ecclesiam, quæ falli, & fallere omnino sit nescia: Pontificem vero Romanum etiam cum Concilio particulari, etiam cum Cardinalium Collegio, etiam cum Clero Romano de fide periclitari posse, quinimo ipsammet Sedem Apostolicam a fide deficere posse: at vero sparsim in opere, scribit Ecclesiam universalem non modo, sed vel Romanam particularem Ecclesiam, atque Apostolicam præsertim Sedem indeficientem in fide esse: ita namque lib. 15. cap. 4. ex verbis illis: *Rogavi pro te &c.* nunquam fidei jacturam passuram fore vel Petri personam, vel Apostolicam Sedem, vel Romanam Ecclesiam arguit. Cap. 6. Romanam Ecclesiam, atque Apostolicam Sedem in fide immotam esse docet: *Quæ proinde Cathedra Romana si concidere posset, inquit, fieretque jam Cathedra non veritatis, sed erroris, Ecclesia ipsa Catholica non haberet societatis vinculum, jamque schismatica, ac dissipata esset, quod non est possibile.* Cap. 7. sic infert: *Omnes ergo Ecclesiæ subsignata formula profitebantur Romanam fidem Sedis Apostolicæ, & Ecclesiæ Romanæ fidem integram, & perfectam soliditate constare, ac ne unquam deficiat certa Domini pollicitatione firmatam.* Cap. 10. relatis S. Leonis IX., & S. Gregorii VII. locis, scilicet ex illis verbis *Rogavi pro te &c.* subinferentibus: *Romana Ecclesiæ fides nunquam defecit, nunquam deficiet:* subnectit: *Quid contra nos? qui quidem tanto conatu id agimus, ne illa Petri Sedes a vera unquam fide avellenda credatur, quodque nos quoque credimus, omnique ope asserimus.* Cap. 12. Alliaccensem laudat, quod in legatione ad Clementem VII. peroraverit illis verbis: *Firmissime tenemus, & nullatenus dubitamus, quod Sancta Sedes Apostolica est illa Cathedra Petri de qua in personâ Petri in ea sedentis dictum est: Rogavi pro*

pro te &c. & *Sedes Apostolica semper immaculata perman-
sit, & in futuro permanebit.* Cap. 13. Gersonium laudibus pro-
sequitur, quod coram Alexandro V. prædicaverit in hæc verba :
*Latinitas (idest Latina Ecclesia) Sedem habet Petri, pro cuius fi-
de, ne deficeret, specialiter oravit ille, qui in omnibus exauditus
est pro sua reverentia.* Cap. 15. S. Bernardi celebrem locum jam
a nobis laudatum in epist. ad Innocentium II. profert. Cap. 16. ex
D. Thomæ dictis, ait, *constitit, quod illa non defectura fides Petri
sit ipsa universalis Ecclesia, aut certe peculiaris Ecclesia Romana
fides.* Cap. 17. describit demum, quæ Episcopi Gallicani an. 1653.
ad Innocentium X. scripsere, quæque nos superiori §. exhibui-
mus : ea vero omnia cap. 35. compendificat. Sane hisce in locis
ab Sede Apostolica Romanos Pontifices auctor distinguit ; sed
quam perperam id faciat, alibi satis ostendimus. Ex iis ergo illud
plane exsurgit opus præfatum pro germano Bossuetii sætu haben-
dum non fore, ut qui longe absuit quam maxime ab eo scribendi
genere, scribendi scilicet pugnantia.

Postremo audiendus Eminent. Cardinalis de Tencin Archi-
episcopus Lugdunensis in documento pastoralis adversus instructio-
nem pastorem Episcopi Monspefulani de miraculis, ubi hæc
habet in rem nostram : *Monspefulanensis Antistes ea contra Nos
profert posthuma Bossuetii opera, quorum utique nec erit unquam,
nec esse poterit tanta auctoritas, quantam in famosis illis operibus
ab ipso auctore publicæ luci, ac utilitati consecratis agnoscimus.
Cariorem sui memoriam reliquit nobis Magnus Meldensium Præ-
sul, quam ut ea veneremur scripta, in eum finem, uti videtur,
fabricata, ut Bossuetium cum Bossuetio male committerent. Quæ
quidem si illum auctorem, & parentem vere habeant, jure, meri-
toque judicare possumus ejus illa generis Bossuetio ipsi visa fuisse,
quæ publicam adspicere lucem non mererentur.* Atque hæcenus
de 1. argumento. Quo quidem agere non aliud intendimus, nisi
magni Bossuetii doctrinæ consulere, & nomini. Certe ejusmodi
Soardi conjecturas, aut saltem aliquas Platinæ, Lucino, Blan-
co, Orsio, aliisque viris doctissimis arrisisse novi ; si qui sint,
quos utique non deesse intelligo, uti Serrjus, qui despiciatui
habeant, quique opus vel in dubium verteret, deridendum
susci-

suscipiant, ii quod 1. loco repositum est, habeant responsum.

Quod ad Antistitem Tornacensem tandem attinet, quem profecto quis æqua, patientique aure excipiat cum temere suggillantem S. Gregorium VII, tanquam qui adversus apertissimum S. Scripturæ sensum, atque unanimum SS. Patrum traditionem auctoritatem suam extulerit, ultraque terminos æqui, iustique extenderit; tum audacter traducem Auctores ad unum omnes sive Canonistas, sive Theologos nostram tradentes doctrinam, tanquam qui doctrinam hancce non ex purioribus S. Scripturæ, & Traditionis fontibus propinarint, sed ex præconcepta opinione, aut præpostera assentandi cupidine profuderint; quæ quam falso, tam per injuriam proferri hæcenus dicta liquido demonstrant? præterquam quod ea in epistola ad Steyaertium nihil regerit, quod jam pridem a Richerio, Launojo, Maimburgo, (cum quibus profecto rem habere communem, propriamque facere causam, ac patrocinium velle suscipere D. de Withe, viri nempe Ecclesiastici, qui epulas inter, & pocula, coramque laicis illiteratis, nec satis bene moratis disteria adversus venerandam Pontificum dignitatem profundere non erubuit, uti Præfulem doctrina præterea dignitate nedum illustrem decebat, summopere pudere illum debuisset), a Dupino, & Bossuetio, aliisque eis in opinione, æqualibus repositum sæpius, & assatim non fuerit refutatam; quum egregiis eam in epistolam observationibus adornatis objecta ab eo omnia elevaverit ita, & eliserit vir doctiss. Antonius Charlassius, ut vim roboris nullam reliquerit, non est, cur denuo iis repellendis operam ludam. Id unum observare obiter juvat ex assertione Pontificii Primatus, in quam Episcopus Tornacensis ultro citroque concedit, recte & ad rem intulisse Charlassium inficiari nullatenus posse Pontificem perinde supra Concilium stare, atque in fide prorsus infallibilem esse. Etenim si Pontifex in Ecclesia Primas est, ejusdem est de causis ad Ecclesiam universam attingentibus dignoscere, & dijudicare; dijudicanti vero Ecclesia universa obaudire debet. Si ita res est, sicuti esse revera ille non inficiatur, quibusnam Pontifex erit inferior, equis Pontificis Judex, qui ipsum informet, quumque opus afforet, errantem corrigat, emendetque? Episcopi, inquit, Ecclesiam in Con-

cilio coadunati exhibentes, sive universim in unam, eandemque sententiam coalescentes. At Episcopi ubique ad unum omnes Pontifici morem gerere debent, non ei jus dicere? Ita sane, subtexit, singulatim Pontifici subsunt, collectim præsumt, quomodo singuli Cives Magistratui subjacent, simul convenientes præstant. Auguste id utique ubi Civium universitas Magistratui auctoritatem concedidit: quid autem si auctoritatem non ab Episcopis sive simul, multoque minus seorsum, sed ab uno Christo cunctorum supremo Domino accepit Pontifex? Quis hunc, quæso te, Episcoporum cœtui supponat, nisi idem Christus Dominus omnium supremus? At, amabo te, ubi nam Christus D. Pontificem, vices suas gerentem in terris Episcoporum cœtui subjugavit? Ad decretoria hæc Antistite Tornacensi haud dissidente Concilium absque Pontifice legitimo nec cogi, nec celebrari licet: nec Concilio licet de legitimo Pontifice jus dicere: nec imo judicium a Concilio latum tenet, & obtinet, valet, & prævalet, nisi Pontificis vel præcedat, vel accedat sensus, vel assensus: si igitur, sicut ipse supponit, accidat Pontificem in averfam ab ea, quæ Episcopis allubet, sententiam abire, quid tum? Perstabit a capite divulsum corpus? Præ iis, qui Pontificem uti Caput suspiciunt, cuique parere tenentur, pronius non ne est Pontifici adhærere, ejusque placito adquiescere? Quid enim? Episcopos dum invicem dissentiant, quid inquit dissentiant, dum errant, sicut errasse vel in Concilio collectos explorata res est, sive ad sententiam componere, sive ab errore revocare Pontificis est procul dubio, quo plane præmonente ita jugiter Ecclesia ab errore evasit tuta, & incolumis. Quid itaque causæ est, cur præ Episcopis a Pontifice dissidentibus Pontifici, idest Capiti potius, quam corpori acephalo non sit auscultandum? Siquidem ei auscultando, cui confirmandi christifideles in fide a Christo D. datum est, hac ratione hætenus retentam in Ecclesia rectam fidem res adeo inconfesso est, ut expositione non cgeat.

Opponunt 2. Sacræ Parisiensis Facultatis auctoritatem, & doctrinam: nam nostræ adversam opinionem tenuisse, & legisse ejusdem Facultatis Doctores Petrum de Alliaco; Johannem Gersonium; Jacobum Almajnum; Philippum Abbatem Saudionysianum;

num;

num; Hadrianum Galterum; Jodocum Clithoveum; Claudium Coufsordium; Simonem Vigorium; Claudium Sanctefium; Renatum Benedictum a Narali hist. Eccles. ad Sæcul. XV., & XVI. dissert. 4. art. 6. laudatos liquet; eorumque vestigiis inhaerente ab eadem sacra Parisiensi Facultate teneri, & legi testantur Franciscus Victoria in relectione de potestate Concilii, & Papæ; Thomas Campegius lib. de potest. Papæ cap. 24, & Martinus Navarrus de pœnitentia dist. 5. Exinde vero liquido adparet 1., quod in Censura lata in Johannem de Montefono anno 1387. in causis fidei a Summo Pontifice appellari ad Concilium posse affirmavit. 2. Quod in Censura anno 1429. lata in Johannem Sarrazinum in certis casibus Summo Pontifice Ecclesiam potestate præstare docuit; quam doctrinam confirmavit anno 1432. in Censura lata in Nicolaum Quadrigarii Ord. S. August. ; anno 1470. in Censura lata in Johannem Murerii Ord. Prædic.; & anno 1481. in Censura lata in Johannem de Angelis Ord. Minorum. 3. Quod Conciliorum Constant., & Basileensis decreta de Concilii supra Papam potestate ultro citroque amplexata sit, annoque 1497. a Carolo VIII. Rege consulta de habendo generali Concilio respondit, quod Summus Pontifex Alexander VI. juxta Concilii Constantiensis decretum teneretur Concilium congregare; atque anno 1505. ejusdem Concilii, non secus ac Basileensis, decretis innixa ab eodem Alexandro VI. certam pecuniarum collectam præcipiente ad futurum Concilium appellationem interjecit. 4. Quod anno 1512. quum ad Facultatem librum Cajetani de comparatione Papæ, & Concilii misisset examinatum Ludovicus XII. suo, & Facultatis nomine librum illum confutarunt Jacobus Almajnus, & Johannes Major Facultatis doctrinam agentes, quod Pontifice potior Concilii potestas sit. 5. Quod anno 1611. quum Parisiis apud Prædicatores inter propositiones publicæ concertationi exhibitæ ea quoque exposita fuisset de Pontificis supra Concilium potestate, atque in fide insufficientia, suo, & sacre Facultatis nomine intercessit Richerius Syndicus. 6. Quod in Censura anno 1641. lata in Ludovicum Cellotium Conciliorum generalium convocationem quandoque necessariam dixit; atque anno 1656. Franciscum Guillonium ad hanc propugnandam Thesim: *Ecclesia jure divino Monarchia est, tametsi*

Aristocratia temperata, adigit. 7. Quod eadem Facultas Ludovico XIV. sex illos celeberrimos Articulos, in totum postea Regnum sacra Regis jussione vulgatos, attulit anno 1663., quos tamen jam ab annis plus viginti editos fuisse refert Bofsuetius, quorum quintus sic habet: *Doctrinam Facultatis non esse, quod Summus Pontifex sit supra Concilium Oecumenicum*; & Sextus sic effertur: *Non esse doctrinam, vel dogma Facultatis, quod Summus Pontifex nullo accedente Ecclesiæ consensu sit infallibilis*. 8. Quod anno 1664. censura inulserit ex libro cujusdam Carmelitæ sub Jacobi Vernantii nomine inscripto: *La deffense de l'autorite de Notre Saint Pere le Pape, de Nsseigneurs les Cardinaux, les Archeveques, Eveques* &c. excerptas propositiones, quibus ille soli Pontifici infallibilitatem activam, Ecclesiæ passivam tribuebat: Pontificem soli Deo subjici, nec nisi Divina potestate ejus restringi potestatem affirmabat: unum penes Pontificem jurisdictionis totius fontem consistere in Episcopos omnes, atque in Ecclesiam universam diffundendum docebat; & Summum Pontificem infallibilem esse fidei regulam adstruebat. 9. Quod in censura, qua anno 1665. Amædei Guimenii librum notavit, eam quoque propositionem nigro theta, perstrinxit, qua ille Pontificiam infallibilitatem de fide esse affirmabat. 10. Quod anno 1683. in Strigoniensis Episcopi propositionem, quæ sic efferebatur: *Ad solam Sedem Apostolicam divino, & immutabili privilegio spectat de controversiis fidei judicare*, supremi Senatus jussu ad suum examen deductam censura animadvertit. Quæ omnia fusc prosequitur Bofsuetius defens. declar. par. 1. lib. 3. cap. 11; & par. 2. lib. 10. cap. 20., & seqq; usque ad cap. 28.

Æ. 1. Sacram Parisiensem Facultatem pro merito faciendam esse quam maxime, ac facile Academiæ omnium Principem illam prædicamus, ut quæ viros sapientia, & sanctitate Orbi toti celeberrimos pepererit, ex quibus duo gemina illa laude præfulgentia lumina Angelicum, & Seraphicum Doctores, SS. Thomam scilicet, & Bonaventuram nominasse sat est, & super, quæ nullo non tempore contra, qua schismata, qua hæreses, qua Idololatriæ præstigias, reliquiasque, qua Judaismi pertinaciam, obstinationemque non decertavit, nisi vinceret: neque in Religionis castra

castra descendit, nisi victoriam referret. Ea de re egregium Sorbonæ pro Religione studium, ob egregios, quos in bonum Religionis genuit athletas, ob egregiam, quam contra Religionis hostes navavit operam, frequentes fuere Romani Pontifices in ea præconiis cohonestanda, ac privilegiis cumulanda. Verumtamen ea, quam aliquando tenuit, agendi ratio, quæque objecti argumenti est robur, id a nobis etsi nolentibus extorquet, ut eandem & suos manes passam fuisse planum faciamus: quod quia invite facimus, omnem verbo procul esse injuriam volumus, neque invidia id fieri conestamur. Esto ergo ex ejus gremio viri prodierint sapientia, & sanctitate conspicui: prodire & viri erroribus, moribusque conspurcati quam maxime. Pro veris dogmatibus, pro vera Religione esto eadem sæpissime cum laude dimicaverit: at aliquando, neque infrequenter in pravas opiniones se abripi permisit, atque se agi in transversum a recta sententia passa est. Semel, iterumque ejus in præconia Pontifices Summi proruperint: sed & iterato, qua se in querelas effudere, qua minas intenterunt, qua pœnas intorserunt. E tumulo revocare nolim veteres illos multo nomine infames, quos e sinu suo ejectos cum suis erroribus execrata jamdudum, consepultos etiam num, oblivionique traditos Sorbona ipsa desiderat. Utinam sicut vetustos illos odio habuit, ita nuperos alios e sinu suo erumpentes, ne in castra Jansenii concederent, cohibere ei datum fuisset! Argumento ii uno sint tum Magistri illi supra septuaginta, qui quum anno 1656. secunda Arnaldi epistola ad Sorbonæ tribunal delata nigro carbone notata fuisset, ejusdem patrocinium suscipere non erubere, ut narrat Montaltus, sive Nicolius Arnaldi Apologista: tum quoque quadraginta illi Doctores, qui anno 1702. die 20. Julii celeberrimo Conscientiæ casui, quo Jansenismus purus, putusque consovebatur, & confirmabatur, cujusque fuerat auctor Perrierius nepos Paschalis, editor autem Thierrius, teste Laffæo lib. 1. ad annum 1701, Quesnelliana pece uterque infectus, syngrapham adjecere suam, e quibus præcipui audivere Hideux, Bourret, Dupinus, Pinsonat, Jollain, De Lau, Desprez, Herlau, Fen, Auquetil, Souillet, Camet, Alexander, de Lamac, de Longueil, de Bourges, Petitpied &c.,

qui tamen, postremo Petitpied dempto, factum improbantem subscriptionem revocant; quamvis, si fides foret adhibenda Auctori hist. Casus Consc. tom. 1. pag. 133, & 255, fuco plena revocatio fuerit illa, quibusque subinde 17. alios Doctores accessisse, imo alios plusquam 100. idem narrat auctor tom. 2. pag. 112. ab ejusmodi subscriptione deterritos iccirco dumtaxat ajens, ne in exilium amandarentur.

Sorbonæ ablit, ut plurimis nominibus debitam, præclarisque facinoribus partam laudem detractam velim; eam imo gemina laude dignam prædico, quod frequentissime a Pontificibus, Conciliis, Episcopis, Curtiis, Populisque consulta optima responsa protulerit, utilissimasque censuras procuderit: cujusmodi fuere, quibus Lutherum, Erasmum, Spalatensem, Richerium, Santarellum, Arnaldum, Seguenotum, Voissini missale, Montensem versionem, celebrem Conscientiæ casum &c. inussit. At ei crimini vertitur, quod aliquando in opiniones abierit, vel qui abirent, Magistros aluerit, Rationi, Regno, Religiosis cœtibus, Reipublicæque christianæ adversas; ut fidem faciunt refertæ ejusmodi exemplorum historiæ fœderis edit. anni 1606, DD. de Thou, de Mezeray, de Avila, de Lazeure, P. Danielis, Egassii Bullæi imo, necnon P. Piccinardus de approbat. Doctr. S. Thom. lib. 1. cap. 1, & seqq., quas ego malim silentio obvolvi, quam aliquid per me probri sacre Parisiensi Facultati obvenire. Quamquam id nullo prætermitti modo potest, quod postquam datam Constitutioni *Unigenitus* subscriptionem facti poenitens revocasset edito libello sub hac epigraphe: *Relationes deliberationum Facultatis Theologicæ Parisiensis circa prætensum decretum die 5. Martii anno 1714. eandem Constitutionem diris cunctis proscidit*, veluti quæ cum morum disciplina, fideique dogmatibus pugnaret. Cui sane adornando operi Sorbonæ calamum accommodasse suum Habbertum, Pastellum, Hydeux, Dupinum, & Jollain narrat Auctor *Tocsins Catholiques* in libello parænetico de Sorbonæ lapsibus: subnectens DD. Witassium, de Berthe, Ravechet, & Tonnelier eidem operi elucubrando, quo scilicet Constitutio *Unigenitus* exploderetur, præfectos: præterea a DD. de Asfeld, & Bidel eo adductam sacram Facultatem, ut se Constitutioni *Unigenitus*

nitus nunquam adhæsisse ediceret . Quin imo eò progressus audaciz fuisse Facultatis Doctores non nullos refert Lafitæus lib. 3 , tum ut Constitutionem *Unigenitus* diris cunctis lacefferent , tanquam quæ morum licentiam induxisset , multique erroris labem redoleret ; jactarentque propterea a Facultate Parisiensi nunquam receptam fuisse , etsi fuisset in tabulas regeſta , nempe doctrinam , qua vituperabatur Religio , Hierarchia subvertebatur , peſsumdabantur Gallicanæ Eccleſiæ libertates , juraque Regni , & Epiſcoporum infringebantur : tum ut defendere , ac laudibus excipere imo non erubescerent *Hexapla* , & *Testimonium veritatis* , libros ſcilicet errorum reſertiffimos , cujus poſterioris principia Proteſtantium propria affirmavit Baſnagius , quibus propterea Gallicanus Clerus in Comitiiſ anni 1715. publicam infamiæ dicam conſcribere e re ſua duxerat . Quamquam Hexaplorum Auditor in præſat. pag. 73 , & ſeq. affirmare alioqui non dubitaverit ab Academia Pariſienſi Conſtitutionem *Unigenitus* die 10. Martii anno 1714. numeratiſ votis ſive ſuffragiis 525. ultro citroque fuiſſe receptam . Quid amplius , quod anno 1719. die 19. Jan. decreto edito , uti legere eſt apud Lafitæum lib. 5 , eo devenit audaciz ſummæ , ut Academiæ Cadomenſis appellationem ad Concilium approbare non modo , ſed cenſuram etiam , qua opinioni de infallibilitate Pontificis nigra erroris nota infligebatur , ſuas in tabulas regerere , calculo probare ſuo , ſuamque facere , ac propriam Facultas Pariſienſis non detrectaret ? Quid tandem ſi ad anteriorem paullulum ætatem referimus pedem , quod quamvis Paulus V. litteris brevibus ad Angliæ Catholicos bis datis anno 1606. die 23. Septemb. , & anno 1607. die 23. Octob. juramenti formulam , quæ ab eis exigebatur , fuiſſet execratus , defendere tamen decreto edito anno 1680. die 19. Auguſti Doctores 56. auſi ſunt ? Quid ergo mirum , ſi modo in eadem Facultate ſint , qui propugnent Pontificem ſupra Concilium non eſſe potem , ipſumque minime infallibilem nullo accedente Eccleſiæ aſſenſu ?

Sed ea propter præpoſteram docendi , ſive agendi rationem , qua ſe abripi quandoque Pariſienſis Facultas patiebatur , ut emendarent , atque ad rectum callem revocarent , a principio , videlicet ſæculo XII. exeunte , vel XIII. incunte , quo ejuſdem Faculta-

tis.

tis jacta fundamenta Auctor est Dupinus in sua Bibliotheca, & deinceps Romani Pontifices, monita, præcepta, minas, pœnasque adhibuere. Animadversionibus parco, quas adducere præsto alioquin esset ex Innocentio IV., Alexandro IV., Bonifacio VIII., Joanne XXII., Martino V., Clemente VI., & Julio III.; siquidem in litteris Gregorio XIII. nuncupatis Parisienses Doctores a Summis Pontificibus sæpe in Facultatem suam animadversum ultro, citroque fassi sunt. Unum commemorabo Clementem XI, qui Constitutione incip: *Circumspecta Romanorum Pontificum providentia*, quod Constitutionem *Unigenitus* recipere renuisset, sive receptam respuisset, Facultatem Parisiensem privilegiis omnibus, jure præfertim ad Doctoris infulas provehendi, spoliata voluit. Eadem de re, quod Richerissimum foveret sinu suo, ac seditionibus adversus Apostolicam Sedem sæpius Academiam dedisset locum, permoleste ferens Duvalius aliquando protulit: Religioni fore consultius, si non extaret Sorbona: & Cardinalis Perronius in serm. habito ad Reginam Regentem coram Episcopis Parisiensi, & Andegavensi Sorbonam dixit velle se omnibus immiscere, eamque ferme semper in deteriorem partem descendere.

Quas non olim in Regno turbas, & contra Religionem tumultus excitavit adversus Regum jura Parisienses nonnulli Magistri sub temporibus S. Ludovici, Philippi Audacis, Caroli V, Philippi Pulchri, Ludovici XII, Henrici II? adeo ut Reginaldus de Alliaco Caroli V. Procurator Generalis ad Pontificem interponere appellationem coactus fuerit, ut Regni, Religionisque imo jura cum a violentiis, quas exercebant Rector, & Decanus Facultatis, tum a conviciis, quibus Hermandus Doctor theologus Rege coram Pontificem prosciderat, integra, atque intemerata essent, efficeret: ut Ludovicus XII. consultissimis edictis cohibere effinem Parisiensium quamplurium Doctorum licentiam, effrontemque detrahendi libidinem compescere compulsus sit: ut Henricus II. Alienigenas Scholarum auditores Parisiis pellere, Collegiorum januas ferotinis horis claudi, Magistros certis legibus obstringere sapientissimis sacris jussionibus fuerit adactus. Ut Erasmus ad Franciscum I, quem veluti hæresis fautorem Noelis

Beda

Beda Facultatis Syndicus præfracta fronte traduxerat, scribens, admonuerit, sitque adhortatus, ut Syndici, aliorumque Sorbonicorum audaciæ præsto occurreret, modumque audendi cohiberet, fore alioquin facile, ut Academia celebris adeo latronum spelunca (ejus sunt verba) evaderet: ut Dux Aurelianensis Regni administrator veritus ne a turbis, quæ contra Constitutionem *Unigenitus* excitatæ in Sorbona fuerant, aliis pro ea pugnantibus, & repugnantibus aliis, Regni pax pessumiret, ne in Sorbona de eadem Constitutione institueretur sermo consultum iussit. Idem quod de Parisiensi, pariter de Nannetensi, & Remensi Academiis judicium esto, quæ prælaudatæ Constitutioni *Unigenitus* pravo Sorbonæ exemplo perductæ refragatæ sunt. Sed invidiæ plena sunt ista, a quibus proinde abstinendum, eoque magis, quod abunde demum maculam omnem Academia Parisiensis absterferit, quam sibi ex deuegato Constitutioni Clementinæ *Unigenitus* assensu contraxerat, dum 15. Decemb. anno 1729. decreto edito, appellatione, quam anno 1717. interjecerat, retractata, & rescissa, se sincera, ac submissa animi devotione eidem Constitutioni acquiescere, & ambabus ulnis amplexari declaravit non modo, sed imo pro ejus defensione adversus Potestates laicas decertare obnixè nec dubitavit, nec destitit: quamobrem nec levem gloriam sibi comparavit, laudemque a bonis omnibus promeruit.

¶ 2. Quæ quamque proba de Romani Pontificis infallibilitate, & potestate sacre Facultatis fuerit sententia, palam fecimus paullo supra: quamvis eam, quæ nunc ei arrisisset, non moraremur, satis esset meminisse eorum, quæ Gregorio XIII. scripserat jampridem quidam Doctor Sorbonicus; scilicet postquam dixisset a viris qua doctrina, qua dignitate conspicuis Sorbonæ sententias, censurasque parvipendi, quin imo a Pontificibus ipsius Prædecessoribus non semel Sorbonæ agendi, docendique rationem improbatam, sæpiusque cum monitis, tum minis curatum, ut ad amissum rediret, subnectit: Academiam Sedi Apostolicæ indivulse jugiter adhæsisse, summopere illius obsequio, & obedientiæ studuisse; atque ut aberrantes omnes illis adscisceret, semper curis omnibus adnixam. Et quæ Petrus Hardivilliers Facultatis Rector
anno

anno 1611. sermone habito coram supremo Senatu Parisiensi, quo Sorbonam ab adversariorum obsecrationibus, & objectis vindicandam susceperat, pronunciavit, scilicet non aliud potius ejus rei gratia depromsit, adhibuitque argumentum, quam petiitum a Facultatis firma Apostolicæ Sedi adhesionem, ita illos alloquens: *Quasi alibi, quam in Castris Sorbonicis stet Legio illa fulminans, non Aurelii Imperatoris, sed Romani Pontificis: quasi alii sint, quam Sorbonici, qui in illa munitissima divi Apostolorum Principis navi regenda potissimum laborent.* Quæ quoque sua fuerit tempestate Facultatis Parisiensis de Romano Pontifice doctrina explicat Duvalius de suprem. Pontif. potestate par. 2. q. 1. his verbis: *Scio quidem in re Pontificia Alliensem, Gersonium, & Almainum non esse tantæ auctoritatis, quia tempore Schismatum floruerunt, & scripserunt: duo priores, quando tres se pro Pontificibus gerebant; postremus vero Almainus tempore Julii II, & Conciliabuli Turonensis, quo Gallia sub Ludovico XII. a Sede Apostolica defecerat. Almaino adicere est Johannem Majorem eidem coævum. Idem iterum in elencho libelli de Eccles., & polit. potestate pag. 9. hæc habet: Ex quo satis cuivis constare potest (Richerium) nondum abjecisse erroneam illam opinionem, quam in Scholam Dominicanorum Parisiensium coram Illustrissimo Cardinali Perronio nuper impudentissime professus est: De fide est Concilium esse supra Papam: cujus falsitas a magno illo Cardinali validis rationibus in amplissimis Comitibus demonstrata est: etsi enim Parisiensis Academia stet a partibus Conciliorum generalium, non tamen propterea in unitatem cum ceteris Academiis descendit, neque earum Doctores pro devotiis a fide habet, aut unquam habuit. Postea etsi Academia Parisiensis infallibilitatem in decernendo ad Concilium generale solum referat, ab eo tamen nunquam abesse debet Pontifex. Denique etsi Parisienses ad Concilium generale ultimam fidei analysim referant, non tamen propterea potestatem de fide decernendi Pontifici unquam ademerunt, & merito. Vides igitur a Duvalio novæ doctrinæ in Sorbonam invectæ epocham repeti a Gersonij ætate, seu Concilii Constantiensis æra: ideoque ab avita doctrina Academiam recessisse, imo non satis in doctrina nova Academiam sibi cohærere, æqualemque esse, quandoquidem Pon-*

ti-

tifici de fide definienti Christifideles omnes ad obsequendum tenere, non tenere vero Concilii etsi generalis de rebus fidei definitio- nes, si in illo Pontificis præsentia desideretur, docet. Dum autem audis Duvalii librum, intelligito illum, illiusque elenchum a Doctoribus Parisiensibus commendatum, probatumque iccirco, ut publicam lucem aspiceret: *Ad summam*, ut inquit, *cum Capite visibili Romano Pontifice unionem artissime retinendam, cui aliter Schismaticorum mala mens, malusque animus male, & se- ditiose consultum veller.*

Censuras in objectione commemoratas non moror, quippe vel per invidiam, & seditionem editæ sunt; vel alieno plane a nostra causa sensu elaboratæ; vel superioris potestatis jussu sunt revocatæ. Ita lata in Iohannem Sarrazinum, & in Iohannem de Montessono intelligenda est de tempore Schismatis, aut Pontificis dubii, aut hæretici, eoque nomine, quod Episcopis jus de fide pronunciandi adimeret. Ita lata in Nicolaum Quadrigarii, Jo- hannem Munerij, & Johannem Angeli ex pessimo Decretorum Concilii Constantiensis, & Basileensis intellectu prodiit; neque enim censura notari meretur propositio, qua soli Pontifici imme- diate a Christo collata jurisdictio in ceteros Episcopos derivan- da adstruitur. Ita ex cōtorta eorundem Decretorum interpreta- tione obligatio Alexandro VI. imposita congregandi Concilium atque impudentissimè ab eo interposita ad Concilium congregan- dum appellatio. Ita lata in librum Cajetani censura assentatio- nis vitio datur, a viris autem Doctis habetur despicatui, eique vicem rependit Duvalius, a quo Alliacensis, Gersonius, Almai- nus, Major, Vigorius, & Richerius ceteris Sorbonicis ea in- censura præeuntes exsufflati sunt. Ita Richerio in hominem de Pontificis privilegiis recta disputantem insurgenti, & obloquanti obstitisse, ejusque impudentiæ digna rependissem doctissimum Per- ronium auctor est Duvalius paullo supra commemoratus. Ita la- tæ in Cellotium, & Guillonium ne volam quidem causæ nostræ nocent; nam & Concilia in casu saltem Schismatis necessaria di- cimus, & si Episcoporum jura immediate esse a Deo daremus, nihil exinde Pontificis privilegiis adversum extunderetur. Ita celebres illi articuli ad Aulæ gratiam aucupandam, Apostolicæ vero Sedi

contumeliam, injuriamque faciendam, iccirco quod per tumultum, perque temeritatem adornati sint, contemptui habentur. Sed & pessime illis cessit, nam a Pontifice Alexandro VIII. sunt proscripti, atque jubentibus Innocentio XII, eodemque Alexandro revocati, ut paullo infra palam fiet. Mirari autem subit hominum audacissimam confidentiam, qui in causam suam latas in Vernantium, & Guimenium Censuras advocant: quandoquidem illas Alexander VII. Pontifex Maximus, qua litteris 6. Aprilis anno 1664. ad Regem exaratis, qua Constitutione anno 1665. Romæ evulgata cen temerarias, & scandalosas damnavit, defendique sub anathematis pœna prohibuit. Mirari vero est magis, quod Alexandri Constitutio nihili habita sit, ac Bolsuetium par. 2. lib. 10. cap. 27. scribere non puduerit in hæc verba: *Itaque Censuræ suæ (in Vernantium, & Guimenium) apud nos loco steterunt: Bullæ annumerata iis, quæ ignota, ac nulla nihil ad nos pertinerent.* At mirum non est, quod qui Pontificis privilegiis detrahunt, Pontifici pariter obedientiam denegent, pessime agant, qui prave opinantur; atque in transversum abeant, qui a veritate abscedunt. Ita denique lata in Episcopum Strigoniensem eatenus laudanda, quatenus in ea propositionem præstrinxit, qua ex parte, prout accipiebatur, Episcopis etiam in Concilio congregatis judicandi de fidei controversiis auctoritatem adimeret: quo plane sensu propositionem nigro thera dignam nos dicimus. Hæc levi calamo attigimus, quæ lato sermone par. 2. Vindiciar. prosequemur.

Opponunt 3. Ecclesiæ Gallicanæ doctrinam de Pontificis suprema potestate, & infallibilitate opinioni esse plane oppositam. Censet enim, & docet Episcopos in causis fidei Judicum officio defungi, eorumque jurisdictionem a Christo immediate defluere; non simplices Romani Pontificis esse consiliarios, eorundemque Constitutionum executores: non enim eis consuevit absque prævio examine calculum adjicere suum; neque a Pontifice jurisdictionis Episcopos participes fieri autumat. Constat id 1. ex declaratione Cleri Gallicani anno 1655. edita, libroque descripta, cui titulus: *Relation des deliberations du Clerge.* Episcopi enim illi iidem triginta, qui Cleri universi nomine Innocentio X. ob damnatas quinque Janseii propositiones gratulatorias dederant lit-

teras,

teras , in litteris ad Episcopos exaratis diserte declarant ad Episcoporum necessariam , atque essentialem dignitatem pertinere , ut de fidei quæstionibus primam ferant sententiam , & ne id facerent Episcopos , qui Papam consuluerant , animorum disensionibus fuisse prohibitos : addentes Episcopos congregatos , ut deliberarent quid in hoc negotio facto opus esset , uno spiritu , uno corde , uno ore ita consensisse ad recipiendum illius (Innocentii Constitutionem) iudicium , cui per unitatem christiani Episcopatus hierarchica subordinatione colligati essent ; ut merito crediderint propositionum condemnationem una cum eo ab se quoque esse prolatam , ac pronunciatam . Sic se Episcopi Coniudices , & condecernentes declararunt : neque Pontificem falli , & fallere esse nescium , nisi Episcoporum consensus accederet . Idem declaratum anno 1656. a Glerio Gallicano in litteris , quas Cleri nomine tum ad Alexandrum VII, tum ad Regem , tum ad Episcopos ceteros Præsules numero 40. nuncuparunt, extantque in supra laudato libello deliberationum Cleri Gallicani . Eadem doctrina liquido , & luculenter exposita ab Episcopis anno 1655. congregatis , qui postquam Johannem Bagotium purgantem se , profitentemque Episcopos immediate a Christo jurisdictionem accipere audivissent , litteris encyclicis de more ad Episcopos inscriptis declararunt Episcopos a Christo habere potestatem , quamvis eam exercere sub Pontifice debeant .

Clarius id constat 2. ex celeberrima declaratione Cleri Gallicani in Comitibus anni 1682. adornata , & quatuor articulis exposita ; quorum 1. declaratur Romano Pontifici nullam a Christo Domino in Regum temporalia factam potestatem fuisse . 2. Romanum Pontificem juxta decreta Concilii Constantiensis sess. 4. , & 5. supra generale Concilium potem non esse , eoque præstantiorem . 3. Pontificiæ potestatis usum cancellis sacrorum Canonum coarctari : nec valere illam ultra , aut contra Gallicanæ Ecclesiæ regulas , mores , & instituta , quibus nominibus ejusdem Ecclesiæ libertates efferuntur . 4. Præcipuas Summi Pontificis in fidei quæstionibus esse quidem partes , non tamen irreformabile ejus esse iudicium , nisi Ecclesiæ consensus accesserit . Quibus articulis sic expositis Episcopi numero 34 , alique Ecclesiastici nu-

mero 38. syngrapham apposuerunt suam. Ludovicus autem Rex sacræ jussionis, qua in totum, quo late patet, Regnum illos evulgari, doceri, & observari edixit die 2. Martii ejusdem anni 1682. robor adjecit: jubens idest, ut hæc propositiones in universa Ditione, ac Provinciis, atque Academiis Regnorum suorum defenderentur; neque quisquam gradum aliquem litterarum in Theologia, aut jure Canonico adipisceretur, nisi jurisjurandi sacramento prius se ad eorundem defensionem religiose obstrinxisset.

Re. 1. Quod vel ipsi partium nostrarum patroni, atque Pontificiorum privilegiorum assertores, & propugnatores accerrimi, & præcipui Cardinales de Turrecremata, Bellarminus, & Sfondratus; Canus, etiam, & Orsius, ut de aliis taceam, Episcopos in fidei quæstionibus Judices esse profitentur, & data opera probant. At ipsos nequidem in Conciliis Judices esse infallibiles, nisi Romani Pontificis judicium anteiverit, aut accesserit, a quo in Episcopos plenitudinis potestatis partem derivare par. 2. Vincit. demonstrabitur. Judicis igitur ministerio, & munere funguntur Episcopi, potestative pronunciando quæstionem quampiam sacræ Scripturæ, ac Traditioni esse consonam, ideoque fide divina esse credendam, quæ pronuntiatio plane duobus fieri modis potest; ut de altero nunc taceam, qui æquivalens dici solet, sitque ex tacito, aut expresso, sed singillatim, cunctorum tamen unanimi Episcoporum consensu, contra quem non pugnet Pontifex. 1. Modo antequam de ea quæstione ab Ecclesia, idest a Pontifice, vel a Concilio œcumenico fuerit pronuntiatum: atque pronuntiatio ejusmodi absque prævio, diligentique examine non fit, neque est infallibilis. 2. Modo postquam Concilium generale, vel Pontifex pronunciarunt: atque isthæc pronuntiatio etsi fieri possit, fiatque post collatum judicium istud prolatum cum S. Scriptura, & Traditione, eaque ratione judicium dici possit, quod sit pronuntiatum ab Episcopis juredicundi potentibus; revera tamen huic judicio necessarium non est prævium examen, multominus illud patitur examen, quo suspensus, ac interea, cunctabundus maneat assensus: uno verbo: judicium est ejus generis, cujus extitere illa, quæ posteriores Pontifices, ac posteriora Concilia de iis rebus, de quibus jam prolatum judicium sue-

fuerat a prioribus Conciliis, & Pontificibus, quæque plane in dubium revocare ingens piaculum esset, iterum protulere.

Itaque Gallicanæ Ecclesiæ, ut ex actis Verbalibus Cleri Gallicani anno 1653, 1699, 1705, 1713, aliisque laudatis liquet, solemne fuit Romanorum Pontificum de fide Constitutionibus statim absque cunctatione, & absque examine, & antequam nossent, aut noscere valerent easdem Constitutiones majori Episcoporum parti fuisse probatas, acceptasque, ultro citroque assensum suum adjicere, & adherere, quam plane adhæSIONem judicium iccirco dicimus, quod præstita sit ab Episcopis jurisdictione insignitis; cuique judicio adhæSIONis, si quando examen præcesserit, id non indigat in antecessum ab Episcopis dubitatum de Pontificæ Constitutionis veritate; sed dumtaxat indicio est adhæSIONem illam absque cognitione, atque cum Dei verbo scripto, & tradito collatione præstitam nequaquam fuisse. Ergo tum etiam Judicis funguntur officio Episcopi, quum vel absque prævio examine, quod sane necessarium non est, vel etiam adhibita collatione cum Scriptura, & Traditione, non ut exinde veritas eliquescat, de qua antea dubitaretur, sed ut jam definita magis elucescat, firmisque adnixa rationibus fidelibus populis magis in palam fiat, & facilius adducantur ad assensum præstandum. Quin tamen ea, quæ ita conferuntur, dubitationi supponantur, Romanorum Pontificum decretis adhærent, idest judicium suum jungunt, seu interius judicant Episcopi decretis illis obediendum esse. Rem omnem uno verbo, aut altero complexus est Conventus Episcoporum Provinciæ Remensis anno 1699. in causa damnationis libri *Des Maximes des Saints*. Certum est, inquit, juxta omnium seculorum traditionem consensum Episcoporum primæ Sedis judicio simul esse actum obedientiæ erga sanctam Sedem, & actum auctoritatis, & judicii sub principali ejusdem S. Sedis auctoritate.

§. 2. Quænam fuerit, sitque germana Ecclesiæ Gallicanæ doctrina de Romani Pontificis prærogativis satis superque liquere ex dictis superioribus §§, neque ullo modo dimetiendam ex præfata declaratione anni 1682, quam contradicere palam vel doctrinæ Episcoporum Galliæ expressæ, qua in Conventu Melodunenſi

dunensis anni 1579. tit. 1. Constit., inque Comitiiis Parisiens. anni 1626. in monitis ad Antistites Regni artic. 137. observat Antonius Charlasius in præfat. tom.1. de libert. Eccles. Gallic.; qua in litteris ab Episcopis Gallicanis mox 85, & mox 30. inscriptis ad Innocentium X. anno 1653. animadvertit Cardinalis de Aguirre in defensione Cathedræ S. Petri disput. 2. sect. 1, & seq. Itaque ex præcitata declaratione non expiscandam fore Ecclesiæ Gallicanæ doctrinam ex eo suadetur 1, quod eam accurate conferenti cum aliis doctrinæ capitibus ab eadem Ecclesia editis, pugnare cum eisdem constet. 2. Quod ea declaratio iis concepta, & nata temporum nebulis sit, quibus Romanam Curiam inter, & Gallicanam Aulam de jure, & extensione Regaliæ acerrimæ vigeant altercationes, & similitates acerbæ, ut constat ex epist. 1. ad V. Innocentium XI. e Conventu Parisiensi anno 1682. mense Februarii inscripta, quam refert Eminent. Sfondratus in *Gallia Vindicta* disert. 1. §. 8. Quare multis modis peccatum iis in Comitiiis, præjudicio, præcipitatione, partium studio, absentatione, ac forte etiam (verbo absit injuria) vindicta, ut observavit Antonius Charlasius tract. de libertat. Gallicanæ Ecclesiæ lib. 3. cap. 13. & ut scribit prælaudatus Cardinalis de Aguirre in defens. Cathedræ S. Petri disput. 1. tract. 2. sect. 2. præfatæ quatuor propositiones in Comitiiis anni 1682. *Non a Concilio, aut matura consultatione prolatae sunt, sed subita quadam animi commotione . . . occasione gravis dissidii inter Innocentium XI, & Regem Christianissimum.* 3. Quod eandem declarationem a Clero Gallicano eo in Conventu extorserint graves incussi metus. Ita ingenue Innocentio XI. confessi sunt iidem met Episcopi data ad eundem epistola mense Februarii anno 1682, qua sic loquuntur: *Quam consecrandi fecimus Apostolica Sedi canonica obedientia professionem, ea nos impellit, quæ Parisiis jussu Regio congregati gressimus, ad Apostolatum vestrum referamus, gravesque metus nostros paternum in sinum effundamus.* Unde illis rescribens V. Innocentius, *Metu suatore inquit, nunquam Sacerdotes Dei esse solent in ardua, & excelsa pro Religione, & Ecclesiastica libertate vel aggrediendo fortes, vel perficiendo constantes.* 4. Quod eadem declaratio, ut quæ metu extorta fuisset ea, qua par erat, modestia, ingenue

tamen, religioſe, ex animo dolore affecto ab iſdem Epiſcopis, a quibus fuerat elucubrata, reſciſſa fuerit: ita enim in epiſt. ad Innocentium XII, quam legere eſt apud Eminent. Sfondratum in Regali ſacerdotio lib. 4. §. 5, & Gravezonium tom. 8. hiſtor. Eccleſ. conſcribere: *Quum in hac tandem exultantis Eccleſiæ felicitate ingentes Chriſtiani omnes æterna providentia Sanctitatis veſtræ fructus percipiant, facilemque in ſinum Clementiæ veſtræ aditum experiantur, nihil accidere moleſtius nobis potuit, quam quod eo nunc loco res noſtræ ſint, ut aditus in gratiam Sanctitatis veſtræ nobis hæcenus intercluſus videatur. Cujus quidem rei, quum eam fuiſſe rationem perceperimus, quod nos Cleri Gallicani Comitii anno 1682. Pariſiis habitis interfuermus: idcirco ad pedes Beatitudinis veſtræ provoluti proſitemur, & declaramus nos vehementer quidem, & ſupra id, quod dici poteſt, ex corde dolere de rebus geſtis in Comitiiis prædictis, quæ Sanctitati veſtræ, ejusque Prædeceſſoribus ſummopere diſplicuerunt, ac proinde quidquid in eiſdem Comitiiis circa Eccleſiaſticam poteſtatem, & Pontificiam auctoritatem decretum cenſeri potuit, pro non decreto habemus, & habendum eſſe declaramus. Atque quidem hæc ipſa, quod Epiſcopis fuiſſet adempta libertas, in cauſa fuere cur multo ex capite adverſus cœtum illum Pariſienſem interceſſerit Vicarius Generalis Diœceſis Apamienſis, ut eſt apud Charlaſium loco paulo ſuperius indicato.*

Eſt & aliud, graviusque utique, quod Cœtum illum illegitimum comprobet, editamque exinde declarationem Eccleſiæ Gallicanæ tribuendam non eſſe evincat. Nempe Præſules dumtaxat, qui iis Comitiiis interfuermus, eam declarationem adornarunt abſentium, quorum amplior numerus, deſideratus aſſenſus eſt: quibus nihilominus nec mandantibus, nec demandantibus vicem, quæ plane ad rem adeo difficilem, arduamque, expreſſa requirebatur, nec deinde ratihabentibus, juris nefaria inverſione, ex timore, ex impetu, ex temeritate ea declaratio edita eſt. Longe leve tamen momentum hoc haberi debet in comparatione illius, quod ſtatim indico, prætergreſſos nempe Præſules Gallicanos propriæ poteſtatis limites, immaniterque extra omnem Eccleſiaſtici juris orbitam excurriſſe, ideoque ex iſtius attentati capite illiciti-

licitam, atque illegitimam ejusmodi declarationem omnino evasisse. Enim vero res erat, & versabatur inter majores, aut imo maximas causas computanda: agebatur siquidem de potestate Ecclesiastica, non quidem Episcoporum, sed Romani Pontificis, sed Concilii œcumenici, sed Ecclesiæ universalis: rem conditionis istius, & generis, tam arduam, tam gravem ad Apostolicam Sedem, aut ad Concilium generale ex Apostolicæ Sedis assensu dignoscere, ac dijudicare procul dubio attinebat. Quorsum itaque Gallicanos Antistites istiusmodi jus sibi arrogare, nisi ita attentando notum facere rem ab se factam perperam, præcipitanter, præpostere, quæ nulla ratione in rectum reduci tramitem queat, nulloque modo tenere, quum omni prorsus robore careat? Ad horum denique cumulum facit, & confert, quod horum omnium plane conficius factus, omnique ex parte concidere probe habens perspectum Ludovicus XIV. Galliarum Rex, ad Innocentium XII. Pontificem M. die 24. Septemb. anno 1693. pariter inscripta gallice epistola ab se jussum, ut nullius amplius esset roboris editum, quo eam Cleri Gallicani declarationem ubique doceri, & defendi præceperat, significaverit. En Regis verba: *E parçe que je tache de lui temoigner par les preuves les plus fortes, dont je suis capable, que je suis bien aise de faire scavoir a votre Saintete, que je ai donnè les ordres necessaires, affin ques les affaires contenues dan mon edit du 2. Mars 1682. concernant la declaration faite par le Clergè du Rojaume, à quoi les conjonctures d' alors m' avoient oblige, n' avoient point de suite.* Legitur ad calcem appendicis 2. operis Anonymi de Romani Pontificis privilegiis dissertat. dupl. cum dupl. append.; apud Sfondratum in Regali Sacerdotio; & apud Berninum tom. 4. histor. hæres. ad Sæcul. XVI. cap. 10.

Ut ut ista essent, nullius sane roboris eam Gallicani Cleri declarationem esse habendam exinde hauritur 1. quod V. Innocentius XI., quum primum certior esset factus retum in præfatis Comitibus anni 1682. gestarum, atque præcitatæ declarationis editæ accepit exemplar, confestim die 11. Aprilis ejusdem anni 1682. brevibus, ut ajunt, ad Galliarum Episcopos rescriptis litteris, quæ in dictis Comitibus acta fuerant, & declarata improbavit, rescidit,

scidit, proscriptis, atque irrita perpetuo, & inania pronuncia-
vit. Ita testatur Alexander VIII. in Constitutione mox laudan-
da. 2. Quod Alexander VIII. cum die 20. Decembris 1690. de-
creto edito 31. propositiones proscriptis, inter quas istam nume-
ro 29, quæ sic effertur: *Futilis, & toties convulsa est assertio de Pontificis Romani supra Concilium æcumenicum auctoritate, at-
que in fidei questionibus decernendis infallibilitate*: tum die 4. Augusti an. eodem 1690. Constitutione evulgata, quæ incipit: *Inter multiplices Pastoralis officii nostri curas, quamque Berninus loco cit. cap. 9. describit, tam gesta omnia in negotio Regaliæ a Clero Gallicano in Comitibus anni 1682, quam præfatam declara-
tionem de potestate Ecclesiastica, atque quatuor in ea contentas propositiones, unaque epistolas, decreta, edicta in earum con-
firmationem edita invalida, inania, irrita, & viribus omnino vacua dixit, & declaravit, eoque nomine deleuit. Postremo propediem moriturus Pontifex prælaudatus literis ad Ludovicum XIV. Regem anno 1691. die 30. Januarii inscriptis, quas citato loco exhibet Berninus, sic ait: Quum in summo opere metuendo mortalis hujus vita confinio constituti, de reddenda
Judici districto, & pulsanti demandata Nobis in Ecclesia Dei supremæ administrationis ratione serio cogitemus, nostrarum esse partium omnino duximus, irrita, atque inania declarare omnia, quæ aliquot ab hinc annis in isto Regno tuo, sive adversus Ecclesiarum ejusdem Regni, personarumque, & locorum Ecclesiasticorum jura, sive alias adversus Romani Pontificis, Apostolica Sedis, Ecclesiæque universæ auctoritatem acta, gesta, & respec-
tive pronunciata fuerunt, quæque inde quomodocumque secuta, & secutura sunt, sicuti ex Brevis hac super re edito manifeste apparet. Quia vero nullis concluditur finibus charitas, qua Majestatem tuam complexi semper fuimus, & complectimur, susceptam a Nobis per quam necessariam ejusmodi deliberationem hijsce tibi significamus effuso cum paterni cordis affectu: etiam at-
que etiam a te flagitantes, ut ipsam æqui bonique habeas, ac ab universis prædicti Regni tui Ordinibus fideliter servari cures. Sane ubi id præstes, quemadmodum a Filio suo primogenito præfata Se-
des, & Ecclesiæ jure merito expectant, constantem tibi ab illo,*

Pars I.

Nnnn

per

per quem Reges regnant, secundorum eventuum faustitatem polliceri procul dubio poteris. Æqui bonique plane habitas cum ab optimo Rege, tum ab Episcopis Gallicanis, tam Alexandri Constitutionem, quam ejusdem epistolam demonstravit eventus. Quippe exaratis ad Innocentium XII. Alexandri Successorem viritum abs Rege, & ab Episcopis epistolis se nova retractata ad vererem, ac veram rediisse sententiam multis significatum est, ut supra dictum est.

In hæc eadem Decessorum vestigia ingressus Innocentius XII, non nisi postquam a Rege, & Episcopis Gallicanis præfatæ declarationi valedictum intellexit, eorundem Episcoporum nominationi ad vacantes Ecclesias a Rege factæ assensum suum adhibuit: ex præfatis igitur epistolis perspectum quum habuisset eos a præcitata declaratione decessisse, eamque ex animo rescidisse, consensit tandem, ut qua in Ecclesia honoris loco cohonestarentur, qua ad majorem conscenderent. Hinc in allocutione die 26. Octobris anno 1693. ad Sacrum Cardinalium cœtum habita sic inter alia præfatus est Pontifex: *Vacantibus Regni Galliarum Ecclesiis illos ex iis, quos Carissimus in Christo Filius noster Ludovicus Francorum Rex Christianissimus Nobis ad eas nominavit, Prædecessorum nostrorum (Innocentii XI, & Alexandri VIII.) vestigiis inherentes præficere hætenus recusavimus, qui satis notis Cleri Gallicani Comitibus anno 1682. Parisiis habitis interfuerant; atque inibi gestis jam pridem ab hac S. Sede reprobatis, assensum præstiterant. Verum quum ipsi novissime datis ad Nos litteris se de gestis hujusmodi vehementer quidem, & supra id quod dici potest, ex corde dolere significaverint, ac quacumque in præfatis Comitibus sive circa Ecclesiasticam potestatem, & Pontificiam auctoritatem Decreta, sive in præjudicium jurium earundam Ecclesiarum deliberata pro non decretis, nec deliberatis habere, & habenda esse declaraverint; serio insuper spondentes se imposterum gesturos, ut nihil penitus de vera eorum erga hanc Sanctam Sedem, obedientia, ac debito pro juribus ipsarum Ecclesiarum defendendis zelo Nobis desiderandum supersit, Apostolica illos benignitate completi, nec diutius a Pastoralis officio arcere constitimus quum præsertim ipse met Rex suis ad Nos litteris certiores reddiderit,*
sc

se nuperrime Regium illud editum, quo in Comitiiis prædictis edita de potestate Ecclesiastica declaratio firmabatur, ita haberi jussisse, ut neminem ad illius observantiam teneri perspectum omnibus sit, ac exploratum. Cetera, quæ sequuntur, legere est apud Ber ninum tom. 4. histor. hæres. ad sæcul. XVII. cap. 10. Sed & idem Pontifex in litteris, quibus Episcopi, alique Ecclesiastici viri, qui Comitiiis anni 1682. intersuerant, Ecclesiis post præficerentur, id maximopere cautum voluit, ut de gestis, & declaratis eo incoctu ex corde in antecessum dolerent, assensumque gestis illis, & declaratis adhibitum revocarent. En Pontificiarum litterarum verba. Quum in nostro secreto Concistorio hoc mane habito, postquam nimirum tuis ad Nos datis litteris te de his, quæ in Comitiiis Cleri Gallicani, quibus interfuisti, anno 1682. celebratis minus recte gesta fuerunt, ex corde dolere significaveras, Nobisque, & huic S. Sedi desuper satisfeceras... Ecclesiæ NN. te præfecerimus &c. Ex quibus palam fit quam perperam, falsoque Gaspar Andoul in tract. de origine Regaliæ gallice elucubrato anno 1708. Parisiis edito, Romæque die 25. Septembris ejusdem anni confixo scripturierit: Innocentium XI. id enixum, quo Rex modis omnibus eo adduceretur, ut declarationem anni 1673. de extensione ad Regnum universum Regaliæ editam aboleret: atque post fata, ipsius Pontificis ejusdem Regaliæ jus a Pontificibus Successoribus agnitum fuisse, & adsertum; ideoque eo jure Regem julte, patriceque ire potitum.

Cedo tandem a laudata Cleri Gallicani declaratione Pontificis privilegia nihil lædi, nihil lacerari, nec nisi secummet decertare. demonstro. Ait 4. Articulus: in fidei quoque quæstionibus præcipuas Summi Pontificis esse partes, ejusque decreta ad omnes, & singulas Ecclesias pertinere: nec tamen irreformabile esse judicium, nisi Ecclesiæ consensus accefferit. Peto 1. quum dicitur Pontificis in fidei quæstionibus præcipuas esse, sive primas partes, nonne significat id plane Pontificem Concilio supereminere? Quod si perneget quis, imo privato Episcoporum judicio examinanda Pontificis judicia subiciat, profecto ludit, & Pontifici illudit, dum subdit ea judicia ad singulas Ecclesias pertinere, quando ipsa explodere posset quilibet Episcopus: tecum quoque pugnat, pugnatque

que articuli 1. pars cum secunda, quandoquidem subjungitur : nec tamen irreformabile esse ejus judicium, nisi Ecclesiæ consensus accesserit : nam sensus est Pontificis judicia ad Ecclesiam pertinere, idest ab Ecclesia recipienda esse, nec ei licere, aut liberum esse, quominus illa recipiat : e contra vero tunc demum, ac dumtaxat Pontificis judicia valere, quum illa Ecclesia receperit, idest quum diligenti præhabito examine assensum suum adhibuerit. Sed neque tunc Pontificis præcipue erunt partes, sed & que eas tenebit Episcopus quilibet, qui prius de assensione sua deliberaturus sit, & a quo demum si fidei articulus proponatur, isque ab Ecclesia probetur, ac recipiatur, certo certius est, quod in fidei articulum evadet. Quocirca his, aliisque ex capitibus, quorum jam multa obiter attracta sunt, declarationem istam exagitantem, vexandamque adorsi viri doctissimi, undequaque concidere demonstrarunt. Inter quos, si noscere, qui celebriores haberi debeant, in voto, & desiderio tibi sit, sunt ii Cardinalis Sfondratus; Antoninus Diana; Thomas Rocabertus; Augustinus Reding; Nicolaus Cevoli; Tyrus Gonzales; Nicolaus Duboisius; Antonius Charlasius; Franciscus Denghien; Dominicus a Sanctissima Trinitate; Matthæus Petitdidierus; Augustinus Matthæucius; Platina; Lucinius; Roncalia; Mansius; Orsius; Blanchus; Doctores Lovanienses præsertim, atque præ his doctiss. Martinus Steyaertius, ut propterea non esset, cur Huygens Gunmarus Lovaniensis pariter doctor adversus præfatos 4. Articulos Cleri Gallic. anni 1682. etsi exstimulatus calamus distringere detrectaret, maletque vir morosior Romanæ Curie suspicionem, invidiamque subire.

Porro huc faciunt, congruuntque, quæ olim Auctor tractatus *De unitate, & visibilitate Ecclesiæ* Balsagio attributi Cardinali Noallio, ejusque Symmisticæ Constitutioni *Unigenitus* obviam euntibus objectabat : scilicet eos eodem in luto hære, quo Lutherani Leonis X. Constitutioni difficultates opposcentes, quominus illi morem gererent : Clementis Constitutionem qui oppugnarent, id agere, idque audire, quod in Ecclesia Romana agit, auditque, qui unitatis, fidei, obedientiæ, charitatisque vinculum diffringit, atque Pontifici supremam potestatem, Primarum,

matum, infallibilitatem, præcipuasque in fidei causis partes denegat: piaculo deputari examinis deputationem, antequam de Pontificis decretis deliberetur: ab ipso Jansenistas inter Duce Nicolio difficultates, quibus examen hujusmodi esset obnoxium, Protestantibus objectatas fuisse olim, illoque modo illorum fecisse satis objectionibus; oportere igitur Jansenistis ut probatum iret, quod Nicolio placuisset: ab exiguo admodum Episcoporum numero Constitutioni obviam euntium veritatis, ac fidei testimonium quærere, ac repetere, cumque a studio partium alienum, nullo ambitionis æstu, aut Regiæ assentationis vitio affectum, nulloque mentis errore, aut animi sententia obductum, obduratumque vendicare idem esse, atque veritatis, & fidei testimonium conjecturis fidere, & vanis phantasmatibus fulciri. Uno verbo Basnagius id agit, ut demonstret non alia ad profligandam Constitutionem *Unigenitus* principia assumi a Protestantibus, quam quæ assumpserint Quesnellus, Noallius, eorumque assentatores: a Quesnello vero, a Noallio, aliisque Constitutionis *Unigenitus* refractariis principia adhiberi, quæ illos in Protestantium partes descendisse demonstrent: videlicet Constitutioni *Unigenitus* non obistere illos, nisi Pontificis infallibilitati, & supremæ potestati bellum inferant, neque hisce privilegiis, nisi Primatui quoque oblucentur.

Peto 2, quum ait præfatus 4. Articulus Summi Pontificis judicium in fidei quæstionibus non esse irreformabile, nisi Ecclesiæ consensus accesserit, quale judicium requirit? Privatum ne, & simplex; an publicum, & solemne? Id non explicat Clerus: sed subrexit: nisi Ecclesiæ consensus accesserit. At cujus nam, amabo, Ecclesiæ? Universalis, & catholicæ ne, an Romanæ tantum, & particularis; an etiam Gallicanæ, aut alterius Provinciæ cujuslibet? Neque id, ut oportuisset, explicandum duxit, imo detrectavit: nam uti refert Tournellius de Ecclesia tom. 2. q. 5. art. 3, quamvis Illustriss. Gilbertus de Choyseul Duplexis - Pralin Episcopus Tornacensis, de quo paullo superius, ut præfatis verbis adderetur vox *Universalis* eslagitasset, id tamen minime impetravit. Igitur si Clerus eo articulo 4. uni Ecclesiæ universali inerrantiæ privilegium adserere

voluisset, illudque penitus abjudicare Pontifici, vocem illam *Universalis* sane attenuisset, neque adeo, neu adderetur, intercessisset. Quamobrem quamplures in Theologia, & jure Canonico Doctores Parisienses in consultatione publica toti Ecclesiæ Gallicanæ anno 1718. facta significarunt declaratione Cœtus anni 1682. infallibilitati Sedis Romanæ, seu Ecclesiæ Romæ constitutæ nihil fuisse detractum: declaratum quidem ajunt ab eo Conventu, quod Pontifex non sit infallibilis; non etiam quod Ecclesiæ inter Romanæ Urbis Mœnia constituta errori sit obnoxia; quin imo, pergunt, Bosuetius Cœtus illius magna pars coram, & constanter Romanæ Ecclesiæ indeficientiam defendit, videlicet in sermone habito ad eundem Cœtum. Præterea ab eodem Clero dictum quidem: nisi Ecclesiæ consensus accesserit; at minime explicatum est, utrum illa conditio necessaria esset, an libera, seu utrum Ecclesiæ liberum sit Romani Pontificis judicio consentire, an necessarium, ut animadvertit Auctor operis inscripti: *Memoire sur la maniere, dont les Evêques doivent recevoir la Constitution Unigenitus* anno 1714, ubi sane contendit ineluctabilem Episcopis necessitatem incumbere solemnibus, sive, ut ajunt, ex Cathedra pronuntiatis Romani Pontificis judiciis consentiendi. Atque hæcenus de hac oppositione gravissima quidem, sed cui, ni fallor, plene satis factum arbitror.

Opponunt 4. Academix Parisiensis, Gallicaniquæ Cleri doctrinam de libertatibus Ecclesiæ Gallicanæ ejusmodi esse, ut eadem cum Pontificis supra Concilium potestate, atque in fide infallibilitate salva, & integra stare nequeat, contra imo conspiret, & apertissime potius iis privilegiis advetsetur. Ita sacra Parisiensis Facultas in Censura lata adversus Vernantii librum propositionem, qua ille affirmabat Pontificis judicia neque examini, neque appellationi esse subjecta, suggillavit tamquam quæ sacræ Concilii auctoritati detraheret; ac germanis Ecclesiæ Gallicanæ libertatibus esset adversa. Eadem de re, quod Gallicanæ Ecclesiæ libertatibus adversa docuisset, Guimenii librum eadem Facultas nigro calculo perstrinxit, atque Alexandri VII. Constitutionem, quod eisdem legitimis Gallicanæ Ecclesiæ libertatibus obviam iret, absque piaculo non acceptari posse, roboreque apud Gal-

los omnino carere declaravit . Atque ita ex sententia Facultatis Parisiensis , & Cleri Gallicani adversus Petrum de Marca , & Antonium Charlasium contendit præ aliis Illustriss. Bosluetius defenf. declar. p. 2. lib. 11. cap. 15.

R. 1. Cum doctissimis Charlasio , Petrididiero , Soardo , aliisque hoc de argumento præclare agentibus Gallicanæ Ecclesiæ libertates bifariam considerari , ut aliæ nempe sint , quas sacras , & legitimas habendas esse jure jubent , & consentiunt optimi ex Gallis tractatores : aliæ autem , quæ libertatis potius abusus , Ecclesiæ Gallicanæ servitutes , & sanctioris disciplinæ corruptelæ habendæ sint . Cujusmodi genus posterioris libertates sub priori , ac legitimo comprehendere nefaria temeritate tentasse Puteanum scite observavit Illustriss. Franciscus Bosquetus Episcopus Monspeulanus in epist. ad Stephanum Baluzium præfixa lib. de concordia Petri de Marca . Primi generis libertates , seu verius Gallicanæ Ecclesiæ peculiare leges , ac consuetudines , aut legitima potestate invectæ , ac præsertim si Pontificum Romanorum aut potestas , aut pactum intervenerit , studiose , religioseque conservandæ sunt sane , jubentibus vel ipsis Conciliis Nicæno can. 6. & 7 ; Ephesino can. 8 ; Chalcedonensi act. 15 ; Pontificibus Maximis SS. Leone I. epist. 52 ; Gregorio Magno lib. 1. epist. 75 ; & lib. 2. epist. 37 , & 39 ; Nicolao I. in cap. *Scit San* 3. dist. 12 ; Leone IX. ibidem laudato ; & SS. Patribus Basilio epist. 181 , & 197 ; Hieronymo epist. 28 , nunc 52 ; Ambrosio apud S. Augustinum epist. 54 , alias 118 ; & Augustino epist. 86. Adeundus Gratianus dist. 11. De libertatibus secundi generis scripsere equidem , & copiose quamplures Petrus , & Jacobus Puteanus ; Petrus , & Franciscus Pithæus ; Jacobus Capellus ; Natalis Brularius ; Johannes Tilletus ; Renatus Choppinus ; Glaudius Fauchetius ; Antonius Hotmannus ; Guido Coquilæus ; Jacobus Leschafserius ; & Benignus Milletotius ; quorum tractatus duobus voluminibus in folio comprehenduntur , quæ anno 1639. Parisiis absque auctoris nomine publicam adspexere lucem sub hoc titulo : *Traité des droits , & libertés de l'Eglise Gallicane ; Et Preuves des libertés de l'Eglise Gallicane* . Pessime exceptum opus fuit , vix quippe in lucem prodijt , ut agente Cardinali Rupe-

cal.

caltio, & Clero Gallicano Parisiis in Comitibus coacto diris cunctis devotum opus fuit, tamquam noxium, nefarium, schismaticum, impium, hæreticum passim, Verbo Dei contrarium, Hierarchiæ Ecclesiasticæ, disciplinæ sacramentorum, & sacrorum rituum eversum, Sanctæ Sedi Apostolicæ, Galliarum Regi, Dei Sacerdotibus, Ecclesiastico Ordini, ipsique Gallicanæ Ecclesiæ injuriosum, scandalis, mendaciis, periculisque plenum. Accessit etiam Regii Consistorii decretum, Regisque editum, quo proscriptum opus fuit, & publico commercio interdictum. Legendi, qui in præfatum opus calamum exacuere, viri doctissimi Petrus de Marca de Concord. Sacerd., & Imper. lib. 1. cap. 1; Thomassinus dissert. 18. num. 114; Charlasius tract. de libert. Eccles. Gall. lib. 1. cap. 1, & lib. 4. per totum; Langletius du Fresnois in præfat. historiæ, quam præmisit commentario Puteani de libertatibus Gallicanis; Tournellius de Ecclesia tom. 2; Petrus Collet Congreg. Missionis Presbyter Tournellii continuator tract. de legibus cap. 5. art. 2. sect. 5; Petitdidierus in appendice tractatus de infallib., & auctor. Rom. Pontificis, aliique. Auctor tunc ignotus se prodidit (proh impudentiam!) in secunda adornata editione nihilo emendata sub nomine Petri Puteani. Præfatio operi Gallis bene moratis, optimeque consultis, atque Ecclesiæ Gallicanæ adeo exoso, & exitioso adnumerandi Fevretus; Roussel; Salgatus Hispanus, aliique pauci Forensium potius, quam Ecclesiasticarum rerum periti, qui apud bonos omnes, æquique æstimatores male audiunt: adeo ut Fleurius ipse serm. 9. in hist. Eccles., quo de libertatibus Gallicanæ Ecclesiæ data opera disputat, de recentioribus hujusmodi Gallicanarum libertatum corruptoribus potius, quam defensoribus, & de corruptelis, ac servitutibus potius, quam usibus, & libertatibus Gallicanis acerbissime conqueratur: illó imo progressus, in quo castigandus putatur, ut bona fide fatendum affirmet variimodi Galliæ usus cum recta, consultaque ratione nullo conciliari modo posse, tam enim immaniter ab ea exulant.

R. 2. Cum prælaudatis viris Doctissimis Gallos Scriptores non convenire inter se de loco, quo denu Gallicanæ libertates sint constituendæ. Choppinus lib. 1. de sacra politia tit. 1. eas con-

stituit

stituit in observantia veterum Canonum . At quis inficias veteres Canones eat ? Verum apud Gallos omnimode veteres Canones non vigere , ac in veterem , abolitumque abiisse usum mox ostendemus . Coquilæus in instit. ad jus Gallorum tit. de jure Reg. eas esse Gallicanæ Ecclesiæ libertates existimat, ut Canonibus quidem antiquis adhæreatur , non admittantur etiam Pontificum Constitutiones a 400. annis editæ paucis exceptis . At quis indiscriminatim Pontificum Constitutiones pessum dare audeat , quæ annos 400. antecesserint ? Justellus in epist. ad Leschasserium initio totius *Canonum universæ Ecclesiæ* eas collocat in 4. prioribus Conciliis œcumenicis , ac proinde quæ contra illa Pontifices aggrediantur , præcipuas appellationibus illis causas præbere , quæ velut ab abusu interponuntur ; quam suam opinionem Justellus a Cardinali Lotharingo in Concilio Tridentino propugnatam fuisse , quam præfidenter , tam falso affirmat . At quis , amabo , neget jus commune esse servandum ? Quis nesciat apud Gallos usu jam non amplius venire omnes veterum Conciliorum Canones ? Paulo post a Gallis circa veteres Canones dispensationes a Pontificibus postulari , & impetrari ostendemus . Pithæus libertates hujusmodi collocat in libertate Laicæ potestatis in Ecclesiam . At quis patienter tam nefarium ferat assertum ; quo susque deque divino cæteroquin juri innixa fertur libertas Ecclesiastica , Ecclesiæ quin imo leges flocci , naucique fiunt ? Petrus de Marca lib. 3. de Concordia cap. 1. libertatem Gallicanam vocat antiqui juris communis usum . Eidem cohæret Carolus Fevretus in tract. de abusu lib. 1. cap. 4. Johannes Doviatus in synopsi historię juris Pontificii ad calcem sylloges operis ad jus sacrum conjicit , in vetera Ecclesiæ instituta ; quibus tenacius Galli adhæserint . Vestigiis iisdem inhæret Johannes Gerbasius in tract. de caus. Major. art. 2. apud Charlasium . Illustris. Carolus Mauritius Letellierius Archiepisc. Remensis in protestatione facta anno 1678. contra Episcopatus Cameracensis erectionem ad Archidiœcesis dignitatem persuasum habuit Gallicanæ libertatis unicum , & inconcussum fundamentum esse vetera quatuor generalia Concilia . Idem fundamentum Gallicanæ libertatis sacris Canonibus , & SS. Patrum traditioni inniti declaravit Clerus Gallicanus in Co-

mittiis anno 1682. Thomassinus loco supra cit. ; de Belsunce Episcopus Massiliensis in docum. pastor. de libert. Gall. , aliique Gallicanas libertates in disciplinæ solius libero usu consistere docent. Johannes Pontas ; Ludovicus Habert in tract. de legibus cap. 11 ; & Petrus Collet de legibus cap. 5. art. 2. libertates Gallicanas integras reponunt in jure constantissimo prosequendi receptos universalis Ecclesiæ Canones , & antiquas Regni consuetudines , contra quod jus Romani Pontifices aliquid in Gallia non aggrediantur , nisi de consensu Regis , & Populi . Verum in Gallia nec veteres Canones integros vigere , variasse etiam veterem disciplinam , obtestarique facile , ac frequenter Romanos Pontifices , ut Canones relaxent , ac peragi pleraque , quæ cum jure veteri communi non concordent , mox evincimus .

Neque vero magis conveniunt Galli tractatores de fonte , & capite , a quo hujusmodi libertates Gallicanæ profluxerint . Sunt enim , qui a Capitularibus Carolinis eas repetunt . At Capitularia illa majori ex parte a foro , & praxi nunc exulant . Sunt qui a sanctione Pragmatica S. Ludovici accersunt . Sed eam pseudo-epigraphis dubio procul ad censendam fore plurimis ostendimus par. 2. Vindic. Qui a Conciliis sive Turonensi I , sive Francofordiensi earum usum primo acceptum referunt , eos exagitat , & explodit Charlasius lib. 1. cap. 14. eo loci adeundus , si aveas . Richerius Gallicanarum libertatum originem appellationibus ab abusu attribuit , exindeque earundem exordium auspicatur . De his alibi erit agendum . Petrus de Marca pro jure Gallico intelligi vult jus ipsum Canonicum a Gratiano compactum . Sed exinde nihil peculiare pro Gallis expiscari quis probe non perspicit ? Bossuetius veteribus Canonibus inniti jus Gallicum autumat . Sed id Hispanis præsertim pariter commune : Toletani enim II. Concilii Patres æque studiosissimos se præbuerunt veterum Canonum , adeo ut decreta subscribenda ducerent adjecta ea clausula : *Salva auctoritate prædictorum Canonum* : quin & veteres Canones loco ut starent integri suo , enixe curasse , satagisque constat Episcopos Concilii Bracarensis anno 563 , nec non Toletani IV. anno 633. celebrati : uti nec Justellus ipse est inficiatus . Justellus uterque Pater , & Filius libertates Gallicanas revocant ad veterem

rem Codicem Ecclesiæ universæ ante collectionem Dionysii Exigui adornatum; quibus in opinione accessit Guillelmus Voellius. At Romanæ Ecclesiæ ignotus erat hujusmodi Codex: nisi velint pro Codice universæ Ecclesiæ obtrudere Codicem Canonum Trullanæ Synodi a Græcis venditatum, quem ab Ecclesia Romana nedum non probatum, sed potius rejectum non ignorant, id asserente Anastasio in vita S. Sergii I. Papæ. Carolus Fevretus opinatur antiquitus in Gallicana Ecclesia duos Canonum Codices usui extitisse, scilicet collectionem Dionysii Abbatis, ac alteram innominatam Ecclesiæ Gallicanæ peculiarem, usuque frequentiore. At prior Dionysii Codex etiam Romanæ Ecclesiæ acceptus, ut ex Cassiodoro narrat Baronius ad annum 325; imo Ecclesiæ Occidentali universæ usu sacratum erat, unde non erat peculiaris Ecclesiæ Gallicanæ: secundus vero teste ipso Fevreto, & fatente Sirmondo in præfat. ad Concilia Ecclesiæ Gallicanæ fuit penitus ignotus: commentum igitur istud est nulla veri vel simili conjectura subnixum. Itaque anceps, & incertum adhuc, ex quo dimanarint, in quove locandæ demum sint jactatæ toties Gallicanæ Ecclesiæ libertates. Confer interea Spondanum ad annum 1398. n. 4., ubi propius videtur digitum ad fontem intendisse; resudisque in immunitatem ab exactionibus pecuniarum, & reservationibus Beneficiorum tempore schismatis introductis.

Ut ut vero ex sint, ostendo ab ejusmodi libertatibus non arctari intra Canonum veterum cancellos Pontificis Romani potestatem, & jurisdictionem. Principio enim pleræque, quæ apud Puteanum pro libertatibus Gallicanis venditantur, (jure ne an injuria non hic moror) nihil cum veteribus Canonibus habent commune: uti quod Regii Officiales excommunicari nequeant, dum suo funguntur munere: quod supremæ Regni Curie delegare Ecclesiasticas personas possint, a quibus Censuræ relaxentur: quod Regi jus Regaliæ, & quidem in Regnum, quo late patet, competat: Quod supremæ Curie cognoscere possint in materia possessorii quoad Beneficia, & decimas; ad easque locus sit appellationibus, quas vocant ab abusu: quod non impetrata Regis, seu Curie supremæ licentiæ Indulgentiæ non promulgentur: quod Gallicanarum Ecclesiæ Breviaria, & Officia divina mutare nequeant abs-

que litteris Regis patentibus: quod absque Regio assensu novi Regularium Ordines admitti, aut nova construi Monasteria nequeant: quod laici consanguineis Ecclesiasticis in bonis etiam ex Ecclesiasticis profectitiis succedant: quod Clerus Regi subsidia ordinaria per modum decimæ, aut gratuiti doni præstet: quod Pontificia rescripta sub annulo Piscatoris data recipiantur; secus imaginibus SS. Petri, & Pauli obsignata: quod in causis Ecclesiasticis mixtis criminalibus Judices laici se immisceant, aliaque hujusce generis, quæ diffuse lib. 4. Charlasius persequitur, quorum ne ullum quidem in veteribus Canonibus vestigium occurrit; si quod vero vestigium occurrit, extemplo odii, execrationisque dicam incurrit. Præterea olim, & nunc Pontifices in Galliis pleaque gessisse, & indulgisse, ac nunc gerere, & indulgere, quæ vel cum veteribus Canonibus, vel cum laudatis libertatibus non satis cohærent; neque tamen Gallis id male acceptum ire comperitum est omnibus. Ita olim in Galliis Vicarios suos Apostolicos degere jubebant, ad quos omnes Ecclesiarum causæ deferrebantur judicandæ, quibusque jus erat integrum cogendi Concilia. Adpareret id liquido ex epistolis SS. Zosimi, Leonis, Symmachi, Felicis IV, Vigili, Pelagii I, Gregorii M., aliorumque ad Episcopos Arelatenses Sedis Apostolicæ vices gerentes, quo de argumento par. 2. Vindiciar. agemus. Ita olim ad S. Ludovici Regis preces Alexander IV. Pontifex Maximus anno 1255. S. Inquisitionis tribunal in Galliis constituerat, librumque Guillelmi SantAmoræi proscripsit; atque ultro citroque concessit sacra Facultas Parisiensis a Pontifice in universum Orbem constitui, ac dirigi posse qua Confessarios christifidelium peccata relaxatum, qua verbi Dei præcones Christi Evangelium prædicatum, quod SantAmoræus, inique inficias ibat. Recolenda, qua supradedimus de sacro Inquisitionis tribunali in Galliis frequens erecto, deque decretis a S. Congreg. Romæ adversus perniciosos libros editis ultro citroque in Galliis admissis, pervulgatisque.

Impræsentiarum ita in Galliis Pontifici jus adferitur præventionis in conferendis Beneficiis; a Pontifice jus concessum agnoscitur in nominatione ad Beneficia conferenda: a Pontifice ad Regis nominationem Episcopatus, & Abbatias conferri: transla-

tio-

tiones fieri Episcoporum; Episcopatus plures uniri; novosque institui: Beneficia commendari; atque plura simul licite ut retineantur, indulgeri: Pontificis esse Monasteria a jurisdictione Episcoporum eximere: Studiorum Universitates erigere: novosque Ordines approbare, etsi eos denuo institui Concilium Lateranense vetuisset: item indulgere, ut Episcopi ab Episcopis ordinentur; etsi olim eorum Ordinationes a Metropolitanis celebrari Canones juberent: Beneficiorum pluralitatem relaxari a Pontifice, tamen si eam olim reprobaverit præ aliis Concilium Chalcedonense: Pontificiæ esse potestatis Resignationes in favorem ratas habere; pensiones super Beneficia permittere; & Beneficiariis coadjutores indulgere: potest esse Pontificem plenarias indulgentias elargiri: reservare certos casus, ac sub certis legibus eorumdem veniam facere: dispensare circa ætatem Ordinandorum; circa temporum interstitia; circa irregularitates; circa Matrimoniorum impedimenta, & gradus vetitos a Conciliis Lateranensi, & Tridentino: quarum quidem dispensationum genus, si quod alicubi, in Galliis maxime in desiderio esse, Gallorumque voto, usuque frequens factum jam nemo ignorat. Mitto innumera, ne sim præter modum longior: sed & par. 2. Vindiciar. copiose de Pontificis Romani juribus agendum erit. Postremo etsi generalibus Conciliis suprema a Gallis, qui isthæc obtinent, potestas adjudicetur, nihil tamen ex his libertatibus Gallicanæ Ecclesiæ timent, aut incommodi, aut discriminis: neque tamen Conciliorum generalium decreta omnia ad disciplinam spectantia Gallicana Ecclesia vel respuit, vel recipit, uti de Conciliorum Basileensis, & Tridentini decretis actitatum est. Ecce ergo ex asserta semel Pontificis supra Concilium potestate, aut ex acceptance Pontificiarum Constitutionum de disciplina deceruentium Gallicanis libertatibus periculum grande imminere, foreque facile, ut illæ persum eant, Galli isti osiores, quam temere, tam tumide, atque ad ravim usque jactitant? Adis Spondanum ad annum supra cit., ubi auctor est locuples, liquidusque a libertatum Gallicanarum defensoribus nunquam existimatum Gallis exinde licere *Agere suo libitu, aut a jure communi in aliquo discedere, vel debitam ab omni ævo Romanis Pontificibus legitime intrantibus obedientiam denegare.*

Osten-

Ostendo 2. easdem libertates nihil lædi ab asserta semel Pontifici infallibilitate. Quemadmodum enim etſi Concilio generali in fide indeficientia adjudicaretur, nihil exinde præjudicii Gallicanis libertatibus inferetur; ita neque illis quidquam adverſi accidet, Pontificis infallibilitas ſtet, aut cadat: quippe Gallicanas libertates non ad fidei ſummam, ſed ad diſciplinæ caput ſpectare in conſeſſo eſt. Quid quod ipſimet Gallicanarum libertatum depravatores, qui libertatum loco corruptelas, & abuſus invexere Pithæus, Puteanus, Capellus, Hotmannus, Coquilæus, Leſchaſerius, aliique huiusce generis peſſimi Scriptores nunquam Gallicanis libertatibus deputaverunt, quod Concilium Pontifici præſtet, aut quod in fidei quæſtionibus non ſit iſte infallibilis? Atqui id eorum exhibitis testimoniis oſtendit Thomassinus diſſert. 18. in Synodum Romanam. Tantum vero abeſt, ut idem Thomassinus, Spondanus, de Marca, Duvalius, Habertus, Fleurius, Charlaſius, Pontaſſius, Contenſonius, Serrius, Langletius, Colletus, aliique inter Gallicanas libertates eas de Pontificis fallibilitate, & infra Concilium facultate adſtruerent, quin potius non adnumerandas docuere, uti de Marca, Fleurius, & Serrius: aut potius Pontificis infallibilitatem, atque ſupra Concilium poteſtatem tota mentis acie, animique contentione defenderint, uti Duvalius, Dartis, Gondeæus, Contenſonius, Thomassinus, Charlaſius, Argentæus, Abelly, Langletius, &c., quin propterea libertatum Gallicanarum propugnatores acerrimi eſſe deſtiterint: quin imo Romani Pontificis integra privilegia manere jubent, veluti primum, præcipuumque Gallicanarum libertatum fundamentum, ac proinde eos Gallicis rebus non proſpicere, qui pro Gallicanarum libertatum fundamento Concilii generalis poteſtatem ſupra Pontificem collocant, concludunt, uti Petrus de Marca, Johannes de Selva, Spondanus ad annum 1639, Langletius; Cardinales de Biſſy, & de Mailly, Epiſcopi de la Fare, de Fenelon, de S. Albin, aliique Gallicani Antikites ſuperiori §. laudati. Quorſum ergo tam moleſte habet Boſſuetius deſenſ. par. 2. lib. 11. cap. 5. dictum a Petro de Marca non unam eſſe ex libertatibus Gallicanis, ut Concilium generale ſuperius Romano Pontifice dicatur, habeaturque, ea ratione,

tionem, quod ea libertate perinde utantur Galli erga Conciliorum, atque erga Pontificum nova decreta ad caput spectantia disciplinæ? Iccirco quia ita appellationibus a Pontifice ad Concilium aditus intercluderetur? Atqui istam unam ex Gallicanis libertatibus volens næ vehementissimo in errore versatur. At de appellationibus par. 2. agemus.

Præstat interea hæcenus disputata claudere præclaris verbis Caroli Magni in epist. ad Elipandum, & ceteros Hispaniarum Episcopos, quos adhortatur, ut quum pauci sint, qui in alienam a veritate sententiam se abripi passi sunt, cohorti Patrum se adjungant, a qua vel latum unguem deflectere grande sciant esse, piaculum. *Nec pigeat, inquit, Christianum, ubi hæsitet quæ-
rere, nec pudeat, ubi nesciat, discere, quoniam pia humilitas discendi sapientiæ intrat secreta, & melius est discipulum esse veritatis, quam doctorem existere falsitatis. Ille ad altiora semper provehitur, iste ad inferiora semper dilabitur, & inde Magister efficitur erroris, unde auditor contempsit esse veritatis. Meæ propriæ unanimi-
tatis, pergit piissimus Imperator, tum iis sanctissimis prædictorum Patrum decretis, & Catholicis statutis consensum subnexui. . . . ne paucorum subdolis assertionibus consentirem, sed plurimorum testimoniis roboratam fidem firmiter tenerem. . . . Horum me sanctissimæ multitudini, & probatissimæ auctoritati in veræ fidei professione firmiter associans, nec vestræ me paucitati in consensione hujus novæ assertionis socium admitto: & post pauca: Vos igitur quia pauci estis, unde putatis vos aliquid verius invenire potuisse, quam quod sancta universalis toto Orbe diffusa teneat Ecclesia? Quam recta ad eam, quæ recens veteri abjecta, eaque quidem a Majoribus accepta, ab exiguo oppido noviter sapere volentium numero inventa est inconsulte sententia, ista collineant? Quanto autem probro iis perinde cedere oportet de eorum, quotquot ex gentilibus in Ecclesia Gallicana emicuerunt, instituto voluisse decedere, eorumque postabire vestigia, quorum nec ad vetustatem exacta auctoritas, nec ad veritatem intentus animus, nec ad sobrietatem composita scientia, sed uni indulgentium ingenio, quodque ad hujus conformare tur interperiem, id unum insectantium?*

Ex

Ex Theologicarum rationum momentis.

ARTICULUS XII.

VIX ullum est alterum Christianæ Religionis caput, in quod impotentiori odii impetu bacchantium efferrato, effrenique more ferantur qua schismatici, qua hæretici, quam in Romani Pontificis Primatum, potestatem, in fideque indeficientiam, ut qui ferre non possunt ab eodem vel erroris damnari, vel ab Ecclesia abscindi. Ejus rei causa ut ab Ecclesia unum supremumque Caput amoveant, Ecclesiæ unitatem discerpere, ejusque Hierarchiam e medio tollere aggrediuntur; nempe hanc unam in rem nervos, ac vires omnes adhibentes, ut unum ab Ecclesia Monarchiam eliminent. Itaque Ecclesiam jure divino unam, seu in Ecclesia Hierarchiam a Christo Domino institutam inficiantur Calvinistæ, & Lutherani, ac præsertim Anglo-Presbyteriani, (qui enim Episcopales audiunt, nostræ non admodum repugnant sententiæ,) e quibus Johannes Paulus Habenstricius in dissert. de form. regim. in Eccles.; Adam Tribechovius in dissert. de ordin. super. potest.; Franciscus Budæus lib. 5. instit. Theolog. cap. 43; Petrus Jurizus *Système de l'Eglise* lib. 1. cap. 7; Claudius Salmasius in dissert. de Episcopis, & Presbyteris; Georgius Callixtus introduct. ad libellum Cypr. de unitate Eccl., & de Monarch. visib. Pontif.; Moshemius instit. hist. Eccles. major. sæcul. I. par. 2; Iohannes Musæus lib. de Eccles. p. 1. disp. 3, aliique cum antiqui, tum nuperi ejus generis profligatissimi homines, quorum plerosque aliis in locis dinumeravimus, quosque describit, graphiceque depingit in suo *Βασιλικὸν* vel ipse Jacobus Angliæ Rex pag. 147. seu homines præcipientes, ad unam plebem factos gratiosos, factiosos, unumque furoris præsidium in paritate collocantes, sine modo ambitiosos, sine causa maledicos, nec quicquam spirantes, nisi seditiones; susque deque divina, & humana pervertentes, & perturbantes, atque Ecclesiasticam postquam everterint, contra Civilem pugnant potestatem. Eam obrem Ecclesiasticam Hierarchiam, atque in ea Pontificis Romani Monarchiam, rem esse puri

puri putique nominis , seu juris dumtaxat humani contendunt . Et quidem in Ecclesia quidam ab Apostolis investitam suadere nituntur ex S. Anacleto epist. 2. pseudoe-pigrapha ; S. Julii I. epist. 13 & Canone pariter subdititio *Ego Ludovicus* dist. 62 , ubi dicitur Apostolos voluisse , ut sibi præficeret Petrus : jussisse præterea , ut Romana Ecclesia omnium Primatum obtineret ; Romanumque Pontificem vices Petri gereret . Ab hac opinione non abfuere Grotius , Leibnitius , & Blondellus de Primatu . Alii autem non ante III. Ecclesiæ ævum Hierarchiam Ecclesiasticam audivisse , in eaque Romanum Pontificem supremum appellatum Monarcham : nec imo ante id temporis doctrinam de Ecclesiæ unitate inlatam . Ita Petrus Juræus , & Georgius Callixtus , quorum opinionem ipsemet Moshemius in disert. de Gallorum appellatione ad Concilium refellit , quippe eo tempore antiquiorem esse doctrinam , quam tamen ipse explodit , existimat . Juræo , & Callixto eo in errore deinde accessit Musæus . Alii a Conciliis ortum ejusmodi Pontificis in Ecclesia Primatum nactum esse malunt . Ita Nilus , & Illyricus in lib. contra Primatum Papæ ; id se extundere jactantes ex Concilio Chalcedonenſi can. 28. juxta ipsum Nilum , idest act. 16. juxta nostrum Codicem ; ubi Romana Ecclesia a Patribus habuisse Primatum adseritur : ex Justiniani Novella 100., apud nos autem 131, ubi decernitur , ut Romanus Episcopus omnium Sacerdotum sit primus : & ex epist. 301. juxta Illyricum , sed revera 288. Æneæ Silvii , ubi ait ante Nicænum Concilium , quemque sibi , prout liberet , vixisse , neque ad Romanam Ecclesiam quemquam habitum respectum : addeere poterant & Synodum IV. sub S. Symmacho , ubi habetur Apostolicæ Sedi singularem potestatem traditam equidem ob merita B. Petri , sed a Conciliorum auctoritate . Eos autem egregie refellunt doctissimi Bellarminus , Boverius , Petavius , Hallerius , alique . Alii ab Imperatoribus regiminis Monarchici Ecclesiastici rationem , sive Pontificis Primatum introductum , de quibus diximus art. 9 , ubi de Imperatorum , Regumque testimoniis egimus . In id pessimi operis , ut Ecclesiæ Hierarchiam , & Pontificis Primatum labefactarent , incubuere postmodum Marcus Antonius de Dominis , & Edmundus Richerius , de quibus

Pars I.

P p p p

abun-

abunde dictum est alibi. An non in easdem partes descendant, qui contra Pontificis supremam potestatem enituntur, eamque Concilio supponere conantur, ipsimet viderint, id plane nobis videtur, ac propterea contra omnes post quam S. Scripturæ, & Conciliorum auctoritate, nec non Patrum, & Doctorum testimoniis pugnavimus, ratione quoque ut pugnemus, unum est reliquum: nam par. 2. Pontificum perinde dictis, gestis, & juribus erit pro virili parte nobis pugnandum.

Unus Dominus, una Fides, ait Apostolus Ephes. 4, 5: *Deus unus est, Ecclesia unitas*; non respondet uni, nisi unitas, aiebat S. Augustinus serm. 2. in Psal. 101. num. 8; ex quibus sic instauratur argumentum. 1. Religionis unitas infert Regiminis unitatem; atqui in Ecclesia Catholica Romana est, eritque unitas Religionis; ergo in ea necesse est unitatem esse Regiminis: ut autem unitas sit Regiminis unum necesse est summum extare Rectorem, qui omnes regat. Qui pote? Fieri non potest, ut Religio sit una, nisi qui ejusmodi Religionis nomine censentur, in unitatem unius Ecclesiastici corporis coalescant: at ita coalescere in unum corpus nequeunt, nisi adsit unum Caput, quod omnes in officio, & unitate contineat. Quid ad hæc autem, quod Ecclesiam Catholicam ejusmodi instituit Christus Dominus, ut eadem Religio in ævum maneret? Non enim Religionem juxta temporum mutationes voluit mutari: atqui eadem Religio manere in ævum nequit, nisi eadem una sit. Aliter. Christus Dominus ejusmodi Ecclesiam constituit, ut eadem semper esset, ejusque dum viveret, ipsemet Caput existeret, sub quo Christifideles omnes velut in unitate corporis conneckerentur: igitur Christo Domino post ascensum in Cælum oportet eodem in officio Capitis aliquem velut ex asse successisse, qui Christifideles veluti membra in uno eodemque corpore unita in extremum usque ævum contineat: quem S. Petrum utique esse, ejusque Successorem Romanum Pontificem ex Christo D. didicimus, & credimus. Enim vero si Ecclesias omnes singulares in Orbem diffusas Christus instituit conjunctas inter se se, atque ita quidem ut in unum veluti corpus essent jugiter colligatæ: quemadmodum sibi met veluti capiti easdem, dum in vivis ageret, conjunxerat, necesse est, ut vice sui unum supremum Caput omnium Eccle-

Ecclesiarum constituerit , a quo sui modo Ecclesiarum omnium unio , & societas , qua monitis , & præceptis , in eos , qui societati nomen dedissent , agendo confoveatur ; & quum opus fuerit , qua minis , & pœnis in eos , qui schismata constare audeant , animadvertendo conservetur : nam alioqui , nisi auctoritate unius ceteræ in officio continerentur , omni ex causa schismata exorirentur , & exorta modus exterminandi non esset . Jam vero Caput istud Ecclesiarum omnium Romanum esse Pontificem SS. Patres , qui vel ab Apostolis disciplinam acceperunt , vel horum Discipulos audiverunt , vel ab Apostolis derivata traditione cognoverunt , tenent , docent , & tradunt . Hinc Romani Pontificis Cathedram *Unitatis Centrum* , uti SS. Cyprianus , & Optatus nuncuparunt ; neque id negare est ausus Moshemius in disert. Theolog. hist. de Gallor. appell. : aut *Communio Ecclesiastica* , & *Catholica Societatis Caput* , uti SS. Hieronymus , & Gregorius Nazianz. hom. de creatione Episcopi Doarorum , cujus locum de Romano Pontifice intelligendum falsus ingenue est ipsemet Casaubonus exercit. 15. cap. 16 ; & Patres Concilii Chalcedonenis in Synodica ad S. Leonem ita reapse intellexerunt . Recole argumentum e ratione Monarchici regiminis petitum , quod tom. 1. propositionis fundamentum positum fuit , cui dissertatio dein nostra superstructa .

Exinde 2. exsurgit aliud argumentum . Si Romanus Pontifex post Christum D. , & S. Petrum Regimini Ecclesiastico est præfectus , seu Ecclesiæ Caput , & Rector , sive Ecclesiasticæ Communionis Centrum est constitutum , Ecclesia vero est corpus , & Christianidelium sub eo Capite congregatio , seu in eo Centro societas coadunata ; itaque Romano Pontifici ab Ecclesia univërfa debetur obedientia , eique officii loco esse oportet Pontifici Romano obtemperare . Quis id , quæso , tam impudens eat inficias ? Christo D. etenim procul dubio ea quoque ratione obedientia debebatur , quod supremus esset Religionis Rector : ejusque Regiminis ipsa quoque est ratio , ut qui sub Regimine continentur , suo Rectori sive præcipiat , sive moneat , sive puniat , sive minetur , omnes morem gerant . Hinc pessime apud probos audit Launojus propterea , quod pro sui ingenii intemperie in epistola ad Nicolaum Gattinæum definitionem Ecclesiæ a Bellarmino traditam impu-

gnare non erubuit; ac propugnare, quod describi Ecclesia recte possit, non facta mentione Romani Pontificis, a quo regitur: quia nempe sensu suo ita regi haud indiget, quod seipsa stare nequeat, in eaque computari, qui Romano Pontifici cæteroqui non pareat, nec consortio factorum conjungatur. Sed erroris manifestissimi coarguitur testimoniis SS. Cypriani in epist. 69. ad Pupienum; Paciani in epist. 2. ad Sympron.; Ambrosii de obitu Satyri; Gregorii M. lib. 9. in epist. 4. ad Isacium Hierosolym.; Eulalii in vita S. Fulgentii; Maximi Mart. tom. 2. pag. 76. oper. edit. Combefisii anni 1675, aliorumque, de quibus abunde suo loco. Hinc cum Romana Ecclesia ceteras omnes convenire oportere: cum eadem ab omnibus Episcopis communicandum esse: eidemque ab omnibus obediendum docuere, & scripsere SS. Irenæus, Cyprianus, Opratus, Ambrosius, Hieronymus, Augustinus, aliique a nobis suo loco laudati. Hinc Petrus de Marca lib. 1. cap. 2. eam esse vim unitatis aiebat, quæ principium, & originem a S. Petri Sede trahit, ut cum ea sentiendi necessitatem, ceteris omnino imponat.

Confert huc mos ille a primæva ad hanc usque de vixiore ætate integer, religioseque custoditus, quem nisi in historia Ecclesiæ valde hospes causabitur, quo a Pontifice Romano decreta edita ubique ab Ecclesia ultro citroque admissa sunt. Ita decreta S. Victoris in causa Paschatis contra Asianos testibus Eusebio lib. 5. cap. 24, & Sozomeno lib. 7. cap. 19. S. Zephyrini in causa Mœchorum, contra Montanistas, aliisque in causis contra hæreticos alios testibus Tertulliano lib. de pudicitia cap. 1, & S. Oprato lib. 1. contra Parmen. S. Stephani in causa anabaptissimi contra Africanos, & Orientales testibus S. Dionysio Alexandrino in epist. ad SS. Stephanum, & ad Sixtum ejus successorem apud Eusebium lib. 7. capp. 5, & 9.; S. Augustino lib. de unico baptismo contra Petil. cap. 14, & lib. 2. de baptis. contra Donatist. cap. 4; & S. Hieronymo in dialogo advers. Lucifer. S. Dionysii in causa S. Dionysii Alexandrini de Sabelii errore ad Apostolicam Sedem delati; & contra Pauli Samosateni hæresim, uti liquet ex S. Athanasio in epist. de sententia S. Dionysii Alexandrini adversus Arianos, & in lib. de Synodis. S. Melchiadis in causa

caussa Cæciliani contra Donatistas , ut auctores sunt S. Optatus lib. 1. contra Parmen. ; & S. Augustinus epist. 162 . S. Silvestri in causa Arii de hæresi ad se delati a S. Alexandro Episcopo Alexandrino, ut inferre fas est ex ipso S. Alexandro in epist. Synodica ad S. Alexandrum Episcopum Constantinopol. ; & S. Liberio in epist. ad Constantinum Imper. apud S. Hilarium in fragmentis . S. Julii in causa S. Athanasii, Pauli Constantinopolitani, Marcelli Ancyрани, Asclepæ Gazensis, & Lucii Adrianopolitani , uti referunt S. Athanasius in apolog. 2; Socrates lib. 2. cap. 15, & Sozomenus lib. 3. cap. 10 : item contra Photinum Sirmienssem Episcopum de hæresi accusatum, sicut testatur S. Hilarius in fragm. de Synodis . S. Damasi contra Apollinarem, Macedonium, aliosque hæreticos, uti narrant Sozomenus lib. 6. cap. 25 ; & Theodoretus lib. 5. capp. 10, & 11. S. Siricii contra Rebaptizantes; Jovinianum ; & Bonosum, ut adparet ex ipsius epistola ad Himerium, & epist. S. Ambrosii ad ipsum : item contra Manichæos, Sabelianos, & Priscillianistas, uti constat ex Gennadio lib. 1. de Scriptoribus Ecclesiasticis cap. 14 ; & S. Leone epist. 93, nunc 15. S. Anastasii contra Origenem, sicut fit manifestum ex ipsius epist. ad Johannem Hierosol. , Venerium Mediolanensem, & Chromatium Aquilejensem Episcopos ; & S. Hieronymo lib. 2. apolog. adversus Rufinum . S. Innocentii in causa S. Chrysostomi, ut habent idem S. Innocentius in epist. 17, 19, & 31 ; S. Gelasius in epist. 13 ; Palladius in dialogo ; Theodoretus lib. 5. cap. 34 ; & Facundus lib. 6 : atque contra Pelagium, & Cælestium, sicuti testantur S. Augustinus in epist. 47, nunc 215. ad Valentinum ; & epist. 116, nunc 186. ad Paulinum ; & S. Prosper in carm. de ingratis . S. Zosimi contra eosdem Pelagianos, uti legere est apud Marium Mercatorem in Commonit. ; & Auctorem epistolæ sub S. Cælestini nomine ad Episcopos Galliar. S. Cælestini contra Nestorium, sicuti fit perspicuum ex epist. S. Cyrilli ad eundem . S. Leonis M. contra Eutychianos, Manichæos, & Priscillianistas, uti prostat in cit. epist., in epistola ad Flavianum, & epist. 2, nunc 8 ; & apud S. Prosperum in Chron. ad annum 443. Hadriani I. contra Felicem, & Elipandum, ut narrant Eginardus ad annum 782. in annal. ; Alcuinus lib. 1. contra Elipandum ; & Dungalus in lib. adver-

adversus Claudium Taurinensem; exploratumque est ex epist. 97. ejusdem Hadriani, quæ extat in Codice Carolino. Sed de his copiosius par. 2. Quocirca apposite S. Agatho in epist. ad Imper. postquam Apostolicam Sedem a periculo omni errandi pronuntiasset immunem, subdit: *Cujus auctoritatem... semper omnis Catholica Christi Ecclesia, & Universales Synodi fideliter amplectentes in cunctis secutæ sunt.* Edi vero decreta eo verborum tenore consuevisse, ut exertissimam potestatem, & juris dicundi facultatem ostentarent, atque ideo parendi necessitatem inferrent, observavit doctissimus Thomassinus.

Quo plane argumento petito a Decretis Pontificiis jugiter in Ecclesia receptis adversus Græcos Schismaticos pugnarunt Æneas Parisiensis, Ratramnus Corbejenfis, Anselmus Avelburgensis, Hugo Etherianus, Humbertus Silvæ Candidæ, SS. Petrus Damiani, Thomas, & Bonaventura. Ad hæc Henricus VIII, dum adhuc Catholicus audiret, contra Lutherum, & Lutherus ipse quin imo ex omnium Christifidelium, qui ubique gentium sub Pontificis Romani potestate degunt, consensu extra omnem dubitationis aleam ejusdem in Ecclesia Principatum esse positum, fierique non potuisse, ut idem Principatus a Deo non fuerit aut institutus, aut invecus, argumentati sunt. Hinc Hilarius Pragensis Ecclesiæ Diaconus, cum Hussitis Pragæ congressus, & Hieronymus Aleander Leonis X. Nuncius in Comitibus Wormatiæ celebratis anno 1521. contra Lutheranos disputans Romanæ Ecclesiæ Primatum ea ratione potissimum defendendum adorsi sunt, quod nisi id effecisset & Christi D. institutio, & Patrum traditio, effici minime potuisset, ut homines omnis generis, ceteroquin a subjectione maximopere abhorrentes, Romano Pontifici ceu Christi Vicario obedientiam exhiberent: expedire etiam quammaxime, ut in Ecclesia Primatum idem Pontifex gereret, cui omnes Episcopi fasces submittant: eo namque everso futurum facile, ut Ecclesiastica Hierarchia pessum eat, aut pessime cedat: tot enim rerum Ecclesiasticarum Domini, quot Episcopi, evadent: tot sententiæ, quot homines; quotque sententiæ, hinc totidem emergerent schismata. Neque vero in officio a Concilio eosdem contineri posse; nam neque istud congregari facile, semper-

perque potest, ac congregatum perseverat: de jure pe rinde istud congregandi inter Episcopos non equidem conveniret; quod juris si Imperatori quis deferret, quominus id fieret, ceteri Imperatori haud subiecti Reges obluſtarentur, & obſisterent: quo igitur tandem cederet Ecclesiæ unitas? Quis Ecclesiæ leges sacras, integrasque manere juberet? Quomodo Ecclesiæ ritus, doctrinamque in tuto collocaret? Confer Eminent. Pallavicinum in hist. Concil. Trid. lib. 1. cap. 25.

Equidem Gersonius in tract. de exam. doctrin. confid. 3. docet Romanorum Pontificum decretis deberi religiosam obedientiam externam, *Ita ut, inquit, obligentur fideles ad non dogmatizandum contrarium; non etiam deberi obedientiam internam, ita ut non obligentur fideles ad credendum.* Cur id? Quia subdit, *Papa est deviabilis a fide, nec potestate supra Concilium pollet.* Cujusmodi Gersonianæ doctrinæ adſtipulantur Auctor operis, cui titulus: *Memoire pour servir a l'examen de cette maxime, que le Pape ayant la provision, on doit se soumettre a ses jugemens* an. 1717: Auctor disert. *Sur la Constitution du 8. Septembre anné 1713., ou l'on examine 1. si un grande Eglise, comme celle de France, est obligé d'accepter purement, & simplement toutes les Constitutions dogmatiques des Papes* anno 1714.: Bosuetius defens. declar. par. 2. lib. 14. cap. 23; & D. Le Gros Canonicus Ecclesiæ Remensis in libro, cui ea epigraphæ: *Renversement des libertes de l'Eglise Gallicane dant l'affaire de la Constitution Unigenitus* tom. 2. edit. anni 1716. Itaque juxta Gersonii, eique adhærentium doctrinam internum animi obsequium Pontificiis Constitutionibus idcirco non debetur, quod Romani Pontificis auctoritas nec suprema, omnium sit, nec infallibilis. Ita plane: unde Bosuetius ipse in suo cum Ministro Claudio colloquio solide ostendit absolutam, perfectamque obedientiam nonnisi infallibili auctoritati deberi: & Cardinalis Noallius in docum. pastor. anno 1719. pariter edixit fundamentum, quo nititur fides nostra, certissimum, ac infallibile omni ex parte esse debere. Atqui (ita ex adverso instaurum argumentum) Pontificiis decretis debetur ab omnibus etiam internum animi obsequium, seu interior mentis obedientia; itaque ab adverso Pontificibus Romanis adferenda est suprema auctori.

auctoritas, atque omnimoda infallibilitas. Viden jure proinde dictum a nobis assero Pontificis in Ecclesia Primatu, ejusdem appendices cum infallibilitatem in fide, tum supra Concilium auctoritatem fore perinde asserendas?

Jam vero interiorem ex animo obedientiam Pontifici esse præstandam ostenditur, quia 1. istam obedientiam internam præcipiunt Romani Pontifices; religiosumque silentium haud sufficere declararunt, & contrariam in sententiam concedentes erroris nota affecerunt, diroque anathemate, uti constat ex Constit. anni 1665. *Regiminis Apostolici* Alexandri VII: ex Brevi Clementis IX. anno 1669. ad quatuor Episcopos Andegavensem, Bellovacensem, Apamiensem, & Alecensem, quibus suam communionem restituit, qua pridem ob denegatam formulario fidei ab Alexandro VII. edito subscriptionem multati fuerant, atque formulario subscripserant, ut est apud Berninum tom. 4. sæculo XVII. cap. 6: ex Brevis litteris an. 1694, & 1696. ab Innocentio XII. ad Episcopos Belgii exaratis; & Constitutione an. 1705. *Vineam Domini Sabbath* Clementis XI. Quia 2. istam obedientiam internam Pontificiis decretis ab omnibus deberi docuit Gallicanus Clerus in Comitiiis anni 1653, uti liquet ex litteris ad Innocentium X. inscriptis: in Comitiiis anni 1656, ut adparet ex litteris ad Alexandrum VII. adornatis: in Comitiiis anni 1663, ut patet ex epist. ad eundem Pontificem exarata: in Comitiiis anni 1705, uti legitur in epist. ad Clementem XI, in Encyclica ad Galliarum Episcopos; ac in Comitiiis anni 1714, e quibus cum ad universos Regni Episcopos, tum ad eundem Pontificem scribens ab se non modo Summorum Pontificum decretis dogmaticis omnimodam deberi obedientiam profitetur, sed etiam omnimodæ hujusce obedientiæ se vadem, & sponsores pro tota Ecclesia Gallicana præstat. Similia scripsit idem Clerus e Comitiiis anni 1735 ad Clementem XII. pro impetranda B. Francisci Regis inter Sanctos relatione. Doctrinam hancce nempe hauserat, velut conjectura assequi valeo, ex S. Nicolao I. in epistola ad Ecclesiam Constantinopolitanam, qua nedum simulata exterius obedientia, sive obsequioso silentio, sed imo ex intima animi sententia cum scripta in favorem Photii devoveri, tum ab se decre-

tis

tis subscribi iubens, *Alioquin, inquiebat, studiis, quibus possumus, insistemus, ut inter exanimis computentur, qui in auctoritatem Petri non consenserint, imò Dei ordinantis in Petro non intellexerint; ita ut nec ista, quæ perniciosè compilata sunt (pro defensione Photii) defendere, nec his similia, ut non dicam scripto tradere, vel in mente volvere quis ulterius audeat.*

Quia 3. istam obedientiam internam debèri docuit sacra Facultas Parisiensis, quæ eam Antonii Arnaldi propositionem, quæ affirmabat abunde id esse, si circa Pontificum Constitutiones religiosum servaretur silentium, ceu temerariam, scandalosam, & injuriosam summo Pontifici anno 1656. nigro calculo notavit. Anno item 1704. celebris Casus conscientix doctrinam, quæ hujusmodi silentium sufficere dicebatur, confixit: antehac etiam anno 1661. formulario fidei ab Alexandro VII. adornato subscribendum fancivit: atque demum anno 1705. decreto solemnì Constitutionem *Vineam Domini* Clementis XI. recepit, atque in tabulas retulit. Confer Tournellium de Eccles. quæst. 5. art. 3. Quia 4. istam obedientiam internam decretis Pontificiis debèri ultro citroque docuere plerique, iique doctrina præclarissimi Galliarum Antistites Cardinalis Noallius, qui anno 1703. in eum Casum conscientix, quo ea obedientia interna denegabatur, censorium stilum distrinxit: Bossuetius ipse in serm. habito ad Convantum Cleri Gallicani anni 1682, cujus verba refert, suæque facit Languetius Archiepiscopus Senonensis in epist. ad Episcopum Engolismensem die 2. Februarii anno 1719: Cardinales de Rohan Episcopus Argentorat. in mandato pastor. anno 1708., & de Bissy in docum. pastor. anno 1728: D. Abelly Episcopus Ruthenensis in tract. de obedientia debita Romano Pontifici eam, obediendi omnimodam necessitatem confirmans testimonio, exemploque egregio S. Hieronymi in epist. ad S. Damasum se paratissimum pronunciantis ad sentiendum, & loquendum, (de una, scilicet, aut tribus hypostasibus) quomodo ut sentiret, & loqueretur ipsi præscripsisset Pontifex; atque observans ex S. Cypriano non aliunde obortas hæreses, aut enata schismata, quam inde, quod Sacerdoti Dei, (cujus nomine a S. Cypriano S. Cornelium Papam præsignatum contextus series demonstrat,) nec ob-

temperatur; nec unus in Ecclesia ad tempus Iudex vice Christi cogitatur: D. de Fenelon Archiepiscopus Cameracensis, qui librum suum de Maximis Sanctorum ab Innocentio XII. censura confixum intelligens, ac supra viginti in eo propositiones proscrip-
tas, dicto, & facto obedire se, & obsequi, & quidem ex animo Pontificis iudicio palam fecit, & professus est, cujus obsequii, obedientiæque exemplum, & doctrinam Clerus Gallicanus in Comitibus anni 1700. extulit, & probavit. Mitto ceteros, ne sim longior; sed recole dicta de doctrina Ecclesiæ Gallicanæ.

Ex quibus sic 3. instruitur argumentum. Si Romano Pontifici, quia Caput est Religionis, Sacrorum Præses, Sacerdotiisque cunctis Præpositus, obedire ex animo omnes debent, eidemque de fide edicenti ex intima mentis adhæsiōe Ecclesia debet ad-
quiescere, igitur Romanus Pontifex Concilio generali, idest Ecclesia congregata est superior: alioquin enim si Concilio esset inferior, Concilium potius, quam Pontifex, esset unitatis Centrum, & Communionis Ecclesiasticæ vinculum; neque in Pontifice, sed potius in Concilio requiescendum Christianis foret. At id absurdum valde, & absonum. Enim vero, ut id refugii præsto Christianis sit, quandoquidem dubia circa fidem, mores, disciplinamque continuo emergunt, necesse foret utique, ut Concilium aut perenne esset, aut facile posset congregari: utrumque vero desiderare est, ac etiam difficillimum. Interea late, impuneque, grafsarentur hæreses, atque Christiani inficiendi omnem haberent nodam. Putasne ita incaute provisum, inconsulteque profectum a Christo D. Ecclesiæ? Fac vero congregandum fore Concilium: id a quo fiet? a Pontifice? At si Pontifex eo inferior sit, potestate coactiva illud cogendi procul dubio caret: congregatum sit tamen: in eo cum Episcoporum, tum Pontificis necessaria est præsentia, cujus quidem defectu incassum pleraque Concilia celsisse perspectum est; neutra autem horum præsentia desideretur, quid tamen si a Pontificis sententia Episcopi discordarent? Quibus horum Christianis erit adhærendum? Neutris sane; non Pontifici, quippe eorum in sententia errori ipsius iudicium subjacet; non Episcopis, quandoquidem infirmum plane eorum iudicium evadit, si illi Pontificis desit assensus, experien-
tiæque

tiaque exploratum est ipsos vel in Concilio congregatos sæpiissime in errores prolapsos fuisse, atque in fide eclipsim passos. Itaque is, cujus interesset, vel a Papa ad Concilium, vel a Concilio ad Papam, vel alternatim ad utrumque facile provocaret, prout alterutrius sententia sibi non arrideret. Ad hæc quis nesciat Episcopos in Conciliis, qua partium studio abreptos, qua propriæ sententiæ, quam par esset, tenaciores persæpe in adversas abiisse sententias, & quidem aliquando plenas erroris? Cujusmodi evaderet ergo Concilium, nisi illi potestas quæpiam præesset, illoque quidem præpollens, quæ omnes in officio contineret, & quosdam ad meliorem frugem compelleret, quosdam vero in recta fide confirmaret? Non ne exinde sæpius schismata enascerentur, scilicet ex Episcoporum discordia? Quis vero enata schismata eradicaret, Episcopos ad concordiam revocando, nisi omnium potior Pontifex, cujus dicto omnes obedientes esse debere dicantur? E contra verò si Episcoporum unicuique fas fieret (& quidem fieri necesse foret, si Pontifici Episcoporum Concilium præferatur) Pontifici præcipienti impune obstitendi, obedientiamque denegandi, opponendo injustum esse præceptum, ac proinde ad Concilium provocandi, quis non videat latam exinde viam, schismatibus aperiri, & sterni? Id jampridem observatum est a Viris doctissimis Francisco Victoria in tract. de auctor. Papæ, & Concilii; Didaco Payva in defens. Trident. fidei lib. 1; Andrea Duvallio par. 1. q. 73 & ante ipsos a S. Gregorio Nazianz. ep. 55. ad Procopium, qui propterea scripsit *Sine periculo, & offensione nunquam Sacerdotum haberi conventus*: & iterum: *Ego si vera dicere oportet, ita omnia Episcoporum Concilia fugio, quoniam, nullum Concilii finem latum, faustumque, nec quod depulsionem malorum potius, quam accessionem, & incrementum habuerit, vidi*. Et quidem, ut exempla præteream Conciliorum Ephesini, & Ariminensis, eadem de Conciliis Constantiensi, & Basileensi, suppeditabunt legenti VonderHart, & Lenfantius; ac Pallavicinus de Tridentino ipso pleraque horum similia referens; ut proinde apertissima in remolim esse prolixior.

Hujusmodi argumento petito ab obedientia Pontifici debita, seu adhæsione, qua in Pontifice veluti in unitatis Centro, &

Capite Ecclesiasticæ communionis conquiescendum Christifidelibus omnibus est, pressi auctoritatis Pontificiæ Ofiores reponunt.

1. Concilia equidem œcumenica, atque dumtaxat eadem suprema, eaque infallibili auctoritate pollere. Quippe 1. in Conciliis generalibus retractata aliquando sunt Romanorum Pontificum decreta. Ita retractatæ, & ad incudem, ut ajunt, revocatæ epistolæ dogmaticæ S. Cælestini in Ephesino; S. Leonis in Chalcedonensi; SS. Martini I, & Agathonis in Constantinopolitano III.
2. Ad Concilia generalia a Pontifice est frequentissime appellatum; stulta vero, & præpostera foret, fuissetque a superiori ad inferiorem, atque ab eo, qui falli, & fallere nequeat, ad eum, qui possit, appellatio. Atque quidem appellationum usum a S. Siricii tempore invaluisse scribit pro sua impudentia Launojus in epist. ad Nicolaum Parvipedium: Bossuetius par. 2. lib. 15. cap. 25. a prisca omnino traditione profectum autumat: Anonymus Lovaniensis de loc. Theolog. tom. 3. dissert. 5. quæst. 2. a II. Ecclesiæ sæculo obtinuisse existimat: Natalis, & Tournellius Gersonium appellationis doctrinam inducentem sectati ejusmodi appellationum exempla non altius, quam a Sæculo XIII. repetunt: quorum primum sit appellatio Philippi Pulchri, Cleri Gallicani, & Academiæ Parisiensis a Bonifacio VIII. 2. Johannis Dauvet Procuratoris Generalis Caroli VII. Regis a Pio II. Pragmaticam sanctionem irritam esse jubente. 3. Academiæ item Parisiensis a litteris Pauli II. eandem Pragmaticam sanctionem rescindentis. 4. Johannis Nanterre Procuratoris generalis a Sixto IV. ob legationem in Galliam Johanni Baule a Pontifice demandatam, qui libertates Gallicanas invadere ipsi videbatur. 5. Academiæ iterum Parisiensis ab Innocentio VIII. pro immunitate Cleri Gallicani ab indictione Decimæ a Pontifice imperatæ. 6. Ejusdem Academiæ pro electionum defensione a Concordatorum Bononiensium promulgatione, & Pragmaticæ sanctionis abrogatione facta a Leone X.: addere poterat Natalis exemplum suæ, (si fides est adhibenda Davesio id referenti,) aliorumque Refractoriorum, præsertim quatuor Episcoporum Mirapicensis, Monspessulanensis, Boloniensis, & Saniticiensis a Constitutione *Unigenitus* Clementis XI, appellationis. Scilicet isthæc exem-

pla sunt ejus generis appellationum , quas jure interponi posse putat . Nam interjectas a Juliano Eclanensi Pelagiano homine a SS. Innocentio I , & Zosimo : a Johanne Hus ab Alexandro V ; a Michaelæ Cæsenate a Johanne XXII ; a Luthero a Leone X ; a Thadeo Procuratore Friderici II. Imper. ab Innocentio IV ; a Sigismundo Austriaco , & Georgio Heimbürgio jurisconsulto a Pio II ; a Paulo Voladinuro Poloniæ Regis Oratore a Martino V. temere factas , & jure vacuas pronunciat .

Reponunt 2. Concilia præterea generalia necessaria esse: quippe 1. ita docuere S. Augustinus, dum sæpe dixit *Implicatam, obscuramque de baptismo hæreticorum questionem plenario rotius Orbis judicio finiendam fuisse*: Eusebius ajens *Majoris momenti controversias aliter , quam Synodorum sententia componi nequire*: S. Innocentius I. scribens *Synodali cognitione peropus esse , quam dudum cogendam censuerat , ut qua sola talium procellarum motus sopiri possent*: S. Leo M. a Theodosio Imperatore impensius efflagitans, ut Concilium intra Italiam contra Eutychetem celebraretur, quamvis Eutychetis hæresis ab ipso Pontifice in Romana Synodo jam prædamnata fuisset: Synodus quinta generalis, dum in collat. 8. enuntiavit: *SS. Patres , qui per tempora in sacris quatuor Conciliis convenerunt , antiquis exemplis utentes , communiter de exortis hæresibus , & questionibus disposuerunt ; certo constituto , quod in communibus de fide disputationibus , quum proponuntur ex utraque parte , qua discutienda sunt , veritatis lumen tenebras expellit mendacii : nec enim potest in communibus de fide disceptationibus aliter veritas manifestari*. 2. Cæteroquin non adeo Concilia esse necessaria , ut alio modo Ecclesiæ necessitatibus æutum occurrì nequeat, atque ut novæ exsurgenti hæresi extinguendæ ; aut exorto schismati exterminando continuo sit Synodus congreganda : nam ad id abunde est Pontificis judicium , cui assensum Episcopi suum exhibeant : exinde enim efficitur , ut error ab Ecclesia universali , seu ab æquivalenti Concilio auctoritate efficaciter extirpetur . Atque ita frequenter sacra Facultas Parisiensis docuit in Censuris suis tum contra Drovetium anno 1663 ; tum contra Milletterium anno 1664 , qui quum librum evulgasset sub titulo *Le Pacifique veritable* , in eoque scripsisset Sedis Aposto-

licæ

licæ decreta de fide tum demum infallibilia evadere, si in Conciliis œcumenicis fierent, in quibus dumtaxat Ecclesiæ consensus explanatur, sacra Facultas doctrinam hancce, ceu temerariam, Ecclesiæ injuriosam, & hæreticam censura inussit, eo quod Ecclesiæ universali in nullo alio statu, quam in Concilio œcumenico congregatæ, infallibilitatem tribuat, qua frui etiam dispersam sacra Facultas docet.

Respondeo ad 1., ac quidem 1. ex adnotatis, ubi de iisdem Conciliis diserebam, luce meridiana liquere quidem laudatas epistolas a præfatis Conciliis agnitas fuisse tamquam sacre Scripturæ, & SS. Patrum traditioni apprimè conformes; at nequaquam examini fuisse suppositas, quin imò ea, qua par erat, summa animorum submissione, & obedientia Patres iisdem se subjecisse, idque obsequii iisdem Patribus ab illis Pontificibus fuisse præscriptum. Ad hæc adversarii ista objicientes se se confodiunt. Concedunt enim (absit namque, ut id negare audeant) dogmaticam Romani Pontificis epistolam, cui potior Episcoporum pars adhæserit, indubiæ prorsus auctoritatis evadere, ac proinde iterato examini, judicioque citra nefas subjici nequire: atqui prælaudatis quatuor Romanorum Pontificum epistolis, antequam celebrarentur præfata tria generalia Concilia, jam majoris Episcoporum partis consensus accefferat, uti præ aliis planum fecit Clariss. Orsius: nam S. Cælestini epistolæ contra errores Nestorii, antequam celebraretur Ephesinum Concilium, jam consensus præbuerant suum Episcopi Occidentis, atque ex Oriente, permulti Antistites, ac præsertim Alexandrini Patriarchatus. S. Leonis adversus Eutychetem epistolæ ante Concilium Chalcedonense jam syngrapham adjecerant suam Episcopi omnes, præter nonnullos Palæstinæ, & Illyrici, quam par esset, morosiores. SS. Martini, & Agathonis epistolas adversus Monothelitas ante Synodum VI. jam Ecclesiarum Præsules fere cuncti æqui, bonique fecerant. Quorsum ergo hæc epistolas in laudatis Conciliis examini subjectas comminiscuntur? Demum etsi daremus epistolas illas novo examini, novoque judicio submissas, inde immerito colligitur Romani Pontificis haud supremam esse potestatem, eamque infallibilem, quandoquidem in Conciliis quoque generali-

ralibus, quibus id privilegii adversarii attribuunt, præcedentium Conciliorum definitiones plane indubiæ non absque causæ cognitione, quo sensu examini subiectæ dici debebunt, confirmatæ fuerunt. Ita Patres Concilii Chalcedonenfis post iteratum examen confirmarunt, & tamquam Nicænæ fidei consonas iterato approbarunt definitiones Conciliorum Constantinopolitani I, & Ephesini. Quemadmodum ab eodem Concilio Chalcedonenfi in posterioribus actionibus ad regulam traditionis expensa fuit epistola S. Leonis, quæ in primis actionibus nullo prævio examine ab omnibus Episcopis jam fuerat recepta. A Concilio Florentino novo examini subiecta fuere ea fidei capita, ac planè indubia, quæ Græcorum schismati dederant occasionem, jamque in Lugdunensi finita fuerant. In Tridentino Lutheri errores a Leone X. prædammati, atque ab Ecclesiis omnibus jam antea proscripti novo examini, & iudicio submissi sunt, ut ostendit Thomassinus dissert. 12. in Concil. Chalced. Quid quod, sicuti refert Pallavicinus, non nisi re in deliberationem missa, præhabitoque examine sacrorum Librorum canon, qui in Ecclesia usu jam venerat, editus est? Missa facio multa alia, in re enim facili nolo esse multus.

R. 2. Me parte 2. Vindic. palam facturum viam appellationis viam fuisse, quam soli aperuere hæretici ad eludendam debitam Pontificum decretis obedientiam: Ecclesiam cunctas contra dogmaticas Pontificum definitiones interpositas appellationes inficias ivisse, atque execratam esse; easdem quoque prohibitas fuisse, & quidem sub pœna excommunicationis tanquam frivolas, & contra sacros Canones factas, a S. Gelasio I, Martino V, Callixto III, Pio II, Sixto IV, Julio II, Gregorio XIII. &c.; pro ut etiam interjecta a quatuor Gallicanis Episcopis anno 1717. a Clemente XI. anno 1718. per suas litteras incipientes *Pastoralis officii* proscripta fuit. Quid autem quod 40., aut 50. Galliar. Episcopi, ut narrat auctor biblioth. Jansenisticæ tom. 1, in mandatis suis pastoralibus ejusmodi appellationi a 4. Episcopis interpositæ schismatis infamiam influxerunt? Fleurius etiam histor. Eccles. auctor a Duce Aurelianensi Regni administratore interrogatus asseveranter respondit aliud ejus generis appellationum

exem-

exemplum non præexistere, nisi quo Julianus, Lutherusque præluserunt a dogmaticis Pontificis decretis provocantes. Basilice porro id a Gallicanis illis Episcopis 40, aut 50. factum: atque recte a Fleurio adfirmatum. Nam appellatio fieret, vel a Papa ad Concilium Papæ conjunctum, vel disjunctum? Si posterius, tunc appellatio fieret ad Concilium acephalum, idest illegitimum, & ad Judicem consequenter haud idoneum: si prius, tunc fieret appellatio a Pontifice ad Pontificem, & ita esset irrisoria. Ita Lutherus primitus appellavit a Cardinali Cajetano ad Papam; deinde a Papa male informato ad Papam melius informandum; tum a Papa ad Concilium, & ubi vidit Concilium Tridentinum congregatum, a Concilio ad sacram Scripturam; ab hac autem ad sensum proprium, seu privatam interpretationem, atque ita ad semetipsum. Ejusmodi vero exempla appellationum, vix quatuor est in tota retro antiquitate adinvenire, quæ imitati subinde sint Jansenistæ, idest Juliani Eclanensis ab SS. Innocentio, & Zosimo; Johannis Hus ab Alexandro V; Michaelis Cæsennatis a Johanne XXII; & Lutheri a Leone X: exempla enim, quæ attexunt Natalis, & Tournellius, quamquam contra fas, nihil ad rem, quippe quæ ad fidem non faciunt. Quare ex illis perperam Pontificum infallibilitas, & suprema potestas lacescit, atque proinde ex illis perperam exemplum traxere Jansenistæ, & Quesnelliani appellandi a Constitutione Clementis XI: cujusmodi exemplum potius in quatuor præfatis hæreticorum hominum appellationibus quærendum fuerat. Itaque jure optimo Petrus de Marca lib. 4. cap. 17. appellationes a Papa ad Concilium a vere disciplina prorsus alienas pronunciavit.

Repono ad 2., & quidem 1. quod, ut multis ostendunt DD. Abelly, & Languetius, S. Augustinus nunquam adfirmavit quæstionem de rebaptizandis hæreticis nonnisi in Concilio plenario finiri potuisse. In scriptis equidem S. Augustini legitur, quod ea quæstio tandem in Concilio plenario, (de quo viri eruditi dissentiunt, quibuldam illud fuisse Nicænum agentibus, aliis pro Arelatensi pugnantis,) finita fuerit: at non habetur, quod ad eam finiendam plenarium Concilium congregari fuerit necesse; quod sane eo tempore, quo excitata fuerat ea quæstio, difficil-

line

lime cogi potuisset . Quod Eusebius loquitur eo loci de Conciliis Provincialibus , quibus juxta obtinentem , inductamque tum temporis disciplinam , majoris momenti causæ componebantur ; hancque disciplinam religiose custodiendam voluit Eusebius : quod non impedit , quo minus eo etiam tempore pleræque causæ , quales Montani , Origenis , Novatiani , Sabellii &c. solius Romani Pontificis sententiæ terminatæ sint : constantissimum enim est tempore Eusebii nonnisi Nicænum Concilium congregatum , ante id autem ævi jam plerasque prostratas , protritasque hæreses fuisse plane a Pontificibus . Quod S. Innocentius agit ibidem de magnis Orientalium turbis , quas excitaverat S. Chrysostomi depositio , & deportatio , seu exauكتورatio , & exilium ; quibus sedandis Synodum tanquam peropportunam desiderabat Pontifex , non item ad fidei aliquam dirimendam quæstionem . Quod S. Leoni M. Concilium equidem in desiderio fuit , ut judicium contra Eutychetem solemne evaderet , non etiam quod existimaret Concilio ad id opus esse : eo vel maxime , quod eo in Concilio quid tenendum , quid docendum , quid agendum Patribus ipse præscripserit , ut ibidem ostendimus . Quod Patres Synodi V. his verbis palam fecerunt , equidem Episcopales cœtus , & Ecclesiasticas collationes utilitatem ad fidei controversias finiendas conferre quam maximam , quia nempe in illis in utramque partem se diligenter discussa veritas magis magisque elucescit : at absit eam iis infudisse sententiam , ut existimarent necessaria omnimodis esse Concilia ad dogmaticas causas dirimendas .

¶ 2. Non inficias me ire sane eandem esse omnino Ecclesiam , quæ in Orbem diffusa , & quæ in Concilio coadunata est : ideoque diffusæ judicium æquivalere adfirmo judicio coadunatæ , idest ejusdem ponderis , æquique pretii esse sive in Concilio expresse , sive extra Concilium tacite judicet : *Ecclesia Dei* , ajebat egregie S. Augustinus epist. 119 , nunc 55. cap. 19 , *ea , quæ sunt contra fidem , vel bonam vitam , non approbat , nec tacet , nec facit* . At ejusmodi judicium Ecclesiæ , qua ratione infallibile , notuinquæ fiet ? Ex Pontificis Romani definitione procul dubio , non etiam ex solo Episcoporum consensu , ut adversarii arbitrantur . Nam 1. Pontifici ex Cathedra definienti , idest Ecclesiæ universæ

Pars I.

R r r

di-

dicenti ab Episcopis omnibus sive in Concilio, sive extra Concilium obedientiam, animique obsequium deberi, oppido multis demonstratum, opinor, jam est: Itaque ne definitioni dubiæ, errorique obnoxie obtemperando Ecclesia errori obnoxia ipsa evadat, oportet Pontificis definitionem extra omnem dubitationis aleam esse positam, proculque abesse fidei periculum. 2. Pontificibus ex Cathedra definientibus id solemne semper, ac frequens fuit, ut editas definitiones ad Ecclesias dirigerent, quibus Episcopi omnes, qui Romanæ Ecclesiæ communionem nollent carere, syngrapham adjicere suam deberent. Ita in causa Novati, & Catharorum factitatum a S. Cornelio refert Eusebius lib. 6. cap. 43. In causa Pauli Samosatani a S. Dionysio auctores sunt idem Eusebius lib. 7. cap. 30; S. Cyrillus Alex. in apolog., & Marius Mercator common. edit. Baluzii pag. 178. In causa Donatistarum a S. Silvestro liquet ex Synodica Concilii Arelatenis. In causa Apollinaris, Macedonii, & Eunomii a S. Damaso narrat Theodoretus lib. 5. capp. 9, & 11. In causa Joviniani a S. Siricio testis est Iocuples S. Ambrosius in epist. ad eundem Pontificem tom. 2. ipsius oper. Similia multa suo loco laudabimus.

Ad hæc 3. Episcopis equidem errores de novo emergentes proscribendi jus facimus; proscriptos vero Episcopis omnibus denunciandi encyclicis datis iisdem familiare extitisse fatemur: at præcipue ad Romanum Pontificem ejusmodi litteras dirigi consuevisse, quatenus ejusdem præsertim judicio errores prosternerentur, atque ab Ecclesia universa penitus eliminarentur, liquido constat ex litteris 99. Episcoporum Concilii Lambethani anno 240. ad S. Fabianum, quibus obsecrant, ut latam in Privatum sententiam suo calculo comprobaret, ut est apud S. Cyprianum epist. 55. ad S. Cornelium. Ex litteris Patrum Concilii Carthaginensis anno 251. ad S. Cornelium, quibus deprecantur, ut ejaculatam in Felicissimum, & quinque alios Presbyteros sententiam sua auctoritate probaret, ut est apud eundem S. Cyprianum epist. 42. ad eundem. Ex litteris S. Dionysii Alexandrini, quibus ad S. Sixtum Sabellium de hæresi detulit apud Eusebium lib. 7. cap. 6. Ex litteris Antistiti Concilii Antiocheni anno 269, quibus ad eundem Dionysium de hæresi delatus est Paulus Samosate-

nus

nus apud cit. Eusebium lib. 7. cap. 30. Ex litteris Episcoporum Africæ ad S. Melchiam in causa Donatistarum, ut est apud S. Augustinum epist. 162. Ex litteris Patrum Concilii primi Arclatensis anno 314. ad S. Silvestrum, quibus ab se decreta ad Pontificem confirmanda dirigunt, atque ut ab ipso probata ad ceteras Ecclesias tenenda mitterentur. Ex litteris Episcoporum Concilii Antiocheni anno 379. ad S. Damasum in causa Marcelli Ancyran, Photini, & Apollinaris, ut est apud S. Gregorium Nisenum in epist. ad Olympium Monachum, seu in vita S. Macrinæ Sororis. Ex litteris Concilii Italici anno 390, cui adfuit S. Ambrosius, ad S. Siricium in causa Joviniani, ut est apud eundem S. Ambrosium in epist. ad citatum Siricium. Ex litteris Præfultum Africæ ad SS. Innocentium, & Zosimum in causa Pelagii, & Cælestii, ut est apud S. Augustinum epist. 47, nunc 215. ad Valentinum; & epist. 106, nunc 186. ad Paulinum. Ex litteris S. Cyrilli Alexandrini ad S. Cælestinum, quibus obtestatur, ut de Nestorio sententiam dicat, eamque ad Episcopos Orientis omnes subscribendam dirigat. Ex litteris apologeticis Johannis Thalajæ Præfultus Alexandrini ad S. Gelasium contra Pelagianam hæresim elucubratis, ut est apud Photium cod. 54. Ex litteris Episcoporum Orientalium ad Johannem II. circa propositionem Acæmetarum Monachorum apud Liberatum in breviar. cap. 20. Ex litteris Profuturi Bracarenfis Antistitis ad Vigilium pro anabaptismo, quem in Hispania Ariani, & Priscillianistæ redintegrant apud Baluzium tom. 1. Collect. Concil., & ne ultra modum longior sim, ac moram faciam, ex litteris Episcoporum Galliarum ad Romanos Pontifices Innocentium X, Alexandrum VII, &c. pro causa Jansenii, Quesnelli, Fernelonii, aliorumque, de quibus jam actum.

Accedit 4. quod Episcopos, atque quidem sive in Concilio, sive extra Concilium de fidei causis cognoscentes, ac decernentes indeficientiæ prærogativa haud potiri, nisi eorum sententia Pontificis Summi calculo conprobetur, innumeris exemplis Ecclesiastica historia nos instruit, quorum pleraque parte 2. exhibenda erunt, quæ neque adversarii in dubium revocare audeant. Eo ergo modo Episcoporum de fide judicium infallibile evadit, sci-

R r r r 2

licet

licet si Pontifici edicenti pareant; aut ipsorum iudicio assensum suum præbeat Pontifex: ita sit, ut fides omnium Episcoporum in unam, quam profitetur, de quaque pronunciat Romanus Pontifex, viritum, ac unanimiter coeat; eoque modo sit, quo fieri Tertullianus lib. de præscript. cap. 20. animadverterat, dum dixit: *Tot, & tantæ Ecclesiæ, una est illa ab Apostolis Prima, ex qua omnes. Sic omnes Prima, & Apostolica, dum una omnes probant unitatem.* Eo etiam modo facile sit, ut definitio fidei Christifidelibus confestim innotescat, ut continuo a cunctis animi, mentisque assensum dubitatione omni abjecta extorqueat: eoque modo innotescere veritatem animadvertit olim S. Irenæus, dum lib. 3. adversus hæreses cap. 4, postquam cap. 3. dixisset in Ecclesia Romana tradita ab Apostolis dogmata semper conservata, atque Romanorum Antistitum continua successione eadem ad nos dogmata pervenisse, *Hic, inquit, successione ea, quæ est ab Apostolis in Ecclesiâ traditio, & veritatis præconiatio pervenit usque ad nos:* dixit deinde: *Non oportet apud alios quærere veritatem, quam facile est ab Ecclesiâ (Romana) sumere, quum Apostoli quasi in depositarium divites plenissime in eam contulerint omnia, quæ sunt veritatis.* E contra vero, si ut Christifideles de fide certi reddantur, ipsis Episcoporum iudicium expectandum sit, hærendumque illis interea, donec longo temporis decursu istiusmodi iudicium innotuerit; quid fiet interea fidei? Quam late, impuneque serpent hæreses? Quanta immanitate suapte deservient undique schismata? Ad hæc qua ratione Christifidelibus Episcoporum consensus planus fiet? Quis certiores faciet de consensu Indorum Italos, Americanorum Anglos, Iberorum Hispanos, Scytharum Scotos, Gentium omnis genus Gallos, & Germanos? Quomodo vero certiores facient? Litteris ne, an Legationibus? At non id necesse esse Gallicani ipsi Antistites declarant, sed satis esse Episcoporum silentium. Sed ex silentio Episcoporum quis existimet Christifideles maiorem partem rudes, ignaros, imperitos rem fidei extra dubium positam dignoscere facile posse? Putasne vero hac pessima ratione Ecclesiæ suæ consultum a Christo? At id putare summum piaculum: sed de his jam nimis: recolenda dicta tom. 1. art. 1. de Sacra Scriptura.

Ex

Ex his autem sic exsufflatis , & ex superius firmatis sic efformatur 4. argumentum . Unitas , & infallibilitas Religionis , seu Ecclesiæ inferri necessario Unitatem , & infallibilitatem Magisterii ; ideoque Romanus Pontifex , qui Religionis , seu Ecclesiæ Supremus est Rector , cui omnes , qui Christiano nomine censentur , auscultare oportet , idem Religionis , seu Ecclesiæ infallibilis est Magister , sive Doctor , cuius dicto obedientes esse omnes debent . Itaque &c. Aliter . Pontifici de fide pronuncianti obedientia debetur ab omnibus : seu in Pontificis fide tamquam unitatis , ejusdemque fidei centro conquiescendum omnibus est , eique ceu capiti suo membra adhærere debent : igitur infallibilem esse eum necesse est . Etenim si Pontifex a fide deficeret , aut deficere posset , Centrum Unitatis , & Communionis Ecclesiasticæ Caput non esset , aut esse defineret , nam ei Christifideles adhærentes a fide quoque deficerent , aut deficere posset , atque ita universa deciperetur Ecclesia : atqui id maxime absurdum est , & absonum . Atque ita plane argumentati sunt Antistites Gallici in memoriali libello anno 1717. Philippo Duci Aurelianensi , & Regni administratori oblato ; Cardinales de Rohan , & de Bissy ; DD. de Fenelon , de Languet , de Colongue , de S. Albin , & de la Fare in mandatis suis pastoralibus sæpe laudatis . Ita S. Thomas , qui quodlibeto 9. art. 16. *Certum est , inquit , iudicium Ecclesiæ universalis errare in iis , quæ ad fidem pertinent , non posse , unde standum est sententiæ Papæ , ad quem pertinet determinare de fide .* Nempe Ecclesiæ infallibilitatem a Pontificis infallibilitate repetebat . Ita jam pridem ante ipsos S. Gelasius in epist. ad Anastasium Imperat. , qua Pontificiæ infallibilitatis illud potissimum argumentum exponit , quod si Pontifex errorem amplecteretur , tota cum eo prolaberetur turpiter in errorem Ecclesiæ : *Quid Nos , inquit , de totius Orbis terrarum sumus universitate facturi , si , quod absit , nostra fueris perversitate deceptus ?* Atque ita post ipsum Innocentius III , qui in serm. 2. suæ Consecrationis , *Nisi enim , aiebat , Ego solidatus essem in fide , quomodo possem alios in fide firmare , quod ad officium meum , noscitur specialiter pertinere , Domino protestante : Rogavi pro Te &c ?*

Mirum

Mirum in modum hocce argumento pressi adversarii varias evadendi vias excogitarunt. Bofsuetius defens. declar. part. 2. lib. 15. cap. 5. *Hæc igitur, inquit ingenue, Cathedra, hæc Sedes, hæc Ecclesia est, quæ pro sui Pontificis dignitate uniendæ Ecclesiæ necessaria, nunquam a vera Ecclesiâ, nunquam a vera fide abrumptur: & cap. 6. Cathedra Petri, subnectit, si concidere posset, fieretque jam Cathedra non veritatis, sed erroris, & pestilentiæ, Ecclesiâ ipsa Catholica non haberet societatis vinculum, jam schismatica, ac dissipata esset, quod non est possibile. Atque quidem id sapienter: quis enim recti, bonique æstimator sibi suadeat cum, qui Ecclesiæ Centrum est, & Caput, ac Unitatis Ecclesiastica Vinculum ab eadem per errorem posse desciscere, & qui fidei est Magister, & Doctor ab eadem per hæresim posse deficere? Uno verbo: Ecclesiæ Fundamentum, & fidei Column posse concuti, subverti, corruere? Conspiciat is interea, num sibi cohæreat, æqualisque stet, dum postea id privilegii non singulis Pontificibus, sed Pontificum successioni dumtaxat, seu Apostolicæ Sedi, quam a Pontifice in ea sedente inepte distinguit, adjudicat. Age vero huic argumento quid alii Pontificiæ infallibilitatis Osores repouunt? Auctor opusculi gallice inscripti: *Dû droit, e de la Canonicitè de l' appel. &c.* §§. 5, 6, & 7. pernegat Apostolicam Sedem Unitatis existere Centrum, quod ab ipso in fide constituitur. Sed heteroclitica hæc sane; nam ita nempe juxta ista fides fieret fundamentum fidei. Dupinus, & Natalis id consilii cœperunt, ut alto silentio hoc argumentum præterirent. Tournellius tom. 2. de Ecclesiâ quæst. 5. art. 3. respondet Sedem Apostolicam errare absolute posse, licet hætenus non erraverit. Itaque errando defineret esse actû Unitatis Centrum. Igitur in ipsius sententia Apostolica Sedes a Christo Salvatore non est instituta Unitatis Centrum immotum, & necessarium, cui omnes Christi fideles uniri, & communionem consociari necesse sit. Sed cohæret ne sibi Tournellius, qui tom. 1. q. 2. art. 6. de Ecclesiâ adversus hæreticos productis SS. Patrum, & Conciliorum congestis testimoniis docet Apostolicam Sedem necessarium esse Unitatis Centrum, ita ut nemo catholico nomine censendus sit, nisi cum ea fidei unitate conjungatur: necessariam quin imo esse cum eadem Apostoli-*

ca Sede internam fidei conjunctionem ; perinde esse propterea a communione Ecclesiæ Catholicæ extorrem abire , atque non consentire Sedi Apostolicæ , eique communionis vinculo conjungi : extra communionem Romani Pontificis nec posse aliquem veram profiteri fidem , neque sanctitatem adipisci : nullum cogitatu extare casum posse , quo ab Apostolicæ Sedis communione secedere fas sit, ac Petri Cathedræ absque piaculo non inhærere : & tandem unam ex Catholicæ Ecclesiæ notis esse cum Apostolica Sede conjunctionem . Ecceur ergo contrariam subinde in sententiam concedit , atque andabatarum more secummet manus conferit ?

Exinde vero ita 5. instituitur argumentum. Subsistens , substructumque Fidei non defecturæ Fundamentum , Ecclesiæ non erraturæ adspectabile Caput, Ecclesiasticæ Unitatis, & Communionis ad diem supremum duraturæ individuum Centrum, & Vinculum a Christo Domino constitutum , cuique Christifideles omnes coadunari debent, necessarium est; ideoque debet esse immotum, constans , & inerrans , juxta illud Tertulliani effatum lib. de virgin. veland. *Regula fidei omnino una est, sola, immobilis, & irreformabilis* . Qui igitur fieri poterit , ut Romano Pontifici de illo priori quidem detrahatur nihil , totum autem istud posterius exinde consequens abjudicetur ? Quis , precor , vel suspicando putet Christum Dominum voluisse quidem unam esse Ecclesiam, eam in ævum duraturam , atque a fide nunquam defecturam ; noluisse vero ejusdem Ecclesiæ Fundamentum, Centrum, & Caput ejusmodi prærogativa gaudere ? Neque prævidisse facile potuisset fieri , ut ab isto errore decepti Christifideles in errorem inducerentur ? Quod si quispiam ejusmodi prærogativam in Concilium generale conferendam fore pugnaret , næ is toto abs veritate abhorreret ostio , atque a præjudicata opinione abreptum se in errorem ostenderet . Nam Concilium generale nequit esse Centrum , seu Fundamentum fidei necessarium ; quippe quamvis Conciliorum generalium necessitatem totis intentis nervis adstruere sint adnixi Tournellius tract. de Eccles. 3. Bosuetius lib. 13 ; Dupinus dissert. 5 , & 17 ; Natalis dissert. 4. citata ; Anonymus Lovanien- sis tom. 3. dissert. 5 , aliique ; ex adverso Bellarminus , Canus, Sfondratus , Chastellus lib. 7. cap. 14 ; Thomassinus dissert. 18.

in

in Synodum Rom. ; Orsius lib. 2, & 3 ; Anonymus auctor duplicis dissert. de Rom. Pontif. , & alii Pontificiarum partium defensores , Concilia utilissima equidem esse , quinimo nonnunquam necessaria ad conciliandos animos , sedandas turbas , compescenda schismata , extirpandas hæreses , nunquam tamen absolute necessaria ad causas fidei definiendas docent .

Non inquam , 1. Concilium generale (ita ego in eorum vestigia ingredior) fidei fundamentum esse potest , aut communionis Ecclesiasticæ centrum necessarium , atque a Christo D. constitutum , quia 1. Conciliorum etiam generalium decreta , nisi Pontificis auctoritate firmentur , rata , & fixa non evadunt ; unde innumeris ex historia Ecclesiastica excerptis exemplis par. 1. palam fecimus Pontifices Conciliis ipsis , quæ decernenda essent , præscripsisse , aliquando vero ab ipsis decreta reprobasse . Quia 2. a Pontificibus frequentissime controversias fidei in Ecclesia exortas absque Concilii opera , opeque definitas fuisse , definitisque huiusmodi adquiescere Ecclesiam officii , religionisque loco duxisse , parte 2. ostendemus . Quia 3 , sicut optime argumentabatur D. Languetius in epist. ad D. Lamoignonium , si necessaria forent Concilia , mala in Ecclesia persæpe forent ullo absque remedio , quum persæpe Concilia generalia cogi non possint , impedimenta opponentibus aut sæculi potestatibus , aut bellorum , contagiorumque periculis , aut imo intercedentibus Episcoporum ipsorum dissidiis . Atqui si res ita se habent , Ecclesia profecto trium priorum , & amplius sæculorum spatio , quo Concilia generalia celebrari nequibant , malis suis mederi non potuisset , quum tamen pleraque tum temporis inter Episcopos circa doctrinam exarserint dissidia , qualia de celebratione Paschatis , de Baptismo hæreticorum , de Lapsum poenitentia , sexcentaque horum simillima , quibus quidem non aliud præsentius , facilius , ac paratius reliquum erat remedium , nisi quod a Pontificibus Romanis adhibebatur . Quis autem æqui bonique æstimator dicat a Deo O. M. de tam necessario hinc Ecclesiæ malis remedio , illinc exitu tam difficili haud fuisse prospectum , illudque potius quam in Pontifice , qui præsto , ac præsentissimus esset , in Concilio generali difficillime congregando , ac difficiliter conveniendo collocatum ? In Ecclesia enim ,

enim, quis ignoret? frequentissima, ne dicam quotidiana, adest necessitas vulneribus, quæ cum fidei, tum moribus ab viris scientiæ profligatæ, aut projectæ conscientiæ infliguntur, medicaminum adhibendi: non ne igitur divinæ providentiæ erat, intereratque, quæ in necessariis non deficit non modo, sed imo in opportunis dives est, *Ut sine intermissione*, ut Bosuetii verba adversus Calvinianos jaculata usurpem, *adesset in Ecclesia auctoritas semper loquens, semper manifesta, semper parata ad errorem exterminandum*, a qua Catholicus omnis sine labore, ac sine discussione veritatem dignoscere possit? Inconcussum stat ergo illud Cleri Gallicani ex Comitibus anni 1728. in epist. ad Regem exarata argumentum, quod latine redditum sic efferi potest. Illud nequit esse medium necessarium ad causas fidei finiendas, quod ab una Ecclesiæ Pastorum auctoritate non pendet; alioquin Ecclesiæ Pastoribus frequenter liberum non esset uti medio necessario ad hæreses comprimendas: atqui celebratio generalis Concilii non pendet ab una Ecclesiæ Pastorum auctoritate, quum ei Principum discordiæ, bellorum tempestates, aliaque ejus generis incommoda esse impedimento possint: itaque celebratio generalis Concilii nequit esse medium necessarium ad finiendas fidei controversias. Alioquin, addit, Christus non satis Ecclesiæ suæ consulisset, ei medium sedandis schismatibus, & hæresibus eliminandis necessarium relinquens, quod tamen in Ecclesiæ potestate non esset repositum. Non me latet responderi ab adversariis remedium istud repositum in consensu Episcoporum Pontificis definitionibus præstito: sed effugium istud jam satis, opinor, supra explosum est.

Nequit 2. Concilium generale (atque ita 6. instauratur argumentum) nequit, inquam, esse fidei fundamentum, Ecclesiæ Catholicæ centrum immotum, seu immutabile, ideoque in auctoritate supremum, atque in fide infallibile, si præscindatur scilicet Pontifex: quippe id 1. consequitur ex dictis: si enim necessarium non est, nec etiam immotum: si a Pontifice summo confirmari indiget, ut firmum, ratum, & fixum evadat: si a Pontificibus sæpius reprobata Concilia nullius roboris habita sunt: ergo ejusmodi characteris, scilicet, ut sit immotum, nota caret;

Paris I.

S s s s

ideo-

ideoque suprema, infallibilique potestate non pollet. Id 2. suadet ex eo, quod uti dicebam, ex discordantibus, ac inter se dimicantibus Ecclesiis, seu Episcopis sive in Concilio, sive extra Concilium neque conflare unius sententiæ consilium est, neque unanimem consensum extundere: necesse est igitur Judicem extare iminotum, a quo omne procul absit errandi periculum, qui omnibus absque errore veritatem planam faciat, quique omnibus Ecclesiis, & Episcopis sive collectim, sive divisim præeminens, & præpotens necessitatem imponat parendi, inque eam unam coeundi sententiam, quæ sibi fuisset accepta. Itaque a Constantio Imperatore tot in partes distractis, sive potius in errorem pertractis tot Episcopis Conciliorum Ariminensis, & Seleucienfis, unum superesse, qui inalo occurreret, Romanum Pontificem agnovere SS. Athanasius, & Hilarius. Partiariis qua Melletii, qua Paulini de tribus, aut una hypostasibus in divinis inter se digladiantibus, atque ita diversas in partes discisso Occidente pro una hypostasi iccirco stante, quod Latinis hypostasis naturæ nomen sonaret, & Oriente pro tribus pugnante, eo quod Græcis hypostasis esset persona, unius Pontificis, S. Damasi scilicet, eam componi, finiri que controversiam potuisse scribere SS. Basilius, & Hieronymus. A Dioscoro in errorem adductis 130. Episcopis pseudo-Synodi Ephesinæ, in eaque Euthychetis hæresi collaudata, & constabilita, tanto malo unum esse, qui medicam apponere posset manum, Romanum Pontificem, idest S. Leonem, perhibuere S. Flavianus, & Eusebius Dorylæus. Deserviente in SS. Imagines Constantino Copronymo, ab eoque pseudo Synodo Constantinopoli congregata ex 338. Episcopis, iisque eo pertractis, ut sacrarum Imaginum cultum, veluti idololatricum scelus proscriberent, non alterum præsto adfuisse, qui tantorum emendaret errorem, remque Religionis vindicaret, quam Romanum Pontificem, falsi sunt SS. Stephanus Junior, & Theodorus Studites. A Photiano Schismate tot in partes distractis Episcopis Orientalibus, ea incommoda eliminare, & procul avertere potuisse unum Pontificem ultro citroque affirmaverunt Basilius Imp., & S. Ignatius Patriarcha: revocatum vero e tumultu a Michaele Cerulario nefarium Schisma sedari, & radicitus extir-

tirpari ab uno Romano Pontifice potuisse Græcorum ipsorum, cordationibus perspectum, approbeque persuasum alio in loco commemoravimus. Mitto pleraque, ne, quam par est, sim longior.

Id 3. suadetur ex eo, quod, ut optime argumentatus est olim S. Bonaventura in exposit. ad Regulam nostram V. *Honorius*, si Deus Synagoga ita prisce consultum, prospectumque voluit, ut exorto circa fidem, legemque dubio Pontificem Maximum adiret, ejusdemque dicto auscultaret, adeo ut ab ejus sententia vel latum unguem discedere nefas esset, ut constat ex Deuter. 17. vers. 8., & seqq., quis ibit inficias id quoque, ac magis a Christo Domino suæ consultum, tantumque Ecclesiæ? *Si partibus discordantibus*, inquit S. D., *non esset, qui posset manum mittere in amibab, fuisset Synagoga felicior, quam Ecclesia, quia illa habebat unum Summum Pontificem, qui omnes discordias poterat determinare, ut patet in Deuteronomio.* Cujus argumenti vi pressus Johannes Parisiensis, etsi Pontificis privilegii parum æquus, lib. de potest. Reg., & Pap. fateri coactus est Ecclesiæ unitati, fideique conservandæ expediens fuisse, ut unius sententia, cui omnes in Ecclesia submisce adquiescerent, controversiæ omnes exorituræ dirimerentur: eum autem esse Pontificem a Christo post S. Petrum Ecclesiæ Caput, Centrumque constitutum: *Post corporalem*, inquit, *subtractionem Christi contingit interdum circa ea, quæ sunt fidei, quæstiones moveri, in quibus propter diversitatem quæstionum, vel sententiarum divideretur Ecclesia, quæ ad sui unitatem requirit fidei unitatem, nisi per unius sententiam Ecclesiæ unitas servaretur.* Hic autem Principatum ejusmodi habens est Petrus, Successorque ejus, non quidem Synodali ordinatione, sed ex ore Domini, qui Ecclesiæ suæ noluit deficere in necessariis ad salutem &c. Ne propter diversitatem controversiarum unitas fidei destrueretur, necesse est unum esse Superiorem in Spiritualibus, per cujus sententiam controversiæ terminentur. Id autem ante ipsum docuerat S. Thomas, qui 22. q. 1. art. 10. agens de Symboli editione hanc pertinere ad auctoritatem Pontificis ea ratione scribit, ut Ecclesiæ unitas servetur: *Hujus ratio est, ajens, quia una fides debet esse totius Ecclesiæ secundum illud 1. Corinth. 1. Id ipsum dicatis omnes, & non sint in vobis schismata: Quod*

servari non posset, nisi quæstio de fide exorta determinetur per eum, qui toti Ecclesiæ præest, ut sic ejus sententia a tota Ecclesiâ firmiter teneatur. Quæ plane ab Ecclesiâ firmiter tenenda non foret, nisi Pontifex, a quo fertur, omnino falli, & fallere esset nescius. His non habent, quæ præfidentius, quo frequentius opponant adversæ opinionis Patroni, quam pleraque sine delectu excerpta Pontificum errata. Quam vero id falso, id perperam, id per fraudem, id per injuriam faciant parte 2. Vindiciarum palam faciemus; quo loco a quocumque lapsu liberos abire Pontifices omniino omnes ostendemus.

igitur id unum superest, ut fidei Fundamentum, unitatis, & communionis Centrum, Ecclesiæque Caput, cui coherere, Christifideles omnes oporteat, & quidem necessarium, infallibile; immobile, unus a Christo Domino constitutus Pontifex credatur. Hinc præcis Ecclesiæ Patribus ad revincendos hæreticos id argumenti adhibere solemne erat, quod ex traditione Ecclesiæ Romanæ trahebant, dogmata illis objiciendo, quæ in Romana Ecclesiâ religiose obtinerent. Ita Tertullianus lib. de præscript. cap. 36.; S. Irenæus lib. 3. adv. hæret. cap. 3; S. Cyprianus lib. de unit. Ecclesiæ; S. Optatus lib. 1. adv. Parmen.; S. Pacianus epist. 2. ad Sympron.; S. Epiphanius, & S. Augustinus lib. de hæres.; aliique passim, ut adnorarunt Doctiss. Baluzius, Fervardentius, Albaspinæus, Mafæus, aliique in prælaudata. SS. PP. loca. Hinc Hæreticis omnibus, nonnisi Romanæ Ecclesiæ doctrinam objicere, qua nihil in Ecclesiâ antiquius esset, utpote quæ ab Apostolis accepta, facta, & recta juxta in ea servaretur, Pontificibus MM. in more positum erat. Ita Quarta-decimanis, Anabaptistis, Novatianis, Montanistis, Sabellianis, Arianis, Pneumatomachis, Pelagianis, Nestorianis, Eutychianis, Monothelitis, Iconomachis, horumque similibus Romanæ Ecclesiæ olitanam traditionem, ac religiose custoditam, doctrinam objectarunt SS. Anicetus, & Victor; S. Stephanus; S. Cornelius; SS. Soter, & Zephyrinus; S. Sixtus II; S. Silvester; S. Damasus; SS. Innocentius, & Zosimus; S. Cælestinus; S. Leo; Severinus, Johannes IV, Theodorus, S. Martinus, S. Vitalianus, Adeodatus, Donus, S. Agatho; SS. Gregorius II, & Gre-

& Gregorius III, atque Hadrianus. Hinc semel ab Apostolica, Sede de fide statuta, & decreta ne amplius in dubitationem adducerentur, aut examini subjicerentur, vel in Synodis, prohibitum a Romanis Pontificibus est, uti a SS. Bonifacio I, Celestino I, Leone M., Gelasio, Agathone, Hadriano II, Clemente IV, & B. Gregorio X. Quæ quid aliud, cedo, significant, nisi fidem ab Apostolica Sede custoditam, nullo tempore erroris cuspis periculo patere; eamque Sedem supra Ecclesiam universam sive in Concilio congregatam, sive in Orbem diffusam potestate pollere?

Hoc ego quidem pura mente, affectuque pio, & integro credo, atque ut credant hoc discipulis, hoc Fratribus, hoc amicis, hoc omnibus, quibus bene volo, efficaciter suadeo: contra obfirmato animo contententes viribus, quibus potui, pugnavi, idque feci uno ex amore veritatis, & Religionis studio; nihil ex invidia, nihil cum injuria; sed oculis solummodo ad Apostolicam Sedem intentis; sine fūco, sine fallaciis; animoque a præjudicata opinione, partiumque studio prorsus abstracto: atque ideo undique accersitis ex S. Scriptura veteris, & novi testamenti; ex Conciliis tam generalibus, quam particularibus; ex consensione Ecclesiarum Orientalis, & Occidentalis; ex SS. Patribus cum Græcis, tum Latinis; ex Scriptoribus Ecclesiasticis, & S. Theologiæ tractatoribus; ex Imperatoribus, & Regibus qua Occidentis, qua Orientis; de promptisque postremo ex rationis penu argumentis, in hacce prima parte id optima in luce ut collocarem, sategi. Res tanta utinam ex sententia, & voto successerit! In 2. perinde parte, quæ ad umbilicum, ut ajunt, usque perducta jam prælo est parata, conquistis pariter momentis ex Romanorum Pontificum dictis, gestis, nominibus, juribus, & quidem quando Concilia congregandi, aut confirmandi, aut reprobandi, & quando Conciliorum Canones recipiendi, aut respuendi, aut relaxandi: appellationes ad Apostolicam Sedem, Concilio interjectas admittendi, eandem e converso a Sede Apostolica ad Concilium interpositas abolendi: Episcopos, qua Orientis, qua Occidentis mox jurisdictione donandi, mox in eisdem jus dicundi: Episcopatus etiam alios erigendi, alios amplificandi, alios

alios transferendi : de Ecclesiis ubique gentium dijudicandi , deque Ecclesiasticis causis cujuslibet generis dignoscendi : causas præsertim Servorum Dei Beatificationis , & Beatorum Canonizationis peremptorio , velut ajunt , judicio finiendi , Ecclesiæque universæ parendi necessitatem imponendi : tam de libris finitiva sententia decernendi , quam definiendi de factis dogmaticis : hinc de Religionis , ac morum re , & regulis controversias in Ecclesia enatas dirimendi : illinc schismata suborta eliminandi , radicatusque evellendi : qua hæreses ubique locorum extirpandi : qua hæreticos ubilibet exterminandi : adeo ut nulla sive antiqua , sive devexiori Ecclesiæ ætate defuerint unquam ex Heterodoxis , qui modo ad Apostolicam Sedem appullerint , modo ad ejusdem communionem , sacrorumque consortium aspiraverint , modo ad ipsius tribunal confugerint , Reique Christianæ summam apud ipsam stare confessi sint : nunc fidei puritatem ab utroque Judaismi , & Idololatriæ fermento expurgandi : nunc prædicatum Evangelium , propagatumque in Ecclesiam Missionarios dirigendi : nunc formas profitendæ fidei tum Græcis , cum Latinis præscribendi , hisque similibus jura sexcenta loco stabilire studebo . Interea mea magnopere interest , ut omnia abs me dicta , atque dicenda summæ Apostolicæ Sedis corrigenda , & emendanda judicio supponam , meque ea , si illa jubeat , & judicet , correcturum , & emendaturum iterum , atque iterum spondeam : quod eo magis ex animo nuncupo , quo in ejus me communione vivere , & mori volo , ejusque juribus sive vivens , sive moriens studere .

EXPLICIT

Pars Vindiciarum Prima .

I N D E X

R E R U M N O T A B I L I U M

A

S. Abdas in Perside Episcopus zelo imprudenti quidem, intempestivoque *Pyreum* templum a Persis igni dicatum destruxit; quis tamen templum instaurare detrectans morti datus est, jure in SS. Martyrum censum venit pag. 169, & seq.

Abdisus, sive Ebediesu inter Assyrios Sacerdotiis præfectus fidei professione emissa in Romani Pontificis jus se totum transdidit p. 235.

Acutiani, sive Farfenses Monachi Romanum Pontificem impense colendum sibi proponunt p. 343.

Æthiopes summo in honore S. Romanam Ecclesiam habent, sollicitique quammaxime sunt de retinenda ejusdem communione, de inhærendo ejusdem doctrinæ, & de obedientia exhibenda ejusdem Antiliti: in ejusmodi studio emicuerunt inter eos Zagazabo Episcopus; Nicodemus, Andreas, & Petrus Abbates p. 226; 228, & 232.

A Pantæno primum, dein a Frumentio, qui Æthiopibus, sive, Abyssinis Salama est, fidei Christianæ rudimentis fuerunt imbuti p. 510. Metropolitæ nomine unus dumtaxat ipsorum Sacerdotiis præest Episcopus *ibidem*. Ad Monophysitarum, ac Monothelitarum hæresim delapsi sunt deinde, donec Missionariorum præsertim ex Ordine Minor. opera a Romanis Pontificibus de eorum salute solli-

citis sæpius adhibita ad Romanæ Ecclesiæ unitatem regressi sunt: a quo tempore Romani Pontificis dignitatem, ac potestatem summam habere in pretio ceperunt p. 511, & seq.

Africani Præsules de instauranda disciplina solliciti potissimum a Pontifice instructionem capere sedulo curant p. 315, & 322. Ad Pontificem deferre dirimendas fidei causas, dammandosque hæresis nomine hæreticos summopere procurant p. 324, 682, & seq. Ab ejusdem devotione, & obedientia divelli nullo se modo ferunt p. 340.

Aguirrezus Cardinalis recte animadvertit Hispaniarum Reges summa olim erga Pontifices MM. non modo, sed etiam Episcopos religione affectos. Recaredum Christianorum omnium primum in Hispania Regem ab Episcopis consecratum p. 465, & seq. A Clero Gallicano editam declarationem in comitiis anni 1682. præfektine, præpostere, præcipitanter flocci, nautique fecit p. 646.

Albaspinzus celebrem Tertulliani locum de Romani Pontificis suprema potestate egregie illustravit p. 295. Locum item S. Optati p. 297. Locum insuper S. Cypriani p. 413. Locum alterum S. Optati p. 419.

Alcuinus nec recte Hispanos ob unius immersionis in Baptismo ritum re-

- prehendit : nec vere S. Gregorii M. epistolam ad S. Leandrum inter apocryphas rejecit p. 329, & seq.
- S. Aldhelmus Summum Pontificem, Ecclesiæ Monarcham appellat ; ab eoque disciplinæ regulas accipendas probe affirmat p. 325.
- Alexandri III. partes adversus Schismaticos impense adjuvarunt , obedientia , & obsequio ei quammaxime obstricti quamplures scientia , ac sanctitate præ aliis præclarissimi Præfules p. 358, & seq.
- Alexandrina , & Antiochena Ecclesia , ejusque Antistites . Videsis V. Ecclesia ; & V. Græca Ecclesia .
- Alfexius , Albertinus , Blondellus , Clericus , Larroquius , Salmasius , Tillotsonus , aliique e Protestantium grege in suorum patrocinium errorum SS. Patres accedere impudentissime præsumentes refelluntur : quin & ipsis repugnant ex Protestantibus alii plerique p. 109, & seq.
- S. Ambrosius non arbitratus est adulterium ante legem Moysis licuisse ; sed imolege naturali illud vetitum docuit : Polygamiam autem ideo dissuasit , ut a pellicatu abstergeret : germana ejusdem persuasio de Abrahamo in consortium assumente Agarrem exponitur ; ac ab aliis calumniis a Barbeyracio impudenter impetitis abstergitur p. 159, & seq. S. Saryri fratris sui , suæque fidei jubet Romanum Pontificem a Christo D. Ecclesiæ Principem fuisse collocatum , ac firmamentum in fide confirmatum : cum eo ab omnibus communicandum ; exinde communionis jura in omnes emanare : ab eo damnatos hæresis nomine habendos ab omnibus ; eoque inconsulto , aut invito nihil esse in Ecclesia firmum , fixumque pag. 299, & seqq.
- Americæ Regulæ, sive Principes quinque numero ad Sacra Christiana , a nostris perducti egregii sui erga Pontificem M. obsequii specimen præbuerunt p. 515.
- Amore Eusebius ob eximiam , diligentemque , quam ad conscriendam Indulgentiarum historiam , impendit operam , multo nomine laudandum , laudibusque multis dignum se exhibuit p. 77, & seqq. Indulgentias utiles pro vivis , & defunctis enixe defendit p. 108.
- S. Anastasius uterque in Antiochena Ecclesia unus alteri e vestigio succedens S. Gregorio M. obsequio , & obedientia integra se devinxit , & devovit p. 202. Anastasius , & Guillelmus Bibliothecarii eximii laudem præconiis Romanum Pontificem extollunt p. 334.
- Anastasius I. Imperator Vide V. Zeno. Anastasius II. dictus Arthemius fidei suæ rationem Pontifici Romano reddere officio duxit p. 443, & seq.
- Anatolius , Acacius , Flavita , Euphemius , & Macedonius Constantinopolitani Antistites , vellent , nolent , Romano Pontifici assurgere , fasces submittere , ac morem gerere adacti sunt . Eundem Conciliis præsidere ; ab eo Conciliorum decreta confirmari debere ; in eoque fidei fundamentum consilium fuisse ultro citroque facti sunt p. 194, & seq.
- Anchialinus Michael superbia sua effecit , ne Græci ad unitatem cum Latinis redirent : Latinos per calumniam in culpam abruptæ unionis vocavit audacissimus Macarius Ancyranus : Anchialinum vero defendere impudenter aggre-

gressus est Oudinus p. 148, & seq. Andoul Gaspar quam prædenter, tam falso affirmavit V. Innocentium XI. in id unum incubuisse, ut e Galliarum Regno jus Regaliæ ex terminaret: id autem juris cum extensione ad totum, quo late patet, Regnum Galliarum Regibus competere agnovisse tandem Pontifices, jamque pacifice eodem potiri Reges p. 651.

Angelos corpore expertes omnino non esse plures ex Patribus sentire visi sunt: quoniam ii, & quot p. 115, & seq. Longe plures tamen Angelos profus incorporeos habuerunt: sed & illi priores, qui in oppositum stare visi sunt, multis excusantur modis p. 129.

B. Angelo a Clavasio, quæ de Romano Pontifice supra, an infra Concilium pote, ac in fide infallibili an non, germana infederit opinio, inquiritur, & approba fuisse ostenditur p. 396, & seq.

Angliæ Regum primus Lucius Romanæ Ecclesiæ nomen dedit; se suosque de Romanæ Ecclesiæ dogmatibus, ac ritibus edoceri omnixe desideravit. Qui id inficiantur, Protestantis repelluntur p. 466, & seq. A tempore S. Augustini Anglorum Apostoli, ac deinceps Romanæ Ecclesiæ doctrina imbuti erga Romanum Pontificem approbati animi induerunt: ei sacramento fidei se devoventes: Ritibus eidem sacris se coaptantes: Regnum suum vestigale facientes: Romanam protectionem frequenter adornantes, aut Romam allegantes, qui ejus doctrina, & disciplina instructi dein regressi Anglos instruerent p. 468, & seq. Romanæ Ecclesiæ pensum persolvere diligenter.

gentes curantes: nullâ re se magis angiquam de Pontifici morem gerendo profitentes: Pontifici causas dirimendas permittentes p. 470, & seq. Ecclesiasticis causis semet immiscere summo opere caventes: Canones sacros legibus suis factos, & tectos servare studentes p. 471, & seq. Pontificis auctoritate leges suas roborari procurantes: imperatas, impositasque a Pontificibus condiciones religiose, ut par erat, adimplentes p. 472, & seq. Apostolica Sede adveniente tum demum amplificare dominium sibi fas esse agnoscetes, unaque religionis causa, ac sub accepta conditione illud amplificantes: Pontificis vero dignitatem, auctoritatemque loco stabilire suo exerto studio adnitescentes p. 473, & seq.

Angliæ adjacentem Insulam Man Romanæ Ecclesiæ vestigalem reddidit Reginaldus ejus Rex, quam dein in feudum tenendam deinceps recepit p. 477, & seq. Angliæ Rex postremus Carolus II, nec non Anna Hyde Ducissa Romanæ Ecclesiæ communioni ex animo se se adjunxerunt p. 481. Anglos, sive Britannos primis fidei Christianæ rudimentis a Græcis imbutos fuisse Protestantis comminiscuntur: sed a Romanis fidei lumen accepisse insinuat p. 328; 466, & seq. 468, & seq.

S. Anticharius de Apostolica Sede impense colenda, & observanda apissime sollicitus fuit p. 232.

S. Anselmus Lucensis vindicando S. Gregorio VII. a Schismaticorum calumniis intentus incubuit. Pontificem Romanum præterea a fide aberrare nullo posse modo, ejusque potestate nullam in Ecclesia

T t t

po-

potiorem esse propugnavit p. 343, & seq.

S. Anselmus Cantuariensis Apostolicæ Sedis auctoritatem tum ipse, summi pendit, tum aliis, ut summi penderent, auctor, & assertor fuit p. 345.

S. Antoninus explicare adeo Pontificem supra Concilium extulit, atque infallibilem circa fidem habuit, ut illi aliorum accipiendo Bossuetius vim apertam intulerit p. 394, & seq.

Apostoli a Christo D. Traditiones Ecclesiæ concedendas acceperunt: ita ipsi met testantur: ita & constantur SS. Patres p. 7, & seqq.

Appellationes a Pontifice ad Concilium quando interponi creperint: a quibus, & an a decretis dogmaticis interpositæ p. 676. Appellationum usum, sed verius abusum, antiquissimum Bossuetius adstruit: a sæculo II. obtinuisse vult de Withe: a S. Siricio cœpisse Lanoujus obrudire: sed sæculo XIII. dumtaxat invaluisse autumant Natalis, & Tournellius earum exempla exhibentes *ibidem*, & seq. Appellationes huiusmodi solis hæreticis in usu venerunt, quas Ecclesia semper est execrata: Pontifices vero diris cunctis devoverunt; Gallicani Antistites etiam infamia notarunt p. 678. Eorum vix quatuor exempla in tota retro antiquitate reperiuntur, qui a dogmaticis Pontificum decretis appellaverint, a quibus frustra, ac frivole appellari palam sit p. 679, & seq.

Arbitrium in homine etiam post lapsum permanere liberum sive ad bonum, sive ad malum, tam a creatione, quam a necessitate commu-

ni testimonio jugi traditioni innixo confirmant SS. Patres qua Græci, qua Latini p. 93, & seqq. Qui contra pugnant Novatores profligantur p. 106, & seq.

Arianos ignominia causa Porphyrianos appellari Constantinus M.; Nestorianos etiam Simonianos eandem ob causam vocari Theodosius Junior imperarunt p. 425.

Armeni in Pontificis jus, potestatemque se se integre dedunt: edoceri ab eo de fide essetiam desiderant: de controversiis exortis illum Judicem deligunt: instrui de rebus dubiis, ritibusque enixe deposcunt p. 213, & seq. Emicuit inter eos Isacius Catholicus Apostolicæ Sedis eximius cultor, & encomiastes *ibidem*. Sed & alii sæpius Armenorum Patriarchæ, & Antistites suæ erga Apostolicam Sedem observantiæ egregia specimina exhibuerunt, religioni ducentes fidei professionem emittere, quam sibi fuisset ab ea præscripta p. 215, & seq.; 223, & seq.; 235, & seq.; 238, & seq.; & 241.

Armenia Rex Leo, sive Lievo a Romano Pontifice Regem dici ea lege, qua se Romanæ Ecclesiæ fidei sacramento, ac fiduciaria sponione subjugabat, impetravit aliis imo privilegiis adausus p. 495, & seq. Armenorum Reges alii Romano Pontifici adjectissimi ritus Romana in Ecclesia sacros amplexati ultro sunt *ibid.* Armenis errores quamplures a Pontifice exprobrati, atque emendandi propositi p. 496. Armenia, Iberia, & Mesopotamia Regum Oratores Pontifici fidei desponderunt suam *ibidem*, & seq.

Arnaldus Antonius, & de la Lane puri,

- puri, putique Jansenitæ articulo de Gratia sufficienti adhærere firmissime Theologos omnes, atque nominatim Alvarius, idest Thomistas non inficiantur p. 92. Arnaldus attamen perperam stare pro se Thomam Bradwardinum, & Gregorium Ariminensem jactat p. 93. Propositionem, qua affirmabat circa Pontificias Constitutiones sufficere religiosum silentium cum Facultas Parisiensis, tum Gallicani Præsules censura asscuerunt, ac Pontifices Summi proscripserunt p. 673, & seqq.
- Arndtius Johannes etsi e Protestantium grege bonorum operum necessitatem egregie tamen propugnauit, contra quem pugnavit quidem, sed infirme Lucas Osiander p. 97.
- Athalaricus in Cleri gratiam ne Clerici ad laica tribunalia traherentur lata lege sancivit p. 457. Aribertus II. Alpes Cottias a Longobardis abstractas Romanæ Ecclesiæ restituit p. 458. Aistulphum, & Desiderium inque in Romanam Ecclesiam deservientes compescuere, & delevere Pippinus, & Carolus M. p. 458.
- S. Athanasio supremum supra Episcopos, & Synodos Romani Pontificis stare tribunal perspectum fuit, approbeque persuasum p. 184.
- Athenagoras secundas nuptias illicitas non habuit: ejus sententiam nec conjectura asscutus est audacissimus Barbeyracius p. 149.
- S. Augustinum suorum errorum participem agere pro impudentia non erubuerunt Calvinus, & Jansenius; sed horum calumnias expunxerunt Fronto Ducæus; Johannes Martinus, alique viri doctissimi laudati p. 16. & seq. Debitare vult est S. Doctor num instante vitæ discrimine Saræ pudicitia barbari Principis libidini supponj absque culpa potuerit: sed æquius excusari potest, riteque explicari p. 165, & seq. Approbe docuit, eique assentitur S. Thomas, neque urgente castitatis periculo licere cuique violentas sibi manus consciscere p. 167. Qua ratione arbitratu fuerit licitum, ac legittimum Abrahami cum Agarræ conjugium; atque ab inflicta a Barbeyracio injuria defenditur p. 168, & seq.
- S. Augustinus de S. Cypriani causa cum S. Stephano rectè adjudicavit p. 270, & seqq. Quod nam fuerit ejus opinione Concilium plenarium, de quo loquutus est, an Nicænum, an vero Arelatense p. 275, & seq. Vide V. Concilia. Apud S. Augustinum certissimum, & constantissimum est Romani Pontificis utrumque privilegium, suprema nempe judiciaria auctoritas, quæ nulli inferior sit, summaque in fide stabilitas, quæ nunquam sit defectura p. 304, & seqq. S. Augustini testimonium apposite quidam usi sunt adversus hæreticos: quidam vero abusi, & aliorum in torquere maluerunt p. 307, & seqq.
- Aureliano Imperatori etsi Ethnico perspecta apprimè fuerat Romani Pontificis summa apud christianos potestas p. 414.

B

Bailletus, Fleurius, Tillemontius, Gervasius, Detchamps, Gilbertus &c. S. Cypriano præ S. Stepha-

- no, quamvis posterioris hujus potior causa esset, complaudentes æqui, bonique æstimatoribus gravi se reprehensione dignos exhibuerunt; neque, ut oportebat, animadverterunt Protestantium vestigiis se ita insituisse *pag. 268, & seqq.*
- Bajoariæ Duces** nonnulli ob egregium studium erga Romanam Ecclesiam celebres evaserunt, atque a Patribus Tridentinis elogiiis celebrati sunt *p. 491. Quæ, & quot olim in Bajoaria Episcopales Cathedralæ erectæ p. 571, & seq.*
- Ballarini Fratres** doctissimi ab enixa opera, qua dogma catholicum de usuris prorsus vetitis in tuto posuerunt, ingentes laudes promeriti sunt *p. 162.* Ob simile studium laude dignus Daniel Concina, omnique major **Benedictus XIV. P. M. p. 165.**
- Baluzius Orientalium Antistitum Ordinationes** Romani Pontificis nuntio, & sententia aut stare, aut cadere recte adnotavit *p. 192.*
- Baptismus sacramentum** esse a Christo D. institutum, gratiam ex opere operato conferre, characterem imprimere, parvulis necessarium esse, valide a quolibet conferri, & valere quamvis ab hæreticis collatum perenni traditione ad nos derivata docuere SS. Patres, ac Summi Pontifices *p. 24, & seq.*
- Barbeyracius** e Protestantium grege profligatissimus sycophanta totus in id impie incubuit, ut locum adinveniret lædendi, & læcessendi SS. Patres, quibus plurimorum errorum tum circa doctrinam, tum circa mores personam imponere pro temeritate non destitit. Itaque post Bernardum, Buddæum, Dalæum, Fabritium, Clericum, Lenzantium, Baylium, Noodt, Sechendorffium, Dupinium, Fleurium &c. inter alios traduxit Athenagoram; Clementem Alexandrinum; SS. Cyprianum, Basilium, Gregorium Nazian., Ambrosium, Chrysostomum, Hieronymum, Augustinum, Abdam: Origenem, & Tertullianum; SS. Victorem, & Stephanum PP. MM: Theophilum, & Cyrillum Alexandrinum; SS. Justinum, & Irenæum: Maximum, & Theophanem: Episcopos, & Ecclesiasticos sæculi V.; Ecclesiam imo sequioris ætatis *p. 118, & seqq.* Sed impudentissimus sycophanta, impostorque dignis pro impietate, ac petulantia vapulat; SS. Patrum vero dogmata, ac mores vindicantur, ac in tuto collocantur *p. 148, & seqq.*
- Barlaam Hierapolitanus** ad finiendas fidei controversias Romanæ Ecclesiæ sententiam satis, superque reputavit: qui eidem edicenti non obaudirent, ideo in diversos, & adversos errores distrahi adseruit *p. 222, & seq.*
- S. Basilius** homicidio non deputavit eadem ad sui defensionem patrata. Matrimonium inter eos, quæ mœchati fuissent, non improbavit. Necessarias lites, ac juramenta legitima illicitis non adconsuit *p. 152, & seq.* Excusandus est tamen in eo, quod videtur exitimasse in causa separationis conjugum, quoad thorum, ob casum fornicationis, par quidem esse conjugis utriusque jus juxta legem Evangelicam, sed juxta Ecclesiasticam virum potiorum, ac superiorem esse *ibidem:* quinimo æque, riteque accipi potest, ac intelligi *p. 155.* Apostolicæ Sedis esse

esse de Synodorum etiam sententiis dijudicare, easque dissolvere, prout opus afforet; controversias in Ecclesiis subortas dirimere, ac peremptorio iudicio definire; Synodorum acta proscribere; Ecclesiis omnibus prospicere; Hæreses ubique profligare; in eaque puram, illibatamque fidem permanere tenuit, & docuit p. 185, & seq. Excusatione vero est dignus S. D., si de Romana Ecclesia eidem aliquando quidpiam minus decens excidit *ibidem*.

Basiliius Acrianus in Apostolica Sede fidei fundamentum superstructum scripsit; quæque de fide illa teneret, & doceret a Græcis pariter doceri, & teneri p. 215.

Basiliius Trionitanus Innocentio III. obedienciæ, ac subjectionis omnimodæ iuramentum nuncupavit ab se, successoribus, ac suffraganeis suis in ævum Apostolicæ Sedi exhibendæ p. 216.

Basiliius Macedo non ex odio privato, sicuti comminiscuntur Græci schismatici, sed imo ex amore, studioque faciendi satis S. Nicolao I. præcipienti, Photium gradu deturbavit, & S. Ignatium restituit p. 445. Formulæ fidei a Pontifice M. præscriptæ ultro citroque subscripsit; Pontifici in Ecclesiasticis causis, ac in Conciliis primas attribuit partes; a Pontifice dispensationes circa canones demisse postulavit *ibidem*.

Balnazius quam pessime, tam perperam effutivit S. Stephanum P. M. in errorem Cyprianico directo oppositum fuisse prolapsum; atque S. Cypriani opinione in fide errasse p. 263, & seqq. Pontificis Romani Primum a Rhoca indu-

ctum commentus castigatur p. 441. Videtur V. Spanhemius. Refractorios Constitutionis Unigenitus eodem in luto hæreret, quo Lutherani Constitutioni Leonis X. adversantes; ac principia, quæ Protestantibus ad elevandam vim Bullæ Leoninæ excogitaverant, eadem adhiberi a Quesnellianis ad vim infringendam Clementinæ Constitutionis apposite observavit p. 651, & seq.

Beaufobrius Isacius quam nefarium, tam ineptum systema de perenni in Ecclesia Protestanti successione, procudit; tam impie, quam impudenter SS. Patres depravit, & interpolavit; proque impudentiæ, impietatisque coronide post Hyddæum, & Baylium sub symboli nomine Manicheismum instauravit p. 114.

V. Beda Romanum Pontificem extra omne prorsus errandi periculum habuit, ac præ Concilio auctoritate potiore p. 327, & seq. Ab impacta autem calumnia ab impudenti Stillingsfleetto vindicatur p. 328. Apud Bedam idem, ac ipse senserunt S. Justus, & Biscopius p. 331.

Bellum Christianis iusta ex causa licere docuerunt SS. Patres; bellogue nomen dedisse prisce Christiani fideles passim leguntur p. 151.

Benedictus XII. P. M. dum adhuc Cardinalis esset abs vero aberravit quammaxime, quum dixit SS. Stephanum, & Cyprianum lapsos pariter in errores directo oppositos p. 267, & 275.

S. Bernardus SS. Patrum Latinæ Ecclesiæ postremus quam liquido, tam luculenter Romanum Pontificem supra Synodos loco potestatis suscep-

- riori, extraque periculum erroris circa fidem omnino posuit, ut de germana ipsius sententia fas non sit suspicari *p. 350, & seqq.*
- Berno Augiensis S. Henrico sciscitanti a Clero Romano cur symbolum ad Missas non caneret, responsum datum ideo, quod Romana Ecclesia nulla unquam hæresi fuisset fœdata, refert *p. 340.*
- Binghamus, Blondellus, Buddzus, Dodvvellus, Fellus, Deilingius, Goulartius, Salmasius &c. per commentum, perque calumniam S. Cypriano errorem asslant, quo existimaverit Episcopos omnes dignitate æquales, gradu Presbyteris non esse superiores; Ecclesiarum singularum Capita esse, & centra, istaque in vice perzque S. Petro fuisse suffectos *p. 258, & seqq.*
- Blondellus, & Grotius Episcopis gradu æquales Presbyteros ex S. Hieronymi potissimum, aliorumque Patrum opinione agere ausi a viris doctiss. exagitantur *p. 110.*
- Bohemorum Rex primus Borzivojus Christo D. nomen dedit *p. 484.* Quinam Reges alii Romanam Ecclesiam impense colendam susceperint: ejusdem ritus in gentem transferre, ac propagare curaverint: qui vestigale Regnum eidem fecerint, & reddiderint; ac insignibus præclaris ob singularia in eandem merita fuerint exornati *p. 485.*
- S. Bonaventura Romani Pontificis divinas prærogativas egregie, enixeque contra Græcos defendit, & Latinos edocuit; proculque a dubitatione omni habuit cum supra Synodos potestate illum pollere, tum in fide falli, & fallere prorsus nescium esse *p. 379, & seqq.* Bosluetius Seraphicum D. sinistrorsum interpretatus non audiendus est *p. 381.* S. Doctor ex summo Sacerdote Synagogæ olim præfecto apposite specie assumpta recte descendit deinde ad ostendendum ita a Deo O.M. Ecclesiæ universæ præpositum Romanum Pontificem, qui Ecclesiæ universæ prospiciat, cuique universa Ecclesia pareat *p. 691.*
- Bonifacii II. epistola ad Eulalium Alexandrinum commentitia est: non etiam epistola ad homonymum Carthaginensem *p. 320.*
- S. Bonifacius Moguntinus tum suadere, & insinuare aliis, tum servare, & exhibere se obedientiam, & obsequium Sedi Apostolicæ sollicitus summo opere, ac sedulo studuit *p. 329.* Ita etiam S. Lullus ejus in eadem Sede successor *ibid.* Ita insuper S. Bonifacius Merseburgensis *p. 340.*
- Bosluetius quo plus erga S. Cyprianum, eo minus erga S. Stephanum æquus reprehensione dignum se præbuit *p. 268, & seqq.* Contendens a S. Cypriano quæstionem de anabaptismo non ad disciplinæ caput, sed ad fidei dogma fuisse revocatam est relinquendus *p. 281, & seqq.* Eidem in sententiæ adherentes Habert, & Drovinus pariter rejciuntur *ibid.* S. Augustini loco ad suadendam obedientiam decretis Pontificiis recte aliquando usus est *p. 307.* Insignem tamen alterum S. D. locum opinioni suæ adversum intorquere aliorum est frustra adnixus *p. 309.* S. Thomæ liquida testimonia de Pontifice auctoritate potiori, ac in fide prorsus infallibili elevare, & elidere conatus exploditur *p. 374.* S. Bo-

na-

naventuram pari cum S. Thoma in persuasione versatum alienum perinde in sensum accipiens repellitur p. 381: non secus atque S. Antonino apertissime Pontificem Concilio præferenti, atque in fide infallibilem propugnantem vim inferens p. 394, & seq.

Bossuetium Cleri Gallicani sententiam intimam de Apostolicæ Sedis infallibilitate, ac suprema potestate aliorum perperam inflexisse, ac præpostere Apostolicam Sedem a Pontifice in eadem sedente discrete crevisse sit planum p. 541, & seq. S. Irenæi illustrem locum de Pontificia infallibilitate non est inficiatus p. 566, & seq. Pontificiis decretis, auctoritatique infallibili, quam dein Pontifici perperam denegat, obedientiam deberi etiam internam recte docuit p. 671, & 673. Appellationum a Pontifice ad Concilium antiquissimum usum falso adstruit p. 676. Apostolicam Sedem Ecclesiæ universalis necessarium, vinculum, ac nunquam a fide defecturam approve affirmat, quam inepte subinde a Pontifice scernit p. 686. Concilium generale ad finiendas fidei controversias frustra necessarium ponit p. 687. A Deo in Apostolica Sede præsentissimam Ecclesiæ necessitatibus auctoritatem positam basilice dixit p. 689. S. Petri ministerium, ac fidei fundamentum in Pontifice manere, & permanere approve docuit p. 613. Bossuetii num genuinum sit opus inscriptum *Defensio declarationis* &c. discutitur: ei alia opera affixa fuisse demonstratur p. 623, & seqq. Pontificum plurimorum lapsus præter modum exagitat, & exaggerat; nec sibi æqualis stat

p. 627, & seqq. Cardinalis de Tencin egregia de eo opere censura p. 630. Paulo audacius de Alexandri VII. Constitutione anno 1665. edita loquutus est. p. 642. Non erat, cur moleste acciperet dictum a Petro de Marca a Pontificis suprema potestate libertates Gallicanas nihil lædi p. 662, & seq. Bulgaria quot, qualesque olim Provincias complecteretur: quando, & a quo in Bulgariam Christiana Religio fuerit inuenta, aut amplificata p. 491, & seq. Ex Bulgaria, qui primus Christianis sacris initiatus fuit, Telericus a Græcis fuit institutus: sed post ipsum Bogoris a Latinis Presbyteris de Romanæ Ecclesiæ ritibus est edoctus, statimque Romano Pontifici clientem se, & famulum præstitit, & consilia præbenti faciles, pronasque apposuit aures p. 492, & seq. Qui post ipsum Bulgaria Principis nomine præfuere, quinam Pontifici M. fidei sacramento se devoverint; Regio diademate a Pontifice insigniri, aliisque privilegiis adaugeri promeruerint p. 493, & seq. Bulgaros, Cazaros, & Blachos ad schisma deinde delapsos cum Romana Ecclesia redintegrare obnix curaverunt Ladislaus Wlachiæ Princeps, sed potissimum Urbanus V. P. M. *ibidem*.

C

Cælestinus III. P. M. majores controversias ad Apostolicam Sedem dirimendas deferre Ecclesiæ universæ, ac signatim Gallicanæ prisco, solemnique in more positum fuisse perhibet pag. 580.

Cali.

Celibatus lex Clericis majoribus, ac Monachis ab Ecclesia imposita tam sacra est, quam antiqua, cujus testes locupletes accedunt SS. Patres p. 68, & seq. Obtinuisse, atque observatam qua in Oriente, qua in Occidente sive lato jure, sive inducta consuetudine exploratissima res est *ibidem*. Effroni igitur, effrenique inverecondia ante S. Gregorium VII, Sacerdotibus licitum fuisse conjugii usum affirmavit Piceninus: Celibatus legem impetivit Justus Jonas: Presbyteris conjugii veniam fieri desideravit perperam Stanislaus Orecovius p. 68. Lex eadem laude admodum digna ostenditur p. 149, & seq.

Cerimonie Ecclesiastico usu sacræ in confectione, & administratione Sacramentorum in traditione locum habent: speciatim quæ in collatione Baptismi, & Confirmationis p. 54, & seq., & quæ in confectione Eucharistiæ, ejusque Communionis p. 56, & seqq.

Campanarum, quibus Clerus, populusque ad curam, precesque congregatur, usus quatenus invaluerit; inventio a quo occeperit; benedictio quando inducta: ab Occidentali Ecclesia in Orientalem eorum usum transvectum conjectura attingi licet p. 52, & seq.

Cappuccini in Orientalibus Ischismaticis, & hæreticis ad Romanæ Ecclesiæ obedientiam, & fidem reducendis egregiam frequenter operam exantlarunt p. 240, & seq.; 498, & seq.; 506, & seq.; 513, & seq.; & 515.

Carolus V. exemplo, edictoquo Successoribus suis auctor extitit obsequii, & obedientiæ, devotionis, ac defensionis Romanæ Ecclesiæ impendendæ p. 455.

Cassander, & Callixtus quam præfidenter, tam perperam affirmarunt, ille quidem Communionem sub utraque specie antiquitus ita in usu fuisse semper, ut in legem transiverit: iste vero Orientales communicasse nunquam sub una dumtaxat specie: sed digna Nihusso dedit p. 53.

Cassianus loco potissimo Romanum, Pontificem habuit, & tenuit p. 312. Cassiodorus animo approbe comparatum se præbuit capiendi a Pontifice consilium, institutionemque rectam credendi, cum agendi p. 320, & seq.: ejus opera Theodatus Rex Gothus vasa sacra, quæ S. Agapetus ob expensas in protectionem Constantinopolitanam oppignorare compulsus fuerat, Romanæ Ecclesiæ restituit p. 457.

Ceylani, & Cochini Reges Pontifici M. fidei sacramento demisse se dedunt p. 516.

Chamierus, Spanhemius, Piceninus, alique ex Protestantibus Monastici instituti hostes infensi SS. Patres infestos pariter facere haud veriti profligantur p. 108.

Characteres ad usum scribentium diversi olim apud diversos: sed & apud eosdem non semper iidem. Latinis alii fuerunt ab Augusto usque ad Antoninos; alique ab Antoninis ac deinceps. Germanis, Gothis, & Græcis diversi plane ab invicem, & ab aliis usu venerant: non secus Cyrilliani, ac Hieronymiani. Characterum etiam notæ diversæ pro usu diverso, a quo inventæ, & qui de iis trahent p. 139.

S. Charibaldus primus fuit Ratiponnensis Episcopus, non autem S. Heimerammus p. 571, & seq.
S. Chry-

8. Chrysostomo Pelagii hæresim, quasi peccatum originale fuerit inficiatus, afflare non erubuerunt Julianus Eclanensis olim, ac dein Dalmæus: sed ab horum invidia S. Doctor defenditur p. 98. In eo, quod docere visus est Abrahamum in vitæ discrimen adductum in Saræ adulterium consensisse, deferendum S. Doctorem admonent nonnulli: sed excusari commode potest p. 165, & seq. Pontificis Romani supra Synodos stare tribunal probe habuit persuasum p. 187. S. Petro privilegia a Christo D. colata, inter quæ infallibilitatem, Romani Pontificis propria facta professus est: qua in sententia Patres alios suffragatores habuit p. 189.
- Christiernus Daniæ Rex tam demisso obsequio Sixto IV. P. M. se devotivit, ut in exemplum devotionis ab Italis Pontifici impendende propositus fuerit a Cardinali Papiensi p. 477.
- Christina Sueciæ Regina insigni virtutis exemplo Regno se abdicare maluit, quod cum Religione catholica componere nequibat; seque totam in Romanæ Ecclesiæ obedientiam religiose transcripsit p. 481.
- Clemens Alexandrinus neque Stoicum exegit, nec idolatriam edocuit: id ei per injuriam, nefasque appinxit Barbeyracius p. 149.
- Clericus Johannes sub assumpta Pheopponi larva delitescens eo devenit temeritatis summæ, ut S. Augustino pleraque errata afficaret; eumque in S. Scripturæ interpretatione abs vero sensu assequendo immaniter abuisse effutiret p. 100.
- Iniquissimam Clerici impudentiam in vellicandis Patribus castigavit etiam Cavæus p. 110.

Parti I,

Communio laica sub una dumtaxat specie licita semper fuit, ac in Ecclesia frequentata: traditione etiam accepta ad nos usque transmissa p. 45, & seqq. Ejus usum, adjuncta varia tum licitum, tum laudabilem reddebant: disciplina Communionis domesticæ, de qua quæritur quando in Ecclesia sive Orientali, sive Occidentali deferret: (Economia, seu dispensatio cum vitam solitariam degentibus: necessitas deferendi ad absentes, & conservandi pro ægrotis p. 47, & seqq. Hinc inductus usus præbendi Communionem sub una pacis specie vel in longinqua peregrinantibus, vel Martyrio propinquantibus, vel ad bellum proficiscentibus p. 50, & seq. Hinc usu recepta consuetudo, atque per sæcula XII. retenta Communionem sub una specie tantum largiendi infantibus, obque graves causas sub una specie panis distribuendi in Ecclesia p. 50, & seqq. quæ tandem consuetudo transiit in Legem, quam jam violare sit nefas p. 52, & seqq. Videbis V. *Eucharistia*.

Concilia decretorum suorum robur invictum Romano Pontifici acceptum retulerunt sæpe sæpius p. 184, & seq. Concilia generalia necessaria omnino esse ad controversias fidei finiendas nec S. Augustinus, nec Eusebius, nec S. Innocentius, nec S. Leo, nec Synodus V. tradiderunt. Quid quod S. Facultas Parisiensis Conciliorum generalium necessitatem frequenter est inficiata? p. 677, & seq. 680, & seq. In Conciliis ab Episcopis in diversas, & adversas sæpe itum sententias est, ac sæpius imo in errores: ex Conciliis parum utilita-

V v v v

tia

- tis persepe, ac discriminis plurimum imminere dixit S. Gregorius Nazian. p. 775. A Conciliis Pontificum Constitutiones examini nunquam fuerunt subjectæ, antequam admitterentur p. 676, 678, & seq. E Conciliis Synodicas ad Pontificem dirigi pro decretorum approbatione, & promulgatione solennis, priscusque mos fuit p. 681, & seq. Concilium generale constitui nequit pro fidei fundamento, Ecclesiasticæque communionis capite, & centro p. 688, & seqq. Concilio necessaria Pontificis auctoritas est, qua Episcopi in officio contineantur, aut ab errore revocentur, aut ad unam sententiam cogantur p. 690, & seq.
- Concubinæ** nomine antiquitus non semper accipiebantur pellices, sed sæpius uxores secundariæ, quod non essent ea dignitate, qua uxores primariæ; nec filios gignerent bonorum paternorum hæredes p. 169.
- Confirmationis Sacramentum** a Christo D. fuisse institutum, conferre gratiam, characterem imprimere, Ordinarium Ministrum esse Episcopum traditio est in Ecclesia retenta, SS. Patrum, Conciliorum, ac Summorum Pontificum testimoniis innixa p. 25, & seq.
- Congi, & Angolæ Reges, Regina, ac Principes** ad Romanæ Ecclesiæ ritus colendos, ac Romano Pontifici obedientiam præstandam a nostris perducti quanta deinceps Apostolicæ Sedi devotione studebant commonstrarunt sæpe p. 513, & seq. Quo in studio pares illis effecerunt Reges Borni in Guinæa, Overii in Insula S. Thomæ, & Benigni *ibidem*.
- Conjugia** ob adulterium dissolvi etiam quoad vinculum, & quidem ex parte viri, non etiam uxoris existimasse videntur nonnulli veteres Patres, quibus & favent Principum leges. Vero verius est tamen neutra ex parte sive uxoris, sive viri quoad vinculum conjugia adulterio dissolvi. Ita Patrum, cohors tradita Pontificum auctoritas statuit: ita Conciliorum Canones sanciunt p. 153, & seqq. Quinimo priscis quibundam perpetram attributam oppositam opinionem Eruditi ostendunt: quomodo vero Principum leges accipi debeant declaratur *ibidem*.
- Constantinus M. Imperatorum primus Christianæ Religionis** se adiunxit, sicuti verisimilius Eruditis videtur p. 412. Romani Pontificis dignitatem, summamque potestatem testatus, veneratus, & tuitus ex animo est p. 414. Ejus Donatistarum causam judicandam dimisit ab eo appellantes ad suum tribunal non admisit; etsi admisit appellantes a Synodo Arelateni, ideo tamen ut illis os demum obtrueret p. 415, & seqq. Aliquanto plus sibi præter fas juris ecclesiastici arrogasse arguitur; quinimo æque ac cum orthodoxis, sanctisque viris egisse, atque cum hæresi infectis, depravatisque hominibus; plus æquo præterea hisce præ illis detulisse, accusatur: sed multo ex capite excusatione dignus ostenditur p. 417, & seqq.
- Constantinus cognomento Pogonatus** studio pacis, etsi non probe S. Vitaliani nomen e dypticiis expungi permisit. Patriarchæ Constantinopolitano, ut ad Pontificem Synodicam dirigeret de more, auctor fuit.

* fuit. Pontifici in causis Ecclesiasticis primas detulit partes, definire quæstiones fidei ad eum pertinere fassus, & professus est. Postremo Romanam Ecclesiam a pensionatione pecuniæ recens inauguratis Pontificibus impositam a Gothis Regibus liberavit; & jus confirmandi electos Pontifices Exarchis Ravennatibus attributum a Græcis ad se retraxit, aliquando retinuit, donec tandem dimisit p. 442, & seq.

Corderius Petrus pseudo-theologus Parisiensis quam temere, tam nequiter Gallicanis Episcopis schisma, ac sinistram de Romani Pontificis auctoritate opinionem affingere non dubitavit; quinimo eo progressus nefarii attentati est, ut Danicæ, & Scoticæ Reges a Pontificis legitimi obedientia abstrahere adniteretur p. 600.

Courajerus dum Anglicanæ Ecclesiæ dogmata cum Romana conciliare quam frustra, tam nefarie allaboravit, ab Anglis in Misa agnosci adversus Romanæ Ecclesiæ Theologos veram Sacrificii rationem consistere adhuc, etsi in ea Christi D. verum Corpus, verusque Sanguis non offeratur, cum ob dissimulatam eorum doctrinam ab Anglis, tum ob deformatam fidem Catholicam ab Orthodoxis pessime audivit p. 43.

S. Cyprianus celibatum tum laudavit, tum servavit: qui id primum ipsi crimini vertit, impurissimum se manifestat; qui id secundum inficiantur, uti Basnagius, uti Felus, uti Pearsonius, uti Barbeyracius se ignaros produnt; quemadmodum impudentissimum se ostendit, qui S. Doctorem aliorum crimi-

num personam imponit p. 149, & seqq. Quæ S. Cypriano germana infederit de Romani Pontificis divinis prærogativis auctoritate, & infallibilitate persuasio p. 252, & seqq. Ea fuit profecto Romanum Pontificem constitutum fuisse Ecclesiæ fundamentum, & fastigium, unitatis ecclesiasticæ caput, & centrum: cum eo communicare Ecclesias ceteras esse necesse, & cum eo communicantes cum Ecclesia Catholica communione esse conjunctos; non communicantes autem, nec consentientes esse schismaticos, & hæreticos: Hæreticos frequentes, ac familiare esse ad eum confugere, apud quem tamen perfidia appellere nequit: ejus esse partes Ecclesiis prospicere; in Episcopos jus exercere; graves causas ab Ecclesiis ad eum esse referendas, & gestorum rationem a Synodis ei reddendam p. 252, & seqq.

S. Cypriano epistolam 67. ad S. Stephanum supposititiis temere adnumerant Gerbasius, Launojus, Felus, & Oudin; vindicant vero rite Quesnellus, Pearsonius, & Maurini Monachi p. 255, & seq. Insignem S. D. locum ex libro de unitate Ecclesiæ detruncarunt in editionibus Oxoniensi, & Bremensi Protestantes, sed perperam, fideque pessima, quem ex melioris notæ codicibus vindicant viri Eruditi p. 257, & seqq. Per calumniam S. Doctorem appingunt Protestantes errorem, quo existimaverit divina institutione Episcopus omnes gradum inter se æquales esse; tum nec Presbyteris esse potestate superiores; singulos indistinctum singularem Ecclesiarum caput esse, & centrum, ac in hoc officio S. Pe-

tri peræque successores : sed commenta sunt ista , & calumniæ , quæ dispunguntur , & dispelluntur p. 528, & seqq. S. Stephano de non rebaptizandis baptizatis ab hæreticis admonenti minus , quam par esset , æquum se præbuit S. Doctor p. 264 , & seqq. Ex iis attamen , quæ sילו paullo acerbiori scripsit , pessime , ac perperam ansam arripiunt Protestantes Pontificibus MM. oblatrandi , & obfistendi p. 266, & seqq.

S. Cypriani vera sententia Romanus Pontifex nedum Urbis Præsul , sed & Orbis Primas est : Protestantes hoc inficientes profligantur p. 276, & seqq. Nunquam S. Doctor a fæcorum consortio cum S. Stephano discessit , aut ab eo dimissus est p. 277. Traditionem , quam obsecrat Pontifex , Romanæ Ecclesiæ nedum , sed universalis Ecclesiæ traditionem extitisse S. Doctori fuerat exploratum p. 278 , & seqq. Controversiam illam tamen de anabaptismo ad caput disciplinæ puræ , putæque retulerant S. Cyprianus , unaque Africani Antislites , sicuti testimoniis Scriptorum , validissime rationum momentis sit evidens p. 281 , & seqq. E contra vero a S. Stephano fuisse eandem controversiam ad fidei dogmata , uti reapse attingebat , revocatam verissimilior opinio est p. 288, & seqq. S. Cyprianus eo in errore consenserunt SS. Basilii , & Amphilo- chii , sed excusandi sunt : num- anteiverint Tertullianus , & S. Dionysius Alexandrinus ; & accesserint deinde SS. Optatus , Athanasius , Epiphanius , & Cyrillus a nonnullis dubitatur : adhæsisse SS. Innocentium I , Leonem I , Gregorium

M. , Pelagium II , & Urbanum II. per calumniam fuit confictum. p. 286.

S. Cyrillo Alexandrino Romani Pontificis infallibilitas explorata , ejusque sententia præ Synodiciis potiori , ac supremo loco erat : ad eum Nestorii causam , ac in Oriente controversias excitatas detulit , ab ejusque dicto nec latum abscedere unguem duxit p. 189, & seq.

Cyrillus Damascenus Patriarcha Romano Pontifici obervantia se totum dedit : fidei professionem nuncupat ; ac de ritibus Ecclesiæ Romanæ instruendum se integre præstat p. 241.

SS. Cyrillus , & Methodius cum fidei , tum gestorum suorum accuratam rationem Pontifici reddere jubentur , a quo probata fide , acceptoque cum instructione mandato Bohemorum , ac Moravorum Apostoli constituuntur p. 484 , & seq.

D

D Allus Confessionis auricularis usum toti retro antiquitati in- auditum , eundemque nullam unquam apud gentem præter Latinam fuisse inductum tam mendaciter , quam temere effutivit p. 60, & seq. Insigni etiam mendacio , effron- que temeritate impugnandam suscepit traditionem Ecclesiæ cum Græcæ , tum Latinæ de Sanctorum Reliquiis , & Imaginibus : eo progressus ulterius , ut propugnaret tum hanc traditionem Latinorum propriam esse , ac singularem , tum hujusce traditionis nullum ex tribus præcis ævis argumentum sup- pe-

- petere p. 90. Pelagiani erroris S. Chrysostomum insimulare vir iniquus non est veritus; quem tamen ab ipsis insulcibus præliberavit S. Augustinus p. 98. Persæpe in suorum errorum patrocinium accerere SS. Patres virum profligatissimum non puduit p. 107, & seqq. Ipsius impudentiam in velli-candis Patribus coarguit, & castigavit S. rivenerus p. 111.
- S. Damasus P. M. immunis prorsus fuit ab eo superbix fastu, quem vitio ipsi vertit post Ammianum. Marcellinum improbus Barbeyracius p. 174.
- Daniæ Regum primus Harioldus S. Romanæ Ecclesiæ nomen dedit, ejusdemque dogmatibus, ritibus, legibus amplificandis in Regno suo operam dedit diligentem p. 475, & seq. Qui post ipsum eidem Romanæ Ecclesiæ aut pessime infensi in se supremi Numinis iram experti ad ejus obsequium regressi sunt, aut probe affecti ejusdem clientelæ observantia omni se dederunt p. 476, & seqq.
- Decio Imperatori ex dignitate Romani Pontificis quatenus propriæ splendoris plurimum derogaretur, invidiæ mukum, iræque adhæsit p. 413, & seq.
- Deilingius. Videtis V. Binghamus.
- Dioecletianæ persecutione deserviente oppido plurimi iique præclarissimi Martyres effecti sunt, quemadmodum ethnicis aliis Imperatoribus in Christianos pariter debacchantibus: id unus inficiatus Dodvellus refellitur p. 171, & seqq.
- S. Dionysii Areopagitæ illustri nomine libros inscriptos quinam genuinos reputent, qui ex adverso veluti apocryphos rejiciant p. 11.
- S. Dionysius Corinthius sollicitudinis summæ, qua Romani Pontifices Christianorum res omnes sive corporales, sive spirituales curare, & procurare solebant, testis est liquidus, locuplesque p. 178.
- S. Dionysius Alexandrinus Romani Pontificis dignitatem potiori, supremoque loco posuit: illius dicto ab omnibus obaudiendum probe intellexit; illique fidei suæ rationem fuisse reddendam intime persuasum habuit; quin etiam ad illum graviores quæstiones deferendas fore ipsius sententia dirimendas p. 182, & seq.
- Disciplina Ecclesiastica a fidei dogmatibus accurate distingui debet: illa fide illæsa varia pro varietate Ecclesiarum, temporum, aliorumque adjunctorum esse potest: ista vero semper, & ubique eadem p. 143. Ad discernendum inter ea, quæ ad fidei articulos, & ea, quæ ad disciplinæ caput atinent, nonnullæ traduntur regulæ; quarum omnium instar una Romanæ Ecclesiæ doctrina, & auctoritas esse debet p. 144, & seq.
- Dodvellus ex S. Cypriani sententia affirmare non erubuit Episcopos gradu æquales omnes: æqueque S. Petro in officio centri, & capitæ ecclesiasticæ communionis successisse: sed commentum istud, & calumnia retunditur, & rejicitur p. 258, & seqq. SS. Martyrum etiam ingentem numerum inficiatus est, aut imminuit; sed exploditur, & exsufflatur p. 172, & seq.
- Dominicus a SS. Trinitate ex sententia Gallicanæ Ecclesiæ Romani Pontificis supremam supra Concilia potestatem, ac in fide infallibilitatem rite adtruxit p. 537. A Francorum

corum Imperatoribus Capicularia ex Romani Pontificis aut decretis edita, aut auctoritate evulgata, aut confirmata fuisse approve observavit p. 552.

Donatistarum causa Pontificis Romani iudicio finita fuit: finendam fuisse ipsimet facti sunt: ab ipsis ad Imperatoris tribunal interposita appellatio non fuit a sententia Pontificis, sed a sententia Synodi Arelatensis: sed neque Synodo isti de eorum causa dignoscere iterum, ac dijudicare licuit absque Pontificis licentia p. 414, & seqq.

Dorothei Tyrii Synopsis de vita Prophetarum, & Discipulorum Christi D. nullo in pretio ob fabulas, quibus undique scatet, haberi debet p. 492.

Dufour Ludovicus de Longuerrue de Transubstantiationis dogmate ea incautus scripsit, & inconsultus, quæ scripta referri potuerunt aliquando Petro Allixio p. 39.

Du Mesnil S. Firmiliani epistolam inter Cyprianicas 75. suppositionis non rite arguit, nec recte in suspicionem adduxit S. Cypriani opinionem de anabaptismo p. 271.

Dupinus quam invidiose, tam falso affirmavit S. Athanasii absolutionem non S. Julii I, sed Synodi iudicio esse adscribendam p. 184, & seq. Nec minus sinistre illustrem S. Augustini locum accepit p. 308. S. Ennodium Ticinensem temere, etiam traducens a doctiss. Sommier dignis vulpat p. 317, & seq. Perperam interpretatus est pariter celebrem S. Irenzi locum p. 366, & seq. Videlicet V. Barbeyracius.

Ecclēsia priscis ævis plurimis equidem improborum hominum vitiis dehonesta est, sed neque defuere quamplures sapientia, sanctitateque præfulgentes, qui eam abunde a maculis expurgarent, propriisque virtutibus exornarent pag. 170, & seqq. Ecclesiæ omnes in Occidente instituerunt S. Petrus, aut Successores Romani Pontifices p. 530. Ecclesiæ Hierarchiam, ac Monarchiam jure humano dumtaxat indutam, non divino institutam, jure humano, inquam, illoque aut civili, aut Ecclesiastico pugnantēs hæretici profligantur p. 409, & seqq.; 664, & seqq. Ecclesiæ potestatem habet infligendi pœnas corporales. Qui hanc ei potestatem adimunt, Protestantes clavis S. Scripturæ testimoniis, SS. Patrum liquida traditione, Summorum Pontificum sententiis, Principum sanctionibus, & historiæ certis monumentis refutantur, & refelliuntur p. 556, & seqq. Ecclesiæ definitionem a Theologis traditam temere Launojus exagitavit p. 667, & seq.

Ecclesiæ Romanæ unitatem, & doctrinam tenere debent, quotquot ad tenendam Catholicæ Ecclesiæ doctrinam, & unitatem adspirant p. 256, & seq.; 298, & seq.; 327; 332; 341; 343; 363; 523; 527; 535; 567; 597; 601; 605; 606; 610; 611; 618; 667; 668; 684; & 686.

Ecclesiæ Græcæ sub S. Hormisdæ communionem cum Romana redintegravit p. 196. Antiochena sub Michaele

- chaele Censuario integra in Ecclesiae Romanae obedientia mansit adhuc: item Armena, & Maronitica p. 213. Ecclesiae Antiochenae nomine ejus Orator Eugenio IV. fidei sacramento se obstrinxit p. 214, & seq. Alexandrina, Antiochena, & Hierosolymitana Romanae Ecclesiae fide, & observantia se se adficiunt, & aditipulantur p. 230, & seq. Antiochena rursus p. 232, & seq. Alexandrina iterum vicem agentibus ejusdem Patriarchis p. 237, & seq. Antiochena denuo Ignatio Patriarcha duce p. 240. Cur Ecclesia Graeca ad Romanae unitatem deinceps non redierit, in causa fuit Graecorum qua Imperatorum, qua Patriarcharum superbia, & fastus p. 248, & seqq.
- Ecclesiasticorum avaritiam Ecclesia semper est execrata. Id vitii maxime in haereditatibus appetendis Principum legibus cohiberi SS. Patres haud doluere, sed imo probavere. Ab haereditatibus ineundis Ecclesiasticos equidem arcebant Principes, non etiam Ecclesias p. 420.
- S. Ennodius Ticinensis Romanum Pontificem explicate adeo supra quamcumque Synodum extulit, ut de ejus germana sententia nefas sit suspicari. Dupinus eundem temere traducens a Cl. Sommier suggillatur p. 317, & seq.
- S. Epiphanio approve exploratum erat Pontificis M. potissimum jus Episcopos omnes sive absolvendi, sive abdicandi p. 187.
- Episcopi, ut Presbytero recens ordinato Eucharistiam sub una panis specie pro dies 40. porrigerent ob memoriam dierum 40, quibus Christus D. post resurrectionem

cum Apostolis est commoratus, alicubi aliquando obtinuerat ritus p. 52. Episcoporum jurisdictionem a Pontifice Romano profluere, quinam ex Patribus docuerint p. 190: approve professi idipsum sunt Johannes Ravennas p. 324, & 535. S. Celsarius Arelatenis p. 571. Petrus Meldensis p. 597. tres Occitaniae ordines p. 599. Antonius Godeus Venciensis Antistes p. 606. Episcoporum ordinationes in Gallia a Pontifice confirmandae erant p. 570. Formula fidei, ac fidelitatis Pontifici profitendae qualis usu ipsis venisset *ibidem*.

Erasmus pro istana purigine, insolentiaque, qua erga S. Augustinum minus reverentem se praebeuit, S. Doctori imo detrachere impune non puduit, gravi reprehensione dignum se praestitit p. 100. Quam falso, tam temere scripsit B. Virginem originali peccato opinione Patrum fuisse inquinatam. Idipsum effutivere Kemnitius, & Rivetus, sed refutantur p. 115. Rite tamen illustrem S. Hieronymi locum de Primatu Romani Pontificis interpretatus est, & ab impasta ipsa Gerardo calumnia defenditur p. 303.

Eucharistia digne suscipienti gratiam confert: in ejus consecratione vino miscendam modicam aquam ex vetusta traditione testantur Patres, Concilia, & Pontifices p. 26. In Eucharistia praesentem adesse corpore, anima, & divinitate Christum D., ibidemque adorandum ex traditione ad nos usque nunc transmissa, ac retenta Ecclesia tenet p. 29, & seqq. In eadem veram fieri panis, viniq. in Corpus, & Sanguinem Christi conversionem, quae a Graecis *Transselementatio*, a Latinis

tinis *Transubstantiatio* denominatur fide tenet Ecclesia, & fidelibus tradit Patrum, Conciliorum, ac Pontificum testimoniis edocta p. 33, & seqq. Quod fidei dogma ex libris sacris, & liturgicis Ecclesiæ sive Orientalis, sive Occidentalis; nec non ex fidei professionibus, ac formulis ab hæreticis, Schismaticis, & Catholicis cum Græcis, tum Latinis aut emissis, aut exaratis confirmatur, & conficitur p. 35, & seqq. Qua in doctrina Occidentalibus coherere, ac consentire Orientales nec heterodoxorum doctiores inficias eum p. 37, & seqq. Quinimo eidem dogmati fidem dederunt quamplures hæretici; quorum plerique alii dogmate admissio de Christi præsentia dogma de Transubstantiatione denegare amplius non licere ultrocitroque affirmarunt p. 38, & seqq.

Eucharistiæ communicare olim oportebat quotquot Christi-fideles Misset interesse. Communio deinde frequens infra annum præcepta: postea ter saltem intra annum: postremo in anno, idest in Paschate, saltem semel p. 45. Quænam olim obtinuerit, quando occiperit, quo modo immutata dein disciplina fuerit circa Communionem; nec non circa Missæ celebrationem; quatenus Presbyteri in altari, quo celebrasset Episcopus, celebrare prohiberentur contenti cum Episcopo fieri Eucharistiæ participes: quinimo in eadem Ecclesia unum dumtaxat erigeretur altare; nec in Ecclesia eadem Missam reiterare fas fuisset *ibidem*. Eucharistiæ conservandæ variemoda vasa adhibebantur antiquitus, nunc Columbæ nunc Turres; mox Capsulæ, mox

Tabernacula, mox Pixides: Custodiis vero cura summa a sacris Canonibus demandata, pœnis denunciatis atrocibus in desides p. 47, & seqq. Videtis V. *Communio*, & V. *Cerimonia*. Erroribus suis circa Eucharistiæ adspulatores agere SS. Patres pro impudentia Protestantibus ausi sunt plurimi, contra quos in oppositam descenderunt partem ex eodem grege plures alii ingenio mitiores p. 109, & seqq.

S. Eugenius Carthaginensis, qui de fide recta edoceri desiderat, ad Romanum Pontificem veluti ad Caput confugere admonuit p. 314, & seqq.

S. Eulogius Alexandrinus Pontificis summi iudicio lucubrationes suas submisit; fidei suæ rationem ipsi reddidit; recteque agendi regulas ab ipso depoposcit p. 202.

S. Eulogius Toletanus S. Petrum Ecclesiæ firmissimum fundamentum prædicavit p. 334.

Eusebio Cæsareensi libros de vita Constantini fuisse suppositos, eorumque Scriptorem fuisse Acaacium Iulscum conjectura fecit Pater Fuhrmannus p. 419.

Euthathio Sebasteno, aliisque Orientalibus perspectum erat, apprimèque persuasum Romani Pontificis supremas partes esse de causis Episcoporum dignoscere, & judicare p. 184.

S. Eutychius Constantinopolitanus Episcopus Pontificis decretis se obligatum dixit: Pontificis esse Concilio præses; nec absque Pontifice Concilium congregare fas esse, aut a Concilio decreta tenere p. 201.

Extremam unctionem Sacramentum esse, ac salutare, atque a Sacerdote

dote dumtaxat, oleoque ab Episcopo utique consecrato administrandum SS. Patrum traditio est perpetua p. 72.

F

Fellus Johannes S. Cyprianum Patris loco, & honore habet, & colit p. 13. S. Cypriano insignem locum ex libro de unit. Eccl., nec non epistolam 67. ad S. Stephanum perperam abjudicat; quin & gravi affecit injuria, dum auctorem facit turpissimi erroris, quasi docuerit nec Pontificem Episcopis superiorem, nec Pontifice in officio gerendi vices S. Petri Episcopos esse inferiores p. 258, & seqq.

Fevretus Carolus dignitatem excelsum, ad quam Ecclesia Gallicana assurrexit, ab ipsius individua Apostolica Sedi abhæssione, recte, verique auspiciatus est p. 591.

Fide sola haud justificari hominem, neque solam fidem sufficere ad assequendam salutem, sed insuper necessaria omnino esse opera meritoria dogma est extra omnem dubitationis aleam positum a SS. Patribus, Conciliis, & Pontificibus MM. p. 95, & seqq. Novatorum plurimi eo progressu temeritatis sunt, ut bonorum operum necessitatem explosam a SS. Patribus effutirent, qui pro commento, & calumnia exagitantur, & exusulantur p. 108.

Firmilianus Cæsarensis vel inobediens, & invitus Romano Pontifici ab omnibus fore obediendum, atque ad obedientiam poenis a Pontifice omnes adigi posse approbe, agnovit p. 183. Pontifici, ut fuis-

Paris I.

set par, parum æquum se præbuit pag. 266, & seqq.

S. Flavianus Constantinopolitanus Pontificem M. cum in fide prorsus infallibilem habuit, tum potestate supra Synodos potiorē, adeoque ut Pontificis unius sententia ad proscribendas hæreses satis superque sit; nec Synodis absque Pontifice ullum penitus insit robur pag. 193.

Fleurius Videlicet V. Bailletus. S. Gregorii VII. dictum vii genuinum habuit; ex eoque Romanæ Ecclesiæ divinas prærogativas celebrandi occasionem arripuit; atque Pontifici utrumque privilegium infallibilitatis, potestatisque supremæ attribuerit p. 615. Conqueritur iuste de corruptoribus, & abusibus potius, quam defensoribus, ac usibus libertatum Gallicanarum, p. 656. Appellantis a Constitutione *Unigenitus* pessimo exemplo prælusisse Julianum, & Lutherum approbe affirmat p. 679, & seq.

Fridericus Ænobarbus supremi Numinis iram in se concitatum sentiens Alexandro III. P. M. se submisit non modo, sed & ut se submitteret pariter Manuelli Græcorum Imperatori auctor fuit p. 454, & seq.

S. Fulgentio, & Ferrando ejus discipulo non altera de Pontifice infedit opinio, quam quod Ecclesiæ supremum in terris sit ejus tribunal; ac sententia exinde manans ab omni errore sit omnino tuta pag. 318, & seq.

Fulradus Sandionysianus, & Fulco Remensis obedientia, & obsequio demississime ad Apostolicam Sedem appellunt p. 332, & seq.

G

Gabriel Alexandrinus Patriarcha Romano Pontifici ea omnia privilegia, quæ S. Petri fuerant propria, attribuit, inque iis potestatem omnino potiore, ac in fide infallibilitatem *pag. 237. & seq.*

Gallafius, Blondellus, Clericus, nec non Janfenistæ nonnulli illustrem S. Irenæi locum de Primatu Romani Pontificis in sinistrum inflectendo sensum videntes, & volentes abs veritate aberrant *p. 180.*

Galliarum Antistites plerique doctrina præstantes S. Augustini auctoritate approbe uti sunt ad suadendam Quæstionis omnimodam, intimamque obedientiam Constitutioni Clementinæ *p. 307. & seq.* S. Doctoris apertissimo loco alii ex adverso vim inferre sinistra interpretatione non sunt veriti: quorum commenta alii ex S. Augustini clara, & præclara sententia elevant, & elidunt *p. 309. & seqq.* Qui ex Gallis Episcopis, Doctoribus, & Scriptoribus Pontificem supremam potestate, ac supra Synodos potiri, nec de fide docentem periculo errandi obnoxium esse scribere, docuere, & tenere, Aneas Parisiensis, Ratramnus Corbejensis Humbertus Tullensis *p. 244. & seq.* Jacobus de Vitriaco, SS. Thomas, & Bonaventura *p. 247. & seq.* S. Avitus Viennensis *p. 315. & seq.* Alcuinus *p. 319. & seq.* Antpertus, Jonas Aurelianensis *p. 330. & seq.* Paschasius Radbertus *p. 333. & seq.* Hincmarus Remensis *p. 335. & seqq.* Herivæus Rem., Abbo Floriacensis

p. 338. & seq. Ivo Carnotensis *p. 345. & seq.* S. Bernardus *p. 350. & seqq.* Hildebertus Turonensis, Arnulphus Lexoviensis, Petrus Lombardus *p. 358. & seq.* Johannes Carn., Petrus Cellensis *p. 366. & seq.* Petrus Blesensis, Guillelmus Maniacensis, Stephanus Tornacensis *p. 368. & seq.* S. Petrus Tarantasiensis, Alexander Hallensis *p. 370. & seq.* Vincentius Bellovacensis, Hugo Carensis, Albertus M. *p. 372. & seq.* Guibertus Tornacus, S. Thomas *p. 373. & seqq.* Richardus Mediavilanus, Johannes Parisiensis *p. 382. & seq.* Guillelmus Durandus, Durandus a S. Portiano *p. 384. & seq.* Guido Elnensis, Petrus Paludanus *p. 386. & seq.* Nicolaus Gorranus, Augustinus Triumphus *p. 388. Thomas Argentinas p. 390.*

Gallicana Ecclesia de Apostolica Sede optime semper promerita est, eisdemque, ejusque Regibus accepta beneficia plurima frequenter Pontifices retulerunt, atque ab Apostolicæ Sedi adhesionem, studio, devotionem, exaltationem ejusdem, & defensionem eximii præconiis celebrarunt *p. 517. & seq. 580. & seq. 590.* Enim vero ab Ecclesia Gallicana Apostolicam Sedem habitam loco, & honore potestatis potiori, omneque prorsus extra errandi periculum positam sit exploratum ex Conciliis ibidem celebratis Arelatensi anno 314. *p. 519*; Narbonensi anno 451; Arausicano H. anno 529 *p. 520*; Vafensi II. anno eodem; Aurelianensi IV. anno 541; Aurelianensi V. anno 549; Arvernensi II. eodem anno; Turonensi II. anno 567. *p. 521*; Lugdunensi I. anno 570; Remensi

mensi circa annum 625; Liptinenſi anno 743; Francofordienſi an. 794. p. 522, & ſeq.; Pariſienſi an. 825, cujus Præſules cum in Patres Synodi VII, tum in Pontificem M. equidem parum æquos ſe præbuerunt, Pontificem tamen ſumme potem, ac inſallibilem probe vel inviti patefecerunt p. 524, & ſeqq. Pariſienſis huiusce Synodi acta perperam inſiciati ſunt Bellarminus, Labbeus, Sirmondus, & Harduinus, ſed uti genuina cum evulgavit Petrus de la Lande, tum habuere Mabillonius, & Pagius p. 526. Pariſienſi altero perperam a Baronio, Binio, Sirmondo, aliisque dicto Turonenſi IV; Aquigranenſi anno 860. p. 527, & ſeq.; Sueſſionenſi III. anno 866; Tricaffino anno 867. p. 528, & ſeq.; Senonenſi anno 862; Pontigonenſi anno 876; Trecentiſi II. anno 878. p. 529, & ſeq.; Troſleſiano anno 909; Remenſi anno 992. p. 530, et ſeq.; Lemovicenſi II. an. 1031; Remenſi anno 1049. p. 531, et ſeq.; Bituricenſi anno 1276; Bituricenſi anno 1286; Vaurenſi anno 1368; Narbonenſi anno 1551. p. 532, et ſeq.

Gallicanæ Eccleſiæ intima, eximiaque perſuaſio de Romano Pontifice falli, & fallere prorfus neſcio, ac præ Synodis potiori auctoritate prædito elucet ex libello oblato Clementi V. adverſus Bonifacium VIII. p. 533: ex litteris ad Innocentium II: ex Conventu Melodunenſi anni 1479, & Melodunenſi altero anno 1579. p. 534: ex Comitibus Pariſiis habitis anno 1626, 1651, 1652, 1661, & 1663. p. 535, & ſeqq.: ex actis verbalibus Cœtum Provinciæ Pari-

ſienſis, Arelatenſis, Bituricenſis, & Remenſis p. 537, et ſeq.: ex Comitibus Pariſiis celebratis anno 1681; 1700; 1705, & 1713. p. 538, et ſeq.: ex litteris Card. Noallii, aliorumque 12. Antiſtitum ad Clementem XI. p. 539, et ſeqq.: ex Clemente XI, & BENEDICTO XIV. PP. MM. p. 542, et ſeq. Eandem Eccleſiam ſententiæ nunquam inceſſit Pontificias Conſtitutiones non obligare, antequam ab Episcopis acceptentur: aut Episcoporum ſas eſſe illas ad examinis incudem revocare, antequam aſſenſum ſuum adhibeant p. 539, et ſeqq. Episcopi quidam moroſiores, qua ratione Conſtitutioni Unigenitus ſyngrapham apponere ſuam, diſtulerint, diſpiciuntur p. 540, et ſeq.

Galliarum Regnum quo anno, & 2. quo occeperit: quæ, & quot Regum ſtirpes, & quando regnandi exordium, finemque fecerint p. 544, et ſeq. Clodovæus omnium primus chriſtianam Religionem eſt amplexatus p. 545. Theodebertus Vigilium P. M. de re diſciplinæ, & Childebertus Pelagium II. de re dogmatica conſuluerunt *ibidem*. Pippinus Romani Pontificis obſervantiæ, & obedientiæ ſe totum devovit, & dedit; Romanam vero Eccleſiam dominiis adjectis ditavit, & amplificavit p. 545, et ſeq. Carolus M. Patri inferior non fuit in obſequio Pontifici deferendo, ac temporali ipſius dominio ſive confirmando, ſive adaugendo, ſive defendendo; Pontificis diſcis obaudire religioni duxit; Religionis de rebus ediſta accipere, de mandatis executioni demandandis ſollicitum ſe præſtitit: Episcopis civiles etiam

lites dirimendas permisit: Leges suas ex decretis Pontifici approbatis compegit: Pontificis M. decreta pendenda sancivit: Episcoporum appellantium in causis edita decreta servari iussit: S. Leone III. adnuente Chorepiscoporum auctoritatem compressit, & dignitatem suppressit: Romanæ Ecclesiæ pensum annum persolvebat, & Saxoniam vestigalem fecit: Ecclesiæ ejusdem defensores tres filios suos constituit: S. Leonis III. auctoritate testamentum suum confirmari voluit p. 546, *et seqq.*, & 663. Ob singularia in Ecclesiam merita eximie celebratus est a Baronio, & Moraino p. 549, *et seqq.*

Galliarum Reges Ludovicus Pius, & Lotharius Caroli M. exemplo Romanæ Ecclesiæ impense studuerunt. Imperatoris nomen assumere, antequam a Pontifice inaugurarentur, non sinit auri p. 550, *et seqq.* Imperatoribus Francorum ad Romanæ Ecclesiæ defensionem collata sunt a Pontificibus Patriciatus insignia, non autem in domini partem fuerunt adsciti *ibidem*. Qua legibus Pontificiæ dignitati prospicere, qua litteris Pontifici obsequium detulerunt iidem Imperatores, ab eoque decreta sibi sequenda proposuerunt p. 551, *et seqq.* Capitularia sua ex Pontificis consensu ediderunt, tum ex ejus decretis exscripserunt, tum ab eo confirmari curarunt p. 552, *et seqq.* Carolus Calvus Pontifici monenti, objuganti, & jubenti obsequentem se exhibere, summoque in honore, locoque suo dignitatem, & jura habere religioni duxit p. 553. Hugo Capetus, & Robertus filius Pontifici de causis Episcoporum

dijudicandi jus integrum detulerunt *ibidem*, *et seqq.* Ludovicus VII Alexandri III. partes adiuvit, eique sicuti Pastori supremo se, subditosque suos subesse declaravit p. 554, *et seqq.* Philippus I, & II. probe habuere persuasum Pontifici sive minitanti, sive jubenti, sive monenti esse auscultandum; a Pontifice jus in Angliæ Regnum in se derivari potuisse: ac Pontificis judicium soli Deo reservari p. 555. S. Ludovicus IX. egregium de Romano Pontifice impense colendo monitum Philippo filio dedit p. 556. Ludovicus XI, & Franciscus I. jubentibus Pio II, & Leone X. pragmaticam sanctionem resciderunt, ex intima etiam sententia Apostolicam Sedem in honore summo habuerunt p. 556, *et seqq.*

Galliarum in Regno S. Inquisitionis tribunal institutum quando, & a quo fuerit p. 557. a SS. Congregationibus Inquisitionis, & Indicis decreta adversus libros a Synodis, a Comitibus, a Sorbona admessa, evulgata, & observata sunt *ibidem*, *et seqq.* Henricus II. edicto lato sancivit, ut late sententiæ a Judicibus, quos Pontifex designasset, sive ab Inquisitoribus fidei appellatione omni posthabita executioni demandarentur *ibidem*. A Gallicanis Episcopis multoties in Conciliis summo opere cautum est ne Curie laicæ causis Ecclesiasticis ullatenus se immiscerent, aut de censuris latis ab Episcopis cognoscere auderent p. 558, *et seqq.* In Gallia quo demum anno promulgatio Bullæ *Cane* prohiberi coepit: quo perinde anno Pontificiæ Constitutiones aut Regia syngrapha obsignari, aut a supremis Curis

riis referri in tabulas incepterint p. 559, & seq. Quo tandem anno Romanæ Curix rescripta absque Regis placito recipi interdictum fuerit p. 560. Henricus IV. de fide decernere ad Pontificem attinere, iisque decretis se ingerere nefas est arbitratus *ibidem*. Ludovicus XIII, XIV, & XV. ob egregiam curam expurgandi Regnum a Calvinismi labe; ob demissum studium capiendi a Pontifice de rebus fidei consilium; ob impensam operam tum comprimendi Janfensistas Pontificiis decretis obstitentes, tum proscribendi libros Pontificis dignitati, aut decretis infensos, ac infestos eximiis laudibus dignos se præbuerunt, laudibus celebrati a Pontificibus MM. propterea sunt a vera religione in Deum, & a sincera devotione erga Romanam Sedem p. 561, & seqq.

Gallicanæ Ecclesiæ Patres, & Doctores Pontificem summa potestate in Ecclesia potiri, ac supra Synodos; in fide perinde fassi, & fallere prorsus nescium fassi, & professi sunt passim p. 564, & seqq. Emicuerunt inter eos in illa sententia S. Irenæus p. 565, ejus insignem locum interpretati sunt, acceperuntque approbe ex Gallis Prælatibus, & coactores plurimi p. 566, & seq. S. Hilarius Piclavienfis p. 567, & seq. S. Eucherius Lugdunensis; Gareti, Saloni, & Verani Episcopi p. 568, & seq. Provinciæ Arelatenfis Antistites; Leontius Arel., Ægidius Abbas, & Messianus Notarius p. 569, & seq. S. Cæcilius Arelatenfis p. 571. Virgilius Arel., Pelagius Turon., Desiderius Vien., Euthérius Lugd., Syagrius August., Serenus Massil.,

Apostolicæ Sedi addictissimi *ibid.* SS. Amandus Trajectensis, & Heimerammus Piclavienfis ad Pontificem confugientes *ibidem*, & seq. Fulradus Sandionysianus, Tilpinus Remensis, Bertherius Vienneensis p. 572. Episcopi, sive qui interfuerunt Synodo Romanæ anno 799; sive quorum nomine S. Avicus scripsit ad Senatores Urbis *ibidem*. Episcopi Synodorum Aquisgranensis, Silvaneensis, Sueffionensis III, & Trecentis *ibidem*. S. Aldricus Cenomanensis, Rochadus Sueffionensis, Æneas Parisiensis, Rotlandus Arelatenfis p. 573, & seq. Hincmarus, & Herivæus Rem. p. 574. Nec his officium Gerbertus Remensis, Erchembaldus Turonensis, Richerius Senonensis, alique simoniaca labe aspersi *ibidem*, & seqq. Multo minus ablutere Rodolphus Turon.; Daimbertus Senon., Leothericus Senon., Willemus S. Benigni Divionensis, Richardus S. Wintoni Virdunensis, & Hallinardus Sandionysianus p. 575, & seq.

Gallicanæ in Ecclesiæ vestigia ingrediebantur Gervasius Remen., Ivo Carnot., Goffridus Vindocin., qui Pontificem ut adjuvarent partes, nulli labori, operæque pepercuerunt p. 577. Robertus Carnot., Rodolphus Turon., Rolandus Dolensis, Lambertus Arelatenfis, Jozeelinus Burdigalensis, Willemus Rotomagensis, Hugo Diensis, Hugo Lugdunensis *ibidem*. Pibo Tullensis, Raynaldus Remensis, Hildebertus Cenomanensis, S. Godofredus Ambianensis p. 578. Hugo Rotomag., Hugo Atrebat., Hugo Autissod., Gaufridus Carnot., Wilgrinus

grinus Bitur., Willelmus Sancton., Willelmus Pictav., Eustorgius Lemovic., Willelmus Petragor. Innocentii II. partibus dedititii, atque adversus schismaticos invictissime stantes p. 579. Sugerius Sandionysianus, Petrus Bituricensis *ibid.* S. Anthelelmus Bellicensis, Arnulphus Lexov., Guillelmus Senon., Philippus bonæ Spei, Petrus SanRemigianus, Fulco Decanus, Hugo Sueff., Henricus Rem., Hugo Senon., Galterius Lingon., Henricus Eduensis, Alanus Antisiod., Bernardus Niverniensis Alexandro III. opera sua adjectissimè: nec non Episcopi, & Abbates Concilii Tolosani anni 1161, & Canonici Aurelianenses *ibidem*. Michael Senon., Odo Paris., Johannes Lugd. ad Apostolicam Sedem hæresis causas, ac dubia circa sacramenta deferentes p. 580. Episcopi *ibid.* ad Innocentium III. adeuntes, tum in Synodo Varensi anno 1213, tum ad Innocentium IV. pro ope adversus potestates laicas Ecclesiasticæ jurisdictioni infensas confugientes p. 581, *et seq.* Episcopus Narbonensis apud Clementem IV. a suspitione hæresis se purgans *ibidem*. Galterus Pictav., Rodolphus Lugd., Hugo Eduensis p. 583. Agidius Bituricensis Pontificis iudicio scripta sua subiciens, ipsoque iubente nonnulla revocans, & retractans *ibidem*. Stephanus Parisiensis una cum Guillelmo Vienneſi, Capitulo suæ Ecclesiæ, ac Parisiensi Facultate Pontificio iudicio integre deferens p. 583, *et seq.* Gallicanorum Antiquum insitebat vestigiis Academia Parisiensis sub Bonifacio VIII., Clemente V., & Johanne XXII; in censura adver-

sus Montefonium; in allocutione ad Clementem VII. p. 484, & sequens perspectam vero habebant, probatamque opinionem genere, & ipsi Galli Clementes V., Johannes XXII., Benedictus XII., Clemens VI., Innocentius VI., Urbanus V., & Gregorius XI. p. 585, & sequens. In eandem sententiam ibant ultro citroque Hervæus Natalis, Petrus Paludanus, Vitalis e Furno p. 587, & sequens. Petrus Bertrandus, Jacobus Cisterciensis, Anonymus Vaticanus, Episcopi Gallicani in epistola ad S. Nicolaum I. p. 589, & sequens. Gallicanam Ecclesiam post Epocham Concilii Constantiensis, quinimo post Comitia anni 1682, non altera plane, quam quæ jam pridem ipsius propria fuerat, de Pontificis divinis prerogativis incescit persuaſio p. 591, & sequens. Liquidè, locupletisque sunt testes Petrus Alliacensis dein secuminit pugnans p. 592, & sequens; Gersonius nec sibi æqualis stans, sed & Monarchicum Ecclesiæ regimen ob unitatem fidei adstruens p. 593; Almainus; Johannes Major in Gersonii vestigia ingressi, ac in easdem contradictiones incidentes p. 594; item Johannes Parisiensis p. 595, & 691; Anonymus Sandionysianus; Academia Parisiensis p. 596; Petrus Meldensis Gallicanæ Ecclesiæ nomine Eugenium IV. alloquutus Papæ Monarchiam in Ecclesiam necessariam prædicans, ac præ Basileensi Concilio Florentinum effereſ p. 597, & sequens. Tres Occitanæ Ordines in libello oblato Carolo VII. penes Pontificem Monarchiam sacram, atque potestatis sacræ summam in ceteros derivandæ ostendentes p. 599. Episcopi in pro-

in protestatione ad Leonem X; Franciscus Cardinalis Turnonius; Episcoporum Conventus Melodunensis anno 1544, & Noliensis an. 1548. *p. 600, & seq.*

Gallicani Cleri approbam de Pontifice persuasionem aperuit sæpe, suoque calculo comprobavit, qua suprema Parisiensis Curia, in eaque Procurator D. de Aguesseau; qua Sacra Parisiensis Facultas in Censuris latis adversus Lutherum, & Calvinum; in declaratione sua circa Constitutiones Pauli III, & Julii III. illos de Pontifice titulos prædicans, quos Galli plerique morosiores Pontifici tribuere in Concilio Tridentino renuebant; in Censura adversus M. Antonium de Dominis, in decretis aliis de causis editis, ac signatim adversus Richerium, & Arnaldum Ecclesie regimen Monarchicum esse, ac Papale, Papæ vero obedientiam, etiam internam deberi professæ *p. 602, & seqq.* Fecerunt insuper planam Facultatis ipsius Doctores plerique decreto adversus Strigoniensem Antistitem adornato contradicentes *p. 604.* Viri alii doctrina, aut dignitate illustres Robertus Cenalis, Gilbertus Genebrardus, Nicolaus Coeffetellus, Davydus Perronius, Petrus de Marca, Antonius Goddæus *p. 605, & seqq.* Ad quos accesserunt plerique alii, inter quos Leonardus Coquæus, Johannes Puteanus, Johannes Raguseus, Johannes Celaja, sententiam suam SS. Patrum, & Doctorum liquidis testimoniis communicantes *p. 607, & seq.* Andreas Duvalius præcis Gallicanis Patribus communem suam faciens, contrariamque non

nisi ab annis 200. inductam, eique occasionem præbuisse, fecisseque ortum schismata ostendens *p. 608, & seq.* Michael Maucerus, Vincentius Contensonius, Ludovicus Halè, Johannes de Selva, Johannes Dartis, Franciscus Gondæus, aliique *p. 610.*

Gallicano Clero eandem intimam insedisse sententiam, aut statim ad veterem rediisse, ac recens investitam rescidisse etiam post epocham celeberrimæ declarationis an. 1682. argumento sunt, & auspicio Gallicani Episcopi ejusdem Cætus in epist. ad V. Innocentium XI, nec non in epistola encyclica ad ceteros Galliarum Antistites, atque in encyclica e Comitibus anni 1714. exarata *p. 611, & seq.* Franciscus Harlæus propria faciens testimonia Patrum Concilii Ephesini, & Chalcedonensis; S. Petri Chrysologi, & S. Agathonis; Ludovicus Abelly ex vetustis Patribus Gallicanis doctrinam suam confirmans *p. 612, 613, & 673;* Bosuetius ipse, quem propterea laudant de Languet, & de S. Albin *p. 613;* Fenellonius adversus Quesnellianos præsertim pugnans *p. 614;* Fleurius S. Gregorii VII. dictatum legitimi loco habens *p. 615;* Argentæus Ecclesie infallibilitatem ex Pontificia infallibilitate inferens *p. 616;* DD. de Villeroi, de Castellane *ibidem;* de Magrigny, de Rabutin, de Belsunce, de Lafiteau, de la Fare &c. *p. 617;* Cardinales de Mailly, de Bisy *ibid;* de Janson, de Tencin *p. 618;* DD. de Colongue, de Languet *ibid.*; Albertus Augustæ Salasorum Antistes; Janfenius imo, Maimburgus quinimo, & Quesnellus *p. 619, & seqq.* Galli.

Gallicanæ Ecclesiæ oppositam perpetuam affricuerunt opinionem plerique ; ac pleraque opposuerunt Bossuetius , & Gilbertus de Choysseul, quæ procul repelluntur p. 622, & seqq; quomodo refelluntur, quæ ex Facultatis Parisiensis doctrina proferuntur p. 632, & seqq; Ejus certe Censuras non omnes magnificiendas , agendi vero rationem , quam aliquoties tenuit , reprehensione dignam viri docti observant p. 634, & seqq; Inique egisse erga Constitutionem *Unigenitus* , sed ei tandem , uti par erat , æquam se præbuisse observatur p. 636, & seqq; Censuras ejusdem nonnullas , ac decreta Pontificis MM. abrogarunt , & reprobarunt p. 642. Certo certius est Gallicanæ Ecclesiæ religioso in more positum jugiter fuisse Pontificis Constitutiones nullo præhabito examine amplecti p. 645. Ejusdem declarationes editæ annis 1655 , 1656, & 1682. vel prioribus aliis declarationibus expresse contradicunt : vel declaratio posterior nullius pendit momenti , quia ex præcipiti sententia processit ; aut ex gravi metu incusso fuit extorta ; aut paullo post revocata ; aut absque mandato , assensuque aliorum Præsulum fuit procusa ; aut Præsulum facultatem procul dubio excessit p. 645, & seqq; Quinimo ejusdem confirmatorium editum retractavit Ludovicus XIV ; eamque declarationem expresse resciderunt Innocentius XI, Alexander VIII, & Innocentius XII, p. 648, & seqq; Quid autem , quod eadem declaratio sibi non cohæret , nihilque Pontificia privilegia lædit , ac labefaciat p. 451, & seqq; Nihilominus viri nonnulli doctissimi con-

tra hanc declarationem calamum distinxerunt ; & Basnagius occasionem arripuit Refractorius Constitutioni Clementinæ exagitandi , & vexandi p. 652, & seqq.

Gallicanis ab Episcopis præfata declaratione prætextus Ecclesiæ assensus , ut Pontificia decreta in fidei dogmata evadant , discutitur , nec subsistere demonstratur p. 653, & seqq. Quin ex præmemorata declaratione Pontificiæ infallibilitati derogatum non fuisse Parisienses doctores patefecerunt p. 654. Cum doctrina de libertatibus Ecclesiæ Gallicanæ non pugnat doctrina de Pontificiæ infallibili , ac Concilio potiori p. 654, & seqq. Quotuplicis generis libertates istæ sint ; quæ legitimæ , & quæ illegitimæ : qui legitimarum loco illegitimas obtulerint : quo loco ejusmodi libertates collocandæ sint , incertum adhuc , non secus ac anceps ex quo fonte defluerint p. 655, & seqq. Quædam nullo jure nituntur ; quædam inter libertates non sunt numerandæ ; quædam abusus sunt , corruptelæ , ac servitutes p. 659, & seqq. Qualescumque sint demum a doctrina Pontificiæ infallibilitatis ac potestatis supra Concilia non infringuntur , & quidem ex sententia doctæ Gallicanæ Ecclesiæ p. 662, & seqq. Pontificiis Constitutionibus deberi nedum externam , sed internam etiam obedientiam Gallicana Ecclesia tenet , & docet p. 672, & seqq; a Pontifice ad Concilium provocantibus Gallicani Episcopi 40, aut 50. infamiz dicam conscripserunt p. 679. Gebhardus Salisburgensis quam optimo erga Apostolicam Sedem affectu comparatus esset p. 342, & seqq.

Ge-

Gennadius Scholarius S. Petri auctoritatem ad Pontifices Romanos pertransiisse, eamque in Ecclesia potissimam esse, nec fieri posse, ut Pontifices a fide excidant, credidit, & edocuit p. 227. Jure tamen dubitatur num opus ipsius nomine inscriptum potius Josepho Methonenfi sit adscribendum: diversæ sunt cum de Auctore, tum de opere Eruditorum conjecturæ p. 251, & seq.

Georgii Patriarcha Romanum Pontificem, cui se integre permittit, eximii præconiis celebrat: *Orbis totius Judicem, Universa Ecclesia Præsidentem* nuncupans p. 241.

Georgii olim Iberici, ac Colchidis Reges Bachurius primum, ac dein Tzantius, & Gurgenes ad Christiana sacra conversi omnium primi leguntur p. 297. Postea gentes istæ in Græcorum schisma, & errores delapsæ sunt p. 498. Devotiori tamen ætate Reges, ac Regina non defuere, quas ardens desiderium incesserit ad unitatem, cum Romana Ecclesia redeundi; atque reapse obedientia Romano Pontifici demisse, integreque se dederint *ibidem*, & seq.

Germaniæ Principes, virique plurimi civili dignitate conspicui ab hæreticorum castris ad S. Romanæ Ecclesiæ communionem convolantes ab obsequio, & devotione erga eamdem celebre nomen suum reddiderunt p. 491.

Germanus Constantinopolitanus Patriarcha Romano Pontifici, ut ut fide fecerit, Primatum tamen detulit, & ad unionem cum Romana Ecclesia Græcos suos reintegrare desideravit p. 216.

Germanus II. hujus nominis quomodo
Paris L.

nus Græci ad Romanæ Ecclesiæ obedientiam regrederentur fastum, superbiæque suam pro vero impedimento opposuit; falsas autem querelas de tyrannide a Latinis exercita attexit p. 249. Germani querelas calumniis adauxit Parisius, aut verius Parisii opus calumnia istis editor Londinensis infarxit, quas dein præfracta impudentia defendit Oudinus, dispungunt autem viri docti p. 250.

Gersonius, Arnaldus, le Gros, & Anonymi duo Galli Pontificis decretis obedientiam deberi externam dumtaxat, non etiam internam, quæ uni auctoritati infallibili, omninoque supremæ debetur, quasque Pontificem expoliant penitus, erronee docentes exploduntur p. 671, & seqq.

Gervasius S. Cypriani vitam describens se dignum præbuit, qui multis vapulet, dum S. Cypriano præ S. Stephano applaudit, ac dum S. Augustinum deceptum, ignarumque traducere audet temere p. 279, & seq.

Gilbertus de Choyseul ad infringendam Pontificis infallibilitatem, potestatemque supra Concilia non alia protulit momenta, quam quæ Richerius, Launojus, Maimburgus, Dupinus, Bossuetius &c. procusserant; quæque paucis evertuntur p. 631. & seq.

Goulartius Videtis V. *Kinghamus*, & V. *Fellus* S. Cypriani opinione Pontificem M. in fide periclitari posse, quinimo reapse fuisse periclitatum falso jactavit p. 276.

Grabius Ernestus de S. Papia egregie, digneque existimat, uno dempto Millenariorum errore, eruditumque eundem contra Valesium

Y y y ostendit.

ostendere eniitur *p. 10, & seq.* Gratiam Dei necessariam esse, & sufficientem saltem a Deo conferri ad fugiendum malum, & faciendum bonum catholicæ fidei constantissimum dogma est a SS. Patribus, a Conciliis, a Pontificibus MM. uno ore traditum *p. 90, & seqq.* Gratiæ divinæ necessitati SS. Patres infensis traduentes Novatores protemeritate castigantur *p. 107.*

Gratianus Imperator Videlicet V. *Theodosius, & Valentinianus.*

Græci anterioris ætatis Romani Pontificis divinis prærogativis tantum abest, ut inviderent, ut potius eximiiis præconiis exornarint, & prædicarint *p. 176, & seqq.* In causis Ecclesiarum, ac signatim Episcoporum supra Synodos etiam stare Pontificis summitribunal probe habuere persuasum *p. 187, & seqq.* Episcoporum caput Pontificem esse, S. Petro in sede & sententia successisse; eidem ab omnibus obaudiendum agnoscunt: ab eo a censuris absolvi, in suam communionem admitti obsecrant: ejusdem sententiæ obstringi se, nec ab ejus doctrina abicidendum sibi affirmant *p. 194, & seqq., 198, & 200.* Pontificem ab hæresi tutum prædicant, quinimo Pontifici datum a Christo in devia raptos ad frugem revocandi, obfirmatoque animo in hæresis luto hærentes diris cunctis devovendi fatentur, & prostentur *p. 200, & seq.* Græcorum, aliorumque Orientalium in libris Ecclesiasticis, & liturgicis S. Petri, ac Pontificis Romani præconia, ac privilegia passim celebrantur *p. 210.* A Græcis vel schismate afflatis, multoque magis ab hac labe puris magnificata, pensa-

que est Pontificis utraque prærogativa infallibilitatis in fide, ac potioris in Ecclesia potestatis *p. 211, & seqq.*

Græcæ Ecclesiæ nomine Oratores missi Innocentio IV, & Alexandro IV. communione conjungi exoptant, & exposcunt; articulos autem a Pontificibus propositos approbant, & amplectuntur *p. 217, & seq.* Græcis, ut Symbolum absque additamento particulæ *Filioque* canerent, dummodo in dogmate convenirent, iidem Pontifices indulsere *p. 218.* Græci Episcopi vel per semet, vel per Oratores suos accepta a Pontifice fidei professione, ac Pontificis divinas prærogativas profitendo Romanæ Ecclesiæ sacrorum consortio, fideique sacramento sæpe se obitrinxerunt, & obligarunt *p. 218, & seqq., 220, & seqq., 225, & seqq.* Quæ in vestigia ingressi sunt pariter Alexandrinus, Antiochenus, & Hierosolymitanus Patriarchæ *ibidem, 230, & seqq.* Græcorum iterum sapientiores, graduque illustriores Pontificem quidem supremam potiri in Ecclesia potestate, a fide quoque deflectere nullo posse modo tenuerunt, scripserunt, docuerunt *p. 228, & seqq., 251, & seq., 360, & seq.*

Græcis excidium, & internecionem triennium infra vaticinatus est post S. Birgittam Nicolaus V, nisi ad Romanæ Ecclesiæ fidem regrederentur *p. 230.* Græcanici ritus, genereque illustres homines Sedi Apostolicæ obsequio se, obedientiaque mancipant *p. 332, & seq., & 336.* Græcos schismaticos inter, ac Latinos exorta quæstio non obversabatur circa Primatum Romani Pontificis, sed circa Primatum adnexas præ-

- prærogativas p. 242, & seqq. E Græcis fuisse quidem, qui & Primatum inficiari cœperunt, sed eorum sapientiores Primatus appendices dumtaxat in dubium adducebant; ita Theophylactus, Nechites, & Cabaſſillas p. 243, & seqq. ita Latini quotquot contra Græcos decertarunt banc dumtaxat græcanici schismatis causam allegantes, Aeneas Parisiensis; Ratramnus, Humbertus; S. Petrus Damiani; S. Anselmus; Hugo Etherianus; Anselmus Havelburgensis; Jacobus de Vitriaco; SS. Thomas, & Bonaventura p. 244, & seqq. Quare commenta sunt, & calumniz, quas Græci Schismatici ad schisma suum obducendum excusationes obtendunt p. 248, & seqq. S. Petrum, ejusque in persona Romanum Pontificem a potissima auctoritate, & infallibilitate maximis præconiis celebrarunt p. 313, & seqq.
- Gregorii IV. epistolam ad Germaniz, & Galliz Episcopos perperam subdititiam autumat Cointius, genuinam enim probant Baronius, Pagius, Sirmondus, Harduinus p. 572.
- S. Gregorio VII. obedientia, & obsequio deditissimi qui, & quot illustres Antistites: quot, & quinam imo opera sua eidem defendendo non defuerint p. 344, & seqq. S. Gregorius de Regibus S. Romanæ Ecclesiæ feudatariis multis in locis agit p. 478.
- S. Gregorius Nazianzenus nullo fuerat modo ab audacissimo Barbeyracio carpendus; iccirco, quod docuerit prohibendos fore hæreticorum conventus p. 15. Romanum Pontificem totius Orbis Præsidem S. Doctor prædicavit: a toto Orbe cum Pontifice fore in fide commu-
- nicandum, & conveniendum: ac in totum Orbem Pontificis potestatem extendi, & exerceri p. 187.
- S. Gregorio Nissenso intime persuasum erat a S. Petro, ac subinde ab ipsius Successoribus Romanis Pontificibus in Episcopos omnes subiectos potestatem dimanare p. 190.
- Grotius Hugo Rivetum traditiones pernegantem rite perstringit, efficaciterque exagitat p. 9, & 111; nec non Protestantes in S. Scripturæ interpretatione traditionem temere rejicientes *ibidem*. Ipse tamen S. Augustinum pro intemperanti suo ingenio quam superbe, tam falso arguens culpæ in interpretatione unius, alteriusve loci S. Scripturæ, multo nomine criminationis, & audaciz crimine se irretivit p. 110. Eodem peccati genere se polluit Gerardus Vossius *ibidem*. Præterea Grotius, Leibnitius, & Blondellus Ecclesiasticam Monarchiam, hoc est Pontificis Primatum lege Ecclesiastica, non divina obtinuisse obgannientes dectis se irridendos, & castigandos propinant p. 665.
- Guigo Carthusianus, illustrisque ejusdem instituti Monachi Summus Pontificem summo honore, supremoque loco habent p. 348, & seqq.

H

Hæretici plerique commenti e pravo ingenio suo sunt Apostolus omnia prorsus a Christo Doretenus accepta litteris demandasse, nec quidquam ab his sola traditione Ecclesiæ commendatum pag. 9, & seqq. SS. Patrum catalogum ultra Sæculum VI. Ecclesiæ protrahendum

Y y y 3

dum non esse quam impudenter, tam falso pugnant p. 15. Ab hac ætate, ac deinceps Patres a vera doctrina immaniter deviasse impie perinde obgannunt *ibidem*, & seq. In SS. Patres imo primævæ Ecclesiæ infane deserviunt, iniqueque debæchantur p. 16; quum nempe suis erroribus infensos illos experiuntur; quum vero sibi propitios fingunt, præconiis excipiunt: hinc inde horum, & illorum specimina exhibentur *ibidem*. S. Scripturæ divinam auctoritatem traditione obtinere, tenerique ab se istam traditionem fatentur, & profitentur p. 22. & seq. Sacramentorum numerum mox contrahunt, mox extendunt p. 24. In Eucharistiæ dogmate adstruendo cum Occidentilibus convenire Orientales ultrocitroque concedunt ex iis eruditiores Crusius, Sandius, Grotius, Forbessius, Danavertius, Allixius, de Vigne, Bootius. Schroderus, Olearius, Ricautius &c.; quorum potior fides, quam Spanhemii, & Smithæi habenda est p. 27. Quid imo, quod plerique, ut Johannes Hus, ut Hieronymus Pragensis, ut Melancthon, ut Mornæus in Eucharistia transubstantiationem fieri non inficiantur, aut inficiari non posse saltem admissa Christi præsentia in Eucharistia pugnant, uti Zuvinglius, uti Beza, uti Lutherus, uti Ursinus? p. 38.

Hæreticos non nisi pro impietate ingenium incessit abrogandi Missam privatam, atque pro impudentia pertrahendi eum pariter in errorem SS. Patres, hoc Luthero, Calvino, Zuvinglio, Kemnitio &c. apprimè ad saporem fecit p. 24.

Commentantur, & calumniantur,

dum veterem semper retentum fingunt usum communicandi laicos sub utraque specie, ut exinde Romanam Ecclesiam in invidiam vocent, quod laicis eum usum deinceps interdixerit p. 53. Ex S. Scriptura susque deque versa in suorum patrocinium errorum testimonia quærere familiare ipsis, frequensque fuit p. 100, & 105. Hæreticos traditione potissimum aut profligarunt, aut profligandos SS. Patres docuerunt, & demonstrarunt *ibidem*. Ex hæreticis plerique traditione oppressi victis dederunt manus, plerique ex adverso traditione hæreses suas confirmare non erubuerunt. Ita Manichæi, Pelagiani, Lutherani, Calvinistæ, Sociniani, Ieonomachi, Jansenistæ &c. p. 106, & seqq. Alii dogmata multa traditione dumtaxat obtinere, eademque ab se admitti confessi sunt. Ita Smithæus, Basnagius, Drusus, Grotius, Piceinius &c. p. 112. Alii Patrum traditionem non facile posthabendam fassi sunt. Ita Lutherus, Calvinus, Melancthon, Brentius, Chamierus, Zanchius, Kemnitius, Marloratus &c. *ibidem*, & seq.

Hæreticis promiscui generis pestilentissimi qua veteribus, qua recentioribus, quibus in hæresis luto hædere lubuit, SS. Patrum doctrinæ obfistere solemne fuit semper p. 113, & seq. Iis pœnas infligendi in potestate Ecclesiæ est, illosque imo potestati laicæ capitali pœna plectendos contradari & probatur id ex S. Scripturæ locis, ex SS. Patrum traditione, ex Pontificum M.M. testimoniis, ex Principum legibus, ex historiarum monu-

men-

mentis, ex hæreticorum imo as-
sertionibus; ex quibus, qui hoc
præfæctæ inficias eunt, profligan-
tur p. 156, & seqq. Per commen-
tum, & per calumniam nonnullos
errores S. Cypriano appingunt,
atque ex Cypriano quam temere,
tam perpetam occasionem arripiunt
Pontificibus Summis invidiam,
injuriæque inferendi p. 257,
& seqq., 267, & seqq.

Hæreticorum quinam, & quot sive
ex antiquis, sive ex novatoribus
Præfatum Romani Pontificis aut
divino ure institutum inique infi-
cientur; aut a sæculi Potestatibus
inductum commenti sint; aut pe-
nes sæculares Potestates integrum
stare contendunt: quinam ex adver-
so ex Protestantibus contra ipsos
pugnent p. 409, & seqq. Quinam
incumbant in id, ut Ecclesiæ Hie-
rarchiam, & Monarchiam aut sub-
ruant, aut tuæeant non jure di-
vino, sed institutione dumtaxat hu-
mana, eaque ecclesiastica, aut ci-
vili, atque sero sine invaluisse p.
664, & seqq. Hæc pestes graphice
descripsit Jacobus Rex Angliæ
ibidem. Hæc pestes ad oppugnand-
as, non secus ac Schismaticos un-
de potiora arma desumpserint
Theologi nostrates p. 670, & seqq.
Hæc pestes pro officio nullo non
tempore proscripserunt Romani
Pontifices, post quorum judicium
Ecclesia universa execrata semper
est p. 668, & seqq.; 682, & seqq.

Hatto Moguntinus, & Theotmarus
Juvavensis Romanum Pontificem
summo in pretio habent, & sum-
mis præconiis ejusdem potestatem
celebrant p. 338.

S. Hegesippus cum Episcopos consilii
causâ Romam proficiscentes col-

laudabat, tum ipsemet, ut de
Romanæ Ecclesiæ doctrina edoce-
retur, Romam aliquando contem-
dit p. 178.

Henricus I. Auceps denominatus a
studio Religionis amplificandæ, &
Romanæ Ecclesiæ exaltandæ dictus
est jure *Ducus Religionis Christianæ*
p. 451.

S. Henricus II. Benedictum VIII. P. M.
tyrannice gradu, & Urbe depul-
sum, Urbi, & gradui redintegra-
vit; ei sacramenti religione se
devovit, ac dominia a suis decess-
soribus tradita confirmavit p. 452.
Pari officio pietatis cum Benedic-
to IX. defunctus est Conradus II.
ibidem.

Henricus III. Clero Romano auctor
fuit, ut Clementem II. eligeret,
a quo ipse dein Imperiali diadema-
te redimiretur p. 453.

Henricus IV. Pontifici jubenti paren-
di sibi onus incumbere, factorum
suorum, ac fidei reddendi ratio-
nem intellexit. Investituræ non
modo, sed & Imperii insignia ad
ipsius jussu dimisit p. 453, & seqq.
Ita etiam Henricus V. *ibidem*.

Henricus VIII. Rex Angliæ dum ad-
huc recta saperet, egregie adeo
adversus Lutherum Romani Pon-
tificis dignitatem, Præfatumque
defendit libro adornato, ut *Defen-
soris fidei* illustri titulo a Leone X.
fuerit exornatus p. 474, & seqq.,
ac 670.

Hieremias textum cap. 1. vers. 10. po-
testati Romani Pontificis quinam
accommodaverint p. 371.

S. Hieronymus ab impaço impuden-
tissime a Blondello, Salmasio, &
Grotio errore de æqualitate Epi-
scopi, & Presbyteri vindicatur
p. 110. Nunquam jurandum esse
S. D.

S. D. non docuit: id injuria ipsi Barbeyracius affricuit p. 166. Dum tamen docere visus est urgente, castitatis discrimine licere sibi mortem consciscere, deserendus est, aut verius rite explicandus p. 167. Sua sententia Romanæ Ecclesiæ fides immobilis, & illibata manebit, & permanebit: in Romani Pontificis communione, & sententia standum, & perslandum: Pontificis judicium inconcussum consistit, Episcoporum ceterorum ipso jubente consistit, aut cadit p. 301, & seqq.

Hierosolymitana Ecclesia Videtur V. Ecclesia, & Græca Ecclesia.

S. Hilarius Arelatensem ad morem gerendum S. Leoni M. lege lata, adegit Valentinianus III. S. Hilarii historiam ab hæreticis confectam Baronius, aliique docti ostendunt p. 427, & seq. S. Hilarius præ S. Leone potioris causæ fuisse, jureque præpotem Quesnellus falso affirmat, recte Papebrochius negat *ibidem*.

Hilarius Pragensis, et Hieronymus Aleander sive adversus Hussitas, sive adversus Lutheranos invictissimis momentis Primatum Romani Pontificis adstruunt p. 670, & seq.

S. Hippolyto Martyri libellus de 72. Discipulis Christi D. attributus dubiæ admodum auctoritatis est p. 492.

Hispaniarum, ac Portugallæ Reges Sedi Apostolicæ speciali devotione se dediderunt p. 461, & seqq. Qui eorum primus Romanæ Ecclesiæ nomen dederit; qui eidem Regnum suum vestigale fecerint p. 462. Qui sancitum censum persolverint, detrectantes vero ad persolvendum fuerint compulsi; qui leges suas

ad Romani Pontificis oracula composuerint, placitos ei ritus in suum Regnum transferre curaverint; fidei sacramento ei speciatim se obligaverint, ac regio diademate redimiri impetraverint *ibidem*. Qui ob crimina censuris irretiti Pontifici facere satis obnixæ studuerint; loco suo a Pontifice fuerint confirmati; illisque dominia amplificandi, & adaugendi facta facultas p. 463, & seqq. Quo studio in novas regiones dominii sui adjectas cum Religione christiana summam erga Romanam Ecclesiam devotionem ingerere adlaboraverint p. 465. Quanta imo erga Episcopos devotione, ac demissione ferrentur *ibidem*. Quinam eorum, primus ab Episcopis Rex consecratus fuerit p. 466.

Honorius Imperator erga Pontifices MM. devotione, & observantia quammaxime affectum se præbuit. Illorum decreta maximi faciebat, atque ut a cunctis fierent maximi enixe satagebat. Ab Episcopis omnibus ut decreta illa subscriberentur, primus jussione sacra, exemploque suo auctor fuit. Quod si erga S. Bonifacium minus æquum aliquando se præstitit, excusandus profecto, quia deceptus; quippe deceptione comperta, religiose ad officium rediit. Denique ut Illyricum Pontificis jurisdictioni restitueretur, Theodosio, qui illud abstraxerat, fuit auctor p. 422, & seqq.

Hugo Victorinus ea de Romani Pontificis prærogativis, adeoque liquida adstruit, ut Pontificem Concilio auctoritate præstare, atque a fide deflectere non posse ex ejus sententia sit consequens p. 349, & seq. Hun-

Hungariæ Rex S. Stephanus omnium primus Christianis sacris institutus nihil habuit antiquius, quam ad Romanæ Ecclesiæ ritus colendos gentem universam adducere p. 481.

A Romano Pontifice ea propter diademate regio insignitus est, aliisque privilegiis, & insignibus adausus p. 482. Hungariæ Regnum in Romanæ Ecclesiæ clientelam fuit transcriptum, factumque vestigiale. Quinam ex Regibus hisce specialiori observantia Romanæ Ecclesiæ studuerint, viceque mutua eidem acceptissimi evaserint *ibidem*, & seq.

I

Iacobitz, ipsorumque Patriarchæ quammaxime in Romani Pontificis communionem, fidem, & obedientiam se se trasferere officio, religionique habent pag. 217, 218, 225, 228, 233, 237, 239, & 240.

Jacobus IV. Rex Scotiæ ob egregiam operam ad Wicelianiæ hæresis reliquias e Regno eliminandas exaltantatam a Julio II. illustri titulo *Protectoris fidei* fuit insignitus p. 480. Jacobus II. Stuartus ab invicta fide, ac fortitudine, quæ Romanæ Ecclesiæ Religioni post posuit Regnum eximilis laudibus a V. Innocentio XI. fuit exornatus *ibid.*, & seq. Comenta, & calumniæ sunt autem, quæ in eum nequiter ejacularunt Thoyrasius, & Burnetius *ibidem*.

Jamæsius Thomas perperam suadere enixus est SS. Patrum textus fuisse interpolatos: interpolandos potius duxerunt Duplexius Moræus; Jacobus Hailbronnerus &c. p. 114.

Jansenius ex S. Scriptura, & Traditione utrumque Romani Pontificis privilegium, supremam scilicet potestatem, ac in fide infallibilitate basilice adstruit p. 619.

Japoniæ regiones S. Francisci Xavierii, ac Missionariorum Soc. J. potissimum opera Evangelicam lucem adspexerunt; atque tres earum Reges ad Romani Pontificis obedientiam, obsequiumque adducti; de quo plane ipsis persuasio quam approba fuerat inspirata p. 508, & seqq.

S. Ignatii Martyris epistolæ quænam genuinæ, & quæ pseudo-epigraphæ: quasnam inficias eant Protestantibus, & quas orthodoxi vindicent p. 10, 176, & seq. Insignis ex eodem locus de Romana Ecclesia expromitur *ibidem*.

S. Ignatius Constantinopolitanus Romanum Pontificem in S. Petri persona a Christo D. constitutum fuisse indeficientis fidei vindicem, & assertorem, hæresum vero interemptorem, & exterminatorem fatetur, & proficitur p. 209.

Illyrici Ecclesiæ ad Pontificis jus Patriarchicum olim pertinebant p. 199.

Illyricus Flaccus Videtis V. Nilus. Imagines Sanctorum loco Reliquiarum, quibus carerent, sufficere priscis Christifidelibus solemniter erat p. 87, & seqq. Imagines Dei, & SS. Trinitatis usu vetustissimo, etsi minus frequentato certas ob causas: item Christi D. sub varia specie, usuque frequentiori: Synodorum generalium etiam, gestororumque aliorum in Ecclesia celebriorum picturis, ac musivis exprimi consuebant p. 88, & seqq. In his insigniores habentur Imagines,

ues Conciliorum in Romanis Basilicis designatz *ibidem* : nec non diversæ Christi D. Imagines cum Romanæ, tum alibi servatz p. 39. Novatorum plerique SS. Imaginum religioni infensos, infestiosque agere SS. Patrum quamplurimos non veriti dignis pro temeritate vapulant p. 107, & seq. Videſis V. Reliquia.

Imperatores qua Orientis, qua Occidentis nihil antiquius habuere, majorique in pretio, quam Romani Pontificis dignitatem, summamque potestatem defendere, & colere; fidei dogmata ab eo edita submiſſe amplecti, jurisdictionem in Ecclesia integram eidem dimittere, officioque omni observantiz, obsequiique eidem se dedere p. 413, & seqq. Quid imo quod Græcorum Imperatores post schisma a Cerulario instauratum sæpe sæpius ad Romanæ Ecclesiæ communionem adspirarunt, Romanoque Pontifici æquas accomodarunt aures, aut fidei sacramento dederunt se se? p. 448, & seqq. Quid autem quod Latinorum Imperatores, antequam inaugurarentur, Romano Pontifici fidei professione devovere se se debebant, atque ad defensionem Pontificis dignitatis paratissimos exhibere? p. 452, & seqq.

Imperium Occidentale quo anno ab Augusto fuerit institutum, quoque in Augusto demum defecerit. Orientale vero quo anno inchoatum a Constantino M., & quo sub Constantino Palælogo desierit. Occidentale instauravit deinde S. Leo III. P.M. in Carolo M. Apud Francorum gentem quot annis permanſerit; & quando ad Germanos tandem pertransiverit p. 450, & seqq.

Indulgentiæ sub dèvexiori ætate inductæ non sunt, sed quam Ecclesia, tam antiquæ p. 72, & seqq. Earum specimina elucent ex disciplina Ecclesiæ remittendi pœnas, ac relaxandi pœnitentias ad preces Martyrum, aut condonandi gravissimas ob causas, aut commutandi in alia opera pia, cogita peregrinationes, elemosynas, suffragia, missas, stationes, expeditiones sacras adversus Turcas, schismaticos, hæreticos p. 73, & seqq. Particulares sæculo VIII. in usu magis venerunt: pro Defunctis sæculo IX. largiri consueverunt p. 74. Plenariæ sæculo XI. concedi cœperunt p. 75. Stationibus Romanis quando, & a quo adfixæ: quæ, & quot olim apocryphæ *ibidem*. Episcoporum in potestate olim positum erat indulgentias elargiri, quæ postea circa sæculum XIII. coarctari intra orbitam coepit p. 76, & seqq.

Indulgentiarum loco venerunt subinde Cruciatæ, quarum exordium in sæculum XII. conjicitur, elenchus vero exhibetur p. 77. Inter Indulgentias locum illustriorem obtinent Jubilæa, quorum institutio Bonifacio VIII. debetur accepta, brevis autem series attingitur, non secus atque earum, quas Pontifices MM. Locis sacris, Religiosis Ordinibus, aliasque ob causas largiti leguntur, quemadmodum a Conciliis etiam concessæ commemorantur *ibidem*. De Indulgentiis doctrina illibata quidem apud Orientales permanſit, sed minus frequens earumdem usus, qui postea turpem in abusum transiit p. 78. Pontifices Romani a Protestantibus sacrilegii circa Indulgentias

tias insimulati vindicantur *ibidem*.
Indulgentiis, ut vivis profint, adne-
 scere oportet alia peculiaria satis-
 factionis opera; quod multis, so-
 lidisque momentis suadet, osten-
 ditque doctiss. Amort *p. 79; & seq.*
 Defunctis autem indulgentias pro-
 desse quidem per modum deprecationis,
 non etiam per modum ab-
 solutionis non minori eruditione
 idem auctor demonstrat *p. 80, & seq.*
 Applicari defunctis a Pontifice
 an possint Theologi nonnulli
 haud rite dubitarunt: pendere ve-
 ro ab acceptatione Dei arbitraria
 docent illustriores Theologi *p. 81, & seq.*
 Indulgentias inutiles te-
 mere traduxerunt Novatores, imo
 ex orthodoxis non nemo; sed ii
 nullo audiendi modo sunt *p. 108.*

Innocentius III. Bulgarix Principem
 dici deinceps Regem indulxit, in-
 signibus aliis cohonestavit, non se-
 cus atque Trinontanum Archiepi-
 scopum, acceptis vicissim Archie-
 piscopi, & Regis fidelitatis sacra-
 mento, ac Regno in clientarem
 sponsonem *p. 493, & seq.* Arme-
 niz Regem simili honore, aliisque
 insignibus, sed sub eadem lege il-
 lustravit *p. 495.*

Johannes II. P. M. in controversia
 Acæmetas inter, & Scythas agita-
 ta ab Orientalibus de judicio ex-
 postulatus supremo jure dijudicat,
 & decernit *p. 321, & seq.* Illius
 rescriptum ad Justinianum ab illo
 insertum Cod. de Sum. Trinit. a
 Jurisperitis nonnullis, ac nomina-
 tim ab Orthomanno Calvinista sup-
 posititiis ad censuratum, tanquam le-
 gitimum rite ab aliis defenditur
p. 438.

Johannes Constantinopolitanus hujus
 nominis II, Epiphanius ipsius suc-
 Pars I.

cessor, Johannes Nicopolitanus,
 necnon in Epiro Episcopi officio
 ducunt Pontifici M. fidei suæ ra-
 tionem reddere, sacrorum confor-
 tio conjungi, ab eo gradum sibi con-
 firmari obsecrare, ejusdem man-
 datis religiose obaudire, de fide
 edoceri petere, ipsius fidem loco
 indefectibilis ponere, eique obe-
 dientia, & observantia devovere
 se, & devincire *p. 196, & seqq.*

Johannes dictus Jejunator, nec non
 Cyriacus ejus in Constantinopoli-
 tana Sede successor Apostolicæ Se-
 di cum appellandi jus integrum di-
 mittunt, tum fidei suæ rationem
 submisit deferunt *p. 202.*

Johannes VI. Constantinopolitanus Pa-
 triarcha, quem Monothelitica la-
 be una cum Andrea Cretensi, &
 Germano Cyziceno perperam as-
 pergunt nonnulli, Pontifici fidei
 suæ, gestorumque accuratam ra-
 tionem reddit, veniam exorat, &
 communionem exoptat: supremas
 partes desert, ac in fide ceteros
 confirmandi munus *p. 205, & seq.*

Jonas Secusienfis absque schismatis
 nota ab Apostolica Sede desciscere
 nemini licere quam liquido tam
 recte docet *p. 325.*

S. Irenæus Romam profectus SS. Mar-
 tyrum Lugdunensium nomine,
 S. Eleutherum P. M. de causâ Ca-
 taphrygum consuluit; de statu Ec-
 clesiæ Lugdunensis, & Viennensis
 commonefecit: Romanæ Eccle-
 siæ Primatum super alias detulit;
 ab ea in subjectionem omnes potesta-
 tem exerceri dignovit; cum eadem
 Ecclesiis ceteras communicare, &
 convenire debere dixit; in eadem-
 que fidem integram, intemeratam-
 que mansisse, & permansisse, exin-
 deque in Ecclesiam omnem mana-

re, & promanare docuit p. 179, & seq. Qui alienum in sensum illustrem S. Irenæi locum inflectunt, repelluntur, celebrantur e contra, qui recta eundem locum accipiunt p. 180, 564, & seqq.

Isacius Hierosolymitanus, Baronio Hefychius, S. Gregorio M. deditum se effecit, edoctusque ab eo factus est de necessitate cum Romana Ecclesia communicandi, & consentiendi p. 202.

Isaïas Hierosolymitanus summisso obedientiz, obsequiique animo erga Pontificem erat affectus p. 225.

S. Isidorus Hispalensis sicuti S. Petrum Apostolis prælatum, Ecclesiæque Primatem, sic Romanum Pontificem Episcopis omnibus gradu præminere, ac Conciliis auctoritate præstare sensit, & scripsit; eique probe in sententia par fuit S. Leander frater p. 322, & seq.

Jurandi falso, perperam, ex levitate animi, ob res leves, per creatas res, per falsa Numina, per homines, per semetipsum occasionem omnem a priscis christianis amoliri veteres Patres enixe curabant p. 166.

Juricus, Callixtus, & Muscus e Protestantium grege Ecclesiasticam Hierarchiam, ac Monarchiam Pontificis seculo III. dumtaxat inducunt blaterant p. 665.

Justinus Imperatorum primus a Romano Pontifice diademate redimitus legitur. Pontificis curæ esse assensus Ecclesiarum rebus prospicere agnovit. Pontificem supremo jure supra Patriarchas potiri; si deque quæstionibus finem imponere ad eum pertinere: Pontificis dignitati submittebat Imperatores fasces fore: Pontificis decreta

adversus hæreticos facta, & testia servanda p. 434, & seqq. Christianam rem apud Persas, Saracenos, Homeritas, & Colchos egregie procuravit. Anaphabetus fuit, non autem Justinianus, ut Baronius autumavit p. 435, & seq.

Justinianus Imperator non nihil in Pontifices MM., & Ecclesiasticas regulas, ac personas deliquit. In hæresi Aphtardocetarum obiit, quod inficiatus est perperam Cranchantorpheus p. 436, & seq. Pontificem nihiloscuius supremo potestatis gradu in Ecclesia habuit, eoque ipsius fidem loco, quo decidere nullo posset modo; ideoque ipsi de fide edocenti omnino obediendum fore, fidei suæ rationem ab omnibus reddendam, fideique quæstiones omnes ab ipso dirimendas p. 437, & seqq. Ab Othomanno temere traductus violatæ religionis, quod Pontificis potestati fuisset insensis; ab aliis vero insimulatus usurpati juris, quod de rebus, ac personis Ecclesiasticis pluribus legibus sanxisset, excusatur; quo vero sensu dixerit Ecclesiam Constantinopolitanam Ecclesiarum caput explicatur; a studio demum amplificandæ rei christianæ apud Herulos, Hunnos, & Abasgos commendatur p. 440, & seq.

Justinianus Junior vel in eo, quod inique contra Pontifices egit, quanti pretii auctoritas Pontificis esset, palam fecit; dum videlicet per vim a S. Sergio I. Trullanis Canonibus assensum ut adhiberet, voluit extorquere p. 443. Canonum illorum confirmationem, qui Romanæ Ecclesiæ ritibus non essent contrarii, a Constantino Papa impetrasse, dein-

deinde conjicit Christianus Lupus
ibidem.

L

Lactantius bellum Christianis haud
licere non docuit p. 151 : nec
docuit Christiano neu licere mer-
caturam exercere , aut accusare al-
terum crimine capitali p. 152. In
Lactantium parum æquos se præ-
buerunt Barbeyracius , & Salma-
sius ; Petavius , & Natalis *ibid*.

Ladislaus posthumus Hungariz Rex
Pontificem Meximiis laudum præ-
coniis affatus est ; a quo postmo-
dum si ad appellationem interpo-
nendam se pronum ostendit , non
ex propria , sed ex pessima aliena
perperam id egit persuasione ,
p. 483 , & *seq.*

Ladislaus Walachiz Princeps redin-
tegrare cum Romana Ecclesia Bul-
garos , Cazaros , & Blachos obni-
xe studuit p. 495.

S. Lanfranci intima persuasione Ro-
mani Pontificis auctoritas potissima
est in Ecclesia ; nec ejusdem fides
potest deficere p. 343.

Latini generis Doctores , Scriptores
Ecclesiastici , ac Theologi scholastici
a S. Bernardi ætate , ac deinceps
ingenti numero Romano Pontifici
in persona S. Petri primas in Ec-
clesia partes supra Synodos , atque
dum Ecclesie de fide edicit , in fide
infallibilitatem ultrocitroque Jetu-
lerunt p. 353. & *seqq.* Post SS. Pa-
tres eminent inter eos V. Petrus
Cluniacensis ; Auctor altercationis
synagogæ , & Ecclesie p. 357 & *seq.*
Petrus Lombardus ; Anselmus Ha-
velburgenfis p. 359 , & *seq.* ; Po-
tho Prumienfis ; S. Hildegardis

p. 361 , & *seq.* S. Ælredus Rievel-
lensis ; Hugo Eiharianus p. 363 ,
& *seq.* S. Thomas Cantuariensis ;
Johannes Saresberienfis p. 365 , &
seq. Godofridus Viterbiensis p. 367.
Eskilus Lundenfis ; Absalon Ro-
scilderfis , Guillelmus Maniacen-
fis p. 369. S. Petrus Tarantasiensis ;
Joachim Abbas ; Johannes Ser-
vecha p. 370. & *seq.* Albertus M.,
S. Richardus Cicerstrenfis , Henri-
cus Hostiensis , Pantaleon p. 372 ,
& *seq.* S. Thomas p. 374 & *seqq.*
Johannes Tarentinus p. 376. S. Bo-
naventura p. 379 , & *seqq.*

Latinis hisce parcs in sententia stete-
runt S. Raymundus de Pennafort ;
Reynerus Pisanus p. 382 , & *seq.*
Anonymi duo apud Raynaldum
p. 385 , & *seq.* Nicolaus Lyranus ;
B. Petrus Thomas Carmelita p. 386 ,
& *seq.* Johannes a Neapoli ; Ale-
xander a S. Elpidio p. 388 , & *seq.*
Lupoldus Bambergenfis ; Alvarus
Pelagius p. 389. Thomas Argenti-
nas ; Baldus de Ubaldis ; Johannes
Hildeshemenfis p. 390 , & *seq.* Tho-
mas Bradvvardinus ; Nicolaus Æy-
mericus ; Johannes de Turrecre-
mata ; Johannes de Montenigro ;
Franciscus Picus p. 391. S. Lauren-
tius Justinianus ; Nicolaus Cusa-
nus ; Dionysius Carthusianus p. 392.
S. Johannes a Capistrano ; S. Ber-
nardinus Senensis p. 393. S. Anto-
ninus p. 394. B. Angelus a Clava-
sio p. 396 , & *seq.* Hilarius Pra-
genfis , S. Vincentius de Pauli p. 397.
& *seq.* Ad quos accedunt Scripto-
res alii in jure sive theologico , si-
ve canonico , ac doctrina , aut di-
gnitate conspicui innumeri , quo-
rum exhibetur elenchus p. 398 ,
& *seqq.* Ex quibus plerique adver-
sam opinionem diversis ignominiz

zzzz a notis

notis afficere non dubitarunt *p. 407, & seq.*

Launosus, Dupinus, & Lombertus SS. Cyprianum, & Stephanum P. M. in errores directo oppositos pariter fuisse prolapsos, ac S. Cypriani opinione S. Stephanum in fide errasse commenti, ac calumniati refutantur, & refelluntur *p. 268, & seqq.* S. Thomam pro Pontificis suprema potestate, ac infallibilitate stetitisse falsus est quidem, sed perinde S. Doctorem opere subditio S. Cyrilli deceptum causari non veritus castigatur *p. 375.* Ex facto Donatistarum perperam inferens a Pontifice ad Concilium posse appellari corripitur *p. 419.* Ecclesiæ definitionem a Bellarmino traditam temere exagitant redarguitur *p. 667, & seq.*

S. Leander. Vide S. *Isidorus*.
Leibnitius. Vide V. *Grotius*.

Leo Imperator Pontificis esse de fide quæstiones definire, e re vero sua a Pontifice latas leges executioni demandare probe habuit perspectum *p. 430, et seq.*

Leo Isaurus S. Gregorio II. fidei suæ professionem nuncupat. Eodem in SS. Imagines deserviente de ope, operaque petenda a Romano Pontifice consilium captum a S. Gregorio Decapolitano est, delecto ad id officii obeundi S. Josepho hymnographo *p. 444.* Pontificem Mæx adverso in partes suas pertrahere e re sua summo opere existimant, atque Imaginibus, si fieri posset, facere infensos frustra enixi sunt Michael Balbus, & Michael III. Imperatores *ibidem*.

Leo Sapiens precibus accumulati Styliani Neocæsareensis Antistitis Canonum relaxationem a Step-

no V. obnixè deprecatur; quam postea veniam certis sub legibus fecit Formosus. S. Petrum, ejusque in persona Romanum Pontificem vice Christi in Ecclesia Principem, ac fidei Magistrum positum egregie prædicat *p. 446, et seq.*

L' Herminier Nicolaus eo processit audaciæ, ut a S. Augustino locum productum ex S. Scriptura SS. Patrum traditioni adversum affirmaret; quomodo se gravissima reprehensione dignum exhibuit *p. 100.* Liberati sententia Pontificis Romani partes in Synodis, ac præ Synodis potiores longe sunt; supremumque jus est in causis sive ad Episcoporum judicia, sive ad fidei articulos attinentibus *p. 321, et seq.*

Litaniz, processiones, alizque publicæ Ecclesiæ preces a Majoribus nostris magno cum fructu frequentabantur. Ex Litaniz aliz olim denominabantur ternariæ, quinariæ, & septenariæ, prout ter, quinquies, & septies a Choris distinctim repetebantur *p. 61, & seq.*

Lithuanorum Dux Mindanus sacris nostris expiatus extemplo S. Romanæ Ecclesiæ cultui se demisit, eique dominium suum clientare dedit *p. 487.*

Lotharius II. non antea Imperium inire voluit, quam ab Innocentio II. juberetur *p. 454.*

SS. Lucæ, & Matthæi illustria loca de S. Petro de Romano Pontifice pariter acceperunt SS. Patres *p. 189, 605, & seqq. 610, et seqq.*

Luitprandus Papam in toto Orbe Ecclesiarum, & Sacerdotum omnium Caput lata lege declaravit: ad S. Gregorii II. pedes demissus se abjecit *p. 458.*

Lupus Christianus scite observavit per-

perrarum fuisse olim apud Orientales Indulgentiarum usum ; post Turcicam vero captivitatem ab Orientalibus passim in abusum converti coepisse p. 78. Utiles pro vivis, & defunctis egregie defendit p. 108. Ex quodam loco S. Cypriani de Decio Imperatore Romani Pontificis dignitatem illustrandi ap. poste occasionem assumpsit p. 413. Lutherus primum a Nuncio ad Papam, deinde a Papa ad Papam, post a Papa ad Concilium, præterea a Concilio ad sacram Scripturam, ab hac ad proprium sensum, sic ad seipsum circumumdo appellavit p. 680. Lyserus. Videbis V. *Thomafius*.

M

Mabillonius, sive Mabilio, scuti pronuciari ex gallicæ linguæ inflectione jubet Papebrochius, coarguendum se præbet, dum scribit se ante sæculum XIV. non legisse exempla Presbyterorum, quia sua confiterentur peccata p. 60. Quando Indulgentiæ particulares obtinere cœperint, ac pro Defunctis concedi recte observat p. 74. Cum Musantio certas Ecclesias visitantibus concessas Indulgentias ante Sæculum XI, imo Sæculo IX. ostendit p. 76.

Mahometes Deum Holosphryon impie affirmabat, hoc est nec genuisse, nec genitum. Anathema in Deum Mahometis a Græcis descriptum ex tabulis catecheticis expungi volebat Manuel Comnenus ; sed Græcis repugnantibus causam ad Romanum Pontificem referendam duxit p. 448.

Maimburgus celeberrimus S. Augustini locum de suprema, ac irreformabili Sedis Apostolicæ sententia quam perperam, tam pessime interpretatus est. Nec ab eo multum abluunt de Withe, alique Anonymi p. 308, & seqq. Ex Gallicanæ Ecclesiæ veteri persuasione rite affirmavit Pontificem Concilio superiorem p. 620.

Mamachius vir doctiss. ob egregiam operam vindicando SS. Virginum, ac Martyrum honori, cui vulnus non leve inflixerat P. Martinus Bened., impensam præconii multis dignum se præstitit p. 167.

Marcianus Imperator Conciliorum indicendorum jus ad Pontificem attingere, inque iis finitivam proferre sententiam, aut prolatam confirmare professus est. A Valentiniano latam legem Ecclesiasticæ libertati incommode abrogavit. Ephesinam pseudo-Synodum, ac Theodosii legem ejusdem approbatricem devovit. De Ecclesiasticis causis cognoscere, ac dijudicare Episcoporum esse affirmavit p. 428, & seqq.

Marianus, alique Monachorum Archimandritæ Pontifici M. potestatem abdicandi Patriarchas, hæreticos abjiciendi, universæque Ecclesiæ prospiciendi attribuunt p. 200, & 205.

Maronitæ, sive Monachi secundæ Syriæ in præconia quam vera, tam sincere effusi Pontificis Romani divinas prærogativas expromunt, & efferunt p. 198, & seqq. Maronitarum Patriarchæ Romanis Pontificibus obsequio, & obedientia sese mancipare officio, religionique ducunt p. 213, 216, 218, 224, 225, 226, 229, 231, 232, 235, 238, 239, & 241. SS. Mar-

SS. Martyres innumeri, & illustres passionibus suis, sub persecutoribus Ecclesiam exornarunt; quorum numerum imminuere temere ausus est Dodvellus: sed viris doctis iustas pœnas dedit p. 171. & seq.

Matrimonium in Evangelica lege ad Sacramentigradum a Christo D. fuit erectum. Ratum, non consummatum religiosa professione dissolvitur. Ipsius impedimenta jampridem ab Ecclesia inducta sunt. Clandestina olim etiam improbat. Sacerdotis benedictio antiquitus item adhibita. p. 28, & seq. Matrimonii iuribus, ac legi naturæ haud adversari sive concubinatum, sive polygamiam obtrudentes impurissimi Protestantes nunc vehementer in errore versantur *ibid.*

Maurorum Reges, sive Saracenorum Soldani, ac Turcarum Principes aliquot de re Christiana a Romano Pontifice instrui obsecrarunt, eisdemque obedientia, & fide se obstrinxerunt, imo Religiosis Ordinibus nomen dederunt p. 499, & seq.

S. Maximianus Constantinopolitanus Antistes Romanum Pontificem loco potiori auctoritatis, ac infallibilem prorsus habuit p. 191.

S. Maximus Abbas, & Martyr Apostolicæ Sedis auctoritate potissimum adversus Monothelitas decernat. Eiusdem Sedis una sententia fidei causas finiri docet: nec eadem inconsulta, aut invita Concilium indicere licere, ac legitime celebrare: eandem denique in errorem labi, ac incidere in hæresim nequire omnino dicit; qua in sententia pariter hæsit Anastasius ipsius discipulus p. 202, & seq.

Meletius cognomento Pegas superbia; fastique suo in causa fuit, ne Rutheni ad sacra nostra remearent p. 250. Ob id laudibus exornatus est a Lutheranis, & Calvinistis: a Calvinismi tamen labe ipsi impacta a Claudio, & Hottingero abtergunt Allatius, & Bandurus p. 251.

Missa verum, ac proprium Sacrificium est, atque latrenticum, & eucharisticum non modo, sed etiam propitiatorium, & impetratorium; ideoque jure, meritoque Deo offertur tam pro vivis, quam pro defunctis, sicuti jugi, unanimique tradunt sententia SS. Patres quæ Græci, quæ Latini p. 39, & seqq. Missas privatas olim frequentatas fuisse liquido adparet ex veterum testimonio, & exemplis, ex Ecclesiarum vetusto usu, & ritu vario, nec non ex historiarum Ecclesiasticarum monumentis p. 43, & seq. Videtur V. *Communio* & V. *Eucharistia*.

Missorius Raymundus S. Cyprianum ab errore anabaptismi omnino absolvit, eique epistolas omnes errore isto asperfas abjudicat, idipsum de Firmiliano affirmans. Laude dignum ipsius quidem studium est, nec contemnendæ prorsus conjecturæ; veritatem attamen propius attigisse non videtur p. 270, & seqq. Missorio in sententia anteivit Tourneminius, adhæsit deinde du Mesnil *ibidem*.

Molinæus Petrus S. Cyprianum Anabaptistis adnumerare pro temeritate ausus est summa, sed acerrimam calumniæ reprehensionem meruit vel a Salmasio, Casaubono, & Fello p. 111.

Monastici instituti origo Apostolicæ traditioni accepta est referenda: id ex vetustis monumentis, ac veterum

rum

rum testimoniis cumulatissimis sit constantissimum *p. 64, seqq.* Monachos attamen in ceterum non convenisse ante ævum III. Ecclesiæ verisimilius est *p. 66.* Monachis transigendæ religiøsæ vitæ regulas omnium primi conscripserunt Sæculo IV. SS. Antonius, Hilarion, Pachomius, Ammonius, Oresius, Macarius uterque, Basilius &c. *ibid.* Monachi diversis olim nominibus audiebant Cœnobitæ, Anachoretæ, & Ascetæ *ibidem*.

Monasticum institutum ex Oriente, ubi occiperat, aditum in Occidentem transvevum est, inveltumque in Italiam a SS. Ambrosio, & Eusebio Vercellensi; in Gallias a SS. Martino, Honorato &c., atque longe, lateque propagatum dein a S. Benedicto *p. 66, et seq.* Clericali vitæ Monastica institutio conjuncta olim fuerat, in Oriente, quidem a S. Athanasio &c., in Occidente vero a SS. Eusebio, Ambrosio, Augustino, Martino, Augustino Cantuariensi &c. Monastici instituti hostes Protestantes, ex hisque Chamierus, Spanhemius, & Piceninus eo progressu impudentiæ sunt, ut hostes etiam facerent SS. Patres; sed profligatissimi sycophantæ polithabentur *p. 108.* Videbis *V. Caelibatus*, & *V. Sanctimoniales*.

Monomotapæ Rex de re Christiana instructus a Romano Pontifice viros idoneos, qui de Romanæ Ecclesiæ dogmatibus gentem imbuerent suam, mitti depoposcir *p. 515.* Mortonius Thomas quam perverse, tam perperam Tertulliani locum, insignem de Romano Pontifice in Ecclesia summopere pote elevare, ac Rhenani interpretationem in-

torquens, ac interpolans elidere enixus est *p. 295, et seqq.*

Moschi, sive Rutheni a Græcis equidem, sed Romanæ Ecclesiæ adhuc conjunctis Christianæ fidei rudimenta primitus acceperunt; sed in Græcorum schisma non nisi longe post & ipsi prolapsi sunt *p. 489.* Qui ex Moschis Principibus primus Christi nomen dedit, Spendobius dicitur: qui apud Moschos Christianam rem amplificare studuit, Wolodemirus audit *ibidem*. Qui ex iis Romano Pontifici reverenter assurrexerint, & auscultarint, ac ad Romanæ Ecclesiæ unionem, & fidem aspiraverint *p. 490.* Muszus. Videbis *V. Jurians*.

N

Natalis Alexander circa singulare Romani Pontificis privilegium de fidei controversiis judicandi multa commiscet, turbatque nec vera, nec recta *p. 199.* Nec magis rectam, ac veram illustri S. Augustini loco de suprema Pontificis sententia in causis fidei interpretationem adhibuit *p. 208, et seqq.* S. Thomæ pariter apertissima testimonia de Pontifice supra Concilium pote, ac in fide prorsus indefectibili sinistrorum inflexit *p. 374.* Abs vero toto ostio aberravit, dum autumavit Donatistas a S. Melchiade P. M. ad Constantinum Imperatorem appellasse *p. 415, et seqq.* S. Irenæo perinde vim intulit, quum aliorum liquidum ipsius locum accepit *p. 566.*

Nestorianis, qui Patriarchæ nomine præerant, cum suæ, tum gentis fidei sponsores ad Romanæ Ecclesiæ

sic communionem se recipientes ejusdem fidem profitentur, obedientiaque semet obstringunt . p. 216, et seqq. 223, 225, 233, et seqq. 238, et seqq.; ac 242.

S. Nicephoro Constantinopolitano Patriarchæ nihil accidebat antiquius, quam Romani Pontificis de fide dictis obaudire, fidei suæ professionem illi exhibere, se sequere de fide edocendum integre dedere p. 207.

Nicetas Pectoratus a Legatis S. Leonis IX. disputatione superatus, vietas submisit manus dedit, ac Pontifici M. eodem privilegia, quæ a Latinis attribuuntur, ulro citroque & ipse deferre officio duxit p. 212, et seq.

S. Nicolaus I Pontificis decretis deberi obedientiam etiam internam ex animo declaravit, ac denegantes diris cunctis devovit p. 672, et seq.

Nicolaus V. Græcis Urbis, & Imperii excidium vaticinatus est, nisi ad Romanæ Ecclesiæ obedientiam redirent: id ipsum prædixerat S. Birgitta p. 230.

Nicolaus Cardinalis Cusanus ex S. Optati sententia apposite docet in Cathedra Pontificis Romani constitutum fuisse a Christo D. Principatum Ecclesiæ; Ecclesiamque universam eidem Cathedræ sacrorum consortio conjungi oportere p. 298.

Nilus, & Illyricus Pontifici Romano Primatum fuisse a Conciliis delatum, non autem jure divino institutum de prava sua comminiscens sententia repelluntur p. 665.

Norifus S. Basilii intinam sententiam circa Canonem VIII. Nicænum rite attingit, Tillemontius non ita p. 292.

O

O Beditiam pedum externam, simulatam, sed internam etiam ac sinceram Apostolicæ Sedis decretis deberi ex Summorum Pontificum auctoritate, & Gallicanæ Ecclesiæ doctrina demonstratur p. 671, et seqq.

Opinionis de Pontifice haud infallibili, Concilioque generali inferiori Epocha in Concilium Constantiense, ante quod opposita omnino obtinebat, recte conjicitur a Duvalio, Tappero, Bannezio, & Maimburgo p. 608, et seq.

S. Optatus Milevitanus Cathedram Romani Pontificis Ecclesiasticæ communionis Caput, & Centrum, nec non Catholicæ Ecclesiæ notam esse docebat: cum ea convenire, omnes oportere: ab eadem sententiam enuntiatam irreformabilem esse, ac in omnes auctoritatis copiam emanare: Schismaticum esse, & hæreticum, qui ab ejus obedientia, & doctrina abscedit, & dissentit p. 297, et seqq. Librum 7. ipsius særum esse incitantur Dupinus, & Rivetus, genuinum e contra pugnant Balduinus, & Tillemontius *ibidem*. Quo sensu dixerit a Synodo Romana sub S. Melchiade Donatistas appellasse ad Constantinum p. 416.

Ordinationem sacram, sive Ordinem, veluti vocant, Sacramentum esse a Servatore institutum ex traditione recte credimus. Ordinis varios esse gradus, in hisque Presbyteris superiores Episcopos esse traditione etiam tenemus p. 27, et seq. Orientales. Videffs V. Græci.

Origenes Pelagii errorem circa gratiam

tiam præformavit equidem, non etiam errorem circa peccatum originale. Per calumniam itaque hunc errorem illi affricant Coccus, & Hottingerus; perque injuriam abjudicant illi homilias in Leviticum p. 98. Romanam Ecclesiam potissimo loco habuit, ac Romano Pontifici fidei suæ rationem fuisse reddendam approbe persuasum eidem fuerat p. 181, & seq.

Originali peccato omne hominum genus (demptis Christo D., ac Deipara) infectum fuisse traditio est in Ecclesia retenta, cujus testes liquidi, locupletisque accedunt SS. Patres sive Græci, sive Latini p. 97, & seqq. Origenis, & S. Chrysostomi recta hocce de dogmate sententia defenditur p. 981. Dogmatis autem istius defensor, & adiutor S. Augustinus ab hæreticorum calumniis abstergitur p. 100, & seq.

Ostrogothorum in Italia Regnum, quando, & a quo cœperit; in quo, & quando defecerit p. 456, & seq.

S. Otho Bambergensis Religionis fundamentum, ac firmamentum in S. Petro, ejusque Successore Romano Pontifice a Christo D. constitutum fuisse, ac constabilitum, a quo reflectere nefas foret, perspectum, persuasumque intime habuit p. 346, & seq. Ei in sententia æquales steterunt Antislites alii cum scientia, tum sanctitate conspicui *ibidem*.

Otho Magnus Imperator Romanæ Ecclesiæ donationes a Regibus Francorum factas confirmavit, nova dominia adjecit, ac sacramento obedientiæ semet obstrinxit p. 451, & seq.

Otho III. Gregorio V. P. M. adversus Tyrannum auxilio præstito fuit, *Pars I.*

neque obsequio defuit p. 452. Oudin. Videbis V. *Anchialinus*; & V. *Germanus*.

P

Pachymerus Georgius Pontifici Romano Primatum non denegat; ad eumque appellandus non insciatur; cui in opinione cohaeret Nicephorus Gregoras, etsi uterque schismate afflatus pag. 212.

Pagius pleraque utilia valde, dignaque scitu observavit circa indulgentias, puta, apocryphas, particulares, specificas, plenarias &c. p. 76. S. Thomæ summam ab invidia Launoi egregie liberat p. 372. Donatistas a S. Melchiade P. M. appellasse ad Constantini tribunal minus vere autumat p. 415, & seq. Papebrochius contra Quesnellum affirmanti potius S. Hilarium, quam S. Leonem M. excessisse, ac S. Leoni præ S. Honorato fidem adhibendam, recte sententiam adjudicat p. 428. Romanæ Urbis dominium cum Francorum Imperatoribus partitos fuisse Pontifices non recte affirmat p. 550, & seq.

Pallavicinus Cardinalis a Protestantium invidia, qua coarguuntur sacrilegæ nundinationis, quasi venales fecerint Indulgentias, Romanos Pontifices tam vere, quam egregie vindicat, & defendit p. 78.

Papebrochius sententiam suam, qua dixerat ante sæculum XI. non inveniri specificatam Indulgentiam, rite, jureque retraxit, & emendavit p. 76. S. Leoni M. potius quam S. Honorato Arelateni fidem apponendam fore, ac præ S. Leone S. Hilarium in culpam esse

A a a a a se

Immobile fundamentum, ac *Incon-*
cussum firmamentum vocant: nunc
Verticem, *Caput*, & *Principem*;
nunc *Magistrum*, *Dactorem*, ac
Pastorem; quibus in fide plane in-
fallibilem, ac potissima in Eccle-
sia præditum auctoritate designant,
& prædicant p. 353, & seqq.

S. Petri Chrysologi sententia Ponti-
fex in S. Petri persona fidei est
fundamentum, Ecclesiæ Petra, &
Princeps; in causis fidei nec fal-
lere, nec falli potest; deque iis-
dem illo inficio, aut invito Episco-
pis fas non est dignoscere, & di-
judicare p. 312, & seq.

S. Petrus Damiani de S. Romana Ec-
clesia optime sepe promeritus est
ob egregiam operam, qua divinas
eiusdem prærogativas a schismaticis
oppugnatas in libertatem, bon-
namque lucem asseruit p. 341, &
seq. Ita pariter apud ipsum S. Ari-
aldus Mediolanensis p. 342.

Petrus Antiochenus S. Leoni IX. fide
se devinxit, fidei suæ professionem
direxit, confirmarique sibi gra-
dum obnixè depoposcit p. 213.

Petrus de Marca unitatis Ecclesiasti-
cæ vinculum, & centrum in Apo-
stolica Sede constitutum rectè affir-
mat; exindeque necessitatem im-
positam Ecclesiis omnibus cum ea-
dem communicandi, et consentien-
di infert p. 299, & 668. Pontifi-
cem denique ex sua, & communi
sententia infallibilem, Concilio-
que superiorem adstruit p. 605, &
seq. Neque unam ex libertatibus
Ecclesiæ Gallicanæ esse, quod Pon-
tifex Concilio sit inferior, approve
asserit p. 662, & seq.

Philippi utriusque Patris, et Filii Im-
peratorum Christianæ Religionis
professio, etsi aliis veterum aucto-

ritati innixis accepta sit, attamen
suspecta admodum Eruditis multis
evadit, atque ex veteribus etiam
monumentis exploditur p. 411, &
seq.

Philippus, et Paschasius a Apostolica
Sedis Apocrisarii in Concilio Ephe-
sino, et Chalcedonensi Pontifi-
cem M. Fidei & Ecclesiæ Caput su-
premum prædicaverunt p. 312.

Philothæus Alexandrinus Patriarcha
erga Pontificem æst. et obsequii,
fidei, obedientiæque optime com-
paratus erat p. 226.

Phocas ad Bonifacii III. P. M. ex-
postulata, sicuti Pagus, & Lupus
rectè observant, non autem ex
odio proprio in Cyriacum, uti Ba-
ronius, Binnius, & Brietius au-
tumant, lege lata sancivit, ut
Constantinopolitani Antistites de-
inceps ab Œcumenici titulo abstin-
erent. A Phoca Pontificis Romani
Primum obtrusum ogganiunt
post Lutherum, Calvinum, &
Centuriatores Molinæus, Othoma-
nus, & Basnagius, quos depellit
Baronius p. 441. S. Bonifacio IV.
idem Phocas dedit Pantheon cele-
bre delubrum a Marco Agrippa
ædificatum *ibidem*, & seq.

Picennius Videsi V. Chamierus S. Scri-
pturæ libros traditione in Ecclesia
obtinuisse, eique subscribi ab se
non negat p. 112.

Pilgrinus Lauriacensis, & S. Heri-
bertus Colonienfis Apostolicæ Se-
di animum apponere approve af-
fectum p. 339, & seq.

Pœnitentiam, prout Sacramentum,
divinæ institutionis esse, ex opere
operato gratiam conferre, & tri-
bus partibus constare dogma est
jugi doctrinæ Patrum, Concilio-
rum, ac Pontificum innixum p. 26,

A a a a a & seq.

& seq. In Sacramento pœnitentiæ confessionem peccatorum debere esse integram ex traditione sit exploratum *p.* 58. Confessionem privatam, quam veluti auricularem vocamus, fuisse olim, ac jugiter frequentatam exemplis innumeris, ac testimoniis invictissimis confirmatur *p.* 58, *& seqq.* Catechumeni, antequam baptismo abluerentur, aut peccata confessi, aut de confitendis peccatis admoniti leguntur aliquando *p.* 60. In re Confessionis cum Occidentali semper convenit Ecclesia Orientalis; etsi ab eo ritu aliquantum desciverint deinde Orientales nonnulli schismate, aut hæresi afflati, uti Copti, uti Nestoriani, uti Jacobitæ *p.* 61. Doctrina de certorum casuum reservatione aut ab Episcopis, aut a Pontificibus sibi facta in veteri praxi, ac traditione Patrum fundamentum obtinet *ibidem*. Pœnitentiæ Sacramentum vel Patrum testimoniis impugnare audacissime, adorsus Dallæus dispellitur *p.* 109. De pœnitentia pro peccatis vide *V. Indulgentiæ*.

Poloniæ Ducum primus Micislaus christianam Religionem amplexatus Romano Pontifici actutum obsequio, & obedientia se obligavit *p.* 486. Qui ex Ducibus Regiam dignitatem affectaverint, & conferri a Pontifice obnixè exposulaverint: quibus denegata, quibus elargita, quibus adempta *ibidem*. Poloniæ Regnum Ecclesiæ Romanæ submissum fuit, ac clientare factum *ibidem*, *& seq.* Polonos inter Principes controversiæ exortæ ad Pontificem dirimendæ delatæ *p.* 487. Romano Pontifici qui impense se devoverint, obedientia se dede-

rint, ipsius dignitatem, ac jura defenderint *ibidem*, *& seq.*

S. Polycarpus Romæ ad S. Anicetum profectus est Pontificem consulturus de Paschatis controversiâ: qui si plene Pontifici non adquevit, in causâ fuit persuasio cum de traditione a S. Johanne Evangelista in Asia accepta, tum de re agi ad disciplinæ caput attinente *p.* 177. Valesius hanc de Paschate questionem Romanæ professioni a S. Polycarpo adornatæ causam præbuisse inficiatus repellitur *p.* 178.

Polygamia vetustis Patriarchis indulta, ac licita erat: ita enim docent, & tradunt SS. Patres nec doctrina minus pendendi, nec numero opido pauci *p.* 169.

S. Pontii Martyris Cimellensis actuum commentitiis adconsentur a viris eruditis conjecturis validis certe subnixis *p.* 413.

Pontifex Romanus, dum profectio-nem adornaret, Eucharistiam ad collum appendere consuebat; cui veteri mori subrogatus subinde is est Eucharistiam ante eum deferendi. Indultum id etiam Galliarum Regibus Roberto, & S. Ludovico legitur *p.* 50. Pontifices plerique a Luthero, a Germanis, a Paulo Sarpio impudentissime accusati sacrilegæ, turpisque nundinationis, qua venales fecerint indulgentias, vindicantur *p.* 78. Pontificibus solemnè fuit semper sollicitudine summa Christianorum ubique res sive corporales, sive spirituales curare, & procurare *p.* 178, *& seq.* De controversiis Ecclesiasticis decernentibus obaudire, & obedire Episcopi, & Ecclesiæ religionis, officique loco habuerunt *p.* 181. A Pontifice de-

creta

creta sua robur invidium accipere Synodis ipsis approbe fuit persuasum p. 184, & seq. Quo, & quanto in pretio Romani Pontificis cum potestas, tum de fide doctrina a SS. Patribus Græcis habita fuerit p. 176, & seqq. Quæ de S. Petro loca habentur Lucæ 22, et Matthæi 16, de Romano Pontifice pariter acceperunt SS. Patres p. 189. Pontificem in fide prorsus infallibilem, ac potissima in Ecclesia præditum auctoritate Græci Episcopi, et Scriptores, antequam schismate affluerent, unanimi sententia tenuerunt semper; quinimo ex schismaticis ipsis quamplurimi doctiores, ingenioque mitiores p. 211, & seqq. Pontifices MM. sæpissime Græcos de Apostolicæ Sedis primatu, adnexisque prærogativis edocuerunt, emittendæ fidei professionis formulam eisdem præscribere p. 218, & seqq. Qui, et quot in hoc studii, curæ, ac sollicitudinis genere speciatim emicuerint, schismaticisque ad frugem reducendis intenti incubuerint p. 220, et seqq. Pontifices sæpius de sententia ab Orientalibus expostulati controversias fidei supremo jure definire p. 221, et seqq. In causis dubiis etiam ad disciplinam atinentibus sententiam a Pontifice accipere Episcopi officio ducunt p. 323, et seqq. In fidei causis ex Pontificis sententia procedendum a Synodis etiam est p. 330. Quatenus Pontificem utroque privilegio infallibilitatis in fide, ac potestatis Concilio potioris a Deo donatum ultrocitraque fasti, et professi sint Scriptores qua Græci, qua Latini Videtis V. Græci, et V. Latini. Pontificis Romani Primatum, adne-

xasque prærogativas adstruere, ac defendere nullo non tempore obnixè studuerunt Doctores innumeri in Jure sive Theologico, sive Canonico peritissimi tum scriptis exaratis, tum etiam sanguine effuso, quorum brevis exhibetur elenchus p. 398, & seqq. Pontificis Primatum ex adverso divino jure institutum quinam ex hæreticis aut veteribus, aut novatoribus inficias eant: qui a sæculi Potestatibus inducunt ogganiant p. 409, & seqq.; qui sæculares apud Potestates integrum stare opinentur p. 410, & seqq. Qui contra pugnent, atque ex Catholicis non modo viri doctissimi, sed imo ex Protestantibus ibidem. Pontificum decreta adversus schismaticos, hæreticos, & refractarios edita executioni demandari, observarique christiani Imperatores religiose, obnixèque curarunt p. 419, & seqq. Græcorum Imperatores post conflatum a Cæsarario schisma ad communionem cum Romano Pontifice redintegrandam quinam adspiraverint, quantaque animi demissione Pontificibus integros permiserint se se, ac professionem fidei ab ipsis præscriptam ambabus ulnis sint amplexati p. 447, & seqq.

Pontifices MM. Francorum Imperatoribus Patriatus insignia ad defensionem Romanæ Ecclesiæ contulerunt quidem, non etiam Urbis dominium cum eisdem partiti sunt, aut jus eudendæ monetæ iisdem concesserunt, sicuti ex Nummis nonnullis id non rectè intulerunt Pagius, & le Blanc: non enim Imperatorii ii erant, ut ipsis visum est, sed Pontificii, uti Pagius Ju.

- Junior, & Gentilius rite observant p. 550, & seq. Formulas fidei, ac fidelitatis Apostolicæ Sedi nuncupandæ, in iisque de Pontificis divinis prærogativis expresse profitendis qua Occidentalibus, qua Orientalibus præscribere Romanis Pontificibus in more positum erat p. 585, & seqq.
- P**ontificis Monarchia, sive Primatus jure divino, non humana institutione sive civili, sive ecclesiastica obtinuit p. 664, & seqq. Pontificum decreta adversus hæreses, aut circa fidem ab universa Ecclesia ulla absque dubitatione, aut cunctatione adutum fuisse semper admissa multis exemplis sit manifestum p. 668, & seqq. Exinde contra schismaticos, & hæreticos acriter disputandi argumentum desumptum a Latinis Doctoribus approbe est p. 670, & seq. Pontificiis Constitutionibus deberi obedientiam dumtaxat externam docuere Gersonius, Arnaldus, Gallicus alii; sed deberi etiam internam declaratum a Pontificibus est, atque ex doctrina Gallicanæ Ecclesiæ demonstratur p. 671, & seqq. Pontificum epistolæ dogmaticæ nunquam a Conciliis ad examinis incudem sunt revocatæ; qui hoc obtrudunt, contra semet pugnare ostenduntur p. 678, & seq. Ab Apostolica Sede ad Concilium appellantes a Pontificibus MM. anathemate damnantur, & a Gallicanis Antislitibus infamix nota infliguntur p. 679, & seq.
- P**ossessor, & Eulalius Africani Episcopi ab Apostolica Sede de fide exquirendum fore, ejusdemque fidei adquiescendum ratum, institutumque habebant p. 319, & seq.
- S.** Prosper Romanum Pontificem loco præ Conciliis potiori tenuit, idest infallibilis prorsus, jurisque potissimi; ei vero æquales in sententia plerique alii Patres steterunt p. 313, & seq.
- P**salmodiæ divinæ ritum ex traditione descendere SS. Patrum, ac Scriptorum sacrorum testimoniis multis demonstravit doctiss. Cardinalis Bona p. 63, & seq. Psalmodiæ perennis usus apud Monachos viguit: a quibus inductus, & apud quosnam invaluerit p. 64.
- P**urgatorium extare, ubi torqueantur, qui peccatorum reliquiis non expiati penitus fato suo concesserunt, ibique extantes Christi fidei suffragiis adjuvari jugis in Ecclesia sive Orientali, sive Occidentali retenta traditio est p. 101, & seqq. Quamquidem traditionem confirmant Liturgiæ, librique Ecclesiastici Latini, & Græci; perpetuæque praxis Ecclesiæ Græcæ, & Latinæ. Quinimo dogmati huic de Purgatorio testimonium perhibent Hebræi, ac Novatorum multi, Æthiopes, sive Copti p. 103. Qui contra refragantur, dignis pro temeritate vapulant p. 106.

Q

Quadragesimæ, aliorumque temporum Jejuniorum institutionem ex traditione trahit, cui testimonium perhibent SS. Patres, observantiam confirmant Concilia, retinendamque consuetudinem jubent Pontifices MM. pag. 69, & seqq. Dominicis diebus non jejunandum antiquus est ritus: jejunatum olim feriis 4, & 6; alicubi in

bi in Sabbatho juxta variam Ecclesiarum disciplinam memoriz demanatum est p. 70. Jejunii tempore abstinendum a delectis cibis; ab esu carnum, ab usu casei, & ovorum: abstinendum imo alicubi a vino, ab oleo, a piscibus monumetis litterarum proditum est p. 71. Circa horam solvendi jejunium diversa lex, ac disciplina pro diversitate locorum, temporum, & jejuniorum *ibidem*. Quid quod priscis Christifidelibus prandere non ante horam 6. in more positum erat in diebus etiam jejunio non dicatis? *ibidem*, & seq. Quid imo, quod Christifideles bene morati, ac ferventiores semel in die dumtaxat ad vespertam, aut Nonam, aut Sextam cibo refici consuecebant? De cœnula, sive refectiuncula, quæ hodie collatio dicitur, quid dicendum de origine, & abusu? p. 72. Jejunii Ecclesiastici infesti hostes hæretici, imo insensos facere Patres pro impudentia non erubescerent profligantur p. 108, & seq.

Quesnellus S. Hilarium cum S. Leone M. commissum absolvens, causaque, ac jure potiorē affirmans a Papebrochio, & Pagio exploditur p. 428. Ecclesiæ tribunal supremum eminere in Romana, ac Romanæ Ecclesiæ traditiones ab universa semper in honore habitas, iisque fidei fundamentum superstructum rite, vereque scripsit, etsi suo more deinde sibi æqualis haud steterit p. 621, & seq.

R

Rabanus Maurus S. Petro iudicialiæ potestatis summam, ac Principatum tribuit; in fide firmatum a Christo D. tradit; ideoque in ipsius fide cunctos conquiescere oportere: quæ dein privilegia Romani Pontificis propria facit pag. 332.

Radberti Paschasii librum de Corpore, & Sanguine Domini depravit pro ingenio Protestantium proprio Hiobus Gastus: sed hujus imposturas detexit, diluitque Mamertus Lucemburgensis p. 41.

Ratherius Veronensis, quæ Romana Ecclesia reciperet, aut reprobarer, dogmata recipienda, aut reprobanda omnino fore affirmabat p. 338, & seq.

Rationum Theologicarum invictis momentis Pontificis Romani Primatus, supra Concilia potestas, ac in fide infallibilitas suaseretur, & persuaderetur p. 664, & seqq. Potissimum ex Religionis unitate, ac Regiminis Monarchici ratione p. 666, et seqq. Præterea ex obedientia etiam internæ Pontificiis decretis debita p. 671, et seqq. Postremo ex communione, & consensione cum Pontifice circa fidei dogmata ab omnibus tenenda p. 685, et seqq.

Raynaldus Parisii commenta, & columnias de Roberto Lincolnienſi depexuit, & dispunxit p. 373.

Reges, virique Principes Occidentis Romano Pontifici observantia, & obsequio speciatim addicti quinam, & quot p. 456, & seqq. Regum christianorum primus ab Epi-

Episcopis unctione sacra inauguratus fuit Recaredus Hispaniarum Rex, non Clodoveus Rex Francorum. Ex Francis primus Rex consecratus, ac bis quidem, primo nimirum a S. Bonifacio Episcopo, ac deinde a Stephano III. P.M. fuit Pippinus p. 466. Reges Romanæ Ecclesiæ vestigiales S. Gregorii VII. testimonio erant Reges Russiæ, Hispaniæ, Hungariæ, Sardinæ, Bohemiæ, Aragoniæ, Angliæ, Daniæ, Castellæ, Sueciæ, Poloniæ, &c. p. 478.

Reges, alique Orientis Principes Romanum Pontificem impense colere, iubenti morem gerere, edocenti pronas apponere aures sibi proposuere, ejusque fidei integre se permiscere p. 491, & seqq. Regibus quotquot, qui Romano Pontifici devotos se præbuerunt, res divini, humanæque optime semper cesserunt p. 515, & seq.

Regino Prumiensis Apostolicam Sedem ab hæresi omnino tutam tenuit p. 338.

Reliquias, Imaginesque Sanctorum in honore, pretioque habendas concors est SS. Patrum traditio p. 83, & seqq. Ejusmodi erga Sanctorum Reliquias, Imaginesque religio olim ethnicis, & hæreticis odio erat, quibus propterea frequens, quibus possent modis, in sacras exuvias, reliquias, imaginesque deservire, suppressere, & disperdere, adulterare, & profanare p. 85.

Reliquias, & Imagines e converso prisce Christi fideles tanto prosequerantur religionis affectu, ut nihil eorum prætermitterent, quibus Sanctorum patrocinium, ac suffragium promerent p. 85, &

seqq. Hinc inductus varius, multiplexque modus, ritusque colendi, religionique habendi Reliquias, & Imagines *ibidem*. Hinc devotionis ardor ille profectus adeo perinde excreverat, ut paullatim in abusus quosdam excesserit, quibus propterea ab utraque potestate laica, & Ecclesiastica ut prospiceretur, operæ pretium fuit *ibidem*. Videtis V. *Imagines*.

Rhenani vera cujusdam Tertulliani loci illustris de potestate Romani Pontificis interpretatio exponitur, atque a Mortonii calumnia vindicatur p. 296, & seq.

Richelæus Cardinalis amplissimus Gallicanæ Ecclesiæ gloriæ, laudique deputavit eximium, enixumque studium, quo Apostolicæ Sedi semper adhæsit, ejusque Constitutiones excipere, venerari, & observare religioni, officioque jugiter duxit p. 560.

Rodolphus I. Imperator B. Gregorio X. obedientia, obsequioque se devovit, devinxitque. Invidia, injuriaque in eum egit Hippolythus a Lapide homo Lutheranus, dum ob munificentiam erga Romanam Ecclesiam exercitam in culpam vocavit p. 455.

Rufinus Aquilejensis post Origenem Pelagii errori circa gratiam equidem adhæsit, non etiam hæresi circa peccatum originale p. 98. Recta, & proba sensit, & tenuit de privilegiis Romani Pontificis p. 303.

Ruperto Tuitiensi de Romano Pontifice auctoritate suprema prædito, ac in fide falli, & fallere prorsus nescio optima insedit opinio p. 347, & seq. Liber de divinis officiis nonnullis ipsi abjudicatus, ceu genuinum

num ipsius opus defenditur ,
ipsique restituitur *ibidem* .

Rutheni græcanico schismate , erro-
ribusque ejuratis Romanæ Ecclesiæ
reconciliati sæpe obedientiam ei
polliciti sunt , ejusque doctrinam
professi . Emicuerunt inter eos
Episcopali dignitate insignes 9. viri
suo , gentiliumque suorum nomine
istiusmodi officium impendentes .
Nonnisi igitur calumniando , &
commentando Ruthenam irrecon-
ciliabilem cum Romana Ecclesiâ
adstruxit *Buddæus ibidem* . Cur
Rutheni deinceps ad Romanæ Ec-
clesiæ obedientiam non sint rever-
si , impedimento fuit , superbiæque
sua fecit Meletius Pegas p. 250.

S

S Abaudix Duces , nunc Reges Sar-
dinix nullo non tempore suæ erga
Apostolicam Sedem eximix devo-
tionis specimina illustria dederunt
pag. 459. & seqq. Ob hæc egre-
gius laudum elogiis Augustam Do-
mum Sabaudix extulit Paulus III ;
insignibus autem privilegiis cumu-
larunt alii Pontifices p. 461.

Sacramenta duo duntaxat Calvinus
admisit : Lutherus mox unum ,
mox duo , mox tria . Septem om-
nino tum ex traditione divina ,
tum ex S. Scriptura edocta admit-
tit Ecclesia p. 24 , & *seqq.* Vi-
desis V. *Traditio* .

Salmasius Episcopis gradu æquales
Presbyteros , & quidem S. Cypria-
ni opinione , facere præsumpsit ,
sed profligatur p. 258 , & *seq.*

Sanctimonialium institutio iisdemmet ,
qui Monachorum institutum inter
viros induxerunt , ortum suum

Parti L.

debet , ac signatum SS. Antonio ,
Athanasio , Pachomio , Basilio ;
Benedicto , Ambrosio , Hierony-
mo , Augustino &c. p. 67. Deo di-
catarum Virginum velum quadru-
plici in specie olim erat , professio-
nis , consecrationis , prælationis ,
& ordinationis ; quorum imponen-
dorum usus , & ritus varius *ibidem* ,
& *seq.*

Sacrorum cultum , & invocationem
ex traditione descendere unanimi
consensione docent SS. Patres , Con-
cilia , & Pontifices MM. p. 82 , et
seq. Sacrorum , ac Martyrum ma-
xime notitiam ex una ad Ecclesiam
alteram , ex Græca ad Latinam ,
viceque versa per Encyclicas de-
ferre veteri in more positum erat
p. 87. Videsis V. *Imagines* , et
Reliquia .

Sarpis Paulus , sive Suavis Polanus
impudentissimo mendacio post Lu-
therum , aliosque Protestantes Ro-
manis Pontificibus , quasi Indulgen-
tias venu exposuissent , sacrilegæ
nundinationis turpissimam macu-
lam affricuit p. 78.

Saxonix Dux Georgius cum sui lau-
de ob enixum , quo Pontificem M.
prosequeretur , studium a Luthero
Diaboli Apostolus dictus est
p. 488. Fridericus Augustus Po-
lonix deinde Rex ad Ecclesiæ Ro-
manæ unitatem regressus , eique
sacramento religionis obstrictus ab
Innocentio XII. elogus est exorna-
tus *ibidem* .

Sclavorum , sive Servix Rex Stepha-
nus ad Romanæ Ecclesiæ fidem
conversus ætutum ejus rem ampli-
ficare in Regno , Regnum vero in
ejus cliemelam transcribere , Bul-
garos etiam ad ejusdem obedien-
tiam redintegrare obnix curavit ,

B b b b b

& pro-

- & procuravit p. 494, & seq.
- Scotiz Regum primus Donaldus Romanæ Ecclesiæ sacris vix initiatus statim iisdem Scotos suos imbui studuit p. 478, et seq. Scotorum Regnum quo anno institutum; quot Reges usque ad Mariam Reginam S. Romanæ Ecclesiæ impense studuerint; quis eorum sacris primus fuerit Episcopi nomine præfectus; quinam præ aliis Reges in obsequio, & observantia erga Romanam Ecclesiam speciatim emicuerint p. 479, et seqq.
- Scripturæ Sacræ testimoniis abuti in suorum errorum defensionem solenne hæreticis semper fuit; quin imo eo impudentiæ summæ devenerunt plerique sepe, ut SS. Patribus S. Scripturæ abusus exprobarent. Celebrata sunt ejusmodi temeritatis exempla in Pelagianis, & Socinianis, in Erasmo, & Clerico, in Grotio, & Vossio, qui ad unum omnes vapulant p. 100. Nisi Traditione duce legitimus S. Scripturæ sensus assequi nequit p. 104. Ideo ab hæreticis jugiter in diversis, & adversas itum est sententias p. 105. S. Scripturæ Canon non semper idem Orientali, qui Occidentali, nec idem Syris, qui Latinis usu olim venerat p. 117.
- Siciliæ Reges regalibus insignibus, ac regnandi jure a Romanis Pontificibus donati, & adornati sunt p. 459. Siculæ Monarchiæ nomine quid venerit; quid privilegii obtentum sit; a quo Pontifice indultum, & ad quem usum denique redactum *ibidem*.
- S. Sixti III. P. M. stupri accusati historia, nec non acta Romanæ Synodi hac de causa habitæ suspectæ admodum fidei sunt p. 428.

- Soardus vir doctiss. ab egregio studio, operaque diligenti, quibus SS. Cypriani & Stephani causam pertractavit, laudum præconiis celebratur p. 280, & seq. Item ab opera haud abssimili, qua S. Augustini de Apostolica Sede clarum, & præclaram sententiam in aprico posuit p. 312.
- Socratis, & Sozomeni expressa sententia absque Pontificis auctoritate Synodus nulla obtinet; Synodorum acta, & sententiæ absque robore abeunt; Romano Pontifici ab omnibus in fide consentiendum, ac præcipienti obtemperandum est p. 191, et seqq.
- Sommier Dupinum in S. Ennodium parum æquum perstringit, dignisque pro impudentia afficit p. 317, et seq.
- S. Sophronius Hierosolymitanus, Sergius Cyprius, & Stephanus Dorentis ad Apostolicam Sedem, tanquam ad supremum in terris tribunal, idque in fide infallibile, Monothelitas hæresis nomine deferunt; atque a Pontifice fidei catholicæ dogmata in tuto collocari obnixè depolcunt p. 203, et seq.
- Spanhemius Fridericus, & Thomas Smith Græcorum fidem circa Encharistiam elevare non veriti; Cophtorum Salmasius; Æthiopum Ludolphus; Nestorianorum Crouxus; Armenorum Salmasius iterum, & Smithæus dignis pro temeritate vapulant a Clariss. Renaudotio, Simonio, Affemano, Echelenfi, Arnaldo, Brunio &c. imo ab suis symmilitis Schrodero, Oleario, Ricautio &c. p. 37. Nulla satis solida conjectura Spanhemius, & Basnagius negant Lucium Regem ex Britannis primum Religio-

ni christianæ dedisse nomen p. 467. Stationes Romanæ, iisque adfixæ Indulgentiæ a quo, & quando inceperint. Videbis V. *Indulgentiæ*.

S. Stephanus I. P. M. rebaptizantibus baptizatos ab hæreticis minas intencavit: ne ultra minas exiliret obsecratus a S. Dionysio Alexandrino est: num autem Jus in illos distinxerit, ac sacrorum consortio interdixerit, lis est inter eruditos; contententibus aliis ex Jure egisse illum cum Firmiliano, & Asianis, non item cum S. Cypriano, & Airis; aliis tæque cum utrisque; aliisque cum neutris p. 265, et seq. S. Stephanus hæreticorum Baptismum non admisit quemcumque; per calumniam hunc ipsi errorcin appingunt maleferiati homines, nec uti pugnant, S. Cypriani opinione in fide erravit; quem admodum ad oculus viri doctissimi ostendunt p. 267, et seqq. Videbis V. S. *Cyprianus*.

S. Stephanus Junior dictus, ac Martyr citra conscientiam Romani Pontificis Concilium peragi nefas est arbitratus p. 207.

Stillingfleetus Eduardus cum V. Bedæ, tum Anonymi a Spelmanno editi auctoritate Pontificis Romani Primatum subruere enixus a Cl. Schelestratio, & Pagio erroris, & calumniæ manifestissimæ coarguitur, & revincitur p. 328. Spelmanus ipse de Anonymi illius auctoritate, & ætate dubitat *ibidem*, & p. 519. A Schelestratio item ob intortum sinistorsum locum Concilii Arelatenfis in epistola Synodica ad S. Silvestrum redarguitur p. 519.

Sulacha Nestorianorum in Syria Patriarcha suo, suorumque nomine

Romani profectus Pontifici fidem nuncupavit, summo ipsum se habere potestatis gradu, graduque fidei, ex quo decidere nullo posset modo, professus p. 233, et seq. Synodici libelli auctor quis, an S. Cyrillus Hierosolymitanus, an S. Germanus Constantinopolitanus, an, verisimilius uti videtur, Anonymus Scriptor IX. Sæculi? p. 181. Syropolus Silvester injuria egit adversus Josephum Patriarcham, utpote quod fœderi in Concilio Florentino sancito subscripserit. Syropolum impudenter laudat Greythonus, sed utrumque pro meritis castigant Allatius, Labbeus, & alii p. 251.

T

Tartarorum Reges nonnulli diversis temporibus Religionis christianæ Sacramentis imbuti de Romano Pontifice impense colendo, de Christianæ fidei dogmatibus eidem edocenti auscultando studium, ac sollicitudinem induerunt p. 501, et seqq. Rem christianam nullo non tempore apud Tartaros FF. Minorum opera potissimum curarunt, ac procurarunt Romani Pontifices, quorum dignitas maximo in pretio a Tartarorum Principibus habita est *ibidem*. Tartaros circa mediam Ecclesiæ ætatem ad Nestorianorum errores delapsos conjicit nonnemo p. 504. Tartaris, qui Principis nomine præfuisse legitur Presbyter Johannes Romanæ Ecclesiæ fidem, ritusque amplexus est. De ejusdem nomenclatura, ac Regni situ variz Eruditorum conjecturæ: verisimilior

B b b b a lior

- lior est illorum, qui non in Africa, sed in Asia illius imperium collocant p. 505. Homonymus alter priori illi in obsequio Pontifici deferendo, seque ipsius doctrinæ permittendo integre par fuit *ibidem*, et seq.
- Tertulliani insignis locus quominus dogmati de Christi D. præsentia in Eucharistia infensus sit, recte exponi potest p. 52, & seq. Locus ipsius alter liquidus de Romani Pontificis suprema potestate illustratur, atque a Mortonii sinistra interpretatione vindicatur p. 294, & seqq.
- S. Tharasis Constantinopolitanus Antistes Pontificis M. de fide iudicio adquiescere integre, demisseque officio duxit, eundemque superiori in Ecclesia loco habere p. 206, & seq.
- Theodoretus partes non minus quam supra Synodus, ac in Ecclesia supremas, prærogativam etiam de fide irreformabilem ferendi sententiam Romano Pontifici approbete p. 193, & seq.
- Theodoricus Gothorum Rex Odoacro occiso Regno Italix invasis: Laurentium adversus S. Symmachum insurgentem compescuit, legitimum vero Pontificem loco stare suo iussit, ipsiusque causam Synodo integram detulit p. 456.
- S. Theodorus Scudites Pontificis supremæ potestatis, ac a fide indefectibilitatis assertorem, ac vindicem acerrimum non semel se exhibuit p. 207, & seq.
- Theodosius Echinienfis Stephani Larisensis ad Apostolicam Sedem interpositam appellationem persequitur, geminumque in Pontifice ius approbe distinguit Primatis, & Patriarchæ p. 199.
- Theodosius, Gratianus, & Valentinianus Romanum Pontificem sacrorum in Ecclesia summa potiri, Sacerdotis christianis præfectum, potestate suprema præditum agnoscunt, ac Religionem, quam ipse profiteretur, subditis suis ut profiterentur, sacra iussione sunt auctores p. 422.
- Theodosius Junior Romanæ Ecclesiæ abstractum jus in Illyricum religiose restituit: Episcopis suis in causis Ecclesiasticis nedum intactum, reservavit, sed etiam in civiles detulit: a Pontificibus decreta observari, executionique demandari sedulo curavit p. 425. Nonnihil labis tamen exinde contraxit, quod parum æquum se præbuit Ephesinæ legitimæ Synodo; & plusquam æquo favorem pseudo-Ephesino Concilio impenderit: sed obrep- tum ei fuisse, ac proinde excusatione dignus ostenditur p. 426.
- Therapeutæ, quorum celebre apud Philonem nomen, an Christiani, an Monachi, an Iudæi, an Esseni essent, haud levis inter Eruditos lis est. Verisimilius videtur nec Monachos, nec imo Christianos exegisse, sed bene moratos quidem, puris tamen putosque hereticos de Essenorum secta p. 69.
- Theophilus Cæsarensis ad Romani Pontificis nutum, ac Romanæ Ecclesiæ ritum in Ecclesiasticis controversis se componere religioni, officioque habuit p. 181.
- Theophylactus S. Petrum post Christum D. Ecclesiæ petram, & fundamentum, officioque præditum in fide confirmandi Christianifideles adstruit p. 209, & seq. Consentanea his habent Theophanes, Psel- lus, Euthymius, & Balsamon p. 211.

Thi-

Thibeti, Regionumque finitimarum Reges magna de Romano Pontifice, ejusque potestate existimatio incelsis, a nostris nempe ingesta; magnamque spem fecerunt fore, ut Christiana sacra amplecterentur p. 506, & seqq.

S. Thomas Cantuariensis erga Romanam Ecclesiam obsequio, & obsequantia approbe affectus alioquin excusandus est, si contra Romanam Curiam in querelas paulo acerbiores aliquando se effudit p. 365, & seqq.

S. Thomæ Aquinati Summam egregie vindicat Pagius, atque ab invidia Launoj defendit p. 372. S. Thomas quam perpetuus, tam perspicuus est in docendo Pontificem, Concilio auctoritate præcellere, atque infallibilitatis prærogativa esse præditum p. 374, & seqq. Qui aliorum S. Doctoris testimonia intorquere enituntur, procul repelluntur *ibidem*. S. Thomæ intimum sensum attingit quidem Launojus, sed causatus interea suppositio S. Cyrilli opere S. Doctorem deceptum refellitur p. 375.

Thomasius Christianus, & Johannes Lyserus ambo e Protestantium grege quam impure, tam impudenter affirmantes sive legi naturæ, sive connubii juribus non opponi sive concubinatum, sive polygamiam reprehendendi sunt, ac procul repellendi p. 29.

Thomasinus egregie locum quemdam ex epistola Synodica Concilii Arelatensis ad S. Silvestrum illustravit, ex eoque Pontificis summam potestatem apposite commendavit p. 519, & seqq. Benedictus X. epistolam ad Stephanum Claromontanum attribuit, quæ potius Johanni XX. tribuenda fuerat p. 531.

Tillemontius Videtis V. Bailletus. Abs vero abest, quod adnotavit a S. Basilio fuisse ignoratum Canonem 8. Concilii Nicæni p. 292.

Tourneminius Vide V. *Mistorius*. Tonsura olim alia clericalis, alia laica; illa induta circa Sæculum VIII, illa ab initio Ecclesiæ: item alia S. Pauli, quæ Orientalium propria, alia S. Petri, quæ peculiaris Occidentalem semper fuit p. 325, & seqq.

Tournellius S. Augustini locum illustrem de finitimo Pontificis judicio, aut rite non est astutus, aut inepte aliorum inflavit p. 309. Difficillimum fore ex Ss. Patrum traditione non agnoscere Pontificis supra Concilia potestatem, ac infide infallibilitatem confessus ingenue est p. 353. Inceptum est, quod excogitavit, effugium de Pontifice tum infallibili, quando fundamentum Ecclesiæ indivisum est, non quando fundamentum est ab Ecclesia divisum; nec sibi æqualis stetit p. 543, & seqq. Eiusdem sensu ideo ut dogma obliget quæpiam, sufficit acceptatio Ecclesiæ, in qua ipse exigit *ibidem*.

Traditio quid nomine suo præferat; circa quæ obversetur, quorumnam testimoniis innitatur, quibusve regulis dignoscatur p. 2, & seqq. Post Deiverbum scriptum secundum obstat auctoritatis locum: id Scriptura, id Traditio ipsa, id Ecclesiæ, id ratio evincunt p. 4, & seqq. Traditio Judæis est lex oralis, Pentateuchus lex scripta: lex oralis, si ipsis fides, id est Misna ab anno 292. ante Christum accepit absque ipsa lex scripta observari nequit p. 5, & seqq. S. Eusebius legem oralem acceptam referunt Judæi: a Rabbi

B b b b 3 Hac.

Haccadosh in libros digestam, adornatumque circa annum 150. post Christum Misna: in id commentaria elucubrata duo præsertim, idest Gemmara: ex Gemmara vero, & Misna conflata duo Thalmuda Hierosolymitanum, & Babylonicum p. 6, *et seq.*

Traditiones a Christo D. accepisse Apostolos Ecclesiæ coneredendas restantur ipsimet Apostoli, & tradunt SS. Patres p. 7, *et seqq.* Traditiones contra Rivetum vindicat Grotius p. 9. Contra hæreticos defendunt SS. Patres p. 10, *et seqq.* Traditione Ecclesiæ cum in Conciliis, tum extra Concilia hæreses conterere consuevit p. 19, *et seq.* Traditione controversias definire Romanis Pontificibus solemne exitit p. 21, *et seqq.* Traditione multa in Ecclesiâ dogmata obtinent p. 22, *et seqq.* In his Canon S. Scripturæ p. 22, *et seq.* S. Scripturæ sensus *ibidem*. SSmæ Trinitatis Mysterium p. 23. Nomina Ingeniti, & Consubstantialis de Patre, & Filio Spiritus S. Divinitas: a Filio processio, & cum ipso coæqualitas *ibidem*. Doctrina de Verbi Incarnatione, deque duabus in Christo naturis, voluntatibus, & operationibus *ibidem*, *et seq.* Christi descensus ad inferos: Dominicæ Crucis signum *ibidem*. B. Virginis divina Maternitas p. 24: perpetua virginitas, atque immunitas ab omni peccato: ejusdem Assumptio in Cælum anima, & corpore *ibidem*.

Traditioni acceptus refertur septenarius Sacramentorum numerus; ac traditione edocta Ecclesiâ est de eorundem materia, forma, effectibus, & cærimoniis p. 25. Traditi-

oni innititur doctrinæ de Baptismi gratia, & caractere, necessitate etiam in parvulis, ac validitate, et si collati ab hæreticis *ibidem*. De Confirmationis Sacramento, caractere, et Ministro p. 25, *et seq.* De Eucharistia, & gratia ab ea collata p. 26. De Pœnitentia, ejusque partibus *ibidem*, *et seq.* De extrema Unctione p. 26. De Ordine, ac diversis gradibus *ibidem*, *et seq.* De Matrimonio, ejusque impedimentis p. 28, *et seq.* De Christi D. præsentia in Eucharistia p. 29, *et seqq.* De Transubstantiatione p. 33. De Sacrificio Missæ p. 39, *et seqq.* De Missa privata p. 43, *et seqq.* De Communione laica, ac sub una specie tantum p. 44, *et seqq.*

Traditione celebratæ evaserunt cærimonix in Sacramentorum consecratione p. 54, *et seqq.* Baptismi *ibidem*; Confirmationis p. 55; Eucharistiæ p. 56, *et seq.* Lex consistendi peccata p. 58, *et seqq.* Publicarum Ecclesiæ precum usus p. 61, *et seq.* Psalmodiz ritus p. 63, *et seq.* Institutum Monachorum p. 64, *et seqq.* Sacra cælibatus lex Monachis, & Clericis imposita p. 68, *et seq.* Jejunii Quadragesimalis, aliorumque temporum inductio p. 69, *et seqq.* Indulgentiarum clargitiones p. 72, *et seq.* De cultu, & invocatione Sanctorum doctrina p. 82, *et seq.* De eorum item Reliquiis, & Imaginibus p. 83, *et seqq.* Dogma de divina gratia p. 90, *et seqq.* De libero arbitrio p. 93, *et seqq.* De justificatione p. 95, *et seqq.* De peccato originali p. 97, *et seqq.* De Purgatorio p. 101, *et seqq.*

Traditione duce S. Scriptura rite intelligi-

telligitur, & exponitur p. 104. Traditione SS. Patres adversus hæreticos dimicant, dimicandumque docuerunt p. 105. Traditioni hæretici quamplures victas dederunt manus p. 106. ; quamplures vero Traditionem in suorum errorum defensionem accersere non erubuerunt *ibidem*, et seqq. Traditioni generatim refragantur hæretici qua veteres, qua novatores, qui ad unum omnes vapulant p. 113, et seqq. Traditiones non unius generis sunt omnes; sed alie spectant ad fidem, alie ad mores, alie ad disciplinam; juxta quæ Traditiones alie Divinæ, alie Apostolicæ, alie Ecclesiasticæ denominantur p. 145.

V

Valentianus Imperator causis Ecclesiasticis se ingerere religiose abstinuit. Decreta a Pontificibus MM. executioni demandare sedulo adlaboravit pag. 419, et seqq. Ejusdem vestigiis insulterunt Gratianus, Valentinianus II, & Theodosius p. 420, et seqq. Valentinianus III. p. 426, et seqq.

Valesius ad Pontifices Romam appulisse cum S. Polycarpum ob causam Paschatis, tum S. Irenæum SS. Martyrum Lugdunensium vice, legationeque defungentem, non erat cur inficias iret, causamque itineris alteram comminisceretur p. 178. Constantinum M. usurpati juris Ecclesiastici coarguit; sed Imperator excusatione dignus multo ex capite ostenditur p. 417, et seqq.

Veccus Johannes Constantinopolita-

nus Patriarcha Latino nomini pridem subinfensus perleclis Nicephori Blemmidæ scriptis, ejuratis cum schismate erroribus, veritati manus victas dedit, Romanæ Ecclesiæ doctrinæ, unitati, & communioni se devinxit, Romanumque Pontificem ceu supremum sacrorum Principem, auctoritate in Ecclesia pntissimum, ac in fide, prorsus infallibilem colere cæpit p. 222. Ejusdem vestigiis inhæserunt deinde Græcorum alii doctrina, ac dignitate conspicui *ibidem*.

S. Victor P. M. an Asianos in celebrando Paschate a ritu Ecclesiæ Romanæ sacro abscedentes anathemate inusserit, dissentiunt viri docti. Verisimilior eorum, qui affirmant, opinio videtur p. 180, et seqq.

Victor Carthaginensis Pontificis officio deputat fidei puritati prospicere, hæresum pestes profligare, & Ecclesiarum ubique unitatem procurare: cui in sententia pares adhæserunt Columbus, Stephanus, & Reparatus Africani item Antistites p. 324.

Vincentii Lirinensis aureæ regulæ ad dignoscenda, quæ revera inter fidei dogmata sint deputanda, proponuntur, atque ad propositum doctrinæ circa Romani Pontificis divinas prærogativas aptantur p. 408.

B. Virgini Mariæ omni laude dignissimæ levem aliquam culpam aliquando tribuisse visi sunt aliqui Patres p. 114, et seqq. Eidem culpæ originalis labem aspersam fuisse a nonnullis SS. Patribus temere, ac falso jactant Kemnitius, Rivetus, & Erasmus p. 115. Ejusdem Deiparæ immunitas ab omni vel levi, vel originali culpa adstruitur, & defenditur p. 123, et seqq.

Virgi-

Virgines christianæ ingenti olim numero Martyrio affectæ fuerunt, quin antea pudicitiaæ honos illis fuisset ademptus, contra quam temere, injuriæque existimavit S. Martinus p. 167. Virgines etiam nonnullæ exstiter, quæ speciali Spiritus S. afflatu, ne pudicitiaæ jacturam paterentur vel invitæ, ulterocitroque sibi mortem consciscerunt *ibidem*, et seq.

Vossius Gerardus dum affirmavit a S. Cypriano, & Africanis non omnium indiscriminatum hæreticorum baptismum fuisse reprobatum, toto ipse ostio abs veritate aberravit p. 272, et seq. Nec minus aberravit, dum præterea ex S. Cypriani sententia Pontificem M. de fide periclitatum fuisse adseruit p. 276, et seqq.

Urbanus IV, Clemens IV, aliique Pontifices MM. Græcis, aliisque schismaticis ad unitatem, fidem, & obedientiam, revocandis diligentem navaverunt operam, in id signatum incumbentes, ut Apostolicæ Sedis divinitus collatas prærogativas illis colendas, locoque habendas potissimo demonstrarent p. 218, et seqq.

Urbanus V. Bulgaros, Cazaros, & Blachos ut reduceret ad frugem, enixe satagit p. 495.

Ursinus Romanus S. Stephanum I. ab invidia omnia liberat, atque ab iniusta calumnia abstergit. Cujus ætatis, cujusve illius scriptor iste fuerit, inquiritur, & conjecturis efficitur p. 174, et seq.

Usserius recte in eos locis ex symmictis irvehitur, qui SS. Patribus, minus, quam par esset, æquos se præbent p. 111.

Usuras licitas non existimasse veteres

Christianos res certo certior est, in confesso posita a SS. Patribus p. 160, et seqq. Qui usuras licitas docuere, primi non fuerunt Græci schismatici, bene vero Cathari nuperi, sive Patareni, ac cum ipsis Calvinus, Carolus Molinæus, Salmasius, Launojus, Thierrius, Broederfenius, Jansenistæ &c., contra quos pugnant vel ex Protestantibus ipsis Beza, Cloppenburgius, Amæsius, Grotius, Puffendorfius, Noodt, Placetæus, Budæus, Spanhemius &c. in eo peccantes tamen, quod moderatas usuras licere, modo non exigantur ab egenis, & immoderatas dumtaxat illicitas esse effutiant p. 161, et seq. At illicitas esse usuras omnino omnes jure naturali, divino, & ecclesiastico demonstratur ex S. Scriptura, Traditione, Ecclesiasticis legibus, & rationum momentis p. 162, et seqq.

Walafridus Strabo a Romano Pontifice Monarchiam Ecclesiæ geri; ad eundem Ecclesiarum causas undique deferri; ab eodem decreta a cunctis observari debere; eumque in loco ab errore omnino tuo collocatum esse approve affirmat p. 333.

Wesselus Johannes Indulgentias inutilis pro vivis, & defunctis temere dicit: inutilis pro defunctis denuntiavit etiam Johannes Chymiensis: quodque pejus, errorem Patrum sententia comprobare non erubuerunt, qui propterea jure optimo a Lupo, & Amort vapulant p. 108.

Witte S. Augustini celebrem locum de irreformabili Pontificis judicio alienum in sensum detorquere, inepte studet p. 308.

Zeno

Z

Zeno Imperator volens, nolensque cognovit Pontificem Romanum potestate supra Concilia esse collocatum: potestatis hujusce particulam esse dispensare circa Canones Conciliorum: ac Pontifici præcipienti obaudiendum, obtemperandumque etiam a Conciliis pag. 431, & seq. Zenonis autem

Henoticum non obtinere, donec Pontificis calculo probaretur, Anastasius etiam agnovit; non secus atque se a Pontifice anathemate potuisse percelli; a Pontifice fidei quæstiones definiri debere; in B. Petro fidei fundamentum positum fuisse, Ecclesieque fortitudinem firmatam, ideoque de fide a Pontifice decretis ab omnibus obsequendum, & adquiescendum, pag. 432, & seqq.



ERRATA.

CORRIGE.


Pag. 29	Lin. 36	adefse adefse	adefse
35	43	transubftatiationem	Transubftantiationem
36	40	Antiochene	Antiocheno
38	6	Grabriel	Gabriel
58	30	iu	in
61	26	Crodegundum	Chrodogangium
64	3	Turovenfe	Turonenfe
65	32	Maxims	Maximus
71	30	Hiernymo	Hieronymo
73	35	Zephirini	Zephyrini
74	21	Eleemofinis	Eleemofynis
81	1	viribus	viribus
82	21	Maximino	Maximo
85	42	Juvenco	Juventino
89	1	Rreliquiis	Reliquiis
90	28	Spiritus S.	Spiritus S., fi ejus tamen eſt
123	29	Tragedia	Tragœdia
127	9	Symbo	Symbolo
135	8	Johannes	Johannis
179	13	Confefſorum	Confefſorum
ead.	17	Pontificum	Pontificum
ead.	24	ſentia	ſententia
201	13	tanta	tantæ
202	3	Synodi	Synodicam
205	24	Ciziceno	Cyziceno
227	4	peracta	peractæ
250	7	Wandingus	Wadingus
269	3	præviſſe	præviſſe
273	26	collatum	collatus
319	4	atqua	atque
332	8	lege-fiſ	lege-fiſ
339	28	quood	quod
341	10	vobis	vobis
343	6	unus	ullus
353	14	indeficientiæ	indeficientiæ
366	22	proſequitur	proſequitur
387	23	ejuſdem	ejuſdem
431	1	celebrari	celebrari
432	17	quam	qua
456	13	excitatas	excitatis
ead.	ibid.	turbas	turbis
458	7	eoque	eaque
482	36	pallo	paullo


ERRATA.

CORRIGE.

Pag. 484	Lin.	30	Succosfore	Succosfore
504		16	adhorttus	adhortatus
505		24	dictus	dictus
506		16	virisimilius	verisimilius
523		31	condemnavit	condemnavit
548		36	Baronim	Baronium
563		10	fuisse	fuisse
566		7	xtalem	xtatem
ead.		25	Glassio	Gallassio
571		10	obstringere	obstringere
582		33	solummodo	solummodo
601		34	auctoritatem	auctoritatem
608		7	Urbannum	Urbanum
627		9	Trinita	Trinitate
632		8	minus	minus
638		15	Academiam	Academia
639		35	illis	illi
669		27	116	106
673	tit.		ARTICULUS XI. §. II.	ARTICULUS XII.
677	ibid.		ARTICULUS XI. §. II.	ARTICULUS XII.

MAG 700





C



